

አራሳ ጫቁዋ ጎፋሶ



New Testament in Gofa

ኦራሳ ጩቂዋ ጎፋሶ

New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files dated 29 Jan 2022

c35d6c73-3843-5482-b53e-7559d35deee5

Contents

ማቶሳ	1
ማርቆሳ	43
ሉቃሳ	71
ዮሃንሳ	113
ሃዋርያት ኦሱጥ	145
ሮሜ	185
1 ቆሮንቶሳ	203
2 ቆሮንቶሳ	219
ገላቲያ	230
ኤፌሶና	236
ፊልጶሲጶና	242
ቆላሲያሳ	247
1 ቴሴሎንቄ	252
2 ቴሴሎንቄ	256
1 ዲሞቲዮሳ	258
2 ዲሞቲዮሳ	263
ቲቶ	267
ፊልሞና	270
ኢብራዌ	272
ያይቆባ	285
1 ጳውሎሳ	290
2 ጳውሎሳ	295
1 ዮሃንሳ	298
2 ዮሃንሳ	303
3 ዮሃንሳ	304
ዪሁዳ	305
ዮሃንሳ ቆንጩሳ	307

ማቶሲ ዓፊዲ ዩሱስ ኪሪስቶስ ዋንጌላ ጋሳ ቆፋ

ማቶሳ ዋንጌላይ፡ ያና ጌቲቲዲ ኡፋይሳን ናጌቲያ እሾይሲ ዩሱሳ ጊዳይሳኔ ያሳይ ጋልጋ ጫቁዋን ባ አሳስ አሚዳ ኡፋይሳ ቃላ ፖሊዳይ ኢያ ባጋራ ጊዳይሳ ኦዲያ ዋንጌላ። ሃ ዋንጌላይ ዩሱሲ ኤንታ ጊደን ዩሌቲዲ ዲጩዳ አይሁዴታ ዓላላስ ጊደናሽን ኩሚሳ አላሚያ ኡባሳ።

ማቶሳ ዋንጌላይ፡ ዳር ናጌቲላን ዓፊቲዳ ማፃፋ። ማቶሲ ባ ማፃፋ ዩሱሳ ዩሌቲላን ደሚዳ፡ ኢያ ዓማቁቲላኔ ኢያ ፓጩቴላ ኦዲ ሲሚዲ፡ ጋሊላን ኢ ሳባኪዳባ፡ ታማርሲዳባኔ ሃርጋንቾታ ፓሊዳባ ኦዴስ። ሃሳፊ ካሊዲ፡ ዩሱሲ ጋሊላፕ ዩሩሳላሚ ቢዳይሳኔ ኢ ሃ ሳባን ዴዲዳ ዋዴ ወርሴላ ሳሚንታን ሃኒዳባታ ቆንጩሴስ። ሄሲካ ኢያ ካቁቲላ፡ ኢያ ሃይቁዋኔ ኢያ ዴንዲዋ ኦይኬስ።

ሃ ዋንጌላይ፡ ዩሱሲ ያሳ ሃጊያ ቢርሻናው ማቲ ዴዴይሳኔ ያሳ ካዋቲላባ ታማርሲያ ጌታ አስታማሬ ኦሊዲ ሺሼስ። ኢያ ቲሚርቲያፊ ዳሪያ ባጋይ ዴማ ዴማ ማራን ጌቲቲዳ ኢቻሹ ኪፊሌታን ቫኬቴስ።

1. ያሳ ካዋቲላን ዴዲያ አሳ ሃናቲላ፡ ኦሱዋ፡ ማታኔ ወርሴላ ቃዳ ኦዲያ ዳሪያ ቦላ ቲሚርቲያ (ሺም 5-7)።

2. ታማኔ ናምቡ ታማሬቲ ዋንጌላ ሳባካናው ቢዳ ዋዴ ኤንታው ኢሜቲዳ ካሌሱዋ (ሺም 10)።

3. ያሳ ካዋቲላባ ታማርሳናው ሸቂዳ ዴማ ዴማ ሌሚሶታ (ሺም 13)።

4. ኢያ ታማሬ ጊደባ ቢርሼላ ኦዲያ ቲሚርቲያ (ሺም 18)።

5. ሃዲ አላሚያ ወርሴላኔ ያሳ ካዋቲላ ዩሳባ ኦዲያ ቲሚርቲያ (ሺም 24-25)።

ማቶሳ ዋንጌላ አይፌ ቆፋታ
ዩሱስ ኪሪስቶስ ዩሌቲላ ሱሳኔ ኢያ ዩሌቲላ 1:1-2:23
ዓማቂያ ዮሃንሳ ኦሱዋ 3:1-12

ዩሱሳ ዊንቃቲያኔ ፓጩቴላ 3:13-4:11

ዩሱሲ ጋሊላን ባ ኦሱዋ ኦይኪዳይሳ 4:12-18:35

ጋሊላፕ ዩሩሳላሚ ጋካናው 19:1-20:34

ወርሴላ ሳሚንታ ዩሩሳላሚ ሄራን 21:1-27:66

ኅዳ ሃይቆፕ ዴንዲዋኔ ቆንጩላ 28:1-20

ዩሱሳ ዩሌቲላ ሱሳ (ሉቃ 3:23-38)

1 ሃይሳፊ ካሊዲ ዓፊቲዳይሲ ዳዊቲ ናባ አብራሃሚ ናባ ጊዲዳ ዩሱስ ኪሪስቶስ ዩሌቲላ።

2 አብራሃሚይ ዩሳቃ ዩሊስ፤ ዩሳቁ ያይቆባ ዩሊስ፤

ያይቆቢ ዩሁዲኔ ኢያ አሻታ ዩሊስ፤

3 ዩሁዲ ቲዲሚሪፕ ፋሬሴኔ ዛራ ዩሊስ፤

ፋሬሲ አስርሚ ዩሊስ፤ አስርሚይ ራሚ ዩሊስ፤

4 ራሚይ አሚናዲቤ ዩሊስ፤ አሚናዲቤ ናባሶና ዩሊስ፤

5 ናባሶኔይ ሳልሞና ዩሊስ፤

ፍ ሳልሞኔይ ራባቢፕ ቦዴዛ ዩሊስ፤

ቦዴዛ ኡሩቲፕ ኢዮቤዳ ዩሊስ፤

ኢዮቤዲ ኢሴዬ ዩሊስ፤

6 ኢሴዬይ ካወዋ ዳዊቲ ዩሊስ፤ ዳዊቲይ ኦሪዮ ማቼፊ ሶሎሞኔ ዩሊስ፤

7 ሶሎሞኔይ ርቢዳማ ዩሊስ፤ ርቢዳማይ አቢያ ዩሊስ፤

አቢዬይ አሳፊ ዩሊስ፤

8 አሳፊ ኢዮሳፊዳ ዩሊስ፤ ኢዮሳፊዳይ ኢዮራሚ ዩሊስ፤

ኢዮራሚይ ኦዚያኔ ዩሊስ፤

9 ኦዚያኔይ ኢዮባታሚ ዩሊስ፤ ኢዮባታሚይ አካዛ ዩሊስ፤

አካዚ ሃዚቁያሳ ዩሊስ፤

10 ሃዚቁያሳ ሚናሴ ዩሊስ፤ ሚናሴይ አሞና ዩሊስ፤

አሞኒ ኢዮሲያሳ ዩሊስ፤

11 ኢሰራዴሌ አሳይ ዲዴቲዲ ባቢሎኔ ቢታ ቢዳ ዋዴ ኢዮሲያሳ ኢኮኒያናኔ ኢያ አሻታ ዩሊስ።

12 ባቢሎኔ ቢታ ኢሰራዴሌ አሳይ ዲዴቲዲ ቢዳፕ ጉዬ ኢኮኒያኒ ሳላቲያሌ ዩሊስ።

ሳላቲያሌይ ዜራባቤላ ዩሊስ፤ 13 ዜራባቤላ አብዲዩ ዩሊስ፤

አብዲዩይ ኤሊያቄሜ ዩሊስ፤
ኤሊያቄሜይ አዛራ ዩሊስ፤

14 አዛሪ ሳዶቄ ዩሊስ፤

ሳዶቄይ አኪሜ ዩሊስ፤

አኪሜይ ኤሊያዳ ዩሊስ፤

15 ኤሊያዳ አላዛራ ዩሊስ፤

አላዛሪ ማታኔ ዩሊስ፤

ማታኔይ ያይቆባ ዩሊስ፤

16 ያይቆቢ ዮሴፋ ዩሊስ፤

ዮሴፊ ኪሪስቶስ ገያ ዮሱሳ ዩሊዳ
ማይራሚ አዘና።

17 ሂዛ፣ ዩሌቴላይ አብራሃሜፕ
ዳዊቱ ገካናው ታማኔ ኦይዳ። ዳዊቱፕ
ቢዲ ባቢሎኔ ዲዑዋ ገካናው ታማኔ
ኦይዳ። ባቢሎኔ ዲዑዋፕ ቢዲ
ኪሪስቶስ ገካናው ታማኔ ኦይዳ
ዩሌቴላ ገዴስ።

ዮሱስ ኪሪስቶስ ዩሌቴላ
(ሉቃ 2:1-7)

18 ዮሱስ ኪሪስቶስ ዩሌቴላ
ታሪኬይ ሃይሳፊ ካሌይሳ። ኢያ
አያ ማይራማ ዮሴፋስ ኦይሼታ
ዳዳሼ ዮሴፋሩ ጋሄቶና ጌሻ አያናፕ
ቃጎላታሱ።

19 ዮሴፊ ጻሎ አሲ ገዲዳ ገሾ
ኢዮ አሳጎ ከሳናው ኮዩቤና። ያኒያ
ገሾ ቆሳጎ ኢዮ አጋናው ቆፕስ።

20 ኢ ሄ ቆፋጎ ዳዲሺን ያሳ
ከታጎቾይ አሙሆን ቆንጨዲ፣
«ዳዊቱ ናናው፣ ዮሴፋ፣ ማይራማ
ቃጎላቲዳይ ጌሻ አያናፕ ገዲያ ገሾ
ኢዮ ኤካናው ያዮፋ» ያገሰ።

21 ኢያ አዳ ናና ዩሳና፣ ኢ ባ ዳሪያ
ኤንታ ናጋራፕ አሺያ ገሾ ኢያ ሱጎላ ኔ
ዮሱሳ ጋዳ ጃጋና።

22 ጎይይ ናቢያ አሳያሳ ዳና፣

23 «ሄገ ጌላዲያ ቃጎላታና፤ አዳ
ናዓካ ዩላና፤ ኢያ ሱጎላይ አማኑዔላ
ጌቲታና» ጎይሲ ፖሌታና ሜላ ሃ ኦባይ
ሃኒስ። አማኑዔላ ጌይሳስ ቢርሼላይ
«ያሳይ ኑራ ዳዴስ» ጉስ።

24 ዮሴፊ ጲስኮፊ ባርኪዲ ጎዳ
ከታጎቾይ ከቲዳይሳ ሜላ ማይራማ
ባ ሶ ኤፊስ።

25 ሺን ባ ባይራ ናና ዩላና ገካናው
ኢዮ ቦቹቤና፤ * ዩሌቴዳ ናናካ ዮሱሳ
ገዲ ጃገስ።

2

ደሎሃፕ ዩዳ አሳታ

1 ካወዋ ሄርዲሳ ዎዴን ዮሱሲ
ዩሁዳ ቢታጎ ቤቴሌሜ ካታማን
ዩሌቴዳይሳፊ ጉዩ ያለንቶ ታይቢያ
አሳቲ ደሎሃፕ ዩሩሳላሚ ዩዲ፣

2 «ዩሌቴዳ አይሁዳ ካዎይ አዉን
ዳዲ? ኑኒ ደሎሃ ባጋራ ከዩዳ ኢያ
ያለንቱዋ ቤዒዲ ኢያው ጎይናናው
ዩዳ» ያገዲ ኦይቹደሶና።

3 ካዎይ ሄርዲሲ ሄሳ ሲዒዳ ዎዴ
ዳጋሚስ። ዩሩሳላሚን ዳዲያ አሳይ
ኡባይካ ዳጋሚደሶና።

4 ሄርዲሲ ካሂኔ ሃላቃታኔ ሂጌ
አስታማሬታ ባኮ ጃገዲ፣ «ኪሪስቶሲ
አዉን ዩሌታጎዴሻ?» ያገዲ ኤንታ
ኦይቹስ።

5 ኤንቲካ፣ «ዩሁዳ ቤቴሌሜና፤
ናቤይ፣

6 «ዩሁዳን ዳዲያ ቤቴሌሜ፣
ዩሁዳን ዳዲያ ጎባ ካታማታፕ፣
ኔኒ አይቢንካ ጉዮካ።
ታ ዳሪያ ኢስራዔሌ አይሳናይሲ፣
ኔፕ ከዩና» ገዲ ፃፊስ»

ያገደሶና።

7 ሄሳፊ ጉዩ፣ ሄርዲሲ ደሎሃፕ
ዩዳ አሳታ ጌማን ጃገዲ፣ ያለንቱዋ
ኤንቲ ቤዒዳ ዎዲያ ኤንታፊ ጌሺዲ
ኤሪስ።

8 ኢ ኤንታና ቤቴሌሜ ዩዲሼ፣
«ቢዲ ዩሌቴዳ ናና ሚንሱዲ ኮዩቴ፤
ኢያ ሂንቲ ዳሚዳ ዎዴ ታካ ባዳ
ኢያው ጎይናና ሜላ ሲሚዲ ዩሼ ታው
ኦይቱ» ያገሰ።

9 ኤንቲካ ካዎይ ሄርዲሲ ገዳይሳ
ሲዒዲ ቢደሶና፣ ኤንቲ ደሎሃ ባጋራ
ቤዒዳ ዩሌቴዳ ኤንታና ካሌሊሼ
ናዒይ ዳዲያሱዋ ገካናው ኤፊስ።

10 ኤንቲ ሄ ያለንቱዋ ቤዒዳ ዎዴ
ገታ ኡፋይሲ ኡፋይቲደሶና።

11 ሶ ጌሊዲ ናና ባ አዩ
ማይራሚራ ዳዲያ ቤዒደሶና።
ኢያው ጉልባቲዲ ጎይኒደሶና። ባንታ
ሳጃኒያ ዳዲዲ ዎርቃ፣ ኢፃኔኔ ካርቤ
ኢያው አሚደሶና።

12 ኤንቲ ሄርዲሳኮ ጉዩ ሲዋና ሜላ
ያሳይ አሙሆን ኤንታው ኦዲን፣ ሃራ
ኦጌራ ባንታ ቢታ ሲሚደሶና።

ገብጃ ባቃቱዋ

13 ደሎሃ ባጋፊ ዩዳ አሳቲ ቢዳፕ
ጉዩ፣ ጎዳ ከታጎቾይ ዮሴፋስ አሙሆን
ቆንጨዲ፣ «ሄርዲሲ ናና ዎቆናው ኮያ
ገሾ ዳንዳ፤ ኤሌሳዳ ናና ናና አዩው

1:18 ሉቃ 1:27 1:21 ሉቃ 1:31 1:23 ኢሳ 7:14 * 1:25 ኢዮ ቦቹቤና፣ ማቹራ አዘናራ
አቄይሳዳ ኢሲፊ አቄቦኮና ጉስ። 1:25 ሉቃ 2:21 2:6 ሚክ 5:2

ኤካዳ ጊብፄ ቢታ ባ። ኔ ሲማና ዋዲያ ታ ኔው ኦዳና ጋካናው ያን ጋምዓ» ያጊሰ።

14 ሄሳ ጊሾ፣ የሴፊ ሄ ቃማን ዴንዲዲ፣ ናዓኔ ናዓ ኣዪው ኤኪዲ ጊብፄ ቢሰ።

15 ናቢያ ደናን ያሳይ፣ «ታኒ፣ ታ ናዓ፣ ጊብፄ ቢታፊ ፃጋሰ» ጌቲቲዳ ቃላይ ፖሊታና ሚላ ሄሮዲሲ ሃይቃና ጋካናው ኢ ያን ዴዒሰ።

16 ሄሳፊ ጉዬ፣ ደሎሃ ባጋፊ ዪዳ ኣሳቲ ኢያ ጨሚዳይሳ ኤሪዳ ዋዴ ዳሮ ዪሎቲስ። ኢ ካሴ ኤንታፊ ስዒዳይሳዳ ቤቲሎሜኒኔ ሄ ሄራን ዴዒያ ናምቡ ላይሉ ኩሚዳይሳታኔ ናምቡ ላይሳፊ ጋርሳን ዴዒያ ኣዴ ናይታ ኡሳ ባ ዋታዳሬታ ዬዲዲ ዋዲሲሰ።

17-18 ናቢያ ኤርሚያሳ ደናን፣ «ዬሆይኔ ዜሌልሲ፣ ራማ ካታማን ሰዒቲሰ። ራሄላ ባ ናይታሰ ዬካዉሰ፤ ኤንቲ ሃይቁዳ ጊሾ ሚኔታናው ዳንዳባቡኩ» ጊዲ ኦዲዳይሲ ፖሊቲስ።

ናዚሬቲ ሲሙዋ
19 ሄሮዲሲ ሃይቁዳፕ ጉዬ ጊብፄን ጎዳ ኪታንቾይ የሴፋሰ ኣሙሆን ቆንጨዲ፣

20 «ናዓ ዋቆናው ኮያ ኣሳቲ ሃይቁዳ ጊሾ ዴንዳዳ ናዓኔ ናዓ ኣዪው ኤካዳ ኢሰራዔሌ ቢታ ሰማ» ያጊሰ።

21 የሴፊ ዴንዲዲ ናዓኔ ናዓ ኣዪው ኤኪዲ ኢሰራዔሌ ቢታ ሰሚሰ።

22 ሽን ኣርኬሊዮሲ ዪሁዳን ባ ኣዋ ሄሮዲሳ ቤሳን ካዋቲዳይሳ ሰዒዳ ዋዴ ያ ባናው ያዪስ። ያሳይ ኣሙሆን ኢያው ቆንጨሲን ጋሊላ ቢታ ቢስ።

23 ናቤታ ደናን፣ «ናዚሬቲ ኣሲ ጌቲታና» ጊዲ ኦዴቲዳይሲ ፖሊታና ሚላ ናዚሬቲ ካታማ ቢዲ ያን ዴዒሰ።

3

ፃማቁያ የሃኒሳ ቲሚርቲያ (ማር 1:1-8፤ ሉቃ 3:1-17፤ የሃ 1:19-28)
1-2 ሄ ዋዴ ፃማቁያ የሃኒሲ፣ «ያሳ ካዋቲላይ ማታቲዳ ጊሾ ሂንቲ ናጋራፔ

ሲሚቲ» ያጊዲ ሳባኪሼ ዪሁዳ ባዞ ቢታ ቢስ።

3 ናቢያ ኢሳያሲ የሃኒሳባ ኦዲዳይሳ ሚላ፣

«ባዞ ቢታን፣ ኢሰይ ባ ቃላ ጶቁ ኦሊዲ፣

ጎዳ ኦጊያ ጊሲቲ።

ኢያ ሆርጋ ፒዲ ኦሊቲ» ጊሰ» ያጌቲዳይ ኢያሳ ያጊሰ።

4 የሃኒሲ ጊማሌ ኢኪሴፔ ኦሴቲዳ ኣፊላ ማዔስ። ባ ፃሳን ዳፎ ዳንጨ። ስ። ኢ ሚያ ካላይካ ቦሌኔ ዴጌራ ኤሲ።

5 ኣሳይ ሄ ዋዴ ዬራሳላሚ ካታማፔ፣ ዪሁዳ ቢታ ኡባፊኔ የርዳናሴ ሻፋ ሄራፔ ኢያኮ የሶና።

6 ባንታ ናጋራ ፓዲዲ የርዳናሴ ሻፋን የሃኒሳ ኩሼን ፃማቁቶሶና።

7 የሃኒሲ፣ ዳሮ ፋሪሳዋቲኔ ሳዲቃዋቲ ፃማቁታናው ባኮ ዬይሳታ ቤዒዲ፣ ኤንታኮ፣ «ሃ ኢታ ሽሻቶ፣ ያና ያሳ ሃንቁዋፊ ባቃታና ሚላ ሂንቴና ኦኔ ዞሪዳይ?»

8 ሂዛ፣ ሂንቲ፣ ሂንቲ ናጋራፔ ሲሚዳይሳ ኤሪሲያባ ኦሊቲ።

9 ሂንቲ፣ ሂንቲ ዋዛናን፣ ሩኣብራሃሚያ፣ ኦ ኣዋይ ዴዔስ» ጊዲ ቆፖሬቲ፣ ሎይሉ ሲዒቲ! ያሳይ ሃ ሹታታፔ ኣብራሃሚስ ናዓ ኬሳናው ዳንዳዔስ።

10 ቤዲይ ሚላ ፃጶዋን ጊጊዲ ኡቲስ፤ ሎያ ኣይፊ ኣይፎና ሚላ ኡባይ ቃንፃቲዲ ታማን ዬጌታና።

11 «ሂንቲ፣ ሂንቲ ናጋራፔ ሲሚዳይሳ ኤሪሳናው ታኒ ሂንቲና ሃላን ፃማቃይስ። ሽን ታፔ ጉዬራ ዬይሲ ሂንቲና ጌሻ ኣያናኒኔ ታማን ፃማቃና። ኢ ታፔ ዳሮ ዋልቃሚስ፤ ታኒ ሃሪ ኣቶሺን ኢያ ጫማ ቶካናዉካ ቤሲኮ።

12 ካላ ጌሺያ ፒሌይ ኢያ ኩሼን ዴዔስ። ካላ ሎይሉ ጌሺስ፤ ጊሰቲያ ባ ሻሊያን ቆላና፣ ሽን ፑኦዋ ቶያና ታማን ፀጋና» ያጊሰ።

ዬሱሳ ፃማቁቲላ (ማር 1:9-11፤ ሉቃ 3:21-22)

13 ሄ ዋዴ ዬሱሲ የሃኒሳ ኩሼን ፃማቁታናው ጋሊላፔ የርዳናሴ ሻፋ ቢስ።

2:15 ሆሴ 11:1 2:17-18 ኤር 31:15 2:23 ማር 1:24፤ ሉቃ 2:39፤ የሃ 1:45 3:1-2 ማጥ 4:17፤ ማር 1:15 3:3 ኢሳ 40:3 3:4 2ካዋ 1:8 3:7 ማጥ 12:34፤ 23:33 3:9 የሃ 8:33 3:10 ማጥ 7:19

14 ሺን የሃኒሲ ኢያ ዲጋናው ኮዪድ፡ «ታኒ ኔናን ፃማቄታናው ኮሺሺን ኔኒ ታኮ ያይ?» ያገሰ።

15 ሺን ዩሱሲ ዛሪዲ፡ «የሳይ ኑፕ ኮያባ ኡባ ኑ ፖላናው ቤሲያ ጊሾ ሃዲ ታው ኤሮ ጋ» ያገሰ። የሃኒሲ ኢያው ኤሮ ገዲ ኤኪስ።

16 ዩሱሲ ፃማቄተዳ ማላ ሃላፊ ከዩስ። ኢራካ ሳሎይ ዶዬቲን ያሳ አያናይ ሆሌዳ ዩሺን ቃሲ ባ ቦላ ዋልዓሚዲ ዋዲሺን ቤዒስ።

17 ሄ ዋዴ «ታ ዶሲያ፣ ኢያን ታና ኡፋይሲያ ታ ናዳይ ሃይሳ» ያገሰ ቃላይ ሳሎፕ ዩስ።

4

ዩሱሳ ፓጩቴላ (ማር 1:12-13፤ ሉቃ 4:1-13)

1 ሃሳፌ ጉዬ፣ ፃላሄይ ዩሱሳ ፓጩና ማላ ገሻ አያናይ ዩሱሳ ባዙ ቢታ ኤፊስ።

2 ኦይታሙ ቃማኔ ኦይታሙ ጋላስ የሚዳፔ ጉዬ ኮሻቲስ።

3 ፃላሄይ ዩሱሳኮ ዩዲ «ኔኒ ያሳ ናዳ ገዲኮ፣ እኔ ሃ ሹቻቲ ኡይሌ ገዳና ማላ ከታ» ያገሰ።

4 ዩሱሲ ዛሪዲ፡ « (ሳሲ ያሳ ዶናፕ ከያ ቃላ ኡባን ዶናፕ አቲን ኡይላ ፃላላን ዳዒና) ጌቲቲዲ ያሳ ቃላን ፃፊቲስ» ያገሰ።

5 ካሊዲካ፣ ፃላሄይ ዩሱሳ ገሻ ካታማ ኤፊዲ፣ ያሳ ከላ ሁዒያ ከሲዲ፣

6 «ኔኒ ያሳ ናዳ ገዲኮ፣ እኔ ዱጌ ሳዓን ኩንዳ። አይስ ገኮ።

ሪ ቶሆይ ሹቻን ጳቤቲ ዳሹቶና ማላ፣ ባንታ ኩሺያን ኔና ዴንላና ማላ፣ ያሳይ ባ ከታንቸታ ኔ ገሾ ከታና

ጌቲቲዲ ያሳ ቃላን ፃፊቲስ» ያገሰ።

7 ዩሱሲ ኢያኮ፡ «ቃሲካ፣ (የሳ ቃላን ኔ ጎዳ፣ ኔ ያሳ ፓጩፋ) ያጌቲዲ ፃፊቲስ» ገዲ ዛሪስ።

8 ዉርሴላን ፃላሄይ ዩሱሳ ኢሲ ዋልቃማ ዳሪያ ሁዒ ከሲዲ አላሚያ ካዋቲላታ ኤንታ ቦንቹዋራ ኢሲፊ ቤሲዲ፣

9 «ኔ ታው ኩንዳዳ ጎይኒኮ ታ ኔው ሃ ኡባ አማና» ያገሰ።

10 ዩሱሲ ዛሪዲ፡ «ሃ ፃላሄያው፡ ታፕ ሃካ! ሪ ጎዳ፣ ኔ ያሳ ጎይና፣ ኢያ ፃላላ ሃጋዛ) ጌቲቲዲ ያሳ ቃላን ፃፊቲስ» ያገሰ።

11 ሃሳፌ ጉዬ፣ ፃላሄይ አገዲ ቢስ፤ ከታንቸቲ ዩዲ ኢያ ሃጋዚዶሶና።

ዩሱሳ ቲሚርቲያ (ማር 1:14-15፤ ሉቃ 4:14-15)

12 ዩሱሲ፣ የሃኒሲ ቃሹቶይሳ ሲዒዳ ዋዴ ጋሊላ ቢታ ቢስ።

13 ናዚሬቲ ካታማ አገዲ ዛቢሎናኒኔ ኒናታሎሜ ሄራን፣ አባ ማታን ዳዒያ ቁፊርናሆሜ ካታማ ቢዲ ያን ዳዒስ።

14 ሄሲ ሃኒዳይ ናቢያ ኢሳያሳ ዶናን፣

15 «ዛቢሎኔ ቢታን፣ ኒናታሎሜ ቢታን፣

የርዳናሴ ሻፋፕ ሄፊንላን፣ አባ ኢያ ጋፃን ዳዒያ፣ አይሁዴ ገዶና ዳሬይ ዳዒያ ጋሊላን፣

16 ጳማን ዳዒያ ዳሬይ፣ ዋልቃማ ፖዎ ቤዒስ።

ሃይቆ ኩያ ቢታን፣ ዳዒይሳታስ ፖዎይ ከዩስ» ያገዲ ኦይቲዳ ቃላይ ፖሌታና ማላሳ።

17 ሄ ዋዴፕ ዶሚዲ ዩሱሲ፣ «የሳ ካዋቲላይ ማታቲዳ ገሾ ሂንቴ ናጋራፕ ሲሚቴ» ያገዲ ቃላ ሳባኬስ።

ኮይር ታማሬታ ጃጌቲላ (ማር 1:16-20፤ ሉቃ 5:1-11)

18 ዩሱሲ ጋሊላ አባ ማታራ አዲሼ ናሞቡ አሻታ፣ ጳይርሳ ጌቲቲያ ሲሞናኔ ኢያ አሻ ኢንዲሪያሳ ቤዒስ። ኤንቴ ሞሎ ኦይኬይሳታ ገዲዳ ገሾ ባንታ ገቲያ አባን ዩጎሶና።

19 ዩሱሲ ኤንታና፣ «ሃ ዩቲ፤ ታና ካሊቲ! ሞሎ ኦይሌ አቶሺን፣ ታ ሂንቴና አሴ ኦይሌ ታማርሳና» ያገሰ።

20 ኤንቴካ፣ ኤሴሲዲ ባንታ ገቲያ ዩገ አገዲ ዩሱሳ ካሊዶሶና።

21 ዩሱሲ ያፕ ቡር ጌዴ ሲንሌ አዲሼ ሃራ ናሞቡ አሻታ፣ ዛቢዲዮሳ ናይታ፣ ሃይቆባኔ የሃኒሳ ቤዒስ። ባንታ አዋ ዛቢዲዮሳሬ ኢሲፊ ዋጎሉዋ ገዶን ባንታ ገቲያ ገሊሴይሳታ ጃገስ።

22 ኤንቲካ፣ ኤሌሲዲ ባንታ
ዋሳሎቹ ባንታ አዋ አገዲ ዬሱሳ
ካሊዶሶና።

ዬሱሲ ሃርጋንቸታ ፓሊስ
(ሉቃ 6:17-19)

23 ዬሱሲ አይሁዳ ዋሳ ከላታን
ታማርሲሼ፣ ሳሎ ካዎቴላ ዋንጌላ
አዲሼኔ ዲማ ዲማ ሃርጊያፌ አሳ
ፓሊሼ ጋሊላ ቢታ ኡባን ዩዩስ።

24 ሄሳፌ ዳንዶይሳን ኢያ ሱንላይ
ሶሪያ ቢታ ኡባን ከዩስ። ዲማ ዲማ
ሃርጌን አይኬተዳይሳታኔ ዋዬቴይሳታ፣
ቱና አያናን አይኬተዳይሳታ፣ ሾጪ
ዬጊያ ሃርጌን አይኬተዳይሳታኔ፣
ጉንዳታ ኢያኮ ኤሂዶሶና፣ ኢካ ኤንታና
ፓሊስ።

25 አሳይ ጋለላ፣ ታሙ
ካታማታ፣ ዬሩሳላሜ፣ ዪሁዳቴኔ
ዮርዳኖሴ ሻፋ ሄፊንላን ዳዒያ ቢታፌ
ዪዳ ዳር አሳይ ኢያ ካሊዶሶና።

5

ዬሱሲ ዳሪያ ቦላ ታማርሲዳ
ተሚርቲያ

1 ዳሮ ዳሪይ ሸቂዳይሳ ዬሱሲ
ቤዒዳ ዋዴ ዳሪያ ቦላ ከዩዲ ኡቲስ።
ኢያ ታማራቲ ኢያኮ ሸቂን፣

2 ሃይሳዳ ያገዲ ታማርሲስ።

ቱማ ኡፋይሳ
(ሉቃ 6:2-23)

3 «ባንታ አያናን ማንቆቲ
አንጃቲዳይሳታ፣
ሳሎ ካዎቴላይ ኤንታሳ።

4 ዬኬይሳቲ አንጃቲዳይሳታ፣
ኤንቲ ሚንሌሶ ዳማና።

5 ባንታ ዋዛናን አሽኬቲ
አንጃቲዳይሳታ፣
ኤንቲ ሳዓ ሳታና።

6 ዲሎባ ኦላናው ኮሻቲይሳቲኔ
ሳሞቲይሳቲ አንጃቲዳይሳታ፣
ኤንቲ ካሳና።

7 ማሪይሳቲ አንጃቲዳይሳታ፣
ኤንቲ ማሮቴሊ ዳማና።

8 ዋዛና ጌሻቲ አንጃቲዳይሳታ፣
ኤንቲ ያሳ ቤናና።

9 ሲጌሌይሳቲ አንጃቲዳይሳታ፣
ኤንቲ ያሳ ናይታ ጌቲቲ ዪጌታና።

10 ዲሎባ ኦሊያ ጊሾ ጊዲ፣
ጎዴቴይሳቲ አንጃቲዳይሳታ፣
ሳሎ ካዎቴላይ ኤንታሳ።

11 «አሳይ ሂንቲና ታ ጊሾ ጊዲ
ጫያ ዋዴ ጎዲያ ዋዴኔ ሂንቲ ቦላ
ኢታባ ኡባ ዋርዶን ኦዲሲያ ዋዴ
ሂንቲ አንጃቲዳይሳታ።

12 ሂንቲ ዋይቶይ ሳሎን ጌታ ጊዲያ
ጊሾ ኡፋይቲቴ፣ ሃሹ ጌቲ። ሂንቲፌ
ካሴ ዳዒያ ናቤታ ሄሳዳ ጎዲዶሶና።

ማዳኔኔ ፖዎ

13 «ሂንቲ ቤታስ ማዳኔ፤ ማዳኔይ ባ
ማዳኔቱላ አገኩ፣ ባ ማልዎቴላ ዋቲ ዛሪ
ዳማኔ? ካሪ ሆሊን አሳን ዬዴታናፔ
ኣቲን አይቢስካ ማዳና።

14 «ሂንቲ ቤታስ ፖዎ፤ ዳሪ ቦላ
ዳዒያ ካታሚያ ቆሴታናው ዳንዳዑኩ።

15 ያሞፔ ኦይሊዲ ሶን ዳዒያ አሳ
ኡባስ ፖዳና ሚላ ዶቃ ሶን ዋሌሲፔ
ኣቲን ዳሎ ጊዶን ዋሌይ ባዋ።

16 ሄሳ ሚላ አሳይ ሂንቲ ሎዎ
ኦሱዋ ቤዒዲ፣ ሳሎን ዳዒያ ሂንቲ
አዋ ቦንቻና ሚላ ሂንቲ ፖዎይ አሳ
ሲንላን ፖዎ።

ሙሴ ሂጊያ

17 «ታኒ ሙሴ ሂጊያኔ ናቤታ
ቃላ ሻራናው ዪዳ ሂንቲው ዳናፖ።
ታኒ፣ ኤንቲ ኦዲዳይሲ ቱማ ጊዳይሳ
ቆንጩሳናው ያሲፔ ኣቲን ሻራናው
ያቢኬ።

18 ታ ሂንቲው ቱማ ኦዳይሲ፤
ሳሎይኔ ሳሳይ ኣቆና ጋካናው ሂጌ
ኡባይ ፖሌታናፔ ኣቲን ሂጊያፌ ኢሲ
ቃላይ ዋይኮ ፒዳሌይ ኣቆና።

19 ሄሳ ጊሾ፣ ሃ ኪታታፔ ጉዲያ
ኢሲ ኪታ ሚንሌያ ኦኒካ ቃሲ ሃራታ
ሄሳሶ ኦላና ሚላ ታማርሲይ ኦኒካ ሳሎ
ካዎቴላን ኡባፌ ጉላ ጊዳና። ሸን ሃ
ኪታ ፖሌይሲኔ ሃራታካ ፖላና ሚላ
ታማርሲይ ሳሎ ካዎቴላን ጌታ ጊዳና።

20 ታ ሂንቲው ኦዳይሲ፤ ሂንቲ
ዲሎቴላይ ፋሪሳዌታ ዲሎቴላፌኔ ሂጌ
ኣስታማራታ ዲሎቴላፌ ኣቆና ኢደኩ፣
ሳሎ ካዎቴላ ጌሌኬታ።

ዋዶባ

4:23 ማቶ 9:35፤ ማር 1:39 5:4 ኢሳ 61:2 5:5 ማዘ 37:11 5:6 ኢሳ 55:1 5:8
ማዘ 24:3 5:10 1ጴጌ 3:14 5:11 1ጴጌ 4:14 5:12 2ታሪ 36:16፤ ሃ.ኦ 7:52 5:13
ማር 9:50፤ ሉቃ 14:34-35 5:14 ዮሃ 8:12፤ 9:5 5:15 ማር 4:21፤ ሉቃ 8:16፤ 11:33
5:16 1ጴጌ 2:12 5:18 ሉቃ 16:17 5:21 ከሳ 20:13፤ ዛሬ 5:17

21 «ሂንቴ ማይዛታስ፡ <ዎጵፒቴ፤ ሸምፖ ዎጵዳ ኦኒካ ፐርዴታና> ጌቴቶይሳ ሲቢዴታ።

22 ሺን ታ ሂንቴው ኦዳይስ፤ ባ ኦሻ ሃንቄቲያ ኡባይ ፐርዴታና። ባ ኦሻ ጫያ ኦኒካ ዳይና ሲንላ ፐርዳስ ሸቃና። ባ ኦሻኮ፡ <ሌያይ> ጊያ ኦኒካ ቃሲ ጋናማ ታማን ፐርዴታና።

23 «ሄሳ ጊሾ፡ ኔኒ ኔ ያርሹዋ ያርሺያ ዎዴ ኔ ኦሻ ቆሂዳባይ ኔው ኦኩኬቲኮ።

24 ኔ ያርሹዋ ሄ ቤሳን ኦጋዳ ባ፤ ኮይርታ ባዳ ኔ ኦሻራ ጊጋ፤ ያታ ሲማዳ፡ ኔ ያርሹዋ ያሳሰ ያርሻ።

25 «ኔና ሞቴይሳራ ፐርዳ ኬላ ባሼ ኦጌ ቦላ ኢያራ ጊጋ። ሄሲ ኦቶ ጊኮ ኢ ኔና ዳይና ሲንላ ኤፋና። ዳይናይ ኔና ቃቼይሳሰ ኦላ ኢማና፤ ኢ ኔና ዎይኔን ዬጋና።

26 ታ ቱማ ኦዳይስ፤ ኔ ቦላ ፐርዴቲዳ ኦጩዋ ኢሲ ሳንቴሜይ ኦቶና ጨጋ ኦንጋና ጋካናው ቃሾ ኬላፊ ኬያካ።

ላይማቴሳባ

27 «ሃይሳፊ ካሴ፡ <ላይማቶፒቴ> ጌቴቶይሳ ሲቢዴታ።

28 ሺን ታ ሂንቴው ኦዳይስ፡ ማጫስ ጂሊዲ፡ ኦሞቲዳ ኡባይ ባ ዎዛናን ኢራ ላይማቴስ።

29 ኔ ኡሻቻ ኦይፊይ ኔው ናጋራስ ጋሶ ጊዲኮ፡ ኬሳ ሆላ። ኔ ኦሳቴላይ ኩሜላ ጋናማ ታማን ዎጵናፔ ኔ ኦሳቴላፊ ኢሶይ ጳዩኮ ኔው ሎዎ።

30 ኔ ኡሻቻ ኩሼይ ኔው ናጋራስ ጋሶ ጊዲኮ፡ ኢያ ቃንፃ ሆላ። ኔ ኦሳቴላይ ኩሜላ ጋናማ ታማን ዎጵናፔ ኔ ኦሳቴላፊ ኢሶይ ጳዩኮ፡ ኔው ሎዎ።

ማቺ ኦዚና ቢሌሳባ

(ማቶ 19:9፤ ማር 10:11-12፤ ሉቃ 16:18)

31 « <ባ ማቺው ዬዲያ ኦኒካ ኦንጃ ዋርቃቲያ ኦሞ> ጌቴቲስ።

32 ሺን ታ ሂንቴው ኦዳይስ፤ ባ ማቺያ ላይማቶና ዴቢሺን ቢሊያ ኦኒካ ኢያ ላይማታና ሜላ ኦሴስ። ሄሳዳካ፡ ኦንጃቲዳ ማጫሲው ኤኪያ ኡባይ ላይማቴስ።

ጫቆባ

33 «ሂንቴ ማይዛታኮ፡ <ዎርደን ጫቆፊቴ፤ ሂንቴ ያሳ ሲንላን ጫቄዳይሳ ፖሊቴ> ጌቴቲዳይሳ ሲቢዴታ።

34 ሺን ታ ሂንቴው ኦዳይስ፤ ኡባራካ ጫቆፊቴ። ያሳይ ኡቲያ ኦራታ ጊዲያ ጊሾ ሳሎን ጫቆፊቴ።

35 ኢያ ቶሆይ ዬጲያ ሶ ጊዲያ ጊሾ ሳባንካ ጫቆፊቴ። ጌታ ካወዋ ካታማ ጊዲያ ጊሾ ዬራሳላማንካ ጫቆፊቴ።

36 ሂንቴ ቢናናፔ ኢሱዋካ ቦሴ ዎይኮ ካሬላ ኦላናው ዳንዳዮና ጊሾ ሂንቴ ሂንቴ ሁዳንካ ጫቆፊቴ።

37 ሄሳ ጊሾ፡ ሂንቴ ቃላይ፡ <ሌ> ዎይኮ <ኦካይ> ጊዴ። ሄሳፊ ካሬ ኬዬይ ፃላሂፔ ዬስ።

ሃሎ ኬያናው ኮሼና

38 « <ኦይፊ ጊሾ ኦይፊ፤ ኦቻ ጊሾ ኦቼ> ጌቴቲዳይሳ ሲቢዴታ።

39 ሺን ታ ሂንቴው ኦዳይስ፤ ሂንቴ ቦላ ኢታባ ኦላያ ኡራራ ኤቄቶፊቴ። ኦኒካ ኔ ኡሻቻ ሻካላ ባቄኮ ኔ ሃዲርሳ ሻካሳካ ቤሳ።

40 ኢሲ ኦሲ ኔ ሻሚዚያ ኤካናው ኔና ሞቲኮ፡ ኔ ኮቲያ ጉጃዳ ኢማ።

41 ኢሲ ኢሲ ኔና ዎልቃን ባባ ቶሲዲ ኢሲ ሳቴ ኦጌ ባራ ባና ሜላ ኔና ኡንዴላኮ፡ ኢያራ ናምዑ ሳቴ ኦጌ ባ።

42 ዎሲያ ኦዳይስካ ኢማ፤ ኔፔ ታልናናው ኮያ ኦናካ ዲጎፋ።

ኔ ሞርኬታ ሲቃ

(ሉቃ 6:27-28፤ 32-36)

43 « <ኔና ደሴይሳ ደሳ፤ ኔና ኢጂይሳ ኢያ> ጌቴቶይሳ ሲቢዴታ።

44 ሺን ታ ሂንቴው ኦዳይስ፤ ሂንቴ ሞርኬታ ደሴቴ፤ ሂንቴና ቆሄይሳታሰ ዎሲቴ።

45 ሄሳላ ሂንቴ ኦላኮ፡ ሳሎን ዴቢያ ሂንቴ ኦሞስ ሂንቴ ናይታ ጊዳና። ኢ ኢታታሲኔ ሎዎታሰ ኦሞ ኬሴስ፤ ጂሎታሲኔ ናጋራንቾታሰ ባ ኢራ ቡኪሴስ።

46 ሂንቴና ደሴያ ኦሳ ፃላላ ሂንቴ ደሴኮ፡ ሂንቴው ኦይ ዎይቶይ ዴቢ? ሃሪ ኦቶሺን፡ ቃራፃ ቃንጂሴይሳቲካ ሄሳ ኦላሶና።

5:27 ኪሳ 20:14፤ ዛሬ 5:18 5:29 ማቶ 18:9፤ ማር 9:47 5:30 ማቶ 18:8፤ ማር 9:43
5:31 ማቶ 19:7፤ ማር 10:4 5:32 ማቶ 19:9፤ ማር 10:11-12፤ ሉቃ 16:18፤ 1ቆር 7:10-11
5:33 ሉቁ 19:12፤ ታይ 30:2፤ ዛሬ 23:21 5:34 ማቶ 23:22 5:35 ኢሳ 66:1፤ ማዘ 48:2
5:38 ኪሳ 21:24፤ ሉቁ 24:20፤ ዛሬ 19:19

47 ሂንቲ፡ ሂንቲ አሻታ ፃላላ ሳርሊኩ፡ ሃራታፔ አይ ሃራ አዲያባ ኦሊዳቲ? ሃሪ አቶሺን፡ ያሳ አማኖና አሳይካ ሃሳ አላሶና።

48 ሂዛ፡ ሳሎን ዳዒያ ሂንቲ አዋይ ፖሎ ገደይሳዳ ሂንቲካ ፖሎ ገደቲ።

6

ማንቆታሰ አሞባ

1 «አሲ ቤዖ ገደሊ ሂንቲ ሎዖ አሱዋ አሳ ሲንላን ኦሶናዳ ናጌቲቱ። ሂሳላ ዋይና ኢደኮ ሳሎን ዳዒያ ሂንቲ አዋፔ ዋይቶ ዳሜኬታ።

2 «ሂንቲ ማንቆታሰ አሚያ ዋዳ አሳ ሲንላን ቦንቹታናው ገደሊ ጨቦቲ ኦጊያ ደናኒኔ አይሁዳ ዋሳ ኬላታን ኦሌይሳዳ አሲ ቤዖ ገደሊ ኦሶፊቱ። ታ ሂንቲው ቱማ ኦዳይሰ፤ ኤንቲ ባንታ ኩሜላ ዋይቱዋ ኤኪደሶና።

3 ሺን ሂንቲ ማንቆታሰ አሚያ ዋዳ ሂንቲ ኡሻቻ ኩሼይ ኦሌይሳ ሂንቲ ሃደርሳ ኩሼይ ኤርፖ፤

4 ሂንቲ አዋይ ጌማን ገደ። ጌማን ኦሌይሳ ቤዒያ ሂንቲ አዋይ ሂንቲው ዋይቱዋ ቆንጨን አማና።

ዋሳባ

(ሉቃ 11:2-4)

5 «ዋሳ ዋሲሼ ጨቦታላ ሃናፒቱ። ኤንቲ፡ ባንታና አሲ ቤዖ ገደሊ አይሁዳ ዋሳ ኬላኒኔ ኦጊያ ደናን ኤቋዲ ዋሲይሳ ደሶሶና። ታ ሂንቲው ቱማ ኦዳይሰ፤ ኤንቲ ባንታ ኩሜላ ዋይቱዋ ኤኪደሶና።

6 ሺን ኔኒ ዋሲያ ዋዳ ኔ ሶ ጌላ፡ ወላ ጎርዳዳ ጌማን ዳዒያ ኔ አዋኮ ዋሳ፤ ጌማን ኦሌቲዳይሳ ቤዒያ ኔ አዋይ ኔው ዋይቱዋ አማና።

7 ሂንቲ ዋሲያ ዋዳ አማኖና አሳላ ጮ ቃላ ዳርሲዲ ዋሶፊቱ። ኤንቲ አዲሲ ዋሲን ያሳይ ሲዔሰ ገደሊ ቆፖሶና።

8 ሄሳ ገሹ፡ ኤንታይሳዳ ሃናፒቱ። አይሰ ገኩ፡ ሂንቲ አዋይ ሂንቲው አይ ኮሺያኮ ሂንቲ ዋሳናፔ ሲንላቲዲ ኤሬሰ።

9 «ሂዛ፡ ሂንቲ ያገደሊ ዋሲቲ፡ ሳሎን ዳዒያ ኔ አዋው፡ ኔ ጌሻ ሱንሳይ አንጃቶ።

10 ኔ ካዋቲላይ ዮ፡ ኔ ሼኔይ ሳሎን ሂኒዳይሳዳ

ሳዒንካ ሃና።
11 ጋላሳ ካላ ሃቺ ሃቺ ኑሰ አማ።
12 ኑኒ ኑና ቆሂዳይሳታ፡ አቶ ጌይሳዳ፡ ኑሰካ ኑ ቆሁዋ አቶ ጋ።
13 ኑና ኢታፔ አሻፌ አቲን ፓጨን ጌልሶ።

[ካዋቲላይ፡ ዋልቃይኔ ቦንቹይ ማሪናው ኔሳ። አሚንዒ።]

14 «ሂንቲ ሂንቲና ቆሂዳይሳታ አቶ ገኩ፡ ሳሎን ዳዒያ ሂንቲ አዋይ ሂንቲ ቆሁዋካ አቶ ጋና።

15 ሺን ሂንቲ ሃራ አሳ ናጋራ አቶ ጎና ኢደኮ ሂንቲ አዋይ ሂንቲ ናጋራ አቶ ጌና።

ዖማባ

16 «ሂንቲ ዖሚያ ዋዳ ጨቦታላ ካዮቶፊቱ። አይሰ ገኩ፡ ኤንቲ ዖሚይሳ አሲ ኤራና ሜላ ባንታ ሶምዑዋ ቁታዮሶና። ታ ቱማ ኦዳይሰ፤ ኤንቲ ባንታ ዋይቱዋ ኤኪደሶና።

17 «ሺን ኔኒ ዖሚያ ዋዳ ኔ ሶምዑዋ ማጫ፡ ኔ ሁዒያ ቲዩታ።

18 ሄሳዳ ኔ ኦሊኮ ኔ ዖሚያ ዖማይ አሳፔ ጌሚዳይሳ፡ ሺን ጌማን ዳዒያ ኔ አዋይ ኤሪያ ዖማ ገዳና። ጌማን ኦሌቲዳይሳ ቤዒያ ኔ አዋይ ኔው ዋይቱዋ አማና።

ሳሎን ሻሎ ሺሾ

19 «ቢሊ ሚያሶን፡ ቢራቲ ሺዒያሶን፡ ካይሶይ ቦኪዲ ኤኪያሶን፡ ሃ ሳዒን፡ ሂንቲው ሻሎ ሺሾፒቲ።

20 ሺን ቢሊ ሞናሶን፡ ቢራቲ ሺዖናሶን፡ ካይሶይ ቦኪዲ ኤኮናሶን ሳሎን ሂንቲው ሻሎ ሺሹቲ።

21 ኔ ሻሎይ ዳዒያሱዋን ኔ ዋዛናይ ዳዒና።

22 «አይፌይ አሳቲላሰ ዖሞፔ። ሄሳ ገሹ፡ ኔ አይፌይ ፓፃ ገደኮ ኔ ኩሜላ አሳቲላይ ፖዖ ገደሰ።

23 ኔ አይፌይ ሃርጋንቾ ገደኮ ኔ ኩሜላ አሳቲላይ ቋማ ገደሰ። ሂዛ፡ ኔናን ዳዒያ ፖዖይ ቋማ ገደኮ፡ ቋማይ አይ ሜላ አዲዲ ቋማንዳሻ!

24 «አሲ አሲ ናሞዑ ጎዳሰ ሃሪታናው ዳንዳዔና። አሱዋ ደሲኮ ሃንኩዋ አዳሰ፤ ዋይኮ አሱዋ ቦንቹኮ ሃንኩዋ ካዳሰ። ያሳሰኔ ሚሼሰ ሃሪታናው ዳንዳዔኬታ።

ኤንዔቶፊቲ (ሉቃ 12:22-31)

25 «ሂዛ፡ ሰዒቴ! ሂንቴ ዳዖን ዳናው፡ ሳይ ማኔ? አይ ኡያኔ? አይ ማዓኔ?» ጊዲ ኡንዔቶፊቴ፤ ዳዖይ ካላፊ ወይኮ ማፖፕ አዴኔ?

26 ሳሎ ካፎታ ያሊቴ፤ ኡንቴ ዜሮኮና፡ ቡጮኮና፡ ሻሌን ዩጎኮና፡ ሺን ሂንቴ ሳሎ አዋይ ኡንታ ሙዜሰ። ሂንቴ ኡንታፊ ኬሂ አዴኬቴ?

27 ሂንቴ ጊደፊ ዳሮ ኡንዔቲዲ ባ ላይላ ቦላ ኢሲ ጋላሰ ጉጃናው ዳንዳዔይ ዳዒ?

28 «ቃሲ ሂንቴ ማዒያባሰ አይሰ ኡንዔቲቴ? አኔ ጨሻታ ቤዒቴ፡ ኦሶን ዳቡሮኮና ወይኮ ስቆኮና።

29 ሰዒቴ! ሃሪ አቶሺን፡ ካዉዋ ሶሎሞኔይ ባ ቦንቾ ኡባን ሃ ጨሻታፕ ኢሱዋ ማላካ ማዒቤና።

30 ሂንቴና፡ አማኖይ ፓጨዳይሳቶ፡ ያሳይ ሃቺ ቤንቲዲ ዋንቶ ታማን ዋቆናው ዳዒያ ማታ ያቲዲ ማይዚያባ ጊዲኮ፡ ሂንቴና ኡንታፊ አሉዲ ዋቲ ማይዜኔ?

31 ሃሳ ጊሾ፡ ሳይ ማኔ? አይ ኡያኔ? አይ ማዓኔ?» ጊዲ ኡንዔቶፊቴ።

32 ሄ ኡባ ያሳ አማኖና አሳይ ዳርሲዲ ዳማናው ኡንዔቶሶና። ሂንቴ ሳሎ አዋይ ሄ ኡባይ ሂንቴው ኮሺይሳ ኤፊሰ።

33 ሺን ኡባፊ ሲንሌ ያሳ ካዋቲላኔ ኢያ ያሎቴላ ኮዩቴ፤ ሄ ኡባይ ሂንቴው ጉጃ አማታና።

34 ሃሳ ጊሾ፡ ዋንቶሰ ቆፒሺ ኡንዔቶፊቴ። ዋንቶይሲ ዋንቶሰ አቆ፤ ኢሲ ኢሲ ጋላሳይ ባው ጊዲያ ሜቶራ ዳዒሰ።

7

ሃራታ ቦላ ፐርዶፊቴ (ሉቃ 6:37-42)

1 «ሂንቴ ቦላ ፐርዳቶና ማላ ሃራታ ቦላ ፐርዶፊቴ።

2 አይሰ ጊኮ፡ ሃራታ ቦላ ሂንቴ ፐርዳይሳዳ ሂንቴ ቦላ ፐርዳታና፤ ሂንቴ ሃራታሰ ማኪዳባን ሂንቴው ዛሪ ማኬታና።

3 ኔ አይፊን ዳዒያ ቱሱ ዳኔይሳ ቤዖና ኔ አሻ አይፊን ዳዒያ ቡሪያ አይሰ ቤዓይ?

4 ኔ አይፊን ቱሲ ዳዒሺን ኔ አሻ አይፊን ዳዒያ ቡሪያ ኬሶ ጋናው ዋና ዳንዳዒይ?

5 ኔኖ ጨቡዋው፡ ኮይርታዳ ኔ አይፊን ዳዒያ ቱሲ ዳኔይሳ ኬሳ። ኢያፕ ጉዬ፡ ኔ አሻ አይፊን ዳዒያ ቡሪያ ኬሳናው ኔ ገሻ ያላና።

6 «ጉዬ ስሚዲ ሂንቴና ሳዖና ማላ ጌሻባ ካናታሰ ዬጎፊቴ። ባንታ ቶሁዋን ዬቂዲ ኢሶና ማላ ሂንቴ አልዎ ኢንቁዋ ጉዲንሉታ ሲንላን ዬጎፊቴ።

ዋሲቴ፡ ኮዩቴ፡ ያጊቴ (ሉቃ 11:9-13)

7 «ዋሲቴ ሂንቴው አማታና፡ ኮዩቴ ሂንቴ ዳማና፡ ካሪ ዩዲ ያጊቴ ሂንቴው ዳዩታና።

8 ዋሲያ ኦዳሰካ አማታና፡ ኮያ ኦዳሰካ ቤንታና፡ ካሪ ዩዲ ያጊያ ኦዳሰካ ዳዩታና።

9 «ሂንቴ ጊደፊ ባ ናዒ ኡይሉ ዋሲኮ ሹቺ አማይ ኦኔ?

10 ወይኮ ሞሎ ዋሲኮ ሹሺ አማይ ዳዒ?

11 ያቲን ሂንቴ ኢታ ጊዲሼ ሂንቴ ናይታሰ ሎዖባ አሞ ኤሪኮ፡ ሂንቴ ሳሎ አዋይ ባና ዋሲይሳታሰ ሎዖባ ዋቲ ዳርሲዲ አማኔ?

12 ሃራቲ ሂንቴው ኦላና ማላ ሂንቴ ኮያባ ኡባ ሂንቴካ ሃራታሰ አሉቴ። አይሰ ጊኮ፡ ሙሴ ሂንቴኔ ናቤቲ ታማርሴይ ሃይሳ።

13 «ፀንላ ዉላራ ጌሊቴ፤ አይሰ ጊኮ፡ ቆዮሰ ኤፊያ ኦጌይ ዋጋ፡ ዉላይካ ዳልጋ። ኢያራ ጌሊያ አሳይካ ዳር።

14 ሺን ዳዑዋኮ ኤፊያ ኦጌይኔ ዉላይ ፀንሉ፤ ያ ጌሊያ አሳይካ ጉላ።

ሚሉ ባ አይፊን ኤፊቴሰ (ሉቃ 6:43-44)

15 «ቦላ ባጋራ ደርሴ ዳኒዲ ባንታ ጋላን ሱቆሜ ጊዲዲ ሂንቴ ጊደ ጌሊያ ዋርዳንቾ ናቤታፕ ናጌቲቴ።

16 ሂንቴ ኡንታ፡ ኡንታ አይፊያፕ ኤራና፤ አንጎላፊ ወይኔይ፡ ከንቾቴፕ ላዳይ ማጭቲና።

17 ሃሳ ማላ ሎዖ ሚሉ ኡባይ ሎዖ አይፊ አይፊሰ፤ ኢታ ሚሉ ኢታ አይፊ አይፊሰ።

18 ሎዖ ሚሉ ኢታ አይፊ አይፊና፡ ቃሲ ኢታ ሚሉ ሎዖ አይፊ አይፋናው ዳንዳዒና።

19 ሎዎ አይፌ አይፎና ሚሊ ኡባይ ቃንፃተዲ ታማን ፀጌታና።

20 ሄሳ ጊሾ፣ ሂንቲ ኤንታ፣ ኤንታ አይፊን ኤራና።

21 «ሳሎን ዴዔያ ታ አዋ ሼኒያ ኦሊያ ኡራይ ሳሎ ካዎቴሊ ጌላናፕ አቲን ጮ ታና ሳዳው፣ ሳዳው፣ ጊያ ኡባይ ሳሎ ካዎቴሊ ጌላና።

22 ፐርዳ ጋላስ ዳርቲ፣ ሳዳው፣ ሳዳው፣ ኔ ሱንላን ቲንቢቲ ኦዲቦኮ? ኔ ሱንላን ቱና አያናታ ኤሲቦኮ? ኔ ሱንላን ማላታታ ኤሲቦኮ?» ያጋና።

23 ሄ ዎዴ ታኒ፣ ታ ሂንቲና ኡባራካ ኤሪኬ፣ ሂንቲ ኢታ ኦፊይሳቲ ታፕ ሃኪቲ» ያጋና።

24 «ሂዛ፣ ሃ ታ ቃላ ሲዒዲ ኦሊያ ኦኒካ ባ ኬላ ሹቻ ቦላ ከፂዳ ዎዛናማ አሳ ማላ።

25 ኢራይ ቡኪስ፣ ዲያይ ዲዒሲ፣ ጫርኮይካ ጫርኪዲ ሄ ኬላ ሱጊስ። ሸን ኬላይ ሹቻ ባሶ ቦላ ከፂቲዳ ጊሾ ኩንዲቤና።

26 ሃ ታ ቃላ ሲዒዲ ኦሊያ ኦኒካ ባ ኬላ ሻፌ ቦላ ከፂዳ ኤያ ኡራ ማላ።

27 ኢራይ ቡኪዲ፣ ዲያይ ዲዒዲ፣ ጫርኮይካ ጫርኪዲ፣ ሄ ኬላ ሱጊን፣ ሄ ከሳይ ኩንዲስ፤ ኢያ ኩንዳላይካ ዎልቃማ» ያጊስ።

28-29 ዩሱሲ ባ ኦዳ ኦንጊዳ ዎዴ ኢያ ቲሚርቲይ ሂኔ አስታማሪታ ማላ ጊዶና ማታራ ጊዲያ ጊሾ አሳይ ኢያ ቲሚርቲያን ማላላቲዶሶና።

8

ዩሱሲ ባር ሃርጋንቸዋ ፓሊስ (ማር 1:40-45፤ ሉቃ 5:12-16)

1 ዩሱሲ ዳሪያፕ ዎዴያ ዎዴ ዳር አሳይ ኢያ ካሊዶሶና።

2 ሄኮ ኢሲ ባር ሃርጋንቸይ ኢያኮ ሸቂዲ፣ ኢያ ሲንላን ጉልባቲዲ፣ «ሳዳው፣ ኔ ሼኔ ጊዲኮ ታና ጌሻዳ ፓላናው ዳንዳሳ» ያጊስ።

3 ዩሱሲ ባ ኩሺያ ዩዲዲ ኢያ ቦቸዲ፣ «ኤ፣ ታ ሼኔ፣ ፓፃ» ያጊስ። ኡራይ ኢራካ ጌዬ አጊስ።

4 ዩሱሲ ኢያኮ፣ «ኔ ፓፀዋ ኦዴሰካ ኦዶፓ። ሸን ባዳ ኔ ጌያዳ ፓያይሳ ካሂኔ ቤሳ፣ ኔ ፓፀዋስ ማርካ ጊዳና ማላ ባዳ ሙሴይ ከቲዳ ያርሹዋ ያርሻ» ያጊስ።

ማቶ ሃላቃ አማኑዋ

5 ዩሱሲ ቂፊርናሆሜ ካታማ ጋኪዳ ዎዴ ኢሲ ማቶ ሃላቃይ ኢያኮ ሸቂዲ፣

6 «ሳዳው፣ ታ አይሌይ አሳቲላይ ጉንዲን ዳር ሃርጌቲዲ፣ ሶን ዚንዒዲ ዳዔስ» ያጊዲ ዎሲስ።

7 ዩሱሲ ዛሪዲ፣ «ታኒ ባዳ ኢያ ፓላና» ያጊስ።

8 ሸን ማቶ ሃላቃይ ዛሪዲ፣ «ሳዳው፣ ኔ ታ ሶ ጌላናው ቤሲያ አሲ ጊዲኬ፣ ሸን ኔ ሃን ኡታዳ ቃላ ፃላላ ኦዳ፣ ታ አይሌይ ፓፃና።

9 አይስ ጊኮ፣ ታፕ ቦላራ ታ ከቲቲያ አሳቲ ዳያሶና፣ ቃሲ ታፕ ጋርሳራ ታው ከቲቲይሳቲ ዳያሶና፣ ኤንታፌ ኢሱዋ፣ «ባ ጊያዴ ቤስ፤ ሃንኩዋ ቃሲ «ሃያ!» ጊያዴ ዩስ። ታ አይሊያ፣ «ሃይሳ ኦላ» ጊያዴ ኦፊስ» ያጊስ።

10 ዩሱሲ ሄሳ ሲዒዲ ዎዴ ማላሌቲዲ፣ ባና ካሊያ አሳኮ፣ «ታ ሂንቲው ቱማ ኦዳይስ፤ ታኒ ሃይሳ ማላ አማና ኢስራዔሌ አሳንካ ቤዓቢኬ።

11 ታ ሂንቲው ኦዳይስ፤ ዳርቲ ዶሎሃፔኔ ዉሎሃፔ ዩዲ፣ ሳሎ ካዎቴላን ኦብራሃማራ፣ ዩሳቃራኔ ያይቆባራ ኢሲፌ አማቶ ቦላ ኡታና።

12 ሸን ሳሎ ካዎቴላ ላታናው ቤሲሸን አቲዳይሳቲ ካሬ ቋማን ሆሊታና። ያን ኤንታው ዩሆኔ አቻ ጋርጩላ ጊዳና» ያጊስ።

13 ዩሱሲ ማቶ ሃላቃኮ፣ «ኔ ሶ ባ፣ ኔ አማኑዋላ ኔው ሃና» ያጊስ። ኢያ አይሌይ ሶሁዋራ ፓፂ አጊስ።

ዩሱሲ ዳር ሃርጋንቸታ ፓሊስ (ማር 1:29-34፤ ሉቃ 4:38-41)

14 ዩሱሲ ጳዔርሳ ሶ ጌሊያ ዎዴ ጳዔርሳ ማቸ ኢያ ቆያ ሚሻ ሃርጌን ሳኬታዳ ዚንዒዳር ቤዒስ።

15 ዩሱሲ ኢ ኩሺያ ቦቸዳ ዎዴ ቆያይኔ ሚሻይ አጊ አጊስ። ፓፃ ዴንዳዳ ኢያ ሞካሱ።

16 ሄ ዎዴ ኦማርሲ ቱና አያናን ኦይኬቲዳ ዳር አሳታ፣ አሳይ ዩሱሳኮ ኤሂዶሶና። ኢካ ቱና አያናታ ባ ቃላን ኬሲስ። ሃርጋንቸታ ኡባ ፓሊስ።

17 ሄሳንካ ናቢያ ኢሳያሲ፣ «ኢ ኑ ሃርጊያ ባው ኤኪስ፣ ኢ ኑ ሃርጊያ ቶኪስ» ጊዳ ቃላይ ፖሌቲስ።

ዩሱፊ ካሎይ ጨቢሲያ ጋቲያ
(ሉቃ 9:57-62)

18 ዩሱሲ ዳር አሳይ ኢያ የሹዋን ኤቁዳይባ ቤዒዲ፣ አባፌ ሄፊንሉ ፕናና ማላ ባ ታማሬታ ከቲሰ።

19 ሂጌ አሰታማሬታ፣ ኢሶይ፣ «አሰታማሬያው፣ ኔ ቢያሶ ኡባ ታ ካላና» ያገሰ።

20 ዩሱሲ ኢያኮ «ዋርካናታሰ ኦሊ ዴዔስ፣ ሳሎ ካፎታሰ ኮሌ ዴዔስ። ሸን አሳ ናዓሰ ባ ሁዒያ ሸምፕሲያ ቤሲ ባዋ» ያገሰ።

21 ዩሱሳ ካሊያ አሳታፎ ኢሶይ፣ «ጎዳው፣ ታኒ ሲንሳታ ባዳ ታ አዋ ዋጋዳ ያና» ያገሰ።

22 ሸን ዩሱሲ፣ «ሃይቁዳይሳቲ ባንታ ሃይቆታ ዋጎ፤ ኔኒ ታና ካላ» ያገሰ።

ዩሱሲ ሆቢያ ሲዒ አሉሰ
(ማር 4:35-41፤ ሉቃ 8:22-25)

23 ዩሱሲ ባናው ዋጎሉዋን ጌሊዳ ዋዴ ኢያ ታማሬቲካ ኢያራ ባናው ጌሊዳሶና።

24 ኤንቲ ቆፖና ዴዒሸን፣ ዋልቃማ ሆቤይ ሃላ ቦላ ዴንዲን ዋጎሎይ ማቲታናው ጋኪሰ። ሸን ዩሱሲ ዲሰኪሰ።

25 ኢያ ታማሬቲ ኢያኮ ሸቁዲ ኢያ ባርኬሉዲ፣ «ጎዳው፣ ኑ ጳዮሰ ኑና አሻርኪ» ያገደሶና።

26 ዩሱሲ ኤንታኮ፣ «ሂንቲኖ፣ አማናይ ፓጩዳይሳቶ፣ አይሰ ያዬቲ?» ያገሰ። ዴንዲዲ፣ ሆቢያ ጎቲያ ኤሲሰ። ኤሌሲዲ ኡባባይ ሲዒ ገሰ።

27 ኢያ ታማሬቲ ማላሌቲዲ፣ «ሃይሲ፣ ሃሪ አቶሸን፣ ሆቤይኔ ጎቲይ ከቲቲይሲ ዋኒዳ አሴ?» ያገደሶና።

ቱና አያናይ ኦይኪዳ ናምዑ አሳታ
(ማር 5:1-20፤ ሉቃ 8:26-39)

28 ዩሱሲ አባፌ ሄፊንላን ዴዒያ ጌርጌሶኔ ጊያ ቢታ ጋኪዳ ዋዴ ቱና ኤናይ ኦይኪዳ ናምዑ አሳቲ ዲፎፔ ኮዬዲ ኢያራ ጋሃቲዳሶና። ኤንቲ ዳር ኢታኔ ያሸያ አሳታ ጊዲያ ገሾ አሲ ሄ ቤሳራ አጳናው ዳንዳዔና።

29 ኤንቲካ፣ «ፆሳ ናዓው፣ ኑና ኔና አይቤ ጋሌይ? ዋዴይ ጋኮና ዴዒሸን ኑና ፕርዳናው ያዲ?» ጊዲ ዋሲደሶና።

30 ኤንታፌ ዳር ሃኮና ጉዲንሎ ወዴይ ሄማቲሰ።

31 ቱና አያናቲ ዩሱሳ፣ «ኔ ኑና ከሳናባ ጊዲኮ፣ ሂኒ ጉዲንሎ ወዲያ ጊዴ ዩዳርኪ» ያገዲ ዋሲደሶና።

32 ዩሱሲ፣ «ቢቲ» ያገሰ። ቱና አያናቲ አሳታፎ ኮዬዲ ጉዲንሎታን ጌሊዳሶና። ጉዲንሎቲ ኡባይ አፎ ደናራ ዲርጊዲ ቢዲ አባን ማቲቲዲ ሃይቁዳሶና።

33 ጉዲንሎ ወዲያ ሄማይሳቲ ባቃቲዲ ካታማ ቢዲ፣ ሃኒዳባኔ ቱና አያናይ ኦይኪዳ አሳታ ቦላ ኦሴቲዳባ ኡባ ኦዲደሶና።

34 ያቲን፣ ካታማን ዴዒያ አሳ ኡባይ ዩሱሳ ቤዓናው ኮዬዳሶና። ኤንቲ ዩሱሳ ቤዒዳ ዋዴ ባንታ ቢታፌ ኮዬዲ ባና ማላ ዋሲደሶና።

9

ጉንዳ ኡራ ፓፀዋ
(ማር 2:1-12፤ ሉቃ 5:17-26)

1 ሄሳፌ ጉዬ፣ ዩሱሲ ዋጎሉዋን ጌሊዲ፣ አባ ፒኒዲ ባ ካታማ ቢሰ።

2 ሃኒዳ ጉላ አሳቲ ኢሲ ጉንዳ ኡራ አልጋራ ቶኪዲ ዩሱሳኮ ኤሂደሶና። ዩሱሲ ኤንታ አማኑዋ ቤዒዲ፣ ጉንዳ ኡራ፣ «ታ ናዓው፣ ያዮፋ! ኔ ናጋራይ አቶ ጌቲሰሰ» ያገሰ።

3 ሄ ሳቲያን፣ አይሁዴ ሃጌ አሰታማሬታፎ ኢሶቲ ኢሶቲ፣ «ሃይሲ ያሳ ጫሼ ጊዴኔ» ያገዲ ባንታ ዋዛናን ቆፕደሶና።

4 ዩሱሲ ኤንታ ቆፋ ኤሪዲ፣ «ኢታባ ሂንቲ ዋዛናን አይሰ ቆፔቲ?»

5 ሃኖሸን፣ «ኔ ናጋራይ አቶ ጌቲሰሰን ጌይሳፌኔ «ዴንዳ ኤቃዳ ባን ጌይሳፌ አወሲ ካወዩ?»

6 ሸን ሳባ ቦላ ናጋራ አቶ ጋናው አሳ ናዓሰ ማቲ ዴዒይሳ ታ ሂንቲና ኤሪሳና» ያገዲ፣ ጉንዳ አዲያኮ፣ «ዴንዳ ኤቃ፣ ኔ አልጋ ቶካዳ፣ ኔ ሶ ባ» ያገሰ።

7 ጉንዳ ኡራይ ዴንዲዲ ባ ሶ ቢሰ።

8 ዴሬይ ሄሳ ቤዒዲ ማላሌቲዳሶና፣ ሂሳ ማላ ማታ አሳሰ አሚዳ ያሳ ጋላቲደሶና።

ማቶ 9 ያጌቴላ
(ማር 2:13-17፤ ሉቃ 5:27-32)

9 ዩሱሲ ያፔ ዴንዲዲ ቢሸ ማቶሳ ጌይሳ ቃሪፆ ቃንዲሲያ ቤሳን ኡቲዳሸን ቤዒዲ፣ «ታና ካላ» ያገሰ።

ኢካ ዴንዲዲ ካሊሰ።

10 ዩሱሲ ማቶሳ ሶን ጋይታ ቦላ ኡቲዳሺን፣ ቃራፃ ቃንዲሲያ ዳር አሳቲኔ ናጋራንቸቲ ዩዲ ኢያራኔ ኢያ ታማሪታራ ኢሲፌ ማናው ኡቲዳሪና።

11 ኢሲ ኢሲ ፋሪሳዊቲ ሄሳ ቤዒዲ፣ ዩሱሳ ታማሪታ፣ «ሂንቲ አስታማሪይ ቃራፃ ቃንዲሲይሳታራኔ ናጋራንቸታራ አይስ ሚ?» ያጊደሶና።

12 ዩሱሲ ሄሳ ሲዒዲ፣ «ጳሌ ኮሼይ ሃራጋንቸታሳፌ አቲን ገፃታሳ ጊዳና።

13 ሺን ሂንቲ ቢዲ፣ «ታኒ ሂንቲ ያርሹዋ ጊዳናሺን ሂንቲ ሃራታ ማራና ማላ ኮያይስ» ጌቲቲዲ ፃፊቲዳይሲ ዋይ ጉሴኮ ኤሪቲ። አይስ ገኮ፣ ታኒ ናጋራንቸታ ጃጋናው ያሲፔ አቲን ያሎታ ጃጋናው ያሲኬ» ያጊሰ።

ዩሱሲ ያማባ አይሸቲስ (ማር 2:18-22፤ ሉቃ 5:33-39)

14 ሄ ዋዴ የሃሂሳ ታማሪቲ ዩሱሳኮ ሸቂዲ፣ «ኮኔ ፋሪሳዊቲ ያሞስ፣ ሺን ኔ ታማሪቲ አይስ ያሞኮና?» ያጊዲ አይቸደሶና።

15 ዩሱሲ ዛሪዲ ኤንታኮ፣ «ሙሹራይ ኤንታራ ዳዒሺን ጭቲዲ ዩዳ አሳይ ካዮታናው ዳንዳያና? ሙሹራይ ኤንታ ማታፔ ኤኬታና ዋዴይ ያና፣ ኤንቲ ሄ ዋዴ ያማና።

16 «ኦራሳ ማፖፔ ፔጲዲ ጋልፃ ማፖ ቦላ ሲኬይ ኦኒካ ባሞ። ሄሳሳ ኦሊኮ ኦራሳይ ጋልፃ ፔጲስ። ፔጲሳይካ ጉጂ ዳልጌስ።

17 ኦራሳ ዋይኔ ጋልፃ ኦጎርን ቆሊያ ኦኒካ ባሞ። ሄሳሳ ኦሊኮ ኦራሳ ዋይኔይ ጋልፃ ኦጎርዋ ጲሴስ ዋይኔይካ ኮኬስ፤ ኦጎርይካ ናሞፃኦ ማደናባ ጊዳስ። ሺን ኦራሳ ዋይኔይ ኦራሳ ኦጎርን ቆሊታናው ቤሴስ። ሄሳሳ ኦሴቲኮ ናሞዳይካ አቶና ናጌቶሶና» ያጊሰ።

ሃይቂዳ ናዒዉኔ ዩሱሳ አፊላ ቦቹዳ ማጨሲው

(ማር 5:21-43፤ ሉቃ 8:40-56)

18 ዩሱሲ ሄሳ ኦዶ ቦላ ዳዒሺን፣ አይሁዴ ሃላቃታፔ ኢሶይ ኢያኮ ዩዲ፣ ኢያ ሲንሳን ጉልባቲዲ፣ «ታ ናዒያ ሃዒ ሃይቃሱ፣ ሺን ኢያ ገፃና ማላ ኔኒ ያዳ ኔ ኩሺያ ኢ ቦላ ዋላርኪ» ጊዲ ዋሲስ።

19 ዩሱሲ ዳንዲዲ ኢያራ ቢስ፤ ኢያ ታማሪቲካ ካሊደሶና።

20 ኢ ቢሺን ታማኔ ናሞሁ ላይሌ ኩሜሌ ሱሉ ጎሊዲ ዋይሲያ ኢሲ ማጨሲያ ጉዬራ ሺቃዳ ዩሱሳ አፊላ ማጨራ ቦቻሱ።

21 ኢያ ባ ዋዛናን፣ «ታ ኢያ አፊላ ማጨራ ፃላላ ቦቹያኮ ገፃና» ያጋዳ ቆጋሱ።

22 ዩሱሲ ጉዬ ሲሚ ኢዮ ጂሊዲ፣ «ታ ናቲ፣ ያዮፋ! ኔና ኔ አማናይ ፓሊስ» ያጊሰ። ማጨሲያ ሶሁዋራ ገፃ አጋሱ።

23 ዩሱሲ አይሁዴ ሃላቃ ሶ ጋኪያ ዋዴ ዛዬ ፑኔይሳታኔ ዩኬይሳታ ቤዒዲ፣

24 «አኔ ከቸቲ፤ ጉላ ናዒያ ጲስካሱፔ አቲን ሃይቃሱኩ» ያጊሰ። ሺን አሳይ ኢያ ቦላ ሚጨደሶና።

25 አሳ ካሪ ኬሲዳፔ ጉዬ ሶ ጌሊዲ፣ ናዒ ኩሺያ ኦይኪስ፣ ናዒያ ዳንዳ ኤቃሱ።

26 ሄ ዋሪይ ሄ ቢታ ኡባ ጋኪስ።

ዩሱሲ ናሞሁ ቆቂታ ጂሊሲስ

27 ዩሱሲ ያፔ ዳንዲዲ ጌዴ ሲንሌ ቢያ ዋዴ ናሞሁ ቆቂቲ ባንታ ቃላ ጶቁ ኦሊዲ፣ «ዳዊቲ ናዒው፣ ኦና ማራርኪ» ያጊሸ ኢያ ካሊደሶና።

28 ዩሱሲ ሶ ጌሊዳ ዋዴ ቆቂቲ ኢያ ካሊዲ ዩደሶና። ዩሱሲ ኤንታኮ፣ «ታኒ ሄሳ ኦላናው ዳንዳዔይሳ ሂንቲ አማኔቲ?» ያጊሰ።

ኤንቲካ፣ «ኤ፣ ጎዳው» ያጊዲ ዛሪደሶና።

29 ሃሳፌ ጉዬ፣ ዩሱሲ ኤንታ አይፊያ ቦቹዲ ኤንታኮ፣ «ሂንቲው፣ ሂንቲ አማኔታላ ሃና» ያጊሰ።

30 ኤንታ አይፊይካ ደዩቲስ። ዩሱሲ ኤንታኮ፣ «ሃይሳ ኦዴስካ ኦደፒቲ» ያጊዲ ሚንሌ ኦዲስ።

31 ሺን አሳቲ ቢዲ ዩሱሳሳ ሄ ቢታ ኡባን ኦዲደሶና።

32 ኤንቲ ያፔ ኬያ ዋዴ አሳይ ቱና አያናይ ኦይኪዲ ሙሚሲዳ ኢሲ አሲ ዩሱሳኮ ኤሂደሶና።

33 ቱና አያናይ ኬዩዳፔ ጉዬ ሙሚ ኡራይ ኦደቲስ። ዴሪይካ ማላሊቲዲ፣ «ሃይሳ ማላ ኦራላባይ ኢሰራዔሌ ቢታን ሃኒቤና» ያጊደሶና።

34 ሺን ፋሪሳዊቲ፣ «ቱና አያናታ ሃላቃን ቱና አያናታ ኬሴስ» ያጊደሶና።

ዬሱሲ አሳሰ ቃዴቲስ

35 ዬሱሲ እይሁዳ ዋሳ ከላታን ታማርሲሽ፣ ሳሎ ካዎቴላ ዋንጌላ ሳባኪሽ፣ አሳ ሃርጌ ኡባፌ ፓሊሽ ካታማታንኔ ጉታ ኡባን ዩዩስ።

36 ዳር ዴሬይ፣ ሄሚያ አሲ ባይና ደርሳዳ ኤንታና ቤዒያ አሲ ዳዩን አንዴቲዲ ዴዔይሳታ ቤዒዲ ኤንታው ቃዴቲስ።

37 ባ ታማሬታኮ፣ «ሺቃና ካላይ ዳር፣ ሺን ካላ ሺሺያ አሳይ ጉላ።

38 ሄሳ ጊሾ፣ ጎዳይ ካላ ሺሺያ ኦሳንቾታ ዩዳና ሜላ ዋሲቴ» ያገሰ።

10

ዬሱሲ ከቲዳ ታማኔ ናምቡ ሃዋሬታ

(ማር 3:13-19፤ ሉቃ 6:12-16)

1 ዬሱሲ ታማኔ ናምቡ ታማሬታ ባኮ ያጊዲ፣ ቱና እያናታ ኬሳና ማላኔ ሃርጌ ኡባ ፓላና ሜላ ኤንታው ማታ አሚስ።

2 ዬሱሲ ከቲዳ ታማኔ ናምቡ ሃዋሬታ ሱንላይ፣ ኮይርይ ጳይርሳ ጊያ ሲሞናኔ ኢያ አሻ አንዲሪያሳ፣ ዛብዲኮሳ ናባ ያይቆባኔ ኢያ አሻ ኮሃኒሳ።

3 ፊልጳሳኔ ባርቶሎሚኮሳ፣ ቶማሳኔ ቃራፃ ቃንዲሲያ ማቶሳ፣ ኢልፊኮሳ ናባ ያይቆባ፣ ታዲኮሳ።

4 ባ ቢታስ ማሼቲያ ሲሞናኔ ዬሱሳ አሊ አሚዳ አስቆርታ ዪሁዳ።

5 ሄ ታማኔ ናምባታ ዬሱሲ ከቲዲ ዬዲሽ፣ «እይሁዳ ጊደና ዴሪያኮ ቦፒቴ፣ ቃሲ ሳማሬታ ካታማካ ፔሎፒቴ።

6 ሺን ኢሰራዔል ከላፊ ጊዲዳ ሂኒ ዳዩዳ ደርሳታኮ ቢቴ።

7 ያ ቢዲ፣ ሳሎ ካዎቴላይ ማታቲስ) ጊዲ ኡዲቴ።

8 ሃርጋንቾታ ፓሊቴ፣ ሃይቂዳይሳታ ሃይቆፔ ዴንላቴ፣ ባር ሃርጋንቾታ ፔሺ ፓሊቴ፣ ቱና እያናታ ኬሲቴ። ሂንቴ ጮ ኤኪዳይሳ ጮ አሚቴ።

9 ሂንቴ ከሴን ዋርቃ፣ ዋይኮ ቢራ ሳንተሚ ኦይኮፊቴ።

10 ሂንቴ ኦጊያስ ካርዲቶ፣ ናምቡ አፊላ፣ ዋይኮ ጫማ ዋይኮ ፃምባ

ኦይኮፊቴ፤ ኦሳንቾዋስ ጋላሳ ካሊ ኮሺስ።

11 «ሂንቴ ኢሲ ካታማ ዋይኮ ጉታ ጌሊያ ዋይ ሂንቴና ሞኪዲ ኤካናው ኡፋይቲያ ኡራ ኮዩዲ ኢያ ስን ሸምፒቴ፤ ሂንቴ ባና ጋካናው ያን ጋምባቴ።

12 ቃሲ ኦይ ሶካ ጌሊሽ ሳርሊቴ።

13 ሄ ከላይ ሂንቴና ሞኪኮ ሂንቴ ሳርሊዳ ሳርይ ኤንታና ጋኮ፣ ሺን ኤንቲ ሞኮና ኢዲኮ ሂንቴ ሳርሊዳ ሳርይ ሂንቴው ጉዬ ሲሞ።

14 ኦኒካ ሂንቴና ሞኮናኔ ሂንቴ ኦዲያባ ሲዶና ኢዲኮ ሄ ከላፊ ዋይኮ ሄ ካታማፒ ከዩሽ ሂንቴ ቶሁዋን ዴዒያ ባና ፒቲዲ ከዩቴ።

15 ታ ሂንቴው ቱማ ኦዳይስ፤ ያሳ ፒርዳ ጋላሳን ሄ ካታማፒ ሶደሚሴኔ ጋምራ ካታማታስ ፒርዳይ ካዉያና።

16 «ታ ሂንቴና ደርሳታዳ ሱዳሜታ ጊደ ዩዳና። ሄሳ ጊሾ፣ ሾሻዳ ጨንጫታ፣ ሆሌዳ አዳታ ጊዲቴ።

17 አሳይ ሂንቴና ፒርዳ ዴይናታስ አሊ አማና፣ ቃሲ እይሁዳ ዋሳ ከላን ሂንቴና ጋራፋና። ሄሳ ጊሾ፣ ኤንታፊ ናፒቴ።

18 ታ ጊሾ ጊዲ ሂንቴና ዴሪያ ሃራይሳታ ሲንላኔ ካዎታ ሲንላ ኡፋና። ኤንታ ሲንላኔ እይሁዳ ጊደና ዴሪያ ሲንላን ኤቂዲ ሂንቴ ታባ ማርካታና።

19 ሺን ሂንቴና ፒርዳስ አሊ አሚያ ዋይ ዋይጊዲ ዛሪና ጊዲ ኤንዴቶፊቴ፤ ሄ ሳቲያን ሂንቴ ጋናባ ያሳይ ሂንቴው አሚቴ።

20 አይስ ጊኮ፣ ሂንቴናን ሃሳዬይ ሂንቴ አዋ ጌሻ አያናፒ ኦቲን ሂንቴና ጊዴኬታ።

21 «አሻይ ባ አሻ፣ አዋይ ባ ናባ፣ ሃይቆስ አሊ አማና፣ ናይቲ ባንታና ዬሊዳይሳታ ቦላ ዴንዲዲ ኤንታና ዋዲሳና።

22 ታ ጊሾ ጊዲ አሳ ኡባይ ሂንቴና ኢያና፣ ሺን ዉርሴሊ ጋካናው ሚኒዳይ ኦታና።

23 ኢሲ ሄራፔ ሂንቴና ኤንቲ ጎዲኮ ሃራ ካታማ ባቃቴቴ። ታኒ ሂንቴው ቱማ ኦዳይስ፤ አሳ ናባይ ያና

9:35 ማቶ 4:23፤ ማር 1:39፤ ሉቃ 4:44 9:36 ታይ 27:17፤ 1ካዋ 22:17፤ 2ታሪ 18:16፤ ሂዘ 34:5፤ ማር 6:34 9:37 ሉቃ 10:2 10:7 ሉቃ 10:4-12 10:10 1ቆር 9:14፤ 19ዋ 5:18
10:14 ሃ.ኦ 13:51 10:15 ማቶ 11:24፤ ሜዲ 19:24 10:16 ሉቃ 10:3 10:17 ማር 13:9-11፤ ሉቃ 12:11-12፤ 21:12-15 10:21 ማር 13:12፤ ሉቃ 21:16 10:22 ማቶ 24:9፤ ማር 13:13፤ ሉቃ 21:17፤ ማቶ 24:13፤ ማር 13:13

ገካናው፤ ሂንቲ ኢሰራዔል ካታማ ኡባ ካንሌኬታ።

24 «ታማሪይ ባ አስታማሪያ፤ አይሌይ ባ ጎዳ፤ አይሌይ ባ ጎዳ ዳኒኮ ኢያው ገዳና። ከላዋ ቢዔልከቡላ ገኮ ኢያ ሶ አሳ ዋኒዲ ኢሲዲ ያጌኔ?»

25 ታማሪይ ባ አስታማሪያ፤ አይሌይ ባ ጎዳ ዳኒኮ ኢያው ገዳና። ከላዋ ቢዔልከቡላ ገኮ ኢያ ሶ አሳ ዋኒዲ ኢሲዲ ያጌኔ?

26 «ሂዛ፤ አሳስ ያዮፊቴ። ካሜቲዳባይ ቆንጮና፤ ቆሴቲዳባይ ጌሺ ኬዮና አቴና።

27 ታኒ ሂንቲው ሓማን ኦዲያባ ሂንቲ ፖንን ኦዲቲ፤ ታ ሂንቲው ሃይላን ካልካሺዳባ ዳባባን አዋጁቴ።

28 አሾፕ አቲን ሾምፖ ዋዳናው ዳንዳዎናይሳታሰ ያዮፊቴ። ሺን ሾምፑዋይ አሾፑ ጋናሜን ሓይሳናው ዳንዳዎና ያሳስ ያዩቴ።

29 ናምዑ ቡቤቲ ኢሲ ሳንቲሜን ባይዘቶኮናዬ? ሃኖፕ አቲን፤ ኤንታፊ ኢሲናካ ሂንቲ ያሳይ ጎና ዳዲሺን ሳሳን ዋዳኩ።

30 ሃሪ አቶሺን፤ ሂንቲ ሁዔ ቢናናይካ ፓይዴቲዲ ዳዔስ።

31 ሂዛ፤ ዳር ቡቤታፕ ሂንቲ አዲያ ገሾ ያዮፊቴ።

32 «አሳ ሲንላን ታው ማርካቲያ ኡባሰ ታኒካ ሳሉዋን ዳዲያ ታ አዋ ሲንላን ማርካታና።

33 ሺን አሳ ሲንላን ታና ካይይሳ ታኒካ ሳሉን ዳዲያ ታ አዋ ሲንላን ካዳና።

34 «ታኒ ሳሳን ሳር ኤሃናው ዩዳ ሂንቲው ዳናፖ። ታኒ ቶራፕ አቲን ሳርቴሌ ኤሃናው ያቢኬ።

35 ታኒ ዩዳይ፤

ናዓ አዋፕ ማጫ ናዒው አዬፕ

ናዓ ማቸው አዚና አዬፕ ሻካናሳ።

36 አሳስ ሞርኬቲ ኢያ ሶ አሳታ ገዳና።»

37 «ታፕ አሌዲ ባ አዋ ዋይኮ ባ አዩው ደሴይ፤ ታባ ገዳናው ቤሴና። ባ አዩ ናዓ ዋይኮ ባ ማጫ ናዒው ታፕ አሌዲ ደሴይ፤ ታባ ገዳናው ቤሴና።

38 ባ ማሰቃሊያ ቶኪዲ ታና ካሎና ኦኒካ ታባ ገዳናው ቤሴና።

39 ባ ሾምፑዋ አሻናው ኮዬይ ሓይሳና፤ ሺን ባ ሾምፑዋ ታ ገሾ አሌ ኢሜይ አሻና።

40 «ሂንቲና ሞኬይ ታና ሞኬስ፤ ታና ሞኬይ ቃሲ ታና ከቲዳይሳ ሞኬስ።

41 ናቢያ ናቤ ሱንላን ሞኬይ፤ ናቢያዎ ዋይቲታና፤ ቃሲ ያሉዋ ያሉ ሱንላን ሞኬይ፤ ያሉዋዎ ዋይቲታና።

42 ታ ሂንቲው ቱማ ኦዲይስ፤ ሃ ታ ታማሪታፕ ጉዲያ ኢሱዋስ ታና ካሊያ ገሾ ሃሪ አቶሺን ጉላ ኢርጎ ሃሌ ኢሚኮ ኢያ ዋይቶይ ሓዬና» ያገሰ።

11

ፃማቂያ ዮሃንሲ ከቲዳ አሳታ (ሉቃ 7:18-35)

1 ዬሱሲ ታማኔ ናምዑ ታማሪታ ከታ ኦንጊዳፕ ጉዬ ያፕ ዳንዲዲ ታማርሳናው ሳባካናው ጋለላ ካታማታ ቢስ።

2 ዮሃንሲ ቃሾ ከላን ዳዲሺ ከሪስቶሲ አሊያባታ ሲዲዲ፤ ባ ታማሪታፕ ኢያኮ ከቲዲ፤

3 «ያና ጌቲቲዳይ ኔኔዬ? ዋይኮ ኦኒ ሃራ ናገኖ?» ያገዲ አይቺሰ።

4 ዬሱሲ ኤንታኮ ዛሪዲ፤ «ቢዲ ሂንቲ ሲዲያቤ ሂንቲ ቤዲያባ ዮሃንሳስ ኦዲቴ።

5 ቆቁቲ ያሉሶና፤ ዋቤቲ ሃሙቶሶና፤ ባር ሃርጋንቸቲ ፓዎሶና፤ ቱሉቲ ሲዎሶና፤ ሃይቁዳይሳቲ ሃይቆፕ ዳንደሶና፤ ማንቆታሰ ዋንጌላይ ሳባኬቴሰ።

6 ታናን ሓቤቶናይ አንጃቲዳይሳ» ያገሰ።

7 ዮሃንሳ ታማሪቲ ጉዬ ሲሚዲ ቢን፤ ዬሱሲ ዳሪያስ ዮሃንሳባ ኦዲሹ፤ «ሃ ባዙዋ አይ ቤዳናው ከዩዴቲ? ጫርኮይ ቃሊያ ማቃ ቤዳናው ዩዴቲዬ?»

8 ያቲን፤ አይ ቤዳናው ከዩዴቲ? ከቲ ማዎ ማዲዳ አሴ ቤዳናሴዬ? ከቲ ማዎ ማዲዳይሳቲ ካዎታ ከላን ዳዎሶና።

9 ያቲን፤ አይ ቤዳናው ከዩዴቲ? ናቤ ቤዳናሴዬ? ሂኮ፤ ሂንቲ ናቤፕካ አዲይሳ ቤዳታ።

10:24 ሉቃ 6:40፤ ዮሃ 13:16፤ 15:20 10:25 ማቶ 9:34፤ 12:24፤ ማር 3:22፤ ሉቃ 11:15
10:26 ማር 4:22፤ ሉቃ 8:17 10:33 2ጊዋ 2:12 10:35 ሚክ 7:6 10:38 ማቶ
16:24፤ ማር 8:34፤ ሉቃ 9:23 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ 12:25
10:40 ሉቃ 10:16፤ ዮሃ 13:20፤ ማር 9:37፤ ሉቃ 9:48 11:5 አሳ 35:5 11:10 ሚላ 3:1

10 «ኔ ኦሪያ ኔ ሲንሳን ገሊሲያ ታ ከታንቸዋ ኔፔ ሲንሳ ከታና» ጌቴቲዲ ያፌቲዲይ ኢያሳ።

11 ታ ሂንቴው ቱማ ኦዲይስ፤ ማጫሳፔ ዩሌቲዲይሳታ ገደፌ ዮሃንሳፔ አዴይ ኦኒካ ባዋ፤ ሳሎ ካዎቲላን ኡባፌ ጉዳይ ኢ፣ ኢያፔ አዳና።

12 ዓማቂያ ዮሃንሳ ዋዲያፔ ደሚዲ ሃቺ ጋካናው ሳሎ ካዎቲላይ ዳር ናቄቲስ፣ ሚኒዳ አሳቲ ዋልቃን ያ ጌላና።

13 ናቤቲ ኡባይ ነውሴ ሂጌይ ዮሃንሳ ዋዴ ጋካናው ሳሎ ካዎቲላ ቲንቢቲ ኦዲደሶና።

14 ሂዛ፣ ሂንቴ ኤንታ ከታ አማናና ገዲኮ፣ ያና ጌቴቲዳ ኤሊያሲ፣ ኢ ዮሃንሳ።

15 ሂዛ፣ ሲዲያ ሃይሌ ዳዔይ ሲዮ።

16 «ሂዛ፣ ሃ ዋዲያ ዩሌቲላ አይቢራ ዳኒሶ? ገያ ገደን ኡቲዲ ዋሊ ያገዲ።

17 ሱ ሂንቴው ሱሱልዔ ፑኒን፤ ሂንቴ ዩዳኬታ።

ኑ ሳቢዲ ዜሌሊን፤ ሂንቴ ዩኬኬታ) ያገያ ናይታ ዳኖሶና።

18 ዓማቂያ ዮሃንሲ ሞና ኡዮና ዪን፣ ሳቱና አያኒ ዳዔሰ) ያገዲታ።

19 አሳ ናዓይ ሚሼኔ ኡዩሼ ዪን፣ ሳራሞባኔ ኡሻንቸ፣ ቃራዓ ቃንዲሴይሳታኔ ናጋራንቸታ ዳቦ) ያገዲታ። ሂዛ፣ ጨንጫቲላ ቲማቲላይ ኢያ ኡሱዋን ቆንጨኖስ» ያገሰ።

አማኖና ኢዲዳ ካታማታ (ሉቃ 10:13-15)

20 ሄሳፌ ጉዬ፣ ዩሱሲ ዳር ማላታታ ኦሊዳ ካታማታን ዳዔያ አሳቲ ባንታ ናጋራፔ ሲሚዲ ማርታን ጌሎና ኢዲዳ ገሾ ኤንታና።

21 «አዩ ኮራዚኔ ካታማው፣ አዩ ቤቴሳይዳ ካታማው፣ አይሰ ገኮ፣ ሂንቴ ገደን ኦሲቲዳ ማላታቲ ዓርሳኒኔ ሲደናን ኦሲቲዳ ገዲያኮ፣ ኤንቴ ቤኒ ቢደ ቲዩቲዲ፣ ካሌ ማዒዲ ባንታ ናጋራፔ ሲሚ አጋና።

22 ሺን ታ ሂንቴው ኦዲይስ፤ ፐርዳ ጋላስ ሂንቴፌ አሊዲ ዒርሳሲኔ ሲደናስ ፐርዳይ ካዉያና።

23 ቃሲ፣ ቁፊርናሆሜ፣ ኔኒ ፑዴ ሳሎ ኬያናው ኮያይ? ሃኔና! ኔኒ ሲዖሊን ዩጌታና። አይሰ ገኮ፣ ኔ ገደን ኦሲቲዳ ማላታቲ ሰደሜን ኦሲቲዳ ገዲያኮ፣ ሰደሜይ ሃቺ ጋካናው ዳዓናሺን።

24 ሺን ታ ኔው ኦዲይስ፤ ፐርዳ ጋላስ ኔፔ አሊዲ ሰደሜስ ፐርዳይ ካዉያና» ያገዲ ሃንቄቲስ።

ከሪስቶሳን ዳዔያ ሹምፖ (ሉቃ 10:21-22)

25 ሄ ዋዴ ዩሱሲ፣ «አዋው፣ ሳሉዋኔ ሳዓ ጎዳው፣ ኔኒ ሃይሳ ኤራንቸታፔኔ ጨንጫታፔ ጌንላዳ ናይታስ ቆንጨሲዳ ገሾ ኔና ጋላታይስ።

26 ኤ፣ ታ አዋው፣ ሃይሲ ኔ ሎዖ ሹኒያዳ ሃኒሰ።

27 «ኡባይ ታው ታ አዋፔ አሜቲስ። አዋፔ ሃሪ ናዓ ኤሬይ ባዋ፣ ናዓፔኔ ኢ ኤንታው ቆንጨሳናው ኮዩይሳታፔ ሃሪ አዋ ኤራናው ዳንዳዔይ ባዋ።

28 «ሂንቴኖ፣ ዳቡራንቸቶ፣ ቶሆይ ዳዲዳ ኡባይ ታኮ ሃ ዪቲ፤ ታኒ ሂንቴና ሹምፐሳና።

29 ታኒ ታ ዋዛናን አሽኬኔ አዳ ገዲያ ገሾ ታ ቃምባራን ጌሊቲ፣ ታፔ ታማሪቲ፤ ሂንቴ፣ ሂንቴ ሹምፑዋስ ሹምፖ ዳማና።

30 ታ ቃምባራይ ሊቆ፣ ቃሲ ታ ቶሆይካ ካዉሼ» ያገሰ።

12

ሳምባታ ቦንቻናው ቤስ? (ማር 2:23-28፤ ሉቃ 6:1-5)

1 ሄሳፌ ጉዬ፣ ሳምባታ ጋላስ፣ ዩሱሲ ጋዴ ገደራ አዴስ። ዩሱሳ ታማሪቲ ኮሻቲዳ ገሾ ቲያ ባንጋ ሺሪኪዲ ሞሶና።

2 ሺን ፋሪሳዌቲ ሄሳ ቤዒዲ ዩሱሳኮ፣ «ሄኮ፣ ኔ ታማሪቲ ሳምባታ ጋላስ ኦላናው ቤሶናባ ኦላሶና» ያገደሶና።

3 ዩሱሲ ኤንታኮ ዛሪዲ፣ «ዳዊቲይ ኮሻቲዳ ዋዴ ኢያራ ዳዔይሳታራ አይ ኦሊዳኮ ናባቢቤኬቲ?

11:12 ሉቃ 16:16 11:14 ሚላ 4:5፤ ማቶ 17:10 11:21 ኢሳ 23:1-18፤ ሃዘ 26:1-28:26፤ ኢዩ 3:4-8፤ አዋ 1:9-10፤ ዛካ 9:2-4 11:23 ኢሳ 14:13 11:24 ማቶ 10:15፤ ሉቃ 10:12 11:27 ዮሃ 3:35፤ ዮሃ 1:18፤ 10:15 11:29 ኤር 6:16 12:1 ዛሬ 23:25 12:3 1ሳሙ 21:1-6 12:4 ሉቁ 24:9

4 ዳዊቱይ ያሳ ከሌ ጌሊዲ ካሂኔታ ፃላላፔ አቲን እኔ እያሪ ዴዔይሳታሰ ቤሶና ገሻ ዳቡዋ ሚስ።

5 ዋይኮ ካሂኔቲ ሳምባታ ዋጋ ሻሪዲ ያሳ ከላን ሳምባታ ጋላስ ኦሶ ኦሊኮ ኤንታው ባላ ገደናይሳ ሙሴ ሂጊያን ናባቢኬኮቲ?

6 ሺን ሲዒቲ! ያሳ ከላፊ አዴይ ሃይሳን ዴዔስ።

7 ታኒ ሂንቲ ያርሹዋ ገደናሺን ሂንቲ ሃራታ ማራና ማላ ኮያይሰን ገያ ቃላይ ዋይ ጉሴኮ ሂንቲ ኤሪዳኮ ዓሎ አሳ ቦላ ፐርዴኬታ።

8 አሳ ናዓይ ሳምባታ ጎዳ» ያገሰ።

9 ዩሱሲ ያፔ ቢዲ አይሁዳ ዋሳ ከሌ ጌሊስ።

10 ያን ኩሽይ ጉንዲዳ አሲ ኡራይ ዴዔስ። ዩሱሳ ዋታናው ጋሶ ኮያ አሳቲ። «ሳምባታ ጋላስ ፓላናው ቤሲ ቤሴኔ?» ያገዲ ኦይቺደሶና።

11 ኢ ኤንታኮ። «ሂንቲ ገደፊ ኢሱዋስ ደርሲ ሳምባታ ጋላስ አፎን ወሊኮ። ጎቺዲ ከሶናይ ኦኔ?

12 ያፔን አሲ ደርሳፊ ዋኒዲ ዳር አዴኔ? ሃሳ ገሻ። ሳምባታ ጋላስ ሎባ ሶሶይ ቤሴስ» ያገሰ።

13 ሃሳፊ ጉዩ። ዩሱሲ አዲያኮ። «ኔ ኩሺያ ፒዲ ኦሳ» ያገኘ። ኡራይ ፒዲ ኦሊስ። ኢያ ኩሽይ ፓዒዲ ሃንኮ ኩሺያዳ ሃኒስ።

14 ሺን ፋሪሳዊቲ ያፔ ካሪ ከዩዲ። ዩሱሳ ዋቲ ዋቶኒኮ ማቄቲደሶና።

ያሳይ ደሪዳ አይሊያ

15 ዩሱሲ ኤንታ ቆፋ ኤሪዲ ሃ ቤሳ አገዲ ሃራ ሶ ቢስ። ዳር አሳይ ኢያ ካሊዲ ቢደሶና። ሃርጋንቾታ ኡባ ፓሊስ።

16 ዩሱሲ። «ታባ ሃራ ኦደሰካ ኦደፐቲ» ያገዲ ሚንላ ኦዲስ።

17 ሂሲካ ናቢያ አሳያሲ።

18 «ሂኮ ታ ደሪዳ አይሌይ።

ታ ደሴይሲ። ታና ኡፋይሴይሲ።

ታኒ ታ አያና። ኢያ ቦላ ሸምፐሳና፤

ኢ። አይሁዳ ገደና ዴዔያሰ ሱሬ

ፐርዳባ አዋጃና።

19 ኢ ፓላሚና ዋይኮ ካጩና፤

ባ ቃላካ ዴንባን ጮ ሲሴና።

20 ሱሬ ፐርዳን ያኖ ዴማና ጋካናው።

ዲንጩቲዳ ማቃ ሚንሳና።

ጩዩያ ሙቃዳ ቶይሴና።

21 አይሁዳ ገደና ዴሪይ ኡባይ ኢያን ኡፋይሲ ዋሳና።

ያገዲ ዓፊዳይሲ ፖሊታና ማላሳ።

ዩሱሳኔ ቢዔልዜቡላ

(ማር 3:20-30፤ ሉቃ 11:14-23)

22 ሃሳፊ ጉዩ። ቱና አያናን ኦይኬቲያ ቆቄኔ ሙሜ አሴ ዴዔይሳ ኢያኮ ኤሂደሶና። ዩሱሲ ኡራ ፓሊን። ኡራይ ቤዒሲኔ ኦዴቲስ።

23 አሳ ኡባይ ማላሊቲዲ። «ሃይሲ ዳዊቲ ናባ ገዳንዴሻ?» ያገደሶና።

24 ሺን ፋሪሳዊቲ ሃሳ ሲዒዲ። «ሃ ኡራይ ቱና አያናታ ከሴይ ቱና አያናታ ሃላቃ ቢዔልዜቡላ ዋልቃና» ያገደሶና።

25 ዩሱሲ ኤንታ ቆፋ ኤሪዲ። «ዋሊ ገደን ሻኬቲያ ካዋቲላ ኡባይ ኩንዳና፤ ቃሲ ዋሊ ገደን ሻኬቲያ ካታማይ ዋይኮ ከላይ ሚኒዲ ኤቄና።

26 ዓላሂይ ዓላሂ ኬሲያባ ገዲኮ ባ ገደን ሻኬቲስ ጉሱ። ሃሳሶ ሃኒያባ ገዲኮ ኢያ ካዋቲላይ ዋኒዲ ሚኒዲ ኤቃናው ዳንዳዒ?

27 ታኒ ቱና አያና ኬሴይ ቢዔልዜቡላ ዋልቃን ገዲኮ ሂንቲና ካሊያ አሳቲ ኦዴ ዋልቃን ኬሳኔ? ሃሳ ገሻ። ሂንቲና ካሊያ አሳቲ ሂንቲና ፐርዳና።

28 ሺን ታኒ ቱና አያናታ ኬሴይ ያሳ አያናን ገዲኮ። ያሳ ካዋቲላይ ሂንቲኮ ዩስ።

29 «ዋይኮ ኢሲ አሲ ዋልቃማ አሳ ሶ ጌሊዲ ኢያ ሻሉዋ ቦንቃናው ኮይኮ ኮይርቲዲ ሃ ኡራ ቃቾና ኢዒኮ ዋቲዲ ዳንዳዒ? ያፔኮ ኢያ ሻሉዋ ቦንቃናው ዳንዳዒስ።

30 «ታራ ገደናይ ኦኒካ ታራ ኤቄቲስ፤ ቃሲ ታራ ኢሲፊ ሺሾና ኡባይ ላሌስ።

31 ሃሳ ገሻ። ሲዒቲ፤ አሳይ ኦሊያ አይ ናጋሪኔ ጫሻ ቃሊ ኡባይ አቶ ጌቲታና። ሺን ጌሻ አያና ጫያ ኦደሰካ ኢያ ናጋሪይ አቶ ጌቲቲና።

32 ኦኒካ አሳ ናባ ቦላ ኢታባ ኦዴቲኮ ኢያው አቶ ጌቲታና። ሺን ጌሻ አያና ቦላ ኢታባ ኦዴቲያ ኦደሰካ ሃ ሳዓን ገዲን ያና ኦላሚያን ኢያ ናጋሪይ አቶ ጌቲቲና።

33 «ሎፖ ሚላይ ሎፖ አይፊ አይፊስ፤ ቃሲ ኢታ ሚላይ ኢታ

አይፈሰ። ሂዛ፣ ሚላይ ኤሬቴይ ባ አይፊያና።

34 ሂንቴኖ፣ ሾሻ ናይቶ፣ ሂንቴ ኢታ ገዲሼ ዋሊዲ ሎጋባ ኦይታናው ዳንዳዳተ? እሲ ባ ዋዛናን ኩሚዳባፕ ዶናን ኦይቴሰ።

35 ሎጋ እሲ ባ ዋዛናን ዋሊዳ ሎጋባ፣ ሎጋባ ኬሴሰ፤ ኢታ እሲ ባ ዋዛናን ዋሊዳ ኢታባ፣ ኢታባ ኬሴሰ።

36 ሺን ሰዒቲ፣ አሳይ ኦይቲያ ጮ ኦዳ ኡባሰ ፐርዳ ጋላሰ ዛር ኢማና።

37 አይሰ ገኮ፣ ኔ ኦይቲያ ኔ ቃላን ግላና፤ ኔ ኦይቲያ ኔ ቃላይ ኔ ቦላ ፐርዳና» ያገሰ።

ማላታ ቤዓናው ሸቂዳ ኦይሻ (ማር 8:11-12፤ ሉቃ 11:29-32)

38 ሂሳፌ ጉዬ፣ ኢሲ ኢሲ ፋሪሳዌቲኔ ሂጌ አሰታማሬቲ ዬሱሳኮ፣ «አሰታማሬያው፣ ኔጊ ማላታ ኦላዳ ኦና ቤሳ» ያገደሶና።

39 ሺን ዬሱሲ ዛሪዲ፣ «አማኔቶናኔ ኢታ ዬሌቴላይ ማላታ ኮዬሰ። ሺን ናቢያ ዮናሳ ማላታፔ ሃራ ማላቲ ኢያው አሜቴና።

40 ዮናሲ ገታ ሞሎ ኡሎን ሂዡ ጋላሲኔ ሂዡ ቃማ ጋምዒዳይሳ ማላ አሳ ናዓይ ሂዡ ጋላሲኔ ሂዡ ቃማ ቢታ ጋርሳን ጋምዓና።

41 ናናዌ አሳይ ፐርዳ ጋላሰ ዳንዲዲ ሃ ዬሌቴላ ቦላ ፐርዳና፤ አይሰ ገኮ፣ ኤንቲ ዮናሳ ሲብካቲያ ሰዒዲ ባንታ ናጋራፔ ሲሚዶሶና። ሄኮ፣ ዮናሳፔ አዲይሲ ሃይሳን ዳዔሰ።

42 ፐርዳ ጋላሰ ዳጌሃ ካዊያ ዳንዳዳ ሃ ዬሌቴላ ቦላ ፐርዳና፤ አይሰ ገኮ፣ ኢያ ሶሎሞኔ ጨንጨቴላ ሰዓናው ቢታ ጋገፔ ያሱ። ሄኮ፣ ሶሎሞኔፔ አዲይ ሃይሳን ዳዔሰ።

43 «ቴና አያናይ አሳፔ ኬዬዳፔ ጉዬ ባው ሸምፕያሶ ኮዬዲ ሃላ ባይና ማላ ቤሳን ዳቡሬሰ፣ ሺን ባ ኮያ ሸምፑዋ ዳማና።

44 ያንጎ፣ ጎታ አጋ ኬዬዳ ኬላ ሲማዳ ባና» ያገሰ። ኢ ሲሚያ ዋዴ ኬላይ ካይሲ ገዴይሳኔ ፐቴቲዲ ገገ ኡቲዳይሳ ዳማሰ።

45 ሂዛ፣ ሲሚ ቢዲ፣ ባፔ ኢቲያ ሃራ ላፑን ኢታ አያናታ ኤኪዲ ዬሰ፤

ኤንቲካ ኡራ ገደ ጌሊዲ ዳዖሶና። ሄ ኡራሰ ካሲይሳፌ ጉዬይሲ ዳር ኢቲሰ። ሃ ኢታ ዬሌቴላ ቦላ ሄሳ ማላ ሃናና» ያገሰ።

ዬሱሳ አዪወኔ ኢያ አሻታ (ማር 3:31-35፤ ሉቃ 8:19-21)

46 ዬሱሲ ዳሪያሰ ኦዳ ቦላ ዳዒሺን ኢያ አያኔ ኢያ አሻቲ ኢያ ኦዲሳናው ኮዬዲ ካሬን ኤቁዶሶና።

47 ኢሲ እሲ ኢያኮ፣ «ኔ አያኔ ኔ አሻቲ ኔና ኦዲሳናው ኮዬዲ ካሬን ኤቁዶሶና» ያገሰ።

48 ዬሱሲ ዛሪዲ፣ «ታ አያ ኦኔ? ታ አሻቲካ ኦናንቴ?» ያገሰ።

49 ባ ኩሺያሪ ታማሬታ ማሊሼ፣ «ቤዒቲ፣ ታ አያኔ ታ አሻቲ ሃይሳታ።

50 ሳሎን ዳዒያ ታ አዋ ሺኒያ ኦሊያ ኡባይ ታ አሻ፣ ታ ሚቾኔ ታ አዮ» ያገሰ።

13

ዜሬላ ዜሪያ ኡራ ለሚሶ (ማር 4:1-9፤ ሉቃ 8:4-8)

1 ሄ ጋላሰ ዬሱሲ ሶፔ ኬዬዲ አባ ጋግን ኡቲሰ።

2 ዳር ዳሬይ ኢያ ዩሹዋን ሸቂን አሳ አባ ጋግን አጋገዲ ዋንሎን ጌሊዲ ኡቲሰ።

3 አሳሰ ዳርባ ለሚሶን ያገዲ ኦዲሰ።

«ኢሲ ጎሻንቾይ ዜሬላ ዜራናው ኬዬሰ።

4 ኢ ዜሪያ ዋዴ ኢሲ ኢሲ ዜሪላቲ ኦጌ ጋግን ዋዲዶሶና፤ ኤንታካ ካፎቲ ዪዲ ማዒ ሚዶሶና።

5 ኢሲ ኢሲ ዜሪላቲ ጋርሳን ሻሎይ ዳዒያ ቢታ ቦላ ዋዲዶሶና። ዳር ቢቲ ባይና ገሾ ኤሌሲዲ ዶሊሰ።

6 ሺን አዋይ ኬዬን ሹሊሰ፤ ፃጶይ ባይና ገሾ ማሊሰ።

7 ኢሲ ኢሲ ዜሪላይ አጉንላ ገደን ዋዲሰ፤ አጉንላይ ዲጨዲ ሄ ዶላ ጨሊሰ።

8 ሃራቲ ቃሲ አራዳ ቢታ ቦላ ዋዲሰ፤ ዶሊዲ አይፌ አይፊሰ። ኢሶይ ዪታ፣ ኢሶይ ኡሱፑን ታማ፣ ኢሶይ ቃሲ ሃንታማ አይፊሰ።

9 ሲዒያ ሃይላ ዳዒያ ኡራይ ሲያ» ያገሰ።

12:34 ማቶ 3:7፤ 23:33፤ ሉቃ 3:7፤ ማቶ 15:18፤ ሉቃ 6:45 12:38 ማቶ 16:1፤ ማር 8:11፤ ሉቃ 11:16 12:39 ማቶ 16:4፤ ማር 8:12 12:40 ዮሃ 1:17 12:41 ዮሃ 3:5 12:42 1ካዋ 10:1-10፤ 2ታሪ 9:1-12 13:2 ሉቃ 5:1

10 ዩሱሳ ታማሪቲ ኢየሱስ ሸቂዲ፡ «አይሰ ኔኒ ዳሪያሰ ለሚሶን ኦዳይ?» ያገዲ ኦይቺዶሶና።

11 ኢ ዛሪዲ፡ «ሂንቲው ሳሎ ካዎቱላ ፀራ ኤራይ ኢሜቲሰ፡ ሺን ኤንታው ኢሜቲቤና።

12 ዳዲያ ኡባሰ ጉዡታና፡ ኢያው ዳራና፡ ሺን ባይናይሳፊ ሃሪ ኦቶሺን ኢያው ዳዲያራካ ኤኬታና።

13 ሃሳ ጊሾ፡ ታኒ ኤንቲ፡ ያሊሼ ዳሞና ማላ፡ ሲዲሼ ሲያና ማላ ዎይኮ ኦኬኮና ማላ ኤንታው ለሚሶን ኦዳይሰ።

14 «ኢሳያሲ ባ ማፃፃን ኦዲዳይሲ ኤንታ ቦላ ፖሊቲሰ። ኢ ኦዲሼ፡

ሂንቲ ሲሳ ሲዳታ፡ ሺን ኦኬኬኬታ፤

ሂንቲ ያሊታ፡ ሺን ቤዔኬታ።

15 አይሰ ጊኮ፡ ሃ ኦሳ ዎዛናይ ዜልዑሚሰ፤

ባንታ ሃይላ ኤሪሼ ቱሊሲዶሶና፡

ባንታ አይፊያ ገዢዶሶና።

ሄሲ ባይኔኮ ኤንቲ ባንታ አይፊያን ቤዒዲ፡

ባንታ ሃይላን ሲዲዲ፡

ባንታ ዎዛናን ኦኬኬዲ፡

ታኮ ሲማና፡

ታካ ኤንታ ፓላናሺን) ያገሰ።

16 «ሺን ሂንቲ አይፊቲ ቤዒያ ጊሾኔ ሂንቲ ሃይላቲ ሲዲያ ጊሾ ሂንቲ ኦንጃቲዳይሳታ።

17 ታ ሂንቲው ቱማ ኦዳይሰ፤ ዳር ናቤቲኔ ያሎ ኦሳቲ ሂንቲ ቤዒይሳ ቤዒናዉኔ ሂንቲ ሲዒይሳ ሲዒናው ኦሞቲዶሶና፡ ሺን ኤንታው ሃኒቤና።

18 «ሂዛ፡ ሃ ዜሪሳ ዜሪያ ኡራ ለሚሱዎ ሲዒቲ።

19 ኦኒ ገፃን ዎዲዳ ዜሪሳ ለሚሶይ ሃይሳ፡ ሳሎ ካዎቱላ ቃላ ሲዒዲ ኦኬኮና ኡራ ዎዛና፤ ያላሄይ ዪዲ ኢያ ዎዛናን ዳዲያ ዜሪሳ ማፂ ዲኒሰ።

20 ሻሎይ ጋርሳን ዳዲያ ቢታ ቦላ ዜሪቲዳይሲ ቃላ ሲዒዲ ኤሌሲዲ ኡፋይሳን ኤኬይሳታ።

21 ሺን ዓጾ ዩዳናው ዳንዳያና ጊሾ ዳር ገምዎኮና። ቃላ ጋሶን ሚቶይ ዎይኮ ጎዴቱላ ያ ዎዳ ኤሌሲ ዱቤቶሶና።

22 ኦጉንሳ ጋላን ዜሪቲዳይሲ ቃላ ሲዒሰ፡ ሺን ሃ ኦላሚያ ዲሳ ሂርጋይኔ ዲሪቲላ ቆፋይ ቃላ ጩሊያ ጊሾ አይፊ አይፎና ኦቲሰ።

23 ሺን ኦራዲ ቢታን ዜሪቲዳ ዜሪላይ ኦኬኮን ቃላ ሲዒያ ኡራ። ኢ አይፊ አይፊሰ፤ ኢሶይ ያታ፡ ኢሶይ ኡሱፑን ታማ ኢሶይ ቃሲ ሃሰታማ አይፊሰ» ያገሰ።

ሌሹዎ ለሚሶ

24 ዩሱሲ ኤንታው ሃራ ለሚሶ ኦዲሰ፡ «ያሳ ካዎቱላይ ባ ጎሻን ሎዎ ዜሪላ ዜሪዳ ኡራ ዳኔሰ።

25 ሺን ኦሲ ኡባይ ዲሰከን ኢያ ሞርኬይ ዪዲ ጊሰቲያ ጊዶን ሌሾ ዜሪዲ ቢሰ።

26 ጊሰቲይ ዲጩዲ አይፊያ ዎዳ ሌሾይ ኢያ ጊዶን ቤንቲሰ።

27 «ጋዲያ ጎዳ አይሌቲ ጎዳኮ ቢዲ፡ ጎዳዳው፡ ኔ ጎሻን ኔ ሎዎ ዜሪላ ዜሪቢኪሾ? ያቲን፡ ሌሾይ ኦዉፔ ዪዳ?» ያገደሶና።

28 «ኢ ኤንታኮ፡ ሂሳ ሞርኬይ ኦላሰ) ያገሰ።

«አይሌቲ ጎዳኮ፡ ኩ ቢዲ ሌሹዎ ሾዳና ማላ ኮያይ?» ያገደሶና።

29 «ሺን ኢ፡ ሳቶ ቦቾፊቲ፤ ሂንቲ ሌሹዎ ሾዳይሰ ጊሺን ጊሰቲይ ሾዳታና።

30 ቦቾፊቲ፤ ጫካ ዎዳይ ጋካናው ኢሲፊ ዲጮ። ሄ ዎዳ ጫኪያ ኦሳታ ሌሹዎ ሲንላቲዲ ማፂዲ ታማን ፀጋናው ሚርቄን ሚርቄን ቃቺቲ። ሺን ጊሰቲያ ሺሺዲ ታ ሻሊያን ቆሊቲ) ያገና» ያገሰ።

ጉላ ሚሌ ለሚሶ

(ማር 4:30-32፤ ሉቃ 13:18-19)

31 ቃሲ ሃራ ለሚሶ ያገዲ ኦዲሰ፤ «ሳሎ ካዎቱላይ ኢሲ ኦሲ ባ ጎሻን ባኪዳ ጉላ ሚሌ አይፊ ዳኔሰ።

32 ሄ ሚሌ አይፊይ ሃራ ሚላ አይፊታ፤ ጉላ፡ ሺን ኢያ ዶላ ዲጩዳ ሃራ ሚላታ ኡባፊ ኦቶ ጊታታዉሱ። ኢ ታሺያን ካፎቲ ኬዲዲ ኡታና ጋካናው ዎልቃማ ሚሌ ጊዳዉሱ» ያገሰ።

ኢርሾ ለሚሶ

(ሉቃ 13:20-21)

33 ካሊዲካ፡ ዩሱሲ ሃራ ለሚሶ ኦዲሰ፤ «ሳሎ ካዎቱላይ ኢሲ ማጫሲ ሄቩ ጋባቲ ዲሌ ኤካ ሙኦቃዳ፡ ሙኦቃይ ዳንዳና ማላ ኢያን ጉጂዳ ኢርሾ ዳኔሰ» ያገሰ።

34 ዬሱሲ ዳሪያሰ ሄ ለሚሱዋ ኡባ ኦዲስ። ለሚሶይ ባይና ኢሲባካ ኦዲቤና።

35 ናቤይ ባ ማፃፃፍ፤ «ታኒ ታ ደና፤ ለሚሶን ደያና፤ ሳሎይኔ ሳባይ ሚዴቶሳ፤

ጌሚዳይሳ ኦዲይሰ» ያገዱ ኦዲዳይሲ ሄሳን ፖሉተሰ።

ለሾ ለሚሱዋ ቢርሼላ 36 ዬሱሲ ዳሪያ ሞይዚዲ ሶ ጌሊሰ። ኢያ ታማሪቲ ኢያኮ ሸቄዲ፤ «ጎሻን ዳዲያ ሌሹዋ ቢርሼላ ኦሰ ኦዲ» ያገደሰና።

37 ኢ ዛሪዲ፤ «ሎ? ዜሬላ ዜሪዳይ አሳ ናባ።

38 ጎሻይ ሃ አላሚያ። ሎ? ዜሬላይ ሳሎ ካዎቴላ ናይታ። ሌሾይ ፃላሄ ናይታ።

39 ሌሹዋ ዜሪዳይ ሞርኪያ ፃላሄ። ጫካ ዎዳይ፤ ዎዲያ ወርሴላ። ጫኬይሳቲ ኪታንቸታ።

40 «ለሾይ ማፃፃዲ ታማን ፀጌቲይሳ ሚላ ዎዲያ ወርሴላን ሄሳዳ ሃናና።

41 አሳ ናባይ ባ ኪታንቸታ ኪታና። ኤንቲ ናጋራሰ ጋሶ ጌዴይሳታኔ ኢታ ኦሊያ ኡባ ማፂዲ ኢያ ካዎቴላሬ ኬሳና።

42 ማፂ ሸሸዲ ዬሆይኔ አቻ ጋርጬላ ዳዲያ ቶዖና ታማን ዬጋና።

43 ሄ ዎዳ ሂሎቲ ባንታ አዎ ካዎቴላን አዎዳ ፖሳና። ሲዲያ ሃይላ ዳዴይ ሲዎ!

44 «ዖሳ ካዎቴላይ ጎሻን ሞጌቲዳ ሚሼ ዳኔሰ። ኢሲ አሲ ሄ ሚሸያ ዳሚዲ ዛሪ ሞገሰ። ዳር ኡፋይቲዲ ቢዲ ባው ዳዲያባ ኡባ ባይዚዲ ሄ ጎሻ ጋዲያ ሻሚሰ።

45 «ሄሳዳካ፤ ቃሲ ሳሎ ካዎቴላይ ኢንቆ ገያ አልዎ ሹቻታ ኮያ ዛልሳንቸ ዳኔሰ።

46 ዳር አልዎ ኢንቁዋ ዳሚዲ ቢዲ ባው ዳዲያባ ኡባ ባይዚዲ ኢያ ሻሚሰ።

ሞሎ ኦይኪያ ጌቲ ለሚሶ 47 «ቃሲ ዖሳ ካዎቴላይ አባን ዬጌቲዳ ዲማ ዲማ ቆሞ ሞሎ ኦይኪያ ጌቲያ ዳኔሰ።

48 ሞሎ ኦይኪያ አሳቲ ሞሎይ ጌቲያን ኩሚን አባሬ ጋፃ ኬሲደሰና።

ያን ኡቲዲ ሎዑዋ ቆሪ ቆሪ ዳቸን ዬገደሰና፤ ሸን ኢታ ሞሎታ ዎሪ ሆሊደሰና።

49 ዎዲያ ወርሴላን ሄሳላ ሃናና። ኪታንቸቲ ዬዲ ናጋራንቸታ ሂሎታ፤ ሻኪዲ።

50 ዬሆይኔ አቻ ጋርጬላ ዳዲያ ቶዖና ታማን ዬጋና።

51 «ሃ ኡባይ ሂንቲው ጌሊዴ?» ያገዱ ኤንታ ኦይቸሰ።

ኤንቲ ዛሪዲ፤ «ኤ» ያገደሰና።

52 ዬሱሲ፤ «ሂዛ፤ ሳሎ ካዎቴላ ኤሪ ኤኪዲ ሂገያ ታማርሲያ ኡባይ፤ ባ ሚንጂዳ ሻሉዋ፤ ኦራላኔ ጋልሳ ኬሲያ አሴ ዳኔሰ» ያገሰ።

ዬሱሲ ናዚሬቲን ኢፃቲሰ (ማር 6:1-6፤ ሉቃ 4:16-30)

53 ዬሱሲ ሃ ለሚሱዋ ኦዲ ወርሲዳ፤ ጉዬ ያፔ ዳንዲዲ ቢሰ።

54 ባ ዬሌቲዳ ቢታ ቢዲ አይሁዴ ዎሳ ኬላን ዳሪያ ታማርሲሰ። ኤንቲ ማላሌቲዳ፤ «ሃ ኡራይ ሃ ጩንጫቴላኔ ሃ ማላታታ ኦሊያ ዎልቃ አዉፔ ኤኪዴ?

55 ሃይሲ አናፂያ ናባ ገዴኔዬ? ኢያ አዬ ሱንሳይ ማይራሞ ጌዴኔ? ኢያ አሻቲ ያይቆባ፤ ዮሴፋ፤ ሲሞናኔ ዪሁዳ ገደኮናዬ?

56 ኢያ ሚቸቲ ኦራ ዳዖሶና ገደኮና? ያቲን፤ ሃ ኡራይ ሃ ኡባ አዉፔ ኤኪዴ?» ያገደሰና።

57 ሄሳ ገሾ፤ ኢ ገያባ ኤኮና ኢፂደሰና።

ሸን ዬሱሲ፤ «ናቤይ ባ ዬሌቲዳ ቢታኒኔ ባ ሶ አሳ ማታን ቦንቸቲና» ያገሰ።

58 ኤንቲ አማናና ኢፂዳ ገሾ ዳር ማላታታ ሄ ቤሳን ኦሊቤና።

14

ፃማቁያ ዮሃነሳ ሃይቁዎ (ማር 6:14-29፤ ሉቃ 9:7-9)

1 ሄ ዎዳ ጋለላ አይሲያ ሄርዲሲ

* ዬሱሳባ ሰዲሰ።

2 ባ አይሌታኮ፤ «ሃይሲ ፃማቁያ ዮሃነሳ፤ ኢ ሃይቆፔ ዳንዲሰ። ያኒዳ ገሾ ሃ ኡባ ማላታታ ኢ ኦሴሰ» ያገሰ።

13:35 ማዘ 78:2 13:57 ዮሃ 4:43 * 14:1 ሄርዲሲ፡ ሃይሲ ካዉዋ ሄርዲሲ አንቲጳሳ። ኢ ዪሁዳኔ ፔሪያ ኪሪሰቶሲ ዬሌታና፤ ሲንሳ 4-39 ሞ.ል. ጋካናው ሃሪሰ። ኢ ካዉዋ ሄርዲሳሰ ናና።

3 ኢህሳ ገደይ ሄሮዲሲ ባ አሻ ፊልጶሳ ማቼ ሄሮዲያዲ ጋሶን የሃሂሳ ቃሾ ከሌ ጌልሲ ይሸሳ።

4 የሃሂሳ ሄሮዲሳ፣ «ኔ ኢዮ ኤካናው ዋጋ ገደና» ያገሰ።

5 ሄሮዲሲ የሃሂሳ ዋጳናው ኮዩሰ፣ ሽን ዳሬይ የሃሂሳ ናቤ ኦሌዲ ቤዲያ ገሾ ያሸተሰ።

6 ሄሮዲሲ ባ ዩሌቲዳ ጋላሳ ቦንቹያ ዋዴ ሄሮዲያዳ ናዲያ አሳ ሲንላን ዩላን ዲራዳ ኢያ ኦፋይሳሰ።

7 ያጥጎ፣ ኢ፣ «ኢያ ኮያባ ኡባ ኢማና ገዲ» ጫቁሰ።

8 ናዲያ ባ አዬ ዘሪያ ሲዳዳ ሄሮዲሳኮ፣ «ፃማቁያ የሃሂሳ ሁዲያ ከሪን ዋላዳ ታው ኢማ» ያገሰ።

9 ኢያ ያገን ካዎይ ቂርቲሰ፣ ሽን ባ ጫቁ ገሾኔ ባራ ዳዲያ ኢማታ ገሾ ገዲ ኢ ኦይሻይ ፖሌታና ማላ ከቲሰ።

10 ካዎይ አሴ ከቲዲ የሃሂሲ ቃሾ ከላን ዳዲሽን ኢያ ቆጲያ ጎይሪሲሰ።

11 ሁዲያ ከሪን ዋላ ኤሂዲ ናዴሰ ኢማዶሶና፣ ናዲያካ ኤካዳ ባ አዩሰ ኤፋሱ።

12 የሃሂሳ ታማሪቲ ዩዲ ኢያ አሃ ኤፊዲ ሞገዶሶና። ኢያፔ ጉዬ ሃሂዳባ ኡባ ቢዲ ዩሱሳሰ ኦዲዶሶና።

ዩሱሲ ኢቻሹ ሙኩሉ አሳ ሙዚሰ

(ማር 6:30-44፤ ሉቃ 9:10-17፤ የሃ 6:1-14)

13 ዩሱሲ ሃሂዳባ ሲዲዳ ዋዴ ዋጎሉዋን ጌሊዲ ሄ ቤሳፊ ኢሲ ጌሚያ ሶ ባርካ ቢሰ። አሳይ ሄሳ ሲዲዲ ካታማታቲ ዳንዲዲ ቶሆን ኢያ ካሊዶሶና።

14 ዩሱሲ ዋጎሉዋፔ ዋጲዲ ዳር አሳ ቤዲዲ ኤንታው ቃጴቲሰ። ኤንታ ገደን ዳዲያ ሃርጋንቾታ ፓላሰ።

15 ሳዳይ ኦማርሲሽ ቢያ ዋዴ ዩሱሳ ታማሪቲ ኢያኮ ሸቂዲ፣ «ሃ ቤሳይ አሲ ባይና ቤሲ፣ ሳዳይካ ቃሚሰ። ያሂያ ገሾ፣ ሄሪን ዳዲያ ጉታታ ቢዲ ባንታው ሻሚዲ ማና ማላ ዳሪያ ዩዳ» ያገደሶና።

16 ሽን ዩሱሲ ኤንታኮ፣ «ዳሬይ ሞና ባናው ኮሼና፤ ኤንቲ ማናባ ሂንቲ ኢማቲ» ያገሰ።

17 ኤንቲ ዛሪዲ፣ «ኑሰ ሃይሳን ኢቻሹ ኡይላፊኔ ናሞቡ ሞሎፔ ሃሪ ባዋ» ያገደሶና።

18 ኢካ፣ «አኔ ኤንታ ሃ ኤሂቲ» ያገሰ።

19 ካሊዲካ፣ ዳሬይ ማታን ኡታና ማላ ኦዲሰ። ኢቻሹ ኡይላኔ ናሞቡ ሞሎታ ኤኪዲ፣ ሳሎ ያሊዲ ጋላቲ ሲሚዲ፣ ኡይላ ማንላዲ ባ ታማሪታሰ ኢማሰ፤ ኤንቲ ቃሲ ዳሪያሰ ኢማዶሶና።

20 ኡባይ ሚዲ ካሊዶሶና፣ ዩሱሳ ታማሪቲ ሚሽን አቲዳይሳ ታማኔ ናሞቡ ጋይታ ዳንላዶሶና።

21 ካላ ሚዳ አሳይ ማጫሳይኔ ናይቲ አቲን ኢቻሹ ሙኩሉ ገዴሰ።

ዩሱሲ አባ ቦላራ ሃሙቲሰ (ማር 6:45-52፤ የሃ 6:15-21)

22 ዩሱሲ ባ ታማሪቲ ዋጎሉዋን ጌሊዲ ባፔ ሲንላቲዲ አባፊ ሄ ፊንላ ፐናና ማላ ከቲዲ ባው ዳሪያ ሞይዛናው ጉዬ አቲሰ።

23 ዳሪያ ሞይዚ ሲሚዲ ባርካ ዋሳናው ኢሲ ዳሪያ ቦላ ከዩሰ። ሳዳይ ቃሚንካ ኢ ባርካ ያን ጋሞዲሰ።

24 ሄ ዋዴ ዋጎሉይ አባ ቦላ ቢሽን ሲንላ ባጋራ ጫርኮይ ዳንዲን ሆቤይ ዋጎሉዋ ኤንዴሰ።

25 ዋንቲማላ ቦላ ዩሱሲ አባ ቦላ ሃሙቲሽ ባ ታማሪታኮ ዩሰ።

26 ኢያ ታማሪቲ፣ ኢ አባ ቦላ ሃሙቲሽ ባንታኮ ዩይሳ ቤዲዲ ያዩዶሶና። ኤንቲካ፣ «ሃይሲ ሞይቲሌ» ገዲ ያዩዲ ሞሲዶሶና።

27 ሽን ዩሱሲ ኤሌሲዲ፣ «አይኮይ ባዋ! ያዮፊቲ! ታናባይ» ያገሰ።

28 ጳዳርሲ ኢያኮ፣ «ጎዳው፣ ኔና ገዲኮ፣ ታኒ ሃላ ቦላራ ሃሙታዳ ኔኮ ባና ማላ ታና ከታ» ያገሰ።

29 ዩሱሲ ጳዳርሳኮ፣ «ሃያ» ያገሰ። ጳዳርሲ ዋጎሉዋፔ ዋጲዲ ሃላ ቦላራ ሃሙቲሽ ዩሱሳኮ ቡሱ ኦይኪሰ።

30 ሽን ዋልቃማ ጫርኮዋ ቤዲዲ ያዩሰ። ሃላን ሚቲቲላ ኦይኪዳ ዋዴ «ጎዳው፣ ታና አሻርኪ» ያገደዲ ሞሲሰ።

31 ዩሱሲ ኤሌሲዲ ባ ኩሺያ ዩዲ ኢያ ኦይኪዲ፣ «ኔና፣ አማናይ ፓጩዳይሶ አይሰ ሲዳይ» ያገሰ።

32 ዩሱሳራኔ ጳዳርሳራ ዋጎሉዋን ጌሊዳ ዋዴ ጫርኮይ ሲዲ ገሰ።

33 ዋጎሉዋ ገደን ዳዲያ ኢያ ታማሪቲ፣ «ኔኒ ቱማካ ዶሳ ናዳ» ገዲ ጎይኒዶሶና።

34 እንቲ ኣባ ፒኒዲ ገንጎሬጌ ቢታ ጋኪደሶና።

35 ሄ ቢታን ደዒያ ኣሳይ ዩሱሳ ኤሪዳ ዎዴ ባንታ ሄራን ደዒያ ጉታ ኡባ ኪታ ዩዲደሶና። ኣሳይ ሃርጋንቸታ ኡባ ኢያኮ ኤሂደሶና።

36 ሃርጋንቸቲ ኢያ ኣፊላ ማጫራ 9ላላ ቦቻና ሜላ ዎሲደሶና። ቦቹዳ ኡባይካ ፓዲደሶና።

15

አዎታ ዎጋባ
(ማር 7:1-13)

1 ሄሳፌ ጉዬ፣ ኢሲ ኢሲ ፋሪሳዊቲኔ ሃጌ ኣስታማሬቲ ዩሩሳላሜ፤ ዩሱሳኩ ዩዲ።

2 «ኔ ታማሬቲ ኣይሰ ኑ አዎታ ዎጋ ማንሶና? እንቲ ካሊ ማና፤ ሲንፍ ባንታ ኩሺያ ሜጩቶኮና» ያጊዲ ኦይቹደሶና።

3 ዩሱሲ ዛሪዲ፣ «ሂንቲ፣ ሂንቲ ዎጋ ጊሾ ያሳ ኪታ ፖሌይሳ ኣይሰ ኢጻቲ?»

4 ኣይሰ ጊኮ፣ ያሳይ፣ «ኔ ኣዎኔ ኔ ኣዩው ቦንቻ። ኢ ባ አዎ ዎይኮ ባ ኣዩው ጫዬይሲ ሃይቆ ገበኔ?» ያጊሰ።

5 ሺን ሂንቲ፣ ኢሲ ኣሲ ባ አዎ ዎይኮ ባ ኣዩው ማዳናባይ ደዒሺን፣ «ሃይሳ ታ ያሳስ ያርሻስ ጊኮ።

6 ባ አዎ ዎይኮ ባ ኣዩው ቦንቻናው ቤሴና) ያጌታ። ያቲዲ ሂንቲ፣ ሂንቲ ዎጋ ፖላናው ያሳ ቃላ ሚንፍታ።

7 ሂንቲኖ፣ ጩቦቶ፣ ኢሳያሲ ሂንቲባ ሊኬ ኦዲሰ።

8 « ሃ ኣሳይ ታና ባንታ ደናን ቦንቹሰ፣ ሺን እንታ ዎዛናይ ታፔ ሃሆን ደዒሰ።

9 ኣሳይ ታና ጮ ጎይኖሶና፤ እንቲ ኣሲ ሜጲዳ ኪታ ያሳ ሃጌ ዳኒሲዲ ታማርሶሶና ገሰ» ያጊሰ።

ኣሴ ቱኒሲያባታ
(ማር 7:14-23)

10 ዩሱሲ ዳሮ ኣሳ ባኮ ጻጊዲ፣ «ሲዒቲ! ኣኬከቲ!

11 ኣሴ ቱኒሲያባይ ደናራ ጌሊያባ ጊደናሺን ደና፤ ኬያባ» ያጊሰ።

12 ሄሳፌ ጉዬ፣ ዩሱሳ ታማሬቲ ኢያኮ ዩዲ፣ «ፋሪሳዊቲ ኔጊ ጊዳይሳ

ሲዒዲ ጳቤቲዳይሳ ኣኬካይ?» ያጊደሶና።

13 ሺን ዩሱሲ እንታው ዛሪዲ፣ «ሳሉዎን ደዒያ ታ ኣዎይ ቶኪቦና ሚላይ ኡባይ ሾዴታና።

14 እንታባ ሃርጎሬቲ፤ እንቲ ቆቄ ካሌሊያ ቆቄታ። ቆቄይ ቆቄ ካሌሊኮ፣ ናምዒይካ ኦላን ኩንዳና» ያጊሰ።

15 ጳዲርሲ ዛሪዲ፣ «ሃ ለሚሱዎ ቢርሼላ ኑስ ኦዳርኪ» ያጊሰ።

16 ዩሱሲ እንታኮ፣ «ሂንቲወካ ሃዒ ጋካናው ጌሊቤኔ?

17 ደናራ ጌሊያባ ኡባይ ኡሎ ጌሊዲ ካሬ ኬዬይሳ ኤሬኬቲ?»

18 ሺን ደናራ ኬያባይ ዎዛና፤ ኬዬሰ። ኣሴ ቱኒሲያባቲ ሄሳታ።

19 እንቲካ ኣሳ ዎዛና ጊደፌ ኬያ ኢታ ቆፋ፣ ዎጶ፣ ላይማቴሊ፣ ኢታ ኦሶ፣ ካይሶ፣ ዎርደ ማርካቴሊ፣ ጫሺ።

20 ሄሳ ዳኒያባቲ ኣሴ ቱኒሲሲ፤ ኣቲን ሚጩቶና ኩሹራ ሚይሲ ቱኒሴና» ያጊሰ።

ኢሲ ማጫሴ ኣማኑዎ
(ማር 7:24-30)

21 ሄሳፌ ጉዬ፣ ዩሱሲ ያፔ ኬዩዲ ጻርሳኔ ሲደና ካታማቲ ደዒያ ቢታ ቢሰ።

22 ኢሲ ካናኔ ቢታ ማጫሰ ዩሱሳኩ ያዳ፣ ባ ቃላ ቶቄ ኦላዳ፣ «ጎዳው፣ ዳዊቲ ናዓው፣ ታው ቃጴታርኪ፤ ታ ናዓው ቱና ኣያናይ ኦይኪዲ ኢታ ዎይሴሰ።» ያጋሱ።

23 ሺን ዩሱሲ ኢሲ ቃላካ ዛርና ሲዒ ገሰ። ዩሱሳ ታማሬቲ ኢያኮ ዩዲ፣ «ሃ ማጫሲያ ኑ ጌዶ ካላ ካላዳ፣ ዎሳዉሱ። ሄሳ ጊሾ፣ ኔጊ ኢኖ ዎይዛርኪ» ያጊዲ ዎሲደሶና።

24 ዩሱሲ ዛሪዲ፣ «ታኒ ወዳፔ ጳዩዳ ደርሳዳ ኢስራዔሌ ኬላፌ ጳዩዳ ኣሳታ 9ላላስ ኪቲታሰ» ያጊሰ።

25 ሺን ኢያ፣ ኢያ ሲንጎን ኩንዳና፣ «ጎዳው፣ ታና ማዳርኪ?» ያጋሱ።

26 ኢ ዛሪዲ፣ «ናይታ ካሊ ኤኪዲ ካናታሰ ዩጌይሲ ሎዎ ጊዳና» ያጊሰ።

27 ማጫሲያካ፣ «ጎዳው፣ ሂሲ ቱማ፣ ሺን ሃሪ ኣቶሺን ካናቲ ባንታ ጎዳቲ ሚሺን፣ ጋይታፔ ዎጲያ ቲፊያ ሞሶና» ያጋሱ።

28 ዩሱሲ ዛሪዲ፣ «ሃ ማጫሴቲ፣ ኔ ኣማናይ ጊታ፤ ኔ ኮዩዳይሳዳ ኔው ሃና» ያጊሰ። ኢ ናዒያ ኢራካ ፓዓ ኣጋሱ።

ዩሱሲ ዳር ሃርጋገቸታ ፓሊስ
29 ዩሱሲ ያፔ ዳንዲዲ ጋለላ አባ ማቲ ቤስ። ኢሲ ዳሬ ቦላ ከዩዲ፣ ያን ኡቲስ።

30 ዳር አሳይ ባንታራ፣ ዋቤታ፣ ቆቄታ፣ ኩናታ፣ ዶና ሙሜታ፣ ሃራ ዳር ሃርጋገቸታ ኤኪዲ፣ ኢያኮ ኤሂዲ ኢያ ሲንሳን ዋሊዶሶና። ዩሱሲ ኤንታና ፓሊስ።

31 ሄሳ ጊሾ፣ ሙሜቲ ኦዳቲሽን፣ ኩናቲ ፒዲ ጊሽን፣ ዋቤቲ ሃሙቲሽን፣ ቆቄቲ ያሊሽን አሳይ ቤዒዲ ማላሌቲዲ፣ ኢሰራዔል ያሳ ጋላቲዶሶና።

ዩሱሲ ኦይዲ ሙኩሉ አሳ ሙዚስ
(ማር 8:1-10)

32 ዩሱሲ ባ ታማሬታ ባኮ ያጊዲ፣ «ሃ ዳር አሳይ ታራ ሄቡ ጋላስ ጋምዒዳ ጊሾኔ ኤንታው ሃዒ ሚያባይ ባይና ጊሾ ታኒ ኤንታው ቃዴታይስ። ኤንቲ ኦኒን ዳቡሪዲ ኩንዶና ማላ ኦይኮ ሙዞና ኤንታ ማላ ዩዳናው ኮዩኬ» ያጊስ።

33 ኢያ ታማሬቲ ዛሪዲ፣ «ኮኒ ሃ ባዙዋን ሃይሳ ከና አሳስ ጊዲያ ካሊ አዉፔ ዳማኔ?» ያጊዶሶና።

34 ዩሱሲ ኤንታኮ፣ «ሂንቲው አፑን ኡይሊ ዳዒ?» ያጊዲ ኦይቸስ።

ኤንቲ ዛሪዲ፣ «ላፑን ኡይሊኔ ላፋ ሞሎታፔ ፑሊ ዳዒስ» ያጊዶሶና።

35 ዩሱሲ ዳሪያ ሳባን ኡቲቲ ያጊዲ ከቲስ።

36 ሃሳፌ ጉዬ፣ ሄ ላፑን ኡይላኔ ሞሎታ ኤኪዲ ያሳ ጋላቲስ። ማንሳዲ ባ ታማሬታስ አሚስ። ኢያ ታማሬቲ አሳስ ጊሽዶሶና።

37 አሳይ ኡባይ ሚዲ ካሊዶሶና። ኢያ ታማሬቲ፣ ሚሽን አቲዳ ቲፊያ ላፑን ጊታ ጋይታ ኩሜሊ ዳንሊዶሶና።

38 ሚዳ አሳይ ማጫሲኔ ናባ ፓይዶና አዳ ያላሊ ኦይዲ ሙኩሉ።

39 ዩሱሲ ዳሪያ ዩዲዲ ጉዬ ዋሳሉዋን ጌሊዲ ማጌዶና ጊያ ቤታ ቤስ።

16

ሳሎፔ ማላ ቤናናው ኦይቸዳ ኦይሻ
(ማር 8:11-13፤ ሉቃ 12:54-56)

1 ፋሪሳዊቲኔ ሳዲቃዊቲ ዩሱሳኮ ዩዶሶና። ኢያ ፓጫናው ኮዩዲ፣ ባንታና ሳሎፔ ማላታ ቤሶ ጊዲ ኦይቸዶሶና።

2 ሺን ኢ ኤንታኮ፣ «ሳዒ ኦማርሲያ ዋዴ ሳሎፔ ዘዒዳ ጊሾ ዋንቶ ቦቃላና» ያጊታ።

3 ዋንቲያ ዋዴ፣ ሳሎፔ ዘዒዲ ሻራቲዳ ጊሾ ኢራይ ቡካና» ያጊታ። ያቲን ሂንቲ ሳሎ ማላ ቤዒዲ ኤሪታ፣ ሺን ዋዲያ ማላ ኤራናው ዳንዳሪኬታ።

4 ኢታኔ አማናና ዩሌቲሳይ ማላታ ኮዩስ። ሺን ኢያው ዮናሳ ማላታፔ ሃራ ማላቲ አሜቲና» ያጊስ። ሄሳፌ ጉዬ፣ ኤንታና ያን ኦጊዲ ሃራ ሶ ቤስ።

ፋሪሳዊታኔ ሳዲቃዊታ ኢርሹዋ
(ማር 8:14-21)

5 ኤንቲ አባፌ ሄፊንሊ ፒኒዳ ዋዴ ዳቦ ኤኪዲ ያናይሳ ደጊዶሶና።

6 ዩሱሲ ኤንታኮ፣ «ፋሪሳዊታፔኔ ሳዲቃዊታ ኢርሹዋፌ ናጌቲቲ» ያጊስ።

7 ኤንቲካ ባንታ ጋርሳን፣ «ኢ ሄሳ ጊዳይ ኑ ዳቦ ኤኪዲ ዮና ጊሾሳ ጊዳና» ያጊዶሶና።

8 ዩሱሲ ኤንታ ቆፋ ኤሪዲ፣ «ሂንቲኖ፣ አማናይ ፓጫዳይሳቶ! ዳቦ ኤኮና ዩዳ ጊሾ ዋሊ ጊዶን ኦይስ ኦይቲቲ?»

9 ሃዒካ ሂንቲ ኦኬኬቲ? ኢቻሹ ሙኩሉ አሳስ ኢቻሹ ኡይላ ጊሽደይሳኔ ኤንቲ ሚዲ ካሊን ሂንቲ አፑን ጋይታ ኩሜሊ ዳንሊዳኮ ደጊደቲ?

10 ሃሳዳካ፣ ላፑን ኡይላ ኦይዲ ሙኩሉ አሳስ ጊሽደይሳኔ ኤንቲ ሚዲ ካሊን፣ ሂንቲ አፑን ጊታ ጋይታ ኩሜሊ ዳንሊዳኮ ኦኬኬኬቲ?

11 ሂዛ፣ ታኒ ፋሪሳዊታኔ ሳዲቃዊታ ኢርሹዋፌ ናጌቲቲ ጋዳ ኦይይሲ ዳቦባ ጊዶናይሳ ኦኬኬኬቲ?» ያጊስ።

12 ያቲን፣ ኢያ ታማሬቲ ዩሱሲ ኦይይ ሙኩቃ ዳንሳናው ዩጌቲያ ኢርሹባ ጊዶናሽን ፋሪሳዊታኔ ሳዲቃዊታ ቲሚርቲያፌ ናጌታናይሳ ጊዳይሳ ኦኬኪዶሶና።

ጳዒርሲ ዩሱሳባ ኦዲስ
(ማር 8:27-30፤ ሉቃ 9:18-21)

16:1 ማቶ 12:38፤ ሉቃ 11:16 16:4 ማቶ 12:39፤ ሉቃ 11:29 16:6 ሉቃ 12:1 16:9 ማቶ 14:17 16:10 ማቶ 15:34

13 ዩሱሲ ቀሳሪያ ፊልጶስ ቢታ ጋኪዳ ዋዴ ባ ታማሪታኮ፡ «አሳይ፡ አሳ ናዓ ኦና ጎና?» ያጊዲ ኦይቸሰ።

14 ኤንቲካ፡ «ኢሶቲ ኢሶቲ ፃግቂያ ዮሃንሳ፡ ሃራቲ ኤሊያሳ ቃሲ ሃንኮቲ ኤርሚያሳ ዋይኮ ናቤታፔ ኢሱዋ ጎሶና» ያጊደሶና።

15 ዩሱሲ ዛሪዲ፡ «ያቲን፡ ሃንቲ ታና ኦና ፔቲ» ጊዲ ኤንታ ኦይቸሰ።

16 ሲሞና ጳዳርሲ ዛሪዲ፡ «ኔኒ ከሪሰቶሳ፡ ዴያ ያሳ ናዓ» ያጊሰ።

17 ዩሱሲ ጳዳርሳኮ፡ «ዮና ናዓ ሲሞና፡ ኔኒ እንጃቲዳይሳ! ሃይሳ ኔው ቆንጨሲዳይ ሳሉዋን ዴዒያ ታ ኣዋፔ ኣቲን እሴ ጊዳና።

18 ታ ኔው ኦይይሰ ጳዳርሳ፡ ኔኒ ዛላ! ታኒ ሃ ዛላ ቦላ ታ ዋሳ ኬላ ከፃና። ሃይቆ ዋልቃቲካ ኢዮ ያኖኮና።

19 ሳሎ ካዋቴሳ ቁልፎታ ታ ኔው አማና፡ ሳዓን ኔኒ ዲጊያባይ ኡባይ ሳሎን ያሳ ማታን ዲጊቲዳባ ጊዳና። ሳዓን ኔኒ ሃኖ ጊያባይ ኡባይ ሳሎን ያሳ ማታን ሃኒዳባ ጊዳና» ያጊሰ።

20 ሃሳፌ ጉዬ፡ ኢ፡ ከሪሰቶሳ ጊዳይሳ ኦይሰካ ኦዶና ማላ ባ ታማሪታ ማንሉዲ ከቲሰ።

ዩሱሲ ባና ጋካና ዋያ ኦዲሰ

21 ሄ ዋዲያፔ ደሚዲ ዩሱሲ ባ ታማሪታሰ፡ «ታኒ ዩሩሳላሜ ባናው ቤሴሰ። ያን ዴሪያ ጨማታን፡ ካሂኔ ሃላቃታኔ ሃጌ አሰታማሪታ ኩሼን ዋዬ ኤካናው ቤሴሰ። ኤንቲ ታና ዋፃና፡ ሺን ታኒ ሃዳንሉ ጋላሰ ሃይቆፔ ዴንዳና» ያጊዲ ቆንጨሲሰ።

22 ጳዳርሲ ዩሱሳ ጋፃ ኬሲዲ፡ «ጎዳው፡ ሄሲ ሃኔና! ሄሳ ማላባይ ኔና ኡባራካ ጋኮፎ!» ያጊዲ ሃንቁቲሰ።

23 ዩሱሲ ጳዳርሳኮ ጉዬ ሲሚዲ፡ «ሃ ያላሂያው፡ ታፔ ሃካ! ኔኒ አሳ ቆፋ ቆፓሳፔ ኣቲን ያሳ ቆፋ ቆፖና ጊሾ ታው ቆቤ ጊዳሳ» ያጊሰ።

24 ሃሳፌ ጉዬ፡ ዩሱሲ ባ ታማሪታኮ፡ «ኦኒካ ታና ካላናው ኮያባ ጊዲኮ ባና ካዶ፡ ባ ማሰቃሊያ ቶኪዲ ታና ካሎ።

25 ባ ዴዐዋ ኣሻናው ኮያ ኡባይ ጳይሴሰ። ሺን ባ ዴዐዋ ታ ጊሾ ጊዲ ኣላ ኢሜይሴ ኣሼሰ።

26 ኣሲ ኣላሜ ኩሜላ ባባ ኦሊዲ፡ ጊደሺን ባ ሺምፑዋ ጳይሴኮ ኢያ ኣይ ማዲ? ዋይኮ ኣሲ ባ ሺምፑዋ ላሜ ኣይ ኢሚናው ዴንዳዒ?

27 ኣሳ ናዓይ ባ ኣዋ ቦንቹዋን ባ ኪታንቸታራ ያና። ሄ ዋዴ ኢሲ ኢሲ ኡራሰ ኢያ ኦሱዋዳ ኢሚና።

28 ታ ቱማ ኦይይሰ፤ ኣሳ ናዓይ ካዋ ጊዲዲ ሲሜይሳ ቤዓና ጋካናው ሃይሳን ኤቂዳ ኣሳፔ ሃይቆናይሳቲ ዴያሶና» ያጊሰ።

17

ዩሱሳ ማላይ ላሜቲሰ (ማር 9:2-13፤ ሉቃ 9:28-36)

1 ኡሱፑን ጋላሳፔ ጉዬ ዩሱሲ፡ ጳዳርሳ፡ ያይቆባኔ ኢያ ኢሻ ዮሃንሳ ባራ ኤከዲ ባንታርካ ጊዳናው ዴሪያ ቦላ ኬዩሰ።

2 ያን ኤንታ ሲንላን ዩሱሳ ማላይ ኩሜላ ላሜቲሰ፤ ኢያ ሶምዖይካ ኣዋዳ ያልቁሰ። ኢያ ማያይካ ዳር ቦዒሰ።

3 ሄኮ፡ ሙሴይኔ ኤሊያሲ ኢያራ ኦዴቲሺን ቤዒዶሶና።

4 ጳዳርሲ ዩሱሳኮ፡ «ኦኒ ሃይሳ ሃሹ ዩዳ። ኔ ኮይኮ ኢሲኖ ኔው፡ ኢሲኖ ሙሴሰ፡ ኢሲኖ ኤሊያሳሰ ሃይሳን ሄዡ ሻቃራ ሻቃራና» ያጊሰ።

5 ጳዳርሲ ሄሳ ቡር ኦዲሺን ቦላ ሻራይ ኤንታና ካሚሰ። ሻራ ጊደራ፡ «ታና ኡፋይሲያ፡ ታ ደሲያ ናዓይ ሃይሳ፡ ኢያ ሲዒቴ!» ያጊያ ቃላይ ዩሰ።

6 ዩሱሳ ታማሪቲ ሄሳ ሲዒዳ ዋዴ ዳጋሚዲ ባንታ ሶምዑዋራ ሳዓን ኩንዲዶሶና።

7 ሺን ዩሱሲ ኤንታኮ ሸቁዲ ኤንታ ቦቹዲ፡ «ዴንዲቴ፡ ያዮፊቴ!» ያጊሰ።

8 ኤንቲ ቶቁ ጊዲ ቤዒያ ዋዴ ዩሱሳፔ ሃራ ኦናካ ቤዒቦኮና።

9 ኤንቲ ዴሪያፔ ዋጂሺን ዩሱሲ ኤንታኮ፡ «ኣሳ ናዓይ ሃይቆፔ ዴንዳና ጋካናው ሃ ሃንቲ ቤዒዳባ ኦይሰካ ኦደፐቴ» ጊዲ ከቲሰ።

10 ዩሱሳ ታማሪቲ፡ «ያቲን፡ ሃጌ ኣሰታማሪቲ ኤሊያሲ ከሪሰቶሳፔ ካሴቲዲ ያና ጊዳይ ኣይቤሴ?» ያጊዲ ኦይቸደሶና።

16:14 ማቶ 14:1 16:16 ዮሃ 6:68 16:19 ማቶ 18:18፤ ዮሃ 20:23 16:24 ማቶ 10:38፤ ሉቃ 14:27 16:25 ማቶ 10:39፤ ሉቃ 17:33፤ ዮሃ 12:25 16:27 ማቶ 25:31፤ ማዝ 62:12፤ ሮሜ 2:6 17:1 2ጴጌ 1:17-18 17:5 ሜጲ 22:2፤ ማዝ 2:7፤ ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22፤ ዛሬ 18:15 17:10 ሚላ 4:5

11 ዩሱሲ ዛሪዲ፡ «ኤ! ኤሊያሲ ካሴት ዩዲ ኡባባ ገረሳና።

12 ሺን ታ ሂንቲው ቱማ ኦዳይሰ፤ ኤሊያሲ ካሴትዲ ዩሰ። ኤንቲካ ኢያ ቦላ ኮዩዳባ ኦሊደሶና፤ ኦፕን ኢያ ቫኪ ኤሪቦኮና። ሄሳዳ አሳ ናዓይ ኤንታ ኩሺን ዋዩታና» ያገሰ።

13 ሄ ዋዩ ዩሱሲ ገዳይ ፃማቂያ የሂረሳባ ገዴይሳ አክኪደሶና።

ዩሱሲ ቱና አያናይ ኦይኪዳ ናዓ ፓሊሰ

(ማር 9:14-29፤ ሉቃ 9:37-43)

14 ኤንቲ ዴሪያ፤ አሳኮ ሲሚያ ዋዩ ኢሲ አሲ ዩሱሳ ሲንሳን ጉልባቲዲ።

15 «ጎዳው፡ ሃያና ታ ናዓሰ ቃዴታርኪ፤ ኢያ ሸጪዲ ዩጊያ ሃርጌይ ዳር ኤንዔሊዲ ታማኒኔ ሃላን ዩጌሰ።

16 ኔ ታማራታኮ ኤሃሰ፡ ሺን ኤንቲ ፓላናው ዳንዳሲቦኮና» ያገሰ።

17 ዩሱሲ ዛሪዲ፡ «ሂንቲና፡ አማናና ጌላ ዩሌቴላው አዉዴ ጋካናው ታ ሂንቲራ ዳኔ? አዉዴ ጋካናው ታ ሂንቲና ዳንዳኔ? አኔ ናዓ ሃ ኤኪ ዩቴ» ያገሰ።

18 ዩሱሲ ቱና አያና ሃንቂን፡ ቱና አያናይ ናዓ፤ ከዩሰ፤ ሄ ሳቴንካ ናዓይ ፓዲሰ።

19 ሃሳፌ ጉዩ፡ ዩሱሳ ታማራቲ ባንታርካ ኢያኮ ሸቂዲ፡ «ኑኒ ቱና አያና ከሳናው ዳንዳሲቦናይ አይቢሰ?» ያገረደ አይቸደሶና።

20 ኢ ኤንታኮ፡ «ሂንቲው አማናይ ላፊዳ ገሸሳ። ታ ሂንቲው ቱማ ኦዳይሰ፤ ጋሼ አይፌ ሜላ አማናይ ሂንቲው ዴሲኮ ሃ ዴሪያ ሃይሳፌ ዴንዳዳ ጌዴ አቆ» ገኮ ሂንቲው ከቲታና። ሂንቲው ዳንዳዔቶናባይ ዳና።

21 [ሺን ሄሳ ሜላይ ዋሳ፤ ፆማ፤ አቲን ሃራን ከዩና]» ያገሰ። *

ዩሱሲ ባ ሃይቁዋባ ዛሪ ኦዲሰ

(ማር 9:30-32፤ ሉቃ 9:43-45)

22 ዩሱሳ ታማራቲ ጋሊላን ሸቂዲ ዴሲሺን ዩሱሲ ኤንታኮ፡ «አሳ ናዓይ አሳ ኩሺን አዲዲ አሚታና።

23 ኤንቲ ኢያ ዋቆና፡ ሺን ኢ ሄቫንላ ጋሊሰ ሃይቆ፤ ዴንዳና» ያገሰ።

ኢያ ታማራቲካ ዳር ቂርቲደሶና።

ዶሳ ከላ ገራ

24 ዩሱሳራኔ ኢያ ታማራታራ ቂፊርናሆሜ ካታማ ጋኪዳ ዋዩ ዶሳ ከላ ገራ ቃንግሴይሳቲ ጳዒርሳኮ ዩዲ፡ «ሂንቲ አሰታማራይ ዶሳ ከላ ገራ ገሪ?» ያገረደ አይቸደሶና።

25 ጳዒርሲ ዛሪዲ፡ «ገሪሰ» ያገሰ። ጳዒርሲ ሶ ጌሊያ ዋዩ ዩሱሲ ካሴትዲ፡ «ጳዒርሳ፡ ኔው አይ ዳኒ? ሃ ሳዓ ካዋቴላቲ ቃራግኔ ገራ ኦፔ ኤኮና? ጋዴ አሳ፤ ዋይኮ አሳ ጋዴ አሳ፤?» † ያገረደ አይቸሰ።

26 ጳዒርሲ «አሳ ጋዴ አሳ፤» ገዲ ዛሪሰ።

ዩሱሲ ዛሪዲ፡ «ጋዴ አሳይ ገራ ገርኮና ጉሱ።

27 ሺን ኤንቲ ቆቤቶና ሜላ አባ ባዳ ሞሉዋ ኦይኪያ ማንፃቆ ዩጋ። ኮይር ኔ ኦይኪያ ሞሉዋ ደና ደያዳ ገራሰ ገዲያ ሚሺያ ኔ ገሸኔ ታ ገሸ ኤፋዳ ገራ» ያገሰ።

18

ኡባፌ አዴይ ኦኔ?

(ማር 9:33-37፤ ሉቃ 9:46-48)

1 ሄ ዋዩ ዩሱሳ ታማራቲ ዩዲ፡ «ሳሎ ካዋቴላን ኡባፌ አዴይ ኦኔ?» ያገረደ አይቸደሶና።

2 ዩሱሲ ኢሲ ጉላ ናዓ ያገረደ ኤንታ ገደን ኤሲዲ ሃይሳዳ ያገሰ።

3 «ታኒ ሂንቲው ቱማ ኦዳይሰ፤ ሂንቲ ለሚቶናኔ ጉላ ናይታዳ ሃናና ኢዳኮ ሳሎ ካዋቴላ ኡባራካ ጌላናው ዳንዳዔኮታ።

4 ሂዛ፡ ሃ ጉላ ናዓዳ ባና ካዉሺያ ኦኒካ ሳሎ ካዋቴላን ኡባፌ አዴይሳ ገዳና።

5 ሃይሳ ሜላ ናዓ ታ ሱንላን ሞኪያ ኦኒካ ታና ሞኪሰ።

6 «ሺን ታናን አማኒያ ሃ ጉላታ፤ ኢሱዋ ናጋራ ኦላና ሜላ ቆቤ ገዲያ ኦኒካ ገታ ጋቻ ዋፃ ባ ቆዴን ቃቸዲ ጨዋ አባን ሚቲቲኮ ኢያው ሎዎ።

7 አላሚን አሳይ ናጋራ ኦላና ሜላ ኦሊያባቲ ዴሲያ ገሸ አላሚያ አዩ። ሄሳ ሚላባቲ ዮና አቴና፡ ሺን ቆቤይ ኢያ ጋሶን ያ ኡራ አዩ።

17:12 ማቶ 11:14 17:21 ማቶ 21:21፤ ማር 11:23፤ 1ቆር 13:2 * 17:21 ኢሲ ኢሲ ቤኒ ማፃፋታን ፓይዶ 21 ዳና። 17:24 ከሳ 30:13 † 17:25 ጋዴ አሳ፤ ዋይኮ አሳ ጋዴ አሳ፤? ሄ ዋዩ ካዋቴላቲ ባንታ ጋዴ አሳ፤ ገራ ኤኮኮና። 18:1 ሉቃ 22:24 18:3 ማር 10:15፤ ሉቃ 18:17

8 «ኔ ኩሼይ ወይኮ ኔ ቶሆይ ኔና ባሌሱኮ ኔፕ ቃንፃ ዬጋ። ኔኒ ናምዑ ኩሼራ ወይኮ ናምዑ ቶሆራ ሜሪና ታማን ዬጌታናይሳፌ ኩሼ ወይኮ ቶሆ ዲፃ ገዳዳ ሜሪና ዴፃ ዴሜይሲ ኔው ሎፖ።

9 ቃሲ ኔ አይፌይ ኔና ባሌሱኮ እዮ ወጫ ኬሳዳ ወራ ሆላ። ኔኒ ናምዑ አይፌራ ጋናሜ ታማን ዬጌቲይሳፌ ኢሲ አይፌራ ሜሪና ዴዑዋ ጌሌይሲ ኔው ሎፖ።

10 «ታ ሂንቲው ኦዳይሰ፤ ሳሎን ዴዒያ ኤንታ ናጊያ ኪታንቸቲ ኡባ ወዴ ሳሎን ዴዒያ ታ አዋ ሲንገላን ዴዒያ ጊሾ ሂንቲ ሃ ጉላታፔ ኢሱዋካ ካጵና ሜላ ናጌቲቲ።

11 እሳ ናዓይ ጳይዳይሳታ አሻናው ዪሰ» * ያገሰ።

ጳይዳ ደርሳ ለሚሶ (ሉቃ 15:3-7)

12 ቃሲ ዬሱሲ፣ «ሂንቲው አይ ዳኒ? ኢሲ ኡራሰ ፃቲ ደርሳቲ ዴዒይሳታፔ ኢሶይ ጳይኮ ኡዲፋን ታማኔ ኡዲፋናታ ዴሪያ ቦላ ዬጌ ኣጊዲ ሄ ጳይዳይሳ ኮያናው ቤኔ?

13 ታ ቱማ ኦዳይሰ፤ ኢ ዴሚዳ ወዴ ኡዲፋን ታማኔ ኡዲፋናታፔ አሉዲ ጳይዲ ቤንቲዳ ኢሲ ደርሳን ኡፋይቲሰ።

14 ሃሳዳካ፣ ሳሎን ዴዒያ ሂንቲ አዋይ ሃ ጉላታፔ ኢሶይ ጳያና ሜላ ኮዬና።

ቆሂዳ አሲ ዋታኔ?

15 «ኔ እሻይ ኔና ቆሂኮ ኔርካ ኢያኮ ባዳ ኢያ ባላ ኢያው ኦዳ። ኢ ኔና ሲዒኮ ኔ እሻ ኔው እሻ ኦላ።

16 ሺን ሄ ኔና ሲዖና ኢደኮ፣ ናምዑ ወይኮ ሃቡ አሳ ማርካን ዋቶይ ላሴቲያ ጊሾ ኢሲ ወይኮ ናምዑ አሲ ኤካዳ ኢያኮ ባ።

17 ኢ ኤንታና ሲዖና ኢደኮ፣ ዋሳ ኬላሰ ኦዳ። ዋሳ ኬላ ጊያባ ሲዖና ኢደኮ አማናና አሳዳ ወይኮ ቃራፃ ቃንፂሲያ አሳዳ ኢያ ፓይዳ።

18 «ታ ሂንቲው ቱማ ኦዳይሰ፤ ሳዓን ሂንቲ ዲጊያባቲ ኡባይ ሳሎን ያሳ ማታን ዲጌቲዳባ ጊዳና። ሳዓን ሂንቲ ሃና ጊያባቲ ኡባይ ሳሎን ያሳ ማታን ሃኒዳባ ጊዳና።

19 «ቃሲካ ታ ሂንቲው ኦዳይሰ፤ ሳዓን ሂንቲፌ ናምዓይ ባንታ ዋሲያባሰ ኢሲ ዋዛናን ጊዲዲ ያሳ ዋሲያባ ጊዲኮ ሳሎን ዴዒያ ታ አዋይ ሂንቲው ኦላና።

20 ታና ካሌይሳታፔ ናምዓ ወይኮ ሄቫ ጊዲዲ ሸቂያ ቤሳን ታኒ ኤንታ ጊደን ቤንታና» ያገሰ።

አቶ ጉሳባ

21 ሄ ወዴ ጳይሮሲ ዬሱሳኮ ዪዲ፣ «ጎዳው፣ ታ እሻይ ታና ቆሂኮ አፑን ቶሆ ታኒ አቶ ጋናው ቤሲ? ላፑን ቶሆ ጋካናሴዬ?» ጊዲ ኦይቺሰ።

22 ዬሱሲ ዛሪዲ፣ «ጊዴና፣ ላፑን ታው ቶሆ ላፑናፔ ኣቲን ላፑን ቶሆ ጊዴና።

23 «ሃሳ ጊሾ፣ ያሳ ካዋቲላይ ባ ኦሳንቸታራ ባ ሚሼይ ፓጪዳኮ ን ፓላሂዳኮ ቤዓናው ቆፒዳ ካጧዋ ዳኔሰ።

24 ሄ ካዋይ ሚሼይ ፓጪዳኮ ን ፓላሂዳኮ ቤዒያ ወዴ ዳር ጊንዲጊንዳ አጮይ ዴዒያ ኢሲ ኡራ ኢያኮ ኤሂደሶና።

25 ሺን ሄ አይሌይ አጩዋ ቃንፃናው ያኔቲን ኢያራ፣ ኢያ ማቼራ፣ ኢያ ናይቲኔ ኢያው ዴዒያባይ ኡባይ ባይዘቲዲ አጮይ ጨጌታና ሜላ ኢያ ጎዳይ ከቲሰ።

26 ያቲን አይሌይ ባ ጎዳ ቶሆዋ ቦላ ጉልባቲዲ፣ ታ ጎዳው፣ ሃያና ጉላ ወዴ ታካርኪ፣ ታ አጩዋ ኡባ ታ ጨጋና) ያገዲ ዋሲሰ።

27 ካዋይ ኢያው ቃጵቲዲ፣ ዬዲ ኣገሰ፤ ኢያ አጩዋ ማሪሰ።

28 «ሺን ሄ አይሌይ ኬዪ ቢዲ ባ ላጌ ኦሳንቸታፔ ኢሶይ ባፔ ዳር ጉላ ሚሼ ታልዒዳይሳ፣ ሳ ቦላ ዴዒያ ታ ሚሺያ ታው ጨጋ) ጊዲ ቆጴ አይከሰ።

29 «ሄ ኢያ ላጌ አይሌይ ኢያ ሲንገላን ጉልባቲዲ፣ ሃያና ጉላ ወዴ ታካርኪ ታኒ ታ አጩዋ ኡባ ጨጋና) ያገዲ ዋሲሰ።

30 «ሺን ኢደዲ ኤኪ ኤፊዲ ባ ላጌይ አጩዋ ቃንፃና ጋካናው ቃሾ ኬላ ጌልሲሰ።

31 ሃሳ ጊሾ፣ ሃራ ላጌ ኦሳንቸቲ ሃሳ ቤዒዳ ወዴ ዳር ዪሎቲዲ፣

18:8 ማቶ 5:30 18:9 ማቶ 5:29 18:10 ሉቃ 19:10 * 18:11 እሳ ናዓይ ጳይዳይሳታ አሻናው ዪሰ። ኢሲ ኢሲ ቤኒ ማፃፋቲ ፓይደ 11 ጉጃሶና። 18:15 ሉቃ 17:3 18:16 ዛሪ 19:15 18:18 ማቶ 16:19፤ ዮሃ 20:23 18:21 ሉቃ 17:3-4 18:22 ሜዴ 4:24

ቢዲ ባንታ ጎዳስ ኢ ኦሊዲባ ኡባ ኦዲዶሶና።

32 «ያቲን ካዎይ ሄ አይሊያ ያጊሲዲ፣ ሃ ኢታ አይሊያው፣ ኔኒ ታና ዎሲዳ ጊሾ ታ ኔ አጩዋ ኡባ ኔው ማራሰ።

33 ያቲን፣ ታኒ ኔ አጩዋ ማራዳይሳዳ ኔኒ ኔ ላጌ አይሊያ አጩዋ ማራናው ኔው ቤሴኔ?» ያጊሲ።

34 ሄሳ ጊሾ፣ ካዎይ ዳር ዪሎቲዲ፣ ኢ ባ አጩዋ ኡባ ጨጋና ጋካናው ፓፃ ካዔታና ማላ ቃሾ ኩላን ይገሰ።

35 «ሄሳዳካ፣ ሂንቲ ኢሶይ ኢሶይ ሂንቲ አሻ ዎዛናፔ ማርና ኢደኮ ሳሎን ዴዒያ ታ አዎይ ሂንቲና ሄሳዳ ኦላና» ያጊሲ።

19

ኤኮ ጌሎባ (ማር 10:1-12)

1 ዩሱሲ ሄሳ ኦዲ ኦንጊዳፔ ጉዬ ጋለላፔ ዴንዲዲ ዮርዳኖሴ ሻፋፔ ሄፊንጎን ዴዒያ ዪሁዳ ቢታ ቢሰ።

2 ዳር አሳይ ኢያ ካሊዲ ቢን ኤንታ ጊደፊ ሃርጋንቾታ ፓሊሰ።

3 ፋሪሳዌቲ ኢያ ፓጫናው ኮዪዲ ኢያኮ ዪዲ፣ «ኢሲ አሲ አይ ጋሶንካ ባ ማቺው ዩዳናው ቤሲ?» ያጊዲ ኦይቺዶሶና።

4 ዩሱሲ ዛሪዲ፣ «የሳይ ኮይር አዴኔ ማጫሰ ኦሊ ሜዲዳይሳ ሂንቲ ናባቢቤኬት?»

5 «ሄሳ ጊሾ፣ ኢሲ አሲ ባ አዎኔ ባ አዪው አጊዲ ባ ማቺራ ኢሲኖ ጊደሰ፣ ናምዓይካ ኢሲ አሾ ጊደሶና።»

6 ሄሳ ጊሾ፣ ኤንቲ ኢሲ አሾ ጊደሶናፔ ኦቲን ናምዓ ጊደኮና፣ ሂዛ፣ ዶሲ ቃቺዳይሳ አሲ ሻኮፎ» ያጊሲ።

7 ፋሪሳዌቲ፣ «ያቲን፣ ሙሴይ ኢሲ አሲ ኦንጆ ዎርቃቲ ኢሚዲ ዩዳና ማላ አይሰ ከቲዳ?» ያጊዲ ኦይቺዶሶና።

8 ዩሱሲ ዛሪዲ፣ «ሂንቲ፣ ሂንቲ ማቺታ ዩዳና ማላ ሙሴይ ሂንቲና ከቲዳይ፣ ሂንቲ ዎዛና ሚኖቲላ ጊሾፔ ኦቲን ኮይርፔ ሄሳ ማላ ጊደና።

9 ታ ሂንቲው ኦዳይሰ፤ ባ ማቺያ ላይማቶና ዴዒሺን ዩዲዲ ሃራ ኤኪያ ኦኒካ ላሜሰ» ያጊሲ።

10 ኢያ ታማሬቲ ኢያኮ፣ «አዚናባይኔ ማቺባይ ሄሳ ማላ ጊዲኮ ኤኮ ጌሎይ ኦቲኮ ሎፖ» ያጊደሶና።

11 ዩሱሲ ዛሪዲ፣ «ሄሳ ማላ ተሚርቲይ ያሳይ ዳንዳዓ ኢሚዳይሳታሳፊ ኦቲን አሳ ኡባሳ ጊደና።

12 ሂዛ፣ ዩሎቲሼ ሹፋ ጊዲዲ ዩሎቲዳይሳቲ ዴዎሶና፣ ቃሲ አሲ ቃራቲዳይሳቲ ዴዎሶና፣ ቃሲ ሳሎ ካዎቲላ ጊሾ ጊዲ ባንታና ሹፋይዳይሳቲ ዴዎሶና። ሄሳ ጊሾ፣ ሃይሳ ኤካናው ዳንዳዒያ ኦኒካ ኤኮ» ያጊሲ።

ዩሱሲ ጉላ ናይታ ኦንጂሰ (ማር 10:13-16፤ ሉቃ 18:15-

17) 13 ዩሱሲ ባ ኩሺያ ጉላ ናይታ ቦላ ዎሊዲ ኤንታው ዎሳና ማላ ኢሲ ኢሲ አሳይ ናይታ ኢያኮ ኤሂዶሶና። ሺን ኢያ ታማሬቲ አሳ ሃንቁቲዶሶና።

14 ሺን ዩሱሲ፣ «የሳ ካዎቲላይ ሃይሳታ ማላሳ ጊዲያ ጊሾ ጉላ ናይቲ ታኮ ዩይሳ ዲጎፊቲ፤ ዮ ጊቲ» ያጊሲ።

15 ባ ኩሺያ ኤንታ ቦላ ዎሊዳፔ ጉዬ ሄ ቤሳፊ አጊዲ ቢሰ።

ናናቲላ ዲሬ ኡራ (ማር 10:17-31፤ ሉቃ 18:18-

30) 16 ኢሲ ጋለሰ ኢሲ ኡራይ ዩሱሳኮ ዪዲ፣ «አሰታማሪያው፣ ታኒ ሜሪና ዴዎ ማናው አይ ሎፖባ ኦሎ?» ያጊሲ።

17 ዩሱሲ ኢያኮ፣ «ሎፖባ ኔ ታና አይሰ ኦይቻይ? ኢሲ ያሳፊ ኦቲን ሃሪ ሎፖይ ባዎ። ሺን ኔኒ ሜሪና ዴዐዎ ኤካናው ኮይኮ ኪታታ ናጋ» ያጊሲ።

18 ኡራይ ዛሪዲ፣ «አዉሳ ኪታታ» ያጊዲ ኦይቺሰ።

ዩሱሲ ዛሪዲ፣ «ዎዲፓ፣ ላይማቶፓ፣ ካይሶቶፓ፣ ዎርዶ ማርካቶፋ፣

19 ኔ አዎኔ ኔ አዪው ቦንቻ፣ ኔ ሾሩዎ ኔ ሁዒያላ ደሳ» ያጊሲ።

20 ሄ ናናቲላይ፣ «ታኒ ሃይሳታ ኡባ ናናቲላፊ ደማዳ ናጋሰ። ያቲን፣ ሃሪ ታው ፓጩያባይ አይቤ?» ያጊዲ ኦይቺሰ።

21 ዩሱሲ ዛሪዲ፣ «ኔኒ ፖሎ ጊዳናው ኮይኮ ባዳ ኔው ዴዒያባ ባይዛዳ ማንቆታሰ ኢማ፤ ኔኒ ሳሎን

19:4 ሜዲ 1:27፤ 5:1 19:5 ሜዲ 2:24 7:10 19:18 ኬሳ 20:13-16፤ ዛሬ 5:17-20

19:7 ሜዲ 24:1 19:9 ማጥ 5:32፤ 1ቆር 19:19 ኬሳ 20:12፤ ዛሬ 5:16፤ ሉዎ 19:18

ዲሬታና። ያታ ሲማ ያዳ ታና ካላ» ያገሉ።

22 ሺን ሄ ናቴላ ኡራይ ዳር ዲሬ ገዲያ ገሾ ሄሳ ሲዲዳ ዎዴ አዛኒሾ ኣገዲ ቢሰ።

23 ሄሳፊ ጉዬ፣ ዩሱሲ ባ ታማሬታ፣ «ታኒ ሂንቴው ቱማ ኦዲይሰ፤ ዲሬይ ሳሎ ካዎቴሌ ገላናይሲ ዳር ሚቶ።

24 ዲሬ ኣሲ ያሳ ካዎቴላ ገላናይሳፊ ገማሌይ ማርፔ ሉሆራ ኣዲይሲ ካወዬሰ» ያገሉ።

25 ዩሱሳ ታማሬቱ ሄሳ ሲዲዲ ማላላቲዲ፣ «ያተን፣ ኦኒ ኣታናው ዳንዳዲ?» ያገዲ ኦይቺዶሶና።

26 ዩሱሲ ኤንታ ጫዲ ጸሊዲ፣ «ሃይሲ ኣሳሰ ዳንዳዴቴና፣ ሺን ያሳሰ ኡባይ ዳንዳዴቴሰ» ያገሉ።

27 ጳጳርሲ ዛሬዲ፣ «ኦኒ ኡባባ ኣገዲ ኔና ካሊዲ። ያተን፣ ኦኒ ኣይ ዴማኔ?» ያገሉ።

28 ዩሱሲ ኤንታኮ ሃይሳዳ ያገሰ። «ታኒ ሂንቴው ቱማ ኦዲይሰ፤ ኣሳ ናዲይ ያና ኣላሚያን ባ ቦንቾ ኣራታን ኡባይ ዎዴ ሂንቴ ታማኔ ናምዓቲ፣ ታና ካሊዲይሳቲ፣ ታማኔ ናምዑ ኣራታን ኡቲዲ ታማኔ ናምዑ ኢሰራዔሌ ዜሬላታ ቦላ ፐርዳና።

29 ታ ሱንላ ገሾ ከሌ ዎይኮ ኢሻታ ዎይኮ ሚቹታ ዎይኮ ኣዎ ዎይኮ ኣዪው ዎይኮ ናይታ ዎይኮ ጋዲያ ኣገዲይ ኦኒባ ያቲ ኩሼ ኤካና። ቃሲ ሜሪና ዴዑዎካ ኤካና።

30 ሺን ዳርቲ ሃዒ ዴላን ሲንሌ ገዲዲይሳቲ ጉዬ ገዳና፣ ቃሲ ጉዬ ገዲዲይሳቲ ሲንሌ ገዳና» ያገሉ።

20

ዎይኒያ ገደን ኦሊያ ኦሳንቾታ ለሚሶ

1 «የሳ ካዎቴላይ ባ ዎይኒያ ገደን ኦሳንቾታ ከራ ኦሲሳናው ዎንታ ጉራ ከዪዳ ከላዎ ዳኒሰ።

2 ኢ ሄ ኦሳንቾታሰ ሃቺ ሃቺ ኢሲ ዲናሬ * ቃንፃናው ኤንታራ ገገዲ፣ ኤንታ ባ ዎይኒያ ገደ ዩዲሰ።

3 «ቃሲ ዎንታፊ ሂቩ ሳቲ ገዲሺን ከዪዲ ኦሶ ጳዪዲ ገያ ቦላ ኤቁዳ ሃራ ኣሳታ ዴሚሰ።

4 ኢ ኤንታኮ፣ ሂንቴካ ታ ዎይኒያ ገደ ቢዲ ኦሊቴ፣ ታኒ ሂንቴው ቤሲያ ጋቲያ ቃንፃና» ያገሉ።

5 ኤንቴካ ቢዶሶና። ቃሲካ ኢ ኡሱፑን ሳቴኒኔ ኡዲፋን ሳቴን ከዪዲ ሄሳዳ ኦሊሰ።

6 ታማኔ ኢሲ ሳቲ ገዲሺን ኢ ከያ ዎዴ ሃራቲ ያን ኤቁዳይሳታ ዴሚዲ፣ ሂንቴ ኦሶ ኦሶና ጋላሰ ኩሚላ ሃይሳን ኣይሰ ኤቁዲ ፔዒዴቲ?» ያገሉ።

7 «ኤንቴ ዛሬዲ፣ ሓና ከራ ኦሲሲያ ኣሲ ጳዪዳ ገሾሳ» ያገደሶና።

«ኢካ፣ ሂንቴካ ታ ዎይኒያ ገደ ቢዲ ኦሊቴ» ያገሉ።

8 «ሳዒ ኦማርሲን፣ ዎይኒያ ጎዳይ ኦሳንቾታ ሃላቃኮ፣ ሓሳንቾታ ጸጋዴ ወርሴላን ኦሶ ገሊዲይሳታፔ ደማዳ ኮይር ገሊዲይሳታ ጋካናው ኤንታ ጋቲያ ቃንፃ» ያገሉ።

9 ታማኔ ኢሲ ሳቴን ኦሶ ኦይኪዲይሳቲ ዩዲ፣ ሁዔን ሁዔን ኢሲ ኢሲ ዲናሬ ኤኪዶሶና።

10 ኮይር ኦሶ ኦይኪዲይሳቲ ዩዲ፣ ባንታው ዳር ኣሚታና ገዲ ቆፐደሶና። ሺን ኤንቴካ ሁዔን ሁዔን ኢሲ ኢሲ ዲናሬ ኤኪዶሶና።

11 ባንታ ሚሺያ ኤኪ ሲሚዲ ከላዎ ቦላ ዙዙሚዶሶና።

12 ሂይሳቲ ጉዬፔ ዩዲ ኢሲ ሳቲ ፃላላ ኦሊዶሶና። ሺን ጋላሰ ኩሚላ ኣዎ ሱላን ዳቡራዲ ፔዒዳ ኦራ ኤንቴ ዎኒዲ ኢሲና ገደና» ያገደሶና።

13 «ዎይኒያ ከላዎይ ኦሳንቾታፔ ኢሱዋኮ፣ ሓ ኢሻው፣ ታኒ ኔና ቆሃቢከ፤ ኔ ታራ ገገዲይ ኢሲ ዲናሬሳ ገዴኔ?»

14 ኔ ሚሺያ ኤካዳ ኔ ሶ ባ። ታ ኦማርሲ ዩዲይሳሰካ ኔይሳ ሜላ ኢማናው ኮያይሰ።

15 ታኒ ታ ሚሺያን ኮዪዳባ ኣላናው ታው ማቲ ባዌ? ዎይኮ ታኒ ከሃ ገዲዳ ገሾ ኔኒ ቃናታይ?» ያገሉ።

16 «ሄሳዳ ሃዒ ዴላን ጉዬ ገዲዲይሳቲ ሲንላታና፣ ሲንላቲዲይሳቲ ቃሲ ጉዬታና» ያገሉ።

ዩሱሲ ባ ሃይቁዋባ ሃሻንሎ ኦዲሰ (ማር 10:32-34፤ ሉቃ 18:31-34)

19:28 ማቶ 25:31፤ ሉቃ 22:30 19:30 ማቶ 20:16፤ ሉቃ 13:30 * 20:2 ኢሲ ዲናሬ፡ ኢሲ ኣሲ ኢሲ ጋላሰ ኦሊ ፔዒዲ ኤኪያ ሚሺ። 20:8 ለዌ 19:13፤ ዛሬ 24:15 20:16 ማቶ 19:30፤ ማር 10:31፤ ሉቃ 13:30

17 ዩሱሲ ዩሩሳሌም ቢሼ፣ ታማኔ ናምዑ ታማራታ ዲማ ጋፃ ኬሲዲ ኤንታኮ ያገሰ።

18 «ሄኮ፣ ኑኒ ሃዒ ዩሩሳሌም ቡሳ ቦላ ዴያሰ። ያን አሳ ናዓይ ካሂኔ ሃላቃታሲኔ ሂኔ አስታማራታሰ አጂ አማታና። ኤንቲካ ኢያ ቦላ ሃይቆ ፐርዳ ፐርዳና።

19 ኢያ ኣይሁዴ ገደና ዴሪያሰ አላ ኢማና። ኤንቲ ኢያ ካዉሻና፣ ጋራፋና፣ ያቲዲ ኢያ ማሰቃሊያ ቦላ ካቃና። ሽን ኢ ሄቫንላ ጋላሰ ሃይቆፔ ዴንዳና» ያገሰ።

ዛብዲዮሳ ናይታ አዬ ዋሳ (ማር 10:35-45)

20 ሄ ዋዴ ዛብዲዮሳ ማቺያ ባ ናምዑ አዴ ናይታራ ዩሱሳኮ ያዳ፣ ኢያ ሲንላን ጉልባታዳ ኢሲባ ኢያ ዋሳሱ።

21 ዩሱሲ ኢኮ፣ «ኔ አይ ኮያይ?» ያገሰ።

ኢያ ዛራዳ፣ «ኔ ካዋቲላን ሃ ታ ናምዑ ናይቲ ኢሶይ ኔ ኡሻቻን ኢሶይ ኔ ሃዲርሳን ኡቶ ጋርኪ!» ያገሰ።

22 ሽን ዩሱሲ ናይታኮ ዛሪዲ፣ «ሂንቲ አይ ዋሲያኮ ኤሬኬታ፤ ታኒ ኡያናው ዴዒያ ዋዬ ፀዓ ኡያናው ዳንዳዴቲ?» ያገሰ።

ኤንቲካ፣ «ኤ ዳንዳዮሰ» ያገደሶና።

23 ዩሱሲ፣ «ቱማካ ታኒ ኡያናው ዴዒያ ፀዓፔ ሂንቲ ኡያና። ሽን ታ ኡሻቻኒኔ ሃዲርሳን ኡታናይሳታ ደሬይ ታና ገዲኬ። ሄ ቤሳይ አማቲይ፣ ታ አዋይ አማናው ገሊሲዳ አሳታሳ» ያገሰ።

24 አቲዳ ታው ኢያ ታማራቲ ሄሳ ሲዒዳ ዋዴ ናምዑ አሻታ ቦላ ሃንቁቲደሶና።

25 ሽን ዩሱሲ ኤንታ ኡባ ያገዲ ሃይሳዳ ያገሰ። «አይሁዴ ገደና አሳ ሃሪይሳቲ ባንታ አሳ ቦላ ጎዳቲይሳኔ ኤንታ ካሌሌይሳቲ ዋልቃን ሃሪይሳ ሂንቲ ኤሬታ።

26 ሽን ሂንቲ ገደን ሄሳዳ ገደፖ። ሂንቲሬ ገታታናው ኮያ ኦኒካ ሂንቲው አይሌ ገደ።

27 ሂንቲ ገደን ኡባሬ ቦላ ገዳናው ኮያ ኦኒካ ሂንቲው አይሌ ገዳናው ቤሴሰ።

28 ሄሳዳካ፣ አሳ ናዓይ አሴ ሃጋዛናዉኔ ዳር አሳ ዋዛናው ባ ሸምፑዋ አማናው ዩሲፔ ኣቲን አሳን ሃጋዘታናው ዩሴና» ያገሰ።

ዩሱሲ ናምዑ ቆቁታ ፓሊሰ (ማር 10:46-52፤ ሉቃ 18:35-43)

29 ሄሳሬ ጉዬ፣ ዩሱሲ ባ ታማራታራ ኢያርኮሬ ኬዩዲ ቢሸን፣ ዳር አሳይ ኤንታና ካሊደሶና።

30 ኦጌ ጋፃን ኡቲዳ ናምዑ ቆቁቲ ዩሱሲ ያራ አጄይሳ ሲዒዲ፣ «ጎዳው፣ ዳዋቲ ናዓው፣ ኑሰ ቃጄታርኪ» ያገዲ ዋሲደሶና።

31 ዳር አሳይ ኤንታና፣ «ሃይዘቲ» ያገዲ ካጪደሶና። ሽን ኤንቲ፣ «ጎዳው፣ ዳዋቲ ናዓው፣ ኑሰ ቃጄታርኪ» ገዲ ጉጂ ዋሲደሶና።

32 ዩሱሲ ኤቁዲ፣ ኤንታ ያገዲ፣ «ታ ሂንቲው አይ ኦሳና ማላ ኮዬቲ?» ያገዲ ኦይቺሰ።

33 ኤንቲካ፣ «ጎዳው፣ ኑ አይሬይ ያላና ማላ ኮዮሰ» ያገደሶና።

34 ዩሱሲ ኤንታው ቃጄቲዲ፣ ኤንታ አይሬያ ቦቺሰ። ኤሌሲዲ ኤንታ አይሬይ ያሊሰ፤ ኤንቲ ኢያ ካሊዲ ቢደሶና።

21

ዩሱሲ ገታ ቦንቸን ዩሩሳሌም ጌሊሰ

(ማር 11:1-11፤ ሉቃ 19:28-40፤ ዮሃ 12:12-19)

1 ዩሱሳራኔ ኢያ ታማራታራ ዩሩሳሌም ማቲዲ፣ ሻማሆ ዴሪያ ቦላ ዴዒያ ቤቴፋጌ ገያ ጉታ ጋኪሼ፣ ዩሱሲ ባ ታማራታፔ ናምዓታ ባፔ ሲንሐ ያገዲ ከቲሰ።

2 «ሂንቲሬ ሲንላን ዴዒያ ጉታ ቤቲ። ያን ኢሲ ሃሪይ ቃሾን ዴዒያር ኢ ማራራ ሂንቲ ሶሁዋራ ዴማና። ኤንታ ቢሊዲ ሃ ኤኪ ዩቲ።

3 ኦኒካ ሂንቲና ኦይቺኮ፣ ሳዳይ ኤንታና ኮዬሰ» ያገቲ። ኢ ኤንታና ኢራካ ዬዲ አጋና» ያገሰ።

4 ሄሲካ ናቤይ፣
5 «ዲዮኔ ካታማሰ፣
«ሄኮ፣ ኔ ካዋይ አሽኬ ገዲዲ፣ ሃሪ ቦላኔ ሃሪ ማራ ቦላ ኡቲዲ፣ ኔኮ ዬሰ» ያገቲ።

ያገዲ ያሬዳይሲ ፖሌታና ማላ ሄሲ ሃኒሰ።

6 ኢያ ታማራቲ ቢዲ ዩሱሲ ኤንታ ከቲዳይሳዳ ኦሊደሶና።

7 ሃሪጫኔ ሃሪ ማራ ኤሃዲ ቦላራ ማዲዳ ባንታ ማዑቀ ኤንታ ዘኮን ዩጊዶሶና። ዩሱሲ ማዖታ ቦላ ኡተሰ።

8 ዳር አሳይ ባንታ ማዑቀ ኦጊያን ሃዲዶሶና። ሃራቲ ቦንጮ ታሺዲ ኦጊያ ቦላ ዩጊዶሶና።

9 ዩሱሳፕ ሲንጎራ ሃሙቲይሳቲኔ ኢያፕ ጉዩራ ካሊያ ዳር አሳይ።

«ሆሳና! * ዳዊቲ ናዓይ ጋላቲቶ! ጎዳ ሱንጎን ዩይሲ አንጃቲዳይሳ!

ቦንቸይ ኡባፌ ጶቃ ሳሉዋን ዖሳስ ጊደ!»

ያጊዲ ዋሲዶሶና።

10 ዩሱሲ ዩሩሳላሜ ካታማ ጌሊዳ ዋዴ ሄ ካታማን ዳዒያ አሳ ኡባይ። «ሃይሲ ኦኔ?» ያጊዲ ያርኪዶሶና።

11 አሳይ። «ሃይሲ ጋሊላን ዳዒያ ናዚሬቲ ካታማፕ ዩዳ ናቢያ ዩሱሳ» ያጊዶሶና።

ዩሱሲ ዖሳ ኬሌ ጌሊሲ

(ማር 11:15-19፤ ሉቃ 19:45-48፤ ዮሃ 2:13-22)

12 ዩሱሲ ዖሳ ኬሌ ጌሊዲ። ያን ባይዘይሳታኔ ሻሚይሳታ ኡባ ካሬ ጎዲሰ። ሚሼ ላሚይሳታ ዓርጶዛታኔ ሆሌታ ባይዘያ ኦይዴታ ሸሪ ዩጊስ።

13 ኢካ ኤንታኮ። «ዖሳ ቃላን። ታ ኬላይ ዖሳ ዋሲያ ኬሌ ጌቲታና» ጌቲቲ ዓፌቲሰ። ሺን ሃንቲ ፓንጋቲ ቆሴቲያ ጎንጎሎ ኦሊዴታ» ያጊስ።

14 ዩሱሲ ዖሳ ኬላን ዳዒሺን ቆቄቲኔ ጉንዳቲ ኢያኮ ዩን ኤንታ ፓሊሰ።

15 ሺን ካሃኔ ሃላቃቲኔ ሃጌ አሰታማሬቲ ዩሱሲ ኦሊዳ ማላሊሲያባታ ቤዒዳይሳሲኔ ጉላ ናይቲ ዖሳ ኬላን። «ዳዊቲ ናዓይ። ጋላቲቶ» ያጊዲ ዋሴይሳ ሲዒዲ ሃንቁቲዶሶና።

16 ኤንቲ ዩሱሳኮ። «ሃይሳቲ ጌይሳ ኔ ሲዓይ?» ያጊዶሶና።

ዩሱሲ። «ኤ ሲዓይሰ። ዖሳ ቃላን። ተላ ናይታ ዶናኒኔ ጳሚያ ናይታ ዶናን ጋላታ ዋላዳሳ» ጌቲቲዲ ዓፌቲዳይሳ ሃንቲ ናባቢቤኬቲ?» ያጊስ።

17 ኤንታና ያን ኢጊዲ ቢታኒያ ካታማ ቢዲ አቁሰ።

ጎዳይ ባዲዳ ባላሴ ሚሊው (ማር 11:12-14፤ 20-24)

18 ዩሱሲ ዋንታ ጉራ ካታማ ሲሚዲ ዪሼ ኮሻቲሰ።

19 ኦጊ ጋዖን ኢሲ ባላሴ ሚሊ ቤዒዲ ኢኮ ቢሰ። ሺን ሃይላፌ አቲን ሃራ ኣይኮካ ዳሚቤና። ሃሳ ጊሾ። ኢያ። «ሃዛፕ ናሞዓንሶ ኣይፌ ኣይፎፓ!» ያጊስ። ሃ ባላሴ ሚሊያ ኤሌሳዳ ሚላ ኣጋሱ።

20 ኢያ ታማሬቲ ሃሳ ቤዒዲ። «ሃ ባላሲያ ዋናዳ ኤሌሳ ሚላዴ?» ያጊዲ ማላላቲዶሶና።

21 ዩሱሲ ዛሪዲ። «ታኒ ሃንቲው ቱማ ኦዳይሰ፤ ሃንቲው ኣማኖይ ዳዒኮ። ቃሲ ሃንቲ ሲዶና ኢዲኮ ባላሴ ቦላ ታኒ ኦሊዳይሳ ሚላ ዓላላ ኦሌኬታ። ሺን ሃ ዳሪያ ሾዴታዳ ኣባን ዋቆ» ያጊኮ ሃናና።

22 ኣማኒዲ ሃንቲ ዋሲያባ ኣይቢባ ጊዲኮካ ሃንቲ ኤካና» ያጊስ።

ዩሱሳ ማታይ ኦይሼቲሰ (ማር 11:27-33፤ ሉቃ 20:1-8)

23 ዩሱሲ ዖሳ ኬላ ጌሊዲ ታማርሲሺን። ካሃኔ ሃላቃቲኔ ኣይሁዴ ጨማቲ ኢያኮ ዩዲ። «ኔኒ ሃይሳ ኦላና ሚላ ኔው ኣይ ማቲ ዳዒ?» ኔው ሃ ማታ ኢሚዳይ ኦኔ?» ያጊዲ ኦይቺዶሶና።

24 ዩሱሲ ኤንታኮ። «ታኒካ ሃንቲና ኢሲባ ኦይቻይሰ፤ ሃንቲ ታው ሃሳ ዛሪኮ። ታኒ ኣይ ማታን ኦሊያኮ ሃንቲው ኦዳና።

25 ዮሃኒሲ ዓማቃና ሚላ ማታይ ኣጠፕ ኢሚቲዴ? ዖሳፌዬ ኣሳፕ?» ያጊስ።

ኤንቲ ባንታ ጊዶን ዛሬቲዲ። «ኦኒ። (ዖሳፌ) ጊኮ። ኢ ኦና። (ያቲን ኣይሰ ኣማኒቤኬቲ?) ያጋና።

26 ኦኒ። (ኣሳፕ) ጊኮ። ኣሳ ኡባይ ዮሃኒሳ ናቤ ኦሊ ዩሊያ ጊሾ ኣሳ ያዮሰ» ያጊዶሶና።

27 ሃሳ ጊሾ። «ኦኒ ኤርኮ» ያጊዲ ዛሪዶሶና።

ኢካ። «ሃዛ። ታኒካ ሃይሳ ኣይ ማታን ኦሊያኮ ሃንቲው ኦዲኬ» ያጊስ።

ናሞው ናይታ ለሚሶ

28 «ዩሱሲ ካሊዲካ ሃይሳዳ ያጊስ። ናሞው ኣዴ ናይቲ ዳዒያ ኢሲ ኡራይ ዳዒሰ። ሃ ኡራይ ባይራ ናዓኮ ቢዲ። ታ ናዓው። ሃቺ ዋይኒያ ጊዶ ባዳ ኦላ» ያጊስ።

* 21:9 ሆሳና። ኢሰራይሰጻ ዶናን ሆሳና ጉሳይ «ኦኒ ኣሻ ጉሰ። ቃሲ ኣሳይ ዖሳ ጋላታናው ጎዒቲያ ቃላ። 21:9 ማዘ 118:25 21:13 ኣሳ 56:7፤ ኤር 7:11 21:21 ማቶ 17:20፤ 1ቆር 13:2

29 ናዓይ ዛሪዲ፣ (አቶ ቢኬ) ያገሉ። ሽን ጉዬፔ ባ ዋዛናን ቆፒ ኤኪዲ አላናው ቢስ።

30 አዋይ ባ ካሎ ናዓኮ ቢዲ፣ ባ ባይራ ናዓኮ ገዳይሳዳ ከተሰ። አካ፣ ሔር፣ ታ አዋው፣ ያገሉ። ሽን ቢቤንና።

31 ሃ ናምዑ ናይታፔ ባ አዋሰ ከተተዳይሲ አወሴ?» ያገሉ።

ኤንተካ፣ «ባይራ» ያገደሰና።

ዬሱሲ ኤንታኮ፣ «ታ ሂንቴው ቱማ ኦዳይሰ፤ ቃራፃ ቃንጻሴይሳተኔ ላይማቴይሳተ ሂንቴፊ ሲንሳተዲ ያሳ ካዋቴላ ገላና።

32 ፃማቂያ ዮሃንሲ ሱሬ አገያ ታማርሲሽ ዪን ኢ ገይሳ አማኒቤኬታ። ሽን ቃራፃ ቃንጻሴይሳተኔ ላይማቴይሳተ አማኒደሰና። ሂንቴ ሃሪ አቶሽን፣ ኤንታ ቤዒዲካ ሂንቴ ናጋራፔ ሲሚዲ አማኒቤኬታ» ያገሉ።

ዋይኒያ ገደን አሊያ ጎሻንቸታ ለሚሶ

(ማር 12:1-12፤ ሉቃ 20:9-19)

33 ቃሲካ ዬሱሲ ሃይሳዳ ያገሰ፤ «ሃራ ለሚሶ ሲዒቲ፣ ዋይኔ ቶኪዳ ኢሲ ኡሪይ ደዒስ። ሄ ዋይኒያ ዩሹዋ ዲሪሰ። ዋይኒያ ጉምዒያ ኦላካ ቦኪስ። ዋይኒያ ናጋናው ሻኮካ ሻኪስ። ሄሳፊ ጉዬ፣ ጋዲያ ኮሌ አሚዲ ሃራ ቢታ ቢስ።

34 ዋይኔ አይፊያ ማፃያ ዋይይ ጋኪን ባና ጋኪያ ባጋ ኤኪዲ ያና ሜላ ባ አይሌታ ኤንታኮ ዬዲስ።

35 ኮሌ አዋቴ ኢያ አይሌታ አይኪዲ ኢሱዋ ዋዲደሰና፣ ሃንኩዋ ዋዲደሰና ቃሲ አተዳይሳ ሹቻን ጫዲደሰና።

36 ዋይኔ አታኪልተያ ጎዳይ ካሴይሳታፔ ዳሪያ ሃራ አይሌታ ከተሰ። ኮሌ አዋቴ ኤንታ ቦላካ ሃንኩይሳታ ቦላ አሊዳይሳዳ አሊደሰና።

37 ወርሴላን ኢ፣ ታ ናዓ ኤንቲ ቦንቻና!) ያገዲ ባ ናዓ ኤንታኮ ከተሰ።

38 «ሽን ኮሌ አዋቴ ናዓ ቤዒዲ ባንታ ገደን (ጋዲያ ላታናይሲ ሃይሳ፣ ኢያ ዋዲዲ ጋዲያ ኮኔ ላቶስ!) ያገደሰና።

39 ናዓ አይኪዲ ዋይኒያ ገደፊ ጋፃ ኪሲዲ ዋዲደሰና።

40 «ሃዛ፣ ዋይኔ አታኪልተያ ጎዳይ ያ ዋይ ሄ ኮሌ አዋታ ዋታኔ?» ያገዲ አይቺስ።

41 ኤንቲ ዛሪዲ፣ «ኢ ሄ አታ አሳታ ኢታ ዋዲ ዋዲዲ፣ ዋይኔይ አይፊያ ዋይ ኢያ ጋኪያ ባጋ ዋይን ዋይን አሚያ ሃራ ኮሌ አዋታስ አሚና» ያገደሰና።

42 ዬሱሲ ዛሪዲ ኤንታኮ፣ ያሳ ቃላን፣

« ገምቤይሳተ ቦሪዲ ኢዲዳ ሹቻይ፣ ጎዳ ፃጹዋ ሚንሊያ፣ ኡባፊ አዲያ ሹቻ ገዲስ።

ሃይሲ ጎዳይ አሊዳባ፤

ኑ አይፊያስ ማለሊሲያባ)

ጌቴተዲ ፃፊተይሳ ናባቢቤኬታ?

43 «ሃሳ ገሹ፣ ታኒ ሂንቴው አዳይሰ፤ ያሳ ካዋቴላይ ሂንቴፊ ኤኬቲዲ ሎፖ አይፊ አይፊያ አሳታስ አሚታና።

44 [ሃ ሹቻ ቦላ ኩንዲያ ኡባይ ማቆሬታና። ቃሲ ሄ ሹቻይ ኢያ ቦላ ዋዲያ ኡራይካ ጋጩታና]» † ያገሰ።

45 ካሂኔ ሃላቃተኔ ፋሪሳዊቴ ዬሱሲ ኦዲዳ ለሚሱዋን ባንታና ኦዲዳይሳ ኤሪደሰና።

46 ኤንቲ ዬሱሳ አይካናው ኮዪደሰና፣ ሽን አሳይ ዬሱሳ ናቤ አሊዲ ጂሊያ ገሹ አሳሰ ያዪደሰና።

22

ያጋኖ ፃሳ ለሚሶ (ሉቃ 14:15-24)

1 ዬሱሲ አሳሰ ዛሪዲ ሃይሳዳ ያገዲ ለሚሶ ኦዲስ።

2 «ያሳ ካዋቴላይ ባ ናዓስ ያጋኖ ገሲዲ ካወዋ ዳኔስ።

3 ሄ ካዋይ ያጋኖ ያና ሜላ ኦዲ ዋሊዳ አሳታ ጃጋናው ባ አይሌታ ከተሰ። ሽን አሳቲ ያናው ኮዪቦኮና።

4 ቃሲ ሃራ አይሌታ ጃገዲ፣ ጃገቲዳ አሳታኮ ቢዲ፣ ታኒ ታ ሳንጋታኔ ዋዲዳ ጋታርሜንሎታ ሹካሰ፤ ኡባባይ ገሲስ። ታ ያጋኑዋ ሃ ዪቴ ያገቴ» ያገዲ ከተሰ።

5 ሽን ጃገቲዳይሳተ ፃሳ ኢዲዳ፣ ባንታ ኦሶስ ኦሶስ ቢደሰና። ኢሶይ ባ ጎሻሻ፣ ሃንኮይ ባ ዛላዲያስ ቢስ።

6 ሃራቲ ቃሲ ካወዋ አይሌታ አይኪዲ፣ ካወሺ ዋዲዳ ዋዲደሰና።

21:32 ሉቃ 3:12፤ 7:29-30 21:33 ኢሳ 5:1-2 21:42 ማዘ 118:22 † 21:44 ኢሲ ኢሲ ቤኒ ማፃፋቲ ፓይደ 44 ጉጃሰና (ሉቃ 20:18 ጂሊቴ)።

7 «ካዎይ ዳሮ ዩሎቲዲ፥ ባዎታዳሪታ ዩዲዲ ሹምፖ ዎጂዳይሳታ ዎጂሲሰ፥ ኤንታ ካታማካ ፀጊሰ።

8 ሃሳፌ ጉዬ፥ ባ አይሌታኮ፥ ሳፓናይ ጊሰ፥ ሸን ዪጌቲዳይሳቲ ያጋኑዋሰ ቤሲያ አሲ ጊደኮና።

9 ሃሳ ጊሾ፥ ዎጋ ኦጌታ ቢዲ፥ ዴሚዳ አሲ ኡባ ያጋኑዋ ያና ሜላ ያጊቱን ያጊሰ።

10 አይሌቲ ኦጊያ ቦላ ቢዲ ባንታ ዴሚዳ አሲ ኡባ ሎዎታኔ ኢታታ ኤሂዲ ያፓኖ ሻቃራ ጌሊሲዳ ኩንሊደሶና።

11 «ሸን ካዎይ ካላ ማናው ኡቲዳ አሳ ቤሳናው ጌሊዳ ዎዴ ያፓኖ ማዎ ማዒቦና አሲ አሲ ዴሚሰ።

12 ኢያኮ፥ ሳ፥ ኔ ያፓኖ ማዎ ማዎና ዋናዳ ሃይሳ ጌላዲ?» ያጊሰ። ሸን ኡራይ ሲዒ ጊሰ።

13 «ካዎይ ባ አይሌታኮ፥ ሳ ኡራ ኩሺያኔ ቶሁዋ ቃቺዲ፥ ካሪ ጴማ ኬሲ ዩጌቲ። ያን ኢያው ዩሆኔ አቻ ጋርጩላ ጊዳና» ያጊሰ።

14 «ሃሳዳካ፥ ያሳ ካዎቲላሰ ዪጌቲዳይሳቲ ዳሮ ሸን ደሪቲዳይሳቲ ጉላ» ያጊሰ።

ጊራባ (ማር 12:13-17፤ ሉቃ 20:20-26)

15 ሃሳፌ ጉዬ፥ ፋሪሳዌቲ ቢዲ፥ ዩሱሳ ዋቲ ኦዳን ኦይካኔኮ ዘሬቲደሶና።

16 ባንታ ታማራታኔ ሄሮዲሳ ባጋታፔ ኢሶታ ኢሶታ ኪቲደሶና። ኤንቲካ፥ «አሰታማሪያው፥ ኔ ቱማ ኦዴይሳ ኦ ኤሮሰ። ኔኒ አሳፔ አሴ ሻካካ፥ አሳ ዎይጋንዴሰ ጋዳ አይኮካ ኦሳካ፥ ያሳ ኦጊያ ቱማቲላን ታማርሳሳ።

17 አኔ ኦሰ ኦዳ፥ ኦኒ ሮሜ ካወዋሰ ጊራ ጊራናው ቤሲ ቤሴኔ?» ያጊደሶና።

18 ሸን ዩሱሲ ኤንታ ኢታ ቆፋ ኤሪዲ፥ «ሃ ጩቦቶ፥ ታና አይሰ ፓጩቲ?»

19 ጊራ ጊሪያ ሚሺያ ታና ቤሲቲ» ያጊሰ። ኤንቲካ ኢያው ሳንቲሜ ኤሂደሶና።

20 ኢ፥ «ሃ ሱንሳይኔ ማላይ ኦዴባዬ?» ያጊሰ።

21 ኤንቲ፥ «ሮሜ ካወዋይሳ» ያጊደሶና።

ያቲን ዩሱሲ ኤንታኮ፥ «ሂዛ፥ ካወዋሰ ቤሴይሳ ካወዋሰ፥ ያሳሰ ቤሴይሳ ያሳሰ አሚቲ» ያጊሰ።

22 ኤንቲ ሃሳ ሲዒዳ ዎዴ ማላሌቲዲ ኢያ ማታፔ አጊዲ ቢደሶና።

ሃይቆፔ ዴንደባ (ማር 12:18-27፤ ሉቃ 20:27-40)

23 ሄ ጋላሰ ሃይቆፔ ዴንደይ ባዎ ያጊያ ሳዲቃዌቲ ዩሱሳኮ ዩዲ፥ ያጊዲ ኢያ ኦይቺደሶና።

24 «አሰታማሪያው፥ ሙሴይ፥ አሲ አሲ ናባ ዩሎና ሃይቁኮ፥ ሄ ሃይቁዳይሳ አሻይ ኢያ ማቺው ኤኪዲ፥ ባ አሻሰ ናባ ዩሎ» ያጊዲ ኪቲሰ።

25 ኦ ኤሪያ ላፑን አሻቲ ዴዎሶና። ባይራይ ማቾ ኤኪዲ ናባ ዩሎና ሃይቁሰ። ኢያ ማቺው ኢያ ካሎ አሻይ ኤኪሰ።

26 ሃሳዳካ፥ ሄ ማጫሲው ኤኪዳ ናምጋንላይካ፥ ሄሻንላይካ፥ ቢዲ ላፑናቲ ዉራና ጋካናው ኡባይ ሃይቁደሶና።

27 ኡባፌ ጉዬ ሄ ማጫሲያ ሃይቃሱ።

28 ያቲን፥ ላፑናቲ ኡባይ ኢዮ ኤኪዳ ጊሾ ሃይቆፔ ዴንዲያ ጋላሰ፥ ሄ ማጫሲያ ላፑናታፔ አወሳሰ ማቾ ጊዳኔ?» ያጊደሶና።

29 ዩሱሲ ዘሪዲ፥ «ሂንቲ ያሳ ቃላይ ታማርሲያባ ዎይኮ ኢያ ዎላቃ ኤሮና ጊሾ ባሊታ።

30 አሳይ ሃይቆፔ ዴንዲያ ዎዴ ሳሎን ዴዒያ ኪታንቾታ ሜላ ጊዳናፔ አቲን ኤኮኮና ጌሎኮና።

31 ቃሲ ሃይቁዳ አሳቲ ሃይቆፔ ዴንዳናባ ያሳይ ሂንቲው ኦዲዳይሳ ናባቢኬኮቲ?»

32 ያሳይ፥ ሳኒ አብራሃሜ ያሳ፥ ዩሳቃ ያሳ፥ ያይቆባ ያሳ» ያጊሰ። ሃሳ ጊሾ፥ ያሳይ ፓዓ ዴዒይሳታ ያሳፌ አቲን ሃይቁዳይሳታ ያሳ ጊዳና» * ያጊሰ።

33 ዳሮ አሳይ ሃሳ ሲዒዲ፥ ኢያ ቲሚርቲያን ማላሌቲደሶና።

ኡባፌ ባይራቲያ ኪታ (ማር 12:28-34፤ ሉቃ 10:25-28)

22:13 ማቶ 8:12፤ 25:30፤ ሉቃ 13:28 22:23 ሃ.ኦ 23:8 22:24 ዘሬ 25:5 * 22:32 ያሳይ ፓዓ ዴዒይሳታ ያሳፌ አቲን ሃይቁዳይሳታ ያሳ ጊዳና፥ ዩሱሲ ሃ ቤሳን ኦዴይ ያሳይ ሃ ሃይቁዳ ሄሻታሰ ያሴ ጊዲኮ ኤንቲ ዴዎን ዴዎሶና ያጌይሳ። 22:32 ከሳ 3:6

34 ዩሱሲ ሳዲቃዊታሰ ጋናባ ጳይሲዳይሳ ፋሪሳዊቲ ሲዒዳ ዎዴ ኢሲፌ ሸቂዶሶና።

35 ኢንታ ገደፌ ኢሲ ሂጌ አስታማሬይ ዩሱሳ ፓጩ ኦይሾ ኦይቸሰ።

36 «አስታማሬያው፡ ሂጌ ኡባፌ አዲይሲ አወሱ?» ያገዱ ኦይቸሰ።

37 ዩሱሲ ዛሪዲ፡ « ኔ ጎዳ፡ ኔ ያሳ፡ ኔ ኩሜላ ዎዛና፤ ኔ ኩሜላ ሸምፑዎፌ፡ ኔ ኩሜላ ቆፋፔ ዶሳ።

38 ኡባፌ አዲይሲኔ ባይራ ከታይ ሃይሳ።

39 ናምዓንሉ ኡባፌ አዲያ ከታይ፡ አሴ ኡባ ኔ ሁዒያ ኔ ዶሴይሳዳ ዶሳ ያገይሳ።

40 ሙሴ ሂጌይኔ ናቤታ ቲማርቲይ ኡባይ ሃ ከታታ ቦላ ካቶሶና» ያገሰ።

ከሪሰቶሳሳ ኦይቸዳ ኦይሻ (ማር 12:35-37፤ ሉቃ 20:41-44)

41 ፋሪሳዊቲ ኢሲ ቦላ ሸቂዲ ዴሳሸን፡ ዩሱሲ ኢንታና፡

42 «ከሪሰቶሳሳ ሂንቲ ዎይጌቲ? ኢ ኦዴ ናዔ?» ያገዱ ኦይቸሰ።

ኤንቲ፡ «ኢ ካወዎ ዳዊቲ ናዓ» ያገዱ ዛሪዶሶና።

43 ዩሱሲ ኤንታኮ፡ «ያቲን፡ ዳዊቲይ ጌሻ አያናን ገዲዲ ዋቲዲ ከሪሰቶሳ፡ ሳዳ፡ ገዲ ያገ? ዳዊቲይ ገሸ።

44 ሳዳ ያሳይ፡ ታ ጎዳኮ፡ † ኔ ዋርኬታ ኔ ቶሆይ ዩዲያሶ ኦላና ጋካናው፡

ሃይሳን ታፔ ኡሻቻ ባጋን † ኡታ) ገሰ።

45 ሃዛ፡ ዳዊቲይ ከሪሰቶሳ ጎዳ ገዲ ያገኮ፡ ዎንዲ ከሪሰቶሲ ዳዊቲ ናዓ ገዲ?»

ያገሰ።

46 ዩሱሳሰ ኢሲ ቃላ ዛሪናው ዳንዳዒዳ አሲ ኦኒካ ባዎ። ቃሲ ሃ ጋላሳፔ ደሚዲ ሃራ ኦይሻ ኦይቻናው ኦኒካ ዳንዳዒቤና።

23

ሂጌ አስታማሬታኔ ፋሪሳዊታ ኢታቲላ

(ማር 12:38-39፤ ሉቃ 11:43-46፤ 20:45-46)

1 ሃሳፌ ጉዩ፡ ዩሱሲ ሸቂዳ አሳሲኔ ባ ታማሬታሰ ሃይሳዳ ያገሰ።

2 «ሂጌ አስታማሬቲኔ ፋሪሳዊቲ ሙሴ ሂጌያ ቢላናው ማታራ ዴያሶና።

3 ሃሳ ገሾ፡ ኤንቲ ሂንቲና ከቲያ ኡባ ኦላቴኔ ናገቲ። ሸን ኤንቲ ኦላይሳዳ ኦላፊቲ። አይሰ ገኮ፡ ኤንቲ ኦላይሳዳ ኦላፊና።

4 ኤንቲ ቶካናው ዳንዳዒቶና ቶሆ ቃቸዲ አሳ ቶሶሶና። ሸን ባንታው ሃሪ አቶሸን፡ ሄ ቶሆዎ አሳይ ቶኪያ ዎዴ ቢራዴ ያራን ቦቻናው ኮዮኮና።

5 «ሸን ኤንቲ ባንታ ኦሶ ኡባ አሲ ቤዓና ሜላ ኦላሶና። ባንታ ሶምዖኒኔ ቄሴን ቃቸያ ማፃፋ ያቂሴይ ዴዒያ ከታፌ ዳልገሶሶና፡ ባንታ ማዑዎ ማጫራካ አዲሶሶና። *

6 ዋኬቲያ ቤሳን ቦንቾ ቤሲኔ አይሁዴ ዎሳ ኬላታን ዳር ሎዒያ ኦይዴ ደሶሶና።

7 አሳይ ገያን ኤንታና ቦንቾን ሳርላናይሳኔ (አስታማሬያው) ገዲ ያጋናይሳ ኮዮሶና።

8 «ሸን ሂንቲ አስታማሬይ ኢሱዎ ፃላላ ገዲዳ ገሾኔ ሂንቲ ኡባይ አሻታ ገዲዳ ገሾ (አስታማሬያው) ጌቲቲዲ ያጌቶፊቲ።

9 ሂንቲው ሳሎን ኢሲ አዎ ፃላሊ ዴዒያ ገሾ ሃ ሳዓን ኦናካ (አዎው) ገዲ ያጎገቲ።

10 ሂንቲው ኢሲ ጎዳይ ከሪሰቶሳ ፃላሊ ዴዒያ ገሾ (ጎዳው) ጌቲቲ ያጌቶፊቲ።

11 ሂንቲ ገደን ባይራቲይ ሂንቲ አይሌ ገደ።

12 ባና ገታያ ኦኒካ ካወያና፤ ባና ካወሸያ ኦኒካ ገታታና።

ሂጌ አስታማሬቲኔ ፋሪሳዊቲ ቦሪቲዶሶና

(ማር 12:40፤ ሉቃ 11:39-42፤ 44፤ 52፤ 20:47)

22:37 ዛሬ 6:5 22:39 ለዌ 19:18 22:40 ሉቃ 10:25-28 † 22:44 ታ ጎዳኮ፡ ሃ ቤሳን ዳዊቲይ ታ ጎዳ ገዲ ያገይ ከሪሰቶሳ። 22:44 ማዘ 110:1 † 22:44 ኡሻቻ ባጋን፡ ማታኔ ቦንቾ ቤሲ። 22:44 ማዘ 110:1 * 23:5 ሶምዖኒኔ ቄሴን ቃቸያ ማፃፋ... ማዑዎ ማጫራ አዲሶሶና፡ ሃሳ ኤንቲ ኦላይ ያሳሰ ታ ኤምታሰ ገያ ማላ ቤሳናሳ (ዛሬ 15:37-41)። 23:5 ማቶ 6:1፤ ዛሬ 6:8፤ ታይ 15:38 23:11 ማቶ 20:26 23:12 ሉቃ 14:11፤ 18:14

13 «ሂንቴና፡ ጨቦቶ፡ ሂጌ አስታማራቶኔ ፋሪሳዊቶ፡ አሳ ሲንላን ሳሎ ካዎቴላ ጎርዳይሳቶ ሂንቴና እዬ። ሂንቴ፡ ሂንቴ ሁዔን ጌሌኬታ ቃሲ ሃራታካ ጌሊሴኬታ።

14 [«ሂንቴኖ ጨቦቶ፡ ሂጌ አስታማራቶኔ፡ ፋሪሳዊቶ፡ አምዔታ ኬላ ሂንቴ ቦንቀሺ፡ አሲ ቤዖ ጊዲ ዋሳ አዲሴታ። ሄሳ ጊሾ፡ ሂንቴና እዬ። ኡባሬ አዲያ ፐርዳይ ሂንቴና ናጌሰ።] †

15 «ሂንቴና፡ ጨቦቶ፡ ሂጌ አስታማራቶኔ ፋሪሳዊቶ፡ ሂንቴ አሲ ኡራ አማንላናው አባራኔ ሳራ ዩዩታ። ሸን ሂንቴ ኢያ አማንላዳ ዋዴ ሄ ኡራ ሂንቴሬ አሊዲ ጋናሜሰ ገቤቲዳይሳ አሊያ ጊሾ ሂንቴና እዬ።

16 «ኦኒካ ያሳ ኬላን ጫቂኮ አይኮይካ ባዋ። ሸን ያሳ ኬላን ዳዒያ ዋርቃን ጫቂኮ፡ ሄ ጫቆይ ኢያ ጎማና ጊያ ቆቄቶ፡ ሂንቴው ቆቄዲ ሃራታ ካሌሌይሳቶ፡ ሂንቴና እዬ።

17 ሂንቴኖ፡ ኤያቶ፡ ቆቄቶ፡ ዋርቃይ አዲዬ? ዋርቄያ ያሳሰ ዳማያ ያሳ ኬሳይ አዲ?

18 ቃሲ ሳኒካ ያርሾ ያርሺያ ቤሳን ጫቂኮ፡ አይኮይካ ባዋ። ሸን ኦኒካ ኢያ ቦላ ዳዒያ ያርሹዋን ጫቂኮ፡ ሄ ጫቆይ ኢያ ጎማና) ያጊዲ ታማርሴታ።

19 ሂንቴኖ፡ ቆቄቶ፡ ያርሾይ አዲዬ? ያርሹዋ ያሳሰ ዳማያ ቤሳይ አዲ?

20 ሄሳ ጊሾ፡ ያርሾ ቤሳን ጫቄያ ኡራይ፡ ሄ ያርሾ ቤሳኒኔ ኢያ ቦላ ዳዒያ ኡባባን ጫቄሰ።

21 ያሳ ኬላን ጫቄያ ኡራይ፡ ሄ ያሳ ኬላኒኔ ኢያን ዳዒያ ያሳን ጫቄሰ።

22 ሳሎን ጫቄያ ኡራይ ያሳ አራታኒኔ ሄ አራታ ቦላ ኡቲያ ያሳን ጫቄሰ።

23 «ሂንቴና፡ ጨቦቶ፡ ሂጌ አስታማራቶኔ ፋሪሳዊቶ፡ ሂንቴና እዬ። ሂንቴ ካሬላ ሳዋፔ፡ ናቲሮፔኔ ኦካሽፔ አሰራታ ኬሴታ። ሸን ሂጊያን ዳዒያ አዲ ኮሼይሳታ አጊዴታ። ሄሲካ ሱራ ፐርዳ፡ ቃዲቴላኔ ኡባባን አማኔቴላ። ሃራታካ አጎናሺን ሃይሳታ ሂንቴ ኦላናው ቤሴሰ።

24 ሂንቴው ቆቄዲ ሃራ አሲ ካሌሌይሳቶ፡ ሂንቴ ኡሻሬ ኡዲንጻ ኬሲዲ ገማሌ ሚቲታ።

25 «ሂንቴና፡ ጨቦቶ፡ ሂጌ አስታማራቶኔ ፋሪሳዊቶ፡ ሂንቴና እዬ። ሂንቴ ሻቲያሲኔ ኬሪያሰ ቦላ ባጋ ጌሽታ። ሸን ኤንታው ጋርሳን ቦንቄይኔ ኡዜቴላ ኩሚ ኡቲሰ።

26 ኔኖ ቆቄ ፋሪሳዊያው፡ ሻቲያሲኔ ኬሪያሰ ጋርሳ ካሴታዳ ጌሻ። ሄሳሬ ጉዬ፡ ቦላ ባጋይካ ጌሽ ጊዳና።

27 «ሂንቴና፡ ጨቦቶ፡ ሂጌ አስታማራቶኔ ፋሪሳዊቶ፡ ሂንቴና እዬ። ካራ ባጋራ ቃላሜ ቲዬቲዲ ሎዒዲ፡ ጊደን ማቄሌኔ ዋቂዳባይ ኩሚዳ ዲፎታ ዳኔታ።

28 ሄሳዳካ፡ ቦላ ባጋራ አሳሰ ሎዖ ዳኔታ። ሸን ሂንቴ ጋርሳን ጨቦቲላኔ ኢታቴላ ኩሚሰ።

29 «ሂንቴኖ፡ ጨቦቶ፡ ሂጌ አስታማራቶኔ ፋሪሳዊቶ፡ ሂንቴና እዬ። ሂንቴ ናቤታሰ ዲፎ ኬጻታ፡ ቃሲ ዊሎታ ዲፋዋካ ሎይሴታ።

30 ቃሲ ሂንቴ፡ ሳኒ ቤኒ ኑ አዋታ ዋዴ ዳዒዳባ ጊዲያኮ፡ ኤንታራ ኢሲሬ ናቤታ ሱላ ጉሶኮሺን) ያጌታ።

31 ሄሳ ጊሾ፡ ሂንቴ ናቤታ ዋዲዳ አሳ ናይታ ጊዴይሳ ሂንቴ ሂንቴ ሁዔን ማርካቴታ።

32 ሂጌ፡ ሂንቴ አዋቲ ደሚዳይሳ ሂንቴ ፖሊቴ።

33 «ሃ ሾሻቶ፡ ሾሻ ናይቶ፡ ሂንቴ ጋናሜ ፐርዳሬ ዋኒዲ አታኔ?

34 ሄሳ ጊሾ፡ ታ ኦዴይሳ ሲዒቲ፤ ታኒ ናቤታ፡ ጨንጫ አሳታኔ አስታማራታ ሂንቴኮ ከታና። ኤንታሬ ኢሶታ ኢሶታ ሂንቴ ዋዳና ማሰቃሊያ ቦላ ካቃና፡ ባጋታ አይሁዴ ዋሳ ኬላታን ሊሶን ጋራፋና ካታማፔ ካታማ ጎዳና።

35 ሄሳ ጊሾ፡ ዊሎዋ አቤላ ዋዲዳ ዋዲያፔ ደሚዲ፡ ያሳ ኬላሲኔ ያርሾ ቤሳሬ ጊደን ሂንቴ ዋዲዳ ባራኪያናዓ ዛካሪያሳ ዋዴ ጋካናው ሃይቄዳ ዊሎ አሳ ኡባ ጊሾ ሂንቴ ሴሬታና።

36 ታኒ ሂንቴው ቱማ ኦዳይሰ፤ ሂንቴኔ ሂንቴ አዋቲ ኦሊዳ ባሳሰ ሃ ፐርዳ ኡባይ ሃ ዩሌቴላ ቦላ ጋካና።

ዩሱሲ ዩሩሳላሜሰ ዩኪሰ (ሉቃ 13:34-35)

37 «ዩሩሳላሜ፡ ዩሩሳላሜ፡ ናቤታ ዋዲያሬ! ያሳይ ኔኮ ኪቲዳይሳታ ሹቻን ጫዲያሬ! ኩቶይ ባ ናይታ ባ ቄሬን ሃዳይሳዳ ታኒ ኔ አሳ ታ ቄሲያን

† 23:14 ኢሲ ኢሲ ቤኒ ማፃፋቲ ፓይዶ 14 ጉጆሶና። 23:22 አሳ 66:1፤ ማጥ 5:34 23:23 ለዌ 27:30 23:27 ሃ.ኦ 23:3 23:33 ማጥ 3:7፤ 12:34፤ ሉቃ 3:7 23:35 ሜዴ 4:8፤ 2ታሪ 24:20

ጌቻናው አገን ቶሆ ኮያዲና! ሺን ታና ዲጋዲሳ።

38 ሂዛ፣ ሂንቴ ሶሳ ከላይ ካይሲ ጊዳና።

39 ታኒ ሂንቴው ኦዳይስ፤ ሳዳ ሱንላን ዩይሲ እንጃቴዳይሳ) ሂንቴ ጋና ጋካናው ናምዓንላ ታና ቤዔኬታ» ያገሰ።

24

ዩሱሲ ሶሳ ከላይ ላሌታናይሳ ካሴቲዲ ኦዲሲ

(ማር 13:1-2፤ ሉቃ 21:5-6)

1 ዩሱሲ ሶሳ ከላፊ ከዩዲ ቢሸን፣ ኢያ ታማራቲ ኢያኮ ዩዲ፣ ማላሌቲዲ ሶሳ ከላ ገምቢያ ቤሲደሶና።

2 ዩሱሲ እንታኮ ዛሪዲ፣ «ኤ! ሃይሳ ኡባ ቤዔቲ? ታኒ ሂንቴው ቱማ ኦዳይስ፤ ሹቹ ሹቻ ቦላ ገምቤቲዳ ማላ ላሌቶና እቴና» ያገሰ።

ሲንላፊ ሃናናባታ

(ማር 13:3-13፤ ሉቃ 21:7-19)

3 ዩሱሲ ሻማሆ ዳሪያ ቦላ ኡቲዳሸን፣ ኢያ ታማራቲ ባንታርካ ኢያኮ ዩዲ፣ «ሄሲ አዉዴ ሃናኔኮ ኑስ ኦዳ። ቃሲ ኔ ዩሳሲኔ ዋዲያ ወርሴላሰ ማላታይ አይቤ?» ያገዲ ኦይቹደሶና።

4 ዩሱሲ ዛሪዲ፣ «ሂንቴና ኦኒካ ባሌሶና ማላ ናጌቴቴ!

5 አይስ ገኮ፣ ዳር አሳቲ ታ ሱንላን፣ ጎታኒ ከሪሰቶሳ፣ ሶሳይ አሳ አሻናው ከቲዳይሳ) ያገሸ ዩዲ ዳር አሳ ባሌላና።

6 ማታን ዳዒያ አላ ገርሳ፣ ሃሆን ዳዒያ አላ ዋሪ ሰዓናው ዳዒታ። ሄሳ ማላባይ ሃናናው ቤሲያ ገሾ ሂርሳፊቴ። ሺን ወርሴላይ ቡርና።

7 ዳሪይ ዳሪያሪ፣ ኢሲ ካዋቴላይ ሃሪ ካዋቴላሪ ኦሌታና። ኮሻይኔ ቢታ ቃይይ ኡባ ቤሳን ሃናና።

8 ሄሲ ኡባይ ዩሎ አቄላሰ ዞኬ ማላ።

9 «ሃ ዋዴ አሳይ ሂንቴና ዋዬስ አሊ አማና፣ ቃቻናኔ ዋዳና። ታ ሱንላ ገሾ አሳ ኡባይ ሂንቴና እፃና።

10 ሄ ዋዴ ዳርቲ አማና አጋና። ባንታ ገደን ኢሶይ ኢሱዋ አሊዲ አማና፣ ኢሶይ ኢሱዋ አፃና።

11 ቃሲ ዳር ዋርዶ ናቤቲ ዳንዲዲ ዳርታ ባሌላና።

12 ጌላቴሊ ዳሪያ ገሾ ዳር አሳ ሲቆይ አርፃና።

13 ሺን ወርሴሊ ጋካናው ጌንጨያ ኡራይ አታና።

14 አሳ ኡባሰ ማርካ ጊዳና ማላ ሶሳ ካዋቴላ ዋንጌላይ ቢታ ኡባን ኦዳታና። ሄሳፊ ጉዬ፣ ወርሴላይ ያና።

ቱና ባሻ

(ማር 13:14-23፤ ሉቃ 21:20-24)

15 «ሄሳ ገሾ፣ ናቢያ ዳኔሊ ኦዲዳ ባሻ ቱናቴላይ ጌሻ ቤሳን ኤቄዳይሳ ሂንቴ ቤዓና። (እኬኪሶ፣ ሄሲ ዋይ ጉሴኮ ናባቤይሲ እኬኮ!)

16 ሄ ዋዴ ዩሁዳ ቢታን ዳዒይሳቲ ዳሪያኮ ባቃቶ።

17 ከላ ሁዔን ዳዒያ ኡራይ ባ ሶን ዳዒያባ ኤካናው ሶ ጌሎና ባቃቶ።

18 ጋዴን ዳዒይሲ ባ ማዑዋ ኤካናው ጉዬ ሲሞሮ።

19 ሄ ዋዴ ቃንላ ማጫሳታሲኔ ቃንሊያ ማጫሳታሰ ዳር ኡንዓ ጊዳና።

20 ባልጎን ዋይኮ ሳምባታን ሂንቴ ባቃቶይ ገደና ማላ ሶሳ ዋሲቴ።

21 አይስ ገኮ፣ ሳዒ ማዴቶሳፔ ሃቹ ጋካናው ሃናናባይ፣ ቃሲ ሲንላፊካ ኡባራካ ሃናና ዋዩይ ሄ ዋዴ ሃናና።

22 ሶሳይ ሄ ጋላሳታ ታይቡዋ ጉላናኮ እሴ ገዲዳ ኦኒካ እቴና። ሺን ኢ ባ ደሪዳ አሳታ ገሾ ሄ ጋላሳታ ታይቡዋ ጉላና።

23 «ሄ ዋዴ ኦኒካ ሂንቴና፣ ሄኮ፣ ከሪሰቶሲ ሃይሳን) ዋይኮ ሄኒን ዳዒሰ) ያገኮ አማናፒቴ።

24 አይስ ገኮ፣ ዋርዶ ከሪሰቶሳቲኔ ዋርዶ ናቤቲ ዳንዳና። ኤንታው ዳንዳዳቲኮ፣ ሃሪ አቶሺን ሶሳይ ደሪዳይሳታካ ባሌላናው ገታ ማላታኑኔ ማላሊሲያባታ ኦላና።

25 እኬኪቲ፣ ታኒ ሂንቴው ሃይሳ ካሴታዳ ኦዳሰ።

26 «ሄሳ ገሾ፣ አሳይ ሂንቴኮ፣ ሄኮ፣ ከሪሰቶሲ ባዞን ዳዒሰ) ገኮ፣ ያ ቦፒቴ። ዋይኮ ሂንቴኮ፣ ሄኮ፣ ቆልዓን ዳዒሰ) ገኮ፣ ኤንታባ አማናፒቴ።

27 አይስ ገኮ፣ ዋልዓንሊ ሳሎን ዋልዓማዲ፣ ደሎሃፔ ወሎሃ ጋካናው

በንጉሥ ላይ፣ እሳ ናሳ ዩሳይ ሄሳዳ ሃናና።

28 «ባወቲ ዳዲይሶን እንኮቲ ሺቃና።

ኪሪሰቶሲ ናምዓንሉ ያና (ማር 13:24-27፤ ሉቃ 21:25-28)

29 «ሄ ዋዴ ሄ ዋዴ ጋላሳታፔ ጉዬ፣ ሶሁዋራ አዋይ ቆማና፣ እገናይ ባ ፖዑዋ ዲጋና።

ፆሊንቶቲ ሳሎፔ ዋዳና፣ ቃሲ ሳሎን ዳዲያ ዋልቃቲ ቡቁታና።

30 ሄ ዋዴ እሳ ናሳ ዩሳ ማላይ ሳሎዋ ቦላ በንታና። ሳሳን ዳዲያ እሲ ኡባይ ዩካና። ቃሲ እሳ ናሳይ፣ ዋልቃራኔ ጌታ ቦንቹዋራ ሳሎዋ ሻራ ጌዶራ ዩሺን ኤንቲ ቤዓና።

31 ኢ ባ ኪታንቸታ ጌታ ፑኒያ ዋይዜራ ኪታና። ኤንቲ ሳሳ ኦይዲ ባጋ ቢዲ፣ ሃ ጋፆፔ ያ ጋፆ ጋካናው ዳዲያ ኢያው ደሬቲዳይሳታ ሺሻና።

ጎዳይ ያና ጋላሳ ማላታ (ማር 13:28-31፤ ሉቃ 21:29-33)

32 «ባላሴ ሚላፌ ታማሪቲ። ኢ አጠዲ ሃይዲያ ዋዴ ቶርቼይ ማታቲዳይሳ ሂንቲ ኤሬታ።

33 ሄሳዳካ፣ ሂንቲ ሃ ኡባባ ቤዲያ ዋዴ ዩሱሲ ማቲዲ ፔንጌን ዳዲይሳ ኤሬቲ።

34 ታኒ ሂንቲው ቱማ ኦዳይሰ፤ ሃ ኡባባይ ፖሌታና ጋካናው፣ ሃ ዩሌቲላይ አጴና።

35 ሳሎይኔ ሳሳይ አዳና፣ ሺን ታ ቃላይ ኡባካ አጴና።

ጎዳይ ያና ጋላሳ ኦኒካ ኤሬና (ማር 13:32-37፤ ሉቃ 17:26-30፣ 34-36)

36 «ሄ ጋላሳኔ ሄ ሳቲያ ሳሎን ዳዲያ ታ አዋፔ ኦቲን ሃሪ ሳሎ ኪታንቸታ ጌዲን ዋይኮ ናሳ ጌዲን ኦኒካ ኤሬና።

37 እሳ ናሳ ዩሳይ፣ ኖሄ ዋዴ ሃኒዳይሳ ሚላ ጌዳና።

38 ሄ ዋዴ ቆዮ ሃላይ ያናፔ ሲንጼ ኖሄይ ማርካቢያን ጌሊዳ ጋላሳ ጋካናው፣ አሳይ ሚሼኔ ኡዩሼ፣ ኤኪሼኔ ጌሊሼ ጋምዲሰ።

39 ባሻ ሃላይ ዩዲ፣ ኤንታ ኡባ ቆይሳና ጋካናው እኬኪሶኮና። እሳ ናሳ ዩሳይካ ሄሳዳ ሃናና።

40 «ሄ ዋዴ ናምዑ እሳቲ ጋዴን ኦላና። ኤንታፌ ኢሶይ ኤኬታና፣ ሃንኮይ አታና።

41 ናምዑ ማጫሳቲ ኢሲፌ ጋጫና። ኤንታፌ ኢሲኒያ ኤኬታና ሃንኪያ አታና።

42 «ሂዛ፣ ሂንቲ ጎዳይ አይ ጋላሰ ያኔኮ ሂንቲ ኤርና ገሾ ሚኒዲ ናጌቲ።

43 ሺን ካይሶይ ቃማፌ አይ ሳቲን ያኔኮ ኬላዋይ ኤሪያኮ፣ ባ ኬላይ ቦኬቶና ሚላ ባርኪዲ ናጋናሺን።

44 ሄሳዳካ፣ እሳ ናሳይ ሂንቲ ቆፖና ሳቲን ያና ገሾ ሂንቲካ ገጊዲ ዳዲቲ። ኢታኔ ሎፆ አይሌታ ለሚሶ (ሉቃ 12:41-48)

45 «ያቲን፣ ባ ሶ አሳሰ ካላ ኮሺያ ዋዲያን አማና ሚላ ኢያ ጎዳይ ደሪዳ አማንጼይሲኔ ዋዛናማ አይሌይ ኦኔ?

46 ኢ ባ ጎዳይ ኪቲዳይሳ አሊሺን ኢያ ጎዳይ ዩዲ ዳሚያ አይሌይ አንጃቲዳይሳ።

47 ታኒ ሂንቲው ቱማ ኦዳይሰ፤ ጎዳይ ሄ አይሊያ ባባ ኡባ ቦላ ሹማና።

48 ሺን ሄ አይሌይ ኢታ ጊዲኮ፣ ታ ጎዳይ ጋምዲዲ ያና) ያጊዲ ባ ዋዛናን ቆፐዲ።

49 ባ ላጌ ኦሳንቸታ ዋዶ ደሚኮ፣ ማላቲይሳታቲ ሚኮኔ ኡዩኮ።

50 ሄ አይሊያ ጎዳይ ኢ ቆፖና ጋላሲኔ ኢ ኤርና ሳቲን፣

51 ዩዲ ኢያ ቃንፀሪላና። ኢያ ቃዳ ጨቦታራ ኦላና። ሄ ቤሳን ኢያው ዩሆኔ አቼ ጋርጩላ ጌዳና።

25

ታሙ ጌላፆታ ለሚሶ

1 «ሄ ዋዴ ሳሎ ካዋቲላይ ባንታ ኩራዚያ ኦይኪዲ፣ ማቸ ኤሃናው ቢዳ አዲያ ሞካናው ኬዩዳ ታሙ ጌላፆታ ዳኔሰ።

2 ኤንታፌ ኢቻሻቲ ኤያ፣ ቃሲ ኢቻሻቲ ጨንጫ።

3 ኤያቲ ኩራዜ ኦይኪዳሶና፣ ሺን ሃራ ላምባ ኦይኪሶኮና።

4 ሺን ጨንጫቲ ባንታ ኩራዚያኔ ሃራ ጉዣ ላምባ ኦይኪዳሶና።

5 ማቸው ኤኬይሲ ጋምዲን፣ ሄ ጌላዎቲ ባንታና ጳሰከይ ኦይኪን ጳሰኪደሶና።

6 «ጊዲ ቢላሄ ጊዲያ ዋዴ ላሃ፣ ማቸው ኤሄይሲ ጋኪሲ፣ ኢያ ሞካናው ከዩቲ» ያጊያ ጌታ ጫቦይ ሲዔቲሰ።

7 «ሄ ዋዴ ሄ ጌላዎቲ ኡባይ ባርኪዲ፣ ባንታ ኩራዚያ ገገሲደሶና።

8 ኤያቲ ጨገጫታኮ፣ ሱ ኩራዜይ ቶዓና ሃጊያ ገሾ ሃንቴ ላምባፌ ኮሰ ኢሜርኬት» ያጊደሶና።

9 «ሺን ጨገጫቲ ኤንታኮ ዛራዲ፣ ላካይ፣ ኮሲኔ ሃንቴሰ ጊዲያ ላምቢ ባሞ። ሄሳ ገሾ፣ ሃንቴው ቢዲ ሻሚዲ ኤከቲ» ያጊደሶና።

10 ኤያ ጌላዎቲ ላምባ ሻማናው ቢን፣ ማቸው ኤኬይሲ ፑቱ ገሰ። ገጌቲ ኡቲዳ ኢቻሹ ጌላዎቲ ኢያራ ኢሲፌ ያጋኖ ከላ ጌሊደሶና፤ ካራይካ ጎርዴቲ አገሰ።

11 «ጉዬፔ ሃንኮ ጌላዎቲ ዩዲ፣ ሳዳው፣ ጎዳው፣ ኮሰ ደያርኪ» ያጊደሶና።

12 «ሺን ኢ ኤንታኮ ዛራዲ፣ ሳን ሃንቴው ቱማ ኦደይሰ፤ ታ ሃንቴና ኤሪኬ!»

13 «ሂዛ፣ አሳ ናዓይ ያና ጋላሳ ዋይኮ ሳቲያ ሃንቴ ኤርና ገሾ ባርኪዲ ናጌቲ።

ሃቡ አሳንቸታ ለሚሶ (ሉቃ 19:11-27)

14 «ዖሳ ካዎቲላይ ባ አሳንቸታ ያጊዲ ባው ዳዲያባ ኤንታው ሹዲዲ ኦጌ ባናው ከዩዳ ኡራ ዳኔሰ።

15 ኤንታው ሁዔን ሁዔን ኤንታ ዋልቃ ሚላ ኢሱዋሰ ኢቻሹ ካርዒቲ ቢራ፣ ኢሱዋሰ ናምቡ ካርዒቲ ቢራ ቃሲ ኢሱዋሰ ኢሲ ካርዒቲ ቢራ ኢሚዲ ባ ኦጊያ ቢሰ።

16 ኢቻሹ ካርዒቲ ቢራ ኤኪዳ አይሌይ ሶሁዋራ ቢዲ ዛልዲዲ፣ ሃራ ኢቻሹ ካርዒቲ ቢራ ዋዲሲሰ።

17 ሃሳዳካ፣ ቃሲ ናምቡ ካርዒቲ ቢራ ኤኪዳ አይሌይ ሃራ ናምቡ ካርዒቲ ቢራ ዋዲሲሰ።

18 ሺን ኢሲ ካርዒቲ ቢራ ኤኪዳይሲ ቢዲ፣ ኦላ ቦኪዲ፣ ባ ጎዳ ሚሺያ ሞገሰ።

19 «ዳር ዋዴፔ ጉዬ ሄ አይሌታ ጎዳይ ዩዲ፣ ባ ሚሺያ ኤንታራ ሳላዒሲ።

20 ኢቻሹ ካርዒቲ ቢራ ኤኪዳ አይሌይ ዩዲ፣ ሃራ ኢቻሹ ካርዒቲ ቢራ ኤሃዲ፣ ሳ ጎዳው፣ ኔጌ ታው ኢቻሹ ካርዒቲ ቢራ ኢማዳሳ። ሺን ታጌ ሃራ ኢቻሹ ካርዒቲ ቢራ ዋዲሳሰ» ያገሰ።

21 ኢያ ጎዳይ፣ «ዛምቦይ! ኔጌ ሎዖኔ ኢማንሊያ አይሌ፤ ኔጌ ጉላባን ኢማኔታዳሳ። ታጌ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ» ያገሰ።

22 «ቃሲ ናምቡ ካርዒቲ ቢራ ኤኪዳይሲ ዩዲ፣ ሳ ጎዳው፣ ኔጌ ታው ናምቡ ካርዒቲ ቢራ ኢማዳሳ። ሺን ታጌ ሃራ ናምቡ ካርዒቲ ቢራ ዋዲሳሰ» ያገሰ።

23 ኢያ ጎዳይ፣ «ዛምቦይ! ኔጌ ሎዖኔ ኢማንሊያ አይሌ፤ ኔጌ ጉላባን ኢማኔታዳሳ። ታጌ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ» ያገሰ።

24 «ቃሲ ኢሲ ካርዒቲ ቢራ ኤኪዳይሲ ዩዲ፣ ሳ ጎዳው፣ ኔጌ ዜርና ቤሳፌ ጫኬይሳኔ ጳርጮና ቤሳፌ ማዲያ ኢታ አሲ ገዴይሳ ታጌ ኡራይሰ።

25 ሃሳ ገሾ፣ ያያዳ ኔ ቢራ ቢታን ዋጋጋ። ኔ ሚሼይ ሃይሲሽ» ያገሰ።

26 «ኢያ ጎዳይ ዛራዲ፣ ሳ ኢታ አዛላ አይሊያው፣ ታጌ ዜርና ቤሳፌ ጫኬይሳኔ ጳርጮና ቤሳፌ ማዲያ አሲ ገዴይሳ ኡራዳሳ።

27 ያቲን፣ ኔጌ ታ ሚሺያ ባንኬን ዋሊዳባ ገዲያኮ፣ ታጌ ሲሚያ ዋዴ ታ ሚሺያ ዋዴራ ኤካናይሳ ዲጋዳሳ።

28 ሃሳ ገሾ፣ ሚሺያ ኢያፔ ኤኪዲ፣ ታው ካርዒቲ ቢራ ዳዔይሳሰ ኢሚቲ።

29 አይሰ ገኮ፣ ዳዔያ ኡባሰ ጉኩታና ኔ ዳራና። ሺን ባይናይሳፌ ሃራ አቶሺን፣ ሄ ኢያው ዳዔያ ጉላያካ ኤኬታና።

30 ሃ ማደና አይሊያ ካራ ጳማ ኬሲ ዩገቲ። ያን ኢያው ዩሆኔ አቼ ጋርጮላ ገዳና» ያገሰ።

31 «አሳ ናዓይ፣ ኪታንቸ ኡባታራ፣ ባ ቦንቸዋራ ያ ዋዴ ኢ ባ ቦንቸ ካዎታ አራታ ቦላ ኡታና።

32 ቢታን ዳዔያ አሲ ኡባይ ኢያ ሲንጼ ሺቃና። ሃንላንቸይ ደርሳታ

25:14 ሉቃ 19:11-27 25:29 ማቶ 13:12፤ ማር 4:25፤ ሉቃ 8:18 25:30 ማቶ 8:12፤ 22:13፤ ሉቃ 13:28 25:31 ማቶ 16:27፤ ማቶ 19:28

26

ዳኻታ፤ ሻኬይሳዳ ኢ ሄ እሳ ናምዓን ሻካና።

33 ቃሲ ደርሳታ ኡሻቻ ባጋራ ዳኻታ ሃዲርሳ ባጋራ ኡሳና።

34 «ሄሳፌ ጉዬ፣ ካዎይ ኡሻቻ ባጋራ ዳዔይሳታኮ ሃይሳዳ ያገና፡ ታ ኣዎይ ኣንጂዳይሳቶ፣ ሃ ዪዲ ሳዓይ ማዴቲያ ዎዴ ሂንቲው ጊጊዳ ካዎቲሳ ላቲቲ።

35 ኣይሰ ጊኮ፣ ታጊ ኮሻቲን ሙዚዴታ፣ ሳሞቲን ኡሺዴታ፣ ኤራቶና ኢማሳ ኣሲ ጊዳዳ ቢን ሞኪዴታ።

36 ካሎቲን ማይዚዴታ፣ ሃርጌቲን ሃርጊሲዴታ፣ ቃሼቲን ታና ኦይቺዴታ ያገና።

37 «ሄሳፌ ጉዬ፣ ዓሎቲ ዛሪዲ፣ ሳዳው፣ ኔጊ ኮሻቲን ኣወዴ ቤዒዲ ሙዚዴ? ዎይኮ ኔጊ ሳሞቲን ኣወዴ ቤዒዲ ኡሺዴ?

38 ኔጊ ኢማሌ ጊዳዳ ዪን ኣወዴ ቤዒዲ ሞኪዴ? ዎይኮ ኔጊ ካሎቲን ኣወዴ ማይዚዴ?

39 ኔጊ ሃርጊን ዎይኮ ቃሼቲን ኔኮ ቢዲ ኔና ኣወዴ ኦይቺዴ? ያገና።

40 ካዎይ ዛሪዲ፣ ታጊ ሂንቲው ቱማ ኦዳይሰ፤ ሂንቲ ታና ካሊያ ሃ ኡባፌ ጉዳይሳሰ ኣሊዳይሳ ታው ኣሊዳታ ያገና።

41 «ሄ ዎዴ ሃዲርሳ ባጋራ ዳዔይሳታኮ፣ ሳ ቃንጌቲዳይሳቶ፣ ታ ማታ፤ ሃኪቲ። ዓላሄሲኔ ኢያ ኪታንቸታሰ ጊጊዳ ማሪና ታማን ቢቲ።

42 ኣይሰ ጊኮ፣ ኮሻቲን ታና ሙዚቤኬታ፤ ሳሞቲን ኡሺቤኬታ።

43 ታጊ ኢማሌ ጊዳዳ ቢን ታና ሞኪቤኬታ፣ ካሎቲን ማይዚቤኬታ፣ ሃርጊኔኔ ቃሼቲን ታና ኦይቺቤኬታ ያገና።

44 «ሄ ዎዴ ኤንቲ፣ ሳዳው፣ ኔጊ ኮሻቲን ዎይኮ ሳሞቲን ዎይኮ ኢማሌ ጊዳዳ ቢን ዎይኮ ካሎቲን ዎይኮ ሃርጊን ዎይኮ ቃሼቲን ቤዒዲ ኔና ኣወዴ ማዳና ኢደዳ? ያጊዲ ዛራና።

45 «ሄ ዎዴ ካዎይ ዛሪዲ ኤንታኮ፣ ታጊ ሂንቲው ቱማ ኦዳይሰ፤ ሂንቲ ታና ካሊያ ሃ ኡባፌ ጉዳይሳ ማዳና ኢዳይሰ፤ ታና ማዳና ኢዳይሳ ያገና።

46 ሄሳ ጊሾ፣ ሄ እሳቲ ማሪና ፒርዳሰ ቃሲ ዓሎቲ ማሪና ዳዑቀሰ ባና» ያጊሰ።

ዬሱሳ ቦላ ማቄቲዶሶና (ማር 14:1-2፤ ሉቃ 22:1-2፤ ዮሃ 11:45-53)

1 ዬሱሲ ሃ ቲሚርቲያ ኡባ ወርሲዳ ዎዴ ባ ታማሬታኮ።

2 «ናምዑ ጋላሳ፤ ጉዬ፣ ፓሲካ ባሌ ቦንቺያ ጋላሰ ጊዳይሳ ኤሬታ። ሄ ጋላሰ እሳ ናዓይ ማሰቃሊያ ቦላ ካቄታናው እሳ ኩሼን ኣጲ ኢማታና» ያጊሰ።

3 ሄ ዎዴ ካሂኔ ሃላቃቲኔ ጨማቲ፣ ቃያፋ ጊያ ካሂኔ ሃላቃ ኬላን ሸቄዲ።

4 ኣሲ ኤርና ዬሱሳ ኦይኪዲ፣ ዎዳናው ማቄቲዶሶና።

5 ሺን ኤንቲ፣ «ኣሳይ ኦሺ ኬሶና ማላ ጊዲ፣ ፓሲካ ቦንቺያ ጋላሰ ሄሳ ኦሶኮ» ያጊዶሶና።

ኢሲ ማጨሲያ ዬሱሳ ሺቶ ቲያሱ (ማር 14:3-9፤ ዮሃ 12:1-8)

6 ዬሱሲ ቢታኒያ ካታማን ባር ሃርጊዳ ሰሞና ሶን ደዔሰ።

7 ዬሱሲ ኢማቱዎ ቦላ ደዒሺን ኢሲ ማጨሲያ ኣልባሰደርሴ ጲልቃጺ ኩሚሳ ዳር ኣልዎ ሺቶ ኤካ ያዳ ዬሱሳ ሁዔን ቲጋሱ።

8 ሺን ዬሱሳ ታማሬቲ ሄሳ ቤዒዲ ሃንቄቲዲ፣ «ሃ ሺቶይ ጮ ኣቲይ ኣይቢሴ?

9 ሃ ሺቶይ ኣልዎ ጋቲን ባይዘቲዲ፣ ሚሺይ ማንቆታሰ ኢማታናው ዳንዳዔቲሰ» ያጊዶሶና።

10 ዬሱሲ ኤንቲ ጌይሳ ኤራዲ፣ ኤንታኮ፣ «ሃ ማጨሲው ኣይሰ ዎይሴቲ? ኢያ ታው ሎዎባ ኦላሰ።

11 ማንቆቲ ኡባ ዎዴ ሂንቲራ ዳና። ሺን ታጊ ሂንቲራ ኡባ ዎዴ ደዒኪ።

12 ኢያ ሃ ሺቱዎ ታ ቦላ ቲጊዳይሲ ታና ሞገናው ጊጊሳና።

13 ታጊ ሂንቲው ቱማ ኦዳይሰ፤ ቢታ ኡባን ሃ ዎንጌላይ ሳባኬቲያ ቤሳን ኣወንካ፣ ኣሳይ ኢዮ ሃሳያና ማላ ኢያ ኣሊዳይሲ ኦዴታና» ያጊሰ።

ዪሁዲ ዬሱሳ ኣሊዲ ኢማናው ጊጌቲሰ

(ማር 14:10-11፤ ሉቃ 22:3-6)

14 ሄ ዎዴ ታማኔ ናምዑ ዬሱሳ ታማሬታ፤ ኢሶይ፣ ኣሰቆርታ ዪሁዲ ጌቲቲይሲ ካሂኔ ሃላቃታኮ።

15 ቢዲ፣ «ታኒ ሂንቴው ዩሱሳ አላ አሚኮ፣ ሂንቴ ታው አይ አማኔ?» ያጊዲ ኤንታ ኦይቸሰ። ኤንቴ ዘሬቲዲ ሃሰታው ቢራ ሳንቴሜ *† አሚደሶና።

16 ሃሳፌ ጉዬ፣ ዪሁዲ ዩሱሳ አሊዲ አማናው እንጃቲያ ዋዴ ዋቸሰ።

ዩሱሲ ፓሲካ ካሁዋ ባ ሃዋሬታራ ማሰሰ

(ማር 14:12-21፤ ሉቃ 22:7-14፤ 21-23፤ ዮሃ 13:21-30)

17 ኡይሳ ባሌ ቦንቸያ ኮይር ጋላሰ፣ ዩሱሳ ታማሬቲ ኢያኮ ዪዲ፣ «ፓሲካ ቦንቸያ ጋላሰ ኔኒ ማና ካሊ ኑኒ አውን ገሊሲና?» ያጊደሶና።

18 ዩሱሲ ኤንታኮ፣ «ካታማን ዴዒያ አዲያኮ ቢዲ፣ ሳስታማሬይ፣ ታው ዋዴይ ጋኪዳ ገሾ ታ ታማሬታራ ፓሲካ ቦንቸያ ጋላሳ ኔ ሶን አላና ያጌሰ» ያጊሰ።

19 ኢያ ታማሬቲ ዩሱሲ ባንታና ከቲዳይሳዳ አሊዲ፣ ፓሲካ ባሌ ጋላሰ ማና ካላ ገሊሲደሶና።

20 ሳዓይ አማርሲያ ዋዴ ዩሱሲ ታማኔ ናምዑ ሃዋሬታራ ካሊ ማናው ኡቲሰ።

21 ኤንቴ ሚሺን፣ ዩሱሲ ኤንታኮ፣ «ታኒ ሂንቴው ቱማ ኦዳይሰ፤ ሂንቴፌ ኢሲ ኡራይ ታና አሊዲ አማና» ያጊሰ።

22 ኤንቴ ዳር ዳጋሚዲ፣ ሁዔን ሁዔን፣ «ጎዳው፣ ቱማ ታኔሻ?» ጊዲ ኢያ ኦይቸደሶና።

23 ዩሱሲ ዛሪዲ፣ «ባ ኩሺያ ታራ ኢሲፌ ሻቲያን ዩዴይሲ ኢ ታና አሊዲ አማና።

24 አሳ ናዓይ፣ ያሳ ቃላን ኢያው ዓፌቲዳይሳዳ ሃይቃና። ሺን አሳ ናዓ አሊዲ አሚያ ኡራ አዬ፤ ሄ ኡራይ ዩሌቶና አቲዳኮ ኢያው ሎዖሺን» ያጊሰ።

25 ኢያ አሊ አማናው ዴዒያ ዪሁዲ ዛሪዲ፣ «እስታማሬያው፣ ኔኒ ጌይ ታኔዬ?» ያጊሰ።

ዩሱሲ ዛሪዲ፣ «ኔኒ ኔ ሁዔን ጋዳሳ» ያጊሰ።

ጎዳ ካሁዋ

(ማር 14:22-26፤ ሉቃ 22:15-20፤ 1ቆር 11:23-25)

26 ኤንቴ ሚሺን፣ ዩሱሲ ኡይሳ ኤኪዲ ያሳ ጋላቲሰ። ሄ ኡይሳ ሚንሊዲ ባ ታማሬታሰ አሚዲ፣ «ሄዒቲ፣ ሚቲ፣ ሃይሲ ታ አሹዋ» ያጊሰ።

27 ፀዓ ኤኪዲ፣ ያሳ ጋላቲሰ። ኤንታው አሚዲ፣ «ኡባይ ሃይሳፌ ኡዪቲ።

28 ሃይሲ ዳር አሳ ናጋራይ አቶ ጌቲታና ሚላ ጉኪያ ታ ሱሳ። ሃ ሱሳይ ያሳይ ሂንቴራ ጌሊያ ጫቁዋ ሚንሊይሳ።

29 ሺን ታኒ ሂንቴው ኦዳይሰ፤ ታኒ ታ አዋ ካዋቲላን ኦራሳ ዋይኔ ኡሻ ሂንቴራ ኡያና ጋላሳ ጋካናው ናምዓንሶ ሃ ዋይኔ ኡሻ ኡዪኬ» ያጊሰ።

30 ጋላታ ማዝሙራ ዩዲዳይሳፌ ጉዬ ሻማሆ ዴሪያ ቢደሶና።

ዩሱሲ ጳዲሮሲ ካዳናይሳ ኮይርቲዲ ኦዲሰ

(ማር 14:27-31፤ ሉቃ 22:31-34፤ ዮሃ 13:36-38)

31 ሄ ዋዴ ዩሱሲ ኤንታኮ፣ « (ያሳይ ሄንላንቸዋ ሾጫና ደርሳቲካ ላሌታና)

ጌቲቲዲ ያሳ ቃላን ዓፌቲዳይሳ ሚላ ሃቺ ቃማ ሂንቴ ኡባይ ታና አጊዲ ባቃታ።

32 ሺን ታኒ ሃይቆፔ ዴንዲዳፔ ጉዬ ሂንቴፌ ሲንላታዳ ጋሊላ ባና» ያጊሰ።

33 ጳዲሮሲ ዛሪዲ፣ «ኤንቴ ኡባይ ኔና አጊዲ ባቃቲኮካ፣ ታኒ ኔና አጊኬ» ያጊሰ።

34 ዩሱሲ ጳዲሮሳኮ፣ «ታኒ ኔው ቱማ ኦዳይሰ፤ ሃቺ ቃማ ኩቶይ ዋሳናፔ ሲንሌ ኔኒ ታና ሄሹ ቶሆ ካዳና» ያጊሰ።

35 ጳዲሮሲ ዛሪዲ፣ «ታኒ ኔራ ኢሲፌ ሃይቆፔ አቲን ኔና ኡባካ ካዲኬ» ያጊሰ።

ሃንኮ ኢያ ታማሬቲ ኡባይካ ሃሳዳ ጊደሶና።

ዩሱሲ ጌቲሴማኔን ዋሲሰ

(ማር 14:32-42፤ ሉቃ 22:39-46)

36 ያቲዲ፣ ዩሱሲ ባ ታማሬታራ ጌቲሴማኔ ጊያ ቤሳ ቢዲ፣ ኤንታኮ።

26:15 ዛካ 11:12 * 26:15 ቢራ ሳንቴሜ፣ እይኮይካ ገክቲሶና ገሻ ቢራ ጉሱ። † 26:15 ሃሰታው ቢራ ሳንቴሜ፣ ሃሰታው ቢራ ሳንቴሜይ ኢሰራዒሊ ቢታን እይሌይ ሻሜቲያኔ ባይዘቲያ ጋቲ።

26:23 ማዝ 41:9 26:28 ኬሳ 24:8፤ ኤር 31:31 26:31 ዛካ 13:7 26:32 ማቶ 28:16

«ታኒ ሂኒ ባዳ ያሳ ዋሳሻና፡ ሂንቲ ሃይሳን ኡተቲ» ያገሰ።

37 ጳጳሮሳኔ ዛብዲዮሳ ናይታ ናምዓታ ባራ ኤኪ ቢዲ ዳር አዛኖኔ ኡንዔቴሌ ደሚሰ።

38 ቃሲካ ኤንታኮ፡ «ታኒ ሃይቆስ ጋሊያ ኡንዓ ኡንዓታሰ። ሃይሳን ታራ ጋምዒቴኔ ሚኒዲ ናገቲ» ያገሰ።

39 ጉሌ ሲንሌ ቢዲ ቢታን ጉፋኒዲ፡ «ታ አዋው፡ ዳንዳዔቲያባ ገዲኮ ሃ ዋዬ ፀዓ ታፔ ዲጋ። ሺን ኔ ሼኔይ ሃናፔ ኦተን ታ ሼኔይ ሃናፖ?» ያገዲ ያሳ ዋሲሰ።

40 ዬሱሲ ባ ታማራታኮ ሲሚ ዪዲ ኤንቲ ጴስኪዳሺን ዳሚሰ። ጳጳሮሳኮ፡ «ሂንቲ ኢሲ ሳቲኮኔ ጴስኮና ታራ ሚናናው ዳንዳዒቤኬፕ?

41 ፓጩን ሂንቲ ጌሎና ሜላ ባርኪዲ ናገቲኔ ያሳ ዋሲቴ። ሂንቲው ሎዖ አዋይ ዳዔስ፡ ሺን ሂንቲ ዳቡራንቸ አሲ» ያገሰ።

42 ዬሱሲ ቃሲ ናምዓንሶ ቢዲ፡ «ታ አዋው፡ ታኒ ሃ ዋዬ ፀዓፔ ኡዮና ዳዒሼ አጳናው ዳንዳዒቶናባ ገዲኮ ኔ ሼኔይ ሃና» ያገዲ ያሳ ዋሲሰ።

43 ቃሲካ ሲሚ ያ ዋዬ ኢያ ታማራታ አይፊያ ጴስኮይ ጎዚን፡ ዚንዒዳሺን ዳሚሰ።

44 ቃሲካ ኤንታ አገ ቢዲ፡ ካሴ ቃላ ዛሪ ሃዳንሶ ዋሲሰ።

45 ሄሳፌ ጉዬ፡ ባ ታማራታኮ ዪዲ፡ «ሃዒ ጋካናው ጴስኬቴኔ ሸምፔቲ? ሄኮ፡ አሳ ናዓይ፡ ናጋራንቸታ ኩሼን አጴ አሜቲያ ሳቲይ ጋኪሰ።

46 ዳንዲዲ ዬጴቲ፡ ታና አሌዲ አሜይሲ ሃይሲሽ ጋኪሰ» ያገሰ።

ዬሱሲ ባ ሞርኬታን ኦይኬቲሰ (ማር 14:43-50፤ ሉቃ 22:47-53፤ ዮሃ 18:3-12)

47 ዬሱሲ ቡር ሂሳ ሃሳዪሺን፡ ታማኔ ናምዑ ታማራታፔ ኢሶይ፡ ዪሁዲ ጋኪ ዋጴሰ። ካሂኔ ሃላቃቲኔ ዳሪያ ጨማቲ ከቲዳ ዳር አሳቲ ማሼኔ ፃምዓ ኦይኪዲ ኢያራ ኢሲፌ ዪደሶና።

48 ዬሱሳ አሌ አሚያ ዪሁዲ ሄ ዳር አሳኮ፡ «ታኒ ዬሪይሲ ሂንቲ ኮዬይሲ ኢያ፡ ኢያ ኦይኪቴ» ያገዲ ማላ አሚ ዋሲሰ።

49 ኢራካ ዬሱሳኮ ሸቂዲ፡ «አሰታማሪያው፡ ሳር ዳዓይ» ያገዲ ኢያ ዬሪሰ።

50 ዬሱሲ ኢያኮ፡ «ታ ላገያው፡ ኔኒ ኦላናባ ኦላ አጋ» ፤ ያገሰ።

ሄሳፌ ጉዬ፡ ሸቂዲ፡ ዬሱሳ ኦይኪደሶና።

51 ዬሱሳራ ዳዔይሳታፔ ኢሶይ ባ ማሻ ሾዲዲ ካሂኔ ሃላቃ ኦይሊያ ሾጩዲ፡ ኢያ ሃይላ ቃንዒዲ ዬገሰ።

52 ሺን ዬሱሲ፡ «ኔ ማሻ ጉዬ ሸሁዋን ዛራ። አይሰ ገኮ፡ ማሻ ሾዲያ ኡባይ ማሻን ሃይቃና።

53 ታ፡ ታ አዋ ዋሲያኮ ዳር ሙኩሉን ታይቤቲያ ኪታንቸታ ዬዳናው ዳንዳዮናባ ኔው ዳኒ?

54 ያቲን፡ ያሳ ቃላን ሄሳዳ ሃናናው ቤሴሰ ጌቲቲዳይሲ ዋኒዲ ፖሌታኔ?» ያገሰ።

55 ሄ ሳቲያን፡ ዬሱሲ ሄ ሸቂዳ ዳር አሳኮ፡ «ታና ፓንጋ ኦሌዲ ኦይካናው ማሼኔ ፃምዓ ኦይኪዲ ዪደቲ? ታኒ ያሳ ኬላን ጋላሰ ጋላሰ ታማርሳሼ ሂንቲራ ዳዒያ ዋዶ ታና ኦይኪቤኬታ።

56 ሺን ሃይሲ ኡባይ ሃኒዳይሲ ናቤቲ ያሳ ቃላን ፃፊዳይሲ ፖሌታና ሜላሳ» ያገሰ።

ሄ ዋዶ ኢያ ታማራቲ ኡባይ ኢያ አገዲ ባቃቲደሶና።

ዬሱሲ ፒርዳ ሻንጎ ሲንሌ ሸቂሰ (ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዬሱሳ ኦይኪዳይሳቲ ካሂኔ ሃላቃ ቃያፋኮ ኢያ ኤፊደሶና። ያን ሂኔ አሰታማራቲኔ ቢታ ጨማቲ ሸቂዲ ዳዖሶና።

58 ሺን ጳጳሮሲ ካሂኔ ሃላቃ ዛባ ጋካናው ሃሆን ኢያ ካሊሰ። ኢያ ዉርሴላይ ሻኬታና ጋካናው ዛባ ጌሊዲ ናጌይሳታራ ኡቲሰ።

59 ካሂኔ ሃላቃቲኔ ሸቂዳ አሳ ኡባይ ዬሱሳ ዋጳናው ኢያ ቦላ ዋርዶ ማርካ ኮይደሶና።

60 ዳቲቲ ዪዲ ኢያ ቦላ ዋርዶ ማርካ ማርካቲደሶና፡ ሺን ኦይኮካ ዳሚሶኮና። ጉዬፔ ናምዑ አሳቲ ዪዲ፡

‡ 26:50 ታ ላገያው፡ ኔኒ ኦላናባ ኦላ አጋ፡ ዋይኮ ሃራ ቢርሸላይ ታ ላገያው፡ ኔ ሃይሳን ኦይ ኦላይ? 26:55 ሉቃ 19:47፤ 21:37 26:61 ዮሃ 2:19

61 «ሃ ኡራይ፣ ታጌ ያሳ ኬላ ላላዳ ሄሹ ገላሳን ዛራ ኬፃናው ዳንዳዓይሰን ያገሉ» ያገሉ።

62 ካሂኔታ ሃላቃይ ዳንዳ ኤቁዲ ዩሱሳኮ፣ «ሃይሳቲ ኔና ሞቲያ ሞቶሞሰ ኔኒ ዛሪያባይ ባዌ?» ያገሉ።

63 ሺን ዩሱሲ ሲዒ ገሰ። ቃሲካ ካሂኔ ሃላቃይ፣ «ታጌ ኔና ዳያ ያሳ ሱንሳን ኦይካይሰ፤ ኔኒ ያሳ ናሳ ከሪሰቶሳ ገዲኮ ኮሰ ኦዳ» ያገሉ።

64 ዩሱሲ ዛሪዲ፣ «ኔኒ ኔ ሁዔንካ ገዳሳ፣ ሺን ታጌ ሂንቲው ኦዳይሰ፤ ሂዛፔ ጉዩ፣ ኣሳ ናሳይ ዋልቃማ ያሳ ኡሻቻ ባጋን ኡቲዳሺን፣ ቃሲ ሳሎ ሻራራ ዩሺን ሂንቲ ቤናና» ያገሉ።

65 ሄ ዋዴ ካሂኔ ሃላቃይ ዳር ዩሎቲዲ ባ ማዑዋ ፔዲዲ፣ «ሃይሳ ቤዒቲ ያሳ ጫዩሰ! ኦና ሃራ ማርካ ኣይ ኮሺ? ኢ ሃራ ጫዩዳይሳ ሂንቲ ቤዒዲታ።

66 ሂንቲ ቆፋይ ኣይቤ?» ያገሉ። ኤንቲካ፣ «ኢያው ሃይቆ ቤሴሰ» ያገሉ ዛሪዳሶና።

67 ያቲን፣ ኤንቲ ኢያ ሶሞዖን ጩቲዲ ዴቺዳሶና። ሃራቲ ኢያ ባቂዲ፣

68 «ከሪሰቶሳ! ኔና ዴቺዳይ ኦኔ? ኣኔ ኮሰ ኦዳ» ያገሉ።

ጳዕርሲ ዩሱሳ ካዲሰ (ማር 14:66-72፤ ሉቃ 22:56-62፤ ዮሃ 18:15-18፤ 25-27)

69 ጳዕርሲ ዛባን ኡቲዳሺን፣ ኢሲ ኣይሊያ ኢያኮ ያዳ፣ «ኔኒካ ገሊላ ዩሱሳራ ኢሲፌ ዳሳ» ያገሱ።

70 ሺን ኢ ኤንታ ኡባ ሲንሳን ሄ ኣይሊኮ፣ «ኔኒ ገያባይ ኣይቤኮ ታኒ ኤሪኬ» ያገሉ ካዲሰ።

71 ቃሲ ቢዲ ዲርሳ ፔንጌኮ ጋከሺን ሃራ ኣይሊያ ኢያ ቤዳዳ፣ ያን ዴዒያ ኣሳኮ፣ «ሃ ኡራይ ናዚሬቲ ዩሱሳራ ዴዒሰ» ያገሱ።

72 ጳዕርሲ ናሞዓንሉ ጫቂዲ፣ «ታጌ ሄ ኡራ ኤሪኬ!» ያገሉ።

73 ጉሉ ጋሞዒሺን፣ ያን ኤቁዳ ኣሳቲ ጳዕርሳኮ ዩዲ፣ «ኔካ ቱማ ኤንታራ ኢሲፌ ዳሳ፤ ኔኒ ኔ ሃሳያን ኤሪታሳ» ያገሉ።

74 ሄሳፌ ጉዩ፣ ጳዕርሲ፣ «ታጌ ሄ ኡራ ኤሪኬ!» ያገሉ፣ ባና ቃንጌሉኔ ጫቆ ደሚሰ።

ሄ ዋዴ ኢራካ ኩቶይ ሞሲ ኣገሰ።

75 ዩሱሲ ኢያኮ፣ «ኔኒ ኩቶይ ዋሳናፔ ሲንሌ ታና ሄሹ ቶሆ ካዳና ገዳይሳ ጳዕርሲ ኣኬኪዲ፣ ካሪ ኬዩዲ ኢታ ዩሆ ዩከሰ።

27

ዩሁዲ ባና ሱሊሰ (ማር 15:1፤ ሉቃ 23:1-3፤ ዮሃ 18:28-32)

1 ዋንታ ጉራ ካሂኔ ሃላቃቲኔ ቢታ ጩማቲ ኡባይ ዩሱሳ ዋዲሳናው ማቂቲዳሶና።

2 ኤንቲ ዩሱሳ ቃቺ ኤፌዲ ዴሪያ ሃሪያ ጲላዖሳሰ ኣሉዲ ኢሚዳሶና።

3 ሄ ዋዴ ዩሱሳ ኦይሉዳ ዩሁዲ፣ ጲላዖሲ ዩሱሳ ቦላ ፐርዲዳይሳ ቤዒዲ፣ ቂርቲዲ፣ ሄ ሃሰታሙ ቢራ ሳንቲሚያ ካሂኔ ሃላቃታሲኔ ዴሪያ ጩማታሰ ጉዩ ዛሪሰ።

4 «ታጌ ሂሎ ኣሲ ሃይቆሰ ኣላ ኢማዳ ናጋራ ኣሳሰ» ያገሉ።

ሺን ኤንቲ፣ «ሄሲ ኦ ሜቶ ገዴና ኔ ሜቶ» ያገሉ።

5 ዩሁዲ ሚሺያ ያሳ ኬላን ዩገ ኣገዲ ኤንታ ማታፔ ቢዲ፣ ሱሌቲ ሃይቂሰ።

6 ካሂኔ ሃላቃቲ ሚሺያ ኤኪዲ፣ «ሃ ሚሹይ ሱላ ሚሹ ገዲያ ገሾ ኦኒ ያሳ ኬላ ሚሹያራ ጋሌይሲ ዋጋ ገዴና» ያገሉ።

7 ሄሳፌ ጉዩ፣ ኢሲፌ ዛሬቲዲ፣ ቤቲ ኣሲ ሞጋናው ማና ቢታ ሻሚዳሶና።

8 ሄሳ ገሾ፣ ሄ ጋይይ ሃቺ ጋካናው ሱላ ቢታ ጌቲቲ ጭጌቲሰ።

9 ናቢያ ኤርሚያሲ፣ «ኢሰራዔሌ ኣሳይ ኢያው ቃንፃናው ጋማቲዳ ሃሰታሙ ቢራ ሳንቲሚያ ኤኪዳሶና።

10 ጎዳይ ታና ከቲዳይሳዳ ማና ቢታ ሻማናው ኢሚዳሶና ገዳይሲ ሄ ዋዴ ገሌቲሰ።

ዩሱሲ ጲላዖሳ ሲንሳን (ማር 15:2-5፤ ሉቃ 23:3-5፤ ዮሃ 18:33-38)

11 ዩሱሲ ዴሪያ ሃሪያ ጲላዖሳ ሲንሌ ሺቂን፣ ጲላዖሲ ኢያኮ፣ «ኔኒ ኣይሁዴ ካዎ?» ያገሉ ኦይቺሰ።

ዩሱሲ ዛሪዲ፣ «ኔ ገዳሳ» ያገሉ።

12 ካሂኔ ሃላቃቲኔ ቢታ ጨማቲ ኢያ ሞቲያ ዎዴ ኤንታው ኣይቢ ዛርካ ኢሚቤና።

13 ሄ ዎዴ ጲላዎሲ ዩሱሳኮ፡ «ሃይሳቲ ኔና ሞቲያ ሞቱዎ ኡባ ሲዒኪ?» ያጊሲ።

14 ዩሱሲ ሃሪ ኣቶሺን፡ ኢሲ ቃላካ ዛርና ኢዲን፡ ዴሪያ ሃሪይሲ ዳር ማላሉቲስ።

ዩሱሳ ቦላ ሃይቆ ፐርዴቲስ (ማር 15:6-15፤ ሉቃ 23:13-25፤ ዮሃ 18:39-40፤ 19:1-16)

15 ዴሪያ ሃሪይሲ ላይላን ላይላን ፓሲካ ባሌ ቦንቹያ ጋላሳን፡ ኣሳይ ኮያ ኢሲ ኣሲ ቃሾፕ ቢርሺያ ዎጊ ዴዔስ።

16 ሄ ዎዴ ኢሲ ባርባና ዩሱሳ ጊያ ዳር ኤሬቲዳ ኢታ ኣሲ ቃሾ ኮላን ዴዔስ።

17 ሄሳ ጊሾ፡ ዳር ኣሳይ ሸቂዲ ዴዒሺን ጲላዎሲ፡ «ታኒ ሂንቲው ባርባና ዩሱሳ ቢርሾዬ፡ ዎይኮ ዩሱሳ ጊያ ኪሪስቶሳ ቢርሾ?» ያጊዲ ኣሳ ኦይቹስ።

18 ኢ ሄሳ ጊዳይ ኤንቲ ቃናቲዲ ዩሱሳ ኦይሉዳይሳ ኤሪያ ጊሾሳ።

19 ጲላዎሲ ፐርዳ ኮላን ኡቲዳሺን፡ ኢያ ማቹያ፡ «ታኒ ሃቹ ቃማ ኣሙሆን ኢያባ ዳር ዎይታሽ ኣቂዳ ጊሾ ሄ ዪሎ ኡራ ቦላ ኣይቢባካ ኦሎፋ» ያጋዳ ኪታሱ።

20 ሺን ካሂኔ ሃላቃቲኔ ዴሪያ ጨማቲ ጲላዎሲ ባርባና ቢርሺዲ፡ ዩሱሳ ዎቶና ሜላ፡ ኣሳይ ኢያ ዎሳና ሜላ፡ ኣሳ ጨማዳሪና።

21 ጲላዎሲ ዛሪዲ ኤንታኮ፡ «ታኒ ኤንታ ናሞዓሬ ሂንቲው ኦና ቢላና ሜላ ኮይቲ?» ያጊዲ ኦይቹስ።

ኤንቲ፡ «ባርባና ቢላና ሜላ ኮዮስ» ያጊዳሪና።

22 ጲላዎሲ፡ «ያቲን፡ ዩሱሳ ጊያ ኪሪስቶሳ ዎቶ?» ያጊዲ ኤንታ ኦይቹስ።

ኡባይ ዛሪዲ፡ «ማስቃሊያ ቦላ ኢያ ካቃ» ያጊዳሪና።

23 ጲላዎሲ ኣሳኮ፡ «ኣይስ? ኢ ኣይ ኢታባ ኦሌዳ?» ያጊዲ ኦይቹስ።

ሺን ኣሳይ ካሴይሳሬ ኣሉዲ፡ «ማስቃሊያ ቦላ ኢያ ካቃ» ጊዲ ዋሲዳሪና።

24 ኦሺ ዴንሌሶሬ ሃራ ኣይቢባካ ኦላናው ዴንዳዔቶናይሳ ጲላዎሲ ቤዒዲ፡ ሃሌ ኤኪዲ፡ «ሃ ኡራ ሃይቁዎን ታኒ ዴዒኬ። ሄሳ ኦሌይ ሂንቲና» ያጊዲ ኣሳ ሲንላን ባ ኩሺያ ሜጨቲስ።

25 ኣሳ ኡባይ ዛሪዲ፡ «ኢያ ሱላ ጎሜይ ኡናኔ ኑናይታ ጋኮ» ያጊዳሪና።

26 ያቲን፡ ጲላዎሲ ባርባና ኤንታው ቢሊዲ፡ ዩሱሳ ሊሶን ጋራሬዲ፡ ማስቃሊያ ቦላ ካቂቲዲ ሃይቃና ሜላ ኤንታው ኣሉዲ ኢሚስ።

ዎታዳሬቲ ዩሱሳ ቁልቁሲዳሪና (ማር 15:16-20፤ ዮሃ 19:2-3)

27 ሄሳሬ ጉዬ፡ ጲላዎሳ ዎታዳሬቲ ዩሱሳ ዴሪያ ሃሪይሳ ሶ ኤኪ ኤፊን፡ ዎታዳሬቲ ኡባይ ኢያ ዩሾዎን ኤቁዳሪና።

28 ኢያ ኣፊላ ቃሪ ኤኪዲ ዘዎ ኣፊላ * ማይዚዳሪና።

29 ቃሲ ኣጉንላ ካላቻ ጊጊሲዲ፡ ኢያ ሁዔን ዎሉዳሪና። ኢያ ኡሻቻ ኩሺያን ማይሬ ፃሞዓ ኦይሉዲ፡ ኢያ ሲንላን ጉልባቲዲ፡ «ኣይሁዴ ካዎው፡ ሙኩሉ ላይሉ ካዎታ!» ያጊዲ፡ ኢያ ቦላ ቁልቁሲዳሪና።

30 ኢያ ቦላ ጨቲዳሪና። ሄ ማይሬ ፃሞዓ ኤኪዲ፡ ኢያ ሁዔን ሾጪዳሪና።

31 ኤንቲ ኢያ ቦላ ቁልቁሲዳይሳሬ ጉዬ ዘዎ ኣፊላ ኢያፔ ቃሪ ኤኪዲ፡ ኢያ ኣፊላ ኢያ ማይዚዳሪና፡ ማስቃሊያ ቦላ ኢያ ካቃናው ኤኪ ኤፊዳሪና።

ዩሱሳ ካቂቲላ (ማር 15:21-32፤ ሉቃ 23:25-43፤ ዮሃ 19:17-27)

32 ኤንቲ ካሪ ኮይዲ፡ ኢሲ ሲሞና ጊያ ቁሪና ቢታ ኣሲ ዴማዲ፡ ዩሱሳ ማስቃሊያ ዎልቃን ቶሲዳሪና።

33 ጎልጎታ ጊያ ቤሲ ጋኪዳሪና፡ «ጎልጎታ» ጉሳይ «ጉጌ ቤሲ» ጉሱ።

34 ሄሳን ኤንቲ ጨዬ ዎላከቲዳ ዎይኔ ኡሻ ኡዮ ጊዲ ኢያው ኢሚዳሪና፡ ሺን ኢ ሄሳ ጋንዪ ኤኪዲ፡ ኡዮና ኢዲስ።

35 ኤንቲ ማስቃሊያ ቦላ ኢያ ካቂዳይሳሬ ጉዬ ኢያ ኣፊላ ሻኪዲ፡ ሳማ ዩጊዲ ኤኪዳሪና።

36 ሃሳፌ ጉዬ፣ ያን ኡቲዲ ኢያ ርገደሶር።

37 ቃሲ፣ «ሃይሲ አይሁዳ ካዉዋ ዩሱሳ» ያገያ ሞቶ ፀፊያ ኢያ ሁዔ ሶን ዋሊደሶር።

38 ዩሱሳራ ሄ ዋዴ ናምዑ ፓንጋታ ኢሱዋ ኢያፔ ኡሻቻ ባጋን፣ ሃንኩዋ ኢያፔ ሃዲርሳ ባጋራ፣ ማስቃሊያ ቦላ ካቂደሶር።

39 ኦጊያራ አዲያ አሳይ ዩሱሳ ቦሪዲ፣ ኢያ ቦላ ጨቲሹ።

40 «ዳሳ ኩላ ላላዳ ሄቡ ጋላሳ ገደን ከዳይሶ፣ ነና አሻ። ነኒ ዳሳ ናዓ ገዲኩ፣ እኔ ማስቃሊያ ቦላፌ ዋዳ» ያገደሶር።

41 ሃሳዳካ፣ ካሂኔ ሃላቃቲ፣ ሂጌ አስታማራቲኔ ቢታ ጨማቲ ኢሲፌ ዩሱሳ ቦላ ቁልቂሲደሶር። ሃይሳዳ ያገደሶር።

42 «ሃራታ አሺሰ፣ ሺን ባና አሻናው ዳንዳዒቤና። ኢ ኢሰራዔል ካዋ ገዲኩ፣ እኔ ማስቃሊያ ቦላፌ ሃዒ ዋዶ፣ ኑካ ኢያ አማናና።

43 ዳሳን ኢ አማኔቲሰ፣ ዳሳይ ኢያ አሻናው ኮይኮ እኔ አሾ። አይሰ ገኩ፣ ኢ ባና፣ ታኒ ዳሳ ናዓ ጌሰ» ያገደሶር።

44 ቃሲ ሃሪ አቶሺን፣ ኢያራ ማስቃሊያ ቦላ ካቂቲዳ ፓንጋቲካ ሃሳዳ ገዲ ኢያ ቦላ ቁልቂሲደሶር።

ዩሱሳ ሃይቁዋ

(ማር 15:33-41፤ ሉቃ 23:44-49፤ ዮሃ 19:28-30)

45 ኡሱፑን ሳቲፔ ቢዲ፣ ኡዱፋን ሳቲ ጋካናው ቢታ ኡባይ ጳሚሰ።

46 ኡዱፋን ሳቲ ገዲያ ዋዴ ዩሱሲ፣ «ኤሎሄ፣ ኤሎሄ፣ ሳማ ሳባቂታኒ?» ገዲ ገታ ዋሶ ዋሲሰ። «ኤሎሄ፣ ኤሎሄ፣ ሳማ ሳባቂታኒ?» ጌይሳ ቢርሽላይ «ታ ዳሳው፣ ታ ዳሳው፣ ታና አይሰ አጋዲ?» ጉሱ።

47 ሃሳን ኤቁዳ አሳፔ ኢሶቲ ኢሶቲ ሃሳ ሲዒዲ፣ «ሃ ኡራይ ኤሊያሳ ያጌሰ» ያገደሶር።

48 ኢራ ኤንታፌ ኢሶይ ዋዴ ቢዲ፣ ኢሰፖንጃ ኤኪዲ፣ ጫላ ዋይኔ ኡሻ ኩንሱሰ። ሃሳ ማይሪ ፃምዓ ያራን

ዋሊዲ ኡሻናው ኢያ ደናኮ ሺሺሰ።

49 ሺን ሃንኮቲ፣ «ና፣ ኤሊያሲ ኢያ አሻናው ያኔኮ እኔ ቤዳሰ» ያገደሶር።

50 ዩሱሲ ናምዓንሉ ገታ ዋሶ ዋሲዲ፣ ሃይቁ አገሰ።

51 ሄ ሳቲን ዳሳ ኩላን ካቂቲዳ ማጋራጃይ ቆሞፌ ዲጌ ጋካናው ናምዑ ከዩዲ፣ ፔዴቲ ዋዴሰ። ቢታይ ቃዲሰ፣ ዛላይካ ጳልቁቲሰ።

52 ዲፎቲ ደዩቲን ዳሳ አሳታፔ ዳርቲ ሃይቆፔ ዳንዲደሶር።

53 ኤንቲ ዲፎፔ ከዩዲ፣ ዩሱሲ ሃይቆፔ ዳንዲደሳፌ ጉዬ ጌሻ ካታማ ቢደሶር፤ ያን ኤንቲ ዳር አሳሰ ቤንቲደሶር።

54 ማቶ ሃላቃይኔ ኢያራ ዩሱሳ ናገያ ዋታደራቲ ቢታይ ቃዲደይሳኔ ሃሳን ሃኒዳባ ቤዒዳ ዋዴ ዳር ያዩዲ «ቱማ ሃይሲ ዳሳ ናዓ» ያገደሶር።

55 ሃሳን ዳር ማጫሳቲ፣ ጋሊላፔ ደሚዲ ዩሱሳ ሃጋዚሽ ካሊዲይሳቲ ሃሆን ኤቁዲ ያሎሶር።

56 ኤንታ ገደን ማግዳላ ማይራማ፣ † ያይቆባኔ ዮሴፋ አያ ማይራማኔ ዛብዲዮሳ ማቶያ ዳዶሶር።

ዩሱሳ ሞጌቱላ

(ማር 15:42-47፤ ሉቃ 23:50-56፤ ዮሃ 19:38-42)

57 ሳሳይ ኦማርሲያ ዋዴ ዮሴፋ ገያ ኢሲ ዱሪ ኡራይ፣ አርማቲያሳ ካታማፔ ዩሲ። ኢ ባ ሁዔንካ ዩሱሳ ካሊያ አሲ።

58 ዮሴፌ ጲላዳሳኮ ቢዲ፣ ዩሱሳ አሃ ኤካናው ዋሲሰ። ጲላዳሲ አሃይ ዮሴፋሰ አሜታና ማላ ከቲሰ።

59 ዩሱሳ አሃ ኤኪዲ፣ ጌሻ ሞሳ አፊላን ያዲሰ።

60 ባው ሞጌታናው ሹቻፌ ዋጪዳ ኡራላ ጎንጎሎን ኢያ አሃ ዋሊሰ። ቃሲ ሄ ጎንጎሎዋ ደናን ገታ ሹቻ ጎንደርሲ ዋሊዲ አገ ቢሰ።

61 ማግዳላ ማይራማኔ ሃንኮ ማይራማ ሄ ጎንጎሎዋኮ ሲሚዲ ኡቲደሶር።

62 ዋንቴሌ ሳምባታ ጋላሰ፣ ካሂኔ ሃላቃቲኔ ፋሪሳቂቲ ጲላዳሳኮ ዩዲ፣ ሃይሳዳ ያገደሶር።

63 «ሳዳው፡ ሃ ዋርዳንቸይ ፓፃ ዳዒቮ፡ ታኒ ሄቡ ጋላሳፔ ጉዬ ሃይቆፔ ዳንዳና። ያጊዳይሲ ኑስ ሃሳዬተስ።

64 ሄሳ ጊሾ፡ ኢ ሞጌቲዳ ጎንጎሉዋ ሄቡ ጋላስ ጋካናው፡ ሚንላ ናጋና ማላ ኪታርኪ። ሄሲ ሃናና ኢደኮ፡ ኢያ ታማሬቲ ቢዲ ኢያ እሃ ካይሲ ዳይሲዲ፡ ሃይቆፔ ዳንዲስ) ያጊዲ አሳስ ኦዲኮ ናሞግጎሶ ባሌሶይ ኮይርይሳፌ ኡባ ሃ ኢታና» ያጊዳሶና።

65 ጸላፆስ ኤንታኮ፡ «ሂንቴው ናጌይሳቲ ዳፆሶና፤ ቢዲ ሂንቴው ዳንዳዔቲዳ ማላ ናጊሲቴ» ያጊሰ።

66 ሄሳ ጊሾ፡ ኤንቲ ቢዲ ዱፎይ ቦሼቶና ማላ ሹቻ ቦላ ማታሚ ዋሉዲ ዋታዳሬታን ናጊሲደሶና።

28

ዩሱሳ ሃይቆፔ ዳንዲዋ (ማር 16:1-10፤ ሉቃ 24:1-12፤ ዮሃ 20:1-10)

1 ሳሞባቲ አዲን ዋጋ ዋዴ ዋንታ ጉራ፡ ማግዳላ ማይራማኔ ሃንኮ ማይራማ ዩሱሲ ሞጌቲዳ ጎንጎሉዋ ቤዓናው ቢደሶና።

2 ቆፖና ዋልቃማ ቢታ ቃፆይ ሃኒስ። ጎዳ ኪታንቸይ ሳሎፔ ዋዲዲ ዱፋዋ ደናን ዳዒያ ሹቻ ጎንደርሲዲ ኢያ ቦላ ኡቲስ።

3 ኢያ ማላይ ዋልግንላ ዳኔስ። ኢያ ማፆይካ ሻቻዳ ቦላ።

4 ናጌይሳቲ ኪታንቸዋ ቤዒዲ፡ ያሻን ኮኮሪዲ፡ ሃይቁዳ አሳዳ ሃኒደሶና።

5 ኪታንቸይ ማጫሳታኮ፡ «ሂንቴ ማሰቃሊያ ቦላ ካቁቲዳ ዩሱሳ ኮዬይሳ ታኒ ኤሪያ ጊሾ ያዮፊቴ።

6 ኢ ካሴ ኦዲደይሳ ማላ ሃይቆፔ ዳንዲስ፤ ሃይሳን ዳና። ሃ ዩዲ ኢያ ዚንዒሲዳ ቤሳ ቤዒቲ።

7 ሂንቴ ሃዒ ኤሌሲ ቢዲ፡ ኢያ ታማሬታስ፡ (ዩሱሲ ሃይቆፔ ዳንዲስ። ቃሲ ኢ ሂንቴፌ ሲንሳቲዲ ጋሊላ ባና፤ ሂንቴ ኢያ ያን ቤዓና) ያጊዲ ኦዲቴ። ታኒ ሂንቴው ሃይሳ ኦዳናው ያስ» ያጊሰ።

8 ኤንቲ ያዩሼኔ ዳር ኡፋይቲሼ፡ ዱፋዋ ማታፔ ኤሌሲዲ ቢዲ፡ ኢያ ታማሬታስ ኦዳናው ዋፃደሶና።

9 ቆፖና ዩሱሲ ኤንታራ ጋሄቲዲ ኤንታኮ፡ «ሳርይ ሂንቴው ጊደ»

ያጊሰ። ኤንቲ ኢያኮ ሸቁዲ፡ ኢያ ቶሁዋ ኦይኪዲ ኢያው ጎይኒደሶና።

10 ሄ ዋዴ ዩሱሲ ኤንታኮ፡ «ያዮፊቴ፤ ቢዲ ታ ታማሬቲ ጋሊላ ባና ማላ ኤንታው ኦዲቴ። ኤንቲ ያን ታና ቤዓና» ያጊሰ።

11 ሄ ማጫሳቲ ቢሺን፡ ዱፋዋ ናጊያ ዋታዳሬታፔ ባጋቲ ካታማ ቢዲ፡ ሃኒዳባ ኡባ ካሂኔ ሃላቃታስ ኢዲደሶና።

12 ካሂኔ ሃላቃቲኔ ጨማቲ ሸቁዲ ዘሬቲዲ፡ ዋታዳሬታስ ዳር ሚሼ ኢሚዲ፡

13 « ሉኒ ዲስኪዳሺን ኢያ ታማሬቲ ቃማ ዩዲ፡ ኢያ እሃ ካይሲደሶና) ያጊቴ።

14 ሃ ኦዳ ዳሪያ ሃሪይሲ ሰዒኮ፡ ሄሲ ሂንቴ ባላ ጊደናይሳ ኑኒ ኢያ ኦዲ አማንሳና። ሂንቴና አይቤካ ሃርጊሶፖ» ያጊደሶና።

15 ዋታዳሬቲ ሚሺያ ኤኪዲ፡ ኪቲቲዳይሳዳ ኦሉደሶና። ሃ ኦዳይ አይሁዴ ማታን ሃቺ ጋካናው ኦዴቲሼ ዳዔስ።

ዩሱሲ ባ ታማሬታስ ቆንጨስ (ማር 16:14-18፤ ሉቃ 24:36-49፤ ዮሃ 20:19-23፤ ሃ.ኦ 1:6-8፤ 1ቆር 15:3-8)

16 ታማኔ ኢሲ ኢያ ታማሬቲ ዩሱሲ ባንታና ቤቲ ጊዳ ጋሊላ ዳሪያ ቦላ ቢደሶና።

17 ያን ኤንቲ ኢያ ቤዒዳ ዋዴ ኢያው ጎይኒደሶና፡ ሺን ኤንታፊ ኢሶቲ ኢሶቲ ሲዲደሶና።

18 ዩሱሲ ኤንታኮ ሸቁዲ፡ «ሳሎኒኔ ሳዒን ማቲ ኡባይ ታው ኢሜቲስ።

19 ሃዘ፡ ሂንቴ ኡባ ቤሲ ቢዲ፡ አዋ፡ ናዓ፡ ጌሻ አያና ሱንሳን አሴ ኡባ ፃማቁዲ ታና ካሌይሳታ ኦሉቴ።

20 ታኒ ሂንቴና ኪቲዳባ ኡባ ኤንቲ ናጋና ማላ ኤንታ ታማርሲቴ። ታኒ ዋዲያ ወርሴላ ጋካናው ኡባ ዋዴ ሂንቴራ ዳዒይስ» ያጊሰ።

ማርቆስ ፩ ዓ.ፌ.ዳ. ዮሱሳ ኪሪስቶስ ግንኙላ ጋሳ ቆፋ

ማርቆስ ግንኙላይ፡ «ሃይሲ ያሳ ናዓ ዮሱስ ኪሪስቶስ ግንኙላ ደሚላ» ገሼ ኮይሮ ደሚስ፡ ሃ ግንኙላን ዮሱሲ ኦሶ አሰኔ ማታ አዋ ገዲዲ ሸቁስ፡ ኢያ ማታይ ኢያ ተሚርቲያን፡ ቱና አያና ቦላ ዲዒያ ዋልቃኒኔ እሳ ናጋራፔ ማሬይሳን ቆንጨሰ፡ ዮሱሲ፡ «ታኒ፡ አሳ ናጋራ አይሉቴላፊ ኬሳናው ታ ዴቡዋ አፋዳ ኢማናው ዪዳ አሳ ናዓ» ያገዲ ዓ ደናን ሃሳዪሰ፡

ማርቆስ ዮሱሳ ታሪኪያ ሱሬ ኦጌኒኔ ዋልቁ ኩሚዳ ኦጌን ኦዲሰ፡ ማርቆስ ዮሱሳ ቃላኔ ተሚርቲያ ገደናሽን ኢ ኦሲዳ ማላሊሲያ ኦሶታ ባይራዪዲ ኦዳስ፡ ማርቆስ ፩ ማዋቂያ ዮሃንሳ ታሪኪያ፡ ዮሱሳ ደንቃቲያኔ ኢያ ፓጨቴላ ቃንሳን ኦዲ ሰሚዲ፡ ዮሱሳ ተሚርቲያኔ ኢያ ፓሱዋ ዳልገሲዲ ኦዳስ፡ አቁ አቁ ቢሽን ዮሱሳ ታማራቲ ዮሱሳ ሎይሊዲ ኤሪ ኤሪ ቢደሶና፡ ሽን ዮሱሳ ኢዳይሳቲ አሲዲ ኢዳሼ ኢዳሼ ቢደሶና፡ ዉርሱላ ሽምፖቲ ዮሱሳ ዴዎን ዉርሱላ ሳሚንታን ፖሌቲዳ ኦሶታባ ኦደሶና፡ ሄሳቲካ ኢያ ካቁቴላኔ ኢያ ዴንዲዋባ ኦደሶና፡

ማርቆስ ግንኙላ ኦዲፊ ቆፋታ

ግንኙላ ደሚላ 1:1-13
ዮሱሲ ጋሊላን ባ ኦሱዋ ኦይኪዳይሳ 1:14-9:50
ዮሱሲ ዮሩሳላሜን ኦሲዳ ኦሱዋ 10:1-52
ዉርሱላ ሳሚንታ ዮሩሳላሜ ሄራን 11:1-15:47
ዮሱሳ ሃይቆፔ ዴንዲዋ 16:1-8
ሃይቆፔ ዴንዲዳ ጎዳ ቆንጨጻኔ ሳሎ ኬሳ 16:9-20

፩ ማዋቂያ ዮሃንሲ ኦጌ ገሊሲሰ (ማቶ 3:1-12፤ ሉቃ 3:1-18፤ ዮሃ 1:19-28)

1 ሃይሲ ያሳ ናዓ ዮሱስ ኪሪስቶስ ግንኙላ ደሚላ፡፡

2 ናቢያ ኢሳያሲ ፩ ዓ.ፌ.ዳ. ማፃፋን ያሳይ፡

«ሄኮ፡ ታኒ ታ ኪታንቸዋ

ኔፔ ሲንሌ ዮዳና፡፡
ኢ ኔ ኦጊያ ገሊሳና፡፡

3 ኢሶይ ባዘ ገደን ባ ቃላ ቶቁ ኦሲዳ፡፡

ጎዳ ኦጊያ ገሊሲፔ፤
ኢ ሃሙታና ሆርጋ

ኢያው ሱሪሲቴ ገሰ » ያገሰ፡፡

4 ማዋቂያ ዮሃንሲ አሳ ማዋቂሽ፡ «ሃንቴ ናጋራፔ ሰሚዲ ማዋቂቲ፤ ያሳይ ሃንቴ ናጋራ አቶ ጋና» ያገዲ ቃላ ኦዲሼ ባዘ ቢታፊ ዪሰ፡፡

5 ዪሁዳ ቢታን ዴዒያ አሳይ ኡባይኔ ዮሩሳላሜ ካታማ አሳ ኡባይ ዮሃንሳኮ ዮሶና፡ ባንታ ናጋራ ፓዲን፡ ዮሃንሲ ኤንታ ዮርዳናሴ ሻፋን ማዋቂስ፡፡

6 ዮሃንሲ ገማሌ ኢኪሴፔ ዳዴቲዳ አፊላ ማዒሰ፡፡ ባ ያሳን ዳፎ ዳንጨሰ፤ ቃሲ ቦሌኔ ዴጌራ ኤሲ ሜስ፡፡

7 ዮሃንሲ ቃላ ኦዲሼ፡ «ታፔ ጉዬራ ዳሮ ማኔይሲ ዪሰ፡፡ ሃሪ አቶሽን፡ ታኒ ኢያ ጫማ ዋደሩዋ ሆካዳ ቢላናው ቤሲኬ፡፡

8 ታኒ ሃንቴና ሃላን ማዋቂይሰ፡ ሽን ኢ ሃንቴና ጌሻ አያናን ማዋቂና» ያገሰ፡፡

ዮሱሳ ፓጨቴላ (ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዮሱሲ ሄ ዋዴ ጋሊላ ቢታን ዴዒያ ናዚራቴ ካታማፔ ዪን፡ ዮሃንሲ ዮርዳናሴ ሻፋን ኢያ ማዋቂስ፡፡

10 ዮሱሲ ሃላፊ ኬያ ዋዴ ሳሎይ ደዬቲን፡ ጌሻ አያናይ ባ ቦላ ሆሌዳ ዋዲሽን ቤዒሰ፡፡

11 ቃሲ ሳሎፔ፡ «ታኒ ደሲያ ታ ናዓይ ኔና፤ ታ ኔናን ኡፋይታይሰ» ያገሰ ቃሳይ ዪሰ፡፡

12 ኢራ ጌሻ አያናይ ዮሱሳ ባዘ ቢታ ኤፊሰ፡፡

13 ዮሱሲ ባዘ ቢታን ፩ላሄን ፓጨቴሽ ኦይታሙ ጋላሰ ጋምዒሰ፡፡ ደዓታራ ዴዒሰ፡ ሽን ኪታንቸቲ ዪዲ ኢያ ማዲደሶና፡፡

ዮሱሲ ሞሎ ኦይኪያ ኦይዲ አሳታ ያገሰ

(ማቶ 4:12-22፤ ሉቃ 4:14-15፤ 5:1-11)

1:2 ሚላ 3:1 1:3 ኢሳ 40:3 1:6 2ካዋ 1:8 1:11 ሚዲ 22:2፤ ማዘ 2:7፤ ኢሳ 42:1፤ ማቶ 3:17፤ 12:18፤ ማር 9:7፤ ሉቃ 3:22

14 የሃኒሲ ቃሾቲዳፔ ጉዬ ዬሱሲ ያሳ ካዎቴላ ዋንጌላ ኦዲሼ ጋለላ ቢታ ቢሰ።

15 ያን፡ «ዎዴይ ጋከሰ፤ ያሳ ካዎቴላይ ማታቲሰ። ሂንቲ ናጋራፔ ሲሚዲ፡ ዋንጌላን ኣማኒቲ» ያገሰ።

16 ዬሱሲ ጋለላ ኣባ ማታራ ኣጲሹ፡ ሞሎ ኣይኪያ፡ ሲሞናኔ ኢያ ኢሻ ኢንዲሪያሳ፡ ባንታ ጊቲያ ኣባን ዩጊይሳታ ቤዒሰ።

17 ኢንታኮ፡ «ታና ካለቲ፤ ታኒ ሂንቲና ኣሴ ኦይሉ ታማርሳና» ያገሰ።

18 ኤንቲ ሶሁዋራ ባንታ ጊቲያ ዩጊ ኣጊዲ ዬሱሳ ካለደሶና።

19 ዬሱሲ ጉላ ሲንላ ቢዲ፡ ናምቡ ኢሻታ ዛብዲዮሳ ናይታ፡ ያይቆባኔ የሃኒሳ ዋጎሉዋ ጊደን ባንታ ጊቲያ ጊሲይሳታ ቤዒሰ።

20 ኢ ኤንታ ቤዒዳ ሜላ ፃገሰ። ኤንቲ ባንታ ኣዋ ዛብዲዮሳ፡ ኢያ ኦሳንቸታራ ዋጎሉዋ ጊደን ዩጊ ኣጊዲ ዬሱሳ ካለዲ ቢደሶና።

ቱና ኣያናይ ኣይኪዳ ኡራይ ፓዒሰ (ሉቃ 4:31-37)

21 ኤንቲ ቂሬርናሆሜ ካታማ ጌሊደሶና። ሳምባቲ ጌሊዳ ሜላ ዬሱሲ ኤሌሲዲ ኣይሁዴ ዋሳ ኬላ ጌሊዲ ታማርሶ ኣይኪሰ።

22 ማታራ ዴዒያ ኣሳዳ ታማርሴሲፔ ኣቲን ሃጌ ኣሰታማራታሉ ታማርሶና ጊሾ ኣሳይ ኢያ ቲሚርቲያን ማላሉቲደሶና።

23 ሄ ዎዴ ቱና ኣያናይ ኣይኪዳ ኢሲ ኡራይ ኣይሁዴ ዋሳ ኬላ ጌሊዲ ባ ቃላ ጶቁ ኣሊዲ፡

24 «ናዚሬቴ ዬሱሳ፡ ኔኒ ኑፔ ኣይ ኮያይ? ኑና ጳይሳናው ያዲ? ኔኒ ኦኔኮ ታ ኡራይሰ፤ ኔኒ ያሳ ገሻ ጊዲኪ?» ያገሰ።

25 ዬሱሲ ሄ ቱና ኣያና፡ «ሃይዛ፡ ሃ ኣዲያፌ ኬያ» ጊዲ ከቲሰ።

26 ቱና ኣያናይ ኡራ ዳፌሬላዲ፡ ዋሲዲ ኢያፔ ኬዩሰ።

27 ኣሳይ ኡባይ ማላሉቲዲ፡ «ሃይሲ ኣይቤ? ሃ ኡራይ ባ ማታን ሃሪ ኣቶሽን ቱና ኣያናታካ ከቲሰ። ኤንቲ ኢያው ከቲቶሶና፤ ሃይሲ ኣይቤ ኦራላ ቲሚርቲ?» ጊዲ፡ ባንታ ጊደን ኢሶይ ኢሱዋ ኣይቸደሶና።

28 ዬሱሳ ሱንሳይ ኤሌሲዲ ጋለላ ቢታን ዴዒያ ሃራ ኡባን ኬዩሰ።

ዬሱሲ ዳር ሃርጋንቸታ ፓሊሰ (ማቶ 8:14-17፤ ሉቃ 4:38-41)

29 ዬሱሲ ኣይሁዴ ዋሳ ኬላፌ ኬዩዲ፡ ያይቆባራኔ የሃኒሳራ ሲሞና ሶኔ ኢንዲሪያሳ ሶ ቢሰ።

30 ሲሞና ማቸ ኣያ ቆያ ሚሻ ሃርጋዳ ዚንዒዳር ዬሱሲ ያ ጋኪያ ዎዴ ኢያው ኣዲደሶና።

31 ኢ ኢኮ ሸቂዲ፡ ኢ ኩሺያ ኣይኪዲ፡ ኢዮ ዴንላ ኤሲሰ። ቆያይኔ ሚሻይ ኣገን ኢያ ኤንታ ሞካሰ።

32 ሃርጊዳ ኣሳ ኡባኔ ቱና ኣያናቲ ኣይኪዳ ኣሳ ኡባ ኦማርሲ ኣዋይ ዉሊዳፔ ጉዬ ኢያኮ ኤሃደሶና።

33 ካታማን ዴዒያ ኣሳ ኡባይ ሄ ኬላ ካሬ ሸቂደሶና።

34 ዬሱሲ ዴማ ዴማ ሃርጌን ኣይኬቲዳ ዳር ኣሳ ፓሊዲ፡ ዳር ቱና ኣያናታ ኬሲሰ። ኢ ኦኔኮ ቱና ኣያናቲ ኤሪዳ ጊሾ ኤንታ ኣዲሶና ዲገሰ።

ዬሱሲ ጋለላን ታማርሲሰ (ሉቃ 4:42-44)

35 ዬሱሲ ዋንታ ጉራ ዴንዲዲ፡ ኣሲ ባይና ቤሲ ቢዲ፡ ያን ያሳ ዋሲሰ።

36 ሲሞኒኔ ኢያራ ዴዒይሳቲ ኢያ ኮዩሼ ቢደሶና።

37 ኤንቲ ኢያ ዴሚዲ፡ «ኣሳይ ኡባይ ኔና ኮዬሰ» ያገደሶና።

38 ዬሱሲ ቃሲ ኤንታ፡ «ሄ ሄራን ዴዒያ ሃራ ካታማታ ዩጲቲ፡ ታኒ ዩዳይ ዋንጌላ ኦዳናው ጊዲያ ጊሾ ያንካ ቃላ ኦዳናው ቤሴሰ» ያገሰ።

39 ኣይሁዴ ዋሳ ኬላታን ቃላ ኣዲሹኔ ቱና ኣያናታ ኬሲሹ፡ ጋለላ ቢታ ኡባን ዩዩሰ።

ዬሱሲ ባር ሃርጋንቸዋ ፓሊሰ (ማቶ 8:1-4፤ ሉቃ 5:12-17)

40 ባርይ ኣይኪዳ ኢሲ ኡራይ ዬሱሳኮ ዩዲ፡ ኢያ ስንላን ጉልባቲዲ፡ «ኔኒ ኮይኮ ታና ጌሻናው ዳንዳሳ» ያገዲ ዋሲሰ።

41 ዬሱሲ ኢያው ቃጴቲዲ፡ ባ ኩሺያ ዩዲዲ ኢያ ቦቹዲ፡ «ታኒ ኮያይሰ፡ ጌያ» ያገሰ።

42 ሶሁዋራ ባርይ ኡራ ዩዲን ኡራይ ፓዒሰ።

43 ዬሱሲ ኡራ ሚንላ ናጊሲዲ ኬሲ ዩዲሰ።

44 ዬሱሲ ኢያ፡ «ኔና ኡራ፡ ሃይሳ ኣዴሰካ ኦደፓ። ሺን ባዳ ኔ ኣሳቴላ

ካሄኔ ቤሳ። ኔኒ ሃዲ ገሺ ገዲዳይሳ አሳ ኤሪሳናው። ሙሴይ ከቲዳ ያርሹዋ ያርሻ» ያገሰ።

45 ሺን ኡሪይ ቢዲ፣ ጉታ ኡባን አሳ ኡባስ ኦዲሰ። ሄሳ ገሾ፣ ዩሱሲ ቆንጩ ኩዩዲ፣ ካታማ ገላናው ዳንዳዲቤና። ሺን አሲ ባይናሶን ጋፃን ዳዲሰ፤ ቃሲ አሳይ ኡባ ቤሳፊ ኢያኮ ኮሶና።

2

ዩሱሲ ጉንዳ ኡሪ ፓሊሰ (ማቶ 9:1-8፤ ሉቃ 5:17-26)

1 ጉላ ጋላሳፔ ጉዬ ዩሱሲ ቁፊርናሆሜ ሲሚዲ፣ ሶን ዳዴስ ገያ ኦዲይ ሲዔቲሰ።

2 አሳ ኩላይ ኤኮና ኢዲን፣ ሃሪ አቶሺን ካሪይካ ፀማና ጋካናው ዳር አሳይ ሸቁን፣ ዩሱሲ ቃላ ታማርሲሰ።

3 ኦይዲ አሳቲ ኢሲ ጉንዳ ኡሪ ቶኪዲ ኢያኮ ኤሃደሶና።

4 አሳይ ዳሪዳ ገሾ ኡሪ ዩሱሳኮ ሸሻናው ኤንታው ዳንዳዲቶና ኢዲን፣ ዩሱሲ ዳዲያ ገናራ ኩላ ቃሪዲ፣ ካራ ቃወዲዲ ኡሪ ኢ ዚንዲዳ አልጋራ ዲጌ ዩዲዲ ዩሱሳ ሲንላን ዋዲሲደሶና።

5 ዩሱሲ ኤንታ አማኑዋ ቤዲዲ፣ ሄ ጉንዳ ኡሪ፣ «ታ ናዋው፣ ኔ ናጋራይ አቶ ጌቲቲሰ» ያገሰ።

6 ሃጌ አሰታማራታፔ ሄ ቤሳን ኡቲዳ ኢሶቲ ኢሶቲ ባንታ ዋዛናን፣

7 «ላ ሃ ኡሪይ ሃይሳ ማላ ኢታባ ያሳ ቦላ አይሰ ኦዲቲ? ያሳ ፃላላፔ አቲን ሃሪ ኦኒ ናጋራ አቶ ጋናው ዳንዳዲ?» ገዲ ቆፒደሶና።

8 ኤንቲ ባንታ ዋዛናን ሄሳዳ ቆፒዳይሳ ዩሱሲ ሰሀዋራ ባ አያናን ኤሪዲ፣ ኤንታኮ፣ «ሃንቲ ሃንቲ ዋዛናን አይሰ ሄሳዳ ቆፔቲ?»

9 ጉንዳ ኡሪ፣ «ኔ ናጋራይ አቶ ጌቲቲሰ» ጌይሲ ማቲዬ? ዋይኮ፣ «ዳንዳዲ ኔ አልጋ ቶካዳ ባ ጌይሲ ማቲ?»

10 ሺን ታው፣ አሳ ናሳስ፣ ሳዓ ቦላ ናጋራ አቶ ጋናው ማቲ ዳዴይሳ ሃንቲ ኤሪና ማላ» ገዲ ሄ ጉንዳ ኡሪኮ፣

11 «ኔና ጋይሰ፣ ዳንዳዲ ኡቃዳ ኔ አልጋ ቶካዳ ኔ ሶ ባ» ያገሰ።

12 ኡሪይ ኤሌሲ ዳንዲ ኤቁዲ፣ ባ አልጋ ቶኪዲ አሳ ኡባይ ቤዲሺን ቢሰ። አሳይ ኡባይ ማላሊቲዲ፣ «ኦኒ

ሃይሳ ማላ ማላሊሲያባ ቤዲ ኤርኮ» ያገዲ ያሳ ጋላቲደሶና።

ዩሱሳ ለዌ ፃገሰ (ማቶ 9:9-13፤ ሉቃ 5:27-32)

13 ዩሱሲ ቃሲ ጋሊላ አባ ደና ሲሚ ቢዲ፣ ባኮ ዩዳ አሳ ኡባ ታማርሲሰ።

14 ያሪ አዲሹ፣ ኢልፊዮሳ ናዓ ለዌ ጌቲቲይሲ ቃራፃ ቃንዲሲያ ቤሳን ኡቲዳይሳ ቤዲዲ፣ «ታና ካላ» ያገሰ። ለዌይ ዳንዲ ኤቁዲ ኢያ ካሊሰ።

15 ዩሱሲ ካሊ ማናው ለዌ ሶን ኡቲሰ። ኢያ ካሊያ አሳይ ዳር ገዲያ ገሾ ቃራፃ ቃንዲሲያ ዳር አሳይኔ ናጋራንቸቲ ኢያራኔ ኢያ ታማራታራ ኢሲፊ ኡቲደሶና።

16 ሃጌ አሰታማራ ገዲዳ ኢሲ ኢሲ ፋሪሳዌቲ ዩሱሲ ናጋራንቸታራኔ ቃራፃ ቃንዲሲይሳታራ ካሊ ሚሺን ቤዲዲ፣ «ኢ አይሰ ናጋራንቸታራኔ ቃራፃ ቃንዲሲይሳታራ ካሊ ሚ?» ያገዲ፣ ኢያ ታማራታ ኦይቺደሶና።

17 ዩሱሲ ኤንቲ ጌይሳ ሲዲዲ፣ «ሃርጋንቸታፔ አቲን ጋፃታሰ አኪሜ ኮሼና። ታኒ ናጋራንቸታ ፃጋናው ያሲፔ አቲን ዲሎታ ፃጋናው ያቢኬ» ያገዲ ኤንታው ዛሪሰ።

ፆማባ ኤራናው ሸቁዳ ኦይሻ (ማቶ 9:14-17፤ ሉቃ 5:33-39)

18 ፆማቁያ ዮሃንሳ ታማራቲኔ ፋሪሳዌቲ ፆሞሶና። ኢሲ ኢሲ አሳቲ ዩሱሳኮ ዩዲ፣ «ዮሃንሳ ታማራቲኔ ፋሪሳዌታ ታማራቲ ፆሞሶና፣ ሺን ኔ ታማራቲ አይሰ ፆሞኮና?» ያገደሶና።

19 ዩሱሲ ኤንታኮ፣ «ያጋኑዋ ዩዳ አሳቲ ማቺው ኤኬይሲ ኤንታራ ዳዲሺን፣ ፆማናው ዳንዳዲያ? ማቺው ኤኬይሲ ኤንታራ ዳዲሺን፣ ፆማናው ዳንዳዲያኮና።

20 ሺን ማቺው ኤኬይሲ ኤንታ ማታፔ ኤኬታና ዋይይ ያና፣ ኤንቲ ሄ ዋይ ፆማና።

21 «ጩጋ ማዖ ቦላ ኦራላ ዋሊዲ ሲኪያ አሲ ባዋ። ዋሊዲ ሲኪኮ፣ ኦራላይ ጩጋ ማዖ-ዋ ዳኬሰ፤ ዳኬላይካ ካሲይሳፊ ዳሪሰ።

22 ቃሲ ማልዓንቶ ዋይይ ጩጋ ኦጎርን ቆሊያ አሲ ባዋ። ሺን ቆሊኮ፣ ሄ ዋይይይ ኦጎርን ዳኬሰ፣ ባወካ ጉኬሰ፣ ኦጎርይካ ኢቲሰ። ሺን ማልዓንቶ ዋይይይ ኦራላ ኦጎርን ቆሊቲሰ» ያገሰ።

ሳምባታባ ኤራናው ሸቂዳ ኦይሻ (ማቶ 12:1-8፤ ሉቃ 6:1-5)

23 ዩሱሲ ኢሲ ሳምባታ ጋላስ ባንጋ ጋዴ ገደብ እጅሺን፣ ኢያ ታማራቲ ኢያራ ቢሼ ባንጋ ቲያ ሸርኪዲ ሞሶና።

24 ፋሪሳዊቲ ዩሱሳኮ፣ «ሄኮ፣ ኔ ታማራቲ ሳምባታ ጋላስ ዋጋ ገደናባ አይሰ ኦሶና?» ያገደሶና።

25 ዩሱሲ ኤንታኮ፣ «ዳዊቲይ ኮሻቲዲ፣ ሚያባ ኮዪዳ ዋዴ ባራ ዴዔይሳታራ ኦሴዲይሳ ናባቢቤኬቲ?»

26 አቢያታሪ ካሂኔ ሃላቃ ገዲዲዲ ዴዔያ ዋዴ ዳዊቲይ ያሳ ኬሌ ጌሊዲ፣ ካሂኔታ ፃላሊ ማናፕ ኦቲን ኦኒካ ማናው ዋጋ ገደናይሳ ጎዳ ሲንላን ዋሴዳ ዳቡዋ ሚስ፣ ባራ ዴዔይሰታሰካ ኢሚስ» ያገሰ።

27 ቃሲካ ዩሱሲ ኤንታኮ፣ «ሳምባቲ አሳ ናባ ጎሳሰ ሚዴቲሲፕ ኦቲን አሲ ሳምባታስ ሚዴቲሲፍ።

28 ሄሳ ገሹ፣ አሳ ናባይ፣ ሃሪ ኦቶሺን ሳምባታሰካ ጎዳ» ያገሰ።

3

ዩሱሲ ኩሼ ጉንዳ ኡራ ፓሌሰ (ማቶ 12:9-14፤ ሉቃ 6:6-11)

1 ዩሱሲ አይሁዴ ዋሳ ኬሌ ሲሚ ጌሊስ። ያን ኩሼይ ጉንዲዳ ኢሲ ኡራይ ዴዔስ።

2 ኢሲ ኢሲ አሳይ ዩሱሳ ሞታናው ኮዪዲ፣ ኩሼይ ጉንዲዳ ኡራ ሳምባታ ጋላስ ኢ ፓሌኮኔ አገኮ ቤዓናው ኮዪዲ ሚንሌዲ ናጎሶና።

3 ዩሱሲ ኩሼይ ጉንዲዳ ኡራ፣ «ዴንዳ ኤቃዳ ሃ ሲንሌ ያ» ያገሰ።

4 ሄሳፌ ጉዬ፣ አሳኮ፣ «ሳምባታ ጋላስ ሎዖባ ኦሴይሲ ዋጌዬ ኢታባ ኦሴይሲ ዋጌ? አሳ ሸምፖ አሾዬ ዋይኮ ዋዶ?» ያገዲ ኦይቺስ።

ሸን አሳይ ሲዲ ገሰ።

5 ዩሱሲ ሃንቁቲዲ፣ ኤንታ ዩሺ አሌ ፃሊዲ፣ ኤንቲ ኦዲን ሲዖናይሳታ ገዲያ ገሾ ኤንታ ቦላ ዳር ኦዛኒስ። ሄ አዲያኮ፣ «ኔ ኩሺያ ፒዲ ኦላ» ያገሰ። ኡራይ ፒዲ ኦላን ኢያ ኩሼይ ፓዒስ።

6 ኤሌሲዲ ፋሪሳዊቲ አይሁዴ ዋሳ ኬላፌ ካሪ ኬዪዲ፣ ዩሱሳ ዋቲ ዋዳኑ ማቁታናው ሄርዲሳ ባጋታራ ኢሲ ሶ ሸቂዳሶና።

አሳይ ዩሱሳኮ ሸቂዳሶና

7 ዩሱሲ ባ ታማራታራ ጋሊላ አባኮ ቢስ። ጋሊላፔኔ ዪሁዳፔ ዪዳ ዳር አሳይ ኢያ ካሊደሶና።

8 ቃሲካ ዩራሳላሚፔ፣ ኢዲሚያሳፔ፣ ዮርዳኖሴ ሻፋ ፒንላፌ፣ ፃርሳ ካታማፔኔ ሲደና ካታማፔ ዩሱሲ ኦሴዳባ ሲዲዲ፣ ዳር አሳይ ኢያኮ ዪደሶና።

9 አሳ ዳርቴላፌ ዴንደይሳን ኢያ ኡንዔሶና ሚላ ኢያ ታማራቲ ዋጎሎ ኢያው ገገሳና ሚላ ኪቲስ።

10 ዳር አሳ ኢ ፓሌዳ ገሾ ሃርገያ አሳ ኡባይ ኢያ ቦቻናው ሱጌቶሶና።

11 ቱና አያናይ ኦይኪዳ አሳቲ ኢያ ቤዒዳ ዋዴ ኢያ ሲንላን ኩንዲዲ፣ ባንታ ቃላ ዶቁ ኦሴዲ፣ «ኔኒ ያሳ ናባ ገዲኪ?» ያጎሶና።

12 ዩሱሲ ሄ ቱና አያናቲ ባናቲላ ኦዴሰካ ቆንጨሶና ሚላ ኤንታ ሚንሌዲ ሃንቁቲስ።

ዩሱሲ ታማኔ ናምቡ ሃዋራታ ዶሪሰ

(ማቶ 10:1-4፤ ሉቃ 6:12-16)

13 ዩሱሲ ዳሪያ ቦላ ኬዪዲ፣ ባ ኮዪዳ አሳታ ባኮ ጃገሰ፤ ኤንቲካ ኢያኮ ቢደሶና።

14 ኤንቲ ባራ ዳና ሚላኔ ቃላ ታማርሳና ሚላ ታማኔ ናምባታ ዶሪዲ፣ ኤንታ፣ «ሃዋራታ» * ገዲ ሱንሌስ።

15 ቱና አያናታካ ኬሳና ሚላ ኤንታው ማታ ኢሚስ።

16 ኢ ዶሪዳ ታማኔ ናምባቲ ሃይሳታ፣ ጳዒርሳ ያገዲ ሱንሌዳ ሲሞና።

17 ቦዓኔርጌስ (ዳዳ ዳኒያ አሳታ) ያገዲ ሱንሌዳይሳታ፣ ዛብዲዮሳ ናይታ ያይቆባኔ ያይቆባ ኢሻ ዮሃንሳ።

18 ኢንዲሪያሳ፣ ፊልጳሳ፣ ባርቶሎሚዮሳ፣ ማቶሳ፣ ቶማሳ፣ ኢልፊዮሳ ናባ ያይቆባ፣ ታዲዮሳ፣ ባ ቢታስ ሚሹቲያ ሲሞና።

19 ዩሱሳ አሌ ኢሚዳ አሰቆርታ ዪሁዳ።

ዩሱሳኔ ቢዔልዜቡላ

(ማቶ 12:22-32፤ ሉቃ 11:14-23፤ 12:10)

20 ሄሳፌ ጉዬ፣ ዩሱሲ ሶ ቢስ። ቃሲ ዳር አሳይ ሸቂን፣ ኢኔ ኢያ

2:23 ዛሬ 23:25 2:25 1ሳው 21:1-6 2:26 ሉዌ 24:9 3:9 ማር 4:1፤ ሉቃ 5:1-3
* 3:14 ሃዋሬ፣ ሃዋሬ ጉሳይ ኪቲቲዳይሳ ጉሱ።

ታማራቲ ሃሪ አቶሺን ካሏ ማናውካ ዳንዳዒቦኮና።

21 እሳይ ኢያ፡ «ጎዬስ» ጊያ ጊሾ ኢያ ዳቦቲ ሄሳ ሲዒዲ ኢያ ኤካናው ቢደሶና።

22 ሃጌ አስታማሪታፔ ኢሶቲ ኢሶቲ ዩሩሳላሚፔ ዩዲ፡ «ኢያ ቦላ በዔልዘቡሊ ዴዔስ»፡ ኢ፡ «ፃላሄይ ዋልቃን ቱና ኣያናታ ከሴስ» ያጊዲ ኦዴቲደሶና።

23 ዩሱሲ አሳ ባኮ ፃጊዲ ለሚሶ ኦዲስ፡ «ፃላሄይ ፃላሄ ዋቲ ከሳናው ዳንዳዒ?»

24 ኢሲ ካዋቲላይ ባ ጊደን ሻኬቲኮ ሄ ካዋቲላይ ኤቃናው ዳንዳዒና።

25 ሄሳዳካ፡ ኢሲ ከላ አሳይ ባንታ ጊደን ሻኬቲኮ ጳያናፔ ኣቲን ዳናው ዳንዳዒኮና።

26 ሃዘ፡ ፃላሄይ ባራ ካጩቲዲ ሻኬቲኮ ጳዮፔ ኣቲን ዳናው ዳንዳዒና።

27 «ሺን ኮይሮቲዲ ዋልቃማ ኡራ ቃቾና ዴዒሼ ኢያ ከላ ጌሊዲ፡ ኢያ ሚሺያ ቦንቃናው ዳንዳዒያ አሲ ባዋ። ቃቺ ሲሚዲ ኢያ ከላ ቦንቃናው ዳንዳዒስ።

28 «ታኒ ሃንቲው ቱማ ኦዳይስ፤ ያሳይ አሳ ናይታስ ናጋራ ኡባኔ ኤንቲ ጫያ ጫሼ ኡባ አቶ ጋና።

29 ሺን ጌሻ ኣያና ቦላ ኢታባ ኦዴቲያ ኦዴስካ ሜሪና ናጋራ ጊዳናፔ ኣቲን ያሳይ ኡባራካ ኢያ ማሪና» ያጊሶ።

30 ዩሱሲ ሄሳ ጊዳይ፡ ኢሲ ኢሲ አሳቲ፡ «ኢያ ቦላ ቱና ኣያናይ ዴዔስ» ያጊዲ ጊሾሳ።

ዩሱሳ አዪዉኔ ኢያ አሻታ (ማቶ 12:46-50፤ ሉቃ 8:19-21)

31 ኢያ ኣያኔ ኢያ አሻቲ ዩዲ ካሪን ኤቁዲ፡ ኢያኮ እሴ ከቲዲ ኢያ ፃጊደሶና።

32 ኢያ ማታን ኡቲዳ ዳሮ አሳቲ፡ «ሄኮ፡ ኔ አዬራኔ ኔ አሻታራ ካሪን ኤቁዲ ኔና ኮዮሶና» ያጊደሶና።

33 ዩሱሲ ዛሪዲ፡ «ታ ኣያ ኦኔ? ቃሲ ታ አሻቲ ኦናንቲ?» ያጊሶ።

34 ባ ማታን ኡቲዳ አሳ ዩሺ ኣሏ ፃሊዲ፡ «ሄኮ፡ ታ ኣያኦኔ ታ አሻቲ ሃይሳታ።

35 ያሳይ ሼኒያ ኦሊያ ኡባይ ታ አሻ፡ ታ ሚቾኔ ታ ኣዮ» ያጊሶ።

4

ዜሬላ ዜሪያ ኡራ ለሚሶ (ማቶ 13:1-9፤ ሉቃ 8:4-8)

1 ዩሱሲ ዛሪዲ ጋለላ አባ ማታን ታማርሴስ። ዳሮ አሳይ ኢያ ዩሹዋን ሸቁን፡ አባን ዴዒያ ዋጎሉዋ ጊደ ጌሊዲ ኡቲስ፡ አሳ ኡባይ አባ ማታን ዴዒስ።

2 ኢ ኤንታ ዳሮባ ለሚሶን ታማርሴስ። ታማርሴሽ ሃይሳዳ ያጊሶ።

3 «ሲዒቲ! ኢሲ ኡራይ ዜሬላ ዜራናው ከዩሴስ።

4 ኢ ዜሪሸን፡ ኢሲ ኢሲ ዜሪላይ ኦጌ ጋፃን ዋጲስ፤ ካፎቲ ዩዲ ሚደሶና።

5 ኢሲ ኢሲ ዜሪላይ ጋርሳን ሻሎይ ዴዒያ ቢታ ቦላ ዋጲስ። ዳሮ ቢቲ ባይና ጊሾ ሄ ዜሪላይ ኤሌሲዲ ደሊስ።

6 ሺን ኣዋ ከዩዳ ዋዴ ሹሊስ። ሎይሊዲ ፃጶ ዩዲቦና ጊሾ ኤሌሲ ሜሊስ።

7 ኢሲ ኢሲ ዜሪላይ ኣጉንላ ጊደን ዋጲስ። ደሊዳይሳ ኣጉንላይ ዲጩዲ ጩሊዳ ጊሾ ኣይፊ ኣይፎና ኣቲስ።

8 ኢሲ ኢሲ ዜሪላይ ኣራዳ ቢታን ዋጲዲ ደሊስ። ዲጩዲ ኢሶይ ሃስታማ፡ ኢሶይ ኡሱፑን ታማ ኢሶይ ፃታ ኣይፊስ» ያጊሶ።

9 «ሲዒያ ሃይላ ዴዒያ ኦኒካ ሲያ» ያጊሶ።

ዩሱሲ ለሚሶን ኦዲዳ ጋሱዋ (ማቶ 13:10-17፤ ሉቃ 8:9-10)

10 ዩሱሲ ኦዲዳይሳ ሲዒዳ ኢሲ ኢሲ አሳቲኔ ታማኔ ናምዑ ታማራቲ ዩሱሲ ባርካ ዴዒሸን፡ ኢያኮ ሸቁዲ ሄ ለሚሱዋ ቢርሼላ ኦይቺደሶና።

11 ዩሱሲ ኤንታኮ ሃይሳዳ ያጊሶ፡ «ሃንቲው ያሳ ካዋቲላ ፀራ ኤርይ አሚቲስ። ሺን ሃራታስ ካዋቲላፊ ካሪን ዴዒይሳታስ ኡባባይ ለሚሶን ኦዴቲስ።

12 ገሶይካ፡ ሳኒንቲ ፃሎሶና፡ ሺን ዴዋኮና። ሲዶሶና፡ ሺን ኣኬኮኮና። ኤንቲ ዴሚያኮኔ ኣኬኪያኮ፡ ያሳኮ ሲማና ኣካ ኤንታ ማራናሺን» »

ያገሉ።

ዜሬላ ለሚሱዋ ቢርሽላ
(ማቶ 13:18-23፤ ሉቃ 8:11-15)

13 ዩሱሲ ኤንታኮ፡ «ሃ ለሚሶይ ሂንቲው ጌሌኔ? ያቲን፡ ለሚሶ ኡባ ሂንቲ ዋቲ አከካኔ?

14 ዜሬይሲ ያሳ ቃላ ዜሬሰ።

15 ቃላይ ዜሬቲያ ዋዴ ኦጌ ጋዖን ዋዲዳይሳቲ ቃላ ሲዒዳይሳታ። ሺን ያላሂይ ሰሁዋራ ዩዲ፡ እንታ ዋዛናን ዜሬቲዳ ቃላ ማዲ ዲጌሰ።

16 ሄሳዳካ፡ ጋርሳን ሻሎይ ዳዒያ ቢታን ዜሬቲዳይሲ ቃላ ሲዒዲ፡ ኤሌሲዲ ኡፋይሳን ኤኬይሳ።

17 ሺን እንታው ሚኖ ያጶይ ባይና ገሾ ሃዒሳፊ አቲን ጋምዖኮና። ጉላ ዋዴ፤ ጉዬ ቃላ ጋሶን ዋዬይ ዋይኮ ጎዲ ጋኪያ ዋዴ ኤሌሲዲ ዲቤቶሶና።

18 እጉንላ ገደን ዜሬቲዳይሲ ቃላ ሲዒይሳታ።

19 ሺን ሃ ሳዓ ዳዑዋሰ ሂርጎይ፡ ዲሬቱላ ደሶይኔ ሃራባ አዋቲይሲ ኢያ ዋዛናን ጌሊዲ ቃላ ጨሊያ ገሾ አይፊ አይፎና አቲሰ።

20 ሺን አራዳ ቢታን ዜሬቲዳይሳቲ ቃላ ሲዒዲ ኤኬይሳታ። ኤንቲ ኢሶይ ሃሰታማ፡ ኢሶይ ኡሱፑን ታማ ኢሶይ ዪታ አይፊሰ» ያገሉ።

ጌማን ዳዒያ ያምፔ
(ሉቃ 8:16-18)

21 ዩሱሲ ጉጂዲ፡ «ያምፔ ኤኪዲ፡ ዳቕፊ ዋይኮ አልጋፊ ጋርሳን ዋሊያ አሲ ዳዒ? ዶቃ ቤሳን ዋሌኔዬ?

22 ሂዛ፡ ቆሴቲዳባይ ኡባይ ቆንጨዬ ኬያና፤ ጌሚዳባይ ኡባይ ኤሬቶና አቲና።

23 ሲዒያ ሃይሌ ዳዒያ ኦኒካ ሲዖ» ያገሉ።

24 ቃሲ ኤንታኮ፡ «ሂንቲ ሲዒያባ አከኪዲ ሲዒቲ! ያሳ ቃላ ሂንቲ ሲዒይሳ ሜላ ኢ ሂንቲው አከካ አማና። ኡባካ ሂንቲው ዳርሲዲ አማና።

25 ኢሲባይ ዳዒያ ኡራሰ ጉጂ አሜታና፡ ባይናይሳፊ ሃራ አቶሺን፡ ኢያው ዳዒያ ሂ ጉሊያካ ኤኬታና» ያገሉ።

ዲጨያ ዜሬላ ለሚሶ

26 ዩሱሲ ዛሪዲ፡ «ያሳ ካዎቲላይ ባ ጋዴን ዜሬሌ ዜሪያ አሳ ሚላ።

27 ሂ ኡራይ ቃማ ዲሰኬሰ፤ ዋንታ ዳንዳሰ። ኢ ባ ሁዒን ዋኒያኮ ኤሮና ዳዒሺን ሂ ዜሬላይ ደሌሲኔ ዲጨዮሰ።

28 ቢታይ ካሌ ባርካ አሜሰ። ኮይሮ ደሊዲ ዲጨዮሰ፡ ካሊዲ አይፋናው ጋምቡዪ፡ ወርሴላን ኩሜላ አይፊ አይፊሰ።

29 ሺን ካላይ ጋኪያ ዋዴ ኡራይ ሰሁዋራ ባጫራ ጌሊ አጌሰ» ያገሉ።

አይፊ ጉላ ሚላ ለሚሶ
(ማቶ 13:31-34፤ ሉቃ 13:18-19)

30 ዩሱሲ፡ «ኦኒ ያሳ ካዎቲላ አይ ዳኔሰ ጋኔ? ዋይኮ አይቢራ ለሚሳኔ?

31 ያሳ ካዎቲላይ አይፊ ጉላ ሚሊ ዳኔሰ። ሂ ሚላ አይፊያ ዜሪያ ዋዴ ሳዒን ዳዒያ ሚላ አይፊ ኡባፊ ጉዪሰ።

32 ዜሪን ደሊዲ አታኪልቲ ኡባፊ ገታቲሰ፤ ዳሮ ዳሺ ዳዩሰ። ካፎቲ ኢያ ታሺያ ሰላ ከዲዲ ኡታና ጋካናው ዳዩሰ» ያገሉ።

33 ዩሱሲ ሃይሳ ሚላ ዳሮ ለሚሶን አሳይ አከካናው ዳንዳዒይሳ ሚላ ቃላ ኦዲሰ።

34 አሳሰ ለሚሶይ ባይና ኦዴና። ሺን ዩሱሲ ባ ታማሬታ ያላላራ ዳዒያ ዋዴ ኤንታው ኡባባ ቢርሽዲ ኦዲሰ።

ዩሱሲ ሆቢያ ሲዒ አሌሰ
(ማቶ 8:23-27፤ ሉቃ 8:22-25)

35 ሂ ጋላሰ ሳዒይ ኦማርሲን፡ ዩሱሲ ባ ታማሬታኮ፡ «አባፊ ሄፊንሌ ፒኖሰ» ያገሉ።

36 ኢያ ታማሬቲ ዳሮ አሳ ዩገ አገዲ፡ ዩሱሲ ካሴ ጌሊ ኡቲዳ ዋጎሉዋን ጌሊዲ ዩሱሳ ባንታራ ኤፊደሶና። ሃራ ዋጎሉቲካ ያን ዳዖሶና።

37 ዋልቃማ ጎቲይ ዳንዲዲ፡ ሆቤይ ዋጎሉዋ ሾጨን፡ ኩማና ጋካናው ዋጎሉዋ ገደ ሃሌ ጌሊሰ።

38 ሂ ዋዴ ዩሱሲ ዋጎሉዋን ጉዬ ባጋራ ቦርኮቲዲ ዲሰኪሰ። ኢያ ታማሬቲ ኢያ ዳንሌዲ፡ «አሰታማሬያው፡ ኦኒ ዳያ ዋዴ ኔ ሲዒ ጋዳ ያላይ?» ያገደሶና።

39 ያቲን፡ ኢ ባርኪዲ ጎቲያ፡ «ሲዒ ጋ» ገዲ፡ አባካ፡ «ዋፑ ጋ» ገሰ። ጎቲይካ ሲዒ ገን ኡባባይ ዋፑ ገሰ።

40 ዩሱሲ ባ ታማሪታኮ፡ «አይሰ ሃይሳዳ ባቤቲ? ሃንቲው አማናይ ዋሊዲ ጳዪዳ?» ያገሰ።

41 ኢንቲ ዳር ባቢዲ ባንታ ገደን፡ «ሃይሲ ሃሪ አቶሽን፡ ጎቲይኔ አባይ ከቲቲይሲ ኦኔ?» ያገደሶና።

5

ቱና አያሊ ኦይኪዳ ኡራይ ፓዲሰ (ማቶ 8:28-34፤ ሉቃ 8:26-39)

1 ዩሱሲኔ ኢያ ታማሪቲ አባ ፒኒዲ፡ ጌርጌሶኔ ገያ ቢታ ገኪደሶና።

2 ዩሱሲ ዋጎሎዋ፤ ዋዲያ ዋዴ ቱና አያናይ ኦይኪዳ ኢሲ ኡራይ ዱፎፕ ከዪዲ ኢያሪ ጋሂቲሰ።

3 ሄ ኡራይ ዱፋዋን አቁ ፔዲዲ ዳዔሰ። ኢያ ኦኒካ ሳንላላታን ቃቻናው ዳንዳዔና።

4 ኢ ዳር ቶሆ ዱላኒኔ ሳንላላታን ቃሽቲዲ ዳዔሰ። ሺን ሳንላላታ ዱሴሬሴሰ፡ ዱላ ሜንሴሬሴሰ። ኢያ ቲቃናው ዳንዳዔያ ኦኒካ ባዋ።

5 ኢ ቃማኔ ጋላሰ ሄ ዱፋዋኒኔ ዳሪ ቦላ ዋሴሰ፡ ባ ቦላካ ሹቻን ጋሪሰ።

6 ዩሱሳ ሃሆን ቤዲዳ ዋዴ ዋዲ ቢዲ ኢያ ሲንላን ጉልባቲሰ።

7 ሄ ኡራይ ባ ቃላ ጶቁ አሉዲ፡ «ኡባሬ ቦላ ያሳ ናወው ዩሱሳ፡ ኔናኔ ታና አይቤ ጋሴይ፡ ታና ጳይሶና ሜላ ታኒ ኔና ያሳ ሱንላን ዋሳይሰ። ያገሰ።

8 ኢ ሄሳ ገደይ ዩሱሲ ኢያ፡ «ላ ሃ ቱና አያናው፡ ሃ አዲያፊ ከያ» ያገደ ገሸሳ።

9 ዩሱሲ ኢያኮ፡ «ኔ ሱንላይ ኦኔ?» ያገደ ኦይቸሰ።

ኢ፡ «ኦኒ ዳር ገዲያ ገሾ ታ ሱንላይ ለገሶና» ያገሰ።

10 ቱና አያናቲ ባንታና ሄ ቢታፊ ከሲ ዬዶና ሜላ ዩሱሳ ሚንሱዲ ዋሲደሶና።

11 ሄ ዳሪያ ቦላ ዳር ጉዲንሎ ወዳይ ሃሙቲሰ።

12 ቱና አያናቲ ዩሱሳኮ፡ «ኡና ሂኒ ጉዲንሎ ወዲያኮ ዩዳርኪ፡ ኤንታን ቢዲ ጌሎሰ» ያገደ ዋሲደሶና።

13 ዩሱሲ ኤንታኮ፡ «ቢቲ» ያገሰ። ያፕን ቱና አያናቲ አዲያፊ ከዪዲ ጉዲንሎታን ጌሊደሶና። ናሞሱ ሙኩሉ ገዲያ ጉዲንሎ ወዳይ አሮ ደናራ ዳርገዲ ቢዲ አባን ጌሊዲ ሚቲቲደሶና።

14 ጉዲንሎ ወዲያ ሄሚይሳቲ ባቃቲ ቢዲ ሃኒዳባ ካታማኒኔ ጋዖሪያን

አዲደሶና። ያቲን አሳይ ሃኒዳባ ቤዓናው ከዪደሶና።

15 አሳይ ዩሱሳኮ ያ ዋዴ ቱና አያናን ኦይኪቲዳ ኡራ ቤዲደሶና። ኢ ባ ዋዛናኮ ሲሚዲ፡ ማዖ ማዲዲ፡ ያን ኡቲዳይሳ ቤዲዳ ዋዴ ኡባይ ያዪደሶና።

16 ሄሳ ቤዲዳ አሳቲ ቱና አያናቲ ኦይኪዳ ኡራ ቦላኔ ጉዲንሎታ ቦላ ሃኒዳባ ኡባ አሳሰ አዲደሶና።

17 ሄሳ ገሸ፡ አሳይ ባንታ ቢታፊ ዩሱሲ ባና ሜላ ዋሲደሶና።

18 ዩሱሲ ዋጎሎዋን ጌሊያ ዋዴ ካሴ ቱና አያናይ ኦይኪዲ ዩዲዳ ኡራይ፡ ዩሱሳ ካላናው ኢያ ዋሲሰ።

19 ሺን ዩሱሲ ኢዲዲ ኢያኮ፡ «ኔ ሶ ሲማዴ፡ ጎዳይ ኔው አይ ሜላ ገታባ ኦሊዳኮኔ ኔው አይ ሜላ ከሂዳኮ ኔ ሶ አሳሰ ኦዳ» ያገሰ።

20 ኡራይ ቢዲ ታሙ ካታማ ገያሶን የዪዲ፡ ዩሱሲ ባው አይ ሜላ ገታባ ኦሊዳኮ ኡዲሰ። ኢ ኡዲዳይሳ ሲዲዳ አሳ ኡባይ ማላላቲደሶና።

ሃይቁዳ ናዊወኔ ዩሱሳ ማዑዋ ቦቺዳ ማጨሲው

(ማቶ 9:18-26፤ ሉቃ 8:40-56)

21 ዩሱሲ ሲሚዲ፡ ዋጎሎዋን ጌሊዲ፡ አባ ፒኒዳፕ ጉዬ ዳር አሳይ አባ ጋዖን ኢያ የሹዋን ሸቂደሶና።

22 ኢያርሳ ገያ አይሁዳ ዋሳ ከላ ሃላቃታፕ አሶይ፡ ዩሱሳ ቤዲዳ ዋዴ ኢያኮ ዩዲ ኢያ ቶሁዋ ቦላ

23 ኩንዲዲ፡ «ታ ናዲያ ሃርጋዳ ሃይቃና ሃናውሱ። ኢያ ፓፃዳ ዳዓና ሜላ ያዳ ኔ ኩሺያ ኢ ቦላ ዋላርኪ» ያገደ ዩሱሳ ሚንሱዲ ዋሲሰ።

24 ዩሱሲ ኢያርሳራ ቢሰ። ኢ ቢሺን ዳር አሳይ ኢያ ካሊዲ ኤንዔሊደሶና።

25 ታማኔ ናሞሱ ላይሱ ኢ ቦላፊ ሱሱ ጎገያ ኢሲ ማጨሲያ ዳዓወሱ።

26 ዳር አኪሜቲ ኢዮ አኪሚደሶና፡ ሺን ኢያ ፓፃ ካዔታሱ። ኢያ ባ ሚሺያ ኡባ ወርሲንካ አው ሃ አቲሰፕ አቲን አይኮካ ማዲቤና።

27 ሄ ማጨሲያ ዩሱሳባ ሲዳዳ፡ አሳ ካንላዳ ዩሱሳ ጉዬራ ያዳ ኢያ ማዑዋ ቦቻሱ።

28 ኢያ፡ «ታኒ ሃሪ አቶሽን ኢያ ማዑዋ ቦቺያኮ ፓፃና» ጋዳ ቆፓሱ።

29 ኢፕ ጎገያ ሱሳይ ሶሁዋራ ኤቁ አገሰ። ኢያ ባ ዋያፕ ፓዲዳይሳ ባ አሳቲላን ኡራሱ።

30 ዩሱሲ ባፕ ዋልቁ ከዪዳይሳ ባ ሁዔን ኡራዲ፡ ኤሌሲዲ ዳር አሳ

ጊደን ጉዬ ሲሚዲ፥ «ታ ማዑዋ ቦቹዳይ ኦኔ?» ያገሰ።

31 ኢያ ታማራቲ፥ «አሳይ ኔና ሱጌይሳ ቤዓሼ፥ «ዋይጋዳ ታና ኦኔ ቦቹዳይ ያገይ?» » ያገደሶና።

32 ዬሱሲ ሄሳ ኦኔ ኦሊዳኮ ቤዓናው ዩሺ አሊ ያለሰ።

33 ሺን ማጫሲያ ባው ሃኒዳባ ኤራዳ፥ ያሻን ኮኮራሼ ያዳ ዬሱሳ ስንሳን ጉፋናሱ፤ ቃሲ ሃኒዳባ ኡባ ቱማ ኢያው ኦዳሱ።

34 ያኒን፥ ዬሱሲ ኢኮ፥ «ታ ናቲ፥ ኔና ኔ አማናይ ፓሊሰ፥ ሳርን ባ፥ ኔ ዋያፔካ ፓፃ» ያገሰ።

35 ዬሱሲ ቡር ሄሳ አዲሸን፥ አይሁዴ ዋሳ ኬላ ሃላቃ ሶፔ ኪቲቲዳ አሳቲ ዩዲ፥ «ኔ ናዲያ ሃይቃሱ፥ አሰታማሪያ አይሰ ዳቡሪሳይ?» ያገደሶና።

36 ሺን ዬሱሲ ኤንቲ ጌይሳ ሲዲዲ፥ አይሁዴ ዋሳ ኬላ ሃላቃ፥ «አማና ፃላላ አማናፔ አቲን ባቦፋ» ያገሰ።

37 ዬሱሲ ጳጳርሳፔ፥ ያይቆባፔኔ ያይቆባ አሻ ዮሃንሳፔ ሃሪ ኦኒካ ባና ካሎና ማላ ዲገሰ።

38 ኤንቲ አይሁዴ ዋሳ ኬላ ሃላቃ ሶ ጋኪያ ዋዴ ዬሱሲ አሳይ ካሃ ቆዩዲ ዬኬይሳኔ ዜሌሌይሳ ቤዲሰ።

39 ጌሊዲ አሳኮ፥ «አይሰ ካሃ ቆዩዲ ዬኬቲ? ናዲያ ጳሰካሱፔ አቲን ሃይቃሱኩ» ያገሰ።

40 አሳይ ኢያ ቦላ ሚጨሰ። ሺን አሳ ኡባ ካሪ ኬሲዲ፥ ናዴ አዋ፥ አዩዉኔ ሃቭ ታማራታ ባራ ኤኪዲ ናዲያ ዴዲያሱዋ ጌሊሰ።

41 ዬሱሲ ናዴ ኩሺያ ኦይኪዲ፥ «ፃሊታ፥ ቁማ» (ጉላ ናቲ፥ ኔና ጋይሰ ዴንዳ) ያገሰ።

42 ናዲያ ሶሁዋራ ዴንዳ ኤቃዳ ሃሙታሱ። ኢያ ታማኔ ናምዑ ላይላ ናዳ፥ ሄሳን አሳይ ዳር ማላሌቲዳሶና።

43 ዬሱሲ ሄሳ ኤንቲ ኦዴሰካ ኦዶና ማላ ኤንታ ሚንሊ ከቲሰ። ኤንቲ ኢው ሚያባ አማና ማላ ኦዲሰ።

6

ዬሱሲ ናዚራቲን ኢጻቲሰ (ማቶ 13:53-58፤ ሉቃ 4:16-

30)

1 ዬሱሲ ያፔ ከዩዲ፥ ባ ታማራታ ካሌሊዲ፥ ባ ካታማ ናዚራቲ ቢሰ።

2 ሳምባታ ጋላስ አይሁዴ ዋሳ ኬላን ታማርሶ ኦይኪሰ። ኢ ታማርሴይሳ ሲዲዳ ዳር አሳይ ማላሌቲዲ፥ «ሃይሲ ሃ ኡባ አዉፔ ዴሚዴ? ሃ ጨንጫቲላ ኢ አዉፔ ኤኪዴ? ሃ ማላታታ ኦሊያ ማታ ኢ አዉፔ ዴሚዴ?

3 ሃይሲ አናዲያ ጌዴኔ? ማይራሚ ናዳ፥ ያይቆባ፥ ዮሳ፥ ዩሁዳኔ ሲሞና አሻ ጌዴኔዬ? ኢያ ሚቹቲ ኦራ ሃይሳን ዴያኮናዬ?» ያገደዱ፥ ኢ ጌያባ ኤኮና ኢጻደሶና።

4 ዬሱሲ ሄ አሳኮ፥ «ናቤይ ባ ቢታን፥ ባ ዳቦታኒኔ ባ ሶ አሳን ቦንቹቲናፌ አቲን ሃራታ ማታን ቦንቹቲሰ» ያገሰ።

5 ኢ ሄ ቤሳን ባ ኩሺያ ጉላ አሳ ቦላ ዋሊዲ ፓሊዳይሳፌ አቲን ሃራ ማላታታ ኦላናው ዳንዳዲቤና።

6 አሳይ አማኒሶና ገሾ ዳር ማላሌቲሰ።

ዬሱሲ ታማኔ ናምዑ ሃዋራታ ከቲሰ

(ማቶ 10:5-15፤ ሉቃ 9:1-6)

ሃሳፌ ጉዬ፥ ዬሱሲ ሄ ሄራን ዴዲያ ጉታታን አሳ ታማርሴሰ።

7 ዬሱሲ ታማኔ ናምዑ ታማራታ ባኮ ጻጊዲ፥ ናምዳ ናምዳ ጋሊዲ ከቲሰ። ኤንታው ቱና አያናታ ኬሲያ ዋልቃ ኢሚሰ።

8 ኤንታ፥ «ኦኔ ፃምዓፌ አቲን ካሊ፥ ካርጻታ፥ ሂንቲ ኪሴን ሚሼ አይቢባካ ኦይኮፊቲ።

9 ሂንቲ ቶሁዋን ጫማ አሊቲ፥ ሺን ናምዑ አፊላ ኦይኮፊቲ» ያገሰ።

10 ቃሲካ፥ «ሂንቲና አሲ ሞኪዳ ሶ አዉንካ ጊዲን ሄ ቤሳ ዬዲዲ ባና ጋካናው ሄ ኬላን ጋምዲቲ።

11 ሂንቲና አሲ ሞኮናሱዋ ዋይኮ ሂንቲ ኦዲያባ ሲያናሱዋ አዉን ጊዲኮካ፥ ሄ ቢታን ዴዲያ አሳሰ ሄሲ ናገሶ ማርካ ጊዳና ሚላ ሄ ቤሳፌ ኬዩሼ፥ ሂንቲ ቶሁዋፔ ባና ፒቲቲ» ያገሰ።

12 ታማኔ ናምዑ ታማራቲ ቢዲ፥ አሳይ ባንታ ናጋራፔ ሲማናዳ ቃላ ኦዲደሶና።

13 ኤንቲ አሳፔ ዳር ቱና አያናታ ኬሲደሶና። ዳር ሃርጋንቾታ ዛይቲ ቲዩዲ ፓሊደሶና።

ፃምቁያ ዮሃንሳ ሃይቁዋ (ማቶ 14:1-12፤ ሉቃ 9:7-9)

14 ዩሱፊ ሱንጻይ ኑባ ቤሳን ኬዩዳ ጊሾ ካዎይ ሄሮዲሲ ኢያባ ሲዒሰ። ኢሲ ኢሲ አሳይ። «ፃማቂያ የሃኒሲ ሃይቆፔ ዳንዲሰ። ሄሳ ጊሾ ሃ ማላታታ ኦልይ ኢያ» ያጊደሶና።

15 ባጋቲ። «ሃይሲ ኤሊያሳ ጊዴኔ?» ያጊደሶና።

ሃራቲ ቃሲ። «ሃይሲ ቤኒ ዎዴ ናቤታፕ ኢሱዎ ጊደና አጌና» ያጊደሶና።

16 ሺን ሄሮዲሲ ሄሳ ሲዒዳ ዎዴ «ሃይሲ ታኒ ቆጲያ ቃንግሲዳ ፃማቂያ የሃኒሳ ጊዴኔ? ኢ ሃይቆፔ ዳንዲሰ» ያጊሰ።

17 ሄሮዲሲ ባ ኢሻ ፊልጶሳ ማቺው ሄሮዲያዳ ኤኪዳ ጊሾ ኢ ጋሶን የሃኒሳ ኦይሊዲ ቃሺሲሰ።

18 የሃኒሲ ሄሮዲሳ። «ኔኒ ኔ ኢሻ ማቺው ኤካናው ቤሴና» ያጊሰ።

19 ሄሮዲያዳ የሃኒሳ ባ ኡሎን ሞርካዳ ኢያ ዎጲሳናው ኮያሱ። ሺን ዳንዲዳቡኩ።

20 የሃኒሲ ጻሎኔ ጌሻ አሲ ጊዲዳይሳ ሄሮዲሲ ኤሪዳ ጊሾ ኢያው ባቢዲ ሎይሊ ናጊሴሰ። ሄሮዲሲ የሃኒሲ ጊያባ ሲዳናው ደሲኮካ ኢ ጊያባ ሲዒያ ዎዴ ዳር ዳጋሚሰ።

21 ሄሮዲሲ ባ ዩሌቴዳ ጋላሳ ቦንቻናው ዳሪያ ሃሪይሳታሰ። ሻላቃታሰኔ ጋሊላን ዳዒያ ጊታ አሳሰ አማቶ ጊሲሰ። ሄሲ ሄሮዲያዳሰ ኢንጂ ጋላሰ ጊዲሰ።

22 ሄሮዲያዳ ናዒያ አማላይ ሞኬቲያ ቤሳ ጌላ ዳራዳ። ሄሮዲሳኔ ኢያ አማላታ ኡፋይሳሱ። ካዎይ ናዒው። «ኔ ኮያባ አይባ ጊዲኮካ ታና ኦይቻ። ታኒ ኔው አማና» ያጊሰ።

23 ቃሲ ኢው ጫቂዳ። «ኔኒ ኦይቹያባ አይባ ጊዲኮካ። ታኒ ኔው አማና። ሃሪ አቶሺን። ታ ካዎቴላ ባጋ ጊዲኮካ ታኒ ኔው አማና» ያጊሰ።

24 ናዒያ ካሬ ኬያዳ ባ አዩኮ። «አይ አማ ጎ?» ጋዳ ኦይቻሱ።

ኢ አያ። «ፃማቂያ የሃኒሳ ሁዒያ አማ ጋ» ያጋሱ።

25 ናዒያ ኤላሳዳ ካዉዎኮ ባዳ። «ፃማቂያ የሃኒሳ ሁዒያ ሳኔን ዎላዳ ሃዒ ታው አማና ማላ ኮያይሰ» ያጋሱ።

26 ሃኒን ካዎይ ዳር ቂርቲሰ። ሺን ባ አማላታ ጊሾ ኢው ጫቂዳ ባ ጫቁዎ ማንሳናው ኮዩቤና።

27 ሄሳ ጊሾ። ኤሊሲዲ ናጌይሳ የሃኒሳ ሁዒያ ኤሃና ሜላ ከቲሰ። ናጌይሲ ቃሾ ኬሊ ቢዲ የሃኒሳ ቆጲያ ቃንግሲ።

28 ሄ ቃንግቴዳ ሁዒያ ሳኔን ዎሊ ኤሃዲ ናዒሰ አሚሰ። ናዒያ ቃሲ ባ አዩሰ አማሱ።

29 የሃኒሳ ታማሬቲ ሄሳ ሲዒዳ ዎዴ ቢዲ ኢያ አሃ ኤኪ ኤፊዲ ሞጊደሶና።

ዩሱሲ ኢቻሹ ሙኩሉ አሳ ሙዚሲ

(ማቶ 14:13-21፤ ሉቃ 9:10-17፤ የሃ 6:1-14)

30 ታማኔ ናምቡ ሃዎሬቲ ሲሚ ዩዲ ኤንቲ ኦሊዳባኔ ታማርሲዳባ ኡባ ዩሱሳሰ ኦዲደሶና።

31 ኤንታኮ ያ አሳይኔ ቢያ አሳይ ዳሪዳ ጊሾ ዩሱሳሪኔ ኢያ ታማሬታራ። ሃሪ አቶሺን ካሊ ማናዉካ ኤንታ ጋሶና ኢደሰ። ያኒን። ዩሱሲ ኤንታኮ። «ኑርካ ጉላ ሹምፕ ኤካናው አሲ ባይና ቤሲ ዩጲቲ» ያጊሰ።

32 ሄሳ ጊሾ። ኤንቲ ባንታርካ ዎጎሎን ጌሊዲ አሲ ባይና ቤሲ ቢደሶና።

33 ኤንቲ ቢሺን ዳር አሳይ ኤንታ ቤዒዲ ኤሪደሶና። ያቲን። ካታማ ኡባፌ አሳይ ቶሆራ ዎዴ ቢዲ ኤንቲ ቢያሱዎ ኤንታፊ ሲንጼ ጋኪደሶና።

34 ዩሱሲ ዎጎሎዎፔ ዎጲዲ ዳር አሳ ቤዒሰ። አሳይ ሃሚያ አሲ ባይና ዳርሳ ሜላ ጊዲዳይሳ ቤዒዲ ኤንታው ቃጴቲዲ ኤንታ ዳርባ ታማርሲሰ።

35 ሳዒይ ኦማርሲያ ዎዴ ዩሱሳ ታማሬቲ ኢያኮ ዩዲ። «ሃይሲ ቤሳይ አሲ ባይና ቤሲ፤ ሃዒ ሳዒይካ ቃሚሰ።

36 አሳይ ጉታታኔ ካታማታ ቢዲ ባንታው ሚያባ ሻማና ሜላ አሳ ዩዳ» ያጊደሶና።

37 ሺን ዩሱሲ ዛሪዲ ኤንታኮ። «አሳሰ ሚያባ ሂንቲ አሚቲ» ያጊሰ። ኤንቲ። «ኑኒ ቢዲ ናምቡ ጻቲ ዲናሬን ኡይሉ ሻሚዲ አሳ ሙዛና ሜላ ኮያይ?» ያጊዲ ኦይቹደሶና።

38 ዩሱሲ ኤንታኮ። «ሂንቲው አቸን ኡይሊ ዴዒ?» አኔ ቢዲ ቤዒቲ» ያጊሰ።

ኤንቲ ቤዒዲ። «ኢቻሹ ኡይሉኔ ናምቡ ሞሎ» ያጊደሶና።

39 ዩሱሲ ባ ታማራታ አሳ ኡባ ጨጋን ጨጋን ሻኪዲ ማታን ኡቲሳና ማላ ከተሰ።

40 አሳይ ባጋይ ያታ፡ ባጋይ አሻታማ ገዲዲ ጨጋን ጨጋን ሻኬቲዲ ኡቲደሶና።

41 ዩሱሲ ኢቻሹ ኡይላኔ ናሞቡ ሞሎታ ኤኪዲ፡ ፑዴ ሳሎ ያሊዲ ያሳ ጋላተሰ። ኡይላ ማንሊዲ አሳሰ ገሻና ማላ ባ ታማራታሰ አሚሰ። ቃሲ ናሞቡ ሞሎታ ኤንታ ኡባሰ ሻኪሰ።

42 አሳ ኡባይ ሚዲ ካሊደሶና።

43 አቲዳ ኡይላ ቲፊያኔ ሞሎታ ቲፊያ፡ ኢያ ታማራቲ ታማኔ ናሞቡ ጋይታ ኩማሊ ዴንሊደሶና።

44 ኡይላ ሚዳ አዴ አሳ ታይቦይ ኢቻሹ ሙኩሉ።

ዩሱሲ አባ ቦላራ ሃሙተሰ (ማቶ 14:22-33፤ ዮሃ 6:15-21)

45 ኤሌሲዲ ዩሱሲ ባ ታማራቲ ዋሳሎን ጌሊዲ፡ አባፌ ሄፊንላን ዴያ ቤቲሳይዳ ባፔ ሲንላቲዲ ባና ማላ ከተሰ። ሺን ባው አሳ ሞይዛናው ጉዬ አተሰ።

46 አሳ ሞይዚዳፔ ጉዬ ያሳ ዋሳናው ዴሪያ ቦላ ኬዩሰ።

47 ሳዓይ ቃሚያ ዋዴ ዋሳሎይ አባ ገደን ዴዴሰ። ሺን ዩሱሲ አባፌ ጋያን ባርካ ዴዴሰ።

48 ጫርኮይ ኢያ ታማራታኮ ጫርኪያ ገሾ አባ ፒዶይ ዋይሴይሳ ዩሱሲ ቤዒሰ። ዋንቲማሌ ሳዓይ ጌያና ሃኒያ ዋዴ ኢ አባ ቦላ ሃሙተሾ ኤንታኮ ዩዲ፡ ኤንታ ዩጊዲ አጻናው ኮዩሰ።

49 ሺን ኢ አባ ቦላ ሃሙተሺን፡ ኤንቲ ቤዒዲ፡ ኤንታው ሞይቲሌ ዳኒን ዋሲደሶና።

50 ኤንቲ ኡባይ ኢያ ቤዒዲ፡ ያሻን ኮኮሪደሶና።

ሺን ዩሱሲ ኤሌሲዲ ኤንታኮ፡ «ታና፡ አይኮይ ባዋ፤ ያዮፊቲ» ያገሰ።

51 ዩሱሲ ዋሳሎን ጌሊዲ ኤንታራ ኢሲፌ ኡቲን ጫርኮይ ዋፑ ገሰ። ኤንቲ ዳር ማላሊቲደሶና።

52 ኤንታ ዋዛናይ ዜልቡሚዳ ገሾ ኤንቲ ኡይላባ አኬኪቦኮና።

ዩሱሲ ጌንሳሬዪን ሃርጋንቾታ ፓሊሰ (ማቶ 14:34-36)

53 ኤንቲ አባ ፒኒዲ፡ ጌንሳሬዪ ቢታ ጋኪዲ፡ ዋሳሎ ዋ ጋዩ ሺሺዲ ቃቾደሶና።

54 ኤንቲ ዋሳሎፔ ዋዲያ ዋዴ አሳይ ኤሌሲዲ ዩሱሳ ኤሪደሶና።

55 ኤንቲ ሄራን ዴዒያ ቢታ ኡባን ዋዳሬቲዲ ሃርጋንቾታ ሃላን ቶኪዲ፡ «ዩሱሲ ዴዴሰ» ጌን ሲዒዳ ቤሳ ኤሂደሶና።

56 አሳይ ኢ ቢዳ ሶ ኡባን፡ ጋዩሪያን ገዲን፡ ካታማን፡ ዴዒያ ሃርጋንቾታ ደባባ ኤፎሶና። ሃርጋንቾቲ ኢያ አፊላ ማጫራ ገዲኮካ ቦቻና ማላ አሳይ ኢያ ዋሲደሶና። ቦቹዳ ኡባይ ፓዩሰ።

7

ቤኒ አዋታ ዋጋ (ማቶ 15:1-9)

1 ዩራሳላሚፔ ዩዳ ጉላ ፋሪሳዌቲኔ ሂጌ አሰታማራቲ ዩሱሳ ማታን ሺቁደሶና።

2 ዩሱሳ ታማራታፔ ኢሶቲ ኢሶቲ ጌዮና ኩሺያን፡ ሄሲካ ኩሺ ሜጩቶና ካሊ ሚይሳታ ቤዒደሶና።

3 ፋሪሳዌቲኔ አይሁዴ አሳ ኡባይ ባንታ አዋታ ዋጋሶ ባንታ ኩሺያ ሜጩቶና ሞኮና።

4 ሄሳዳካ፡ ኤንቲ ጌያፔ ሻሚቲዳባ ሚጮና ዴዒሼ ሞኮና። ቃሲ ኤንቲ ባንታ አዋታፔ ኤኪዳ ሃራ ዳር ዋጊ ዴዴሰ። ሄሲካ ሲኒያ፡ ኬሪያ፡ ቢራታ ሚሼታኔ አርሳ ሚጩያ ዋጋ ናጌይሳ።

5 ፋሪሳዌቲኔ ሂጌ አሰታማራቲ ዩሱሳ፡ «ኔ ታማራቲ አይሰ አዋታ ዋጋ ማንሊዲ ባንታ ኩሺያ ሜጩቶና ካሊ ሞና?» ያገዲ ኦይቾደሶና።

6 ዩሱሲ ኤንታኮ፡ «ኢሳያሲ ሂንቴና ጨቦታ፡ ሳይሲ አሳይ ታና ባ ኢንግርሳ ያላላን ቦንቼሰ።

ሺን ኤንታ ዋዛናይ ታፔ ሃሆን ዴዴሰ።

7 አሲ ሜዲዳ ዋጋ ያሳ ሂጌ ዳኒሲዲ ታማርሲያ ገሾ ኤንቲ ታና ማላ ጎይደሶና » ገዲ ያፊዳይሲ ቱማ።

8 «ሂንቲ ያሳ ከታ አገዲ አሳ ዋጋ ማንሊዲ ናጌታ» ያገሰ።

9 ቃሲካ ዩሱሰ፡ «ሂንቲ ሂንቲ ዋጋ ናገዲ ያሳ ከታ ዩጊ አጋናው ሎዎ ኦጌ ዴሚዴታ።

10 ሙሴይ፣ ሩኔ አዋኔ ኔ አደው ቦንቻ። ቃሲ ሩባ አዋኔ ባ አደው ጫዬይሲ ሃይቃናው ቤሴሰ) ያገሰ።

11 ሺን ኢሲ አሲ ባ አዋ ዋይኮ ባ አደው ማዳናይሳ አገዲ፣ ሩህሲ ያሳ ያርሾ) ገኮ።

12 ኢ ባ አዋ ዋይኮ ባ አደው ማዶና ማላ ኦሌታ።

13 ሄሳዳካ፣ ሂንቲ ሃራታ ታማርሲዳ ሂንቲ ዋጋን ያሳ ቃላ ካጂዴታ። ሄሳ ማላ ሃራ ዳርባ ኦሌታ» ያገሰ።

አሴ ቱኒሲያባታ (ማቶ 15:10-20)

14 ዬሱሲ ዳር አሳ ቃሲካ ባኮ ያገዲ፣ «ኡባይ ታኒ ኦዴይሳ ሲሳቲኔ አኬኬቲ።

15 አሳ ዋዛናፔ ኬያባይ አሴ ቱኒሴሲፔ አቲን ካሬፔ አሳ ኡሎ ጌሊዲ አሴ ቱኒሲያባይ አይቢካ ባዋ።

16 ሲሳያ ሃይሌ ዳዲያ ኦኒካ ሲያ» ያገሰ።

17 ዬሱሲ ዳር አሳ ዬገ አገዲ ሶ ጌሊን ኢያ ታማሬቲ ሄ ለሚሱዋባ ኢያ አይቺደሶና።

18 ኢ ኤንታኮ፣ «ሂንቲዉካ ቃሲ ጌሊቤኔ? ካሬፔ አሳ ዋዛናን ጌሊያባይ አይቢካ አሴ ቱኒሳናው ዳንዳዮናይሳ አኬኬቲ?

19 አይሰ ገኮ፣ ካሌ አሳ ኡሎ ገዶ ጌሊዲ ካንሌዲ አጄሲፔ አቲን አሳ ዋዛና ገዶ ጌሊና» ያገሰ። ሄሳን ዬሱሲ ካሌ ኡባይ ጌሺ ገዴይሳ ኤሪሰሰ።

20 ካሊዲካ፣ ዬሱሲ፣ «አሳ ቱኒሲያባይ አሳ ዋዛና ገዶፌ ኬያባ።

21 አሳ ዋዛና ገዶፌ ኬያባይ ኢታ ቆፋ፣ ላይማቲሌ፣ ካይሶ፣ አሴ ዋጾ፣ ላሜ።

22 ኢታ አዋ፣ ኢታቲሌ፣ ጌኔ፣ ቃይዬ፣ ጨዋ፣ ቃናቲ፣ ጫሼ፣ ኦቶርኔ ቦዛቲሌ።

23 ሃ ኢታባይ ኡባይካ አሳ ዋዛና ገዶፌ ኬዬዲ አሴ ቱኒሴሰ» ያገሰ።

ኢሲ ማጫሴ አማኑዋ (ማቶ 15:21-28)

24 ዬሱሲ ያፔ ኬዬዲ፣ ዓርሳ ካታማ ማታን ዳዲያ ቢታ ቢሰ። ኢ ኢሲ ኬሌ ጌሊዲ ያን ዳዲያሳ ኦኒካ ኤራና ማላ ኮዬቤና። ሺን ቆሴቲዲ ጋምዳናው ዳንዳዲቤና።

25 ሺን ኢ ጉላ ናዲው ቱና አያናይ ኦይኪዳ ኢሲ ማጫሴያ ዬሱሳባ ሲዓዳ ኤሌሳ ኢያኮ ያዳ ኢያ ቶሁዋ ቦላ ኩንዳሱ።

26 ኢያ አይሁዴ ማጫሴ ገዲኩ፤ ኢያ ዬሌቲዳይ ሲርፊንቄ ገያ ቢታና። ኢያ፣ ባ ናዲፔ ቱና አያና ኬሳና ማላ ዬሱሳ ዋሳሱ።

27 ሺን ዬሱሲ ዛሪዲ፣ «ናይቲ ኮይርቲዲ ካሳ ካሎ፤ ናይታ ካሳ ኤኪዲ ካናታሰ ዬጌይሲ ሎ? ገዴና» ያገሰ።

28 ማጫሴያ ዛራዳ፣ «ታ ኅዳው ሄሲ ቱማ፣ ሺን ጋይታ ማታን ዳዲያ ካናቲ ናይታፔ ዋጂያ ቲፊያ ሞሶና» ያገሰ።

29 ዬሱሲ ቃሲ ኢኮ፣ «ሃ ኔ ቃላ ገሾ ኔ ሶ ባ፤ ቱና አያናይ ኔ ናዲፔ ኬይሰ» ያገሰ።

30 ማጫሴያ ባ ሶ ቢያ ዋዴ ቱና አያናይ ኢፔ ኬዬን ሃያን ዘንዲዳር ዳማሱ።

ዬሱሲ ቱሌኔ ሙሜ ኡራ ፓሌሰ

31 ዬሱሲ ዓርሳ ካታማፔ ኬዬዲ፣ ሲዳናራኔ ታሙ ካታማታ ገያ ቢታሪ ካንሌዲ ጋሊላ አባኮ ቢሰ።

32 አሳይ ቱሌኔ ዋዬዲ ኦዴቲያ አሲ ዬሱሳኮ ኤሂዲ፣ ባ ኩሺያ ኢያ ቦላ ዋሳና ማላ ኢያ ዋሲደሶና።

33 ዬሱሲ ባርካ ሄ ኡራ ዳር አሳፔ ጋዖ ኬሲዲ፣ ባ ቢራጂያ ኢያ ሃይላን ዬዲሰ። ቃሲ ጨቺ ጨቲዲ ኢያ ኢንዓርሳ ቦቺሰ።

34 ሳሎ ፑዴ ያሊዲ፣ ቶኪ ሸምፒዲ፣ «ኤፍታህ» ገሰ። ቢርሼላይካ «ዶይታ» ጉሱ።

35 ኡራ ሃይላይ ኤሌሲዲ ዶይቲሰ፣ ቃሼቲዳ ኢንዓርሳይካ ቢርሼቲሰ፣ ኡራይ ጌሺዲ ኦዴቲሰ።

36 ዬሱሲ አሳኮ፣ «ሃይሳ ኦዴሰካ ኦዶፒቲ» ያገሰ። ሺን ኢ ዳር ሚንሌዲ ኦዶፒቲ ገን፣ አሳይ ኦዳ ያ ዳርሰሰ።

37 ሄሳ ሲዲዳ አሳ ኡባይ ዳር ማላሌቲዲ፣ «ኡባባ ኢ ሎይሌ ኦሌሰ። ሃሪ አቶሺን፣ ቱሊያ ሲሴሰ፣ ሙሚያ ኦዲሴሰ» ያገደሶና።

8

ዩሱሲ ኦይዱ ሙኩሉ አሳ ሙዚስ

(ማቶ 15:32-39)

1 ጉላ ዋደፔ ጉዬ፥ ዳር አሳይ ዩሱሳኮ ሸቂዶሶና። አሳስ ሚያባይ ጳዩን ዩሱሲ ባ ታማሪታ ባኮ ጃጊዲ።

2 «ሃ አሳይ ታራ ሄቡ ጋላስ ጋካናው ጋምዒዲ፥ እይኮካ ሚያባ ዳሚቦና ጊሾ ታና አሳይ ቃዴልስ።

3 ታኒ አሳ ኮሻራ ሶ ዬዲኮ አሳይ ቢሸ አገን ዳቡሪዲ ኩንዳና፥ ባጋ አሳይ ሃሆሶፔ ዪዶሶና» ያገሰ።

4 ዩሱሳኮ ታማሪቲ ዛሪዲ፥ «ሃ ባዛ ቢታን ሃ አሳ ኡባ ሙዛናው ጊዲያ ካሏ ዳማናው ዳንዳዔይ ኦኔ?» ያገደሶና።

5 ዩሱሲ ኤንታኮ፥ «ሂንቴው አፑን ኡይሌ ዳዒ?» ያገደዲ አይቸስ።

እንቲ ዛሪዲ፥ «ላፑን ኡይሌ ዳዒስ» ያገደሶና።

6 ዩሱሲ አሳይ ሳዓን ኡታና ሚላ ከተሰ። ያቲዲ፥ ላፑን ኡይላ ኤኪዲ ያሳ ጋላቲ ሲሚዲ ሄ ኡይላ ሚንላዲ፥ አሳስ ገሻና ሚላ ባ ታማሪታስ አሚስ። ኢያ ታማሪቲ አሳስ ገሸደሶና።

7 ኤንታው ቃሲ ጉላ ላፋ ሞሎቲ ዳዖሶና። ዩሱሲ ሄ ሞሎታ ጊሾ ያሳ ጋላቲዲ፥ አሳስ ገሻና ሚላ ባ ታማሪታ ከተሰ።

8 አሳይ ኡባይ ሚዲ ካሊደሶና። ኢያ ታማሪቲ አትዳ ቲፊያ ላፑን ጋይታ ኩሚላ ዳንላደሶና።

9 ካላ ሚዳ አሳ ታይቦይ አይዱ ሙኩሉ ጊዳና። ሄሳፌ ጉዬ፥ ዩሱሲ አሳ ዩዲስ።

10 ኢ ቃሲ ባ ታማሪታራ ኤሌሲ ዋጎሎን ጌሊዲ ዳልማኑታ ጊያ ቢታ ቢስ።

ማላቲ ኦሴታና ሚላ አይቸደሶና (ማቶ 16:1-4)

11 ፋሪሳዊቲ ዪዲ ዩሱሳኮ ጋጫናው ኮዪዲ፥ ሳሎፔ ባንታና ማላታ ቤሳና ሚላ ዩሱሳኮ ጋላማ አይኪደሶና።

12 ዩሱሲ ቶኪ ሸምፒዲ፥ «ሃ ዋዲያ አሳይ እይስ ማላታ ኮዪ? ታኒ ሂንቴው ቱማ ኦዳይስ፤ ሃ ዋዲያ አሳስ አይ ማላቲካ አሚቴና» ያገሰ።

13 ኢ ኤንታ ያን ዩጊ አገዲ ዛሪ ዋጎሎን ጌሊዲ አባፌ ሄፊንላ ፒኒስ።

ፋሪሳዊታኔ ሄሪዲሳ ኢርሹዋ (ማቶ 16:5-12)

14 ኢያ ታማሪቲ ካሏ ኤፋናይሳ ደገደሶና፤ ኤንታው ዋጎሎዋ ገደን ኢሲ ኡይላፌ ሃሪ ባዋ።

15 ዩሱሲ ኤንታኮ፥ «ሂንቴና ኤሪቴ። ፋሪሳዊታ ኢርሹዋፊኔ ሄሪዲሳ ኢርሹዋፊ ናጌቲቲ» ያገደዲ ከተሰ።

16 ኤንቲ ባንታ ገደን፥ «ኢ ሃይሳ ጌይ ኑስ ኡይሌ ባይና ገሾሳ» ያገደሶና።

17 ዩሱሲ ኤንቲ ጌይሳ ኤሪዲ ኤንታኮ፥ «ሂንቴው ኡይሌ ባይና ገሾ እይስ አዳቴቲ? ሃዒካ ኤሪኬቲ? ዋይኮ እኩኬኬቲ? ሂንቴ ዋዛናይ ደጨዳ?»

18 ሂንቴው አይፌይ ዳዒሺን ቤዔኬቲ? ሃይሌ ዳዒሺን ሲዔኬቲ? ሂንቴ እኩኬቲ?

19 ታኒ ኢቻሹ ኡይላ ኢቻሹ ሙኩሉ አሳስ ባሊዳ ዋደ አፑን ጋይታ ኩሚላ ቲፌ ዳንላዳቲ?» ያገሰ።

ኤንቲካ፥ «ታማኔ ናምዑ ጋይታ ኩሚላ» ያገደሶና።

20 «ሂሳዳካ፥ ታኒ ላፑን ኡይላ አይዱ ሙኩሉ አሳስ ባሊዳ ዋደ አፑን ጋይታ ኩሚላ ቲፌ ዳንላዳቲ?» ያገሰ።

ኤንቲ፥ «ላፑን ጋይታ ኩሚላ ዳንላዳ» ያገደሶና።

21 ያቲን፥ «ሃዒካ እኩኬኬቲ?» ያገሰ።

ዩሱሲ ቤቴሳይዳን ኢሲ ቆቂያ ፓሊስ

22 ኤንቲ ቤቴሳይዳ ካታማ ቢደሶና። ጉላ አሳቲ ቆቂ ኡራ ዩሱሳኮ ኤሂዲ ሄ ኡራ ቦቻና ሚላ ኢያ ዋሲደሶና።

23 ዩሱሲ ቆቂ ኡራ ኩሺያ አይኪዲ ካታማፔ ጋዖ ኬሲስ። ኢያ አይፊያን ጨቲዲ ባ ኩሺያ ኢያ ቦላ ዋሊዲ፥ «ኔው አይኮይ ቤንቲ?» ያገደዲ አይቸስ።

24 ኡራይ ቋቁ ገዲ ያሊዲ፥ «ታው አሳይ ቤንቴስ፥ ሺን አሳይ ሃሙቲሸ ሚላ ዳኔስ» ያገሰ።

25 ሄሳፌ ጉዬ፥ ዩሱሲ ዛሪዲ፥ ኡራ አይፊያን ባ ኩሺያ ዋሊስ። ኡራይ ሎይሌ ያሊስ፥ ኢያ አይፊይ ፓዒስ፥ ኡባባ ጌሺዲ ቤዒስ።

26 ዩሱሲ አዲያኮ፡ «ኔ ሶ ባ፡ ሺን ጉታ ጌሎፓ» ያጊዲ ከተሰ።

ጳጳሮሳ አማኑዌ ማርካቴላ (ማቶ 16:13-20፤ ሉቃ 9:18-21)

27 ዩሱሲ ባ ታማሬታራ ቁሳሪያ ፊልጶሳ ማታን ዳዊያ ጉታ ቢሰ። ኤንቲ ቢሺን ኦጌ ቦላ ዩሱሲ፡ «ታና አሳይ ኦና ጎና?» ያጊዲ ባ ታማሬታ ኦይቺሰ።

28 ኢያ ታማሬቲ፡ «ኢሲ ኢሲ አሳይ ኔና፡ (ፃማቆያ ዮሃንሳ) ጎሶና፤ ሃራቲ፡ (ኤሊያሳ ጎሶና) ቃሲ ሃራቲ፡ (ናቤታፔ ኢሱዋ) ጎሶና» ያጊዲሶና።

29 ዩሱሲ ኤንታኮ፡ «ያቲን ሂንቲ ታና ኦና ጌቲ?» ያጊዲ ኦይቺሰ።

ጳጳሮሲ፡ «ኔኒ ኪሪሰቶሳ» ያጊዲ ዛሪሰ።

30 ዩሱሲ፡ «ታባ ኦዴሰካ ኦዶፒቲ» ያጊዲ ኤንታ ከተሰ።

ዩሱሲ ባና ጋካና ሜቱዌ ዋያ ኦዲሰ (ማቶ 16:21-28፤ ሉቃ 9:22-27)

31 ዩሱሲ ባ ታማሬታኮ፡ «አሳ ናዓይ፡ ዳሮ ሜቶ ኤካናው ቤሴሰ፤ ጨማቲ፡ ካሂኔ ሃላቃቲኔ ሂጌ አሰታማሬቲ ኢያ ኢፃናው ቤሴሰ። ኤንቲ ኢያ ዋጳናውኔ ሄቩ ጋላሳፔ ጉዬ፡ ኢ ሃይቆፔ ዴንዳናው ቤሴሰ» ያጊዲ ኤንታ ታማርሲሰ።

32 ኢ ሄሳ ኤንታው ጌሺዲ ኦዲሰ። ጳጳሮሲ ኢያ ኢሲ ባጋ ዛሪዲ ሃንቁሰ።

33 ሺን ዩሱሲ ጉዬ ሲሚዲ፡ ባ ታማሬታ ፃሊዲ፡ ጳጳሮሳ ሃንቁቲዲ፡ «ሃ ፃላሂያው፡ ታፔ ሃካ። ኔኒ ኢሲ ደሲያባ ቆፓሳፔ ኦቲን ያሳይ ደሲያባ ቆፓካ» ያጊሰ።

ዩሱሳ ካሎይ ባና ካዶ ኦይቺሰ (ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዩሱሲ ዳሮ አሳኔ ባ ታማሬታ ባኮ ፃጊዲ፡ «ታና ካላናው ኮያ ኦኒካ ባና ካዶ፤ ባ ማሰቃሊያ ቶኪዲ ታና ካሎ።

35 ባ ሺምፑዋ አሻናው ኮያ ኡራይ ጳይሳና። ሺን ታ ጊሾኔ ዋንጌላ ጊሾ ባ ሺምፑዋ ጳይሲያ ኡራይ አሻና።

36 ኢሲ አሲ ሳዓን ዳዊያ ኡባባ ባው ሺሺዲ፡ ባ ሺምፑዋ ጳይሲኮ ኢያ ኢይ ማዳኔ?

37 ኢሲ አሲ ባ ሺምፑዋ ዋካናው ኢይ ኢማናው ዳንዳዲ?

38 ያሳ አማናና ሃ ኢታ ዩሌቴላን፡ ኢሲ አሲ ታናኒኔ ታ ቃላን ዩላቲኮ፡ አሳ ናዓይ፡ ቃሲ ባ አዋ ቦንቸን ጌሻ ኪታንቸታራ ያ ዋዴ ኢያን ዩላታና» ያጊሰ።

9

ዩሱሳ ማላይ ላሜቲሰ (ማቶ 17:1-13፤ ሉቃ 9:28-36)

1 ዩሱሲ ኤንታኮ፡ «ታጌ ሂንቲው ቱማ ኦዳይሰ፤ ያሳ ካዋቴላይ ዋልቃራ ዩይሳ ቤያና ሃይቆና ኢሲ ኢሲ አሳቲ ሃይሳን ዳዖሶና» ያጊሰ።

2 ዩሱሲ ኡሱፑን ጋላሳፔ ጉዬ፡ ባራ ጳጳሮሳ፡ ያይቆባኔ ዮሃንሳ ኤኪዲ፡ ኤንታ ፃላላ ጊታ ዳሪያ ቦላ ኬሲዲ ኤንታ ሲንላን ላሜቲሰ።

3 ኢያ ማዖይካ ጰሊሰ፤ ሳዓን ማዖ ሜጨያ ኦኒካ ጌሻናው ዳንዳዖናይሳ ሜላ ዳሮ ቦፃሰ።

4 ሄ ሄቩ ታማሬቲ፡ ኤሊያሰኔ ሙሴይ ዩሱሳራ ኦዴቲሺን ቤዒዳሶና።

5 ጳጳሮሲ ዩሱሳ፡ «አሰታማሪያው፡ ኦኒ ሃይሳን ዳዔይሲ ኦሰ ሎዖ፤ ኦ ሄቩ ሻቃራታ ኢሱዋ ኔው፡ ኢሱዋ ሙሴሰ፡ ቃሲ ኢሱዋ ኤሊያሳሰ ሻቃራና» ያጊሰ።

6 ኢያራኔ ሃንኮታራ ዳሮ ያዪዳ ጊሾ ኢ ኣይ ጊያኮካ ኤሪቤና።

7 ሄሳፌ ጉዬ፡ ሻራይ ዪዲ ኤንታ ካሚን ሻራፔ፡ «ሃይሲ ታ ደሲያ፡ ታ ናዓ፡ ኢ ጌይሳ ሲዒቴ» ጊያ ቃላይ ዪሰ።

8 ኤሌሲዲ ኤንቲ ዩሺ ኣሌ ፃሊያ ዋዴ ዩሱሳፔ ኦቲን ሃራ ኦናካ ባንታ ማታን ቢዒቦኮና።

9 ኤንቲ ዳሪያፔ ዋጲሺን፡ ዩሱሲ ኤንታኮ፡ «አሳ ናዓይ፡ ሃይቆፔ ዳንዳና ጋካናው፡ ሂንቲ ቤዒዳባ ኦዴሰካ ኦዶፒቲ» ያጊዲ ከተሰ።

10 ኢ ከቲዳይሳ ኤንቲ፡ «ኤሮ» ጊዲ፡ «ሃ ሃይቆፔ ዳንዶ ጌይሲ ዋይጉሴ» ጊዲ፡ ባንታ ጊዶን ኦዴቲዳሶና።

11 ኢንቲ ዛሪዲ፡ «ሂኒ አስታማሪቲ፡ ለኤሊያሲ ኮይርቲዲ ያናው ቤሴሰ) አይሰ ጎና?» ያጊዲ ኦይቸደሶና።

12 ዬሱሲ ዛሪዲ «ኤሊያሲ ኮይርቲዲ ዬዲ፡ ኡባባ ገሊሴሰ፤ ያቲን፡ አይሰ ገሻ ማፃፋይ፡ ለአሳ ናዓይ ዳር ዋዬታና ኢፃታና) ያጊ ጊዲ ኦይቸሰ።

13 ሺን ታኒ ሂንቴው ኦዳይሰ፤ ኤሊያሲ ዩሰ፤ ቃሲ ኢያባይ ገሻ ማፃፋን ፃፊቲዳይሳዳ፡ አሳይ ኢያ ቦላ ባንታ ኮዩዳባ ኦላደሶና» ያጊሰ።

ዬሱሲ ቱና አያናይ ኦይኪዳ ናዓ ፓሊሰ

(ማቶ 17:14-21፤ ሉቃ 9:37-43)

14 ዬሱሲ፡ ጳጳርሲ፡ ያይቆቤ ኮሂሲሲ ሃንኮ ኢያ ታማሪታኮ ሰሚዲ ያ ዋዴ ዳር አሳይ ኢንታ ዩቸዋን ኤቁዳይሳታኔ ሂኒ አስታማሪ ጊዲዳ ጉላ አሳቲ ኢንታራ ፓላሚይሳ ቤዒደሶና።

15 ሃ ዳር አሳይ ዬሱሳ ቤዒዳ ዋዴ ማላሊቲዲ፡ ኤሌሲዲ ኢያኮ ዋዴ ዩዲ፡ ኢያ ሳርሊደሶና።

16 ዬሱሲ ባ ታማሪታኮ፡ «ኢንታራ አይ ፓላሚቲ?» ያጊዲ ኦይቸሰ።

17 ሃ ዳር አሳ ገደፊ ኢሲ ኡራይ ዛሪዲ፡ «አስታማሪያው፡ ታ ናዓ ቦላ ኦይቲላ ዳጊያ ቱና አያናይ ዳዒያ ገሾ ኢያ ኔኮ ኤካዳ ያሰ።

18 ሃ ቱና አያናይ ኢያ ኦይኪያ ዋዴ ኡባን፡ ኢያ ሾጪ ዩገሰ፤ ኢያ ዶናራ ጎፖንቶይ ዩሰ፤ ቃሲ አቸ ጋርጪሴሰ፤ አሳቲላካ ሚኔሰ። ኢያፔ ሃ ቱና አያና ኬሳና ሜላ፡ ኔ ታማሪታሰ ኦዳሰ፡ ሺን ኬሳናው ዳንዳዒቦኮና» ያጊሰ።

19 ዬሱሲ ዛሪዲ ኢንታኮ፡ «አማና ሃ ዋዲያ አሳው! ታኒ ሂንቴራ አዉዴ ጋካናው ዳኔ? ቃሲ ሂንቴና አዉዴ ጋካናው ዳንዳዒን? ናዓ ታኮ ሃ ኤኪ ዩቲ» ያጊሰ።

20 ኢንቲ ናዓ ኢያኮ ኤሂደሶና፤ ሃ ቱና አያናይ ዬሱሳ ቤዒዳ ሜላ ናዓ ኮኮርሲሰ፤ ናዓይ ሳዓን ከንዲዲ፡ ዶናራ ጎፖንቶይ ቶፋ ገሺን ጎንደራቲሰ።

21 ዬሱሲ ሃ ናዓ አዋኮ፡ «ሃይሲ ኔ ናዓ ኦይኮሳፔ አይ ሜላ ዋዴ ገዳኔ?» ያጊዲ ኦይቸሰ።

ናዓ አዋይ፡ «ኢ ጉላን ዳዒሺን ኦይኪሰ።

22 ኢያ ዋዳናው ዳር ዋዴ ታማኒኔ ሃላን ዩገሰ፡ ሺን ኔ ዳንዳዒኮ፡ ኦሰ ቃዴታርኪ፡ ኦና ማዳርኪ» ያጊሰ።

23 ዬሱሲ ኢያ፡ « ሳኒ ዳንዳዒኮ ጋይ?» አማኒያ ኦዳሰካ ኡባባይ ዳንዳዒቲሰ» ያጊሰ።

24 ኤሌሲዲ ናዓ አዋይ ባ ቃላ ጶቁ ኦላዲ፡ «ታኒ አማናይሰ፡ ሺን ጉጃ አማናዳ ታና ማዳርኪ» ያጊሰ።

25 ዬሱሲ አሳይ ዳር ቤይሳ ቤዒዲ፡ ቱና አያና፡ «ሃ ቱሌኔ ሙሚ አያናው፡ ሃ ናዓፔ ኬያ ጋዳ ኔና ታ ኪታይሰ፤ ቃሲ ናምዓንላ ኢያን ጌሎፓ» ያጊሰ።

26 ሃ ቱና አያናይ ዋሲዲ፡ ናዓ ዳር ኮኮርሲዲ፡ ኢያፔ ኬዩሰ። ናዓይ ሃይቁዳ ዳኒን፡ ዳር አሳይ፡ «ናዓይ ሃይቁሰ» ያጊደሶና።

27 ሺን ዬሱሲ ናዓ ኮሺያ ኦይኪዲ ዳንላን፡ ናዓይ ዳንዲ ኤቁሰ።

28 ዬሱሲ ሶ ጌሊዳይሳፊ ጉዬ ኢያ ታማሪቲ፡ «ኦኒ ሃ ቱና አያና ኬሳናው አይሰ ዳንዳዒቦኮ?» ያጊዲ ዬሱሳ ዳማ ኦይቸደሶና።

29 ዬሱሲ ዛሪዲ፡ «ሄሳ ሜላይ ዋሳፔኔ ምግፔ ኦትን ሃራባን ኬያናው ዳንዳዒና» ያጊሰ።

ዬሱሲ ባና ጋካና ሜቱዋ ዛሪ ኦዲሰ

(ማቶ 17:22-23፤ ሉቃ 9:43-45)

30 ኢንቲ ሃ ቤሳፌ ዳንዲዲ፡ ጋሊላራ አዲዲ ቢደሶና፤ ዬሱሲ ባ ዳዒያሰቱዋ ኦኒካ ኤራና ሜላ ኮዩቤና።

31 ኢ ባ ታማሪታኮ፡ «አሳ ናዓ፡ አሲ አሳሰ አላ አማናኔ ዋዳና፤ ኢ ሃቡ ጋላሳፔ ጉዬ፡ ሃይቆፔ ዳንዳና» ያጊዲ ታማርሴሰ።

32 ሺን ኢንታው ኢ ጌይሲ ጌሊቤና፤ ቃሲ ኢያ ኦይቻናዉካ ያዩደሶና።

ኡባፌ አዲይ ኦኔ?
(ማቶ 18:1-5፤ ሉቃ 9:46-48)

33 ኢንቲ ቁፊርናሆሚ ካታማ ቢዲ ሶ ጌሊዳይሳፊ ጉዬ ዬሱሲ ኢንታኮ፡ «ኦኒ አይ ኦዳቲቲ?» ያጊዲ ኦይቸሰ።

34 ሺን ኢንቲ፡ «ኦ ገደን ኡባፌ አዳናይ ኦኔ?» ያጊዲ ፓላሚዳ ገሾ ሲዒ ገደሶና።

35 ዬሱሲ ኡቲዲ፡ ታማኔ ናምዑ ታማሪታ ፃጊዲ፡ «ኦኒካ ሲንሌ አዳናው

ከይኮ፡ ኡባፌ ጉዬ አዲዲ፡ ኡባሰ አይሌ ገዳናው ቤሴስ» ያገሰ።

36 እሲ ጉላ ናባ ኤኪዲ፡ ኤንታ ገደን ኤሲሰ፤ ሄ ጉላ ናባ ኤዲሚዲ ኤንታኮ።

37 «ሃይሳ ማላ ጉላ ናይታፔ ኢሱዋ ታ ሱንላን ሞኪያ ኦኒካ ታና ሞኪሰ፤ ቃሲ ታና ሞኪያ ኦኒካ ታና ከቲዳይሳካ ሞኪሰ፤ ኣቲን ታ ፃላላ ሞኪና» ያገሰ።

ኑና ኢዳና ኡራይ ኑ ባጋ (ሉቃ 9:49-50)

38 ዮሃንሲ፡ «አሰታማሪያው፡ ኢሲ አሲ ኔ ሱንላን ቱና አያናታ ከሲሺን ኑኒ ቤዲዲ፡ ኑ ባጋ ገደና ገሾ ኢያ ዲጊዳ» ያገሰ።

39 ሺን ዩሱሲ፡ «ኦኒካ ታ ሱንላን ያሳይ ኦሊያ ማላታታ ኦሊዲ፡ ኤሌሲዲ ታ ቦላ ኢታባ ኦይታናው ዳንዳዔይ ባይና ገሾ ዲጎፊቴ።

40 ኑባ ኢዳና ኡራይ ኑ ባጋ።

41 ታኒ ሂንቲው ቱማ ኦዳይሰ፤ ሂንቲ ታይሳታ ገዲያ ገሾ ኦኒካ ሂንቲው ታ ሱንላን ሃሎ ሃላ ኡያናው ኢሚኮካ፡ ባ ዎይቱዋ ኤካና።

ናጋራን ፓጩቴላ (ማቶ 18:6-9፤ ሉቃ 17:1-2)

42 «ታና አማኒያ ሃ ጉላታፔ ኢሱዋ ባሌሊያ ኦኒካ፡ ጋቻ ዎጋ ዎፃ ባ ቆዴን ቃቺዲ፡ አባን ዉሊያኮ ኢያው ሎዎ።

43-44 ኔ ኩሼይ ኔና ባሌሊኮ፡ ቃንፃ ሆላ። ኔኒ ናሞቡ ኩሼራ ቶዖና ጋናሜ ታማን ዩጌቴይሳፊ፡ ዲፃ ኩሼራ ዴዐብ ጌሎይ ኔው ሎዎ።

45-46 ኔ ቶሆይ ኔና ባሌሊኮ፡ ቃንፃ ሆላ። ኔኒ ናሞቡ ቶሆብራ ጋናሜ ታማን ዩጌቴይሳፊ፡ ዋቤ ገዳዳ ዴዐብ ጌሌይሲ ኔው ሎዎ።

47 ኔ አይፊይ ኔና ባሌሊኮ፡ ዎጫ ከሳ ሆላ። ኔኒ ናሞቡ አይፊያራ ጋናሜ ታማን ዩጌቴይሳፊ፡ እሲ አይፊያራ ያሳ ካዎቴላ ጌሌይሲ ኔው ሎዎ።

48 ያን ኤንታ ሚያ ጉፁኔይ ሃይቁና፡ ታማይካ ቶዔና።

49 «ያርሾይ ማፂኔን ጌዬይሳ ማላ አሲ ኡባይ ታማን ሃርቁታና።

50 ማፂኔይ ሎዎ፡ ሺን ኢ ማልዖና ኢጂኮ፡ ዛሪዲ ዋቲ ማልዔላኔ?

ሂንቲናን ማፂኔይ ዴዎ፡ ያኒዲ ኢሶይ ኢሱዋራ ሳርቴላን ዴዒቴ» ያገሰ።

10

ማቶ ዩዳናው ቤሴና (ማቶ 19:1-2፤ ሉቃ 16:18)

1 ዩሱሲ ሃሳፊ ዴንዲዲ፡ ዪሁዳ ቢታ ቢዲ ዮርዳኖሴ ሻፋ ፒኒሰ። ዳር አሳይ ዛሪዲ ኢያኮ ሺቁን፡ ካሴይሳዳካ ሄ አሳ ታማርሲሰ።

2 እሲ እሲ ፋሪሳዊቲ ፓጫናው ኮዪዲ ዩሱሳ፡ «እሲ አሲ ባ ማቺው ዩዳና ሙሴ ሂጌይ ከቲ?» ያገዲ ኢያ ኦይቺዶሶና።

3 ኢ ዛሪዲ፡ «ሙሴይ ሂንቲና ዎይጊዲ ከቲዴ?» ያገሰ።

4 ኤንቲ፡ «ሙሴይ፡ «እሲ አሲ ባ ማቺሰ አንጆ ዋርቃቲ ኢሚዲ ዩዳ» ገሰ» ያገደሶና።

5 ዩሱሲ ዛሪዲ፡ ኤንታ «ሂንቲ ኦዲን ስዖናይሳታ ገዲያ ገሾ ሙሴይ ሃ ከታ ሂንቲው ፃፊሰ።

6 ሺን ያሳይ ኮይር ማዲያ ዎዴ አዴኔ ማጫ ኦሊዲ፡ ኤንታ ማዲሰ።

7 ሃሳ ገሾ፡ እሲ አሲ ባ አዋኔ ባ አዪው አጊዲ፡ ባ ማቺራ ኢሲፊ ዴዔሰ።

8 ኤንቲ ናሞዓይ እሲ አሴ ገደሶና፤ ሂዛፔ፡ ኤንቲ እሲ አሴ ገደሶና፤ ኣቲን ናሞቡ አሲ ገደኮና።

9 ሃሳ ገሾ፡ ያሳይ ኢሲፊ ቃቺዳይሳ አሲ ሻኮፎ» ያገሰ።

10 ኤንቲ ሶ ሲሚዳ ዎዴ ኢያ ታማሪቲ ሃ ኦዳባ ዩሱሳ ናሞዓንሳ ኦይቺዶሶና።

11 ዩሱሲ ኤንታኮ፡ «ባ ማቺው ዩዲዲ ሃራ ኤኪያ ኦኒካ ላይማቴሰ።

12 ቃሲ ማጫሲያካ ባ አዚናፔ ኬያዳ ሃራ አዚና ጌሊኮ ላይማታዉሱ» ያገሰ።

ዩሱሲ ጉላ ናይታ አንጂሰ (ማቶ 19:13-15፤ ሉቃ 18:15-17)

13 ዩሱሲ ጉላ ናይታ ቦቻና ሚላ፡ ኢሲ እሲ አሳይ ናይታ ኢያኮ ኤሆሶና፡ ሺን ኢያ ታማሪቲ ሄ አሳ ሃንቁቲዶሶና።

14 ዬሱሲ ሄሳ ቤዒዲ፥ ባ ታማራታ ሃንቁቲዲ፤ እንታኮ፥ «ጉላ ናይቲ ታኮ ዬይሳ ዲንጎጎቴ፤ ያሳ ካዎቲላይ ሃይሳታ ማላሳ።»

15 ታኒ ሃንቲው ቱማ ኦዲይሰ፤ ያሳ ካዎቲላ ጉላ ናዒዳ ኤኮና ኡራይ ኦኒካ ሄ ካዎቲላ ኡባራካ ጌሌና» ያገሰ።

16 ጉላ ናይታ ኢዲሚዲ፥ ባ ኩሺያ ኤንታ ኢሱዋ ኢሱዋ ቦላ ዎሊዲ ኣንጂሰ።

ሚሼ ሲቆይ ኤሃያ ማቲዋ (ማቶ 19:16-30፤ ሉቃ 18:18-30)

17 ዬሱሲ ባናው ከዪዳ ዎዴ ኢሲ ኡራይ ዎዴ ዪዲ፥ ኢያ ሲንላን ጉልባቲዲ፥ «ኬሃ ኣስታማሪያው፥ ማሪና ዴዑዋ ላታናው ታኒ ኣይ ኦሎ?» ያገሲ ኣይቺሰ።

18 ዬሱሲ፥ «ኣይሰ ታና ኬሃው ጋዳ ዪጋይ? ያሳ ያላላፔ ኣቲን ሃሪ ኬሂ ኦኒካ ባዋ።»

19 ያሳ ኪታ፥ ዎዶፓ፤ ላይማቶፓ፤ ካይሶቶፓ፤ ዎርዶ ማርካቶፋ፤ ኢንግርሳን ጨዋፋ፤ ኔ ኣዎኔ ኔ ኣዪው ቦንቻ ያጌይሳ ኡራሳ» ያገሰ።

20 ኡራይ፥ «ኣስታማሪያው፥ ታኒ ሄሳ ኡባ ናዒቲላፊ ደማዳ ሃዒ ጋካናው ናገይሰ» ያገሰ።

21 ዬሱሲ ኡራ ቲሺ ኦሊ ያሊዲ ደሲሰ፤ «ኔው ኢሲባይ ፓጩሰ፤ ባዳ ኔው ዴዒያባ ኡባ ባይዛዳ፥ ሄ ሚሺያ ማንቆታስ ኢማ፤ ኔኒ ሳሎን ዲሬታና። ያታ ሲማዳ ታና ካላ» ያገሰ።

22 ሺን ኡራይ ሄሳ ሲዒዲ፥ ኢ ዳር ዲሬ ገዲያ ገሾ ባ ሶምዑዋ ካሬሊሰ፥ ኡፋይቶና ኣገዲ ቢሰ።

23 ዬሱሲ ባ ታማራታ ዩሺ ኣሊ ያሊዲ፥ «ዲሬ ኣሲ ያሳ ካዎቲላ ጌላናይሲ ዋኒዲ ማታንዳሻ!» ያገሰ።

24 ኢያ ታማራቲ ኢያ ቲሚርቲያ ሲዒዲ ማላላቲዶሶና። ሺን ዬሱሲ ቃሲካ ኤንታኮ፥ «ናይቶ፥ ያሳ ካዎቲላ ጌላናይሲ ዋኒዲ ማታንዳሻ!

25 ዲሬ ኣሲ ያሳ ካዎቲላ ጌላናይሳፊ፥ ገማሌይ ናርፔ ሉሆራ ኣዴይሲ ካዉዬሰ» ያገሰ።

26 ኢያ ታማራቲ ማላላቲዲ፥ «ያቲን፥ ኦኒ ኣታኔ?» ያገሲ፥ ኢሶይ ኢሱዋ ኣይቺዶሶና።

27 ዬሱሲ ኤንታ ቲሺ ኦሊ ያሊዲ፥ «ሃይሲ ያሳሰ ዲንዳዒቲሰፔ ኣቲን ኣሳሰ ዲንዳዒቲና፤ ያሳሰ ኡባባይ ዲንዳዒቲሰ» ያገሰ።

28 ጳዒርሲ ዬሱሳኮ፥ «ሄኮ፤ ኦኒ ኦባ ኡባ ኣገዲ፥ ኔና ካሊዳ» ያገሰ።

29 ዬሱሲ «ታኒ ሃንቲው ቱማ ኦዲይሰ፤ ታ ገሺኔ ዎንጌላ ገሾ ከላ ዎይኮ እሻታ ዎይኮ ሚቺታ ዎይኮ ኣዎ ዎይኮ ኣዪው ዎይኮ ማቺው ዎይኮ ናይታ ዎይኮ ጋዲያ ኣገዲይ ኦኒካ።»

30 ሃዒ ሃ ዎዲያን ያቲ ኩሺ ከላ፥ ኢሻታ፥ ሚቺታ፥ ኣዬታ፥ ናይታ፥ ጋዲያ፥ ጎይቲላራ ኢሲፊ ኤካና፥ ሲንላፊ ያና ዎዲያንካ ማሪና ዴዑዋ ኤካና።

31 ሺን ዳርቲ ሃዒ ዴላን ሲንሌ ገዲዳይሳቲ ጉዬ ገዳና፥ ቃሲ ዳርቲ ሃዒ ጉዬ ገዲዳይሳቲ ሲንሌ ገዳና» ያገሰ።

ዬሱሲ ባና ጋካና ማቲዋ ሄዳንላ ኦዲሰ

(ማቶ 20:17-19፤ ሉቃ 18:31-34)

32 ዬሱሳራኔ ኢያ ታማራታራ ዬሩሳላሜ ቢሺን፥ ዬሱሲ ባ ታማራታ ሲንላን ሃሙቲሰ። ኤንቲ ማላላቲዶሶና፥ ኢያ ካሊይሳቲካ ያዪዶሶና፥ ናምዓንሎ፥ ታማኔ ናምዑ ታማራታ ጋያ ኬሲዲ፥ ባና ጋካናባ ዲማ ኤንታው ሃይሳዳ ያገዲ ኦዲሰ።

33 «ሄኮ፥ ኦኒ ዬሩሳላሜ ሃዒ ከዮሰ። ያን ኣሳ ናዒይ፥ ካሂኔ ሃላቃታሲኔ ሂጌ ኣስታማራታሰ ኣሊ ኢማታና፥ ኤንቲ ኢያ ቦላ ሃይቆ ፐርዳ ፐርዳና፤ ቃሲ ኣይሁዴ ገደና ዴሪያሰ ኢያ ኣሊ ኢማና።»

34 ሄ ኣይሁዴ ገደና ዴሬይ ኢያ ቶቻና፥ ኢያ ቦላ ጩታና፥ ሊሶን ጋራፋና ዎቆና፥ ኢ ሄዥ ጋሳሳፔ ጉዬ፥ ሃይቆፔ ዴንዳና» ያገሰ።

ያይቆቢኔ ዮሃንሲ ዎሲዳ ዎሳ (ማቶ 20:20-28)

35 ዛብዲዮሳ ናይቲ ያይቆቢኔ ዮሃንሲ ዬሱሳኮ ዪዲ፥ «ኣስታማሪያው፥ ኦኒ ኔና ዎሲያ ኢሲባ ኦሰ ኦላርኪ» ያገደሶና።

36 ዬሱሲ ኤንታኮ፥ «ታኒ ሃንቲው ኣይ ኦሎ?» ያገሰ።

37 ኤንቲ፥ «ኦኒ ኔ ቦንቻ ካዎቲላን ኡቲያ ዎዴ ኦፔ ኢሱዋ ኡሻቻ ባጋራ

ቃሲ ኢሱዋ ሃዲርሳ ባጋራ ኡተሳርኪ» ያጊደሶና።

38 ሺን ዩሱሲ ኤንታኮ፡ «ሂንቲ አይ ዋሲያኮ ኤሬኬታ፡ ታ ኡያናው ደዒያ ፀዓ ኡያናው ደንዳዔቲ? ቃሲ ታኒ ፃማቁታናው ደዒያ ዊንቃቲያ ፃማቁታናው ደንዳዔቲ?» ያጊሰ።

39 ኤንቲ ዛሪዲ፡ «ኤ ደንዳዎስ» ያጊደሶና።

ዩሱሲ ቃሲ፡ «ቱማካ ታ ኡያናው ደዒያ ፀዓ ሂንቲ ኡያና፡ ታኒ ፃማቁታናው ደዒያ ዊንቃቲያ ሂንቲ ፃማቁታና።

40 ሺን ታፔ ኡቫቻ ባጋራ ሃዲርሳ ባጋራ ኡታናይሳታ ዶራናው ታው ማቲ ባዋ፡ ሺን ሄ ቤሳይ ያሳይ አማናው ጊሊሲ ዋላዲይሳታሳ» ያጊሰ።

41 ሃንኮ ታው ታማሬቲ ሄሳ ሲዒዳ ዋዴ ያይቆባኔ ዮሃንሳ ሃንቁቲደሶና።

42 ዩሱሲ ኤንታ ኡባ ባኮ ዌጊዲ፡ «አይሁዴ ጊደና አሳ ሃላቃቲ ዳሪያ ሃሪይሳታ ጌቲቲዲ ዌጌቲይሳኔ ሃሪይሳታስ ዳሪያ ቦላ ማቲ ዳዔይሳ ሂንቲ ኤሬታ።

43 ሺን ሂንቲ ጊደን ሄሳ ማላ ጊደና፤ ሂንቲ ጊደን ጊታታናው ኮዬይ ኦኒካ ሂንቲው አይሌ ጊደናው ቤሴስ።

44 ቃሲ ሂንቲ ጊደን ኡባሬ ቦላ ጊደናው ኮዬይ ኦኒካ ሂንቲ ኡባስ አይሌ ጊደናው ቤሴስ።

45 ሃሪ አቶሺን፡ አሳ ናዓይካ፡ አሳስ ኦላናውኔ ዳርታ ዋዛናው ባ ሺምቸዋ አላ አማናው ዩሲፔ ኦቲን አሲ ኢያው ኦላና ማላ ዩቤና» ያጊሰ።

ዩሱሲ ቆቁያ ባርዊሞሳ አይፊያ ፓላሲ

(ማቶ 20:29-34፤ ሉቃ 18:35-43)

46 ኤንቲ ኢያርኮ ካታማ ቢደሶና። ዩሱሲ ባ ታማሬታራኔ ዳር አሳራ ኢያርኮሬ ኬዩሺን፡ ዊሞሳ ናዓይ፡ ቆቁይ፡ ባርዊሞሳ ጌቲቲይሲ፡ ኦጌ ጋዖን ዋሲሺ ኡቲስ።

47 ባርዊሞሲ፡ ያራ አዲይ ናዘሬቲ ዩሱሳ ጊዲዳይሳ ሲዒዳ ዋዴ ባ ቃላ ቆቁ አላዲ፡ «ዳዊቲ ናዓ ዩሱሳ፡ ታና ማራርኪ!» ያጉሱ ኦይኪስ።

48 ዳር አሳይ ኢያ፡ «ሃይዛ!» ጊዲ ሃንቁቲደሶና።

ሺን፡ ኢ ባ ቃላ ካሴይሳሬ ዳር ቆቁ አላዲ፡ «ዳዊቲ ናዓው፡ ታና ማራርኪ!» ያጊሰ።

49 ዩሱሲ ኤቁዲ፡ «ኢያ ሃ ዌጊቲ» ያጊሰ።

ኤንቲ ቆቁያኮ፡ «አይኮይ ባዋ፡ ዳንዲ ኤቃ፡ ኔና ዌጌስ» ያጊደሶና።

50 ቆቁይ ባ ማዑዋ ሆሊ ዩጊዲ፡ ጉፒ ዳንዲ ኤቁዲ፡ ዩሱሳኮ ቢስ።

51 ዩሱሲ፡ «ታኒ ኔው አይ ኦላና ማላ ኮያይ?» ያጊሰ።

ቆቁይ፡ «አስታማሪያው፡ ታ ዌላናው ኮያይስ» ያጊሰ።

52 ዩሱሲ ኢያ፡ «ባ፡ ኔ አማኖይ ኔና ፓላሲ» ያጊሰ። ሲሁዋራካ ኢያ አይፊይ ዌሊን፡ ዩሱሳ ካሊስ።

11

ዩሱሲ ጌታ ቦንቾን ዩራሳላሚ ጌሊሲ

(ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዩራሳላሚ ማቲሺ፡ ሻማሆ ዳሪያ ማታን ዳዒያ ቤቴፋጌኔ ቢታኒያ ካታማታ ጋኪደሶና። ዩሱሲ ባ ታማሬታፔ ናሞዓታ ሲንጤ ኪቲዲ፡

2 «ሂንቲሬ ሲንገላን ዳዒያ ጉታ ቢቲ፤ ያ ጌሊዳ ማላ ኦኒካ ቶጊቦና ቃሾን ዳዒያ ሃሪ ማሪ ሂንቲ ዳማና፡ ኢያ ቢሊዲ፡ ሃ ኤኪ ዩቲ።

3 ኦኒካ ሂንቲና፡ «ሃይሳ አይስ ኦላቲ?» ያጊዲ አይቸኮ፡ ሳዳይ ኢያ ኮዬስ፡ ኤሌሲዲ ሃ ዩዳና ያጊቲ» ያጊሰ።

4 ኤንቲ ቢዲ፡ ሃሪ ማሪ ካሬ ቦላ ኦጌ ማታን ቃሺቲዲ ዳዔይሳ ዳሚዲ ቢሊደሶና።

5 ሄ ቤሳን ኤቁዳ ኢሲ ኢሲ አሳቲ ኤንታኮ፡ «ሃሪ ማራ ዋታናው ቢሊቲ?» ያጊደሶና።

6 ኢያ ታማሬቲ ዩሱሲ ባንታና ኪቲዳይሳ ኦዲን፡ አሳቲ ዩዲ አጊደሶና።

7 ኤንቲ ሃሪ ማራ ዩሱሳኮ ኤሂዲ፡ ባንታ ማዑዋ ኢያ ዘኮን ሃዊን ዩሱሲ ሄ ሃሪ ማራ ቶጊሰ።

8 ዳር አሳይ ባንታ ማዑዋ ኦጊያን ሃዊደሶና፤ ቃሲ ሃራቲ ማላ ታሺ ታሺዲ፡ ኦጌን ሃዊደሶና።

9 ዩሱሳፔ ሲንገራ ሃሙቲያ አሳይኔ ኢያ ካሊያ አሳይ ባንታ ቃላ ቆቁ አላዲ፡

«ሆሳና! * ያሳይ ጋላቴቶ!
ጎዳ ሱጎላን ዩይሲ

አንጃቴዳይሳ።
10 ጎዳ ሱጎላን ያ ኑ አዋ
ዳዊቴ ካዎቴሳይ አንጃቴዳይሳ።
ኡባፌ ቦላ ሳሉዋን

ዳዒያ ያሳይ ጋላቴቶ»
ያገደሶና።

11 ዩሱሲ ዩሩሳላሜ ቢዲ፣ ያሳ
ኩላ ጌሊሰ። ቃሲ ኡባባ ዩዩ ያሊዳፔ
ጉዩ፣ ሳባይ ቃሚያ ጊሾ ታማኔ ናሞዑ
ታማሬታራ ቢታኒያ ካታማ ቢሰ።

ዩሱሲ ቃንጊዳ ባላሴ ሚሊው
(ማቶ 21:18-19)

12 ዋንቴላ ጋላሰ ኤንቲ ቢታኒያፔ
ከዩዲ ቢሸን፣ ዩሱሲ ኮሻቲሰ።

13 ሃሆን ኢሲ ባላሴ ሚሊው ሃይላ
ፃላላ ማዓ ኡቲዳ ሴዒዲ፣ ኢ ቦላ
አይፊይ ቤቲኮ ጊዲ፣ ቤዓናው ኢኮ
ቢሰ፣ ሸን ኢኮ ኢ ቢያ ዋይ ሃይላ
ፃላላፔ አቲን ኢሲ አይፊካ ዳሚቤና፤
አይሰ ጊኮ፣ ባላሴይ አይፊያ ዋይይ
ጋኪቤና።

14 ዩሱሲ ሄ ባላሲው፣ «ሂዛ፣ ኔፔ
ሜሪናው አሲ አይፊ ሞፖ» ያገሰ።
ኢያ ታማሬቲ ኢ ጌይሳ ሲዒደሶና።

ዩሱሲ ያሳ ኩላን ዛልዒይሳታ
ኬሲሰ

(ማቶ 21:12-17፤ ሉቃ 19:45-
48፤ ዮሃ 2:13-22)

15 ኤንቲ ዩሩሳላሜ ቢደሶና፤
ዩሱሲ ያሳ ኩላ ጌሊዲ፣ ያን
ባይዜይሳታኔ ሻሚይሳታ ካሬ ጎዶ
ኦይኪሰ፤ ቃሲ ሚሽ ላሚይሳታ
ፃርጴዛኔ ሆሌ ባይዜይሳታ ኦይዲያ
አላ ዩጊዲ፣

16 አሲ አይቢባካ ቶኪዲ፣ ያሳ ኩላ
ጊዶራ አጵና ሜላ ዲጊሰ።

17 ዩሱሲ አሳ ሃይሳዳ ያገዲ
ታማርሲሰ። «ጌሻ ማፃፋን፣ ታ ኩላይ
አሲ ኡባይ ያሳ ዋሲያ ከሌ ጊዳና
ጌቲቲዲ ፃፊቲሰ። ሸን ሂንቴ ኢያ
ፓንጋቲ ቆሴቲያ ጎንጎሎ ኦላይታ»
ያገሰ።

18 ካሂኔ ሃላቃቲኔ ሂጌ አስታማሬቲ
ሄሳ ሲዒዲ፣ ኢያ ዋፋናው ኦጌ ኮሽ
አይኪደሶና። ሸን ዳር አሳይ ኢያ
ቲሚርቲያን ማላላቲያ ጊሾ ኢያው
ያዩደሶና።

19 ሳባይ ኦማርሲያ ዋይ ዩሱሲኔ
ኢያ ታማሬቲ ካታማፔ ጋፃ ከዩደሶና።

ባላሴ ሚሊያ ሚላሱ
(ማቶ 21:20-22)

20 ኤንቲ ዋንቴላ ጋላሰ ሄ ኦጊያራ
አጲሹ፣ ሄ ባላሲያ ፃጶራ ሚሊዳር
ቤዒደሶና።

21 ጴጃርሲ አኬኪዲ፣
«አስታማሬያው፣ ሄኮ፣ ኔኒ ቃንጊዳ
ባላሲያ ሚላሱ» ያገሰ።

22 ዩሱሲ ዛሪዲ፣ «ያሳ አማኒቲ።

23 ታኒ ሂንቴው ቱማ ኦዳይሰ፤
ኦኒካ ባ ዋዛናን ሲጵና ጊዳባይ
ሃናናይሳ አማኒዲ፣ ሃ ዳሪያ፣ ራዳንዳዳ
አባን ኩንዳ) ያገኮ ኢያው ሃና።

24 ሄሳ ጊሾ፣ ታኒ ሂንቴው ኦዳይሰ፤
ያሳ ሂንቴ ዋሲያባኔ ኦይቺያባ አይባ
ጊዲኮካ ኤኪዳዳ አማኒቲ፣ ሂንቴ
ኤካና።

25 ያሳ ዋሳናው ሂንቴ ኤቁያ ዋይ
ሳሎን ዳዒያ ሂንቴ አዋይ ሂንቴ ናጋራ
አቶ ጋና ሚላ፣ ኦኒካ ሂንቴና ናቁዳባይ
ዳዒኮ፣ ኢያው አቶ ጊቲ።

26 ሸን አሳ ናጋራ ሂንቴ አቶ ጎና
ኢዳኮ፣ ሳሎን ዳዒያ ሂንቴ አዋይካ
ሂንቴ ናጋራ ሂንቴው አቶ ጌና» ያገሰ።

ዩሱሲ አይቢ ማታን ኦላያኮ
ኦይሼቲሰ

(ማቶ 21:23-27፤ ሉቃ 20:1-8)

27 ኤንቲ ዛሪዲ ዩሩሳላሜ
ቢደሶና። ዩሱሲ ያሳ ኩላን
ሃሙቲሸን፣ ካሂኔ ሃላቃቲ፣ ሂጌ
አስታማሬቲኔ ጨማቲ ኢያኮ ዩዲ፣

28 «ኔኒ ሃይሳ ኦላናው ኔው አይ
ማቲ ዳዒ? ዋይኮ ኔው ሃ ማታ
ኢሚዳይ ኦኔ?» ያገደሶና።

29 ዩሱሲ ዛሪዲ ኤንታኮ፣ «ታ
ሂንቴና ኢሲባ ኦይቻና፣ ታው ኦዲቲ።
ታ ቃሲ ሃይሳ አይ ማታን ኦላያኮ፣
ሂንቴው ኦዳና።

30 ዮሃንሲ ዳንቃቲይ ያሳፊዬ ዋይኮ
አሳፔ? ታው ኦዲቲ» ያገሰ።

31 ኤንቲ ባንታ ጊደን ፓላማ
ደሚዲ፣ «ኦኒ፣ (ያሳፊ) ጊኮ፣ ኢ
ኦኮ፣ (ያቲን፣ ዮሃንሲ ኦዲዳይሳ አይሰ
አማኒቤኬቲ?) ያጋና።

32 (አሳፔ ጊኮ) አሳ ኡባይ ዮሃንሲ
ናቤ ጊዳይሳ ኤርሶና።» ያኒያ ጊሾ
አሳሰ ያዩደሶና።

33 ሄሳ ጊሾ፣ ኤንቲ ዩሱሳኮ፣ «ኦኒ
ኤርኮ» ያገዲ ዛሪደሶና፤

ዩሱሲ፣ «ታኒካ ሃይሳ አይ ማታን
ኦላያኮ፣ ሂንቴው ኦዲኬ» ያገሰ።

12

ዎይኔ ቶኪያ ጎሻጎሻታ ለሚሶ
(ማቶ 21:33-46፤ ሉቃ 20:9-

19)

1 ዩሱሲ ኤንታው ለሚሶን ያገደዱ ኦሲስ፤ «እሲ ኡራይ ዎይኔ ኣታከልቲ ቶኪዲ፣ ዩሺ ኣሉዲ ዲርሲ ዲሪስ። ቃሲ ሄ ዎይኒያ ጉምዒያ ኦላካ ቦኪስ። ኢያ ናገናው ኣዲሳ ሻኮ ሻኪስ። ሄሳፌ ጉዬ፣ ኮሌ ኦሊያ ኣሳሰ ኢሚዲ፣ ሃራ ቢታ ቢስ።

2 ዎይኔ ኣይፊያ ማዲያ ዎይይ ጋከን፣ ባና ጋከይሳ ኤኪዲ ያና ሜላ፣ ኢሲ ባ ኣይሊያ ኮሌ ኣዎታኮ ከቲስ።

3 ኮሌ ኣዎቲ ኢያ ኣይሊያ ኣይኪዲ ዎዲዲ፣ ሜላ ኩሽ ዩዲደሶና።

4 ናምዓንሎ ሃራ ኣይሌ ኤንታኮ ከቲን፣ ኤንቲ ሄ ኣይሊያሰ ሀዒያ ቆዒዲ ካወሽዲ ዩዲደሶና።

5 ዎይኔ ኣታከልቲያ ጎዳይ ቃሲካ ሃራ ኣይሌ ከቲስ። ሄ ኣይሊያ ዎዲደሶና፣ ቃሲ ሃራ ዳርታ ሄሳዳ ኦሊደሶና፣ ኢሶታ ኢሶታ ዎዲዲ፣ ሃራታ ዎዲደሶና።

6 «ዎይኔ ኣታከልቲያ ጎዳሰ ከታናው ኡባፌ ወርሴሳን ኢ ዳር ደሲያ ባ ናባ ፃላሊ ኣቲስ። ኢ፣ «ኤንቲ ታ ናባ ቦንቾና ኣጎኮና» ጊዲ፣ ባ ናባ ኤንታኮ ከቲስ።

7 «ሺን ኮሌ ኣዎቲ ባንታ ጊደን፣ ሳታናይሲ ሃይሳ፤ ዩዲቲ ኢያ ዎዲሰ፤ ኢያ ሳታይ ኑባ ጊዳና!» ያገደሶና።

8 ናባ ኣይኪዲ ዎዲዲ፣ ኢያ ኣሃ ዎይኔ ኣታከልቲያ ጊደፌ ጋፃ ኬሲ ሆሊደሶና።

9 «ሃዘ፣ ዎይኔ ኣታከልቲያ ጎዳይ ዎታኔ? ዩዲ ሄ ኮሌ ኣዎታ ዎዲ ኦንጊዲ፣ ዎይኒያ ኮሌ ኦሊያ ሃራ ኣሳሰ ኢማና።

10-11 ገምቤይሳቲ ቦሪዲ ኢዲዳ ሹቻይ

ጎዳ ፃጸዎ ሚንሱያ፣ ኡባፌ ኣዲያ ሹቹ ጊዲስ።

ሃይሲ ጎዳይ ኦሊዳባ፤ ቃሲ ኑ ኣይፊያሰካ ማላሊሲያባ ያገይሳ ጌሻ ማፃፋፔ ናባቢቤኬት?» ያገደሰ።

12 ካህን ሃላቃቲ፣ ሃጌ ኣስታማሬቲኔ ጨማቲ ዩሱሲ ሄ ለሚሱዎ ባንታ ቦላ ለሚሲዳይሳ ኤሪዳ ገሾ ኢያ

ኦይካናው ኮዩደሶና፣ ሺን ኣሳሰ ያዩዲ፣ ኣጊ ቢደሶና።

ጊራ ጊርባ
(ማቶ 22:15-22፤ ሉቃ 20:20-

26)

13 ቃሲ ኢያ ኦዳፔ ባላ ዳሚዲ፣ ኢያ ኦይካና ሚላ፣ ፋሪሳዊታፔኔ ሄርዲሳ ባጋታፔ ጉላ ኣሳታ ኢያኮ ከቲደሶና።

14 ኤንቲ ኢያኮ ዩዲ፣ «ኣስታማሪያው፣ ኔኒ ቱማ ኦዳፔይሳኔ ኣሳፔ ኣሴ ሻኮናይሳ ኑኒ ኤርሰ። ኔኒ ኣሴ ዲማያካ፤ ቃሲ ያሳ ኦጊያ ቱማቲላን ታማርሳሳ። ኑኒ ሮሜ ቢታ ካወዎ ቁሳሬሰ ጊራ ጊሪይሲ ዎጌዬ ዎጋ ጊዴን? ጊራ ጊራኔ ኣጋኔ?» ያገደሶና።

15 ሺን ኤንታ ጨቦቲላ ዩሱሲ ኤሪዲ፣ «ታና ኣይሰ ፓጨቲ? ኣኔ ኢሲ ሳንቲሜ ታና ቤሰቲ» ያገደሰ።

16 ኤንቲ ኢያው ኢሂደሶና፣ «ሃ ማላይኔ ቡንሳይ ኦዳይሴ?» ያገደዲ ኤንታ ኦይቺስ።

ኤንቲ፣ «ሮሜ ካወዎ ቁሳሬይሳ» ያገደሶና።

17 ዩሱሲ ዛሪዲ፣ «ያቲኮ፣ ቁሳሬይሳ ቁሳሬሰ፣ ያሳይሳ ያሳሰ ኢሚቲ» ያገደሰ ኤንቲ ኢያባ ማላሌቲደሶና።

ሃይቆፔ ዳንደባ
(ማቶ 22:23-33፤ ሉቃ 20:27-

40)

18 ሃይቂዳ ኣሲ ዳንዴና ጊያ ሳዲቃዊታፔ ኢሲ ኢሲ ኣሳቲ ዩሱሳኮ ዩዲ፣ ሃይሳዳ ያገዲ፣ ኢያ ኦይቺደሶና።

19 «ኣስታማሪያው፣ ሙሴይ ኑሰ ሃጊያ ፃፊሹ፣ ማቾ ኤኪዳ ኣሲ ናባ ዩሎና ሃይቂኮ፣ ሄ ሃይቂዳይሳ ኢሻይ ኢያ ማቺው ኤኪዲ፣ ባ ኢሻሰ ናባ ዩላናው ቤሴስ» ያገይሳ ፃፊስ።

20 ቤኒ ዎዴ ላፑን ኢሻቲ ዳዔይሳቲ ባይራይ ማቾ ኤኪዲ፣ ናባ ዩሎና ሃይቂስ።

21 ናምዓንሎ ኢዮ ኤኪስ፣ ኢካ ናባ ዩሎና ሃይቂስ። ሄዳንሎይካ ሄሳዳ ሃኒስ።

22 ላፑናቲካ ሃሳሎ ኢዮ ኤኪዲ፣ ናባ ዩሎና ሃይቂደሶና፣ ኡባፌ ጉዬ፣ ቃሲ ሄ ማጨሲያ ሃይቃሱ።

23 ያቲን፡ ላፑናቲ ኢየ ኤኪዳ ጊሾ ሃይቂዳ አሳይ ሃይቆፕ ዳንዲያ ጋላስ፡ ኢያ ኤንታፊ አዉሳሰ ማቾ ጊዳኔ?» ያጊደሶና።

24 ዬሱሲ ዛሪዲ፡ «ሂንቴ ባሌይ፡ ጌሻ ማፃፋታ ዋይኮ ያሳ ዋልቃ ኤሮና ጊሾሳ!

25 ሃይቂዳ አሳይ ሃይቆፕ ዳንዲያ ጋላስ፡ ሳሎን ዳዉያ ኪታንቾታ ማላ ጊዳናፕ ኣቲን ኣዳ አሳይ ኤኮኮና፤ ማጫ አሳይ ጌሌኮና።

26 ሺን ሃይቂዳይሳታ ዳንዲዋባ ጊዲኮ፡ ሙሴ ማፃፋን ፃፊቲዳ ፀ-ጌቲያ ቡሪያባ ኦዲያ ቤሳን፡ ያሳይ ሙሴኮ፡ ታኒ፡ ኣብራሃማ ያሳ፡ ዩሳቃ ያሳ፡ ያይቆባ ያሳ) ጊዳይሳ ናባቢቤኬቲ?

27 ሄሳ ጊሾ፡ ኢ፡ ጋፃ ዳዉይሳታ ያሳፊ ኣቲን ሃይቂዳይሳታ ያሴ ጊዳና። ሂንቴ ዳሮ ባሊዳታ» ያጊሰ።

ኡባፊ አዲያ ኪታ

(ማቾ 22:34-40፤ ሉቃ 10:25-28)

28 ሂጌ አስታማሬታፕ ኢሶይ ኤንቲ ፓላማይሳ ሺቂዲ ሲዒስ፡ ቃሲ ዬሱሲ ኤንታው ሎይሊ ዛሪዳይሳ ሲዒዲ፡ «ኪታ ኡባፊ አዲያ ኪታይ አዉሴ?» ያጊዲ ዬሱሳ ኦይቸሰ።

29 ዬሱሲ ዛሪዲ፡ ኢያ ሃይሳዳ ያጊሰ፡ «ኪታ ኡባፊ አዲያ ኪታ ሲዒቲ፤ ሲሲራዒሌ አሳው፡ ጎዳይ ኑ ያሳይ ኢሲ ጎዳ።

30 ኔ ጎዳ ኔ ያሳ ኔ ኩሜሳ ዋዛናፕ፡ ኔ ኩሜሳ ሸምፑዋፊ፡ ኔ ኩሜሳ ቆፋፕ፡ ኔ ኩሜሳ ዋልቃፊ ደሳ) ያጊሰ።

31 ቃሲ ኪታ ኡባፊ አዲያ ናምዓንሎ ኪታይ ሃይሳ፤ ሳሴ ኡባ ኔ ሁዒያዳ ደሳ) ያጊይሳ፤ ሃይሳታፕ አዲያ ሃራ ኪቲ ባዋ» ያጊሰ።

32 ሂጌ አስታማሬይ ዬሱሳኮ፡ «አስታማሬያው፡ ቱማ ጋዳሳ፤ ኔኒ ሪሳይ ኢሲ ያሳ ፃላሳ። ኢያፕ ኣቲን ሃሪ ባዋ) ጊዳይሲ ቱማ።

33 ያሳ ኩሜሳ ዋዛናፕ፡ ኩሜሳ ቆፋፕ፤ ኩሜሳ ዋልቃፊ ደሴይሲኔ ቃሲ አሴ ኡባ ባ ሁዒያዳ ደሴይሲ፡ ፀ-ጊያ ያርሹዋፊኔ ሃራ ያርሹ ኡባፊ አዲስ» ያጊሰ።

34 ዬሱሲ ሂጌ አስታማሬያ ዛርይ አዲዳ ኤራንቾ አሳ ዛር ጊዲዳይሳ

ቤዒዲ፡ «ኔኒ ያሳ ካዋቲላፊ ሃካባካ» ያጊሰ፤ ሄሳፊ ጉዬ፡ ዬሱሳ ሃራባ ኦይቻናው ኦኒካ ሚኒቤና።

ኪሪሰቶሲ ኦዴ ናዒ

(ማቾ 22:41-46፤ ሉቃ 20:41-46)

35 ዬሱሲ ያሳ ኬላን ታማርሲሼ፡ ሃይሳዳ ያጊሰ፡ «ሂጌ አስታማሬቲ ኪሪሰቶሳ ዋይጊዲ ዳዊቲ ናዒ ጎና?

36 ዳዊቲይ ጌሻ ኣያናን ኩሚዲ፡ ሳዳይ፡ ታ ጎዳ፡ «ታኒ ኔ ሞርኬታ ኔ ቶሆይ ዬዲያሶ ኦላና ጋካናው፡ ሃይሳን ታፕ ኡሻቻ ባጋራ ኡታ» ጊሰ) ያጊሰ።

37 ዳዊቲይ ባ ሁዒን ኪሪሰቶሳ፡ ሳዳ) ጊዲ ያጊኮ፡ ያቲን፡ ኪሪሰቶሲ ዋኒዲ፡ ዳዊቲ ናዒ ጊዲ» ያጊሰ።

ዳሮ አሳይ ዬሱሲ ጌይሳ ኡፋይሳን ሲዒደሶና።

ዬሱሲ ሂጌ አስታማሬታኔ ፋሪሳዊታ ቦሪሰ

(ማቾ 23:1-36፤ ሉቃ 20:45-47)

38 ዬሱሲ ታማርሲሼ፡ ሃይሳዳ ያጊሰ፡ «ሂጌ አስታማሬታፕ ናጌቲቲ፤ ኤንቲ አዲሳ ማፃ ማዒዲ ዩዬይሳኔ ጊያንካ አሳይ ኤንታ ቦንቺዲ ሳርሌይሳ ደሶሶና።

39 ኤንቲ አይሁዳ ዋሳ ኬላታን ዳሮ ሎፖ ኦይዳ ደሶሶና፤ ቃሲ አሲ ባንታና ሞኪያ ቤሳን ቦንቾ ቤሲ ደሶሶና።

40 ኤንቲ ኣምዒታ ኬላ ቦንቂዲ፡ ባንታው ሎፖ ዳናናው ዋሳ አዲሶሶና፤ ኤንቲ ኡባፊ አዲያ ፕርዳ ኤካና» ያጊሰ።

ኣምዒ ሙፃታ (ሉቃ 21:1-4)

41 ዬሱሲ ያሳ ኬላን ሙፃታ ዩጊያ ሳዒኒያ ማታን ኡቲዲ፡ አሳይ ባ ሚሺያ ሄ ሳዒኒያን ዩጌይሳ ቤዒሰ፤ ዳሮ ዲሬ አሳይ ዳሮ ሚሺያ ሄ ሳዒኒያን ዩጎሶና።

42 ኢሲ ማንቆ ኣምዒያ ያዳ፡ ናምዑ ባካናታ ሄ ሳዒኒያን ዩጋሱ።

43 ዬሱሲ ባ ታማሬታ ያጊዲ፡ «ታኒ ሂንቲው ቱማ ኦዲይሰ፤ ሙፃታ ሳዒኒያን ዩጊዳ አሳ ኡባፊ ሃ ማንቆ ኣምዒያ ዳርሳዳ ዩጋሱ።

44 አይሰ ጊኮ፡ ሃራቲ ኡባይ ባንታው ፓላሂዳ ሚሺያፕ ዩጊደሶና።

ሺን ኢያ ባ ፓጪያፌ፥ ባው ዳዲያ አቁዋ ኩሚሊ ኢማሱ» ያገሰ።

13

ዬሱሲ ያሳ ከላይ ላሌታናይሳ ኮይርቲዲ ኦዲሰ

(ማቶ 24:1-2፤ ሉቃ 21:5-6)

1 ዬሱሲ ያሳ ከላፊ ከዪሺን፣ ኢያ ታማሪታፕ ኢሶይ፣ «አስታማሪያው፣ ሃ ሎፆ ሹቻኔ ሃ ሎፆ ሹቻ ከላ ቤዓይ!» ያገሰ።

2 ዬሱሲ ዛሪዲ፣ «ሃ ጌታ ሹቻ ከላ ቤዓይ? ሃ ከላይ ሹቹ ሹቻ ቦላ ገምቤቲዳ ሚላ ላሌቶና ኣቴና፤ ኢሲ ሹቹካ ኣቶና ኡባይ ላሌታና» ያገሰ።

ጎዳይ ያናፕ ኮይርቲዲ ጋካና ጎዳኔ ዋያ

(ማቶ 24:3-14፤ ሉቃ 21:7-19)

3 ዬሱሲ ያሳ ከላፊ ሂኒ ባጋራ ሻማሆ ዳሪያ ቦላ ኡቲዳሺን፣ ጳዲርሲ፣ ያይቆቢ፣ ዮሃንሲኔ ኢንዲሪያሲ ባንታርካ ኢያኮ ዪዲ፣

4 «ሃይሲ አወዴ ሃናኑኮ፣ ኑሰ ኦዳ፤ ሃ ኡባይ ፖሌታና ዋዲያ ኡሪሲያ ማላታይ ኣይቤ?» ያገዲ ኦይቹደሶና።

5 ዬሱሲ ቃሲ ኢንታው ሃይሳዳ ያገዲ ኦዲሰ፣ «ሂንቴና ኦኒካ ባሌላና ሚላ ናጌቲቲ።

6 ዳር ኣሳቲ ታ ሱንላን፣ ታኒ ኪሪሰቶሳ) ያገዲ ታማርሲሹ ዪዲ፣ ዳር ኣሳ ባሌላና።

7 ማታን ዳዲያ ኦላኔ ሃሆን ዳዲያ ኦላ ዋሪ ሂንቴ ሲዲያ ዋዴ ሂርጎፊቲ። ሄሳ ሚላባይ ሃናናው ቤሴሰ፣ ሺን ወርሴላይ ቡርና።

8 ኢሲ ቢታ ኣሳይ ሃራ ቢታ ኣሳራ ኦሌታና፤ ቃሲ ኢሲ ካዋቴላይ ሃራ ካዋቴላታራ ኦሌታና፤ ቢታ ቃያይ ኡባ ቤሳን ሃናና፤ ኮሻይ ዳና፣ ሺን ሄሲ ኡባይ ዬሎ ኢቁላሰ ዞኬ ሚላ።

9 «ሺን ሂንቴ፣ ሂንቴ ሁዒን ናጌቲቲ። ኣይሰ ጌኮ፣ ኣሲ ሂንቴና ኦይኪዲ፣ ፕርዳ ከላሰ ኣሌ ኢማና፤ ቃሲ ኣይሁዴ ዋሳ ከላታንካ ሂንቴና ሊሶን ጋራፋና፤ ዳሪያ ሃሪይሳታ ሰንላኒኔ ካዋታ ሰንላን ታ ጊሾ ሂንቴ ማርካታናው ኤቃና።

10 ወርሴላይ ጋካናፕ ሲንሌ ዋንጌላይ ኮይር ዳሬ ኡባሰ ኦዳታናው ቤሴሰ።

11 ኢንቲ ሂንቴና ፕርዳ ከሌ ኤሂያ ዋዴኔ ኣሌ ኢሚያ ዋዴ ዋይጊዲ ኦዲኑኮ ኮይር ሂርጎፊቲ፤ ሄ ሳቲያን ያሳይ ሂንቴው ኢሚያባ ኦዲቲ። ሂንቴናን ጌሻ ኣያናይ ኦዴቴሲፕ ኣቲን ሂንቴና ጊዴኮታ።

12 «ኣሻይ ባ ኣሻ፣ ኣዋይ ባ ናዓ ዋዲሳና። ናይቲ ባንታና ዬሊዳይሳታ ቦላ ዳንዲዲ፣ ኢንታ ዋዲሳና።

13 ኣሳይ ኡባይ ሂንቴና ታ ሱንላ ጊሾ ኢፃና፣ ሺን ወርሴሌ ጋካናው ሚኒዳይ ኣታና።

ዬራሳላሚ ጋካና ኢታ ሜቱዋ (ማቶ 24:15-28፤ ሉቃ 21:20-24)

14 «ሺን ባሻ ቱናቴላይ ኤቃናው ቤሶና ቤሳን ኤቁዳሺን ሂንቴ ቤዓና።» (ኣክኪሶ፣ ሄሲ ዋይ ጉሴኮ ናባቤይሲ ኣክኮ!) «ዪሁዳ ቢታን ሄ ዋዴ ዳዴይሳቲ ዳሪያኮ ባቃቶ።

15 ከላ ሁዒን ዳዲያ ኡራይካ ኢሲባ ኤካናው ዲጌ ዋዲዲ፣ ባ ሶ ጌሎፖ።

16 ጋይን ዳዴይሲ ባ ማዑዋ ኤካናው ጉዬ ሲሞፎ።

17 ሄ ዋዴ ቃንሳቲዳ ማጫሳታሲኔ ጳንሌያ ማጫሳታሰ ዳር ኡንዓ ጊዳና።

18 ሺን ሃይሲ ኡባይ ሃኒያ ዋዴይ ባልጎ ጊዳና ሚላ፣ ያሳ ዋሲቲ።

19 ኣይሰ ጌኮ፣ ያሳይ ኣላሚያ ሚዲዳ ዋዲያፕ ደሚዲ፣ ሃዒ ጋካናው ሃኒቦና ሚቶይኔ ሰንላፊካ ሃናና ሚቶይ ኣሳ ቦላ ሄ ዋዴ ሃናና።

20 ጎዳይ ሄ ጋላሳታ ታይቡዋ ጉሉናና፣ ኣሴ ጊዲዳይ ኦኒካ ኣቴና። ሺን ኢ ባ ደሪዳ ኣሳ ጊሾ ሄ ጋላሳታ ታይቡዋ ጉሌሰ።

21 «ሄ ዋዴ ኦኒካ ሂንቴና፣ ሄኮ፣ ኪሪሰቶሲ ሃይሳን ዳዴሰ ዋይኮ ኪሪሰቶሲ ሂኒን ዳዴሰ) ያገኮ፣ ሄሳ ኣማኖፕቲ።

22 ዋርዲንቾ ኪሪሰቶሳቲኔ ዋርዳ ናቤቲ ዳንዲዲ ባንታው ዳንዳዴቲኮ፣ ሃሪ ኣቶሺን ያሳይ ደሪዳይሳታካ ባሌላናው ማላታታኔ ማላሊሲያባታ ቤሳና።

23 ሺን ሂንቴ ናጌቲቲ፣ ታኒ ሂንቴው ኡባባ ካሴታዳ ኦዳሰ።

13:9 ማቶ 10:17-20፤ ሉቃ 12:11-12 13:13 ማቶ 10:22 13:14 ዛሬ 9:27፤ 11:31፤ 12:11 13:15 ሉቃ 17:31 13:19 ዛሬ 12:1፤ ዮ.ቆ 7:14

ኪሪስቶስ ናሞዓንሉ ዩሳ (ማቶ 24:29-31፤ ሉቃ 21:25-28)

24 «ሺን ሄ ዋዴ ሄ ዋያፕ ጉዬ፥ አዋይ ቆማና፤

አጌናይ ፖዑዋ አጋና፤

25 ያለንቶቲ ሳሎፕ ኩንዳና፤ ቃሲ ሳሎን ዴዒያ ዋልቃቲካ ቃፃና።

26 ሄ ዋዴ አሳ ናዓይ፥ ጌታ ዋልቃራኔ ቦንቹዋራ ሻራ ጌዶራ ዩሺን ኤንቲ ቢዓና።

27 ሄ ዋዴ ታኒ ኪታንቸታ ሳዓ ኦይዱ ባጋ ኪታና፤ ሳዓ ጋፃፕ ሳሎዋ ጋፃ ጋካናው፥ ያሳይ ዶራዳ አሳ ሺሻና።

ዋዴይ ጋኪዳይሳ ኤሪሲያ ባላሴ ሚሊው

(ማቶ 24:32-35፤ ሉቃ 21:29-33)

28 «ለሚሱዋ ባላሴ ሚላፌ አኬከቲ፤ ባላሲያ አጪያ ዋዴኔ ኢ ሃይላይ ጨልዒያ ዋዴ ቶርቹይ ማታቲዳይሳ ሂንቲ ኤሬታ።

29 ሄሳዳካ፥ ሂንቲ ሄ ኡባባይ ሃይሳ ቤዒያ ዋዴ ኢ ማተዲ ፔንጌ ጋኪዳይሳ ኤሪቲ።

30 ታኒ ሂንቲው ቱማ ኦዳይሰ፤ ሃ ኡባባይ ሃናና ጋካናው ሃይሳን ዴዒያ አሳ ኡባይ ሃይቄና።

31 ሳሎይኔ ሳሳይ አቆና፥ ሺን ታ ቃላይ ኡባራካ አጴና።

ጎዳይ ያና ጋላሳኔ ሳቲያ ኦኒካ ኤሬና

(ማቶ 24:36-44)

32 «ሺን ሄ ጋላሳኔ ሄ ሳቲያ አዋ ፃላላፕ አቲን ሃሪ አቶሺን ሳሎን ዴዒያ ኪታንቸታ ጌዲን ዋይኮ ናዓ ጌዲን ኦኒካ ኤሬይ ባዋ።

33 ሄ ዋዴይ አዉዴ ጌዳኔኮ፥ ሂንቲ ኤርና ጊሾ ናጌቲቲኔ ሚኒቲ።

34 ታ ዩሳይ ባ ኬላ አጌዲ፥ ኦጌ ቢያ ኡራ ማላ። ኡራይ ባ አይሌታ ሁዔን ሁዔን ኦሱዋ አሚዲ ኤንታ ባ ኦሱዋስ አዋ ኦሊሰ፤ ቃሲ ናጌይሲካ ሚንሉዲ ናጋና ማላ ከቲሰ።

35 «ሄሳ ጊሾ፥ ሚኒቲ። አይሰ ገኮ፥ ከላዋይ አማርሲ ጌዲን ዋይኮ ጌዲ ቢላሂ ጌዲን ዋይኮ ኩቶ ዋሶ ጌዲን

ዋይኮ ዋንታ ጉራ ጌዲን አዉዴ ያኔኮ፥ ሂንቲ ኤሬኬታ።

36 ሂንቲ አኬኮና ኢ ዩዲ ሂንቲና ጲሰኪዲ ዴዒሺን ዴሞና ሚላ ሚኒቲ።

37 ታኒ ሂንቲው ኦይይሳ አሳ ኡባሰ ኦዳይሰ፤ ሚኒቲ» ያገሰ።

14

ኪሪስቶስ ቦላ ማቄቲዶሶና (ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቹያ ጋላሳይኔ ኡይላ ባሌ ቦንቹያ ጋላሳይ ጋካናው ናሞዑ ጋላሲ አቲሰ። ካሂኔ ሃላቃቲኔ ሂጌ አሰታማሪቲ አሲ ኤርና ዬሱሳ ኦይኪዲ ዋጲያ ኦጌ ኮዮሶና።

2 «አሳይ አሺ ኬሶና ማላ ፓሲካ ቦንቹያ ጋላሳን ሄሳ ኦሎኮ» ያገደሶና።

ዬሱሳ ሺቱዋ ቲዬዳ ማጫሲው (ማቶ 26:6-13፤ ዮሃ 12:1-8)

3 ዬሱሲ ቢታኒያ ካታማን ባር ሃርጋንቹዋ ሲሞና ሶን ገቢራ ቦላ ኡቲዳሺን፥ ኢሲ ማጫሲያ አልባስዊርሴ ጌያ ሹቻፌ ኦሴቲዳ ጲልቃዳ ኩሚላ ናርዶሴ ጌያ ዳር አልዎ ሺቶ ኤካዳ ያሱ። ሄ ጲልቃዳያ ሚንላዳ ሺቱዋ ዬሱሳ ሁዒያን ቲጋሱ።

4 ሄ ቤሳን ዴዒያ አሳፕ ኢሶይ ኢሶይ ሃንቄቲዲ፥ «ሃ ሺቶይ ማላ ጮ አቲይ አይቢሴ?»

5 ሃ ሺቱዋ ሄቹ ፃቱ ዲናሬን * ባይዚዲ፥ ሚሺያ ማንቆታሰ አማናው ዳንዳዔቲሰ» ያገዲ ባንታ ጌደን ኦይቲዶሶና። ያቲዲ፥ ሄ ማጫሲው ዳር ቦሪዶሶና።

6 ሺን ዬሱሲ «ሃ ማጫሲው አይኮካ ጎፐቲ፤ ኢዮ አይሰ ዋይሴቲ? ኢያ ታው ሎዶባ አላሱ።

7 ማንቆቲ ኡባ ዋዴ ሂንቲራ ዴዶሶና። ሂንቲ ኮዬዳ ዋዴ አዉዴካ ሂንቲ ኤንታ ማዳናው ዳንዳዔታ፥ ሺን ታኒ ኡባ ዋዴ ሂንቲራ ዴዒኬ።

8 ኢያ ባ ዳንዳዒዳይሳ ኦላሱ፤ ቃሲ ታና ሞጎሰ ገገሳናው ካሴታዳ ሺቶ ቲያሱ።

9 ታኒ ሂንቲው ቱማ ኦዳይሰ፤ ሳዓ ኡባን ዋንጌላ ኦዲያሶን አዉንካ፥

13:24 አሳ 13:10፤ ኤር 2:10 13:25 አሳ 34:4፤ ዮቆ 6:13፤ ኤር 2:10 13:26 ዛሬ 7:13፤ ዮቆ 1:7 13:32 ማቶ 24:36 13:34 ሉቃ 12:36 14:1 ከሳ 12:1 14:3 ሉቃ 7:37

* 14:5 ሄቹ ፃቱ ዲናሬ፡ ኢሲ አሳስ ላይላን ጨጌቲያ ሎዶ ዳሞዜፕ ቦላ ጌዲያ ሚሺ። 14:7 ዛሬ 15:11

አሳይ ኢዮ አኩካና ማላ ሃ ኢያ ኦሊዳይሲ ኦዶታና» ያገሰ።

ዪሁዲ ዩሱሳ አሊዲ አማናው ዘሬቲሰ

(ማቶ 26:14-16፤ ሉቃ 22:3-6)

10 ታማኔ ናምዑ ታማሬታፔ ኢሶይ አስቆርታ ዪሁዲ ጌቱቲይሲ ዩሱሳ ካሂኔ ሃላቃታሰ አሊ አማናው ኤንታኮ ቢሰ።

11 ኤንቲ ሄሳ ሲዒዳ ዎዴ ኡፋይቲዲ፣ «ኮኒ ኔው ሚሼ አማና» ያገደሶና፤ ዪሁዲ ዩሱሳ አሊ አማናው ኢንጄ ዎዴ ኮዬሰ።

ዩሱሲ ባ ታማሬታራ ፓሲካ ሚሰ

(ማቶ 26:17-25፤ ሉቃ 22:7-14፤ 21-23፤ ዮሃ 13:21-30)

12 ኡይላ ባሊይ ቦንቹቲያ ኮይር ጋላሰ፣ ፓሲካ ካላ ማናው ማሬዜ ሹኪያ ዎዴ ዩሱሳ ታማሬቲ ኢያኮ፣ «ፓሲካ ቦንቹያ ጋላሰ ኔኒ ማና ካላ ኮኒ እው ቢዲ ገሊሲና?» ገዲ ኦይቹደሶና።

13 ዩሱሲ ባ ታማሬታፔ ናምዓታ ሃይሳዳ ያገዲ ከቲሰ፣ «ካታማ ቢቲ፤ ሂንቲ ቢሺን፣ ኦቶራ ሃሌ ቶኪዳ ኢሲ ኡራይ ሂንቲራ ጋሂታና፤ ኢያ ካሊቲ።

14 ኢ ቢዲ ጌሊያ ከላዎ፣ «አሰታማሬይ ኔኮ፣ «ታኒ ታ ታማሬታራ ፓሲካ ማናው አማላ ከፊሌይ አዉኔ?» ያገሰ» ያገቲ።

15 ከላዎይ ሂንቲና ፖቂያ ቦላ ዴዒያ ገሊ ኡቲዳ ዳልጋ ከፊሌ ቤሳና፤ ሄሳን ገሊሲቲ» ያገሰ።

16 ሄ ናምዑ ታማሬቲ ከዪዲ፣ ካታማ ቢደሶና፤ ዩሱሲ ኤንታው ኦዲዳይሳዳ ዴሚዲ፣ ፓሲካ ካላ ገሊሲደሶና።

17 ሳሳይ ኦማርሲያ ዎዴ ዩሱሲ ታማኔ ናምዑ ታማሬታራ ያ ቢሰ።

18 ኤንቲ ኡቲዲ ካሊ ሚሺን፣ ዩሱሲ ኤንታኮ፣ «ታኒ ሂንቲው ቱማ ኦዲይሰ፤ ሂንቲፊ ኢሶይ ታራ ሜይሲ፣ ታና አሊ አማና» ያገሰ።

19 ኢያ ታማሬቲ ዳጋሚዲ፣ ባንታ ሁዒን ሁዒን፣ «ቱማ ታኔሻ?» ያገዲ ኢያ ኦይቹደሶና።

20 ዩሱሲ ዛራዲ፣ «ሄ ኡራይ ሂንቲ ታማኔ ናምዓታፔ ኢሱዎ፤ ኢ ታራ ኢሲፊ ቱሻናው ባ ኡይላ ሻቲያን ዩዴይሳ።

21 አሳ ናሳይ፣ ጌሻ ማፃፋይ ሃይቃና ገዳይሳዳ ሃይቃና፣ ሺን አሳ ናሳ፣ አሊ ኢሚያ ኡራ አዬ። ሄ ኡራይ ዩሌቶና አቲዳኮ ኢያው ሎፖሺን» ያገሰ።

ኅዳ ካሁዎ

(ማቶ 26:26-30፤ ሉቃ 22:14-20፤ 1ቆር 11:23-25)

22 ኤንቲ ሚሺን፣ ዩሱሲ ኡይላ ኤኪዲ፣ ያሳ ጋላቲሰ፤ ሄ ኡይላ ማንሉዲ፣ ባ ታማሬታሰ አሚሼ፣ «ሄዒቲ፣ ሃይሲ ታ አሹዎ» ያገሰ።

23 ፀዓ ኤኪዲ፣ ያሳ ጋላቲዲ፣ ኤንታው አሚን ኡባይካ ሄ ፀዓፔ ኡዪደሶና።

24 ዩሱሲ፣ «ሃይሲ ኦራላ ጫቁዎን ዳር አሳ ገሻ ጉኪያ ታ ሱላ።

25 ታኒ ሂንቲው ቱማ ኦዲይሰ፤ ታኒ ያሳ ካዎቲላን ኦራላ ዎይኒያ ኡያና ጋላሳይ ጋካናው ዛራዳ ሃ ዎይኒያፔ ኡዪኬ» ያገሰ።

26 ማዘመሬ ዩዲዳፔ ጉዬ ሻማሆ ዴሪያ ቦላ ቢደሶና።

ጳዲርሲ ካዳናይሳ ዩሱሲ

ኮይርቲዲ ኦዲሰ (ማቶ 26:31-35፤ ሉቃ 22:31-34፤ ዮሃ 13:36-38)

27 ዩሱሲ ኤንታኮ፣ «ሂንቲ ኡባይ ታና ዩጊ አገዲ ባቃታና፤ ጌሻ ማፃፋይ፣ «ያሳይ ደርሳ ሄሚይሳ ዎቆና፣ ደርሳቲ ኡባይ ላሌታና» ያገሰ።

28 ሺን ታኒ ሃይቆፔ ዴንዲዳፔ ጉዬ ሂንቲፊ ካሴታዳ ጋሊላ ባና» ያገሰ።

29 ጳዲርሲ ዛራዲ፣ «ኤንቲ ኡባይ ኔና ዩጊ አገዲ ባቃቲኮካ፣ ታ ኔና አገኬ» ያገሰ።

30 ዩሱሲ ጳዲርሳኮ፣ «ታኒ ኔው ቱማ ኦዲይሰ፤ ሃቹ ቃማ ኩቶይ ናምዑ ቶሆ ዋሳናፔ ሲንሌ ኔኒ ታና ሄቹ ቶሆ ካዳና» ያገሰ።

31 ሺን ጳዲርሲ ካሴይሳፊ ማንሉዲ፣ «ታኒ ሃሪ ኦቶሺን፣ ኔራ ኢሲፊ ሃይቆያኮካ፣ ኔና ካዲኬ» ያገሰ። ቃሲ ሃራቲ ኡባቲካ ሄሳዳ ገደሶና።

ዩሱሲ ጌቲሴማኔን ዎሲሰ

(ማቶ 26:36-46፤ ሉቃ 22:39-46)

32 ጌቲሴማኔ ገያ ቤሳ ቢደሶና፤ ዩሱሲ ባ ታማሬታኮ፣ «ታኒ ያሳ

ዋሳዳ ሲማና ጋካናው ሂንቲ ሃይሳን ኡቲሽቲ» ያገሰ።

33 ዩሱሲ ጳጳሮች፣ ያይቆባኔ የሃሂሳ ባራ ኤኪዲ ቢስ፤ ዳሮ ዋዩተሲኔ ኦግኖቲስ።

34 ቃሲ ኤንታኮ፣ «ታኒ ሃይቃና ጋካናው አዛናስ፣ ሃይሳን ጋምሲሽቲ፤ ጳሰኮፊቲ» ያገሰ።

35 ጉላ ሲገላ ሸቂዲ፣ ሳሳን ጉፋኒዲ፣ ዳንዳዊቲያባ ገዲኮ፣ ሄ ዋያ ሳቲይ ባፔ አፋና ሜላ፣ ያሳ ዋሲስ።

36 ቃሲ፣ «አባ፣ ታ አዋው፣ ኡባባይ ኔው ዳንዳዊቲስ፣ ሃ ዋዩ ፀዓ ታፔ ዲጋ። ሺን ኔ ሸኔይ ሃኖፕ ኣቲን ታ ሸኔይ ሃኖፕ?» ያገሰ።

37 ዩሱሲ ባ ታማሬታኮ ሲሚ ዪዲ፣ ኤንቲ ጳሰኪዳሺን ዳሚሲ፣ ጳጳሮች፣ «ሲምና፣ ጳሰካዲ? ኔኒ ኢሲ ሳቲካ ባርካዳ ናጋናው ዳንዳዊቲስ?»

38 ጋሙን ሂንቲ ጌሎና ሜላ ባርኪዲ ናጌቲኔ ያሳ ዋሲቲ። ሂንቲው ሎዎ አምይ ዳዔስ፣ ሺን ሂንቲ ዳቡራንቾ አሲ» ያገሰ።

39 ቃሲካ ቢዲ ካሴይሳዳካ ያሳ ዋሲስ።

40 ባ ታማሬታኮ ጉዬ ሲሚዲ ያ ዋዴ ጳሰኪዳሺን ዳሚሲ። ኤንታ አይፊያ ጳሰኮይ ጎዚ ዋላዳ ገሾ ኢያኮ አይ ኦዴቲያኮካ ኤርኮና።

41 ሄቫንላ ኤንታኮ ዪዲ፣ «ሃሲ ጋካናውካ ጳሰኮቲኔ ሸምፔቲ? ሂዛ፣ ገዳና፤ ሳቲይ ጋኪስ፤ ቤዒቲ! አሳ ናዓይ፣ ናጋራንቾ አሳታሰ አጴ አሜታና ዋዴይ ጋኪስ።

42 ዳንዳዲ ዩጳቲ፤ ቤዒቲ፣ ታና አላ አማናይሲ ጋኪስ» ያገሰ።

ዩሱሲ ባ ሞርኬታ ኩሼን አይኬቲስ

(ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ሄሳ ቡሮ ኦዲሺን፣ ታማኔ ናምቡ ኢያ ታማሬታፔ ኢሶይ፣ ዪሁዲ፣ ኤሌሲዲ ጋኪ ዋዴስ። ቃሲ ካሂኔ ሃላቃቲ፣ ሂኒ አሰታማሬቲኔ ጨማቲ ከቲን፣ ማሼኔ ፃምዓ ኦይኪዳ ዳሮ አሳይ ኢያራ ኢሲፊ ዪደሶና።

44 ዩሱሳ አላ አማናይሲ ሄ ዳሮ አሳስ፣ «ታኒ ዩሪይ ኢያ፤ ኢያ ኦይኪዲ፣ ሎይላ ናገዲ፣ ኤቢ ኤፊቲ» ያገዲ ማላ ኦዲ ዋላስ።

45 ዪሁዲ ጋኪ ዋዴዳ ሜላ ዩሱሳኮ ሸቂዲ፣ «አሰታማሪያው» ያገዲ ዩሱሳ ዩሪ ኤኪስ።

46 ሄ ዳሮ አሳይ ዩሱሳ ኦይኪደሶና።

47 ሺን ማታን ኤቁዳይሳታፔ ኢሶይ ባ ማሻ ሾዲዲ ካሂኔ ሃላቃ አይሊያ ሾጪዲ፣ ኢያ ሃይላ ቃንዲላ ሆሊስ።

48 ዩሱሲ ዛሪዲ፣ ሄ ሸቂዳ ዳሮ አሳኮ፣ «ታና ፓንጋ ኬሲዲ፣ ፓንጋ ኦይኬይሳዳ ኦይካናው ማሼኔ ፃምዓ ኦይኪዲ ዪደቲ?»

49 ታኒ ያሳ ኬላን ታማርሳሺ፣ ጋላስ ጋላስ ሂንቲራ ዴዒያ ዋዴ ታና ኦይኪቤኬታ፣ ሺን ጌሻ ማፃፋይ ገዲይሲ ፖሌታናው ቤሴስ» ያገሰ።

50 ኢያ ታማሬቲ ኡባይ ኢያ ዩጊ አገዲ ባቃቲደሶና።

51 ላፃና ፃላላ ማሲዳ ኢሲ ናቴላ ኡራይ ዩሱሳ ካሌይሳ አሳይ ኦይኪስ።

52 ሺን ሄ ኡራይ ላፃና ዩጊ አገዲ፣ ዲሬ ካሎ ባቃቲስ።

ዩሱሳ ፒርዳ ሻንጎ ሲገላ ኤፊደሶና

(ማቶ 26:57-68፤ ሉቃ 22:54-55፤ 63-71፤ ዮሃ 18:13-14፤ 19-24)

53 አሳይ ዩሱሳ ካሂኔ ሃላቃ ሶ ኤፊደሶና። ያን ካሂኔ ሃላቃቲ፣ ጨማቲኔ ሂኒ አሰታማሬቲ ሸቂዲ ዳዎሶና።

54 ጳጳሮሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ ካዩስ።

55 ካሂኔ ሃላቃቲኔ ሸቂዳ አሳ ኡባይ ዩሱሳ ዋዳናው ኢያ ቦላ ማርካ ኮዩደሶና፣ ሺን አይኮካ ዳሚቡኮና።

56 ዳሮ አሳቲ ኢያ ቦላ ሞርዶ ማርካቲደሶና፣ ሺን ኤንታ ማርካቲላይ ኢሲኖ ገዳና።

57-58 ኢሲ ኢሲ አሳቲ ዳንዲ ኤቁዲ ዩሱሳ ቦላ፣ «ኢ፣ ታኒ ኢሲ ከዲዳ ሃ ያሳ ኬላ ላላዳ፣ አሳ ኩሼን ኬጃቲቦና ሃራ ያሳ ኬላ ሄቻ ጋላሳ ገደን ኬፃና፣ ገሺን ኑኒ ሲዒዳ» ያገዲ ሞርዶ ማርካቲደሶና።

59 ገደሺን፣ ኤንታ ማርካቲላይ ሄሳንካ ኢሲኖ ገዳና።

60 ካሂኔ ሃላቃይ አሳ ኡባ ሲገላን ዳንዲ ኤቁዲ፣ «ሃይሳቲ ኔና ሞቲያ

ሞቱዋለች ነ ዛሬያባይ ባዌ?» ያጊዲ ይሱሳ አይቺሰ።

61 ሺን ይሱሱ ሲዲ ገሰ፤ አይኮካ ዛሬቤና። ካሂኔ ሃላቃይ፥ «እንጃቲዳ ያሳ ናዓይ፥ ኪሪሰቶሲ ነኔዬ?» ያጊዲ ዛሬ አይቺሰ።

62 ይሱሱ ዛሬዲ፥ «ኤ ታና፥ ሂንቲ አሳ ናዓይ፥ ዋለቃማ ያሳፊ ኡሻቻ ባጋሪ ኡቲዳሺን ቃሲ ሳሉዋ ሻራራ ዩሺን ቤናና» ያጊሰ።

63 ካሂኔ ሃላቃይ ባ ማዑዋ ፔዲዲ፥ «ኑና ሃራ ማርካ አይ ኮሺ?»

64 ሂንቲ ኢያ ጫሻ ሲዲዳጋ፤ ሂንቲ ቆፋይ አይቤ?» ያጊሰ። ኢንቲ ኡባይ፥ «ኢ ሃይቃናው ቤሴስ» ያጊዲ ኢያ ቦላ ፒርዲደሶና።

65 ኢንታፊ ኢሶቲ ኢሶቲ ኢያ ቦላ ጩቴሌ ኦይኪደሶና። ኢያ አይፊያ ጎዚዲ ባቂሽ፥ «ኑና ዳቺዳይ ኦኔ? ኦኔ ኑስ ኦዳ!» ያጊደሶና። ናጌይሳቲ ኢያ ኤኪ ኤፊዲ ጋራፊደሶና።

ጳዳርሲ ይሱሳ ካዲሰ (ማቶ 26:69-75፤ ሉቃ 22:56-62፤ ዮሃ 18:15-18፤ 25-27)

66 ጳዳርሲ ካሂኔ ሃላቃ ዛባን ጋርሳ ባጋሪ ዳዒሺን፥ ካሂኔ ሃላቃ ማጫ አይለታፔ ኢሲኒያ ያ ያሱ።

67 ጳዳርሲ ታማ ካይይሳ ቤዓዲ፥ ቲሺ ኦሳ ጻላዲ፥ «ኔኒካ ናዚሬቴ ይሱሳራ ዳዓሳ» ያጋሱ።

68 ሺን ጳዳርሲ፥ «ኔ ጌይሲ አይቤኮ ታ ኤሪኬ፥ ታው እኬኬቴና» ያጊዲ ካዲሰ። ያጊ ሲሚዲ ዛጎ ኬያ ዋዴ ሶሁዋራ ኩቶይ ዋሲሰ።

69 ሄ አይሊያ ጳዳርሳ ቤዓዲ፥ ኢያ ማታን ኤቁዳ አሳታኮ፥ «ሃ ኡራይካ ኢንታራ ዳዔስ» ጋዳ ዛራ ኦዳሱ።

70 ሺን ጳዳርሲ ቃሲካ ካዲሰ።

ጉሌ ጋምዒሺን፥ ማታን ኤቁዳ አሳቲ ናምዓንሶ ጳዳርሳኮ፥ «ኔኒ ጋለላ ቢታ አሲ ጊዲያ ጊሾ ቱማ ኢንታራ ዳዓሳ» ያጊደሶና።

71 ሺን ጳዳርሲ፥ «ታኒ ሂንቲ ጊያ ኡራ ኤሪኬ!» ያጊዲ ባና ቃንጌሌኔ ጫቆ አይኪሰ።

72 ሶሁዋራ ኩቶይ ናምዓንሶ ዋሲ አገሰ። ጳዳርሲ ይሱሱ ኢያኮ፥ «ኔኒ ኩቶይ ናምዑ ቶሆ ዋሳናፔ ሲንሌ ሂቸ ቶሆ ታና ካዳና» ኢያኮ ጊዲይሳ አኬኪዲ ዳር ዩኪሰ።

15

ይሱሳ ጳላዳሳኮ ኤፊደሶና (ማቶ 27:1-2፤ 11-14፤ ሉቃ 23:1-5፤ ዮሃ 18:28-38)

1 ዋንታ ጉራ ኤሌሲዲ ካሂኔ ሃላቃቲ፥ ጨማቲ፥ ሂጌ አሰታማሬቴኔ አይሁዴ ሻንጎቲ ኡባይ ሺቁዲ ማቁቲደሶና። ኢንቲ ይሱሳ ቃቺ ኤፊዲ ጳላዳሳሰ አሌ ኢሚደሶና።

2 ጳላዳሲ ኢያኮ፥ «ኔኒ አይሁዴታ ካዎ?» ያጊዲ አይቺሰ።

ይሱሱ ዛሬዲ፥ «ኔ ጋዳሳ» ያጊሰ።

3 ካሂኔ ሃላቃቲ ይሱሳ ዳርባን ሞቲደሶና።

4 ሺን ጳላዳሲ ዛሬዲ ይሱሳኮ፥ «ኔው ዛሬያባይ ባዌ? ኢንቲ ኔ ቦላ አይ ሜላ ሞቱዋ ኤሂያኮ ቤዒኪ?» ያጊሰ።

5 ሺን ይሱሱ ሃራባ ዛርና ኢዳን፥ ጳላዳሲ ማላሌቲሰ።

ይሱሳ ሃይቆ ጊዲ ፒርዲደሶና (ማቶ 27:15-26፤ ሉቃ 23:13-25፤ ዮሃ 18:39-40፤ 19:1-16)

6 ጳላዳሳሰ ፓሲካ ባሌ ቦንቺያ ጋላሳን አሳይ ኮያ ኢሲ ኡራ ቃሾፔ ቢሊያ ሜዜይ ዳዔስ።

7 ሄ ዋዴ ኢሲ ባርባና ጊያ ኡራይ ኦሹ ኬሲዲ ሺምፖ ዋዲዳ አሳታራ ኢሲፊ ቃሾ ኬላን ዳዔስ።

8 ሺቁዳ ዳር አሳይ ጳላዳሲ ካሴይሳዳ ኦሳና ሜላ ኢያ አይቺደሶና።

9 ጳላዳሲ አሳ ዛሬዲ፥ «ታኒ ሂንቲው አይሁዴታ ካዉዋ ቢላናይሳ ኮዩቲ?» ያጊዲ አይቺሰ።

10 ሄሳ ኢ ጊዲይ፥ «ካሂኔ ሃላቃቲ ይሱሳ ቃናቲዲ አሌ ኢሚዳይሳ ኤሪያ ጊሾሳ።

11 ሺን ካሂኔ ሃላቃቲ ይሱሳ ጊሾ ባርባና ቢላናዲ፥ ሄ ሺቁዳ አሳይ ጳላዳሳ ዋሳና ሜላ አሳ ማቁደሶና።

12 ጳላዳሲ ዛሬዲ፥ «ያቲን፥ ሃ ሂንቲ አይሁዴ ካዎ ጌይሳ ዋቶ?» ያጊሰ።

13 አሳይ ጳላዳሳ ቦላ ዋሲዲ፥ «ማሰቃሊያ ቦላ ኢያ ካቃ» ያጊደሶና።

14 ጳላዳሲ አሳኮ፥ «አይሰ? ኢ አይ ኢታባ ኦሌዴ?» ያጊሰ።

ሺን አሳይ ካሴይሳፌ ጉጂ ዋሲዲ፤ «ማስቃሊያ ቦላ ኢያ ካቃ» ያጊደሶና።

15 ጰላያሲ አሳ ኡፋይሳናው ኮዪዲ፤ ባርባና አሳሰ ቢሊሰ፤ ያቲዲ ሊሶን ዩሱሳ ጋራፊዲ፤ ማስቃሊያ ቦላ ካቃና ሜላ ኤንታው አላ ኢሚሰ።

ዎታዳሬቲ ዩሱሳ ቶቺደሶና (ማቶ 27:27-31፤ ዮሃ 19:2-3)

16 ሄሳፌ ጉዬ፤ ዎታዳሬቲ ዩሱሳ ዳሪያ ሃሬይሳ ኦሶ ኬሳ ኤኪ ኤፊዲ፤ ሃራ ዎታዳሬታ ኡባ ኢሲፌ ያጊደሶና።

17 ቃሲ ዘዎ አፊላ ኢያ ማይዚደሶና፤ እጉንላ ካላቻ ጊጊሲዲ፤ ኢያ ሁዔን ዋሊደሶና።

18 ሄሳፌ ጉዬ፤ ኢያኮ፤ «አይሁዳታ ካወቀው ሚሪናው ካዎታ» ያጊደዲ፤ ኢያው ዘጊደሶና።

19 ኢያ ሁዔን ፃምዓን ሾጪደሶና፤ ቃሲ ኢያ ቦላ ጩቲደሶና፤ ጉልባቲዲ ኢያው ጎይኒደሶና።

20 ኢያ ቶቺዳይሳፌ ጉዬ ዘዎ አፊላ ኢያፕቲ ቃሪ ኤኪዲ፤ ኢያ አፊላ ኢያ ማይዚዲ ማስቃሊያ ቦላ ኢያ ካቃናው ኤኪ ኤፊደሶና።

ዩሱሳ ካቂደሶና (ማቶ 27:32-44፤ ሉቃ 23:26-43፤ ዮሃ 19:17-27)

21 ኤንቲ ቢቪ፤ ኢሰኪንዲሬኔ ሩፎሳ አዎ፤ ሲሞና ጊያ ቁሬና ቢታ አሲ፤ ጋዓሬፔ ካታማ ዩይሳሬ ጋሃቲዲ፤ ዩሱሳ ማስቃሊያ ዋልቃን ቶሲደሶና።

22 ያቲዲ ጎልጎታ ጊያ ቤሳ ዩሱሳ ኤፊደሶና። «ጎልጎታ» ጉሳይ «ሁዔ ጉጌ» ጉሱ።

23 ሳኮይ ሰዔቶና ሜላ ካርቤ ጊያ ጳሌይ ዋላኬቲዳ ዋይኔ ኡዮ ጊዲ ኢያው አሚደሶና። ሺን ኢ ኡዮና ኢዲሰ።

24 ኤንቲ ማስቃሊያ ቦላ ኢያ ካቂደሶና። ኦና አይቢ ጋካኔኮ ጊዲ ኢያ አፊላ ሻኪዲ ሳማ ዩጊደሶና።

25 ኤንቲ ማስቃሊያ ቦላ ኢያ ካቂያ ዋዴ ዎንታፌ ሄዙ ሳቲ።

26 ኤንቲ፤ «አይሁዳታ ካወቀ» ያጊዲ ኢያ ሞቲያ ፀፌ ዓፊዲ ዋሊደሶና።

27 ዩሱሳራ ናምዑ ፓንጋታ ኢሱዋ ኢያፔ ኡሻቻ ባጋራ ሃንኩዋ ኢያፔ

ሃዲርሳ ባጋራ ማስቃሊያ ቦላ ካቂደሶና።

28 ጌሻ ማፃፋይ፤ «ኢታባ ኦሊዳ አሳታራ ኢ ፓይዴቲሰ» ጌቲቲዳይሲ ፖሌቲሰ።

29 ኦጊያራ አዲያ አሳይ ዩሱሳ ካዲዲ፤ ባንታ ሁዔን ቃሊዲ ጫዪደሶና፤ «ሄኮ! ያሳ ኬላ ላላዳ ሄዙ ጋላሳ ጊደን ኬፀይሶ፤ ኔ ሁዔን አሻ፤

30 እኔ ማስቃሊያ ቦላፌ ዎታ» ያጊደሶና።

31 ሃሳዳካ፤ ካሄኔ ሃላቃቲ ሃጊያ ታማርሴይሳታራ ኢሲፌ ዩሱሳ ቶቺዲ፤ «ሃራታ አሺሰ፤ ሺን ባና አሻናው ዳንዳዔና፤

32 ኦኒ ቤዒዲ አማናና ሜላ ኪሪሰቶሲ፤ ኢሰራዔሌ ካዎይ፤ እኔ ማስቃሊያ ቦላፌ ሃዒ ዎታ» ያጊደሶና። ቃሲ ሃሪ አቶሺን፤ ኢያራ ማስቃሊያ ቦላ ካቂቲዳይሳቲካ ኢያ ቶቺደሶና።

ዩሱሲ ሃይቁሰ (ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱፑን ሳቲፔ ደሚዲ፤ ኡዲፋን ሳቲ ጋካናው ቢታ ኡባይ ጳሚሰ።

34 ኡዲፋን ሳቲያን ዩሱሲ ባ ቃላ ቶቁ ኦሊዲ፤ «ኡሎሄ፤ ኡሎሄ፤ ሳማ ሳባቂታኒ?» ያጊሰ። ሄሳ ጉሳይ፤ «ታ ያሳው፤ ታ ያሳው፤ ታና አይሰ አጋዲ?» ጉሱ።

35 ሄሳን ኤቁዳ አሳፔ ኢሶይ ኢሶይ ሄሳ ሲዒዲ፤ «ሄኮ፤ ኤሊያሳ ፀጌሰ» ያጊሰ።

36 ሄ አሳፔ ኢሶይ ዎዒዲ፤ ኢሰፖንጄን ጫላ ዎይኔ ኩንሊሰ፤ ሄሳ ፃምዓ ዳራን ዋሊዲ፤ «ናጊቲ፤ ኤሊያሲ ማስቃሊያፔ ኢያ ዎታሳናው ያኔኮ እኔ ቤዖሰ» ያጊዲ ዩሱሳ ደናኮ ኡሻናው ሺሺሰ።

37 ዩሱሲ ባ ቃላ ቶቁ ኦሊ ዋሲዲ፤ ሃይቁሰ።

38 ያሳ ኬላን ካቂቲዳ ማጋራጃይ ቆሞፌ ዲጌ ጋካናው፤ ናምዑ ኬዪዲ ዳኬቲ ዎታሰ።

39 ማስቃሊያፔ ሲንላ ባጋራ ያን ኤቁዳ ኢሲ ማቶ ሃላቃይ፤ ዩሱሲ ዋኒዲ ሃይቁዳኮ ቤዒዳ ዎዴ «ሃ ኡራይ ቱማ ያሳ ናዓ» ያጊሰ።

40 ሄሳ ሃሆን ኤቂዲ ቤዲያ ጉሳ ማጫሳተ ዳያሶና። ኤንታ ጊደን ማግደላ ማይራማ፣ ካሉዋ ያይቆባኔ ዮሳ አያ ማይራማኔ ሳሎማ ዳያሶና።

41 ሄ ማጫ አሳተ ዩሱሲ ጋለላን ዳዲያ ዋዴ ኢያ ካሊዳይሳታኔ ኢያ ሞኪዳይሳታ ቃሲ ዩሱሳራ ኢሲፌ ዩሩሳላማ ቢዳ ሃራ ዳር ማጫ አሳተ ያን ዳያሶና።

ዩሱሲ ሞጌተስ

(ማቶ 27:57-61፤ ሉቃ 23:50-56፤ ዮሃ 19:38-42)

42-43 ሳዓይ ኦማርሲዳ ዋዴ ሸቂዳ አሳን ቦንቼተዳ አይሁዴ ቫንጎታፕ ኢሶይ፣ ዮሴፋ ጊያ ኡራይ፣ ያሳ ካዋቱላይ ያናይሳ ናጊሼ ዳዔይሲ፣ አርማተያሳ ካታማ አሲ ዳዔይሲ ደሰ። ዋንቱሌ ሳምባታስ ጊጌቲያ ጋላስ ጊዲዳ ጊሾ ዮሴፌ ማኒዲ ጳላያሳኮ ቢዲ፣ ዩሱሳ አሃ ኤካናው ዋሲስ።

44 ጳላያሲ ዩሱሲ ሃይቂዳይሳ ሲዲዳ ዋዴ ማለሌቲስ፤ ማቶ ሃላቃ ያጊዲ፣ «ኢ ሃይቂዲ ጋምዲዳ?» ያጊዲ ኦይቸስ።

45 ጳላያሲ ዩሱሲ ሃይቂዳይሳ ማቶ ሃላቃፕ ሲዲዲ ኢያ አሃ ዮሴፋስ ኢሚስ።

46 ዮሴፌ ሞሳ አፊላ ሻሚስ፤ ዩሱሳ አሃ ማስቃሊያፕ ዋሊዲ፣ አፊላን ፃዲዲ፣ ሹቻፌ ዋጩተዳ ዲፎ ጊደን ኢያ አሃ ሞጊስ። ቃሲ ሄ ዲፋዋ ደናን ጊታ ሹቹ ጎንደርሲዲ ዋሊስ።

47 ማግደላ ማይራማኔ ዮሳ አያ ማይራማ ዩሱሳ አሃ ኤንቲ አዉን ዋሊያኮ ቤያሶና።

16

ዩሱሲ ሃይቆፕ ዳንዲስ

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳምባታይ አዲዳፕ ጉዬ ማግደላ ማይራማ፣ ያይቆባ አያ ማይራማኔ ሳሎማ ቢዲ፣ ዩሱሳ አሃ ቲያናው ሺቶ ሻሚደሶና።

2 ዋጋ ዋዴ ዋንታ ዳር ጉራ ፃልቄይ ጫርሺን፣ ዲፋዋ ቢደሶና።

3 ኤንቲ ባንታ ጊደን ኢሶይ ኢሱዋራ፣ «ዲፋዋ ደናፕ ኑስ ሹቻ ኦኔ ጎንደርሲዲ ዲጋናይ?» ያጊዲ ኦይቲደሶና።

4 ኤንቲ ያሊያ ዋዴ ሄ ዳር ጊታ ሹቻይ ጎንደራቲዲ ኪቹዳይሳ ቤዲደሶና።

5 ዩሱሲ ሞጌቲዳ ዲፋዋ ጊደ ጌሊያ ዋዴ ኢሲ ፓንሳ አዴይ ቦላ ማዖ ማዲዲ፣ ኡሻቻ ባጋራ ኡቲዳይሳ ቤዲዲ ዳጋሚደሶና።

6 ሺን ኢ ኤንታኮ፣ «ዳጋሞፊቲ፤ ማስቃሊያ ቦላ ካቂቲዳ፣ ናዚሬቲ ዩሱሳ ሂንቲ ኮዬይሳ ታኔ ኤራይስ። ኢ ሃይሳን ዳና፣ ሃይቆፕ ዳንዲስ። ኤንቲ ኢያ ሞጊዳ ቤሳ ሃይሳ ቤዲቲ።

7 ሃዲ ቢዲ ዩሱሳ ታማሬታሲኔ ጳዲርሳስ፣ «ዩሱሲ ሂንቲፌ ሲንላቲዲ ጋለላ ቤስ። ኢ ሂንቲው ኦዲዳይሳዳ ሂንቲ ኢያ ያን ቤዓና» ያጊዲ ኦይቲ» ያጊስ።

8 ማጫሳቲ ያሻን ኮኮሪሼ ዲፋዋፕ ኬዪዲ ባቃቲደሶና። ቃሲ ኤንቲ ያዪዳ ጊሾ ሄሳ ኦይሰካ አይኮካ ኦዲቦኮና። *

ዩሱሲ ማግደላ ማይራሚስ ቤንቲስ

(ማቶ 28:9-10፤ ዮሃ 20:11-18)

9 ዩሱሲ ሃይቆፕ ዳንዲዳፕ ጉዬ ዋጋ ጋላስ ዋንታ፣ ላፑን ቱና አያናታ ኬሲዳ ማግደላ ማይራሚስ ኮይርቲዲ ቤንቲስ።

10 ኢያ ባዳ ካሴ ኢያራ ዳዔይሳታስ፣ ኤንቲ አዛጊሼኔ ዩኪሼ ዳዔሺን ኦዳሱ።

11 ሺን ዩሱሲ ፓዖ ዳዔይሳኔ ኢው ቤንቲዳይሳ ኤንቲ ሲዲዳ ዋዴ ኢያ ጌይሳ አማኒቦኮና።

ዩሱሲ ናምቡ ባ ታማሬታስ ቤንቲስ

(ሉቃ 24:13-35)

12 ሄሳፌ ጉዬ፣ ኤንታፌ ናምዓቲ ካታማፕ ኬዪዲ ቢሺን፣ ኦጌ ቦላ ዩሱሲ ካሴይሳፌ ዲማቲዲ ኤንታው ቤንቲስ።

15:41 ሉቃ 8:2-3 16:7 ማቶ 26:32፤ ማር 14:28 * 16:8 ኢሲ ኢሲ ቤኒ ማፃፋቲ ማርቆስ ዋንጌላ ፓይዶ 8 ቦላ ኤሶሶና። ቃሲ ኢሲ ኢሲ ማፃፋቲ ፓይዶ 9-20 ጋካናው ዳዲያ ቆፋ ጉጃኮና። ጊደሺን፣ ፓይዶ 8 ካሊዲ ዳዲያ ጉጃሶና። ሄሳካ [ማጫሳቲ ቢዲ፣ ኪታንቾይ ኦዲዳባ ኦባ ጳዲርሳኔ ኢያራ ዳዔይሳታስ ቃንሳን ኦዲደሶና። ሄሳፌ ጉዬ፣ ዩሱሲ ባ ታማሬታ ጌሺኔ ሜሪና አቶቲላ ዋንጌላ ኪታ ደሎሃፕ ጫሎሃ ጋካናው ኪቲስ።]

13 ኤንቲ ጉዬ ሲሚዲ፥ ሃራታስ ኦዲዶሶና፥ ሺን ሃራቲካ ኤንታ ኦዲ ቱማ ጊቦኮና።

ዩሱሲ ታማኔ ኢሲ ባ ታማሬታስ ቤንቲስ

(ማቶ 28:16-20፤ ሉቃ 24:36-49፤ ዮሃ 20:19-23፤ ሃ.አ 1:6-8)

14 ጉዬፔ ታማኔ ኢሲ ኢያ ታማሬቲ ካሊ ሚሺን፥ ዩሱሲ ኤንታው ቤንቲስ። ኤንታው አማኖይ ባይና ጊሾኔ ሃይቆፔ ኢ ዴንዲዳይሳ ቤዒዳ አሳይ ኦዲን ኤንቲ አማኖና ኢዲዳ ጊሾ ኢ ኤንታ ቦሪስ።

15 ኢ ኤንታኮ፥ «ቢታ ኡባ ቢዲ አሳ ኡባስ ዋንጌላ ኦዲቲ።

16 አማኔይኔ ፃማቄቴይ አታና፥ ሺን አማኖናይ ፐርዴታና።

17 አማኔይሳታስ ሃ ማላታቲ አሜታና። ኤንቲ ታ ሱንፋን ቱና አያናታ ኬሳና፥ ኦራፋ ዶናን ኦዴታና።

18 ኤንቲ ሾሹ ኦይኪኮካ ዋይኮ ዋዲያባ ኡዩኮካ ኤንታ ቆሄና። ቃሲ ኤንቲ ባንታ ኩሺያ ሃርጋንቾታ ቦላ ዋሊዲ ኤንታ ፓፋና» ያገሰ።

ዩሱሲ ፑዴ ሳሎ ኬዩስ (ሉቃ 24:50-53፤ ሃ.አ 1:9-11)

19 ጎዳይ ዩሱሲ ታማሬታራ ኦዲቲዳፔ ጉዬ ፑዴ ሳሎ ኬዩስ፤ ያሳፌ ኡሻቻ ባጋራ ኡቲስ።

20 ኢያ ታማሬቲ ቢዳሶ ኡባን ቃላ ኦዲዶሶና። ጎዳይካ ኤንታራ ኢሲፌ ኦሌስ። ኤንቲ ኦዲያ ቃላይ ቱማ ጊዲዳይሳ ያሳይ ኤንታው ኢሚያ ማላታታን ኤሪሲስ።

ሉቃስ ዓፊዳ ዩሱስ ኪሪስቶስ ዋንጌላ ጋሳ ቆፋ

ዩሱስ ደራዳ ታማኔ ናምዑ ሃዋሪታ ጊደን ሉቃስ ዳና። ሉቃስ ዋንጌላይ፣ ዩሱስ ኮይሮ ናቤታ ደናን ያና ጌቴቲዲ ኦዴቲዳይሳ፣ ኢስራዔሊቲ ካሴፕ ናጊሼ ዳዒዳ «ኪሪስቶስ» ጊዳይሳኔ እሳ ዜሬሊ ኡባ እሼይሳ ጊዳይሳ ቆንጨሴስ። ሉቃስ፣ ባ ማፃፋን ዩሱስ፣ «ማንቆታስ ዋንጌላ ሳባካናው» ባ እዋፕ ከቲቲዳይሳ ጊዳይሳኔ ሄ ዋንጌላይ አሳስ ዳዒያ ዲማ ዲማ ማቲዋፕ ኬሴሳ ጊዳይሳ ኦዴስ። ሉቃስ ዋንጌላ ጊደን፣ ዩሱስ የሳባ ኦዲያ ኮይሮ ሼምፖታኒኔ ዩሱስ ፑዴ ሳሎ ኬዩዳይሳ ኦዲያ ወርሴሳ ሼምፖታን ቆንጨዲ ኦዴቲዳይ ኡፋይሳባ። ዩሱስ ሳሎ ኬዩዳይ ጉዬ እማሮይ ዋኒዲ ዲጨዳኮኔ ዳልጊዳኮ ኦዲያ ታሪኪያ ሃ ዋንጌላ ዓፊይ ሃዋሪታ ኦሶ ማፃፋን ዓፊስ።

ከታንቸታ ማዘውሪያባ፣ ዩሱስ ዩሌቲዳ ዋዴ ሄንሳቸቲ ቢዲ ቢዒዳይሳ ኦዲያ ታሪኪይ፣ ዩሱስ ናዓቲሳን ያሳ ኬሊ ቢዳይሳ፣ ቃጴቲያ ሳማሪ አዲያባኔ ቆዩዲ ቤንቲዳ ናዓባ ኦዲያ ታሪኪይ፣ ሉቃስ ዋንጌላ ዓላላን ቤንቲያ ታሪኪይ። ሉቃስ ዋንጌላን ጋፃፕ ጋፃ ጋካናው ዳዒያ ዋና ቆፋቲ ዋሳባ፣ ጌሻ አያናባ፣ ዩሱስ ኦሱዋ ጊደን ማጨሳታስ ዳዒያ ቤሳኔ ያሳይ ናጋራ ማሪይሳ።

ሉቃስ ዋንጌላ አይፌ ቆፋታ
ጌሎ ቆፋ 1:1-4
9ማቂያ የሃኒሳኔ ዩሱስ ዩሌቲሳ 1:5-2:52
9ማቂያ የሃኒሳ ኦሱዋ 3:1-20
ዩሱስ ዊንቃቲያኔ ፓጨቴሳ 3:21-4:13
ዩሱስ ጋሊላን ኦሊዳ ኦሱዋ 4:14-9:50
ጋሊላፕ ዩሩሳላማ ጋካናው 9:51-19:27
ወርሴሳ ሳሚንታ ዩሩሳላማ ሄራን 19:28-23:56
ሃይቆፕ ዳንድ፣ ቆንጨጻኔ ሳሎ ኬሳ 24:1-53

1 ቦንቾ ቴዎሬሎሳ፣ ኑ ጊደን ፖሊቲዳባስ ዳርቲ፣ ባንታው ዳንዳዒቲዳ ሜላ ዓፊደሶና።

2 ሄ ታሪኪያ ኤንቲ ዓፊዳይ ኮይሮፕ ደሚዲ አይፌ ማርካቲኔ ቃላ ሃጋዜይሳቲ ኦስ አዲዳይሳ።

3 ታካ ታ ባጋራ ኮይሮፕ አኬካ ያሊዳፕ ጉዬ ሄ ታሪኪያ ሃናታ ማራያዳ ኔው ዓርይ ታው ሎፖ ጊዲ ቤንቲስ።

4 ሄሲካ፣ ኔ ታማሪዳባይ ቱማ ጊዳይሳ ኤሪሳናሳ።

9ማቂያ የሃኒሳ ዩሌቲሳ
5 ዩሁዳ ካወዋ ሄርዲሳ ዋዴ እቢያ ያራፕ ጊዲዳ ዛካሪያሳ ጊያ አይሁዴ ካሂኔይ ዳዒስ። ኢያ ማቺያካ አርና ሼሻፕ። ኢ ሱንሳይካ ኤልሳቤያ።

6 ናምዳይካ ጎዳ ዋጋኔ ኪታ ኡባ ናጊዲ ቦሬይ ባይና ያሳ ሲንሳን ዊሎቲሳን ደዒደሶና።

7 ሃናፕ ኦቲን ኤልሳቤያ ማይንሊ ጊዲዳ ጊሾ ኤንታው ናዒ ባዋ። ናምዳይካ ቃሲ ጨሚደሶና።

8 ኢሲ ጋሊስ ዛካሪያሲ ባ ጊሹዋ ማራን ያሳ ሲንሳን ካሂኔቲሳን ሃጋዜስ።

9 ካሂኔቲሳ ዋጋን ያሳ ኬሊ ጌሊዲ ኢፃኔ ጨዩሳናው ኢያ ሳሚ ጋኪስ።

10 ኢፃኔይ ጨያ ዋዴ አሳይ ካሬን ዋሴስ።

11 ጎዳ ከታንቸይ ያርሹዋ ያርሼያ ቤሳፌ ኡሻቻ ባጋራ ኤቁዲ ቤንቲስ።

12 ዛካሪያሲ ኢያ ቤዒዳ ዋዴ ዳጋሚዲ ዳር ያዩስ።

13 ሺን ከታንቸይ ኢያኮ፣ «ዛካሪያሳ ያዮፋ፤ ኔ ዋሳይ ሲዒቲስ። ኔ ማቺያ ኤልሳቤያ አዴ ናዓ ዩላና፣ ኢያ የሃኒሳ ጋዳ ኔ ሱንሳና።

14 ኢ ኔው ኢንጄኔ ኡፋይሲ ጊዳና፤ ዳርቲ ኢያ ዩሌቲሳን ኡፋይታና።

15 ጎዳ ሲንሳን ኢ ጌታ ጊዳና፤ ዋይኔ ኡሻ ጊዲን ሃራ ማላያ ኡሻ ኡዬና። ባ አዬ ኡሎን ዳዒሼ ጌሻ አያናን ኩማና።

16 ኢስራዔሌ አሳታፕ ዳርታ ባንታ ጎዳ፣ ያሳኮ ዛራና።

17 እዋታ ዋዛና ናይታኮ ዛራና፣ ከቲቶናይሳታ ዊሎታ ጨንጫቴሳኮ ዛራና ሜላ፣ ጎዳስ ቤሲያ ዳሬ ገሊሳናው ኤሊያሳ አያናኔ ዋልቃን ጎዳ ሲንሳን ሳና» ያገሰ።

18 ዛካሪያሲ ከታንቸዋኮ፣ «ታ ሄሳ አይቢን ኤራኔ? ታራኔ ታ ማቺራ ጨሚዳ» ያገሰ።

19 ኪታንቸይ ዛሪዲ፥ «ታኒ ያሳ ሲንላን ኤቂያ ጋብራሌ። ሃ ሚሺራቸዋ ኔው ኦዳናው ያሳፊ ኪቲታሰ።

20 ሄኮ፥ ዋዲያ ናጊዲ ፖሊቲያ ታ ቃላ ኔ አማኖና ኢዲያ ጊሾ ሃይሲ ፖሊታና ጋካናው ኔኒ ሙሚ ጊዳና፥ አዴታናወካ ዳንዳዓካ» ያገሰ።

21 ሄ ዋዴ ዛካሪያሲ ያሳ ኬላ ጌሊዲ ጋምዲዳ ጊሾ አይቢ ሃኒዴ ጊዲ አሳይ ካሪን ናጊሼ ጋምዲሰ።

22 ኢ ካሪ ቤዱዲ ኤንታና አዲሳናው ዳንዳዳቤና፥ ማሊ ቤሶፕ አቲን ኦዴታናው ዳንዳዳይሳ ቤዲዳ ዋዴ ቆንጨፍላ ቤዲዳይሳ ኤሪደሶና።

23 ዛካሪያሲ ሃጋዘ ዋዲያ ፖሊዲ ባ ሶ ሰሚሰ።

24 ሄሳፊ ጉዬ፥ ኢያ ማቸያ ኤልሳቤፃ ቃንላታሱ። ኢቻሹ አኒና ከሚላ ባና ጌንላዳ ጋምዲሰ።

25 ኢያ፥ «ጎዳይ ባ ማርታን ታ ቦሪያ አሳ ጊደፊ ዲጋናው ቤዲዲ ሃ ዋዲያን ሃይሳ ኦሊሰ» ያገሱ።

ዬሱሳ ዬሌቴላይ ኮይርቲዲ አዴቲሰ

26 ኤልሳቤፃ ቃንላቲን ኡሱፑንላ አኒና፥ ያሳይ ኪታንቸዋ ጋብራሌ ጋለላ ቢታን ዴዲያ ናዘራቴ ካታማ ከቲሰ።

27 ካወዋ ዳዊቲ ሹሻፕ ጊዲዳ ዮሴፋ ጌያ ኡራሰ አይሹቲዳ ጌላዔኮ ከቲሰ። ሄ ጌላዔያ ማይራዋ ጌቲታወሱ።

28 ኪታንቸይ ኢኮ ቢዲ፥ «ዳር ደሱቲዳሬ፥ ሳርይ ኔው ጊደ፥ ያሳይ ኔራ ዴዲሰ» ያገሰ።

29 ማይራማ ኢያ ኦዳን ዳር ዳጋማዳ፥ «ሃይሲ አይቢ ሳርሶ» ጋዳ ሄታሱ።

30 ኪታንቸይ ዛሪዲ፥ «ማይራሜ፥ ባቦፋ፤ ኔኒ ያሳ ሲንላን ሳባ ዴማዳሳ።

31 ሄኮ ኔኒ ቃንላታና አዴ ናባ ዬላና፥ ኢያ ሱንላካ ዬሱሳ ጋዳ ሱንላና።

32 ኢ ጌታ ጊዳና፥ ኡባፊ ቦላ ያሳ ናባ ጌቲቲ ጸጌታና። ጎዳ ያሳይ ኢያ አዋ ዳዊቲ አራታ ኢያው አማና።

33 ኢ ያይቆባ ሹሻ ቦላ ሜሪናው ካዋታና፤ ኢያ ካዋቲላሰ ዛዋ ባዋ» ያገሰ።

34 ማይራማ ኪታንቸዋኮ፥ «ሄሲ ዋኒዲ ሃናኔ? ታ አዴ ኤሪኬ» ያገሱ።

35 ኪታንቸይ ዛሪዲ፥ «ጌሻ አያናይ ኔ ቦላ ዋዳና፥ ኡባፊ ቦላ ያሳ ዋልቃይ ኔ ቦላ ኩያታና። ሄሳ ጊሾ፥ ዬሌቲያ ጌሻ ናባይ ያሳ ናባ ጌቲታና።

36 ሄኮ፥ ኔ ዳቢያ ኤልሳቤፃ ባ ጨማቴላ ላይላን አዴ ናባ ቃንላታሱ። ኢያ ማይንላ ጌቲቲዳር፥ ሺን ሃዲ ኡሱፑንላ አኒና አይካሱ።

37 ያሳ ያኒያባይ ባዋ» ያገሰ።

38 ማይራማ፥ «ሄኮ፥ ታኒ ጎዳ አይሊው፥ ኔ ቃላዳ ታው ሃና» ያገሱ። ሄሳፊ ጉዬ፥ ኪታንቸይ ኢፕ ሻኬቲሰ።

39 ማይራማ ሄ ሳሚንታን ዳንዳዳ ዪሁዳ ቢታን ዴዲያ ኢሲ ጌዜ ካታማ ባሱ።

40 ዛካሪያሳ ሶ ጌላዳ ኤልሳቤፃ ሳርሳሱ።

41 ኤልሳቤፃ ማይራሚ ሳርሶ-ዋ ሲዲዳ ዋዴ ኢ ኡሉዋን ዴዲያ ናባይ ኡፋይሳን ጉፒሰ። ኤልሳቤፃ ጌሻ አያናን ኩማዳ፥

42 ባ ቃላ ቶቁ ኦላዳ፥ «ኔኒ ማጫሳ ጊደፊ አንጃቲዳር፥ ኔ ቃንላቲዳ ናባይካ አንጃቲዳይሳ።

43 ሃናሺን፥ ታ ጎዳ አዬ፥ ኔኒ ታኮ ያና ሚላ ታኒ ኦኔ?

44 ሄኮ ኔ ሳርሶ-ዋ ታ ሲዲዳ ዋዴ ታ ኡሉዋን ዴዲያ ናባይ ኡፋይሳን ጉፒሰ።

45 ጎዳይ ፖላና ጊዲ አሚዳ ቃላ አማኒዳራ፥ ኢያ አንጃቲዳር» ያገሱ።

ማይራሚ ማዘሙሪያ

46 ማይራማ ሃይሳዳ ያገሱ። «ታ ሺምፒያ ጎዳ ቦንቻወሱ፥

47 ታ አያናይ ጳሊያ ያሳን ኡፋይቲሰ።

48 ኢ ባ አይሌ ካወሻቴላ ቤዲሰ። ሃቸፊ ደሚዲ ዬሌቴላ ኡባይ ታና አንጃቲዳር ጋና።

49 አይሰ ጊኮ፥ ዋልቃማ ጊዲዳ ኢ፥ ታው ጌታባ አሊሰ።

ኢያ ሱንላይ ጌሻ።

50 ኢያ ቦንቹይሳታ ቦላ፥ ኢያ ማርቲላይ ሜሪናፕ ሜሪና ጋካናሳ።

51 ባ ቄሲያን ሚኖባ አሊሰ፥ ባንታ ዋዛናን ኡቶርቴይሳታ ሳሊሰ።

52 ዋልቃማ ካዋታ አራታፕ ካወሺሰ፤

ባንታና ካወሺዳይሳታ ካቦይሰ።

53 ኮሻቲዳይሳታ ሎጾባን ካልሲስ፥
 ሸን ዱሬታ ሜላ ኩሼ ዬዲሰ።
 54 ባ ማርታ ቆፒዲ፥
 ባ አይሊያ ኢስራዔል ማዲሰ።
 55 ሄሲካ ኑ አዋታስ ኦዲዳ ቃላ፥
 አብራሃሜሰኔ ኢያ ሼሻሰ
 ጊዳይሳ ሜሪናው ፖላናሳ»

ያጋሱ።
56 ማይራማ ኤልሳቤዳ ማታን ሄዡ አጌና ሜላ ጋምዳዳ ባ ሶ ሲማሱ።

9 ማቂያ ዮሃንሳ ዬሌቴላ
57 ኤልሳቤዳስ ዬሎ ቃማይ ጋኪን አዳ ናዓ ዬላሰ።

58 ኢ ሸሮቲኔ ኢ ዳቦቲ ጎዳይ ጊታ ማርታ ኦሊዳይሳ ሲዒዲ፥ ኢራ ኢሲፌ ኦፋይቲደሶና።

59 ሆሰፑንላ ጋላሳን ዮጋ ናዓ ቃግራናው ዪደሶና። ኢያ አዋ ሱንላን ዛካሪያሳ ጊዲ ሱንላናው ኮዪደሶና።

60 ሸን አያ፥ «አካይ፥ ዮሃንሳ ጌቲታናው ቤሴስ» ያጋሱ።

61 ኤንቲካ፥ «ኔ ዳቦታፔ ሃ ሱንላን ያጌቲዳይ ኦኒካ ባዋ» ያጊደሶና።

62 ኢያ አዋይ እና ጊዲ ሱንላኩ ጌራናው ኮዪዲ ኢያ ማላ ኦይቸደሶና።

63 ኢ ዓፊያባ ኦይቸ ኤኪዲ፥ «ኢያ ሱንላይ ዮሃንሳ» ጊዲ ዓፊሰ። አባይ ኢ ዓፊዳይሳ ቤዒዲ ማላሌቲደሶና።

64 ኢራ ዛካሪያሳ ኢንግርሳይ ቢሌቲስ፥ ያሳ ጋላቲሼ ኦዴቴላ ኦይኪስ።

65 ሸሮቲ ኡባይ ያሻን ኩሚደሶና። ሃ ሃኒዳባይ ጌዜ ዪሁዳ ቢታን ኦዴቲስ።

66 ሄሳ ሲዒዳ ኡባይ፥ «ሃ ናዓይ አይ ሃናንዴሻ» ጊዲ ባንታ ጊደን ኦዴቲደሶና። ጎዳ ኩሼይ ኢያራ ዴዔስ።

ዛካሪያሳ ማዘሙሪያ

67 ዮሃንሳ አዋይ ዛካሪያሲ ጌሻ አያናን ኩሚዲ ሃይሳዳ ያጊዲ ቲንቢቲ ኦዲሰ።

68 «ኢስራዔሊያ ጎዳይ ጋላቴቶ፥ ዪዲ ባ አሳ ዋዚሰ።

69 ባ አይሊያ ዳዊቲ ኬላን አቶቴላ ካጨያ ዴንላሰ።

70 ሄሲካ ቤኒ ዋዴ ጌሻ ናቤታ ዶናን ኦዴቲዳይሳ ሜላ፥

71 ኢያ አሾይ ኑ ሞርኬታፔኔ ኑራ ኤቁቲያ ኡባ ኩሺያፔ።

72 ሄሳ ኢ ኦሊዳይ ኑ አዋታስ ባ ማርታ ሴሳናሲኔ፥
ባ ጌሻ ጫቁዋ ናጋናሳ።

73 ኑ አዋ አብራሃሜሰ ጫቁዳ ጫቁዋ ቆፓናሲኔ

74 ኑ ሞርኬታ ኩሼፔ ኬሲዲ ያሺ ባይና ኢያ ሃጋዛና ሜላሳ።

75 ኑ ላይላ ኡባን ጌሻቴላኒኔ ዪሎቴላን ባ ሲንላን ኑና ኤሳናሳ።

76 ቃሲ ላ ናዓው፥ ኔኒ ኡባፌ ቦላ ያሳ ናቤ ጌቲታና።

ጎዳ ኦጊያ ሎይላናው ኔ ኢያ ሲንላን ባና።

77 ኤንታ ናጋራይ ቁሼቲን፥ ኤንቲ አቶቴላ ዴማናይሳ ኔ ጎዳ ዴሪያስ ኦዳና።

78 ኑ ያሳ ሎጾ ማርቴላፌ ዴንደይሳን ዋንታ ዓልቄይ ኑስ ሳሉዋፔ ኬዪሰ።

79 ሄሲካ ቆሚኒኔ፥ ሃይቆ ኩያ ጋርሳን ዴዔይሳታስ ፖዒሳናሳ፥
ኑ ቶሁዋካ ሳር ኦጊያኮ ዛራናሳ»

ያጊሰ።

80 ናዓይ ዲጨሰ፥ አያናን ሚኒሰ፥ ኢስራዔሌ አሳስ ቆንጫና ጋካናው ባዘ ቢታን ዴዒሰ።

2

ዬሱሳ ዬሌቴላ (ማቶ 1:18-25)

1 ሄ ዋዴ ሮሜ ቢታን ዴዒያ አሳ ኡባይ ታይቤታና ሜላኔ ሱንላይ ዓፊታና ሜላ ካዋይ አዉጊስጾሲ ኪቲስ።

2 ሄሲካ ቁሪናሲ ሶሬ ቢታ አይሲያ ዋዴ ኦሴቲዳ ኮይር ታይቡዋ።

3 ሄሳ ጊሾ፥ ኢሲ ኢሲ አሲ ባ ሱንላ ዓፊታናው ባ ዬሊቲዳ ቢታ ቢስ።

4 ዮሴፊካ ዳዊቲ ኩላፌኔ ያራፔ ጊዲዳ ጊሾ ጋለላ ናዚሬቲ ካታማፔ ዴንዲዲ ዳዊቲ ካታማ ጊዲዳ ዪሁዳ ቤቴሌሜ ቢስ።

5 ቢሼ፥ ዬላናው ዋዴይ ዉሪዳ ኢ ኦይቸ ዋሲዳ፥ ማይራሚራ ዋላ ዓፊታናው ቢስ።

6 ኤንቲ ያን ዴዒሺን ኢው ዬሎ ዋዴይ ጋኪስ።

7 ባ ባይራ ናባ ዩላሱ። ጨርቃራ ፃፃዳ አማላ። አቋያሶን ቤሲ ጳዩዳ ጊሾ ደራን ማሄ ሙዚያ ጎንጌን ዚንዒሳሱ።

ሄንጻንቸታኔ ኪታንቸታ

8 ሄ ጋዲያን ቃማ ደርሳ ወዲያ ናጊሼ ካሪን አቋያ ሄንጻንቸቲ ዳዎሶና።

9 ጎዳ ኪታንቸይ ሃሳዮና ዩዲ ኤንታ ማታን ኤቁስ። ጎዳ ቦንቸይ ኤንታ ዩሹቀን ፖሊስ፤ ኤንቲካ ዎልቃማ ያሺ ያዩደሶና።

10 ሺን ኪታንቸይ፣ «ያዮፊቴ! ሄኮ፣ አሳ ኡባስ ጊዲያ ጊታ ኡፋይሳ ሚሺራቸዎ ኤካዳ ያስ።

11 ሄሲካ፣ ዳዋቲ ካታማን አሼይሲ ሂንቲው ሃቺ ዩሌቲስ። ኢ ጎዳ ኪሪስቶሳ።

12 ዘቃሌ ናባይ ጨርቃራ ፃፃተዲ ጎንጌን ዚንዒዳይሳ ሂንቲ ዳማና፤ ሄሲካ ሂንቲው ማላ ጊደ» ያጊሰ።

13 ቆፖና ዳር ሳሎ ኪታንቸቲ ኪታንቸውራ ኢሲፊ ቆንጨዲ፣

14 «ቦንቸይ ያሳስ ቋቃ ሳሎቀን፣ ሳርይ ቢታ ቦላ ያሳይ ደሲያ አሳስ ጊደ» ያጊዲ ጋላቲደሶና።

15 ኪታንቸቲ ኤንታፊ ሻኬቲዲ ሳሎቀ ከዩዳፔ ጉዬ ሄንጻንቸቲ፣ «አኔ ጎዳይ ኑስ ቆንጨሲዳባኔ ሃኒዳባ ቤናናው ቤቱሌማ ቦስ» ያጊደሶና።

16 ኤንቲካ ኤሌሲዲ ቢደሶና። ማይራቆ፣ ዮሴፋኔ ዘቃሌ ናባ ጎንጌን ዚንዒዳይሳ ቤዒደሶና።

17 ቤዒ ሲሚዲ ናባባ ኤንታው ኦዴቶይሳ፣ ቆንጨሲዲ ሄ ቤሳን ዴዒያ አሳስ ማርካቲደሶና።

18 ሄሳ ሲዒዳ ኡባይ ሄንጻንቸቲ ኦዲዳይሳን ማላሌቲደሶና።

19 ማይራማ ሃኒዳባ ኡባ ባ ዎዛናን ቆፓሽ ዳዓሱ።

20 ሄንጻንቸቲ ኤንታው ኦዴቲዳይሳዳ ሃኒን ቤዒደሶና። ሄሳ ጊሾ፣ ባንታ ሲዒዳባሲኔ ቤዒዳባ ኡባስ ያሳ ቦንቸሼኔ ጋላቲሼ ሲሚደሶና።

ዩሱሳ ያሳ ኬሌ ኤፊደሶና

21 ሆሰቸንሳ ቃማን፣ ቃፃር ዎዴይ ጋከን፣ ኢ ቃንሳታናፔ ሲንሌ ኪታንቸይ ዎሊዳ ሱንሳን ዩሱሳ ጌቲቲስ።

22 ሙሴ ዎጋ ማላ ኤንታ ጌሻቲላ ዎዴይ ፖሊቲዳፔ ጉዬ ዮሴፋራኔ ማይራሚራ ዮጋ ናባ ባንታ ጎዳስ ኢማናው ዩራሳላሚ ቢደሶና።

23 ሄሲካ፣ ጎዳ ዎጋን፣ «አዴ ጊዲዳ ባይራ ናባ ኡባይ ጎዳስ ደማቲዳይሳ ጊደ» ጌቲቲዲ ፃፊቲዳይሳ ፖላናሳ።

24 ቃሲ ጎዳ ዎጋን፣ ናሞቡ ኩራቸ ዎይኮ ሆሌ ያርሻናው ኤፊደሶና።

25 ሄ ዎዴ ጌሺኔ አማናራ ሚኖ ጊዲዳ ሲሞና ጌቲቲያ አሲ ዩራሳላሚን ዴዔስ። ኢ ኢሰራዔሌታ አቶቲላ ናጊሼ ዴዔስ። ጌሻ አያናይካ ኢያ ቦላ ዴዔስ።

26 ቃሲ ኪሪስቶሳ ቤያና ሃይቆናይሳ ጌሻ አያናይ ኢያው ቆንጨሲን ኤሪዲ ዴዔስ።

27 ኢ ሄ ጋላስ አያናይ ካሌሊን ያሳ ኬሌ ቢስ። ናባ አዩራኔ አዎራ ዎጋ ፖላናው ዮጋ ናባ ዩሱሳ ኤኪዲ ጌሊዳ ዎዴ

28 ሲሞኒ ሞኪ ኤኪዲ ናባ ኢዲሚዲ፣

29 «ጎዳው ኔ ታው ጌሊዳ ቃላ ማላ፣ ሃዒ ኔ አይሊያ ሳርን ሞይዛ።

30 ታ አይፌይ አሳ ኡባ ሲንሳን ኔ ጊሲዲ፣

31 ኔ አሹዎ ቤዒስ።

32 ሄሲካ ካዎቲላታ ኡባስ፣

ያሳ ኦጊያ ቆንጨሲያ ፖዖ፣ ኔ አሳ ኢሰራዔሌስካ ቦንቸ» ያጊዲ ያሳ ጋላቲስ።

33 ዮሴፋራኔ ማይራሚራ ኢያው ኦዴቲዳባን ማላሌቲደሶና።

34 ሲሞኒ ኤንታ አንጂስ። አዬ ማይራሚኮ፣ «ሄኮ ዳር አሳ ዎዛና ቆፋይ ቆንጫና ማላ፣ ኢሰራዔሌን ዴዒያ ዳርታስ ኤንታ ኩንዳሳሲኔ ዴንዲዎስ ያሳን ደሬቲስ።

35 ቃሲ ኤቁቲይሳታስ ማላ ጊዳና። ኔ ሹሞቸዎራካ ቃሲ ማሺ አፋና» ያጊስ።

36 ቃሲ አሴራ ያራፔ ጊዲዳ ፋኑዔላ ናዒያ ሃና ጌቲቲያ ናቤይ ዴዓዉሱ። ኢያ ዳር ጨማሱ፤ ኢያ ባ ኮይር አዚናራ ላቸን ላይሌ ዴዓሱ።

37 ኢ አዚናይ ሃይቁን ሆሰቸን ታማኔ ኦይዲ ላይሌ ጊዳና ጋካናው ቃማኔ ጋላስ ፓጨይ ባይና ዎሳኒኔ ያማን ያሳ ኬላን ሃጋዛሱ።

38 ኢያሁሳ ሄሳታንን ባዳ ያሳ ጋላታሱ፤ ዩሩሳሌም ዋዜታ ሲሆን ከባሰ የጋና ባላ ማርካታሱ።

39 የሱፋራኔ ማይራሚራ ጎዳ ሂጊያን ከቴቲዳ ዋጋ ኡባ ፖሊዳ፤ ገዢ ጋላላ ቢታን ዳዲያ ባንታ ካታማ ሲሆን ስሚደሰና።

40 ናባይ ዲጪሽኔ ማረፊያ ቢሰ። ጪንጫቴላን ኩሚሰ፤ ያሳ እጾ ከሃቴላይ ኢያ ቦላ ዳዴሰ።

ዩሱሲ ያሳ ከሌ ቢሰ

41 የሱፋራኔ ማይራሚራ ፋሲካ ባሌ ቦንቻናው ላይላን ላይላን ዩሩሳሌም ቦሰና።

42 ዩሱሳስ ታማኔ ናምዑ ላይሌ ገዲያ ዋዴ ካሴ ማዜቲዳይሳዳ ባሊያ ቦንቻናው ቢደሰና።

43 ባሊያ ቦንቻና፤ ገዢ ሶ ሲሚያ ዋዴ ናባይ ዩሱሲ ዩሩሳሌምን አቲሰ። ሺን የሱፋራኔ ማይራሚራ ኢ ዩሩሳሌምን አቶይሳ ኤሪቦኮና።

44 ኢ ሶ ሲሚያ አሳራ ዋላ ዳዲያ ዳረን ኤንቲ ኢሲ ጋላሳ ኦጌ ቢደሰና። ኢ ባይናይሳ ኤሪዳ፤ ገዢ ባንታ ዳቦታኔ ላጌታ ማታን ኮዩደሰና።

45 ኢ ያን ጳዩን ኮዩሽ ገዢ ዩሩሳሌም ጋካናው ቢደሰና።

46 ሄዥ ጋላሳ፤ ገዢ ያሳ ከላን አሰታማሬታ ገደን ኡቲዲ ኤንታባ ሲዲሽኔ ኤንታ ኦይቸሽ ዳዲሽን ዳሚደሰና።

47 ኢያ ሲዲያ ኡባይ ኢያ አኩካኒኔ ዛርዋን ማላሊቲደሰና።

48 ሶ አሳይ ኢያ ዳሚዳ ዋዴ ማላሊቲደሰና። ኢያ እያካ፣ «ታ ናወ። አይሰ ኦና ሃይሳዳ አላዲ? ኔ አዋራኔ ታራ ኔና ኮዩሽ ኡንዴቲዳ» ያጋሱ።

49 ዩሱሲ ኤንታኮ፣ «ታና አይሰ ኮዩቲ? ታ፣ ታ አዋ ከላን ዳናው ቤሴይሳ ኤሪኬቲ» ያገሰ።

50 ሺን ኢ ኤንታኮ ገዳባ ኤንቲ አኩኪቦኮና።

51 ሃሳፌ ገዢ፣ ኤንታራ ኢሲፌ ናዚሬቲ ካታማ ቢሰ። ኤንታው ከቴቲሽ ዳዲሰ። ኢያ እያ ሄ ኡባ ባ ዋዛናን ዋላዳ ናጋሱ።

52 ዩሱሲ፣ ጪንጫቴላን፣ ጌሳኒኔ ቲማን ያሳ ሲንሳኒኔ አሳ ሲንሳን ዲጪሰ።

3

9 ማቀያ የሃረሳ ቲሚርቲያ (ማቶ 3:1-12፤ ማር 1:1-8፤ ዮሃ 1:19-28)

1 ካዋይ ዲባርዮሲ ሮሜ ቢታን ካዋቲን፣ ታማኔ ኢቻቫንሎ ላይላን፣ ጳጳጽ ጳሊዳሲ ዩሁዳ ሃሪያ ዋዴ ሄሮዲሲ ጋላላ ሃሪያ ዋዴ ኢያ እቫ ፊልጶሲ ኢጮሪያሳኔ ዊራኮንደሳ ሃሪያ ዋዴ ለሳኒዮሲ አብላኒሳ ሃሪያ ዋዴ

2 ሃሪራኔ ቃያፋራ ካሂኔ ሃላቃ ገዲ ዳዲሽን፣ ያሳ ቃላይ ዛካሪያሳ ናባ የሃረሳኮ ባዘ ቢታ ዩሰ።

3 የሃረሲ፣ «ሂንቲ ናጋራ፤ ሲሚቲኔ 9 ማቀቲ፣ ያሳይ ሂንቲ ናጋራ እቶ ጋና» ያገዲ ታማርሲሽ ዮርዳኖሴ ቫፋ ሄራን ዳዲያ ቢታ ኡባ ቢሰ።

4 ሄሲካ ናቤይ ኢሳያሲ ባ ማፃፋን፣

«ባዘ ገደን ባ ቃላ ጶቁ ኦሊዲ፣ ዋሲያ ኡራ ቃላይ፣

ኅሳዳ ኦጊያ ገገሲቲ፣ ሆሮጋካ ፒዲ ኦሊቲ።

5 እፎ ኡባይ ኩማና፣ ዙማይኔ ዳሬይ ዘቁ ጋና።

ዋቤ ኦጊይ ሉላና፣ ገሰና ሆሮጋይ ቁንፃ ጋና።

6 እቮ ማዲዳ ኡባይ፣ ያሳ እቸዋ ቤዳና »

ገዲ ያፊዳይሳዳ ሃረሰ።

7 የሃረሲ፣ ባ ኩሽን 9 ማቀታናው ዩዳ አሳኮ፣ «ሂንቲና፣ ሾቫ ናይቶ ያናው ዳዲያ ሃንቁዋሬ አታና ማላ ሂንቲና ዘሪዳይ ኦኔ?»

8 ሂዛ፣ ሂንቲ ሲሙዋ ቆንጪሲያ ሎዖ ኦሶ ኦሊቲ፣ ሂንቲ ዋዛናን፣ ሱሰ፣ ኑ አዋይ አብራሃሚይ ዳዴሰ ገዲ ጩቁቶፊቲ። ሃ ሲዲቲ፣ ሃ ሹቻታ፤ ያሳይ አብራሃሚሰ ናባ ኬሳናው ዳንዳዴሰ።

9 ሂኮ፣ በዩይ ማላ ያጸን ዳዴሰ። ሂዛ፣ ሎዖ አይፌ አይፎና ማላ ኡባይ ቃንፃቲዲ ታማን ዩጌታና» ያገሰ።

10 አሳይ፣ «ያቲን ኦኒ አይ ኦሊና?» ያገዲ ኦይቸደሰና።

11 የሃረሲ ዛሪዲ፣ «ናምዑ አፊሊ ዳዲያ አሲ ባይናይሳስ ኢሞ። ካሌ ዳዴይሲ ባይናይሳስ እሞ» ያገሰ።

12 ቃራፃ ቃንጻሴይሳት ፃማቁታናው ዩዲ፣ «አስታማሪያው፣ ኑኒ እይ አሊና?» ያጊደሰና።

13 ኢ ዛሪዲ፣ «ሃንቲ ቃንጻሳናው ከቲቶይሳፊ አሊዲ ኤኮፊቲ» ያጊሰ።

14 ቃሲ ዋታዳሬቲ ዩዲ፣ «ኑኒ እይ አሊና» ያጊዲ እይቸደሰና።

የሃሊሲ፣ «እዳባካ ዋልቃን ዳፊዲ ኤኮፊቲ፣ እናካ ዋርደን ሞቶፒቲ፣ ሃንቲ ዳሞዜይ ሃንቲው ጊደ፤ እፋይቲዲ ዳዒቲ» ያጊሰ።

15 አሳይ ከሪሰቶሳ ናጊሼ ዳዒያ ጊሾ የሃሊሳ፣ «ኢ ከሪሰቶሳ ጊዳንዳሻ?» ጊዲ ቆፒደሰና።

16 የሃሊሲ ኡባሰ ዛሪዲ፣ «ታኒ ሃንቲና ሃሳን ፃማቃይሰ፣ ሺን ታፔ እጁዲ ዋልቃሜይሰ ያና። ታኒ ኢያ ጫማ ዋደሩዋ ቢሳናው ቤሰና አሲ። ኢ ሃንቲና ጌሻ አያናኒኔ ታማን ፃማቃና።

17 ዉደማን ዳዒያ ካላ ፖሎ ጌሻናው ፒሌይ ኢያ ኩሼን ዳዒሰ። ጌሻ ካላ ባ ሻሊያን ቆላና፤ ካሊያ ጃየና ታማን ፀጋና» ያጊሰ።

18 ቃሲ የሃሊሲ አሳ ዳር ዘሬ ዘሪዲ ዋንጌላ * እዲሰ።

19 ሺን የሃሊሲ ሂርዲሲ ባ አሻ ማቸው፣ ሂርዲያዳ፣ ኤኪዳ ጊሾኔ ሃራ ኢታ ኦሶታ ጊሾ ካጪዳ ዋዳ

20 ሂርዲሲ ካሴይሳ ቦላ ሃራባ ኡባ ጉጁዲ የሃሊሳ ዋይኔ ጌልሲ።

ዩሱሳ ፃማቁታላ (ማቶ 1:1-17፤ 3:13-17፤ ማር 1:9-11)

21 የሃሊሲ ቃሽታናፔ ሲንሌ አሳ ኡባ ፃማቁዲ ሲሚን፣ ዩሱሲካ ቃሲ ፃማቁቲሰ። ኢ ዋሲሺን ሳሎይ ደዩቲሰ።

22 ጌሻ አያናይ ሆሌዳ ቤንቲሼ ኢያ ቦላ ኡቲሰ። ሳሎፔ «ታኒ ደሲያ ናዒይ ኔና፤ ኔ ታና እፋይሳሳ ያጊያ» ቃላይ ዩሰ።

23 ዩሱሲ ታማርሶ ኦይኪያ ዋዳ ኢያው ሃሰታው ላይሊ ጊዲሺን፣ አሳይ ኢያ የሴፋ ናዒ ጊዲ ቆፒሰ። የሴፊ ኤሌ ናዒ።

24 ኤሌይ ማቲ ናዒ፣ ማቲይ ሌዌ ናዒ፣ ሌዌይ ማልካ ናዒ፣ ማልኬይ የና ናዒ፣ የኒ የሴፋ ናዒ።

25 የሴፊ ማታቲ ናዒ፣ ማታቲይ አሞዴ ናዒ።

አሞዴይ ናሆሜ ናዒ፣ ናሆሜይ አሲሊሜ ናዒ።

አሲሊሜይ ናጌ ናዒ።

26 ናጌይ ማዓቲ ናዒ።

ማዓቲይ ማታቲዬ ናዒ፣ ማታቲዬይ ሳማዬ ናዒ።

27 ሳማዬይ ዩሁዳ ናዒ፣ ዩሁዲ የናኔ ናዒ፣ የናኔይ ራሴ ናዒ።

ራሴይ ዜሩባቤላ ናዒ፣ ዜሩባቤሌይ ሳላቲያሌ ናዒ።

ሳላቲያሌይ ኔሬ ናዒ።

28 ኔሬይ ማልካ ናዒ።

ማልኬይ ሃዴ ናዒ፣ ሃዴይ ቆሳሜ ናዒ።

ቆሳሜይ ኤልሞዳኔ ናዒ፣ ኤልሞዳኔይ ኤሬ ናዒ።

29 ኤሬይ የሴዔ ናዒ፣ የሴዔይ አላዛሪ ናዒ።

አላዛሪ የራሜ ናዒ፣ የራሜይ ማቲ ናዒ።

ማቲይ ሌዌ ናዒ።

30 ሌዌይ ሲሞና ናዒ።

ሲሞኒ ዩሁዳ ናዒ፣ ዩሁዲ የሴፋ ናዒ።

የሴፊ የናኔ ናዒ፣ የናኔይ ኤሊያቄሜ ናዒ።

31 ኤሊያቄሜይ ማሊዬ ናዒ፣ ማሊዬይ ማይናኔ ናዒ።

ማይናኔይ ማቲ ናዒ፣ ማቲይ ናታኔ ናዒ፣ ናታኔይ ዳዊቲ ናዒ።

32 ዳዊቲይ ኢሴዬ ናዒ።

ኢሴዬይ ኢዮቤዴ ናዒ፣ ኢዮቤዴይ ቦዔዛ ናዒ።

ቦዔዛ ሳልሞና ናዒ፣ ሳልሞኔይ ናዒሶና ናዒ።

33 ናዒሶኔይ አሚናዳቤ ናዒ፣ አሚናዳቤይ ራሜ ናዒ።

አርኔይ አሰርሜ ናዒ።

34 አሰርሜይ ፋሬሴ ናዒ።

ፋሬሴይ ዩሁዳ ናዒ።

ዩሁዲ ያይቆባ ናዒ።

ያይቆቢ ዩሳቃ ናዒ፣ ዩሳቄ አብራሃሜ ናዒ።

አብራሃሜይ ታራ ናዒ።

35 ታራ ናኮሪ ናዒ።

ናኮሪይ ሳሩጌ ናዒ፣ ሳሩጌይ ሬሁ ናዒ።

ሬሁይ ፋሌቄ ናዒ፣ ፋሌቄይ ኤቤራ ናዒ።

ኤቤሪይ ሴላ ናዒ።

36 ሴሊ ቃይናሜ ናዒ።

* 3:18 ዋንጌላ፡ ገርኬ ደናን ዋንጌላ ጊያ ቃላይ ዳር እፋይሰያ እዳ ዋይኮ ሚሺራቾ ጉሱ። ሂ ሚሺራቾይካ ከሪሰቶሲ አሳ ዜሬሊ ኡባ ሜሪና ፐርዳፊ አሻናው ከቲቲዲ ዩዳ ገታ እፋይሳ (ሉቃ 1:19፤ 2:10)። 3:19 ማቶ 14:3-4፤ ማር 6:17-18 3:22 ሜዴ 22:2፤ ማዝ 2:7፤ እሳ 42:1፤ ማቶ 3:17፤ ማር 1:11፤ ሉቃ 9:35

ቃይናሜይ ኦርፋኪሳዳ ናዓ፡
 ኦርፋኪሳዳይ ሴሜ ናዓ፡
 ሴሜይ ሮሃ ናዓ፡ ሮሃይ ላሜሄ ናዓ፡
 37 ላሜሄይ ማቲሳላ ናዓ፡ ማቲሳላ
 ሄኖኬ ናዓ፡
 ሄኖኬይ ያሬዳ ናዓ፡ ያሬዳይ
 ማላልዒላ ናዓ፡
 ማላልዒላ ቃይናኔ ናዓ፡
 38 ቃይናኔይ ሄኖሳ ናዓ፡
 ሄኖሴይ ሴታ ናዓ፡ ሴቲይ ኣዳሜ ናዓ፡
 ኣዳሜይ ያሳ ናዓ፡

4

ዩሱሲ ፓጩቲሰ
 (ማቶ 4:1-11፤ ማር 1:12-13)

1 ዩሱሲ ጌሻ ኣያናን ኩሚዲ
 ዮርዳኖሴ ሻፋፔ ሰሚዳ ሜላ ኣያናይ
 ኢያ ባዙ ኤፊሰ።
 2 ያን ኦይታሙ ጋላሲኔ ቃማ ዓላሄን
 ፓጩቲሰ። ሄ ጋላሳታን ኣይኮካ ሞና
 ጋሞዒዳ ገሾ ወርሴላን ኮሻቲሰ።
 3 ዓላሄይ ኢያኮ፡ «ኔኒ ያሳ ናዓ
 ጊዲኮ ኣኔ ሃይሲ ሹቻይ ኡይሉ ጊዳ
 ገዳ ኪታ» ያገሰ።
 4 ዩሱሲ ዛሬዲ፡ «ኣሲ ኡይላ
 ዓላላን ዳና ጌቲቲዲ ዓፊቲሰ» ያገሰ።

5 ሄሳፊ ጉዬ፡ ዓላሄይ ዩሱሳ ኣዲሳ
 ዳሬ ቦላ ኬሲዲ ሃ ኣላሚያ ካዎቲላታ
 ኣይፊ ቁጲ ዛሬናው ቤሰሰ።
 6 ዓላሄይ፡ «ሃ ኡባሰ ማታይኔ
 ቦንቾይ ታው ኣሚቲሰ። ታኒ ደሲዳ
 ኦዴሰካ ኣሚያ ገሾ ኔው ኣማና።
 7 ሄሳ ገሾ፡ ኔኒ ታው ጎይኒኮ ኡባይ
 ኔው ገዳና» ያገሰ።
 8 ዩሱሲ ዛሬዲ፡ «ኔ ጎዳ፡ ኔ ያሳ፡
 ኢያ ዓላላ ጎይና ጌቲቲዲ ዓፊቲሰ»
 ያገሰ።

9 ወርሴላን ዓላሄይ ዩሱሳ
 ዩሩሳላሚ ኤፊዲ ያሳ ኬላሰ ሁዒያ
 ቦላ ኤሲዲ፡ «ኔኒ ያሳ ናዓ ጊዲኮ
 ኣኔ ዲጌ ሳሳን ኔና ዬ።»
 10 ኣይሰ ገኮ፡

ሳና ናጊያ ከታንቾታ
 ያሳይ ኔ ገሾ ኪታና።
 11 ኤንቲ ኔ ቶሆይ ሹቻን ጱቤቶና
 ሚላ፡
 ባንታ ኩሺያን ጶቁ ኦሊዲ ኔና
 ዴንላና) ጌቲቲዲ ዓፊቲሰ»
 ያገሰ።

12 ዩሱሲ ዛሬዲ፡ «ኔ ጎዳ ያሳ
 ፓጩፋ ጌቲቲዲ ዓፊቲሰ» ያገሰ።
 13 ዓላሄይ ዩሱሳ ፓጩያ ወርሲዳፔ
 ጉዬ ሃራ ኢንጃ ዎዴ ዴማና ጋካናው
 ኢያፔ ሻኬቲሰ።

ዩሱሲ ጋሊላን ታማርሶ ኦይኪሰ
 (ማቶ 4:12-17፤ ማር 1:14-15)

14 ዩሱሲ ኣያና ዎልቃን ኩሚዲ
 ጋሊላ ሰሚሰ። ኢያ ሱንሳይ ሄራን
 ዴዒያ ቢታ ኡባን ኬዩሰ።
 15 ኢ ኣይሁዴ ዎሳ ኬላ
 ጌሊዲ ታማርሲሰ፤ ኣሳ ኡባይ ኢያ
 ጋላቲደሶና።

16 ያፔ ኢ ዲጩዳ ካታማ ናዚሬቲ
 ዩሰ። ካሴ ሜዜቲዳይሳዳ ሳሞባታ
 ጋላሰ ኣይሁዴ ዎሳ ኬላ ጌሊሰ።
 ናባባናወካ ዴንዲ ኤቁሰ።

17 ናቢያ ኢሳያሳ ማፃፋይ ኢያው
 ኣሚቲን፡ ደዪዲ፡ ሃይሳዳ ያጊዲ
 ዓፊቲዳይሳ ዴሚሰ።

18 «ጎዳ ኣያናይ ታ ቦላ ዴዒሰ፡
 ማንቆታሰ ዎንጌላ ኦዳና ሜላ
 ያሳይ ታና ደሪሰ።
 ቃሹቲዳይሳታሰ ቢሊቲላ፡
 ቆቁዳይሳታ ያሊሳናሲኔ
 ኡንዒቲዳይሳታ ቢርሻና ሚላ፡

19 ያሳይ ከሃናው ቆፒዳ ላይላ ኦዳና
 ሚላ ታና ከቲሰ»
 ያገሰ።

20 ሄሳፊ ጉዬ፡ ማፃፋ ዓፃዲ
 ሃጋዜይሳሰ ኣሚዲ ታማርሳናው
 ኡቲሰ። ኣይሁዴ ዎሳ ኬላን ዴዒያ
 ኣሳቲ ኡባይ ጫዲ ያሎሶና።

21 ኢ፡ «ሃይሲ ሂንቲ ሃይላን ሂንቲ
 ሰዒያ ሃ ማፃፋ ቃላይ ሃቺ ፖሊቲሰ»
 ያገሰ።

22 ኡባይ ኢያባ ዳርሲዲ
 ኦዴቶሶና። ቃሲ ኢያ ደናፔ ኬያ ኣቆ
 ኬሃቲላን ኩሚዳ ቃላን ማላሊቲሼ፡
 «ሃይሲ ዮሴፋ ናዓ ገዴኔዬ?»
 ያገረደሶና።

23 ኢ፡ « ኔና ጳሌ ኣዎው ኔና ኣሻ፡
 ቁፊርናሆሚን ኔ ኦሊዳባ ኑ ሲይይሳ
 ቃሲ ሃይሳን ኔ ካታማን ኦላ» ያጊያ
 ሌሚሱዎን ሂንቲ ታና ጋናይሳሰ ሲዴይ
 ባዎ» ያገሰ።

24 ቃሲ፡ «ቱማ ኦዳይሰ፤ ናቤይ ባ
 ዩሊቲዳ ቢታን ቦንቾቲና።

25 «ታ ሂንቲው ቱማ ኦዳይሰ፤
 ሳሎይ ሄዙ ላይላኔ ባጋ ጎርዴቲን ሚና

4:4 ዛሬ 8:3 4:8 ዛሬ 6:13 4:10 ማዘ 91:11-12 4:12 ዛሬ 6:16 4:18 ኣሳ
 61:1-2 4:24 ዮሃ 4:44 4:25 1ካዎ 17:1

ኮሺ ቢታ ኡባን ዴዲያ ኤሊያሳ ዎዴ ዳር አምዔቲ ኢሰራዔልን ዴያሶና።

26 ኤሊያሳ ኤንታፊ ኢሲኔኮካ ከቲቲቤና። ሽን ሳራፕታን ዴዲያ አምዔኮ ከቲቲስ።

27 ናቢያ ኤልሳዔ ዎዴ ኢሰራዔልን ዳር ባሮ ሃርጋንቸቲ ዴያሶና። ሽን ሶሬ ኡራ ኒዒማኔፔ ኣቲን ኣኒካ ፓዲቤና» ያጊስ።

28 ኣይሁዴ ዎሳ ኬላን ዴዲያ ኣሳ ኡባይ ሄሳ ሲዒዳ ዎዴ ዳር ዪሎቲዶሶና።

29 ባንታ ኡቲዳ ቤሳፊ ዴንዲዲ ዙማ ቦላ ከፃቲዳ ካታማፔ ጋፃ ኬሲዲ ሱጊ ዬዳናው ኣፎ ዶና ኤፊዶሶና።

30 ሺን ኢ ኤንታ ጊዶራ ካንሉዲ ኣጲስ።

ዬሱሲ ቱና ኣያና ኬሲስ (ማር 1:21-28)

31 ያፔ ጋለላ ቢታን ዴዲያ ቁፊርናሆሜ ካታማ ቢስ። ያን ሳምባታ ጋላስ ኣሳ ታማርሲስ።

32 ኢ ታማርሴይ ማታራ ጊዲያ ጊሾ ኡባይ ኢያ ቲሚርቲያን ማላላቲዶሶና።

33 ኣይሁዴ ዎሳ ኬላን ቱና ኣያናይ ኦይኪዳ ኡራይ ዴዒስ።

34 ኢ፣ «ናዚሬቴ ዬሱሳ ኑና ኣይስ ዋይሳይ ኑፔ ሃካ፤ ኔኒ ዪዳይ ኑና ጳይሳናሴዬ? ኔኒ ኦኔኮ ታኒ ኤራይስ። ኔኒ ያሳፊ ዪዳ ጌሻ» ያጊዲ ዋሲስ።

35 ዬሱሲ ቱና ኣያናኮ፣ «ሲዒ ጋዳ ሃ ኡራፔ ኬያ» ያጊዲ ሃንቁስ። ቱና ኣያናይ ኡራ ኣሳ ኡባ ሲንሳን ሆሊ ዬጊዲ ኣይኮካ ቆሆና ዬዲዲ ኬዪስ።

36 ኣሳ ኡባይ ማላላቲዶሶና። ዋሊኮ፣ «ሃኖስ፣ ሃይሲ ኣይቢ ቲሚርቲ? ቱና ኣያናታ ማታኒኔ ዎልቃን ከቲስ፤ ኤንቲካ ኬዮሶና» ያጊዶሶና።

37 ኢያ ሱንሳይ ሄራ ኡባን ኬዪስ።

ዬሱሲ ዳር ሃርጋንቸታ ፓሉስ (ማቶ 8:14-17፤ ማር 1:29-34)

38 ሃሳፊ ጉዬ፣ ዬሱሲ ኣይሁዴ ዎሳ ኬላፊ ኬዪዲ ሲሞና ሶ ጌሊስ። ሲሞና ማቶ ኣያ ሚኖ ቆያ ሚሻ ሃርጌን ሳኬታስ። ኢዮ ፓላና ማላ ዬሱሳ ዎሲዶሶና።

39 ኢ ሃፃኮ ሸቁ ሆኪዲ ኢ ሃርጊያ ሃንቁስ። ሚሻይ ኣጊን ኤሌሳ ዴንዳዳ ኤንታ ሞካሱ።

40 ኣዎይ ዉላና ሃኒሺን ዲማ ዲማ ሃርጊያን ኦይኬቲዳ ኣሳ ኢያኮ ኤሂዶሶና። ኢ ኢሱዎ ኢሱዎ ቦላ ባ ኩሺያ ዎሉዲ ፓሉስ።

41 ቱና ኣያናቲ ቃሲ፣ «ኔኒ፣ ያሳ ናዓ» ጊዲ ዋሲሼ ዳር ኣሳፔ ኬዪዶሶና። ሺን ኢ ኤንታና ሃንቁስ። ኢ ከሪስቶሳ ጊዴይሳ ኤንቲ ኤሪያ ጊሾ ኢሲባካ ኦዴቶና ማላ ዲጊስ።

42 ቡር ዎንቲያ ዎዴ ዬሱሲ ኢሲ ጌማ ቤሲ ቢስ። ኣሳይ ኮዩሼ ኢ ዴዲያ ቤሳ ዪዶሶና። ኤንታፊ ኢ ሻኬቲዲ ቦና ማላ ቡቲቲዶሶና።

43 ሺን ኢ፣ «ታኒ ሃራ ካታማታ ባዳ ያሳ ካዎቲላ ዎንጌላ ማርካታናው ቤሴስ። ታ ከቲቲዳይ ሄሳሳ» ያጊስ።

44 ዪሁዴ ቢታን ዴዲያ ኣይሁዴ ዎሳ ኬላን ሳባኪስ።

5

ዬሱሲ ዶሪዳ ኮይር ታማሬታ (ማቶ 4:18-22፤ ማር 1:16-20)

1 ኢሲ ጋላስ ዬሱሲ ጌንሳሬፆ ኣባ ማታን ኤቁዳሺን ዳር ኣሳይ ኢያ ዩሹዎ ኡንዔሉዲ፣ ኢ ታማርሲያ ያሳ ቃላ ሲዶሶና።

2 ያን ሃላ ጋፃን ዴዲያ ናምዑ ዎሳሎታ ቤዒስ። ሞሎ ኦይኪያ ኣሳቲ ዎሳሎታፔ ዎጲዲ ባንታ ጊቲያ ማጮሶና።

3 ሄ ዎሳሎታፔ ሲሞናይሳን ጌሊዲ ቢታፊ ጉሉ ጊዶ ሸሻና ማላ ኦይቹስ። ያቲዲ፣ ሄ ዎሳሎዎ ቦላ ኡቲዲ ኣሳ ታማርሲስ።

4 ባ ታማርሱዎ ኦንጊዳፔ ጉዬ ሲሞናኮ፣ «ጌዴ ጨሙዎኮ ሸሻዳ ሞሎዎ ኦይካናው ሂንቲ ጊቲያ ዩጊቲ» ያጊስ።

5 ሲሞኒ ዛሪዲ፣ «ኣስታማሪያው፣ ቃማ ኩሚላ ዳቡሪሼ ኣቁዲ ኣይኮካ ኦይኪሶኮ፣ ሺን ኔ ጊኮ ጊቲያ ዬጋና» ያጊስ።

6 ኤንቲ ጊቲያ ዩጊዳ ዎዴ ጊቲይ ዳኬታና ጋካናው ዳር ሞሎ ኦይኪዶሶና።

7 ሃራ ዎሳሎዎን ዴዲያ ባንታ ላጊቲ ዪዲ፣ ባንታና ማዳና ማላ ዉቲዲ ፃጊዶሶና። ኤንቲ ዪዲ ናምዑ ዎሳሎታ፣ ሃሳን ሚቲታና ጋካናው ሞሎን ኩንሉዶሶና።

8 ሲሞን ጳውሎስ ሄሳ በዓዲ ዋዳ ዩሱስ ሲገልግል ኩንዲዲ፡ «ጎዳው፡ ታኒ ናጋራንቸ አሲ ጊዲያ ጊሾ ታፔ ሻኬታ» ያገሰ።

9 ሄሳ ኢ ጊዳይ ኢኔ ኢያራ ዴዔይሳቲ ኦይኪዳ ሞሉዋ ዳርቴላን ማላላቲዳ ጊሾሳ።

10 ቃሲ ሲሞና ላጌ ጊዲዳ ዛብዲዮሳ ናይቲ ያይቆባራኔ ዮሃንሳራ ማላላቲዳሶና። ዩሱስ ሲሞናኮ፡ «ባቦፋ! ሃዛፔ ኔኒ አሴ ኦይኪያ አሲ ጊዳና» ያገሰ።

11 ኤንቲ ዋጎሎታ ጋፃ ሺሺዳፔ ጉዬ ኡባ አገዲ ዩሱሳ ካሊደሶና።

ዩሱስ ባር ሃርጋንቸዋ ፓላሲ (ማቶ 8:1-4፤ ማር 1:40-45)

12 ዩሱስ ካታማታፔ ኢሱዋን ዴዒሺን ኢሲ ባር ሃርጌን * ኦይከቲዳ አሲ ሄ ካታማን ዴዒስ። ሄ ኡራይ ዩሱሳ በዓዲ ኢያ ሲገልግል ጉፋኒዲ፡ «ጎዳው፡ ኔ ሼኔ ጊዲኮ ታና ጌሻናው ዳንዳዓሳ» ጊዲ ዋሲስ።

13 ዩሱስ ባ ኩሺያ ዩዲ ቦቺዲ፡ «ኤ፡ ታ ሸኔ፤ ጌያ» ያገሰ። ኢራ ባር ሃርጌይ ኡራፔ ከቺስ።

14 ዩሱስ፡ «ሃይሳ ኦዴሰካ ኦደፓ፡ ሺን ባዳ ኔናቲላ ኦይሁዴ ካሂኒያ ቤሳ። ኔ ጌዩዳይሳሰ ማርካ ጊዳና ማላ ሙሴይ ከቲዳ ያርሹዋ ያርሻ» ጊዲ ከቲስ።

15 ጊደሺን፡ ኢያ ሱንላይ ካሴፔ አጲዲ ዳልጊሼ ቢስ። ዳር አሳይ ኢ ኦዲያባ ሲጎናዉኔ ባንታ ሃርጊያፊ ፓፃናው ዮሶና።

16 ሺን ዩሱስ ዳር ዋዴ ጌማ ቤሲ ቢዲ ዋሴስ።

ዩሱስ ጉንዳ ፓላሲ (ማቶ 9:1-8፤ ማር 2:1-12)

17 ኢሲ ጋላሰ ዩሱስ ታማርሲሺን ጋላላፔኔ ዩሁዳ ሄራ ኡባፊ ቃሲ ዩሩሳላማፔካ ዩዳ ፋሪሳዊቲኔ ሂጌ አስታማሬቲ ያን ኡቲደሶና። አሳ ፓላያ ጎዳ ዋልቃይካ ኢያራ ዴዒስ።

18 ሄ ዋዴ አሳይ ኢሲ ጉንዳ አሲ ሃላራ ቶኪዲ ኤሂደሶና። ሶ ጌልሲዲ ኢያ ሲገልግል ዋሳናው ቆፒደሶና።

19 ሺን አሳ ዳርቴላፊ ዴንደይሳን ሶ ጌልሳናው ያኔቲዲ ከላ ቦላ ከዩዲ፡ ካራ ቃወጲዲ፡ ሃርጋንቸዋ ሃላራ አሳ ሻኪዲ ዩሱሳ ሲገልግል ዩጊደሶና።

20 ዩሱስ ኤንታ ኣማኑዋ በዓዲ፡ «ላ ኣዲያው፡ ኔ ናጋራይ ቁሼቲስ» ያገሰ።

21 ሂጌ አስታማሬቲኔ ፋሪሳዊቲ፡ «ሃይሲ ያሳ ቦላ ያጊዲ ኦዴቲይ ኦኔ? ኢሲ ያሳፊ አቲን ሃሪ ናጋራ ቁቻናው ዳንዳዔይ ኦኔ?» ያጊዲ ቆፒደሶና።

22 ዩሱስ ኤንታ ቆፋ ኤሪዳ ጊሾ ኤንታኮ፡ «ሂንቲ ዋዛናን ሄሳሶ ኣይሰ ቆፒቲ?»

23 ሳ ናጋራይ ቁሼቲስ ጌይሳፊኔ ዴንዳዳ ባ ጌይሳፊ ኣዉሲ ካዉዩ?»

24 ሺን ታ ሄሳ ጊዳይ አሳ ናዓይ ሳዓ ቦላ ናጋራ ቁቻናው ማቲ ዴዒይሳ ሂንቲ ኤራና ማላሳ።» ሄሳፊ ካሊዲ፡ ጉንዳ ኡራኮ፡ «ዴንዳ፤ ኔ ኣልጋ ቶካዳ ኔ ሶ ባ» ያገሰ።

25 ኢ ኤሌሲ ዴንዲዲ ኤንታ ሲገልግል ኤቁስ፤ ኢ ቶኩቲዲ ዩዳ ኣልጋ ቶኪዲ ያሳ ጋላቲሼ ባ ሶ ቢስ።

26 ሄ ዋዴ ኡባይካ ማላላቲዳሶና፡ ያሳ ጋላቲሼ፡ «ሃቺ ጊታ ማላታ በዓዳ» ያጊዲ ያሸቲደሶና።

ዩሱስ ለዌ ፀገሰ (ማቶ 9:9-13፤ ማር 2:13-17)

27 ሄሳፊ ጉዬ፡ ዩሱስ ያፔ ከዩዲ ቢስ። ለዌ ጌቲቲያ ኢሲ ቃራፃ ቃንፀሴይሰ ቃራፃ ቃንፀሴያ ቤሳን ኡቲዳይሳ በዓዲ፡ «ታና ካላ» ያገሰ።

28 ኢ ኡባባ አገ ዴንዲዲ ኢያ ካሊስ።

29 ሄ ለዌይ ባ ሶን ጊታ ጊቢራ ጊጊሲስ። ዳር ቃራፃ ቃንፀሴይሳቲኔ ሃራ አሳቲ ካላ ማናው ኡቲደሶና።

30 ፋሪሳዊቲኔ ሂጌ አስታማሬቲ፡ «ቃራፃ ቃንፀይሳታራኔ ናጋራንቸታራ ኣይሰ ማቴኔ ኡዬቲ?» ያጊዲ ዩሱሳ ታማሬታ ቦላ ዙዙሚደሶና።

31 ዩሱስ ኤንታኮ፡ «ሃርጋንቸታሳፊ አቲን ፓፃታሰ ኣኪሜ ኮሹና።

32 ታኒ ናጋራንቸታ ማርታኮ ዛራናሳፊ አቲን ጌሻታ ፀጋናው ያቢኬ» ያጊዲ ዛሪስ።

33 ኤንቲ ዩሱሳኮ፡ «ዮሃንሳ ታማሬቲ ዳር ዋዴ ያሞሶና፡ ዋሶሶና፤ ቃሲ ፋሪሳዊታ ታማሬቲካ ሄሳሶ ኦሶሶና። ሺን ኔይሳቲ ኡባ ዋዴ ሞሶና ኡዮሶና» ያጊደሶና።

* 5:12 ባር ሃርጌ፡ ባር ሃርጌይ አሳ ጋልባ ቦላ ከያ ሃርጌ። ኢሰራዔል ቢታን ባር ሃርጋንቸቲ ሃራ አሳፔ ዲማቲዲ ዴዖሶናቲ አቲን አሳራ ጋሃቶኮና። 5:14 ለዌ 14:1-32 5:30 ሉቃ 15:1-2

34 ዩሱሲ ከንታኮ፡ «ሙሹራይ ከንታራ ዳዒሺን ያገኘዳ ኣሳይ ያማና ማላ ኣላናው ዳንዳዒት?»

35 ሸን ሙሹራይ ከንታፊ ሻኬታና ጋላሳይ ያና፡ ሄ ዋዴ ከንቲ ያማና።»

36 ቃሲ ያጊዲ ለሚሶ ኦዲስ፤ «ኦራላ ማፕፔ ፔዲዲ ጋልዓ ማፖ ቦላ ሲኬይ ኦኒካ ባዋ። ሄሳላ ኦሊኮ ኦራላ ማዐቀ ፔዲስ፡ ኦራላይ ጋልዓሰ ጊኬና።

37 ማልዓንቶ ዋይኒያ ጋልዓ ኦጎርን ቆሊያ ኦኒካ ባዋ። ሄሳ ኦሊኮ፡ ኦራላ ዋይኔይ ጋልዓ ኦጎርን ቆሊስ፤ ዋይኔይ ጉኬሰ ኦጎርይካ ማዶናባ ጊዳስ።

38 ሄሳ ጊሾ፡ ኦራላ ዋይኔይ ኦራላ ኦጎርን ቆሊታናው ቤሴስ።

39 ሂዛ፡ ጨላይ ሎፖ ጊያ ጊሾ ጨላ ዋይኔ ኡዬ ሲሚዲ ማልዓንቶ ኮዬይ ኦኒካ ባዋ» ያጊሰ።

6

ዩሱሲ ሳምባታባ ኦይሹቲሰ (ማቶ 12:1-8፤ ማር 2:23-28)

1 ኢሲ ሳምባታ ጋላስ ዩሱሲ ጊሰቲ ጋዴ ጊዶር ኣዴስ። ዩሱሳ ታማራቲ ቲያ ባንጋ ዱሴዲ ባንታ ኩሼን ሸርኪዲ ሞሶና።

2 ሸን ፋሪሳዊታ ጊዶፊ ኢሶቲ ኢሶቲ፡ «ሳምባታ ጋላስ ኣላናው ቤሶናባ ኣይሰ ኦሌቲ?» ያጊዶሶና።

3 ዩሱሲ ከንታኮ ዛሪዲ፡ «ዳዊቲይ ኮሻቲዳ ዋዴ ባራ ዴዔይሳታራ ኢሲፊ ኦላይሳ ናባቢቤኬቲ?»

4 ያሳ ኬላ ጌሊዲ ኣይሁዴ ካሂኔታ ፃላላሰ ቤሴያ ደቡቀ ሚስ፤ ባራ ዴዔይሳታሰካ ኦሚስ» ያጊሰ።

5 ቃሲ ዩሱሲ፡ «ኣሳ ናዓይ ሳምባታ ጎዳ» ያጊሰ።

6 ሃራ ሳምባታ ጋላስ ዩሱሲ ኣይሁዴ ዋሳ ኬላ ጌሊዲ ታማርሴስ። ሄ ቤሳን ኡሻቻ ኩሼይ ጉንዲዳ ኢሲ ኣሲ ዴዔስ።

7 ሂኒ ኣስታማራቲኔ ፋሪሳዊቲ ኢያ ሞታናው ጋሶ ኮዬዲ ሳምባታ ጋላስ ፓሊኮ ቤሳና ጊዲ ናጎሶና።

8 ሸን ዩሱሲ ከንታ ቆፋ ኤሪዲ ኩሼይ ጉንዲዳ ኡራኮ፡ «ዴንዳዳ ኣሳ ጊዲዋን ኤቃ» ያጊሰ። ኡራይካ ዴንዲ ኤቁስ።

9 ዩሱሲ፡ «ኣኔ ታ ሂንቴና ኢሲባ ኦይቻይስ፤ ሳምባታ ጋላስ ኣላናው

ቤሴይ ሎፖባዬዬ ኢታባዬ? ሸምፖ ኣሾዬ ዋይኮ ዳይሶ?» ያጊሰ።

10 ቃሲ ዩሱሲ ኢያ ዩሹዋን ዴዒያ ኣሳ ዩሼ ያሊዲ ኡራኮ፡ «ኔ ኩሼያ ፒዲ ኣላ» ያጊሰ። ኡራይካ ኢ ጊዲይሳዳ ኦሊን ኩሼይ ፓይሰ።

11 ሸን ሂኒ ኣስታማራቲኔ ፋሪሳዊቲ ዳር ዩሎቲዶሶና። ዩሱሳ ቦላ ኣይ ኦሊኖ ጊዲ ባንታ ጊዶን ማቁቲዶሶና።

ዩሱሲ ታማኔ ናምዑ ሃዋሬታ ዶሪሰ (ማቶ 10:1-4፤ ማር 3:13-19)

12 ሄ ዋዴ ጋላሳታፔ ኢሱዋን ዩሱሲ ዋሳናው ዴሪያ ቦላ ኬዬስ። ቃማ ኩሚላ ያሳ ዋሲሼ ኣቁስ።

13 ዋንቴሌ ባ ታማራታ ያጊዲ ከንታ ጊዶፊ ታማኔ ናምባታ ዶሪዲ፡ ከንታና፡ «ሃዋሬታ» ጊዲ ሱንሳሰ።

14 ከንቲካ፡ ጳይርሳ ጊዲ ሱንሳዲ ሲሞና፡ ኢያ ኣሻ ኢንዲሪያሳ፡ ያይቆባ፡ ዮሃንሳ፡ ፊልጶሳ፡ ባርቶሎሚዮሳ፡

15 ማቶና፡ ቶማሳ፡ ኢልፊያሳ ናዓ ያይቆባ፡ ባ ቢታስ ሚሹቲያ ሲሞና፡

16 ያይቆባ ናዓ ዩሁዳኔ ዩሱሳ ኣሉ ኢሚዳ ኣስቆርታ ዩሁዳ።

17 ዩሱሲ ከንታራ ኢሲፊ ዴሪያፔ ዋዲዲ ዴንባ ቤሳን ኤቁስ። ኢያ ታማራታፔ ዳርቲ ሄ ቤሳን ዴሶሶና ዩሁዳ ቢታ ኡባፊ ዩሩሳላማፔ፡ ያርሳፔኔ ሲዶና ኣባ ጋፃፔ ዩዳ ዳር ኣሳይ ዴዔስ።

18 ከንቲ ዩዳይ ኢ ታማርሲያባ ሲዓናውኔ ባንታ ሃርጊያፊ ፓፃናሳ። ቱና ኣያናን ዋዬቲያ ኣሳቲካ ፓይዶሶና።

19 ዋልቃይ ኢያፔ ኬዬዲ ኣሳ ኡባ ፓሊያ ጊሾ ኣሳይ ኢያ ቦቻናው ኮዮሶና።

20 ባ ታማራታኮ ያሊዲ ሃይሳዳ ያጊሰ።

«ሂንቴና፡ ማንቆቶ፡ ሂንቴ ኣንጃቲዳይሳታ፤ ያሳ ካዋቲሳይ ሂንቴሳ።

21 ሂንቴ ሃዒ ኮሻቲይሳቲ ኣንጃቲዳይሳታ፡ ሂንቴ ካላና።

ሂንቴ ሃዒ ዩኬይሳቲ ኣንጃቲዳይሳታ ሂንቴ ሚጫና።

22 ኣሳይ ሂንቴና ኣሳ ናዓ ጊሾ ኢዲያ ዋዴ

ሂንቴና ሂሊያ ዋዴ

ሂንቴና ከንቲ ቶቲያ ዋዴኔ።

ኢታ ሱንሊ ኤንቲ ሂንቲው ኢሚያ ዎዴ

ሂንቲ ኣንጃቲዳይሳታ።

23 «ሄኮ፡ ሂንቲ ዎይቶይ ሳሎን ጊታ ጊዲያ ጊሾ ሄ ዎዴ ኡፋይሳን ጉፐቲ። ኣይሰ ጊኮ፡ ቤኒ ኤንታ ኣዋቲ ናቤታ ቦላ ሃሳዳ ኦሊዶሶና።»

24 «ሺን ዱሬቶ ሂንቲና ኣዬ፤ ሂንቲ ሃዒ ሎዎ ዱሳ ኤኪዳታ።

25 ሃዒ ካሊዳይሳቶ ሂንቲና ኣዬ፤ ሂንቲ ኮሻታና።

ሃዒ ሚጨይሳቶ ሂንቲናሾ

ሂንቲ ካዮታና፤ ዬካና።

26 ኣሲ ኡባይ ሂንቲ ሎዎቲላ ፃላላ ኦዲያ ዎዴ ሂንቲና ኣዬ።

ኤንታ ኣዋቲ ቤኒ ዎርዳንሾ ናቤታ ቦላ ሃሳዳ ኦሊዶሶና።

ሂንቲ ሞርኬታ ሲቁቲ (ማቶ 5:38-48፤ 7:12)

27 «ሺን ታና ሲዒያ ሂንቲሰ ታ ኦዳይሰ፤ ሂንቲ ሞርኬታ ሲቁቲ፤ ሂንቲና ኢጻይሳታሰ ሎዎባ ኦሊቲ።

28 ሂንቲና ቃንጌይሳታ ኣንጃቲ፡ ሂንቲና ናቁይሳታሰ ዎሲቲ።

29 ኣሲ ባጋ ሻካላ ባቁይሳሰ ሃንኮ ባጋካ ቤሳ። ኔ ላፃና ኤካና ጌይሳሰ ኔ ሻሚዚያካ ጉጃዳ ኢማ።

30 ኔና ዎሲያ ኡባሰ ኢማ፤ ኔፔ ኤኪዳ ኦናካ ዛር ጋዳ ኦይሾፋ።

31 ኣሳይ ሂንቲው ኦላና ሚላ ሂንቲ ኮያባ ኡባ ሂንቲካ ኣሳሰ ኦሊቲ።

32 «ሂንቲ ሂንቲና ደሲያ ኣሳታ ፃላላ ደሲኮ፡ ኣይ ጋላቲ ሂንቲው ዴዒ? ሃሪ ኣቶሺን፡ ናጋራንሾቲካ ባንታና ሲቁይሳታ ሲቆሶና።

33 ሂንቲው ሎዎባ ኦሊዶሳታ ፃላላሰ ሎዎባ ኦሊኮ ሂንቲው ኣይ ጋላቲ ዴዒ? ናጋራንሾቲካ ሃሳዳ ኦሎሶና።

34 ታልዔ ዛራና ኣሳ ፃላላሰ ሂንቲ ታልዒኮ ኣይ ዲማ ጋላቲቲቲ? ናጋራንሾቲካ ጉዬ ዛራና ኣሲ ቤዒዲ ታልዎሶና።»

ሃራታ ቦላ ፐርዶሬቲ

35 «ሺን ሂንቲ ሞርኬታ ሲቁቲ፤ ኤንታው ሎዎባ ኦሊቲ። ጉዬ ኤካናው ቆፖና ታልዒቲ። ሃሳን ሂንቲ ኤካና ዎይቶይ ጊታ ጊዳና። ሂንቲ ኡባሬ ቦላ ያሳ ናይታ ጊዳና። ኢ ባና ጋላቶናይሳታሲ ኢታታሰ ኬሃ።

36 ሂንቲ ኣዋይ ኬሃ ጊዳይሳዳ ሂንቲካ ኬሃ ጊዲቲ።

37 «ኣሳ ቦላ ፐርዶሬቲ፤ ሂንቲ ቦላ ፐርዶቴና። ሂንቲ ቦሬቶና ሚላ ኦናካ ቦርፐቲ። ኣቶ ጊቲ፤ ያሳይ ሂንቲው ኣቶ ጋና።

38 ኢሚቲ፤ ሂንቲው ኢሚታና። ሂንቲ ማኪዳባን ሂንቲው ዛሪ ማኬታና፡ ኡባራካ ሎዎ ማኪያባን ባቁዲ፡ ሱዲ ኩንሊዲ፡ ላሌታና ጋካናው ሂንቲው ማኬቲ ኢሚታና» ያጊሰ።

39 ቃሲካ ዬሱሲ ያጊዲ ኤንታው ለሚሶ ኦዲሲ፤ «ቆቄይ ቆቄ ካሌላናው ዳንዲዒ? ካሌሊኮ ናምዒካ ዎሊ ኤኪዲ ኣፎን ዉሎኮናዬ?»

40 ታማሪይ ኣሰታማሪፔ ኣጂና። ሺን ሎይሊ ታማሪዳ ኡራይ ባ ኣሰታማሪያላ ሃኔሰ።

41 «ኔ ኢሻ ኣይፊያን ዴዒያ ቡሪያ ኣይሰ ቤዒይ? ኔ ኣይፊያን ዴዒያ ቲሲ ዳኔይሳ ኣይሰ ቤዒኪ?»

42 ኔ ኣይፊያን ዴዒያ ቲሲ ዳኔይሳ ቤዖና ኔ ኢሻኮ፡ ታ ኢሻው ኔ ኣይፊያን ዴዒያ ቡሪያ ኬሶን ጋናው ዎና ዳንዲዒይ? ኔና ጨቡዎው፡ ኮይርታዳ ኔ ኣይፊያን ዴዒያ ቲሲ ዳኔይሳ ኬሳ። ሃሳፌ ጉዬ፡ ኔ ኢሻ ኣይፊያን ዴዒያ ቡሪያ ኬሳናው ጌሻዳ ጻላና።

ሚላኔ ኢያ ኣይፊያ

43 «ሎዎ ሚሊ ኢታ ኣይፌ ኣይፌና፤ ሃሳዳካ ኢታ ሚሊ ሎዎ ኣይፌ ኣይፌና።

44 ኣይፌ ኣይፊያ ሚሊ ኡባይ ባ ኣይፊያን ኤሬቲሰ። ኣጉንሳፌ ባላሴ ሚላ ኣይፌይ ማጻቴና ቃሲ ላዴፔ ዎይኔ ኣይፌይ ማጻቴና።

45 ሎዎ ኣሲ ባ ዎዛናን ኩሚዳ ሎዎባፔ ሎዎባ ኬሴሰ። ኢታ ኣሲ ባ ዎዛናን ኩሚዳ ኢታባፔ ኢታባ ኬሴሰ። ኣሲ ባ ዎዛናን ኩሚዳ ፓላሂዳባፔ ባ ድናን ሃሳዬሰ።

ኬሌ ኬይያ ናምቡ ኣሳታ (ማቶ 7:24-27)

46 «ታ ጌይሳ ኦሌኬታ፡ ሺን ያቲን ኣይሰ ታና፡ ሳዳው፡ ጎዳው፡ ጌቲ?»

47 ታኮ ዩይኔ ታ ቃላ ሲዒዲ ፖሊያ ኡባይ ኦና ደኒያኮ ታ ሂንቲና ቤሳና።

48 ኢ ኬሌ ኬይያው ዛቲ ኦሊ፡ ኦላ ቦኪዲ፡ ጋርሳን ዴዒያ ዛላ ቦላ ኬላ ኤሲዳ ጨንጫ ኡራ ዳኔሰ። ዲያይ

ዲዲ ያህ ከላ ሱጊስ፡ ሺን ማንሌዲ ከፀዳ ገሾ ቃናው ዳንዲቤና።

49 ሺን ታ ቃላ ሲዲ ኦሶናይ ባ ከላ ሻፌ ቢታ ቦላ ከፀዳ ኡራ ዳኔስ። ዲዳይ ዲዲ ያህ ከላ ሱጊዳ ዋዴ ኡሌሲዲ ኩንዲስ። ሄ ከላይ ዋልቃማ ኩንዳሌ ኩንዲስ» ያገሰ።

7

ማቶ ሃላቃ አማኑቀ (ማቶ 8:5-13፤ የሃ 4:43-54)

1 ዩሱሲ ሄሳ ኡባ አሳ ሲንላን ታማርሲዲ ኦንጊዳፔ ጉዬ፣ ቁፊርናሆሜ ካታማ ቢስ።

2 ሄ ቤሳን ኢሲ ማቶ ሃላቃይ ዴዴስ። ኢ ዳር ዶሲያ አይሌይ ሃርጌትዲ ሃይቆስ ጋከስ።

3 ኢ ዩሱሳባ ሲዲዳ ዋዴ ባ አይሊያ ፓላና ሜላ ኢያ ዋሶ ጊዲ ኢሲ ኢሲ አይሁዴ ጩማታ ዩሱሳኮ ከተስ።

4 ከቴትዳይሳተ፣ ዩሱሳኮ ቢዲ፣ «ኔ ኢያው ሃይሳ ኦላናው ቤሴስ።

5 አይስ ገኮ፣ ሃ ኡራይ ኑ አሳ ዶሴስ፣ አይሁዴ ዋሳ ከላካ ከፀሰ» ጊዲ ማንሌ ዋሲዶሶና

6 ዩሱሲካ ኤንታራ ቢስ።

ማቶ ሃላቃ ሶኮ ማቲያ ዋዴ ባ ላጌታ ኢያኮ ከተዲ፣ «ጎዳው፣ ታ ካራፔ ጋርሳን ኔ ጌላናው ታ ቤሶና ገሾ ዳቡርፓ።

7 ታካ ታና ኔ ሲንሌ ሺቃናው ቤሲያ አሲ ጋዳ ቆፐኬ። ሺን ኔ ኢሲ ቃላ ኦዳ፤ ታ አይሌይ ፓፃና።

8 ታው ታፔ ቦላራ ሃላቃይ ዴዴስ፣ ታፔ ጋርሳን ታ ከተያ ዋታዳሬት ዴዶሶና። ኢሱዋ፣ (ባ) ገኮ ቤስ፣ ሃንኩዋ፣ (ሃያ) ገኮ ዩስ። ታ አይሊያኮ፣ (ሃኖ ኦላ) ገኮ ኦሌስ» ያገሰ።

9 ዩሱሲ ሄሳ ሲዲዳ ዋዴ ማላላተስ። ጉዬ ሲሚዲ ባራ ያ አሳኮ፣ «ታኒ ሂንቴው ቱማ ኦዳይስ፤ ሃራ ኦቶሺን ኢሰራዴላንካ ሃይሳ ሜላ ጌታ አማኖ ዳማቢኬ» ያገሰ።

10 ከቴትዳይሳተ ሶ ሲሚያ ዋዴ አይሌይ ፓፂን ዳሚዶሶና።

አምዴ ናዓ

11 ጉላ ዋዴፔ ጉዬ ዩሱሲ ናይኔ ካታማ ቢስ። ኢያ ታማራታራኔ ሃራ ዳር አሳተ ኢያራ ቢዶሶና።

12 ኢ ካታማ ጌላና ሃኒያ ዋዴ አሃ ቶኪዳ ዳር አሳተ ካታማፔ ከዮሶና። ሃይቁዳ ናዓይ ባ አይስ ኢሱዋ፣ ኢያካ አምፆ ጊዳዳ ዳዓወሱ። ካታማ አሳፔ ዳርተ ኢራ ዴዶሶና።

13 ጎዳይ ኢዮ ቤዲዳ ዋዴ ቃጴትዲ፣ «ዩኮላ» ያገሰ።

14 ሺቁዲ ሃላ ቦቺን ቶኪዳ አሳተ ኤቁዶሶና። ዩሱሲ፣ «ላ፣ ያላጋው ዴንዳ» ያገሰ።

15 ሃይቁዳይሲ ዴንዲ ኡተዲ ኦዳ ኦይኪስ። ዩሱሲ ናዓ ኤኪዲ አይስ አሚስ።

16 አሳ ኡባይ ያሸተዲ፣ «ጌታ ናቤይ ኑ ጊዶን ዴንዲስ፤ ያሳይ ባ አሳ ቤዲስ» ያገረዲ ያሳ ጋላተዶሶና።

17 ኢያ ሱንላይ ዪሁዳኒኔ ሄ ሄራን ዴዲያ ቢታ ኡባን ሲዮቲስ።

ዩሱሳኔ ያማቁያ የሃኒሳ 18 ያማቁያ የሃኒሳ ታማራተ ሄሳ ኡባ የሃኒሳሰ ኦዲዶሶና። ኢ ኤንታ ጊዶፊ ናምዳታ ፂጊዲ፣

19 «ያና ጌቴትዳይ ኔኔዬ? ዋይኮ ሃራ ናገኖ?» ያገረዲ ኦይቺቴ ጊዲ ጎዳኮ ከተስ።

20 አሳተ ዩሱሳኮ ቢዲ፣ ያማቁያ የሃኒሲ፣ «ያና ጌቴትዳይ ኔኔዬ? ዋይኮ ሃራ ናገኖ?» ጌቴ ጊዲ ኦና ኔኮ ከተስ ያገደሶና።

21 ሄ ሳቴንካ ዩሱሲ ዳር አሳ ሃርጊያፊ ፓሌስ። ቱና አያናታ ከሲስ፣ ቆቁዳ አይፊያካ ፄሊሲስ።

22 የሃኒሳ ማታፔ ከቴትዲ ዪዳይሳታኮ፣ «ቢዲ ሂንቴ ቤዲዳይሳኔ ሲዲዳይሳ የሃኒሳሰ ኦዲቴ። አይፊ ቆቁቴ ፄሎሶና፣ ጉንዳተ ቢርሼትዲ ሃውቶሶና፣ ባር ሃርጋንቾት ጌዮሶና፣ ቱሌት ሲዶሶና፣ ሃይቁዳይሳተ ሃይቆፔ ዴንዶሶና፣ ማንቆታሰ ዋንጌላይ ሳባኬቴስ።

23 ታናን ጴቤቶና ኦኒካ አንጃቴዳይሳ።»

24 የሃኒሲ ከቴትዳይሳተ ቢዳፔ ጉዬ ዩሱሲ አሳሰ የሃኒሳባ ያገረዲ ኦዲስ። «ሂንቴ አይ ቤዳናው ባዞ ቢታ ከዪዴቴ? ጫርኮይ ቃሌያ ማታ ቤዳናሴዬ?

25 ያተን፣ አይ ቤዳናው ከዪዴቴ? ኮይሴ ማፆ ማዲዳ አሳ ቤዳናሴዬ? ኮይሴ ማፆ ማዲዳይሳተኔ ሳዲ አንጃቴዳ አሳይ ካዎ ከላን ዴዶሶና።

26 ያተን፣ አይ ቤዳናው ከዪዴቴ? ናቢያ ቤዳናሴዬ? ኤ፣ ታ

ያገይሱ፡ ሂንቲ ቤዓናው ከዱዳይ ናቤፔ አጄይሳ።

27 ሳይ ኦጊያ ኔ ሲንገን ገቢሲያ ታ ከታንቸዋ ኔፔ ሲንገል ታ ከታና

ጌቲቲዲ ፃፊቲዳይ ኢያሳ።

28 ታ ሂንቲው እዳይሰ፤ ማጫሳፔ ዩሉቲዳይሳታ ገደፌ ዮሃንሳፔ አጄይ ባዋ። ያሳ ካዎቲፋን ኡባፌ ጉጄይሰ። ኢ ኡባፌ ገታ ገዳና» ያገሰ።

29 ሃሪ አቶሺን፣ ዩሱሳ ቃላ ሲባዳ ቃሪፃ ቃንጂሴይሳቲ ኡባይ ዮሃንሳ ኩሺን ፃማቄቲዲ ያሳይ ሂሎ ገዳይሳ ቆንጨሲደሶና።

30 ሺን ፋሪሳዌቲኔ ሃጌ አሰታማራቲ ዮሃንሳ ኩሺን ፃማቄቶና ኢጂዲ ያሳ ዘሪያ ለቀሲደሶና።

31 ዩሱሲ ካሊዲ ሃይሳዳ ያገሰ፡ «ሂዛ፣ ሃ ዎዲያ ዩሉቲፋ አይቢራ ዳሲሶ? ኤንቲካ ኦና ዳናና?

32 ገያ ገደን ኡቲዲ ዎሊ ጃገዲ፣ ሓ ሂንቲው ሱሱልዔ ፑኒን፣ ሂንቲ ዩጃኬታ። ኑ ሳቢዲ ዜሉሊን፣ ሂንቲ ዩኬኬታ» ያገያ ናይታ ዳናሶና።

33 ፃማቄያ ዮሃንሲ ሞናኔ ኡዮና ዪን፣ ሓታ አያናራ ዴዔሰ ገዳታ።»

34 አሳ ናዓይ ሚሼኔ ኡዪሼ ዪን፣ ሃራሞባኔ ኡሻንቸ፣ ቃሪፃ ቃንጂሴይሳታኔ ናጋራንቸታ ዳቦ) ገዳታ።

35 ሂዛ፣ ጨንጫቲፋ ቱማቲፋይ ኢያ ናይታ ኡባ ማታን ኤሬቲሰ» ያገሰ።

ኢሲ ማጫሲያ ዩሱሳ ሺቶ ቲያሱ

36 ኢሲ ፋሪሳዌይ ዩሱሳ ካሉ ሙዛናው ባ ሶ ጃገሰ። ኢ ፋሪሳዌያ ሶ ቢዲ ጋይታ ቦላ ኡቲሰ።

37 ሄ ካታማን ኢሲ ናጋራንቸ ማጫሲ ዴዔያራ ዩሱሲ ፋሪሳዌያ ሶን ገቢራ ቦላ ዴዔይሳ ሲባዳ ዎዴ ዳሮ አልያ ጲልቃፃ ሺቶ ኤካዳ ያሱ።

38 ዩሱሳሰ ጉዩ ባጋራ፣ ኢያ ቶሁዎ ማታን ኤቃዳ ዩካሺ ኢያ ቶሁዎ ባ አፋፋራ ላኪላውሱ። ባ ቢናናራ ኢያ ቶሁዎ ቁቻሽኔ ዩራሽ ሺቶ ቲያሱ።

39 ገቢራ ገቢሲዳ ፋሪሳዌይ ሄሳ ቤዒዳ ዎዴ ባ ዎዛና፣ «ሃይሲ ናቤ ገዲያኮ ሃ ማጫሲያ ኢያ ቦቹያራ ኦኔኮ ቃሲ ኢያ ናጋራንቸ ገዳይሳካ ኢ ኤራናሺን» ያገሰ።

40 ዩሱሲ፣ «ሲሞና፣ ታ ኔው እዲያባይ ዴዔሰ» ያገሰ።

ኢ፣ «አሰታማሪያው፣ ታው ኦዳ» ያገሰ።

41 ዩሱሲ ኢያኮ፣ «ናሞዑ አሳቲ ኢሲ ኡራፔ ሚሼ ታልዒደሶና። ኢሶይ ኢቻሹ ጃቲ ቢራ ሃንኮይ ቃሲ ኢሻታው ቢራ ታልዒደሶና።

42 ናሞዒይካ ታልዒያ ጨጋናው ያኔቲን፣ ናሞዒታሰካ ታልዒያ ማሪሰ። ሂዛ፣ ሃ ናሞዒታፔ ሄ ኡራ ዳሮ ደሳናይ ኔው አወሳ ዳኒ» ያገሰ።

43 ሲሞን፣ «ዳሮ አጮይ ማሪቲዳ ኡራይ ዳሮ ደሳና ዳኔሰ» ያገሰ። ዩሱሲ፣ «ኔ ቱማ ፐርዳዳሳ» ያገሰ።

44 ሄሳፌ ጉዩ፣ ዩሱሲ ማጫሴኮ ሲሚ ጃሊዲ፣ ሲሞናኮ፣ «ሃና ማጫሲው ቢዓይ? ታኒ ኔ ሶ ጌሊን ሃሪ አቲን ኔ ታው ቶሆ ሃሌ ኢማባካ፣ ሺን ኢያ ታ ቶሁዎ ባ አፋፋን ላኮላዳ ባ ቢናናን ቁቻሱ።

45 ኔኒ ታና ዩራ ኤካባካ፣ ሺን ኢያ ታ ኔ ሶ ጌሎዴፔ ደማዳ ታ ቶሁዎ ዩሮ አጋቡኩ።

46 ኔኒ ታ ሁዒያን ዛይቲ ቲያባካ፣ ሺን ኢያ ታ ቶሁዎ ሺቶ ቲያወሱ።

47 ኢያ ታና ዳሮ ደሲዳ ገሾ ኢ ዳሮ ናጋራይ አቶ ጌቲቲሰ። ኢያ ጉላ ናጋራይ አቶ ጌቲቲዳይ ጉላራ ደሴሰ።»

48 ዩሱሲ ማጫሴኮ፣ «ኔ ናጋራይ አቶ ጌቲቲሰ» ያገሰ።

49 ኢያራ ኢሲፌ ጋይታን ኡቲዲ ሚያ አማላቲ፣ «ናጋራ አቶ ያጌይ፣ ኢ ሃይሲ ኦኔ?» ያገዲ ባንታ ዎዛናን ቆፒደሶና።

50 ዩሱሲ ማጫሴኮ፣ «ኔ አማናይ ኔና አሺሰ፤ ሳሮ ባ» ያገሰ።

8

ዩሱሳ ሞኪዳ ማጫሳታ

1 ሄሳፌ ጉዩ፣ ዩሱሲ ያሳ ካዎቲፋ ዎንጌላ ሳባኪሼ ካታማራኔ ጉታራ አጲሰ። ሄ ዎዴ ታማኔ ናሞዑ ሃዎራቲ ኢያራ ዴዎሶና።

2 ቃሲ ቱና አያናፔኔ ዴማ ዴማ ሃርገያፌ ፓዲዳ ኢሲ ኢሲ ማጫሳቲ ኢያራ ዴዎሶና። ኤንቲካ፣ ላፑን ቱና አያናቲ ከዱዳ ማግዴላ ማይራሞ።

3 ሂሮዲሳ ሹማ ኩዛ ማቸው ዮሃና፣ ሶሲናራኔ ቃሲ ሃራ ዳሮቲ ኤንታና ሚሼን ማዴይሳቲ ዴዎሶና።

4 ዳር አሳይ ዲማ ዲማ ካታማፔ ኢያኮ ሸቂን ለሚሶን ኤንታው ኦዲስ።

5 «ኢሲ ጎሻንቾይ ዜሬል ዜራናው ኬዩስ። ኢ ዜራሽን ኢሲ ኢሲ ዜሬላይ ኦጊ ገፃን ዋዲዲ ዬዴቲስ። ሳሎ ካፎቲ ማፂደሶና።

6 ሃራቲ ሻሎይ ጋርሳን ዳዲያ ቢታ ቦላ ዋዲደሶና። ቡሮ ደሊዳ ማላ ቢታን ላሆይ ባይና ጊሾ ማጪደሶና።

7 ሃራ ዜሬላይ ቃሲ አጉንላ ጊደን ዋዲስ። አጉንላር ዋላ ዲጨዳ ጊሾ አጉንላይ ጨሊዲ ቤሳን አሺሰ።

8 ሃራቲ ሎፖ ቢታ ቦላ ዋዲደሶና። ደሊዳ ዋዴ ፆቱ ኩሼ አይፊደሶና።» ሃሳ ኦዲ ኦንጊዲ። ባ ቃላ ጶቁ ኦሊዲ። «ሲዲያ ሃይሊ ዳዲያ ኡባይ ሲፖ» ያገሰ።

9 ኢያ ታማሬቲ። «ሃ ለሚሱዋ ቢርሽላይ አይቤ?» ያገሊዲ ኦይቺደሶና

10 ኢ። «ፆሳ ካዋቱላ ፀራ ኤራና ማላ ሂንቱው አሜቲስ። ሽን ሃራቲ ቤዲሽ ዳሞና ማላ። ሲዲሽ አከኮና ማላ ለሚሶን ኦዲደስ።

11 «ሂዛ። ሃ ለሚሱዋ ቢርሽላይ ሃይሳ። ዜሬል ያጌቱይ ፆሳ ቃላ።

12 ኦጊ ገፃን ዋዲዳ ዜሬላይ ቃላ ሲዲይሳታ። ጊደሽን። ኤንቲ አማኒዲ አቶና ማላ ፃላሄይ ቃላ ኤንታ ዋዛናፔ ማፂ ዲጌስ።

13 ሻሎይ ጋርሳን ዳዲያ ቢታ ቦላ ዋዲዳ ዜሬላይ ቃላ ሲዲዲ ኡፋይሳን ኤኬይሳታ። ኤንቲ ሃዲስ አማናሶናፔ አጉን ፃፀይ ባይና ጊሾ ፓጩይ ጋኪያ ዋዴ ኤሊሲዲ ካደሶና።

14 አጉንላ ጊደን ዜሬቲዳይሳቲ ቃላ ሲዲይሳታ። ኤንቲካ አላሚያ ቆፋን። ዲሬቱላኒ ሳሳ ዲሳ ሚኮቱላን ጨላቲዲ ቤሴይሳዳ አይፊሶና።

15 ሎፖ ቢታን ዋዲዳ ዜሬላይ ሎፖ ዋዛናን ቃላ ሲዲዲ ናጌይሳታኔ ዳንዳሳን ሚኒዲ አይፊ አይፊይሳታ።

16 «ፆሞፔ ፆሞፒዲ። ዳቾ ካሜይ ዋይኮ አርሳፊ ጋርሳን ዋሴይ ዳና። ጌሊያ አሲ ቤዳና ማላ ጶቃ ቤሳን ዋሴስ።

17 «ሃሳ ጊሾ። ቆንጩ ኬዮና ቆሴቲዲ አቲያባይ። ኤሬቶና ጌሚዲ አቲያባይ ዳና።

18 «ሂዛ። ሂንቲ ቃላ ዋቲ ሲዲያኮ አኬኪቲ። ዳዲያ ኡባስ

ጉዢቲዲ አሜታና። ባይናይሳስ ሃሪ አቶሽን ኢያው ዳዲያ ጉሊያካ ኢያፔ ኤኬታና» ያገሰ።

ዬሱሳ አዬራኔ አሻታራ (ማቶ 12:46-50፤ ማር 3:31-35)

19 ዬሱሳ አዬራኔ አሻታራ ኢያኮ ዩደሶና። ሽን አሳ ዳርቱላፊ ዳንደይሳን ኢያ ዳማናው ዳንዲሶኮና።

20 ኢሲ አሲ ዬሱሳኮ። «ኔ አዬራኔ ኔ አሻታራ ኔና ኮዩዲ ካሬን ናጎሶና» ያገሰ።

21 ዬሱሲ ዛሪዲ። «ፆሳ ቃላ ሲዲዲ ኦሶን ፔሽይሳቲ ኡባይ ታው አዮኔ ታው አሻ» ያገሰ።

ዬሱሲ ሃላ ዙሊያ ሴሪስ (ማቶ 8:23-27፤ ማር 4:35-41)

22 ኢሲ ጋላስ ዬሱሳራኔ ኢያ ታማሬታራ ኢሲፊ ዋጎሎን ጌሊዲ። «አባ ፒናስ» ያገሰ። ኤንቲካ ባናው ዳንዲደሶና።

23 አባ ባላራ ኤንቲ ፒናናው ቢሽን ዬሱሲ ጳስከስ። ቆፖና ሚፖ ጫርኮይ አባ ቦላ ዳንዲስ። ሃላይ ዋጎሎን ጌሊን ዋጎሎይ ሚቲቱሊ ኦይኪያ ዋዴ ኡባይ ባቢደሶና።

24 ኢያ ታማሬቲ ኢያኮ ሸቂዲ። «ኑ ጎዳው። ኑ ጎዳው። ኑ ጳዮስ ያገዲ» ዬሱሳ ዳንሊደሶና።

ዬሱሲ ዳንዲዲ ጫርኮዋኔ ጎቲያ ሴሪስ። ኤሊሲዲ ጫርኮይኔ ጎቲይ ዋፑ ገሰ። ሳርቱላይካ ሲሚስ።

25 ዬሱሲ ባ ታማሬታኮ። «ሂንቲ አማናይ አዉኔ» ያገሰ። ኤንቲካ። ያዩሽኔ ማላሌቲሽ ኢሶይ ኢሱዋኮ። «ጫርኮይኔ ሃላይ ኪቲቲይሲ። ኢ ሃይሲ ኦኔ» ያገደሶና።

ቱና አያናፔ ዬዴቲዳ ኡራ (ማቶ 8:28-34፤ ማር 5:1-20)

26 አባ ፒኒዲ ጋሊላ ባጋራ ዳዲያ ጌርጌሶኔ ቢታ ጋኪደሶና።

27 ዬሱሲ ዋጎሎፔ ኬዩዲ ሳሳን ዋዲሽን ቱና አያናን ኦይኬቲዳ ኡራይ ካታማፔ ኬዩዲ ኢያራ ጋሂቲስ። ዳር ላይሊ አፊሊ ማፖና ካሎ ዲፎን ዳዲሲፔ አቲን ሶ ጌሊና።

28 ዬሱሳ ቤዲዳ ዋዴ ኢያ ሲንላን ጉፋኒዲ። ባ ቃላ ጶቁ ኦሊዲ። «ኡባፊ ቦላ ፆሳ ናሳው ዬሱሳ ኔራ ታው አይቢ

ኢሲፌቴሌ ዴዒ? ሃያና ታና ሃዒ ኡንዮሶፋርኪ» ያገለገለ።

29 ሄሳ ኢ ገደይ፥ ቱና እያናይ ኡራፔ ኬያና ማላ ዩሱሲ ሃንቄቲዳ ገሾሳ። ዳር ዋዴ ቱና እያናይ ኢያ ሃሪዳ ገሾ ሳንገላላታኒኔ ቶሆ ቃቺያ ቢራታን ቃሹቲዳ ናጌቱሰ። ሺን ቃሹዋ ዲሌዲ ቱና እያናን ላጌቲዳ ባዘ ጌሊሰ።

30 ዩሱሲ፥ «ኔ ስንገላይ ኦኔ» ያገደዱ ኦይቺሰ።

ኢ፥ ዳር ቱና እያናቲ ኢያ ኦይኪዲ ገሾ ባና፥ «ሌገዮና» ገሰ።

31 ቱና እያናቲ ባንታና ሲጾሌ ኪቶና ማላ ዋሲደሶና።

32 ሄ ቤሳን ዘዜ ቦላ ማያ ጉዲንጾ ወዴይ ሃውቴሰ። ሂኒ ጉዲንጾታን ጌሊኖ ገዲ ዋሲደሶና፥ ኢካ «ጌሊቲ» ገሰ።

33 ቱና እያናቲ ኡራፔ ኬዩዲ ጉዲንጾታን ጌሊደሶና። ወዴይ ዴሪያፔ ዲጌ ጉርጉዲዲ እባን ጌሊሰ።

34 ሄንገንቶቲ ሃኒዳይሳ ቤዒዳ ዋዴ ዋዲ ቢዲ፥ ካታማኒኔ ጉታ ኡባን ኦዲደሶና።

35 አሳይ ሃኒዳባ ቤዒናው ኬዩዲ ዩሱሳኮ ዩደሶና፥ ቱና እያናይ ኬዩዲ ኡራይ ማዖ ማዒዲ፥ ኢያ ዋዛናይ ሰሚን፥ ዩሱሳ ቶሆ ማታን ኡቲዳይሳ ዴሚዲ ያዩደሶና።

36 ኢያ ቤዒዳ አሳይ ቱና እያናን ኦይኬቲዳ ኡራይ ዋኒዲ ፓዲዳኮ ኦዲደሶና።

37 ጌርጌሶኔ ዩሹዋን ዴዒያ አሳይ ገታ ያሽ ያሹቲዲ ዩሱሲ ባንታ ማታፔ ባና ማላ ዋሲደሶና። ኢ ዋጎሉዋን ጌሊዲ ጉዩ ሰሚሰ።

38 ቱና እያናይ ኬዩዳ ኡራይ ዩሱሳራ ዳናው ዋሲሰ።

39 ሺን ዩሱሲ ኢያኮ፥ «ኔ ሶ ሰማ፥ ያሳይ አይ ማላ ገታባ ኔው ኦሊዳኮ ኦዲ» ያገደዱ ማይዚሰ። ኡራይካ ዩሱሲ አይ ማላ ገታባ ኢያው ኦሊዳኮ ካታማ ኡባን ማርካቲሼ ቢሰ።

ሃይቂዳ ናዒወኔ ዩሱሳ ማዑዋ ቦቺዳ ማጫሰው

(ማቶ 9:18-26፤ ማር 5:21-43)

40 አሳይ ናገዲ ገምዒዳ ገሾ ዩሱሲ ሰሚያ ዋዴ ሞኪ ኤኪደሶና።

41 አይሁዴ ዋሳ ኬላ ሃላቃ ገዲዳ ኢያርሳ ገያ ኡራይ ባ ሶ ያና ማላ ዩሱሳ ቶሆዋ ቦላ ዋዲዲ ዋሲሰ።

42 ኢያው ታማኔ ናምዑ ላይሌ ገዲዳ ማጫ ናዒ ዴዒያራ ሳኬታዳ

ሃይቆስ ጋካዳ ዴዒወሱ። ዩሱሲ ቢያ ዋዴ አሳይ ኢያ ኡንዮሶሌ።

43 ታማኔ ናምዑ ላይሌ ሱሌ ጎገሼ ገምዒዳ ማጫሰ ዴዒያራ ዴዒወሱ። ኢያ ባው ዴዒያ ሚሺያ አኪሚታሰ ኢማዳ ኦንጋሱ። ሺን ፓዖናው ዳንዳባኩኩ።

44 ኢያ ዩሱሳሰ ጉዩ ባጋራ ሺቃዳ፥ ኢያ አፊላ ማጫራ ቦቻሱ፥ ሶሁዋራ ጎገያ ሱላይ ኤቂ አገሰ።

45 ዩሱሲ፥ «ታና ቦቺዳይ ኦኔ?» ያገለገለ። ኡባይ «ኦ ቦቺሶኮ» ያገኒ፥ ጳዲርሲ፥ «አስታማሪያው፥ ዳር አሳይ ካሊሺኒኔ ኡንዮሌሺን ቤዒሼ ዋናዳ፥ ታና ቦቺዳይ ኦኔ?» ጋይ» ያገለገለ።

46 ሺን ዩሱሲ፥ «ኢሲ አሲ ታና ቦቺሰ፤ አይሰ ገኮ፥ ዋልቂ ታፔ ኬዮይሲ ታው ኤሬቲሰ» ያገለገለ።

47 ማጫሰያ፥ አባይ ቆንጪዳይሳ ኡሪዳ ዋዴ ኮኮራሼ ያዳ ዩሱሳ ቶሆዋ ቦላ ኩንዳሱ። አይሰ ቦቺዳኮኔ ዋናዳ ኤሌሳዳ ፓዲዳኮ አሳ ኡባ ሲንገሳን ማርካታሱ።

48 ኢ፥ «ታ ናቲ፥ ኔ አማናይ ኔና ፓሌሰ፤ ሳርን ባ» ያገለገለ።

49 ዩሱሲ ኦዳ ኦንጎና ዴዒሺን፥ አይሁዴ ዋሳ ኬላ ሃላቃ፥ ኢያርሳ ሶፔ ኢሲ አሲ ዩዲ፥ «ኢያርሳ፥ ኔ ናዒያ ሃይቃሱ፤ አስታማሪያ ማላ ዳቡሪሶፋ» ያገለገለ።

50 ሺን ዩሱሲ ሄሳ ሰዒዲ ኢያርሳኮ፥ «ባቦፋ! አማና፥ ኔ ናዒያ ፓዖና» ያገለገለ።

51 ዩሱሲ ኢያርሳ ሶ ጋኪዳ ዋዴ ጳዲርሳፔ፥ ዮሃኒሳፔ፥ ያይቆባፔ፥ ናዒ አዋፔኔ አዩፔ ኦቲን ሃሪ ጌላና ማላ ኮዩቤና።

52 ሄ ቤሳን ዴዒያ አሳ ኡባይ ናዒሰ ሚሹቲዲ ዩኪሺን፥ ዩሱሲ፥ «ዩኮፊቲ! ናዒያ ጲሰካሱፔ ኦቲን ሃይቃኩኩ» ያገለገለ።

53 አሳይ ናዒያ ሃይቂዳይሳ ኡሪያ ገሾ ኢያ ኦዳ ሌቂዲ ሚጪደሶና።

54 ሺን ዩሱሲ ናዒ ኩሺያ ኦይኪዲ፥ «ናቲ ዴንዳ» ያገለገለ።

55 ናዒሰ ሽምፖይ ሰሚን ዴንዳ ኤቃሱ። ዩሱሲ ኤንታኮ፥ «አዉ ሚያባ ኢሚቲ» ያገለገለ።

56 ናዒ አዋራኔ አዩራ ማላሌቲደሶና። ሺን ዩሱሲ ሃይሳ፥ «ኦዴሰካ ኦደፔቲ» ያገለገለ።

9

ዩሱሲ ታማኔ ናምዑ ሃዋሬታ ከተሰ

(ማቶ 10:5-15፤ ማር 6:7-13)

1 ዩሱሲ ታማኔ ናምዑ ሃዋሬታ ባኮ ጭገዳ፣ ቱና እያናታ ከሳና ማላኔ ሃርጌ ኡባ ፓላና ማላ ዋልቃኔ ማታ አሚሰ።

2 ያሳ ካዎቴላባ ማርካታናዳኔ ሃርጋንቸታ ፓላናዳ ከተሰ።

3 ኢ ኤንታኮ፣ «ፃምዓ ጊዲን ኦጎር ጊዲን ካሌ ጊዲን ማሼ ጊዲን ላሚ ማዓያ እጅላ ጊዲን ኦጌሰ ጊዲ እይኮካ እይኮፊቴ።

4 ሄ ካታማፔ ሂንቴ ኬያና ጋካናው አማላቴላን ሂንቴ ጌሊዲሱዋን ጋምዒቴ።

5 ኦኒካ ሂንቴና ሞኮና ኢዳኮ ሄ ካታማፔ ከዪሹ ኤንታው ማርካ ጊዳና ማላ ሂንቴ ቶሁዋን ዴዒያ ባና ፒቴዲ ከዪቴ።»

6 ኤንቴካ ከቴቴዳይሳዳ ከዪዲ ዋንጌላ ኦዲሼኔ ዴማ ዴማ ጉታታን ሃርጋንቸታ ፓሊሼ እዲደሶና።

7 ጋለላ ቢታ ሃሪያ ሄርዲሲ ዩሱሲ ኦሊዳባ ኡባ ሰዒዳ ዋዴ ዳጋሚሰ። እይሰ ገኮ፣ ኢሲ ኢሲ እሳቴ ዮሃኒሲ ሃይቆፔ ዴንዳና እጌና ያጎሶና።

8 ባጋቴ፣ «ኤሊያሰ ቆንጨሰ» ጎሶና፤ ሃራቴ ቃሰ፣ «ቤኒ ናቤታፔ ኢሶይ ሃይቆፔ ዴንዲሰ» ያጊዲ ኦዲቶሶና።

9 ሺን ሄርዲሲ፣ «ዮሃኒሳ ቆዲያ ታ ቃንዲሳዳ ዋዳሰ። ያቴን፣ ሃይሳሳ ያጌቴዲ እያባ ኦዴቴይ፣ ኢ ኦኔ?» ያጊዲ ባ እይፊን ቤዓናው ኮዬሰ።

ዩሱሲ ኢቻሹ ሙኩሉ እሳ ሙዚሰ

(ማቶ 14:13-21፤ ማር 6:30-44፤ ዮሃ 6:1-14)

10 ታማኔ ናምዑ ሃዋሬቲ ጉዬ ሰሚ ዪዲ፣ ኤንቴ ኦሊዳባ ኡባ ዩሱሳሰ ኦዲደሶና። ኢ ኤንታና ኤኪዲ ቤቴሳይዳ ካታማፔ ጋፃ ኤፊሰ።

11 ሺን ዳር እሳይ ዩሱሳ ጊዴይሳ ኤሪዲ እያ ካሊደሶና። ኢ ኤንታ ሞኪ ኤኪዲ ያሳ ካዎቴላባ ታማርሲሰ፤ ፓፃናው ኮዬይሳታካ ፓሊሰ።

12 ሳዒ ኦማርሲያ ዋዴ ታማኔ ናምዑ ሃዋሬቲ ኢያኮ ሺቂዲ፣ «ኑ

ዴዔይ ባዞ ቢታ ጊዲያ ጊሾ እሳይ ዴማ ዴማ ጉታታኔ ካታማታ ቢዲ፣ ካሌኔ እቁያሶ ኮያና ማላ እሳ ሞይዛ» ያጊደሶና።

13 ሺን ኢ፣ «ኤንታው ሚያባ ሂንቴ አሚቴ» ያጊሰ።

ኤንቴ፣ «ኑሰ ዴዔይ ኢቻሹ ኡይሌኔ ናምዑ ሞሎ ጊዲያ ጊሾ ሃ እሳሰ ጊዲያ ካሌ ኦኒ ቢዲ ሻሞና ኢዳኮ ጊዳና ያጊደሶና።

14 ሄ ቤሳን ኢቻሹ ሙኩሉ ጊዲያ አዴቴ ዴደሶና።

ዩሱሲ ባ ታማሬታኮ፣ «እሻታማን አሻታማን ሻኪ ሻኪ እሳ ኡቴሲቴ» ያጊሰ።

15 ኢያ ታማሬቲ፣ ኢ ከቴዳይሳዳ እሳ ኡቴሲደሶና።

16 ኢ ኢቻሹ ኡይላኔ ናምዑ ሞሎታ ኤኪዲ፣ ሳሎ ጃሊዲ፣ ያሳ ጋለቴዲ፣ ሚንሳዲ እሳ ኡባ ጋላና ማላ ባ ታማሬታሰ አሚሰ።

17 ኡባይ ሚዲ ካሊደሶና። ኤንታፊ እቴዳ ቴፊይ ታማኔ ናምዑ ጋይታ ኮሚሌ ጊዲሰ።

ጳዒርሲ፣ ዩሱሲ ኦኔኮ ማርካቴሰ (ማቶ 16:13-19፤ ማር 8:27-29)

18 ዩሱሲ ባ ፃላላ ዋሲሺን፣ ኢያ ታማሬቲ ኢያኮ ዪደሶና። ኢ፣ «እሳይ ታና ኦና ጎና?» ጊዲ ኦይቹሰ።

19 ኤንቴ ዛሪዲ «ኢሶቴ ኢሶቴ፣ ማማቂያ ዮሃኒሳ፣ ባጋቴ ኤሊያሳ፣ ሃራቴ ቃሰ፣ ቤኒ ናቤታፔ ኢሶይ ሃይቆፔ ዴንዲሰ» ያጊደሶና።

20 ኢ ዛሪዲ፣ «ያቴን ሂንቴ ታና ኦና ጌቴ» ያጊሰ። ጳዒርሲ፣ «ኔኒ ያሳፊ ከቴቴዳ ከሪሰቶሳ» ያጊዲ ዛሪሰ።

21 ዩሱሲ ሃይሳ ኦዴሰካ ኦደፒቴ ጊዲ ሚንሳዲ ኦዲሰ።

22 ቃሰካ ዩሱሲ፣ «እሳ ናዓይ ዳር ሚቱዋ ኤካና። ቢታ ጨማታን፣ ካሂኔ ሃላቃታን፣ ሂጌ አሰታማሬታን እዲ አሚታና። ኤንቴ ኢያ ዋዳና፣ ሺን ኢ ሄቫንሳ ጋለሰ ሃይቆፔ ዴንዳና» ያጊሰ።

23 ዩሱሲ እሳ ኡባኮ፣ «ታና ካላናው ኮዬይ ኦኒካ ዴዒኮ ባና ካደ፣ ባ ማሰቃሊያ ጋለሰ ጋለሰ ቶኪዲ ታና ካሎ።

24 ባ ሸምጥው አሻናው ኮያ ኡባይ ኢዮ ዳይሴስ፡ ባ ሸምጥው ታ ጊሾ ጊዲ ዳይሴያ ኦኒካ ኢዮ አሸሰ።

25 አሲ አላሚ ኡባ ሃሪዲ፡ ጊደሺን ባ ሸምጥው ዳይሴያባ ዋይኮ ቆሂያባ ጊዲኮ ኢያ አይ ማዲ?

26 ኦኒካ ታናኒኔ ታ ቃላን ዬላቲኮ አሳ ናዓይ ባ ቦንቹዋራ ሄሳዳካ አዋ ቦንቹዋራኔ ጌሻ ኪታንቸታ ቦንቹዋራ ያ ዋዴ ኢያን ዬላታና።

27 ታ ሂንቲው ቱማ ኦዳይሰ፤ ሃይሳን ኤቁዳይሳታ ጊደፌ ያሳ ካዋቱላ ቤዖናሺን ሃይቆና አሳቲ ዴዖሶና» ያጊሰ።

ዬሱሳ ማላይ ላሚተሰ (ማቶ 17:1-8፤ ማር 9:2-8)

28 ዬሱሲ ሄ ኦዳ ኦዲን፡ ሆሰቸን ጋላሳ፤ ጉዬ ጳዒርሳ፡ ያይቆባኔ ዮሃኒሳ ባራ ኤኪዲ ዋሳናው ዴሪያ ቦላ ከዪሰ።

29 ኢ ዋሳ ቦላ ዴሪሺን ኢያ አይፌ ካሬይ ላሚተሰ፤ አፊላይካ አዋ ሜላ ጳሊዲ ቦሻሰ።

30 ናምቡ አሳቲ፡ ኤንቲካ ሙሴራኔ ኤሊያሳራ ቦንቸን ቆንጨዲ፡

31 ዬሩሳላሚን ፖሌታናው ዴሪያባ፡ ሄሰካ፡ ኢ ሃ አላሚያ፤ ሻኬታናባ ኢያራ ኦዴቶሶና።

32 ጳዒርሳኔ ኢያራ ዴዔይሳታ ጳሰኮይ ኤፊን፡ ኤንቲ ጳሰኮፌ ባርኪያ ዋዴ ኢያ ቦንቹዋኔ ኢያራ ኤቁዳ ናምቡ አሳታ ቤዒዶሶና።

33 አሳቲ ዬሱሳ፤ ሻኬቲዲ ባና ሃኒሺን፡ ጳዒርሲ ዬሱሳኮ፡ «ሳዳው፡ ሃይሳን ጊዴይሲ ኑሰ አይ ሚላ ሎዖ! ኢሲኖ ኔው፡ ኢሲኖ ሙሴሰ፡ ኢሲኖ ኤሊያሳሰ ኦሊዲ ሄዙ ሻቃራ ሻቃርሰ» ያጊሰ። ሺን ኢ አይ ጊዳኮ ኤሬና።

34 ኢ ያጊዲ ኦዴቲሺን ሻራይ ዪዲ ኤንታና ካሚሰ። ኤንቲ ሄ ሻራ ጊደ ጌሊሼ ባቢዶሶና።

35 ሻራ ጊደፌ፡ «ታ ዶሪዳ ናዓይ ሃይሳ ኢያ ሰዒቲ» ያጊያ ቃላይ ሰዒቲሰ።

36 ሄ ቃላይ ሰዒቲዳ፤ ጉዬ ዬሱሲ ባርካ ዴሪሹ ቤንቲሰ። ሄ ዋዴ ኤንቲ ቤዒዳባ ኦዴሰካ ኦዴና፡ ባንታ ዋዛናን ኦይኪዲ ሰዒ ጊደሶና።

ዬሱሲ ቱና ኢያና ኢሲ ናዓ፤ ከሲሰ

(ማቶ 17:14-18፤ ማር 9:14-27)

37 ዋንቱሌ ኤንቲ ዴሪያ፤ ዋዴ ዳር አሳይ ዪዲ ኢያራ ጋሄቲዶሶና።

38 ሄ ዋዴ አሳ ጊደፌ ኢሲ አሰ፡ «አሰታማሪያው፡ ታ ኢሲ ናዓ ያዳ ቤዓርኪ።

39 ቱና ኢያናይ ቆፖና ኦይኪዲ ዋሲሴሰ፤ ጎፖንቶ ዬጊሲዲ ቃኬራሌሰ፡ አሳቲላ ቆሃዲ ኤንዔሊዲ ዬዴሰ።

40 ኔ ታማሬቲ ኬሳና ሚላ ዋሳሰ፡ ሺን ኤንቲ ዳንዳሲቦኮና» ያጊዲ ዋሲሴ።

41 ዬሱሲ፡ «አማናይ ባይና ጌላ ዬሌቲላቶ፡ አዉዴ ጋካናው ታ ሂንቲራ ዳኔ፡ ሂንቲና ዳንዳዓኔ? ኔ ናዓ ባዳ ሃ ኤካያ» ያጊሰ።

42 ናዓ ኤኪዲ ያ ዋዴ ቱና ኢያናይ ሳዓን ሆሊ ዬጊዲ ኮኮርሲሰ። ሺን ዬሱሲ ቱና ኢያና ሃንቁዲ ናዓ፤ ከሲሰ። ናዓካ ናዓ አዋሰ አሚሰ።

43 አሳይ ኡባይ ያሳ ጊታ ዋልቃን ማላሌቲዶሶና፡ ኤንቲ ኢ ኦሊዳባን ማላሌቲሺን፡ ዬሱሲ ባ ታማሬታኮ።

44 «ሃይሳ ታ ሂንቲው ኦዴይሳ ሎይሊ ሰዒቲ፤ አሳ ናዓይ ሞርኬታ ኮሺን አጲ አሚታና» ያጊሰ።

45 ሺን ኢ ጊዳባይ ኤንታፌ ጌሚዳ ጊሾ አኬኪቦኮና። ሄሳ ጊሾ፡ ዛሪዲ ኦይቻናው ባቢዶሶና።

ኡባፌ ጊታ ጊዳናይ ኦኔ? (ማቶ 18:1-5፤ ማር 9:33-37)

46 ዬሱሳ ታማሬቲ፡ «ኑ ጊደን ጊታ ጊዳናይ ኦኔ?» ጊዲ ፓላማ ኦይኪዶሶና።

47 ዬሱሲ ኤንታ ዋዛና ቆፋ ኤሪዲ ዮጋ ናዓ ባ ማታን ኤሲዲ፡

48 «ሃ ዮጋ ናዓ ታ ሱንላን ሞኪያ ኦኒካ ታና ሞኬሰ፡ ታና ሞኬይ ታና ከቲዳይሳ ሞኬሰ፡ ሂንቲ ኡባፌ ጉዳይሰ፡ ኢ ጊታ ጊዳና» ያጊሰ።

49 ዮሃኒሲ፡ «ሳዳው፡ ኢሲ አሰ ኔ ሱንላን ቱና ኢያናታ ከሲሺን ቤዒዲ ኢ ኑራ ጊደና ጊሾ ዲጊዳ» ያጊሰ።

50 ዬሱሲ ዛሪዲ፡ «ሂንቲራ ኤቁቶናይሰ፡ ኢ ሂንቲ ባጋ። ሄሳ ጊሾ፡ ኢያ ዲጎፊቲ» ያጊሰ።

ሳማራ አሳይ ዩሱሳ ኢዲዶሶና
51 ዩሱሱ ሳሎ ቢያ ዋዴይ ማታተዳ ጊሾ ዩሩሳላሚ ባናው ቃንፃዲ ዳንዲሰ።

52 ሳማራ ቢታን ዳዲያ ኢሲ ጉታ ቢዲ፣ ኡባባ ኢያው ገሊሳና ሜላ አሴ ያ ከተሰ።

53 ሺን ኢ ቤይ ዩሩሳላሚ ገዲያ ገሾ ኤንቲ ኢያ ሞኪ ኤኪቦኮና።

54 ዩሱሳ ታማራቲ ያይቆባራኔ የሃረሳራ ሃሳ ቢዲዲ፣ «ጎዳው፣ ሳሎ፣ ታሚ ዋዲዲ ኤንታ ሞ ጋና ሜላ ኔ ኮያይ» ያገደሶና።

55 ሺን ዩሱሱ ጉዬ ሲሚ ኤንታ ሃንቄተዲ፣ «ሃንቲ ጋርሳን አይቤ አያኒ ዳዲያኮ ሃንቲ ኤሬኬታ። አሳ ናዳይ አሴ አሻናው ዩሲ፣ አቲን ቆይሳናሳ ገዳና» ያገሰ።

56 ያፔ ዳንዲዲ ሃራ ጉታ ቢደሶና።

ዩሱሳ ካሎይ ጨገሲያ ጋቲያ (ማቶ 8:19-22)

57 ኤንቲ ኦጊያራ ቢሺን፣ ኢሲ አሲ፣ «ኔ ቢያሶ ኡባ ታ ካሳና» ያገሰ።

58 ዩሱሱ ዛሪዲ፣ «ዋርካናታሰ ኦሊ፣ ሳሎ ካፎታሰ ከሌ ዳዴሰ፣ ሺን አሳ ናዳይ ባ ሁዲያ ሺምፒሲያሶይ ባዋ» ያገሰ።

59 ሃንኩዋኮ፣ «ኔኒ ታና ካላ» ያገሰ። ሺን ኡራይ፣ «ጎዳው፣ ኮይርታዳ ታ አዋ ሞጋዳ ያና» ያገሰ።

60 ሺን ዩሱሱ፣ «ሃይቁዳይሳቲ ሃይቁዳይሳታ ሞጋና ሜላ ኤንታው አጋጋ፤ ኔኒ ባዳ ያሳ ካዋቲላ ሳባካ» ያገሰ።

61 ቃሲ ሃራ አሲ፣ «ጎዳው፣ ታ ኔና ካላና፣ ሺን ኮይርታዳ ታ ሶ አሳ ሳርላዳ ያና» ያገሰ።

62 ዩሱሱ ዛሪዲ፣ «ኮፄ ኦይኪዲ ጉዬ ፀሊያ ኦኒካ ያሳ ካዋቲላሰ ቤሴና» ያገሰ።

10

ዩሱሱ ላፑን ታማኔ ናምቡ ታማራታ ከተሰ

1 ሃሳፊ ጉዬ፣ ጎዳይ ሃራ ላፑን ታማኔ ናምቡ * አሳታ ደሪሰ። ኢ

ባናው ቆፒዳ ካታማኔ ጉታ ኡባ ሲንሳቲዲ ባናዳ ናምባ ናምባ ኦሊዲ ከተሰ።

2 ዩሱሱ ኤንታኮ፣ «ሄኮ ሺቃና ካላይ ዳር ሺን ኦሳንቸቲ ጉላ። ያኒያ ገሾ፣ ካላ ጎዳይ ኦሳንቸታ ኪታና ሜላ ዋሲቲ።

3 ሃዛ፣ ቤቲ፣ ደርሳታዳ ሱቆሜታ ገደ ሃንቲና ታኒ ዩዳና።

4 ሃንቲ ቢያ ኦጊያሰ አይኮካ አይኮፊቲ፣ ሚሼ ገዲን ካሌ ገዲን ጫማ ኦይኮፊቲ። ኦኔ ቦላ ኦናካ ሳርሶፊቲ።

5 ሃንቲ ጌሊያ ከላ ኡባ ኮይርቲዲ፣ ሳርይ ሃ ከላሰ ገደ» ያገቲ።

6 ሳር ደሲያ አሲ ሄ ቤሳን ዳዲኮ፣ ሃንቲ ሳርይ ያን ሺምፓና፤ ኢፀሰ ገኮ ሃንቲ ሳርይ ሃንቲው ሲማና።

7 ኦሳንቸሰ ዳሞዜ ቤሲያ ገሾ ሃንቲ ጌሊዳ ከላን ሃንቲው ሺሺዳባ ኡባ ሚሼኔ ኡዩሼ ያን ጋምባቲ። ኢሱዋ ሶፔ ኢሱዋ ሶ ዩኖፒቲ።

8 አይ ካታማካ ሃንቲ ጌሊያ ዋዴ አሳይ ሃንቲና ሞኪዲ፣ ሃንቲው ሺሺዳባ ኡባ ሚቲ።

9 ሄ ካታማን ዳዲያ ሃርጋንቸታ ፓሊሼ፣ (የሳ ካዋቲላይ ሃንቲኮ ማቲሰ) ያገዲ ኦዲቲ።

10 ሺን ኢሲ ካታማ ጌሊያ ዋዴ አሳይ ሃንቲና ሞኮና ኢጃኮ ዳባባ ኬዩዲ ሃይሳዳ ገቲ።

11 ኦኮ ቶሁዋ ቦላ ዳዲያ ሃንቲ ካታማ ባና ፒቶሰ፣ ሺን ያሳ ካዋቲላይ ሃንቲኮ ማታቲዳይሳ ኤሬቲ።

12 ፒርዳ ጋላሳን ሃ ካታማፔ ሶዶሜ ካታማሰ ፒርዳይ ካዉሼ ገዳናይሳ ታ ሃንቲው ኦዳይሰ» ያገሰ።

አማኖና ገሾ ቦሬቲዳ ካታማታ (ማቶ 11:20-24)

13 ካሊዲካ፣ ዩሱሱ፣ «ኔኖ ኮራዚኔ፣ ኔኖ ቤቲሳይዳ፣ አዬ፣ ሃንቲናን ኦሴቲዳ ማላታቲ ዪርሳኒኔ ሲደናን ኦሴቲዳኮ ያን ዳዲያ አሳይ ካሌ ማዲዲ፣ ቢደንሳ ቦላ ኡቲዲ ቤኒ ማርታን ጌሊ አጋናሺን።

9:54 2ካዎ 1:9-16 9:61 1ካዎ 19:20 * 10:1 ላፑን ታማኔ ናምቡ፣ ኢሲ ኢሲ ማፃፋቲ ላፑን ታማ ጎሶና፤ ቃሲ ፓይዶ 17 ያላ። 10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 1ቆር 9:14፤ 1ጊዋ 5:8 10:10 ሃ.ኦ 13:51 10:11 ማቶ 10:7-14፤ ማር 6:8-11፤ ሉቃ 9:3-5 10:12 ሜዲ 19:24-28፤ ማቶ 10:15፤ 11:24 10:13 ኢሳ 23:1-18፤ ሃከ 26:1-21፤ ኢዩ 3:4-8፤ ኣዋ 1:9-10፤ ዛካ 9:2-4

14 ሄሳ ጊሾ፡ ሂንቴፌ አሊዲ ሂርሳሲኔ ሲደናሰ ያሳ ፐርዳይ ካዉያና።

15 ኔካ ቂፊርናሆሜ፡ ሳሎ ጋካናው ኔና ቶቁ ኦላናው ኮያይ? ኔ ዱጌ ሲያሌ ሆሌታና» ያገሰ።

16 ቃሲካ ዩሱሲ ባ ታማራታኮ፡ «ሂንቴና ሲዔይ ታና ሲዔሴ፤ ሂንቴና ኤኮናይ ታና ኤኮና፤ ታና ኤኮናይ ታና ከቲዳይሳ ኤኮና» ያገሰ።

ላፑን ታማኔ ናሞሳቲ ሲሚደሶና

17 ላፑን ታማኔ ናሞዑ ታማራቲ ከቲቲዳ ቤሳፌ ከሄ ኡፋይቲሼ ሲሚደሶና። ዩሱሳኮ ሸቂዳ፡ «ጎዳው፡ ኔ ሱንላን ቱና እያናቲካ ኑሰ ከቲቲደሶና» ያገደሶና።

18 ዩሱሲ ኤንታኮ፡ «ፃላሄይ ሳሎፕ ዋልግገላዳ ዋዲሽን ታ ቤዓሰ።

19 ሄኮ፡ ሾሻኔ ኮርኔ ዩቆና ሜላኔ ሞርኪያ ዋልቃ ዛራና ሜላ ማታ ሂንቴው አማሰ። ሂንቴና ቆሃናባይ አይኮይካ ዳና።

20 ጊደሽን፡ ሂንቴ ሱንላይ ሳሎ ማዘጋባን ፃፊቲዳ ጊሾ ኡፋይቲቲፕ ኣቲን ቱና እያናቲ ከቲቲዳ ጊሾ ኡፋይቶፊቲ» ያገሰ።

ዩሱሲ ባ ኡፋይሳ ቆንጨሲሰ (ማቶ 11:25-27፤ 13:16-17)

21 ሄ ዋዴ ዩሱሲ ጌሻ እያናን ኡፋይቲዳ፡ «ሳሎዋ ሳዓ ጎዳው፡ ሃይሳ ጨንጫታፕኔ ኤራንቸታፕ ጌንላዳ ያላጋታሰ ቆንጨሲዳ ጊሾ ጋላቲታ። ኤ ታ አዋው፡ ሄሳ ኔ ኦላናው ሎ? ሼኔ ጊዳሰ።

22 «ኡባባይ ታ አዋፕ ታው አማቲሰ። ናዓይ ኦኔኮ አዋፕ ኣቲን ሃሪ ዋይኮ ናዓይ ቆንጨሳናው ኮይይሳፊ ሃሪ ኦኒካ አዋ ኤሬይ ባዋ» ያገሰ።

23 ካሊዲካ፡ ዩሱሲ ዲማ ባ ታማራታኮ፡ «ሂንቴ ቤዔይሳ ቤዔይሳቲ ኣንጃቲዳይሳታ።

24 ቱማ ዳር ናቤቲኔ ካዋቲ ሂንቴ ቤዔይሳኔ ሲዔይሳ ቤዓናዉኔ ሲዓናው አሞቲደሶና፤ ሽን ቤዒቦኮና፡ ሲዒቦኮና» ያገሰ።

ቱማ ሲቆ

25 ሄኮ፡ ኢሲ ጋላሰ ሙሴ ዋጋ ኤሪያ ኢሲ ኡራይ ዳንዲዲ

ዩሱሳ ያገዲ ጋጩ ኦይሾ ኦይቺሰ። «ኣሰታማሪያው፡ ማሪና ዴዑዋ ላታናው ታኒ ኣይ ኦሶ?» ያገሰ።

26 ዩሱሲ፡ «ሙሴ ማፃፃን ፃፊቲዳይ ዋይጊ? ኔ ዋታ ናባባይ?» ያገሰ።

27 አዳይ ዛሪዳ፡ « ኔ ጎዳ ኔ ያሳ፡ ኔ ኩሜላ ዋዛናፕ፤ ኔ ኩሜላ ሼምፑዋፊ፤ ኔ ኩሜላ ዋልቃፊኔ ኔ ኩሜላ ቆፋፕ ደሳ። ቃሲ ኣሴ ኔ ሾሩዋ ኔ ሁዒያዳ ደሳ» ያገሰ።

28 ዩሱሲ ኢያኮ፡ «ኔኒ ሊኬ ዛራዳሳ፡ ኔካ ሄሳዳ ኣላ። ኔኒ ማሪናው ዳዖን ዳና» ያገሰ።

29 ሽን ኡራይ ባና ሂሎ ኦላናው ኮዪዳ፡ «ሃኖሰ ኢ ታ ሾርይ ኦኔ?» ያገሰ።

30 ኢያ ኦይሻሰ ዩሱሲ ያገዲ ዛር አሚሰ፡ «ኢሲ ኣሴ ዳዔይሲ ዩሩሳላሚ ካታማፕ ዱጌ ኢያርኮ ካታማ ቢሽን ኦኔ ቦላ ፓንጋቲ ኬዪዲ ሾጪደሶና። ኢያ ማዑዋ ቃሪ ኤኪዲ ሃይቆፕኔ ፓፃፕ ጊደን ዩጊዲ ቢደሶና።

31 ጉዩፕ፡ ኣይሁዳ ካሂኔ ኢሶይ ሄ ኦጊያራ ባ ቡሱ ቢሼ ኡራ ቤዒዲ ዳሺ ጊዲ አዲሰ።

32 ቃሲ ኢሲ ለዌ ዳዔይሲ ሄ ቤሳ ጋኪሼ ኡራ ቤዒዲ ሃራሶራ ኣዲዲ ቢሰ።

33 ሽን፡ ኢሲ ሳማሪ ቢታ ኣሴ ዳዔይሲ ሄ ኦጊያራ ዪሼ ኡራ ቤዒዲ ኢያው ቃዴቲሰ

34 ኢያኮ ሸቂዳ፡ ኢያ ማዲንላ ቦላ ዛይቲኔ ዋይኔ ቲጊዲ ቃቺሰ። ባ ሃሪያ ቦላ ኡቲሲዲ አማላ አቂያ ኬላ ኤፊሰ። ሄ ቤሳን ኢያው ኮሺያባ ኡባ ኦላሰ።

35 ዋንቴሌ ናሞዑ ዲናሬ ኬሲዲ አማላ ኬላዋሰ አሚዳ፡ ሃያና ሃ ኡራ ሎይላ ፃላ። ታኒ ኔው አሚዳይሳፊ ቦላራ ኔ ኬሲያባ ኡባ ታ ኔው ጨጋና) ያገሰ።

36 «ሂዛ፡ ሃ ሄቭ ኣሳታፕ ፓንጋቲ ሾጪዳ ኡራሰ ሾርቲይ ኔው ኦና ዳኒ?»

37 ኡራይ ዛሪዳ፡ «ኢያው ቃዴቲዳይሳካ» ያገሰ።

ዬሱሲ፡ «ኔካ ባዳ ሄሳዳ ኦላ» ያገሰ።

ዬሱሲ ማርታን ማይራማ ሶን

38 ዬሱሲ ባ ታማሪታራ ኦጌ ቢሽ ኢሲ ጉታ ጋሲ። ያን ማርታ ጌቲቲያ ኢሲ ማጫሲያ ኢያ ባ ሶን ሞካሱ።

39 እዉካ ማይራማ ጊያ ሚቺያ ዴዓዉሱ፡ ማይራማ ቃላ ሲዓሽ ጎዳ ቶሁዋ ማታን ኡታሱ።

40 ሺን ማርታ ዳር ኦሶን ኡንዔታዳ ዬሱሳኮ ሸቃዳ፡ «ጎዳው፡ ታ ሚቺያ ኦሱዋ ታ ዓላላሰ ዩጋዳ ኡታ ኣገን ታ ዳቡሪያ ዋዴ ኔጊ ቤዓሽ ሲዒ ጋይ? ኢያ ታና ማዳና ማላ ኦዲኪ» ያጋሱ።

41 ሺን ጎዳይ ሃይሳዳ ጊዲ ዛሪሰ፡ «ማርታ፡ ማርታ፡ ኔጊ ዳርባን ኡንዔታሳኔ ማቶታሳ።

42 ጊደሺን፡ ኮዬቴይ ኢሲባ ዓላላ። ማይራማ ሎዖባ ዶራሱ፡ ሄሲካ ኢፔ ኤኩቴና» ያገሰ።

11

ዬሱሲ ዋሳባ ታማርሲስ

(ማቶ 6:9-13፤ 7:7-11)

1 ኢሲ ጋላሰ ዬሱሲ ኢሲ ቤሳን ዋሴሰ። ዋሳ ዉርሲዳ ዋዴ ኢያ ታማሪታፔ ኢሶይ፡ «ጎዳው፡ ዮሃኒሲ ባ ታማሪታ ዋሳ ታማርሲዳ ማላ ኔካ ኦና ዋሳ ታማርሳ» ያገሰ።

2 ዬሱሲ፡ «ሃይሳዳ ያጊዲ ዋሲቴ፡ ሳላዋን ዴዒያ ኦ ኣዋው ኔ ጌሻ ሱንሳይ ኣንጃቶ፤ ኔ ካዋቴሳይ ዮ።

3 ኦ ጋላሳ ካላ ሃቺ ሃቺ ኦሰ ኢማ።

4 ኦና ቆሃይሳታ ኦኒ ኣቶ ጌይሳዳ፡ ኦ ናጋራ ኣቶ ጋ፤ ፓጩን ኦና ጌልሶፋ» ያገቲ» ያገሰ።

5 ካሊዲካ፡ ዬሱሲ ባ ታማሪታኮ ያገሰ፡ «ሉሚሶስ ሂንቴፌ ኢሱዋሰ ሳጌይ ዴዒሰ። ኢ ጊዲ ቢላሄ ባ ላጊያ ሶ ቢዲ፡ ሓ ላጊያው፡ ሄሹ ሶሎ ታው ታልዓርኪ።

6 ታው ላጌ ጊዲዳ ኢሲ ኣሲ ኦጌፔ ዪን፡ ኢያው ኣሌያባ ጳያሰ» ያገኩ።

7 «ኢያ ላጌይ ከላ ጊደን ጊዲዲ፡ ሳሃና ታና ዋይሶፓ፡ ዉላይ ጎርዴቲሰ። ታ ናይቲካ ታራ ኣርሳ ሶላ ዚንዒደሶና። ያጊያ ጊሹ፡ ዴንዳዳ ኔ ኮያባ ኢማናው ዳንዳዒኬ» ያገይዮ?

8 ታ ሂንቴው ኦዳይሰ፤ ላጌቴላ ጊሹ ዴንዲዲ ኢማናው ኮዮና ኢግኮካ ዋሳን ሳሌሌዳ ጊሹ ዴንዲዲ ኮሺያባ ኡባ ኢሚሰ።

9 «ሃሳ ጊሹ፡ ታኒ ሂንቴው ኦዳይሰ፤ ዋሲቴ ሂንቴው ኢሚታና፤ ኮዩቴ ሂንቴ ዴማና፤ ካሪ ዪዲ ግጌቴ ሂንቴው ደዩታና።

10 ጋሶይካ ዋሲያ ኡባይ ኤኩሰ፤ ኮዬይ ዴሚሰ፤ ካሪ ዪዲ ግጌይሳሰ ደዩቴሰ።

11 «ሂንቴና፡ ኣዋቶ ሂንቴ ጊደፌ ናዒ ኡይሌ ዋሲን ሹቹ ኢሚይ ኦኔ? ሞሎ ዋሲን ሹሺ ኢሚይ ኦኔ?

12 ዋይኮ ጰጰሌ ዋሲኮ ኮርኔ ኢሚ?

13 ሂንቴ ኢታታ ጊዲሹ ሂንቴ ናይታሰ ሎዖባ ኢሞ ኤሪኮ፡ ሳሎን ዴዒያ ሂንቴ ኣዋይ ዋሴይሳታሰ ጌሻ ኣያና ዋቲ ኣሌ ኢሜኔ?» ያገሰ።

ዬሱሳኔ ቢዔልዜቡላ

14 ኢሲ ጋላሰ ዬሱሲ ደና ሙሚሲዳ ቱና ኣያና ኢሲ ኡራፔ ኬሲሰ። ቱና ኣያናይ ኬዪዳ ማላ ሙሚ ኡራይ ኦዴቲሰ። ኣሳይካ ማላሌቲሰ።

15 ሺን ኢሶቲ ኢሶቲ፡ «ቱና ኣያና ሃላቃ፡ ቢዔልዜቡላ ዋልቃን ቱና ኣያናታ ኬሴሰ» ያገደሶና።

16 ሃራቲ ቃሲ ፓጩሰ ሳሎፔ ማላ ቤሳና ማላ ኮዪደሶና።

17 ሺን ዬሱሲ ኤንታ ቆፋ ኤሪዲ ኤንታኮ፡ «ዋሊ ጊደን ሻኬቲያ ካዋቴሌ ኡባይ ጳዩሰ፤ ዋሊ ጊደን ሻኬቲያ ኬሌ ኩንዴሰ።

18 ዓላሄይ ዋሊ ጊደን ሻኬቲኮ ኢያ ካዋቴሳይ ዋኒዲ ሚኒዲ ኤቃኔ? ሂንቴ ታና፡ ሲ ቱና ኣያናታ ቢዔልዜቡላ ዋልቃን ኬሴሰ» ያገታ።

19 ሂካ፡ ታኒ ቱና ኣያና ቢዔልዜቡላ ዋልቃን ኬሴያባ ጊዲኮ ሂንቴ ናይቲ ኦዴ ዋልቃን ኬሶናሻ? ሃሳ ጊሹ፡ ኤንቴ ሂንቴ ሶላ ፐርዴይሳታ ጊዳና።

20 ሺን ታኒ ቱና ኣያናታ ያሳ ቢራዴን ኬሴያባ ጊዲኮ ሂካ ያሳ ካዋቴሳይ ሂንቴኮ ማቲዳይሳ ኤሪቴ።

21 «ሚኖ ኣሲ ዳንጩቴዲ ባ ኬላ ናጊያባ ጊዲኮ፡ ኢያ ሻሎይ ቦሹቴና።

22 ሃናሺን፡ ኢያፔ ኣጲ ሚኖ ጊዲዳ ኣሲ ዪዲ፡ ኢያ ቆሃዲ ያኒኮ ኣማኔቲዲ

ዳንጨዳ ዳንጨዋ ቢሊሲዲ፣ ኢያ ቫሉዋ ቦንቂዲ ሃራስ ቫኬስ።

23 «ታሪ ገደናይሲ ታና ኢጻስ፤ ታሪ ሸሸናይሲካ ላሊስ።

24 «ቱና ኣያናይ ኣሳፔ ከዩዳ ዎዴ ሸምፒያሶ ኮዩዲ ሃላ ባይናሶራ ዩዩስ። ሸምፒያሶ ቆዩዳ ዎዴ ታ ከዩዳሱዋ ሰማና) ያጌስ።

25 ኢ ሲሚያ ዎዴ ከላይ ፒቲቲዲ ሎዒዲ ዴዒሺን ዴሚስ።

26 ሃሳፌ ጉዩ፣ ቢዲ ኢያፔ አዲዲ አቲዳ ሃራ ላፑን ቱና ኣያናታ ኤኪዲ ዩስ። ኢያን ጌሊዲ ዱሱ ኦይኬስ። ሄ ኡራስ ኮይሮይሳፌ ጉዩይሲ አዲዲ ኢታ ገዴስ» ያጌስ።

27 ዩሱሲ ሃሳ ኦዳ ቦላ ዴዒሺን ኢሲ ማጫሲ አሳ ጋላፌ ዴንዳዳ፣ ባ ቃላ ቶቁ ኦላዳ፣ «ኔና ቶኪዳ ኡሎይኔ ኔጊ ቆሚዳ ቆንላቲ አንጃቲዶሶና» ያጋሱ።

28 ሺን ኢ፣ «አንጃቲዳይሳቲ ያሳ ቃላ ሲዒዲ ከቲቲይሳታ» ያጌስ።

ዮናሳ ማላ

29 ዳሮ አሳይ ሸቂዳ ዎዴ ዩሱሲ፣ «ሃ ዩሌቲላይ ኢታ፤ ኦራላ ማላ ኮዩስ። ሺን ዮናሳ ማላታፔ አቲን ሃሪ ኤንታው አሜቲና።

30 ዮናሲ ናናዌ አሳስ ማላ ገዲዳ ማላ አሳ ናናይካ ሃ ዩሌቲላስ ማላ ገዳና።

31 ዲጌሃ ካዊያ ፒርዳ ጋላስ ሃ ዩሌቲላሪ ዴንዳዳ ፒርዳና። ጋሶይካ፣ ኢያ ሶሎሞኔ ጨንጨቲላ ሲዳናው ቢታ ጋፃፔ ዴንዳዳ ያሱ። ሄኮ ሶሎሞኔፔ አዴይሲ ሃይሳን ዴዔስ

32 ናናዌ አሳቲ ፒርዳ ጋላስ ሃ ዩሌቲላሪ ዴንዳዳ ኤንታ ቦላ ፒርዳና። ጋሶይካ ዮናሳ ሲብካቲያን ማርታ ጌሊዶሶና። ሄኮ፣ ዮናሳፔ አዴይ ሃይሳን ዴዔስ» ያጌስ።

አሳቲላ ፖፖ

33 «ዎምፔ ዎምፒዲ ቆሳ ቤሳን ዎይኮ ኦቶ ገደን ዎሊያ አሲ ዴና። አሲ ፖራዋ ቤዳና ማላ ቶቃ ቤሳን ዎሊስ።

34 ኔ አሳቲላስ ፖፖይ ኔ አይፊያ። ኔ አይፊይ ሎፖ ገዲኮ፣ ኔ ኩሜላ አሳቲላይ ፖዔስ። ኔና አይፊይ ሳኪኮ ኔ አሳቲላይ ኡባይ ቆሜስ።

35 ሃሳ ጊሾ፣ ኔ ጋርሳን ዴዒያ ፖፖይ ቆሞና ማላ ናጌታ።

36 ሃዛ፣ ኔ ኩሜላ አሳቲላይ ፖፖ ገዲኮ፣ ኔ አሳቲላንካ ሃሪ ቆሚያ ቤሲ ቆዩኮ፣ ኔ አሳቲላ ኩሜላይ ዎሊሊ ፖፖ ማላ ገዴስ» ያጌስ።

ኡሱፑን አዩታ

(ማቶ 23:1-36፤ ማር 12:38-40)

37 ዩሱሲ ባ ኦዳ ኦንጊዳ ማላ ኢሲ ፋሪሳዊይ ባራ ካላ ማና ማላ ያጌስ። ኢ ኢያራ ኢሲፌ ጌሊዲ ጊቢራ ቦላ ኡቲስ።

38 ፋሪሳዊይ ዩሱሲ ካላ ማናፔ ሲንላ ኩሼ ሜጮናይሳ ቤዒዲ ማላሌቲስ።

39 ጎዳይ ኢያኮ፣ «ሂንቲ ፋሪሳዊቲ ቁሊያኔ ሻቲያ ቦላ ባጋ ሜጩታ። ሺን ሂንቲ ጋላይ ኡዜቲላኔ ኢታቲላን ኩሚስ።

40 ሂንቲኖ፣ ኤያቶ፣ ካሬ ባጋ ማዲዳይሲ ጋላ ማዲዳይ ኢያ ገዴይዬ?

41 ሺን ቁሊያኔኔ ሻቲያን ዴዒይሳ ማንቆታስ አሚቲ። ሄ ዎዴ ሂንቲው ኡባባይ ጌሺ ገዳና።

42 «ፋሪሳዊቶ ሂንቲና አይ፣ ሳዎፔ፣ ያሎፔፔ፣ ሃሳ ማላባፔ አሰራታ ከሴታ። ሺን ያሎፔላኔ ያሳ ዶሶይ ሂንቲናን ባዎ። ሃራታ አጎና ሃይሳታካ ኦላናው ቤሴስ፣ ሺን አጌዳታ።

43 «ፋሪሳዊቶ ሂንቲና አይ፣ አይሁዴ ዎሳ ኩላን ቦንቾ ኦይዴ፣ ጌያ ገደን ቦንቾ ሳርላ ዶሴታ።

44 «ማላይ ቆዩን አሳይ ኤርና ቦላራ ቢያ ዱዴ ዳይይሳቶ ሂንቲና አይ» ያጌስ።

45 ሃጌ አስታማሬይ ዛሪዲ፣ «አስታማሬያው፣ ኔ ሃሳ ጋሼ ኑና ጫያሳ» ያጌስ።

46 ዩሱሲ፣ «ሂንቲኖ፣ ሃጌ አስታማሬቶ፣ ሂንቲናካ አይ፣ አሳይ ቶካናው ዳንዳያና ዴያ ቶሆ ቶሴታ። ሺን ሂንቲ ሃንቲ ሁዒስ ሃሪ አቶሺን ቢራዴ ያራንካ ቦቼኬታ።

47 «ሂንቲ አዎቲ ዎዲዳ ናቤታ ዱፋዎ ሂንቲ ጊሊሲያ ጊሾ ሂንቲና አይ።

48 ሃዛ፣ ሂንቲ አዎታ ኡሱዎ ማንላናው ኤንቲ ዎዲዳ ናቤታ ዱፋዎ

11:29 ማቶ 16:4፤ ማር 8:12 11:30 ዮሃ 3:4 11:31 1ካዎ 10:1-10፤ 2ታሪ 9:1-12 11:32 ዮሃ 3:5 11:33 ማቶ 5:15፤ ማር 4:21፤ ሉቃ 8:16 11:42 ሉቁ 27:30

ሂንቴ ሎይሊያ ገሾ ኤንታ ኢታ ኦሱቀሰ ሂንቴ ማርካ።

49 ሂንቴ ገሾ፣ ያሳይ ባ ጨንጫቴላን፣ ሩቤታኔ ሃቀሬታ ታ ሂንቴው ኪታና፣ ሺን ሂንቴ ባጋታ ዋጳና፤ ሃራታ ጎዳና) ያገሰ።

50 ሂንቴ ገሾ፣ ሃ ዩሌቴላይ አላሜይ ማዴቶሳፕ ሃኖ ጋካናው ጉቡዳ ናቤታ ኡባ ሱላስ አይሾታና።

51 አቤላፕ ደሚዲ ያርሾ ቤሳሲኔ ያሳ ከላፊ ገደቀን ጉቡዳ ዛካሪያሳ ሱላ ገሾ ሃ ዩሌቴላይ አይሾታና።

52 «ሂንቴ አስታማሬቶ፣ ሂንቴና አይ፣ ኤራቴላ ቁልፒያ ሂንቴ ኩሺን አይኪዳታ፣ ሺን ሂንቴው ጌሌኬታ ሃራታካ ጌልሴኬታ።» ያገሰ።

53 ዩሱሲ ያፕ ባናው ኬያ ዋዴ ሂንቴ አስታማሬቴኔ ፋሪሳዌቲ ኢያራ ኤቁቴዲ አይሾን ዋይሶሶና።

54 ኢያ ደናፕ ኬያ ቃላን ኢያ አይካናው ኮዩዲ ሂንቴ አሊደሶና።

12

አያና ሚንሌላ (ማቶ 10:26-27)

1 ሂንቴ ዋዴ ደር ሙኩሉን ታይቤቲያ አሳይ ዋሊ ቦላ ዩዴታና ጋካናው አሲ አሳ ቦላ ሸቁዲ ዳዒሺን፣ ዩሱሲ ባ ታማሬታኮ፣ «ፋሪሳዌታ ኢርሹቀሬ ናጌቴቴ። ሄሲካ ኢንታ ጨቦቴላ።

2 ቆንጮና ቆሴቲዲ፣ ኤራቶና ጌማዲ አቲያባይ አይኮይካ ባዋ።

3 ሂንቴ፣ ሂንቴ ጳማን አዲዳባይ ኡባይ ፖን ሲዔታና፣ ቆልባ ጋላን ካልካሺዳባይ ዳባባን አይታና።

4 «ታ ባጋቶ፣ ታ ኦይይሳ ሲዒቴ፤ አሹቀ ዋዶሶናፕ አቲን ሃራ አይኮካ አላናው ዳንዳያናይሳታስ ባቦሬቴ።

5 ሃኖሺን፣ ሂንቴ ባባናው ቤሴይሳ ታ ሂንቴው ቆንጨሳና። ሄሲካ ዋዴዳፕ ጉዬ ጋናሜን ዩጋናው ዋልቃይ ዳዒይሳስ ኢያው ባቢቴ። ኤ፣ ቱማ ገይሰ፤ ኢያው ባቢቴ።

6 ኢቻሹ ቡቤቲ ኢሲ ሳንቲሜስ ባይዘቶኮናዬ? ሃኖፕ አቲን ኤንታፊ ኢሲናካ ያሳ ሲንላን ደጌቴኩ።

7 ሃሪ አቶሺን፣ ሂንቴ ሁዔ ቢናናይካ ፓይዳቴዲ ዳዒሰ። ሂንቴ፣ ባቦሬቴ፤ ዳር ቡቤታፕ ሂንቴ አይታ።

8 «ታ ኦይይሳ ሲዒቴ፤ አሳ ሲንላን ታው ማርካቲያ ኡባስ አሳ ናዒይ ያሳ ኪታንቸታ ሲንላን ማርካታና።

9 አሳ ሲንላን ታና ካይይሳስ ያሳ ኪታንቸታ ሲንላን ታ ኢያ ካዳና።

10 አሳ ናዒ ቦላ ካዴ ቃላ ሃሳያ ኡባይ ማርታ ዳማና፣ ሺን ጌሻ አያና ቦላ ካዴ ቃላ ኦይቴይሲ ማሬቴና።

11 «አሲ ሂንቴና አይኪዲ አይሁዴ ዋሳ ኬላን፣ ዳይናታ ሲንላኒኔ ካዋታ ሲንላን ጎሹቸያ ዋዴ አይ ኦዳኮኒኔ ዋይጊ ዛሪኮኮ ሂንጎሬቴ።

12 ሂንቴ ዋዴ ሂንቴ ኦዳናባ ጌሻ አያናይ ሂንቴና ታማርሳና» ያገሰ።

ዲሬ ኡራ ኤያቴላ

13 አሳ ገደሬ ኢሲ አሲ ዩሱሳኮ ዩዲ፣ «ታ አሻይ ታው ኦ አዋ ላታፕ ሻካና ማላ ኢያው ኦዲ» ያገሰ።

14 ዩሱሲ ዛሪዲ፣ «ላ አዲያው፣ ሂንቴ ቦላ ታና ዳይናኔ ላታ ሻኪያ ጨማ ኦሊዳይ ኦኔ?» ያገሰ።

15 ቃሲካ ዩሱሲ፣ «አሳ ዳዖይ ሻሎ ዳርቴላን ገደና ገሾ ያሬ አገዲ ሚንሊዲ ሂንቴና ናጌቴ» ያገሰ።

16 ካሊዲካ ለሚሶን፣ «ጋዴይ ዳር ካሊ አሚያ ኢሲ ዳራ ኡራይ ዳዒሰ።

17 ሂንቴ ኡራይ፣ «ታ ካላ ታኒ ሸሻናው ቤሲ ጉዲዳ ገሾ አይ ኦላ?» ያገላ ባ ዋዛናን ቆፒሰ።

18 ሂንቴ ያታና፤ ካሴ ዳዒያ ሻሊታ ላላዳ ሃራ ዳልጋ ሻሊታ ኬዖና። ካላኔ ታው ዳዒያባ ኡባ ኢያን ዩጋና።

19 ባ ሸምፔኮ፣ «ታ ሸምፔቴ፣ ዳር ላይላስ ኔው ገዲያ ሻሎ ሸሻሰ። ሂንቴ፣ ሸምፓዳ ማ፣ ኡያ፣ ኡፋይታ) ያጋና።

20 «ሺን ያሳይ፣ «ላ፣ ኤያ አዲያው፣ ሃቲ ቃማ ኔ ሸምፔያ ኔፕ ኤኬታውሱ። ሂንቴ፣ ኔ ሸሺዳባይ ኦዳስ ገዳኔ?» ያገሰ።

21 «ሂንቴ ገሾ፣ ባው ዲሬቴሊ ሳዓን ሸሺያ አሳሰ፣ ያሳ ማታን ዲሬ ገደና አሳስ ዉርሴላይ ሃ ኡራይሳ ማላ» ያገሰ።

ኡንዔቶሬቴ (ማቶ 6:25-34)

22 ሃሳፊ ጉዬ፣ ዩሱሲ ባ ታማሬታኮ፣ «ሂንቴ፣ ታ ኡዲያባ ሲዒቴ፣ ሂንቴ ሸምፕዋስ አይ ሚኖ ሂንቴ ቦላስ አይ ማዒኖ ያገላ ኡንዔቶሬቴ።

23 ሾሞፖይ ካላፊ ቦሊ አፊላፕ አዲስ።

24 ካፎታ ቤሲቲ ዜርኮና፣ ኪሾኮና፣ ኤሌይካ ሻሌይካ ባዋ። ሽን ያሳይ ኤንታና ሙዜስ። ሂንቲ ካፎታፕ ዳር አዲታ።

25 ሃናሽን፣ ሂንቲፊ ኡንዔቲዲ ባ ላይላ ቦላ ኢሲ ቃማ ፕጃናው ዳንዳዔይ ኦኔ?

26 ሂዛ፣ ሃ ጉላባ አላናው ዳንዳየና ሂንቲ ሃራባስ አይሰ ኡንዔቲቲ?

27 እኔ ጨሻቲ ዋኒዲ ዲጨያኮ ቤሲቲ። ዋዮኮናኔ ሱቆኮና። ሃሪ አቶሽን፣ ሶሎሞኔይ ባ ዳዒያ ቦንቾ ኡባን ኤንታፊ ኢሱዋ ሜላካ ማዒቤና።

28 ሂንቲና፣ አማኖይ ፓጨዳይላቶ፣ ሂዛ፣ ያሳይ ሃቺ ቤንቲዲ ዋንቶ ታማን ዩጌታና ጨሻታ ሃይሳዳ ማይዚኮ፣ ሂንቲና ዋቲ አሊ ማይዜኔ?

29 ሃሳ ጊሾ፣ አይ ሚና ዋይኮ አይ ኡዪኖ ጊዲ ኡንዔቶፊ።

30 ሄ ኡባስ ያሳ አማኖና አሳቲ ኡንዔቶሶና። ሽን ሂንቲ አዋይ ያሳይ ሄሲ ኡባይ ሂንቲው ኮሼይሳ ኤሪስ።

31 ኡባፊ አሊዲ ያሳ ካዋቴላ ኮዩቲ ሄሲ ኡባይ ሂንቲው ፕጃ አሚታና።

32 «ሂንቲና፣ ጉላ ዳሬቶ፣ ያዮፊቴ፤ ሂንቲ አዋ ያሳይ ካዋቴላ ሂንቲው አማኖው አፋይቲስ።

33 ሂንቲው ዳዒያባ ባይዚዲ ማንቆታስ አሚቲ። ካይሶይ ኤኮናሶን፣ ቢሊ ሞናሶን፣ ጨሞና ካርዒታን፣ ዉርና ሻሉዋ ሳሉዋን ሽሽቲ።

34 ሂንቲ ዋዛናይ ሂንቲ ሻሎይ ዳዒያሱዋን ጊዳና።

ባርኪዲ ናጎ

35 «ቃንላን ዳንጨዲ ገቢቲቲ፤ ሂንቲ ያሞፕይ ፖሊዳይሳ ጊዳ።

36 ባንታ ጎዳይ ያፓናፕ ሲማና ጋካናው ባርኪዲ ናጌይሳታዳ፣ ጎዳይ ዪዲ ያጊያ ዋይ ኤሌሲዲ ደያናው ገጊዳ አሳታ ዳኒቲ።

37 ባንታ ጎዳይ ሲሚያ ዋይ ዲስኮና ዳዒሼ ናጌይሳቲ አንጃቲዳይሳታ። ቲማ ጋይስ፤ ጎዳይ ቃንላን ዳንጨዲ ጋይታ ዩሹዋን ኡተሲዲ ሞኬስ።

38 ጎዳይ ላይ ጊዲን ጊዲ ቢላሄ ጊዲን ዋይኮ ዋንቲሞሌ ጊዲን ዪዲ፣ ሄሳ ሜላ ዲስኮና ናጊሽን ዳሚያ ሄ አይሌቲ አንጃቲዳይሳታ።

39 ሽን ሃይሳ ኤሪቲ፤ ካይሶይ አዉዴ ያንኮ ኬላዋይ ኤሪያኮ ኬላይ ቦኬቲያ ዋይ ሲዒ ጊዲ ቤዒና።

40 ሂንቲካ ገጊዲ ናጊቲ፤ አሳ ናዩይ ሂንቲ ቆፖና ዋይ ያና» ያገሰ።

41 ጸዒርሲካ፣ «ጎዳው ሃ ለሚሱዋ ኑ ዓላላስ ኡዳዩ ዋይኮ አሳ ኡባሴ?» ያገሰ።

42 ጎዳይ ዛሪዲ፣ «ሂዛ፣ ካላ ሙዛናው ቤሲያ ዋዲያን አማና ሜላ ጎዳይ ባ አይሌታ ቦላ ሹሚዳ አማንሌይሲኔ ዋዛናማ ሃላቃይ ኦኔ?

43 ጎዳይ ሲሚያ ዋይ ሄሳ ሜላ አሊሼ ቤንቲያ አይሌይ ኢ አንጃቲዳይሳ

44 ታ ሂንቲው ቲማ ኦዳይስ፤ ባ ጎዳስ ዳዒያ ሻሎ ኡባ ቦላ ኢ ሹሚታና።

45 ሽን ሄ አይሌይ፣ ታ ጎዳይ ኤሌ ዩና ያገዲ ባ ዋዛናን ቆፒዲ፣ ማጫ አይሌታኔ አዴ አይሌታ ዋዲኮ፣ ቃሲ ባው ኮዩዳ ሜላ ሚሼኔ ኡዪሼ ማላቲኮ።

46 ሄ አይሌያ ጎዳይ ኢ ቆፖና ጋላሳኒኔ ሂርጎና ዋይ ያና። ዪዲ ኢያ ቃንዩሬዲ፣ ኢያ ቃዳ አማኖና አሳታራ አላና።

47 «ጎዳ ሼኒያዳ ገጎናይሲኔ ኢያ ጎዳይ አይ ደሲያኮ ኤሪሼ ኦላና አይሌይ ዳር ጋራፊታና።

48 ሽን ባ ጎዳ ሼኒያ ኤርና አቲዲ ጋራፊታናው ቤሲይሳ አሊዳይ ጉላራ ጋራፊታና። ጋሶይካ ዳር አሚቲዳይሳፊ ዳር ኮዩቲስ፣ ዳር ሃዳሪ ኤኪዳይሳፊካ ዳር አማና ጊዲ ናጌቲስ።

ሳርቴላስ ጊዳናሽን ሻኬቴላሳ

(ማቶ 10:34-36)

49 «ታጊ ዪዳይ ቢታ ቦላ ታማ ኦይላናሳ። ሃሪ ታማይ ኦይኪያኮ ታና ዋቲ ኡፋይሳንዴሻ!

50 ሃናሽን፣ ታ ሃዒ ያማቄቲያ ዒንቃቲይ ዳዒስ። ኢ ፖሌታና ጋካናው ታ ዳር ኡንዔታይስ።

51 ሳሳ ቦላ ሳርቴሊ ኤሃናው ዪዳ ሂንቲው ዳኒ? ጊዳና፣ ታ ዪዳይ ሻካናሳ።

52 ሃሪፊ ደሚዲ ዋሊ ጊዳን ሻኬቲዳ ኢቻሹ ኬላ አሳቲ ኢሲፊ ዳይሶና። ናሞዓቲ ሄዛታ ቦላ፣ ሄዛቲካ ናሞዓታ ቦላ፣ ዳንዲዲ ሻኬቶሶና።

53 አዋይ ናዓ ቦላ፡ ናዓይካ አዋ ቦላ፡ እያ ናዔ ቦላ፡ ናዓይ እዬ ቦላ፡ አዚና እያ ናዓ ማቼ ቦላ፡ ናዓ ማቼያ አዚና እዬ ቦላ፡ ዴንዲዲ ሻኬታና።»

ላይላታ ማሎ (ማቶ 16:2-3)

54 ቃሲካ አሳኮ፡ «ወሎሃ ባጋራ ሳሎይ ሻራቲያ ዋዴ ቤዒዲ፣ ኤሌሲዲ፣ (ኢሪ ያና) ያጌታ፣ ሄሳዳካ ሃኔስ።»

55 ዲገሃ ጫርኮይ ጫርኪያ ዋዴ (ሳዓይ አዋና) ያጌታ፣ ሄሳዳካ ሃኔስ» ያጌሰ።

56 ሂንቴፍ፣ ጨቦቶ፣ ሳሎባኔ ሳዓባ ሻኪ ኤሪታሽን ሃ ዋዲያ ሻኪ ኤርይ ሂንቴና ዋጊዲ ያጊዴ?

57 «ያቲን፣ ሂንቴ ሁዔስ አይስ ቱማ ፐርዴኬቲ?»

58 ኔ ሞርኪያራ ዋላ ዳይና ሲንላን ኤቃናው ባሼ ኦጌ ቦላ ጊጋናው ኮያ። ኔ ጊጎና ኢደኮ ጎሹቹዲ ዳይና ሲንላ ኔና ኤፋና። ዳይናይ ኔና ፖሊሴስ አላ አማና። ኢ ኔና ዋይን ይጋና።

59 ሲዒቴ፣ ኢሲ ባካጊ አቶና ጨጋ ኦንጋና ጋካናው ኔ ያፔ ኬዮናይሳ ኤራ» ያጌሰ።

13

ናጋራፔ ሲሞ

1 ሄ ዋዴ ዬሱሳኮ አሳይ ዪዲ ጰላያሲ ዋዲዲ ኤንታ ሱላራ ኤንታ ያርሹዋ ዋላኪዳ ጋለላ አሳባ ኦዲዳ አሳቲ ሄ ቤሳን ዴያሶና።

2 ኢ ሃይሳዳ ያጊዲ ዛሪስ፤ «ያቲን ሄ ጋለላ አሳቲ ሄ ኢታ ሃይቆ ሃይቂዳ ጊሾ ጋለላን ዴዒያ አሳ ኡባፌ አዲዳ ናጋራንቾ ዳናና?»

3 ጊዴና! ጊደሺን፣ ሂንቴካ ማርታን ሲሞና ኢደኮ፣ ኡባይ ሄሳዳ ዳያና።

4 ዋይኮ ቃሲ ሳሊሆሜ ጊያ ቤሳን ጊሞቤይ ዋዲዲ ዋዲዳ ታማኔ ሆሰፑን አሳይ ዬሩሳሌሜን ዴዒያ አሳ ኡባፌ አዲዳ ናጋራንቾ ዳናና?»

5 ጊዴና! ሽን ሂንቴካ ማርታን ሲሞና ኢደኮ ኡባይ ሄሳዳ ዳያና።»

6 ቃሲካ ዬሱሲ ሃይሳዳ ጊዲ ለሚሶ ኦዲሲ፡ «ኢሲ ኡራሰ ዋይኔ ጋዴን ቶኩቲዳ ባላሲ ሚሴያ ዴዒወሱ። ኢ ኢፔ አይፌ ኮዩ ዪዲ አይኮካ ዴሚቤና።»

7 ጋዲያ ጎዳይ ዋይኔ ኦሳንቹዋኮ፡ (አይፌ ዴማናው ኮያዳ ሄሹ ላይላ ሲሜራታዳ አይኮካ ዴማቢኬ። ሄሳ ጊሾ፣ ቃንፃ ዲጋ፤ አይስ ቢታ ሜሊሳይ?) ያጌሰ።

8 «ሽን ኦሳንቹይ፣ ጎዳው፣ ኢ ዩሹዋ ኦላዳ ኦሻ ዬጋና ጋካናው ሃ ላይላስ አጋርኪ።»

9 ሃ ላይላ አይፊኮ ሎዎ፣ ኢደኮ ቃንፃ አጋ) » ያጊዲ ዛሪስ።

ዘኮ ኩኒዳ ማጨሲያ ፓፃሱ

10 ዬሱሲ ሳሞባታ ጋላስ አይሁዴ ዋሳ ኬላን ታማርሴስ።

11 ሄ ቤሳን ታማኔ ሆሰፑን ላይላ ቱና አያጊ ዘኮ ኩኒሲዳ ኢሲ ማጨሲያ ዴዒወሱ። ኢያ ኩናፔ ዴንዶይሳን ሱራ ኤቃናው ዳንዳዑኩ።

12 ዬሱሲ ኢዮ ቤዒዳ ዋዴ ዪጊዲ፣ «ሃ ማጨሴቴ፣ ኔ ሃርጊያፌ ፓፃዳሳ» ያጌሰ።

13 ባ ኩሺያ ኢ ቦላ ዋሊን፣ ኢያ ሰሀዋራ ሱራዳ ኤቃሱ። ያሳካ ጋላታሱ።

14 ሽን አይሁዴ ዋሳ ኬላ ሃላቃይ ዪሎቲዲ አሳኮ፣ «ኦሶ ኦላያ ኡሶፑን ጋላሳቲ ዴያሶና። ሄሳ ጊሾ፣ ሄ ጋላሳታን ዪዲ ፓዲቴፔ አቲን ሳሞባታ ጋላስ ጊዴና» ያጌሰ።

15 ጎዳይ፣ «ጨቦቶ፣ ሂንቴ ጊደፌ ቦሪ ዋይኮ ሃሪ ሳሞባታ ጋላስ ዛዲሎፔ ቢሊዲ ሃላ ኡሻናው ኤርናይ ኦኔ?»

16 ያቲን፣ ሃ ማጨሲያ አብራሃሜ ናዓ ጊዳሼ ፃላሃን ቃሹታዳ ታማኔ ሆሰፑን ላይላ ኩሜላ ዴዒዳሪሰ ሳሞባታ ጋላስ ቢርሼቴላ ኮሼኔ?» ያጊዲ አይቹሰ።

17 ኢ ሄሳ ኦዲዳ ዋዴ ኤቁቴይሳቲ ኡባይ ዬላቲዶሶና። ሽን አሳ ኡባይ ኢ ኦላዳ ማላሊሲያ ኦሶ ኡባን ኡፋይቲዶሶና።

18 ሄሳፌ ጉይ፣ ዬሱሲ ሃይሳዳ ያጌሰ፣ «የሳ ካዋቱላይ አይ ዳኒ? ኢያ አይቢራ ዳኒሶ?»

19 ያሳ ካዋቱላይ ኢሲ አሲ ባ ጎሻን ቶኪዳ ዋላ አይፌ ሜላ። ኢ ዲጨዲ ሚላ ጊዲሰ። ሳሎ ካፎቲ ኢያ ታሺያ ቦላ ሽሞፐዶሶና።

20 ቃሲ፣ «የሳ ካዋቱላ አይቢራ ዳኒሶ?»

21 ኢሲ ማጨሲያ ዳር ዲሎራ ዋላካዳ ሙኩቂዳ ጉላ ኢርሾ ዳኒስ» ያጌሰ።

ፀንገላ ወለ

22 ሄሳፌ ጉዬ፣ ዩሱሲ ዩሩሳሌም በሼ ኢ ካንሲያ ኦጊያን ደዲያ ካታማታኒኔ ጉታታን ታማርሲሼ አጲስ።

23 ኢሲ ኢሲ ዩሱሳኮ፣ «ጎዳው፣ አታናይ ጉላ እሳ ሃላሌ?» ያጊዲ አይቺሰ።

ዩሱሲ ኤንታኮ፣

24 «ሲዒቴ፣ ፀንገላ ወለራ ጌላናው ባጭቲ፣ ዳርቲ ጌላናው ኮዮሶና ሺን ኤንታው ሃኔና።

25 ኬላዋይ ዳንዲዲ ወለ ጎርዲዳ፤ ጉዬ ሱሰ ደያርኪ) ያጊሼ ካሪን ኤቁዲ ያሲ አይኬታ። ሺን ኢ፣ ሳንጉኔ ኦኮኮኔ አወፔ ዩዳኮ ታ ኤሪኬ) ጊዲ ዛራና።

26 ሄ ዋዴ ሃንቴ፣ ሳራ ዋላ ሚዳ፣ ኡዩዳ፣ ኮ ዳባባንካ ታማርሳዳሳ) ያጋና።

27 «ኢ ዛራዲ፣ ሳንጉኔ ኦኮኮኔ አወፔ ዩዳኮ ኤሪኬ። ሃንቴና፣ ጌላቶ ታፔ ሃከቴ» ያጋና።

28 አብራሃሚ፣ ዩሳቃ፣ ያይቆባኔ ናቤታ ኡባ ያሳ ካዋቴላን ቤዓና፣ ሺን ሃንቴ ካሪን ዋጲዲ አቲያ ዋዴ ሃንቴው ዩሆኔ አቺ ጋርጨላ ጊዳና።

29 አሳይ ደሎሃ፤ ወሎሃ፤ ፑዳሃ፤ ዲጌሃ፤ ዩዲ ያሳ ካዋቴላን ጊቢራ ቦላ ኡታና።

30 ሄሳ ጊሾ፣ ሃዲ ዳላን ጉዬ ጊዲዳይሳታ፤ ሲንሌ ጊዳናይሳታ፣ ሲንሌ ጊዲዳይሳታ፤ ጉዬ ጊዳናይሳታ ዳዖሶና» ያጊሰ።

ዩሱሲ ዩሩሳሌምስ ዩኪስ (ማቶ 23:37-39)

31 ሄ ዋዴ ፋሪሳዊታ፤ ኢሶቲ ኢሶቲ ዩዲ፣ «ሄርዲሲ ኔና ዋጲናው ኮያ ጊሾ ሃ ቤሳፌ ዳንዳዳ ባ ጊዳሶና።

32 ኢ ዛራዲ፣ «ቢዲ፣ ሄ ዋርካናስ ሄኮ፣ ሳንጉኔ ዋንቶ ቴና አያናታ ኬሳና፣ ሃርጋንቻታ ጋላና፣ ሃቫንላ ጋላሳን ኩሻ ቦላ ጋካና» ያጊሰ ጊቴ።

33 ሃኖ፤ አቲን፣ ናቤይ ዩሩሳሌም፤ ካሪን ሃይቃናው ቤሰና። ሄሳ ጊሾ፣ ሃቺ፣ ዋንቶኔ ዋንቲ ፔሲን ሄ ቤሳ ባናው ዳንዳሲ።

34 «ዩሩሳሌም፣ ዩሩሳሌም፣ ናቤታ ዋጲያ፤ ኔኮ ኪቲቲዳይሳታ ሹቻን ጨዲያ፤ ኩቶይ ባ ናይታ ባ ቁፊያ፤

ጋርሳን ሺሺያዳ ኔ ናይታ ታ ቁሲያ፤ ጋርሳን አፑን ቶሆ ሺሻናው ኮያዲና፣ ሺን ሃንቴ ኢዳስ ጊዳታ።

35 ታ ሃንቴው ኦዳይሲ፤ ሃንቴ ኬላይ ካይሳታና። ጎዳ ሱንገላን ዩይሲ አንጃቲዳይሳ ሃንቴ ጋና ጋካናው ታና ዳሜኬታ» ያጊሰ።

14

ዩሱሲ ፋሪሳዊያ ሶን

1 ኢሲ ሳምባታ ጋላስ ዩሱሲ ኢሲ ፋሪሳዊታ ሃላቃ ሶ ካሲ ማናው ጌሊያ ዋዴ አሳይ ጫዲ ያሎሶና።

2 ሄ ቤሳን ሻወሄ ሃርጌን ዋዩቲያ ኢሲ አሲ ኢያው ሲንጎ ባጋራ ዚንዲሰ።

3 ዩሱሲ ፋሪሳዊታኮኔ ሃጌ አስታማሬታኮ፣ «ሳምባታ ጋላስ ሃርጋንቻ ፓሶይ ዋጌዬ ዋጋ ጊዳኔ?» ያጊዲ አይቺሰ።

4 አንቲ ሲዒ ጊዳሶና። ዩሱሲ ሃርጌቲያ ኡራ ቦቺ ፓሲዲ ዋይዚሰ።

5 «ቃሲካ ሃንቴፌ ኢሱዋስ ናዒ ዋይኮ ቦሪ ሳምባታ ጋላስ አርን ወሊኮ ኤሌሲዲ ኬሶናይ ኦኔ?» ያጊዲ አይቺሰ።

6 ኤንቲ ኢሲባካ ዛራናው ዳንዳዒቦኮና።

7 ዩሱሲ ኢማቲዋስ ያጌቲዳይሳቲ ቦንቻ ቤሲ ዶሪሺን ቤዒዲ፣ ሃ ሌሚሱዋ ኦዲሰ።

8 «ኢሲ አሲ ኔና ያጋና ያጊኮ ቦንቻ ቤሳን ኡቶፋ። ኔፔ አጲ ቦንቺቲያ አሲ ያጌታናው ዳንዳዒሰ።

9 ሃንቴና ናምባታካ ያጊዲይሲ ዩዲ፣ ሳኔ ቤሳ ሃ ኢማሳስ ዩዳ) ያጊያ ዋዴ ኔጌ ዩላታሼ ዚቃ ቤሲ ዋጲሳ።

10 ጊዳሺን፣ ኔ ያጌቲዳ ዋዴ ኮይርታዳ ዚቃ ቤሲ ቤዓዳ ኡታ። ያጊይሲ ዩዲ፣ ሳታ ሳጊያው፣ ሃ ቦንቻ ቤሳን ኡታ) ያጋና። ሄ ዋዴ ኔራ ኢሲፌ ያጌቲዳ አሳ ኡባ ሲንጎላን ኔ ቦንቺታና።

11 ባና ቶቁ ቶቁ ኦሲያ ኡባይ ካወያና፤ ባና ዚቁ ዚቁ ኦሲያ ኡባይ ቶቁ ቶቁ ጋና።»

12 ቃሲ ዩሱሲ ኢያ ሞኪዳ ኬላ አዋኮ፣ «ቁማ ዋይኮ ካሆ ኢማቶ ያጊያ ዋዴ ኔጌ ኩሼ ዛር ያጎና ሚላ ኔ ላጌታ ዋይኮ ኔ አሻታ ዋይኮ ኔ ዳቦታ ዋይኮ ኔ ዲሬ ሾርታ ኢማቶ ያጎ።»

13:27 ማዝ 6:8 13:29 ማቶ 8:11-12፤ 22:13፤ 25:30 13:30 ማቶ 19:30፤ 20:16፤ ማር 10:31 13:35 ማዝ 118:26፤ ኤር 22:5 14:5 ማቶ 12:11 14:8 ለሚ 25:6-7 14:11 ማቶ 23:12፤ ሉቃ 18:14

13 ጊደሽን፣ ኔ አማቶ ገቢሲዳ ዋዴ ማንቆታ፣ ዋቤታ፣ ጉንዳታ ኔ ቆቄታ ይገ፤ ኔ ኣንጄታና።

14 ሃይሳቲ ኩሼ ዛራናው ዳንዳፍ ገሾ ኩሼ ዛርይ ገሻታ ዳንድ ጋላሳን ኔው ሲማና» ያገሰ።

ገታ አማቱዋ (ማቶ 22:1-10)

15 ዬሱሳራ ዋላ አማቶ ቦላ ኡቶይሳታ ጊደፌ አሶይ ሃሳ ሲዲዲ፣ «የሳ ካዎቱላን አማቶ ቦላ ኡቴይሲ ኣንጄቲዳይሳ» ያገሰ።

16 ዬሱሲ፣ «አሲ አሲ ገታ አማቶ ገቢሲዲ ዳር ኣሳታ ያገሰ።

17 አማቶይ ሞኩቴያ ሳቲይ ጋኪያ ዋዴ ያገቲዳ አማሳታ፣ ህኮ ኡባባይ ገሰ፣ ሃ ዪቲ» ያገዲ ያጋናዳ ባ አይሊያ ከተሰ።

18 «ሺን ኡባይካ ባንታ ጋሶ ጋሶ ሜዲዳሶና። አሶይ፣ ሃዒ ቡር ጋዴ ሻሚዳ ገሾ ባዳ ቤዳናው ኮሼሰ ሃያና ታና ኣጋርኪ ያጋ» ያገሰ።

19 ሃንኮይ፣ ሲቻሹ ዋላ ቦሪ ሻማሰ ኤንታና ዋዳ ቤዳና ገሾ ሃያና ታና ለንጮፋ» ያገሰ።

20 ቃሲ ሃራይ፣ ሓኒ ቡር ሜዳን ዴዲያ ገሾ ያናው ዳንዳዒኬ» ያገሰ።

21 «አይሌይ ሲሚ ዪዲ ሄ ኡባ ባ ጎዳሰ ኦዲሰ። ሄ ዋዴ ያጋኖ ኣዋይ ሃንቁቲዲ አይሊያኮ፣ ሌሌሳዳ ካታማን ዴዲያ ዋጋ ኦጌታኔ ዳጋላታ ባ፣ ማንቆታ፣ ዋቤታ፣ ቆቄታኔ ጉንዳታ ሃ ኤሃ» ያገሰ።

22 «አይሌይ፣ ሓ ጎዳው፣ ኔ ከቲዳይሲ ኡባይ ፖሌቲሰ፣ ሺን ሃዒካ ቤሲ ዴዴሰ» ያገሰ።

23 «ጎዳይ አይሊያኮ፣ ለሆርጋታ ቦላኔ፣ ጋዴ ገደ ኦጌታ ኬያ፣ ታ ኬላይ ከማና ጋካናው ዴሚዳ ኡባ ያና ሜላ ኦላ።

24 ታ ሃንቲው ኦዳይሰ፤ አማቶቲዳይሳታ፤ ኦኒካ ታ ገቢራ፤ ሞናይሳ ኤሪቲ» ገሰ» ያገሰ።

ጎዳ ካሎይ ያርሺሴሰ

25 ዳር ኣሳይ አያራ ዋላ ቢሺን ዬሱሲ ኤንታኮ ጉዬ ሲሚዲ፣

26 «ታኮ ያ ኡባይ ባ ኣዋኔ ባ ኣዪው፣ ባ ማቸዉኔ ባ ናይታ፣ ባ አሻታኔ ባ ሚቸታ፣ ሃሪ ኣቶሺን ባ

ዴዐ-ዋ ኢያናይ ታ ታማሪ ገዳናው ዳንዳዒና።

27 ባ ማሰቃሊያ ቶኪዲ ታና ካሎናይ ታ ታማሪ ገዳናው ዳንዳዒና።

28 «ሃንቲፌ አሲ አሲ ሹቻ ኬላ ኬፃናው ኮይኮ፣ ኬላ ከዲዲ ኣንጋናው ኣይ ሜላ ሚሽ ኮሺያኮ ኮይርቲዲ ኤራናው ቆፒ ቤያናይ ኦኔ?»

29 ሃሳ ገደና ኢዲኮ፣ ሃ ኡራይ ባሶ ሹቻ ሃዲን ቁሰቴላ ያኒኮ፣

30 ቤዲያ ኡባይ፣ ሃ ኡራይ ገሞቤላ ኦይኪን ቁሰታናው ኢያ ያኒሰ» ያገዲ ቦርሶና።

31 «ዋይኮ አሲ ካዎይ ሃራ ካዎራ ኦሌታናው ዳንዲሼ ላታው ሙኩሉ ኦላንቸታ ኤኪ ያ ካወዋራ ታው ሙኩሉ ኦላንቸታራ ኤቁታናው ዳንዳዳናይሳኔ ዳንዳፍናይሳ ኡቲዲ ዘፊቶናይ ኦኔ?»

32 ኤቁታናው ዳንዳዒቶናባ ገዲኮ፣ ሄ ሃራ ካወዋራ ሃሆን ዴዲሺን ገጋናው ኮይርቲዲ ጨማ ዬዲዲ አይቸሰ።

33 ሃሳዳካ፣ ሃንቲፌ ኦኒካ ባው ዴዲያባ ኡባ ኣጎና ኢዲኮ ታ ታማሪ ገዳናው ዳንዳዒና።

34 «ማዲይ ሎዎ፣ ሺን ማዲይ ባ ማልዐ-ዋ ኣገኮ፣ ዋኒዲ ማዲይ ጌቲታናው ዳንዳዒ?»

35 ቢታቴላሰካ ኣራዳቴላሰካ ማዳናባ ገዲያ ገሾ ዋራ ዬጌቲሰ። ሃዛ፣ ሲዲያ ሃይላ ዴዲያ ኣሲ ሲዎ» ያገሰ።

15

ጳዳዳ ዶርሳ (ማቶ 18:12-14)

1 አሲ ጋላሰ ቃራዓ ቃንዲይሳቲኔ ናጋራንቸቲ ዬሱሳ ቲሚርቲያ ሲዳናው ኢያ ዩሹዋን ሺቁዶሶና።

2 ሺን ፋሪሳዊቲኔ ሂጌ ኣሰታማሪቲ፣ «ሃይሲ ኡራይ ናጋራንቸታ ሺሺዲ ኤኬሰ፣ ኤንታራ አሲፌ ሜሰ» ያገዲ ዘዙሚዶሶና።

3 ዬሱሲ ያገዲ ሃይሳ ሌሚሶ ኤንታው ኦዲሰ።

4 «ሃንቲ ገደፌ አሲቀሰ ያቲ ዶርሳቲ ዴዲያባ ገዲኮ ኤንታፌ አሶይ ጳዳኮ ኡዲፋን ታማኔ ኡዲፋናታ ባዘን

አገዲ ጳዮይሳ ዳማና ጋካናው ኮዮናይ ኦኔ?

5 ዳሚዳ ዋዴ ኡፋይተዲ ባ ጋናን ቶኪዲ፤

6 ባ ሶ ሲሚስ። ባ ላጌታኔ ሾርታ ኢሲፌ ያጊዲ፤ ሳዳዲ ታ ደርሳ ዳማስ፤ ታራ ኢሲፌ ኡፋይተት) ያጌሰ።

7 ሄሳዳካ፤ ማርቲ ኮሾና ኡዲፋን ታማኔ ኡዲፋን ያሎታፔ አሉዲ ማርታን ጌሊያ ኢሲ ናጋራንቸዋ ጋሶን ሳሎን ጌታ ኡፋይሲ ጌዴስ።

8 «ዋይኮ ታሙ ቢሪ ዳዲያ ኢሲ ማጨሲያ ታማፌ ኢሲያ ጳዩኮ ዳማና ጋካናው ያምፔ ኦይሳዳ ኬላ ፒታዳ ሚንሳ ኮዮናራ ኦኔ?

9 ዳሚዳ ዋዴ ባ ላጌታኔ ባ ሾርታ ያጋዳ (ሳዳዲ ታ ኢሲ ቢሪ ዳሚዳ ጌሾ ታራ ኡፋይተት) ያጋጠሰ።

10 ሲዳቲ፤ ሄሳ ሚላ ኢሲ ማርቲላን ጌሊያ ናጋራንቸዋን ያሳ ኪታንቸታ ሲንሳን ኡፋይሲ ጌዴስ» ያጌሰ።

ጳዩዳ ናባ

11 ዛሪዲ ዬሱስ፤ «ኢሲ ኡራስ ናምቡ ናይቲ ዳያሶና።

12 ኤንታፌ ካሎ ናባይ ባ አዋኮ፤ ታ አዋው፤ ኔ ሻሉዋፔ ታ ጌሹዋ ታው አማ) ያጌሰ። አዋይ ባ ሻሉዋ ባ ናይታስ ሻኪስ።

13 ጉላ ጋላሳፔ ጉዬ ካሎ ናባይ ባ ጌሹዋ ኡባ ቃቺ ኤኪዲ ሃሆ ቢታ ቢስ። ያን አልታጫን ሻሉዋ ቶቺዲ ኦንጌሰ።

14 ኢ ባው ዳዲያባ ኡባ ወርሲዳፔ ጉዬ ሄ ቢታ ኡባን ሚና ኮሺ ኬዩን ማቶቲስ።

15 ሄሳ ጌሾ፤ ሄ ቢታ አሳፔ ኢሱዋ ሶ ጋታ ጌሊስ። ኡራይ ኢያ ጉዲንሳ ሄማና ሚላ ባ ሞላ ዬዲስ።

16 ጉዲንሳቲ ሚያ ሃርቁዋፌ ማናው አሞቲስ፤ ሺን ኢዮካ ኢያው አሚያ አሲ ቤንቲቤና።

17 ዋዛኒ ሲሚን፤ ሳፑን ታ አዋ አይሌታስ ካሌ ዋራ ዋዲን ታ ሃይሳን ኮሻራ ሃይቃናው ጋካዲና?)

18 ዳንዳዳ ታ አዋኮ ባዳ፤ ታ አዋው፤ ሳሎን ያሳ፤ ሳባን ኔና ቆሃስ።

19 ሂዛፔ ኔ ናባ ጌቲታዳ ያጌታናው ታው ቤሶና ጌሾ ኔ ሶን ዳዲያ አይሌታፔ ኢሱዋዳ ታና ፓይዳ) ያጋና» ያጌሰ።

20 ሄሳ ጌሾ፤ ዳንዲዲ ባ አዋኮ ቢስ።

«ሃናሺን፤ ኢ ቡር ሃሆን ዳዲሺን አዋይ ቃዴቲዲ፤ ኢያኮ ዋዲ ቢዲ ኢዲሚዲ ዬሪስ።

21 ናባይካ፤ ታ አዋው ሳሎን ያሳ፤ ሳባን ኔና ታ ቆሃስ። ሂዛፔ ኔ ናባ ጌቲታዳ ያጌታናው ቤሲኬ) ያጌሰ።

22 «ኢያ አዋይ አይሌታ ያጊዲ፤ ሳሌሲዲ ኡባፌ ሎ? ጊዲዳ ማዖ ኤሂዲ ኢያ ማይዚቲ፤ ኢያ ቢራዴን ሳጋዮ፤ ኢያ ቶሁዋን ጫማ አሉቲ።

23 ሞዶ ጋታርሚንሳ ኤሂዲ ሹኪቲ፤ ሞስ፤ ኡፋይቶስ።

24 ታ ናባይ ሃይሲ ሃይቂስ፤ ሺን ሃዲ ፓዲስ፤ ጳይስ፤ ሺን ቤንቲስ) ያጌሰ። ሄሳፌ ጉዬ፤ ኡፋይቲሳ ኦይኪዳሶና።

25 «ሄ ዋዴ ባይራ ናባይ ጎሻ ጋዴን ዳዴስ። ያፔ ዩሺ ሶ ማቲሺን ዬሌኔ ጉፋ ጌርሲ ሲዲስ።

26 ኢ፤ አይሌታፔ ኢሱዋ ያጊዲ ሃሂያባይ አይቤኮ ኤራናው ኦይቺስ።

27 አይሌይ፤ ሳ ኢሻይ ሳር ዩዳ ጌሾ ኔ አዋይ ሞዶ ጋታርሚንሳ ኢያው ሹኪስ) ያጌሰ።

28 «ባይራ ኢሻይ ዩሎቲዲ ሶ ጌላናወካ ኮዩቤና። አዋይ ካሪ ኬዩዲ ሶ ጌላና ሚላ ኢያ ዋሲስ።

29 ሺን ኢ ባ አዋኮ፤ ሳሃ፤ ሃይሳ ሚላ ሳይሌ ታ ኔው አይሌታዳ ኔ ኪታፔ ኢሱዋካ ፓጨሶና ኔው ኪቲቲን ታ ታ ላጌታራ ኡፋይታና ሚላ ሃሪ አቶሺን ኢሲ ላቃ ዳሼ አማባካ።

30 ሃናሺን፤ ሃይሲ ኔ ናባይ ኔ ሻሉዋ ላይማታራ ዳሚሲዲ ዩን ሞዶ ጋታርሚንሳ ሹካዳሳ) » ያጌሰ።

31 «አዋይካ፤ ታ ናባው፤ ኔኒ ኡባ ዋዴ ታራ ዳባሳ፤ ታባይ ኡባይ ኔሳ።

32 ሃይሲ ኔ ኢሻይ ሃይቂስ፤ ሺን ፓዲስ፤ ጳይስ፤ ሺን ቤንቲስ። ሄሳ ጌሾ፤ ዳር ኡፋይታናው ቤሴስ) ያጋና» ያጌሰ።

16

አማኔቶና ሹማ ለሚሶ

1 ዬሱሲ ባ ታማራታኮ፤ «ኢሲ ዱሪ ኡራስ ኢያፔ ጋርሳራ ኢሲ ሹማይ ዳዴስ። ሄ ሹማይ ባ ጎዳ ሻሉዋ ቶቺስ ያጊያ ዋሪይ ኬላዋ ጋኪስ።

2 ኬላዋይ ሹማ ያጊሲዲ፤ ታኒ ዋይጊያባ ሲዳዲና? ሂዛፔ ኔኒ ታ ኬላስ ሹማ ጊዳዳ ኦላናው ዳንዳዳ ጌሾ ታ ሻሉዋ ታው ሹዳ) ያጌሰ።

3 «ሄ ሹማይካ ባ ዋዛናን ሃይሳዳ ያገደዱ ቆፒስ። ታ ጎዳይ ታና ሹማቴላፌ ዋላና ሃኔስ። ጎያ አቃናው ዋልቁ ባዋ። ዋሳ ማናው ዬላዬስ፤ ያተን ታ ዋና?

4 ሹማቴላፌ ታ ዋዲያ ዋይ አሳይ ታና ሞካና ሜላ አላናባ ታ ኤራይስ) ያገሰ።

5 «ሄሳ ገሹ፣ ኢያ ጎዳ አጮይ ዳዲያ አሳ ኢሱዋ ኢሱዋ ያገ ኤሂዲ ኮይሮ ኡራኮ፣ ሳ ቦላ ታ ጎዳ አጮይ አይ ሜላ ዳዲያ? ያገደዱ አይቹስ።

6 «ኢ፣ ሳታሙ ባርሜሌ ዛይቲ አጮይ ዳዲስ) ያገሰ።

«ሹማይ፣ ሳሌ ዋርቃቲያ ሃዔ፣ ኤሌሳዳ፣ ታሙ ባርሜሌ ዛይቲ አጮይ ዳዲስ ጋዳ ዓፋ) ያገሰ።

7 «ሄሳፌ ካሊዲ ናሞገጥጥ፣ ሳው አፑኒ ዳዲያ? ያገሰ።

«ኢ፣ (370 ኩንታሌ ገሰቴ አጮይ ዳዲስ) ያገሰ።

«ሹማይ፣ ሳ ሳሌ ዋርቃቲያ ሃዔ፣ ኤሌሳዳ፣ 296 ኩንታሌ ያጋዳ ዓፋ) ያገሰ።

8 ኩላዋይ አማኔቲቦና ሹማ ኢያ ቢላማቴላስ ናሽስ። ሃ አላሚያ ናይቲ አሴ ኦይላን ፖ? ናይታፔ አዲዳ ዋዛናማታ።

9 «ሄሳ ገሹ፣ ታ ሂንቲው ኦዳይስ፤ ሃ አላሚያ ሚሹይ ወሪያ ዋይ ሜሪና ኩላን ሞኩታና ሜላ ሃ ሚሹያራ ሂንቲው ላጌታ ሻሚቲ።

10 ኡባፌ ጉላባን አማኔቲዳይ ዳርባን አማኔቲዳይሳ ገደሰ። ቃሲ ኡባፌ ጉላባን አማኔቶናይሲ ዳርባን አማኔቲና።

11 ሃዛ፣ ሃ አላሚያ ሚሹን ሂንቲ አማኔቶና ኢዲኮ ቱማ ሚሹ ሂንቲው ኦኒ ሃዳራ አማኔ?

12 ሂንቲ ሃራ አሳ ሚሹን አማኔቶና ኢዲኮ፣ ሂንቲ ቡዞ ሚሹ ሂንቲው ኦኒ አማኔ?

13 «ኢሲ አይሌይ ናሞቡ ጎዳታስ ሃራታናው ዳንዳዳና። ኢሱዋ ኢዲኮ ሃንኩዋ ዶሴስ ዋይኮ ኢሱዋኮ ሸቁኮ ሃንኩዋ ካዲስ። ሂሳዳካ፣ ሂንቲ ያሳሲኔ ሚሹስ ሃራታናው ዳንዳዳኬታ።»

14 ሚሹ ደሲያ ፋሪሳዊቲ ሃሳ ሲዒዳ ዋይ ዬሱሳ ቁልቁሲደሶና።

15 ኢ፣ «ሂንቲ ሂንቲና አሳ ሲንላን ያሊሴታ፣ ሺን ያሳይ ሂንቲ ዋዛና

ኤሬስ። አሳ ሲንላን ቦንቹቲዳይሲ ያሳ ሲንላን ቦሬቲዳይሳ።

16 «ሙሴ ሂጌይኔ ናቤታ ከታይ ዮሃንሳ ጋካናው ሂንቲው ኦይቲሽ ጋሞዒስ። ሄሳፌ ጉዬ፣ ያሳ ካዋቴላ ዋንጌላይ ሳባኩቲሽ ጋሞዒስ። አሲ ኡባይ ያ ጌላናው ዳፌቲስ።

17 ገደሺን፣ ሂጌያፌ ኢሲ ላፋ ፒዳሌይ አታናፔ ሳሎይኔ ሳዓይ አዲይሲ ካወዬስ።

18 «ባ ማቸው ዬዲዲ ሃራ ኤኪያ ኡባይ ላሚስ። ባ አዚናፔ አንጃቲዳር ኤኬይሲካ ላሚስ» ያገሰ።

ዱሬ ኡራኔ አላዛራ

19 «አልጋኔ አሌቆ አፊላ ማዒያ፣ ሳዒ አንጃቲን ጋላስ ጋላስ ኡፋይሳን ዳዲያ ኢሲ ዱሬ አሲ ዳዒስ።

20 ሃሪ ቃሲ አሳቴላይ ኩሚላ ማዲንዲዳ ኢሲ አላዛራ ጌቲቲያ ማንቆይ ሃ ዱሬ ኡራ ካሪን ዬጌቲዲ አቲዳይሲ ዳዒስ።

21 ኮሻፔ ዳንደይሳን ዱሬ ኡራ ጋይታፔ ዋዲያ ቲፊያ ማናው አሞቲሽ ዳዒስ። ሃሪ አቶሺን፣ ካናቲ ዪዲ ኢያ ማዲንላ ላጮሶና።

22 «ሄ ማንቆይ ሃይቁስ፤ ከታንቸቲ ኢያ አብራሃሚ ከቡዋ ኤፊደሶና። ቃሲ ዱሬ ኡራይካ ሃይቁዲ ሞጌቲስ።

23 ሲጋሊን ኡንዔቲዲ ዳዒሽ ጶቁ ገዲ ሃሆን አብራሃሚኔ ኢያ ከጋን ዳዒያ አላዛራ ቤዒሲ።

24 ኢ፣ ሳዋው አብራሃሚ፣ ታው ቃዴታርኪ፤ ሃ ላጮ ታማን ኡንዔታዳ ዳዒያ ገሽ አላዛሪ ባ ቢራዲያ ሃላን ዬዲዲ ታ ኢንግርሳ ላኮላና ሜላ ሃያና ኢያ ዬዳርኪ) ያገደዱ ዋሲስ።

25 «ሺን አብራሃሚይ ኢያኮ፣ ታ ናዓው፣ ኔ ሳዓን ዳዒያ ዋይ ሎጋባታ ኤኪዳይሳ፣ ቃሲ አላዛሪ ኢታባታ ኤኪዳይሳ አኬካ። ሺን ሃዒ ኢ ሃይሳን ኡፋይቲስ። ቃሲ ኦኒ ዋይታሽ ዳዓሳ) ያገሰ።

26 ሃ ኡባፌ አዲዲ፣ ሳፔ ሂንቲኮ፣ ሂጌፔ ሃ ኩኮ አዳናው ኮይይሳቲ ፒናና ሜላ ኦሲኔ ሂንቲስ ገደን ጌታ አፎይ ዳዒስ) ያገሰ።

27 «ዱሬ ኡራይ፣ ሳዋው፣ ያኮ አላዛራ ታ አዋ ሶ ኪታና ሜላ ታ ኔና ዋሳይስ።

28 ታው ኢቻሹ አሻቲ ደዲደሶና፡ ኤንቲካ ሃ ዋዬ ቤሳ ዮና ማላ ኤንታው ቢዲ ማርካቶ፡ ያገሰ።

29 «ሺን አብራሃማይ፡ ለኤንታው ሙሴራኔ ናቤታራ ዴዎሶና፤ ኤንቲ ኦዲያባ ሲዎና፡ ያገሰ።

30 «ዱሬ ኡራይ፡ ለአዋው አብራሃማ፡ ሄሳሶ ገዴና፤ ኢሲ አሲ ሃይቆፔ ዴንዲዲ ቢኮ ኤንቲ ማርታን ጌላና፡ ያገሰ።

31 «አብራሃማይ፡ ለሙሴኔ ናቤታ ሲዎና ኢዳኮ፡ ሃሪ አቶሺን ሃይቆፔ ኢሲ አሲ ዴንዲ ኦዲኮካ አማኖኮና፡ ያገሰ።»

17

ኦይሺሲያ አዋቴሊ

1 ዬሱሲ ባ ታማሪታኮ፡ «አሴ ጴጌሊዲ ናጋራን ጌልሲያባይ ዮና ኣጌና። ገደሺን፡ ናጋራን ጌላና ማላ ኦሊያ ኡራ አዬ» ያገሰ።

2 ሄ ኡራይ ካሎታፔ ኢሱዋ ባሌላናፔ ዋዩ ባ ቆዴን ቃቺዲ አባን ወሊኮ ኢያው ሎዎ።

3 ሄሳ ገሾ ናጌቲቲ። «ኔ አሻይ ናጋራ ኦሊኮ ሃንቁታ፤ ቁርቲዲ ማርቲላን ሲሚኮ፡ ኢያው አቶ ያጋ።

4 ኢሲ ጋላሳን ላፑን ቶሆ ቆሃዲ፡ ላፑን ቶሆ፡ ታኒ ታ ባላ ኡራሰ ታና ማሪ፡ ያገዲ ኔኮ ዪኮ ኢያው አቶ ጋ።»

5 ሃዋሪቲ ጎዳኮ፡ «አማኖ ኑሰ ጉጃርኪ» ያገደሶና።

6 ጎዳይ፡ «ጋሼ አይፌ ማላ አማኖይ ሂንቲው ዴዲኮ ሃይሳ ዋላ ሾዴታዳ አባ ገደን ቶኬታ) ያገኪ ሂንቲው ከቲታና» ያገሰ።

7 ጉጃዲካ ዬሱሲ፡ «ሂንቲ ገደፌ ኢሱዋሰ ጎሻንቾይ ዋይኮ ደርሴ ሄሚያ አይሌይ ዴዲኮ ኦሶ ጋይፔ ዋይኮ ወዴፔ ሶ ሲሚያ ዋዬ ለኤሊ ሃያዳ ካሊ ማናው ኡታ) ያገይ ዴዲ?»

8 ዴና፡ ታው ካሆ ገገሳ፤ ታኒ ማዳ፡ ኡያዳ አጋና ጋካናው ኤቃዳ ሙዛ። ሄሳፌ ጉዬ፡ ኔኒ ቃሲ ማሳኔ ኡያሳ) ያገኔዬ?

9 ሂዛ፡ ጎዳይ፡ አይሌይ ከታ ፖሊዳ ገሾ አንጃዬ?

10 ሄሳ ገሾ፡ ሂንቲካ ከቲቶይሳ ኡባ ፖሊዳ ዋዬ ሱ ፓሶና አይሌታ፤ ኦላናው ቤሲያ ኦሱዋ ፖሊዳ) ያገቲ» ያገሰ።

ባር ሃርጊያፌ ጌዪዳ ታው አሳታ 11 ዬሱሲ ዬሩሳላሚ ቢሼ ሳማሪሲኔ ጋሊላ ቢታሰ ገደራ ካንሊዲ ኣጲሰ።

12 ኢሲ ጉታ ጌሊያ ዋዬ ባር ሃርጊን ኦይኬቲዳ ታው አሳቲ ኢያ ዴሚደሶና። ኤንቲካ ሃሆን ኤቁዲ፡

13 «ጎዳ ዬሱሳ፡ ኑሰ ቃዴታርኪ» ያገዲ ዋሲደሶና።

14 ኢ ኤንታ ቤዲዳ ዋዬ «ቢዲ ሂንቲናቴላ አይሁዴ ካሂኔ ቤሲቲ» ያገሰ። ኤንቲ ኦሊያ ቦላ ቢሼ ፓዲደሶና።

15 ኤንታፌ ኢሶይ ባ ጋጹዋ ቤዲዳ ዋዬ ዶቁ ገዳ ቃላን ያሳ ቦንቺሼ ዬሱሳኮ ሲሚሰ።

16 ኢ ሳማሪ ቢታ አሲ፡ ሺን ዬሱሳ ቶሁዋ ቦላ ጉፋኒዲ ኢያ ጋላቲሰ።

17 ዬሱሲ፡ «ፓዲደይ ታው አሳታ ገደኮናዬ? ያቲን፡ ኡዲፋናቲ አው ቢደና?

18 ሃ አላጋ ኡራፔ * አቲን ሃሪ ሲሚዲ ያሳ ጋላቲይ ዴና ጉሴዬ?» ያገዲ አይቺሰ።

19 ኡራኮ፡ «ኔ አማኖይ ኔና ፓሊሰ፤ ዴንዳዳ ባ» ያገሰ።

የሳ ካዋቴላ ዩሳ (ማቶ 24:23-28፣ 37-41)

20 ፋሪሳዊቲ፡ «የሳ ካዋቴላይ አዉዴ ያኔ?» ገዲ ዬሱሳ አይቺደሶና። ኢ፡ «የሳ ካዋቴላይ ቤንቲያ ማላን ዬና።

21 ቃሲካ ኢዮ፡ ሃሂና ዋይኮ ሂኒና ያጋናው ዴንዳዴና። አይሰ ገኮ፡ ያሳ ካዋቴላይ ሂንቲ ገደን ዴዴሰ) » ያገዲ ዛሪሰ።

22 ዬሱሲ ባ ታማሪታኮ፡ «አሳ ናባ ጋላሳታፔ ኢሱዋ ቤዳናው ሂንቲ አዋቴያ ዋዴይ ያና፡ ሺን ሂንቲ ቤዳኬታ።

23 አሳይ፡ ለኢ ያን ዴዴሰ) ዋይኮ፡ ሃይሳን ዴዴሰ) ያጋና፡ ሺን ኤንታና ካሊዲ ቦፐቲ።

24 ዋልዳንሊ ዋልዳሚዲ ሳሉዋ ጋፃፔ ጋፃ ፖሲሲያ ማላ አሳ ናባ ጋላሳይ ሄሳዳ ሃናና።

25 ሺን ሄሲ ሃናናፔ ሲንሐ አሳ ናባይ ደር ዋናናዉኔ ሃ ዬሌቴላን ኢፃታናው ቤሲሰ።

26 ሮሄ ዋዬ ሃሂደይሳ ማላ አሳ ናባ ዋዲያንካ ሄሳዳ ሃናና።

17:3 ማቶ 18:15 17:14 ለዌ 14:1-32 ኡራይ አላጋ ጌቲቲዳይ ኢ አይሁዴ ገደና ገሾሳ።

* 17:18 ሃ አላጋ ኡራፔ፡ ባር ሃርጊያፌ ፓዲዳ 17:26 ሜዴ 6:5-8

27 ኖሄይ ማርካቢያን ጌሊዳ ቃማ ገኛናው አሳይ ሚሼኔ ኡዩሼ፣ ኤኪሼኔ ጌሊሼ ዳዒሺን ጳዮ ሃሳይ ዩዲ ኡባ ጳይሲሰ።

28 ሎጻ ላይላንካ ሃሳላ ሃኒሰ። አሳይ ሚሼኔ ኡዩሼ፣ ሻሚሼኔ ባይዚሼ፣ ቶኪሼኔ ኬጊሼ፣ ጋምዒደሶና።

29 ሎጻይ ሶዶሜፔ ኬዩዳ ጋላስ ዲኔ ጌቲቲያ ፀጊያባይ ሳሎፔ ቡኪዲ ኡባ ጳይሲሰ።

30 አሳ ናባይ ቆንጨያ ዎዳካ ሃሳዳ ሃናና።

31 «ሄ ጋላሳን አኒካ ካሬን ዳዔይ ኬላ ጊደን ዳዒያባ ኤካናው ሶ ጌሎፖ። ሃሳዳካ፣ ጋዴን ዳዒያ አሲ አይኮሰካ ሶ ሲሞሮ።

32 ሎጻ ማቺው አከኪቲ፤

33 ባ ሼምፕው አሻናው ኮያ አሲ አኒካ ጳይሳና፤ ባ ሼምፕው አላ አሚያ አኒካ ኢ አሻና።

34 ታ ሂንቲው ኦዳይሰ፤ ሄ ጋላሳን ናምቡ አሳቲ ኢሲ አርሳን ዘንግና። ኢሶይ ኤኬታና፣ ሃንኮይ አታና።

35 ናምቡ ማጫሳቲ ዎላ ጋጨሽን ኢሲያ ኤኬታና፣ ሃንኪያ አታና።

36 ናምቡ አሳቲ ዎላ ጋዴን ጎይሳታፔ ኢሶይ ኤኬታና፣ ሃንኮይ አታና» ተ ያገሰ።

37 ኤንቲ፣ «ሳዳው አው ኤኬታኔ?» ያገዱ ኦይቺደሶና።

ኢ፣ «ባወቲ ዳዒያ ቤሳን አንኮቲ ሺቆሶና» ያገሰ።

18

ሚኒዲ ዎሳና ማላ ታማርሲስ

1 ዩሱሲ ባ ታማሬታ አዛሎና ኡባ ዎዳ ዎሳና ማላ ታማርሳናው ኮዩዲ ያገዱ ለሚሶ ኦዲሰ።

2 «ኢሲ ካታማን ያሳስ ያሹቶና አሳሰካ ዩላቶና ኢሲ ዳይኒ ዳዔሰ

3 ሄ ካታማን ኢሲ አምዒያ ዳባወሱ። ኢያካ፣ ታወኔ ታ ሞርኪያሰ ጊደን ዳዒያ ሞቱዎ ፐርዳ» ያገዳ ኡባ ዎዳ ሄ ዳይሶኮ ሲሚጋታወሱ።

4 ዳይናይ ጉላ ዎዳሰ ኢ ኦዳ ሲያና ኢዲሰ፣ ሺን ጉዩፔ ባ ዎዛናን፣ ታኒ ያሳሰ ያዮና፣ አሳሰ ዩላቶና ኢዲካ፣

5 ሃ አምዒያ ታና ዎይሲያ ገሾ ኢው ፐርዳና፤ ያቶና ኢዲካ ኡባ ዎዳ ያዳ ታና ሳሌላና» ያገዱ ቆፐሰ» ያገሰ።

6 ጎዳይካ፣ «ጌላ ዳይናይ ጊዳይሳ ሲዒዴታ፤

7 ያሳይ ቃማኔ ጋላስ ኢያኮ ዎሲያ ባ ደሪዳይሳታሰ ፐርዴኔዬ? ኤንታና ማዳናው ጋምዒዬ?

8 ታ ሂንቲው ኦዳይሳ ሲዒቲ፣ ኤሌሲዲ ፐርዳና። ጊደሺን፣ አሳ ናባይ ያ ዎዳ ሳባ ቦላ አማኖ ዳማንዳሻ?» ያገሰ።

ፋሪሳዊያኔ ቃራፃ ቃንዲሴይሳ

9 ቃሲ ዛሪዲ፣ ዩሱሲ፣ ባንታና ዲሎ አሳዳ ኦሊዲ ጨቁቲይሳታሲኔ ሃራታ ካዴይሳታሰ ሃይሳዳ ያገዱ ለሚሶ ኦዲሰ።

10 «ናምቡ አሳቲ ዎሳናው ያሳ ኬላ ቢደሶና። ኢሶይ ፋሪሳዊ ሃንኮይ ቃሲ ቃራፃ ቃንዲሴያ አሲ።

11 ፋሪሳዊይ ኤቁዲ ባው ዎሲሼ፣ ቃሳው ታኒ ሃራታ ማላ ቦንቃንቾ፣ ጌላኔ ላይማቲያ አሲ፣ አዲዳ ቃሲ ሃ ቃራፃ ቃንዲሴያ ኡራ ማላ ጊደና ገሾ ኔና ጋላታይሰ።

12 ሳሚንታፌ ናምቡ ቶሆ ያማይሰ፣ ታ ዳሚያባ ኡባፌ አሲራታ ኬሳይሰ» ያገሰ።

13 «ሺን ቃራፃ ቃንዲሴይሲ ቃሲ ሃሆን ኤቁዲ ሃሪ አቶሺን ሳሎ ቶቁ ጊዲ ያላናወካ ያዩዲ ባ ቲራ ኢጨሼ ቃሳው፣ ታና ናጋራንቾዎ ማራርኪ» ጊዲ ዎሲሰ።

14 ታ ሂንቲው ኦዳይሳ ሲዒቲ፤ ፋሪሳዊያፔ ሃይሲ ቃራፃ ቃንዲሴይሲ ያሳ ሲንላን ዲሎ ጊዲዲ ባ ሶ ሲሚሰ። አይሰ ገኮ፣ ባና ቶቁ ቶቁ ኦሊያ አሲ ካወያና፣ ባና ካወሺያ አሲ ቶቁ ቶቁ ጋና» ያገሰ።

ዩሱሳኔ ዮጋ ናይታ

(ማቶ 19:13-30፤ ማር 10:13-31)

15 ዩሱሲ ዮጋ ናይታ ቦላ ባ ኩሺያ ዎሊዲ አንጅና ማላ አሳይ ኢያኮ ኢሆሶና። ዩሱሳ ታማሬቲ ሃሳ ቢዒዲ አይሰ ዩሱሳኮ ኤሄቲ ያገዱ ካጨደሶና።

16 ሺን ዩሱሲ ናይታ ባኮ ያገዱ፣ «ዮጋ ናይቲ ታኮ ያናይሳ ዲጎፊቴ፤

17:27 ሜዴ 7:6-24 17:28 ሜዴ 18:20-19:25 17:31 ማቶ 24:17-18፤ ማር 13:15-16 17:32 ሜዴ 19:26 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25 † 17:36 ኢሲ ኢሲ ማፃፋታን ገይዶ 36 ዳና። 18:14 ማቶ 23:12፤ ሉቃ 14:11

የ ጌቱ። አይሰ ገከ፡ ያሳ ካዎቴላይ ኤንታዳ ሃኒዳይሳታሳ።

17 ታኒ ሃንቴው ተማ ኦዳይሰ፤ ያሳ ካዎቴላ የጋ ናይታላ ኤኮናይ ኦኒካ ያ ጌሌና» ያገሰ።

ዱሬ ኡራ ኦይሻ (ማቶ 19:16-30፤ ማር 10:17-

31)

18 አይሁዳ ሃላቃታ፤ አሰይ፡ «ከሃ አስታማሪያው፤ ሜሪና ዴቦቀ ዴማናው አይ ኦላ?» ያገዱ ኦይቸሰ።

19 ዩሱሲ አያኮ፡ «አይሰ ታና ከሃው ያጋዳ ያጋይ? ኢሲ ያሳፊ አቲን ሃሪ ከሃ ባዎ።

20 ላዎፋ፡ ዎዶፓ፡ ካይሶቶፓ፡ ዎርዶ ማርካቶፋ፡ ኔ አዋኔ ኔ አዪው ቦንቻ ያገያ ከታ ኤራይ» ያገዱ ኦይቸሰ።

21 ኡራይካ፡ «ሄሳታ ኡባ ታኒ ናዋቴላፊ ደማዳ ናጋሼ ጋዎሳስ» ያገሰ።

22 ዩሱሲ ሄሳ ሲዲዳ ዎዶ «ሂዛ፡ ኔው አሲባይ ፓጩሰ፤ ኔው ዴዲያባ ኡባ ባይዛዳ ማንቆታስ አማ፤ ሳሎን ኔና ሻሎይ ናጌሰ። ያታ ሲማዳ ታና ካላ» ያገሰ።

23 ሺን ኡራይ ሄሳ ሲዲዳ ዎዶ አያው ዳር ሻሎይ ዴዲያ ገሾ ዳር ቁርቲሰ።

24 ዩሱሲ ኡራ ቤዲዳ፡ «ዱሬ አሳስ ያሳ ካዎቴላ ጌሎይ ዋኒዲ ኡንዳንዴሻ?

25 ዱሬይ ያሳ ካዎቴላ ጌላናይሳፊ ገማሌይ ናርፔ ለሆራ ካንጳይሲ ካወዬሰ» ያገሰ።

26 ሄሳ ሲዲዳ አሳይ፡ «ሄሳ ገዲኮ ኦኒ አታኔ?» ያገደሶና።

27 ዩሱሲ፡ «አሳስ ዳንዳዎቶናባይ ያሳስ ዳንዳዎቴሰ» ያገሰ።

28 ጴዳርሲ፡ «ሄኮ ኦኒ ኑባ ኡባ አገዲ ኔና ካሊዳ» ያገሰ።

29 «ዩሱሲ ተማ ታ ሃንቴው ኦዳይሰ፤ ያሳ ካዎቴላሰ ገዲ ባ ኬላ ዎይኮ ባ ማቸው ዎይኮ ባ አሻታ ዎይኮ ባ አዋኔ ባ አዪው ዎይኮ ባ ናይታ አገዳይ፤

30 ሃ ዎዲያን ዳኮ ዳር፡ ያና አላሚያን ሜሪና ዴቦቀ ኤኮናይ ኦኒካ ባዎ» ያገሰ።

ዩሱሲ ባ ሃይቁዋባ ዛሪ ኦዲሰ (ማቶ 20:17-19፤ ማር 10:32-

34)

31 ዩሱሲ ታማኔ ናዎሳታ ባኮ ያገዲ፡ «አኔ ዩሩሳሌም ቦስ፤ ናቤቲ አሳ ናባ ማፊዳባ ኡባይ ያን ፖሌታና።

32 ኢ አይሁዳ ገደና አሳስ አዲዲ ኢሜታና። ኤንቴ ኢያ ቶቻና፤ ጫያናኔ ኢያ ቦላ ጩታና።

33 ኢያ ጋራፊዳፔ ጉዬ ዎቆና፤ ሺን ሄቫንላ ጋላሳን ኢ ሃይቆፔ ዴንዳና» ያገሰ።

34 ሺን ኢያ ታማሬቲ ሄሳ ኡባፊ አሲባካ አኬኪቦኮና። ኢያ ፀራይ ኤንታው ቆሴቲዳ ገሾ ኢ ዎይገዳኮ ኤሪቦኮና።

ቆቄ ኡራይ ያሊሰ (ማቶ 20:29-34፤ ማር 10:46-

52)

35 ዩሱሲ ኢያርኮ ማታቲያ ዎዶ ኢሲ ቆቄ ኡራይ ኦጌ ጋያን ኡቲዲ ዎሴሰ።

36 ቆቄ ኡራይ አሳይ ሄ ቤሳራ አዲሺን ሲዲዳ፡ «ኢ አይቤ?» ገዲ ኦይቸሰ።

37 ኤንቴ፡ «ናዚሬቴ ዩሱሲ ሃይሳራ አዲሰ» ያገደሶና።

38 ኢ፡ «ዳዊቲ ናዎው፤ ዩሱሳ፡ ታና ማራርኪ» ያገዱ ዎሴሰ።

39 ሲንጼ ሲንጼ ቢያ አሳቲ፡ «ሲዲ ጋ» ገዲ ሃንቄቲዳሶና። ሺን ኢ፡ «ዳዊቲ ናዎው፤ ታና ማራ» ያገዲ ዳርሰ ዎሴሰ።

40 ዩሱሲ ኤቁዲ ኡራ ባኮ ኤሃና ሜላ ከቲሰ። ኡራይካ፡ ኢያኮ ሺቁን፡

41 «ታ ኔው አይ ኦላና ሜላ ኮያይ?» ያገዲ ኦይቸሰ።

ቆቄይ፡ «ሳዳው ታ ያላናው ኮያይሰ» ያገሰ።

42 ዩሱሲ፡ «ያላ፡ ኔ አማናይ ኔና ፓላሰ» ያገሰ።

43 ኡራይ ሰሁዎራ ያሊ አገሰ። ያሳ ቦንቸሼ ዩሱሳ ካሊሰ። አሳ ኡባይ ሄሳ ቤዲዲ ያሳ ጋላቲዳሶና።

19

ቃራፃ ቃንዲሲያ ዛኪዮሳ

1 ዩሱሲ ኢያርኮ ጌሊዲ አዲሰ።

2 ያን ዛኪዮሳ ጌቲቲያ ቃራፃ ቃንዲሲይሳታ ሃላቃይ ዴዴሰ። ኢ ዳር ዲሬ።

3 ኢ ዩሱሲ ኦኔኮ ቤዳናው ኮዩሰ። ኢ ቃንጼ ገዲያ ገሾ አሳ ዳርቲላፊ ዴንደይሳን ዩሱሳ ቤዳናው ዳንዳዲቤና።

4 ዩሱስ ለዓድራው ኮዩዲ ኢ ቢያ ኦጊያስ ሲገልፅ ዋዲ ቢዲ ኢሲ ቦባ ሚላ ቦላ ከዩሱስ።

5 ዩሱሲ ሄ ቤሳ ጋኪሼ ዶቁ ገዲ ቤዒዲ፣ «ዛኪዮሳ፣ ሃቺ ታ ኔ ሶን ፔሳናው ቤሲያ ገሾ ኤሌ ዋዳ» ያገሰ።

6 ኢ ኤሌሲ ዋዳዲ ኡፋይሳን ዩሱሳ ሞኪሰ።

7 ሄ ቤሳን ዳዒያ አሳ ኡባይ ሄሳ ቤዒዲ፣ «ናጋራንቸዋ ሶ ጌሊዲ ሞኪታንው ሃኔስ» ያገዲ ዙዙሚደሶና።

8 ገደሺን፣ ዛኪዮሲ ኤቂዲ ጎዳኮ፣ «ጎዳው፣ ሄኮ ታው ዳዒያ ሻሎ ኡባፌ ባጋ ማንቆታሰ አማና። አሳፔ አይባካ ዋርደን ባሌላዳ ኤኪዳባ ገዲኮ ኦይድ ኩሼ ዛራና» ያገሰ።

9 ዩሱሲ ቃሲ፣ «ሃ ኡራይ አብራሃሜ ናባ ገዲዳ ገሾ ሃቺ አቶቲላይ ሃ ሶ ዩሰ።

10 አሳ ናባይ ዩዳይ ዳዩዳይሳ ኮያናሳኔ አሻናሳ» ያገሰ።

ታሙ ሚናኔታ ለሚሱዋ (ማቶ 25:14-30)

11 አሳይ ሄሳ ሲዒያ ዋዳ ዩሱሲ ዩሩሳላሚ ማታቲዳ ገሾኔ ፆሳ ካዋቲላይ ሃዒ ማታራ ቆንጫና ዳኒዳ ገሾ ኤንታው ለሚሶ ኦዲሰ።

12 ሄሳ ገሾ፣ ዩሱሲ፣ «ኢሲ ገታ አሲ ዳዒይሲ ባው ካዋቲላ ኤኪዲ ያናው ሃራ ቢታ ቢሰ።

13 ኢያው ኦሊያ አይሌታፔ ታማታ ያገዲ ኢሱዋሰ ኢሱዋሰ ታሙ ሚናኔ * አሚዲ ታ ሲማዳ ያና ጋካናው ሃ ሚሺያራ ዛልዒቲ» ያገሰ።

14 «ሄ ቢታ አሳይ ኢያ ኢዒያ ገሾ ሃ ኡራይ ኑ ቦላ ካዋታና ሚላ ኑ ኮዮኮ ያገዲ አሴ ኢያ ጉዬራ ከቲደሶና።

15 «ገደሺን፣ ሄ ኡራይ ካዋ ገዲዲ ባ ቢታ ሲሚሰ። ሄ ታሙ አይሌቲ ኢ አሚዳ ሚሺያን አይ ሚላ ዛልዒዲ ዋዳሲዳኮ ኤራናው ኮዩዲ ኤንታና ያገሰሰ።

16 «ኮይሮይሲ ዩዲ፣ ሳዳው፣ ኔ ታው አሚዳ ሚሼይ ሃራ ታማ ዋዳሰ» ያገሰ።

17 «ኢያ ጎዳይ፣ ሳኖ አማኔቲዳ አይሊያው ሎፆ ኦላዳሳ። ኔኒ ጉላባን

አማኔቲዳ ገሾ ኔው ታሙ ካታማታ ቦላ ማታ ኢማሰ» ያገሰ።

18 «ናምባጎላይካ ዩዲ፣ ሳዳው፣ ኔ ታው አሚዳ ሚሼይ ሃራ ኢቻሻ ዋዳሰ» ያገሰ።

19 «ጎዳይ ኢያኮ፣ ሳኔዛካ ቃሲ ኢቻሹ ካታማታ ቦላ ማታ ኢማሰ» ያገሰ።

20 «ሄኮ ሄቫንላይ ዩዲ፣ ሳዳው፣ ታ ጨርቃን ፆፆና ናገዲ ኔ ሚሺያ ሃናሹ።

21 አይሰ ገኮ፣ ኔኒ ኔባ ገደናባ ኤኬይሳኔ ኔ ዜርናባ ቡጨያ ኢታ አሲ ገዲያ ገሾ ኔው ያያሰ» ያገሰ።

22 «ኢያ ጎዳይ ዛሪዲ፣ ሳኖ ኢታ አይሊያው ኔ ደናሶ ታ ኔና ፐርዳና። ታ ዋላናባ ኤኬይሳኔ ዜርናባ ቡጨያ አሲ ገዳይሳ ኔ ኤሪኮ።

23 ታ ያዳ ታ ሚሺያ ዋዳራ ኤካና ሚላ ዛልዒያ አሳሰ አይሰ አማቢኪ?»

24 «ኢያ ጎዳይ ሄ ቤሳን ኤቂዳይሳታኮ፣ (ኢያራ ዳዒያ ሚሺያ ኤኪዲ ታማ ዋዳሲዳይሳሰ አሚቲ» ያገሰ።

25 «ኤንቲ፣ ሳዳው፣ ኢያው ካሴካ ታሙ ሚናኔይ ዳዒሰ» ያገደሶና።

26 «ጎዳይ፣ ታ ሂንቲው ኦዳይሰ፤ ሳዒያ ኡባሰ ሃሪ ጉዜታና፣ ሺን ባይናይሳፌ ሃራይ አቶ ኢያው ዳዒያራካ ኤኬታና።

27 ገደሺን፣ ታ ኤንታ ቦላ ካዋቶና ሚላ ኮዩዳይሳታ ሄ ታ ሞርኬታ ሃ ታ ሲገሌ ኤሂዲ ጎይሪቲ» ገሰ» ያገሰ።

ዩሱሲ ገታ ቦንቾን ዩሩሳላሚ ጌሊሰ

(ማቶ 21:1-11፤ ማር 11:1-11፤ ዮሃ 12:12-19)

28 ዩሱሲ ሄሳ ኦዲዳይሳፌ ጉዬ ኤንታፌ ሲገሌ አዲ ሃሙቲዲ ዩሩሳላሚ ቢሰ።

29 ሻማሆ ዳሪያ ተ ቦላ ዳዒያ ቤቲፋጌኔ ቢታኒያ ማታቲዳ ዋዳ ባ ታማሬታፔ ናምባታ ያገዲ ከቲሰ።

30 «ሃንቲ ሲገላን ዳዒያ ጉታ ቤቲ፣ ሃንቲ ያ ጋኪያ ዋዳ ኦኒካ ቶጎና ቃሹቲዲ ዳዒያ ሃሪ ማሪ ዳማና። ኢያ ቢሊዲ ሃ ኤኪ ዩቲ።

31 ኦኒካ፣ (ሳይሰ ቢሊቲ?) ገዲ ኦይቸኮ፣ ሳዳይ ኢያ ኮዩሰ» ያገቲ» ያገሰ።

19:10 ማቶ 18:10 19:11 ማቶ 25:14-30 * 19:13 ሚናኔ፣ ሚናኔይ ገሪኬ ደና። ኢሲ ሚናኔይ ኢሲ ጋላሳ ኦሳጎቾሰ ሄቱ አጌና ዳዋዜ ገደሰ። 19:26 ማቶ 13:12፤ ማር 4:25፤ ሉቃ 8:18 19:27 ማቶ 25:14-30 † 19:29 ሻማሆ ዳሪያ፣ ሻማሆይ ዳር ደሊያ ዳሪ ጉሱ።

20

32 ከቴቴዳይሳተ ቢዲ ኢ ጊዳይሳዳ ሃነን በዒደሶና።

33 እንደ ሃሪ ማራ ቢሊሽን ጎዳተ በዒዲ፣ «ሃሪ ማራ አይሰ ቢሊቴ?» ያጊደሶና።

34 እንደ ዛሪዲ፣ «ጎዳይ ኢያ ኮዬሰ» ያጊደሶና።

35 ያፔ ሃሪ ማራ ዩሱሳኮ ኤሃደሶና። ባንታ ማዑቀ ሃሪ ማራ ዘኮን ዩጊዲ ዩሱሳ ሃሪ ማራ ቦላ ኡተሲደሶና።

36 አሳይካ ኢ ቢያ ኦጊያ ቦላ ባንታ ማዑቀ ሃሪደሶና።

37 ሻማሆ ዳሪያ ዲጌላ ዋዲሲያ ኦጊያኮ ማተያ ዋዴ ታይቦን ከሃ ዳር አሳይ እንደ በዒዲ ማላሊሲያባን ኡፋይተዲ ባንታ ቃላ ቶቄ ኦሊዲ፣

38 «ጎዳ ሱጎሳን ያ ካዋይ እንጃተዳይሳ ሳሉቀን ሳርይ

ኡባፌ ቶቃ ሳሉቀን ቦንቾይ ያሳሰ ጊደ።»

ያጊዲ ያሳ ጋሳተደሶና።

39 አሳ ጊደፌ ኢሲ ኢሲ ፋሪሳዌተ ዩሱሳኮ፣ «እስታማሪያው፣ ኔ ታማሪታ ሃይዘቴ ጋዳ ሃንቁታ» ያጊደሶና።

40 ኢ እንታኮ፣ «እንደ ሲዒ ጊኮ ሹቻተ ዋሳና» ያጊሰ።

41 ዩሱሲ ዩራሳላማ ማተሹ ካታማ በዒዲ ኢያው ዩከሰ።

42 «ኔው ሳር ጊዳናይሳ ሃቺ ኔ ኤሪዳባ ጊዲያኮሽን፣ ሃዒ ኔ አይፊያፔ ጌሚሰ።»

43 ኔ ሞርኬቴ ኔ ዩሹቀ ዲሪዲ ዲማ ዲማ ኦጊያራ ኔና ቴቁዲ እንዴሲያ ዋይይ ያና።

44 ኔና ኔ ዲርሳ ጋርሳን ዳዒያ ኔ ናይታ ጳይሳና። ኢሲ ኢሲ ሹቹ ዳንሊዲ ላላና፣ አይሰ ጊኮ ያሳይ ኔና አሻናው ያ ዋዲያ ኤራባካ» ያጊዲ ኢው ዩከሰ።

45 ሃሳፌ ጉዬ፣ ዩሱሲ ያሳ ከሌ ጌሊዲ ዛላይሳታ ያፔ ጎዲሰ።

46 ቃሲ፣ « ታ ከላይ ያሳ ዋሲያ ከሌ ጊዳና ጊዲ ያፊተሰ፣ ሽን ሃንቱ ታ ከላ ፓንጋታ ጎንጎሎ ኦሊዳታ» ያጊሰ።

47 ጋላሰ ጋላሰ ያሳ ከላን ታማርሴሰ። ካሂኔታ ሃላቃተ፣ ሃጌ አስታማሪቲኔ ዳሪያ ጨማተ ኢያ ዋዳናው ኦጊ ኮኖሶና።

48 ጊደሽን፣ አሳ ኡባይ ኢያ ቲሚርቲያ ባንታ ዋዛና ዩጊዲ ሲዒያ ጊሾ እንታው ኦላናባይ ጳይሰ።

ዩሱሳ ማታይ አይሁዳታሰ ኦይሾ ጊዲሰ

(ማቶ 21:23-27፤ ማር 11:27-33)

1 ኢሲ ጋላሰ ዩሱሲ ያሳ ከላን አሳ ታማርሴሽኒኔ ዋንጌላ ማርካቲሽን፣ ካሂኔ ሃላቃተ፣ ሃጌ አስታማሪቲኔ ዳሪያ ጨማተ ኢሲፌ ኢያኮ ዩዲ፣

2 «ኔሂ ሃይሳታ አይቢ ማታን ኦሊያኮ ኦሰ ኦዲ። ሃ ማታ ኔው አሚዳይ ኦኔ?» ያጊዲ አይቺደሶና።

3 ኢ እንታኮ፣ «ታካ ሃንቴና ኢሲባ አይቻና፣ እኔ ታው ዛሪቴ።»

4 ያማቁያ ዮሃንሳ ዊንቃቴይ ያሳፌዬ አሳፔ?» ያጊሰ።

5 እንደ ዋሊ ጊደን ያጊዲ ዘሬቲደሶና፣ «ያሳፌ ጊኮ ያተን፣ አይሰ አማኒቤኬቴ?» ያጋና።

6 «አሳፔ ጊኮ፣ አሳ ኡባይ ዮሃንሲ ናቤ ጊዳይሳ አማኒያ ጊሾ ኦና ሹቻን ጫዳና።»

7 ያኒያ ጊሾ፣ «አዉፔኮ ኦ ኤርኮ» ያጊዲ ዛሪደሶና።

8 ዩሱሲ ዛሪዲ፣ «ሃዘ፣ ታካ አይ ማታን ሃይሳታ ኦሊያኮ ሃንቴው ኦዲኬ» ያጊሰ።

ጎሻንቻታ ለሚሱቀ

(ማቶ 21:33-46፤ ማር 12:1-12)

9 ሃሳፌ ጉዬ፣ ዩሱሲ ያጊዲ ሃ ለሚሱቀ አሳሰ ኦዲሰ፣ «ኢሲ አሲ ዋይኔ ቶኪሰ። ጎሻንቻታሰ ከራ አሚዲ ዳር ዋዴ ጋምዒዲ ያናው ሃራ ቢታ ቢሰ።»

10 ዋይኔ አይፊያ ማዒያ ዋዴይ ጋኪን ዋይኒያ አይፊያፔ ኢያው ዩዳና ማላ ጎሻንቻታኮ ባ አይሊያ ከቲሰ።

ሽን ጎሻንቻቲ ሄ አይሊያ ኦይኪዲ ዋዲዲ ማላ ኩሹ ዩዲደሶና።

11 ካሊዲካ ሃራ አይሊያ ከቲሰ። ቃሲ ጎሻንቻቲ ኢያ ዋዲዲ፣ ካዉሽዲ ማላ ኩሹ ዩዲደሶና።

12 ሃዒካ ዛሪዲ ሄሻንሉ አይሊያ ከቲሰ። ጎሻንቻቲ ኢያካ ማዲንግሲዲ ዋይኒያ ጊደፌ ጋያ ከሲዲ ዩጊደሶና።

13 «ዋይኒያ ጎዳይ፣ ያተን ታ አይ ኦላ? እኔ ቃሲ ታ ደሲያ ታ ናና ዩዳና፤ ኦኒ ኤሪ እንደ ኢያ ቦንቾና አጎኮና ያጊሰ።»

14 «ሺን ጎሻንቸቲ ኡራ ናባ ቤዒዳ ዋዳ ሃይሲ ኢያ ላቲይሳ፣ ሃ ዪቲ ኢያ ዋዳ፣ ያተኮ ላታይ ኑስ ገዳና) ያጊዲ ዘሬቲደሶና።

15 ዋይኒያ ገደፌ ጋፃ ኬሲዲ ዋዲደሶና።

«ያተን፣ ዋይኒያ ጎዳይ ሄ ኣሳታ ዋታኔ?»

16 ዪዲ ሄ ጎሻንቸታ ዳይሳና፣ ዋይኒያ ቤሳ ሃራ ኣሳታስ ኢማና። ኣሳይ ሄሳ ሲዒዳ ዋዳ «ሺንቻሌ ሄሳ ማላባ ኤሆቻ) ያጊደሶና።

17 ዮሱሲ ኤንታ ጫዲ ያሊዲ፣ «ያተን ርገምቤ ከፃያ ኣሳቲ ቦሪዳ ሹቻይ፣

ከላሰ ማላኔ ማናቲሊ ኢሚያ ኡባፌ ኣዲያ ሹቹ ገዲሰ) ጌቲቲዲ ያፊቲዳይሳ ቢርሹላይ ኣይቤ?»

18 ሄ ሹቻ ቦላ ኩንዲያ ኡባይ ቆፃታና፣ ሹቻይ ኢያ ቦላ ዋዲያ ኡባይ ሊቃና» ያጊሰ።

19 ሃጌ ኣስታማሪቲኔ ካሂኔ ሃላቃቲ ሃ ለሚሶይ ኦዴቲዳይ ኤንታ ቦላ ገዳይሳ ኤሪዲ ሄ ዋዳ ኢያ ኦይካናው ኮዪደሶና፣ ሺን ኣሳሰ ባቢደሶና።

ገራባ

(ማቶ 22:15-22፤ ማር 12:13-17)

20 ሄሳ ገሹ፣ ዮሱሳ ዳሪያ ሃሪያ ርሜ ካዉዋ ማታሰ ኣሊ ኢማናው ኮዪዲ ኢያ ዳናፔ ባላ ቃላ ናጎሶና። ሄሳ ፖሊሳናው ያሎ ዳኒዲ ጨሚያ ኣሳታ ኢያኮ ከቲደሶና።

21 ከቲቲዲ ቢዳ ኣሳቲ፣ «ኣስታማሪያው፣ ኔኒ ኦዴይሲኔ ታማርሴይሲ ሊኬ ገዳይሳ፣ ቃሲ ያሳ ኦጊያ ቱማቲላን ታማርሴይሳኔ ኦናካ ሻኮናይሳ ኑ ኤርሰ።

22 ሃናሺን፣ ርሜ ካዉዋሰ ገራ ገራናው ቤሲ ቤሴኔ?» ያጊዲ ኢያ ኦይቹደሶና።

23 ሺን ኢ ኤንታ ዋዛና ኢታቲላ ኤሪዳ ገሹ

24 «ኣኔ ታና ኢሲ ሳንቲሜ ቤሲቲ፣ ኢያ ቦላ ዳዒያ ሚሲሌይኔ ሰንሳይ ኦዳባዬ?» ያጊሰ።

ኤንቲ ዘሪዲ፣ «ርሜ ካዉዋ ቁሳሪይሳ» ያጊደሶና።

25 ኢ ዘሪዲ፣ «ያተኮ፣ ቁሳሪይሳ ቁሳሪሰ፣ ያሳይሳ ያሳሰ ኢሚቲ» ያጊሰ።

26 ሄሳ ገሹ፣ ኢ ዘሪዳ ዘረዋን ኣሳ ሲንሳን ባላ ዳማናው ዳንዳዒቦኮና። ኢያ ዘረዋን ማላሊቲዲ ሲዒ ገደሶና።

ሃይቆፔ ዳንደባ

(ማቶ 22:23-33፤ ማር 12:18-27)

27 ሃይቆፔ ዳንደይ ባዋ ያጊያ ሳዲቃዋታፔ ኢሶቲ ኢሶቲ ዮሱሳኮ ዪዲ፣

28 «ኣስታማሪያው፣ ኢሲ ኣሲ ማቶ ኤኪዲ ናባ ዮሎና ሃይቁኮ፣ ኢያ ኣሻይ ሄ ማጫሲው ኤኪዲ ናይታ ዮሊዲ ባ ኣሻሰ ዘሬሊ ኣሻና ማላ ሙሴይ ያፊሰ።

29 ሄኮ ላቲን ኣሻቲ ዳይሶና። ኮይርይሲ ማቶ ኤኪዲ ናባ ዮሎና ሃይቁሰ።

30 ናምዓንላይ ኢዮ ኤኪዲ ናባ ዮሎና ሃይቁሰ።

31 ሄቫንላይካ ሄሳላ ሃኒሰ። ላቲናቲ ኡባይ ሄሳዳ ሃኒዲ ኢዮ ኤኪደሶና፣ ሺን ናባ ዮሎና ሃይቁደሶና።

32 ዉርሴላን ማጫሲያ ሃይቃሰ።

33 ሃዛ፣ ላቲን ኣይይ ኢዮ ኤኪዳ ገሹ ሃይቆፔ ዳንዲያ ዋዳ ኢያ ኦዳ ማቶ ገዳኔ?» ያጊዲ ኦይቹደሶና።

34 ዮሱሲ ዘሪዲ፣ «ኣሳይ ሃ ዋዲያን ኤኮሶናኔ ጌሎሶና።

35 ሺን ሃይቆፔ ዳንዲዲ ያና ኣላሚያን ዳናው ቤሴይሳቲ ኤኮኮናኔ ጌሎኮና።

36 ኤንቲ ከታንቸ ማላ ገዲያ ገሹ ሲንሳፌ ሃይቆኮና። ሃይቆፔ ዳንዲዲ ገሹ ኤንቲ ያሳ ናይታ።

37 ሙሴይ ጎዳ፣ ሓብራሃሜ ጎዳ፣ ዪሳቃ ጎዳ፣ ያይቆባ ጎዳ) ገዲ ቱሺያ ገደን ፀጌቲያ ታማ ታሪኪያ ያፊዳይሳን ሃይቁዳ ኣሳይ ዳንዳይሳ ቤሴሰ።

38 ኡባይ ኢያው ዳይን ዳዔይሳታ ገዲያ ገሹ ኢ ዳይን ዳዔይሳታ ጎዳፔ ኣቲን ሃይቁዳይሳታ ጎዳ ገዳና» ያጊዲ ዘሪሰ።

39 ሃጌ ኣስታማሪታፔ ኢሶቲ ኢሶቲ፣ «ኣስታማሪያው፣ ሎዖባ ኦዳዳሳ» ያጊደሶና።

40 ሄሳፌ ጉዬ፣ ሃራ ኦይቸ ኦይቻናው ያዪደሶና።

ከሪስቶስ ኦዴ ናዔ (ማቶ 22:41-46፤ ማር 12:35-37)

41 ኢያፔ ካሊዲ ዩሱስ ኤንታኮ፡ «አሳይ ከሪስቶሳ ዋቲዲ ዳዊቲ ናዔ ያገና?

42-43 አይስ ገኮ፡ ዳዊቲይ ባ ሁዔን ባ ማፃፋን፤

የሳይ ታ ጎዳኮ «ታ ኔ ሞርኬታ ኔ ቶሆይ ዩዲያስ አፋና ጋካናው ታፔ ኡቫቻ ባጋን ኡታ» ገሰን ያገሰ።

44 «ሂዛ፡ ዳዊቲይ ከሪስቶሳ፡ ሳዳ ገዲ ያገሸ ኢያው ናዔ ዋኒዲ ገዲ?» » ያገሰ።

45 ዴሬይ ኡባይ ሲዒሺን ባ ታማሬታኮ፤

46 «አዲሳ ማፃ ማዒዲ የሼ ደሴይሳታፔ፡ ገያን ቦንቾ ሳርሉ፡ አይሁዴ ዋሳ ኬፋን ቦንቾ ኦይዴ፡ ሞኬቲያ ሶንካ ቦንቾ ቤሲ ኮያ ሂጌ አሰታማሬታፔ ናጌቲቲ።

47 ኤንቲ አምዔታ ኬፋ ካሎዮሶና፡ ያሎ አሲ ዳኒዲ ዋሳ አዲሶሶና። ኤንቲ ኢታ ፐርዳ ኤካና» ያገሰ።

21

አምዔ ሙፃታ (ማር 12:41-44)

1 ዴሬ አሳይ ያሳ ኬፋን ሙፃታ ሳዒኒያን ዩገሺን ዩሱስ ዶቁ ገዲ አሳ ቤዒሰ።

2 ቃሲ ኢሲ ማንቆ አምዒያ ናምቡ ሲኪና ዩገሺን ቤዒዲ፤

3 «ታ ሂንቲው ቱማ ኦዳይስ፤ ሃ ማንቆ አምዒያ ኡባሬ አፋዳ አማሱ።

4 አይስ ገኮ፡ ሃ አሳ ኡባይ ባንታው ዴዒያባፔ አሚዶሶና፡ ሺን ኢያ ባ ፓጨያፔ፡ ባው ዴዒያ አቁዋ ኡባ አማሱ» ያገሰ።

ወርሴፋ ዋዲያ ማላታታ (ማቶ 24:3-14፤ ማር 13:3-23)

5 ዩሱሳ ታማሬታፔ ኢሶቲ ኢሶቲ ያሳ ኬፋይ ዳር ሎዒያ ሹቻኒኔ አሳይ ያሳስ አሚዳ አምታን ሎዒዳይሳ ኦዴቶሶና።

6 ሺን ዩሱሲ፡ «ሃ ሂንቲ ቤዒያባይ ኡባይ ላሌቶና፡ ሹቹ ሹቻ ቦላ ገምቤቲዳ ሜላ አቶና ዋዴይ ያና» ያገሰ።

7 ኤንቲካ፡ «አሰታማሪያው፡ ሃ ኡባይ ሃናይ እዉዴ? ቃሲ ሃይሲ ሃናናይሳስ ማላታይ እይቤ?» ያገዲ ኦይቹዶሶና።

8 ዩሱሲ ያገዲ ኤንታው ዛር አሚሰ፡ «ባሌቶና ሜላ ናጌቲቲ። ዳርቲ፡ ታኒ ከሪስቶሳ፡ ዋዴይ ማታቲስ) ያገሸ ታ ሱንፋን ያና፡ ሺን ሂንቲ ኤንታ ካሎሬቲ።

9 ሂንቲ ኦላባኔ አሳ ጌላቴላ ሲዒያ ዋዴ ዳጋሞሬቲ። ሄሲ ሲንፋቲዲ ሃናናይሲ አቶናባ ገዲያ ገሸ ዋዲያ ወርሴፋይ ኤሌሲዲ ዩና» ያገሰ።

10 ካሊዲካ፡ «ዴሬይ ዴሪያ ቦላ፡ ካዋቲላይ ካዋቲላ ቦላ ዴንዳና።

11 ገታ ቢታ ቃይይ ሃናና፡ ኮቫይኔ ጋዶይ ዲማ ዲማ ቤሳን ዳራና፡ ያሺያባይኔ ገታ ማላታቲ ሳሎፔ ቆንጫና።

12 ሺን ሃ ኡባይ ሃናናፔ ሲንፍ ታ ሱንፋ ገሸ ገዲ አሳይ ሂንቲና ጎዳናኔ ኦይካና፡ አይሁዴ ዋሳ ኬፋኒኔ ቃሸ ኬፋን ሂንቲና ዩጋና። ካዋታ ሲንፍኔ ዴሪያ ሃሬይሳታ ሲንፍ ሂንቲና ኤፋና።

13 ሄሲካ ታባ ሂንቲ ኤንታው ማርካታናው ሎፆ ኦጌ ገዳና።

14 ሃሳ ገሸ፡ ሂንቲ ኦይሼቲያ ዋዴ ዋይገዲ ዛር አሚኔ ገዲ ሂንቲ ዋዛናን ኡንዔቶና ሜላ አኬኪቲ።

15 አይስ ገኮ፡ ሂንቲ ሞርኬቲ ሂንቲ፡ ኤቁታናዉኔ ፓላማናው ዴንዳዮና ዶናኔ ጨንጫቴላ ታ ሂንቲው አማና።

16 ሃሪ አቶሺን፡ ሂንቲና ዩሊዳይሳቲ፡ ሂንቲ አቫቲ፡ ሂንቲ ዳቦቲኔ ሳጌቲ ሂንቲና አሏ አማና። ሂንቲ ገዶሬ ኢሶታ ኢሶታ ዋቆና።

17 ታ ሱንፋ ገሸ አሳ ኡባ ሲንፋን ሂንቲ ኢፃቲዳይሳታ ገዳና።

18 ሺን ሃሪ አቶሺን፡ ሂንቲ ቢናናፔ ኢሶይካ ቆዩና።

19 ፖሎ ዳንዳዮን ሂንቲ፡ ሂንቲ ሺምፑዋ አቫና።»

20 «ዩሩሳላሜ ካታማይ ዋታዳሬን ዲሬቲዲ ኡቲዳሺን ሂንቲ ቤዒኮ ኢያው ቆዩ ማታቲዳይሳ ኤሪቲ።

21 ሃ ዋዴ ዩሁዳን ዴዒያ ኡባይ ዴሪያኮ ባቃቶ፡ ካታማን ዴዒይሳቲ ያፔ ኬዮ፡ ጋፃሪያን ዴዒይሳቲ ካታማ ጌሎፖ።

22 እይሰ ገኩ፣ ሃ ፃፊተዳባይ ፖሌታና ማላ ሄሲ ያሳይ ኩሹ ዛሪያ ዋዴ።

23 ሳዓ ቦላ ገታ ሜቶይ ያና፣ ሄሳንካ አሳ ቦላ ያሳ ሃንቆይ ያና። ሄሳ ገሹ፣ ቃንሳተዳይሳታኔ ቋንቋይሳታ አዬ።

24 ኤንቲ ማሻን ሃይቃና፣ አሳ ኡባይ አላጋ ቢታ ዲዔታና። እይሁዴ ገደና አሳ ዋዴይ ፖሌታና ጋካናው ጌሩሳላማይ ኤንታናን ዩዴተዳይሳ ገደና።

25 «አዋን፣ አጌናነኔ፣ ያለንቶታ ቦላ ማላታቲ ሃኒዲ ቤንታና። አባፊኔ ዙሊያ ዴሹዋፔ ዴንደይሳን ቢታን ዴዒያ አሳይ ኤንዔታናኔ ያርካና።

26 ሳሉዋ ዋልቃቲ ቡቄታና ገሹ አሳይ ያሻነኔ ቢታ ቦላ አይቢ ሃናንዴሻ ገዲ ናንገ ባንታና ባሌታና።

27 ሄ ዋዴ አሳ ናዓይ ዋልቃኔ ገታ ቦንቹዋን ሻራራ ዩሺን ኤንቲ ቤዓና።

28 ሂንቲ አቶቲላ ማታቲዳ ገሹ ሃ ሃናቲ ፖሌቲላ ኦይኪያ ዋዴ ገኑቲ ኤቂቲ፣ ሂንቲ ሁዒያ ቶቁ ኦሊዲ ያለቲ» ያገሰ።

29 ካሊዲካ፣ ሃይሳዳ ገዲ ለሚሶ ኦዲሰ። «ባላሴ ሚላኔ ሃራ ሚላታ ኡባ ቤዒቲ።

30 ኤንቲ አጪያ ዋዴ ቶርቼይ ማታቲዳይሳ ሂንቲ ኤሬታ።

31 ሄሳዳ ሃ ሃናቲ ፖሌቲሺን ሂንቲ ቤዒኮ ያሳ ካዋቲላይ ማታቲዳይሳ ኤሪቲ።

32 «ታ ሂንቲው ቱማ ኦዳይሰ፤ ሃ ኡባይ ፖሌታና ጋካናው ሃ ዩሌቲላይ አዴና።

33 ሳሎይኔ ሳዓይ አፋና፣ ሺን ታ ቃላይ አዴና።

34 «ሂዛ፣ ቋሲ ባይና ዴዎን፣ ኡሻ ዳርኒኔ ዲሳባሰ ኤንዔቲላን ሂንቲ ዋዛና ኦይኬቶና ማላኔ ሄ ቃማይ አኬኮና ያሄዳ ሂንቲ ቦላ ጋኮና ማላ ናጌቲቲ።

35 ሄ ቃማይ ቢታ ኩሜላን ዴዒያ ኡባ ቦላ ጋካና።

36 ሄሳ ገሹ፣ ያ ኢታፔ አታናዉኔ አሳ ናዓ ሲንላን ኤቃናው ዳንዳዓና ማላ ኡባ ዋዴ ሚኒዲ ዋሲቲ» ያገሰ።

37 ጋላሰ ጋላሰ ዩሱሲ ያሳ ኬላን ታማርሲሹ፣ ቃማ ቃማ ሻማሆ ዴሪያ ቦላ ኬዩዲ አቄሰ።

38 አሳይ ኡባይ ኢያ ሲዓናው ዋንታ ጉራ ኢያኮ ያሳ ኬላ ዮሶና።

22

ዪሁዲ ዩሱሳ አላ ኢማናው ማቄቲሰ

(ማቶ 26:1-5፣ 14፣ 16፤ ማር 14:1-2፣ 10-11፤ ዮሃ 11:45-53)

1 ሄ ዋዴ «ፋሲካ» ያገያ ኡይላ ባሌይ ማቲሰ።

2 ካሂኔ ሃላቃቲኔ ሂኔ አሰታማሬቲ አሳሰ ያዩዳ ገሹ ዋቲዲ ዩሱሳ ባንታ ገደሬ ቋይሳኔኮ ኦጌ ኮዮሶና።

3 ያላሄይ ታማኔ ናምዓታፔ ኢሱዋ ገዲዳ አሰቆርታ ዪሁዳ ጌቲቲይሳ ገዲ ጌሊሰ።

4 ዪሁዲ ካሂኔ ሃላቃታኮኔ ያሳ ኬላ ናጌይሳታ ሃላቃታኮ ቢዲ ዩሱሳ ዋቲ አላ ኢማኔኮ ኤንታራ ማቄቲሰ።

5 ኤንቲካ ሄሳን ኡፋይቲዲ ሚሹ ኢማናው ኢያራ ዘሬቲደሶና።

6 አካ ዘሬቲላን ገገሰ። አላ ኤንታው ኢማናው አሲ ባይና ኢንጆ ዋዴ ናገሹ ዴዔሰ።

ወርሴላ ካሁዋ

(ማቶ 26:17-25፤ ማር 14:12-21፤ ዮሃ 13:21-30)

7 ሄሳፊ ጉዬ፣ ፋሲካ ደርሳይ ሹኬቲያ ኡይላ ባሌይ ጋኪሰ።

8 ዩሱሲ፣ «ፋሲካ ካሁዋ ማና ማላ ቢዲ ኮሰ ገገሲቲ» ያገዲ ጳዓርሳኔ ዮሃንሳ ከቲሰ።

9 ኤንቲ፣ «ኮ አዉን ገገሳና ማላ ኔ ኮያይ» ያገዲ ኦይቺደሶና።

10 ኢ ኤንታኮ፣ «ሄኮ ሂንቲ ካታማ ጌሊሺን ሃላ ኦቶ ቶኪዳ አዴይ ሂንቲራ ጋሂታና። ኢ ቢዲ ጌሊያ ኬላ ኢያ ካሊዲ ጌሊቲ።

11 ኬላዋኮ አሰታማሬይ፣ ታ ታ ታማሬታራ ዋላ ፋሲካ ካሁዋ ማናው ኢማላ ኬላ አዉኔ? ያገሰን ጌቲ።

12 ኢ ፖቂያ ቦላ ሂፃቲዲ ገገዲ ዴዒያ ዳልጋ ከፊሌ ሂንቲና ቤሳና፣ ያን ገገሲቲ» ያገሰ።

13 ኤንቲ ቢዲ ዩሱሲ ገዳይሳዳ ሃኒን ዴሚደሶና። ፋሲካ ባሌ ካሁዋ ያን ገገሲደሶና።

14 ሳቲይካ ጋኪዳ ዋዴ ዩሱሲ ሃዋሬታራ ዋላ ካሁዋ ቦላ ኡቲሰ።

15 ኢ ኤንታኮ፡ «ታ ዋዬ ኤካናፔ ሲንጤ ሃ ካሁዋ ሂንቴራ ማናው ዳር አሞታሰ።

16 ሂዛ፡ ሲዒቴ! ያሳ ካዎቴላን ሃይሳስ ቢርሼላይ ፖሌታና ጋካናው ሃ ካሁዋ ዛራዳ ሚኬ» ያገሰ።

17 ኡቫ ኤኪዲ ጋላቲ ሲሚዲ፡ «ሄዒቴ ሃይሳ ሂንቴ ገደን ሻኬቴ።

18 ሲዒቴ! ያሳ ካዎቴላይ ያና ጋካናው ሃቸፌ ደማዳ ሃ ዎይኔ ኡቫፌ ዛራዳ ኡዩከ» ያገሰ።

19 ኡይላ ኤኪዲ፡ ጋላቲ ሲሚዲ፡ «ሃይሲ ሂንቴው ኢሜቲያ ታ አሹዋ። ሃይሳ ኦሊሼ ታና ቆፐፐ።» ያገዲ ሚንሱዲ ኤንታው ኢሚሰ።

20 ሄሳዳካ፡ ካሁዋፔ ጉዬ ኡቫ ኤኪዲ፡ «ሃ ኡቫይ ሂንቴው ጉኪዳ ታ ሱሳን ገዲያ ኦራላ ጫቁዋ።

21 ገደሺን፡ ታና አላ ኢማና ኡራ ከሼይ ታራ ኢሲፌ ጋይታና።

22 አሳ ናባይ ኢያው ጌቴቶይሳ ማላ ሃይቃናው ዴዒስ፡ ሺን ኢያ አላ ኢሚያ ኡራ እዬ» ያገሰ።

23 ኤንቴ ባንታ ገደን፡ «ሃይሳ ኦኒ ኦላኔ» ገዲ ዋሊ ኦይቸዶሶና።

24 ቃሲ ኤንታ ገደን ገታ ገዳናይ ኦኔ ገያ ፓላሚ ሜዴቲስ።

25 ዩሱሲ ኤንታኮ፡ «ዴሪያ ካዎቲ ባንታ አሳ ዋልቃን ሃርሶና፤ ባንታ ዴሪያ ቦላ ጎዳቴይሳታስካ ባንታና፡ ሎ? ኦሌይሳታ» ያገዲ ያጎሶና።

26 ሺን ሂንቴ ገደን ሄሳ ማላ ገደፖ። ሂንቴ ገደን ባይራቴይ ካሎዳ ሃኖ፤ ካሌሌይሲ ካሌይሳዳ ሃኖ።

27 ሃኖሺን፡ ሞኬይሳፌኔ ሞኬቴይሳፌ ኣወሲ ኣቋ? ሞኬቴይሳ ገዴኔዬ? ሺን ታኒ ሂንቴ ገደን ሞኬይሳ ማላ።

28 «ሂንቴካ ታ ሜቱዋን ታፔ ሻኬቶና ታራ ሚኒዲ ኤቁዳይሳታ።

29-30 ሂንቴ ታ ጋይታፔ ማና ማላ፡ ኡያና ማላኔ ኣራታታ ቦላ ኡቲዲ ታማኔ ናሞዑ ኢሰራዔሌ ሼሻታ ቦላ ፐርዳና ማላ ታ ኣዋይ ታና ሹሚዳይሳዳ ታካ ሂንቴና ታ ካዎቴላን ሹማና» ያገሰ።

31 ካሊዲካ ዩሱሲ፡ «ሲሞና፡ ሲሞና፡ ያላሄይ ሂንቴና ገሰቴዳ ሃርቃናው ዋሲስ።

32 ሺን ታኒ ኔ ኣማኖይ ቋዮና ማላ ኔው ጋናታስ። ኔካ ሲሚዳ ዎዴ ኔ ኢሻታ ሚንሳ» ያገሰ።

33 ሲሞኒ፡ «ጎዳው፡ ታኒ ኔራ ቃሼታናውኔ ሃይቃናው ገኔታስ» ያገሰ።

34 ዩሱሲ ጳይርሳኮ፡ «ታ ኔው ኦዳይሰ፤ ሃቺ ከቶይ ዋሳናፔ ሲንጤ ኔ ታና ሄቹ ቶሆ ካዳና» ያገሰ።

35 ካሊዲካ፡ ዩሱሲ ኤንታኮ፡ «ታኒ ሂንቴና ኮርጃይ፡ ካርዒቴይኔ ጫሚ ባይና ከቲዳ ዎዴ ሂንቴው ፓጪዳባይ ዴዒ?» ያገዲ ኦይቸሰ።

ኤንቴ ዛሪዲ፡ «ኣይኮይካ ፓጪቤና» ያገደሶና።

36 ኢ ኤንታኮ፡ «ሃሲ ኮርጃይኔ ካርዒቴይ ዴዒይ ኦይኮ፤ ማሺ ባይናይ ባ ኣፊላ ባይዚዲ ማሻ ሻዋ።

37 ሃ ሲዒቴ! ጌላታራ ታይቤቲስ) ጌቴቲዲ ያፊቲዳይሲ ታናን ፖሌታናው ቤሴስ። ኦ፡ ታ ገሺ ያፊቲዳባይ ፖሌቴይሲ ቱማቲስ» ያገሰ።

38 ኢያ ታማራቴ፡ «ጎዳው ሃይሳን ናሞዑ ማሺ ዴዒስ» ያገደሶና።

ኦ፡ «ገዳና» ያገሰ።

ዩሱሲ ሻማሆ ዴሪያ ቦላ ዋሲስ (ማቶ 26:36-46፤ ማር 14:32-42)

39 ዩሱሲ ካሴ ሜዜቲዳይሳዳ ዴንዲዲ ሻማሆ ዴሪያ ቦላ ከዩሰ። ኢያ ታማራቴ ኢያ ካሊደሶና።

40 ሄ ቤሳ ጋኪዳ ዎዴ «ፓጩን ጌሎና ማላ ዋሲቴ» ያገሰ።

41 ኤንታፊ ሹቺ ሆሊን ጋኪያ ሶ ማላ ሃኪዲ ጉልባቲዲ ዋሲስ።

42 «ታ ኣዎው፡ ኔ ሼኔ ገዲኮ ሃ ሜቱዋ ታፔ ኣላ። ሺን ታ ሼኔ ገደፖ ኔ ሼኔይ ሃኖ» ያገዲ ዋሲስ።

43 ኪታንቾይ ሳሎፔ ቆንጪዲ ሚንሱዲ።

44 ዳር ኤንዔቲዲ ሚንሱዲ ዋሲስ። ኢያ ጫዎይካ ሱላ ያኪያዳ ሳዓን ያኬስ።

45 ዩሱሲ ዋሳ ወርሲዲ ባ ታማራታኮ ዩሰ። ኤንቴ፡ ኣዛኒያፔ ዴንደይሳን ዳቡሪዲ ጳሰኪዳሺን ዴሚዲ፡

22:20 ኤር 31:31 22:21 ማዘ 41:9 22:24 ማቶ 18:1፤ ማር 9:34፤ ሉቃ 9:46
22:25 ማቶ 20:25-27፤ ማር 10:42-44 22:26 ማቶ 23:11፤ ማር 9:35 22:27 ዮቆ 13:12 22:29-30 ማቶ 19:28 22:35 ማቶ 10:9-10፤ ማር 6:8-9፤ ሉቃ 9:3 22:37 ኢሳ 53:12

46 «አይሰ ጁስኬት? ፓጩን ጌሎና ማለ ዳንዲዲ ዋሲቴ» ያገሰ።

ዩሱሲ አይከቴስ

(ማቶ 26:47-56፤ ማር 14:43-50፤ ዮሃ 18:3-11)

47 ኢ ቡሮ ኦዳ ቦላ ዳዒሺን ዳር አሳቲ ዩደሶና። ታማኔ ናምዓታፕ ኢሶይ ዩሁዳ ጌቴይሲ ኤንታና ካሌሌስ። ኢ ዩሱሳ ዩራናው ማቲ ሸቂስ።

48 ሺን ዩሱሲ፡ «ዩሁዳ፡ አሳ ናዓ ዩራዳ አላ አማኔ?» ያገሰ።

49 ዩሱሳ ታማራቴ ሄ ሃኑዋ ቤዒዲ፡ «ጎዳው ማሻን ሾጩ?» ያገደሶና።

50 ኤንታ ገደፌ ኢሶይ ካሂኔ ሃላቃ ኦሳንቹዋ ሾጩዲ ኡሻቻ ሃይላ ቃንፀዲ ዩገሰ።

51 ሺን ዩሱሲ፡ «አጋ! ዲጎፊቴ»

* ያገሰ። ኡራ ሃይላ ቦቹዲ ፓሊስ።

52 ሂሳፌ ጉዬ፡ ዩሱሲ ባና አይካናው ዩዳ ካሂኔ ሃላቃታኮ፡ ያሳ ኬላ ናጌይሳታ ሹማታኮኔ ጨማታኮ፡ «ፓሮ ኦይኪያ አሳዳ ማሽኔ ፃምዓ አይኪዲ ዩደቲ?»

53 ኡባ ጋለስ ያሳ ኬላን ታ ሂንቴራ ዳዒያ ዋዴ ታ ቦላ ኩሺ ዋሊቤኬታ። ሺን ሃይሲ ዲማ ካዋቴላይ ሃራዳ ዋዴኔ ሂንቴ ዋዴ» ያገሰ።

ጳውሎስ ዩሱሳ ካዲስ

(ማቶ 26:57-58፤ 67-75፤ ማር 14:53-54፤ 66-72፤ ዮሃ 18:12-18፤ 25-27)

54 ሂሳፌ ጉዬ፡ ዩሱሳ አይኪዲ ካሂኔ ሃላቃ ዘባ ኤፊደሶና። ጳውሎስ ሃሆን ዩሱሳ ካሊስ።

55 አሳቲ ካሂኔ ሃላቃ ዘባን ታማ ኤሊዲ ዋላ ኡቲዳሺን ጳውሎስ ኤንታራ ኢሲፌ ኡቲስ።

56 ኢሲ አይሊያ ጳውሎስ ታማ ማታን ኡቲዳይሳ ጫዳ ጃላዳ፡ «ሃ ኡራይ ኢያራ ዳዒስ» ያጋሱ።

57 ሺን ጳውሎስ፡ «ሃ ማጫሴቴ ታ ሄ ኡራ ኤሪኬ» ያገደዲ ካዲስ።

58 ጉላ ዋዴፕ ጉዬ ኢሲ ሃራ አይይ ኢያ ቤዒዲ፡ «ኔካ ኤንታፌ ኢሱዋ» ያገሰ።

ሺን ጳውሎስ፡ «ሃ አዲያው ታና ገዲኬ» ያገሰ።

59 ኢሲ ሳቲ ማላ ጋምዒዳፕ ጉዬ ኢሲ ሃራ አይይ ቲሊሲዲ፡ «ሃ ኡራይ ጋለላፕ ገዲያ ገሾ ሲጫይ ባይና ኢያራ ዳዒስ» ያገሰ።

60 ሺን ጳውሎስ፡ «ሃ አዲያው፡ ኔ ጌይሳ ታ ኤሪኬ» ያገሰ። ኢ ሄ ኦዳ ኦንጎና ዳዒሺን ኩቶይ ዋሲስ።

61 ጎዳይ ጉዬ ሲሚዲ ጳውሎስ ጃሊስ። ጳውሎስ፡ «ሃቹ ኩቶይ ዋሳናፕ ሲንሌ ኔ ታና ሄሹ ቶሆ ካዳና» ያገደዲ፡ ጎዳይ አዲዳ ቃላ አክኪስ።

62 ጳውሎስ ካሬ ከዩዲ ዳር ኮኮራዲ ዩከስ።

63 ዩሱሳ ናገያ አሳቲ ኢያ ለቁሶኔ ዳሽሊ አይኪደሶና።

64 ኢያ አይፊያ ጎዚዲ «አኔ ቲንቢቴ ኦዳ፤ ኔና ዳቹዳይ ኦኔ?» ያገደዲ አይቸሶና።

65 ሃራ ዳር ጫሽ ጫዩዲ ካዉሾሶና።

ዩሱሲ ጲላያሳ ሲንሌኔ ሄርዲሳ ሲንሌ ሸቂስ

(ማቶ 26:59-66፤ ማር 14:55-64፤ ዮሃ 18:19-24)

66 ሳዒ ዋንቲያ ዋዴ አይሁዴ ቢታ ጨማቲ፡ ካሂኔ ሃላቃቲኔ ሂጌ አስታማራቲ ሸቂዲ፡ ዩሱሳ ባንታ ሲንሌ ሸሺደሶና።

67 ኤንቲ፡ «ኔኔ ከሪስቶሴ? አኔ ኩስ ኦዳ?» ያገደዲ አይቹደሶና።

ዩሱሲ፡ «ታ ኡዲያኮ አማኔኬታ።

68 ታ ኦይቹያኮ ዘሪኬታ።

69 ሺን አሳ ናዓይ ሃይሳፌ ጌዴ ባጋን ዋልቃማ ያሳ ኡሻቻ ባጋን ኡታና» ያገሰ።

70 ሄ ዋዴ ኡባይ፡ «ያቲን፡ ኔኔ ያሳ ናዒ?» ያገደሶና።

ኢ፡ «ታ ያሳ ናዓ ገዴይሳ ሂንቴ ገዴታ» ያገሰ።

71 ኤንቲ፡ «ሂዛ፡ ሃራ ማርካ አይ ኮሺ? ኢ ባ አንፃርሳን ኦዲሺን ኦ ሲዒዳ» ያገደሶና።

23

ዩሱሲ ጲላያሳ ሲንላን (ማቶ 27:1-2፤ 11-14፤ ማር 15:1-5፤ ዮሃ 18:28-38)

* 22:51 አጋ! ዲጎፊቴ፡ ዩሱሲ ሃ ቤሳን አጋ ያገደዲ ኢያ አሻናው ገዲ አሳቲ ኡራ ሃይላ ቃንፀይሳ አጋ ቃንፀላ ገደይሳኔ፡ ሃራቲ ኢያ አይካናው ዩዳይሳታ ዲጎፊቴ ሃዒ ኤንታ ዋዴ ያገደዲ ናምዒ ቆፋታ ዋሊ ጋሊዲ ኦይኪስ። 22:53 ሉቃ 19:47፤ 21:37

1 ሄ ቤሳን ሸቂዳ ሻንጎቲ ኡባይ ዳንዲዲ ዩሱፊ ጲላዎሳኮ ኤፊደሶና።

2 «ሃ ኡራይ ኑ ኣሳ ባሌሊሽን፣ ካወቀሰ ገራ ገርና ማላ ዲገሽኒኔ ቃሲ፣ ታኒ ከሪሰቶሳ ሂንቲ ካወቀ) ያገሽን ዳሚዳ» ያገዲ ሞተደሶና።

3 ጲላዎሲ ዩሱፊ፣ «ኔኒ ኣይሁዴታ ካዎዩ?» ያገዲ ኦይቸሰ።

ዩሱሲ፣ «ኤ፣ ኔ ገዳይሳ ማላ» ያገሰ።

4 ጲላዎሲ ካሂኔ ሃላቃታኮኔ ኣሳኮ፣ «ሃ ኡራ ቦላ ታኒ ኢሲ ባላካ ዳማቢኬ» ያገሰ።

5 ሽን ኤንቲ፣ «ሃ ኡራይ ጋሊላፕ ደሚዲ ሃይሳ ጋካናው ዩሁዳ ኩሜላ ኢታባሰ ዳንጤሰ» ያገዲ ማንላ ኦዲደሶና።

6 ጲላዎሲ ሄሳ ሲዒዳ ዎዴ ዩሱሲ ጋሊላ ኣሴኮ ኤራናው ኮዩዲ ኢያ ኦይቸሰ።

7 ዩሱሲ ሄርዲሳ ቢታፊ ዩዳ ኣሲ ገዳይሳ ጲላዎሲ ኤራዳ ዎዴ ሄርዲሲ ሄ ዎዴ ዩራሳላማን ዳዒያ ገሾ ኢያኮ ዩዲሰ።

8 ሄርዲሲ ዩሱሳ ቤዓናው ዳር ዎዴ ኮዩሽ ዳዒያ ገሾ ኢያ ቤዒዳ ዎዴ ዳር ኡፋይቲሰ። ኣይሰ ገኮ፣ ኢያባ ሲዒዳ ገሾ ማላሊሲያባ ኦላን ቤዓናው ኣሞቲሽ ዳዕሰ።

9 ሄርዲሲ ዩሱሳ ዳር ኦይሾታ ኦይቸሰ፣ ሽን ኢ ኣይኮካ ዛሪቤና።

10 ካሂኔታ ሃላቃቲኔ ሂጌ ኣሰታማራቲ ያን ኤቂዲ ማንላዲ ኢያ ሞቶሶና።

11 ሄርዲሳራኔ ኢያ ዎታዳሬታራ ዩሱሳ ካዲደሶናኔ ለቂሲደሶና። ቦንቾ ኣፊላ ማይዚዲ ጲላዎሳኮ ዛሪዲ ዩዲደሶና።

12 ሄርዲሳራኔ ጲላዎሳራ ካሴ ሞርኬሽን ሄ ጋላሰ ዎላ ገገደሶና።

13 ጲላዎሲ ካሂኔ ሃላቃታ፣ ኣሳ ሃሪይሳታኔ ኣሳ ያገዲ።

14 « ሃ ኡራይ ኣሳ ገላቲላሰ ዳንጤሰ) ገዲ ታኮ ኤሂዳታ። ታካ ሂንቲ ሲንላን ፒላጋዳ ሂንቲ ሺሺዳ ሞቱዎሰ ኣይቢ ባላካ ዳማቢኬ።

15 ሄርዲሲ፣ ሄሳላ ኣይቢ ባላካ ኢያ ቦላ ዳሚቦና ገሾ ኑኮ ዩዲሰ። ቱማካ ሃ ኡራይ ሃይቆሰ ጋሊያ ኣይቢ ባላካ ኦሊቤና።

16 ሄሳ ገሾ፣ ኢያ ጋራፋዳ ቢላ ዩዳና » ያገሰ።

17 ሄሳ ኢ ገዳይ ፋሲካ ባሌ ዎዴ ኢሲ ኣሲ ኤንታው ቢላናይሲ ኢያው ኣቶናባ ገዲያ ገሾሳ።

18 ዳሬይ ኡባይ ኢሲ ቦላ፣ «ሃ ኡራ ጌዴ ዲጋ፣ ኑሰ ባርባና ቢላ» ያገዲ ዋሲደሶና።

19 ባርባኒ ካታማ ገደን ኣሳ ኢታባሰ ዳንጤሰዲ ኣሴ ዎዲዲ ቃሹቲዳ ኣሲ።

20 ጲላዎሲ ዩሱሳ ቢላናው ኮዩዲ ኣሳሰ ዛሪ ኦዲሰ።

21 ገደሽን፣ ኣሳይ፣ «ካቃ! ካቃ!» ያገዲ ዋሲደሶና።

22 ጲላዎሲ ሄዳንላ፣ «ሃ ኡራይ ቆሃዳባይ ኣይቤ? ዎዶሰ ጋሊያ ባላ ታ ዳማቢኬ። ሄሳ ገሾ፣ ጋራፋዳ ዩዳ ኣጋና» ያገሰ።

23 ኤንቲ ባንታ ቃላ ቶቁ ኦሊዲ፣ «ካቂታናው ቤሴሰ» ገዲ ማንላ ዋሲደሶና። ኤንታ ዋሶይካ ያገሰ።

24 ኤንታ ኦይሻ ገሾ ገዲ ጲላዎሲ ኢያ ቦላ ፒርዲሰ።

25 ኣሳ ኢታባሰ ዳንጤሰይሳኔ ኣሴ ዎዲዲ ቃሹቲዳይሳ ቢላና ማላ ዋሲዳ፣ ሄ ኡራ ኤንታው ቢሊሰ። ሽን ዩሱሳ ኤንቲ ኮዩዳባ ኦላና ማላ ኤንታው ኣላ ኢሚሰ።

ዩሱሳ ካቂደሶና (ማቶ 27:31-44፤ ማር 15:21-32፤ ዮሃ 19:17-27)

26 ዩሱሳ ኣይኪዲ ኤፊሽን ሲሞና ገያ ቁሬና ቢታ ኣዳይ ጋዖሬፔ ዩሽን፣ ዳሚዲ ማሰቃሊያ ቶሲዲ ዩሱሳ ካሊዲ ባና ማላ ኤንዔላደሶና።

27 ዳር ኣሳይኔ ባንታ ቲራ ኢጪሽ ዩኪያ ማጫሳቲ ኢያ ጉዩያራ ካሎሶና።

28 ሽን ዩሱሲ ኤንታኮ ጉዬ ሲሚዲ፣ «ሂንቲና፣ ዩራሳላማ ማጫሳቶ፣ ሂንቲ ሁዔሲኔ ሂንቲ ናይታሰ ዩኪቲፔ ኣቲን ታው ዩኮፊቲ።

29 ሂኮ ማይንላቲ፣ ዩሎና ኡሎቲኔ ቆንላና ቆንላቲ ኣንጄቲደሶና) ሂንቲ ያጋና ጋላሳይ ያና።

30 ሄ ዎዴ ዳሬታ፣ ሓ ቦላ ኩንዲቲ፣ ዙማታካ፣ ሓና ካሚቲ) ያጋና።

31 ሂዛ፣ ቃዩ ማላ ሄሳላ ኦሊኮ ማላ ማላ ዎታንዳሻ?» ያገሰ።

32 ኢያራ ዎዳናው ሃራ ናሞዑ ዎራንዞታ ኤፊደሶና።

33 ቁራኒዮ * ጌቲቲያ ቤሳ ጋሊዲ ካቁደሶና። ዋራንዥታፔ ኢሱዋ ኡቫቻ ባጋራ ሃንኩዋ ሃዲርሳ ባጋራ ካቁደሶና።

34 ዩሱስ፡ «ታ አዋው፣ ኤንቲ አይ ኦሊያኮ ኤርና ገሾ ኔኒ ኤንታው አቶ ያጋ» ያገሰ።

ኤንቲ ኢያ አፊላ ቦላ ሳማ ዩጊዲ ሻኬቲዲ ኤኪደሶና።

35 አሳይ ኤቁዲ ያሎሶና፣ ሺን ዳሪያ ሃሪይሳቲ፣ «ሃራታ አሺሰ፤ ያሳይ ደሪዳ ኪሪሰቶሲ ኢያ ጊዲኮ አኔ ባና አሾ» ያገደ። ለቁሲደሶና።

36 ዋታዳሬቲ ኢያኮ ሸቁዲ፣ ጫላ ዋይኔ ኡቫ አሚደሶና።

37 ያቲዲ፣ «ኔኒ አይሁዴታ ካዋ ጊዲኮ ኔ ሁዲያ አቫ» ያገደ። ለቁሲደሶና።

38 ኢያው ሁዲ ባጋራ፣ «ሃይሲ አይሁዴታ ካዋ» ያገደ ፀፊይ ዳዔስ።

39 ካቁቲዳ ዋራንዥታፔ ኢሶይ ጫሼ ሳዒዲ ጎቺሼ፣ «አኔ ኔኒ ኪሪሰቶሳ ጊዲኮ፣ ኔናካ ኦናካ አቫ» ያገሰ።

40 ሺን ሃንኩ ዋራንዥታ፣ «ኔኒ ሃይሳ ማላ ፐርዳን ዳዓሼ ሃሪ አቶሺን፣ ያሳስ ያዩኪ?»

41 ኔኒ ኦ ባላስ ቤሲያ ፐርዳ ኤኮስ፣ ሺን ሃ ኡራይ ኢሲ ኢታባካ ኦሊቤና» ያገደ። ሃንቁቲስ።

42 ቃሲካ፣ «ዩሱሳ፣ ኔ ኔ ካዋቲላሪ ያ ዋዴ ታና ቆፓ» ያገሰ።

43 ዩሱስ፣ «ታ ኔው ቱማ ኦዳይሰ፤ ሃቺ ኔኒ ታራ ጋናቴን ጊዳና» ያገሰ።

44-45 ሄ ጋላስ ኡሱፑን ሳቴፔ ቤዲ ኡዱፋን ሳቴ ጋካናው አዋይ ፖዑዋ ዲጊዳ ገሾ ቢታ ኡባ ቦላ ቆማ ጊዲስ። ያሳ ኬላ ማጋራጀይ ዳኬቲዲ ናምዓን ሻኬቲስ።

46 ዩሱስ፣ ቃላ ቶቁ ኦሊዲ፣ «ታ አዋው፣ ታ ታ ሸምፕው ኔ ኩሸን ሸቆይስ» ያገደ። ሃይቁስ።

47 ማቶ ሃላቃይ፣ ሃኒዳይሳ ቤዲዲ፣ «ሃይሲ ኡራይ ቱማካ ያሎ» ያገደ። ያሳ ጋላቲስ።

48 ሃ ሃኒያባ ቤዳናው ሄ ቤሳ ሸቁዳ አሳ ኡባይ ሃኒዳባ ቤዲዳ ዋዴ ባንታ ቲራ ኢጨሽ ባንታ ሶ ሲሚደሶና።

49 ጊደሺን፣ ዩሱሳ ማታን ኤሪያ አሳ ኡባይ፣ ሄሳዳካ ጋሊላፔ ካሊዲ ዩዳ ማጫሳቲ ሄሳ ቤዲሼ ሃሆን ኤቁደሶና።

50-51 አይሁዴ ሻንጎታፔ ኢሶይ፣ ዮሴፋ ጌቲቲያ ኡራይ ዳዔስ። ኢ አርማቲያሳ ጌቲቲያ ዩሁዳ ካታማፔ ዩስ። ኢ ሎዎኔ ያሎ አሲ ጊዲያ ገሾ ያሳ ካዋቲላ ዩሳ ናጌስ። ሻንጎታፔ ኢሱዋ ጊዲሼ ኤንታ ዘሪቴላኒኔ ኦሱዋን ዳና።

52 ሄ ኡራይ ጳላያሳኮ ቢዲ፣ ዩሱሳ አሃ ሞጋንዴ ታው ኢማ ጊዲ ዋሲስ።

53 ጳላያሲ ኤካ ያገን፣ ዩሱሳ አሃ ዋቋሲዲ አፊላራ ያዲስ። ዘላፊ ዋጪዲ ኬሲዳ ሃራ አሲ ሞጌቶና ኦራሳ ዱፎን ዋሲስ።

54 ሳምባቲ ጌላና ሃኒያ ገሾ ሄ ጋላሳይ ገጌቲላ ቃማ።

55 ጋሊላፔ ዳንዲዲ ዩሱሳ ካሊዲ ዩዳ ማጫሳቲ ዮሴፋራ ቢዲ ኢያ አሃ ዋቲ ሞጊያኮ ዱፋዋ አኬኪዲ ቤዲደሶና።

56 ያፔ ሲሚዲ ሸቶኔ ቁባቲያ ገገሲደሶና። ሂጌይ ኪቴይሳ ማላ ሳምባታ ጋላስ ሸምፕ ፔዲደሶና።

24

ዩሱስ ሃይቆፔ ዳንዲስ (ማቶ 28:1-10፤ ማር 16:1-8፤ ዮሃ 20:1-10)

1 ሳሚንታፊ ኮይር ጋላስ፣ ዋጋ ዋዴ ዋንታ ዳር ጉራ፣ ማጫሳቲ ባንታ ገገሲዳ ሸቱዋ ኤኪዲ ዱፋዋ ቢደሶና።

2 ኤንቲ ያ ጋኪያ ዋዴ ዱፋዋ ደናን ዳዒያ ሹቻይ ጎንዳሬቲዲ ኪቻይሳ ዳሚደሶና።

3 ኤንቲ ዱፋዋ ጋሊ ጌሊደሶና፣ ሺን ጎዳ ዩሱሳ አሃ ዳሚሶኮና።

4 ኤንቲ ያን ኤቁዲ አይቢ ሃኒዴ ጊዲ ቆፐሺን አኬኮና ዳር ጳሊያ አፊላ ማዲዳ ናምዑ አሳቲ ኤንታ ማታን ኤቁደሶና።

5 ማጫሳቲ ያሸቲዲ ባንታ ሁዲያ ሳዓን ዘቁ ኦሊዲ ዳዒሺን፣ አሳቲ

* 23:33 ቁራኒዮ፡ ቁራኒዮ ጌይሲ ገሪኬ ደና። አራማይኬ ደናን «ጎልጎታ» ዋይኮ «ሁዒ ጉጌ» ጉሱ። ቁራኒዮ ገያ ስንሳይ አሚቲዳይ ዩሱስ ካቁቲዳይ አሳ ሁዒ ጉጌ ዳኒያ ቤሳን ጊዲያ ገሾላ። ሄ ቤሳይ ሮሜ ካዋቲላይ ዋራንዥታ ካቁያ ቤሲ። (ማቶ 27፣ 33፤ ማር 15:22፤ ዮሃ 19:17) 23:34 ማዘ 22:18 23:35 ማዘ 22:18፤ ማዘ 22:7 23:36 ማዘ 69:21 23:44-45 ኬሳ 26:31 23:46 ማዘ 31:5 23:49 ሉቃ 8:2 23:56 ኬሳ 20:10፤ ዛሬ 5:14

ከገታኩ፡ «ዳግን ዳዔይሳ ሃይቆታ ገደን አይሰ ኮዩት?

6-7 ኢ ሃይሳን ዳና፤ ሃይቆፔ ዳንዲሰ፡ ሐሳ ናዓይ ናጋራንቸታ ኩሹን አጂ አሜታና፤ ከገታካ ኢያ ካቃና። ኢ ሃቫንሶ ቃማን ሃይቆፔ ዳንዳና) ያገዱ፡ ኢ ሃንቴራ ጋለላን ዳዒሹ ሃንቴው ኦዲዳ ቃላ ቆፒቴ» ያገለገሉ።

8 ማጫሳቲ ሄ ዎዴ ኢያ ቃላ ቆፒደሶና።

9 ማጫሳቲ ዲፋዋፔ ሰሚዲ ሃኒዳባ ኡባ ታማኔ ኢሶታሲኔ ሃራታሲካ ኦዲደሶና።

10 ሄሳ ሃዋሬታሰ ኦዲዳይ ማግዴላ ማይራዎ፡ ዮሃና፡ ያይቆባ አዪው ማይራዎኔ ከገታራ ዳዒያ ሃራ ማጫሳታ።

11 ሺን ከገታው ማጫሳቲ ኦዲዳይሲ ኤልሞ ዳኒን አማኒቦኮና።

12 ሺን ጳጳርሲ ዳንዲ ዎዲ ዲፎ በሰ፡ ሄ ቤሳ ጋኪዲ ሆኪ ጋላ ያሊያ ዎዴ ሞሳ አፊላ ዓላላ ቤዒሰ። ሃኒዳባን ማለላቲሹ ባ ሶ ሰሚሰ።

ኤማሁሴ ኦጊያ ቦላ (ማር 16:12-13)

13 ሄ ጋላሰ ካሊያ ታማሬታፔ ናምዓቲ ዩሩሳሌም፤ ታማኔ ኢሲ ኪሎ ማቲሬ ሃኪያ ኤማሁሴ ጉታ ቦሶና።

14 ከገታ ዋላ ሃኒዳባ ኡባ አዳቶሶና።

15 ከገታ ሄ ሃናታባ ቆፒሼኔ ኦዲቲሹ ቢያ ዎዴ ዩሱሲ ባ ሁዒን ሸቂዲ ከገታራ ቤሰ።

16 ሃናሺን፡ ከገታ ኢያ ኤርና ሜላ ከገታ አይፊይ ኦይኬቲሰ።

17 ኢ፡ «ሃንቴ ዋላ ኦጊ ቦላ ዳዒሹ አዳቲይሲ አይቤ?» ያገለገሉ።

ከገታ አዛኒዲ ሰዒ ገዲ ኤቂደሶና።

18 ከገታፊ ኢሶይ ቁሊዮጳ ገቴቲይሲ፡ «ሃ ቃማታ ገደን ዩሩሳሌምን ሃኒዳባ ኤርናይሲ፡ ኔ ቢታሰ አማላዬ?» ያገለገሉ።

19 ኢ ዘሪዲ፡ «ኢ ሃኒዳይሲ አይቤ?» ያገዱ ኦይቸሰ።

ከገታ፡ «ዮሳ ሰንላኒኔ አሳ ሰንላን ኦሶኒኔ ኦዳን ሚና ናቤ ገዲዳ ናዚሬቴ ዩሱሳባ።

20 ኢያ ካሂኔ ሃላቃቲኔ ኑና ሃራይሳቲ ሃይቆ ፒርዳሰ አላ ኢሚዲ፡ ካቂደሶና።

21 ኩ ኢሰራዒሌ አሳ ዎዛንዴ ገዲ ኡፋይቲዲ ናገዳሺን ሃይሲ ሃኒን ሃቸ ሄቫንሶ ቃማ።

22 ቃሲ ኑ ገደፊ ኢሲ ኢሲ ማጫሳቲ ኑና ማለሊሲደሶና፡ ከገታ ሃቸ ዎንታ ጉራ ዲፋዎ ቢደሶና።

23 ኢያ አሃ ጳዩዳ ዎዴ ሰሚ ዩዲ፡ ሐ ፓፃ ዳዒሰ) ያገደ ኪታንቸቲ ቆንጨን ቤዒዳ ያገዲ ኦዲደሶና።

24 ኑ ገደፊካ ኢሶቲ ኢሶቲ ዲፋዎ ቢዲ ማጫሳቲ ኦዲዳይሳላ ሃኒን ቤዒደሶና፡ ሺን ኢያ ቤዒቦኮና» ያገለገሉ።

25 ኢ ከገታኩ፡ «ሃንቴና፡ አኩኮና አሳው፡ ሃንቴ ዎዛናይ ናቤቲ ኦዲዳባ ኡባ አማናናው ጋምዒይሳቶ።

26 ኪሪሰቶሲ ሃ ሜቱዎ ኤካናውኔ ባ ቦንቸዎን ገላናው ቤሰኔ?» ያገለገሉ።

27 ሙሴፔኔ ናቤታ ኡባፊ ዳንዲዲ ገሻ ማፃፋን ኢያባይ ዓፊቲዳይሳ ኡባ ከገታው ቆንጨሲሰ።

28 ከገታ ቢያ ጉታኩ ማታቲዳ ዎዴ ዩሱሲ አጂዲ ሃሆ ሶ ቢያ ዳኒን።

29 ከገታ፡ «ሳዓይ ቃሚዳ ገሹ ኑራ አቃ» ያገዱ ሚንሱዲ ዎሲደሶና፡ ሄሳ ገሹ፡ ከገታራ አቃናው ገሊሰ።

30 ከገታኑ ኢሲፊ ጋይታ ቦላ ኡቲዲ፡ ኡይላ ዳንሱዲ፡ ሚንሱ አንጂዲ ከገታው አሚሰ።

31 ሄ ዎዴ ከገታ ኤራና ሜላ ከገታ አይፊይ ደዬቲሰ፡ ከገታካ ኤሪደሶና። ሺን ኢ ከገታፊ ገሚሰ።

32 ከገታ፡ «ኑ ኦጊያ ቦላ ዳዒሺን ኢ ኦሰ ገሻ ማፃፋ ቢርሺሺኒኔ ኑና ሃሳዩሲሺን ኑ ዎዛናይ ፀጌቲቤኔ?» ያገደሶና።

33 ሄ ዎዴ ዳንዲዲ ጉዬ ዩሩሳሌም ዩደሶና፡ ታማኔ ኢሶቲኔ ሃራቲ ኢሲ ቦላ ሸቂዲ ዳዒሺን ዳሚደሶና።

34 ከገታ፡ «ሳዳይ ቱማ ዳንዲሰ፤ ሲሞናሰ ቆንጨሰ» ያገደሶና።

35 ሄ ናምዑ ታማሬቲ ኤማሁሴ ኦጊያ ቦላ ዳዒሺን ሃኒዳይሳኔ ኡይላ ሚንሱዲ ዎዴ ዋቲ ኢያ ኤሪዳኮ ከገታው ኦዲደሶና።

ዩሱሲ ባ ታማሬታሰ ቆንጨሰ (ማቶ 28:16-20፤ ማር 16:14-18፤ ዮሃ 20:19-23፤ ሃ.ኦ 1:6-8)

36 ናምዑ ታማሬቲ ሄሳ ኦዲ ቦላ ዳዒሺን፡ ዩሱሲ ከገታ ገደን ኤቂዲ፡ «ሳርይ ሃንቴው ገደ» ያገለገሉ።

37 ገደሸን፣ ኤንቲ ዳጋሚዲ፣
ሞይተሌ ቤዒዳ ዳኒን ያዩደሶና።

38 ኢ ኤንታኮ፣ «አይሰ ባቢይተ?
አይሰ ሲዴይ ሂንቲ ዎዛናን ጌሊዴ?

39 ታ ኩሺያኔ ታ ቶሁዎ ቤዒቲ፤
ታኒ ታና። ቃሲ ኦይኪዲ ቤዒቲ፤ ታናን
ሂንቲ ቤዒይሳዳ፣ ሞይተሌሰ አሾይኔ
ሜቄሊ ባዎ» ያገሰ።

40 ያገዲ፣ ባ ቶሁዎኔ ባ ኩሺያ
ኤንታ ቤሲሰ።

41 ኤንቲ ኡፋይሳፌ ዴንደይሳን
አሚናና ማላሉቲላን ዴዒሸን፣ ዩሱሲ
ኤንታኮ፣ «ሃይሳን ሂንቲው ሚያባይ
ዴዒ?» ያገሰ።

42 ኤንቲ ኢሲ ጫጩቲዳ ሞሎ
ኢያው አሚደሶና።

43 ኢ ኤኪዲ ኤንታ ሲንላን ሚሰ።

44 ኢ፣ «ታ ሂንቲራ ጋምዒዳ
ዎዴ ኡባን ሙሴ ማፃፋታን፣ ናቤታ
ማፃፋታኒኔ ማዝሙራ ማፃፋታን፣ ታ
ገሾ ፃፌቲዳባይ ኡባይ ፖሌታናው
ቤሴሰ ያገዳ ታ ሂንቲው ኦዲዳ ቃላይ
ሃይሳ» ያገሰ።

45 ሄ ዎዴ ጌሻ ማፃፋታ አኬካና
ሜላ ዎዛና ኤንታ ደዩሰ።

46 ሄሳዳካ፣ «ኪሪሰቶሲ ዋዬ
ኤካና፣ ሂቫንላ ቃማን ሃይቆፔ ዴንዳና
ያገዲ ፃፌቲሰ።

47 ዩሩሳላሜፔ ዴንዲዲ አሳ ኡባሰ
ናጋራፔ ማርቲላይኔ አቶቲላይ ኢያ
ሱንላን ማርካታና።

48 ሂንቲ ሄሳሰ ማርካታ።

49 ሄኮ፣ ታካ ታ አዋይ ኢሚዳ
ኡፋይሳ ሂንቲው ዩዳና። ሂንቲ ሳሎፔ
ዎልቃ ማዳና ጋካናው ዩሩሳላሜ
ካታማን ጋምዒቲ» ያገሰ።

ዩሱሲ ዴንዲሰ
(ማር 16:19-20፤ ሃ.ኦ 1:9-11)

50 ሄሳፌ ጉዬ፣ ቢታኒያ ካታማ
ኤንታና ኤኪዲ ቢሰ። ባ ኩሺያ
ዴንሊዲ አንጂሰ።

51 ኤንታና አንጂሾ ኤንታፌ
ሻኪቲዲ ፑዴ ሳሎ ኤኬቲሰ።

52 ኤንቲ ዘጊ ጎይኒዲ ዳር
ኡፋይሳን ዩሩሳላሜ ሲሚደሶና።

53 ያሳ ኡባ ዎዴ ጋላቲሾ ያሳ ኬላን
ጋምዒደሶና።

የሃኒሳ ፃፊዳ ዩሱስ ኪሪስቶስ ዋንጌላ ጋሳ ቆፋ

የሃኒሳ ዩሱስ፡ «አሴ ጊዲዲ አሳ ጊደን ቤንቲዳ ያሳ ቃላ» ያጊዲ ቆንጨሴስ። ሃ ዋንጌላይ ፃፊቲዳይ፡ ኢያ ናባቢያ አሳይ ዩሱስ አሳ አሼይሳ ጊዲዲ ያና ጌቲቲዳ ያሳ ናባ ጊዴይሳ አማናና ሜላኔ ኢያን አማኔይሳታስ ሜሪና ዳይይ ዳዔይሳ ከንቲ ኤራና ሜላሳ (20:31)።

ዋንጌላስ ኮይር ከፊሌይ ሜሪናባ ጊዲዳ ያሳ ቃላይኔ ዩሱሲ ኢሶ ጊዴይሳ ኦዲ ሰሚዲ፡ ዩሱሲ አሼይሳ ጊዲዲ ያና ጊዳ ያሳ ናባ ጊዴይሳ ቤሲያ ደማ ደማ ማላታታ ቆንጨሴስ። ፃፊይ፡ ዩሱስ ኪሪስቶሲ ባ ሁዔን ቱማ ያሳ ናባኔ ያሳ አዋራ ኢሶ ጊዴይሳ (1:1) ቦላ ቆንጨሴስ። ዩሱሲ ባ ሁዔን ታ ኣብራሃሚፕ ካሴ ዳዒይስ (8:58) ያጊሲ። ወርሴላን ቶማሲ፡ «ታ ጎዳው፡ ታ ያሳው» ያጊዲ ያጊሲ (20:28)። ሄሳፊ ካሊዲ ቃሲ ሃ ማላታታፕ ቤንቲዳ አይፊያ ኦዲያ ታሪኬቲ ካሎሶና። ሃ ከፊሌይ ኢሲ ኢሲ አሳይ ዩሱሳ አማኒዲ ኢያ ካሌይሳታ ጊዲዳይሳ ኦዲስ፤ ቃሲ ሃራቲ ኢያራ ዋኒዲ ኤቁቲዳኮኔ ዋኒዲ አማናና ኢዲዳኮ ኦዲሶና። ሼምፖ 13-17 ጋካናው ዩሱሲ ኦይከቲዳ ኦማርሲ ኢያው፡ ኢያ ታማሬታራ አይ ሜላ ሚኖ ጋሄቲላ ዳዒያኮ፡ ቃሲ ዋንጌላ ጋላስ ካቁታናፕ ሲንሌ ጊጌቲላ ቃላኔ ሚንሌላ ቃላ ከንታው ኦዲዳይሳ ቆንጨሴስ። ወርሴላ ሼምፖቲ ዩሱሲ ኦይከቲዳባኔ ፐርዳስ ሸቁዳባ፡ ኢያ ካቁቲላኔ ኢያ ዳንዲዋ፡ ሄሳዳካ ዳንዲዋፊ ጉዬ ባ ታማሬታራ ኢ ቆንጨዳ ቆንጨላባ ኦዲሶና።

የሃኒሳ ዋንጌላ አይፊ ቆፋታ

- ጌሎ ቆፋ 1:1-18
- ፃማቁያ የሃኒሳኔ ዩሱሳ ኮይር ታማሬታ 1:19-51
- ዩሱሲ ቆንጨኝ ኦሶ ኦይኮይሳ 2:1-12:50
- ወርሴላ ቃማታ ዩራሳላሜ ሄራን 13:1-19:42
- ጎዳ ዳንዲዋኔ ቆንጨላ 20:1-31
- ኩሻ ቆፋ፡ ጋሊላን ዛሪዲ ባ ታማሬታራ ቆንጨይሳ 21:1-25

- ዳዖ ቃላ
- 1 ቃላይ ኮይር ዳዒስ። ቃላይካ ያሳራ ዳዒስ፤ ሄ ቃላይ ያሳ።
- 2 ኮይርፕ ቃላይ ያሳራ ዳዒስ።
- 3 ያሳይ ኡባባ ቃላ ባጋራ ሜዲስ። ሜዲቲዳባፕ ኢሶይካ ኢያ ባጋራ ሜዲቶናባይ ባዋ።
- 4 ኢያን ዳይይ ዳዒስ፤ ሄ ዳይይ አሳስ ፖ።
- 5 ፖይይ ዳማን ፖዒስ፤ ዳማይ ፖዑዋ ያኒቤና።
- 6 ያሳይ ከቲዳ፡ ኢሲ የሃኒሳ ጊያ አሲ ዳዒስ።
- 7 አሳ ኡባይ ፖዑዋን አማናና ሜላ ኢ ፖሶ ማርካ ጊዲዲ ዩሶ።
- 8 ኢ ፖዑዋባ ማርካታናው ዩሲፕ አቲን ባ ሁዔን ፖፖ ጊዴና።
- 9 አሳ ኡባሰ ፖራሲያ ቱማ ፖይይ አላሚያ ዩሶ።
- 10 ቃላይ አላሚን ዳዒስ። ያሳይ ቃላን አላሚያ ሜዲስ፡ ሺን አላሚይ ኢያ ኤሪቤና።
- 11 ኢ ባይሳታኮ ዩሶ፡ ሺን ኢያይሳቲ ኢያ ኤኪሶኮና።
- 12 ሺን ኢ ባና ኤኪዳይሳታሲኔ ኢያ ሱንሳን አማኒዳይሳታሲ ያሳ ናይታ ጊዳና ሜላ ማታ ኢሚስ።
- 13 ኢንቲ ያሳፊ ዩሌቲዳሶናፕ አቲን አሲ ዩሌቲያ ዋጋን ዋይኮ አዳ ሼኔን ዋይኮ አሳ አዋን ዩሌቲሶኮና። ያሳይ ኢ ኢንታ አዋ።
- 14 ቃላይ አሴ ጊዲስ፤ አዶ ኬሃቲላኔ ቱማ ኩሚዲ ኦ ጊደን ዳዒስ። ኢ አዋስ ኢሲ ናባ ጊዲዲ ኤኪዳ ኢያ ቦንቆዋ ኦኒ ቤዒዳ።
- 15 የሃኒሳ ኢያባ ማርካቲሰ። ባ ቃላ ዶቁ ኦሊዲ፡ «ታኒ፡ ማፕ ጉዬራ ዩይሲ ታፕ ካሴ ዳዒያ ጊሾ ታፕ አዴሰ» ጋዳ ማርካቲዳይሲ ሃይሳ» ያጊሲ።
- 16 ኦኒ ኡባይ ኢያ አዶ ኬሃቲላ ኩሚላፊ አንጆ ቦላ አንጆ ኤኪዳ።
- 17 ያሳይ ሂጊያ ሙሴ ባጋራ ኢሚስ፡ ሺን አዶ ኬሃቲላይኔ ቱማቲላይ ዩሱስ ኪሪስቶስ ባጋራ ዩሶ።
- 18 ያሳ ቤዒዳ አሲ ኦኒካ ባዋ፤ ባ አዋ ማታን ዳዒያ ኢሲ ናባ ያላሊ ባው ያሴ ጊዲዳይሲ ኢያ ቆንጨሲስ።
- ፃማቁያ የሃኒሳ ማርካቲላ (ማቶ 3:1-12፤ ማር 1:1-8፤ ሉቃ 3:1-8)
- 19 ዩራሳላሜን ዳዒያ አይሁዳ ሃላቃቲ፡ ካሂኔታኔ ሌዌታ፡ «ኔኒ ኦኔ?»

ገዲ፡ የሃኒሳ ኦይቻና ሜላ ኢያኮ ከተን፡ የሃኒሲ ኤንታው ማርካቲዳ ማርካቲላይ ሃይሳ።

20 የሃኒሲ፡ «ታኒ ከሪሰቶሳ ገዲኬ» ያገዲ፡ ገሺዲ ማርካቲሲፔ አትን ካዲቤና።

21 ኤንቲ፡ «ያተን፡ ነኒ ኦኔ? ነኒ ኤሊያሰቤ?» ያገዲ ኦይቸዶሶና።

የሃኒሲ፡ «አካይ ገዲኬ» ያገሰ። ቃሲ ኤንቲ፡ «ኔኒ ያና ጌቴቲዳ ናቢያዬ?» ያገዲ ኦይቸዶሶና።

የሃኒሲ፡ «አካይ» ገዲ ዛሪሰ።

22 ያተን፡ «ኔኒ ኦኔ? ኦኒ ኦና ከቲዳይሳታሰ ኦዳና ሜላ ኔኒ ኦና ኦና ገይ?» ያገደሶና።

23 የሃኒሲ ዛሪዲ፡ «ናቢያ ኢሳያሲ ገዲይሳዳ፡

ሳዳ ኦገያ ሱሪሲቴ!» ገዲ ባዞ ቢታን ዋሲያ ኡራ ቃላይ ታና»

ያገሰ።

24 ቃሲ ፋሪሳዊቲ ከቲዳ አሳቲ

25 የሃኒሳኮ፡ «ኔኒ ከሪሰቶሳ ዋይኮ ኤሊያሳ ዋይኮ ናቤ ገደና ኢጂኮ፡ ያተን አይሰ 9ማቃይ?» ገዲ ኦይቸዶሶና።

26 የሃኒሲ ዛሪዲ፡ «ታኒ ሃላን 9ማቃይሰ፡ ሺን ሂንቴ ኤርና አሲ ሂንቴ ገደን ኤቁሰ።

27 ኢ ታፔ ጉዬራ ዬሰ። ታኒ ሃሪ አቶሺን ኢያ ጫማ ዋዶሩዋ ቢላናው ቤሲኬ» ያገሰ።

28 ሄሲ ኡባይ ዮርዳናሴ ሻፋፔ ሄፊንላን፡ ቢታኒያ ካታማን፡ የሃኒሲ 9ማቁያ ቤሳን ሃኒሰ።

ዖሳ ደርሳ

29 የሃኒሲ ዋንቴላ ጋላሰ ዬሱሲ ባኮ ዩሺን ቤዲዲ፡ «አላሚያ ናጋራ ቁቹያ ዖሳ ደርሳይ ሃይሳ!

30 ታኒ፡ ታፔ ጉዬራ ኢሲ አሲ ያና። ኢ ታፔ ካሴ ዴዲያ ገሾ ታፔ አዴሰ) ገዳ ኦዲዳይሲ ሃይሳ።

31 ኢ ኦኔኮ ታኒ ኤሪኬ። ሺን ኢሰራዬሌ አሳሰ ኢያ ቆንጨሳናው ሃላን 9ማቃሽ ያሰ» ያገሰ።

32 የሃኒሲ ሃይሳዳ ያገዲ ማርካቲሰ፡ «ጌሻ አያናይ ሳሎፔ ሆሌዳ ዋዲሺኒ ኢያራ ዴዲሺን ቤዲሰ።

33 ሄሲ ሃናናፔ ካሴ ታኒ ኢያ ኤሪኬ። ሺን ሃላን 9ማቃናው ታና

ከቲዳ ዖሳይ፡ ጌሻ አያናይ ዋዲዲ ኢያራ ዴዲሺን ኔኒ ቤዲያይሲ፤ ጌሻ አያናን 9ማቃይሲ ኢያ) ያገዲ ታው ኦዲሰ።

34 ታኒ ሄሲ ሃኒሺን ቤዲዳ፡ ኢ ዖሳ ናዓ ገዲዳይሳ ማርካታይሰ» ያገሰ።

ዬሱሳ ካሊዳ ኮይሮ ታማሪታ

35 ቃሲ ዋንቴላ ጋላሰ የሃኒሲ ባ ታማሪታፔ ናምዓታራ ኢሲፊ ኤቁሰ።

36 ዬሱሲ አዲሺን የሃኒሲ ቤዲዲ፡ «ዖሳ ደርሳይ ሃይሲሸ!» ያገሰ።

37 ናምዑ የሃኒሳ ታማሪቲ የሃኒሲ ገይሳ ሰዒዲ ዬሱሳ ካሊዳሶና።

38 ዬሱሲ ባና ካሌይሳታ ጉዬ ሰሚ ቤዲዲ፡ «አይ ኮዬት?» ያገዲ ኦይቸሰ።

ኤንቲ ዛሪዲ፡ «አሰታማሪያው፡ ኔኒ አውን ዴዳይ?» ያገደሶና።

39 ዬሱሲ ኤንታኮ፡ «ሃ ዩዲ ቤዲቴ» ያገሰ። ኤንቲ ቢዲ ኢ ዴዲያሰቱ ቤዲደሶና። ሄ ጋላሰ ሳዓይ ታሙ ሳቲ ሄራ ገዲያ ገሾ ኢያ ማታን ፔዒደሶና።

40 የሃኒሲ ገዲይሳ ሰዒዲ፡ ዬሱሳ ካሊዳ ናምዑ ታማሪታፔ ኢሰይ፡ ሲሞን ጳይረሳ አሻ ኢንዲሪያሳ።

41 ኢንዲሪያሲ ኮይሮ ባ አሻ ሲሞናራ ጋሂቲዲ፡ «ኦኒ ከሪሰቶሳ ዴሚዳ» ያገሰ።

42 ኢንዲሪያሲ ሲሞን ዬሱሳኮ ኤሂሰ።

ዬሱሲ ሲሞን ቤዲዲ፡ «ኔኒ ዮና ናዓ ሲሞና፤ ኔ ሱንላይ ኬፋ * ገዲ ዪጌታና» ያገሰ።

ዬሱሲ ፊልጶሳኔ ናቲናዔላ ዪገሰ

43 ዋንቴላ ጋላሰ ዬሱሲ ጋሊላ ቢታ ባናው ቆፋ ቃቸሰ። ኢ ፊልጶሳኔ ጋሂቲዲ፡ «ታና ካላ!» ያገሰ።

44 ፊልጶሲ፡ ኢንዲሪያሲ፤ ጳይረሲ ዴዲዳ ቤቴሳይዳ ካታማፔ ዩዳ አሴ።

45 ፊልጶሲ ናቲናዔላራ ጋሂቲዲ፡ «ሙሴይ ሂጌ ማፃፋን፡ ቃሲ ናቤቴካ ኢያባ ያፊዳ ዮሱፋ ናዓ ናዚሬቴ ዬሱሳ ኦኒ ዴሚዳ» ያገሰ።

46 ናቲናዔላ ዛሪዲ፡ «ናዚሬቴ ካታማፔ ሎፖባይ ኬያናው ዳንዳዒ?» ያገሰ።

ፊልጶሲ፡ «ያዳ ቤዓ» ያገሰ።

1:21 ሚላ 4:5፤ ዛሬ 18:15-18 1:23 ኢሳ 40:3 * 1:42 ከ4: ገያ ቃላይ አራማይኬ ዶና ገዲሺን፡ ገሪኬ ዶናን ቢርሽላይ ጳይረሳ ዋይኮ ዛላ ጉሱ።

47 ናቲናዔሊ ባኮ ዩይሳ ዩሱሲ ቤዒዲ፥ «ጌኔይ ባይና ቱማ ኢሰራዔል አሲ ሃይሳ!» ያገሰ።

48 ናቲናዔሊ ዩሱሳኮ፥ «ኔኒ ታና አዉን ኤራይ?» ያገሰ።

ዩሱሲ ዛሪዲ፥ «ፊልጶሲ ኔና ጃጋናፔ ሲንጤ፥ ኔኒ ባላሴ ሚላ ጋርሳን ዴዒሺን ታኒ ኔና ቤዓሰ» ያገሰ።

49 ናቲናዔሊ ዛሪዲ፥ «አሰታማሪያው፥ ኔኒ ያሳ ናዓ! ኔኒ ኢሰራዔል ካዎ!» ያገሰ።

50 ዩሱሲ ኢያኮ፥ «ታኒ ኔና ባላሴ ሚላ ጋርሳን ቤዓሰ ገዳ ገሾ አማናይ? ኔኒ ሃሳሳፊ አጂያባ ቤዓና!» ያገሰ።

51 ቃሲ ዩሱሲ፥ «ታኒ ሂንቲው ቱማ ኦዳይሰ፤ ሳሎይ ዶዩቲን፥ ያሳ ከታንቸቲ አሳ ናዓ ቦላ ኬዩሺኔኔ ዎጂሺን ሂንቲ ቤዓና» ያገሰ።

2

ዩሱሲ ያጋኖ ቤሳን

1 ሃሻንሎ ጋላሰ ጋላላ ቢታን ቃና ካታማን ያጋኖይ ያጋኔቲስ። ዩሱሳ አያ ሄ ያጋኑዋን ዴዓዉስ።

2 ዩሱሲካ ባ ታማሪታራ ኢሲፊ ሄ ያጋኑዋ ጃጌቲስ።

3 ዎይኔ ኡሻይ ዉሪን፥ ዩሱሳ አያ ዩሱሳኮ፥ «ኤንታው ዎይኔ ኡሻይ ዉሪስ» ያጋሱ።

4 ዩሱሲ ዛሪዲ፥ «ታ አዩ፥ ኔ ሃይሳን ጌሎፓ? ታ ዎዴይ ቡር ጋኪቤና» ያገሰ።

5 ዩሱሳ አያ ኦሳንቸታኮ፥ «ኢ ሂንቲው ኦዲያባ አይቢባ ገዲኮካ አሊቲ» ያጋሱ።

6 አይሁዴቲ ባንታ ጌሾ ዎጋሰ ጎዔቲያ ኡሱፑን ሹቻ ባላቲ ሄ ቤሳን ዴዎሶና፥ ኢሲ ኢሲ ባላይ ናሞዑ ዎይኮ ሄሹ ፀጋ ኦይኬስ።

7 ዩሱሲ ኦሳንቸታኮ፥ «ባላታን ሃሌ ኩንሊቲ» ያገሰ። ኤንቲ ባላታሰ ዶና ጋካናው ሃሌ ኩንሊዶሶና።

8 ዩሱሲ ኤንታኮ፥ «ሃዒ ዲቁዲ ያጋኑዋ አዎቲላን ፖሊሴይሳስ አሚቲ» ያገሰ። ኤንቲ ኢያው ኤፊዲ አሚዶሶና።

9 ያጋኑዋ አዎቲላን ፖሊሴይሲ ዎይኔ ኡሺ ላሚቲዳ ሃላ ጋንጂ ኤኪዲ አዉፔ ዩዳኮ ኤሪቤና፥ ሺን ሃላ ኩንሊዳ

ኦሳንቸቲ ኤርሶና። ያጋኑዋ አዎቲላን ፖሊሴይሲ ማቺው ኤኬይሳ ጃገዲ፥

10 «ኦኒካ ሎዎ ዎይኔ ኡሻ አሳ ኮይርቲዲ ኡሺስ። ያቲዲ አሳይ ኡዩ ካሊዳፔ ጉዬ ቂራሪያ አሚስ። ሺን ኔኒ ሎዎ ዎይኔ ኡሻ ሃኖ ጋካናው ዎላ አጋዳሳ» ያገሰ።

11 ዩሱሲ ሃ ኮይር ማላታ ጋላላ ቢታን ቃና ካታማን ኦሊስ፤ ሄሳን ባ ገታቲላ ቤሲስ። ኢያ ታማሪቲ ኢያ አማኒዶሶና።

12 ሄሳፊ ጉዬ፥ ዩሱሲ ባ አዩራ፥ ባ አሻታራኔ ባ ታማሪታራ ኢሲፊ ቂፊርናሆሜ ካታማ ቢዲ ጉላ ጋላሰ ጋሞዒስ።

ዩሱሲ ያሳ ኬላፊ ዛልዔይሳታ ኬሲስ

(ማቶ 21:12-13፤ ማር 11:15-17፤ ሉቃ 19:45-46)

13 አይሁዴቲ ቦንቹያ ፓሲካ ባላ ጋላሳይ ማታቲን ዩሱሲ ዩሩሳላሚ ቢስ።

14 ቢዲ ያሳ ኬላን ቦራታ፥ ሚዛታ፥ ዶርሳታኔ ሆሌታ ባይዜይሳታኔ ባንታ ኦይዲያን ኡቲዲ ሚሼ ላሚይሳታ ዴሚስ።

15 ኢ ፀርቃፊ ዶቂዲ አሳ ኡባ ኤንታ ሜሃታራ ያሳ ኬላፊ ጎዲዲ ካሪ ኬሲስ። ሚሼ ላሚይሳታ ፃርጳዛታካ አሊ ዩገዲ ኤንታ ሚሺያ ላሊስ።

16 ሆሊ ባይዜይሳታ፥ «ሃ ሆሌታ ሃይሳፊ ኬሲቲ፤ ታ አዎ ኬላ ገያ ኦሳፊቲ» ያገሰ።

17 ኢያ ታማሪቲ ጌሻ ማፃፋን፥ «ታኒ ኔ ኬላሰ ሚሹቲያ ሚሻይ ታና ታማዳ ፀጌስ» ጌቲቲዲ ፃፊቲዳይሳ አኬኪዶሶና።

18 ሄሳፊ ጉዬ፥ አይሁዴቲ ዛሪዲ፥ «ኔ ሃይሳ ኦላናው ኔው ማቲ ዴዒይሳስ ኑና አይ ማላታ ኦላዳ ቤሳኔ?» ያገደሶና።

19 ዩሱሲ፥ «ሃ ያሳ ኬላ ላሊቲ፤ ታኒ ሄሹ ጋላሳን ዛራዳ ኬፃና» ያገሰ።

20 ቃሲካ አይሁዴቲ፥ «ሃ ያሳ ኬላ ኬፃናው ኦይታማኔ ኡሱፑን ላይሊ ኤኪስ፥ ሺን ኔኒ ሄሹ ጋላሳን ኬፃኔ?» ያገደሶና።

21 ሺን ዩሱሲ ኦዲያ ያሳ ኬላይ ባ አሳቲላባ።

22 ሄሳ ገሾ፥ ዩሱሲ ሃይቆፔ ዴንዲዳፔ ጉዬ ኢያ ታማሪቲ ኢ

ሄሳ ገዳይሳ አኩኪደሶና። ቃሲ ኤንቲ ጌሻ ማፃፋን ፃፊቲዳይሳኔ ዩሱሲ ኦዲዳይሳ አማኒደሶና።

23 ዩሱሲ ፓሲካ ቦንቹያ ቤሳን ዩሩሳላሚን ዴራሺን፣ ኢ ኦሊዳ ማላታታ ቤራዲ ዳር አሳይ ኢያ አማኒደሶና።

24 ሺን ዩሱሲ አሳ ኡባ ኤሪያ ገሾ ኤንታ አማኒቤና።

25 አሳ ዋዛናን ዴራያባ ኢ ባ ሁዔን ኤሪያ ገሾ አሳባ ኦኒካ ኢያው ኦዳና ማላ ኮሺቤና።

3

ዩሱሳኔ ኒቆዲሞሳ

1 ፋሪሳዊታ ያራፔ ገዲዳ፣ አይሁዳታ ሃላቃይ፣ ኒቆዲሞሳ ገያ ኢሲ አዳይ ዴዴሰ።

2 ኒቆዲሞሲ ቃማ ዩሱሳኩ ዩዲ፣ «አስታማሪያው፣ ኔኒ ያሳይ ከቲዳ አስታማሪ ገዳይሳ ኔኒ ኤሮስ። አይሰ ኒኩ፣ ያሳይ ኢያራ ዶና ኢዳኮ ሃ ኔኒ ኦሊያ ማላታ ኦላናው ዳንዳዲያ አሲ ባዋ» ያገሰ።

3 ዩሱሲ ዛሪዲ፣ «ታኒ ኔው ቱማ ኦዳይሰ፤ ኦኒካ ዛሪ ዩሌቶና ኢዳኮ ያሳ ካዋቲላ ቤሳናው ዳንዳዲና» ያገሰ።

4 ኒቆዲሞሲ፣ «ጨጋ አሲ ዋኒዲ ዛሪ ዩሌታናው ዳንዳዲ? ባ አዬ ኡሎ ሰሚ ጌሊዲ ዛሪ ዩሌታናው ዳንዳዲ?» ያገሰ።

5 ዩሱሲ ዛሪዲ፣ «ታኒ ኔው ቱማ ኦዳይሰ፤ ኦኒካ ሃላፊኔ ጌሻ አያናፔ ዩሌቶና ኢዳኮ፣ ያሳ ካዋቲላ ጌላናው ዳንዳዲና።

6 አሾ ናባቲላ አወፔኔ አዪፔ ዩሰ፤ ያሳ ናባቲላ ጌሻ አያናፔ አሜቲሰ።

7 ታኒ፣ «ሂንቲ ዛሪ ዩሌታናው ቤሴሰን ጋዳ ሂንቲው ኦዲዳ ገሾ ኔኒ ማላሌቶፋ።

8 ጫርኮይ ባ ኮዪዳ ቤሲ ጫርኮስ። ኔኒ ኢያ ኮሺንቻ ሲሳሳፔ አቲን ኢ አወፔ ያኮ ዋይኮ አው ቢያኮ ኤራካ። አያናፔ ዩሌቲዳ ኡባይ ሄሳ ማላ» ያገሰ።

9 ያቲን ኒቆዲሞሲ፣ «ሄሲ ዋኒዲ ሃናናው ዳንዳዲ?» ያገዲ ኦይቲሰ።

10 ዩሱሲ ዛሪዲ፣ «ኔኒ ኢሰራዔላታ አስታማሪ ገዳሽ ሃይሳ ኤሪኪ?»

11 ታኒ ኔው ቱማ ኦዳይሰ፤ ኦ ኤሪያባ ኦዳይሰኔ ቤራዲባ ማርካቶሰ፣ ሺን ኦ ማርካቲላ ሂንቲ ኤኬኬታ።

12 ታኒ ሂንቲው ሳባባ ኦዲን ሂንቲ አማናናባ ገዲኮ ሳሎባ ኦዲን ዋቲ አማናኔ?

13 ሳሎፔ ዋዲዳ አሳ ናባፔ አቲን ሳሎ ኬዪዳይ ኦኒካ ባዋ፤ [ሳሎን ዴራያ አሳ ናባይ ታና] * ያገሰ።

14-15 ሙሴይ ባዞ ቢታን ቢራታ ሾሺ ካቂዳይሳዳ ታና አማኒዳ ኡባይ ማሪና ዴቦዋ ኤካና ማላ አሳ ናባይ ዶቁ ጋናው ቤሴሰ።

16 ያሳ ናባ አማኒያ ኡባይ ማሪና ዴቦዋ ላታናፔ አቲን ጳዮና ማላ ያሳይ ሃ አላሚያ ዳር ዶሲዳ ገሾ ባ ኢሲ ናባ አሚሰ።

17 ያሳይ ባ ናባ ሃ አላሚያ ከቲዳይ አላሚያ ፐርዳናው ገደናሺን አላሚያ ኢያ ባጋራ አሻናሳ።

18 ናባ አማኒያ ኦኒካ ፐርዴቲና፣ ሺን ናባ አማናና ኦኒካ ኢሲ ያሳ ናባ አማኒባና ገሾ ሃራ ፐርዴቲሰ።

19 ፐርዳይካ ሃይሳ፣ ፖያይ አላሚያ ዩሰ፣ ሺን አሳ ኦሶይ ኢታ ገዲያ ገሾ አሳይ ፖቦዋፔ ኦሊዲ ዱማ ዶሴሰ።

20 ኢታባ ኦሊያ ኦኒካ ፖያ ኢዳሰ። አይሰ ኒኩ፣ ባ ኦሶይ ቆንጮና ማላ ፖቦዋኮ ዩና።

21 ሺን ቱማ ኦሊያ ኦኒካ ያሳይ ከቲዳይሳዳ ኢ ኦሊዳይሳ ፖያይ ቆንጪሳና ማላ ፖቦዋኮ ዩሰ።

ዩሱሳኔ ፃማቂያ የሃኒሳ

22 ሃሳፊ ጉዬ፣ ዩሱሳኔ ኢያ ታማሪቲ ዩሁዳ ቢታ ቢደሶና። ዩሱሲ ያን ፃማቂሽ ኤንታራ ጉላ ዋይ ኡቲሰ።

23 ቃሲ የሃኒሲ ሳሌሚ ማታን ዴራያ ሄናና ገያሶን ገዲያ ሃላ ዴራያ ገሾ አሳ ያን ፃማቂሰ። አሳይካ ያ ቢዲ ፃማቂቶሶና።

24 ሄ ዋይ የሃኒሲ ቡር ቃሽቲቤና።

25 ሃሳፊ ጉዬ፣ የሃኒሳ ታማሪቲኔ ኢሲ አይሁዳ አዳይ ተ ገሾ ዋጋባ ፓላሚደሶና።

26 ኤንቲ የሃኒሳኮ ቢዲ፣ «አስታማሪያው፣ ዮርዳናሴ ሻፋፔ ሄፊንግን ኔራ ዴዴይሲ፣ ኔኒ ኢያባ ማርካቲዳይሲ፣ ሄኮ ፃማቂሰ። አሳይ ኡባይካ ኢያኮ ሶሶና» ያገደሶና።

* 3:13 ሳሎን ዴራያ አሳ ናባይ ታና፣ ኢሲ ኢሲ ቤኒ ማፃፋቲ ጉጃሶና። 3:14-15 ታይ 21:9 3:24 ማቶ 14:3፤ ማር 6:17፤ ሉቃ 3:19-20 ተ 3:25 ኢሲ አይሁዳ አዳይ፣ ኢሲ ኢሲ ማፃፋቲ «ጉላ አይሁዳ አሳቲ» ያሰሰና።

27 የሃኒሲ ዛሪዳ፣ «ጾሳይ አሞና አሲ አይቢባካ ኤካናው ዳንዳዔና።

28 ታኒ ከሪስቶሳ ገዲኬ፣ ሺን አያፕ ሲንሌ ከቲታስ) ገዳይሳስ ሂንቲ፣ ሂንቲ ሁዒን ታው ማርካ።

29 ጌሎስ ገዢዳራ ኤኬናው ገዢዳይሳሳ። ኤኬይሳ ሳይይ አያ ማታን ኤቁዲ ኢ ጌይሳ ሰዒያ ዋዴ ዳር ኡፋይቲስ። ሄሳ ገሾ፣ ሃይሲ ታ ኡፋይሳይ ፖሊቲስ።

30 ኢ ገታታናው ታኒ ጉፃናው ቤሴስ» ያገሰ።

31 ቦላፌ ዬይሲ ኡባፌ ቦላ። ሳዓፔ ቤንቲዳይሲ ሳዓባ። ኢ ሳዓባ ኦዴስ። ሳሎፔ ዬይሲ ኡባፌ ቦላ።

32 ኢ ባ ቤዒዳባኔ ሰዒዳባ ማርካቲስ፣ ሺን አያ ማርካቲላ ኤኬይ ባዋ።

33 አያ ማርካቲላ ኤኪያ ኦኒካ ጾሳይ ቱማ ገዳይሳ ቆንጨሴስ።

34 ጾሳይ ባ ጌሻ አያና አያው ከሜሌ አሚያ ገሾ ጾሳይ ከቲዳይሲ ጾሳ ቃላ ኦዴስ።

35 አዋይ ባ ናዓ ደሲዲ ኡባባ አያ ከሺን ዋሊስ።

36 ናዓ አማኒያ ኡራስ ሜሪና ዴይይ ዴዔስ። ሺን ናዓ አማናይሳ ቦላ ጾሳ ሃንቆይ ዴዔሴፔ ኦቲን ኢ ዴጾ ዴሜና።

4

ዬሱሳኔ ሳማሬ ማጫሲው

1 ዬሱሲ የሃኒሳይሳፌ ዳሪያ ካሊይሳታ ባኮ ሺሼይሳኔ ፃማቄይሳ ፋሪሳዌቲ ሰዒደሶና።

2 ገዲኩካ ዬሱሳ ታማሬቲ ፃማቄደሶናፔ ኦቲን ዬሱሲ ኦናካ ፃማቄቤና።

3 ዬሱሲ አሳይ አያባ ጌይሳ ሰዒዳ ዋዴ ዬሁዳፔ ዴንዲዲ ጋሊላ ቢስ።

4 ጋሊላ ቢሼ ሳማሬራ አፋናይሲ አያው አቶናባ ገዲሰ።

5 ሄሳ ገሾ፣ ያይቆቢ ባ ናዓ ዮሴፋስ አሚዳ ገዲያ ማታን ዴዒያ ሲካሬ ገያ ሳማሬ ካታማ ቢስ።

6 ሄ ቤሳን ያይቆባ ሃላ ኦላይ ዴዔስ። ዬሱሲ ሃሙላን ዳቡሪዲ ሄ ሃላ ኦላ ማታን ኡቲስ። ሄ ዋዴ ሳዓይ ኡሱፑን ሳቲ ሄራ።

7 ኢሲ ሳማሬ ካታማ ማጫስ ሄ ኦላፌ ሃሌ ቲካናው ያሱ። ዬሱሲ

ሄ ማጫሴኮ፣ «ታና ሃሌ ኡሻርኪ» ያገሰ።

8 ሄ ዋዴ ዬሱሳ ታማሬቲ ካሊ ሻማናው ካታማ ቢደሶናሺን።

9 ሄ ማጫሲያ ዛሪዳ፣ «ኔኒ አይሁዴ አሴ ገዳሼ፣ ሳማሬ ማጫስ ገዲያ ታና ዋናዳ ሃሌ ኡሻ ጋይ?» ያገሱ። ሄሳ አያ ገዳይ አይሁዴቲ ሳማሬታራ ጋሄቶና ገሾሳ።

10 ዬሱሲ ዛሪዳ፣ «ኔኒ ጾሳ አሞታኔ ሃሌ ታና ኡሻ ጌይሲ ኦኔኮ ኡሪዳባ ገዲያኮ ኢያ ኔ ዋሳና፤ አካ ነው ዴጾ አሚያ ሃሌ አማናሺን» ያገሰ።

11 ማጫሲያ ዛሪዳ፣ «ሳዳው፣ ኒው ዲቁያባይ ባዋ፤ ኦላይካ ዚቃ። ያቲን፣ ዴጾ አሚያ ሃሌ ኔ አወፔ ኤካኔ?»

12 ኦስ ሃ ሃላ ኦላ አሚዳ ኦ አዋ ያይቆባፔ ኔኒ አፋይ? ኢ፣ አያ ናይቲኔ ኢያ ሜሄይ ሃ ኦላፌ ኡዪደሶና» ያገሰ።

13 ዬሱሲ፣ «ሃ ሃላፌ ኡዪዳ ኦኒካ ዛሪ ሳሞታና።

14 ሺን ታኒ አማና ሃላ ኡያ ኦኒካ ኡባካ ሳሞቲና። ታኒ አማና ሃላይ አያ ገደን ሜሪና ዴጾ አሚያ ጎጊያ ፑልቶ ገዳና» ያገሰ።

15 ማጫሲያ ዛሪዳ፣ «ሳዳው፣ ታኒ ሳሞቶና ሜላኔ ሃሌ ቲካናው ሃ ቤሳ ዮና ሜላ ታው ሄ ሃላ አማ» ያገሱ።

16 ዬሱሲ አኮ፣ «ባዳ ኔ አዚና ቋጋዳ ያ» ያገሰ።

17 ማጫሲያ ዛሪዳ፣ «ታው አዚኒ ባዋ» ያገሱ።

ዬሱሲ አኮ፣ «ታው አዚኒ ባዋ ጉሳን ባላባካ።

18 ነው ካሴ ኢቻሹ አዚናቲ ዴጾሶና። ሃዒ ኔራ ዴዒያ አዴይ ኔ አዚና ገዴና። ኔኒ ሃዒ ቱማ ኦዳዳሳ» ያገሰ።

19 ማጫሲያ ዛሪዳ፣ «ሳዳው፣ ኔኒ ናቤ ገዴይሳ ታኒ ኡራስ።

20 ኦ አዋቲ ሃ ዴሪያ ቦላ ጾሳ ጎይኒደሶና። ሺን ሂንቲ አይሁዴቲ አሲ ጾሴ ጎይናናው ቤሲያ ቤሳይ ዬሩሳላሜን ጌታ» ያገሱ።

21 ዬሱሲ፣ «ሃ ማጫሴቲ ታና አማና፤ ሃ ዴሪያ ቦላ ዋይኮ ዬሩሳላሜን አዋ ሂንቲ ጎይናና ዋዴይ ያና።

22 ሂንቲ ሳማሬቲ ኤርናይሳ ጎይኔታ። ሺን ኦኒ አቶቲላይ አይሁዴፔ ያ ገሾ ኦ ኤሬይሳ ጎይሶስ።

23 ሺን አዋ ቱማን ጎይኔይሳቲ አያናኒኔ ቱማቲላን ጎይናና ዋዴይ ማታቲስ፤ ሃሳካ ጋኪስ። ሂዛ፣ አዋይ ኮዬይ ሃይሳ ማላ ኦጊያን ጎይኔይሳታ።

24 ያሳይ አያና፤ ኢያው ጎይኔይሳቲ አያናኒኔ ቱማቲላን ጎይናናው ቤሴስ» ያገሱ።

25 ማጫሲያ ዛራዳ፣ «ኪሪሰቶሲ ያናይሳ ታኒ ኤራይስ። ኢ ያ ዋዴ ኦስ ኡባባ ኦዳና» ያገሱ።

26 ዬሱሲ፣ «ሃ ኔራ ኦዳቲይ ታኒ ኢያ» ያገሱ።

27 ኤንቲ ኦዳቲሺን፣ ዬሱሳ ታማራቲ ቢዳ ቤሳፌ ሲሚደሶና። ዬሱሲ ማጫሳራ ኦዳቲሺን ኤንቲ ቤሳዲ ዳሮ ማላለቲደሶና። ሺን ማጫሴኮ፣ «አይ ኮያይ?» ዋይኮ ዬሱሳሳ፣ «አራ አይስ ኦዳታይ?» ገዳይ ኦኒካ ባዋ።

28 ሃሳፌ ጉዬ፣ ማጫሲያ ባ ሃላ ኦቱዋ አገዳ ጉዬ ካታማ ባዳ አሳኮ።

29 «ታኒ ኦላዲባ ኡባ ታው ኦዲዳ አዲያ ቤዓናው ዬቋቲ። ኢ ኪሪሰቶሳ ገዳንዳሻ?» ያገሱ።

30 አሳይ ካታማፕ ኬዬዲ ዬሱሳኮ ቢደሶና።

31 ሄሲ ሃኒሺን፣ ኢያ ታማራቲ ዬሱሳኮ፣ «ጉላባ ማርኪ» ያገዱ ዋሲደሶና።

32 ሺን ኢ፣ «ታው ሃንቲ ኤሮና ካላ ታ ማይሲ ዴሴስ» ያገሱ።

33 ሃሳ ገሾ፣ ኢያ ታማራቲ ባንታ ገደን፣ «ኢያው ሚያባ አሲ ኤሆና አጌና?» ያገደሶና።

34 ዬሱሲ ኤንታኮ፣ «ታ ካላይ ታና ኪቲዳይሳ ሸኒያ ኦላናይሳኔ ኢያ ኦሱዋ ፖላናይሳ።

35 ሃንቲ፣ ሳይዲ አጌናፕ ጉዬ ካላይ ጫኬታና ገኬቲዬ፣ ሺን ታኒ ሃንቲው ኦዳይስ፤ ካላይ ካዲዲ ሺሾስ ጋኪዳይሳ ሎይላ ያለቲ።

36 ዜሬይሲኔ ጫኬይሲ ኢሲፌ ኡፋይታና ማላ ጫኬይሲ ዳዋዜ ኤኬስ ቃሲ ካላ ማሪና ዳገስ ሺሾስ።

37 ሃዛ፣ ሲሶይ ዜሬስ፤ ሃንኮይ ቃሲ ጫኬስ ገያ ኦዳይ ቱማ።

38 ሃንቲ ዳቡሪቦናይሳ ሺሻና ማላ ታኒ ሃንቲና ኪታስ። ሃራቲ ኦላ ዳቡሪዳሱዋን ጌሊዲ ሃንቲ ኤንታ ዳቡራ አይፊያ ኤኪዳታ» ያገሱ።

39 ማጫሲያ፣ «ኢ፣ ታኒ ኦላዲ ኡባባ ኦዲስ» ጋዳ ማርካቲዳ ገሾ ሄ ካታማን ዳዊያ ሳማራ አሳፕ ዳሮቲ ዬሱሳ አማኒደሶና።

40 ሳማራ አሳይ ዬሱሳኮ ዬዲ፣ ባንታ ማታን ጋምዓና ማላ ዬሱሳ ዋሲን ኢ ያን ናምቡ ጋላስ ኡቲስ።

41 ኢ ኦዲያ ቃላ ገሾ ካሴይሳፌ ዳሮ አሳይ አማኒደሶና።

42 ቃሲ ኤንቲ ማጫሴኮ፣ «ሃራ ኦ አማኔይ ኦ ሁዓን ኢ ጌይሳ ሰዒዳ ገሾሳፌ አቲን ኔኒ ማርካቲዳ ገሾሳ ገዳና። ቃሲ ኢ ቱማ ሃ አሳሚያ አሼይሳ ገዳይሳ ኦኒ ኤራዳ» ያገደሶና።

ዬሱሲ ኢሲ ሹማ ናዓ ፓሲስ

43 ናምቡ ጋላሳፕ ጉዬ፣ ዬሱሲ ያፕ ኬዬዲ ጋላላ ቢታ ቢስ።

44 ዬሱሲ ባ ሁዓን፣ «ናቤይ ባ ቢታኮን ገሾቲና» ያገደዲ ካሴቲዲ አዲስ።

45 ዬሱሲ ጋላላ ጋኪዳ ዋዴ ጋላላ አሳይ ኢያ ዋኪደሶና። አይስ ገኮ፣ ፓሲካ ባሌ ቦንቼያ ጋላስ ኤንቲ ዬሩሳላሚን ዳዊያ ገሾ ኢ ኦላዲባ ኡባ ቤዒደሶና።

46 ዬሱሲ ሃላ ዋይኔ ኡሺ ሳሚዳ ቤሳ፣ ጋላላን ዳዊያ ቃና ካታማ ቢስ። ቋፊርሲሆሜን ካዋ ኬላን ኦላያ ኢሲ ሹማሰ ናዔይ ሃርጌቲስ።

47 ዬሱሲ ዩሁዳፕ ጋላላ ዩዳይሳ ሄ ሹማይ ሰዒዲ ኢያኮ ዩስ። ሃይቃናው ማቲዳ ባ ናዓ ቢዲ ፓላና ማላ ዬሱሳ ዋሲስ።

48 ዬሱሲ ሹማኮ፣ «ያሳይ ኦላያ ማላታታ ኦራላባታ ቤዖና ዳዊሼ ሃንቲ ኡባራካ አማኔኬታ» ያገሱ።

49 ሹማይ ዛሪዲ፣ «ጎዳው፣ ታ ናዔይ ሃይቆና ዳዊሺን ታራ ዬቆርኪ» ያገሱ።

50 ዬሱሲ፣ «ኔ ሶ ባ፤ ኔ ናዔይ ፓፃና» ያገሱ።

ሄ ሹማይ ዬሱሲ ገዳይሳ አማኒዲ ባ ሶ ቢስ።

51 ኢ ባ ሶ ቢሺን ኢያ አይሌቲ ኢያኮ ዩሼ ኢያራ ኦጌን ጋሄቲዲ፣ «ኔ ናዔይ ፓፓስ» ገደሶና።

52 ኢ ባ አይሌታ ባ ናዓስ አይ ሳቴን ሎዒዳኮ ኦይቺስ። ኤንቲ ዛሪዲ፣ «ዘኔ ላፑን ሳቴን ሚሻይ አገሰ» ያገደሶና።

53 ናዓ አዋይ ዬሱሲ ባኮ፣ «ኔ ናዔይ ፓፃና» ገዳይ ሄ ሳቲያን ገዳይሳ አኬኪስ። ሃሳ ገሾ፣ ኢኔ ኢያ ሶ አሳ ኡባይ አማኒደሶና።

54 ሄሲ ዬሱሲ ዪሁዳፕ ጋሊላ ዪዲ ኦሊዳ ናምዓንላ ማላታ።

5

ዬሱሲ ኢሲ ጉንዳ ኣዲያ ፓሊስ 1 ሄሳፌ ጉዬ፥ ዬሱሲ ኣይሁዳፕ ቦንቸያ ባሊያስ ዬሩሳሌም ቢስ።

2 ዬሩሳሌምን ዶርሳ ፔንጊያ ማታን ኢብራይስጭ ዶናን ቤቴሳይዳ ጊያ ቴቁቴዳ ሃሊ ዳዔስ። ሄ ቴቁቴ ኡቴዳ ሃላ ማታን ኢቸሹ ሸምፕያ ቤሳቴ ዳያሶና።

3 [ሄሳን ሃላይ ቃፃናይሳ ናጊያ] ዳር ሃርጋንቸቲ፥ ቆቁቴ፥ ዋቤቴኔ ጉንዳቴ ዘንግዶሶና።

4 [ኣይስ ጊጉ፥ ኢሲ ኢሲ ቶሆ ጎዳ ከታንቸይ ቴቁቴዳ ሃላን ዋዲዲ ሃላ ቃሌስ። ሃላይ ቃጂያ ዋዴ ኮይር ጌሊዳ ኡራይ ባና ኦይኪዳ ኣይ ሃርጌፌካ ፓዲስ።] *

5 ሄ ቤሳን ሃስታማኔ ሆሰፑን ላይሊ ሃርጌቴዳ ኢሲ ኣዴይ ዳዔስ።

6 ዬሱሲ ያን ዘንግዳዳ ኣዲያ ቤዒዲ፥ ቃሲ ዳር ዋዴ ሃርጌቴዳይሳ ኤራዲ ኣዲያኮ፥ «ፓፃናው ኮያይ?» ያጊስ።

7 ሃርጋንቸይ ዛሪዲ፥ «ጎዳው፥ ሃላይ ቃጂያ ዋዴ ታና ሃላን ዬጊያ ኣሲ ባዋ። ታኒ ጌላና ሃኒያ ዋዴ ሃራይ ታፔ ሲንላቴዲ ጌሊ ከቸስ» ያጊስ።

8 ዬሱሲ ኢያኮ፥ «ዳንዳ ኤቃ፤ ኔ ኣልጋ ቶካዳ ባ» ያጊስ።

9 ኣዴይ ሶሁዋራካ ፓዲስ፤ ባ ኣልጋ ቶኪዲ ቢስ።

ሄሲ ሳምባታ ጋላሳን ሃኒስ።

10 ሄሳ ጊሾ፥ ኣይሁዳፕ ፓዲዳ ኣዲያኮ፥ «ሃቺ ሳዓይ ሳምባታ፤ ኔኒ ኔ ኣልጋ ቶኪይሲ ዋጋ ጊዳና» ያጊዶሶና።

11 ሺን ኣዴይ፥ «ታና ፓሊዳይሲ፥ ኔ ኣልጋ ቶካዳ ባ ጊስ» ያጊዲ ዛሪስ።

12 ኤንቴ ኢያኮ፥ «ኔና፥ ኔ ኣልጋ ቶካዳ ባ ጊዳይ ኢ ኦኔ?» ያጊዲ ኦይቺዶሶና።

13 ሺን ዬሱሲ ሄ ቤሳን ዳር ኣሳ ጊዶራ ኤሪሶና ካንሊዲ ቢዳ ጊሾ ኣዴይ ባና ፓሊዳይ ኦኔኮ ኤሪና።

14 ዬሱሲ ጉዬፕ ሄ ኣዲያ ያሳ ኬላን ዳሚዲ፥ «ሄኮ፥ ኔኒ ፓፃዳሳ፤ ሃይሳፌ ኢታባይ ኔና ጋኮና ማላ ዛራዳ ናጋራ ኦሶፋ» ያጊስ።

15 ሄሳፌ ጉዬ፥ ኣዴይ ቢዲ ባና ፓሊዳይሲ ዬሱሳ ጊዲዳይሳ ኣይሁዳፕስ ኦዲስ።

16 ዬሱሲ ሄሳ ሳምባታ ጋላስ ኦሊዳ ጊሾ ኣይሁዳፕ ዬሱሳ ጎዳ ኦይኪዶሶና።

17 ዬሱሲ ዛሪዲ፥ «ታ ኣዋይ ኡባ ዋዴ ኦሌስ፤ ታካ ኦላናው ቤሴስ» ያጊስ።

18 ዬሱሲ ሳምባታ ቦንቸና ጊሾ ፃላላስ ጊዶናሺን ያሳይ ባ ኣዋ ጊዲ ባና ያሳራ ጊጊሲዳ ጊሾ ኣይሁዳፕ ኢያ ዋዳናው ካሴፔ ሚንሊዲ ኮዪዶሶና።

ያሳ ናዓ ማታ

19 ዬሱሲ ዛሪዲ፥ «ታኒ ሃንቴው ቱማ ኦዳይስ፤ ናዓይ ባርካ ኣይኮካ ኦላናው ዳንዳዔና። ኢ ባ ኣዋይ ኦሊሺን ቤያይሳ ፃላላ ኦሌስ። ኣዋይ ኦሌይ ናዓይካ ኦሌስ።

20 ኣዋይ ባ ናዓ ዶሲያ ጊሾ ኢ ኦሊያ ኦሶ ኡባ ባ ናዓ ቤሴስ። ሃንቴ ማላሌታና ማላ ኢ ሃይሳፌ ኣዲያ ኦሶ ባ ናዓ ቤሳና።

21 ኣዋይ ሃይቁዳይሳታ ሃይቆፔ ዳንሊዲ ኤንታው ዴያ ኢሚይሳዳ ናዓይካ ባ ኮዪይሳታስ ዴያ ኢሚስ።

22 ኣዋይ ናዓስ ፐርዳ ማታ ኡባ ኢሚስፔ ኣቴን ኢ ኦናካ ፐርዳና።

23 ኣሳይ ኡባይ ኣዋ ቦንቸይሳዳ ናዓካ ቦንቸና። ናዓ ቦንቸና ኦኒካ ናዓ ከቲዳ ኣዋካ ቦንቸና።

24 «ታኒ ሃንቴው ቱማ ኦዳይስ፤ ታ ቃላ ሲዔይሳሰኔ ታና ከቲዳይሳ ኣማኔይሳስ ሜሪና ዴያይ ዳዔስ። ኢ ሃይቆፔ ዴያን ፒኒዳ ጊሾ ፐርዳቴና።

25 ታኒ ሃንቴው ቱማ ኦዳይስ፤ ሃይቁዳ ኣሳይ ያሳ ናዓ ቃላ ሲዔያ ዋዴይ ያና፤ ሄሲካ ሃዒ። ሄ ቃላ ሲዔይ ዴያን ዳና።

26 ኣዋይ ዴያስ ፑልቶ ጊዲዳይሳዳ ናዓካ ዴያስ ፑልቶ ኦሊስ።

27 ናዓይ ኣሳ ናዓ ጊዲያ ጊሾ ኣዋይ ናዓስ ፐርዳ ማታ ኢሚስ።

28 «ዲፎን ዳዕይሳቴ ኢያ ቃላ ሲዒዲ ዴንዲያ ዋይይ ያና ጊሾ ሃይሳን ማላሌቶፊቴ።

29 ሎያ ኦሊዳይሳቴ ዴያን ዳናው ቃሲ ኢታ ኦሊዳይሳቴ ፐርዳ ኤካናው ዲፎፔ ዴንዳና።

ዬሱሳስ ማርካቴዳ ኣሳታ

* 5:4 ኢሲ ኢሲ ቤኒ ማፃፋቴ ፓይዳ ሄሳስ ኮይር ባጋኔ ፓይዳ ኦይዳ ጉጃኮና። 5:10 ናህ 13:19፤ ኤር 17:21 5:29 ዳኔ 12:2

30 «ታኒ ታ ማታን አይቢባካ አፋናው ዳንዳዒኬ። ያሳይ ታው ኦዲዳይሳዳ ፐርዳይሰ። ታኒ ታና ከተዳይሰ ኮያባ ኦሳይሰፔ ኦተን ታ ኮያባ አሉና ጊሾ ታ ፐርዳይ ቱማ።

31 «ታኒ ታባ ማርካተኮ ታ ማርካቴሳይ ቱማ ጊዳና።

32 ታባ ማርካቴያ ሃሪ ዴዔሰ፤ ኢ ታባ ማርካቴይሰ ቱማ ጊዳይሳ ታኒ ኤራይሰ።

33 «ሂንቴ የሃኒሳኮ አሴ ከተን ኢ ቱማሰ ማርካቴሰ።

34 ታኒ ሂሳ ሂንቴው ኦይይ፣ ሂንቴ አታና ማላ ጋዳፔ ኦተን አሳ ማርካቴሳ ታው ኮሺን ጊዳና።

35 የሃኒሰ ሙቃዳዳ ኤዲሼ ፖሲሰ። ሂንቴ ጉሳ ዎዴ ኢያ ፖዑዋን ኤፋይቲዴታ።

36 «ሺን ታው የሃኒሳፔ አጂያ ማርኪ ዴዔሰ። ታኒ አፋና ማላ ታ አዋይ ታው አሚዳ ኦሶቲ ታባ ማርካቶሶና፤ አዋይ ታና ከተዳይሳ ቆንጩሶሶና።

37 «ቃሲ ታና ከተዳ አዋይካ ባ ሁዔን ታባ ማርካቴሰ። ሂንቴ ኢያ ቃላ ኡባራካ ሲዒቤኬታ ዎይኮ ኢያ ማላ ቤዒቤኬታ።

38 ኢ ከተዳይሳ ሂንቴ አማኖና ጊሾ ኢያ ቃላይ ሂንቴ ዎዛናን ባዎ።

39 «ጌሻ ማፃፋታፔ ሜሪና ዴዎ ዴማናባ ሂንቴው ዳኒን ኤንታ ፐልጌታ፤ ኤንቲ ታባ ማርካቶሶና።

40 ሺን ሂንቴ ዴዎ ዴማናው ታኮ ያናው ኮዬኬታ።

41 «አሳፔ ታኒ ቦንቾ ኮዬኬ።

42 ሺን ታኒ ሂንቴ ዎዛናን ያሳ ሲቆይ ባይናይሳ ኤራይሰ።

43 ታኒ ታ አዋ ማታን ያሰ፣ ሺን ታና ዎኪቤኬታ። ሃራይ ባ ማታን ያ ዎዴ ኢያ ዎኬታ።

44 ሂንቴ ኢሶይ ኢሱዋጌ ቦንቾ ኮዬይሳቲ፣ ኢሲ ያሳጌ ያ ጋላታ ኤካናው ኮኖናይሳቲ፣ ዋኒዲ ታና አማናናው ዳንዳዒቲ።

45 «ታኒ ታ አዋ ሲንላን ሂንቴና ሞቲያባ ሂንቴው ዳናፖ። ሂንቴና ሞታናይ ሂንቴ ኤፋይሳን ናጊያ ሙሴ።

46 ሂንቴ ሙሴ አማኒዳባ ጊዲያኮ ኢ ታባ ዓፊዳ ጊሾ ታናካ አማናናሺን።

47 ሺን ሂንቴ ኢ ዓፊዳይሳ አማኖና ኢዲኮ ታ ቃላ ዋቲዲ አማናኔ?» ያጊሰ።

6

ዬሱሲ ኢቻሹ ሙኩሉ አሳ ሙዚሰ

(ማቶ 14:13-21፤ ማር 6:30-44፤ ሉቃ 9:10-17)

1 ሃሳጌ ጉዬ፣ ዬሱሲ ዲባርዮሳ ጊያ ጋሌላ አባጌ ሄፊንሌ ፒኒሰ።

2 ኢ ሃርጋንቾታ ፓሶን ኦሌዳ ማላታ ቤዒዳ ጊሾ ዳር አሳይ ኢያ ካሊደሶና።

3 ዬሱሲ ዴሪያ ቦላ ከዬዲ፣ ያን ባ ታማሬታራ ኢሲጌ ኡተሰ።

4 አይሁዴቲ ቦንቾያ ፓሲካ ባሌ ጋላሳይ ጋኪሰ።

5 ዬሱሲ ዳር አሳይ ባኮ ዬይሳ ቤዒዲ ፊልጶሳኮ፣ «ሃ አሳ ኡባ ሙዛናው ጊዲያ ካሌ አወፔ ሻማኔ?» ያጊሰ።

6 ኢ ሃሳ ፊልጶሳ ፓጫናው ጊሲፔ ኦተን ኢ ባ ሁዔን አይ ኦላኔኮ ኤሬሰ።

7 ፊልጶሲ ዛሪዲ ዬሱሳኮ፣ «ሃሪ አቶሺን፣ ሁዔን ሁዔን፣ ኢሲ ኢሲ ባርሲ ጋላናው፣ ናምዑ ያቲ ዳናሬን * ኡይሉ ሻማንካ ጊዳና» ያጊሰ።

8 ቃሲ ዬሱሳ ታማሬታፔ ኢሶይ፣ ሲሞን ጶጋርሳ አሻይ ኢንዲሪያሲ፣

9 «ኢቻሹ ባንጋ ሶሎኔ ናምዑ ሞሎ ኦይኪዳ ኢሲ ናሳይ ሃይሳን ዴዔሰ፣ ሺን ሃ አሳ ኡባሰ ሄሲ አይ ማዳኔ?» ያጊሰ።

10 ዬሱሲ ባ ታማሬታኮ፣ «አሳ ኡተሰፔ» ያጊሰ። ሄ ቤሳን ዳር ማቲ ዴዔሰ፤ አሳ ኡባይ ኡተሰ። አዴ አሳ ታይባይ ኢቻሹ ሙኩሉ ጊዳና።

11 ዬሱሲ ኡይላ ኤኪዲ ያሳ ጋላቲ ሲሚዲ ያን ኡቲዳ አሳሰ ጊሺሰ። ሞሎዋካ ኤኪዲ ሃሳዳ ኦሌዲ አሚን፣ አሳይ ባ ኮዬዳይሳ ማላ ሚሰ።

12 ኤንቲ ኡባይ ካሊዳፔ ጉዬ ዬሱሲ ባ ታማሬታኮ፣ «ኢሲባይካ ኢቶና ማላ አቲዳ ቲፊያ ሺሺፔ» ያጊሰ።

13 ሃሳ ጊሾ፣ ኤንቲ ኡባ ሺሺደሶና። አሳይ ሚን አቲዳ ባንጋ ሶሎ

5:33 የሃ 1:19-27፤ 3:27-30 5:37 ማቶ 3:17፤ ማር 1:11፤ ሉቃ 3:22 * 6:7 ዳናሬ፡ ኢሲ ዳናሬይ ኢሲ አሲ ኢሲ ጋላሰ ኦሌ ፐዒዲ ኤኪያ ሚሹ። ናምዑ ያቲ ዳናሬይ ኢሲ አሲ ላይላ ባጋ ኦሌዲ ኤኪያ ሚሹ ከና። (ማቶ 20:2) ያሊቲ።

ቲፊያ ሸሺዲ ታማኔ ናሞቡ ጋይታ ኩንሳደሶና።

14 አሳይ ዩሱሲ ኦሊዳ ማላታታ ቤዲዳ ዋዴ «ሃይሲ ቱማ ሃ አላሚያ ያና ጌቲቲዳ ናቢያ» ያገደሶና።

15 ዩሱሲ ኤንቲ ኢያ ኦይኪዲ ዋልቃን ካዋ ኦላናው ሃኒይሳ ኤሪዲ፣ ባርካ ዴሪያ ቦላ ዛሪ ኬደሲ።

ዩሱሲ አባ ቦላራ ሃሙተሰ (ማቶ 14:22-33፤ ማር 6:45-52)

16 ሳባይ ኦማርሲዳ ዋዴ ዩሱሳ ታማራቲ አባኮ ዋዲደሶና።

17 ሳባይ ቃሚዳ ገሾኔ ዩሱሲ ቡሮ ኤንታኮ ዩቦና ገሾ ኢያ ታማራቲ ዋጎሎን ጌሊዲ አባ ፒኒዲ ቁፊርናሆሜ ባናው ዴንዲደሶና።

18 ዋልቃሚ ጫርኮይ ጫርኪዳ ገሾ አባይ ቃዲሰ።

19 ኢቻሹ ዋይኮ ኡሱፑን ኪሎ ሚቲሬ ገዴይሳ ሜላ ኤንቲ አባ ፒዲዲ ቢዳፔ ጉዬ ዩሱሲ አባ ቦላራ ሃሙተሽ ዩይሳ ቤዲዲ ያደደሶና።

20 ሸን ኢ፣ «ባቦፊቲ፣ ታና» ያገሰ።

21 ኤንቲ ኡፋይቲዲ ኢያ ዋጎሎን ጌሊሲደሶና፤ ኢራካ ዋጎሎይ ኤንቲ ቢያ አባ ጋፃ ጋኪሰ።

ዩሱሲ ዴፖ ኡይላ

22 ዋንቲላ ጋላሰ አባሬ ሄፊንላን አቲዳ ዳር አሳይ ኢሲ ዋጎሎ ፃላሊ ዴይሳ ቤዲደሶና። ዩሱሲ ባ ታማራቲ ዋጎሎን ጌሊዲ፣ ኤንታሪ ቦናይሳኔ ኤንቲ ባንታርካ ቢዲይሳ አኬኪደሶና።

23 ሸን ዲባርዮሳፔ ሃራ ዋጎሎቲ ዩሱሲ ያሳ ጋላቲን፣ አሳይ ኡይላ ሚዳ ቤሳ ዩደሶና።

24 አሳይ ዩሱሲ ዋይኮ ኢያ ታማራቲ ያን ባይናይሳ ቤዲዲ፣ ዩሱሳ ኮያናው ዋጎሎታን ጌሊዲ ቁፊርናሆሜ ቢደሶና።

25 አሳይ ዩሱሳ አባሬ ሄፊንላን ዴሚዳ ዋዴ «አሰታማሪያው፣ ሃ አዉዴ ያዲ?» ያገሰ።

26 ዩሱሲ ዛሪዲ፣ «ታኒ ሃንቲው ቱማ ኦዲይሰ፤ ሃንቲ ታና ኮይይ ኡይላ ሚዲ ካሊዳ ገሾሳፊ አቲን ማላታ ቤዲዳ ገሾሳ ገዴና።

27 ሳሚያ ካላሰ አላፊቲ፣ ሸን ሜሪና ዴፖ አሚያ ካላሰ አላፊቲ። ያሳ አዋይ ኢ ኦላና ሜላ ኢያው ማታ አሚዳ ገሾ

ሄ ካላ አሳ ናባይ ሃንቲው አሚና» ያገሰ።

28 ያቲን ኤንቲ፣ «ኮኒ ያሳ ኦሱዋ ኦላናው አይ ኦላኔ?» ያገዲ ዩሱሳ ኦይቹደሶና።

29 ዩሱሲ ዛሪዲ፣ «ሃንቲ ኦላና ሜላ ያሳይ ኮያ ኦሶይ ሃይሳ፣ ኢ ኪቲዳይሳ አሚኒቲ» ያገሰ።

30 ኤንቲ ዛሪዲ፣ «ኮኒ ቤዲዲ፣ ኔና አማናና ሜላ አይ ማላታ ኔ ቤሳኔ? ኔ አይ ኦላኔ?»

31 ገሾ ማፃፋን፣ ሳኒንቲ ማና ሜላ ኡይላ ሳሎፔ አሚሰን ጌቲቲ ፃፊቲዳይሳዳ ኦ አዋፔ ባዞ ቢታን ማና ሚደሶና» ያገደሶና።

32 ዩሱሲ፣ «ታኒ ሃንቲው ቱማ ኦዲይሰ፤ ሃንቲው ሳሎፔ ቱማ ኡይላ አሚደይ ታ አዋፔ አቲን ሙሴ ገዴና።

33 ሂዛ፣ ያሳይ አሚያ ኡይላይ ሳሎፔ ዋዲደይሲ አሳሚያሰ ዴፖ አሚይሳ» ያገሰ።

34 ኤንቲ ዛሪዲ፣ «ሳዳው፣ ኦሰ ሄ ኡይላ ኡባ ዋዴ አሚ» ያገደሶና።

35 ዩሱሲ፣ «ታኒ ዴፖ አሚያ ኡይላ፤ ታኮ ያ ኦኒካ ኡባራካ ኮሻፔና። ቃሲ ታና አሚኒያ ኡራይ ኡባራካ ሳሞፔና።

36 ሸን ታኒ ሃንቲው ኦዳሰ፤ ሃንቲ ታና ቤዲዳታ፣ ሸን አማኔኬታ።

37 ታ አዋይ ታው አሚያ ኡባይ ታኮ ያና፤ ቃሲ ታኮ ያ ኦናካ ካሪ ዩዲኬ።

38 ታኒ ታ ኮያባ ኦላናው ገደናሸን ታና ኪቲዳይሲ ኮያባ ኦላናው ሳሎፔ ያሰ።

39 ታና ኪቲዳይሲ ኮይይ ሃይሳ፣ ታኒ ኢ ታው አሚዳ ኡባታካ ዉርሴላ ጋላሰ ሃይቆፔ ዴንላና ሜላፔ አቲን ኢሱዋካ ቆይሳና ሜላ ኮይና።

40 ሂዛ፣ ታ አዋይ ኮይይ ሄሳ፣ ናባ ቤዲዲ አሚኒያ ኡባይ ሚሪና ዴቦዋ ኤካና፤ ታኒ ሄ ኡባ ዉርሴላ ጋላሰ ሚሪና ዴፖሰ ሃይቆፔ ዴንላና» ያገሰ።

41 ዩሱሲ፣ «ታኒ ሳሎፔ ዋዲዳ ኡይላ» ገዴ ገሾ አይሁዴቲ ኢያ ቦላ ዙዙሚደሶና።

42 ኤንቲ፣ «ሃይሲ ኮኒ ኢያ አዋኔ ኢያ አዴው ኤሪያ ዮሴፋ ናባ ዩሱሳ ገዴኔ? ያቲን፣ ኢ ዋኒዲ፣ ታኒ ሳሎፔ ዋዳሰ» ጋናው ዳንዳዲ?» ያገደሶና።

43 ዩሱሲ ዛሪዲ፣ «ኢሶይ ኢሱዋራ ዙዙሚይሳ አገቲ።

44 ታና ኪቲዳ ታ አዋይ ታኮ ኤሃያ አሳፔ አቲን ታኮ ያናው ዳንዳዲያ ኦኒካ

ባዋ። ታኒ ዉርሱላ ጋላስ ኢያ ሜሪና ዴያስ ሃይቆፔ ዴጎላና።

45 ናቤቲ፣ ጥሳይ እሳ ኡባ ታማርሳና፣ ያጊዲ ፃፊዶሶና። እዋ ሲዔይሲኔ ኢያፔ ታማሪያ ኦኒካ ታኮ ዩሰ።

46 ያሳ ማታፔ ዪዳይሳፌ ኣቲን እዋ ቤዒዳይ ኦኒካ ባዋ፤ ኢያ ፃላሊ እዋ ቤዒሰ።

47 «ታኒ ሂንቲው ቱማ ኦዳይሰ፤ ታና ኣማኒያ ኦዳይሰካ ሜሪና ዴያይ ዴዔሰ።

48 ታኒ ዴያ ኢሚያ ኡይላ።

49 ሂንቲ ኣዋቲ ባዘን ማና ሚዶሶና፣ ሺን ሃይቁዶሶና።

50 ሳሎፔ ያ ኡይላይ ሃይሳ፤ ሄ ኡይላ ሚያ ኦኒካ ሃይቆና።

51 ሳሎፔ ዪዳ ዴያ ኡይላይ ታና። ኦኒካ ሃ ኡይላ ሚኮ ሜሪናው ዳና። ቃሲ ሃ ኣላሚይ ዴያን ዳና ሚላ ታኒ ሂንቲው ኢማና ኡይላይ ታ ኣሹዋ» ያጊሰ።

52 ኣይሁዴቲ፣ «ሃ ኣዴይ ባ ኣሹዋ ኦ ማና ሚላ ኮሰ ዋቲዲ ኢማናው ዳንዳሳ?» ያጊዲ ባንታ ጊዶን ፓላሚዶሶና።

53 ሄሳ ጊሹ፣ ዩሱሲ ኤንታኮ፣ «ታኒ ሂንቲው ቱማ ኦዳይሰ፤ እሳ ናባ ኣሹዋ፣ ሂንቲ ሞና ኢዲኮ፣ ቃሲ ኢያ ሱላ ሂንቲ ኡዮና ኢዲኮ፣ ሂንቲው ዴያይ ባዋ።

54 ታ ኣሹዋ ሚያ ኡራሲኔ ታ ሱላ ኡያ ኡራሲ ሜሪና ዴያይ ዴዔሰ። ታኒ ዉርሱላ ጋላስ ኢያ ሃይቆፔ ዴጎላና።

55 ታ ኣሹይ ቱማ ካላ፤ ታ ሱላይካ ቱማ ኡሹ።

56 ታ ኣሹዋ ሚያ ኡራይኔ ታ ሱላ ኡያ ኡራይ ታናን ዴዔሰ፤ ታካ ኢያን ዴዓይሰ።

57 ዴያ ኣዋይ ታና ከቲን፣ ታኒ ኢያ ባጋራ ዴያን ዴዔይሳዳ፣ ታና ሚያ ኡራይካ ታ ጋሶን ዴያን ዳና።

58 ሳሎፔ ዋዲዳ ኡይላይ ሃይሳ፣ ሂንቲ ኣዋቲ ሚዲ ሃይቁዳ ማና ሚላ ጊዴና፤ ሃ ኡይላ ሚያ ኡራይ ሜሪናው ዳና» ያጊሰ።

59 ዩሱሲ ቂፊርናሆሚ ካታማን ኣይሁዴ ዋሳ ኬላን ሃይሳ ታማርሲሰ።

ሜሪና ዴያ ቃላ

60 ዩሱሳ ታማሪታፔ ዳሪያ ባጋይ ሄሳ ሲዒዳ ዋዴ «ሃይሲ ጌሎና ቲሚርቲ፤ ሃይሲ ኦዳይ ጌሊ?» ያጊዶሶና።

61 ዩሱሲ ባ ታማሪቲ ሄሳስ ዙዙሚዳይሳ ኤሪዲ፣ «ሃይሲ ሂንቲና ዲቢ?»

62 ያቲን፣ እሳ ናባይ ካሴ ዴዒያሱዋ ፑዴ ኬዪሺን ሂንቲ ቤዒዲ ዋይጋንዴቲ?

63 ጌሻ ኣያናይ ዴያ ኢሜሰ፤ እሳ ዋልቁ ኣይኮካ ማዴና። ታ ሂንቲው ኦዲያ ቃላይ ዴያ ኢሚያ ጌሻ ኣያናፔ ዩሰ።

64 ሺን ሂንቲ ጊዶን ኣማናናይሳቲ ዴያሶና። ያጊሰ። ኣማናናይሳቲ ኦናንቲኮ ዩሱሲ ኮይርፔ ዶሚዲ ኤሬሰ። ቃሲ ባና ኣላ ኢማናይ ኦኔኮ ኤሬሰ።

65 ቃሲካ ዩሱሲ፣ «ኣዋይ ባ ጎና ኦኒካ ታኮ ያናው ዳንዳዔና ጋዳ ታኒ ኦዲዳይ ሄሳ ጊሹሳ» ያጊሰ።

66 ሄሳ ጋሶን፣ ዩሱሳ ካሊይሳታፔ ዳርቲ ኢያ ኣጊዲ ጉዩ ሲሚዶሶና፤ ዛሪ ኢያ ካሊሶኮና።

67 ዩሱሲ ታማኔ ናሞዑ ባ ታማሪታ፣ «ሂንቲካ ኣጊዲ ባናው ኮዩቲ?» ያጊዲ ኦይቹሰ።

68 ሲሞን ጳይርሲ ዛሪዲ፣ «ጎዳው፣ ኦኒ ኦዴኮ ባኔ? ኔው ሜሪና ዴያ ኢሚያ ቃላይ ዴዔሰ።

69 ኔኒ ያሳ ጌሻ ጊዴይሳ ኦኒ ኣማናሲኔ ኤርሰ» ያጊሰ።

70 ዩሱሲ ኤንታኮ፣ «ታኒ ሂንቲና ታማኔ ናሞዳታ ዶራቢከና? ሺን ሂንቲፌ ኢሶይ ፃላሄ» ያጊሰ።

71 ዩሱሲ ሄሳ ጊዳይ ሲሞና ናባ ኣሰቆርታ ዪሁዳሳ። ዪሁዲ ዩሱሳ ኣላ ኢማናው ዴዒያ ታማኔ ናሞዑ ታማሪታፔ ኢሱዋ።

7

ዩሱሳራኔ ኢያ ኣሻታራ

1 ሄሳፌ ጉዩ፣ ኣይሁዴቲ ዩሱሳ ዋዳናው ኮያ ጊሹ ኢ ዪሁዳ ኣጊዲ ጋሊላን ሲሜሪቲሰ።

2 ኣይሁዴቲ ቦንቹያ ሻቃራ ባሌይ ቦንቹታናው ማቲሰ።

3 ሄሳ ጊሹ፣ ዩሱሳ ኣሻቲ፣ «ኔ ታማሪቲ ኔኒ ኦላያ ማላታታ ቤዓና ሚላ ሃይሳፌ ዴንዳዳ ዪሁዳ ቢታ ባ።

4 ባው ኤሬታናው ኮያ ኣሲ ኦኒካ ባ ኦሱዋ ጌንሱና። ኔኒ ሃይሳታ ኦላዳ ኔባ ኣላሚያ ኤሪሳ» ያጊዶሶና።

5 ኢያ አሸቲ ሄሳ ጊዳይ ኢያን አማኒቦና ገሾሳ።

6 ዬሱሲ ኤንታኮ፡ «ታው ኢንጃ ዋዴይ ጋኪቤና፡ ሺን ሂንቴው ኡባ ዋዴይ አንጃቴሰ።

7 አላሜይ ሂንቴና ኢፃናው ዳንዳዳና፡ ሺን ታኒ አላሚያ ኦሶይ ኢታ ጊዳይሳ ማርካቲያ ገሾ ታና ኢጂሰ።

8 ሂንቴ ባሊያ ቢቲ፤ ታ ዋዴይ ጋኪቦና ገሾ ታኒ ባሊያ ቢኬ» ያገሰ።

9 ኢ ሄሳ ጊዳ ጋሊላን አተሰ።

ዬሱሲ ባሊያ ቦንቻናው ቢሰ

10 ኢያ አሸቲ ባሊያ ቦንቻናው ቢዳፔ ጉዬ ዬሱሲ ኦናካ ኤሪሶና ቆሳን ሄ ቤሳ ቢሰ።

11 አይሁዳቲ ባሊያ ቦንቻና ቤሳን፡ «ኢ አጣን ዳዳ?» ያገዱ ኢያ ኮዪዶሶና።

12 አሳይ ካልካሺዲ ኢያባ ኦዴቶሶና። ባጋይ፡ «ኢ ሎዎ አሲ» ገያ ዋዴ ሃራቲ ቃሲ፡ «አካይ፡ ኢ አሳ ባሌሌሰ» ያገሰና።

13 ሺን አይሁዳ ሃላቃታሰ ያዪዳ ገሾ ኦኒካ ኢያባ ቆንጮን ኦዴቲና።

14 ባሊያ ቦንቻዲ ገዶ ጋሊያ ዋዴ ዬሱሲ ያሳ ከሌ ቢዲ ታማርሶ ኦይኪሰ።

15 አይሁዳቲ፡ «ሃ አዳይ ቲሚርቲ ታማርና ሃይሳ ኡባ ዋቲ ኤሪዳ?» ያገዱ ማላሌቲዶሶና።

16 ዬሱሲ ዛሪዲ፡ «ታ ታማርሲያ ቲሚርቲይ ታና ከቲዳ ያሳ ማታፔ ያ ቲሚርቲፌ አቲን ታባ ጊዳና።

17 ያሳ ሺኒያ ኦላናው ኮያ ኦኒካ ሃ ቲሚርቲይ ያሳ ማታፔ ዪያኮኔ ዋይኮ ታኒ ታፔ ኦዲያኮ ኤሪና።

18 ባባ ኦዲያ ኦኒካ ባ ሁዔ ቦንቻ ኮዬሰ። ሺን ባና ከቲዳይሳ ቦንቻዋ ኮያ ኦኒካ ኢ ቲማንቻ፤ ኢያን ዋርዶይ ባዋ።

19 ሙሴይ ሂንቴው ሂጊያ አሚሰ፡ ሺን ሂንቴፌ ኦኒካ ሂጊያ ናገቤና። ያቲን አይሰ ታና ዋዳናው ኮዬቲ?» ያገሰ።

20 አሳይ ዛሪዲ፡ «ኔና ፃላሄይ ኦይኪሰ፤ ኔና ዋዳናው ኦኔ ኮዬይ?» ያገደሶና።

21 ዬሱሲ፡ «ታኒ ኢሲ ማላታ ኦሊን ሂንቴ ኡባይ ማላሌቲዳታ።

22 ሂንቴ፡ ሂንቴ ናይታ ቃፃራና ሜላ ሙሴይ ከቲሰ። ሺን ቃፃር ሂንቴ ማይዛቲ ዶሚዶሶናፔ አቲን ሙሴ ገዳና። ሄሳ ገሾ፡ ሂንቴ ሳሞባታ ጋላሰ አዳ ናይታ ቃፃራታ።

23 ሙሴ ሂጊይ ከቲዳ ገሾ ሂንቴ ሳሞባታ ጋላሰ ቃፃሪያባ ገዲኮ፡ ታኒ ኢሲ አሳ ኩሜላ አሳቲላ ፓሌዳ ገሾ ታራ አይሰ ካጮቲ?

24 ቱማ ፐርዳ ፐርዳቲፔ አቲን አሳ ሶሞዎ ቤዒዲ ፐርዶፊቲ» ያገሰ።

ዬሱሲ፡ ኢ ከሪሰቶሴ?

25 ዬራሳላሜ አሳፔ ኢሶቲ ኢሶቲ፡ «ኤንቲ ዋዳናው ኮያ ኡራይ ሃይሳ ገዴኔ?

26 ሄኮ፡ ኢ ቆንጮን ኦዴሰ፤ ኤንቲ ኢያ አይኮካ ጎኮና። ኢ ከሪሰቶሳ ገዴይሳ አይሁዳ ሃላቃቲ ቱማ ኤሪዳናሻ?

27 ከሪሰቶሲ ያ ዋዴ ኢ አጣፔ ያኮ ኦኒካ ኤሪና፡ ሺን ኢ አጣፔ ዪዳኮ ኦ ኤርሰ» ያገደሶና።

28 ዬሱሲ ያሳ ከላን ታማርሲሼ ባ ቃላ ጶቁ ኦሊዲ፡ «ቱማ ሂንቴ ታኒ ኦኔኮኔ ታ አጣፔ ዪዳኮ ኤሪቲ? ታኒ ታ ማታን ያቢኬ፡ ሺን ታና ከቲዳይሲ ቱማንቻ፤ ሂንቴ ኢያ ኤሪኬታ።

29 ሺን ታኒ ኢ ከቲን ኢያ ማታፔ ዪዳ ገሾ ኢያ ኤሪይሰ» ያገሰ።

30 ሄሳ ገሾ፡ ኤንቲ ኢያ ኦይካናው ኮዪዶሶና። ሺን ኢያ ዋዴይ ቡር ጋኪቦና ገሾ ኦኒካ ኢያ ቦላ ኩሼ ዋሊቤና።

31 ሺን ዳር አሳይ ዬሱሳ አማኒዲ፡ «ከሪሰቶሲ ያ ዋዴ ሃ ኡራይ ኦሊዲ ማላታታፔ ዳሪያ ማላታ ኦላኔዬ?» ያገደሶና።

ዬሱሳ ኦይካናው ዋታዳሬቲ ከቲቲዶሶና

32 ፋሪሳዌቲ ዳር አሳይ ዬሱሳባ ካልካሺይሳ ሲዒዶሶና። ካሂኔ ሃላቃቲኔ ፋሪሳዌቲ ኢያ ኦይሌዲ ቃሺሳናው ያሳ ከሌ ናገይሳታ ከቲዶሶና።

33 ዬሱሲ፡ «ታኒ ሂንቴራ ጉላ ዋዴ ጋሞሳና፤ ሄሳፌ ጉዬ ታና ከቲዳይሳኮ ባና።

34 ሂንቴ ታና ኮያና፡ ሺን ዳሜኬታ። ታኒ ዳዲያሱዋ ሂንቴ ያናው ዳንዳዳኬታ» ያገሰ።

35 አይሁዳት ኢሶይ ኢሱዋራ፡ «ሃይሲ ኑኒ ደሞናሶ እው ባና ሃኒ? ገሪኬ ካታማን ደዴያ አይሁዳታኮ ቢዲ ገሪኬታ ታማርሳናው ሃኒዬ?»

36 «ሃንቲ ታና ኮያና፡ ሺን ደሜኬታ» ቃሲ፡ «ታኒ ደዴያሱዋ ሃንቲ ያናው ደንደዴኬታ ጉሳይ አይ ጉሱ?» ያገደሶና።

ዴያ ሃላ

37 ባሊያ ቦንቹያ ጋላሳታፔ ዋልቃማኔ ወርሴላ ጋላሳን ዬሱሲ ደንዲዲ፡ ባ ቃላ ቶቁ አሉዲ፡ «ሳሞቲዳ ኦኒካ ታኮ ዪዲ ኡዮ።

38 ታና አማኒያ ኦኒካ ጌሻ ማፃፋይ ገዳይሳዳ ዴያ ኢሚያ ፑልቶ ሃሳይ ኢያፔ ጎጋና» ያገሰ።

39 ኢ ሃሳ ገዳይ ኢያ አማኒዳይሳቲ ኤካናው ደዴያ ጌሻ አያናባ። ዬሱሲ ቡሮ ቦንቹቲቦና ገሾ ሄ ዋዴ ጌሻ አያናይ አሜቲቤና።

አሳ ገደን ሻኬቴላ ሜዴቲሰ

40 ሄ አሳፔ ዳሮቲ ኢ ጌይሳ ሲዲዲ፡ «ቱማ ሃይሲ ናቢያ» * ያገደሶና።

41 ሃራቲ ቃሲ፡ «ሃይሲ ከሪሰቶሳ» ያገደሶና።

ሺን ሃራቲ ቃሲ፡ «ከሪሰቶሲ ጋለላፔ ዋኒዲ ኬዩ?»

42 ጌሻ ማፃፋይ፡ «ከሪሰቶሲ ዳዊቲ ሺሻፔ ዳዊቲይ ደዴዳ ቤቴሌሜ ካታማፔ ያና» ያገደሶና።

43 ሃሳ ገሾ፡ ዬሱሳ ጋሶን አሳይ ባንታ ገደን ሻኬቲዶሶና።

44 ሄ አሳፔ ኢሶቲ ኢሶቲ ኢያ ኦይካናው ኮዪዶሶና፡ ሺን ኦኒካ ኢያ ቦላ ኩሼ ዋሊቤና።

አይሁዳ ሃላቃቲ አማኒቦኮና

45 ያሳ ኬላ ናጌይሳቲ ካሃኔ ሃላቃታኮኔ ፋሪሳዊታኮ ገዬ ሲሚ ዪን ኤንቲ፡ «አይሰ ኢያ ኤሂቤኬት?» ያገዲ ኦይቹዶሶና።

46 ያሳ ኬላ ናጌይሳቲ ኤንታኮ፡ «ሃ አይይ ኦይቴይሳላ ኦኒካ ኦይቴና» ያገዲ ዛሪዶሶና።

47 ፋሪሳዊቲ ዛሪዲ፡ «ኢ ሃንቴናካ ባሌላዴ?»

48 አይሁዳ ሃላቃታፔ ዋይኮ ፋሪሳዊቲፔ ኢያ አማኒዳ አሲ ዴዲ?

49 ሙሴ ሃጊያ ኤሮና ሃ አሳይ ቃንጌቲዳባ» ያገደሶና።

50 ፋሪሳዊታፔ ኢሶይ ቃማ ዬሱሳኮ ቢዳ ኒቆዲሞሲ ኤንታኮ።

51 «ኢሲ አሲ ገያባ ሲዮና ዋይኮ ኢ አይ ኦሲዳኮ ኤሮና ደዲሼ ኮይሮቲዲ ኢያ ቦላ ፐርዴይሲ ኑ ሃጊያን ዴዲ?» ያገሰ።

52 ኤንቲ ዛሪዲ፡ «ኔኒካ ቃሲ ጋለላ ቢታ አሴ? ጋለላ ቢታፌ ናቤይ ኬዮናይሳ ጌሻ ማፃፋፔ ፐልጋዴ ዴማ» ያገደሶና።

8

ላይማቴላን ኦይኬቲዳ ማጨሲው

1 ኢሶይ ኢሶይ አገዲ ባ ሶ ባ ሶ ቢሰ፡ ሺን ዬሱሲ ሻማሆ ዴሪያ ቦላ ቢሰ።

2 ቃሲ ዋንቴላ ጋላሰ ጉራ ያሳ ኬላ ሲሚሰ፡ ዳሮ አሳይ ኢያኮ ዪን ኡቲዲ ኤንታ ታማርሲሰ።

3 ሃጌ አሰታማራቲኔ ፋሪሳዊቲ ላይማቴሺን ኦይኪዳ ኢሲ ማጨሲው ኢያኮ ኤሂዶሶና፡ ኤንቲ አሳ ኡባ ሲንሳን ኢዮ ኤሲዲ።

4 «አሰታማሪያው፡ ሃ ማጨሲያ ላይማቴሺን ኑ ኦይኪዳ።

5 ሙሴ ሃጌይ ሃኒ ሜላ ማጨሰ ሹቻን ጨዳታ ሃይቃና ሜላ ኪቲሰ። ያቲን፡ ኔኒ ዋይጋይ?» ያገደሶና።

6 ኤንቲ ሃሳ ገዳይ ዬሱሳ ፓጪዲ ኢያ ሞቲባባ ዴማናሳ፡ ሺን ዬሱሲ ሆኪዳ ባ ቦራዴን ቢታ ቦላ ዓፊሰ።

7 ኤንቲ ኢያ ዛሪ ዛሪ ኦይቹዳ አጎና ኢዲን፡ ፑዴ ቶቁ ገዲ፡ «ሃንቲ ገደን ናጋራ ኦሊቦና አሲ ኮይሮቲዲ ኢዮ ሹቻን ጨዳ» ያገሰ።

8 ቃሲካ ሆኪዲ ቢታ ቦላ ዓፊሰ።

9 ኤንቲ ሃሳ ሲዲዳ ዋዴ ጨማታፔ ደሚዲ ኢሶይ ኢሶይ ኬዪሼ ወሪዶሶና፡ ዬሱሳ ዓላሊ ሄ ቤሳን ኤቀዳ ማጨሴሪ አትሰ።

10 ኢ ፑዴ ቶቁ ገዲ ማጨሴኮ፡ «ማጨሴቲ፡ አሳቲ አው ቢዶና? ኔ ቦላ ፐርዲዳይ ኦኒካ ባዊ?» ያገሰ።

11 ማጨሲያ፡ «ጎዳው፡ ኦኒካ ባዊ» ያጋሱ።

ዬሱሲ ዛሪዲ፡ «ታኒካ ኔ ቦላ ፐርዲኬ። ባ፤ ዛራዳ ናጋራ ኦላፋ» ያገሰ።

7:37 ለዌ 23:36 7:38 ሃዝ 47:1፤ ዛካ 14:8 * 7:40 ናቢያ፡ ሃ ቤሳን ናቢያ ጌቲቲዳይ ያና ገዲ ኤንቲ ናጊያ ናቢያ ቆንጫሲሰ። (የሃ 1:21 ያለቲ።) 7:42 2ሳሙ 7:12፤ ሚክ 5:2 7:50 የሃ 3:1፤ 2 8:5 ለዌ 20:10፤ ዛሬ 22:22-24

ዩሱሲ አላሚያሰ ፖፖ

12 ቃሲካ ዩሱሲ አሳኮ፡ «ታኒ አላሚያሰ ፖፖ፡ ታና ካሊያ ኦኒካ ዴፖ አሚያ ፖፐብ ኤካናፔ ኣትን ፉማን ሲሜሬቴና» ያጊዲ ኦዲሲ።

13 ፋሪሳዌቲ፡ «ኔ ኔባ ማርካታሳ፡ ሽን ኔ ማርካቴላይ ቱማ ጊዳና» ያጊደሶና።

14 ዩሱሲ ዛሪዲ፡ «ታኒ ታባ ማርካቴላይ ታ ማርካቴላይ ቱማ፡ አይሰ ገኮ፡ ታኒ አወፔ ዪዳኮ ቃሲ አው ቢያኮ ኤራይሰ፡ ሽን ሂንቴ ኤሬኬታ።

15 ሂንቴ አሳ ቆፋን ፐርዴታ፤ ታኒ ኢሲ አሳ ቦላካ ፐርዲኬ።

16 ታኒ ፐርዲያባ ጊዲኮካ ታ ፐርዲይ ቱማ፡ አይሰ ገኮ፡ ታና ከቲዳ ታ አዋይ ታራ ዴዔሲፔ ኣትን ታኒ ታርካ ዴኒኬ።

17 ናሞቡ አሳ ማርካቴላ ቱማ ጊዴይሲ ሂንቴ ሂጊያን ፃፊቴሰ።

18 ታኒ ታባ ታ ሁዔን ማርካታይሰ፤ ቃሲ ታና ከቲዳ ታ አዋይካ ታባ ማርካቴሰ» ያጊሰ።

19 ኤንቴ፡ «ኔ አዋይ አወን ዴፊ?» ያጊዲ ኢያ ኦይቺደሶና።

ዩሱሲ ዛሪዲ፡ «ሂንቴ ታና ዋይኮ ታ አዋ ኤሬኬታ። ታና ኤሪዳባ ጊዲያኮ፡ ሂንቴ ታ አዋካ ኤራናሽን» ያጊሰ።

20 ዩሱሲ ያሳ ከላን ሙፃታ ሚሺያ ዩጊያ ሳፂኔይ ዴዲያ ቤሳን ሄሳ ታማርሲሰ። ኢያ ቃማይ ቡር ጋኪቦና ጊሾ ኦኒካ ኢያ ኦይኪቤና።

21 ቃሲካ ዩሱሲ ኤንታኮ፡ «ታኒ ባና፤ ሂንቴ ታና ኮያና፡ ሽን ሂንቴ አቶቴላ ዴሞና ሂንቴ ናጋራን ሃይቃና፡ ታኒ ቢያሱዋ ባናው ሂንቴ ዳንዳዔኬታ» ያጊሰ።

22 አይሁዴ ሃላቃቲ፡ «ኢ፡ ታኒ ቢያሱዋ ሂንቴ ባናው ዳንዳዔኬታ» ያጊሰ። ኢ ባና ባርካ ዋጳኔዬ?» ያጊደሶና።

23 ዩሱሲ ዛሪዲ፡ «ሂንቴ ጋርሳፊ፤ ታኒ ቦላፊ። ሂንቴ ሃ አላሚያፔ፡ ታኒ ሃ አላሚያፔ ጊዲኬ።

24 ሂንቴ አቶቴላ ዴሞና ሂንቴ ናጋራን ሃይቃና ጋዳ ታኒ ሂንቴው ኦዲዳይ ሄሳሳ፡ ታኒ ታና ጊዴይሳ ሂንቴ አማኖና ኢዲኮ ሂንቴ አቶቴላ ዴሞና ሂንቴ ናጋራን ሃይቃና» ያጊሰ።

25 ኤንቴ፡ «ኔኒ ኦኔ?» ያጊዲ ኦይቺደሶና።

ዩሱሲ ዛሪዲ፡ «ታኒ፡ ኮይርፔ ሂንቴው ኦዲዳ ታና።

26 ታኒ ሂንቴባ ኦዲዳ ፐርዲያባይ ዳርባይ ዴዔሲ። ሽን ታና ከቲዳይሲ ቱማንቸ፤ ቃሲ ታኒ ኢያፔ ሲዒዳይሳ ፃላላ አላሚያሰ ኦዲይሰ» ያጊሰ።

27 ዩሱሲ ባ አዋባ ኦዲይሳ ኤንቴ ኣኬኪቦኮና።

28 ሄሳ ጊሾ፡ ዩሱሲ ኤንታኮ፡ «ሂንቴ አሳ ናሳ ፑዴ ቶቁ ኦሊያ ዋዴ ታኒ ታና ጊዴይሳ ሂንቴ ኤራና። ቃሲካ ታኒ ታ ማታን አይኮካ ኦላናይሳኔ ታ አዋይ ታና ታማርሲዳይሳ ኦዲይሳ ሂንቴ ኤራና።

29 ታና ከቲዳይሲ ታራ ዴዔሲ። ታኒ ኡባ ዋዴ ኢያ ኡፋይሲያባ ኦሊያ ጊሾ ኢ ታና ታ ፃላላ ኣጊቤና» ያጊሰ።

30 ዩሱሲ ሄሳ ኦዲሺን ሲዒዳ ዳር አሳይ ኢያ አማኒደሶና።

ናጋራ አይሌቴላፊ ኬሲ

31 ዩሱሲ ባና አማኒዳ አሳታኮ፡ «ሂንቴ ታ ቲሚርቲያሰ ከቴቲኮ ቱማ ታና ካሌይሳታ።

32 ሂንቴ ቱማ ኤራና፤ ቱማይካ ሂንቴና አይሌቴላፊ ኬሳና» ያጊሰ።

33 ኤንቴ ዛሪዲ፡ «ኦኒ ኣብራሃሜ ሹሹ፤ ኦኒ ኦዲሰካ አይሌቴሶኮ። ኔኒ ዋይጋዳ፡ «ሂንቴ አይሌቴላፊ ኬያና» ያጊደሶና።

34 ዩሱሲ ዛሪዲ፡ «ታኒ ሂንቴው ቱማ ኦዲይሰ፤ ናጋራ ኦሊያ ኦኒካ ናጋራ አይሌ።

35 አይሌይ ሜሪናው ሶ አሳራ ዳና፡ ሽን ናዓይ ሜሪናው ሶ አሳራ ዴዔሲ።

36 ናዓይ ሂንቴና አይሌቴላፊ ኬሲኮ ሂንቴ አይሌቴላፊ ቱማ ኬያና።

37 ሂንቴ ኣብራሃሜ ሹሹ ጊዴይሳ ታኒ ኤራይሰ። ሽን ታ ቃላይ ሂንቴ ዋዛናን ባይና ጊሾ ታና ዋጳናው ኮዬታ።

38 ታኒ ታ አዋይ ታና ቤሲዳይሳ ኦዲይሰ፡ ሽን ሂንቴካ ሂንቴ አዋፔ ሲዒዳይሳ ኦሊታ» ያጊሰ።

39 ኤንቴ ዛሪዲ፡ «ኦ አዋይ ኣብራሃሜ» ያጊደሶና።

ዩሱሲ ኤንታኮ፡ «ሂንቴ ኣብራሃሜ ናይታ ጊዲያኮ ኢ ኦሊዳይሳ ኦላና።

40 ሽን ያሳፊ ሲዒዳ ቱማ ኦዲዳ ታና ሂንቴ ዋጳናው ኮዬታ። ኣብራሃሜይ ሄሳዳ ኦሊቤና።

41 ሂንቲ፣ ሂንቲ አዋይ ኦሊዲያ ስሊታ» ያገለገሉ።

ኤንቲ ዛሬዲ፣ «ኮኒ ቱማ ያሳ ናይታ፤ ኮሰ ኢሲ አዋይ ያሳ ዓላሊ ዴዴሰ» ያገለገሉ።

42 ዩሱሲ ኤንታኮ፣ «ያሳይ ቱማ ሂንቲ አዋ ገዲያኮ ሂንቲ ታና ዳሳና፤ አይሰ ገኮ፣ ታኒ ያሳ ማታፔ ያዳ ሃይሳን ዴዳይሰ። ታና ኢ ከተሰፔ ኣቲን ታኒ ታ ማታን ያበኩ።

43 ታኒ ጌይሳ ሂንቲ ሰዓናው ኮዮና ገሾ ታ ገያባይ ሂንቲው ጌሌና።

44 ሂንቲ፣ ሂንቲ አዋ ያላሂ ናይታ። ቃሲ ሂንቲ፣ ሂንቲ አዋይ አሞቲያባ ኦላናው ኮዬታ። ኢ ኮይሮፔ ዶሚዲ ሸምፖ ዎዴይሳ። ቱሚ ኢያን ባይና ገሾ ኢ ቱማ አዳሰ። ዎርዶይ ኢያው ማዶ ገዲዳ ገሾኔ ኢ ዎርዶ አዋ ገዲያ ገሾ ዎርዶ ኦዴቲሼ ባፔ አዳቲሰ።

45 ታኒ ቱማ ሃሳያይሰ፣ ሺን ሂንቲ ታና አማኔኬታ።

46 ሂንቲ፣ «ኮኒ ናጋራ ኦሊሺን ታ ቤዓሰ» ጋናው ዳንዳዔይ ኦኔ? ታኒ ቱማ ኦዴቲያባ ገዲኮ ታና አይሰ አማኔኬታ?

47 ያሳ አሲ ያሳይ ገያባ ሲዔሰ። ሂንቲ ያሳ አሲ ገዶና ገሾ ያሳይ ገያባ ሲዔኬታ» ያገለገሉ።

ዩሱሲ አብራሃሜፔ ሲንሐ

48 አይሁዴቲ ዛሬዲ፣ « ኮኒ ሳማሬ አሲ፤ ኔናን ቱና አያናይ ዴዴሰ» ገሾ ሊኬ ገዶኮ?» ያገለገሉ።

49 ዩሱሲ ኤንታኮ «ታ ቦላ ቱና አያኒ ባዎ። ታኒ ታ አዋ ቦንቻይሰ፣ ሺን ሂንቲ ታና ካዉሼታ።

50 ታኒ ታ ሁዔ ቦንቻ ኮዩኬ፤ ታኒ ቦንቻታና ማላ ኮዩይሲኔ ታው ፕርዶይሲ ዴዴሰ።

51 ታኒ ሂንቲው ቱማ ኦዳይሰ፤ ታ ቃላ ናገያ ኦኒካ ሃይቄና» ያገለገሉ።

52 አይሁዴቲ ዛሬዲ፣ «ኔ ቦላ ቱና አያናይ ዴዴሰ ኮኒ ሃዒ ኤሪዳ። አብራሃሜይ ሃይቄሰ፤ ናቤቲካ ሃይቄዶሰና። ሺን ኔኔ፣ ታ ቃላ ናገያ ኦኒካ ሃይቄና» ያገለገሉ።

53 ኔኒ ሃይቄዳ ኮ አዋ አብራሃሜፔ አዳዩ? ናቤቲካ ቃሲ ሃይቄዶሰና። ኔኒ ኔና ኦና ጋዳ ቆፓይ?» ያገለገሉ።

54 ዩሱሲ፣ «ታኒ ታና ቦንቻኮ ታ ቦንቻይ ሃዳ። ሂንቲ፣ ኩ ያሳ» ገያ ታ አዋይ ኢ ታና ቦንቻሰ።

55 ሂንቲ ኢያ ኤርና ኢዳኮ ታኒ ኢያ ኤሪይሰ። ታኒ ኢያ ኤሪኬ ገኮ ሂንቲ ማላ ዎርዶታይሰ። ሺን ታኒ ኢያ ኤሪይሰ፤ ቃሲ ኢያ ቃላካ ናገይሰ።

56 ሂንቲ አዋይ አብራሃሜይ ታ ዩሳ ጋላሳ ቤዒዲ ኡፋይታናው አሞቲሰ፤ ቤዒዲካ ኡፋይቲሰ» ያገለገሉ።

57 አይሁዴቲ ዛሬዲ፣ «ሃሪ አቶሺን፣ ኔው አሻታሙ ላይሐ ኮሚቤናሺን ዎናዳ አብራሃሜ ቤዓሰ ጋይ?» ያገለገሉ።

58 ዩሱሲ ኤንታኮ፣ «ታኒ ሂንቲው ቱማ ኦዳይሰ፤ አብራሃሜይ ዩሌታናፔ ካሴ ታኒ ታና » ያገለገሉ።

59 ሄሳ ገሾ፣ ኤንቲ ዩሱሲ ጫዳናው ሹቹ ኤኪዶሰና። ሺን ዩሱሲ ኤንታፊ ገሚዲ ያሳ ከላፊ ከዩዲ ቢሰ።

9

ዩሱሲ ቆቄ ገዲዲ ዩሌቲዳ አዲያ ፓላሰ

1 ዩሱሲ ቢሼ ዩሌቶሳፔ ቆቄ ገዲዲ ዴዴያ ኢሲ አዲያ ቤዒሰ።

2 ኢያ ታማራቲ፣ «አሰታማሪያው፣ ሃ አዳይ ቆቄ ገዲዲ ዩሌታና ማላ ናጋራ ኦሊዲይ ኦኔ? ኢ ኦሊዴዬ ዎይኮ ኢያ ዩሌዳይሳቲ ኦሊዶና?» ያገለገሉ አይቹዶሰና።

3 ዩሱሲ፣ «ያሳ ኦሪይ ኢያ ቦላ ቆንጫና ማላፔ ኣቲን ኢ ዎይኮ ኢያ ዩሌዳይሳቲ ናጋራ ኦሊዳ ገሾ ገደና።

4 ሳዒ ጋላሰ ዴዒሺን ታና ከቲዳይሳ ኦሱዎ ኦ ኦላናው ቤሴሰ። ኦኒካ ኦላናው ዳንዳዶና ቃማይ ዩሰ።

5 ታኒ አላሚያን ዴዳሼ አላሚያሰ ፖ?» ያገለገሉ።

6 ዩሱሲ ሄሳ ገዲ ሳዒን ጨቲሰ። ባ ጨቻን ጉላ ቢታ ሳኮሊዲ ሄ ኡርቃን ቆቄ አዲያ አይፊያ ቲዩሰ።

7 ያቲዲ፣ «ባዳ ሳሊሆሚ (ሳሊሆሚ ጉሳይ ከቲቲዳይሳ ጉሱ) ገያ ቲቄቲዳ ሃላን ኔ አይፊያ ሚጨታ» ያገለገሉ። ሄሳ ገሾ፣ አዳይ ቢዲ ባ አይፊያ ሚጨቲዲ ያሊሼ ሲሚሰ።

8 አዲያ ሸርቲኔ አዳይ ካሴ ዎሲሺን ቤዒዳ አሳይ፣ «ሃይሲ ኡቲዲ ዎሲያ አዲያ ገዴኔዬ?» ያገለገሉ።

9 ኢሲ ኢሲ አሳይ፡ «ሃይሲ ኢያ» ያገደሰና።

ሃራተ ቃሰ፡ «አካይ፡ ሃይሲ ኢያ ዳኔሲ፤ እትን ኢያ ገዴና» ያገደሰና።

ሺን አዳይ፡ «ኤ፡ ታና» ያገሰ።

10 ኤንተ ኢያኮ፡ «ያተን ኔ አይፊደ ዋኒዲ ያለዴ?» ያገዲ ኦይቸደሰና።

11 ኢ ዛሪዲ፡ «ዩሱሳ ገያ አዳይ ጉላ ኡርቃ ላኩዲ ታ አይፊያ ተደዲ፡ ሳላሆሜ ባዳ ኔ አይፊያ ሜጩታ» ያገን፡ ታኒ ባዳ ሜጩታዳ ያላ አጋሰ» ያገሰ።

12 ኤንተ ኢያኮ፡ «ኢ አወን ዴ?» ያገዲ ኦይቸደሰና።

አዳይ፡ «ታኒ ኤሪኬ» ያገሰ።

ፋሪሳዌተ ሃኒዳባ ኤሪናው ኮደደሰና

13 ኤንተ ካሴ ቆቄ፡ ሺን ሃሲ ያሊዳ አዲያ ፋሪሳዌታኮ ኤፊደሰና።

14 ዩሱሲ ኡርቃ ላኩዲ አዲያ አይፊያ ፓሊዳ ጋላሳይ ሳምባታ ጋላሰ።

15 ሃሳ ገሾ፡ አዳይ ዋኒዲ ያሊዳኮ ፋሪሳዌተ ኢያ ዛሪ ኦይቸደሰና። አዳይ ኤንታኮ፡ «ኢ ታ አይፊያን ጉላ ኡርቃ ተደሰ። ታ አይፊያ ሜጩታዳ ሃሲ ያላይሰ» ያገሰ።

16 ፋሪሳዌታ፤ ኢሶተ ኢሶተ፡ «ሃይሳ ኦሊዳ አዳይ ሳምባታ ሃኒያ ናጎና ገሾ ያሳ ማታ፤ ዪቤና» ያገደሰና።

ሺን ሃራተ፡ «ናጋራንቸ አሲ ሃይሳ ማላ ማላታ ዋተ ኦላናው ዳንዳዲ?» ያገዲ ባንታ ገደን ሻኬታደሰና።

17 ሃሳ ገሾ፡ ፋሪሳዌታ አዲያኮ፡ «ኢ ኔ አይፊያ ያሊሲዳ ገሾ ኔ ኢያባ ዋይጋይ?» ያገደሰና።

አዳይ፡ «ኢ ናቤ» ያገሰ።

18 አይሁዴ ሃላቃተ፡ ኢያ አደወኔ አዋ ያገዲ ኦይቸና ጋካናው፡ አዳይ ካሴ ቆቄ ገዲዳይሳኔ ሃሲ ኢ ያሌይሳ አማኒሶኮና።

19 ኤንተ ኢያ አደወኔ ኢያ አዋኮ፡ «ሃንቴ ቆቄ ገዲዲ ዩሌትሰ» ገያ ሃንቴ ናዳይ ሃይሴ? ያተን፡ ሃሲ ዋኒዲ ያለዴ?» ያገዲ ኦይቸደሰና።

20 ኢያ ዩሊዳይሳተ፡ «ሃይሲ ኦ ናዳ ገዲዳይሳኔ ቆቄ ገዲዲ ኢ ዩሌተዳይሳ ኦ ኤርሰ።

21 ሺን ሃሲ ኢ ዋኒዲ ያሊዳኮ ቃሲ ኢያ አይፊያ ኦኒ ፓሊዳኮ ኦኒ ኤርኮ። ኢያ ኦይቸተ። ኢ ባና ኤሪዳ አሲ ገዲያ ገሾ ባባ ኦዳናው ዳንዳዳሴ» ያገደሰና።

22 ኢያ ዩሊዳይሳተ ሃሳ ገዲይ አይሁዴታሰ ያደዳ ገሾ። አይሰ ገኮ፡ አይሁዴተ፡ ዩሱሲ ኢ ከሪሰቸሳ ያገዲ ማርካቲያ አሲ ዴዲኮ ሄ ኡራ አይሁዴ ዋሳ ከላፊ ሂላናው ኮይርቲዲ ዛሪ ቃቸደሰና።

23 ኢያ ዩሊዳይሳተ፡ «ኢ ባና ኤሪዳ አሲ፤ ኢያ ኦይቸተ» ያገዲይ ሃሳሳ።

24 ሃሳ ገሾ፡ ቆቄ ገዲዲ ዩሌተዳ አዲያ ኤንተ ዛሪ ያገዲ፡ «ቱማ ኦዳናው ያሳን ጫቃ፤ ሃ አዳይ ናጋራንቸ ገዴይሳ ኦ ኤርሰ» ያገደሰና።

25 አዳይ ዛሪዲ፡ «ኢ ናጋራንቸ ገዲን፡ ገደና ኢዳን ታ ኤሪኬ። ታኒ ቆቄ ገዴይሳኔ ሃሲ ያሌይሳ ሄ ኢሲባ ኤሪይሰ» ያገሰ።

26 ኤንተ ዛሪዲ፡ «ኢ ኔው አይ ኦሊዳ? ኢ ኔ አይፊያ ዋተ ፓሊዳ?» ያገደሰና።

27 ኢ ኤንታኮ፡ «ታኒ ሃንቴው ኦዳሰ፡ ሺን ሲቢቤካ። አይሰ ዛሪ ሲዳናው ኮዩተ? ሃንቴካ ኢያ ታማሪ ገዳናው ኮዩተዩ?» ያገሰ።

28 ኤንተ ኢያ ጫደዲ፡ «ኔ ሄ ኡራ ታማሪ ገዳ፤ ኦኒ ሙሴ ታማሪ።

29 ያሳይ ሙሴሰ ኦዲዳይሳ ኦኒ ኤርሰ፡ ሺን ሃ ኡራይ ኢ አወ፤ ዪዳኮካ ኦ ኤርኮ» ያገደሰና።

30 አዳይ ኤንታኮ፡ «ኢ አወ፤ ዪዳኮ ሃንቴ ኤርናይሲ ማላሊሲያባ፡ ሺን ኢ ታ አይፊያ ፓሊሰ።

31 ያሳ ቦንቼይሳኔ ኢ ኮያባ ኦሊያ ኡራ ያሳይ ሲዳሲ፤ እትን ናጋራንቸታ ሲዳና።

32 ሳሎይ ሳሲ ማዴቶሳ፤ ቆቄ ገዲዲ ዩሌተዳ አሳ አይፊ ፓሊዳይ ኦኒካ ባዋ።

33 ሃ አዳይ ያሳፊ ከቴቲቦናባ ገዲያኮ ኢሲባካ ኦላናው ዳንዳዳና» ያገሰ።

34 ኤንተ ዛሪዲ፡ «ኦኒ ናጋራን ዩሌታዳ ዲጪዳይሲ ኦና ታማርሳናው ኮያይ?» ያገደሰና። ኢያ አይሁዴ ዋሳ ከላፊ ሂሊደሰና።

ዋዛና ቆቄተሊ

35 ዩሱሲ ኤንተ አዲያ ከሲዳይሳ ሲዳዳ ዋዴ ኢያ ዴግዲ፡ «አሳ ናዳ አማናይ?» ያገዲ ኦይቸሰ።

36 አዳይ ዩሱሳኮ፡ «ጎዳው፡ ታኒ ኢያ አማናና ማላ ኢ ኦኒ? ታው ኦዳርኪ?» ያገሰ።

37 ዩሱሲ አዲያኮ፡ «ኔኒ ኢያ ቤዓዳሳ፤ ሃ ኔራ ኦዴቲይሲ ኢያ» ያጊሰ።

38 አዳይ ዛሪዲ፡ «ጎዳው፡ አማናይሰ» ያጊዲ ዩሱሳሰ ጎይኒሰ።

39 ዩሱሲ፡ «ቆቄቲ ያላና ማላኔ ያሌይሳቲ ቆቃና ማላ ታኒ ፐርዳናው ሃ አላሚያ ያሰ» ያጊሰ።

40 ኢያራ ዳዒያ ጉላ ፋሪሳዌቲ ሃሳ ሰዒዲ፡ «ኮ ቆቄዬ?» ያጊዲ ኦይቺደሶና።

41 ዩሱሲ፡ «ሂንቴ ቆቄ ጊዲያኮ ሂንቴው ናጋራ ጊዴና። ሺን ሃዒ ሂንቴ ያሎሰ ጊያ ጊሾ ሂንቴ፡ ሂንቴ ናጋራን ዴዔታ» ያጊሰ።

10

ዩሱሲ ሎዎ ሂንሳንቸ

1 ዩሱሲ፡ «ታኒ ሂንቴው ቱማ ኦዳይሰ፤ ደርሳ ገርቤ ጊዶ ፔንጌራ ጊዶና ሃራሶራ ጌሊያ ኦኒካ ካይሶኔ ፓንጋ።

2 ሺን ፔንጌራ ጌሊይሲ ደርሳታ ሃሚይሳ።

3 ፔንጊያ ናጌይሲ ኢያው ፔንጊያ ደዩሰ፤ ደርሳቲካ ኢያ ቃላ ሲዎሶና። ኢ ባ ደርሳታ ኤንታ ሱንሳን ሱንሳን ያጌሰ፤ ኤንታ ካሌሌዲ ካሬ ከሴሰ።

4 ኢ ባይሳታ ካሬ ከሲዳፔ ጉዬ ኤንታ ሲንሳን ሃሙቴሰ። ኤንቲ ኢያ ቃላ ኤሪያ ጊሾ ኢያ ካሎሶና።

5 ሃራ ኡራ ቃላ ኤንቲ ኤሮና ጊሾ ኢያፔ ባቃቶሶና ኦቲን ኢያ ጌዶ ካሎኮና» ያጊሰ።

6 ዩሱሲ ኤንታው ሃ ሎሚሱዋ ኦዲሰ፡ ሺን ኢ ኣይ ጊዳኮ ኤንቲ ኦከከሶኮና።

7 ዛሪዲ ዩሱሲ ኤንታኮ፡ «ታኒ ሂንቴው ቱማ ኦዳይሰ፤ ታኒ ደርሳታሰ ፔንጌ።

8 ታፔ ሲንሌ ዩዳ ኡባይ ካይሶኔ ፓንጋ፡ ሺን ደርሳቲ ኤንታ ሰዒሶኮና።

9 ፔንጌይ ታና፤ ታ ባጋራ ጌሊያ ኦኒካ ኦታና። ኢ ታ ባጋራ ጌላናኔ ከያና፤ ሎዎ ሃሚቲያ ቤሲ ዳማና።

10 ካይሶይ ካይሶታናው፡ ሹካናውኔ ዳይሳናው ዩሲፔ ኦቲን ሃራባሰ ዩና። ታኒ ኤንታው ዳይይ ዳና ማላኔ ኩሚዲ ፓላሃና ማላ ያሰ።

11 «ታኒ ሎዎ ሂንሳንቸ፤ ሎዎ ሂንሳንቸይ ባ ደርሳታ ጊሾ ባ ሹምፑዋ ኦላ ኢሚሰ።

12 ከራ ሃሚያ ኦሲ ደርሳታ ጎዳኔ ሂንሳንቸ ጊዶና ጊሾ ሱዱሚይ ያ ዎዴ ቤዒዲ ደርሳታ ኦጊዲ ቤሰ። ሃሳ ጊሾ፡ ሱዱሚይ ደርሳታ ኦይኪዲ ላሌሰ።

13 ከራ ሃሚይሲ ሚሼሰ ሃሚያ ጊሾኔ ደርሳታባይ ኢያ ቆፊሶና ጊሾ ደርሳታ ኦጊዲ ባቃቴሰ።

14-15 «ታኒ ሎዎ ሂንሳንቸ። ታ ኦዎይ ታና ኤሬይሳዳ ታኒካ ታ ኦዎ ኤራይሰ። ሃሳዳካ፡ ታኒ ታ ደርሳታ ኤራይሰ፤ ታ ደርሳቲካ ታና ኤሮሶና። ታኒ ታ ደርሳታ ጊሾ ታ ሹምፑዋ ኦላ ኢሚይሰ።

16 ሃ ዉዲያን ባይና ሃራ ደርሳቲ ታው ዳዎሶና። ታኒ ኤንታካ ኤሃናው ቤሴሰ። ኤንቲ ታ ቃላ ሲዓና፤ ኤንቲ ኢሲ ዉዴ ጊዳና፤ ሂንሳንቸይካ ኢሱዋ።

17 «ታኒ ታ ሹምፑዋ ኦላ ኢማዳ ዛራ ኤኪያ ጊሾ ታ ኦዎይ ታና ደሴሰ።

18 ታ ደሳዳ ታ ሹምፑዋ ኦላ ኢማይሲፔ ኦቲን ታፔ ኦኒካ ኤኪና። ታ ታ ሹምፑዋ ኦላ ኢማናውኔ ዛራ ኤካናው ማቲ ታው ዳዔሰ። ታኒ ኦላና ማላ ታ ኦዎይ ታና ከቲዳይሲ ሃይሳ» ያጊሰ።

19 ሃሳ ኢ ጊዳ ጊሾ ኣይሁዴታ ጊዶን ቃሲካ ሻኬቲላ ሜዴቲሰ።

20 ኤንታፊ ዳሪያ ባጋይ፡ «ኢያን ቱና ኣያኒ ዳዔሰ! ኢ ጎዬሰ! ኢ ጊያባ ኣይሰ ሰዒቲ?» ያጊደሶና።

21 ሃራቲ ቃሲ፡ «ፃላሄይ ኦይኪዳ ኦሲ ሃይሳዳ ኦዴቴና። ቱና ኣያኒ ቆቄ ኣይፊ ያሊሳናው ዳንዳዒዬ?» ያጊደሶና።

ዩሱሲ ኣሳ ናዓ

22 ዩራሳላሚን ያሳ ከላ ኣንጂሲዳ ጋላሳታ ቦንቺያ ባሌይ ጋኪሰ፤ ሃ ዎዴ ሳዒ ባልጎ።

23 ዩሱሲ ያሳ ከላን ሶሎሞኔ ባራንዳን ሲሜሬቴሰ።

24 ኣይሁዴቲ ዩሱሳ ዩሾን ሸቄ ኤቁዲ፡ «ኔኒ ኦና ኣዉዴ ጋካናው ሲዴራ ዎላኔ? ኔኒ ከሪሰቶሳ ጊዲኮ ኣኔ ኦሰ ጌሻዳ ኦዳ» ያጊደሶና።

25 ዩሱሲ ዛሪዲ ኤንታኮ፡ «ታኒ ሂንቴው ኦዳሰ፤ ሺን ታና ኣማኔኬታ። ታኒ ታ ኦዎይ ታው ኢሚዳ ማታን ኦላያ ኦሶይ ታባ ማርካቴሰ።

26 ሺን ታኒ ሂንቴው ኦዳዳይሳዳ ሂንቴ ታ ደርሴ ጊዶና ጊሾ ኣማኔኬታ።

11

27 ታ ደርሳቲ ታ ቃላ ሲጸሰና። ታኒ ኤንታ ኤራይሰ፤ ኤንቲካ ታና ካሎሶና።

28 ታኒ ኤንታው ማሪና ዴቦቀ አማይሰ፤ ኤንቲ ኡባራካ ቆየኮና። ኦኒካ ታ ኩሼፔ ኤንታ ቦንቂ ኤካናው ዳንዳዔና።

29 ኤንታ ታው አሚዳ ታ አዋይ ኡባሬ አዲሰ * ኦኒካ ታ አዋ ኩሼፔ ኤንታ ቦንቂ ኤካናው ዳንዳዔና።

30 ታኔ ታ አዋይ ኢሲኖ» ያገሰ።

31 አይሁዳቲ ዩሱሳ ጫዳናው ቃሲካ ሹቺ ዳንፊደሶና።

32 ዩሱሲ ኤንታኮ፡ «ታኒ ኦላና ማላ ታ አዋይ ታው አሚዳ ዳሮ ሎጾ ኦሶታ ሂንቴና ኦላ ቤሳስ። ሄሳታፔ ኦላሳ ገሾ ታና ሹቻን ጫዳናው ኮዬቲ?» ያገሰ።

33 አይሁዳቲ ዛሪዲ፡ «ኑኒ ኔና ኔ ሎጾ ኦሶ ገሾ ሹቻን ጫዳናው ኮየኮ። ሺን ኔኒ ያሳ ጫያ ገሾኔ አሴ ገዳሼ ኔ ኔና ያሴ ገያ ገሾላ» ያገደሶና።

34 ዩሱሲ ዛሪዲ፡ «ጌሻ ማፃፋን ያሳይ፡ «ሂንቴ ያሳታ» ገዳይሲ ፃፊቲቤኔ?»

35 ጌሻ ማፃፋይ ማሪናው ለማቴና። ያሳይ ባ ቃላ አሚዳ አሳታ፡ «የሳታ» ገዲ ያገኘ።

36 አዋይ ደሪዲ ሃ አላሚያ ከቲዳ ታና ያሳ ናሳ ዋቲዲ «የሳ ጫያሳ» ያገኘ።

37 ታኒ ታ አዋይ ኦሌይሳ ኦላና ኢዲኮ ታና አማናፒቴ።

38 ሺን ታኒ ኦሌያባ ገዲኮ ሂንቴ ታና አማና ኢዲኮካ፡ ታ አዋይ ታናን ዴዔይሳኔ ታካ ታ አዋን ዴዔይሳ ሂንቴ ኤራና ማላ ታ ኦሱቀ አማኒቴ» ያገሰ።

39 ቃሲካ ኤንቲ ኢያ ኦይካናው ኮዩደሶና፡ ሺን ኢ ኤንታፊ ኬሲ ኤኪስ።

40 የሃኒሲ ካሴ ፃማቁያ ቤሳ፡ ዮርዳናሴ ሻፋፔ ሄፊንፊ ዩሱሲ ፒኒዲ ያን ዴዔሲ።

41 ዳሮ አሳይ ዩሱሳኮ ዩዲ፡ «የሃኒሲ ማላታ ኦሌቤና፡ ሺን ኢ ሃ አዲያባ ኦዲዳባይ ኡባይ ቱማ» ያገደሶና።

42 ያን ዳሮ አሳይ ዩሱሳ አማኒደሶና።

አላዛራ ሃይቁዋ

1 ቢታኒያ ጉታን አላዛራ ገያ ኢሲ አዴይ ሃርጌቲስ። ቢታኔይ ማይራማኔ ኢ ሚቺያ ማርታ ዴዔያ ጉታ።

2 ማይራማ ጎዳ ቶሁዋ ሸቶ ቲያዳ ባ ቢናናን ኢያ ቶሁዋ ቁቺዳሮ። ሃርጌቲዳይ ኢ ኢሻ አላዛራ።

3 ሄሳ ገሾ፡ ሚቺቲ፡ «ጎዳው፡ ኔ ደሴይሲ ሃርጌቲስ» ገዲ ዩሱሳኮ ከቲደሶና።

4 ዩሱሲ ሄሳ ሲዒዳ ዋዴ «ሃ ሃርጌይ፡ ያሳይኔ ኢያ ናዓይ ቦንቺታና ማላፔ ኦቲን ሃይቆሰ ጋሊያ ሃርጌ ገዳና» ያገሰ።

5 ዩሱሲ ማርታ፡ ኢ ሚቺዉኔ አላዛራ ደሴስ።

6 ሺን አላዛሪ ሃርጌዳይሳ ዩሱሲ ሲዒዲ ባ ዴዔያ ቤሳን ናምቦ ጋላስ ጋምዒስ።

7 ሄሳፊ ጉዬ፡ ዩሱሲ ባ ታማሪታኮ፡ «ዛሪዲ ዩሁዳ ቢታ ቦስ» ያገሰ።

8 ኢያ ታማሪቲ ዛሪዲ፡ «አስታማሪያው፡ ጉሳ ዋዴፔ ካሴ አይሁዳቲ ኔና ሹቻን ጫዲዲ ዋቆናው ኮዩደሶና፤ ሃዒካ ያ ባኔ?» ያገደሶና።

9 ዩሱሲ፡ «ኢሲ ጋላሳን ታማኔ ናምቦ ሳቲይ ዴዔስ ገዴኔዬ? ጋላስ ሃሙቲያ ኢሲ ሃ አላሚያ ፖቡቀ ቤዒያ ገሾ ቆቤቴና።

10 ሺን ቃማ ሃሙቲያ ኦኒካ ፖይይ ባይና ገሾ ቆቤቴስ» ያገሰ።

11 ዩሱሲ ሄሳ ገዳፔ ጉዬ ኤንታኮ፡ «ኑ ደሲያ አላዛሪ ቆስኪስ፡ ሺን ኢያ ዴንሳናው ታኒ ባና» ያገሰ።

12 ኢያ ታማሪቲ ዛሪዲ፡ «ጎዳው፡ ኢ ቆስኪዳባ ገዲኮ ኢያው ሎዓና» ያገደሶና።

13 ዩሱሲ አላዛሪ ሃይቁዳይሳ ኦዲስ፡ ሺን ኤንታው ጮ ቆስኮ ዳኒስ።

14 ሄሳ ገሾ፡ ዩሱሲ ጌሺዲ ኤንታኮ፡ «አላዛሪ ሃይቁስ።

15 ሂንቴ አማናና ማላ ታኒ ሄ ቤሳን ዴያናይሳስ ሂንቴ ገሾ ኡፋይታይሰ። አኔ ዩቆቲ፤ ኢያኮ ቦስ» ያገሰ።

16 ሄሳፊ ጉዬ፡ ዲዲሞሳ * ጌቴቲያ ቶማሲ ባ ላጌ ታማሪታኮ፡

* 10:29 ታ አዋይ ኡባሬ አዲሰ፡ ኢሲ ኢሲ ቤኒ ማፃፋቲ፡ «ታ አዋይ ታው አሚዳ ኤንቲ ኡባሬ አዲሶና» ያገሰና። 10:33 ለዋ 24:16 10:34 ማዘ 82:6 10:40 የሃ 1:28 11:1 ሉቃ 10:38-39 11:2 የሃ 12:3 * 11:16 ዲዲሞሳ፡ ጉሳይ ማንቴ ጉሱ።

«አስታማሪያራ ሃይቃናው ኑካ ቦስ» ያገሉ።

ዬሱሲ ዳንዶኔ ዳዖ

17 ዬሱሲ ጋኪያ ዋዴ አላዛሪ ሞገቲን አይዲ ይረሳላማ።

18 ቢታኔይ ዩረሳላማ፣ ሄቱ ኪሎ ማቲሪ ማላ ሃኪስ።

19 ዳሮ አይሁዳት ማርታኔ ማይራሞ ኤንታ አሻይ ሃይቁዳይሳሰ ማንጭላናው ዩደሶና።

20 ማርታ ዬሱሲ ዩዳይሳ ሲዓዳ ኢያ ሞካናው ከያሱ፣ ሺን ማይራማ ሶን አታሱ።

21 ማርታ ዬሱሳኮ፣ «ጎዳው፣ ኔኒ ሃይሳን ዳዲዳባ ገዲያኮ ታ አሻይ ሃይቁና።

22 ሺን ሃሲ ገዲኮካ ኔኒ ዋሲያባ ያሳይ ኔው አማናይሳ ታኒ ኤራይስ» ያገሉ።

23 ዬሱሲ፣ «ኔ አሻይ ሃይቆፕ ዳንዳና» ያገሉ።

24 ማርታ ኢያኮ፣ «ወርሴላ ጋላስ ኢ ሃይቆፕ ዳንዳናይሳ ኤራይስ» ያገሉ።

25 ዬሱሲ አኮ፣ «ታኒ ዳንዶኔ ዳዖ፣ ታና አማኒያ ኦኒካ ሃይቁኮካ ዳዖን ዳና።

26 ቃሲ ዳዖን ዳዔይኔ ታና አማኒያ ኦኒካ ሃይቁና። ሄሳ ኔኒ አማናይ?» ያገሉ።

27 ማርታ ዛራዳ፣ «ጎዳው፣ ኤ ታኒ አማናይስ! ኔኒ ያሳ ናዓ፣ አላሚያ ያናው ዳዔያ ኪሪስቶሳ ገዳይሳ ታኒ አማናይስ» ያገሉ።

28 ማርታ ሄሳ ገዳፕ ጉዬ፣ ባዳ ባ ሚቹው ገማን ያጋዳ፣ «አስታማሪይ ዩዲ ኔና ኮዬስ» ያገሉ።

29 ማይራማ ሄሳ ሲዓዳ ዋዴ ኤሌሳ ዳንዳ ኤቃዳ ዬሱሳኮ ባሱ።

30 ሄ ዋዴ ዬሱሲ ማርታራ ጋሃቲዳ ቤሳን ዳዔስ፣ ቡር ጉታ ጋኪቤና።

31 ማይራሞ ማንጭላሽ ኢራ ሶን ዳዔያ አይሁዳት፣ ኢያ ዳንዳ ኤቃዳ ኤሌሳዳ ካሪ ከዩዳይሳ ቤዒዲ፣ ዱፎ ባዳ ዩካናው ሃኒያ ዳኒን ኢዮ ካሊዲ ከዩደሶና።

32 ማይራማ ዬሱሲ ዳዔያሱዋ ባዳ ኢያ ቤዒዲ ዋዴ ኢያ ቶሁዋ ቦላ ኩንዳዳ፣ «ጎዳው፣ ኔኒ ሃይሳን ዳዲዳባ ገዲያኮ ታ አሻይ ሃይቁናሺን» ያገሉ።

33 ዬሱሲ ማይራማኔ ኢራ ዳዔያ፣ አይሁዳት ዩኤይሳ ቤዒዲ፣ ባ ዋካናን ዳሮ ሴሌቲዲ።

34 «አውን ሞገዴት?» ያገዲ አይቹን፣ «ጎዳው፣ ያዳ ቤዓ» ያገዲ ዛሪደሶና።

35 ዬሱሲ አፋዲስ።

36 ሄሳ ገሾ፣ አይሁዳት፣ «ኢ አላዛሪ አይ ማላ ደሲያኮ ቤዒቲ» ያገደሶና።

37 ሺን ኤንታፌ አሶቲ አሶቲ፣ «ሃይሲ ቆቂያ ያሊሲዳይሲ ሃ አዳይ ሃይቆና ማላ ኦላናው ዳንዳዔኔሺን?» ያገደሶና።

ዬሱሲ አላዛሪ ሃይቆፕ ዳንጸሲስ 38 ቃሲካ ዬሱሲ ሴሌቲዲ፣ አላዛሪ ሞገቲዳ ዱፋዋ ቤስ። ሄ ዱፎይ ሹቻን ጎርዴቲዳ ጎንጎሎ።

39 ዬሱሲ፣ «ሹቻ ዳንጸሌቲ» ያገዲ ኪቲስ።

ማርታ፣ «ጎዳው፣ ኢ ሃይቆሳፕ አይዲ ጋላስ ገዲዳ ገሾ ሃሲ ያንቃና» ያገሉ።

40 ዬሱሲ ማርታኮ፣ «ኔ አማኒያባ ገዲኮ ያሳ ቦንቹዋ ቤዓናይሳ ታኒ ኔው ኦዳቢኪና?» ያገሉ።

41 ኤንቲ ሹቻ ዳንጸሌን ዬሱሲ ሳሎ ፑዳ ያሊዲ፣ «አዋው፣ ታና ኔ ሲዒዳ ገሾ ኔና ጋላታይስ።

42 ኔ ኡባ ዋዴ ታና ሲዒይሳ ታኒ ኤራይስ። ሺን ሃይሳን ኤቁዳ አሳይ ኔኒ ታና ኪቲዳይሳ አማናና ማላ ታኒ ኤንታ ገሾ ሃይሳ ጋይስ» ያገሉ።

43 ዬሱሲ ሄሳ ገዳፕ ጉዬ፣ ባ ቃላ ቋቁ ኦሊዲ፣ «አላዛራ፣ ሃ ከያ!» ያገሉ።

44 ሃይቁዳ አይይ ዚዴቲዳ ማላ ኩሼይኔ ቶሆይ ሻሎን ቃሹቲዲ ዳዔሺን ኢያ አይፌ ካሪይ ጎዜቲዳ ማላ ዱፋዋፕ ከዩስ። ዬሱሲ ኤንታ፣ «ቢርሺቲ! ቦ ገቲ!» ያገሉ።

ኪሪስቶሳ ቦላ ማቁቲደሶና (ማቶ 26:1-5፤ ማር 14:1-2፤ ሉቃ 22:1-2)

45 ሄሳ ገሾ፣ ማይራማኮ ዩዳ አይሁዳታፕ ዳሮቲ ዬሱሲ ኦሊዳይሳ ቤዒዲ ኢያ አማኒደሶና።

46 ሺን ኤንታፌ አሶቲ አሶቲ ፋሪሳዌታኮ ቢዲ ዬሱሲ ኦሊዳይሳ ኤንታው ኦዲደሶና።

47 ሄሳፌ ጉዬ፣ ካሂኔ ሃላቃቲኔ ፋሪሳዌቲ ሻንጉዋ ሺሺዲ፣ «ሃ አዳይ ዳሮ ማላታታ ኦሊያ ገሾ ኑ አይ ኦሊያ?»

48 ኑኒ ኢያ ሲጊ ገዲ አገኮ አሳ ኡባይ ኢያ አማና። ቃሲ ሮማ ቢታ አሳቲ ዩዲ ኑ ፆሳ ኬላኔ ኑ ዳሪያ ላይሳና» ያገደሶና።

49 ከገታፊ ኢሶይ ቃያፋ ጌይሲ፣ ሄ ላይሴ ካሂኔ ሃላቃ ገዲዳይሲ፣ «ሂንቲ አይኮካ ኤሬኬታ!

50 አሳይ ኡባይ ላይሳይሳፊ አሳ ኡባ ገሾ ኢሲ አሲ ሃይቄይሲ ሎፆ ገዳይሳ ኤሬኬታ?» ያገሰ።

51 ኢ ሃሳ ባፔ ገቤና። ሸን ሄ ላይሴ ካሂኔ ሃላቃ ገዲያ ገሾ ዩሱሲ አይሁዳ አሳ ገሾ ሃይቃናው ቤሴይሳ ቲንቢቲ ኦዲሲ።

52 ቃሲ ዩሱሲ አይሁዳ አሳ ፃላላሰ ገደናሽን ላሌቲዲ ዳዒያ ፆሳ አሳ ኡባ ኢሲፊ ሸሻናውኔ ኢሲ አሲ ኦላናው ሃይቃና።

53 ሄ ገላሳፔ ደሚዲ ኤንቲ ኢያ ፆቆናው ማቄቲደሶና።

54 ሃሳ ገሾ፣ ዩሱሲ አይሁዳታ ገደን ቆንጨን ሲሜሬቲቤና። ሸን ባዞ ቢታ ማታን ዳዒያ ኤፍሬሜ ጉታ ቢሰ። ባ ታማሬታራ ሄ ቤሳን ገምዒሲ።

55 አይሁዳቲ ቦንቹያ ፓሲካ ገላሳይ ማቲሰ። ቃሲ ዳሮ አሳይ ባንታና ጌሻናው ፓሲካ ቦንቹያ ገላሳይ ገካናፔ ሲንጤ ሄ ቢታፊ ዩሩሳላሜ ቢደሶና።

56 ኤንቲ ፆሳ ኬላን ኤቁዲ ዩሱሳ ዩሳ ናገያ ገሾ «አይ ቆፔቲ? ዩሱሲ ባሊያ ቦንቻናው ዩኔ?» ያገዲ ኢሶይ ኢሱቆ ኦይቹደሶና።

57 ካሂኔ ሃላቃቲኔ ፋሪሳዌቲ ዩሱሳ ኦይካናው፣ ኢ ዳዒያሱቆ ኤሪያ ኦኒካ ባንታው ኦዳና ማላ ከቲደሶና።

12

ዩሱሳ ሸቶ ቲዩዳ ማጫሲው (ማቶ 26:6-13፤ ማር 14:3-9)

1 ፓሲካ ቦንቹያ ገላሳፔ ኡሱቱን ገላሰ ሲንጻቲዲ፣ ዩሱሲ ሃይቆፔ ዳንጤዳ አላዛሪ ዳዒያ ጉታ፣ ቢታኒያ ቢሰ።

2 ሄ ቤሳን ኤንቲ ኢያው ካሆ ገገሲደሶና። አላዛሪ ዩሱሳራ ኢሲፊ ገይታ ቦላ ኡቲዳሽን ማርታ ኤንታና ሞካዉሱ።

3 ማይራማ ናርዶሴ ገያ ዳሮ አልፆ ጌሻ ሸቶ ኤሃዳ ዩሱሳ ቶሁቆ ቲያሱ።

ባ ቢናናን ኢያ ቶሁቆ ቁቻሱ፤ ኬላ ኡባይ ሸቶ ሳዎን ቶንጉ ገሰ።

4 ሸን ዩሱሳ ታማሬታፔ ኢሶይ፣ ዩሱሳ አላ ኢማናይሲ፣ አሰቆርታ ዩሁዲ፣

5 «አይሰ ሃ ሸቶይ ሄዙ ፆቲ ዲናሬን ባይዙቲዲ፣ ሚሼይ ማንቆታሰ ኢማቴኔ?» ያገሰ።

6 ኢ ካይሶ ገዲዳ ገሾ ሄሳ ገሲፔ አቲን ማንቆታሰ ቃጴቲዲ ገቤና። ኢ ሚሼ ካርጻታ ኦይኬይሳ ገዲያ ገሾ ኡባ ዎዴ ኢያፔ ባው ኤኬሰ።

7 ዩሱሲ፣ «ኢያ ባው ደዒያባ ታ ሞኅ ገላሳሰ ማንጂዳ ገሾ ኢዮ አገገቲ።

8 ማንቆቲ ኡባ ዎዴ ሂንቴራ ዳና፣ ሸን ታኒ ኡባ ዎዴ ሂንቴራ ዳዒኬ» ያገሰ።

9 ሄ ዎዴ ዳሮ አሳይ ዩሱሲ ቢታኒያን ዳዒይሳ ሲጊዲ ያ ቢደሶና። ኤንቲ ዩሱሳ ፃላላ ገደናሽን ኢ ሃይቆፔ ዳንጤዳ አላዛራካ ቤዓናው ቢደሶና።

10 ሃሳ ገሾ፣ ካሂኔ ሃላቃቲ አላዛራካ ቃሲ ፆቆናው ማቄቲደሶና።

11 አይሰ ገኮ፣ አላዛራ ገሰን ዳሮ አይሁዳቲ ኤንታና ኢዲዲ ዩሱሳ አማናሶና።

ዩሱሲ ቦንቹን ዩሩሳላሜ ጌሊሰ (ማቶ 21:1-11፤ ማር 11:1-11፤ ሉቃ 19:28-40)

12 ዎንቴላ ገላሰ ፓሲካ ቦንቹያ ቤሳ ዩዳ ዳሮ አሳይ ዩሱሲ ዩሩሳላሜ ቤይሳ ሲጊዲ።

13 ዛምባ ሃይሴ ኤኪዲ ኢያ ሞካናው ኬዩደሶና። ባንታ ቃላ ቶቁ ኦላዲ፣

«ሆሳና! ፆሳይ ገላቲቶ!

ጎዳ ሱንጻን ዩይሲ አንጄቶ!

ፆሳይ ኢሰራጫሌ ካዉቆ አንጀ!» ያገደሶና።

14-15 ጌሻ ማፃፋን፣

«ደዮኔ ካታማው፣ ባቦፋ!

ሄኮ፣ ኔ ካዎይ ሃሬ ማራ ቦላ ኡቲዲ ዩሰ»

ጌቲቲዳይሳዳ ዩሱሲ ሃሬ ማሪ ዳሚዲ ኢያ ቶገሰ።

16 ዩሱሳ ታማሬቲ ሄሳ ካሴ አኬኪቦኮና። ሸን ዩሱሲ ቦንቹቲዳፔ ጉዬ ኤንቲ ሄሳ ኡባ አኬኪደሶና። ሄሲ ኡባይ ጌሻ ማፃፋይ ገዳይሳዳ ሃኒሰ።

17 ዬሱሲ አላዘራ ዲፎፔ ያገደ። ሃይቆፔ ዳገሉ ዳ ዋዴ ኢያራ ዳዲያ ዳር አሳይ ዬሱሳባ ማርካቴዶሶና።

18 ዳር አሳይ ኢያ ሞካናው ከዪዳይ፣ ኢ ሄ ማላታታ ኦሌዳይሰሳ ሲዲዳ ገሾሳ።

19 ሄሳ ገሾ፣ ፋሪሳዊቲ ኢሶይ ኢሱዋኮ፣ «ኑ አይኮካ አላናው ዳንዳዎናይሳ ቤዲቴ፤ ዳሬ ኡባይ ኢያ ካሌሰ» ያገደሶና።

20 ፓሲካ ቦንቼያ ጋለስ ሳይናናው ዬሩሳላሚ ቢዳይሳታ ገደን ኢሲ ኢሲ ገሪኬ አሳቲ ዳዎሶና።

21 ኤንቲ ጋለላ ቢታን ቤቴሳይዳ ካታማፔ ዪዳ ፊልጶሳኮ ቢዲ፣ «ሳዳው፣ ኑኒ ዬሱሳ ቤዳናው ኮዮሰ» ያገደሉ ዋሲደሶና።

22 ፊልጶሲ ቢዲ ኢንዲሪያሳስ ኦዲን ናምዳይ ቢዲ፣ ዬሱሳስ ኦዲደሶና።

23 ዬሱሲ ኤንታኮ፣ «አሳ ናዳይ፣ ቦንቼቲያ ዋዴይ ጋኪስ።

24 ታኒ ሂንቲው ቱማ ኦዲይስ፤ ኢሲ ገሰቲ አይፊይ ቢታን ዋዲዲ ዋቆና ኢዲኮ ባርካ አቲስ። ሺን ሄ ገሰቲ አይፊይ ዋቁኮ ዳር አይፊ አይፊስ።

25 ባ ሸምፑዋ ደሲያ ኦኒካ ዳይሴስ፤ ባ ሸምፑዋ ሃ አላሚያን ኢዲያ ኦኒካ ሜሪና ዳዎስ አሼስ።

26 ታኒ ዳዲያሱዋን ታራ ዳና ሜላ ታው ኦላናው ኮያ ኦኒካ ታና ካላናው ቤሴስ። ታው ኦሌያ ኦናካ ታ አዋይ ቦንቻና።

ዬሱሲ ባ ሃይቁዋባ ሲንላቲዲ ኦዲስ

27 «ሃዲ ታ ሸምፖይ ዳር ኤንዴቲስ፤ ያቲን ዋይ? ታ አዋው፣ ታና ሃ ሳቲፔ አሻርኪ» ያ? አካይ፣ ታኒ ዪዳይ ዋዬ ኤካናሳ።

28 ታ አዋው፣ ኔ ሱንላ ቦንቻ» ያገሰ።

ሄ ዋዴ ሳሎፔ፣ «ታኒ ታ ሱንላ ቦንቻስ፤ ዛራዳካ ቦንቻና» ያገያ ቃላይ ዪስ።

29 ሄ ቤሳን ኤቁዳ ዳር አሳይ ሄ ቃላ ሲዲዲ፣ «ሄሲ ዳዳ» ያገደሶና።

ሃራቲ ቃሲ፣ «ኪታንቸይ ኢያው ኦዲስ» ያገደሶና።

30 ዬሱሲ ዛሪዲ ኤንታኮ፣ «ሃ ቃላይ ሂንቲ ገሾ ዪሲፔ አቲን ታ ገሾ ገዴና።

31 ሃ አላሚይ ፒርዴቲያ ዋዴይ ሃዲ፤ ሃ አላሚያ ሃሪይሲ ሃዲ ካሪ ሆሌታና።

32 ቃሲ ታኒ ሳዓፔ ጶቁ ኦሴቲዳ ዋዴ አሳ ኡባ ታኮ ኤሃና» ያገሰ።

33 ኢ ሄሳ ገዳይ አይ ሜላ ሃይቆ ሃይቃኑ ኤንታው ቆንጨሳናሳ።

34 ዳር አሳይ ዛሪዲ፣ «ኑ ሂጌይ ኪሪስቶሲ ሜሪናው ዳዴይሳ ኦዴስ። ያቲን፣ ኔኒ ዋይጋዳ፣ ሳሳ ናዳይ ጶቁ ጋናው ቤሴስ» ጋይ? «ኢ፣ አሳ ናዳይ ኦኔ?» » ያገደሶና።

35 ዬሱሲ፣ «ፖይ ሂንቲራ ጉላ ዋዴ ጋምዳና። ሂንቲው ጶምና ሜላ ፖይ ዳዲሺን፣ ፖውዋን ሃሙቲ፣ ጶማን ሃሙቲያ አሲ አው ቢያኮ ኤሪና።

36 ፖይ ናይታ ገዳና ሜላ ፖይ ዳዲሺን ፖውዋ አማኒቴ» ያገሰ።

አይሁዴቲ አማኒቦኮና ዬሱሲ ሄሳ ኦዲዳፔ ጉዬ ቢዲ ኤንታፊ ጌሚስ።

37 ኢ ሄሳ ሜላ ማላታታ ኤንታ ሲንላን ኦሌንካ አማኒቦኮና።

38 ናቢያ አሳያሲ፣ «ሳዳው፣ ኑ ማርካቴላ ኦኒ አማኒዴ? ሳዳይ ባ ዋልቃ ኦዴስ ቆንጨሲዴ?»

ገዳይሲ ቱማ ገዳና ሜላ ኤንቲ ኢያ አማኒቦኮና።

39-40 ቃሲካ አሳያሲ፣ «ኤንታ አይፊይ ያሎና ሜላ፣

ኤንታ ዋዛናይ አኬኮና ሜላ፣

ኤንቲ ያሳኮ ሲሚን፣ ኢ ኤንታ ፓላና ሜላ፣

ያሳይ ኤንታ አይፊያ ቆቁሲስ።

ኤንታ ዋዛና ሚንሉስ»

ገዳ ገሾ ኤንቲ አማናናው ዳንዳዲቦኮና።

41 አሳያሲ ሄሳ ገዳይ፣ ዬሱሳ ቦንቼዋ ቤዲዳ ገሾኔ ኢያባ ኦዲዳ ገሾሳ።

42 ገዲኮካ፣ አይሁዴታ ሃላቃታፔካ ዳርቲ ዬሱሳ አማኒደሶና። ሺን ፋሪሳዊቲ ባንታና አይሁዴታ ዋሳ ኬሳፊ ኬሶሶና ገዲ ያዩዳ ገሾ አማኒዳ ገዲ ቆንጨኛን ማርካቴቦኮና።

43 ሄሳ ኤንቲ ኦሊዲይ፣ ያሳን ኤሬታናይሳፊ አሊዲ አሳን ኤሬታናይሳ ደሲዳ ገሾሳ።

44 ዩሱሲ ባ ቃላ ቶቁ አሊዲ፣ «ታና አማኒያ ኦኒካ ታና ከቲዳይሳካ አማኔስፔ ኦቲን ታ ዓላላ አማኔና።

45 ታና ቤዒያ ኦኒካ ታና ከቲዳይሳካ ቤዒስ።

46 ታና አማኒያ ኡባይ ቆማን ዶና ማላ ታኒ ፖፖ ገዳዳ አላሚያ ያሰ።

47 ታ ቃላ ሲዲዲ ከቲቶና ኦናካ ታኒ ፐርዲኬ። አይሰ ገቡ፣ ታኒ አላሚያ አሻናው ያሰፔ ኦቲን ፐርዳናው ያቢኬ።

48 ታና ኢዳይሳኔ ታ ቃላ ኤኮና ኦናካ ፐርዳይሲ ዳዒስ። ታኒ ኦዲዳ ቃላይ ወርሴላ ጋላሰ ሄ ኡራ ፐርዳና።

49 አይሰ ገቡ፣ ታኒ ሄሳ ታፔ ኦዲኬ፣ ሺን ታና ከቲዳ ታ አዋይ ታኒ ጋናይሳኔ ኦዳናይሳ ከቲስ።

50 ቃሲ ኢያ ከታይ ማሪና ዴፖ ገዳይሳ ታኒ ኤራይሰ። ሄሳ ገሾ፣ ታኒ ኦዲይሲ ታ አዋይ ታና ኦዳ ገዳይሳ» ያገሰ።

13

ዩሱሲ ባ ታማሪታ ቶሁዋ ማጨሰ

1 ፓሲካ ቦንቸያ ጋላሳይ ጋካናፔ ሲንላቲዲ ሃ አላሚያ አገዲ አዋኮ ቢያ ዋዴይ ጋኪዳይሳ ዩሱሲ ኤሪስ። ሃ አላሚያን ዴዒያ ባይሳታ ኡባ ዋዴ ደሲስ፤ ወርሴላ ጋካናወካ ኤንታ ደሲስ።

2 ዩሱሳራኔ ኢያ ታማሪታራ ኢሲፊ ካሆ ሞሶና። ሄሳፊ ካሴ ያላሄይ ሲሞና ናዓ አሰቆርታ ዩሁዲ ዩሱሳ አሊ ኢማናዳ ኢያ ዋዳናን ኢታ ቆፋ ዋሊስ።

3 ዩሱሲ አዋይ ኡባባ ኢያ ኩሺን ዋሊዳይሳ፣ ኢ ያሳ ማታፔ ዩዳይሳኔ ሲሚዲ ኢያኮ ባናይሳ ኤሪስ።

4 ዩሱሲ ገይታ ቦላፊ ዴንዲዲ ቦላ ባጋ ማዑዋ ቆሪ ዋሊዲ፣ ፖፖ ኤኪዲ ባ ያሳን ማርዳፊስ።

5 ሄሳፊ ጉዩ፣ ሃሌ ማቻ ማሾን ቲገዲ፣ ባ ታማሪታ ቶሁዋ ማጨሰ፤ ቃሲ ባ ያሳን ዳንጪዳ ፖፖን ቁቸስ።

6 ዩሱሲ ሲሞን ጳዳርሳኮ ያ ዋዴ ጳዳርሲ፣ «ጎዳው፣ ኔ ታ ቶሁዋ ማጨኔ?» ያገሰ።

7 ዩሱሲ ዛሪዲ ኢያኮ፣ «ታኒ ኦሊይሳ ኔ ሃዒ ኤራካ፣ ሺን ጉዩፔ ኦኬካና» ያገሰ።

8 ያቲን፣ ጳዳርሲ፣ «ኔ ታ ቶሁዋ ኡባራካ ማጨካ» ያገሰ።

ዩሱሲ ኢያኮ፣ «ታኒ ኔ ቶሁዋ ማጨና ኢዳኮ ኔወኔ ታው ኢሲፊቴላ ባዋ» ያገሰ።

9 ጳዳርሲ ዩሱሳኮ፣ «ጎዳው፣ ያቲኮ፣ ታ ቶሁዋ ያላላ ገደናሺን ታ ኩሺያኔ ታ ሁዒያ ማጨ» ያገሰ።

10 ዩሱሲ ዛሪዲ፣ «ቦላ ማጨቲዳ ኦኒካ ቶሆፔ ሃራባ ማጨታናው ኮሼና፤ ኢያው ኡባሶይ ገሺ። ሂንቲ ገሺ፣ ሺን ኡባይ ገሺ ገዴኬታ» ያገሰ።

11 ዩሱሲ ባና አሊ ኢማና ኡራይ ኦኔኮ ኤሪያ ገሾ «ሂንቲ ኡባይ ገሺ ገዴኬታ» ያገሰ።

12 ኤንታ ቶሁዋ ማጨዳፔ ጉዩ ዩሱሲ ባ ማዑዋ ዛሪ ማዒሰ። ሲሚ ገይታ ቦላ ኡቲዲ ኤንታኮ፣ «ታኒ ሂንቲው ኦሊዳይሳ ኦኬኬቲ?»

13 ሂንቲ ታና አሰታማሪኔ ጎዳ ጌታ፤ ታኒ ሂንቲ ጌይሳ ገዲያ ገሾ ሎፖ ገዴታ።

14 ታኒ ሂንቲው ጎዳኔ አሰታማሪ ገዳሼ ሂንቲ ቶሁዋ ማጨኮ ሂንቲካ ኢሶይ ኢሱዋሰ ሂሳዳ ኦላናው ቤሴስ።

15 ሃዛ፣ ታኒ ሂንቲው ኦሊዳይሳዳ ሂንቲካ ኦላና ማላ ሂንቲው ሌሚሶ ገዳሰ።

16 ታኒ ሂንቲው ቱማ ኦዳይሰ፤ አይሌይ ባ ጎዳፔ፣ ከቲቲዳይሰ ከቲዳይሳፊ አዴና።

17 ሂንቲ ሄሳ ኤራዲ ኦሊያባ ገዲኮ ኦንጃቲዳይሳታ።

18 «ታኒ ሂንቲና ኡባ ገኬ፤ ታኒ ዶሪዳይሳታ ኤራይሰ። ሺን ጌሻ ማፃፋን፣ ቲታ ባርሲዳይሲ ታ ኩሺያ ሳዲሰ፣ ጌቲቲዳይሲ ቱማ ገዳናው ቤሴስ።

19 ታኒ ታና ገዳይሳ ሂንቲ አማናና ማላ ሄሲ ሃናናፔ ሲንላታዳ ሂንቲው ኦዳይሰ።

20 ታኒ ሂንቲው ቱማ ኦዳይሰ፤ ታኒ ከቲዳ ኦናካ ሞኪያ ኡራይ ታና ሞኬስ። ታና ሞኪያ ኦኒካ ታና ከቲዳይሳ ሞኬስ» ያገሰ።

13:12 ሉቃ 22:27 13:16 ማቶ 10:24፤ ሉቃ 6:40፤ የሃ 15:20 13:18 ማዘ 41:9
13:20 ማቶ 10:40፤ ማር 9:37፤ ሉቃ 9:48፤ 10:16

ዩሱሲ ባና አላ ኢማናይ ኦኔኮ ኮይርቲዲ ኦዲሰ (ማቶ 26:20-25፤ ማር 14:17-21፤ ሉቃ 22:21-23)

21 ዩሱሲ ሄሳ ኦዲዳፔ ጉዬ ባ ዋዛናን ዳር ኦንዴቲዲ፡ «ታኒ ሂንቲው ቱማ ኦዲይሰ፤ ታና ሂንቲፌ ኢሶይ አላ ኢማና» ገዲ ቆንጨሲዲ ኦዲሰ።

22 ኢ ኦዳባ ኦዲያኮ ኢያ ታማሬታሰ ኤሬቶና ኢዳን ኢሶይ ኢሱዋ ያሊዶሶና።

23 ኢያ ታማሬታፔ ኢሶይ፡ ዩሱሲ ደሴይሲ፡ ዩሱሳ ማታን ኡቲሰ።

24 ሄሳ ገሾ፡ ሲሞን ጳዳርሲ ኢያ ቃሞፖቲዲ፡ «ኢ ኦና ገያኮ ኣኔ ኦይቻ» ያገሰ።

25 ሄሳ ገሾ፡ ሄ ታማሬይ ዩሱሳኮ ሸቂዲ ሃይላን፡ «ጎዳው፡ ኢ ኦኔ?» ያገሰ።

26 ዩሱሲ ዛሪዲ፡ «ታኒ ኡይላ ዋዳን ቱሻዳ ባርሴይሳ» ያገሰ። ቃሲ ኡይላ ማንሳ ኤኪዲ፡ ዋዳን ቱሺዲ፡ ሲሞና ናባ ኣሰቆርታ ዩሁዳ ባርሲሰ።

27 ዩሁዲ ኡይላ ባሪዳፔ ጉዬ ዓላሃይ ሶሁዋራ ዩሁዳን ገሊሰ። ዩሱሲ ኢያኮ፡ «ኔኒ ኦላናው ቆፒዳባ ኤሌሳዳ ኦላ» ያገሰ።

28 ሺን ገይታ ቦላ ኡቲዳይሳታፔ ኦኒካ ዩሱሲ ሄሳ ኣይሰ ኢያኮ ገዳኮ ኤሪቤና።

29 ዩሁዲ ሚሼ ኦይኪያ ገሾ ኢያ ታማሬታፔ ኢሶቲ ኢሶቲ ዩሱሲ ኢያ፡ «ፓሲካ ቦንቼያ ገላሳሰ ባንታው ኮሺያባ ሻማ ዋይኮ ማንቆታሰ ሙፃታ ኢማ ገሰ» ያገዲ ቆፒዳሶና።

30 ዩሁዲ ኡይላ ባሪዳ ማላ ሶሁዋራ ካሬ ኮዩሰ። ሄ ዋዳ ሳሪ ቃማ።

ኦራላ ኪታ

31 ዩሁዲ ካሬ ኮዩዳፔ ጉዬ፡ ዩሱሲ፡ «ሃዲ ኣሳ ናባይ ቦንቼቲሰ፤ ያሳይካ ኢያ ባገራ ቦንቼቲሰ።

32 ያሳይ ኢያ ባገራ ቦንቼቲኮ ኢ ባ ሁዒን ኣሳ ናባ ቦንቻና፤ ቃሲ ኢ ሄሳ ኤሌሲዲ ኦላና።

33 ታ ናይቶ፡ ታኒ ሂንቲራ ዳር ዋዳ ገምዒኤ። ሂንቲ ታና ኮያና፡ ሺን ታኒ ኣይሁዳታሰ ኦዲዳይሳ ማላ፡ «ሂንቲ ታኒ ቢያሱዋ ባናው ዳንዳዒኬታ።»

34 ታኒ ሂንቲው ኢሚያ ኦራላ ኪታይ ሃይሳ፤ ኢሶይ ኢሱዋ ደሲቲ። ታኒ

ሂንቲና ደሲዳይሳዳ ሂንቲ ኢሶይ ኢሱዋ ደሳናው ቤሴሰ።

35 ሂንቲ ኢሶይ ኢሱዋራ ደሴቲኮ ሂንቲ ታ ታማሬ ገዳይሳ ኣሳ ኡባይ ኤራና» ያገሰ።

ጳዳርሲ ካዳናይሳ ዩሱሲ ኮይርቲዲ ኦዲሰ

(ማቶ 26:31-35፤ ማር 14:27-31፤ ሉቃ 22:31-34)

36 ሲሞን ጳዳርሲ ዩሱሳኮ፡ «ጎዳው፡ ኔኒ ኣው ባይ?» ያገሰ።

ዩሱሲ ዛሪዲ፡ «ታኒ ቢያሱዋ ኔኒ ሃዲ ካላናው ዳንዳዒካ፡ ሺን ጉዬፔ ታና ካላና» ያገሰ።

37 ጳዳርሲ፡ «ጎዳው፡ ታኒ ኔና ሃዲ ካላናው ኣይሰ ዳንዳዒኪና? ታኒ ኔ ገሾ ሃይቃናዉካ ገጋ ኡታሰ» ያገሰ።

38 ዩሱሲ ኪሪዲ፡ «ታ ገሾ ሃይቃናው ቱማ ገጋ ኡታዲ? ታኒ ኔው ቱማ ኦዲይሰ፤ ኩቶይ ዋሳናፔ ሲንላ ኔኒ ታና ሃሹ ቶሆ ካዳና» ያገሰ።

14

ዩሱሲ ኣዋኮ ኤፊያ ኦጌ

1 ዩሱሲ ባ ታማሬታኮ፡ «ሂንቲ ዋዛናይ ኡንዴቶፎ፡ ያሳ ኣማኒቲ፡ ታናካ ኣማኒቲ።

2 ታ ኣዋ ኬላን ዳር ቤሲ ዳዔሰ። ታኒ ሂንቲው ቤሴ ገሲላናው ባይሰ። ሄሳ ገደናኮ ታኒ ሂንቲው ኦዲኬሺን።

3 ታኒ ባዳ ቤሴ ገሲሲዳፔ ጉዬ ታኒ ዳዒያሱዋን ሂንቲ ዳና ማላ ሲማ ያዳ ሂንቲና ታኮ ኤፋና።

4 ሂንቲ ታኒ ቢያሱዋ ኤፊያ ኦጌያ ኤሬታ» ያገሰ።

5 ያቲን፡ ቶማሲ፡ «ጎዳው፡ ኔኒ ቢያሱዋ ኔኒ ኤርኮ፤ ኦጌያ ዋቲዲ ኤራናው ዳንዳዒኔ?» ያገሰ።

6 ዩሱሲ ዛሪዲ፡ «ኦጌይ፡ ቱማይኔ ዳይይ ታና። ታ ባገራ ገደና ኢዳኮ ኦኒካ ታ ኣዋኮ ባናው ዳንዳዒና።

7 ሂንቲ ታና ኤሬያባ ገዲያኮ፡ ታ ኣዋካ ኤራና። ሺን ሃዛፔ ደሚዲ ሂንቲ ኢያ ኤሬታኔ ኢያ ቤዒዴታ» ያገሰ።

8 ሴልጳሲ ዩሱሳኮ፡ «ጎዳው፡ ኣዋ ኦና ቤሳ፤ ሄሲ ኦሰ ገዳና» ያገሰ።

9 ዩሱሲ ዛሪዲ፡ «ታኒ ሃይሳ ማላ ዋዳ ሂንቲራ ዳዒንካ ታና ኤሪኪ? ታና ቤዒዳ ኡራይ ኣዋካ ቤዒሰ። ያቲን፡ ኔኒ ዋይጋዳ፡ «ኣዋ ኦና ቤሳ» ገይ?

10 ታኒ አዋራ ኢሲኖ ገዴይሳኔ አዋይካ ታራ ኢሲኖ ገዴይሳ ነኒ አማኒኪዬ? ታኒ ሂንቴው ኦዲያ ቃላ ታኒ ታፔ ኦዲኪኔ። ሽን ታናን ዴዲያ አዋይ ባ ኦሱዋ ኦሌስ።

11 ታኒ አዋን ዴዲይሳኔ አዋይካ ታናን ዴዲይሳ አማኒቲ። ሄሳ አማኖና ኢዲኮ ታ ኦሌያባታን ታና አማኒቲ።

12 «ታኒ ሂንቴው ቱማ ኦዲይሰ፤ ታና አማኒያ ኦራይ ታኒ ኦሌያ ኦሱዋፔ ኦዲያ ኦሱ ኦላፍ። ታኒ አዋኮ ቢያ ገሾ ታና አማኒያ ኦኒካ ሃይሳፌ ኦዲያ ኦሱ ኦላፍ።

13 አዋይ ናዓ ባጋራ ቦንቹታና ማላ ታ ሱንላን ሂንቴ ዋሲያ ኡባ ታ ሂንቴው ኦላፍ።

14 ታ ሱንላን አይቢባካ ሂንቴ ኦይቹኮ ታ ሂንቴው ኦላፍ።

ዬሱሲ ጌሻ አያና አማኖው ቃላ ጌሊሰ

15 «ሂንቴ ታና ደሲኮ ታ ከታ ናጋና።

16 ታኒ አዋ ዋሳና፤ ሂንቴራ ማሪናው ዳና ማላ ማንሌሌይሳ ሂንቴው አማና።

17 ሄ አያናይ ያሳ ቱማ ቆንጨሴስ። ሃ አላሚያ አሳይ ኢያ ቤያና ገሾኔ ኤሮና ገሾ ኢያ ኤካናው ዳንዳዎና። ሽን ኢ ሂንቴራ ዴዲያ ገሾኔ ሂንቴ ገደን ዳና ገሾ ሂንቴ ኢያ ኤሬታ።

18 «ታኒ ሂንቴና አያ አጫ ባይና ናዓዳ ሂንቴ ያላላ አገኪ፤ ሲማዳ ሂንቴኮ ያና።

19 ጉላ ዋዴፔ ጉዬ አላሚይ ታና ዛሪ ቤዔና፤ ሽን ሂንቴ ቤዓና። ታኒ ዴዲያ ዴዲያ ገሾ ሂንቴካ ዴዲያ ዴዲያ።

20 ታኒ ታ አዋን፤ ሂንቴ ታናን፤ ቃሲ ታኒ ሂንቴናን ዴዲይሳ ሂንቴ ሄ ጋላሰ ኤራና።

21 «ታ ከታ ኤኪዲ ናጌይ ታና ደሴስ። ታና ደሴይሳ ታ አዋይካ ደሴስ፤ ታኒካ ኢያ ደሳይሰ፤ ታኒ ኢያው ቆንጨና» ያገሰ።

22 አሰቆርታ ዪሁዳ ገደና ዪሁዳ ዬሱሳኮ። «ጎዳው፤ ነኒ ዋታዳ አላሚያሰ ገደናሽን ኦሰ ኔና ቆንጨሳኔ?» ያገሰ።

23 ዬሱሲ ዛሪዲ፤ «ታና ደሴያ ኦኒካ ታ ቃላሰ ከቲታና። ታ አዋይ ኢያ ደሳና። ቃሲ ታ አዋይኔ ታኒ ኢያኮ ዪዲ ኢያራ ዳና።

24 ታና ደሴና ኦኒካ ታ ቃላሰ ከቲቲና። ሂንቴ ሰሲያ ቃላይ ታና ከቲዳ አዋባፔ ኦቲን ታባ ገዴና።

25 «ታኒ ሂንቴራ ሃዒ ዴዳሽ ሄሳ ሂንቴው ኦዲስ።

26 ሽን አዋይ ታ ሱንላን ከታና ማንሌሌያ ጌሻ አያናይ፤ ሂንቴና ኡባባ ታማርሳና። ታኒ ሂንቴው ኦዲዳ ኡባ ኢ ሂንቴና ሃሳዪሳና።

27 «ሳሮቴሌ ሂንቴው አማና። ታኒ ታ ሳሮቴላ ሂንቴው አማና። ታ አሚያ ሳሮቴላይ አላሚይ አሚያ ሳሮቴላ ማላ ገዴና። ሄሳ ገሾ፤ ኦንዔቶሬቴ፤ ያዮሬቴ።

28 «ታኒ ባና፤ ሽን ሲማዳ ሂንቴኮ ያና። ገዴይሳ ሰሲዴታ። ሂንቴ ታና ቱማ ደሴያባ ገዴያኮ ታ አዋይ ታፔ ኦዲያ ገሾ ታኒ ኢያኮ ቤይሳን ሂንቴ ኡፋይታና።

29 ሄሲ ሃኒያ ዋዴ ሂንቴ አማናና ማላ ሄሲ ሃኖና ዴዲሽን ሲንላታዳ ታኒ ሂንቴው ኦዲስ።

30 «ሃ አላሚያ ሃሬይሲ ያ ገሾ ሃዛፔ ጉዬ ሂንቴራ ዳሮ ኦዴቲኬ። ታና ኢ አይኮካ ኦላፍው ዳንዳዔና።

31 ሽን ታኒ አዋ ደሴይሳ አላሚይ ኤራና ማላ ታ አዋይ ታና ከቲዳይሳ ኡባ ኦላይሰ። ዴንዲቲ፤ ሃይሳፌ ቦሰ።

15

ዋይኒያ ቱማ ኡባይ ዬሱሳ

1 «ታኒ ዋይኒያ ቱማ ኡባ። ጎሻንቾይ ታ አዋ።

2 ታ ቦላ ዴዲያ አይፌ አይፎና ታሺያ ኡባ ኢ ካሬስ። አይፊያ ታሺያ ካሴይሳፌ ኦዲ አይፋና ማላ ሄ ታሺያ ኢ ገረሳና።

3 ታኒ ሂንቴው ኦዲዳ ቃላ ገሾ ሂንቴ ጌሽ።

4 ታናን ዴዲቲ፤ ታኒካ ሂንቴናን ዴዲያ። ዋይኒያ ታሺይ ኡባራ ዴዲያ ኢዲኮ ሄ ታሺይ ባርካ አይፌ አይፋናው ዳንዳዔና። ሄሳዳካ፤ ሂንቴካ ታናን ዴዲያ ኢዲኮ አይፌ አይፋናው ዳንዳዔኪታ።

5 «ታኒ ዋይኒያ ኡባ፤ ሂንቴ ታሺታ። ታናን ዴዲይሰኔ ታኒ ኢያን ዴዲይሰ። ኢ ዳሮ አይፌ አይፋና። ታ ባይና ሂንቴ ያላላ አይኮካ ኦላፍው ዳንዳዔኪታ።

6 ታናን ደና ኡራይ ታሺዳ ካሬን ዬገቲዲ ማላና። ሄሳ ማላ ታሺቲ ሸቁዲ ታማን ዬጌታና፤ ፀጌታና።

7 ሂንቴ ታናን ዴዲኮ፤ ታ ቃላይካ ሂንቴናን ዴዲኮ፤ ሂንቴ ኮያባይ አይባ ገዴኮካ ዋሰቲ፤ ሂንቴ ኤካና።

8 ሂንቴ ዳሮ አይፌ አይፊያ ታ ታማራ ገዴኮ፤ ሄሳን ታ አዋይ ቦንቹታና።

9 አዋይ ታና ደሴይሳዳ ታኒካ ሃንቴና ደሳይሰ፤ ታ ሲቁዋን ዳዊቴ።

10 ታኒ ታ አዋ ከታ ናጋዳ ኢያ ሲቁዋን ዳዊቴይሳዳ ሃንቴካ ታ ከታ ናጊኮ ታ ሲቁዋን ዳና።

11 «ታ ኡፋይሳይ ሃንቴናን ገዳና ማላኔ ሃንቴ ኡፋይሳይ ፖሎ ገዳና ማላ ታኒ ሃንቴው ሃሳ ኦዳሰ።

12 ታ ከታይ ሃይሳ፤ ታኒ ሃንቴና ደሴይሳዳ ሃንቴካ ኢሶይ ኢሱዋ ደሴቴ።

13 ባ ሸምጥዋ ባ ላጊያሰ አሌዲ ኢሜይሳፌ አዲያ ገታ ሲቆይ ባዋ።

14 ታኒ ሃንቴና ከቲዳባ ኡባ አሊኮ ሃንቴ ደሴቴዳይሳታ።

15 «አይሌይ ባ ጎዳይ አሊያባ ኤርና ጊሾ ታኒ ሃንቴና ሃዛፔ ጉዬ አይሌታ ጊኬ። ሺን ታ አዋፔ ሲዲዳ ኡባ ታኒ ሃንቴው ኦዲዳ ጊሾ ሃንቴና ደሴቴዳይሳታ ጋሰ።

16 ታኒ ሃንቴና ደራሲፔ አቲን ሃንቴ ታና ደሪቤኬታ። ሃንቴ ቢዲ ጳዮና አይፌ አይፋና ማላ ታኒ ሃንቴና ሹማሰ። ያኒኮ ታ አዋይ ሃንቴ ታ ሱንላን ዋሲዳባ ኡባ አማና።

17 ታ ከታይ ሃይሳ፡ ኢሶይ ኢሱዋ ደሴቴ።

ዬሱሲ አላሜይ ኢፃናይሳ ኦዲሰ

18 «አላሜይ ሃንቴና ኢግኮ ኮይርቲዲ ታና አጻዳይሳ አኬከቴ።

19 ሃንቴ አላሚያባ ጊዲያኮ አላሜይ ባባዳ ሃንቴና ደሳና። ሺን ታኒ ሃንቴና አላሜፔ ደሪዳ ጊሾኔ ሃንቴ አላሚያባ ገዳና ጊሾ አላሜይ ሃንቴና ኢጻሰ።

20 ሳይሌይ ባ ጎዳፔ አዴና ጋዳ ታኒ ሃንቴው ኦዲዳይሳ አኬከቴ። ኤንቴ ታና ጎዲዳባ ገዲኮ ሃንቴናካ ጎዳና። ኤንቴ ታ ቃላ ናጊዳባ ገዲኮ ሃንቴ ቃላካ ናጋና።

21 ሺን ኤንቴ ታና ከቲዳይሳ ኤርና ጊሾ ሃ ኡባ ታ ጋሶን ሃንቴ ቦላ ኦላና።

22 ታኒ ያዳ ኦዳናባ ገዲያኮ ኤንታው ናጋራ ገዳና። ሺን ሃዲ ኤንቴ ኦሊዳ ናጋራሰ ጋሶያባይ ባዋ።

23 ታና ኢጻይሲ ታ አዋካ ኢጻሰ።

24 ኦኒካ ኦሊቦና ኦሶ ታ ኤንታ ገደን ኦላቦናባ ገዲያኮ ኤንታው ናጋራ ገዳና አታና። ሺን ሃዲ ኤንቴ ታኒ ኦሊዳ ኦሶዋ ቤዲዲ ታናካ ታ አዋካ ኢጻደሶና።

25 ሺን ኤንታ ሃጊያን፡ ታና ጮ ኢጻደሶና ጌቴቲዲ ፃፌቲዳይሲ ፖሌታና ማላ ሄሲ ሃኒሰ።

26 «አዋፔ ያ ቱማ ቆንጨሲያ አያና ታ ሃንቴው ከታና። ኢ ሃንቴና ሚንጫላና፡ ታባ ማርካታና።

27 ሃንቴካ ኮይርፔ ደሚዲ ታራ ዳዲያ ጊሾ ታባ ማርካታና።

16

1 «ታኒ ሃሳ ሃንቴ አማኖይ ጳዮና ማላ ሃንቴው ኦዳሰ።

2 ኤንቴ ሃንቴና አይሁዴ ዋሳ ኬላታፔ ኬሲ ዬዳና። ሃሳዳካ፡ ሃንቴና ዋዲያ ኦኒካ ያሲ ኮያባ ኦሊያ ዳኒያ ዋዴይ ያና።

3 ኤንቴ ሃሳ ሃንቴ ቦላ ኦሊይ ታና ዋይኮ አዋ ኤርና ጊሾሳ።

4 ሺን ኤንቴ ሃሳ ሃንቴ ቦላ ኦሊያ ዋዴይ ጋኪያ ዋዴ ታኒ ሃንቴው ኦዲዳይሳ ሃንቴ አኬካና ማላ ታኒ ሃንቴው ሃይሳ ኦዳሰ።

ጌሻ አያና ኦሶዋ
«ሲንላታዳ ታኒ ሃይሳ ሃንቴው ኦዳና ጋምዲይ ታ ሃንቴራ ዳዲያ ጊሾሳ።

5 ሺን ሃዲ ታኒ ታና ከቲዳይሳኮ ባይሰ፤ ሃንቴፌ ኦኒካ፡ (ላጫ ባይ?) ገዲ ታና ኦይቼይ ባዋ።

6 ሺን ታኒ ሃሳ ኦዲዳ ጊሾ ሃንቴ ዋዛናን ዳር አዛኖይ ዳዴሰ።

7 ሺን ታኒ ሃንቴው ቱማ ኦዳይሰ፤ ታኒ ቢኮ ሃንቴው ሎዎ። አይሰ ጊኮ፡ ታኒ ቦና ኢጻኮ ሚንጫይሲ ሃንቴኮ ዬና። ሺን ታኒ ቢኮ ኢያ ሃንቴኮ ዬዳና።

8 ሚንጫይሲ ዪዲ፡ ናጋራባ፡ ጻሎቴላባኔ ፒርዳባ ሃ አላሚያ አሳ ኤሪሳና።

9 ናጋራባይ፡ አሳይ ታና አማኖና ጊሾሳ።

10 ጻሎቴላባይ፡ ታኒ አዋኮ ቢያ ጊሾኔ ሃንቴ ታና ዛሪ ቤዎና ጊሾሳ።

11 ፒርዳባይ፡ ቃሲ አላሚያ ሃራይሲ ፒርዳታዳ ጊሾሳ።

12 «ታኒ ሃንቴው ኦዲያባይ ዳርባይ ዳዴሰ፡ ሺን ሃዲ ሃንቴው ጌሌና።

13 ቱማ አያናይ ያ ዋዴ ሃንቴና ቱማቴላ ኡባኮ ካሌላና። ኢ ሲዲዳባ

አዳሲቴ አቲን ባቴ አይቢባካ ኦዳና።
ቃሲ ሲንገሳፊ ያናባ ሂንቲው ኢ ኦዳና።

14 ኢ ታው ዳዔይሳፊ ኤኪዲ ሂንቲው ኦዲያ ገሾ ኢ ታና ቦንቻና።

15 አዋሰ ዳዔያባ ኡባይ ታባ፤ ለሚንገሳይሲ ታው ዳዔይሳፊ ኤኪዲ ሂንቲው ኦዳና። ታኒ ገዳይ ሄሳሳ።

ሂንቲ አዛናይ ኡፋይሳን ላሚታና

16 «ጉላ ዋዴፕ ጉዬ ታና ቤዔኬታ፤ ቃሲ ጉላ ዋዴፕ ጉዬ ሂንቲ ታና ቤዓና» ያገሰ።

17 ኢያ ታማራታፕ ኢሶቲ ኢሶቲ ባንታ ገደን። «ጉላ ዋዴፕ ጉዬ ሂንቲ ታና ቤዔኬታ፤ ቃሲ ጉላ ዋዴፕ ጉዬ ሂንቲ ታና ቤዓና፤ ቃሲካ ታኒ አዋኮ ባይሰ ጉሳይ ዋይ ጉሴ?» ያገደሰና።

18 «ጉላ ዋዴፕ ጉዬ ጌይሲ ዋይ ጉሴ? ኢ አይ ኦዴቲያኮ ኮሰ ኤሬቴና» ያገደሰና።

19 ኤንቲ ባና አይቻናው ኮይይሳ ዩሱሲ ኤሪዲ። «ታኒ፣ ጉላ ዋዴፕ ጉዬ ታና ቤዔኬታ፤ ቃሲ ጉላ ዋዴፕ ጉዬ ሂንቲ ታና ቤዓና። ገዳይሳሰ ሂንቲ ኢሶይ ኢሶቶ አይቸቲ?»

20 ታኒ ሂንቲው ቱማ ኦዳይሰ፤ ሂንቲ ዩካናኔ አፋፃና። ሺን ሃ አላሚይ ኡፋይታና። ሃዒ ሂንቲ አዛናና። ሺን ሂንቲ አዛናይ ኡፋይሳን ላሚታና።

21 ኢሲ ማጫሲያ ናባ ዩላና ሃኒያ ዋዴ ባ ዩሎ ዋዴይ ጋኪዳ ገሾ ሂርጋዉሱ። ሺን ናባ ዩሊዳፕ ጉዬ ናዒ ሃ አላሚያን ዩሊቲዳ ኡፋይሳ ገሾ ባ ኡንባ ደጋዉሱ።

22 ሄሳዳካ፣ ሂንቲካ ሂንቲ ዋዛናን አዛኔታ። ሺን ታኒ ሂንቲና ዛራዳ ቤዓና። ሂንቲ ዋዛናይ ላር ኡፋይታና፤ ሄ ኡፋይሳ ኦኒካ ሂንቲፊ ኤኬና።

23 «ሄ ጋላሰ ሂንቲ ታና አይቢባካ ዋሴኬታ። ታኒ ሂንቲው ቱማ ኦዳይሰ፤ ሂንቲ ታ ሱንገን ዋሲያባ ኡባ አዋይ ሂንቲው አማና።

24 ሃዒ ጋካናው ታ ሱንገን አይቢባካ ዋሲኬታ። ሂንቲ ኡፋይሳይ ፖሎ ገዳና ሚላ ያሳ ዋሲቴ፤ ሂንቲ ኤካና።

25 «ታኒ ሃዒ ጋካናው ሂንቲው ለሚሶን ኦዳሰ። ሂዛፕ ታኒ ለሚሶን ኦዳና ዋዴይ ያና። ሺን አዋባ ታኒ ሂንቲው ቆንጩን ኦዳና።

26 ሄ ጋላሰ ሂንቲ ታ ሱንገን አዋ ዋሳና፤ ሂንቲ ገሾ ታኒ አዋ ዋሲኬ።

27 አይሰ ገኮ፣ አዋይ ባ ሁዔን ሂንቲና ደሴሰ። ሂንቲ ታና ደሴያ ገሾኔ

ታኒ አዋ ማታፕ ዩዳይሳ አማኒዳ ገሾ ኢ ሂንቲና ደሴሰ።

28 ታኒ አዋ ማታፕ ሃ አላሚያ ያሰ፤ ቃሲ አላሚያ አጋዳ አዋኮ ባና» ያገሰ።

29 ኢያ ታማራቲ ዛሪዲ። «ሄኮ፣ ሃዒ ኔኒ ቆንጩን ኦዳሳ፤ ለሚሶን አይኮካ ኦዳካ።

30 ኔኒ ኡባባ ኤሬይሳ ኦኒ ሃዒ ኤርሰ፤ ቃሲ ኔና ኦኒካ አይቻና ሚላ ኔኒ ኮያካ። ሄሲ ኦና ኔኒ ያሳፊ ኪቴቲዳይሳ አማንገሳ» ያገደሰና።

31 ያቲን፣ ዩሱሲ ዛሪዲ ኤንታኮ። «ሃዒ አማኔቲ?»

32 ሄኮ፣ ሂንቲ፣ ሂንቲ ሶ ሂንቲ ሶ ላሊቲያ ዋዴይኔ ታ ፃላላ ዩጊ አጊዲ ባቃቲያ ዋዴይ ያና፤ ሃዒካ ዩኪቸሰ። ሺን አዋይ ታራ ዳዒያ ገሾ ታ ታ ፃላላ ገዲኬ።

33 ሂንቲ ታራ ዳዒሼ ሳርይ ሂንቲው ዳና ሚላ ታኒ ሄሳ ኦዳሰ። አላሚን ዳዒሼ ሂንቲ ዋይታና። ሺን ሚኒቴ፤ ታኒ አላሚያ ያናሰ» ያገሰ።

17

ዩሱሳ ዋሳ
1 ዩሱሲ ሄሳ ኦዲዳፕ ጉዬ ፑዴ ሳሎ ፃሊዲ፣ ሃይሳዳ ያገሰ። «አዋው፣ ሳቴይ ጋኪሰ፤ ኔ ናባይ ኔና ቦንቻና ሚላ ኔኒ ኔ ናባ ቦንቻ።

2 ኔኒ ኢያው አሚዳ ኡባሰ ኢ ሚሪና ደዑዋ አማና ሚላ አሳ ኡባ ቦላ ኢያው ማታ አማዳሳ።

3 ሚሪና ዳይይ፣ ኔና፣ ኢሲ ቱማ ያሳኔ ኔ ኪቲዳ ዩሱሰ ኪሪሰቶሳ ኤር።

4 ኔኒ ታ ኦላና ሚላ አሚዳ ኦሱዋ ፖላዳ ኔና ሳባን ቦንቻሰ።

5 ሃዒካ፣ አዋው፣ አላሚይ ሚዴታናፕ ሲንገሌ ኔ ማታን ታው ዳዒያ ቦንቸዋን ታና ቦንቻ።

6 «አላሚያ አሳፕ ኔኒ ታው አሚዳይሳታ ኔና ኤሪሳሰ። ኤንቲ ኔይሳታ፤ ኔኒ ኤንታ ታው አማዳሳ። ኤንቲ ኔ ቃላሰካ ኪቴቲዳሰ።

7 ኔኒ ታው አሚዳ ኡባባይ ኔፕ ዩዳይሳ ኤንቲ ሃዒ ኤርሶና።

8 ኔኒ ታው አሚዳ ቃላ ታኒ ኤንታው አማሰ፤ ኤንቲካ ሄ ቃላ ኤኪደሶና። ታኒ ኔ ማታፕ ዩዳይሲ ቱማ ገዴይሳ ኤሪዲ ኔኒ ታና ኪቲዳይሳካ አማኒዳሰና።

9 «ታኒ ኤንታው ዋሳይሰ። ኤንቲ ኔይሳታ ገዲያ ገሾ ኔኒ ታው አሚዳ አሳሰ ዋሳይሲፕ አቲን አላሚያሰ ዋሲኬ።

10 ታው ዳዒያ ኡባባይ ኔባ፤ ኔው ዳዒያ ኡባይካ ታባ። ታኒ ኤንታ ባጋራ ቦንቹታሰ።

11 ታኒ ሃዘፔ ጉዬ አላሜን ዳዒኬ፤ ኤንቲ አላሜን ዳዖሶና። ታኒ ሃዒ ኔኮ ባይሰ። ጌሻ አዋው፣ ሃ ኔኒ ታው አሚዳይሳቲ ኔራኔ ታራ ኢሲኖ ጊዲዳይሳዳ ኤንቲ ኢሲኖ ጊዳና ሜላ ኤንታ ኔ ታው አሚዳ ኔ ሱንሳን ናጋ።

12 ታኒ ኤንታራ ሳባን ዳዓሼ፣ ኔ ታው አሚዳ ኔ ሱንሳ ዋልቃን ኤንታ ናጋሰ። ጌሻ ማፃፋይ ጊዳይሲ ፖሊታና ሜላ ጳዮይ ቤሲያ ኡራፔ ኣቲን ኤንታፊ ሃሪ ኔኒካ ጳዪቤና።

13 «ሃዒ ታኒ ኔኮ ባይሰ። ታ ኡፋይሳይ ኤንታ ዋዛናን ፖሎ ጊዳና ሜላ ሃይሳ ታኒ አላሜን ዳዓሼ ኦዳይሰ።

14 ታኒ ኤንታው ኔ ቃላ አማሰ። ታኒ አላሜፔ ጊዳናይሳዳ፣ ኤንቲካ አላሜፔ ጊዳና ጊሾ አላሜይ ኤንታ አዲሰ።

15 ኔኒ ዓላሃፔ ኤንታ ናጋና ሜላፔ ኣቲን አላሜፔ ኬሳና ሜላ ዋሲኬ።

16 ታኒ አላሜፔ ጊዳናይሳዳ ኤንቲካ አላሜፔ ጊዳኮና።

17 ኔኒ ኔ ቱማቲላን ኤንታ ኔባ ኦላ፤ ኔ ቃላይካ ቱማ።

18 ኔኒ ታና አላሚያ ከቲዳይሳዳ ታኒካ ኤንታ አላሚያ ከታሰ።

19 ቃሲ ኤንቲ ቱማ ኔባ ጊዳና ሜላ ኤንታ ጊሾ ታኒ ታ ሁዒያ ኔው አማይሰ።

20 «ታኒ ኤንታ ዓላላሰ ጊዳናሽን ኤንቲ ቃላ ኦዲን፣ ታና አማናይሳታሰካ ዋሳይሰ።

21 ኤንቲ ኡባይ ኢሲኖ ጊዳና ሜላ ታኒ ዋሳይሰ። አዋው፣ ኔ ታናን ዳዒይሳዳ፣ ቃሲ ታ ኔናን ዳዒይሳዳ ኤንቲ ኔናን ዳና ሜላ ዋሳይሰ። ሄ ዋይ ኔኒ ታና ከቲዳይሳ አላሜይ አማና።

22 ኔኒኔ ታኒ ኢሲኖ ጊዳይሳዳ፣ ኤንቲ ኢሲኖ ጊዳና ሜላ፣ ኔኒ ታና ቦንቹዳይሳዳ፣ ታኒካ ኤንታ ቦንቻሰ።

23 ታኒ ኤንታን፣ ኔኒ ታናን ዳዒይሳዳ ኤንቲ ፖሎ ኢሲኖ ጊዳና ሜላ ኔና ዋሳይሰ። ሄሲካ፣ ኔ ታና ከቲዳይሳኔ ኔ ታና ደሲዳ ደሱዋን ኤንታ ደሲዳይሳ አላሜይ ኤራን ሜላሳ።

24 «አዋው፣ ኔኒ ታው አሚዳይሳቲ ታኒ ዳዒያሱዋን ታራ ዳና ሜላ ኮያይሰ። አላሜይ ሜዴታናፔ ሲንፊ

ኔኒ ታና ደሲዳ ጊሾ ታው አሚዳ ታ ቦንቹዋ ኤንቲ ቤናና።

25 «ጌሻ አዋው፣ አላሜይ ኔና ኤራና፣ ሽን ታኒ ኤራይሰ። ቃሲ ኔኒ ታና ከቲዳይሳ ሃይሳቲ ኤሮሶና።

26 ኔኒ ታና ሲቁዳ ሲቆይ ኤንታናን ዳና ሜላ፣ ቃሲ ታኒ ኤንታናን ጊዳና ሜላ፣ ታኒ ኔ ሱንሳ ኤንታ ኤሪሳሰ፤ ሲንሳሰካ ኤሪሳና» ያገሰ።

18

ዬሱሳ አይኬቴላ
(ማቶ 26:47-56፤ ማር 14:43-50፤ ሉቃ 22:47-53)

1 ዬሱሲ ዋሳ ኦንጊዳፔ ጉዬ ባ ታማሪታራ ቁዲሮና ዛንጋራ ፒኒዲ፣ ሄ ቤሳን ዳዒያ ኣታኪልቲያ ጊዳ ጌሊደሶና።

2 ዬሱሲ ኡባ ዋይ ባ ታማሪታራ ያን ሸቁያ ጊሾ ዬሱሳ አላ አሚዳ ዪሁዲ ሄ ቤሳ ኤራሰ።

3 ሄሳ ጊሾ፣ ዪሁዲ ፓኖሴ፣ ያምፔ፣ ቶራኔ ጎንዳሌ አይኪዳ ዶሮ ዋታዳሬታ፣ ካሂኔ ሃላቃቲኔ ፋሪሳዌቲ ከቲዳ ያሳ ኬላ ናጊያ ፖሊሴታ ካሌላ ኤኪዲ፣ ሄ ቤሳ ቢሰ።

4 ዬሱሲ ባና ጋካና ሃኒያባ ኡባ ኤራዲ፣ ጋፃ ኬዪዲ፣ «ኦና ኮዬቲ?» ያገሰ።

5 ኤንቲ ዛሪዲ፣ «ናዚሬቴ ዬሱሳ ኮዮሰ» ያገደሶና።

ኢ ዛሪዲ፣ «ታኒ ዬሱሳ» ያገሰ።

ዬሱሳ አላ አሚዳ ዪሁዲ ያን ኤንታራ ኤቁሰ።

6 ኢ፣ «ታኒ ዬሱሳ» ጊዳ ዋይ ኤንቲ ጉዬ ሸቁዲ፣ ሳባን ከንዲደሶና።

7 ዬሱሲ ቃሲካ፣ «ኦና ኮዬቲ?» ያገዲ አይቹሰ።

ኤንቲ፣ «ናዚሬቴ ዬሱሳ ኮዮሰ» ያገደሶና።

8 ኢ ዛሪዲ፣ «ታኒ ዬሱሳ ጊዳይሳ ሃንቲው ኦዳሰ። ሄዛ፣ ሃንቲ ታና ኮያባ ጊዲኮ ሃይሳታ ዬዲቲ» ያገሰ።

9 ኢ ሄሳ ጊዳይ፣ «አዋው፣ ኔኒ ታው አሚዳይሳቲ ሃሪ ኣቶሽን ኢሱዋካ ጳይሳሲኬ» ጊዳይሲ ፖሊታና ሜላሳ።

10 ሲዋን ጳዒሮሳሰ ማሽ ዳዒሰ። ኢ ሄ ማሻ ሾዲዲ ካሂኔ ሃላቃ ኣይሊያሰ ኡሻቻ ሃይላ ሾጪዲ፣ ቃንዒ ዬገሰ። ሄ ኣይሊያ ሱንሳይ ማልኮሳ።

11 ዬሱሲ ጳዒሮሳኮ፣ «ኔ ማሻ ሾሁዋን ዛራ። ታ አዋይ ታው አሚዳ

ፀዓፔ ታኒ ኡዮናባ ኔው ዳኒ?»
ያገሰ።

ዩሱሲ ሃና ሲንሌ ሸቁሰ
(ማቶ 26:57-58፤ ማር 14:53-54፤ ሉቃ 22:54)

12 ሮሜ ዋታዳሪቲኔ ኤንታ ሃላቃይ ያሳ ኬላ ናገያ ፖሊሴታራ ኢሲፊ ዩሱሳ እይኪዲ ቃቺዶሶና።

13 ኮይሮ ዩሱሳ ሃናኮ ኤፊዶሶና። ሃኒ ሄ ላይሌ ካሂኔ ሃላቃ ገዲያ ቃያፋ ቦሎ።

14 ቃያፊ፡ «አሳ ኡባ ገሾ ኢሲ አሲ ሃይቁኮ ሎዎ» ገዲ ካሴ አይሁዴታ ዘሪዳይሳ።

ጳዳርሲ ዩሱሳ ካዲሰ
(ማቶ 26:69-70፤ ማር 14:66-68፤ ሉቃ 22:55-57)

15 ሲሞን ጳዳርሲኔ ሃራ ኢሲ ታማሪይ ዩሱሳ ካሊዲ ቢዶሶና። ካሂኔ ሃላቃይ ሄ ሃራ ታማሪያ ሎይሌ ኤሬሰ። ሃሳ ገሾ፡ ኢ ዩሱሳራ ካሂኔ ሃላቃ ዘባ ጌሊሰ።

16 ሸን ጳዳርሲ ካሬራ ዲርሳ ፔንጌን ኤቁሰ። ካሂኔ ሃላቃይ ኤሪያ ሃራ ታማሪይ ካሬ ኬዪዲ፡ ፔንጌያ ናገያ ናዔሰ ኦዲዲ፡ ጳዳርሳ ጋሌ ጌልሲሰ።

17 ፔንጌያ ናገያ ናዔያ ጳዳርሳኮ፡ «ኔኒ፡ ሄ አዲያ ታማሪታፔ ኢሱዋ ገዲኪ?» ያገሰ።

ጳዳርሲ ዘሪዲ፡ «አካይ፡ ታኒ ገዲኸ» ያገሰ።

18 ሳዓይ ማገያ ገሾ አይሌቲኔ ናጌይሳቲ ጌፋ ታማ ኤሌዲ፡ ዩዩ አጲ ኤቁዲ ካዮሶና። ጳዳርሲካ ኤንታራ ኤቁዲ ታማ ካዩሰ።

ካሂኔ ሃላቃይ ዩሱሳ ኦይቺሰ
(ማቶ 26:59-66፤ ማር 14:55-64፤ ሉቃ 22:66-71)

19 ካሂኔ ሃላቃይ ዩሱሳ፡ ኢያ ታማሪታባኔ ኢያ ቲሚርቲያባ ኦይቺሰ።

20 ዩሱሲ ዘሪዲ፡ «ታኒ አሳ ኡባሰ ቆንጩን አዳሰ። ታኒ አይሁዴ ኡባይ ሸቁያ አይሁዴ ዋሳ ኬላኒኔ ያሳ ኬላን ኡባ ዋዴ ታማርሳሰ። ጌማን አይኮካ አዳቢኸ።

21 ያቲን፡ ኔኒ ታና አይሰ ኦይቻይ? ታ ኦዲሸን ሲዒዳ አሳ ኦይቻ። ሄ አሳይ ታኒ ኦዲዲዳይሳ ኤርሶና» ያገሰ።

22 ዩሱሲ ሃሳ ገዲ ዋዴ ሄ ቤሳን ኤቁዳ ዋታዳሪታፔ ኢሶይ ዩሱሳ ባቁዲ፡ «ካሂኔ ሃላቃሰ ሃይሳዳ ዘሪይ?» ያገሰ።

23 ዩሱሲ ዘሪዲ፡ «ታኒ ኢታባ ኦዲዳባ ገዲኮ ሃይሳን ዳዒያ አሳ ኡባ ሲንላን ኦዲ። ሸን ታኒ ቱማ ኦዲዳባ ገዲኮ ታና አይሰ ባቃይ?» ያገሰ።

24 ሃሳ ገሾ፡ ሃኒ፡ ዩሱሲ ቃሹቲዳ ማላ ካሂኔ ሃላቃ ቃያፋኮ ዩዲሰ።

ጳዳርሲ ዩሱሳ ዘሪ ካዲሰ
(ማቶ 26:71-75፤ ማር 14:69-72፤ ሉቃ 22:58-62)

25 ጳዳርሲ ያን ኤቁዲ፡ ታማ ካዩሸን፡ ሃራቲ ኢያኮ፡ «ኔኒ ሃ አዲያ ታማሪታፔ ኢሱዋ ገዲኪ?» ያገሰ።

ጳዳርሲ ዘሪዲ፡ «አካይ፡ ታኒ ገዲኸ» ያገዲ ካዲሰ።

26 ካሂኔ ሃላቃ አይሌታፔ ኢሶይ፡ ጳዳርሲ ሃይላ ቃንጻዳ አዲያ ዳቦይ፡ ጳዳርሳኮ፡ «ታኒ ኔና ኢያራ አታኪልቲያ ገደን ቤዓቢኪና?» ያገዲ ኦይቺሰ።

27 ጳዳርሲ ቃሲካ ካዲሰ። ሱዋራ ኩቶይ ዋሲ አገሰ።

ዩሱሲ ጳላያሳ ሲንላን
(ማቶ 27:1-2፤ 11-14፤ ማር 15:1-5፤ ሉቃ 23:1-5)

28 ዋንታ ጉራ፡ ኤንቲ ዩሱሳ ቃያፋ ሶፔ ዳሪያ ሃሪይሳ ኦሶ ኬሌ ኤፊዶሶና። አይሁዴቲ ፓሲካ ባሌ ካሳ ማናው ባንታና ቱኒሶና ማላ ዳሪያ ሃሪይሳ ኦሶ ኬላ ጌሊቦኮና።

29 ሃሳ ገሾ፡ ጳላያሲ ኤንታኮ ካሪ ኬዪዲ፡ «ሃ አዲያ አይሰ ሞቲቲ?» ያገሰ።

30 ኤንቲ፡ «ኢ ኢታ ኦላናባ ገዲያኮ ኮኒ ኢያ ኔኮ ኤሆኮ» ያገደሶና።

31 ጳላያሲ ዘሪዲ፡ «ሂንቲ ኢያ ኤኪ ኤፊዲ፡ ሂንቲ ሂጌይ ጌይሳዳ ኢያ ቦላ ፐርዲቲ» ያገሰ።

አይሁዴቲ፡ «ኦናካ ዋጲያ ማቲ ኦሰ ባዋ» ያገደሶና፤

32 ሄሰ ሃኒዳይ ዩሱሲ አይ ማላ ሃይቆ ሃይቃኔኮ ኤሪሳናው ኦዲዳይሲ ፖሌታናሳ።

33 ጳላያሲ ባ ኦሶ ኬላ ዘሪ ጌሊዲ፡ ዩሱሳ ጃገዲ፡ «ኔኒ አይሁዴ ካዋ?» ያገዲ ኦይቺሰ።

34 ዩሱሲ ጸላዎሳ፡ «ሃ አይሻ ኔኒ ኔፔ ኦይቻዬ ዋይኮ ሃራ አሲ ኔው ታባ ኦዲዴ?» ያገሰ።

35 ጸላዎሲ ዛሪዲ፡ «ታ አይሁዴ አሴ? ኔ አሳይኔ ካሂኔ ሃላቃቲ ኔና ታው አሌ አሚዶሶና። ኔ አይ ኦላዲ?» ያገሰ።

36 ዩሱሲ፡ «ታ ካዎቴላይ ሃ አላሚያና ገዴና። ኢ ሃይሳን ገዲያኮ ታ አይሁዴታ ሃላቃታሰ አፋ አሜቶና ሜላ ታ አይሌቲ ታው ኦሌታና። ሺን ታ ካዎቴላይ ሃ አላሚያና ገዴና» ያገሰ።

37 ሄሳ ገሾ፡ ጸላዎሲ ዩሱሳኮ፡ «ያተን፣ ኔኒ ካዎዬ?» ያገዲ ኦይቸሰ።

ዩሱሲ ዛሪዲ፡ «ቱማ ታ ካዎ ገዴይሳ ኔ ገዳሳ። ታኒ ዩሌተዳይኔ ሃ አላሚያ ዪዳይ ቱማቴላሰ ማርካታናሳ። ቱማ ባጋ ገዲዳ ኦኒካ ታኒ ጌይሳ ሲዔስ» ያገሰ።

38 ጸላዎሲ፡ «ቱሚ አይቤ?» ያገሰ።

ጸላዎሲ ሄሳ ገዳፔ ጉዬ አይሁዴታኮ ካሪ ኬዪዲ፡ «ታኒ ኢያፔ አይ ኢታካ ዴማቢኬ።

39 ሺን ፓሲካ ባሌ ጋላስ፡ ኢሲ አሴ ሂንቴው ቃሾፔ ቢሊያ ሜዜይ ዴዔስ። ታኒ ሂንቴው አይሁዴታ ካወዋ ቢላና ሜላ ኮዬቲ?» ያገሰ።

40 ኤንቴ ዛሪዲ፡ ባንታ ቃላ ቶቁ ኦሌዲ፡ «ባርባና ቢላፌ ኦቲን ኢያ ገዴና» ያገደሶና። ሺን ባርባኒ ፓንጋ።

19

ዎታዳሬቲ ዩሱሳ ቶቺዶሶና (ማቶ 27:27-32፤ ማር 15:15-21)

1 ሄሳፌ ጉዬ፡ ጸላዎሲ ዩሱሳ ጋራፊሲስ።

2 ዎታዳሬቲ ኦጉንላ ካላቻ ሜዲዲ ኢያ ሁዔን ዎሊዶሶና። ቃሲ ዘዎ ማዎ ኢያ ማይዚዶሶና።

3 ኢያኮ ሸቂዲ፡ «አይሁዴ ካወዋው፣ ሜሪናው ካዎታ» ያገዲ ኢያ ባቂዶሶና።

4 ጸላዎሲ ቃሲካ ካሪ ኬዪዲ፡ አይሁዴታኮ፡ «ሂኮ፣ ታኒ ኢያፔ አይ ኢታካ ዴማቦናይሳ ሂንቴ ኤራና ሜላ ኢያ ሂንቴኮ ካሪ ኬሳና» ያገሰ።

5 ሄሳፌ ጉዬ፡ ዩሱሲ ኦጉንላ ካላቻ ባ ሁዔን ዎሊዲ፡ ዘዎ ማዎ ማዒዲ፡ ካሪ ኬዪስ። ጸላዎሲ አይሁዴታኮ፡ «ኡራ ሃይሳ ቤዒቲ» ያገሰ።

6 ካሂኔ ሃላቃቲኔ ያሳ ኬላ ናጌይሳቲ ኢያ ቤዒዳ ዎዴ ባንታ ቃላ ቶቁ ኦሌዲ፡ «ማሰቃሊያ ቦላ ካቃ! ካቃ!» ያገደሶና።

ጸላዎሲ ኤንታኮ፡ «ሂንቴ ኢያ ኤፊዲ፡ ማሰቃሊያ ቦላ ካቂቲ። ታኒ ኢያፔ አይ ኢታካ ዴማቦኬ» ያገሰ።

7 አይሁዴቲ ዛሪዲ፡ «ኑስ ሂጌይ ዴዔስ። ኢ ባና ያሳ ናሳ ኦሌዳ ገሾ ኑ ሂጌያሶ ኢ ሃይቃናው ቤሴስ» ያገደሶና።

8 ጸላዎሲ ሄሳ ሲዒዳ ዎዴ ካሴይሳፌ ዳር ያዩስ።

9 ቃሲካ ጸላዎሲ ባ ኦሶ ኬሌ ሰሚ ጌሊዲ ዩሱሳኮ፡ «ኔኒ አወፔ ያዲ?» ያገዲ ኦይቸሰ። ሺን ዩሱሲ ኢያው አይኮካ ዛሪቤና።

10 ሄሳ ገሾ፡ ጸላዎሲ፡ «ታው ኦዲኪ? ኔና ቢላናው ዎይኮ ማሰቃሊያ ቦላ ካቃናው ታው ማቲ ዴዔይሳ ኤሪኪ?» ያገሰ።

11 ዩሱሲ፡ «የሳይ ኔው ማታ አሚቦናባ ገዲያኮ ታ ቦላ ማቲ ኔው ዴናሺን። ሄሳ ገሾ፡ ታና ኔው አሌ አሚዳይሰ አዲያ ናጋራ ኦሊስ» ያገሰ።

ዩሱሳ ቦላ ሃይቆ ፐርዲዶሶና (ማቶ 27:15-31፤ ማር 15:6-20፤ ሉቃ 23:13-25)

12 ጸላዎሲ ሄሳ ሲዒዳ ዎዴ ዩሱሳ ቢላናው ኦጌ ኮዩስ። ሺን አይሁዴቲ ባንታ ቃላ ቶቁ ኦሌዲ፡ «ኔኒ ኢያ ቢሊያባ ገዲኮ ካወዋ ቁሳሬ ባጋ ገዳካ። ባና ካዎ ጌያ ኦኒካ ቁሳሬ ሞርኬ» ያገደሶና።

13 ጸላዎሲ ሄሳ ሲዒዳ ዩሱሳ ካሪ ኬሲስ። ያቲዲ፡ «ሎቹ ሹቹ» ገያሶን ፐርዳ ኦይዲያን ኡቲስ። ኢብራይስፄ ቃላን ሄ ቤሳይ «ጋባታ» ጉሱ።

14 ሄ ጋላሳይ ፓሲካ ባሌ ቦንቻናው ገኬቴላ ጋላስ። ሄ ዎዴ ሳዒ ኡሱቱን ሳቲ ሄራ። ጸላዎሲ አይሁዴታኮ፡ «ሂንቴ ካወዋ ሃይሳ ቤዒቲ» ያገሰ።

15 አይሁዴቲ ባንታ ቃላ ቶቁ ኦሌዲ፡ «ዲጋ! ዲጋ! ማሰቃሊያ ቦላ ካቃ» ያገደሶና።

ጸላዎሲ ዛሪዲ፡ «ሂንቴ ካወዋ ታኒ ማሰቃሊያ ቦላ ካቃናይሳ ኮዬቲ?» ያገዲ ኦይቸሰ።

ካሂኔ ሃላቃቲ፡ «ቁሳሬፔ ሃራ ካዎይ ኑስ ባዎ» ያገደሶና።

16 ሄሳፌ ጉዬ፡ ኤንቲ ዩሱሳ ማሰቃሊያ ቦላ ካቃና ሜላ ጸላዎሲ ኤንታው አሌ አሚስ።

ዬሱሲ ካቁተሰ
(ማቶ 27:32-44፤ ማር 15:21-32፤ ሉቃ 23:26-43)

ኤንቲ ዬሱሳ ኦሪኪዲ ኤፊደሶና።
17 ዬሱሲ ባ ማሰቃሊያ ቶኪዲ፣ «ሁዔ ጉጌ» ጊያ ቤሳ ቢሰ። «ሁዔ ጉጌ» ጉሳይ ኢብራይስጭ ቃላን «ጎላጎታ» ጉሱ።

18 ኤንቲ ሄ ቤሳን ማሰቃሊያ ቦላ ዬሱሳ ካቁደሶና። ቃሲ ኢያራ ሃራ ናምቡ አሳታ፣ ኢሱዋ ያ ባጋራ ሃንኩዋ ሃ ባጋራ ማሰቃሊያ ቦላ ካቁደሶና።

19 ጲላዎሲ፣ «አይሁዳታ ካወቀ፣ ናዚሬቴ ዬሱሳ» ያጊያ ፀፊ ዓፊዲ ማሰቃሊያ ቦላ ዋሲሰ።

20 ዬሱሲ ማሰቃሊያ ቦላ ካቁተዳ ቤሳይ ካታማሰ ማታን ዴዒያ ጊሾ ድሮ አይሁዳቲ ሄ ፀፊያ ናባቢደሶና። ፀፊይ ዓፊቲዳይ ኢብራይስጭ ደናን፣ ላቲኔ ደናንኔ ገሪኬ ደናና።

21 ሄሳ ጊሾ፣ ካሂኔ ሃላቃቲ ጲላዎሳኮ፣ « ሃ አዳይ ባና አይሁዳ ካዋ ያጊሰ» ጋዳ ዓፋፔ ኦቲን (አይሁዳ ካዋ) ጋዳ ዓፎፓ» ያጊደሶና።

22 ያቲን፣ ጲላዎሲ፣ «ታ ዓፊዳይሳ ዓፋሰ» ያጊዲ ዛሪሰ።

23 ዋታዳሬቲ ማሰቃሊያ ቦላ ኢያ ካቁዳፔ ጉዬ ኢያ ማዑዋ ኤኪዲ፣ ኦይዳ ቤሳን ሻኪዲ፣ ኢሶ ኢሶ ኤኪደሶና። ዬዳ ማዑቲያ ኢያ አዳሳ ማዑዋ ኤኪደሶና።

24 ዋታዳሬቲ፣ «ኦና ጋካኔኮ፣ ሳማ ዬጋናፔ ኦቲን ማዑዋ ፔጶኮ» ያጊደሶና። ሄሲ ሃኒዳይ ጌሻ ማፃፋን፣ «ታ ማዑዋ ሻኪ ኤኪደሶና፤

ታ አዳሳ ማዑዋ ቦላካ ሳማ ዬጊደሶና»

ጌቲቲዳይሲ ፖሌታና ማላሳ። ሄሳ ጊሾ፣ ዋታዳሬቲ ሄሳ ኦሊደሶና።

25 ሺን ዬሱሳ ማሰቃሊያ ማታን ኢያ አያ፣ ኢያ አዩ ሚቺያ፣ ቁሊዮጵ ማቺያ ማይራማኔ ማግዳላ ማይራማ ኤቁደሶና።

26 ዬሱሲ ባ አዩዉኔ ኢ ደሲያ ታማሪይ ያን ኤቁዳይሳታ ቤዒዲ፣ ባ አዩኮ፣ «ታ አዩ፣ ኔ ናሳ ሃይሳ ቤዓ» ያጊሰ።

27 ሄሳፊ ጉዬ፣ ሄ ታማሪያኮ፣ «ኔ አዩው ሃኖ ቤዓ» ያጊሰ። ሄ ታማሪይ ኢዮ ሄ ዋዴፔ ደሚዲ ባራ ደና ማላ ሶ ኤፊሰ።

ዬሱሲ ሃይቁሰ
(ማቶ 27:45-56፤ ማር 15:33-41፤ ሉቃ 23:44-49)

28 ሄሳፊ ጉዬ፣ ዬሱሲ ኡባይ ሃዒ ፖሌቲዳይሳ ኤሪዲ፣ ጌሻ ማፃፋን ዓፊቲዳይሲ ፖሌታና ማላ «ታና ሳሜሰ» ያጊሰ።

29 ሄ ቤሳን ኢሲ ፀጋ ኩሜላ ጫላ ዋይኔይ ዴዒሰ። ኤንቲ ኢሰፖንጆ ሄ ዋይኒያን ዩጊዲ፣ ሂሶጵ ሚላ ያራን ዋሲዲ፣ ዬሱሳ ደናኮ ሺሺደሶና።

30 ዬሱሲ ዋይኒያ ጋንፂ ቤዒዲ፣ «ፖሌቲሰ» ያጊሰ።

ሄሳፊ ጉዬ፣ ባ ሁዒያ ዘቁ ኦሊዲ ባ ሺምፑዋ ኢሚሰ።

ዬሱሳ ሚያ ቶራን ጫዲደሶና

31 ሄ ጋላሳይ ጊጌቱላ ጋላሰ ጊዲያ ጊሾኔ ዋንቱላ ጋላሳይ ቦንቾ ሳምባታ ጊዲያ ጊሾ አሳታ አሃይ ማሰቃሊያ ቦላ ሳምባታ ጋላሰ ፔዎና ማላ ኤንታ ቶሁዋ ማንሳዲ፣ ማሰቃሊያፔ ዋጲሳና ማላ አይሁዳቲ ጲላዎሳ ዋሲደሶና።

32 ሄሳ ጊሾ፣ ዋታዳሬቲ ቢዲ፣ ዬሱሳ ካቁተዳ ናምቡ አሳታ ቶሁዋ ማንሳዲደሶና።

33 ሺን ዬሱሳኮ ዩዳ ዋዴ ኢ ሃይቁዳይሳ ቤዒዲ፣ ኢያ ቶሁዋ ማንሳዲደሶና።

34 ሺን ዋታዳሬታፔ ኢሶይ ኢያ ሚያ ቶራን ጫዲን ሶሁዋራ ሱሉኔ ሃሉ ጎሊሰ።

35 ሂንቲ አማናና ማላ ሄሳ ቤዒዳይሲ ማርካቲሰ። ኢያ ማርካቲሳይካ ቱማ። ቃሲ ኢ ኦዴይሲ ቱማ ጊዳይሳ ኤሬሰ።

36 ሄሲ ሃኒዳይ ጌሻ ማፃፋይ፣ «ኢያ ሚቁላታፔ ኢሶይካ ሜቁና» ጊዳይሲ ፖሌታና ማላሳ።

37 ቃሲካ ጌሻ ማፃፋይ ሃራ ቤሳን፣ «ኤንቲ ባንታ ጫዲዳይሳ ቤዓና» ያጌሰ።

ዬሱሲ ዋጌቲሰ
(ማቶ 27:57-61፤ ማር 15:42-47፤ ሉቃ 23:50-56)

38 ሄሳፊ ጉዬ፣ አርማቲያሳ ካታማፔ ዩዳ ዮሴፊ ዬሱሳ አሃ ኤካናው ጲላዎሳ ዋሲሰ። ዮሴፊ አይሁዳታሰ ያዩዳ ጊሾ ቆሳን ዬሱሳ ካሌይሳ።

ጰላግሲ፡ «ኤካ» ያገሰ። ሄሳ ገሾ፡ የሴጫ ቢዲ ዩሱሳ እሃ ኤኪሰ።

39 ቃሲ ኒቆዲሞሲ፡ ሃይሳፌ ካሴ ዩሱሳኮ ቃማ ዩዲይሲ፡ ካርቤኔ ጎዳሬ ኡላራ ዋላኬቲዳ ሃሰታማኔ ኢሲ ኪሎ ገራማ ገዲያ ሸቶ ኤኪዲ የሴፋራ ዩሲ።

40 ሄ ናምዑ አሳቲ ዩሱሳ እሃ ኤኪዲ፡ አይሁዳቲ እሃ ፃዲያ ማራጎ፡ ሸቶራ፡ ሞጎ አፊላን ፃዲዶሪና።

41 ዩሱሲ ማሰቃሊያ ቦላ ካቄቲዳ ቤሳን ዳሮ አታኪልቲይ ዴዔሰ። ሄ አታኪልቲያ ገደን ሹቻፌ ዋጩቲዲ ኦሴቲዳ ቡሮ ኦኒካ ሞጌቲቦና ኦራላ ዲሮይ ዴዔሰ።

42 ሄ ጎንጎሎይ ማታን ዴዔያ ገሾኔ አይሁዳቲ ሳምባታሰ ገቤቲያ ጋላሰ ገዲያ ገሾ ዩሱሳ እሃ ያን ሞገዶሪና።

20

ዩሱሲ ሃይቆፔ ዴንዲሰ (ማቶ 28:1-8፤ ማር 16:1-8፤ ሉቃ 24:1-12)

1 ዋጋ ዋዴ ዋንታ ቡሮ ጌዮና ዴዒሽን፡ ማግዴላ ማይራማ፡ ዩሱሲ ሞጌቲዳ ዱፋዋ ባዳ ሹቻይ ሄ ዱፋዋ ዶናፔ ዴንዲዳይሳ ቤዓሰ።

2 ሲሞን ጳዳርሳኮኔ ዩሱሲ ዶሲያ ሃንኮ ታማሪያኮ ዋፃ ባዳ፡ «ዱፋዋፔ ጎዳ ኤፊዶሪና፤ ኢያ አዉን ዋሊዳኮ ኦ ኤሮኮ» ያገሱ።

3 ሄሳ ገሾ፡ ጳዳርሲኔ ሃንኮ ታማሪይ ኬዩዲ ዱፋዋ ቢዶሪና።

4 ናምዓይካ ኢሲፌ ዋዲዶሪና፡ ሽን ሃንኮ ታማሪይ ጳዳርሳፔ አዲዲ ሲጎሳቲዲ ዱፋዋ ጋኪሰ።

5 ሄ ታማሪይ ሆኪዲ፡ ሞጎ አፊላ ቤዒሰ፡ ሽን ዱፋዋን ዋዲቤና።

6 ሲሞን ጳዳርሲ ኢያ ካሊ ዩዲ፡ ዱፋዋን ዋዲዲ ሞጎ አፊላይ ያን ዴዔይሳ ቤዒሰ።

7 ቃሲ ዩሱሳ ሁዒን ፃፃቲዳ አፊላይ ፃፃቲዳ ማላ ዲማ ኢሲ ቤሳን ዴዔይሳ ቤዒሰ። ሄ አፊላይ ዲማ ዴዔሲፔ አቲን ሞጎ አፊላራ ኢሲፌ ዳና።

8 ሄ ዋዴ ሲጎሳቲዲ ዱፋዋ ጋኪዳ ሃንኮ ታማሪይ ጌሊ ቤዒዲ አማኒሰ።

9 ዩሱሲ ሃይቆፔ ዴንዳናው ቤሴይሳ ኦዲያ ጌሻ ማፃፋ ቃላ ኤንቲ ቡሮ አኬኪቦኮና።

10 ሄሳፌ ጉዬ፡ ኢያ ታማሪቲ ባንታ ሶ ሲሚዲ ቢዶሪና።

ዩሱሲ ማግዴላ ማይራማሰ ቤንቲሰ

(ማቶ 28:9-10፤ ማር 16:9-11)

11 ሽን ማይራማ ሄ ዱፋዋ ዶናን ኤቃዳ ዩካሼ ሆካዳ ዱፋዋ ገዶ ዪላሱ።

12 ቦላ ማፃ ማዒዳ ናምዑ ኪታንቸቲ ዩሱሳ እሃይ ዘንዒዳሱዋን ኢሶይ ሁዒሶራ ሃንኮይ ቶሆሶራ ኡቲዳሽን ቤዓሰ።

13 ኤንቲ ኢኮ፡ «ማጫሴቴ፡ አይሰ ዩካይ?» ያገዲ ኦይቺዶሪና።

ኢያ፡ «ኤንቲ ታ ጎዳ ኤፊዶሪና፤ ኤንቲ አዉን ዋሊዳኮ ታኒ ኤሪኬ» ያገሱ።

14 ሄሳ ገደፔ ጉዬ፡ ኢያ ጉዬ ሲማ ያሊያ ዋዴ ዩሱሲ ያን ኤቁዳይሳ ቤዓሰ። ሽን ኢ ዩሱሳ ገዲዳይሳ ኤራቡኮ።

15 ዩሱሲ ኢኮ፡ «ማጫሴቴ፡ አይሰ ዩካይ? ኦና ኮያይ?» ያገዲ ኦይቺሰ።

ማይራማ አታኪልቲ ኦሳንቸዋ ዳኒን፡ «ጎዳው፡ ኔ ኤኪዳባ ገዲኮ። ኢያ አዉን ዋሊዳኮ ታው ኦዳርኪ። ታኒ ኢያ ኤካና» ያገሱ።

16 ዩሱሲ ኢኮ፡ «ማይራማ» ያገሰ።

ኢያ ኢያኮ ሲማዳ፡ ኢብራይሰዪ ዶናን «ሬቡኒ» ያገሱ። ሄሳሰ ቢርሼላይ «አሰታማሪያው» ጉሱ።

17 ዩሱሲ ኢኮ፡ «ታኒ ቡሮ ታ አዋኮ ቦና ገሾ ታና ኦይካዳ አሻናው ኮዮፓ። ሽን ታ አሻታኮ ባዳ፡ ታኒ ታ አዋኮኔ ሂንቲ አዋኮ፡ ታ ያሳኮኔ ሂንቲ ያሳኮ፡ ሲማና ገሰን ጋዳ ኤንታው ኦዳ» ያገሰ።

18 ማግዴላ ማይራማ ጎዳ ቤዒዳይሳኔ ኢው ሄሳ ኢ ኦዲዲዳይሳ ባዳ ኢያ ታማሪታሰ ኦዳሱ።

ዩሱሲ ባ ታማሪታሰ ቆንጨሰ (ማቶ 28:16-20፤ ማር 16:14-18፤ ሉቃ 24:36-49)

19 ዋጋ ዋዴ ኦማርሲ፡ ኢያ ታማሪቲ አይሁዳታሰ ያዩዲ ካሪያ ጎርዲዲ ሸቁ ኡቲዳሽን፡ ዩሱሲ ዩዲ፡ ኤንታ ገደን ኤቁዲ፡ «ሳርይ ሂንቲው ገደ» ያገሰ።

20 ሄሳ ገዲ ሲሚዲ ባ ኩሺያኔ ባ ሚያ ኤንታ ቤሲሰ። ኢያ ታማሪቲ ጎዳ ቤዒዳ ዋዴ ዳሮ ኡፋይቲዶሪና።

21 ዩሱሲ ዛሪዲ ኤንታኮ፡ «ሳርይ ሂንቴው ጊደ፤ ታ አዋይ ታና ከቲዳይሳዳ ታኒካ ሂንቴና ኪታይሰ» ያገሰ።

22 ሄሳ ጊዳፍ ጉዬ፡ ኤንታ ቦላ ኡፋ ጊዲ ፑኒሰ። ቃሲ፡ «ጌሻ አያና ኤኪቴ።

23 ሂንቴ አቶ ጊዳ አሳ ናጋራይ አቶ ጌቲታና። ሂንቴ አቶ ጎናይሳታ ናጋራይ አቶ ጌቲቴና» ያገሰ።

ዩሱሳኔ ቶማሳ

24 ሺን ታማኔ ናምቡ ታማሬታፕ ኢሶይ፡ ዲዲሞሳ * ጌቲቴያ ቶማሲ፡ ዩሱሲ ዩዳ ዋዴ ኤንታራ ዳና።

25 ሄሳ ጊሾ፡ ሃንኮ ኢያ ታማሬቲ ቶማሳኮ፡ «ኑኒ ጎዳ ቤዒዳ» ያገደሶና።

ሺን ቶማሲ ኤንታኮ፡ «ሚሰማሬን ኢ ጫዴቲዳ ኢያ ኩሺያን ዳዒያ ቤታ ቤዖናኔ ሄ ቤታ ታ ቢራዴን ቦቾና፡ ቃሲ ታ ኩሺያ ኢያ ሚያን ዩዳ ቤዖና አማኒኬ» ያገሰ።

26 ሳሚንታሬ ጉዬ፡ ዩሱሳ ታማሬቲ ቃሲካ ሶን ሸቋዲ ኡቲደሶና፤ ቶማሲካ ኤንታራ ዳዒሰ። ካሬይ ጎርዴቲዲ ዳዒሺን ዩሱሲ ዩዲ፡ ኤንታ ጊደን ኤቋዲ፡ «ሳርይ ሂንቴው ጊደ» ያገሰ።

27 ሄሳሬ ጉዬ፡ ዩሱሲ ቶማሳኮ፡ «ታ ኩሺያ ኔ ቢራዴያን ቦቾዳ ቤዒ። ቃሲ ኔ ኩሺያ ታ ሚያን ዩዳዳ ቤዒ፤ ሲዶፓ፡ አማና» ያገሰ።

28 ቶማሲ ዛሪዲ፡ «ታ ጎዳው፡ ታ ያሳው» ያገሰ።

29 ያቲን ዩሱሲ፡ «ኔኒ ታና ቤዒዳ ጊሾ አማናዳሳ፡ ሺን ታና ቤዖና አማኒዳይሳቲ አንጃቲዳይሳታ» ያገሰ።

ሃ ማፃፋ ቆፋ

30 ዩሱሲ ሃ ማፃፋን ፃፊቲቦና ሃራ ዳር ማለታታ ባ ታማሬታ ሲንላን ኦሳሰ።

31 ሺን ዩሱሲ ኢ ኪሪሰቶሳ፡ ያሳ ናዓ ጊዳይሳ ሂንቴ አማናና ማለኔ አማኒዲ ኢያ ሱንላን ዳዖ ዳማና ማለ ሄሲ ፃፊቲሰ።

21

ዩሱሲ ላፑን ባ ታማሬታሰ ቆንጨሰ

1 ሄሳሬ ጉዬ፡ ዩሱሲ ዲባርዮሳ አባ ማታን ባ ታማሬታሰ ዛሪ ቆንጨሰ።

ኢ ኤንታው ሃይሳሬ ካሊዲ ዳዒያ ሃናታን ቆንጨሰ።

2 ሲሞን ጳዒርሲ፡ ማንቴ ጌቲቴያ ቶማሲ፡ ቃና ጋለላፔ ዩዳ ናቲናዔሊ፡ ዛብዲዮሳ ናይቲኔ ዩሱሳ ታማሬታፔ ሃራ ናምዓቲ ኢሲሬ ዳዖሶና።

3 ሲሞን ጳዒርሲ ኤንታኮ፡ «ታኒ ሞሎ ኦይካናው ባይሰ» ያገሰ።

ኤንቴ፡ «ኑካ ኔራ ባና» ያገዲ፡ ዋሳሉዋ ጊደ ጌሊደሶና። ሺን ኤንቴ ሄ ቃማን አይቢ ሞሎካ ኦይኪቦኮና።

4 ዋንታ ጉራ ፃልቄይ ደላናፔ ሲንጮ፡ ዩሱሲ አባ ጋፃን ኤቁሰ፡ ሺን ኢያ ታማሬቲ ዩሱሳ ጊዲዳይሳ ኤርቦኮና።

5 ዩሱሲ ኤንታኮ፡ «ታ ላጌቶ፡ ሞሎ ኦይኪቤኬቴ?» ያገሰ።

ኤንቴ ዛሪዲ፡ «ኦይኮካ ኦይኪቦኮ» ያገደሶና።

6 ኢ ዛሪዲ፡ «ሂንቴ ጌቲያ ዋሳሉዋፔ ኡሻቻ ባጋራ ዩጌቲ፤ ጉሳ ሞሎ ሂንቴ ኦይካና» ያገሰ። ሄሳ ጊሾ፡ ጌቲያ ኡሻቻ ባጋራ ዩጌደሶና። ሞሎይ ዳሪዳ ጊሾ ጎቹዲ ኬሳናው ያኔቲደሶና።

7 ዩሱሲ ደሲያ ታማሬይ ጳዒርሳኮ፡ «ሃይሲ ጎዳ!» ያገሰ። ሲሞን ጳዒርሲ ኢ ጎዳ ጊዳይሳ ሲዒዳ ዋዴ ካሎ ዳዒያ ጊሾ ባ ማዑዋ ማዒዲ አባ ጊደ ጉፕ ጌሊሰ።

8 ሺን ዋሳሉዋን አቲዳ ሃንኮ ታማሬቲ ሞሎይ ኩሚዳ ጌቲያ ጎቹዲ፡ አባሬ ጋፃ ኬዩደሶና። ኤንቴ አባሬ ናምቡ ጴቱ ዋቆ ማላ ሃኮሶና።

9 ኤንቴ አባሬ ጋፃ ኬዩዳ ዋዴ ዪፋ ቦንቆን ሞሎይ ዳዒይሳኔ ኡይሳ ቤዒደሶና።

10 ዩሱሲ ኤንታኮ፡ «ሃራ ሂንቴ ኦይኪዳ ሞሎዋፔ ጉሳራ ሃሚቴ» ያገሰ።

11 ሲሞን ጳዒርሲ ዋሳሉዋን ጌሊዲ፡ ጴታኔ ኢሻታማኔ ሄዡ ዋጋ ሞሎቲ ኩሚዳ ጌቲያ ጎቹዲ አባሬ ጋፃ ኬሲሰ። ሞሎይ ሄሳ ማላ ዳር ጊዲን ጌቲይ ዳኬቲቤና።

12 ዩሱሲ ኤንታኮ፡ «ሃ ዩዲ ሚቴ» ያገሰ። ኢ ጎዳ ጊዳይሳ ኤንቴ ኤሪዳ ጊሾ ኢያ ታማሬታፔ ኢሶይካ፡ «ኔኒ ኦኔ?» ጊዲ ኢያ ኦይቻናው ሚኒዳይ ባዋ።

13 ዬሱሲ ዩዲ፣ ኡይላ ኤኪዲ ኤንታው ኢሚሰ፤ ሞሉዋካ ሄሳዳ ኢሚሰ።

14 ዬሱሲ ሃይቆፔ ዳንዲዲ ባ ታማሬታስ ቆንጨሺን ሃይሲ ሄሻን።

ዬሱሳኔ ጳዳርሳ

15 ኤንቲ ሚዳፔ ጉዬ፣ ዬሱሲ ሲሞን ጳዳርሳኩ፣ «ዮና * ናዓው ሲሞና፣ ታና ሃይሳታፔ አላዳ ደሳይ?» ያገሰ።

ሲሞን ጳዳርሲ፣ «ኤ ጎዳው፣ ታኒ ኔና ደሴይሳ ኔ ኤራሳ» ያገሰ።

ዬሱሲ ኢያኩ፣ «ታ ደርሳ ማራታ ሄማ» ያገሰ።

16 ዬሱሲ ቃሲካ፣ «ዮና ናዓው ሲሞና፣ ታና ደሳይ?» ያገሰ።

ሲሞን ጳዳርሲ፣ «ኤ ጎዳው፣ ታኒ ኔና ደሴይሳ ኔ ኤራሳ» ያገሰ።

ዬሱሲ፣ «ታ ደርሳታ ሄማ» ያገሰ።

17 ዬሱሲ ሄሻን፣ «ዮና ናዓው ሲሞና፣ ታና ደሳይ?» ያገሰ።

ዬሱሲ ሄሻን፣ ሲሞን ጳዳርሳኩ፣ «ታና ደሳይ?» ያገረዱ ኦይቺዳ ገሾ ጳዳርሲ አዛኒዲ፣ «ጎዳው፣ ኔኒ ኡባባ ኤራሳ፤ ታኒ ኔና ደሴይሳ ኔ ኤራሳ» ያገሰ።

ዬሱሲ፣ «ታ ደርሳታ ሄማ።

18 ታኒ ኔው ቱማ ኦዳይሰ፤ ኔኒ ናዓቲላን ዳዒያ ዋዴ ኔርካ ዳንጨታዳ፣ ኔ ኮዪዳ ሶ ባሳ። ሺን ኔ ጨሚዳ ዋዴ ኔ ኩሺያ ሚጫ ቤሳና። ሃሪ ዳንጨሳና፤ ኔ ደሶና ሶ ኤፋና» ያገሰ።

19 ዬሱሲ ሄሳ ጳዳርሲ አይ ማላ ሃይቆ ሃይቁዲ፣ ያሳ ቦንቺሳኔኮ ኤሪሳናው ገሰ። ሄሳ ገዳፔ ጉዬ፣ ዬሱሲ ጳዳርሳኩ፣ «ታና ካላ» ያገሰ።

ዬሱሳኔ ሃንኮ ታማሪያ

20 ጳዳርሲ ጉዬ ሲሚዲ፣ ዬሱሲ ደሲያ ታማሪይ ባፔ ጉዬራ ዬይሳ ቤዒሰ። ሄ ታማሪይ፣ ካሆ ሚያሶን ዬሱሳኩ ሸቂዲ፣ «ጎዳው፣ ኔና አሌ ኢማናይ ኦኔ?» ገዳይሳ።

21 ጳዳርሲ ሄ ታማሪያ ቤዒዲ፣ «ጎዳው፣ ሃ አዳይ ቃሲ ዋናኔ?» ያገረዱ ዬሱሳ ኦይቺሰ።

22 ዬሱሲ ኢያኩ፣ «ታኒ ያና ጋካናው ኢ ዳና ማላ ታኒ ኮይኮ፣ ሄሲ ኔና አይ ማቲዴ? ኔኒ ታና ካላ» ያገሰ።

23 ሄሳ ገሸ፣ ሄ ታማሪይ ሃይቁና ገያ ኦዳይ አሻታ ኡባ ጋኪሰ። ሺን ዬሱሲ፣ «ታኒ ያና ጋካናው፣ ኢ ዳና ማላ ታኒ ኮይኮ ኔና አይ ማቲዴ?» ያገሰ። «ሃይቁና» ገቤና።

24 ሃ አዳባ ማርካቲዳይኔ ሃይሳ ግፊዳይ ሄ ታማሪያ። ኢያ ማርካቲላይ ቱማ ገዳይሳ ኦኒ ኤርሰ።

25 ዬሱሲ አሌዳ ሃራ ዳርባይ ዳዒሰ። ታ ቆፒን፣ ኡባባይ ሁዒን ሁዒን ግፊቲዳኩ፣ ግፊቲያ ማግፋታስ ኩሜላ አላሜይ ዋሳንው ገዳናባ ዳኔና።

* 21:15 ዮና፣ ጊሐኔ ደናን ዮና ገያ ሱንሳይ የሃኒሳ ገያ ሱንሳሰ ሳጶላ ሱን። 21:20 የሃ 13:25

ሃዋራታ ኦሱዋ ጋሳ ቆፋ

ሃዋራታ ኦሱ ማፃፋይ፣ ሉቃስ ዋንጌላ ካሊዲ ፃፊቱዳ ማፃፋ። ማፃፋስ ዳዊያ ዋና ቆፋይ ኮይሮ ዩሱሳ ካሊዲ አሳቲ ጌሻ አያናይ ካሌሊን፣ ኢያባ ኦዲያ ቃላ፡ «ዩሩሳሌምን፣ ዩሁዳ ቢታ ኡባን፣ ሳማራን፣ ሳባ ጋፃፔ ጋፃ ጋካናው» (1:8) ዋንጌላ ቢታ ኡባ ዋቲ ጋሊዲኮ ኦዳናሳ። ማፃፋይ፣ አማኖይ አይሁዳ አሳታ ጊደን ደሜቲዲ፣ ኩሜላ አላሜን ዳዊያ አሳ ኡባ አማኖ ጊደና ጋካናው ዋኒዲ ዳልጊዳኮ ኦዲያ ታሪኩ። ሃ ማፃፋ ፃፊይ፣ አማኒያ አሳቲ ሮሜ ካዋቲላ ኩንዲሳናው ጋርሳራ ማቄቲያ አሲ ጊደናይሳኔ አማኖይ አይሁዳታ ሃይሚኖቲ 7ሎ ኦሊይሳ ጊዳይሳ ኤሪሳናው ኬሂ ዳቡሪዲ ኦሊስ።

ሃዋራታ ኦሱ ማፃፋን ዩሱሳባ ኦዲያ ዋንጌላይ ጋኪያ ቤሳይ ዋዴን ዋዴን ዳልጊ ዳልጊ ቤይሳኔ ዋሳ ኬሊ ኤቁዳይሳ ቆንጨሲያ ሄቹ አይፊ ከፊሊታን ሻካናው ዳንዳዴቲስ።

1. አማኖይ ዩሱሲ ሳሎ ኬዩ ሲሚን ደሜቲዳይሳ።
2. አማኖይ ኢስራዔል ቢታ ኡባ ጋኪዳይሳ።
3. ሮሜ ጉጂዲ ሜዲቲራኔ አባ ዩሹዋን ዳዊያ ቢታ ኡባን ዳልጊዳይሳ ቤሴስ።

ሃዋራታ ኦሱ ማፃፋን አጂዲ ቤንቴይ ጌሻ አያና ኦሱ ጊዲሺን፣ ጳንጻቆስጻ ጋላስ ዩሩሳሌምን ዳዊያ አማኔይሳታ ቦላ ዋልቃራ ዋዲይሳ አዴስ። ሄሳዳካ፣ ማፃፋ ጊደን ቆንጨዲ ኦሱታ ኡባን ቤንቴዳይሳዳ ጌሻ አያናይ ዋሳ ኬላኔ ዋሳ ኬላ አይሴይሳታ ካሌሊዳይሳኔ ሚንሌሊዳይሳ ጉጂዲ አዴስ። ቤኒ ዋዴ አሚቲያ አማኖ ከታይ ዲማ ዲማ ኦዲቲዳ ቃላፔ ኬሶን ኬሶን ኤኬቲስ። ሃዋራታ ኦሱዋ ጊደን ኦሴቲዳ ኦሱታ ከታይ አማኒያ አሳ ዳዮኒኔ ዋሳ ኬላ ኢሲፊቴላን ዳዊያ ዋልቃይ አይ ሜላ ጊቲኮ ቤሴስ።

ሃዋራታ ኦሱዋ አይፊ ቆፋታ
ማርካቴላስ ጊጌቲላ 1:1-26

- 1) ዩሱሳ ዉርሴላ ኪታኔ አሚዳ ኡፋይሳ 1:1-14
- 2) ዩሁዳ ቤሳን ሃራ ደሩዋ 1:15-26
ዩሩሳሌምን ማርካቴላ 2:1-8:3
ዩሁዳኒኔ ሳማራን ማርካቴላ 8:4-12:25
ጳውሎሳ ሃዋራቲላ ኦሱዋ 13:1-28:31
- 1) ኮይሮ ሃዋራቲላ ቡሳ 13:1-14:28
- 2) ዩሩሳሌም ሸቁዋ 15:1-35
- 3) ናምዓንሎ ሃዋራቲላ ቡሳ 15:36-18:22
- 4) ሄቫንሎ ሃዋራቲላ ቡሳ 18:23-21:16
- 5) ጳውሎሲ ዩሩሳሌምን፣ ቁሳሪያኒኔ ሮሜን ቃሼቲላ 21:17-28:31

1-2 ቴዎፊሎሳ፣ ዩሱሲ ባ ኦሱዋ ኦይኪዳ ዋዴፔ ሳሎ ቤዳ ጋላሳ ጋካናው፣ ኦሊዳባኔ ታማርሲዳባ ኡባ ታኒ ታ ኮይሮ ማፃፋን ፃፋስ። ሳሎ ባናፔ ሲንሌ ኢ ባ ደሪዳ ሃዋራታ ጌሻ አያናን ከቲስ።

3 ኢ ባ ዋያፔ ጉዬ ሃይቆፔ ዳንዲዳይሳ ሲዴይ ባይና ቆንጨሲዲ ኤንታው ባና ቤሴስ። ኦይታው ጋላስ ኤንታው ቆንጨዲ ያሳ ካዋቲላባ ኤንታ ታማርሲስ።

4 ኢሲ ዋዴ ኤንታራ ኢሲፊ ሚሼ ኤንታ ሃይሳዳ ያጊዲ ከቲስ። «ታ ሂንቲው ኦዲዳ፣ ታ አዋይ አማና ጊዳ ኡፋይሳ ቃላ ናጊቴፔ አቲን ዩሩሳሌምፔ ኬዮፒቲ።

5 አይስ ጊኮ፣ ዮሃንሲ ሃላን ፃማቁስ፣ ሺን ጉላ ዋዴፔ ጉዬ ጌሻ አያናን ሂንቲ ፃማቁታና» ያጊስ።

6 ሃዋራቲ ዩሱሳራ ጋሂቲዳ ዋዴ ኢያኮ፣ «ጎዳው፣ ኢስራዔሊታስ ኔ ካዋቲላ ዛራና ዋዴይ ሃይሴ?» ያጊዲ ኦይቲድሶና።

7 ዩሱሲ ኤንታኮ፣ «ታ አዋይ ባ ማታን ኦሊያ ዋዲያኔ ሳይላ ሂንቲ ኤራናው ዳንዳዴኬታ።

8 ሺን ጌሻ አያናይ ሂንቲ ቦላ ዋዲያ ዋዴ ሂንቲ ዋልቃን ኩማና። ያኒ ሲሚዲ፣ ዩሩሳሌምን፣ ዩሁዳ ቢታ ኡባን፣ ሳማራኒኔ ሳባ ጋፃ ጋካናው ታው ማርካታ ጊዳና» ያጊስ።

9 ሄሳ ጊደይሳፌ ጉዬ ኤንቲ ጭሊሽን፣ ቶቄ ቶቄ ጊዲ፣ ሳሉዋ ቢን ሻራይካ ኢያ ኤንታ ኣይፊያፕፕ ገንሲሰ።

10 ዩሱሲ ቢያ ዋዴ ኤንቲ ሳሎ ቲሺ ኦሲዲ ጭሊሽን፣ ቦላ ማዎ ማዒዲ ናምዑ ኣሳቲ ኣኬኮና ኤንታ ማታን ኤቁዲ።

11 «ጋለላ ኣሳው፣ ሳሎ ጭሊሽ፣ ሂንቲ ኣይሰ ኤቁዴት? ሃ ሂንቲ ቤዒሽን ሳሎ ቢዲ ዩሱሲ ሄሳዳካ ሲሚዲ ያና» ያጊደሶና።

ዪሁዳ ቤሳን ማቲያሲ ደሬቲሰ (ማቶ 27:3-10)

12 ሄሳፌ ጉዬ፣ ሃዋሪቲ ሻማሆ ደሪያፕፕ ዩሩሳላሚ ሲሚደሶና። ሻማሆ ደሬይ ዩሩሳላሚሰ ማታን ዴዒሰ።

13 ኤንቲ ዩሩሳላሚ ጌሊዲ፣ ባንታ ዴዒያ ቤሳ ፖቁያ ቦላ ኬዪደሶና። ኤንቲካ፡ ጳዒርሳ፣ ዮሃንሳ፣ ያይቆባ፣ ኢንዲሪያሳ፣ ፊልጶሳ፣ ቶማሳ፣ ባርቶሎሚዮሳ፣ ማቶሳ፣ ኢልፊዮሳ ናዓ ያይቆባ፣ ባ ቢታሰ ሚሹቲያ ሲሞናኔ ያይቆባ ናዓ ዪሁዳ።

14 ሃይሳቲ ኡባይ ማጫሳታራ፣ ዩሱሳ ኣዩ ማይራሚራኔ ዩሱሳ ኢሻታይ ኡባይ ኢሲ ዋዛናን ጊዲዲ ሚንሲዲ ዋሶሶና።

15 ሃ ዋዴ ጳዒርሲ ጭታኔ ላታማ ጊዲያ ኣማኒያ ኣሳይ ሸቁዳ ቤሳን ዴንዲ ኤቁዲ፣ ሃይሳዳ ያጊሰ።

16 «ኣሳው፣ ዩሱሳ ኦይኪዳይሳታ ካሌሊዳ ዪሁዳባ ጌሻ ኣያናይ ካሴ ዳዊቲ ደናን ኦዲዳ ያሳ ቃላይ ፖሌታናው ቤሴሰ።

17 ዪሁዲ ኑራ ኢሲፌ ሃ ኦሱዋ ኦላናው ደሬቲዳ ኣሰ።»

18 ሸን ዪሁዲ ባ ኢታ ኦሱዋን ዴሚዳ ሚሹን ጋዴ ሻሚሰ። ኢ ፑፋኒዲ ኩንዲን፣ ኢያ ኡሎይ ዳኬቲሰ፤ ኢያ ማራጩይ ኡባይ ካሬ ኬዪሰ።

19 ዪሁዳ ቦላ ሃኒዳባ ዩሩሳላሚን ዴዒያ ኣሳ ኡባይ ሲዒሰ። ሄሳ ጊሹ፣ ሄ ጋዲያ ባንታ ቃላን ኣኬልዳማ (ሱፋ ጋዴ) ጊዲ ጭጊደሶና።

20 «ሄሲካ ማዝሙራ ማዋፋን፣

ሲያ ኬላይ ካሎ ኣቶ፤ ኦኒካ ኢያን ዴያፖ። ቃሲ ኢያ ሹማቲላ ሃሪ ኤኮ። ጌቲቲ ፃፊቲሰ።

21 «ሄሳ ጊሹ፣ ጎዳ ዩሱሲ ኑ ጊደን ሲሚሬቲዳ ዋዴ ኡባን ኑራ ዴዒይሳታፕ።

22 ቃሲ ፃማቁያ ዮሃንሳ ዋዲያፕፕ ደሚዲ ጎዳ ዩሱሲ ሳሎ ቢዲ ጋላሰ ጋካናው ኑራ ዴዒይሳታፕ። ኢሲ ኣሲ ኢያ ዴንዲዋሰ ኑራ ማርካ ጊደናው ቤሴሰ» ያጊሰ።

23 ሄሳ ጊሹ፣ ኣሳይ ደሩዋሰ ዮሰያሳ ጊያ ባርሳባ ጌቲቲያ ዮሴፋኔ ማቲያሳ ናምዓ ሸሽደሶና።

24 ሄሳፌ ጉዬ፣ ያሳ ዋሲሹ፣ «ኣሳ ኡባ ዋዛና ኤሪያ ጎዳው፣ ሃ ናምዓታፕ ኔ ኦና ደሪዳኮ ኑና ቤሳ።

25 ዪሁዲ ባ ቤሳ ቢዲ፣ ኣጊዳ ኦሱዋኔ ሃዋሪቲላ ኦሱዋ ኤካና ሜላ ሃይሳታፕ ኦሰ ቆንጨሳ» ያጊደሶና።

26 ኤንታ ቦላ ሳማ ዩጊደሶና። ሳማይ ማቲያሳ ቦላ ዋዲን ማቲያሲ ታማኔ ኢሲ ሃዋሪታ ቦላ ጉዡቲሰ።

2

ጌሻ ኣያና ዩሳ

1 ጳንጭቆስጌ ጊያ ጋላሳይ ጋኪዳ ዋዴ ኣማኒያ ኣሳ ኡባይ ኢሲፌ ኢሲ ቤሳን ሸቁዲ ዴዎሶና።

2 ቆፖ ዋልቃማ ጎቲዳ ጉሚያ ጉንላይ ኣኬኮና ሳሎፕ ዪዲ ኤንቲ ዴዒያ ከላ ኩሚሰ።

3 ቃሲ ታማ ላጮ ዳኒያ ኢንፃርሳቲ ኤንታው ቤንቲሹ፣ ሻኬቲ ሻኬቲ ኤንታ ኡባ ቦላ ዋዲደሶና።

4 ኤንቲ ኡባይ ጌሻ ኣያናን ኩሚዲ ዲማ ዲማ ደናን ኦዴታና ሜላ ጌሻ ኣያናይ ኤንታ ዳንዳዒሲን ሃሳያ ደሚደሶና።

5 ሄ ዋዴ ቢታ ኡባፌ ዪዲ ያሳ ያያ ኣይሁዴቲ ዩሩሳላሚን ዴዎሶና።

6 ሄ ጉንላ ሲዒዳ ዋዴ ዳር ኣሳይ ሸቁደሶና። ኣማኒያ ኣሳይ ኤንታ ቃላን ኦዴቲሽን ሲዒዳ ጊሹ

7 ማላሌቲዲ፣ «ሃ ኦዴቲያ ኣሳ ኡባይ ጋለላ ኣሴ ጊደኮናዩ?»

8 ያፕቲን፣ ኑኒ፣ ኑ ዩሌቲዳ ቢታ ደናን ኤንቲ ኦዴቲሽን ዋኒዲ ሲዒናው ዳንዳዒደ?

9 ኑኒ ጳርጭን፣ ሜደናን፣ ኤላሚን፣ ናምዑ ሻፋታፕ ጊደን ዴዒይሳቲ፣ ዪሁዳን፣ ቃጳደቁያን፣ ጳንያሳን፣ ኢሲያን፣

10 ጲርጌን፣ ጲንጌሌን፣ ጊብዌን፣ ቃሪና ማታን ዳዒያ ሊቢያን ዳዒያሳታ። ኑፔ ባጋቲካ ሮሜፔ ዪዳ አሳታ።

11 አይሁዳቴኔ አይሁዳቴላ አማኖ ጌሊዳ አሳቲ፣ ቃርዌሳኔ አራቤ አሳቲ፣ ያሳይ ኦሊዳ ጊታ ኦሎቆ ኑ ቃላን ኦዴቲሽን ሲያሰ» ያጊደሶና።

12 ኡባይ ማለሌቲዲ፣ ጋናባ ዳዪዲ ዋሊኮ፣ «ላ ሃይሲ አይ ፑሴ?» ያጊደሶና።

13 ሺን ሃራቲ፣ «ሃይሳቲ ኡዪዲ ማሶቲደሶና» ያጊዲ ቁልቁሲደሶና።

ጳዊርሳ ሃሳያ

14 ሺን ጳዊርሲ፣ ታማኔ ኢሲ ሃዋርያታ ዳንዲ ኤቁዲ፣ ባ ቃላ ቶቁ ኦሊዲ፣ ኤንታው ሃይሳዳ ያጊዲ ኦዲሰ። «አይሁዳቶ፣ ዩራሳላሜን ዳዒያ ኡባቶ፣ ታኒ ኦዴይሳ ሲባቲ።

15 ዋንታፊ ሃቸ ሳቲ ጊዲያ ጊሾ ሃንቴ ቆፔይሳዳ ሃ አሳቲ ማሶቲቦኮና፤ ሄሲ ሃንቴው ኤሬቶ።

16 ሺን ሃይሲ ሃኒዳይ ናቢያ አዪዪሊ ኦዲዳይሲ ፖሊታና ማላሳ።

17 « ሮሳይ፣ ዋዲያ ዉርሴላን ሃይሳዳ ሃናና ያጌሰ።

ታኒ አሳ ኡባ ቦላ ታ አያና ጉሳና። ሃንቴ አዳ ናይቲኔ ማጫ ናይቲ፣ ቲንቢቲ ኦዳና።

ሃንቴ ያላጋቲ ቆንጨላ ቤዓና፤ ሃንቴ ጨማቲ አሙሆ አሙሃና።

18 ሄ ጋላሳታን ታና አማኒያ አዳ አይሌታ ቦላኔ ማጫ አይሌታ ቦላ

ታኒ ታ አያና ጉሳና፤ ኤንቴ ቲንቢቲ ኦዳና።

19 ቃሲ ታኒ ቦላ ሳሉዋን ኦራላባ፣ ጋርሳ ሳዓንካ ማላ ቤሳና።

ሱሉ፣ ታሚኔ ዋልቃማ ጫጋኒ ቤንታና።

20 ጊታኔ ቦንቾ ጊዲዳ ጎዳ ጋላሳይ

ጋካናፔ ሲንሌ አዋይ ቆማና፤ አጌናይካ ሱሉ ዳናና።

21 ሄ ዋዳ ሃሳዳ ሃናና፤ ጎዳ ሱንላ ዌጊያ ኦኒካ አታና ያጊሰ።

22 «ኢሰራዔሌ አሳው፣ ሃ ቃላ ሲባቲ፣ ናዚሬቴ ዩሱሳ ኦናቴላይ፣ ያሳይ ሃንቴ ጊደን ኦሊዳ

ዋልቃማ ኦሎቆኒኔ ማላታታን ሃንቴው ቆንጨይሳ ሃንቴ፣ ሃንቴ ሁዔን ኤሬታ።

23 ያሳ ካሴ ኤራኒኔ ኢያ ሼኒያን ዩሱሲ ሃንቴው አጁ አሜቲሰ። ሃንቴ ኢያ ናጋራንቾቲ ማሰቃሊያ ቦላ ካቁዲ ዋዳና ማላ አሉ አሚዳታ።

24 ሺን ያሳይ ሃይቆ ዋልቃ ዲጊዲ ኢያ ዳንሉሰ። ሃሳ ጊሾ፣ ሃይቆይ ኢያ አይካናው ዳንዳዒቤና።

25 ዳዊቲይ ኢያባ ኦዲሾ፣

ጎታኒ ያርኮና ማላ፣ ጎዳይ ታ ኡሻቻን ዳዔሰ። ጎዳ ኡባ ዋዳ ታ ማታን ቤዓይሰ።

26 ሃሳ ጊሾ፣ ታ ዋዛናይ ኡፋይቲሰ፤ ታ አንግርሳን ኡፋይሲ ኩሚሰ፤ ሃይቆያ ታ አሳቴላይ ኡፋይሳን ዳና።

27 አይሰ ጊኮ፣ ታ ሼምፑዋ ሲያሌን አጋካ።

ቃሲ ኔ ጌሻ ናባ አሃ ዋቁሳካ።

28 ኔኒ ታና ዳዖ ኦጊያ ኤሪሳዳሳ። ኔኒ ታራ ዳዔይሳን ታ ኡፋይሳይ ኩሚሉ ጊደሰ» ያጊሰ።

29 «አሳው፣ ኑ አዋ ዳዊቲባ ታ ሃንቴው ጌሻዳ ኦዳና። ዳዊቲይ ሃይቁዲ ሞጌቲሰ፤ ኢያ ዱፎይ ሃቺ ጋካናው ኑ ማታን ዳዔሰ።

30 ዳዊቲይ ናቤ ጊዲዳ ጊሾ ያሳይ ኢያ ሼሻፔ ኢሱዋ ኢያ ካዋቴላ አራታ ቦላ ኡቲሳናው ኢያው ጫቁዳ ጫቁዋ ኤሬሰ።

31 ሃሳ ጊሾ፣ ኪሪሰቶሳ ዳንዲዋ ሲንሌ ዌሊዲ፣ ሲያ ሼምፖጌ ሲያሌን አቲቤና፤ ኢያ አሳቴላይካ ዋቁቤና) ጊዲ ኦዲሰ።

32 «ያሳይ፣ ሃ ዩሱሳ ሃይቁዋፔ ዳንሉዳይሳሰ ኑኒ ኡባይ ማርካ።

33 ሃሳ ጊሾ፣ ያሳይ ባራ ሃራና ማላ ባፔ ኡሻቻ ባጋራ ኢያ ቶቁ ቶቁ ኦሊዲ፣ ኢያው አማና ጌቴቲዳ ጌሻ አያና ኤኪዲ፣ ሃይሳ ሃንቴ ሃዒ ቤዔይሳኔ ሲዔይሳ ኑ ቦላ ጉሲሰ።

34-35 ጋሶይካ፣ ዳዊቲይ ባ ሁዔን ሳሎ ቢቤናሽን ያጊሰ።

ጎዳይ፣ ታ ጎዳ፣ «ታኒ ኔ ሞርኬታ ኔ ቶሆይ ዩዲያሶ ኦላና ጋካናው ሃይሳን ታፔ ኡሻቻ ባጋን ኡታ» ጊሰ።

ያጊሰ።

2:17 አዩ 2:28-32 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 2:24 ማቶ 28:5-6፤ ማር 16:6፤ ሉቃ 24:5 2:28 ማዝ 16:8-1 2:30 ማዝ 132:11፤ 2ሳሙ 7:12-13 2:34-35 ማዝ 110:1

36 «ሄሳ ገሸ፣ ሃ ሂንቲ ማሰቃሊያ ቦላ ካቀዳ ዩሱሳ፣ ያሳይ ጎዳኔ ከሪስቶሳ ኦሊዳይሳ ኢሰራዔል እሳ ኡባይ ቱማ ኤሮ» ያገሰ።

37 እሳይ ጳጳሮሲ ገዳይሳ ሲዒዳ ዋዴ ባንታ ዋዛናን ቦሼቲዲ ጳጳሮሳኔ ሃንኮ ሃዋሪታኮ፣ «ኢሻቶ፣ ያቲን ኑኒ እይ ኦሊና?» ያገደሰና።

38 ጳጳሮሲ ኤንታኮ፣ «ሂንቲ ናጋራይ አቶ ጌቲታና ማላ ናጋራፔ ሲሚዲ፣ ሂንቲ ኢሶይ ኢሶይ ዩሱሰ ከሪስቶሳ ሱጎላን ፃማቄቲቲ። ያሳይ ኢሚያ ጌሻ አያና ሂንቲ ኤካና።

39 ገሶይካ ያሳይ አማና ገዳ ኡፋይሳ ቃላይ ሂንቲስ፣ ሂንቲ ናይታሲኔ ጎዳይ ኑ ያሳይ ባኮ ያገሰ ሃሆን ዴዒያ ኡባሳ» ያገሰ።

40 ጳጳሮሲ ኤንታው ሃራ ቃላካ ጉጁ ማርካቲዲ፣ «ሃ ዋዲያ ጌላ እሳ ቦላ ያናው ዴዒያ ፐርዳፌ ሂንቲ ሁዒያ አሸቲ» ያገደዲ ዘሪስ።

41 ጳጳሮሲ ኡዲዳይሳ ኤኪዳይሳቲ ፃማቄቲዶሶና። ሄ ጋላስ ሄቹ ሙኩሉ ገዲያ እሳይ አማኒዶሶና።

42 ኤንቲ ሃዋሪታ ቲማርቲያን፣ ኢሲፌቲላን፣ ኡይላ ሙሳኒኔ ያሳ ዋሳን ማኖሶና።

አማኒያ እሳ ኢሲፌቲላ ዴቦዋ

43 ሃዋሪታ ኩሼን ዳር ኦራሳባይኔ ማላቲ ኦሱቲያ ገሸ እሳ ኡባይ ያዩዶሶና።

44 አማኒዳ ኡባይ ኢሲፌ ዴዶሶና፣ ባንታው ዴዒያባ ኡባ ኢሲፌ ሻኬቶሶና።

45 ኤንቲ ባንታው ዴዒያባ ባይዚዲ ሚሺያ ኢሱዋስ ኢሱዋስ ኮሺዳ ማላ ሻኮሶና።

46 ኡባ ጋላስ ኢሲ ዋዛናን ገዲዲ ያሳ ኬላን ሸቆሶና። ባንታ ኬላን ኢሶይ ኢሱዋ ያገዲ ኡፋይሳኒኔ አሸኬ ዋዛናን ካላ ሞሶና።

47 ያሳ ጋላቲሼ እሳ ኡባን ሳቤቲዶሶና። ጎዳይ አቲይሳታ ጋላስ ጋላስ ኤንታ ቦላ ጉጁስ።

3

ዋቤ አዳይ ፓዒስ

1 ኢሲ ጋላስ ጳጳሮሲኔ ዮሃንሲ ያሳ ዋሳናው ኡዲፋን ሳቲን ያሳ ኬላ ቢዶሶና።

2 ዩሌቶሶፔ ዶሚዲ ዋቤ ገዲዲ ኢሲ አዳይ ያሳ ኬላ ጌሊያ እሳፔ ሚሼ ዋሳና ማላ ኡባ ዋዴ ሎዎ ገያ ያሳ ኬላ ፔንገያን ኤሂዲ ዋሶሶና።

3 ሄ ዋቤ አዳይ ጳጳሮሲኔ ዮሃንሲ ያሳ ኬላ ጌላና ሃኒሺን ቤዒዲ ኤንታ ሚሼ ዋሲስ።

4 ኤንቲካ ኢያ ጫዲ ያሊዲ፣ «ኑኮ ሃ ያላ» ያገደሰና።

5 ዋቤ አዳይ ኤንታፌ አይኮ ኤካና ዳኒን ኤንታኮ ያሊስ።

6 ሺን ጳጳሮሲ ኢያኮ፣ «ታው ሚሼይ ባዋ፣ ሺን ታው ዴዒያባ ታኒ ኑው አማና። ናዚሬቴ ዩሱሰ ከሪስቶሳ ሱጎላን ዴንዳዳ ሃሙታ» ያገሰ።

7 ሄሳፌ ጉዩ፣ ዋቤ አዲያ ኡሻቻ ኩሺያ ኦይኪዲ ዴንሱስ። ኤሌሲዲ ኢያ ቶሆይኔ ቁንጫፊሊይ ሚኒ አገሰ።

8 አዳይ ጉፐዲ ዴንዲ ኤቁስ። ጌዴኔ ሃ ሃሙላ ዶሚስ። ሄሳፌ ጉዩ፣ ሃሙቲሼ፣ ጉፐሼኔ ያሳ ጋላቲሼ ኤንታራ ኢሲፌ ያሳ ኬላ ጌሊስ።

9 ኢ ሃሙቲሺኒኔ ያሳ ጋላቲሺን እሳ ኡባይ ኢያ ቤዒዶሶና።

10 ቤዒዳ ኡባይ ሚሼ ዋሳናው ሎዎ ገያ ያሳ ኬላ ፔንገን ኡቲዳይሲ ኢያ ገዲዳይሳ ኤሪዶሶና፣ ኢ ሃኒዳባ ቤዒዲ ማላሊቲዶሶና።

ጳጳሮሲ ያሳ ኬላን ሃሳዩዳ ሃሳያ

11 አዳይ ጳጳሮሳፔኔ ዮሃንሳፔ ዴዒኬ ገዲ ኦይኪዲ ዴዒሺን እሳ ኡባይ ማላሊቲዲ፣ ሶሎሞኔ ባራጎዳ ገያሶን ኢሲፌ ኤንታኮ ዋዒዶሶና።

12 ጳጳሮሲ እሳ ቤዒዳ ዋዴ አሳኮ፣ «ኢሰራዔል እሳው፣ አይስ ሃይሳን ማላሊቲቲ? ዋይኮ አይስ ኑና ጫዲ ያሊቲ? ኑኒ ኑ ዋልቃን ዋይኮ ኑ ያሎቲላን ሃ አዲያ ሃሙላዳባ ሂንቲው ዳኒ?»

13 አብራሃሚ፣ ዩሳቃ፣ ያይቆባ ያሳይ፣ ኑ አዋታ ያሳይ፣ ባ ናዓ ዩሱሳ ቦንቲስ። ሺን ሂንቲ ሃይቆስ አላ ኢሚዳይሳ ጰላዎሲ ቢላናው ኮዩንካ ሂንቲ ኢያ ሲጎላን፣ ሉኒ ኢያ ኤሮኮ» ያገደታ።

14 ሂንቲ ጌሻኔ ያሉዋ፣ ሉኒ ኢያ ኤሮኮ» ገዲ፣ ሺሞፖ ዋዲዳይሳ ሂንቲው ቢላና ማላ ጰላዎሳ ዋሲዳታ።

15 ደዑዋ አሜይሳ ሂንቲ ዋዲዳታ፡ ሸን ያሳይ ሃይቆፔ ኢያ ዳንሉሰ። ሄሳስ ኑኒ ማርካ።

16 ሃ ሂንቲ ቤዔይሰኔ ኤሪያ አዳይ ፓዲዲ ሚኒዳይ ዬሱሳ ሱንላን አማኒዳይሳና። ሃ ሂንቲ ኡባ ሲንላን ኢያ ሃይሳዳ ፓሌዳይ ኢ ዬሱሳ አማኒዳ ገሾሳ።

17 «ሃዒካ ታ አሻቶ፡ ሂንቲካ ሂንቲና ካሌሌይሳታዳ፡ ኤርና ኦሌዳይሳ ታኒ ኤሪይሰ።

18 ሸን ያሳይ ቤኒ ናቤታ ኡባ ደናን፡ ሳኪሰሰቶሲ ዋዬ ኤካናው ቤሴሰን ያገደይሲ ሃይሳዳ ፖሌታና ማላ ኦሌሰ።

19 ሂዛ፡ ያሳይ ሂንቲ ናጋራ አቶ ጋና ማላ ጎዳኮ ሲሚቲ።

20 ጎዳ ማታፔ ማንሌላ ዋዳይ ሂንቲው ያና፡ ያሳይ ከሪሰቶሳ ገዳና ማላ ሲንላቲዲ ደሪዳ ዬሱሳ ሂንቲው ዬዳና።

21 ያሳይ ባ ጌሻ ናቤታ ደናን ቤኒ ኦሌዳይሳ ማላ ኡባባይ ኦሪዲያ ዋዳይ ጋካናው ዬሱሲ ሳሎን ጋምናናው ቤሴሰ።

22 ሙሴይ፡ ሳዳ ያሳይ ታና ዳንሌዳይሳ ማላ ሂንቲ ገደፌ ሂንቲው ናቤ ዳንላና። ሂንቲ ኢ ጌይሳ ኡባ ሲዒቲ።

23 ሄ ናቤይ ኦዳይሳ ሲያና አሲ ኦኒካ አሳ ገደፌ ሻኬቲዲ ጳዮን ያገሰ።

24 «ቃሲ ሳሙዒላፔ ደሚዲ ዳዒያ ናቤቲ ኡባይ ሃ ዋዲያባ ኦዲደሶና።

25 ሂንቲ ናቤታ ናይታ፤ ቃሲ ያሳይ አብራሃሚሰ፡ ሳሳን ዳዒያ አሳ ኡባ ታኒ ኔ ሸሻ ባጋራ አንጅና) ያገዲ ኑ አዋታሰ ጌሊዳ ቃላ ሳቲያ ናይታ።

26 ያሳይ ሂንቲና ኡባ ሂንቲ ኢታ ኦጊያፔ ዛሪዲ አንጅና ማላ ባ ናዓ ዳንሌዲ ሂንቲው ኮይር ዬዲሰ» ያገሰ።

4

ጳዒርሲኔ ዮሃንሲ አይሁዳ ሻንጎ ሲንላን

1 ጳዒርሲኔ ዮሃንሲ አሳሰ ኦዲሸን ካሂኔ ሃላቃቲ፡ ያሳ ኬላ ናጌይሳታ ሃላቃይኔ ሳዲቃዊቲ ኤንታኮ ዪደሶና።

2 ኤንቲ ዬሱሲ ሃይቆፔ ዳንደይሳኔ ኢያ ጋሶን ሃይቆፔ ዳንደይ ዳዔይሳ አሳ ታማርሲዳ ገሾ ዪሎቲደሶና።

3 ሄሳ ገሾ፡ ኤንታ ኦይኪዲ ሳዓይ አማርሲዳ ገሾ ዋንታና ጋካናው ቃሾ ኬላ ጌልሲደሶና።

4 ሸን ቃላ ሲዒዳይሳታፔ ዳርቲ አማኒደሶና። አማኒዳ አዳ አሳ ታይቦይ ኢቻሹ ሙኩሉኮ ቢሰ።

5 ዋንቲላ ጋላሰ ዳሪያ ሃሪይሳቲ፡ ጨማቲኔ፡ ሃጌ አሰታማሬቲ ዬሩሳላሚን ሸቁደሶና።

6 ሄ አሳ ገደን ካሂኔ ሃላቃይ ሃኒ፡ ቃያፊ፡ ዮሃንሲ፡ ኢሰከንዲሬይኔ ካሂኔ ሃላቃ ሶ አሳቲ ኡባይ ዳዎሶና።

7 ሃዋሪታ ባንታ ሲንላን ኤሲዲ፡ «አይቤ ዋልቃን ዋይኮ ኦዳ ሱንላን ሃይሳ ሂንቲ ኦሌዳቲ?» ያገዲ ኦይቺደሶና።

8 ሄ ዋዳ ጳዒርሲ ጌሻ አያናን ኩሚዲ፡ «ዳሪያ ሃሪይሳቶ፡ ጨማቶ፡

9 ሃቺ ሃ ዋቤ አዲያሰ ኦሴቲዳ ሎዎ ኦሱዋሲኔ ኢ ዋኒዲ ፓዲዳኮ ሂንቲ ኦና ኦይቺኮ።

10 ማሰቃሊያ ቦላ ሂንቲ ካቁን፡ ያሳይ ሃይቆፔ ዳንሌዳ ናዚሬቲ ዬሱሰ ከሪሰቶሳ ሱንላን ሃ አዳይ ፓዲዲ ሂንቲ ሲንላን ኤቁደይሰ ሂንቲውኔ ኢሰራዔሌ አሳ ኡባሰ ኤሬቶ።

11 ገምቤይሳቲ ቦሪዲ ኢዲዳ ሹቻይ፡ ጎዳ ያጸዎ ማንሌያ፡ ኡባፌ አዲያ ሹቹ ገዲሰ፤

ሄ ሹቻይ ዬሱሳ።»

12 ሄሳ ገሾ፡ አቶቲሌ ኢያ ባጋራፔ አቲን ሃራ ኦዳ ባጋራካ ባዋ። ኑኒ ኢያ ሱንላን አታና ማላ አሳ ኡባሰ ያሳይ ሳሎፔ ጋርሳን አሚዳ ሃራ ሱንሌ ባዋ» ያገሰ።

13 ሸቁዳ አሳይ ጳዒርሲኔ ዮሃንሲ ሚኒዳ ሚናቲላ ቤዒዳ ዋዳ ኤንቲ ታማሪቦና ጮ አሲ ገዲዳይሳ አኬኪዲ ማላሊቲደሶና፤ ኤንቲ ዬሱሳራ ዳዔይሳ ኤሪደሶና።

14 ቃሲ ፓዲዳ አዳይ ጳዒርሳራኔ ዮሃንሳራ ኤቁዳይሳ አሳይ ቤዒዲ ገያባ ጳዪደሶና።

15 ሸን ጳዒርሳኔ ዮሃንሳ ካሬ ኬያና ማላ ኦሌዲ ባንታ ገደን፡

16 «ሃ አሳታ ኑ አይ ኦሌና? ኤንታ ኩሼን ኦሴቲዳ ገታ ማላታይ ዬሩሳላሚን ዳዒያ ኡባሰ ቤንቲሰ። ኑኒ ሄሳ ኤርኮ ጋናው ዳንደዎኮ።

17 ሸን ሃ አዳይ አሳ ገደን ላሊቶና ማላ ሃዛፔ ጉዬ ሃ አሳቲ ዬሱሳ

ሱንላን ኦዴሰካ ኦድና ማላ ማንሌዲ ናጊሳና» ያጊዲ ዘሬቲዶሶና።

18 ኤንታ ያጊዲ፣ ዬሱሳ ሱንላን ሂዛፔ ኦድና ማላ ዋይኮ ታማርሶና ማላ ከቲዶሶና።

19 ሺን ጳጳሮሴኔ ዮሃንሲ ኤንታኮ ዛሪዲ፣ «የሳስ ከቲታናይሳፌኔ ሂንቱው ከቲታናይሳፌ ያሳ ሲንላን ኣወሲ ሎዎኮ ኣኔ ሂንቱ ፒርዲቲ።

20 ኑኒ ቤዒዳባኔ ሲዒዳባ ኦድና ኣጋናው ዳንዳዎኮ» ያጊዶሶና።

21 ቢታ ጠማቲኔ ዳሪያ ሃሪይሳቲ ካሴፔ ማንሌ ናጊሲዲ ኤንታ ዬዲ ኣጊዶሶና። ኣሳይ ሃኒዳባስ ያሳ ጋላቲያ ጊሾ ኤንታ ሴራናው ዳንዳዲቦኮና።

22 ሄ ማላታን ሃርጊያፌ ፓሌዳ ኣዲያስ ላይሳይ ኦይታማፔ ኣጲስ።

አማኒያ ኣሳ ዋሳ

23 ጳጳሮሴኔ ዮሃንሲ ቢርሼቲዲ ባንታ ዳቦታኮ ቢዲ፣ ካሂኔ ሃላቃቲኔ ጠማቲ ባንታኮ ጊዳባ ኡባ ኤንታው ኦዲዶሶና።

24 ኤንቲ ሄሳ ሲዒዳ ዋዴ ኢሲ ዋዛናን ጊዲዲ ያሳ ሃይሳዳ ያጊዲ ዋሲዶሶና። «ኡባ ሃሪያ ጎዳው፣ ሳሉዋ፣ ሳዓ፣ ኣባኔ ኤንታ ጊዶን ዳዒያ ኡባባ ማጲዳይሶ።

25 ኔኒ ኔ ኣይሊያ፣ ኑ ኣዋ ዳዊቲ ዶናን ጌሻ ኣያናን፣

«ዳሬይ ኣይስ ዪሎቲዶና?

ኣሳይ ኣይስ ጮ ማቁቲዶና?

26 ሳዓ ካዋቲኔ

ዳሪያ ሃሪይሳቲ ኢሲፌ ጎዳ ቦላኔ

ከሪስቶሳ ቦላ ዳንዲዶሶና) ያጋዳሳ።

27 «ቱማካ፣ ሄርዲሴኔ ጳንጻ ጲላዎሲ ኣይሁዴ ጊዶና ኣሳራኔ ኢስራዔሌ ኣሳራ ኔ ዶሪዳ ኔ ጌሻ ናዓ ዬሱሳ ቦላ ዳንዳናው ሃ ካታማን ሸቁዶሶና።

28 ቃሲ ኔኒ ኔ ዋልቃኒኔ ኔ ሸኒያን ኦላና ጋዳ ቆፓ ኡቲዳባ ኡባ ፖሊዶሶና።

29 ሃዒካ ጎዳው፣ ኤንታ ማንዳላ ቤዓ፤ ኔኒ ኔ ኣይሌቲ ኔ ቃላ ኩሜላ ዋዛናን ኦድና ማላ ኑና ዳንዳዒሳ።

30 ኔ ጌሻ ናዓ ዬሱሳ ሱንላን ሃርጋንቾታ ፓላናው፣ ኦራላባይኔ ማላታቲ ኦሴታና ማላ ኔ ኩሺያ ማጫ» ጊዲ ዋሲዶሶና።

31 ኤንቲ ያሳ ዋሲዳፔ ጉዬ ሄ ኤንቲ ሸቁዳሶይ ቃዒስ። ኤንታ ኡባን ጌሻ ኣያኒ ኩሚን ያሳ ቃላ ሚናቴላን ኦዲዶሶና።

ኮይር ኣማኒዳ ኣሳ ኢሲፌቴላ

32 ኣማኔይሳቲ ኡባይ ቆፋኒኔ ዋዛናን ኢሲና ጊዲዶሶና። ኤንቲ ባንታው ዳዒያባ ታባ ጎናሺን ኢሲፌ ሻኬቶሶና።

33 ሃዋርቲ ጎዳ ዬሱሲ ሃይቆፔ ዳንዲዳይሳ ጌታ ዋልቃን ማርካቶሶና። ያሳይ ኤንታ ኡባስ ኣጼ ኬሃቴላ ዳርሲዲ ኢሚስ።

34 ቢቲ ዋይኮ ኬሌ ዳዔይሳቲ ኡባይ ባይዚ ኤኪዳ ሚሺያ ኤሂያ ጊሾ ኣማኔይሳታ ጊዶን ሜቶታንቾይ ኢሶይካ ባዋ።

35 ሚሺያ ኤሂዲ ሃዋሬታስ ኣሞሶና፤ ሄ ሚሺያ ኢሱዋስ ኢሱዋስ ኮሼይሳዳ ሻኪ ሻኪ ኢሚስ።

36 ቆጶርሳ ጊያ ቤሳን ዬሌቲዳ ዮሴፋ ጊያ ለዌ ሸሻፔ ጊዲዳ ኢሶይ ዳዔስ። ኢያ ሱንላ ሃዋሬቲ ባርናባሳ (ሚንሌሉ ናዓ) ጊዶሶና።

37 ባርናባሲ ባው ዳዒያ ቢታ ባይዚዲ ሚሺያ ኤሂዲ ሃዋሬታስ ኢሚስ።

5

ሃናኒያኔ ኢያ ማቸው ሳጲር

1 ኢሲ ሃናኒያ ጊያ ኣዴይ ባ ማቸ ሳጲራሪ ጋዴ ባይዚስ።

2 ሄ ባይዚዳ ሚሺያፔ ባ ማቸያ ኤሪሺን ባጋ ኣሺዲ፣ ኣቲዳይሳ ኤሂዲ ሃዋሬታስ ኢሚስ።

3 ሺን ጳጳሮሴ ሃናኒያኮ፣ «ኔኒ ጌሻ ኣያና ጠማና ማላኔ ጋዲያ ባይዚዳ ሚሺያፔ ሻካዳ ኣሻና ማላ ዓላሄይ ኔ ዋዛናን ኣይስ ጌሊዳ?

4 ኔኒ ባይዛናፔ ካሴ ጋዴይ ኔባ ጊዴኔዬ? ቃሲ ኔኒ ባይዛ ሲሚንካ ሚሺይ ኔባ ጊዴኔዬ? ያቲን፣ ሄሳ ማላባ ኦላናው ኣይስ ኔ ዋዛናን ቆፓዲ? ኔኒ ያሳ ቦላ ዋርዶታዳሳፔ ኣቲን ኣሳ ቦላ ዋርዶታባካ» ያጊሲ።

5 ሃናኔይ ሄ ቃላ ሲዒዳ ማላ ኩንዲዲ ሃይቁስ፤ ሄሳ ሲዒዳ ኡባይ ዳር ያዩስ።

4:24 ኪሳ 20:11፤ ናህ 9:6፤ ማዝ 146:6 4:25 ማዝ 2:1-2 4:27 ማቶ 27:1-2፤ ማር 15:1፤ ሉቃ 23:1፤ 7-11፤ ዮሃ 18:28-29 4:32 ሃ.ኦ 2:44-45

6 ናባቴላ አሳቲ ሶ ጌሊዲ ኢያ አሃ ፃዲዲ ኤፊዲ ሞጊደሶና።

7 ሃዙ ሳቲፔ ጉዬ ሃናኒያ ማቺያ ሄሳ ኤርና ዴባሽ ጳዊርሲ ዴዲያሱዋ ጌላሱ።

8 ጳዊርሲ ኢኮ፡ «ሂንቴ ጋዲያ ሃይሳ ማላ ሚሼሰ ባይዚዴቴ? እኔ ታው ኦዳ» ያገሰ።

ኢያካ፡ «ኤ፡ ሃይሳ ማላ ሚሼሰ ባይዚዴ» ያገሰ።

9 ጳዊርሲ ማጫሰው፡ «ኔራኔ ኔ አዘናራ ጎዳ እያና ፓጫናው እይሰ ዘሬቲዴቴ? ሃኮ፡ ኔ አዘና ሞጊዳ አሳቲ ካሬን ዴዶሶና፤ ኔናካ ኤንቲ ካሬ ኬሳና» ያገሰ።

10 ማጫሰያ ኢራካ ጳዊርሳ ቶሁዋ ማታን ኩንዳዳ ሃይቃ አጋሱ፤ ናባቴላቲ ጌሊያ ዋዴ ሃይቁዳር ዴሚዲ ካሬ ኬሲዲ፡ ኢ አዘና ማታን ሞጊደሶና።

11 ኩሚላ ዋሳ ኬላይኔ ሄሳ ሲዒዳ ሃራ አሳ ኡባይ ዳር ያዩደሶና።

ኦራላባታኔ ማላሊሲያባታ

12 ሃዋሪቲ ዳር ማላታታኔ ኦራላባታ አሳ ጊደን አሶሶና። አማኒያ ኡባይ ሶሎሞኔ ባራንዳን ኢሲፊ ሸቆሶና።

13 ሃራ አሳፔ ኤንታራ ጋሄታናው ኢሲ አሲካ ሚኒቤና፤ ሺን አሳይ ኤንታ ቦንቺሰ።

14 አማኒያ አዴታኔ ማጫሳታ ታይቦይ ካሴይሳፊ ዳሪሽ ቢሰ።

15 ሄሳ ጊሾ፡ አሳይ ሃርጋንቾታ ሃላኒኔ አልጋን ቶኪዲ ጳዊርሲ አጂያ ዋዴ ኢያ ኩያይ ኤንታፊ ኢሶታ ኢሶታ ቦላ ሸምፓና ማላ ኦጌ ዶናን ኬሲዲ ዋሶሶና።

16 ቃሲ ዳር አሳይ ዬሩሳላሚ ማታን ዴዲያ ካታማታፔ ሃርጋንቾታኔ ቱና እያኒ ዋይሲያ አሳታ ኤኪዲ ዮሶና፤ ኡባይካ ፓዲደሶና።

ሃዋሪታ ቦላ ጎዲ ዴንዲሰ

17 ካሂኔ ሃላቃይኔ ኢያራ ዴዲያ ሳዲቃዌቲ ኡባይ ቃናቲን ኩሚዲ ሃዋሪታ ቦላ ዴንዲደሶና።

18 ሃዋሪታ ኦይኪዲ ዴሪያ ቃሾ ኬላን ዩጊደሶና።

19 ሺን ጎዳ ኪታንቾይ ቃማ ቃሾ ኬላ ፔንጊያ ደዩዲ ሃዋሪታ ካሬ ኬሲዲ፡

20 «ቢዲ፡ ያሳ ኬላን ኤቁዲ ሃ ኦራላ ዴዶ ቃላ አሳ ኡባሰ ኦዲቲ» ያገሰ።

21 ሃዋሪቲ ሄሳ ሲዒዳ ዋዴ ዋንታ ጉራ ያሳ ኬላ ጌሊዲ ታማርሶ ደሚደሶና።

ካሂኔታ ሃላቃይኔ ኢያራ ዴዲያሳቲ ዩዲ፡ ኢሰራዔሌ ጩማታ ኡባ ያጊ ሸሺዲ ሃዋሪታ ባንታ ሲንሌ ኤሃና ማላ ዋታዳሬታ ቃሾ ኬላ ከቲደሶና።

22 ሺን ዋታዳሬቲ ቃሾ ኬላ ቢዲ ሃዋሪታ ዴሚሶኮና። ጉዬ ሲሚ ዩዲ ዴሪያሰ።

23 «ኦኒ ቢያ ዋዴ ቃሾ ኬላ ፔንጊይ ሚንላ ጎርዴቲን፡ ናጌይሳቲ ፔንጊኒ ኤቁዳይሳታ ዴሚዲ። ሺን ኦኒ ካሪያ ደያ ዋዴ ጊደን ሃሪ አቶሺን ኢሲ አሲካ ባዋ» ያገደሶና።

24 ሄሳ ጊሾ፡ ያሳ ኬላ ዋታዳሬታ ከቲይሲኔ ካሂኔ ሃላቃቲ ሄሳ ሲዒዳ ዋዴ «ሃዋሪታ ቦላ አይቤ ሃኒዴ?» ያገደዲ ሃርጊደሶና።

25 ሄ ዋዴ ኢሲ አዴይ ኤንታኮ ዩዲ፡ «ሄኮ፡ ቃሾ ኬላ ሂንቴ ጌልሲዳ አሳቲ ያሳ ኬላን ኤቁዲ አሳ ታማርሶሶና» ያገደዲ ኤንታው ኦዲሰ።

26 ያሳ ኬላ ዋታዳሬታ ከቲይሲ ባ ዋታዳሬታራ ቢዲ ሃዋሪታ ኤሂሰ። ሺን ኤንቲ ባንታና አሳይ ሹቻን ጫዳና ጊዲ ያዩዳ ጊሾ ኤንታ አዳሺዲ ኤሂደሶና።

27 ኤንቲ ሃዋሪታ ኤሂዲ፡ ሸቁዳ ሻንጉዋ ሲንላን ኤሲን ካሂኔ ሃላቃይ ኤንታኮ።

28 «ሂንቴና ኦኒ ሄ ኡራ ሱንላን ታማርሶና ማላ ሚንላዲ ከቲሶኮ? ሄኮ፡ ሂንቴ ቲሚርቲያ ዩሩሳላሚ ካታማ ኡባ ጋላዴታ። ሄ ኡራ ሸምፑዋሰ ኦና ኦይላናው ቆፔቲ?» ያገደዲ ኦይቺሰ።

29 ጳዊርሳራኔ ሃንኮ ሃዋሪታራ ኤንታው ዘሪሽ፡ «ኦኒ አሳሰ ከቲታናፔ ያሳሰ ከቲታናው ቤሴሰ።

30 ማሰቃሊያ ቦላ ሂንቴ ካቁዲ ዋጂዳ ዩሱሳ ኦ አዋታ ያሳይ ሃይቆፔ ዴንላሰ።

31 ኢሰራዔሌቲ ናጋራፔ ሰማና ማላኔ ኤንታ ናጋራይ አቶ ጌቲታና ማላ ያሳይ ዩሱሳ ሃሪይሳኔ አሽይሳ ኦሊዲ ቦንቾን ባፔ ኡሻቻ ባጋን ኡቲሲሰ።

32 ሄሳሰ ኦኒ ማርካ፤ ቃሲ ያሳይ ባና አማኔይሳታሰ አሚዳ ጌሻ አያናይካ ማርካ» ያገደሶና።

33 ሸቂዳ አሳይ ሄሳ ሲዲዳ ዋዴ ዳር ደሎተዲ፣ ሃዋሬታ ዋጳናው ቆፒደሶና።

34 ሺን አሳ ኡባን ዳር ቦንቼተዳ፣ ሂጌ አስታማሬይ፣ ጋማሊያሌ ጊያ ኢሲ ፋሪሳዌይ ዳንዲ ኤቂዲ ሃዋሬታ ጉላ ዋዴሰ ካሬ ኬሳና ሜላ ከተሰ።

35 ሄሳፊ ጉዬ፣ ሸቂዳ አሳኮ፣ «ኢሰራዴሌ አሳው፣ ሃ አሳታ ቦላ ሂንቲ ኦሳናው ቆፒያባፔ ናጌተቱ።

36 አይሰ ጊኮ፣ ሃይሳፊ ካሴ ቱዋደሲ ባና፣ (ታኒ ጊታ) ጊዲ ዳንዲን፣ እይዱ ጭቱ ጊዲያ አሳቲ ኢያራ ኢሲፊደሶና። ሺን ኢያ ዋጳን ኢያ ካሊዳ ኡባይ ላሌቲን ፓሉና አሲ ጊዲዲ አተደሶና።

37 ሄሳፊ ጉዬ፣ አሳይ ታይቤተያ ዋዴ ጋለላ ዪሁዲ ዳንዲዲ ዳር አሳ ፓንጋዪዲ ካሌሊሰ፣ ሺን ኢያካ ዋጳን ኢያ ካሊዳ አሳ ኡባይ ላሌተሰ።

38 ሃዲካ ታ ሂንቲው ኦዳይሰ፤ ሃ አሳታፔ ሻኬተቲ፤ ኤንታ ቦቾፊቱ። አይሰ ጊኮ፣ ሃ ቆፋኔ ሃ ኦሱዋ አሲ ኦሊያባ ጊዲኮ ጳያና።

39 ሺን ሃ ቆፋይኔ ሃ ኦሶይ ያሳፊ ዪዳባ ጊዲኮ፣ ሂንቲ ኤንታ ጳይሳናው ዳንዲዳኬታ። ጌላዳ ያኒሹ ሂንቲ ያሳራ ካጨታና» ያጊዲ ኦዲሰ። ሄሳ ጊሾ፣ ሸቂዳ አሳይ ጋማሊያሌ ዞሪያ ኤኪደሶና።

40 ሃዋሬታ ሶ ጃጊዲ ሊሶን ጋራፊሰሰ። ሄሳፊ ጉዬ፣ ኤንታኮ፣ «ዬሱሳ ሱንላ ናሞዓንሶ ዳንሶፊቱ» ጊዲ ቢርሺ ዬዲደሶና።

41 ዬሱሳ ሱንላ ጊሾ ኤንቲ ካዉያናይሲ ቤሲያባ ጊዴይሳ ኤሪዳ ጊሾ ሻንጉዋ ሲንላፊ ኡፋይቲሽ ኬዪደሶና።

42 ኤንቲ ኡባ ዋዴ ያሳ ኬላኒኔ አሳ ሶን ዬሱሲ ኢ ኪሪሰቶሳ ጊዴይሳ ታማርሶኔ ሳባኮ አገሶኮና።

6

ላፑን አሳታ ደሬቲላ

1 ሄ ዋዴ ካሌይሳታ ታይቦይ ዳሪ ዳሪ ቢሺን፣ ገሪኬ ደና ኦዴቲያ አይሁዳቲ ዪሁዳን ዬሌተዲ ዳዲያ አይሁዳቲ ቦላ ዙዙሚደሶና። አይሰ ጊኮ፣ ገሪኬ ደና ኦዴቲያ አይሁዳቲ፣ «ጋላሰ ጋላሰ ኢሜቲያ ካላን ኑ አሞዴቲ ናቁቶሶና» ያጊደሶና።

2 ታማኔ ናሞዑ ሃዋሬቲ ዋሳ ኬላ አሳ ኡባ ጃጊዲ፣ «ኑኒ ያሳ ቃላ

ኦዴይሳ አገዲ ካሌ ጊሻናው ኑሰ ቤሴና።

3 ሂዛ፣ ኢሻቶ፣ ሎዎ አሳታ፣ ጊሻ አያናኒኔ ጨንጫቲላን ኩሚዳ ላፑን አሳታ ሂንቲ ጊደፊ ደሪቲ፤ ኑኒ ኤንታ ሃ ኦሱዋሰ ሹማና።

4 ሺን ኑኒ፣ ኑ ኩሜላ ዋዲያ ያሳ ዋሳኒኔ ቃላ ታማርሶን ፔሻና» ያጊደሶና።

5 ሃዋሬቲ ኦዲዳ ኦዳይ አሳ ኡባ ኡፋይሲሰ። ሄሳ ጊሾ፣ አማናይኔ ጊሻ አያኒ ኩሚዳ ኢሰጻፋኖሴ፣ ፊልጶሳ፣ ጸርኮርሳ፣ ኒቃርኔ፣ ጊሞና፣ ጸርሜናኔ አይሁዳ አማኖ ጌሊ ሲሚዳ አንጾኪያ ኒቆላዎሳ ደሪደሶና።

6 ኤንታ ሃዋሬታ ሲንላን ኤሲን፣ ሃዋሬቲ ኤንታ ቦላ ኩሼ ዋሌዲ ያሳ ዋሲደሶና።

7 ያሳ ቃላይ ዳልጊ ዳልጊ ቢሰ። ዬሩሳላሜን ዳዲያ አማኔይሳታ ታይቦይ ዳሪ ዳሪ ቢሰ፤ ዳር ካሂኔቲካ አማኒደሶና።

ኢሰጻፋኖሴይ ኦይኬቲሰ

8 ኢሰጻፋኖሴይ አጼ ኬሃቲላኒኔ ዋልቃን ኩሚዲ አሳ ጊደን ኦራላባታኔ ማላታታ ኦሌሰ።

9 አይሌቴላፊ ኬዪዳ አይሁዳ ዋሳ ኬላ አሳይ ቁሪናፔኔ ኢሰኪንዲሪያፔ ኪልቆያፊኔ ኢሲያፔ ዪዳ ኢሲ ኢሲ አሳቲ ዳንዲዲ ኢሰጻፋኖሴራ ፓላሚደሶና።

10 ሺን ኢሰጻፋኖሴይ አያና ዋልቃን ኦዴቲያ ጨንጫቲላ ኤንቲ ኤቁታናው ዳንዲዲቦኮና።

11 ሄ ዋዴ ኤንቲ፣ «ሙሴኔ ያሳ ኢ ጫዪሺን ሲዲዳ» ጊያ ዋርዶ አሳታ ሻሚደሶና።

12 ሄሳዳ ኦሌዲ ቢታ ጨማታኔ ሂጌ አስታማሬታ ኢያ ቦላ ዳንላደሶና። ኢሰጻፋኖሴ ኦይኪዲ ሻንጉዋ ሲንላ ኤፊደሶና።

13 ኢያ ቦላ ፓይዲዳ ዋርዶ ማርካቲ፣ «ሃ ኡሪይ ሃ ያሳ ኬላኔ ሙሴ ሂጊያ ዛሪ ዛሪ ጫዬሰ።

14 ኢ፣ (ሃይሲ ናዚሬቲ ዬሱሰ፣ ሃ ያሳ ኬላ ላላና፤ ቃሲ ሙሴይ ኑሰ ኢሚዳ ሂጊያ ላማና) ያጊሺን ኑኒ ሲዲዳ» ያጊደሶና።

15 ሻንጎ ሸቆን ኡቲዳ አሳ ኡባይ ኢሰጻፋኖሴ ሎይሌዲ ጃሊያ ዋዴ ኢያ ሶሞይ ኪታንቾ ሶሞዎ ዳኔሰ።

7

ኢስጳጳሮስ ሃሳያ

1 ካሂኔታ ሃላቃይ ኢስጳጳሮስኮ፡ «ሃይሲ ቱሜ?» ያጊዲ እይቺሰ።

2 ኢስጳጳሮሴይ፡ «ታ አሻቶ፡ ታ አዋቶ፡ ሲዒቲ! ኑ አዋ ኡብራሃሜይ ካራኔን ዳናው ባናፕ ሲንሐ ማሴጶሚያን ዳዒሺን፡ ቦንቸ ያሳይ እያው ቆንጩዲ።

3 ሩ ቢታፊኔ ኔ ዳቦታፕ ሻኬታዳ ታኒ ኔና ቤሲያ ቢታ ባ፡ ያጊሰ።

4 ሄ ዎዴ ኡብራሃሜይ ካልዳዊታ ቢታፊ ከዪዲ ካራኔን ዳናው ቢሰ። እያ አዋይ ሃይቂዳፕ ጉዬ ያሳይ እያ ሃ ቢታ ሃዒ ሂንቲ ዳዒያ ቤሳ ኤሂሰ።

5 ኢ ሃ ቢታፊ ሃሪ አቶሺን ቶሆይ ዬጲያ ቤሲካ ኡብራሃሜሰ እሚቤና። ሺን ናዒ እያው ባይና ዎዴ ያሳይ ሃ ቢታ እያውኔ እያ ሺሻሰ ላታ ኦሌዲ እማናይሳ ቃላ ጌሊሰ።

6 ያሳይ ኡብራሃሜኮ፡ ሩ ሺሻይ ሃራ ቢታን አማላቴላን ዳና፤ ያን ኦይዲ ጻቱ ላይሌ ኤንቲ ኣይሌቴላን ሃራታና።

7 ሺን ታኒ ኔ ሺሻ ሃሪያ ዳሪያ ቦላ ፐርዳና። ሃሳፊ ጉዬ፡ ኤንቲ ሄ ቢታፊ ከዪዲ ሃይሳን ታው ጎይናና ያጊሰ።

8 ያሳይ ኡብራሃሜ ሺሻይ ቃፃራታና ሜላ እያራ ጫቂን፡ ዪሳቂ ዬሌቴዳ ሆሰፑንላ ጋላሳን ቃፃሪሰ። ዪሳቂ ያይቆባ ቃፃሪሰ፤ ቃሲ ያይቆቢ ታማኔ ናምቡ ባ ናይታ፡ ኑ አዋታ ማይዛታ ቃፃሪሰ።

9 «ያይቆባ ናይቲ ዮሴፋ ቃናቲዲ ጊብጻ ቢታን ኣይሌቴላሰ ባይዚዳሶና፡ ሺን ያሳይ እያራ ዳዒሰ።

10 እያ፡ እያ ዎዬ ኡባፊ ኬሲሰ። ጊብጻ ካዉዋ ሲንላን ሳባኔ ጨንጫቴሌ እያው እሚሰ። ጊብጻ ካዎይ ዮሴፋሰ ጊብጻ ቢታኔ ባ ኬላ ኡባ ኣይሳናዳ ሃላቃቴሌ እሚሰ።

11 «ጊብጻ ቢታኒኔ ካናኔ ቢታ ኡባን ኮሺ ጌሊዲ ዳር ኣሳ ኡንዒሌሰ። ሄ ዎዴ ኑ ማይዛቲ ካሌ ዳማናው ዳንዳዒሶኮና።

12 ያይቆቢ ጊብጻ ቢታን ካሌ ዳዒይሳ ሲዒዲ ኑ አዋታ ኮይር ያ ዬዲሰ።

13 ናምዓንሉ ቡሳን ዮሴፊ ባ አሻታሰ ባናቴላ ኤሪሲሰ። ጊብጻ ካዎይካ ዮሴፋ ሺሻ ኤሪሰ።

14 ዮሴፊ ባ አዋ ያይቆባኔ ባ ዳቦ ኡባ፡ ላፑን ታማኔ ኢቸቮ ኣሳ ባኮ ያና ሜላ ከቲዲ ኤሂሲሰ።

15 ያይቆቢ ጊብጻ ቢታ ዎጲሰ፤ እኔ እያ ናይቲ ያን ሃይቂዳሶና።

16 ኤንታ ኣሃይ ሄ ቤሳፊ ሴኬሜ ቢታ ቶኬቴዲ ቢዲ፡ ያን ኡብራሃሜይ ሃዋሪ ናይታፕ ዳር ቢራን ሻሚዳ ዲፎን ሞጌቲሰ።

17 «ሺን ያሳይ ኡብራሃሜሰ እማና ጊዳይሳ ፖሊያ ዎዴይ ጋካናው ማቲዳ ዎዴ ጊብጻ ቢታን ዳዒያ ኑ ኣሳይ ዳሪ ዳሪ ቢሰ።

18 ሃሳፊ ጉዬ፡ ዮሴፋ ኤርና ሃራ ካዎይ ጊብጻ ቢታን ካዎቲሰ።

19 ሄ ካዎይ ኑ ዘራላ ጌሊዲ ጉላ ናይቲ ሃይቃና ሜላ ኤንታ ካሬ ኬሲ ዬጋና ሜላ ኑ አዋታ ኡንዒሌሰ።

20 «ሄ ዎዴ ሙሴይ ዬሌቴሰ፤ ኢ ያሳ ሲንላን ዳር ሎዎ ናና። ባ አዋ ኬላን ሄቸ ኣጌና ጋካናው ዲጨሲ።

21 ሙሴይ ዎራ ሆሌቴዳ ዎዴ ጊብጻ ካዉዋ ናዒያ ዳማ ኤካዳ ባ ናና ኦላዳ እያ ዲቻሱ።

22 ሙሴይ ጊብጻታ ጨንጫቴላ ኡባ ታማሪዲ ኦዳኒኔ ኦሶን ሚና ኣሲ ጊዲሰ።

23 «ሙሴሰ ላይላይ ኦይታማ ኩሚዳ ዎዴ ባ አሻታ፡ ኢስራዒሌታ ቤዓናው ባ ዎዛናን ቆፐሰ።

24 ኢስራዒላታፕ ኢሱዋ ጊብጻ ኢሶይ ቆሂሺን ቤዒዲ ሄ ኢስራዒሌ ኡራ ማዳዲ፡ ሄ ቆሂዳ ጊብጻ ኡራ ዎጲዲ ኩሼ ዛሪሰ።

25 ሙሴይ ባ አሻታ ባ ባጋራ ያሳይ ኣሻናው ሃኔይሳ ኤንቲ ኣኬካና ጊዲ ቆፐሰ፡ ሺን ኤንቲ ኣኬኪሶኮና።

26 «ዎንቴላ ጋላሰ ናምቡ ኢስራዒሌ ኣሳቲ ኢሶይ ኢሱዋራ ዎጲቲሺን ዳሚዲ ኤንታ ሲጌላናው

7:2 ሜዴ 12:1 7:4 ሜዴ 11:31፤ 12:4 7:5 ሜዴ 12:7፤ 13:15፤ 15:18፤ 17:8 7:6 ሜዴ 15:13-14 7:7 ኪሳ 3:12 7:8 ሜዴ 17:10-14፤ 21:2-4፤ 25፤ 26፤ 29:31-35 7:9 ሜዴ 37:11፤ 28፤ 39:2፤ 21 7:10 ሜዴ 41:39-41 7:11 ሜዴ 42:1-2 7:13 ሜዴ 45:1፤ 16 7:14 ሜዴ 45:9-10፤ 17-18፤ 46:27 7:15 ሜዴ 46:1-7፤ 49:33 7:16 ሜዴ 23:3-16፤ 33:19፤ 50:7-13፤ እያ 24:32 7:17 ኪሳ 1:7-8 7:19 ኪሳ 1:10-11፤ 22 7:20 ኪሳ 2:2 7:21 ኪሳ 2:3-10 7:23 ኪሳ 2:11-15

ኮዪዲ፣ ሳላቶ፣ ሂንቴ አሻንታ፤ እይሰ ኢሶይ ኢሱዋ ቆሃቴ?) ያገሰ።

27 «ሺን ባ ላጊያ ቆሃይሲ ሙሴኮ፣ ሳና ኑ ቦላ ሃሪይሳኔ ዳይና ኦሊዳይ ኦኔ?»

28 ኔኒ ዜኔ ገብፄ ኡራ ዋዲዳይሳዳ ታና ዋዳናው ኮያይ?) ያገዲ ሙሴ ስጊ ዬዲሰ።

29 ሙሴይ ሃሳ ሲዲዳ ዋዴ ገብፄፊ ቤቴዲ ሚዲያሚ ቢታን ቤቴ አሰ ገዲዲ ዴዲሼ ናሞዑ አዴ ናይታ ዬሊሰ።

30 «ጎዳ ከታንቸይ አይታሙ ላይላፊ ጉዬ ሲና ዴሪያ ማታን ዴዲያ ባዘ ቱሺያ ገደን ኤፂያ ታማ ላጮ ገደን ሙሴሰ ቤንቲሰ።

31 ሙሴይ ባ ቤዲዳይሳን ማላሊቲዲ፣ ሎይሊ ቤናናው ቱሺያ ማቲ ሺቁዲ ዴዲሺን፣ ጎዳ ቃላይ፣

32 ነታኒ ኔ አዋታ፣ አብራሃሚ ያሳ፣ ዩሳቃ ያሳ፣ ያይቆባ ያሳ) ያገሺ ሙሴኮ ዩሰ። ሙሴይ ያሻን ኮኮሪዲ ፄላናው ዳንዳዲቤና።

33 «ጎዳይ ሙሴኮ፣ ሳኔ ኤቁዳ ቢታይ ገሺ ገዲያ ገሾ ኔ ቶሁዋን ዴዲያ ጫማ ኬሳ።

34 ታኒ ገብፄን ዴዲያ ታ አሳ ኡንዴቴላ ቤዓሰ። ኤንታ ዋሱዋ ሲዳዳ ኤንታ አሻናው ዋዳሰ። ሃዲ ሃያ! ታኒ ኔና ገብፄ ከታና) ያገሰ።

35 «ኢሰራዔሊቲ ሙሴ፣ ሳና ኑና ሃሪይሳኔ ዳይና ኦሊዳይ ኦኔ?» ያገዲ ኢፂዳይሳ ቱሺያ ገደን ኢያው ቤንቲዳ ከታንቸዋ ባጋራ ሃሪይሳኔ አሺይሳ ኦሊዲ ያሳይ ከቲሰ።

36 ሙሴይ ኢሰራዔሊታ ገብፄፊ ኬሲዲ ማላሊሲያባታኔ ኦራሳባታ ገብፄ ቢታኒኔ ዘያ አባን ኦሊዲ ኤንታ አይታሙ ላይሊ ባዘ ቢታን ካሌሊሰ።

37 «ኢሰራዔሊ አሳኮ፣ ሳሳይ ታና ዴንሊዳይሳዳ ሂንቴ ሺሻ ገደፊ ታ ሜላ ናቤ ሂንቴው ዴንላና) ያገዲይ ሄ ሙሴ።

38 ባዘ ቢታን ሺቁዳ ኢሰራዔሊ አሳራ ዴዲዳይሲ፣ ኑ አዋታራኔ ሲና ዴሪያ ቦላ ኢያው ኦዲዳ ከታንቸዋራ ዴዲዳ ሙሴይ ኢያ። ያቲዲ፣ ያሳ ዴያ ቃላ ኑሰ ኢማናው ኤከሰ።

39 «ሺን ኑ ማይዛቲ ሙሴሰ ከቲታናው ዴሲቦኮና፤ ኢያ ኢፂዲ ጉዬ ገብፄ ሲማናው አሞቲደሶና።

40 ቃሲ አሮናኮ፣ ሳና ካሌሊያ ያሳታ ኑሰ ኦላ። እይሰ ገኮ፣ ሃይሲ ኑና ገብፄፊ ኤሂዳ ሙሴይ፣ ዋኒዳኮ ኑኒ ኤሮኮ) ያገደሶና።

41 ሄ ዋዴ ማሪ ዳኒሲዲ ኤቃ ኦሊደሶና። ሄ ኤቃሰ ያሮሾ ያሮሺዲ ባንታ ኩሼን ኦሊዳ ኦሎቀን ኡፋይቲደሶና።

42 ሺን ያሳይ ኤንታው ዘኮ ዛሪሰ። ኤንቴ ሳሎ ያሊንቶታ ጎይናና ሜላ ኤንታ ዬገ አገሰ። ናቤታ ማፃፋን፣

ሳኒሰራዔሊ አሳው፣ አይታሙ ላይሊ ከሜሊ

ባዘ ቢታን ሹኪዳ ሜሂያኔ ያሮሺዲ ያሮሹዋ ታው ያሮሺዳቲ?

43 ሂንቴ፣ ሂንቴው ጎይናናው ኬሲዳ ኤቃኔ ሞሎኬ ዴንካኒያ ሬፋና ገያ ሂንቴ ያሳ ያሊንቶ ሚሲሊያ ቶኪዳታ።

ታኒ ሂንቴና ባቢሎኔፔ ሂኒ ባጋ ዬዳና) ጌቴቲዲ ፃፊቲሰ።

44 «ኑ አዋታሰ ባዘ ቢታን ማርካ ዴንካኔይ ዴዔሰ። ኢያካ ያሳይ ሙሴ ከቲዳይሳዳኔ ኢያ ቤሲዳይሳዳ ኦሊሰ።

45 ቃሲ ኑ አዋቲ ሄ ዴንካኒያ ባንታ አዋታፔ ኤኪዲ ያሳይ ካሴ ዬዴሊዳ አይሁዴ ገደና አሳ ቢታ አይኪዳ ዋዴ ኢያሱራ ያ ኤኪዲ ጌሊደሶና። ሄ ዴንካኔይ ዳዊቴ ዋዴ ጋካናዉካ ሄ ቤሳን ዴዲሰ።

46 ዳዊቴይ ያሳን ሳቤቲሰ። ቃሲ ያይቆባ ጎዳይ ዴዓና ኬላ ኬፃናው ያሳ ዋሲሰ።

47 ሺን ኢያው ኬላ ኬፂዳይ ሶሎሞኔ።

48 «ሃሮሺን፣ ኡባፊ ቦላ ያሳይ አሲ ኬፂዳ ኬላን ዴና። ናቤይ ገዳይሳ ሜላ፣

49 ሳሳሎይ ታ አራታ፣ ሳሳይካ ታ ቶሆይ ዬዲያሶ።

ያቲን፣ ታው ሂንቴ አይ ሜላ ኬሊ ከፃይ? ዋይኮ ታኒ ሺሞፒያሶይ እዉኔ?

7:29 ከሳ 18:3-4 7:30 ከሳ 3:1-10 7:35 ከሳ 2:14 7:36 ከሳ 7:5፤ 14:21፤ ታይ 14:33 7:37 ዛሬ 18:15፣ 18 7:38 ከሳ 19:1-20:17፤ ዛሬ 5:1-33 7:40 ከሳ 32:1 7:41 ከሳ 32:2-6 7:42 አዋ 5:25-27 7:44 ከሳ 25:9፣ 40 7:45 ኢያ 3:14-17 7:46 2ሳሙ 7:1-16፤ 1ታሪ 17:1-14 7:47 1ካዋ 6:1-38፤ 2ታሪ 3:1-17 7:49 ኢሳ 66:1-2

50 ሃ ኡባ ታ ኩሺያን ኦላቢኪና? ያጌሰ ጎዳይ።

51 «ሂንቴ ዋኒዳ ሲያና አሴ? ሂንቴ ዋዛናይ ያሳ ቃላ ኤካናው አይሰ አዲድ? ሂንቴ ሃይላይ አይሰ ቱሊድ? ሂንቴ፣ ሂንቴ አዋታሉ ኡባ ዋዴ ጌሻ አያናራ ኤቁቲታ።

52 ናቤታ ገደፌ ሂንቴ አዋቲ ጎዳናይ ኦኔ? ያሳ ናዓይ፣ ያሎይ ያናይሳ ካሴቲዲ ኦዲዳይሳታ ዋዲዳሶና። ሃሲ ሂንቴ ኢያ አላ ኢሚዲ ዋዲዳታ።

53 ሂንቴ ከታገቹዋ ኩሺፔ ያሳ ሂጊያ ኤኪዳታ፣ ሺን ኪቲቲቤኬታ» ያጌሰ።

ኢሰዓፋናሴይ ሹቻን ጨዳቲስ

54 ኤንቲ ሂሳ ሲዲዳ ዋዴ ባንታ ዋዛናን ኢሰዓፋናሴ ቦላ ዳር ዪሎቲዲ፣ ባንታ ሜቲርሻ ሳዲዲ ማንዲዳሶና።

55 ሺን ኢሰዓፋናሴይ ጌሻ አያናን ኩሚዲ፣ ሳሎ ፑዴ ያሊዲ፣ ያሳ ቦንቹዋኔ ቤሱሳ ያሳ ኡሻቻ ባገን ኤቁዳይሳ ቤዒስ።

56 «ሄኮ፣ ታኒ ሳሎይ ደዩቲን፣ አሳ ናዓይ፣ ያሳ ኡሻቻ ባገን ኤቁዳይሳ ቤዒይሰ» ያጌሰ።

57 ቃላ ዶቁ ኦላዲ ዋሲሹ፣ ባንታ ሃይላ ኦይኪዲ ኢሲፌ ኢያኮ ዋዲዳሶና

58 ኢያ ካታማፔ ጋፃ ኬሲዲ፣ ሹቻን ጨዲዳሶና። ማርካቲ ባንታ ማዑዋ ኢሲ ሳዖላ ገያ ናዓቲላ ማታን ዋላዳሶና።

59 ኢሰዓፋናሴይ፣ «ታ ጎዳ ዬሱሳ፣ ታ ሹምፑዋ ኤካ» ያጌዲ ያጌሺን ኤንቲ ኢያ ሹቻን ጨዳሶና።

60 ጉልባቲዲ፣ ባ ቃላ ዶቁ ኦላዲ፣ «ታ ጎዳው፣ ሃ ናጋራ ኤንታው አቶ ጋ» ያጌሰ። ሄሳ ያጌዲ ሲሚዳ ማላ ሃይቁ ኦሊስ።

8

ሳዖሊ አማኒያ አሳ ጎዲስ

1 ሳዖሊ ኢሰዓፋናሴ ሃይቁዋን ኡፋይቲስ። ሄ ጋላስ ዬሩሳላሜን ደዒያ ዋሳ ኬላን ገታ ጎዲ ደንዲስ። ሃዋሬቲ አቲን አማኔይሳቲ ኡባይ ዪሁዳ ቢታኒ ሳማሬ ቢታን ላላቲዳሶና።

2 ኢሲ ኢሲ ያሳ አሳቲ ኢሰዓፋናሴ ሞጊዳሶና፤ ቃሲ ኢያው ዳር ዬኪዳሶና።

3 ሺን ሳዖሊ ዋሳ ኬላ ዳይሳናው ኮዬስ። ሶ ሶ ዩዩ ጌሊዲ፣ አማኒያ አይታኔ ማጫሳታ ጎቺ ጎቺ ኬሲዲ ቃሾ ኬላ ጌልሴስ።

ዋንጌላይ ሳማሬን ሳባኬቲስ

4 ላላቲዳ አማኔይሳቲ ቢዳ ቤሳ ኡባን ቃላ ኦዲዳሶና።

5 ፊልጶሲ ሳማሬ ካታማ ቢዲ ኪሪስቶሳባ አሳስ ኦዲስ።

6 ዳር አሳይ ፊልጶሲ ገዳይሳ ሲዲዳ ዋዴኔ ኢ ኦላያ ማላታታ ቤዒዳ ዋዴ ኢያ አኬኪዲ ሲዲዳሶና።

7 ቱና አያናቲ ዋሲዲ ዳር አሳፔ ኬዪዳሶና፤ ቃሲ ዳር ጉንዳቲኔ ዋቤቲ ቢላቲዳሶና።

8 ሄ ካታማን ደዒያ አሳይ ዳር ኡፋይቲዳሶና።

9 ሺን ሲሞና ገያ ኢሲ ኡራይ ሄ ካታማን ደዒስ። ኢ፣ «ባና ገታ» ገዲ ሳማሬ አሳ ማርቲላን ማላሊሲሹ ጋሞዒስ።

10 ጉላፌ ገታ ጋካናው ደዒያ አሳ ኡባይ፣ «ገታ ያሳ ዋልቃይ ሃይሳ» ገዲ ኢያባ ሲዖሶና።

11 ዳር ዋዴፔ ደሚዲ ማርቲሹ ሳማሬ አሳ ማላሊሲዳ ገሾ አሳይ ኢያባ ሲዖሶና።

12 ሺን ፊልጶሲ ያሳ ካዋቲላባኔ ዬሱስ ኪሪስቶሳ ሱንላባ አይታሲኔ ማጫታስ ኦዲን፣ ኤንቲ ኢያባ አማኒዲ ፃማቁቲዳሶና።

13 ቃሲ ሲሞኒካ ባ ሁዒን አማኒዲ ፃማቁቲስ። ፊልጶሳራ ኢሲፌ ቢዳ ቤሳ ኡባን ኦሴቲያ ገታ ማላታታ ቤዒዲ ማላላቲስ።

14 ዬሩሳላሜን ደዒያ ሃዋሬቲ ሳማሬ አሳይ ያሳ ቃላ ኤኪዳይሳ ሲዲዳ ዋዴ ጳዊርሳኔ ዮሃንሳ ኤንታኮ ዬዲዳሶና።

15 ጳዊርሳኔ ዮሃንሳ ቢዲ፣ አማኔይሳቲ ጌሻ አያና ኤካና ማላ ኤንታው ያሳ ዋሲዳሶና።

16 አይሰ ገኮ፣ ሳማሬ አሳቲ ጎዳ ዬሱሳ ሱንላ ፃላላን ፃማቁቲዳሶናፔ አቲን ኤንታፌ ኢሱዋ ቦላካ ጌሻ አያና ዋዲቤና።

17 ሄ ዋዴ ጳዊርሳኔ ዮሃንሳ ባንታ ኩሺያ ኤንታ ቦላ ዋላን፣ ኤንቲ ጌሻ አያና ኤኪዳሶና።

18 ሃዋሬቲ ባንታ ኩሺያ ኤንታ ቦላ ዋላን፣ ኤንታው ጌሻ አያናይ ኢሜቲዳይሳ ሲሞኒ ቤዒዳ ዋዴ ጳዊርሳሲኔ ዮሃንሳስ ሚሹ ኤሂዲ፣

19 «ታኒካ ታ ኩሺያ ዋሴያ ኡባይ ጌሻ ኣያና ኤካና ማላ ሃ ማታ ታወካ ኢሚርኩት» ያገሰ።

20 ሺን ጳዳርሲ ኢያኮ፡ «ኔኒ ያሳ ኢሞታ ማሺን ሻማናው ቆፒዳ ጊሾ ኔ ማሺይ ኔራ ጳዮ።

21 ኔ ዋዛናይ ያሳ ሲንጻን ሱራ ገደና ጊሾ ኔው ሃይሳን ጊሾይ ዋይኮ ቃዲ ባዋ።

22 ሃዛ፡ ሃ ኔ ዋዛና ኢታቴላ ጊሾ ናጋራፔ ሲማ፡ ኔ ዋዛናን ዴዒያ ኢታ ቆፋ ያሳይ ኣቶ ጋና ማላ ያሳ ዋሳ።

23 ጋሶይካ፡ ኔኒ ኢታ ቃናቴኒ ናጋራ ቃሹዋን ዴዒይሳ ታኒ ቤዓይሰ» ያገሰ።

24 ሲሞኒ ዛሪዲ፡ «ሃንቴ ገዲይሳፌ ኢሶይካ ታና ጋኮና ማላ ታው ያሳ ዋሲቱ» ያገሰ።

25 ጳዳርሲ ኔ ዮሃኒሲ ማርካቲዳፔ ኒ ጎዳ ቃላ ኦዲዳፔ ጉዬ ዬሩሳላሚ ሲሚዶሶና። ሳማራን ዴዒያ ዳር ጉታታን ዋንጌላ ኦዲዶሶና።

ፊልጶሲ ቶጲያ ሞሪና ፃማቂሰ

26 ጎዳ ኪታንቾይ ፊልጶሳኮ፡ «ዴንዳዳ ዬሩሳላሚፔ ጋዛ ኤፊያ ባዛ ቢታ ኦጊያኮ ባ። ሄ ኦጊይ ዲጌሃ ባጋራ ዴዒሰ» ያገሰ።

27 ፊልጶሲ ዴንዲዲ ቢሰ። ሃንዴኬ ጊያ ቶጲያ ካዌሰ ኢ ማሺ ኡባ ናጊያ ቶጲያ ኣሲ ዴዒሰ። ኢካ ጎይናናው ዬሩሳላሚ ቢሰ።

28 ጋራ ጋሪያን ኡቲዲ፡ ዬሩሳላሚፔ ባ ቢታ ሲሚሼ ናቢያ ኢሳያሳ ማፃፋ ናባቤሰ።

29 ጌሻ ኣያናይ ፊልጶሳኮ፡ «ሄ ጋሪያኮ ባዳ ኢያ ማቲ ሺቃ» ያገሰ።

30 ያቲን ፊልጶሲ ዋፃ ቢዲ ጋኪያ ዋዴ ሞሪናይ ናቢያ ኢሳያሳ ማፃፋፔ ናባቢሺን ሲዲዲ፡ «ኔ ናባቤያሲ ኔው ጌሊ?» ያገሰ።

31 ሞሪናይ፡ «ታው ኦዲ ጌልሲያ ኣሲ ባይና ዋኒዲ ጌላኔ?» ያገሰ። ባራ ጋሪያን ኬዪዲ ኡታና ማላ ፊልጶሳ ዋሲሰ።

32 ሞሪናይ ናባቢያ ማፃፋ ኪፊሌይ፡

«ኢ ደርሳዳ ሹኬታናው ላጌቲሰ፤ ደርሳ ማሪ ባ ኢኪሲያ ሚዴይሳታ ሲንጻን ሲዲ ጌይሳዳ፡ ኢካ ባ ደና ደዪቤና።

33 ኢ ካወዱሰ፤ ኢያው ዲሎ ፒርዲ ጳይሰ።

ኢያ ዴይይ ሃ ሳባፔ ቃንጻቲዳ ጊሾ

ኢያ ሹሻባ ኦኔ ኦዳናይ?» ያገሰ።

34 ሞሪናይ ዛሪዲ ፊልጶሳኮ፡ «ናቤይ ኦዴባ ኦዲ? ባባ ኦዲዬ ዋይኮ ሃራ ኣሳባ ኦዲ? ታው ኦዳርኪ» ያገሰ።

35 ፊልጶሲ ዛሪዲ፡ ያሳ ቃላ ሄ ቤሳፌ ደሚዲ፡ ዬሱሳባ ኦዲያ ዋንጌላ ኢያው ኦዲሰ።

36 ኤንቴ ቢሼ ሃሌ ዴዒያሶ ጋኪዶሶና። ሞሪናይ፡ «ሃሌ ሃይሳ ቤዓ፤ ታ ፃማቁቶና ማላ ኣይቢ ዲጊ?» ያገሰ።

37 ፊልጶሲ ኢያኮ፡ «ኔኒ ኔ ኩሚላ ዋዛናፔ ኣማኒኮ ዳንዳዳሳ» ያገሰ።

ኢ ዛሪዲ፡ «ዬሱሰ ኪሪሰቶሲ ያሳ ናባ ገዴይሳ ታኒ ኣማናይሰ» ያገሰ።

38 ጋሪይ ኤቃና ማላ ሞሪናይ ኪቲን፡ ናምዓይ ዋጲዲ ሃሳን ጌሊዶሶና፤ ፊልጶሲ ኢያ ፃማቂሰ።

39 ኤንቴ ሃሳፌ ጋፃ ኬዪዳ ዋዴ ጎዳ ኣያናይ ፊልጶሳ ቆፖና ኤኪሰ። ናምዓንሉ ሞሪናይ ፊልጶሳ ቤዒቤና፡ ሺን ባ ኦጊያ ኡፋይቲሼ ቢሰ።

40 ፊልጶሲ ኣዛያናን ባና ዴሚሰ። ቃሲ ቁሳሪያ ያና ጋካናው ካታማታን ዩዪዲ ዋንጌላ ማርካቲሰ።

9

ሳዖሊ ኪሪሰቶሳ ኣማኒሰ (ሃ.ኦ 22:6-16፤ 26:12-18)

1 ሄ ዋዴ ሳዖሊ ጎዳ ካሌይሳታ ዋጳናው ማንዲዲ ካሃኔ ሃላቃኮ ቢሰ።

2 ጎዳ ኦጊያ ካሊያ ኣዴታኔ ማጫታ ዴሚኮ፡ ቃቸሼ ዬሩሳላሚ ኤሃናው፡ ዳማሰቆን ዴዒያ ኣይሁዴ ዋሳ ኬላታሰ ዲብደቤይ ፃፊታና ማላ ኢያ ዋሲሰ።

3 ኢ ቢዲ፡ ዳማሰቆ ካታማ ጋካናው ማቲሺን፡ ቆፖና ሳሎፔ ዋልቃማ ፖይይ ኢያ ዩሹዋን ፖዒሰ።

4 ኢ ሳዓን ኩንዲዳሺን፡ «ሳዖላ፡ ሳዖላ፡ ኣይሰ ታና ጎዳይ?» ጊያ ቃላ ሲዒሰ።

5 ሳዖላ፡ «ጎዳው፡ ኔኒ ኦኔ?» ያገሊዲ ኦይቸሰ።

«ታኒ፡ ኔኒ ጎዲያ ዬሱሳ» ያገሰ።

6 ሺን ሳገሊ ኮኮሪኔኔ ማላሌቲኔ፡ «ጎዳው፡ ታኒ አይ ኦላና ማላ ኮያይ?» ያገሰ።

ጎዳይ ኢያኮ፡ «ዳንዳዳ ካታማ ጌላ፤ ኔኒ ኦላናው ቤሲያባይ ያን ኔው ኦይታና» ያገሰ።

7 ሳገላራ ኦጊያ ቢያ አሳቲ አይኮካ ኦይቶና ኤቂ አቲዶሶና። ቃላ ሲያሶና፡ ሺን አናካ ቤሲኮኮና።

8 ሳገሊ ኩንዲዳ ቤሳፌ ዳንዲዲ ያለያ ዋዴ ኢያ አይፌይ ዳሞና ኢዳሰ። ሄሳ ገሾ፡ ኤንቲ ኢያ ኩሺያ ኦይኪዲ ካሌሊዲ ዳማስቆ ጌላሲዶሶና።

9 ሄሹ ገላሰ ጋካናው ኢ ያላናው ዳንዳሲቤና፤ አይኮካ ሚቤና፤ ኦይቤና።

10 ዳማስቆን ኢሲ ሃናኒያ ገያ ዬሱሳ ታማሪይ ዳዴሰ። ጎዳይ ቆንጨግ፡ «ሃናኒያ» ያገዲ ያገሰ።

ሃናኒይ ዛሪዲ፡ «ታ ጎዳው፡ ሃይሳን ዳዳይሰ» ያገሰ።

11 ጎዳይ ኢያኮ፡ «ዳንዳዳ ሱሪ ጌቲቲያ ኦጊያ ባዳ፡ ዪሁዳ ሶን ሳገላ ገያ ቱርሴሴ፤ ዪዳ ኡራ ኮያ፤ ሳገሊ ዋሴሰ።

12 ቃሲ ሃናኒይ ጌሊዲ፡ ሳገሊ ናምዓንሖ ያላና ማላ ባ ኩሺያ ኢያ ቦላ ዋሊሺን ቆንጨግ ቤሲሰ» ያገሰ።

13 ሃናኒይ ዛሪዲ፡ «ጎዳው፡ ዬሩሳላሜን ኔ ጌሻ አሳ ቦላ ሄ ኡራይ አይ ማላ ኢታባ ኦላዳኮ ታኒ ዳር አሳ፤ ሲዳሰ።

14 ቃሲ ዳማስቆን ኔ ሱንላ ያጌይሳታ ኡባ ቃቻናው፡ ካሂኔ ሃላቃቲ ኢያው ማታ ኢሚዶሶና» ያገሰ።

15 ሺን ጎዳይ ኢያኮ፡ «ሳገሊ አይሁዳ ገደና አሳ ሲንላን፡ ካዎታ ሲንላኒኔ ኢሰራዔሌ አሳ ሲንላን፡ ታ ሱንላ ኤሪሳናውኔ ታው ኦላናው ደሬቲዳ ሚሾ ገዲያ ገሾ ኔኒ ኢያኮ ባ።

16 አይሰ ገኮ፡ ታ ሱንላ ገሾ ኢ አይ ማላ ዋዴ ኤካናው ቤሲያኮ ታኒ ኢያ ቤሳና» ያገሰ።

17 ሃናኒይ ቢዲ፡ ሶ ጌሊዲ፡ ባ ኩሺያ ሳገላ ቦላ ዋሊዲ፡ «ታ ኢሻ ሳገላ፡ ኔኒ ያ ኦጊያን ኔው ቤንቲዳ ጎዳ ዬሱሰ፡ ኔኒ ያላና ማላኔ ጌሻ አያናን ኩማና ማላ ታና ከቲሰ» ያገሰ።

18 ኤሌሲዲ፡ ሳገላ አይፊያ፤ ኢሲ ፖቆ ማላባይ ዋዲን፡ ሳገሊ ናምዓንሖ ያላሰ። ቃሲ ዳንዲዲ ዓማቂቲሰ።

19 ካሊ ሚዲ ዓሊዲ፡ ዳማስቆን ዳዲያ አማኔይሳታራ ጉላ ገላሰ ጋምሲሰ።

ሳገሊ ዳማስቆን ታማርሲሰ

20 ኤሌሲዲ ሳገላ፡ «ዬሱሲ ያሳ ናዓ» ያገዲ ዳማስቆን ዳዲያ አይሁዳ ዋሳ ኩላታን ቃላ ታማርሲሰ።

21 ሄሳ ሲዲዳ ኡባይ ማላሌቲዲ፡ «ሃይሲ ዬሩሳላሜን ዬሱሳ ሱንላ ያጌይሳታ ቃቹይሳ ገዴኔዬ? ቃሲ ሃ ዪዳይ ኤንታ ቃቹዲ፡ ካሂኔ ሃላቃታ ሲንላ ኤፋናሳ ገዴኔ?» ያገደሶና።

22 ሺን ሳገሊ ቃላ ኦዶን ሚኒ ሚኒ ቤሰ። ዬሱሰ፡ ኢ ኪሪሰቶሳ ገዴይሳ ቆንጨሲዲ ኦዲዳ ገሾ ዳማስቆን ዳዲያ አይሁዳቲ ኢያው ዛሪያሳ ዳዲዶሶና።

23 ዳር ገላሳ፤ ጉዬ አይሁዳቲ ሸቂዲ፡ ሳገላ ዋዳናው ዘሬቲዶሶና።

24 ሺን አይሁዳቲ ባና ዋዳናው ቆፐዳይሳ ሳገሊ ሲዲሰ። ኤንቲ ኢያ ዋዳናው ቃማኔ ገላሰ ካታማ ፔንጊያን ናጎሶና።

25 ሺን ኢያ ታማሪቲ ኢያ ቃማ ኤፊዲ፡ ገምቤ ዲርሳ ማሰኮቲያራ ዳቸራ ዋዲሲዶሶና።

ሳገሊ ዬሩሳላሜን ታማርሲሰ

26 ሳገሊ ዬሩሳላሜ ጋኪዳ ዋዴ አማኔይሳታራ ጋሂታናው ኮዩሰ። ሺን ኢ ኪሪሰቶሳ አማኒዳይሲ ኤንታው ቱማ ዳናና ኢዳን ኢያው ያዩደሶና።

27 ሺን ባርናባሲ ሳገላ ሃዋርያታኮ ኤፊሰ። ኦጊን ጎዳይ ዋኒዲ ቆንጨዳኮኔ ሃሳዩሲዳኮ፡ ቃሲ ሳገሊ ዳማስቆን ዬሱሳ ሱንላን ያዮና ዋቲዲ ቃላ ኦዲዳኮ ኤንታው ጌሺዲ ኦዲሰ።

28 ሳገሊ ዬሩሳላሜን ዩዩዲ ጎዳ ሱንላን ያዮና ቃላ ኦዲሾ፡ ሃዋርያታራ ኢሲፌ ዳዲሰ።

29 ቃሲ ሳገሊ ገሪኬ ቃላ ሃሳያ አይሁዳታራ ኦይቲሾ ፓላሜሰ። ሺን ኤንቲ ኢያ ዋዳናው ኮዩደሶና።

30 አማኒያ አሳቲ ሄሳ ሲዲዲ፡ ሳገላ ቂሳሪያ ኤፊዲ ቱርሴሴ ዬዲዶሶና።

31 ዪሁዳን፡ ገላላኒኔ ሳማሪ ኡባን ዳዲያ ዋሳ ኩላቲ ሳርቲላን ዳዲዶሶና። ቃሲ ሚኒዶሶና፤ ጎዳሰ ያዩሾ ጌሻ አያና ሚንሌሎዋን ዳሪ ዳሪ ቢዶሶና።

ጳዳርሲ ሊዳኒኔ ዮጳን ታማርሲሰ

32 ጳዳርሲ ቢታ ኡባ ዩዩሾ ሊዳን ዳዲያ አማኒያ አሳታኮ ጋኪሰ።

33 ያን ሆሰፑን ላይሌ ኩሜሌ ጉንዲዲ እርሳን ዘንዲዲ ዳዊያ ኤኒያ ጊያ እዲያ ዳሚሰ።

34 ጳጳርሲ፣ «ኤኒያ፣ ዩሱስ ከሪሰቶሲ ኔና ፓፋና፤ ዳንዳዳ ኔ ሂፃ ዳንፋ» ያገሰ። እካ ኤሌሲዲ ዳንዲ ኤቁሰ።

35 ሊዳኒኔ ሳርናን ዳዊያ አሳ ኡባይ ኤኒያ ቤዒዲ፣ ጎዳኮ ሲሚደሶና።

36 ዮጴ ካታማን ኢሲ ፃቢቶ ጊያ አማኒያራ ዳዊሳ። (ፃቢቶ ጉሳይ ጌንዔ ጉሱ) ኢያ ባ ዳዊዳ ዋዴ ኡባን ሎዎባ ኦላሽኔ ማንቆታ ማዳሾ ዳዊሳ።

37 ሄ ዋዴ ኢያ ሃርጋዳ ሃይቁን፣ አሳይ ኢ አሃ ሜጪዲ፣ ፖቂያ ቦላ ኬሲያ ዘንዲሲደሶና።

38 ሊዲ ዮጴስ ማታ። አማኒይሳቲ ጳጳርሲ ሊዳን ዳዊይሳ ሲዒዲ፣ «ሃያና ኩኮ ኤሌሳዳ ያ» ያገሰ ከታ ናምዑ አሳታ ቦላ ኢያኮ ከቲደሶና።

39 ሄሳ ጊሾ፣ ጳጳርሲ ዳንዲዲ፣ ኤንታራ ቢሰ። ያ ጋኪን፣ ፖቂያ ቦላ ዳዊያ ከፊሊያ ኢያ ጌልሲደሶና። አምዒቲ ጳጳርሳ ዩሹዋን ኤቁዲ ዩኪሼ ደርቃ ኤንታራ ፓፃ ዳዊሼ ኦሊዳ ቃሚሴታኔ ኦፊላታ ኡባ ጳጳርሳ ቤሲደሶና።

40 ጳጳርሲ ኤንታ ኡባ ካሪ ኬሲዲ፣ ጉልባቲዲ ያሳ ዋሲሰ። ቃሲ አሃኮ ሲሚዲ፣ «ፃቢቲ፣ ዳንዳ» ያገሰ። ፃቢታ ባ አይፊያ ደያዳ ጳጳርሳ ቤዓዳ፣ ዳንዳ ኡታሱ።

41 ጳጳርሲ ኢያ ባ ኩሺያን ማዲዲ ዳንላ ኤሲሰ። ሄሳፊ ጉዬ፣ አማኒይሳታኔ አምዒታ ግጊዲ፣ ዳንዲዳር ኤንታ ሲንሐ ሺሺሰ።

42 ሃ ኦዳይ ዮጴ ካታማ ኡባ ጋኪሰ። ዳር አሳይ ጎዳ አማኒደሶና።

43 ጳጳርሲ ዮጴን ሲሞና ጊያ ጋልባ ሃሺይሳ ሶን ዳር ጋላሰ ጋምዒሰ።

10

ጳጳርሳኔ ቆርኔሊዮሳ

1 ቁሳሪያን፣ «ፃሌ አላ አሳታ» ጌቲቲያ አላንቸታ ጊደን ኢሲ ቆርኔሊዮሳ ጌቲቲያ ማቶ ሃላቃይ ዳዊሰ።

2 ቆርኔሊዮሲ ባ ሶ አሳራ ያሳ ሚንላ አማኒያ አሲኔ ያሳ ጎይኒያ አሲ። አይሁዴ ማንቆታካ ዳር ማዴሰ፣ ቃሲ ያሳ ኡባ ዋዴ ዋሴሰ።

3 ኢሲ ጋላሰ ኡዲፋን ሳቲ ሄራን ያሳ ከታንቸይ ኢያኮ ዩዲ፣ «ቆርኔሊዮሳ»

ጊዲ ግጊሽን ኢ ቆንጩፋን ጌሺዲ ቤዒሰ።

4 ቆርኔሊዮሲ ዳጋሚዲ ከታንቸዋ ቲሺ አላ ግሊዲ፣ «ጎዳው፣ ኢ አይቤ?» ያገሰ።

ከታንቸይ ዛሪዲ፣ «ኔ ዋሳይኔ ማንቆታ ኔ ማዴይሲ ያሳ ሲንፋን ሃሳዬቲሰ።

5 ሃዒ ዮጴ አሴ ከታዳ፣ ጳጳርሳ ጊያ ሲሞና ኤሂሳ።

6 ጳጳርሲ አባ ደናን ጋልባ ሃሺያ ሲሞና ሶን አማላቲሌ ሲራቲሰ» ያገሰ።

7 ቆርኔሊዮሲ ባው አዲዳ ከታንቸይ ቢን፣ ባ አይሌታፔ ናምዒታኔ ያሳ ጎይኒያ ባ ማታ ዋታዳሪታፔ ኢሱዋ ግጊዲ፣

8 ኤንታው ኡባባ ኦዲዲ ዮጴ ከቲሰ።

9 ዋንቴላ ጋላሰ ኤንቲ ቢዲ፣ ዮጴ ካታማ ማቲሺን ኡሱፑን ሳቲ ሄራን ያሳ ዋሳናው ጳጳርሲ ፖቁ ቦላ ኬይሰ።

10 ኢ ኮሻቲዲ ካላ ማናው ኮዩሰ፣ ሺን ካላ ካግሺን ኢ ቆንጩሌ ቤዒሰ።

11 ሳሎቲ ደዬቲን፣ ጌታ አፊላ ዳኒያባይ ኦይዲ ሳጋሪ ኦይኮቲዲ ዋዲሺን ኢ ቤዒሰ።

12 ኢያን ኦይዲ ቶሆራ ዳዊያ ማሄቲ፣ ሆራ ደዓቲ፣ ኡሎራ ጎሽቲያ ማዴቲላቲኔ ሳሎ ካፎቲ ኡባይ ዳዊሰ።

13 ሄ ዋዴ «ጳጳርሳ፣ ዳንዳ ኤቃዳ ሹካዳ ማ» ጊያ ቃሊ ኢያኮ ዩሰ።

14 ሺን ጳጳርሲ፣ «ጎዳው፣ አካይ! ታ ቱናባ ኡባራካ ማ ኤሪኬ» ያገሰ።

15 ቃሲ፣ «ያሳይ ጌሺዳይሳ ኔኒ ቱና ጎፓ» ጊያ ቃሊ ናምዒንሶ ኢያኮ ዩሰ።

16 ሄሲካ፣ ሄሹ ቶሆ ሃኒዳፔ ጉዬ ሄ ጌታ አፊላ ዳኔይሲ ኤሌሲዲ ፑዴ ሳሎ ኤኮቲሰ።

17 ጳጳርሲ ባ ቤዒዲ ቆንጩፋ ቢርሼላይ፣ «አይ ጊዳንዳሻ?» ጊዲ ባ ዋዛናን ቆፒሺን፣ ቆርኔሊዮሲ ከቲዳ አሳቲ ሲሞና ሶ ኦይቺ ዳሚዲ ካሪን ኤቁደሶና።

18 ባንታ ቃላ ዶቁ አላዲ፣ «ጳጳርሳ ጊያ ሲሞኒ አማላቲላን ዳዊይ ሃይሳኔ?» ያገዲ ኦይቺደሶና።

19 ጳጳርሲ ቆንጩፋን ቤዒዳባ ቆፋ ቦላ ዳዊሺን፣ ጌሻ አያኒ ኢያኮ፣ «ሄኮ፣ ሄሹ አሳቲ ኔና ኮዮሶና።

20 ዳንዳዳ ዋዳ፣ ታኒ ኤንታ ከቲዳ ጊሾ ሲዶና ኤንታራ ባ» ያገሰ።

21 ጳጳሮሲ አሳታኮ ዋጂዲ፡ «ሂንቴ ኮዬይ ታና፤ አይሰ ዪደቲ?» ያገሰ።

22 ኤንቲ ዛሪዲ፡ «ኑና ማቶ ሃላቃይ ቆርኔሊዮሲ ከተሰ። ኢ ደሎ፡ ያሳ ጎይኒያ አሲኔ አይሁዳ አሳ ኡባን ዳር ቦንቸቲዳ አሲ። ቆርኔሊዮሲ፡ ኔና ባ ሶ ኤሂሲዲ ቃላ ኔፔ ሲዓና ማላ ጌሻ ከታንቸይ ኢያው ኦዲስ» ያገደሶና።

23 ጳጳሮሲ አሳታ ሶ ጌልሲዲ ሞከሰ።

ዋንቴላ ጋላስ፡ ዴንዲዲ ኤንታራ ቢስ። ዮጼ ካታማን ዴዲያ አማኔይሳታፔ ኢሶቲ ኢሶቲ ኢያራ ኢሲፌ ቢደሶና።

24 ዋንቴላ ጋላስ፡ ቁሳሪያ ጋኪደሶና። ቆርኔሊዮሲ ባ ዳቦታኔ ባ ማታ ላጌታ ኢሲፌ ያገ ሺሺዲ፡ ጳጳሮሳ ናጌሰ።

25 ጳጳሮሲ ሶ ጌላና ሃሂሺን፡ ቆርኔሊዮሲ ኢያራ ጋሂቲዲ ኢያ ሲንሳን ከንዲዲ ኢያው ጎይናናው ኮዩሰ።

26 ሺን ጳጳሮሲ፡ «ዴንዳ፡ ታካ ታ ሁጫ ኔ ማላ አሴ» ያገዲዲ ኢያ ዴንሳሰ።

27 ጳጳሮሲ ቆርኔሊዮሳራ ኦዴቲሼ ሶ ጌሊያ ዋዴ ዳር አሳይ ሸቁዳይሳ ዴሚሰ።

28 ኢ አሳኮ፡ «አይሁዳ አሲ ሃራ ዴሬራ ኢሲፋናው ዋይኮ ጋሂታናው ዋጋ ገደናይሳ ሂንቴ ኤሬታ። ሺን ታኒ ኦናካ ቱና ዋይኮ ጌሺ ገዴና ጎና ማላ ያሳይ ታና ቤሲስ።

29 ሄሳ ገሾ፡ ሂንቴ ታኮ ከቲን ኢያይ ባይና ያሰ። ሃዲ ታና አይሰ ያገሲዳኮ ታው ኦዲቴ» ያገሰ።

30 ቆርኔሊዮሲ፡ «ታኒ ሃቺ ኦይዲ ጋላሳፔ ካሴ ሃናዴ ኡዲፋን ሳቴ ዋሳ ዋሲሺን፡ ጳሊያ ማዖ ማዲዳ አሲ ታ ሲንሳን ኤቁስ።

31 ኢ ታኮ፡ «ቆርኔሊዮሳ፡ ያሳይ ኔ ዋሳ ሲዲስ፡ ኔኒ ማንቆታ ማዲዳይሳካ ሃሳይሰ።

32 ሂዛ፡ አሴ ዮጼ ከታዳ፡ ሲሞን ጳጳሮሳ ጌይሳ ያገሳ። ኢ፡ ሲሞና ገያ ጋልባ ሃሺያ ኡራ ሶን አባ ዶናን ሲራቲስ» ያገሰ።

33 ሄሳ ገሾ፡ ታኒ ኔኮ ኤሌሳዳ ከታሰ፤ ኔ ሎዖ ያዳሳ። ሂዛ፡ ያሳይ ኔና ከቲዳባ ኡባ ሲዓናው ሃዲ ኔኒ ኡባይ ሃይሳን ጎዳ ሲንሳን ዴዖስ» ያገሰ።

ጳጳሮሳ ሃሳያ

34 ካሊዲካ፡ ጳጳሮሲ፡ «ያሳይ አሳ ሰሞዖ ቤዲዲ አሴ አሳፔ ሻኬና።

35 ሺን አሴ ኡባ ኦና ገዲኮካ ባው ያዬይሳኔ ያሎ ኦሶ ኦሴይሳን ያሳይ ኡፋይቴይሳ ታኒ ቱማ አከካሰ።

36 ያሳይ፡ ኡባ ጎዳ ገዲዳ ዬሱሰ ከሪሰቶሳ ባጋራ ሳርቴላ ኦዲሼ ሃ ዋንጌላ ኢሰራዔሌ አሳሰ ከቲዳይሳ ሂንቴ ኤሬታ።

37 ዮሃንሲ ዩንቃቲባ ጋሊላን ሳባኪዳ ዋዲያፔ ደሚዲ ዪሁዳ ቢታ ኡባ ጋካናው ሃኒዳባ ሂንቴ ኤሬታ።

38 ያሳይ ናዚሬቴ ዬሱሳሰ ጌሻ አያናኔ ዋልቃ አሚስ። ያሳይ ኢያራ ዴዲያ ገሾ ሎዖባ ኢ ኦሴሼ ዓላሄ ኩሼን ሃራቲዳ ኡባ ፓሊሼ ዩዩሰ።

39 «አይሁዳ ቢታኒኔ ዬራሳላሜን ኢ ኦሴዳ ኡባባሰ ኔኒ ማርካታ። ኤንቲ ማስቃሊያ ቦላ ካቁዲ ኢያ ዋጂደሶና።

40 ሺን ያሳይ ሄዳንሎ ጋላሳን ሃይቆፔ ኢያ ዴንሳዲ አሳሰ ቆንጫና ማላ ኦሴሰ።

41 ሄ ቆንጩሳይ ያሳይ ኮይር ዶሪዳ ማርካታሳፌ አቲን አሳ ኡባሰ ገዴና። ኢ ሃይቆፔ ዴንዲዳፔ ጉዬ ኢያራ ሚዳኔ ኡዩዳ።

42 ኔኒ ዋንጌላ አሳሰ ኦዳና ማላኔ ፓዓ ዴዬይሳታ ቦላኔ ሃይቁዳይሳታ ቦላ ፐርዳናው ያሳይ ሹሚዳይ ዬሱሳ ገዴይሳ ማርካታና ማላ ኦና ከቲሰ።

43 ያሳይ ኢያ አማኒያ ኡባ ናጋራይ፡ ኢያ ሱንሳን አቶ ጌቴይሳ ናቤቲ ማርካቶሶና» ያገሰ።

አይሁዳ ገደና አሳቲ አማኒዲ ጌሻ አያና ኤኪደሶና

44 ጳጳሮሲ ቡር ሄ ኦዳ ኦንጎናሺን ቃላ ሲዲያ ኡባ ቦላ ጌሻ አያኒ ዋጂስ።

45 ጳጳሮሳራ ዮጼፌ ዩዳ አማኒያ ቃዓራቲዳ አይሁዳ ኡባይ፡ አይሁዳ ገደናይሳታ ቦላ ጌሻ አያኒ ጉኪዳ ገሾ ማላሌቲደሶና።

46 ጋሶይካ፡ ኤንቲ ዴማ ዴማ ዶናን ሃሳዩሺኒኔ ያሳ ጌታቴላ ሳቢሺን ሲዲደሶና።

ሄ ዋዴ ጳጳሮሲ ዛሪዲ፡

47 «ሃይሳቲ ቃሲ ኑ ማላ ጌሻ አያና ኤኪደይሳቲ ዓማቁቶና ማላ ሃሌ ዲጋናይ ኦኔ?» ያገሰ።

48 ኤንቲ ዬሱሰ ከሪሰቶሳ ሱንሳን ዓማቁታና ማላ ኤንታ ከቲሰ። ሃሳፌ

ጉዬ፣ ኤንቲ ባንታራ ጉላ ጋላሰ ኡታና ማላ ጳጳሮሳ ዋሲደሶና።

11

ጳጳሮሲ ባ ኦሊዳባ ዬሩሳሌም ዋሳ ከላሰ ኦዲሰ

1 ሃዋሪቲኔ ዪሁዳ ኡባን ዳዲያ አማኔይሳቲ፣ አይሁዳ ገደናይሳቲካ ያሳ ቃላ ኤኪዳይሳ ሲዲደሶና።

2 ጳጳሮሲ ዬሩሳሌም ቢዳ ዋዴ ቃፃሪቲዳ አማኔይሳቲ፣

3 ኢያኮ፣ «ኔኒ ቃፃሪቲቦናይሳታኮ ገላዳ ኤንታራ ካላ አይሰ ማዲ?» ያገደሶና።

4 ሺን ጳጳሮሲ ሃኒዳባ ኮይሮፕ ደሚዲ ማራን ማራን ኦዲሰ።

5 «ታኒ ዮጴ ካታማን ያሳ ዋሳሼ ቆንጩላ ቤዓሰ። ጌታ አፊላ ዳኒያባይ ኦይዲ ባጋራ ኦይኬቲዲ ሳሎፕ ዋዲሼ ታኮ ዪሰ።

6 ታኒ ቲሺ ኦላ ኢያ ገደ ዪሊያ ዋዴ ኦይዲ ቶሆራ ዳዲያ ማህታ፣ ዋራ ደዓታ፣ ኡሎራ ጎሼቲያ ማዴቴላታኔ ሳሎ ካፎታ ቤዓሰ።

7 (ጳጳሮሳ፣ ዳንዳ፣ ሹካዳ ማ) ገያ ቃላ ሲዓሰ።

8 «ሺን ታኒ፣ ሳዳው፣ አካይ፣ ቱናባይ ዋይኮ ገዮናባይ ኡባካ ታ ደናኮ ሸቄ ኤሬና) ያጋሰ።

9 « (የሳይ ጌሺዳይሳ ኔኒ ቱና ጎፓ) ያገያ ቃሊ ናሞዓንሶ ሳሎፕ ዪሰ።

10 «ሂሲ ሃሹ ቶሆ ሃኒን፣ ዉርሴላን ኡባባይ ሳሎ ፑዴ ኤኬቲሰ።

11 ሄ ሳቲንካ ሃሹ አሳቲ ቁሳሪያፕ ታኮ ከቲቲዲ ታኒ ዳዲያ ከላ ጋኪ ኢጊደሶና።

12 ሲዶና ኤንታራ ባና ማላ አያናኢ ታው ኦዲሰ። ቃሲ ሃ ኡሱፑን አሻቲ ዮጴፊ ታራ ቁሳሪያ ቢዳይሳታራ ቆርኔሊዮሳ ሶ ጌሊዳ።

13 ከታንቸይ ኢያ ሶን ኤቁዲ፣ ሮጴ ከታዳ ጳጳሮሳ ጌቲቲያ ሲሞና ያገሳ።

14 ኔና ኔ ሶ አሳ ኡባ አሺያ ቃላ ኢ ኔው ኦዳና) ገዳይሳ ቆርኔሊዮሰ ኦሰ ኦዲሰ።

15 «ታኒ ሃሳያ ደሚያ ዋዴ ጌሻ አያናይ ኮይሮ ኑ ቦላ ዋዲዳይሳዳ ኤንታ ቦላካ ዋዲ አገሰ።

16 ሄ ዋዴ ሮሃኒሲ ሃሳን ፃማቁሰ፣ ሺን ሃንቲ ጌሻ አያናን ፃማቁታና) ያገደ ጎዳ ቃላይ ታው ቆፊቲሰ።

17 ያሳይ ኦሰ ጎዳ ዬሱሰ ኪሪሰቶሳ አማኒዳይሳታሰ አሚዳ አሞታ አይሁዳ ገደናይሳታሰካ አሚኮ፣ ያቲን ያሳ ዲጋናው ታኒ ኦኔ?» ያገሰ።

18 ኤንቲ ሃሳ ሲዲዳ ዋዴ ባንታ ፓላማ አገደ፣ «ሃሳ ገዲኮ፣ ያሳይ አይሁዳ ገደናይሳቲካ ናጋራፕ ሲሚዲ ዳዶን ዳናዳ ቃዳ አሚሰ» ያገዲ ያሳ ጋላቲደሶና።

አንጾኪያ ዋሳ ከላ

19 ኢሰፃፋኖሴ ሃይቆሰ ጋሊዳ ጎዳ ጋሶን ላሌቲዳ አማኔይሳቲ ቃላ አይሁዳታ ያላላሰ ኡዲሼ ሲሮፊንቄ፣ ቆጶርሳኔ አንጾኪያ ጋካናው ዩዩደሶና።

20 ሺን ቆጶርሳቲኔ ቄሪናፕ ዩዳ ኢሲ ኢሲ አማኒያ አሳቲ አንጾኪያ ቢዲ፣ ጎዳ ዬሱሳ ዋንጌላ ገሪኬ አሳሰካ ኦዲደሶና።

21 ጎዳ ዋልቃይ ኤንታራ ዳዴሰ፤ ቃሲ ዳር አሳይ አማኒዲ ጎዳኮ ሲሚደሶና።

22 ሄ ኦዳ ዬሩሳሌምን ዳዲያ ዋሳ ከላይ ሲዲዳ ገሾ ባርናባሳ አንጾኪያ ከቲሰ።

23 ባርናባሲ አንጾኪያ ቢዳ ዋዴ ያሳ አዶ ከሃቲላ ኦሱዋ ቤዲዲ ኡፋይቲሰ። ኤንቲ ኡባይ ባንታ ኩሜላ ዋዳናን ጎዳን ማኒዲ ዳና ሜላ ኤንታ ዞሪሰ።

24 ባርናባሲ ጌሻ አያናይኔ አማናይ ኩሚዳ ሎዎ አሲ ገዲያ ገሾ ዳር አሳይ ጎዳ አማኒደሶና።

25 ሃሳፊ ጉዬ፣ ባርናባሲ ሳዶላ ኮያናው ቲርሴሴ ቢሰ።

26 ያን ሳዶላ ዳሚዳ ዋዴ አንጾኪያ ኤኪዲ ዪሰ። ባርናባሲኔ ሳዶላ ዋሳ ከላ አሳራ ሳይላ ኩሜላ ኡቲዲ ዳር አሳ ታማርሲደሶና። አማኔይሳቲ አንጾኪያን «ኪሪሰታኔ» ጌቲቲዲ ኮይሮ ያጌቲደሶና።

27 ሄ ዋዴ ኢሲ ኢሲ ናቤቲ ዬሩሳሌምፕ አንጾኪያ ዋዲደሶና።

28 ኤንታ ገደፊ አጋቦሳ ጌይሲ ዳንዲዲ ቢታ ኡባን ጌታ ኮሺ ከያናይሳ አያና ዋልቃን ቲንቢቲ ኦዲሰ። ሂሲ ሃኒዳይ ሮሜ ካዉዋ ቃላዉዲዮሳ ዋዴና።

29 አማኔይሳቲ ሁዔን ሁዔን ባንታ ዋልቃ ሜላ ሚሼ ከሲዲ ዪሁዳን

ዴዲያ አማኔይሳታሰ ማዴ ዬዳናው ቆፋ ቃቺደሶና።

30 ኤንቲ ሄሳዳ አሌዲ፣ ሚሺያ ባርናባሳ ቦላኔ ሳዖላ ቦላ ዋሳ ከላ ጨማታሰ ዬዲደሶና።

12

ዋሳ ከላ ቦላ ዋልቃማ ጎዲ ጋኪሰ

1 ሄ ዋዴ ካዎይ ሄሮዲሲ * ዋሳ ከላ አሳፔ ባጋ ጎዳ ደሚሰ።

2 ዮሃንሳ አሻ ያይቆባ ማሻን ዋዲሲሰ።

3 ሄሲ አይሁዳታ ኡፋይሲዳይሳ ቤዲዲ፣ ፖጂዲ ጳዊርሳካ ኦይሲሰ። ሄሲ ሃኒዳይ ፓሲካ ባሌ ቦንቺያ ጋላሳታና።

4 ጳዊርሳ አይኪዲ ቃቺሰ። ፓሲካ ቦንቺያ ጋላሳታፔ ጉዬ ዴሪያ ሲንሌ አላናው ቆፒዲ፣ አይዲ ኦይዲ ዋታዳሬቲ ኢያ ናጋና ማላ ታማኔ ኡሱቸን ዋታዳሬታሰ አሌ አሚሰ።

5 ሄሳ ጊሾ፣ ጳዊርሲ ቃሾ ከላን ናፔቴሰ። ሺን ዋሳ ከላ አሳይ ኢያው ሚንሊዲ ያሳ ዋሶሶና።

ከታንቸይ ጳዊርሳ ቃሾ ከላፊ ከሲሰ

6 ሄሮዲሲ ጳዊርሳ አሳ ሲንሌ ሺሻናፔ ካሴ ቃማ ጳዊርሲ ናምቡ ባጋሪ ናምቡ ዋታዳሬታሪ ሳንላላታን ቃሾቲዲ ኤንታ ጊደን ዲሰኪሰ። ናፔይሳቲ ቃሾ ከላ ፔንጌታን ኤቁዲ ናጎሶና።

7 አከኮና ዴሲሺን ጎዳ ከታንቸይ ቆንጨሰ። ቃሾ ከላን ፖይ ፖሲሰ። ከታንቸይ ጳዊርሳ ሚያ ቦቺ ባርኪሲዲ፣ «ኤሌ ዴንዳ» ያገሰ። ኢራካ ሳንላላታይ ኢያ ኩሺያፔ ዋዲ አገሰ።

8 ከታንቸይ ኢያኮ፣ «ኔ ማዑዋ ማዓ፣ ኔ ጫማካ አላ» ያገሰ። ጳዊርሲ ሄሳዳ አሊሰ፤ ከታንቸይ፣ «ኔ ላዖና ማዓዳ ታና ካላ» ያገሰ።

9 ጳዊርሲ ቃሾ ከላፊ ከዬዲ ከታንቸየ ካሊሰ። ኢያው ቆንጨፎላ ቤዲያባ ዳኒሲፔ አቲን ከታንቸይ አሊያባይ ቱማ ዳኒቤና።

10 ከታንቸይኔ ጳዊርሲ ኮይረዋኔ ናምባንሳ ዋታዳሪያ አዲዲ ካታማ

ኤፊያ ቢራታ ፔንጊያኮ ጋኪደሶና። ፔንጌይ ኤንታው ባርካ ደይቲ አገሰ። ኤንቲ ከዬዲ ኢሲ ኦጊያራ ቢሺን ከታንቸይ አከኮና ጳዊርሳፔ ሻኬቲ አገሰ።

11 ጳዊርሳሰ ዋዛኒ ሰሚን፣ «ታና ጎዳይ ባ ከታንቸየ ከቲዲ፣ ሄሮዲሳ ኩሺፔኔ ናጊዲ ኡቲዳ አይሁዴ አሳ ኡባፌ አሺዳይሳ ሃዲ ቱማ ኤራሰ» ያገሰ።

12 ኢ ሄሳ አከኪዳ ዋዴ ዳር አሳይ ኢሲፌ ሺቁዲ ያሳ ዋሲያ ቤሳ፣ ማርቆሳ ጊያ ዮሃንሳ አዬ ማይራሚ ሶ ቢሰ።

13 ያን ካሬን ኤቁዲ ያገሰ። ኢሲ ሮዳ ጊያ ኦሳንቺያ ፔንጊያ ደያናው ያሰ።

14 ሮዳ ጳዊርሳ ቃላ ጊዲዳይሳ ኤሪዳ ዋዴ ኡፋይሳን ኩማዳ ካሪያ ደዬና ጉዬ ዋዖ ባዳ፣ «ጳዊርሲ ካሬን ኤቁሰ» ያጋዳ አሳሰ ኦዳሰ።

15 አሳይ ኢኮ፣ «ኔኒ ጎያይ!» ያገደሶና። ሮዳ ጳዊርሳ ጊዲዳይሳ ጌሻዳ ኦዳሰ። ኤንቲ፣ «ሄሲ ኢያ ናጊያ ከታንቸየ» ያገደሶና።

16 ሺን ጳዊርሲ ካሬን ኤቁዲ ያገዲ አጎና ኢግን አሳይ ካሪያ ደዬዲ ኢያ ቤዲዲ ማላሊቲደሶና።

17 ሺን ኤንቲ ሲዲ ጋና ማላ ጳዊርሲ ባ ኩሺያን ማሊዲ ጎዳይ ቃሾ ከላፊ ኢያ ዋቲ ከሲዳኮ ኤንታው ቆንጨሲ ኦዲዲ፣ «ሃይሳ ያይቆባሲኔ አማኒያ አሳታሰ ኦዲቲ» ጊዲ ያፔ ከዬዲ ሃራሶ ቢሰ።

18 ሳዲ ዋንቲያ ዋዴ «ጳዊርሲ አው ቢዴ» ጊዲ ዋታዳሬቲ ዋሊ ጊደን ዳር ካጠደሶና።

19 ሄሮዲሲ ጳዊርሳ ኮዬሲን፣ ኢ ጳዬዳ ዋዴ ናፔይሳታ ቆሪዲ፣ ኤንታ ዋዳና ማላ ከቲሰ። ሄሳፌ ጉዬ፣ ሄሮዲሲ ዬሁዳፔ ቁሳሪያ ዋዲዲ ያን ጉላ ዋዴ ኡቲሰ።

ሄሮዲሳ ሃይቁዋ

20 ሄሮዲሲ ያርሳ አሳ ቦላኔ ሲደና አሳ ቦላ ዳር ሃንቁቲሰ። ኤንታ ቢታይ ካሌ ሄሮዲሳ ቢታፌ ዴሚያ ጊሾ ኤንቲ ኢሲፌ ጊዲዲ ኢያ ሞሪና ቢላሰያሳ ባንታው ጨማ አሊዲ ጊጋናው ሄሮዲሳኮ ቢደሶና።

* 12:1 ካዎይ ሄሮዲሲ፣ ሃይሲ ካዎይ ሄሮዲሲ፣ ሄሮዲሳ አገርጳ ጊያ ኮይረዋ። ኢ፣ 37-44 ማሮቴላ ላይላ ጋካናው ሃሪሰ። ኢ ካወዋ ሄሮዲሳሰ ናና ናና 12:4 ከሳ 12:1-27

21 ሄሮዲሲ ሱንሉዳ ጋላሳን ባ ካዎቱላ አፊላ ማዒዲ፣ አራታ ቦላ ኡቲዲ አሳሰ ኦዲሲ።

22 አሳይ፣ «ሄሲ ያሳ ቃላ፣ አሳ ቃላ ገዴና» ያገዲ ዋሲደሶና።

23 ሄሮዲሲ ያሳ ቦንቺቦና ገሾ አራካ ጎዳ ከታንቸይ ኢያ ዴቺን ጉፁንን ማቲቲዲ ሃይቁሰ።

24 ሺን ያሳ ቃላይ ዲጩሼኔ ዳልገሼ ቤሰ።

25 ባርናባሲኔ ሳዖሊ ባንታ ኦሱዋ ፖሊዲ ማርቆሳ ገያ ዮሃንሳ ባንታራ ኤኪዲ ዩሩሳላማፔ ሲሚደሶና።

13

ባርናባሲኔ ሳዖሊ ከቲቲደሶና

1 አንጾኪያን ዴዒያ ዋሳ ኬላን ናቤቲኔ አሰታማሬቲ ዴዖሶና። ኤንቲ ባርናባሳ፣ ካሬሌ ጌቲቲያ ሲሞና፣ ቁሬናፔ ዩዳ ሉኪዮሳ፣ ካዉዋ ሄሮዲሳራ ዲጩዳ ማናሄኔ ሳዖላ።

2 ኤንቲ ጎዳ ጎይኒሺኒኔ ያሚሸን ጌሻ አያናይ፣ «ታኒ ያገዲ ኦሱዋሰ ባርናባሳኔ ሳዖላ ታው ዲማዩቲ» ያገሰ።

3 ሄሳ ገሾ፣ ኤንቲ ያሚዳፔኔ ዋሲዳፔ ጉዬ ባንታ ኩሺያ ኤንታ ቦላ ዋሊዲ ዩዲደሶና።

ባርናባሲኔ ሳዖሊ ቆጶርሳ ቢደሶና

4 ሄሳ ገሾ፣ ጌሻ አያኒ ኤንታ ከቲሰ። ሴሌዉቁ ቢደሶና፤ ያፔ ማርካቤን ጌሊዲ ቆጶርሳ ሃላን ቲቁቲዳ ቢታ ቢደሶና።

5 ኤንቲ ሲልማና ጋኪዲ አይሁዴ ዋሳ ኬላታን ያሳ ቃላ ኦዲደሶና። ዮሃንሲ * ማዲሼ ኤንታራ ዴዒሰ።

6 ኤንቲ ቆጶርሳ ሃላን ቲቁቲዳ ቢታ ካንሉዲ ጳፋ ጋኪያ ዋዴ ኢሲ ዋርዳንቸ ናቢያ ባር-ዩሱሳ ገያ አይሁዴ ማሩዋ ዴሚደሶና።

7 ሄ ማርይ ዴሪያ አይሲያ ሳርገዮሰ ጳውሎሳ ገያ አኬካንቸ አዲያራ ዴዒሰ። ሳርገዮሰ ጳውሎሲ ባርናባሳኔ ሳዖላ ባኮ ያገዲ ያሳ ቃላ ሲዓናው ኮዩሰ።

8 ሺን ገሪኬ ደናን ማሩዋ ሱንላይ «ኤልማሳ» ጌቲቲሰ። ኢ ዴሪያ ሃሬይሲ አማኖና ማላ ዲጋናው ኮዩዲ ባርናባሳራኔ ጳውሎሳራ ኤቁቲሰ።

9 ሺን ጳውሎሳ ገያ ሳዖሊ ጌሻ አያናን ኩሚዲ ማሩዋ ጫዲ ያሊዲ፣

10 «ላ፣ ያላሄ ናዓው፣ ኢታቲሲ ኡባይ ኩሚዲይሶ፣ ያሎቲሳ ኡባሰ ሞርኪያው፣ ሱራ ጎዳ ኦጊያ ሚርቁይሳ አገኪ?»

11 ሄኮ፣ ሃራ ጎዳ ኩሼይ ኔ ቦላ ዴዒሰ። ኔኒ ቆቁ ገዳና፤ ጉላ ዋዴሰ አዋ ፖዎ ቤዓካ» ያገሰ።

ኢራ ጫጋናይኔ ቋማይ ኢያ አይፊያ ጎዘን፣ ባ ኩሺያ ኦይኪዲ ካሌሊያ አሲ ኮዩሼ ዩዩሰ።

12 ዴሪያ ሃሬይሲ ሄሳ ቤዒዳ ዋዴ ጎዳባ ታማርሴይሳን ማላሌቲዲ አማኒሰ።

ባርናባሲኔ ጳውሎሲ ጲሲዲያ አንጾኪያ ቢደሶና

13 ጳውሎሲኔ ኢያራ ዴዒይሳቲ ጳፋፔ ዴንዲዲ፣ ጲንፊሊያን ዴዒያ ጴርጌ ማርካቤራ ቢደሶና። ዮሃንሲ ኤንታፊ ሻኬቲዲ ዩሩሳላማ ሲሚሰ።

14 ሺን ኤንቲ ጴርጌፊ አቋዲ ጲሲዲያን ዴዒያ አንጾኪያ ጋኪደሶና። ሳምባታ ጋላሰ አይሁዴ ዋሳ ኬሌ ጌሊዲ ኡቲደሶና።

15 ሙሴ ሂጌይኔ ናቤታ ማፃፋይ ናባቤቲዳፔ ጉዬ አይሁዴ ዋሳ ኬላ ሃላቃቲ፣ «ኑ አሻቶ፣ አሳ ሚንሌሊያ ቃሊ ሃንቲው ዴዒያኮ አሳሰ ኦዴርኬቲ» ያገዲ ኤንታኮ ከቲደሶና።

16 ጳውሎሲ ዴንዲ ኤቁዲ ባ ኩሼ ማሊዲ፣ «ኢሰራዒሌ አሳታው፣ ቃሲ ያሳ ጎይኒያ አይሁዴ ገደና አሳው፣ ሲዒቲ።»

17 ሃ ኢሰራዒሌ አሳ ያሳይ፣ ኑ ማይዛታ ደሪሰ። ገብፄ ቢታን ኢማላቲላን ኤንቲ ዴዒሺን፣ ኤንታ ዳርሲዲ ባ ገታ ዋልቃን ገብፄ ቢታፊ ኤንታ ኬሰሰ።

18 ባዞ ቢታን ኦይታው ላይላ ማላ ኤንታ ዳንዳሲሰ።

19 ካናኔ ቢታን አይሁዴ ገደና ላፑን ካዎቱላታ ዲገዲ ኤንታ ቢታ ባ አሳ ላቲሲሰ።

20 ሄሳፊ ጉዬ፣ ናቢያ ሳሙዒላ ዋዴ ጋካናው ኦይዲ ያታኔ አሻታው ላይላ ማላ አይሲያ ዳይናታ ኤንታው አሚሰ።

21 ሄሳፊ ጉዬ፣ ኤንቲ ባንታው ካዎ አማና ማላ ዋሲን፣ ያሳይ ቢኒያማ

* 13:5 ዮሃንሲ፣ ሃ ቤሳን ያፊቲዳ ዮሃንሲ፣ ሃዋሪያ ዮሃንሳ ገደናሺን ዮሃንሲ ማርቆሳ ጌቲቲያ ማርቆሳ ዋንጌላ ያፊዳይሳ። 13:17 ከሳ 1:7፤ ከሳ 12:51 13:18 ታይ 14:34፤ ዛሬ 1:31 13:19 ዛሬ 7:1፤ ኢያ 14:1 13:20 ዛሬ 2:16፤ 1ሳው 3:20

ሼሻጅ ቁሴ ናዓ፣ ሳዖላ አይታው ላይሴ ካዎታና ማላ ኤንታው አሚሰ።

22 ያሳይ ሳዖላ ሻሪዳፕ ጉዬ ኤንታ ቦላ ዳዊቱ ካዎሱሰ። ያሳይ ዳዊቱባ ማርካቲሼ፣ ታኒ ኮያ ኡባ ታ ዎዛና ማላ አሊያ ኢሴዬ ናዓ ዳዊቱ ዳማሰን ያገሰ።

23 «ያሳይ፣ ታኒ ዳዊቱ ሼሻጅ ኢሰራዔል ዳሪያ አሼይሳ ኤሃና ገዳይሳ ማላ ዬሱሳ ኤሂሰ።

24 ዬሱሰ ያናፕ ሲንጼ ኢሰራዔል አሳ ኡባይ ባንታ ናጋራፕ ስሚዲ ማዎቋታና ማላ ዮሃኒሲ ቃላ ኦዲሰ።

25 ቃሲ ዮሃኒሲ ባ ኦሱዋ ወርሳና ሃኒሼ አሳኮ፣ ታና ኦና ገዲ ቆፔቲ? ታኒ ሂንቴ ናገያ ከሪሰቶሳ ገዲኬ፣ ሽን ታኒ ኢያ ጫማ ቢርሻናው ታው ቤሶናይሲ ታፕ ጉዬራ ዬሰን ያገሰ።

26 «አሻቶ፣ አብራሃሜ ሼሻቶ፣ ቃሲ ሃይሳን አይሁዳ ገደናሽን ያሳሰ ያዬይሳቶ፣ ሃ አቶቲላ ቃላይ ኦሰ ከቴቲሰ።

27 አይሰ ገኮ፣ ዬሩሳላሜን ዳዲያ አሳይኔ ኤንታ ሃላቃቲ ዬሱሳ ኤሪቦኮና። ሳምባታ ኡባን ናባቤቲያ ናቤታ ቃላ አኬኪቦና ገሽ ኢያ ቦላ ፒርዲዲ ናቤቲ ኦዲዳ ቃላ ፖሊደሶና።

28 ዬሱሳ ዎቋሳናው ኢሲ ጋሶይካ ቆዩን ጸላዖሲ ኢያ ዎቆና ማላ ዎሲደሶና።

29 ኤንቲ ዬሱሳባይ ገሻ ማፃፋን ፃፊቲዳባ ኡባ ፖሊዳ ዎዴ ማሰቃሊያፕ ኢያ ዎቋሲዲ ዎገደሶና።

30 ሽን ያሳይ ሃይቆፕ ዬሱሳ ዳንሱሰ።

31 ሃሳፌ ጉዬ፣ ኢ ባራ ጋለላፕ ዬሩሳላሜ ዩዳይሳታሰ ዳር ቶሆ ቤንቲሰ። ኤንቲ ሃዒ ኢያባ አሳሰ ማርካቶሶና።

32 «ያሳይ ኦ አዎታሰ አማና ገዳ ዎንጌላ ኮኒ ሂንቴው ኦደሰ።

33 ዳዊቲይ ባ ማዘሙራ ማፃፋን ናምባንሉ ሼምፑዎን፣

ኦኔኒ፣ ታ ናዓ፣

ታኒ ሃቺ ኔና ዬላሰን

ጌቲቲዲ ፃፊቲዳ ዬሱሳ፣ ያሳይ ሃይቆፕ ዳንሱዲ ኦ ማይዛታሰ አማና ገዳይሳ ኦሰ ኤንታ ናይታሰ ፖሊሰ።

34 ኢ ዎቆና ማላ ያሳይ ሃይቆፕ ኢያ ዳንሱን ኤሪሳናው፣

ታኒ ዳዊቲሰ አማና ገዳ

አማኔቲዳ ገሻ አንጂዎ ሂንቴው አማና ያገዲ ኦዲሰ።

35 ሃሳ ገሹ፣ ማዘሙራ ማፃፋን ሃራሶን ቃሲ፣

ኦ ገሻ ናዓ አሃ ዎቁሳካን ያገሰ።

36 «ዳዊቲይ ባ ዎዴ ያሳ ቆፋ ፖሊዳፕ ጉዬ ሃይቁዲ ባ አዎታራ ዎጌቲዲ ዎቁሰ።

37 ሽን ያሳይ ሃይቆፕ ዳንሱዲይሲ ዎቁቤና።

38 «ሃሳ ገሹ፣ ታ አሻቶ፣ ናጋራ አቶቲላይ ዬሱሳ ባጋራ ካሱቲዲ ሂንቴው ኦደቲዳይሳ ኤሪቴ። ሙሴ ሂጌ ናጋራፕ ዲሊሳናው ዳንዳዔና።

39 ሽን ዬሱሳ አማኒያ ኡባይ ናጋራፕ ዲሊሰ።

40 ሃሳ ገሹ፣ ናቤቲ ገዳይሲ ሃንቴ ቦላ ታኮና ማላ ናጌቲቴ።

41 «የሳይ ገዳባ ለቁሴይሳቶ! ቤዒቲ! ማላሌቲቲ! ቆዩቲ! ኦኒካ ኦዲን፣ ሂንቴ አማና ኦሱዋ

ታኒ ሂንቴ ዎዲያን ኦላና » ያገሰ።

42 ጳውሎሴኔ ባርናባሲ አይሁዳ ዎሳ ከላፊ ከዬሺን፣ ካሊያ ሳምባታን ሃሳ ጉጃዲ ኦዳና ማላ አሳይ ኤንታና ዎሲደሶና።

43 ሽቆይ ላሌቲዳፕ ጉዬ ዳር አይሁዳቲኔ አይሁዳታ አማኑዎን ጌሊዲ ያሳ ጎይኒያ ዳርቲ ጳውሎሳኔ ባርናባሳ ካሊደሶና። አማኒዳይሳቲ ያሳ አቆ ከሃቴላን ሚኒዲ ዳና ማላ ኤንታ ዘሪደሶና።

44 ካሊያ ሳምባታን ካታማን ዳዲያ አሳፕ ዳርቲ ያሳ ቃላ ሲዓናው ሽቁደሶና።

45 ሽን አይሁዳቲ ዳር አሳ ቤዒዳ ዎዴ ጳውሎሳ ቃናቲዲ ኢያ ሃሳያ ኢዲዲ ኢያ ጫዩደሶና።

46 ጳውሎሴኔ ባርናባሲ ያዮና፣ «የሳ ቃላይ ኮይርቲዲ ሂንቴው ኦደታናው ኮሼሰ። ሽን ሂንቴ ቃላ ኢዲዲ ሜሪና

13:21 1ሳሙ 8:5፤ 10:21 13:22 1ሳሙ 13:14፤ 16:12፤ ማዘ 89:20 13:24 ማር 1:4፤ ሉቃ 3:3 13:25 ማቶ 3:11፤ ማር 1:7፤ ሉቃ 3:16፤ ዮሃ 1:20፤ 27 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 13:31 ሃ.ኦ 1:3 13:33 ማዘ 2:7 13:34 አሳ 55:3 13:35 ማዘ 16:10 13:41 ኢሰ 1:5

ዴዑዋ ኤካናው ኑስ ቤሴና ጊዲ ሂንቲ፣ ሂንቲ ሁዔን ፐርዲዳ ገሾ ሂዛ ኑኒ እይሁዳ ጊደናይሳትኮ ሲዋስ።

47 ጋሶይካ ጎዳይ፣

ሳላላሜ ኩሜላይ ኔ ባጋራ አታና ሜላ፣ ታኒ ኔና እይሁዳ ጊደና ዴሪያስ ፖፖ ኦላስ» ያጊዲ ኑና ከተስ» ያጊደሶና።

48 እይሁዳ ጊደናይሳቲ ሄሳ ሲዲዳ ዋዴ ኡፋይቲዲ ያሳ ቃላ ቦንቹደሶና። ቃሲ ሜሪና ዴዑዋስ ዶሬቲዳ ኡባይ አማኒደሶና።

49 ጎዳ ቃላይ ሄ ቢታ ኡባ ጋኪስ።

50 ሺን እይሁዳቲ፣ እይሁዳ ጊደና ያሴ ጎይኒያ ዶሬ ማጫሳታኔ ካታማን ዴዒያ ገታ አሳታ ጳውሎሳ ቦላኔ ባርናባሳ ቦላ ዴንሕሊደሶና። ሄ አሳቲ ኤንታ ጎዳ ደሚዲ ባንታ ቢታፊ ከሲደሶና።

51 ሺን ጳውሎሳራኔ ባርናባሳራ ኢዴይሳታስ ማላ ጊደና ሜላ ባንታ ቶሁዋፔ ባና ፒቲዲ ኢቆኒዮኔ ካታማ ቢደሶና።

52 ቃሲ አንጾኪያን ዴዒያ አማኔይሳቲ ጌሻ አያናኒኔ ኡፋይሳን ኩሚደሶና።

14

ጳውሎሴኔ ባርናባሲ ኢቆኒዮኔ ቢደሶና

1 ካሴይሳዳካ፣ ጳውሎሴኔ ባርናባሲ ኢቆኒዮኔን እይሁዳታ ዋሳ ከሌ ጌሊዲ ዳር እይሁዳቲኔ እይሁዳ ጊደናይሳቲ አማናና ጋካናው ቃላ ኡዲደሶና።

2 ሺን አማኒሪና እይሁዳቲ፣ እይሁዳ ጊደናይሳታ ዋዛና ላሚዲ አሻታ ቦላ ዴንሕሊደሶና።

3 ሃዋሪቲ ያን ዳር ዋዴ ጋምዒደሶና። ኤንቲ ያዮና ጎዳባ ኦዲደሶና። ጎዳይ ማላታታኔ ኡራላባ ኤንቲ ኦላና ሜላ ኤንታው ማታ ኢሚዲ ባ ኦቺ ከኔፕቲላ ቃላይ ቱማ ጊዴይሳ ቆንጨሲስ።

4 ሺን ሄ ካታማ አሳይ ሻኬቲዲ፣ ባጋይ እይሁዳታራ ባጋይ ቃሲ ሃዋሪታራ ጊዲስ።

5 እይሁዳ ጊደናይሳቲኔ እይሁዳቲ ባንታ ሃላቃታራ ኢሲፊ ጊዲዲ ሃዋሪታ ቆሃናዉኔ ሹቻን ጫዳናው ኮዩደሶና።

6 ሃዋሪቲ ሄሳ ኤሪዲ፣ ሊስዲራኔ ዳርቤ ጊያ ሊቃዶኒያ ካታማታኔ ኤንታ ሄራን ዴዒያ ቢታ ባቃቲደሶና።

7 ያን ዋንጌላ ኦዲደሶና።

ጳውሎሴኔ ባርናባሲ ሊስዲራኔ ዳርቤን

8 ዬሌቶሳፔ ደሚዲ ናምዑ ቶሆይ ዋቢን ሃሙቲ ኤርና ኢሲ አዳይ ሊስዲራን ዴዒስ።

9 ሄ አዳይ ጳውሎሴ ኦዲሺን ኡቲዲ ሲዒስ። ጳውሎሴ ኢያ ጫዲዲ ያሊያ ዋዴ ፓፃናው ኢያው አማናይ ዴዒይሳ ቤዒዲ፣

10 ባ ቃላ ቶቁ ኦሊዲ፣ «ሲቲ ጋዳ ኔ ቶሁዋን ኤቃ» ያጊሰ። ያቲን፣ ጉፒ ዴንዲ ኤቁዲ ሃሙላ ደሚስ።

11 ጳውሎሴ ኦሊዲይሳ አሳይ ቤዒዲ ባንታ ቃላ ቶቁ ኦሊዲ ሊቃዶኒያ ደናን፣ «ዎሳቲ አሴ ዳኒዲ ኑኮ ዋዲደሶና» ያጊደሶና።

12 ባርናባሳ፣ «ዲያ» ጊዲ፣ ጳውሎሴ ሃሳያን ዋናቲያ ገሾ ኢያ፣ «ሄርሜሳ» ጊዲ ሱንሕደሶና።

13 ካታማፔ ጋፃን ዴዒያ ኤቃ ዲያ ከላ ካሂኔይኔ አሳይ ኮርማታኔ ኣሌቆ ጨሻታ ሃዋሪታስ ያርሻናው ኮዩዲ ካታማ ፔንጌ ኤሂደሶና።

14 ሺን ባርናባሴኔ ጳውሎሴ ሄሳ ሲዲዳ ዋዴ ኤንቲ ኦላናው ቆፒዳይሳ ኢዲያ ባንታ ማዑዋ ፔዲደሶና። አሳ ጊደ ዋዳ ጌሊዲ፣

15 ባንታ ቃላ ቶቁ ኦሊዲ፣ «አሳው፣ ሃይሳ አይስ ኦሌቲ፣ ኑካ ሂንቲ ሜላ አሴ። ሃ ፓሶናባፔ ሳሉዋኔ ሳዓ፣ አባኔ ኤንታ ጊደን ዴዒያ ኡባባ ሚዲዳ ዴዎ ያሳኮ ሂንቲ ሲማና ሜላ ሂንቲው ኑኒ ዋንጌላ ኦደስ።

16 ኢ ቤኒ አሳ ባንታ ኦጊያ ባና ሜላ ዬዲ አጊስ።

17 ሺን ኢራ ሳሉዋፔ ቡኪሲስ፣ ካላካ ዋዴን ዋዴን ኢሚስ፣ ካሌ ኢሚዲ ሂንቲና ዳር ኡፋይሲስ፣ ያቲዲ ሂንቲው ሎዎባ ኦሊዲ ባው ማርካ ቆይሲቤና» ያጊደሶና።

18 ሃዋሪቲ ሄሳ ጊዲ ባንታው አሳይ ያርሻና ሜላ ዋዩዲ ዲጊደሶና።

19 አንጾኪያፔኔ ኢቆኒዮኔፔ ዩዳ እይሁዳቲ፣ አሳ ባንታ ባጋ ዛሪዲ ሹቻን ጳውሎሳ ጫዲደሶና። ኤንታው ኢ ሃይቁዳባ ዳኒን ካታማፔ ጋፃ ጎቹ ኤፊዲ ዩጊደሶና።

20 ሺን አማኔይሳቲ ዪዲ፣ ኢያ ዩሹዋን ኤቁዳሺን ኢ ዴንዲዲ ካታማ ጌሊሰ። ዋንቴላ ጋላሰ ባርናባሳራ ኢሲፌ ዳርቤ ቢሰ።

ጳውሎሲኔ ባርናባሲ ሶሪያ አንጾኪያ ስሚዶሶና

21 ኤንቲ ዳርቤ ካታማን ዋንጌላ ኦዲዲ ዳርታ አማንሉዳፔ ጉዬ ሊሰፃራ፣ ኤቆኒዮኔኔ ጲሲዲያ አንጾኪያ ስሚዶሶና።

22 ያን አማኔይሳታ ሚንሉሌሽኔ ኤንቲ አማኖን ሚኒዲ ዴዓና ማላ ዘሪሽ፣ «የሳ ካዎቴላ ጌላናው ኑኒ ዳር ዋዬ ኤካናው ቤሴሰ» ያጊዲ ታማርሲዶሶና።

23 ቃሲ ዋሳ ኬላታሰ ሁዔን ሁዔን ጨማታ ዶሪዶሶና። የሚዳፔኔ ዎሲዳፔ ጉዬ ኤንቲ አማኒዳ ጎዳሰ ኤንታ ሃዳራ አሚዶሶና።

24 ጲሲዲያ ቢታ ካንሉዲ አጁዲ ጲንሬሊያ ቢዶሶና።

25 ጳርጌን ቃላ ኦዲዳፔ ጉዬ አፃሊያ ቢዶሶና።

26 ያፔ ኤንቲ ባንታ ፖሊዳ ኦሱዋሰ ያሳ አጼ ኬሃቴላሰ ኤንታ ሃዳራ አሚዳ አንጾኪያ ማርካቤራ ስሚዶሶና።

27 አንጾኪያ ጋኪዳ ዋዴ ዋሳ ኬላ አሳ ሺሺዲ ያሳይ ኤንታራ ኦሉዳ ኦሱዋ ኡባኔ አይሁዴ ጊዶና አሳይ አማናና ማላ ኤንታው ዋቲ ፔንጌ ዶዪዳኮ ኦዲዶሶና።

28 ሄሳን አማኔይሳታራ ዳር ዋዴ ጋምዲዶሶና።

15

ዬሩሳላሜ ሸቁዋ

1 ኢሲ ኢሲ አሳቲ ዪሁዳፔ አንጾኪያ ቢዲ፣ «ሙሴ ዋጋሶ ሂንቲ ቃፃሬቶና ኢጲኮ አታናው ዳንዳዔኬታ» ጊዲ አማኔይሳታ ታማርሶ ዶሚዶሶና።

2 ሄሲ ጳውሎሳኔ ባርናባሳ ኤንታራ ዳር ፓሊማናዳኔ ካጫናዳ ኦሉሰ። ሄሳ ጊሾ፣ አንጾኪያን ዴዒያ ኢሲ ኢሲ አሳቲ ጳውሎሳራኔ ባርናባሳራ ዬሩሳላሜ ቢዲ ሃዋሬታራኔ ጨማታራ ጋሄቲዲ ሄ ኦዳ ቢላና ማላ ቆፋ ቃቺዶሶና።

3 ዋሳ ኬላይ ኤንታ ኪቲን ቢዶሶና። ኤንቲ ሲርሬንቁ ሳማሬራ አጁሽ አይሁዴ ጊዶናይሳቲ ያሳኮ ዋኒዲ

ሲሚዳኮ ኦዲዶሶና። ሄሲ አማኔይሳታ ኡባ ዳር ኡፋይሲሰ።

4 ኤንቲ ዬሩሳላሜ ጋኪዳ ዋዴ ዋሳ ኬላይ፣ ሃዋሬቲኔ ጨማቲ ኤንታ ሞኪዶሶና። ያሳይ ባንታራ ኦሉዳባ ኡባ ኦዲዶሶና።

5 ሺን ፋሪሳዌታ ባጋፌ አማኒዳ ኢሲ ኢሲ አሳቲ ዴንዲ ኤቁዳ፣ «አይሁዴ ጊዶናሺን አማኒዳ አሳቲ ቃፃሬታናውኔ ሙሴ ሂጊያ ናጋናው ቤሴሰ» ያጊዶሶና።

6 ሃዋሬቲኔ ጨማቲ ሄሳ ዘሬታናው ሸቁዶሶና።

7 ዳር ሃሳዪዳፔ ጉዬ፣ ጳዒርሲ ዴንዲ ኤቁዳ፣ «ታ ኢሻቶ፣ አይሁዴ ጊዶናይሳቲ ዋንጌላ ቃላ ታ ዶናፔ ሲዒዲ አማናና ማላ ካሴቲዲ ታና ያሳይ ሂንቲ ጊዶፌ ዶሪዳይሳ ሂንቲ ኤሬታ።

8 አሳ ዋዛና ኤሪያ ያሳይ ጌሻ አያና ኦሰ አሚዳይሳዳ ኤንታዉካ አሚዲ ቱማይሰ።

9 አማኖን ኤንታ ዋዛና ጌሺዳ ጊሾ ኑ ጊዶኒኔ ኤንታ ጊዶን ዲማቴሉ ዋላቤና።

10 ሄሳ ጊሾ፣ ኑ አዋቲኔ ኦኒ ቶካናው ዴንዳሲቦና ቃምባራ አማኔይሳታ ሞርጌን ዋሉዲ ሃዒ አይሰ ያሳ ፓጩፔ?

11 ጎዳ ዬሱሰ ኪሪሰቶሳ አጼ ኬሃቴላን ኤንቲ አቲዳይሳዳ ኑካ አቲዳይሳ አማኖሰ» ያጊሰ።

12 አሳይ ሲዒ ጊዲ፣ ባርናባሲኔ ጳውሎሲ አይሁዴ ጊዶና አሳ ጊዶን ባንታ ባጋራ ያሳይ ኦሉዳ ማላታኔ ኦራላባ ኡባ ኦዲሺን ሲዶሶና።

13 ኤንቲ ሃሳያ ኦንጊዳፔ ጉዬ ያይቆቤ፣ «ኢሻቶ፣ ታ ጌይሳ ሲዒቲ።

14 ያሳይ አይሁዴ ጊዶናይሳታ ጊዶፌ ባ አሴ ዶራናው ኮዪዲ ኤንታና ኮይሮ ዋቲዲ ቆፒዳኮ ሲሞኒ ኦዲሲ።

15 ናቤታ ቃላይ ሃይሳራ ጌሴ። ጌሻ ማፃፋን፣

16 «ሃይሳፌ ጉዬ፣ ታኒ ሲማና፣ ኩንዲዳ ዳዊቲ ካዎቴላ ዴንላና። ላሌቲዳ ኬላካ ዙራ ኤሳና።

17 አቲዳ አሳ ኡባይ ታኮ ያና፣ ታኒ ጂጊዳ አይሁዴ ጊዶና አሳ ኡባይ ታና ኮያና።

18 ቤጊፔ ዶማዳ ሄሲ ኤሬታና ማላ ኦሉዳ ያሳይ፣ ታኒ ያጋይሰ» ያጌሰ።

19 «ሄሳ ጊሾ፣ ታ ቆፋይ ያሳኮ ሲሚያ አይሁዳ ጊደናይሳታ ኑኒ ዋይሶናኮ ሎዎ።»

20 ሺን ኤንቲ ኤቃሰ ያርሼቲዲ ቱኒዳባ ሞና ሜላ፣ ላይማቶና ሜላ፣ ባዉታ ሞና ሜላኔ ሱላ ኡዮና ሜላ ኤንታው ኑኒ ዳብዳቤ ፃፋናው ኮሼሰ።

21 ሙሴ ሃጌይ ቤኒፔ ደሚዲ ሳሞባታን ሳሞባታን አይሁዳ ዋሳ ኬላታን ናባቤቲሽ ካታማ ኡባን ሳባኬቴሰ» ያገሰ።

22 ሄሳፌ ጉዬ፣ ሃዋሪቲኔ ጨማቲ ዋሳ ኬላ አሳ ኡባራ ኢሲፌ ባንታ ጊደፌ ጉላ አሳታ ደሪዲ ጳውሎሳራኔ ባርናባሳኮ አንጾኪያ ዬዳናው ቆፋ ቃቺደሶና። ኤንቲ ዳር ቦንቺቲዳ ናምቡ አሳታ ባርሳባሳ ጌቲቲያ ዪሁዳኔ ሲላሴ ደሪደሶና።

23 ሃይሳዳ ጌቲቲ ፃፊቲዳ ዳብዳቤያ ኤንታ ቦላ ዬዲደሶና፡ «ኑኒ ሃዋሪቲኔ ጨማቲ ሃንቲ ኢሻቲ፣ አንጾኪያን፣ ሶሪያኒኔ ከልቂያን ዴዒያ አይሁዳ ጊደና አሻታሰ ኑ ሳርሱዋ ከቶሰ።»

24 «ኑኒ ከቶና አሳቲ ኑ ጊደፌ ቢዲ፣ ሃንቲ ቃፃሪታናዉኔ ሃጊያ ናጋናው ቤሴሰ» ጊዲ፣ ሃንቲና ዋይሲዳይሳኔ ዪሎዪዳይሳ ሲዲዲ።

25 ኑኒ ደሲያ ባርናባሳኔ ጳውሎሳ ደሪቲዳ አሳታራ ኢሲፌ ሃንቲኮ ከታናው ኢሲ ዋዛናን ኑ ቆፋ ቃቺዳ።

26 ኤንቲ ኑ ጎዳ ዬሱሰ ከሪሰቶሳ ጊሾ ባንታ ዴቦዋ አላ አሚደሶና።

27 ሄሳ ጊሾ፣ ኑኒ ፃፊዳይሳ ኤንቲ ባንታ ደናን ጉጂዲ ሃንቲው ኡዳና ሜላ ዪሁዳኔ ሲላሴ ከቲዳ።

28 «ሃ ኮሼይሳታፔ ኣቲን ሃራ ቶሆ ሃንቲና ቶሶና ሜላ ኑኒ ጌሻ አያናይ ኦዳ ቃቺዳ።»

29 ኤቃሰ ያርሼቲዲ ቱኒዳባ ሞፐቲ፣ ሱሉ ኡዮፐቲ፣ ባዉታ ሞፐቲ፣ ላይማቶፐቲ። ሃ ኡባፌ ሃንቲ፣ ሃንቲ ሁዒያ ናጊኮ ሎዎባ ኦሉታ» ያገደሶና።

30 ሄሳ ጊሾ፣ ከቲቲዳይሳቲ ሞይዜቲዲ አንጾኪያ ቢዲ አማኒያ አሳ ሺሺዲ፣ ዳብዳቤ አሚደሶና።

31 ኤንቲ ሄ ሚንሌሊያ ዳብዳቤያ ናባቢዳ ዋዴ ኡፋይቲደሶና።

32 ቃሲ ዪሁዳኔ ሲላሴይ ባንታ ሁዒን ናቤ ጊዲያ ጊሾ አማኔይሳታ ሎይሊ ዘሪዲ ሚንሌሊደሶና።

33 ኤንቲ አንጾኪያን ጉላ ጋላሰ ኡቲዳፔ ጉዬ ኢሻቲ ሎዎራ ሞይዘን ባንታና ከቲዳይሳታኮ ሲሚደሶና።

34 * [ሺን ሲላሴይ ያን አታናው ኮዪሰ።]

35 ቃሲ ጳውሎሴኔ ባርናባሲ ሃራ ዳር አሳታራ ኢሲፌ ጎዳ ቃላ ታማርሲሼኔ ዋንጌላ ኦዲሼ አንጾኪያን ጋምዒደሶና።

ጳውሎሴኔ ባርናባሲ ሻኬቲደሶና

36 ጉላ ጋላሳፔ ጉዬ ጳውሎሲ ባርናባሳኮ፡ «ኑኒ ጎዳ ቃላ ኦዲዳ ካታማ ኡባን አማኔይሳቲ ዋኒዲ ዴዒያኮ ጉዬ ሲሚሼ ያምሳና» ያገሰ።

37 ባርናባሲ ማርቆሳ ጌቲቲያ ዮሃንሳ ባንታራ ኤፋናው ኮዪሰ።

38 ሺን ጳውሎሲ ማርቆሳ ባንታራ ኤፋናው ኮዪቤና። ጋሶይካ፣ ኢ ጲንፊሊያን ሻኬቲዲ ኤንታራ ኦላናው ቢቤና።

39 ኤንታ ጊደን ኢታ ኦሺ ኮዪን ኢሶይ ኢሱዋፌ ሻኬቲደሶና። ባርናባሲ ማርቆሳ ኤኪዲ ማርካቤራ ቆጶርሳ ቢሰ።

40 ሺን ጳውሎሲ ሲላሴ ደሪሰ፤ አማኔይሳቲ ጳውሎሳ ያሳ አጼ ኬሃቲሳሰ ሃዳራ አሚዳፔ ጉዬ ኢ ኮዪዲ ቢሰ።

41 ያቲዲ፣ ዋሳ ኬላታ ሚንሌሊሼ ሶሪያራኔ ከልቂያራ አጲሰ።

16

ግሞቲዮሲ ጳውሎሳራኔ ሲላሴራ ጋሄቲሰ

1 ጳውሎሲ ዳርቤኔ ሊሰፃራ ቢሰ። ያን ግሞቲዮሳ ጊያ አማኒያ አሲ ዴዒሰ። ኢያ አያ አማኒያ አይሁዳ ማጫሰ። ኢያ አዋይ ጊሪኬ አሲ።

2 ሊሰፃራኒኔ አቆኒዮኔን ዴዒያ አማኔይሳቲ ግሞቲዮሳ ባ ሎይሊዲ ማርካቲደሶና።

3 ጳውሎሲ ግሞቲዮሳ ባራ ኤፋናው ኮዪዲ፣ ኢያ አዋይ ጊሪኬ አሲ ጊዲዳይሳ ሄ ቤሳን ዴዒያ አይሁዳ ኡባይ ኤሪያ ጊሾ ኢያ ቃፃሪሰ።

4 ኤንቲ ካታማታራ ቢሼ ዬሩሳላሚን ዴዒያ ሃዋሪቲኔ ጨማቲ

15:20 ከሳ 34:15-17፤ ለዋ 17:10-16፤ 18:6-23 * 15:34 ኢሲ ኢሲ ማፃፋታን ጋይዶ 34 ባዋ። 15:38 ሃ.ኦ 13:13

ዋሉዳ ሂጊያ አማኔይሳቲ ናጋና ማላ ከጎታው አዲሽ አዲሶች።

5 ሄሳ ጊሾ፣ ዋሳ ከላቲ አማኖን ማኒሾ፣ ታይሶንካ ጋላስ ጋላስ ዳሪ ዳሪ ቢደሰና።

ጳውሎስ ማቄደኒያ ባናዳ ጭቲስ

6 ኢሲያን ቃላ ኦዶና ማላ ጌሻ አያናይ ከጎታ ዲጊዳ ጊሾ ጲርጌራኔ ጋላቲያ ቢታሪ አዲሶች።

7 ከጎታ ማሲያ ዛዋ ጋኪዳ ዋዴ ቢቲኒያ ባናው ኮዩደሶና። ሺን ዬሱሳ አያናይ ከጎታ ዲጊስ።

8 ሄሳ ጊሾ፣ ከጎታ ማሲያ ማታራ አዲሽ ግርዳዳ ዋዲደሶና።

9 ጳውሎስ ቃማ ቆንጩላን ኢሲ ማቄደኒያ አሲ ባኮ፣ «ማቄደኒያ ፒናዳ ኑና ማዳርኪ» ያጊሽ ኤቁዲ ዋሲሽን ቤዒስ።

10 ቆንጩላ ኢ ቤዒዳፔ ጉዬ ኤሌሲዲ ኑኒ ማቄደኒያ ባናው ኮዩዳ። ሄሲካ፣ ዋንጌላ ያን ዴዒያ አሳስ ኦዳናው ያሳይ ኑና ጃጊዳይሳ ኤሪዳ ጊሾሳ።

ሊዲያ ኪሪስቶሳ አማናሱ

11 ግርዳዳፔ ዴንዲዲ ማርካቤን ጌሊዲ ሳሞቲራቄ ቢዳ፣ ዋንቴላ ጋላስ ናጵሌ ቢዳ።

12 ያፔ ዴንዲዲ ማቄደኒያ ቢታን ዴዒያ ፊልጲሲዩሳ ጊያ ኮይር ካታማ ቢዳ። ቃሲ ፊልጲሲዩሲ ሮሜ አሳይ ዴዒያ ካታማ። ኑኒ ሄ ካታማን ጉላ ጋላስ ኡቲዳ።

13 ሳሞባታ ጋላስ ካታማፔ ጋዖን ሻፋ ዶናን አይሁዴቲ ያሳ ዋሲያ ቤሲ ዴዒይሳ ኤሪዲ ያ ቢዳ። ሄ ቤሳን ሸቁዳ ማጫሳስ ቃላ ኦዲዳ።

14 ኑና ሲዒያ አሳፔ ኢሲ ሊዲያ ጌቲቲያ ቲያቲሮና ካታማፔ ዩዳ፣ ያሳ አማኒዳ ዘዖ አፊላ ዛልዒያ፣ ማጫሲያ ዴዒዉሱ። ጳውሎስ ኦዴይሳ ኢያ ሲዒና ማላ ያሳይ ኢ ዋዛና ዶዩሲ።

15 ሊዲያ ባ ሶ አሳራ ኢሲፊ ፃማቄቲዳፔ ጉዬ ኑኮ፣ «ሂንቲ ታና ጎዳ ቱማ አማናሱ ጊኮ ታ ሶ ዩዲቲ» ጋዳ ማንላዳ ዋሳሱ።

ጳውሎስኔ ሲላሲ ቃሽቲደሶና

16 ኑኒ ያሳ ዋሲያ ቤሳ ቢሸን ኢታ አያኒ ኢ ቦላ ዴዒዲ ካይሲያ ኢሲ ጌላዖ አይሌይ ኑራ ጋሂታሱ። ኢያ ካዖዳ ዳር ማሼ ባ ጎዳታሰ ኤሃዉሱ።

17 ጳውሎስኔ ኑና ካላዳ፣ «ሃይሳቲ ኡባፊ ቦላ ያሳ አይሌታ! ከጎታ ሂንቲ አታና ኑኒያ ኦዴይሳታ» ጋዳ ዋሳሱ።

18 ኡባ ጋላስ ሃሳዳ ጋዉሱ። ሺን ጳውሎስ ዩሎቲዲ ጉዬ ሲሚዲ፣ ሄ አያና፣ «ዬሱስ ኪሪስቶሳ ሱንላን ኢፔ ኬያ» ጊዲ ኪቲስ። ኢራካ ኢታ አያናይ ኢፔ ኬዩ አጊስ።

19 ሺን ኢ ጎዳቲ ባንታው ማሼ ዴሚያ ኑኒይ ቆዩዳይሳ ቤዒዲ፣ ጳውሎስኔ ሲላሲ ኦይኪዲ፣ ዳባባ ዳይናታ ሲንሌ ጎቺ ኤፊደሶና።

20 ዳይናታ ሲንሌ ከጎታ ኤፊዲ፣ «ሃይሳቲ አይሁዴ አሲ ጊዲሽ ኑ ካታማ አሳ ዳር ዋይሶሶና።

21 ኑኒ ሮሜ ቢታ አሲ ጊዲሽ ኤካናዉኔ አላናው ዋጋ ጊዶናባ ታማርሶሶና» ያጊደሶና።

22 አሳይ ኢሲ ባጋ ጊዲዲ፣ ጳውሎስኔ ቦላኔ ሲላሲ ቦላ ዴንዲደሶና። ዳይናቲ ከጎታ ማዑዋ ቃሪዲ ፃሞዓን ከጎታ ሾጫና ማላ ኪቲደሶና።

23 ከጎታ ዳር ዋዲዳፔ ጉዬ ቃሾ ኬላ ጌልሲደሶና። ቃሾ ኬላ ናጌይሲ ከጎታ ማንሌ ናጋና ማላ ኪቲደሶና።

24 ቃሾ ኬላ ናጌይሲ ሄ ኪታ ኤኪዲ፣ ጳውሎስኔ ሲላሲ ቃሾ ኬላስ ቆልዳ ጌልሲስ። ከጎታ ቶሁዋ ዲዒስ

25 ሺን ጊዲ ቢላሃ ጊዲያ ዋዴ ጳውሎስኔ ሲላሲራ ዋሲሼኔ ማዝሙራ ዩዒሼ ያሳ ጋላቶሶና። ቃሾ ኬላን ዴዒያ ሃራ አሳቲካ ከጎታ ጊያባ ሲዖሶና።

26 ቆፖና ቃሾ ኬላ ባሶይ ቃዖና ጋካናው ቢታ ቃይይ ሃኒስ። ሄ ሳቲንካ ፔንጌ ኡባይ ዶዬቲ አጊስ፤ ቃሾቲዳ አሳ ኡባ ሳንላላታይ ቢርሼቲ ዋዲስ።

27 ቃሾ ኬላ ናጌይሲ ዲስኮፊ ባርኪዳ ዋዴ ቃሾ ኬላ ፔንጌ ኡባይ ዶዬቲዳይሳ ቤዒዲ ቃሾ አሳይ ኬሲ ኤኪ ቢዳባ ዳኒን ባና ዋዳናው ማሼ ኤኪስ።

28 ሺን ጳውሎስኔ ቃላ ዶቁ ኦሊዲ «ኑ ኡባይ ሃይሳን ዴዒያ ጊሾ ኑኒ ኑና ቆሆፓ» ያጊስ።

29 ቃሾ ኬላ ናጌይሲ ያሞፔ ዋሲ ኤኪዲ ኤሌሲዲ ጋላ ዋዒስ። ኮኮሪሼ ጳውሎስኔ ሲንላኒኔ ሲላሲ ሲንላን ጉፋኒስ።

30 ከንታ ካሬ ከሲዲ፣ «ታ ጎዳቶ፣ ታኒ አታናው አይ አላናው ቤሲ?» ያገሰ።

31 ጳውሎስ ሲላሴራ ኢያሱ፣ «ጎዳ ዩሱስ ከሪሰቶሳ አማና፤ ነሬኔ ኔ ሶ አሳራ አታና» ያገደሰና።

32 ከንቲ ኢያሱኔ ኢያ ሶን ዳዲያ ኡባሰ ጎዳ ቃላ ኦዲደሶና።

33 ቃማ ሄ ሳቲንካ ቃሾ ከላ ናጌይሲ ከንታ ኤፊዲ ከንታ ማዲንላ ማጩሰ። ኤሌሲዲ ባ ሶ አሳ ኡባራ ማማቁተሰ።

34 ጳውሎስ ሲላሴ ባ ሶ ኤፊዲ ከንታው ካላ አላሰ። ኢ ባ ሶ አሳ ኡባራ ያሳ አማኒዳ ገሾ ኡፋይተሰ።

35 ሳባይ ዋንቲን ዳይናቲ፣ «ሄ አሳታ ቢላ» ያገደዲ ፖሊሴ ሃላቃታ ኢያኮ ከቲደሶና።

36 ቃሾ ከላ ናጌይሲ፣ «ሂንቲ ቢላታና ማላ ዳይናቲ ከቲደሶና። ሂዛ፣ ከዩዲ ሳር ቢቲ» ያገደዲ ሄ ከታ ጳውሎስ ኦዲሰ።

37 ሺን ጳውሎሲ ሄ ፖሊሴ ሃላቃታ፣ «ኦኒ ሮማ አሲ * ገዲሺን ከንቲ ኦና ፐርዲ ባይና አሳ ሲንላን ዋዲዲ፣ ቃሾ ከላን ዩገደሶና። ሃዲ ኦና ጌማን ከዩዲ ሶ ጎና? ሃኔና፣ ከንቲ ባንታ ሁዲን ዩዲ ኦና ከሶ» ያገሰ።

38 ፖሊሴ ሃላቃቲ ዳይናታሰ ሄሳ ኦዲን፣ ጳውሎስ ሲላሴራ ሮማ ቢታ አሲ ገዲዳይሳ ሲዲዳ ዋዴ ያዩደሶና።

39 ሄሳ ገሾ፣ ዳይናቲ ዩዲ ከንታ፣ «ኦኒ ሂንቲና ቆሃዳ» ገደሶና። ቃሾ ከላፊ ካሬ ከንታ ከሲዲ፣ ካታማፔ ከዩዲ ባና ማላ ዋሲደሶና።

40 ጳውሎስ ሲላሴራ ቃሾ ከላፊ ከዩዲ ሊዲያ ሶ ቢደሶና። ያን አማኔይሳታራ ጋሃቲዲ ከንታ ማንሐላዲ ከዩዲ ቢደሶና።

17

ጳውሎሲ ቲሴሎንቄን ታማርሲሰ

1 ጳውሎስ ሲላሴራ አምፊጸሊሳራኔ አጸሎኒያራ አዲዲ ቲሴሎንቄ ቢደሶና። ያን አይሁዴ ዋሳ ከላ ዩዴሰ።

2 ጳውሎሲ ካሴይሳዳ ያ ጌሊሰ። ያን ሄቱ ሳሚንታ ያሳ ቃላፔ አሳሰ ኦዲሰ።

3 ከሪሰቶሲ ዋዩ ኤካናጤ ሃይቆፔ ዳንዳናው ቤሴይሳ ከንታው ቆንጩሲዲ ኦዲሾ፣ «ዩሱሲ ሃ ታኒ ሂንቲው ኦዴይሲ ከሪሰቶሳ» ያገሰ።

4 ከንታፊ ኢሶቲ ኢሶቲ ኦዲይ ቱማ ገዴይሳ ማዲዲ ጳውሎስ ሲላሴራ ኢሲፊደሶና። ሄሳዳካ፣ ያሳ ጎይኒያ ዳሮ ገሪኬ አሳይኔ ዳሮ ቦንቹቲዳ ማጩሳቲካ ከንታራ ኢሲፊደሶና።

5 ሺን አይሁዴቲ ቃናቲዲ ኢሲ ኢሲ ኦሶይ ባይና ኢታ አሳታ ኦፔፔ ሺሺደሶና። ካታማን ቡቄላ ከሲደሶና፤ ጳውሎስ ሲላሴ አሳሰ አላ አማናው ኮዩዲ ያሶና ከላ ቲቁደሶና።

6 ጳውሎስ ሲላሴ ከንታው ቤንቶና ኢዲን፣ ያሶና ኢሲ ኢሲ አማኔይሳታ ካታማ ሃላቃታኮ ጎቹ ኤፊዲ፣ «ሃይሳቲ ቢታ ኡባ ቡቄይሳቲ ሃዲ ኦኮ ዩደሶና።

7 ያሶኒ ከንታ ባ ሶን ዋላሰ። ሃይሳቲ፣ «ዩሱሳ ገያ ሃራ ካዋይ ዳዴሰ። ገዲ ቁሳሬ ከታ ማንሐሶና» ያገደዲ ቁቁ ገዳ ቃላን ኦዲደሶና።

8 ሺቁዳ አሳይኔ ካታማ ሃላቃቲ ሄሳ ሲዲዲ ሃናናባ ዳዩደሶና።

9 ሃላቃቲ ያሶና ሃራታ ዋሴን ቢርሺደሶና።

ጳውሎሲ ቤሪያን ታማርሲሰ

10 አማኔይሳቲ ጳውሎስ ሲላሴ ቃማራ ቤሪያ ዩዲደሶና። ቤሪያ ጋኪዲ፣ አይሁዴ ዋሳ ከላ ጌሊደሶና።

11 ቤሪያ አሳቲ ቲሴሎንቄ አሳታፔ አዲዳ ሱሬታ። ከንቲ ቃላ ኩሜላ ዋዛናፔ ኤኪደሶና፤ ጳውሎሲ ገዲይሲ ቱማ ገዴይሳ ሻኪ ኤራናው ጋላሰ ጋላሰ ገሻ ማፃፋታ ፃናፖሶና።

12 ሄሳ ገሾ፣ ከንታፊ ዳሮቲ፣ ገሪኬታፔካ ቦንቹቲዳ ዳሮ ማጩሳቲኔ ዳሮ አዳቲ አማኒደሶና።

13 ሺን ቲሴሎንቄን ዳዲያ አይሁዴቲ ጳውሎሲ ያሳ ቃላ ቤሪያንካ ኦዲዳይሳ ሲዲዳ ዋዴ ቤሪያ ዩዲ አሳ ቡቁደሶና።

14 ሄሳፊ ጉዬ፣ አማኔይሳቲ ኤሌሲዲ ጳውሎሳ አባ ማቲ ዩዲደሶና። ሺን ሲላሴይኔ ዲሞቲዮሲ ቤሪያን አቲደሶና።

* 16:37 ሮማ አሲ፡ ጳውሎሲ ሮማ አሲ ያገደዲ ባና ያገደዲ ሄ ዋዴ አይሁዴ ቢታ ሃሪይ ሮማ ካዋቲላ ገዲዳ ገሾሳ። ሄ ዋዴ ሮማ ቢታን ዳዲያ አሳይ ፐርዲ ባይና ጋራፊቶና።

15 ጳውሎስ ሞይዲዳ አሳቲ አቴና ጋሊዶሶና። ሄ አሳቲ ሲላሴይን ሂሞቲዮሲ ባንታው ዳንዳዔቲዳ ማላ ኤሌሲዲ ባኮ ያና ማላ ጳውሎሲ ከቲዳ ከታ ኤኪዲ ቤሪያ ሲሚዶሶና።

ጳውሎሲ አቴና ቢስ

16 ጳውሎሲ አቴናን ሲላሴይን ሂሞቲዮሳ ናጊሼ፣ ካታማን ኤቁ ከሚዳይሳ ቤዲዲ ዪሎቲስ።

17 ሄሳ ጊሾ፣ አይሁዴ ዋሳ ኬፋን አይሁዴታራኔ ያሳ ጎይኒያ አይሁዴ ጊዶና አሳታራ ቃሲ ባራ ጋሄቲያ አሳታራ ኡባ ዋዴ ፓላሜስ።

18 ኤጲቆርሳኔ አሲቶይኬ ጌቲቲያ ጨጋታፔ አሲ አሲ ኤራንቸቲ ጳውሎሳራ ፓላሚዶሶና። ኤንታፌ አሲቲ አሲቲ፣ «ሃ ዮምሃይ አይ ኦዳናው ኮዩ?» ያጊዶሶና።

ሃራቲ ጳውሎሲ ዬሱሳባኔ ሃይቆፔ ኢ ዴንዲዳይሳ ባንታው ኦዲዳ ጊሾ «ኦራሳ ያሳታባ ኦዲያ ዳኔስ» ያጊዶሶና።

19 ጳውሎስ ኦይኪዲ አርዮስፓጎሳ ጊያ ሺቆ ቤሳ ኤፊዲ፣ «ሃ ኔኒ ታማርሲያ ኦራሳባይ አይቤኮ ኮና ኤሪሲስ?»

20 አይስ ጊኮ፣ ኔኒ ኮስ ኦራሳባ ኦዳሳ፣ ሂዛ ሄሲ አይቤኮ ኔኒ ኤራናው ኮዮስ» ያጊዶሶና።

21 አቴና አሳ ኡባይኔ ያን ዴዲያ ኢማላቲ ኦራሳባ ኦዴቶናኔ ሲያና ፔዮኮና።

22 ጳውሎሲ አርዮስፓጎሳን ሸቂዳ አሳ ሲጎላን ኤቂዳ፣ «አቴና አሳው፣ ሂንቲ ያሳታስ ኡባባን ዳር ያዬይሳ ታኒ ቤዳይስ።

23 ታኒ ሂንቲ ካታማራ ዩያሽ ሂንቲ ጎይኒያ ቤሳታ ቤዲያ ዋዴ ሳኤራቶና ያሳስ) ጌቲቲ ያፌቲዳ ያርሾ ቤሳ ዴማስ። ሃ ሂንቲ ኤርናሽጎ ጎይኔይሳ ታኒ ሂንቲው ኦዳይስ።

24 ሳባኔ ሳባን ዴዲያ ኡባባ ሜጲዳ ያሳይ፣ ሳሉዋኔ ሳባ ጎዳይ፣ አሲ ኬጲዳ ኬፋን ዴና።

25 ኢ ዴዎ፣ ሾምፖኔ ኡባባ አሳ ኡባስ ኢሚያ ጊሾ ፓጩ ዴዲያ አሳዳ አሳ ማዴ ኮዬና።

26 ያሳይ አሳ ዜሬሌ ኡባ አሲ አዲያፌ ሜጲዲ ቢታ ኡባን ዋሊስ። ያቲዲ ኤንቲ ዴዳና ዋዲያሲኔ ቤሳስ ዛቀ ኢሚስ።

27 ኢ ሄሳ ኦሊዳይ አሲ ኢያ ኮያና ማላኔ ፒሊጊዲ ዴማና ማላሳ። ሃኒኮካ ኢ ኑፔ ጊሚቤና።

28 ሂንቲፌ አሲ አሲ ዬጃይሳቲ፣ ሳኒ ኢያ ናይታ) ጊዳይሳዳ፣ ሳኒ ኢያን ፓፃ ዴዎስ፣ ቃዎስ።)

29 ሂዛ፣ ኔኒ ያሳ ናይታ ጊዲያ ጊሾ ርዓይ አሳ ሂላቴሳኒኔ ቆፋን ዋርቃፌ ዋይኮ ቢራፔ ዋይኮ ሹቻፌ ኦሲቲዳባ ዳኔስ) ያጊዲ ቆፓናው ቤሲና።

30 ሄሳ ጊሾ፣ ያሳይ ካሴ ዋዴ አሳይ ኤርና ኦሊዳይሳ አጊዲ አጲስ፣ ሺን ሃዲ ኡባሰን ዴዲያ አሲ ኡባይ ናጋራፔ ሲማና ማላ ከቲስ።

31 አይስ ጊኮ፣ ያሳይ ባ ዶሪዳ አዲያን ሳባን ዴዲያ አሳ ኡባ ቦላ ጂሎ ፐርዳ ፐርዳናው ቃማ ጊጊሲ ዋሊስ። ኢያ ሃይቆፔ ዴንሊዲ ሄሳ አሳ ኡባስ ቱማዩስ» ያጊስ።

32 ኤንታፌ አሲ አሲ አሳቲ ሃይቆፔ ዴንዶባ ጳውሎሳፔ ሲዲዲ፣ ኢያ ቦላ ቁልቁሲዶሶና። ሺን ሃራቲ፣ «ኑኒ ሄሳ ኔፔ ጉጂዲ ሲዳናው ኮዮስ» ያጊዶሶና።

33 ሄሳ ጊሾ፣ ጳውሎሲ ኤንታ ጊዶፌ ኬዩስ።

34 ሺን አሲ አሲ አዴቲ ጳውሎሳራ ጋሄቲዲ አማኒዶሶና። ኤንታ ጊዶፌ አርዮስፓጎሳን ሸቁዋን ዴዲያ ዲዮናስዮሳ ጊያ አዴይ፣ ዳማርሶ ጊያ አሲ ማጫሲያኔ ሃራቲ ዴዎሶና።

18

ጳውሎሲ ቆርንቶሳ ቢስ

1 ሄሳፌ ጉዬ፣ ጳውሎሲ አቴናፔ ኬዩዲ፣ ቆርንቶሳ ቢስ።

2 ያን አቁላ ጊያ ጳንዮሳን ዬሌቲዳ አሲ አይሁዴ አሲ ዴሚስ። አይሁዴ አሳ ኡባይ ሮሜፔ ኬያና ማላ ካዋይ ቃላዉዲዮሲ ከቲዳ ጊሾ ጉላ ዋዴፔ ካሴ ኢ ባ ማቼ ጲሪስቁላራ ፃሌፔ ዪስ። ጳውሎሲ ኤንታራ ጋሄታናው ቢስ።

3 ኢያ ኦሶይ ኤንታይሳዳ ዲንካኔ ሲኮ ጊዲያ ጊሾ ኤንታራ ኡቲዲ አሲፌ ኦሊስ።

4 ጳውሎሲ ሳምባታ ኡባን አይሁዴታኔ ጊሪኬታ አማንላናው አይሁዴ ዋሳ ኬፋን ፓላሜስ።

5 ሲላሴይኔ ሂሞቲዮሲ ማቂዶኒያፔ ዪዳ ዋዴ ጳውሎሲ ባ ኩሜላ

ዋዲያ አሚዲ አይሁዳታስ ዬሱሲ ኢ፣ ከሪስቶሳ ጊዲ ቃላ አዲስ።

6 ሺን ኢንቲ ጳውሎሳ ኢዲዲ ኢያ ጫዬን ጳውሎሲ ባ ማዑዋፔ ባና ቆቆፊሼ፣ «ሂንቲ ጎሜይ ሂንቲና ኦይኮ፤ ታኒ ሄሳን ደዒኩ። ሂዛፔ ጉዬ፣ ታኒ አይሁዳ ጊደና አሳኮ ባይስ» ያጊሰ።

7 ያፔ ከዬዲ ያሳ ጎይኒያ ቲቶስ ዮስያሳ ጊያ ኡራ ሶ ቢሰ። ዮስያሳ ከላይ አይሁዳ ዋሳ ከላ ማታን ደዒሶስ።

8 አይሁዳ ዋሳ ከላ ሃላቃይ ቃሪስጸሲ ባ ሶ አሳ ኡባራ ጎዳ አማኒሰ። ቆርንቶሳ አሳታፔካ ዳሮቲ ያሳ ቃላ ሲዲዳ ዋዴ አማኒዲ ፃማቁቲዶሶና።

9 ጎዳይ አሲ ቃማ ጳውሎሳስ ቆንጨዲ፣ «ያዮፋ፤ አዳ፣ ሲዲ ጎፓ።

10 ታኒ ኔራ ደዳይስ። ታው ሃ ካታማን ዳሮ አሲ ደዒያ ጊሾ ኔና ቆሂዲ ኢታባን ዬጋና አሲ ኦኒካ ባዋ» ያጊሰ።

11 ሄሳ ጊሾ፣ ጳውሎሲ ያሳ ቃላ አሳ ታማርሲሼ አሲ ላይሌኔ ኡሱፑን ኦኔና ኤንታራ ኡቲሰ።

12 ጋሊዮሲ አካያ ቢታ አይሲያ ዋዴ አይሁዳቲ አሲፊ ጳውሎሳ ሶላ ደንዲዲ ፐርዳ ከሌ ኢያ ኤፊዲ፣

13 «ሃ አዳይ ሂጊያ ኢዲዲ፣ አሳይ ያሳ ጎይናና ማላ ኦሌስ» ያጊዶሶና።

14 ጳውሎሲ ሃሳናና ሂሺን፣ ጋሊዮሲ አይሁዳታኮ፣ «አይሁዳቶ፣ ሄሲ ኢታ ኦሶ ዋይኮ ናቆ ጊዲያኮ ታኒ ሂንቲባ ዳንዳዳዳ ሲዳናው ቤሴስ።

15 ሺን ቃላሰ፣ ሱንላሲኔ ሂንቲ ሂጊያስ ሂንቲ ፓላሚያባ ጊዲኮ ሂንቲ፣ ሂንቲው ቢሊቲ፤ ሄሳ ታኒ ፐርዲኬ» ያጊሰ።

16 ያቲዲ፣ ኤንታ ፐርዳ ከላፊ ካሬ ከሲሰ።

17 ሄሳፊ ጉዬ፣ ገሪኬ አሳ ኡባይ አይሁዳ ዋሳ ከላ ሃላቃ ሶስቲኒሳ ኦይኪዲ ፐርዳ ከላ ሲንላን ዋዲዶሶና። ሺን ጋሊዮሲ ሄሳ ፓፃባ ጊቤና።

ጳውሎሲ አንጾኪያ ቢስ

18 ጳውሎሲ ዳሮ ጋላስ ቆርንቶሳን ኡቲዳፔ ጉዬ አማኒያ አሳ ሳርሌዲ፣ ጳሪስቁሊራኔ አቁላራ ማርካቤራ ሶሪያ ቢሰ። ሺን ኢ ባናፔ ሲንሌ ባው ጋሶይ ደዒያ ጊሾ ከንኪሪያ ካታማን ባ ሁዲያ ሱሉሴቲስ።

19 ኢንቲ ኤፊሶና ጋኪዳ ዋዴ ጳውሎሲ ጳሪስቁሊኔ አቁላ ያን አጊሰ። ሺን ባው አይሁዳ ዋሳ ከሌ ጌሊዲ አይሁዳታራ ኦይቲስ።

20 ኢንቲ ባንታራ ዳሮ ዋዴ ኡታና ማላ ጳውሎሳ ዋሲዶሶና ሺን ኢ ኢዲሰ።

21 ኢንታፊ ሻኬቲሼ፣ «ታኒ ያ ባሊያ ዬሩሳላሚን ሶንቻናው ቤሴስ። ሺን ያሲ ጊኮ ሂንቲኮ ሲማዳ ያና» ያጊዲ ኤፊሶናፔ ማርካቤራ ቢሰ።

22 ቁሳሪያ ጋኪዳ ዋዴ ዬሩሳላሚ ቢዲ ዋሳ ከላ አሳ ሳርሌዳፔ ጉዬ አንጾኪያ ቢሰ።

23 ያን ጉላ ዋዴ ጋምዲዳፔ ጉዬ አማኒያ አሳታ ኡባ ሚንሌሊሼ ጋላቲያራኔ ጲርጌራ አዲስ።

አጲሎሲ ኤፊሶናኒኔ ቆርንቶሳን

24 አሲከንዲሪያን ዬሌቲዳ አሲ አጲሎሳ ጊያ አይሁዳ አሲ ኤፊሶና ቢሰ። ኢ ኦዳ ኤሪያ አሲኔ ያሳ ቃላ ዳሮ ኤሪያ አሲ።

25 ኢ ጎዳ ኦጊያ ታማሪዲ፣ አያናን ፀጌቲዲ ዬሱሳባ ሱሬ ታማርሴስ። ጊደሺን፣ ዮሃኒሳ ዊንቃቲያ ፃላላ ኤሪስ።

26 ኢ አይሁዳ ዋሳ ከላን ያዮና ታማርሴስ። ጳሪስቁሊኔ አቁሊ ኢ ኦይይሳ ሲዲዳ ዋዴ ኢያ ባንታራ ሶ ኤፊዲ ያሳ ኦጊያ ካሴይሳፊ ጌሺዲ ኢያው ኦዲዶሶና።

27 አጲሎሲ አካያ ባናው ኮዬን ኤፊሶናን ደዒያ አማኒያ አሳይ ኢያ ቆፋ ኤኪዲ አካያን ደዒያ አማኔይሳቲ ኢያ ሞካና ማላ ኤንታው ዳብዳቤ ፃፊዶሶና። ኢ ያ ጋኪዳ ዋዴ ያሳ አዶ ከሃቲላ ባጋራ ዬሱሰ ከሪስቶሳ አማኒዳይሳታ ዳሮ ማዲሰ።

28 አይሰ ጊኮ፣ ዬሱሲ ኢ ከሪስቶሳ ጊዳይሳ አይሁዳታስ ያሳ ቃላፔ ቆንጨሲዲ ዴሪያ ሲንላን ሚንሌ ኦዲዲ ኤንታ ላሌስ።

19

ጳውሎሲ ኤፊሶና ቢስ

1 አጲሎሲ ቆርንቶሳን ደዒሺን፣ ጳውሎሲ ቆሞ ባጋራ አዲዲ ኤፊሶና ቢሰ። ያን ኢሲ ኢሲ አማኒያ አሳታ ደሚሰ።

2 ኤንታኮ፣ «ሂንቲ አማኒዳ ዋዴ ጌሻ አያና ኤኪዳቲ?» ያጊዲ ኦይቲስ።

ኤንቲ፣ «አካይ፣ ኤኪቦኮ፤ ሃሪ አቶሺን፣ ጌሻ አያሊ ዳዒያባካ ሲራቦኮ» ያጊደሶና።

3 ጳውሎስ አንታኮ፣ «ያቲን፣ አይቢን ፃማቄቲዳቲ?» ያጊሰ።

ኤንቲ፣ «ኑሊ ዮሃንሳ ጃንቃቲያን ፃማቄቲዳ» ያጊዲ ዛሪደሶና።

4 ጳውሎስ፣ «ዮሃንሲ ባፔ ጉዬራ ያ ዩሱስ ከሪስቶሳን አሳይ አማናና ሜላ አሳስ ኦዲሼ፣ ናጋራፔ ሲሞ ቤሲያ ጃንቃቲያን ፃማቄስ» ያጊሰ።

5 ኤንቲ ሄሳ ሲዒዳ ዋዴ ጎዳ ዩሱስ ከሪስቶሳ ታማሬ ጊዳናው ፃማቄቲደሶና።

6 ጳውሎስ ባ ኩሺያ ኤንታ ቦላ ዋሊዳ ዋዴ ጌሻ አያሊ ኤንታ ቦላ ዋዲን፣ ዲማ ዲማ ደናን ኦዴቲደሶና፤ ቃሲ ቲንቢቲ ኦዲደሶና።

7 ሄ ቤሳን ታማኔ ናሞዓ ጊዲያ አሳቲ ዴዎሶና።

8 ጳውሎስ አይሁዴ ዋሳ ኬላ ጌሊዲ፣ ያሳ ካዋቲላባ ያዮና ፓላሚሼኔ ሎይሊ ቆንጨሲሼ ኤንታራ ሄዡ አጌና ጋካናው ጋሞዒሰ።

9 ሺን ኤንታፌ አሶቲ አሶቲ ጱቤ ጊዲዲ ዳሮ አሳ ሲንሳን ጎዳ ኦጊያ ጫዴዲ አማናና ኢዲደሶና። ጳውሎስ አማኔይሳታ ኤንታፌ ሻኪ ኤኪዲ ዲራኖሳ ጊያ ቲሚርቲ ኬላን ኡባ ዋዴ ኤንታ ታማርሲሰ።

10 ጳውሎስ ናሞቡ ላይሊ ጋካናው ቃላ ኦዲሰ። ሄሳ ጊሾ፣ ኢሲያን ዳዒያ አሳ ኡባይ፣ አይሁዴቲኔ አይሁዴ ጊደናይሳቲ ጎዳ ቃላ ሲዒደሶና።

ያሳይ ጳውሎሳ ኩሼን ኦሊዳ ማላታታ

11 ያሳይ ጳውሎሳ ኩሼን ዋልቃማ ማላታታ ኦሊሰ።

12 ሄሳ ጊሾ፣ አሳይ ኢያ ቦላ ቦቺዳ ማራቢያ ዋይኮ ማዑዋ ሃርጋንቸታስ ኤፎሶና። ኤንቲካ ፓዶሶና፤ ቱና አያናቲካ ኤንታፌ ኬዮሶና።

13 ቱና አያናታ ኬሲሼ ዩያ አይሁዴታፔ አሶቲ አሶቲ፣ «ጳውሎስ ሳባኪያ ዩሱሳ ሱንሳን ኬዩቲ ጊዲ ሃንቲና ከቶስ» ያጊዲ፣ ቱና አያናቲ ኦይኪዳ አሳታ ቦላ ጎዳ ዩሱሳ ሱንሳ ጭጊደሶና

14 ካሂኔ ሃላቃ አሰቁዌ ጊያ ኢሲ አይሁዴ አዲያሰ ሄሳ ኦሊያ ላፑን ናይቲ ዴዎሶና።

15 ሺን ቱና አያናይ ኤንታኮ፣ «ታኒ ዩሱሳካ ጳውሎሳካ ኤራይሰ፣ ሺን ሃንቲ ኦናንቲ?» ያጊሰ።

16 ቱና አያናይ ኦይኪዳ አዳይ ኤንታ ቦላ ጉፔ ዋዲዲ፣ ኤንታ ማዲንጂሲዲ፣ ሄ ኬላፌ ካሎ ባቃታና ጋካናው ዋልቃሚሰ።

17 ኤፌሶናን ዳዒያ አይሁዴቲኔ አይሁዴ ጊደናይሳቲ ኡባይ ሄሳ ሲዒዲ ዳሮ ያዲደሶና። ጎዳ ዩሱሳ ሱንሳይ ዳሮ ቦንቸቲሰ።

18 አማኔይሳታፔ ዳርቲ ባንታ ኦሊዳ ኢታ ኦሱዋ ፓዲሼኔ ቆንጨውን ኦዲሼ ዮሶና።

19 ቢቴይሳታፔ ዳርቲ ባንታ ማፃፋታ ሺሺዲ አሳ ኡባ ሲንሳን ፀጊደሶና። ሄ ማፃፋታ ጋቲያ ቆዳይ አሻታሙ ሙኩሉ ቢራ ሳንቲሜ * ጊዲሰ።

20 ሄሳዳ ሃሊዲ ያሳ ቃላይ ዲጨሼኔ ዳልጊሼ ቢሰ።

ኤፌሶና ካታማን ኦሺ ዳንዲሰ

21 ሄሲ ፖሌቲዳፔ ጉዬ ጳውሎስ፣ «ታኒ ዩራሳላሜ ባ ሲማዳ ሮሜካ ባናው ቤሴስ» ያጊዲ ማቄደሊያሪኔ አካያራ አዲዲ ዩራሳላሜ ባናው ቆፋ ቃቸሰ።

22 ቃሲ ባና ማዴይሳታፔ ናሞዓታ ጃሞቲዮሳኔ ኤራስዶሳ ማቄደሊያ ከቲዲ፣ ባው ኢሲያን ጉላ ዋዴ ጋሞዒሰ።

23 ሄ ዋዴ ጎዳ ኦጊያ ጊሾ ኤፌሶናን ዋልቃማ ካቺ ኬዩሰ።

24 ኢሲ ቢራ ኦሊያ ዲሚዲሳ ጊያ ኡራይ አርጃሚሲ ኤቃ ኬላ ሚሲሊያ ቢራፔ ኦሊዲ ዳሮ ዋዴ ዳሚሰ።

25 ሄሳ ጊሾ፣ ሄሳ ሜላ ኦሶ ኦሊይሳታ ኢሲፌ ሺሺዲ፣ «አሳው፣ ኑ ዲራቴላይ ሃ ኦሱዋን ጊዴይሳ ሃንቲ ኤሬታ።

26 ሃይሲ ጳውሎስ፣ ሳሳ ኩሼን ኦሴቲዳይሳቲ ያሳታ ጊደኮናን ያጊዲ፣ ኤፌሶናኒኔ ጉላ ቢታታፔ ኦቲን ኩሜላ ኢሲያ ኡባን ዳዒያ ዳሮ አሳ ኦዲ አማንሉዳይሳኔ ባሌሊዳይሳ ሃንቲ ቤዒዴታኔ ሲዒዴታ።

27 ሜቶ ጊዲዳይ፣ ኑ ኦሶይ ካዴቴይሳ ፃላላ ጊደናሺን ኢሲያኒኔ ቢታ ኡባን ዳዒያ አሲ ጎይኒያ ጊታ ያሴ አርጃሚሲ ኬላይ ቦንቸቶና ኦቲይሳኔ ኢ ጊታቴላይካ ኩንዳናይሳ» ያጊሰ።

28 አሳይ ሄሳ ሲዲዳ ዎዴ ሹኔን ፀጌተዲ፣ «ኤፌሶና አርፃሚሳ ገታ» ያጊዲ ዋሲደሶና።

29 ሄ ዋሶይ ካታማ ኡባ ጋኪስ። ጳውሎሳራ ሃሙተያ ማቄደኒያ አሳታ፣ ጋዮሳኔ አርሰፃሮኮሳ ኦይኪዲ ጎቺሼ ካሳ ቤሳ ዎዲደሶና።

30 ጳውሎሲካ አሳይ ሸቁዳሱዋ ጌላናው ኮዩስ፣ ሺን አማኔይሳት ኢያ ዲጊደሶና።

31 ኢሲያ ቢታ ሃላቃታፔ ጳውሎሳ ላጌ ጊዲዳ ኢሶቲ ኢሶቲ ጳውሎሳኮ ከቲዳ፣ «ካሳ ቤሳ ቆንጩን ኬያዳ ቤንቶፋ» ጌዲ ኢያ ዎሲደሶና።

32 ሸቁዳ አሳሰ ሃናናባይ ቋይስ፤ ዳሪያ ባጋ አሳይ ሃሪ አቶሺን አይስ ሸቁዳኮ ኤሮና ጊሾ ኢሶይ ኢሲባሰ ዋሲያ ዎዴ ሃንኮይ ሃራባሰ ዋሲስ።

33 አይሁዳቲ ኢሰከንዲሬ ጊያ አዲያ አላ ቤሲን፣ ኢሲ ኢሲ አሳይ ኢ ጋናባ ኦዲዲ ኢያ ሲንሳ አላደሶና። ኢ አሳይ ሲዲ ጋና ማላ ባ ኩሺያን ማሊ ቤሲዲ፣ አሳሰ ሞቲታናው ኤቁሰ።

34 ሺን ኢሰከንዲሬይ አይሁዳ አሲ ጊዲዳይሳ አሳይ ኤሪዳ ዎዴ ናሞዑ ሳቲ ጊዳናይሳ ማላ ኡባይ ኢሲ ቃላን፣ «ኤፌሶና አርፃሚሳ ገታ» ያጊዲ ዋሲደሶና።

35 ወርሴላን ካታማ ፃፊይ አሳ ሲዲ ኦሊዲ፣ «ኤፌሶና አሳው! ኤፌሶና ካታማይ ገታ አርፃሚሲ ኤቃ ኬላኔ ሳሎፔ ዎዲዳ፣ ኢ ሹቻ ሚሲሊያ ናጌይሳ ጊዳይሳ ኤሮና አሲ ባዋ።

36 ሃይሳ ካሺ ጊያ አሲ ባይና ጊሾ ሃንቲ ሲዲ ጋናዉኔ ዲርጊዲ አይኮ ኦሶና አጋናው ቤሴስ።

37 ሃንቲ ሃ አሳታ፣ ኤቃ ኬላ ሚሼ ካይሶቲቦናይሳታኔ ኑ ያሳታ ጫይቦናይሳታ ኤሃዳታ።

38 ሄሳ ጊሾ፣ ዲሚሮሲኔ ኢያራ ዳዲያ ኦሳንቸቲ አሳ ሞታናው ኮይኮ፣ ፐርዳ ከላይ ደያ ዳዲስ፤ ዳይናቲካ ዳይሶሶና፤ ኤንቲ ሞታናው ዳንዳይሶና።

39 ሺን ሃንቲ ሃራ ኦዳ ኮይኮ፣ ሻንጎ ሸቆን ኦዳይ ቤዔቶ።

40 ሄሳ ጊደና ኢግኮ ሃቺ ሃኒዳባሰ ሮሜ ካዎቲላይ ኑና አይቻና። ሃ ቡቁላሰ ጋሶይ ባይና ጊሾ ኑኒ ጋሶ ኦዳናው ዳንዳይኮ»

41 ያጊዲ ሸቁዋ ላሊስ።

20

ጳውሎሲ ማቄደኒያኔ ገሪኬ ቢሰ

1 ዋሶይ ዳጩዳፔ ጉዬ ጳውሎሲ አማኒያ አሳታ ጭጊሲዲ ኤንታ ዞሪዳፔ ጉዬ ሳርላዲ ማቄደኒያ ባናው ኬዩስ።

2 ኢ አዲያ ቢታታን ዳዲያ አማኒያ አሳ ቃላ ኦዲዲ ሚንሌሊዳፔ ጉዬ ገሪኬ ቢታ ቢስ።

3 ኢ ያን ሃሹ አጌና ኡቲዲ፣ ማርካቤራ ሶሪያ ባናው ቆፒዲ ዳዲሺን፣ አይሁዳቲ ባና ዎቋናው ኮዩይሳ ኤሪዲ ማቄደኒያራ ጉዬ ሲማናው ኮዩስ።

4 ጳውሎሳ ሞይዚዳይሳቲ ቤሪያፔ ጳርሁሳ ናዓ ሶጳፂሮሳ፣ ቴሴሎንቄፌ አርሰፃሮኮሳኔ ሲኮንዲሳ፣ ዴርቤፌ ጋዮሳ፣ ኢሲያፔ ቲኪቆሳ፣ ፂሮፊሞሳኔ ጭተዮሳ።

5 ሄሳቲ ሲንሌ ቢዲ ኑና ፂሮዳን ናጎሶና።

6 ኑኒ ኡይላ ባሊያ ቦንቸዳፔ ጉዬ ፊልጲሲቆሳፔ ማርካቤራ ዳንዲዲ፣ ኢቻሻንሎ ጋላሳን ኤንታ ፂሮዳን ጋኪዲ ያን ሳፑን ጋላሰ ጋሞዲ።

ጳውሎሲ ፂሮዳን

7 ሳሚንታፌ ኮይሮ ጋላሳን ኑኒ ኡይላ ሚንላናው ሸቁዲ ዳዲሺን፣ ጳውሎሲ ዎንቴሌ ባናው ቆፒዳ ጊሾ ኤንታው ቃላ ኦዲሼ ጊዲ ቢላሄ ጋካናው ኦዳ አዲሲስ።

8 ኑኒ ሸቁዲ ኡቲዳ ፖቂያን ዳር ፖይይ ዳዲስ።

9 ኤወግኮሳ ጊያ ኢሲ ናዓቲላይ ማሰኮቲ ቦላ ኡቲዲ፣ ባና ደጊዲ ጳሰኪስ። ጳውሎሲ ኦዳ አዲሲዳ ዎዴ ኤወግኮሲ ጳሰኮ ኤዩዲ ሄቫንሎ ፖቂያፔ ኩንዲዲ ሃይቁዳይሳ አሳይ ዳንላስ።

10 ሺን ጳውሎሲ ዎዲዲ፣ ኢያ ቦላ ጉፋኒስ። ኢያ ኢዲሚዲ፣ «ኢ ሃይቁቤና፣ ሂርጎፊቲ» ያገሲ።

11 ሃሳፌ ጉዬ፣ ፑዴ ፖቂያ ቦላ ኬዩዲ ኡይላ ሚንላዲ ሚስ። ሳዲ ዎንታና ጋካናው አሳሰ ኦዲዳፔ ጉዬ ዳንዲዲ ቢስ።

12 ሄ ፓጂዳ ናቲላ ሶ ኤፊዲ ዳር ኡፋይቲደሶና።

ጳውሎሲ ፂሮዳፔ ሚሊፃ ቢሰ

13 ሺን ጳውሎሲ ባና ያፔ ሞካና ማላ ኑስ ኦዲዳ ጊሾ ካሴቲዲ ማርካቤያኮ ቢዲ፣ አሶሳ ባናው ዳንዲዲ። አይስ ገኮ፣ ኢ ቶሆን ባናው ቆፒዳ ጊሾ ኑና ሃሳሎ ከቲስ።

14 ኢ ኑራ አሰሳን ጋሃቲን ማርካቢያን ኢያ ኤኪዲ ሚዒሊኔ ቢዳ።

15 ዋንቴላ ጋላስ ያፔ ዴንዲዲ ማርካቤራ ከዮሳ ሲንጤን ዴዒያ ቤሳ ጋኪዳ፤ ቃሲ ዋንቴላ ጋላስ ሳሞሳ ፒኒዲ ካሊያ ጋላስ ሚሊዳ ጋኪዳ።

16 ጳውሎሲ ኢሲያን ዳሮ ጋምዖና ኤፌሶና ማታራ አፋናው ቆፒስ። ባው ዳንዳዔቲኮ ጳንዩቆስዩ ባሊያ ጋላስ ዩሩሳላሜ ጋካናው ኤሶቴስ።

ጳውሎሲ ኤፌሶና ጨማታ ዞሪስ

17 ጳውሎሲ ሚሊያፔ ኤፌሶና ከቲዲ ዋሳ ኩላ ጨማታ ያጊሲስ።

18 ዋሳ ኩላ ጨማቲ ኢያኮ ዪን፣ ኤንታኮ ሃይሳዳ ያጊስ። «ታኒ ኢሲያ ፔሊዳ ኮይሮ ጋላሳፔ ደሚዳ ሃንቴራ ዴዒዳ ዋዴ ኡባን ዋና ዴዒዳኮ ሃንቴ ኤሪታ።

19 አይሁዳቲ ዲላቲዲ ታ ቦላ ሜቶ ጋሊኮካ ታኒ አሽኬቴላኒኔ ዳሮ አፋን ጎዳስ ኦሳስ።

20 ዳባባንካ ሃንቴ ኩላን ኩላን ሃንቴና ታማርሲሽ ሃንቴና ማዲያባፔ ኢሲባካ ፓጨሳቢኩ።

21 ታኒ አይሁዳታሲኔ አይሁዳ ጊዳናይሳታስ ናጋራፔ ያሳኮ ሲማና ሜላኔ ኑ ጎዳ ዩሱሳ አማናና ሜላ ማርካታስ።

22 «ያን ታና አይቢ ጋካኔኮ ኤሪኬ፣ ሸን ሃዒ ታኒ ጌሻ አያናስ ከቴታዳ ዩሩሳላሜ ባይስ።

23 ጌሻ አያናይ ቃሾይኔ ዋዩይ ታና ናጌይሳ ካታማ ኡባን ታው ማርካታስ።

24 ሸን ታ ዋሳ ፖላናውኔ ጎዳ ዩሱስ ከሪስቶሳፔ ኤኪዳ ኦሱዋ፣ ያሳ አጼ ከሃቴላ ዋንጌላ ማርካቲይሳ ፖላናው ታ ሸምፒው ፓሶናዳ ቆዳይስ።

25 «ታኒ ሃዒካ ያሳ ካዋቲላ ማርካታሽ ሃንቴ ኡባ ጊደን ዩያስ። ሃዛፔ ጉዬ ሃንቴፌ ኦኒካ ታና ቤዖናይሳ ኤራይስ።

26 ሃሳ ጊሾ፣ ሃንቴፌ ኢሲ ኡራይ ጳዩኮካ ታ ኦይሹቶናይሳ ሃቺ ሃንቴው ጌሻዳ ኦዳይስ።

27 አይስ ጊኮ፣ ያሳይ ኦላናው ቆፒዳባ ኡባ ሃንቴው አይቢባካ አሾና ኦዳስ።

28 «ባ ናባ ሱላን ዋዚዳ ያሳ ዋሳ ኩላ ናጌቴ። ጌሻ አያናይ ሃንቴና

ሃላቃ ኦሊዲ ደሪዳ ዉዲያሲኔ ሃንቴ ሁዒያስ ናጌቴቴ።

29 ታኒ ቢዳፔ ጉዬ፣ ዉዲያስ ቃጼቶና ኢታ ሱጵሜቲ ሃንቴ ጊደ ጌላናይሳ ታ ኤራይስ።

30 አማኔይሳታ ባንታ ጌደ ካሌላናው ዋሮደ ታማርሲያ አሳቴ ሃንቴ ጊደፌ ዴንዳና።

31 ሃሳ ጊሾ፣ ታኒ ሃቭ ላይላ ቃማኔ ጋላስ አፋን ሃንቴና ሁዒን ሁዒን ሚንጤላይሳ ቆፒሽ ናጌቴቴ።

32 «ሃዒካ ሃንቴና ሚንጻናውኔ ጌሻ አሳራ ላቲሳናው ዳንዳዒያ ያሳሲኔ ኢያ አጼ ከሃቴላ ቃላስ ሃንቴና ሃዳራ ኢማይስ።

33 «ታኒ ኦፔካ ቢራ ዋይኮ ዋርቃ ዋይኮ አፊላ አሞታቢኩ።

34 ታኒ ታ ኩሽን ኦላዳ ታናኔ ታራ ዴዒይሳታ ኮሺዳባ ማዲዳይሳ ሃንቴ፣ ሃንቴ ሁዒን ኤሪታ።

35 ሃንቴ ሃይሳዳ ዳቡራዲ ኦሊሹ ዳቡራንቸታ ማዳናይሳኔ ጎዳ ዩሱስ፣ «ኤኬይሳፌ ኢማይሲ አንጃቲዳይሳ ጊዳ ቃላ ሃንቴ ቆፓናው ቤሴይሳ ታኒ ሃንቴና ኡባባን ቤሳስ» ያጊስ።

36 ጳውሎሲ ሃሳ ኦዲ ኦንጊዲ ኤንታ ኡባራ ጉልባቲዲ ያሳ ዋሲስ።

37 ኤንቴ ኡባይካ ጳውሎሳ ኢዲሚዲ ዩኪዲ ዩሪዶሶና።

38 ኢ ዛሪዲ፣ «ታና ቤዓኬታ» ያጊዳ ቃላይ ኤንታ ዳሮ አዛንጤስ። ኤንቴ ማርካቢያ ጋካናው ኢያ ዋይዚዳሶና።

21

ጳውሎሲ ዩሩሳላሜ ቢስ

1 ኑኒ ኤፌሶና ጨማታፔ ሻኬቲዳ ሜላ ቆሴ ቢዳ። ዋንቴላ ጋላስ ሮዳ ጋኪዲ ያፔ ጳፃራ ቢዳ።

2 ሲሮፊንቄ ፒኒያ ማርካቤ ዴሚዲ ኢያን ጌሊዲ ባናው ዴንዲዳ።

3 ኑኒ ቆጲሮሳ ቤናናው ዳንዳዒያ ሶዪዲ፣ ቆጲሮሳ ሃዲሮሳ ባጋ አጊዲ ሶሪያ ቢዳ። ማርካቤይ ባ ጫና ያን ዋላናው ኮዩዳ ጊሾ ዓሮሳ ቢዳ።

4 ያን አማኒያ አሳታ ዴሚዲ ኤንታራ ላፑን ጋላስ ኡቲዳ። ጳውሎሲ ዩሩሳላሜ ቦና ሜላ ኤንቴ ኢያው አያናን ኦዲዳሶና።

5 ኑኒ ኤንታራ ኡቲያ ዋዩይ ዉሪን ከዪዲ ቢዳ። ኤንቴ ኡባይ ባንታ ማጫሳታራኔ ባንታ ናይታራ

ኢሲፌ ካታማፔ ካሬ ከሲዲ ኑና ሞይዚዶሶና። ኑኒ አባ ዶናን ጉልባቲዲ ያሳ ዋሲዳ።

6 ሄሳፌ ጉዬ፣ ዋሊ ሳርሊዲ ኑ ማርካቢያን ጌሊዳ፤ ኤንቲ ባንታ ሶ ሲሚዶሶና።

7 ኑኒ አባ ኦጊያ ኦንጊዲ፣ ዲሮሳፔ ጸጸለማይሳ ጋኪዳ። ያን አማኒያ አሳታ ሳርሊዲ፣ ኤንታ ማታን ኢሲ ጋላሰ ፔዒዳ።

8 ዋንቴላ ጋላሰ ከዩዲ፣ ቁሳሪያ ቢዳ። ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዩሩሳላሜን ካሴ ዶሬቲዳ ላፑናታፔ ኢሱዋ።

9 ፊልጶሳሰ ናቤ ጊዲዳ ኦይዱ ጌላዎ ናይቲ ደዎሶና።

10 ኑኒ ኤንዴና ጋላሰ ያን ኡቲዲ ዴዒሽን አጋሶሳ ጊያ ናቤይ ዩሁዳፔ ቁሳሪያ ዪሰ።

11 ኑከ ዩዲ ጸዉሎሳ ሳቂያ ኤኪዲ ባ ኩሺያኔ ባ ቶሁዋ ቃቺዲ፣ «ጌሻ አያናይ ሃ ሳቂያ ጎዳ፣ ዩሩሳላሜን አይሁዴቲ ሃይሳዳ ቃቺዲ፣ አይሁዴ ጊዶና አሳሰ አሊዲ አማና ያንሰ» ያንሰ።

12 ኑኒ ሄሳ ሲዒዳ ዋዴ ኑኔ ያን ዴዒያ አሳቲ ጸዉሎሲ ዩሩሳላሜ ቦና ማላ ዋሲዳ።

13 ሺን ጸዉሎሲ ዛሪዲ፣ «ሃንቲ ሃይሳዳ ዩኪሼ አይሰ ታ ዋዛና ሸጊሴቲ? ታኒ፣ ጎዳ ዩሱሳ ሱንላ ጊሾ ቃሹቲላ ዓላላ ጊዶናሽን ዩሩሳላሜን ሃይቃናዉካ ጊኔታሰ» ያንሰ።

14 ኑ ዘሪያ ኢ ኤኮና ኢደን፣ «ጎዳ ሸኔይ ሃና» ያንዲ ሲዒ ጊዳ።

15 ያን ጉላ ዋዴ ጋምዒዳፔ ጉዬ ጊኔቲዲ ዩሩሳላሜ ባናው ከዩዲ።

16 ቁሳሪያን ዴዒያ አማኒያ አሳታፔ ጉላቲ ኑሪ ቢዶሶና። ኤንቲ ኑኒ ሸምፓናሱዋ ሚናሶና ጊያ ቆጶሪሳ አዲያ ሶ ኤፊዶሶና። ሚናሶኒ ኮይሮ አማኒዳ አሳፔ ኢሱዋ።

ጸዉሎሲ ዩሩሳላሜ ጋኪሰ

17 ኑኒ ዩሩሳላሜ ጋኪዳ ዋዴ አማኒያ አሳቲ ኑና ኡፋይሳን ሞኪዶሶና።

18 ዋንቴላ ጋላሰ ጸዉሎሲኔ ኑኒ ያይቆባራ ጋሄታናው ቢዳ። ዋሳ ከላ ጨማቲ ኡባቲካ ያን ደዎሶና።

19 ጸዉሎሲ ኤንታ ሳርሊዳፔ ጉዬ አይሁዴ ጊዶና አሳ ጊዶን ባ ባጋራ ያሳይ ኦሊዳባ ኡባ ኤንታው ኦዲሰ።

20 ኤንቲ ሄሳ ሲዒዳ ዋዴ ያሳ ጋላቲዲ ጸዉሎሳኮ ሃይሳዳ ያንደሶና። «ኑ ኢሻው፣ አይሁዴታ ጊዶን አፑን ሙኩላቲ ያሳ አማኒዳኮ ኔ ቤዓሳ፤ ኤንቲ ኡባይካ ሃጊያ ሚንሊ ናሳሶና።

21 ኑኒ አይሁዴ ጊዶናይሳታ ቢታን ዴዒያ አይሁዴ ኡባይ ባንታ ናይታ ቃዓርና ሚላ፣ አይሁዴታ ዋጋ ካሎና ማላኔ ሙሴ ሃጊያ ኢዓና ማላ ኑኒ ታማርሴይሳ ዩሩሳላሜን ዴዒያ አይሁዴቲ ሲዒዶሶና።

22 ያቲን አይቤ ሎዎ? ኑኒ ዩዳይሳ ደሮቲ ሲዳና።

23 «ሄሳ ጊሾ፣ ኑኒ ኑው ኦይይሳ ሲዳ፤ ጋሶይ ዴዒያ ኦይዱ አሳቲ ኑ ማታን ደዎሶና።

24 ኤንታ ኤካዳ ኤንታራ ጌያ፤ ቃሲ ኤንቲ ባንታ ሁዒያ ማይታና ማላ ኤንታው ሚሼ አማ። ኤንቲ ካሴ ኔባ ሲዒዳይሲ ቱማ ጊዶናይሳኔ ኑኒ ኔ ሁዒንካ ሃጌ ናጊያ አሲ ጊዳይሳ ኡባይ ኤራና።

25 «ሺን አማኒዳ አይሁዴ ጊዶና አሳታ ጊዲኮ፣ ኤንቲ ኤቃሰ ያርሹቲዳባ ሞና ማላ፣ ሱሉ ኡዮና ማላ፣ ባዉታ ሞና ማላኔ ላይማቶና ማላ፣ ኑኒ ኦዳ ቃቺዲ፣ ኤንታው ዳብዳቤ ዓፊዳ» ያንደሶና።

26 ሄሳፌ ጉዬ፣ ጸዉሎሲ ዋንቴላ ጋላሰ አሳታ ኤኪዲ፣ ኤንታራ ጌዩሰ። ኢ ባንታ ጌያ ጋላሳይ አዉዴ ፖሌቲያኮ ኤሪሳናዉኔ ባንታ ያርሹዋ አዉዴ ያርሻኑኮ ኤሪሳናው ያሳ ከሊ ጌሊሰ።

ጸዉሎሲ ኦይኩቲሰ

27 ላፑን ጋላሳይ ዉራና ሃኒሸን፣ ኢሲያፔ ዩዳ አይሁዴቲ ያሳ ከላን ጸዉሎሳ ቤዒዲ፣ አሳ ኡባ ዴንጤዲዲ ጸዉሎሳ ኦይኪዶሶና።

28 «ኢሰራዔሌ አሳው፣ ኑና ማዲቲ፣ ሃ ኡሪይ፣ ኑ ዴሪያ፣ ኑ ሃጊያኔ ሃ ያሳ ከላ ኢዓና ማላ አሳ ኡባ ታማርሴሰ። ሃሰካ ጊዶና ኢደን አይሁዴ ጊዶናይሳታ ያሳ ከሊ ጌልሲዲ፣ ሃ ጌሻ ቤሳ ቱኒሲሰ» ያንዲ ዋሲዶሶና።

29 ኤንቲ ሄሳ ጊዳይ ካሴ ኤፊሶና ዲሪፊሞሳ ጸዉሎሳራ ካታማን ቤዒዳ ጊሾ ሃዒ ጸዉሎሲ ያሳ ከሊ ኢያ ኤኪ ጌሊዳባ ኤንታው ዳኒሰ።

30 ካታማ ኡባይ ቡቄቲሰ፤ አሳ ኡባይ ሸቂዲ ጸዉሎሳ ኦይኪዲ ያሳ

ከላፊ ካሬ ጎቹደሶና። ያሳ ከላ ፔንገቲ ኤሌሲዲ ጎርዳቲደሶና።

31 አሳይ ጳውሎሳ ዎቆና ሃኒሺን፣ «ዩሩሳላሜ ካታማይ ኩሚሊ ቡቁተስ» ጊያ ኦዳይ ሮሜ ሻላቃኮ ጋኪስ።

32 ሻላቃይ ዎታዳሬታኔ ማቶ ሃላቃታ ኤኪዲ ዎዲሼ ዩስ። አሳይ ሻላቃኔ ዎታዳሬታ ቤዲዳ ዎዴ ጳውሎሳ ዎዴይሳ አጋጊደሶና።

33 ሄ ዎዴ ሻላቃይ ሸቂዲ፣ ጳውሎሳ ኦይኪዲ፣ ናምዑ ሳንላላታን ቃሼታና ሜላ ከተስ። ያተዲ፣ ኢ ኦኮኮኔ አይ ኦሊዳኮ አሳ ኦይቸስ።

34 አሳፔ ባጋይ ኢሲባ ጊዲ ዋሲያ ዎዴ ሃራቲ ሃራባ ጊዲ ዋሲስ። ዋሲያ ደሪዳ ጊሾ ሻላቃይ ቱማ ሻካንው ደንዳዳቶና ኢዲን፣ ዎታዳሬቲ ጳውሎሳ ባንታ ዴዲያሶ ኤፋና ሜላ ከተስ።

35 ጳውሎሲ ዩዲ ኬያ ዴላ ጋኪያ ዎዴ አሳ ሱጌላ ጊሾ ዎታዳሬቲ ኢያ ቶኪደሶና።

36 ዳር አሳይ፣ «ኢ ሃይቆ!» ያጊዲ ዋሲሼ ካሎሶና።

ጳውሎሲ ሞቱዋስ ዛር አሚስ

37 ዎታዳሬቲ ጳውሎሳ ባንታ ዴዲያሶዋ ጌልሳና ሃኒሺን፣ ጳውሎሲ ሻላቃኮ፣ «ታኒ ኔው ኢሲባ ኦደ?» ያጊስ።

ኢ ጳውሎሳኮ፣ «ኔኒ ገሪኬ ዶና ኤሪይ?»

38 ኔኒ ሃይሳፊ ሲንጼ ቡቁሊ ሜዲዲ ሸምፖ ዎዲዳ ኦይዲ ሙኩሉ አሳታ ኤኪዲ ባዞ ጌሊዳ ገሊዳ ኡራ ጊዲኪ?» ያጊስ።

39 ሺን ጳውሎሲ፣ «ታኒ፣ ከልቁያን ዴዲያ ኤሬቲዳ ቲርሴሴ ካታማን ዩሊቲዳ አይሁዴ አሲ። ሃያና ታና ኡዳሳርኪ?» ያጊስ።

40 ሻላቃይ ኢያኮ፣ «ኦዳ» ያጊን ጳውሎሲ ዴላ ቦላ ኤቁዲ፣ አሳይ ሲዲ ጋና ሜላ ባ ኩሺያን ማሊስ። አሳይ ሲዲ ጊን ኢብራይስጵ ዶናን ሃይሳዳ ያጊስ።

22

1 «ታ አሻቶ፣ ታ አዋቶ፣ ታኒ ሃዲ ሃንቴው አሚያ ዛርዋ ሲዲቲ።»

2 ጳውሎሲ ኤንታው ኢብራይስጵ ዶናን ኦይይሳ ሲዲዲ ካሴይሳፊ አሊዲ ሲዲ ጊደሶና። ኢ ካሊዲ፣

3 «ታኒ ከልቁያን ዴዲያ ቲርሴሴን ዩሊታዳ ሃ ካታማን ዲጫስ። ታ አስታማሬይካ ጋማሊያሌ፤ ታኒ ኑ አዋታ ሂጊያ ሚንላ ታማሪዳ፣ ሃቸ ሂንቴ ኡባይ ሃኔይሳዳ ያሳስ ሚሼቲያ አይሁዴ አሲ።

4 ታኒ ሃ ኦጊያ ካሊያ ማጫታኔ አዳታ ኦይካዳ ቃሾ ከላን ዩጋሼን ኤንታ ዎዲሳና ጋካናው ዋዬ ቤሲዳ አሲ።

5 ሄሳዳካ፣ ካሂኔ ሃላቃይኔ ሻንጎ ኡባይ ታባ ማርካታናው ዳንዳዴስ። ታኒ ዳማስቆን ዴዲያ ኤንታ አሻታስ ኤንታፊ ዳብዳቤ ኤካዳ ያን ዴዲያ አሳቲ ቃሼቲዲ ሴሬታና ሜላ ዩሩሳላሜ ኤንታ ኤሃናው ያ ባስ።

6 «ታኒ ባዳ ዳማስቆ ማቲዳ ዎዴ ሴታ ጋላስ ቆፖና ሳሎፔ ጊታ ፖይይ ታ ዩሹዋን ፖዲስ።

7 ታኒ ሳሳን ኩንዳ ዴዲሺን፣ «ሳዎላ፣ ሳዎላ፣ ታና አይስ ጎዳይ?» ጊያ ቃላ ሲዳስ።

8 ታኒ ዛራዳ፣ «ሳዳው፣ ኔኒ ኦኔ?» ያጋስ።

ኢ ዛሪዲ፣ «ታኒ፣ ኔኒ ጎዲያ ናዚሬቲ ዩሱሳ» ያጊስ።

9 ታራ ዴዲያሳቲ ፖዑዋ ቤዲደሶናፔ ኦቲን ታው ኦይይሳ ቃላ ኦኬኪቡኮና።

10 «ታኒ፣ ሳዳው፣ ታ አይ ኦላ?» ያጋስ።

«ጎዳይ ታኮ፣ «ዴንዳዳ ዳማስቆ ባ። ኔኒ ኦላና ሜላ ያሳይ ቆፐዳባ ኡባይ ያን ኔው ኦይታና» ያጊስ።

11 ሄ ዎልቃማ ፖዑዋ ጋሶን ታ አይፊይ ቆቁን፣ ታራ ዴዲያ አሳቲ ታ ኩሺያ ኦይኪዲ፣ ታና ጎቹን ዳማስቆ ጋካስ።

12 «ዳማስቆን ዴዲያ አይሁዴ ኡባይ ዳር ቦንቹያ ኢሲ ሃናኒያ ጊያ አዴይ፣ ኑ ሂጊያ ቦንቹይሲኔ ያሳ ሚንሊ ዎሴይሲ ዴዴስ።

13 ሃናኔይ ታኮ ዩዲ፣ ታ ማታን ኤቁዲ፣ «ታ አሻው ሳዎላ፣ ያላ» ያጊስ። ኤሌሳዳ ታኒ ኢያ ያላ አጋስ።

14 «ኢ ታኮ፣ «ኑ አዋታ ያሳይ ኔኒ ኢያ ሸኒያ ኤራና ሜላ፣ ኢያ ያሎ ናዓ ቤዓና ሜላኔ ኢያ ዶናፔ ቃላ ሲዳና ሜላ ካሴቲዲ ኔና ዶሪስ።

15 ኔጊ ቤዒዲባኔ ሲዒዲባ ኣሳ ኡባ ሲንላን ኢያው ማርካታና።

16 ሃዒ ኣይሰ ጋምዓይ? ዴንዲዳ ምቑቋታ፤ ኢያ ሱንላ ጃጋዳ ኔ ናጋራፔ ማጩታ» ያጊሰ።

17 «ታኒ ጉዬ ዩሩሳላሜ ሲማዳ ያሳ ኬላን ዋሲሺን፣ ታው ቆንጩሉ ቤንተሰ።

18 ቆንጩላን ጎዳይ ታኮ፣ ነጌ ታው ማርካቲያ ማርካቲላ ኣሳይ ኤኮና ጊሾ ኤሌሳዳ ዩሩሳላሜፔ ኬያ» ያጊሺን ቤዓሰ።

19 «ታኒ፣ ሰዳው፣ ኣይሁዴ ዋሳ ኬላ ኡባን ኔና ኣማኔይሳታ ኦይካዳ ዋዲዳይሳኔ ቃሾ ኬላን ዩጊዳይሳ ኤንተ ኤርሶና።

20 ኤንተ ኔ ማርካ ኢሰጃፋኖሴ ዋዲያ ዋዴ ታኒ ሄ ኦዳን ኢሲፋሰ። ቃሲ ኤንታ ማታን ኤቃዳ ኢያ ዋዲይሳታ ማዑዋ ናጋይሰ» ያጊሰ።

21 «ጎዳይ ታኮ፣ ሰታኒ ኔና ኣይሁዴ ጊዶና ኣሳኮ ሃሆሶ ከቲያ ጊሾ ዴንዲዳ ባ» ያጊሰ።

ጳውሎሲ ርሜ ኣሲ ጊዴይሳ ቆንጩሲሰ

22 ጳውሎሲ ሄ ቃላ ኦዲዲ ኦንጋና ጋካናው ኣሳይ ኢ ጌይሳ ሲያሶና። ሄሳፌ ጉዬ፣ ባንታ ቃላ ዶቁ ኦሉዲ፣ «ሃይሳ ቢታፌ ዳይሳ! ኢ ዳናው ቤሴና» ያጊዶሶና።

23 ኤንተ ዋጫሚሺን፣ ባንታ ማዑዋ ቦላ ሆሊሺኔ ባና ቦላ ላሊሺን፤

24 ሻላቃይ ቤዒዲ ዋታዳሬቲ ጳውሎሳ ባንታ ዴዒያሱዋ ኤፋና ሜላ ከቲሰ። ቃሲ ኣሳይ ኣይሰ ሄሳዳ ዋጫሚዳኮ ኤራናው ኮዩዲ ጳውሎሳ ሊሶን ጋራፊዲ ፒልጋና ሜላ ኤንታ ከቲሰ።

25 ሺን ዋታዳሬቲ ጳውሎሳ ዳፎን ሚንሉ ቃቺዲ ጋራፋና ሃኒያ ዋዴ ጳውሎሲ ባ ማታን ኤቁዳ ማቶ ሃላቃኮ፣ «ርሜ ኣሲ * ፐርዲ ባይና ጋራፊይሲ ሂንቴው ዋጌ?» ያጊሰ።

26 ማቶ ሃላቃይ ሄሳ ሲዒዲ ዋዴ ሻላቃኮ ቢዲ፣ «ሃ ኣዴይ ርሜ ኣሲ። ኔኒ ኣይ ኣፋናው ቆገይ?» ያጊዲ ኦይቺሰ።

27 ሻላቃይ ጳውሎሳኮ ሺቁዲ፣ «ኔኒ ርሜ ኣሲ? ኣኔ ታው ኦዳ» ያጊሰ።

ጳውሎሲ፣ «ኤ» ያጊሰ።

28 ሻላቃይ ዛሪዲ፣ «ታኒ ሃ ጋዴቴላ ዳር ሚሺን ሻማሰ» ያጊሰ።

ሺን ጳውሎሲ፣ «ታ ሃ ጋዴቴላ ዩሎቴላን ዴማ ኤካሰ» ያጊሰ።

29 ሄሳ ጊሾ፣ ጳውሎሳ ፐልጋናው ቆፐዳይሳቲ ኢራ ኢያፔ ሻኬቲዶሶና። ሻላቃይ ርሜ ኣሲ ሳንላላታን ቃቺዳይሳ ኤሪዳ ዋዴ ያዩሰ።

ጳውሎሲ ኣይሁዴ ሻንጎ ሲንሌ ሺቁሰ

30 ዋንቴላ ጋላሰ ሻላቃይ፣ ኣይሁዴቲ ጳውሎሳ ኣይሰ ሞቲዳኮ ጌሺ ኤራናው ኮዩሰ። ካሂኔ ሃላቃቲኔ ሻንጎ ኡባይ ሺቃና ሜላ ከቲሰ፤ ቃሲ ጳውሎሳ ቃሾፔ ቢሊሲዲ ኤንታ ሲንላን ኤሲሰ።

23

1 ጳውሎሲ ሺቁዋ ጫዲ ጄሊዲ፣ «ታ ኣሻቶ፣ ታኒ ሃቺ ጋካናው ያሳ ሲንላን ታ ዴዎ ኡባን ሎዎ ዋዛናን ዴዓሰ» ያጊሰ።

2 ካሂኔ ሃላቃይ ሃናኔይ፣ ጳውሎሳ ደና ሳቃና ሜላ ኢያ ማታን ኤቁዳይሳታ ከቲሰ።

3 ሄ ዋዴ ጳውሎሲ ኢያኮ፣ «ላ ኔ ቦቁንቴ ጉዩዳ ጎዳ ዳኔይሶ፣ ያሳይ ኔና ሳቃና። ኔኒ ታ ቦላ ሂጊያሶ ፐርዳናው ኡታዳ ዴዓሼ ሂጌይ ባይና ታና ሳቃና ሜላ ከታይ?» ያጊሰ።

4 ጳውሎሳ ማታን ኤቁዳይሳቲ ኢያኮ፣ «ኔ ያሳ ካሂኔ ሃላቃ ጫያይ?» ያጊዶሶና።

5 ጳውሎሲ፣ «ታ ኣሻቶ፣ ኢ ካሂኔ ሃላቃ ጊዲዳይሳ ታኒ ኤራቢኬ፤ ኣይሰ ገኮ ያሳ ቃላን፣ ነጌ ዴሪያ ኣይሴይሳ ቦላ ኡታ ቃላ ሃሳኖፓ» ጌቲቲ ጎፊቲሰ» ያጊሰ።

6 ሺን ጳውሎሲ ሄ ቤሳን ዴዒያ ኣሳፔ ባጋቲ ሳዲቃዌታ፣ ባጋቲ ፋሪሳዌታ ጊዴይሳ ቤዒዲ፣ «ታ ኣሻቶ፣ ታኒ ፋሪሳዌኔ ፋሪሳዌ ናዓ፤ ሰይቁዳይሳቲ ሃይቆፔ ዴንዲና» ጋዳ ታኒ ኡፋይሳን ናጊያ ጊሾ ኤንቲ ታ ቦላ ፐርዶሶና» ያጊዲ ኦዲሰ።

7 ጳውሎሲ ሄሳ ጊዳ ዋዴ ፋሪሳዌታ ጊዶኒኔ ሳዲቃዌታ ጊዶን ኦሺ ኬዩን ሻኬቲዶሶና።

8 አይስ ጊኮ፡ ሳዲቃዌቲ፡ «ሃይቂዳ አሲ ዳንዳና፤ ኪታንቸይካ ኣያኒካ ባዋ» ያጎሶና። ሺን ፋሪሳዊቲ ናምዓይካ ዳዒይሳ እማናሶና።

9 ጊታ ካቺ ኬዪሰ፤ ፋሪሳዊታ ባጋ ጊዲዳ ሂጌ አሰታማራቲ ዳንዲ ኤቂዲ፡ «ሃ ኡራ ቦላ አይቢ ባላካ ዳሚቦኮ፤ ኢያው ኣያኒ ዋይኮ ኪታንቸይ ሃሳዮና ኣጌና» ያጊዲ ፓላሚዶሶና።

10 ኦቫይ ዳሪን አሳይ ጳውሎሳ ሻቂሬልና ሜላ ጊዲ፡ ሻላቃይ ባ ዋታዳሬቲ ዋዲዲ ኤንታ ጊዶሬ ኢያ ኤሌሲ ኬሲዲ ባንታ ዳዒያሱዋ ኤፋና ሜላ ከቲሰ።

11 ሄ ቃማ ጎዳይ ጳውሎሳ ማታን ኤቂዲ፡ «ጳውሎሳ፡ ኔኒ ታው ዬሩሳላሚን ማርካቲዳይሳዳ ሮሜንካ ማርካታናው ቤሴሰ፤ ሚና፤ አይኮይ ባዋ» ያጊሰ።

ጳውሎሳ ዋዳናው ማቂቲዶሶና

12 ዋንቴላ ጋላሰ አይሁዳቲ፡ «ጳውሎሳ ዋዳና ዳዒሼ ሞኮ ኡዮኮ» ጊዲ ጫቂዶሶና።

13 ጳውሎሳ ቦላ ሄሳ ማቂቲዳ አሳቲ ኦይታማፕ ዳርሶና።

14 ኤንቲ ካሂኔ ሃላቃታኮኔ ዳሪያ ጨማታኮ ቢዲ፡ «ኑኒ ጳውሎሳ ዋዳና ዳዒሼ ካሌ ጊያባ ሞኮ ጊዲ ጫቂዳ።

15 ሂዳ፡ ሂንቴኔ ሻንጎይ ኢያባ ጌሺዲ ፒልጊያባይ ዳዒያ ዳኒሲዲ፡ ጳውሎሳ ሂንቴኮ ኤሃና ሜላ ሻላቃ ኦይቸቲ። ኑኒ ኢ ሃ ሸቁዋ ጋካናፕ ሰንሐ ኢያ ዋዳናው ጊጊዲ ኡቲዳ» ያጊዶሶና።

16 ሺን ጳውሎሳ ሚቹ ናዓይ ሄ ማቁዋ ሰዒዳ ዋዳ ቢዲ ዋታዳሬቲ ዳዒያሱዋ ጌሊዲ፡ ጳውሎሳሰ ኦዲሰ።

17 ጳውሎሲ ማቶ ሃላቃታፕ ኢሱዋ ያጊዲ፡ «ሃ ናዓይ ሻላቃሰ ኦዲያባይ ዳዒያ ጊሾ ኢያ ሻላቃኮ ኤፋ» ያጊሰ።

18 ማቶ ሃላቃይ ናዓ ሻላቃኮ ኤፊዲ፡ «ቃሾ ኬላን ዳዒያ ጳውሎሲ ታና ባኮ ያጊዲ፡ ሃ ናዓይ ኔው ኦዲያባይ ዳዒያ ጊሾ ኢያ ኔኮ ኤሃና ሜላ ታና ዋሲሰ» ያጊሰ።

19 ሻላቃይ ናዓ ኩሺያ ኦይኪዲ፡ ዳማ ካሬ ኬሲዲ፡ «ኔኒ ታው ኦዳናባይ አይቤ?» ያጊዲ ኦይቸሰ።

20 ናዓይ ሻላቃኮ፡ «አይሁዳቲ ጳውሎሳባ ካሴፕ ሚንሐ ፒልጋናው ኮዪዳባ ዳኒሲዲ ኔኒ ዋንቶ ኢያ ሸቁዋ ኤሃና ሜላ ኔና ዋሳናው ዘሬታ ቃቺዶሶና።

21 ሺን ኔኒ ኤንቲ ጊያባ ሲያፓ። አይስ ጊኮ፡ ኦይታማፕ ዳሪያ አሳቲ ጳውሎሳ ዋዳና ዳዒሼ ነካሌ ሞኮ፡ ሃሌ ኡዮኮ ጊዲ ጫቂዲ፡ ቆሴቲዲ ኢያ ናጎሶና። ሃዒ ኔ ጊያባ ፃላላ ሲዓናው ናጎሶና» ያጊሰ።

22 ሻላቃይ ዘሪዲ፡ «ሃ ኦዳ ኔ ታው ኦዲዳይሳ ሃራ ኦዴሰካ ኦዶፓ» ያጊዲ ናዓ ጉዬ ዬዲሰ።

ጳውሎሲ ዳሪያ አይሲያ ፊልኪሳ ሲንሐ ሸቂሰ

23 ሻላቃይ ማቶ ሃላቃታፕ ናምዓታ ያጊዲ፡ «ቃማሬ ሄዙ ሳቲን ቂሳሪያ ባናው፡ ናምዑ ያቲ ዋታዳሬታ፡ ላፑን ታው ፓራ አሳታኔ ናምዑ ያቲ ቶራንቸታ ጊሲቲ።

24 ዳሪያ አይሲያ ፊልኪሳኮ ጳውሎሳ ሳር ጋላናው ቶጋ ሜሄ ጊሲቲ» ያጊዲ ኤንታ ከቲሰ።

25 ሻላቃይ ፊልኪሳሰ ሃይሳዳ ጊያ ዳብዳቤ ፃፊሰ።

26 «ቃላዉዲዮሳ ሉሲዮሳፕ ዳሪያ አይሲያ ቦንቸ ፊልኪሳሰ፡ ሳርይ ኔው ጊዲ።

27 አይሁዳቲ ሃ ኡራ ኦይኪዲ ዋዳና ሃኒሺን፡ ኢ ሮሜ ቢታ አሲ ጊዶይሳ ኡራዳ ዋታዳሬታራ ጋካዳ ኢያ አሻሰ።

28 ኤንቲ ኢያ አይስ ሞቲያኮ ኤራናው ኮዳዳ ኤንታ ሸቁዋን ኢያ ሸሻሰ።

29 ኤንቲ ባንታ ሂጊያሰ ኢያ ሞቲዳይሳሬ ኣቲን ኢያ ዋዲሲያባ ዋይኮ ቃሺሲያባ ጊዶናይሳ ታ ዳማሰ።

30 ኤንቲ ሃ ኡራ ቦላ ማቂቲዳ ዘጊርሳይ ታና ጋከን፡ ታኒ ኤሌሳዳ ኢያ ኔኮ ዬዳሰ። ኢያ ሞቲይሳቲ ኔ ሲንላን ቢዲ ሞታና ሜላ ኪታሰ» ያጊሰ።

31 ሃሳ ጊሾ፡ ዋታዳሬቲ ከቲቲዳይሳዳ ጳውሎሳ ኤኪዲ፡ ቃማ አንቲጳሪሳ ጋሊዶሶና።

32 ዋንቴላ ጋላሰ ፓራ አሳቲ ኢያራ ባና ሜላ ኦሌዲ ቶሆ አሳቲ ጉዬ ሲሚዶሶና።

33 ቶጋይ ቂሳሪያ ጋኪዲ ዳብዳቤያ ዳሪያ አይሴይሳሰ እሚዲ፡ ጳውሎሳ ኢያ ሲንሐ ኣሊዶሶና።

34 ዴሪያ ኣይሴይሲ ዳብዳቢያ ናባቢዳፔ ጉዬ «ጳውሎስ፣ ኔ ኣው ኣውራጃ ኣሴ?» ገዲ ኢያ ኦይቸሰ። ኢ ከልቁያ ኣሲ ገዲይሳ ኤሪዳ ዎዴ

35 «ታኒ ኔባ ኔና ሞቴይሳቲ ያ ዎዴ ሰዓና» ያገሰ። ዎታዳሪቴ ጳውሎሳ ሄሮዲሳ ከላን ናጋና ማላ ከተሰ።

24

ጳውሎሳ ኣይሁዴቲ ሞቴዶሶና

1 ኢቻሹ ጋላሳፔ ጉዬ ካሂኔ ሃላቃይ፣ ሃናኔይ፣ ጨማታራኔ ግርግራሳ ገያ ኢሲ ሃባቃራ ቁሳሪያ ቢሰ። ኤንቲ ዴሪያ ኣይሴይሳ ቦላ ጳውሎሳ ሞቴዶሶና።

2 ጳውሎሲ ግጌተዲ ጌሊዳ ዎዴ ግርግራሲ ኢያ ሃይሳዲ ያገሰ ሞቴሰ። «ቦንቸ ፊልኪሳ፣ ኩኒ ኔ ባጋራ ዳር ሳርቴላ ዴሚዳ፣ ኔ ሎዎ ኣይሱዋን ኑ ቢታይ ዳር ላሚተሰ።

3 ቦንቸ ፊልኪሳ፣ ኩኒ ኣውንካ ኣዉዴ ገዲን ዳር ጋላታን ሄሳ ኤኮሰ።

4 ታኒ ኔና ጋምሲሶናሽን ኔኒ ኔ ከሃቴላን ኩባ ቃንላን ሰዓና ማላ ኔና ዋሳይሰ።

5 ሃ ኡሪይ ቆቤ ገዲዲ ቢታ ኡባን ዴዒያ ኣይሁዴታ ገዲን ቡቁሊ ማዲዲ ናዚራዊታ ባጋ ኣሳ ካሌይሳ ገዲይሳ ኤሪዳ።

6 ሃሪ ኣቶሺን፣ ያሳ ከላ ቲኒሳና ሃኒሺን ኩኒ ኢያ ኦይኪዳ፣ ኑ ሃገያዳ ኢያ ቦላ ፐርዳናው ቆፒዳ።

7 ሺን ሻላቃ ሉሲዮሲ ዪዲ፣ ዎልቃን ኑ ኩሽፔ ኢያ ዎላ ኤኪሰ።

8 ኢያ ሞቴይሳቲካ ኔኮ ያና ማላ ከተሰ። ኔኒ ኔ ሁዒን ሃ ኡራ ፐልጋዳ ኑኒ ኢያ ሞቴያ ሞቴዎ ኡባ ኤራናው ዳንዳሳ» ያገሰ።

9 ኣይሁዴቲካ፣ «ሃ ኦዲይ ቱማ» ገዲ ኢያ ቆፋ ማሲዶሶና።

ጳውሎሲ ሞቴዎሰ ዛር ኢሚሰ

10 ዴሪያ ኣይሴይሲ ጳውሎሳ ኦዳ ገዲ ማሊሰ። ጳውሎሲ ሃይሳዳ ገዲ ዛሪሰ። «ኔኒ ዳር ዎዴፔ ደማዳ፣ ሃ ኣሳሰ ፐርዳሽ ዴዒይሳ ኤራዳ ታ ኦዲሰ ኡፋይሳን ዛር ኢሚይሰ።

11 ታኒ ጎይናናው ዩራሳላሚ ከዪን ታማኔ ናምቡ ጋላሳፔ ኣጵናይሳ ኔኒ ኔ ሁዒን ኤራናው ዳንዳሳ።

12 ኣይሁዴቲ ታና ያሳ ከላን ገዲን ኣይሁዴ ዎሳ ከላን ገዲን ካታማን

ገዲን ኦዴራካ ፓላሚሺን ዎይኮ ኣሴ ሺሻዳ ማቁሽን ኢሲ ኣሰካ ዴሚቤና።

13 ሃዒካ ኤንቲ ታና ሞቴያባሰ ማርካ ዴማናው ዳንዳዎኮና።

14 «ሺን ታኒ ኢሲባ ኣማናይሰ፤ ታኒ ሃገን ዴዒያባኔ ናቤቲ ያዕዳ ኡባባ ኣማናዳ፣ ኑ ኣዎታ ያሳ፣ ኤንቲ ዎርዶ ገያ ኦጊያን ጎይናይሰ።

15 ኤንቲ ባንታ ሁዒን ኣማኔይሳ ማላ ግሎቴኔ ናጋራንቸቲ ሃይቆፔ ዴንዳናይሳ ታካ ኣማናይሰ።

16 ሄሳ ገሹ፣ ታኒ ያሳ ሲንላኒኔ ኣሳ ሲንላን ኡባ ዎዴ ሎዎ ካሂ ታው ዳና ማላ ሚናይሰ።

17 «ታኒ ዩራሳላሚ ከዮሳፔ ዳር ላይላፊ ጉዬ ታ ቢታ ማንቆታሰ ማዴ ኢማናውኔ ያርሾ ያርሻናው ዩራሳላሚ ባሰ።

18 ታኒ ያሳ ከላን ሄሳ ኦላዳ ጌሻ ዎጋ ፖላ ሲሚን ታና ዴሚዶሶና። ሄ ዎዴ ታራ ኣሲ ባዎ፣ ኦሽካ ከዪቤና።

19 ሺን ኢሲያፔ ዪዳ ኢሲ ኢሲ ኣይሁዴቲ ያን ዴዎሶና፤ ኤንቲ ታ ቦላ ኦዳ ኮይኮ ዪዲ ታና ኔ ቦላ ሞታናው ዳንዳዎሶና።

20 ዎይኮ ታኒ ሻንጉዎ ሲንጼ ሸቁዳ ዎዴ ኦሊዳ ባሊ ዴዒኮ ሃይሳቲ ኔ ሲንላን ዴዒይሳቲ ኦድና።

21 ታኒ ኤንታ ገዲን ኤቃዳ፣ «ሃይቁዳይሳቲ ዴንዳና ጋዳ ዎሳዳ ኦዲዳ ገሾ ሃቸ ሃንቴ ሲንላን ታ ቦላ ፐርዶሶና» ጋሰ፤ ሄሳፊ ሃራባ ኦላቢኬ» ያገሰ።

22 ሺን ፊልኪሲ ያሳ ኦጊያባ ጌሺ ኤሪዳ ገሾ «ታኒ ሃንቴ ኦዳ ሻላቃ ሉሲዮሲ ያ ዎዴ ፐርዳና» ያገዲ ሞይዚሰ።

23 ፊልኪሲ ቃሲ ጳውሎሳ ቃቸና ናጋና ማላኔ ኢያ ደቦታፔ ኦኒካ ኢያ ኦይቻናው ዪሺን ዲጎና ማላ ማቶ ሃላቃሰ ኦዲሰ።

ጳውሎሲ ፊልኪሳ ሲንጼኔ ዲራሲላ ሲንጼ ሸቁሰ

24 ጉላ ጋላሳፔ ጉዬ፣ ፊልኪሲ ኣይሁዴ ባጋ ገዲዳ ባ ማቸ ዲራሲላራ ዪዲ ጳውሎሳ ከቲ ኤሂሲዲ ዩሱሰ ከሪሰቶሳን ኣማናባ ኢያፔ ሲዒሰ።

25 ጳውሎሲ ግሎቴላባ፣ ባ ሁዒ ሃርባኔ ያናው ዴዒያ ፐርዳባ ኦዲሺን፣ ፊልኪሲ ያዪዳ፣ «ኔኒ ሃዒሰ ባ፤ ታው ኢንጃቲዳ ዎዴ ኔና ግገሳና» ያገሰ።

26 ሄ ዎዴ ጳውሎስ፣ ገብ ኤካናው ቆፒዲ እያ ዛሬ ዛሬ ያገሲዲ እያራ ኦዴቲስ።

27 ናሞው ላይላፊ ጉዬ፣ ፊልኪሳ ቤሳ ጳርቂዮስ ፊስጾሲ ኤኪስ። ፊልኪሲ እይሁዴታ ኡፋይሳናው ኮዪዲ ጳውሎስ ቢሎና አጋገሰ።

25

ጳውሎሲ ሮሜ ካወዋስ አቤት ገሰ

1 ፊስጾሲ ካዎቲዳ ሄዥ ጋላሳፔ ጉዬ ቁሳሪያፔ ዩሩሳላሜ ቢስ።

2 ያን ካሂኔ ሃላቃቲኔ እይሁዴታ ካሌሌይሳቲ ጳውሎሳ ሞቲዶሶና።

3 ጳውሎሳ ዩሩሳላሜ ኤሂሺን ኦጌን ቆስቲዲ እያ ዎጳናው ኤንታው ኢንጃታና ማላ ባንታና ማዶ ገዲ ፊስጾሳ ዋሲዶሶና።

4 ፊስጾሲ ኤንታኮ፣ «ጳውሎሲ፣ ቁሳሪያን ቃሾ ኮላን ዴዔስ፤ ታኒ ታ ሁዔንካ ኤሌሳዳ ጉዬ ሲማና ሃናይስ።

5 ኢ ባሊዳባይ ዴዔኮ ሂንቲ ገዶን አዋቲይሳቲ ታራ ቁሳሪያ ቢዲ እያ ሞቶና» ያገዲ ዛሬስ።

6 ፊስጾሲ ኤንታ ማታን ሆሰቱን ዎይኮ ታሙ ጋላሳ ማላ ጋሞዒዳፔ ጉዬ ቁሳሪያ ቢስ። ዎንቲላ ጋላስ ፒርዳ ኦይዲያን ኡቲዲ ጳውሎሳ ኤሃና ማላ ከቲስ።

7 ኢ ዪን ዩሩሳላሜፔ ዪዳ እይሁዴቲ እያ ዩቩዋን ኤቂዲ ኤንቲ ላላናው ደንዳዮና ዳር ዴዎ ሞቶ እያ ቦላ ሺሺዶሶና።

8 ጳውሎሲ ዛሬዲ፣ «ታኒ እይሁዴ ሂጊያ ገዲን ያሳ ኮላ ዎይኮ ሮሜ ካወዋ ቁሳሪ ናቃቢኬ» ያገሰ።

9 ሺን ፊስጾሲ እይሁዴታ ኡፋይሳናው ኮዪዲ ጳውሎሳኮ፣ «ዩሩሳላሜ ባዳ ሃ ሞቲዋባ ያን ታ ሲንላን ፒርዴታናው ኮያይ?» ያገዲ ኦይቸስ።

10 ሺን ጳውሎሲ፣ «ታኒ ፒርዴታናው ቤሲያ ቁሳሪ ፒርዳ ኮላን ኤቃ ከቻስ። ኔኒ ሎይላ ኤሬይሳዳ ታኒ እይሁዴታ ኢይቢንካ ናቃቢኬ።

11 ሂዛ፣ ታኒ ናቂዳባይ ዎይኮ ሃይቆስ ጋሊያባ ኦሊዳባ ገዲኮ ሃይቆፔ ታና አሻ ገኬ። ሺን ኤንቲ ታና ሞቲያ ሞቶይ ጮ ገዳፔ ጉዬ ኦኒካ ታና ኤንታው ኦሊ ኢማናው ደንዳዔና። ቁሳሪይ ታባ ፒርዳ ጋዳ ኦይቻይስ» ያገሰ።

12 ሄ ዎዴ ፊስጾሲ ባ ዘራንቸታራ ዘራቲዲ፣ «ኔኒ ቁሳሪይ ታባ ፒርዳ ጋዳ ኦይቻዳሳ፤ ቁሳሪኮ ባሳ» ያገዲ ዛሬስ።

ጳውሎሲ አገርጳ ሲንሕኔ ባርኒቄ ሲንሕ ሺቆስ

13 ጉላ ጋላሳፔ ጉዬ ካዎይ አገርጺኔ ባርኒቄይ ፊስጾሳ ሳርላናው ቁሳሪያ ቢዶሶና።

14 ያን ኤንቲ ዳር ጋላስ ጋሞዒን፣ ፊስጾሲ ካወዋስ ጳውሎሳባ ሃይሳዳ ያገዲ ኦዲስ፤ «ፊልኪሲ ቢሎና ኦገዲ ቢዳ ኢሲ ኦዴይ ሃይሳን ዴዔስ።

15 ታኒ ዩሩሳላሜ ቢዳ ዎዴ ካሂኔ ሃላቃቲኔ እይሁዴ ጨማቲ እያ ቦላ ፒርዳና ማላ ታና ዎሲዲ እያባ ታው ኦዲዶሶና።

16 ታኒ፣ «ሞቲቲዳ ኡራይ ባና ሞቲይሳታ ሲንላን ኤቂዲ ባ ሞቲዳባስ ዘር ኢሞናሺን፣ ኦና ገዲኮካ ኦዲዲ ኢማቲይሲ ሮሜ ሂጌ ገዴና» ያገዳ ኤንታው ዛሬስ።

17 «ሄሳ ገሾ፣ ኤንቲ ሃይሳን ሺቂዳ ዎዴ ታኒ ጋሞዶና ዎንቲላ ጋላስ ፒርዳ ኮላ ጌላዳ ጳውሎሳ ኤሃና ማላ ከታስ።

18 እያ ሞቲይሳቲ እያ ማታን ኤቂዲ፣ ኤታባን እያ ሞቶና አንኮና ጋዳ ታኒ ቆፒዳይሳ ማላ እያ ሞቲቦኮና።

19 ሺን ኤንቲ ባንታ አማናባኔ ጳውሎሲ፣ «ፓፃ ዴዔስ» ገያ ኢሲ ሃይቂዳ ዩሱሳ ጌቲቲያ ኦዲያባ ኢያራ ፓላሞሶና።

20 ሃ ኦዳይ ታና ሻካናው ማቲዳ ገሾ ጳውሎሲ ዩሩሳላሜ ቢዲ፣ ያን ፒርዴታናው ኮያኮ ጋዳ እያ ኦይቻስ።

21 ሺን ጳውሎሲ ባ ኦዳ ቁሳሪይ ቤዓና ጋካናው ቃሾ ኮላን ጋሞዳናው ኦይቸስ። ታኒ እያ ቁሳሪኮ ዩዳና ጋካናው ኢ ቃሹታና ማላ ከታስ» ያገሰ።

22 ሄሳ ገሾ፣ አገርጺ ፊስጾሳኮ፣ «ታኒ ታ ሁዔንካ ሄ ኡራይ ገያባ ሲዓናው ኮያይስ» ያገሰ።

ፊስጾሲ እያኮ፣ «ኔኒ ዎንቶ ኢ ገያባ ሲዓና» ያገሰ።

23 ዎንቲላ ጋላስ አገርጺኔ ባርኒቄይ ገታ ቦንቸን ሻላቃታራኔ ካታማን ዴዒያ ገታ አሳታራ ዩዲ ፒርዳ ኮሊ ጌሊዶሶና። ፊስጾሲ ጳውሎሳ ያገሰዲ ኤሂስ።

24 ፊሰኦቢ፡ «ካዋው አገርጸ፡ ሃይሳን ኑራ ዳዊያ አሳው፡ አይሁዳት ዩሩሳላሜንካ ሃይሳንካ ዋሲዲ፡ ሳኢ ሂዛፔ ጉዬ ፓፃ ዳናው ቤሴና፡ ያጊዲ፡ ታና ዋሲዳ ኡራ ሃይሳ ቤዔታ።

25 ሺን ኢያ ሃይቆስ ጋሊያባ አይቢባካ ታኒ ዳማቢኬ። ኢ ባ ሁዓን፡ ጭሳሬይ ታባ ፒርዶ ያጋዳ አይቻይሰን ጊዳ ጊሾ ቁሳሬኮ ኢያ ዩዳናው ቆፋ ቃቻሰ።

26 ታኒ ኢያባ ታ ጎዳ ቁሳሬሰ ፃፋናው ጊዲያ ጋሶይ አይቢካ ባዋ። ሄሳ ጊሾ፡ ኢያባ ሂንቲ ቢዒኮ ታ ፃፊያባይ ቤንታኑኮ ጋዳ ሂንቲ ሲንጤ ኡባራካ ካዋው፡ አገርጸ፡ ኔ ሲንጤ ኢያ ኤሃሰ።

27 አይሰ ገኩ፡ ቃሹቲዳ አሲ ቦላ ዳይናሰ አሊያ ዋዴ ኢ አይሰ ሞቲቲዳኮ ቆንጨሶና አጌይሲ ታው ኤያቲሊ ዳኔሰ» ያጊሰ።

26

ጳውሎሲ አገርጸ ሲንጻን ዛሪዳ ዛሩዋ

1 አገርጸ ጳውሎሳኮ፡ «ኔኒ ኔባ ኦዳናው ዳንዳሳሳ» ያጊሰ። ሄ ዋዴ ጳውሎሲ ባ ኩሺያ ዳንጤዲ ሃይሳዳ ያጊሰ።

2 «ካዋው፡ አገርጸ፡ አይሁዳቲ ታና ሞቲዳባሰ ዛር ኢማናው ሃቺ ኔ ሲንጻን ኤቃሼ ታ ቃዳይ ሎፃ ጋዳ ቆገይሰ።

3 ኔኒ አይሁዳ ዋጋኔ ፓላማ ሎይፋዳ ኤሪያ ጊሾ ታና ሳሌቶና ሲዓና ሜላ ዋሳይሰ።

4 «ታኒ ናባቲፋፌ ደማዳ ታ አሳ ጊዶኒኔ ዩሩሳላሜን ዳዊዳ ታ ዴቦዋ አይሁዳ ኡባይ ኤርሶና።

5 ታኒ ኮይርፔ ደማዳ፡ ኑ አማና ሂጊያ ሚንጤዲ ናጊያ ፋሪሳዊታ ያራፔ ጊዳይሳ ኤንቲ ማርካታናው ኮይኮ ኤርሶና።

6 ሃሳካ ታኒ ያሳይ ኑ አዋታሰ አማና ጊዳ ኡፋይሳ ናጊያ ጊሾ ሞቲታዳ ሃይሳን ኤቃሰ።

7 ቃሲ ታማኔ ናምቡ ኑ አዋታ ሼሻይ ያሳ ቃማኔ ጋላሰ ሚንጤዲ ጎይኒሼ ያሳይ አማና ጊዳይሳ ኤካናው ኡፋይሳን ናጎሶና። ካዋው አገርጸ፡ አይሁዳቲ ታና ሞቲይ ታኒ ኡፋይሳን ሄሳ ናጊያ ጊሾሳ።

8 አይሁዳቶ፡ ያሳይ ሃይቁዳይሳታ ዳንጤይሳ አይሰ አማኔኬቲ?

9 «ካሲ ታኒ ታ ሁዒንካ ናዚሬቲ ዩሱሳ ሱንጻ ቲቃናው ዳንዳዔቲዳባ ኡባ ኦፋናው ቤሴሰ ጋዳ ቆገሰ።

10 ታኒ ዩሩሳላሜን ኦሊዳይ ሃይሳ። ካሂኔ ሃላቃታፔ ማታ ኤካዳ ያሳ አሳታፔ ዳርታ ቃሺሳሰ። ኤንታ ዋዲያ ዋዴካ ኤንታ ሃይቁዋ ደሳሰ።

11 ዳር ዋዴ አይሁዳ ዋሳ ኬላ ኡባን ኤንቲ ሴሬታና ሜላኔ ዩሱሳ ጫዬዲ ካዳና ሜላ ኤንዔሳሰ። ታኒ ዋጊ ባይና ኤንታ ሃንቁታዳ ሃሪ አቶሺን፡ ሃሪ ቢታ ካታማታ ጋካናው ኤንታ ጎዳሰ።

12 «ታኒ ሃ ኦዳሰ ካሂኔ ሃላቃታፔ ማታኔ ከታ ኤካዳ ዳማሰቆ ባይሰ።

13 ካዋው፡ ታኒ ሴታ ጋላሰ ኡጊያን ዳዊሺን አዋ ፖፖፔ ዳር አዲያ ፖፖይ ታ ዩሹዋኒኔ ታራ ቤይሳታ ዩሹዋን ሳሎፔ ፖዒሰ።

14 ኔኒ ኡባይካ ሳሳን ኩንዲዳ ዋዴ ኢብራይሰዔ ደናን፡ ሳፖላ፡ ሳፖላ፡ ታና አይሰ ጎዳይ? ኔኒ ኔና ጫዬያ ፃምዓ ቃኪኮ ኔና ቆሃሳ» ያጊዲ ታው ኦዲሺን ሲሳሰ።

15 «ታኒ፡ ሳዳው፡ ኔኒ ኦኔ?» ያጋሰ።

«ጎዳይ፡ ሳታኒ፡ ኔኒ ጎዲያ ዩሱሳ፤

16 ሺን ዳንዳ ኤቃ። ሃቺ ኔኒ ታና ቤዒዳይሳኒኔ ሲንጻፌ ታ ኔና ቤሳኻሳ ሃራታሰ ማርካታና ሜላ ታ ኦሳንቾ ኦፋዳ ኔና ሹማናው ኔው ቤንታሰ።

17 ኢሰራዔሌ አሳታፔኔ ታኒ ኔና ኤንታኮ ከቲያ አይሁዳ ጊዳናይሳታፔ ኔና አሻና።

18 ኔኒ ኤንታ አይፊያ ደናና፡ ቋማፔ ፖፖኮ፡ ፃላሂ ኩሼፔ ያሳኮ ኤንታ ዛራና። ኤንቲ ታናን አማኒዲ ናጋራ አቶቲላ ኤካና። ያሳይ ዶሪዳ አሳ ጊዶን ባንታ ላታ ዳማና» ያጊሰ።

19 «ካዋው አገርጸ፡ ሄሳ ጊሾ፡ ታው ሳሎፔ ቤንጉዳ ቆንጨሳሰ ከቲታናይሳ ኢፃቢኬ።

20 ሺን ታኒ ኮይርታዳ ዳማሰቆን ሄሳፌ ጉዬ ዩሩሳላሜንኔ ዩሁዳ ቢታ ኡባን ዳዊይሳቲኔ አይሁዳ ጊዳናይሳቲ ባንታ ናጋራፔ ያሳኮ ሲማና ሜላኔ ናጋራፔ ሲሙዋ ቤሲያ ኦሶ ኦፋና ሜላ ቃላ ኦዳሰ።

21 ሄሳ ጊሾ፡ አይሁዳቲ ታና ያሳ ኬላን ኦይኪዲ ዋዳናው ኮዪዶሶና።

22 ሃቺ ጋካናው ፆሳ ማዳይ ታፔ ሻኬቲቤና፤ ያኒያ ገሾ፣ ጉላሲኔ ገታሰ ማርካታሽ ሃይሳን ኤቃሰ። ናቤቲኔ ሙሴይ ሃናና ገዲ ኦዲዳይሳፊ ሃራ ኢሲባካ ታኒ ኦዲዳይ ባዋ።

23 ሄሲካ፣ «ከሪሰቶሲ ዋዬ ኤካናው ቤሴስ፤ ቃሲ ሃይቆፔ ኮይሮ ዳንዲዲ አይሁዳታሲኔ አይሁዳ ገደናይሳታሰ አቶቴላ ፖ? ኦዳናው ቤሴስ» ገዳይሳ» ያገሰ።

24 ጳዉሎሲ ሄሳ ያገዲ ዛሪሽን፣ ፊሰያሲ ባ ቃላ ደቁ አሉዲ፣ «ጳውሎሳ፣ ኔ ጎዳሳ፤ ኔ ዳሮ ቲሚርቲይ ኔና ጎሻሰ ገላሰ» ያገሰ።

25 ሺን ጳዉሎሲ፣ «ቦንቾ ፊሰያሳ፣ ታኒ ቱማባኔ ቤሴያባ ኦዳይሲፔ አቲን ጎያቢክ።

26 ታኒ ቆንጩን ኦዲያ ኦዳ ካዋይ ኤሬሰ። ሃ ኦዳይ ገማን ኦሴቲቦና ገሾ ኢሶይካ ኢያፔ ገሞናይሳ ታኒ ገሻዳ ኤራይሰ።

27 «ካዋው አገርጳ፣ ኔኒ ናቤታ አማናባ ገዲኪ? ኔኒ አማኔይሳ ታኒ ኤራይሰ» ያገሰ።

28 ካዋይ አገርጳ፣ ጳዉሎሳኮ፣ «ሃ ጉላ ሳቲን ታና አማንላናው ኮያይ?» ያገሰ።

29 ጳዉሎሲ፣ «ዳሮ ዋዴ ገዲን ጉላ ዋዴ ኔ ፃላላ ገደናሽን ሃቺ ታና ሲዒያ ኡባይ ሃ ቃሹዋፔ አቲን ታ ማላ ገዳና ማላ ፆሳ ዋሳይሰ» ያገሰ።

30 ሃሳፊ ጉዬ፣ ካዋይ ፊሰያሲ፣ ባርነቄይኔ ኤንታራ ኡቲዳ ኡባይካ ዳንዲዳሶና።

31 ያፔ ከዩዲ ቢሽ ኢሶይ ኢሱዋራ፣ «ሃ ኡራይ ሃይቆሰ ዋይኮ ቃሾሰ ገላያባ አይኮካ ኦሊቤና» ያገዲ ኦዳቲዳሶና።

32 አገርጳ ፊሰያሳኮ፣ «ሃ ኡራይ ቁሳሬይ ታባ ፐርዶ» ጎናኮ ቢሊታናው ዳንዳዔሰ፣ ሺን አቲሰ» ያገሰ።

ዳንዲዳ። ማቄደኒያ አሲ ገዲዳ ቴሴሎንቄ አርሰፃርኮሲ ኑራ ዳዔሰ።

3 ዋንቴላ ገላሰ ኑኒ ሲዳና ጋኪሺን፣ ዩሊዮሲ ጳዉሎሳሰ ከሃዲ ባ ላገታኮ ቢዲ ኮሺያባን ማዳታና ማላ ኤንታኮ ዬዲሰ።

4 ያፔ ዳንዲዲ ሲንላራ ኑ ቦላ ጫርኪያ ገሾ ሃሳን ቲቄቲዳ ቢታ፣ ቆጶርሳን ዜምፐዲ አጲዳ።

5 ኪላቄያኔ ጳንፊሊያ ማታን ዳዒያ አባ ፒኒዲ ለቄያን ዳዒያ ሙራ ጋኪዳ።

6 ያን ማቶ ሃላቃይ ፃሌ ቢያ ኢሰኪንዲሪያ ማርካቤ ዳሚዲ፣ ኢያን ኑና ጌልሲሰ።

7 ኑኒ ዳሮ ገላሰ ሎዳራ ቢዲ፣ ዳሮ ማቶን ቃንዳሳ ካታማ ማታ ጋኪዳ። ያራ ባናው ኑና ጫርኮይ ዲገን ሳልምናራ አጲዲ ሃሳን ቲቄቲዳ ቢታ፣ ቃርፃሳን ዜምፐዲ አጲዳ።

8 ዳሮ ማቶን ጋፃ ጋፃ አይኪዲ ላሲያ ካታማ ማታን ዳዒያ አባ ደናን «ማርካቤይ ዋፑ ገዲ ሽምፐያሶ» ገያ ቤሳ ጋኪዳ።

9 ኑኒ ያን ዳሮ ዋዲያ ጋምዒዳፔ ጉዬ ያሚ ቢሊቲን፣ ማርካቤራ ቡሲ ማቲያ ገሾ ጳዉሎሲ ኤንታ ዘሪሰ።

10 «አሳው፣ ኑ ቡሳን ገታ ቦሽኔ ዳሮ ቆሆይ ዳዔይሲ ታው ቤንቴሰ፤ ቆሆይ ጫና ቦላኔ ማርካቤያ ቦላ ፃላላ ገደናሽን ኑ ዳዑዋ ቦላካ ጋካና» ያገሰ።

11 ሺን ማቶ ሃላቃይ ጳዉሎሲ ገዳይሳፊ አሉዲ ማርካቢያ ላጌይሲኔ ማርካቤያ ጎዳይ ጌይሳ አማኒሰ።

12 ሄ አባ ደናን ዳዒያ ካታማይ ባልጎ አጌና አላናው ኤንታው አንጃቶና ገሾ ዳሪያ አሳቲ ባንታው ዳንዳዔቲኮ ፊንቄ ካታማ ጋኪዲ ባልጎ አጌና ያን አላናው ዘራቲዳሶና፣ ፊንቄይ ፑዳሃ-ዉሎሃፔኔ ዲኒሃ-ዉሎሃፔ ገደን አባ ደናን ዳዒያ ካታማ።

27

ጳዉሎሲ ሮሜ ቢሰ

1 ኑኒ ማርካቤራ ፃሌ ባናው ቃቺዳ ዋዴ አዉሊሰያሳ ዋታደሬታ ጌቲቲይሳታፔ ኢሲ ዩሊዮሳ ገያ ማቶ ሃላቃሰ ጳዉሎሳኔ ሃራ ጉላ ቃሾ አሳታ አሚዳሶና።

2 ኢሲያ ጋፃን ዳዒያ ቢታታ ቢያ አዲራሚፃዮኔ ማርካቤን ጌሊዲ

አባ ቦላ ጎቲይ ዳንዲሰ

13 ካዉሻ ዲጌሃ ጫርኮይ ሎዳራ ጫርኪዳ ዋዴ ባንታ ቆፐዳይሳዳ ሃኒዳባ ዳኒን ዳንዲዲ፣ ማርካቤይ ቃያና ማላ ኦይኪያ ቢራታ ፑዳ ኤኪዲ ቃርፃሳን ማታራ አጲዳሶና።

14 ሺን ዳሮ ጋምፖና «አዉራቁሰ» ገያ ዋልቃማ ጎቲይ ሃሳን ቲቄቲዳ ቢታፊ ዲጌ ኤንታ ቦላ ዳንዲሰ።

15 ሄ ጎቲይ ማርካቢያ ሱጊዲ ኤፎና ዲጊዳ ጊሾ ጫርኮይ ማርካቢያ ባ ደሲዳ ሶ ኤፊስ።

16 ኮኒ ቄዳ ጊያ ሃላን ቲቁቲዳ ቢታ ዜምፕዲ ቢሺ ዳር ማቶቲዳ ማርካቢያ ዋጎሉዋ አሻናው ዳንዳዲ።

17 ኤንቲ ዋጎሉዋ ፑዳ ኬሲዳ፤ ጉዬ ዋዶሩዋን ማርካቢያ ቦላ ፃፂዳ፤ ሚንሌ ቃቺዶሶና። ሱርቲሳ ጊያ ሻፊያን ባንታና ደምዔላና ጊዲ ሂርጊዳ፤ ማርካቢያ ሻራ ዋዲሲዲ ማርካቢያ ጮ ዬዲ አገደሶና።

18 ጎቲይ ዋልቃሚሽ ቢን ዋንቴላ ጋላስ ጫና፤ ባጋ አባን ሆሎ ኦይኪዶሶና።

19 ሄቫንላ ጋላስ ማርካቢያ ሚሺያ ኤኪዲ ባንታ ኩሽን ሆሊደሶና።

20 ኮኒ ዳር ጋላስ አዋ አይፊኔ ያለንቶ ቤዖና ጊሾኔ ዋልቃማ ኡሾይ ኑ ቦላ ኡሺዳ ጊሾ ሲንጻፊ ሽምፖራ አታና ጊዲ ቆፒሶኮ።

21 ሄ ዋዳ ኤንቲ ዳር ጋላስ ካሌ ሞና ጋምዒዳ ጊሾ ጳውሎሲ ኤንታ ጊደን ዳንዲ ኤቁዳ፤ «አሳው፤ ሂንቲ ታ ዘሪያ ኤኪዲ ቃርፃሳ፤ ዳንደና አገዳኮ ሃ ማቶይኔ ቆሆይ ኑና ጋኬና።

22 ሺን ታኒ ሂንቴና ያዮፊቲ ጋዳ ዘሪይስ፤ አይስ ጊኮ፤ ሃ ማርካቢይ ጳያና፤ ኣቲን ሂንቴፊ ኢሲ አሳ ሽምፖይካ ጳዬና።

23 ዚኔ ቃማ ታ ኢያባ ጊዲዳይሲኔ ታ ጎይኒያ ያሳይ ከቲዳ ከታንቾይ ታ ማታን ኤቁዳ፤

24 ሰውሎሳ፤ ያዮፋ፤ ኔኒ ሮሜ ካዉዋ ቁሳሬ ሲንጻን ኤቃናው ቤሱስ። ሄኮ ያሳይ ኔ ጊሾ ኔራ ቢያ አሳ ኡባ ሽምፑዋ አሺሳ) ያገሰ።

25 ሄሳ ጊሾ፤ አሳው፤ ያዮፊቲ። ሄ ከታንቾይ ታው ኡዲዳይሲ ሃናናይሳ ታኒ አማናይሲ።

26 ሺን ጫርኮይ ኑና ኤፊዲ ኢሲ ሃላን ቲቁቲዳ ቢታ ጋፃን ሆላና» ያገሰ።

27 ታማኔ ኦይዳንላ ቃማን ማዲቲራኔ አባን ኑና ጫርኮይ ጌዴኔ ሃ ሱጊሺን፤ ጊዲ ቢላሄ ጊዲያ ዋዳ ማርካቢያን ኤይሳታስ ቢታኮ ማቲዳባ ዳኒስ።

28 ኤንቲ ጨዋቴላ ኤራናው ኮዬዲ ዋዶር ፃራን ዳፂያባ ቃቺዲ አባን ዩጊን፤ አባይ ሆሰፑን ታሙ ዋቋ

ጊዲስ። ጉሌ ጋምዒዳ፤ ዛሪ ዩጊን ኡሱፑን ታሙ ዋቋ ጊዲስ።

29 ኤንቲ አባ ጋፃን ዳዒያ ሹቻን ደምዒቶና ሚላ ያዬዳ፤ ማርካቢይ ቦና ሚላ ኦይኪያ ኦይዲ ቢራታታ ማርካቢያ፤ ጉዬራ አባን ዩጊዲ፤ ሳዒይ ዋንታና ሚላ ያሳ ዋሶሶና።

30 ማርካቢያን ኦይሳቲ ማርካቢያ፤ ባቃታናው ኮዬዳ፤ ማርካቢይ ቦና ሚላ ኦይኪያ ቢራታታ ማርካቢያ፤ ሲንጻ ባጋራ አባን ዩጊያ ዳኒን ዋጎሉዋ አባን ዩጊደሶና።

31 ጳውሎሲ ማቶ ሃላቃኮኔ ዋታዳሬታኮ፤ «ሃይሳቲ ማርካቢያን ሽምፕ ኡቶና ኢፃኮ ሂንቴ አታናው ዳንዳዲኬታ» ያገሰ።

32 ሄሳ ጊሾ፤ ዋታዳሬቲ ዋጎሎይ ቃሹቲዳ ዋዶሩዋ ቃንፃዲ ዬዲ አገደሶና።

33 ሳዒ ዋንታና ሃኒሺን ኡባይ ካሌ ማና ሚላ ጳውሎሲ አሳኮ፤ «ሂንቴ ካሌ ሞና ናጊሽ ሃቺራ ታማኔ ኦይዲ ጋላስ ጋምዒዳ።

34 ሄሳ ጊሾ፤ ጉላ ካሌ ሂንቴ ማና ሚላ ታኒ ሂንቴና ዋሳይስ። ሂንቴ ጋሽታና ሚላ ጉላ ካሌ ማናው ኮሽሰ፤ ሃሪ አቶሺን ሂንቴ ሁዔ ቢናና፤ ኢሶይካ ጳዬና» ያገሰ።

35 ጳውሎሲ ሄሳ ጊዲ ኡይሌ ኤኪዲ ኡባ ሲንጻን ያሳ ጋላቲስ፤ ኡይላ ሚንሌዲ ሙሱ ደሚስ።

36 ኡባይ ሚኔቲዲ ባንታው ካሌ ኤኪዲ ሚደሶና።

37 ኮኒ ማርካቢያን ዳዔይሳቲ ናምቡ ፃታኔ ላፑን ታማኔ ኡሱፑና።

38 ኤንቲ ሚዲ ካሊዳ ዋዳ ጫና ጊሰቲያ አባን ዩጊዲ ማርካቢያ ዴፀዋ ካዉሺደሶና።

ማርካቢይ ሚዲስ

39 ሳዒ ዋንቲዳ ዋዳ ማርካቢያ ኦሳንቾቲ እው ቢታ ጋኪደኮ ኤርናሺን፤ አባ ጋፃን ዳዒያ ሻፊኔ ሰለሞ ቤዒደሶና። ባንታው ዳንዳዒቲኮ ማርካቢያ ሄ ሻፊያኮ ሽሻናው ቆፒደሶና።

40 ያቲዲ፤ ማርካቢይ ቦና ሚላ ኦይኪያ ቢራታታ ቢርሺዲ አባን ዩጊደሶና። ሄ ዋዳ ላጊያ ሚላ ቃቺያ ዋዶሩዋ ቢርሺደሶና። ሄሳፊ ጉዬ፤ ጫርኮይ ማርካቢያ ሲንጻ ሱጋና ሚላ ማርካቢያ ኤፊያ ሻራ ሲንጻ ባጋራ ዶቁ ኦሌዲ ቡሱ ደሚደሶና።

41 ሺን ማርካቤይ ሻፌ ደሬን ደምዔቲዲ ሚቲቲሰ። ማርካቤያሰ ስንላ ሳጋይ ፀጉኒዲ ሻፊያ ጫዲ ኦይኪዲ ቃዖና ኢዲን፣ ጉዬ ሳጋይ ዙሊያ ሱጌላን ማቆሬቲሌ ኦይኪሰ።

42 ዋታዳሬቲ ቃሾ አሳፔ ኢሶይካ ሃላ ዋዲዲ ኬሲ ኤኮና ማላ ኤንታ ዋዳናው ዘሬቲዶሶና።

43 ሺን ማቶ ሃላቃይ ጳውሎሳ አሻናው ኮዩዲ ዋታዳሬታ ዘሬታ ኢዲሰ። ሃሌ ዋዲ ኤሪያ ኡባይ ማርካቤያፔ ሃላን ጉፒ ጉፒ ዋዲዲ ካሴቲዲ ጋፃ ኬያና ማላ ከቲሰ።

44 ኦቲዳይሳቲ ሳንቃ ቦላኔ፣ ማርካቤያ ማዑዋ ቦላ ኬያና ማላ ከቲሰ። ሄሳዳ ሃኒዲ ኡባይ ጋፃ ሳርሬ ኬዩዶሶና።

28

ጳውሎሲ ማልታ ጊያ ሃላን ቲቁቲዳ ቢታ ቢሰ

1 ኦኒ ጋፃ ሳር ኬዩዳ ዋዴ ጋኪዳ ሃላን ቲቁቲዳ ቢታይ ማልታ ጌቲቲይሳ ኤሪ።

2 ማልታ አሳይ ኦሰ ዳር ኬሃ ከሂዶሶና። ኢሪ ቡኪያ ጊሾኔ ማጊያ ጊሾ ታማ ኤሌዲ ኦና ኡባ ሞኪዶሶና።

3 ጳውሎሲ ዳር አፊራ ሺሺዲ ታማን ዋሊሺን፣ ሾሺ ሴላ ጊሾ ኬዩዲ ኢያ ኩሺያ ቦላ ፃፃቲዲ ኢያ ዲኪሰ።

4 ማልታ አሳይ ሾሺ ጳውሎሳ ኩሺን ፃፃቲዳይሳ ቤዒዳ ዋዴ ኢሶይ ኢሱዋኮ፣ «ቲማ ሃ ኡራይ ሸምፖ ዋዲዳ አሲ፣ ሃሪ አቶሺን አባፌ ኢ አቲንካ ያሳ ፐርዳፌ * አቲዲ ጋፃ ዳናው ዳንዳቢና» ያጊዶሶና።

5 ሺን ጳውሎሲ ባ ኩሺያፔ ሾሻ ወፃርኪዲ፣ ታማን ዩጊሰ፣ ኢያ አይኮካ ቆሂቤና።

6 ኤንቲ፣ «ኢያ አሳቲላይ ከፀሰ፣ ዋይኮ አኬኮና ኩንዲዲ ሃይቁሰ» ጊዲ ናጎሶና። ሺን ዳር ዋዴ ናጊዲ ኢያ አሳቲላን አይቢካ ዲማቲዳባይ ቆዩን፣ «ሃይሲ ያሴ» ያጊዲ ባንታ ቆፋ ለሚዶሶና።

7 ሄ ሄሪን ሃላን ቲቁቲዳ ቢታ ሃላቃ፣ ፑፕሊዮሳ ጌይሳሰ ጋዴይ ዴዒሰ፣ ሄሹ ጋላሰ ጋካናው ኢ ኦና ሲቆን ሞኪሰ።

8 ፑፕሊዮሳ አዋይ ቆዩ፣ ሚሻኔ ኡሎ ኡቲሶን ሃርጌቲዲ ዚንዲዲ ዴዒሰ። ጳውሎሲ ኢያ ሶ ጌሊዲ ኢያው ያሳ ዋሲሰ፣ ባ ኩሺያ ኢያ ቦላ ዋሊዲ ፓሊሰ።

9 ሄሳፌ ጉዬ፣ ማልታን ዴዒያ ሃርጊያ ሃራ አሳቲካ ዩዲ ፓዲዶሶና።

10 ኤንቲ ኦና ዳር ቦንቺዶሶና፣ ኦኒ ማርካቤራ ባናው ዴንዲዳ ዋዴ ኦኒሰ ኮሺያባ ኦሰ ኢሚዶሶና።

ጳውሎሲ ማልታፌ ሮሜ ቢሰ

11 ሄሹ አጌናፔ ጉዬ፣ ማልታን ባልጎ አሊዲ ኢሰኪንዲሪያ ማርካቤራ ባናው ዴንዲዳ። ሄ ማርካቤያ ቦላ ዲዮሰቆርሳ ጊያ ሜንቲ ኤቃታ ሚሲሌይ ዴዒሰ።

12 ሲራኩሴ ካታማ ጌሊዲ ያን ሄሹ ጋላሰ ኡቲዳ።

13 ያፕ ዴንዲዲ ሬጊዩሜ ካታማ ጋኪዳ። ኢሲ ጋላሳፔ ጉዬ፣ ዲጌሃ ባጋ ጫርኮይ ጫርኪን፣ ዋንቲላ ጋላሰ ፑቲዮሊ ካታማ ጋኪዳ።

14 ያን ኦኒ ኢሲ ኢሲ አማኒያ አሳታ ዴሚን፣ ባንታራ ሳሚንታ ጋምዳና ማላ ኦና ዋሲዶሶና። ሄሳፌ ጉዬ፣ ሮሜ ቢዳ።

15 ሮሜን ዴዒያ አማኒያ አሳቲ ኦባ ሲዒዲ፣ አፊዮሳ ጊያን፣ ሄሹ አቁያሶ ጊያ ቤሳ ጋካናው ኦና ሞካናው ዩዶሶና። ጳውሎሲ ኤንታ ቤዒዳ ዋዴ ያሳ ጋላቲዲ ሚኔቲሰ።

ጳውሎሲ ሮሜን

16 ኦኒ ሮሜ ጌሊዳ ዋዴ ጳውሎሲ ባና ናጊያ ዋታዳሪያራ ባርካ ዴዩ ጌቲቲሰ።

17 ሄሹ ጋላሳፔ ጉዬ፣ ጳውሎሲ አይሁዳታ ሃላቃታ ባኮ ፀጊሲሰ። ኤንቲ ሸቁዳ ዋዴ ኤንታኮ፣ «ታ ኢሻቶ፣ ታኒ ኦ አሳ ዋይኮ ኦ አዋታ ዋጋ ቦላ አይቢ ቆሆካ ኦላቢኬ፣ ሺን ታና ዩሩሳላሜን ቃቺዲ ሮሜ አሳሰ አሊዲ ኢሚዶሶና።

18 ኤንቲ ታ ሞቱዋ ቤዒዲ ሃይቆሰ ጋሊያባ ታ ቦላ አይቢባካ ዴሚቦና ጊሾ ታና ቢላናው ቆፒዶሶና።

19 ሺን አይሁዳቲ ሃሳ ኢዲዳ ዋዴ (ታባ ቁሳሬይ ፐርዶ) ያጎሲፔ አቲን ታኒ ታ ዴሪያ ሞቲያባይ ዴዒን ጊዳና።

20 ታኒ ሂንቲና ፀጊሲዳይ ሂንቲና ቤዳናዉኔ ሂንቲው ሃይሳ ኦዳናሳ። ታኒ

* 28:4 ያሳ ፐርዳፌ፡ ሄ ዋዴ ሄ ቢታን ዳማ ዳማ ማጫ ያሳቲ ዴዩሶና። ኤንታፌ ኢሲያ ኢታ ኡሊያ አሳ ፐርዲያር። ኢያ ፐርዳ ያሲ ጌታታ ፀጌታሱ። 28:19 ሃ.ኦ 25:11

ሃ ሳንላላታን ቃሹቲዳይ ኢሰራዔል አሳይ ናጊያ ኡፋይሳ ገሾሳ» ያገለገለ።

21 አይሁዴ ሃላቃቲ ጳውሎሳኮ፡ «ኩስ ዩሁዳፔ ኔባ ፃፊቲዳ ዲብዳቤይ ጋኪቤና። ያፔ ዩዳ እሳታፔ ኢሶይካ ኔባ ኢታ ኦዲዳይ ባዋ።

22 ሺን ሃ ኔ ካሊያ አማኑዋ ዲማ ዲማ ቤሳን አሳይ ኢጄይሳ ኩኒ ኤሪያ ገሾ ኔ ቆፋ ሲዓናው ኮዮስ» ያገረደሶና።

23 ኤንቲ ባንታ ያና ጋላስ ጳውሎሳስ ቃፃሪዳ፡ ሄ ጋላስ ዳሪዲ ኢ ዴዲያሱዋ ዩደሶና። ኢ ዋንታፌ ኦማርሲ ጋካናው ያሳ ካዋቱላባ ኤንታው ማርካቲስ። ቃሲ ኤንቲ ዩሱሳባ አማናና ማላ ሙሴ ሂጊያፊኔ ናቤታ ማፃፋፔ ቆንጨሲዲ ኤንታ ታማርሲስ።

24 ኢሶቲ ኢሶቲ ጳውሎሲ ገዳይሳ አማኒደሶና፡ ሺን ሃራቲ አማኒቦኮና።

25 ኤንቲ ባንታ ገደን ኦዳ ማያና ኢጄዳ ዋዴ ጳውሎሲ ኢሲባ ገዳፔ ጉዬ ቢደሶና። ኢ ሃይሳዳ ያገለገለ፡ «ጌሻ አያናይ ኦ አዋታስ ናቤያ ኢሳያሳ ዶናን ኦዲዳይሲ ቱማ።

26 ሳኒ ሄ አሳኮ ባዳ፡ ሂንቴ ሲሳ ሲዔታ፡ ሺን ሂንቴው ጌሌና፤

ሂንቴ ቤያ ቤዔታ፡ ሺን ዴማኬታ።

27 ሃ አሳ ዋዛናይ ሙሚስ፤

ኤንታ ሃይላይ ቱሊስ፤

ኤንታ አይፊይካ ጎዜቲስ።

ሄሲ ባይኔኮ፡

ኤንቲ ባንታ አይፊያን ቤዒዲ፡

ባንታ ሃይላን ሲዒዲ፡ ባንታ

ዋዛናን አኬኪዲ፡

ኤንቲ ታኮ ሲማና፤

ታካ ኤንታ ፓላናሺን» ያጋ»

ያገለገለ።

28 «ሂዛ፡ ሃይሲ ያሳ አቶቱላ ኪታይ አይሁዴ ገደናይሳታስ ገዴይሳ ኤሬታ። ኤንቲካ ሲዓና» ያገለገለ።

29 ጳውሎሲ ሄሳ ገዳፔ ጉዬ አይሁዴቲ ባንታ ገደን ዳሮ ፓላሚሼ ኬዩዲ ቢደሶና።

30 ጳውሎሲ ኬራ ኬላን ናሞዑ ላይሴ ኩሚላ ዴዲስ፤ ያን ዴዲሼ ባኮ ያ ኡባ ሞኬስ።

31 ያሺ ባይናኔ ኦኒካ ዲጎናሺን ያሳ ካዋቱላባ ሳባኪስ፤ ጎዳ ዩሱስ ኪሪስቶሳባ ቆንጨሲዲ ታማርሲስ።

ጳውሎስ ሮሜ አሳሰ ፃፈደ ከታ ጋላ ቆፋ

ሃዋሪያ ጳውሎስ ከታይ ሮሜ አሳሰ ፃፈተዳይ፡፡ ጳውሎስ ሮሜን ዴሲያ ዋሳ ከላ በዓናው ቆፒዳ ጊሾ ኢ በያ ዎዴ ኤንቲ ጊጊዲ ናጋና ሜላ ኦላናሳ። ጳውሎስ ቆፋይ ሮሜን ዴሲያ አማኔይሳታራ ጉላ ዎዴ ኦሊዳፔ ጉዬ ኤንቲ ኢያ ማዲን ኢስፔኔ ባናሳ። አማናባ ኢ ኤሪዳይሳኔ አማኒያ አሳይ ሄ ቲሚርቲያ ኦሶን ፔሻና ሜላ ቆንጨሲዲ ፃፈሰ። ሃ ማፃፋን ጳውሎስ ኩሜላ ከታይ ሃ ቆፋ ኦይኬሰ።

ጳውሎስ ሮሜን ዴሲያ አማኒያ አሳታ ኮይሮ ሳርሌ ሲሚዲ፣ ካሊዲ ኤንታው ዎሴይሳ ኦዲዳፔ ጉዬ ባ ከታሰ ጉልዓ ቆፋ፡ «ዋንጌላን ያሳ ያሎቲላይ ቆንጨሲ፤ ሄ ያሎቲላይ ኮይሮፔ ወርሴሌ ጋካናው አማኖን ቆንጨሰ» ጊዲ ኦዴሰ (1:17)።

ሄሳፊ ጉዬ፡ ሄ ቆፋ ዳልጊሲዲ ፃፈሰ። አይሁዳታ ጊዲን አይሁዳ ጊደና አሳ ጊዲን ኡባይ ናጋራሰ ሃራቲዳይሳታ ጊዲያ ጊሾ ኤንቲ ያሳራ ሲጌታናው ኮሼሰ። አሳይ ያሳራ ሲጌታናው ዳንዳዔይ ዬሱስ ከሪሰቶሳ አማኖና። ኤንቲ ያሳራ ሜዲያ ሃ ኦራላ ጋሄቲላ አይፊይ፡ ኦራላ ዴዎ ጊዴይሳ ጳውሎስ ዳልጊሲዲ ኦዴሰ። አማኒያ አሲ ያሳራ ሳር ዴዴሲስ፤ ቃሲ ያሳ አያና ባጋራ ናጋራፔኔ ሃይቆ ዎልቃፊ ከሲ ኤኬሰ። ሼዎፖ 5-8 ጋካናው ጳውሎስ ያሳ ሃጌይኔ አማኒያ አሳ ዴዎን ኦሊያ ያሳ አያና ዎልቃ ቆፋይ አይቤኮ ኦዴሰ። ሄሳፊ ካሊዲ፣ ጳውሎስ፡ «ያሳይ አሳ ናይታሰ ቆፒዳ ቆፋ ጊደን አይሁዳቲኔ አይሁዳ ጊደና አሳይ ዎኒዲ ኢሲፊ ዎጃታናው ዳንዳዒ?» ናጊያ ኦይሻሰ ዘር አማናው ባጃቲሰ።

ቃሲ አይሁዳቲ ዬሱሳ ኤኮና ኢዲዳይ ያሳ ቆፋ ጊዴይሳ ኦዴሰ። ሄሲ ሃኒዳይ ዬሱስ ከሪሰቶሳ ባጋራ ቆንጨሲዲ አዶ ከሃቲላ ጊደን አሳ ዘሪ ኡባ ሃጻና ሜላሳ። ጊደሺን፣ አይሁዳቲ ዬሱሳ ኤኮና ዎዴይ ያናይሳ ጳውሎስ አማኔሰ። ወርሴላን ጳውሎስ አማኖ ዴዎ ዎኒዲ ዳናው በሲያኮ ኦዴሰ። ያሳሰ ኦላናባ፡ አማኒያ አሳቲ

ባንታ ቢታሰኔ ባንታ ጊደን ኢሶይ ኢሱዋሰ አዋቲላን ኦላናባኔ ካሃ ጋሰን ሜዴቲያ ኦይሼታባ ቆንጨሲዲ ኦዴሰ።

ሮሜ ከታ አይፊ ቆፋታ

ጌሎ ቆፋ 1:1-15
ሮሜ ከታ ሁዔ ቆፋ 1:16-17
አሳ ናሳሰ አቶቲሌ ኮሼይሳ 1:18-3:20
ያሳይ አሴ አሺያ ኦጊያ 3:21-4:25
ከሪሰቶሳን በነቲያ ኦራላ ዴዐዎ 5:1-8:39
ኢሰራዔሌሰ ያሳ ቆፋ 9:1-11:36
አማኒያ አሳ ዴሳ 12:1-15:13
ኩሻ ቆፋኔ ሳርሶ 15:14-16:27

1 ዬሱስ ከሪሰቶሳ አይሌ ጊዲዳ፣ ሃዋሪ ጊደና ሜላ ዪጌቲዳይሳፊኔ ያሳ ዎንጌላ ሳባካና ሜላ ደራቲዳ ጳውሎስ ከቲዳ ከታ።

2 ያሳይ ዳር ዎዴፔ ሲንሌ ባ ናቤታ ባጋራ አማና ናጊዳ ያሳ ዎንጌላይ ጌሻ ማፃፋታን ፃፈቲሰ።

3 ሃ ዎንጌላይ አሾን ዳዊቲ ሼሻፔ ዬሌቲዳ፣ ያሳ ናሳ፡ ኦ ጎዳ ዬሱስ ከሪሰቶሳባ።

4 ቃሲ ኢ ባ ጌሻ አያና ሃይቆፔ ዴንዲዲ፣ ያሳ ናሳ ጊዴይሳ ጊታ ዎልቃን ቤሲሰ።

5 ኢያ ባጋራ አይሁዳ ጊደና አሳ ኡባይ፣ አማኒዲ ከቲታና ሜላ ከሪሰቶሳ ሱንላ ጊሾ ያሳይ አዶ ከሃቲሌ ሃዋሪቲላ ማታ ኦሰ አሚሰ።

6 ዬሱስ ከሪሰቶሳሰ ጊደና ሜላ ዪጌቲዳ አሳታፔ ባጋቲ ሂንቲና።

7 ሮሜን ዴሲያ፣ ያሳይ ሲቄይሳታሰኔ ኢያ ጌሻ ዴሬ ጊደና ሜላ ደሪዳይሳታሰ።

ያሳ ኦ አዋፔኔ ጎዳ ዬሱስ ከሪሰቶሳፔ አዶ ከሃቲላይኔ ሳርቲላይ ሂንቲው ጊደ።

ጋላታ ዎሳ

8 ኡባፊ ኮይርታዳ፣ ሂንቲ አማናይ ቢታ ኡባን ሲዔቲዳ ጊሾ ዬሱስ ከሪሰቶሳ ባጋራ ሂንቲ ጊሾ ታ ያሳ ጋላታይሰ።

9 ታኒ ኢያ ናሳ ዎንጌላባ ኩሜላ ዎዛናን ኦዲያ ያሳይ፣ ታኒ ታ ዎሳን ኡባ ዎዴ ሂንቲና ቆፔይሳሰ ኢ ማርካ።

10 ወርሴላን፣ ያሳ ሼኔ ጊዲኮ፣ ታኒ ሂንቲኮ ባናው ኦጌይ ታው ኢንጃታና ሜላ ኡባ ዎዴ ዎሳይሰ።

11 ታኒ ሂንቲው አያና ኢውዎ ሻካናወኔ ሂንቲና በዓናው ላዎታይሰ።

12 ሄሲካ፣ ታኒ ሂንቲ አማኑዋን፣ ቃሲ ሂንቲ ታ አማኑዋን ማኔታና ማሳሳ።

13 ታ አሻቶ፣ ታኒ አይሁዴ ገደና አሳፔ አይፌ ዳሚዳይሳዳ፣ ሂንቲፊካ አይፌ ዳማናው ሂንቲኮ ባናው ቆጋሰ፣ ሸን ዲጌታሰ።

14 ታማሪዳ አሳሲኔ ታማሪቦና አሳሰ ቃሲ ጨንጫታሲኔ ኤያታሰ ታው አጮይ ዳዔሰ።

15 ሄሳ ጊሾ፣ ሮሜን ዳዒያ ሂንቲዉካ ዋንጌላ ኦዳናው አዋታይሰ።

ዋንጌላይ ያሳ ዋልቃ

16 ኢያ አማኒያ ኡባ፣ ኮይሮተዲ አይሁዴታ፣ ካሊዲ አይሁዴ ገደናይሳታ አሻናው ዋንጌላይ ያሳ ዋልቃ ገዲያ ጊሾ ታ ዋንጌላን ዩሳቲኬ።

17 ዊሎይ አማናን ዳዶን ዳና ጌቲቲዲ ጌሻ ማፃፋን ፃፊቲሰ። ዋንጌላን ያሳ ዊሎቴሳይ ቆንጨሰ፤ ኮይሮፔ ዉርሴላ ጋካናው አሳይ ዊሎይ አማናና።

አሳ ኢታቴላ

18 ቱማይ ኤሬቶና ማላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፣ ያሳ ሃንቆይ ሳሎፔ ዋዴሰ።

19 ያሳይ ኤንታው ቆንጨናው ቤሲያባ ቆንጨሲዳ ጊሾ ኤንቲ ያሳባ ኤርሶና።

20 አላሜይ ማዴቶሳፔ ደሚዲ፣ አሳሰ ቤንቶና ያሳ ካንደይ፣ ሄሲካ ኢያ ማሪና ዋልቃይኔ ያሳቴሳይ ኢያ ማዴቴላን ቆንጨዲ ዳዒያ ጊሾ አሳይ ባንታ ኢታቴላሰ ጋሶያባይ ባዋ።

21 ኤንቲ ያሳ ኤሪሾ፣ ኢያ ቦንቹቦኮናኔ ጋላቲቦኮና። ኤንታ ቆፋይ ማደናባ ገዲሰ፤ ኤንታ አኬኮና ዋዛናይ ዱሚሰ።

22 ኤንቲ ባንታና ጨንጫታ ጎሶና፣ ሸን ኤያታ።

23 ኤንቲ ሃይቆና ያሳ ጎይናናይሳ አጊዲ፣ ሃይቂያ አሳ ማዶን፣ ካፎታ ማዶን፣ ደባታ ማዶኒኔ ኡሎራ ጎሽቲያባታ ዳኒሲዲ ኦሊዳ ሚሲሌታ ጎይኒደሶና።

24 ሄሳ ጊሾ፣ ኤንቲ ኢሶይ ኢሱዋራ ቦርሶባ ኦሊዲ፣ ባንታ አሳቴላ ካዉሻና

ማላ ያሳይ ኤንታ ዋዛናይ አዋቲያ ቱና ኦሶስ ኤንታ ዩጊ አጊሰ።

25 ሄሲ ሃኒዳይ ኤንቲ ያሳ ቱማ ዋርደን ላሚዳ ጊሾኔ ማዴዳ ያሳ አጊዲ፣ ማዴቴላ ጎይኒዳ ጊሾሳ። ያሳይ ማሪናው ጋላቴቲዳይሳ። አሚንዲ።

26 ሄሳ ጊሾ፣ ያሳይ ኤንታና ኤንታ ቦርሶ አሙዋሰ ዩጊ አጊሰ። ኤንታ ማጫሳይ ባንታው ቤሲያ አዳራ ጋሄቴላ አጊዲ፣ ቤሶናባ ሃኒዲ ማጫሲ ማጫሳራ ጋሄቲደሶና።

27 ሄሳዳካ፣ አዳቲ ባንታው ቤሲያ ማጫሳራ ጋይቴላ አጊዲ፣ አዳይ አዳራ ጋሄቲደሶና። አዳቲ ኢሶይ ኢሱዋራ አዋን ፀንቲዲ፣ ቦርሶባ ኦሊደሶና። ባንታ ኦሊዳ ባላሰ ቤሲያ ፒርዳ ኤኪደሶና።

28 ኤንቲ ያሳ ኤሪሾ፣ ሃሪ አቶሺን ኢያባ ቆጋናው ኮዮና ኢዳዳ ጊሾ ቤሶናባ ኦላና ማላ ያሳይ ኤንታና ፓሶና ቆፋሰ አላ ኢሚሰ።

29 ኤንታን ጌላቴላ፣ ኢታቴላ፣ ዩቄይ፣ ጌኔይ፣ ቃናቴይ፣ ሸምፖ ዋዶይ፣ ፓላሚ፣ ጨዋይኔ ኢታ አዋይ ኩሚሰ። ኤንቲ ዘጊሬይሳታ።

30 አሳ ሱንላ ኢሴይሳታ፣ ያሳ ኢዳይሳታ፣ ጫይይሳታ፣ ኦቶሬይሳታ፣ ጨቁቴይሳታ፣ ኢታባ ኦላናው ኮይይሳታኔ ባንታ አዩሲኔ አዋሰ ኪቲቶናይሳታ።

31 አኬኮናይሳታ፣ ጫቆ ማንሌይሳታ፣ ሲቆይ ባይናይሳታ፣ ቃዴይ ባይናይሳታ።

32 ሃይሳታ ማላ ኦሌይሳታሰ ሃይቆይ ቤሴሰ ጊያ ያሳ ሃጊያ ኤሪሾ፣ ሃይሳታ ኦሶሶና። ኤንቲ ባንታው ኦሶ ፃላላ ገደናሺን ኦሊያ ሃራታካ ናሾሶና።

2

ያሳ ዊሎ ፒርዳ

1 ሄሳ ጊሾ፣ ኔሮ ሃራታ ቦላ ፒርዳይሶ፣ ኔኒ ጋሶያባይ ባዋ። ኔኒ ሃራታ ቦላ ፒርዳሾ፣ ሄ ኔኒ ፒርዲያ ኡራ ማላ ኦሊኮ፣ ኔ፣ ኔ ቦላ ፒርዳሳ።

2 ሄሳ ማላ ኦሶ ኦሌይሳታ ቦላ ያሳይ ዊሎ ፒርዳ ፒርዳይሳ ኑ ኤርሰ።

3 ኔሮ፣ ሄሳ ማላ ኦሶ ኦሌይሳታ ቦላ ፒርዳይሶ፣ ኤንቲ ኦሌይሳ ማላ

አሌይሶ፡ ኔኒ ያሳ ፐርዳፌ አታናባ ዳኒ?

4 ዋይኮ ያሳ ከሃቴ፡ ጌንጫኔ ዳንዳባ ዳሮቴፋ ካጻዩ? ያሳይ ኔው ከሂዳይ ኔና ናጋራፔ ዛራናው ጌዴይሳ ኤሪኪዩ?

5 ሺን ሂንቴው ሹቻ ዋዛኒኔ ሲዖና ሃይሊ ዳዔስ፡ ሂሳ ጊሹ፡ ያሳ ሃንቆይኔ ያሎ ፐርዳይ ቆንጨያ ጋላስ፡ ኔ ቦላ ፐርዳይ ዳራና ማላ አሳ።

6 ያሳይ ኢሱዋስ ኢሱዋስ ኢያ ኦሱዋ ማላ አማና።

7 ሎዖ ኦሶን ማኒዲ፡ ጋላታ፡ ቦንቸኔ ጻዮና ዳዑዋ ኮዬይሳታስ ያሳይ ማሪና ዳዑዋ አማና።

8 ሺን ባንታና ሲቆይሳታ፡ ቱማ አዳይሳታኔ ኢታባ አሳናው ኮዬይሳታ ቦላ ያሳ ሃንቆይኔ ፐርዳይ ያና።

9 ኢታባ ኦሊያ አሳ ኡባ፡ ኮይርቲዲ አይሁዳታ፡ ካሊዲ አይሁዳ ጊደና አሳ ማቶይኔ ዋዬይ ጋካና።

10 ሺን ያሳይ ሎዖ ኦሶ ኦሊያ ኡባስ፡ ኮይርቲዲ አይሁዳታስ፡ ካሊዲ አይሁዳ ጊደናይሳታስ ጋላታ፡ ቦንቸኔ ሳርቴፋ አማና።

11 ያሳይ ሶምዖ ቤዒዲ አሴ ሻኬና።

12 ሂጌይ ባይና ናጋራ ኦሊዳ ኡባይ ሂጌይ ባይና ጻያና። ሂጌይ ዳዒሺን፡ ናጋራ ኦሊዳ ኡባይ ሂጌይ ፐርዳይታና።

13 ያሳ ሲንሳን ያሌይሳቲ ሂጌ ናጌይሳታፔ አቲን ሂጌ ሲሳ ያላላ ሲዔይሳታ ጊደኮና።

14 ሂጌይ ባይና አይሁዳ ጊደና አሳይ ማዶን ሂጌይ ከቴይሳ ኦሎሶና። ኤንታው ያፌቲዳ ሂጌይ ባይና አዲኮካ ኤንቲ ባንታ ዋዛናን ሂጌያ ኤሪሶና።

15 ኤንታ ሃናታይ፡ ሂጌ ከታይ ኤንታ ዋዛናን ያፌቲዳይሳ ቤሴስ። ቃሲ ኤንታ ካሃይ ኤንታ ቦላ ማርካቴስ። ኤንታ ቆፋይ ኢሲ ኢሲ ቶሆ ኤንታና ባላ ጌስ፤ ኢሲ ኢሲ ቶሆ ኤንታና ሊኬ ጌስ።

16 ታ ታማርሲዳ ዋንጌላ ማላ ያሳይ ዩሱስ ከሪስቶሳ ባጋራ አሳ ዋዛናን ጌሚዳ ቆፋ ፐርዲያ ዋዴ ሂሲ ኤሬታና።

አይሁዳታኔ ኤንታ ሂጌያ

17 ሺን ኔ ኔና አይሁዳ ጋሳ፤ ሂጌን ዜምፓሳ፤ ያሳን ጨቃሳ።

18 ኔ ኦሳና ማላ ያሳይ ኮያባይ አይቤኮ ኤራሳ። ሂጌያ ታማሪዳ ጊሹ ቱማ ጊዲያባ ደራናው ኤራሳ።

19 ኔኒ ቆቁታ ካሌሌይሳ፡ ቃሲ ጳማን ዳዔይሳታስ ፖዖ ጊዴይሳ ሻካ ኤራሳ።

20 ኔኒ ሂጌያፌ ዳሚዳ ኤራቴላኒኔ ቱማቴላን ኤያታ ኤሪሴይሳኔ ዮጋታ ታማርሴይሳ ጊዴይሳ ኤራሳ።

21 ያቲን፡ ኔ ሃራታ ታማርሴይሲ ኔ ኔና አይስ ታማርሲኪ? ኔኒ፡ «ካይሶቶፓ» ጋሹ፡ ኔኒ ኔ ሁዔን ካይሶታዬ?

22 ኔኒ፡ «ላሞፋ» ጋሹ፡ ኔኒ ኔ ሁዔን ላማዬ? ኔኒ ኤቃ ኢፃሹ፡ ኤቃይ ዳዒያ ኬላ ቦንቃዬ?

23 ኔኒ ያሳ ሂጌያን ጨቁታሳ፡ ሺን ሂጌያስ ከቴቶና ኢፃዳ ያሳ ዩላያይ?

24 ጌሻ ማፃፋን፡ «ሂንቴ ጋሶን ያሳ ሱንሳይ አይሁዳ ጊደና አሳታን ጫዬቴስ» ጌቴቲዲ ያፌቲስ።

25 ኔ ሂጌስ ከቴቲኮ፡ ኔ ቃፃሬቴላስ ማዴይ ዳዔስ፡ ሺን ኔኒ ሂጌያስ ከቴቶና ኢዲኮ ኔ ቃፃሬቴላይ ቃፃሬቲቦና ማላ ጊዴስ።

26 አይሁዳ ጊደና አሲ ቃፃሬቶና ዳዒሹ፡ ሂጌያስ ከቴቲኮ፡ ያሳይ ኢያ ቃፃሬቲዳ ማላ ታይቤኔ?

27 ሂንቴ፡ አይሁዳ አሳቲ፡ ሂንቴው ያፌቲዳ ሂጌይኔ ቃፃርይ ዳዒሺን፡ ሂንቴ ሂጌስ ከቴቶና ኢዲኮ፡ አይሁዳ ጊደና አሳይ ቃፃሬቶና ኢዲኮካ ሂጌስ ከቴቲዲ፡ ሂንቴ ቦላ ፐርዳና። *

28 ሂዛ፡ ሱንሳን አይሁዳ ጊዲዳ ኡባይ ቱማ አይሁዳ ጊደና። ቃሲ ካሬ አሳቴላ ቃፃርይ ቱማ ቃፃር ጊደና።

29 ሺን ቱማ አይሁዳቴላ ጋላ ባጋን አይሁዳ ጊዴይሳ፡ ቱማ ቃፃሬቴላ ያሳ አያናን ኦሴቲያ ዋዛና ቃፃሬቴላፌ አቲን ያፌቲዳ ሂጌያን ኦሴቲያ አሳቴላ ቃፃር ጊደና። ሄ ኡራይ ጋላታ ያሳፌ ኤኬሲፔ አቲን አሳፔ ጊደና።

3

አይሁዳታ አማናና ኢዖ

1 ያቲን፡ አይሁዳ ጊደን አይ ደማቴላ ዳዒ? ዋይኮ ቃፃሬቴላን አይ ማዴይ ዳዒ?

2:6 ማዘ 62:12፤ ለሚ 24:12 2:11 ዛሬ 10:17 2:24 እሳ 52:5 * 2:27 ሂንቴ ቦላ ፐርዳና፡ ኤንታ ሃናታይ ዋይኮ ኤንታ ከቴቲላይ ሂንቴ ቦላ ፐርዳና። 2:29 ዛሬ 30:6

2 ተማካ አይሁዳ ገደይ ዳር ኦጌራ ማደስ። ኡባፌ ሲገሌ ያሳይ ባ ቃላ ሃዳራ አይሁዳታስ አሚሰ።

3 ያተን፣ ኤንታፌ ኢሶቲ ኢሶቲ ቃላ አማኖና ኢዪኮ፣ ኤንታ ኢያይ ያሳ አማኔቱላ ዲጊዬ?

4 ዲጊና! አሳ ኡባይ ዋርዳገቸ ገዲኮካ ያሳይ ቱማ ገደ። ጌሻ ማፃፋን፣

«ኔ ቃላን ኔ ዓላሳ፤ ኔና ሞቲይሳ ፐርዳን ላላሳ» ጌቲቲዲ ዓፌቲሰ።

5 ያተን፣ ኑ ናጋራይ ያሳይ ዓሎ ገደይሳ ቤሲያባ ገዲኮ፣ ኑ ዋይጋኔ? ያሳይ ኑ ናጋራ ገሾ ኑ ቦላ ፐርዲኮ፣ ሊኬ ገደኔዬ? ሃይሳ ታኒ አሳ ቆፋላ ጋይሰ።

6 ሄሲ ኡባራካ ሃኔና። ሄሳዳ ሃኒኮ፣ ያሳይ ሃ አላሚያ ቦላ ዋቲ ፐርዳኔ?

7 ሺን ታ ዋርደቱላይ ያሳ ቱማ ቆንጨሲዲ፣ ኢያ ቦንቹዋ ዳርሲ ቤሲያባ ገዲኮ፣ ያተን፣ አይሰ ታ ቦላ ናጋራገቸዳ ፐርደቲ?

8 ኢሲ ኢሲ አሳይ፣ «ሎይይ ያና ማላ ኢታ ኦሶስ» ያገዲ ታማርሲያዳ ኦሊዲ ታና ሞቶሶና። ሄሳ ማላ አሳ ቦላ ያ ያሳ ፐርዳይ ሊኬ።

አሲ ኡባይ ናጋራገቸ

9 ያተን፣ ኑኒ ዋይጋኔ? ኑ አይሁዳቲ፣ አይሁዳ ገደናይሳታፔ አጅኖዬ? ገደና! አይሁዳ ገዲን፣ አይሁዳ ገደና አዳን ኡባይ ናጋራገቸ ገደይሳ ታኒ ካሴታዳ ሂንቲው ኦዳሰ።

10 ጌሻ ማፃፋን፣ «ዓሎ አሲ ኢሶይካ ባዋ።

11 አኬኪያ አሲ ባዋ፣ ያሳ ኮያ ኦኒካ ባዋ።

12 አሳ ኡባይ ያሳሰ ዘኮ ዛሪደሶና፤ ኡባይ ኢሲፌ ፓሶናባ ገዲደሶና።

ሎዎ ኦሊያ ኦኒካ ባዋ፤ ኢሲ አሲካ ባዋ።

13 ኤንታ ደናፔ ኬያ ቃላይ፣ ደዬቲዳ ዱፎፔ ኬያ ዓንቆ ማላ፤ ባንታ አንፃርሳን ጨሞሶና።

ኤንታ ደናፔ አሴ ዋጂያ፣ ሾሻ ማርዘይ ኬዬሰ።

14 ኤንታ ደናን ጫሞ ኦዳይኔ ባዴላ ኩሚሰ።

15 ኤንቲ ሱሉ ጉሳናው ኤሌሶሶና።

16 ኤንታ ኦጊያን ጳዮይኔ ቆሆይ ዳዔሰ።

17 ኤንቲ ሳርቲላ ኦጊያ ኤርኮና።

18 ባንታ ዳዑዋን ያሳሰ ያዮኮና» ጌቲቲዲ ዓፌቲሰ።

19 አሴ ኡባ ደና ኦይላናውኔ ኩሚላ አላሚያ ያሳ ፐርዳፌ ጋርሳን ሺሻናው፣ ሂጌይ አሚቲዳይ ሂጌፌ ጋርሳን አቄይሳታስ ገደይሳ ኑ ኤርሰ።

20 ሄሳ ገሾ፣ ኦኒካ ሂጌሰ ከቲቲዲ ያሳ ሲንላን ዓላናው ዳንዳዳና። ሂጌይ አሲ ኡባይ ናጋራገቸ ገደይሳ ቤሴሰ።

ዓሎቱሉ አማኖና

21 ሺን ሃሲ ያሳይ አሲ ሂጌይ ባይናሺን ዓሊያ ኦጌ ቆንጨሲሰ። ሄ ኦጊያ ሙሴ ሂጌይኔ ናቤቲ ማርካቲደሶና።

22 ሃ ዓሎቱላ፣ ያሳይ ዬሱሰ ከሪሰቶሳ ባጋራ አሳ ኡባሰ ሻኮይ ባይና አሚሰ።

23 አሳ ኡባይ ናጋራ ኦሊደሶና፤ ያሳይ ኤንታው አሚዳ ቦንቹዋፌ ሃኪዲ አቲደሶና።

24 ሺን ኤንቲ ያሳ አጼ ኬሃቲላን፣ ዋዚያ ከሪሰቶሰ ዬሱሳ ባጋራ ጮ ዓሊደሶና።

25 ያሳይ ዬሱሰ ከሪሰቶሳ ያርሾ ኦሊዲ አሚዳይ፣ ኢያ አማኒያ ኡባይ ኢያ ሱላን ናጋራ ማርቲሉ ዳማና ማላሳ። ያሳይ ሄሳ ኦሊዲይ ባ ዳንዳዳን ካሴ ናጋራ ታይቦና አገዲ፣ ባ ዓሎቱላ ቤሳናሳ።

26 ሃሲ ዋዲያን ዬሱሳ አማኒያ ኡባ ዓሊሲዲ፣ ያሳይ ባ ሁዳን ዓሎ ገደይሳ ቤሴሰ።

27 ያተን፣ ኑ ጨቁቲያባይ አይቢ ዳዒ? አይቢካ ባዋ። ኑኒ ጨቁቲይ ሂጌሰ ከቲቲያ ገሾዬ? አካይ! አማኖ ገሾሳ።

28 ያሳይ አሴ ዓሊሴይ አማኖናፔ አቲን ሂጌሰ ከቲቲላን ገደናይሳ ኑ አኬኮሰ።

29 ዋይኮ ያሳይ አይሁዳታ ያላላ ያሴዬ? አይሁዳ ገደናይሳታስ ያሴ ገደኔዬ? ቱማ፣ አይሁዳ ገደናይሳታሰካ ኢ ያሴ።

30 ያሳይ ኢሶ፤ አይሁዳታኔ አይሁዳ ገደናይሳታ አማኖን ዓሊሴይ ኢያ።

3:4 ማዘ 51:4 3:10 ማዘ 14:1-3፤ 53:1-3 3:13 ማዘ 5:9፤ 140:3 3:14 ማዘ 10:7 3:15 ኢሳ 59:7-8 3:18 ማዘ 36:1 3:20 ማዘ 143:2፤ ጋላ 2:16 3:30 ዛሬ 6:4፤ ጋላ 3:20

31 ያተን፡ ኑኒ ሂጊያ አማኖ ገሾ ሻርሰ ጉሴዬ? ገዴና! ሂጊያ ሚንሶሲፔ ኣተን።

4

አብራሃሜይ አማኖን ዓሊስ

1 ያተን፡ ኑ ማይዛይ አብራሃሜይ ኣይ ደሚዳ?

2 አብራሃሜይ ኦሶን ዓሊዳባ ገዲያኮ፡ ኢ ጩቁቲያባይ ዳዔሰ፡ ገደሺን፡ ያሳ ሲንላን ጩቁታናው ዳንዳዔና።

3 ጌሻ ማፃፃፊ፡ «አብራሃሜይ ያሳ አማኒስ፤ ያሳይ ሄሳ ኢያው ዓሎቴሌ ኦሊዲ ኤኪስ» ያጌሰ።

4 ኦሊያ ኡራይ ኤኪያ ዳሞዜይ፡ ኢያ ኦሶ ዋልቃስ ጩቢቲያ ጋቲፔ ኣተን ኢያው ኢሞታ ገዴና።

5 ሺን ኦሶ ኦላና ኦኒካ ናጋራንቹዋ ዓሊሲያ ያሳ አማኒኮ፡ ኢያ አማኖይ ኢያው ዓሎቴሌ ገዲዲ ታይቤቴስ።

6 ጌሻ ማፃፃፊ ዳዋቲይ፡ ኦሶይ ባይና ያሳይ ዓሊሲያ ኣሳቲ ኣይ ሜላ ኣንጃቲዳኮ ሃይሳዳ ያገዲ ቆንጩሴስ።

7 «ኤንታ ባላይ ኣቶ ጌቲቲዳይሳቲኔ ኤንታ ናጋራይ ካሜቲዳይሳቲ ኣንጃቲዳይሳታ።

8 ጎዳይ ኢያ ናጋራ ታይቦና ኣሲ ኣንጃቲዳይሳ» ያጌሰ።

9 ያተን፡ ዳዋቲይ ኦዲዳ ኣንጃይ ቃፃራቲዳ ኣሳ ያላላሴዬ? ዋይኮ ቃፃራቲቦና ኣሳሴ? ኑኒ፡ «ጌሻ ማፃፃፊ፡ ለአብራሃሜይ ያሳ አማኒስ፤ ያሳይ ሄሳ ኢያው ዓሎቴሌ ኦሊዲ ኤኪስ» ያጌሰ። ገዴና።

10 ያተን፡ ሄሲ ኣዉዴ ሃኒዴ? አብራሃሜይ ቃፃራቲኔዬ? ዋይኮ ቃፃራቶና ዳዒሺኔ? ቃፃራታናፔ ሲንሌ ሃኒሲፔ ኣተን ጉዬ ገዴና።

11 አብራሃሜይ ቃፃራታናፔ ሲንሌ ኢያ አማኖይ ኢያው ዓሎቴሌ ገዲዲ ታይቤቴዳይሳ ኤሪሳናው፡ ኢያ ቃፃርይ ማላታ ገዲሲ። ሄሳ ገሾ፡ አብራሃሜይ ቃፃራቶና አማኔይሳታሲ ኣማኖን ዓሊይሳታ ኡባስ ኣዋ ገዲሲ።

12 ኢ ቃፃራቲዳይሳታሲ ኣዋ። አብራሃሜይ ኤንታው ኣዋ ገዲዲይ ኤንቲ ቃፃራቲዳ ገሾ ያላላሰ ገደናሺን ኢ ቃፃራታናፔ ሲንሌ አማኒዳ አማኑዋ ኤንቲ ካሊዳ ገሾሳ።

ያሳ ኡፋይሳይ አማኖን ኤኬቴስ

13 አብራሃሜይ ኢያ ሺሻሰ፡ «ኣላሚያ ታ ሂንቲው አማኖ» ያገዲ ኡፋይሳይ፡ አብራሃሜይ አማኖን ዓሊዳ ገሾሳፊ ኣተን ሂጌ ናገዲ ፖሊዳ ገሾ ገዴና።

14 ሂጌስ ከቲቲዳይሳቲ ያሳይ አማኖ ገዳ ኡፋይሳ ላታኤይሳታ ገዲኮ፡ ኣሳ አማኖይ ማዴና፤ ያሳ ኡፋይሳይካ ሃዳ ገዲሲ።

15 ሂጌ ሜንሳይ ያሳ ሃንቆ ኤሄስ፡ ሺን ሂጌይ ባይናሶን ሂጌ ሜንሳይ ባዋ።

16 ሄሳ ገሾ፡ ያሳይ ኢሚዳ ኡፋይሳይ አማኖን ኤኬቴስ። ሃ ኡፋይሳይ አብራሃሜ ሺሻ ኡባስ ያሳ ኣጵ ኬሃቴላ ባጋራ አሜቲዳይሳ ቆንጩሴስ። ሄሲካ ሂጌ ናገይሳታ ያላላሰ ገደናሺን አብራሃሜዳ አማኒዳ ኡባሳ። አብራሃሜይ ኑ ኡባስ ኣዋ።

17 ጌሻ ማፃፃፊ፡ «ታ ኔና ዳር ካዋቴላታስ ኣዋ ኦላስ» ጌቲቲዲ አብራሃሜ ገሾ ያፌቲስ። ሃ ኡፋይሳይ አብራሃሜስ አሜቲዳይ ሃይቁዳይሳታስ ዴዎ አሜይሲኔ ኦራሳባ ኦሊያ ያሳይ ኢያ ገዴይሳ ኢ አማኒዳ ገሾሳ።

18 ያሳይ አብራሃሜስ ዳር ዜሬሌ አማናይሳ ጫቁስ። ኡፋይሲ ኦላናው ኣይኮካ ዳንዳዔቶና ዋዴ አብራሃሜይ ያሳን አማኒዳ ገሾኔ ኡፋይሲ ኦሊዳ ገሾ ዳር ካዋቴላታስ ኣዋ ገዲሲ።

19 አብራሃሜስ ያቲ ላይሌ ኩማና ሃኒኮካ፡ ባ ዳቡራዳ ኣሳቴላኔ ሳራ ናባ ዬላናው ዳንዳዎይሳ ኤሪሺ ባ አማኑዋን ዳቡሪቤና።

20 ገደሺን፡ ኢ ባ አማኑዋን ሚኒዲ ያሳስ ቦንቾ አሚሰፔ ኣተን ያሳይ ኢሚዳ ኡፋይሳ አማኖና ኢዲዳ፡ ሲዲቤና።

21 አብራሃሜይ፡ ያሳይ ጫቁዳ ጫቁዋ ፖላናይሳ ባ ኩሜላ ዋዛናን አማኒስ።

22 ሄሳ ገሾ፡ ያሳይ ኢያ አማኑዋ ዓሎቴላን ታይቤሲ።

23 ሺን፡ «ኢያው ዓሎቴላን ታይቤሲ» ገያ ቃላይ አብራሃሜ ያላላሰ ያፌቲቤና።

4:3 ሜዴ 15:6፤ ጋላ 3:6 4:7 ማዘ 32:1-2 4:11 ሜዴ 17:10 4:13 ሜዴ 17:4-6፤ 22:17-18፤ ጋላ 3:29 4:14 ጋላ 3:18 4:16 ጋላ 3:7 4:17 ሜዴ 17:5 4:18 ሜዴ 15:5 4:19 ሜዴ 17:17

24 ህ ቃላይ ኑ ጎዳ ዩሱሳ ሃይቆፔ ደንሉዳ ያሳ አማኒያ ኑሰካ ኑ አማናይ ያሎቴላን ታይቤታና ሜላ ዓፊተሰ።

25 ያሳይ ኢያ ኑ ናጋራ ጊሾ ሃይቆስ አሉዲ ኢሚስ፤ ኢ ኑና ያሊሳናው ሃይቆፔ ደንዲሰ።

5

ያሳን ደዒያ ሳርቴላ

1 ሃዛ፡ ኑ አማኖን ያሊዳ ጊሾ ኑ ጎዳ ዩሱስ ኪሪስቶስ ሳጋራ ያሳራ ኑስ ሳርቴላ ደዔስ።

2 ኑኒ ኢያ ሳጋራ ሃዒ ኑ ኤቁዳ አቶ ከሃቴላ ገዳ አማኖን ጌሊዳ። ሄሳ ጊሾ፡ ኑ ያሳ ሰንቸዋ ሻኬታናው ደዒያ ኡፋይሳን ጨቁቶሰ።

3 ሄሳ ዓላላ ገደናሺን ሜቶይ ዳንዳዓ ኤሄይሳ ኑ ኤሪያ ጊሾ ኑ ማቱዋንካ ጨቁቶሰ።

4 ቃሲ ዳንዳዓይ ጌንጫ፣ ጌንጫይ ኡፋይሲ ኢሜይሳ ኑ ኤርሰ።

5 ኑስ ኢሚዳ ጌሻ እያና ሳጋራ ያሳይ ባ ሲቁዋ ኑ ዋዛናን ጉሲዳ ጊሾ ሄ ኡፋይሳይ ኑና ዩላዬና።

6 ኑኒ ቡር ዳቡራንቸታ ገዲዲ ደዒሺን፣ ያሳ ዋዳይ ጋኪን፣ ኪሪስቶሲ ናጋራንቸታ ጊሾ ሃይቁሰ።

7 ያሎ አሳ ጊሾ ሃይቃና አሲ ደማናይሲ ዳር ሜቶ፣ ሺን ከሃ አሳ ጊሾ ሃይቃና አሲ ኦሪ ቤንቶና አጌና።

8 ሺን ኑኒ ቡር ናጋራንቸ ገዲዲ ደዒሺን፣ ኪሪስቶሲ ኑ ጊሾ ሃይቁሰ። ሄሲ ያሳይ ኑና አይ ሜላ ሲቁያኮ ኢያ ሲቁዋ ቤሱስ።

9 ሃዛ፡ ኑኒ ኪሪስቶሳ ሱላን ያሊዳባ ገዲኮ፣ ኡባፌ አሉዲ ኢያ ሳጋራ ያሳ ሃንቁዋፌ አታና።

10 ኑኒ ያሳራ ካሴ ሞርኬ፣ ሺን ኢያ ናዓ ሃይቁዋን ኢያራ ሲጌቲዳ። ሄሳፌ አሉዲ፣ ሃዒ ኑኒ ያሳራ ሲጌቲዳ፤ ጉዬ ኢያ ናዓ ዳዑ ሳዑ ጋሶን ኑኒ አታና።

11 ሄሳ ዓላላ ገደናሺን ሃዒ ኑና ያሳራ ሲጌሉዳ ኑ ጎዳ ዩሱስ ኪሪስቶሳ ሳጋራ ኑ ያሳን ጨቁቶሰ።

አዳሜኔ ኪሪስቶሳ

12 አዳሜ ሳጋራ ናጋሪ ሃ አላሚያ ጌሊሰ። ሄ ናጋራ ሳጋራ ሃይቆይ ዩሰ። አሲ ኡባይ ናጋራ ኦሉዳ ጊሾ ሃይቆይ አሳ ዛሬ ኡባ ጋኪሰ።

13 ሂጌይ ኢሜታናፔ ሲንሌ አላሜን ናጋሪ ደዔስ፣ ሺን ሂጌይ ባይና ዋዳ ናጋሪ ናጋሪ ገዲዲ ታይቤቲና።

14 ሺን አዳሜፔ ሙሴ ጋካናው ሃይቆይ አሳ ኡባ ሃሪሰ። ሃሪ አቶሺን፣ አዳሜዳ ሂጌስ ኪቲቶና አዳዲ፣ ናጋራ ኦሉቦናይሳታ ቦላካ ሃይቆይ ካዋቲሰ። አዳሜይ ያና ዩሱሳስ ለሚሶ።

15 ሺን ያሳ አቶ ከሃቴላይ አዳሜ ናጋራ ሜላ ገደና። ኢሲ አሳ ናጋራ ሳጋራ ዳር አሳይ ሃይቁሰ። ሺን ዩሱስ ኪሪስቶሳ ሳጋራ ያሳ አቶ ከሃቴላይ አሳ ኡባስ ዳሪዲ ኢሜቲሰ።

16 አዳሜ ናጋራ ገደኒኔ ያሳ አሞታ ገደን ዳር ዳሚቴላ ደዔስ። ኢሲ አሳ ናጋራ ጋሶን ያሳይ ኢያ ቦላ ፐርዲሰ። ሺን አሳይ ዳር ናጋራ ኦሉንካ ያሳ አቶ ከሃቴላይ ያሎቴላ ኤሂሰ።

17 ኢሲ አሳ ናጋራ ጋሶን ሃይቆይ አሳ ኡባ ቦላ ካዋቲሰ። ሺን ዩሱስ ኪሪስቶሳ ሳጋራ ያሳ አቶ ከሃቴላይ ያሎቴላ አሞታ ኤኪያ ኡባይ፣ ያና ደዎን ደዎሶና።

18 ሃዛ፡ ኢሲ አሲ ናጋራ ኦሉዳ ጋሶን አሳ ኡባ ቦላ ፐርዲ ዩዳይሳዳ ኢሲ አሲ ያሎ ኦሉዳ ጋሶን፣ ያሳይ አሴ ኡባ ያሊሲዲ ኤንታው ደዎ ኢሜሰ።

19 ኢሲ አሲ ኪቲቶና አዳዳ ጋሶን፣ ዳር አሳይ ናጋራንቸ ገዲዳይሳዳ ኢሲ አሳ ኪቲቶላን ዳር አሳይ ያላና።

20 አሳይ ናጋራ ዋልቃ ኤራና ሜላ ሂጌይ ዩሰ። ሺን ናጋራ ዋልቃይ ዳሪዳ ዋዳ ያሳ አቶ ከሃቴላይ አቋዲ ዳሪሰ።

21 ናጋሪ ሃይቆ ዋልቃን ካዋቲዳይሳ ሜላ ያሳ አቶ ከሃቴላይ ያሎቴላ ዋልቃን ካዋቲዲ፣ ኑ ጎዳ ዩሱስ ኪሪስቶሳ ሳጋራ ኑና ሜሪና ደዑዋኮ ካሌሌሰ።

6

ናጋራስ ሃይቁዲ ኪሪስቶሳን ደዎ

1 ያጉን፣ ኑኒ ዋይጋኔ? ያሳ አቶ ከሃቴላይ ዳራና ሜላ ናጋራን ሚኒዲ ደዒኖ?

2 አካይ፣ ኑኒ ናጋራስ ሃይቁዳባ ገዲኮ፣ ያጉን፣ ኑኒ ሂዛፔ ዋኒዲ ናጋራን ዳኔ?

3 ኑ ኡባይ ኪሪስቶስ ዩሱሳራ ኢሲፋናው ፃማቁቲዳ ዋዳ ኢያ ሃይቁዋን ኢያራ ኢሲፋናው ፃማቁቲዳይሳ ኤሬኬቲዬ?

4 ኑ ፃማቁቲዳ ዋዴ ከሪስቶሳራ ሃይቁዳኔ ሞጌቲዳ። ከሪስቶሲ ያሳ አዋ ቦንኛ ዋልቃን ሃይቆፔ ዴንዲዳይሳ ማላ ኑካ ኦራሳ ዴንጎ ዳና።

5 ኑ ኢያ ሃይቁዋን ኢያራ ኢሲኖ ገዲኮ፣ ሄሳዳካ፣ ኢያ ዴንዲዋን ኢያራ ኢሲኖ ገዳና።

6 ኑ ሂዛፔ ናጋራስ አይሌ ገዶና ማላኔ ኑ ናጋራንኛ አሳቲላ ዋልቃይ ጳያና ማላ ኑ ጨማ አሳቲላይ ከሪስቶሳራ ካቁቲዳይሳ ኤርስ።

7 ኢሲ አሲ ከሪስቶሳን ሃይቁዳባ ገዲኮ፣ ኢ ናጋራ ዋልቃፌ ላሳ ከዩስ።

8 ኑኒ ከሪስቶሳራ ሃይቁኮ፣ ኢያራ ዴንጎ ዳናይሳ አማናሲ።

9 ከሪስቶሲ ሃይቆፔ ዴንዲዳ ገሾ ዛሪ ኢ ሃይቆናይሳኔ ሃይቆይ ሲንላፌ ኢያ ሃርናይሳ ኑ ኤርስ።

10 ኢ ሃይቁዳ ዋዴ ናጋራስ ኢሲ ቶሆ ጠርሴሌ ጋካናው ሃይቁስ፣ ሺን ሃላ ዴንጎ ያሳስ ዴዔስ።

11 ሄሳዳካ፣ ሂንቲ ናጋራስ ሃይቁዲ፣ ጎዳ ከሪስቶስ ዩሱሳ ሳጋራ ያሳስ ዴንጎ ዴዔይሳ ቆፒቲ።

12 ሄሳ ገሾ፣ ሂንቲ፣ ሂንቲ አሳቲላ አውዋስ ከቲቶና ማላ ሃይቁያ ሂንቲ አሳቲላ ናጋሪ ሃርፖ።

13 ቃሲ ሂንቲ አሳቲላ ናጋራ ኦላናው ጌላቲላ ማሼ ኦሊዲ አሞፊቲ። ሺን ሂንቲ ሃይቆፔ ዴንዲዲ፣ ዴንጎ ዴዔያ አሳዳ ሂንቲ አሳቲላ ያሳስ አማቲ። ቃሲ ሂንቲ ኩሜላ አሳቲላ ዓሎ ኦሶ ኦላናው ያሳስ አሊ አማቲ።

14 ሂንቲ ያሳ አቆ ከሃቲላ ጋርሳን ዴዔታፔ ኦቲን ሂንፊ ጋርሳን ዴያና ገሾ ናጋሪ ሂንቲና ሃራናው ቤሴና።

ዓሎቲላ አይሌ

15 ያቲን፣ ኑ ዋይጋኔ? ሂንፊ ጋርሳን ገዶናሺን ያሳ አቆ ከሃቲላ ጋርሳን ዴዔያ ገሾ ናጋራ ኦላኔዬ? አካይ!

16 ሂንቲ ኢሲ አሳስ ከቲታናው ሂንቲና አይሌ ኦሊዲ አማያ ዋዴ ሄ ሂንቲ ከቲቲይሳስ አይሌ ገዴይሳ ኤሪታ። ሄሳዳካ፣ ሂንቲ ናጋራስ ከቲቲኮ፣ ሂንቲው ሃይቆ ኤሂያ ናጋራስ አይሌ ገዴታ። ዋይኮ ሂንቲ ያሳስ ከቲቲኮ ዓሎቲላ ኤሂያ ያሳስ አይሌ ገዴታ።

17 ካሴ ሂንቲ ናጋራስ አይሌ፣ ሺን ሃላ ሂንቲ ኤኪዳ ቲማ ቲማርቲያስ ኩሜላ ዋዛናፔ ከቲቲዳ ገሾ ያሳስ ጋላቲ ገዴ።

18 ሂንቲ ናጋራ አይሌቲላ ቃሾፔ ቢሌቲዲ ዓሎቲላ አይሌ ገዴዴታ።

19 ሂንቲ ሂንቲ ቆፋን ዳቡራንኛ ገዴያ ገሾ ታኒ ኦዴሰካ ጌሊያ ኦጌን ኦዴይስ። ካሴ ሂንቲ፣ ሂንቲ አሳቲላ ቲናኔ ኢታባ ኦላናው አይሌ ኦሊዲ አማዳይሳ ማላ ሃላ ሂንቲ አሳቲላ ጌሺ ገዳና ማላ ዓሎቲላ አይሌ ኦሊዲ አማቲ።

20 ሂንቲ ናጋራስ አይሌቲዲ ዴዔያ ዋዴ ዓሎቲላስ ሃሪቲኬታ።

21 ሂንቲ ሃላ ዩላያ ቤኒ ሂንቲ ኢታ ኦሱዋፔ አይ ማዴ ዴማዴቲ? ሄ ኦሶታ ጠርሴላይ ሃይቆ።

22 ሺን ሂንቲ ናጋራ አይሌቲላ ቃሾፔ ቢሌቲዲ፣ ያሳስ አይሌ ገዴዴታ። ሄሲ ሂንቲና ጌሺ ኦሊዲ ማሪና ዴዐዋኮ ካሌሌስ።

23 ናጋራ ጋቲይ ሃይቆ። ሺን ያሳይ፣ ኑ ጎዳ ከሪስቶስ ዩሱሳ ሳጋራ አማያ አሞታይ ማሪና ዴያ።

7

ኤኮ ጌሎ ለሚሶ

1 ታ አሻቶ፣ ታኒ ኦዴይ ሂን ኤሪያ አሳታሳ። ሂንይ ኢሲ አሲ ጋያ ዴዔያ ዋዴ ኡባን ኢያ ሃሪስ።

2 ለሚሶስ፣ አዚና ጌሊዲ ማጫሲያ ኢ አዚና ጋያ ዴዔያ ዋዴ ሂንን ኢያራ ቃሹታስ። ሺን ኢ አዚናይ ሃይቁኮ ኢያራ ኢያ ጫቁዳ ጫቆይ ኢያ ሃሪና።

3 ሄሳ ገሾ፣ ኢያ ባ አዚናይ ጋያ ዴዔሺን፣ ሃራ አዴ ጌሊኮ፣ ኢያ ላሚዳር ጌቲታዉስ። ሺን ኢ አዚናይ ሃይቁኮ፣ ጫቆይ ኢያ ሃርና ገሾ ኢያ ሃራ አዚና ጌሊኮ፣ ኢያ ላሚዳር ጌቲቲኮ።

4 ሄሳ ገሾ፣ ታ አሻቶ፣ ሂንቲ ከሪስቶሳ አሳቲላ ሳጋራ ሂን ዋልቃስ ሃይቁዲ፣ ያሳስ አይፊ አይፋናው ሃይቆፔ ዴንዲዳ ከሪስቶሳስ ገዴዴታ።

5 ኑ አሾ አሞይ ኑና ሃሪን፣ ኑ ዴዔያ ዋዴ ሂንይ ጉጂ ናጋራ ኦላና ማላ ኑና ዴንጫሴስ። ኑ አሳቲላ ገዴን ኢታ አሞቲሊ ዴዔያ ገሾ ኑኒ ሃይቆ አይፊ አይፋና ማላ ኦሊስ።

6 ሺን ሃላ ኑኒ ኑና ቃቺዳ ሂንያስ ሃይቁዳ ገሾ ኑኒ ሂን ቃሾፔ ቢሌቲዲ። ሄሳ ገሾ፣ ጌሻ አያና ኦጌን ያሳስ ከቲቶሲፔ ኦቲን ዓፊቲዳ ጨማ ሂንያስ ከቲቶኮ።

ሂጌኔ ናጋራ

7 ያቲን፣ ኑኒ ዎይጋኔ? ሂጌይ ባ ሁጋን ናጋራ? ገደና! ሸን ሂጌይ ናጋሪ አይቤኮ ታና ኤሪሲስ። ሂጌይ፣ «አሞቶፋ» ጎናኮ፣ አሞቱሌ አይቤኮ ታኒ ኤሪኬ።

8 ሸን ታ ኡባባ አሞታና ማላ ናጋሪ ሂጌ ባጋራ ታናን ኦጌ ዴሚስ። ሂጌይ ባይኔኮ ናጋሪ ሃይቁዳይሳ።

9 ካሴ ሂጌይ ባይና ዎዴ ታ ፓፃ፣ ሸን ሂጌይ አሜቲዳ ዎዴ ናጋሪ ፓፂን ታ ቃሲ ሃይቃሲ።

10 ታኒ ዴዎን ዳና ማላ ያሳይ አሚዳ ሂጌይ ታው ሃይቆ ኤሂስ።

11 ናጋሪ ሂጌ ባጋራ ታና ጨሚያ ኦጌ ዴሚዲ፣ ዎጲስ።

12 ሄሳ ገሾ፣ ሂጌይ ጌሽ፤ አያን ፃፊቲዳ ከታይካ ጌሽ፣ ሂሎኔ ሎዎ።

13 ያቲን፣ ሎዎ ገዲዳባይ ታ ቦላ ሃይቆ ኤሂዴዎ? ገደና! ሸን ናጋሪ ናጋሪ ገዴይሲ ቆንጫና ማላ ሎዎባን ማዳቲዲ ታው ሃይቆ ኤሂስ። ሄሳ ገሾ፣ ናጋሪ ናጋራቴላይ ሂጌ ባጋራ አጲዲ ኤሬቲስ።

14 ኑኒ ሂጌይ አያናባ ገዴይሳ ኤሮስ። ሸን ታኒ ናጋራስ ባይዜቲዳ አሾ አሲ።

15 ታኒ ኦሊያባ አኩከኬ፤ ታኒ ደሲያባ ኦላናይሳ አጋዳ ታ ኢዲያባ ኦላይስ።

16 ታኒ ኢዲያባ ኦሊያባ ገዲኮ፣ ሂጌይ ሎዎ ገዴይሳ ማፃይስ።

17 ሄሳ ገዲኮ፣ ሄ አሹዋ ታናን ዴዲያ ናጋራይ ኦላይሲፔ አቲን ታ ኦሊኬ።

18 ታናን፣ ሄሲካ ታ አሹዋን ሎዎባይ ባይናይሳ ኤራይስ። ሎዎባ ኦሊያ አሞቱሌ ታናን ዴዴስ፣ ሸን ሎዎባ ኦላናው ዳንዳዲኬ።

19 ታኒ ኢዲያ ኢታባ ኦላይሲፔ አቲን ታ ደሲያ ሎዎባ ኦሊኬ።

20 ታኒ ኢዲያባ ኦሊያባ ገዲኮ፣ ሄሳ ታናን ዴዲያ ናጋራይ ኦሊሲፔ አቲን ኦሊይ ታና ገዲኬ።

21 ሂዛ፣ ታ ሎዎባ ኦላናው ደሲሸን፣ ኢታባ ኦሊይ ዎጋ ገዴይሳ ዴማስ።

22 ታኒ ታ ዎዛናን ያሳ ሂጌያን ኡፋይታይስ።

23 ሸን ታ አሳቴላ ገደን ዴዲያ ታ ቆፋ ሂጌያራ ኦሊቲያ ዲማ ሂጌ ቤዓይስ። ሄ ሂጌይ ታ አሳቴላ ገደን

ኦሊያ ናጋራ ሂጌያስ ታና አይሌ ኦሊዲ አሚስ።

24 ታኒ ዎኒዳ ዪባታ አሴ? ሃይቆስ ኤፊያ ሃ አሳቴላፊ ታና አሻናይ ኦኔ?

25 ኑ ጎዳ ዬሱስ ኪሪስቶሳ ባጋራ ታና አሸያ ያሳስ ጋላቲ ገደ።

ሂዛ፣ ታኒ ታ ቆፋን ያሳ ሂጌያስ ሃሬታይስ፤ ሸን ታ አሳቴላን ታና ናጋራ ኦሲሲያ ሂጌያስ ሃሬታይስ።

8

ጌሻ አያናን ዴዎ
1 ሄሳ ገሾ፣ ኪሪስቶስ ዬሱሳን ዴዴይሳቲ ሃዲ ፐርዴቶኮና።

2 ኪሪስቶስ ዬሱሳ ባጋራ ኑስ ዴዎ አሚያ ጌሻ አያና ሂጌይ፣ ታና ናጋራኔ ሃይቆ ሂጌ አይሌቴላፊ ኬሲስ።

3 ኑ ናጋራ አሳቴላ ጋሶን፣ ሂጌይ ዳቡራንሻ ገዲያ ገሾ ኑና አሻናው ዳንዳዲቤና። ያሳይ ባ ናባ ናጋራንሻ አሳ ለሚሶን ናጋራስ ያርሾ ገዳና ማላ ከቲዲ ሄሳ ኦሊስ። ያቲዲ፣ ያሳይ ኪሪስቶሳ አሹዋ ባጋራ ናጋራ፣ ናጋራንሻ አሳ ገደን ፐርዲስ።

4 ያሳይ ሄሳ ኦሊዲይ፣ ኑ አሾ አሞይ ኮዬይሳዳ ገደናሸን ጌሻ አያናይ ኮዬይሳዳ ዴዲያ ኑ ቦላ ሂጌያ ሂሎ ከታይ ፖሌታና ማላሳ።

5 ባንታ አሾ አሙዋ ካሊዲ ዴዴይሳቲ ባንታና ኡፋይሲያባ ቆፖሶና። ሸን ጌሻ አያና ሹኔን ዴዴይሳቲ ጌሻ አያና ኡፋይሲያባ ቆፖሶና።

6 ኑ ቆፋይ አሾ አሞስ ሃሬቲኮ ሃይቆ ኤሂስ፣ ሸን አያና አሞስ ሃሬቲኮ ዴዎኔ ሳሮቱሌ ኤሂስ።

7 አሾ አሞስ ሃሬቲያ አሲ ያሳ ሂጌያስ ከቲታናው ኮዮና ገሾኔ ከቲታናው ዳንዳዎና ገሾ ያሳራ ዋርኬ።

8 ባንታ አሾ አሙዋስ ሃሬቲይሳቲ ያሳ ኡፋይሳናው ዳንዳዎኮና።

9 ሸን ያሳ አያናይ ሂንቴናን ዴዲኮኔ ሂንቴና ሃሪኮ፣ ሂንቴ አያና ሹኔን ዴዴታፔ አቲን ሂንቴ አሾ አሙዋስ ሃሬቲኬታ። ኪሪስቶሳ አያናይ ባይና ኦኒካ ኪሪስቶሳባ ገደና።

10 ሸን ኪሪስቶሲ ሂንቴናን ዴዲኮ፣ ሂንቴ አሳቴላይ ናጋራ ጋሶን ሃይቁዳይሳ። ሸን ሂንቴ አያናይ ሂሎቴላ ጋሶን ዴዎን ዴዴስ።

11 ሺን ዬሱሳ ሃይቆፔ ዴንሊዳ ያሳ አያናይ ሂንቴናን ዴዒኮ፡ ኪሪሰቶሳ ሃይቆፔ ዴንሊዳ ያሳይ፡ ሂንቴናን ዴዒያ ባ ጌሻ አያናን ሃይቁያ ሂንቴ አሳቴላሰ ዴፆ ኢማና።

12 ሂዛ፡ ታ ኢሻቶ፡ ኑኒ ኑ አሾ አሙዋ ካሊዲ ዳናው ቤሴና።

13 ሂንቴ፡ ሂንቴ አሾ አሙዋሰ ዴዒኮ ሃይቃና፡ ሺን ጌሻ አያና ዋልቃን ናጋራ ኦሱዋ ዋዲኮ ሂንቴ ዴፆን ዳና።

14 ያሳ አያናይ ካሌሊያ ኡባይ ያሳ ናይታ።

15 ኑኒ፡ «አባ፡ ታ አዋው» ያጊዲ ጭጊያ፡ ያሳ ናይታ ኦሊያ ጌሻ አያና ኤኪዳፔ አተን ዛሪዲ ያሻን ዳናው አይሌ ኦሊያ አያና ኤኪኮኮ።

16 ያሳ አያናይ ኑ አያናራ ጊዲዲ ኑኒ ያሳ ናይታ ጊዴይሳ ማርካቴሰ።

17 ኑኒ ኢያ ናይታ ጊዲኮ ያሳ አንጂዋ ላታና፤ ኪሪሰቶሳራ ዋላ ሄ አንጂዋ ላታና። ቃሲ ኑኒ ኪሪሰቶሳራ ማቲዋ ኤኪኮ ኢያራ ዋላ ኢያ ቦንቹዋን ሻኪታና።

ያና ቦንቹዋ

18 ኑኒ ሃዒ ዋዬቲያ ዋያ፡ ሲንሳፌ ኑሰ ቆንጫና ቦንቹዋራ ጋላ ቤዒኮ፡ ጊኒሳናው ዳንዳዔቴና ጋዳ ቆፓይሰ።

19 ማዴቴላ ኡባይ ያሳ ናይታ ቆንጮላ ዳር ላሞቲዲ ናሳሶና።

20 ማዴቴላ ኡባይ ሃዳ ጊዲሰ፤ ሄሲካ፡ ማዴቴላ ዳርን ጊዳናሺን ኡፋይሳን ናጋና ማላ ኦሊዳ ያሳ ሼኔን ሃኒሰ።

21 ማዴቴላይ ባ ሁዔን ጳዮ አይሌቴላፌ ዋዜቲዲ፡ ያሳ ናይታራ ዋላ ቦንቹ ላዓ ሻኪታና።

22 ማዴቴላይ ኢሲፌ ሃና ጋካናው ማፆይ ኦይኪዳ ማጫሳዳ ኦሌኒኔ ኡንዓን ዴዒይሳ ኑ ኤርሰ።

23 ቃሲ ሄሳ ማዴቴላ ዓላላ ጊዳናሺን ጌሻ አያና ባይራ ኢሞታዳ ኤኪዳ ኑኒ፡ ኑ ሁዔን ኑ አሳቴላሰ ዋዜ ጊዲዳ ያሳ ናይታ ጊዳና ኡፋይሳ ናጊሼ ኑ አሳቴላን ኦሎሰ።

24 ሃ ኡፋይሳን ኑኒ አቲዳ። ሺን ኑኒ ኡፋይሲ ኦሊያባይ ቤንቴያ ጊዲኮ ሄሳ ኑኒ ኡፋይሲ ኦሊ?

25 ሺን ኑ ቤዖናባ ዴማና ጊዲ ኡፋይሳን ናጊኮ ሄሳ ዳንዳዓን ናሳሰ።

26 ሄሳዳ ጌሻ አያናይ ኑ ዳቡራን ማዴሰ። ኑኒ ያሳ ዋቲ ዋሳናው ቤሲያኮ

ኤርኮ፡ ሺን ጌሻ አያናይ ባ ሁዔን፡ ኢሲ ኦዳናው ዳንዳዔቶና ቃላን ኑሰ ጋናቴሰ።

27 ቃሲ አሳ ዋዛና ኤሪያ ያሳይ ጌሻ አያና ቆፋይ አይቤኮ ኤሬሰ። ጌሻ አያናይ ያሳ ሼኒያዳ ጌሻታሰ ጋናቴሰ።

28 ያሳ ሲቁይሳታሲ ኢያ ሼኒያዳ ጭጊቲዳይሳታሰ ያሳይ ኡባ ሎዖሰ ኦሊይሳ ኤርሰ።

29 ያሳይ ኮይሮቲዲ ኤሪዳይሳቲ ባ ናዓ ዳናና ማላኔ ናዓይካ አማኔይሳታ ጊዳን ባይራ ጊዳና ማላ ኤንታ ዲማዪዲ ዋሊሰ።

30 ያሳይ ኮይሮቲዲ ዲማዪዳይሳታ ጭጊሰ፤ ሄ ጭጊዳይሳታ ጂሊሲሰ፤ ሄ ጂሊሲዳይሳታ ቃሲ ቦንቹሰ።

ያሳ ሲቁዋ

31 ያቲን፡ ኑ ሃ ኡባሰ ዋይጋኔ? ያሳይ ኑ ባጋ ጊዲኮ ኑራ ኦኔ ኤቁታናይ?

32 ኢ ሃሪ አቶሺን፡ ባ ናዓሰ ቃዴቶናሺን፡ ኑ ጊሾ አሊ አሚሰ። ያቲን፡ ባ ናዓ ኑሰ አሊ አሚዳይሲ ዋኒዲ ኡባባ ጮ አሚኔ?

33 ያሳይ ኤንታና ጂሊሲዳ ጊሾ ኢ ዳሪዳይሳታ ኦኔ ሞታናይ?

34 ያቲን፡ ኤንታ ቦላ ፐርዳናው ዳንዳዔና ኦኔ? ኦኒካ ባዋ። ሃይቆፔ ዴንዲዲ ያሳ ኡሻቻን ኡቲዳ፡ ኪሪሰቶሰ ዬሱሲ፡ ኢ ኑሰ ጋናቴሰ።

35 ሂዛ፡ ኑና ኪሪሰቶሳ ሲቁዋፔ ሻካናይ ኦኔ? ዋዬዬ ዋይኮ ማቶዬ ዋይኮ ጎዴዬ ዋይኮ ኮሼዬ ዋይኮ ካሎቴሌዬ ዋይኮ ያሼዬ ዋይኮ ኦሊዬ?

36 ጌሻ ማፃፃን፡ «ኑኒ ኔ ጊሾ ጋላሳ ኩሜላ ሃይቆሰ፤ ሹካሰ ኤፊያ ዳርሳዳ ታይቤቲዳ» ጌቴቲዲ ያፊቲዳይሳ ማላ ጊዲሰ።

37 ሺን ኑኒ፡ ኑና ሲቁዳ ኪሪሰቶሳን ሃ ኡባ ፖሎ ዮናሰ።

38 ሄሳ ጊሾ፡ ሃይቆ ጊዲን ዴፆ ጊዲን ከታገቾታ ጊዲን ሃሪይሳታ ጊዲን ሃዒ ዴዒይሳ ጊዲን ሲንሳፌ ያናይሳ ጊዲን ዋልቃማታ ጊዲን፡

39 ሳሎ ዋልቃ ጊዲን ሳዓ ዋልቃ ጊዲን አይ ማዴቴሊ ጊዲን ኑ ጎዳ፡ ኪሪሰቶሰ ዬሱሳን ዴዒያ ያሳ ሲቁዋፔ ኑና ሻካናው ዳንዳዖናይሳ ታኒ ኤራሰ።

9

ኢስራዔሌታ ደራቴላ

1 ታኒ ኪሪሰቶሳን ቱማ ኦዳይስ፡፡ ሞርዶቲኬ። ጌሻ ኣያናይ ካሌሊያ ታ ካሃይ ታኒ ሞርዶቶናይሳ ታው ማርካቲስ።

2 ታ ሞዛናን ኢስራዔሌታስ ዳር ቃዴታይሲኔ ቃማ ጋላስ ቆፓይስ።

3 ታኒ፡ ታ ኣሻታ ጊሾ ኪሪሰቶሳፕ ሻኪታዳ ያሳ ቃንጌላፌ ጋርሳን ዴዲዳኮ ደሳይሲሺን።

4 ኤንቲ ኢስራዔሌታ፡ ያሳይ ኤንታ ባ ናይታ ኦሊስ፡ ባ ቦንቹዋ ኤንታው ቆንጨሲስ። ኤንታራ ጫቁስ፤ ሂጊያ ኤንታው ኣሚስ። ኤንቲ ያሳ ጎይናና ቱማ ኦጊያ ቤሲስ፤ ያሳይ ኡፋይሳ ቃላ ኤንታው ኣሚስ።

5 ኤንቲ ዩሌቴላን ማይዛታ ዛሬ፤ ቃሲ ኪሪሰቶሲ ኣሾን ኤንታ ዛሬ ጊዲዲ ዩስ። ኡባፌ ቦላ ጊዲዲ ያሳይ ሜሪናው ጋላቴቶ። ኣሚንዒ!

6 ጊደሺን፡ ያሳይ ጌሊዳ ቃላይ ፖሌቶና ኣቲስ ጉሱ ጊደና። ኢስራዔሌ ኣሳ ኡባይ ያሳ ኣሲ ጊደኮና።

7 ቃሲ ኣብራሃሜ ዛሬ ኡባይ ኣብራሃሜ ናይታ ጊደኮና። ያሳይ ኣብራሃሜስ፡ «ኔ ዜሬላይ ዩሳቃ ባጋራ ያጌታና» ያጊስ።

8 ሄሳ ጉሳይ ኣሾን ዩሌቲዳ ናይቲ ኡባይ ያሳ ናይታ ጊደኮና። ሺን ቱማ ኢስራዔሌ ናይቲ ያሳይ ኣብራሃሜስ ጌሊዳ ቃላዳ ዩሌቲዳ ናይታ።

9 ያሳይ ኣማና ጊዲ ጌሊዳ ቃላይ፡ «ታኒ ሞንቶ ላይሌ ሃናዴ ያና፤ ሳራካ ኣዴ ናባ ዩላና» ያጌይሳ።

10 ሄሳ ዓላላ ጊደናሺን ኢርቢቁኔ ዩሳቁ ዩሊዳ ሜንቴ ኣዴ ናይታባ ኣኬኪቲ።

11 ኤንቲ ዩሌታናፕ ሞይኮ ኢታ ሞይኮ ሎዎ ኦሳናፕ ሲንሌ ያሳ ደርይ ኦሶን ጊደናሺን ያሳን ጊዴይሳ ቆንጨሳናው።

12 «ባይራይ ካሉዋስ ከቲታና» ያጊዲ ጎዳይ ኢርቢቃስ ኦዲስ።

13 ሄሲካ ጌሻ ማፃፋን፡ «ያይቆባ ደሳስ፡ ኤሳቁ ኢፃስ» ጌቲቲዲ ፃፊቲስ።

14 ያቲን፡ ኦኒ ሞይጋኔ? ያሳይ ኣሴ ኣሳፕ ሻኪዬ? ጊደና።

15 ጎዳይ ሙሴኮ፡ «ታ ማራናው ኮዩዳይሳታ ማራና፤ ታ ቃዴታናው ኮዩዳይሳታስ ቃዴታና» ያጊስ።

16 ሂዛ፡ ያሳ ደርይ ኣሳ ሺኔን ሞይኮ ኦሶን ጊደናሺን ኢያ ማርቴላና።

17 ጌሻ ማፃፋን፡ ጊብጻ ካዉዋኮ፡ «ታኒ፡ ታ ሞልቃ ኔናን ቤሳናውኔ ታ ሱንሳይ ኣላሜ ኡባን ኤሬታና ሜላ ሄሳስ ኔና ካዋላስ» ጌቲቲዲ ፃፊቲስ።

18 ሂዛ፡ ያሳይ ማራናው ኮዩይሳ ማራስ፤ ሞዛና ሙሚሳናው ኮዩይሳ ሞዛና ሙሚሴስ።

ያሳ ሃንቁዋኔ ማርቴላ
19 ሂንቴፌ ኢሶይ፡ «ያቲን፡ ያሳይ ኣሴ ኢታ ኦሶ ጊሾ ኣይስ ቦሪ? ያሳ ሺኒያ ኢፃስ ጋናይ ኦኔ?» ያጊዲ ኦይቻናው ዳንዳዔስ።

20 ሺን ታ ኣሻው፡ ያሳራ ፓላማናው ኔኒ ኦኔ? ኡርቃፌ ሜዴቲዳ ሚሽይ ባና ሜዴዳይሳ፡ «ታና ሃይሳዳ ኦላዳ ኣይስ ሚዳዳይ?» ጊዲ ኦይቻናው ዳንዳዳ?

21 ሞይኮ ኡርቃ ሜዴይሲ ኢሲ ኡርቃፌ ኢሱዋ ቦንቾ ሚሹ፡ ሃንኩዋ ቃሲ ቶሽ ሚሹ ኦሊዲ ሜዳናው ማቲ ባዌ?

22 ያሳይ ባ ሃንቁዋ ቤሳናውኔ ባ ሞልቃ ኤሪሳናው ኮዩዲ፡ ፒርዳስ ጊጊዳ ሃንቆ ናይታ ዳር ጌንጫን ዳንዳዳዳኮ ኔ ኣይ ኤራይ?

23 ሄሳ ኢ ኦሊዳይ ኮይርቲዲ ቦንቾስ ጊጊሲዳ፡ ባ ደሪዳ ናይታስ ባ ቦንቹዋ ቆንጨሳናሳ።

24 ኣይሁዳ ጊዲን፡ ሞይኮ ኣይሁዳ ጊደና ኣሳ ኡባይ ያሳን ደራቴዳ።

25 ናቢያ ሆሴዔ ማፃፋን፡ «ታ ኣሴ ጊደናይሳታ፡ ታ ኣሴ» ጋዳ ዪጋና።

ታ ሲቃቦና ዴሪያ፡ «ሲቁቲዳይሳታ» ጋዳ ዪጋና።

26 ኤንቲ፡ ታ ኣሴ ጊዴኪታ» ጌቲቲ ዪጌቲዳ ቤሳን፡ «ዴዎ ያሳ ናይታ» ጌቲቲዲ ዪጌታና» ያጌስ።

27 ናቢያ ኣሳያሲ ኢስራዔሌ ኣሳባ፡ «ኢስራዔሌ ኣሳይ ኣሳ ጋፃን ዴዲያ ሻፊዳዳ ዳሪኮካ፡

9:4 ከሳ 4:22 9:7 ሜዴ 21:12 9:9 ሜዴ 18:10 9:12 ሜዴ 25:23 9:13 ሚላ 1:2 9:15 ከሳ 33:19 9:17 ከሳ 9:16 9:20 ኣሳ 29:16፤ 45:9 9:25 ሆሴ 2:23 9:26 ሆሴ 1:10 9:27 ኣሳ 10:22-23

ኤንታፌ ጉላ አሳ ፃላሊ አታና።
 28 ጎዳይ አላሚያ ኡባ ቦላ ኤሌሲዲ ፖሎ ፐርዳ ፐርዳና።»
 29 ቃሲካ አሳያሲ።
 «ኡባሬ ዋልቃማ ጎዳይ ኑስ ጉላ ዜሬላ አሸናባ ገዲያኮ። ኑኒ ሰደሜኔ ጋሞራ ካታማዳ ጳያናሺን»

ያገዲ ኮይሮቲዲ አዲስ።
 30 ያቲን፣ ኑ ዋይጋኔ? ዒሎቴላ ኮዪቦና አይሁዳ ገደና አሳይ አማኖን ዒሎቴላ ዳሚደሶና።

31 ሺን ዒሎቴላኮ ጋሊያ ሃጌይ ዳዒያ ኢሰራዔሌ አሳይ ዒሎቴላ ዳሚቦኮና።

32 አይስ ዳሚቦኮና? ኤንቲ ዒሎቴላ አማኖን ገደናሺን ኦሲን ኤካናው ኮዪዳ ገሾሳ። ያኒያ ገሾ፣ ኤንቲ። «ዱቢያ ሹቻን» ዱቤቴደሶና።

33 ጌሻ ማፃፋን።
 «ታኒ ዒኖኔን ዱቢ ኩንዲሲያ ሹቻ ዋላና።
 ኢያን አማኒያ ኦኒካ ዩላቴና»
 ጌቴቲዲ ፃፊቲሰ።

10

1 ታ ኢሻቶ፣ ታ ኩሜላ ዋዛናን ታ አሞቴይኔ ያሳ ዋሴይ ኢሰራዔሌይ አታና ማላሳ።

2 ኤንቲ ያሳሰ ሚሹቶሶናሺን፣ ቱማ ኤራቴላን ሚሹቶናይሳ ታ ማርካታይሰ።

3 ኤንቲ ያሳ ዒሎቴላ ኦጊያ ኤሮና አዒዲ፣ ባንታ ሁዔ ዒሎቴላ ካሊደሶናቴ አቲን ያሳ ዒሎቴላ ኮዪቦኮና።

4 አሲ ኡባይ አማኖን ዒላና ሜላ ኪሪሰቶሲ ሂጊያ ፖሊስ።

አቶቴላይ ኡባሳ

5 አሲ ሂጌ ናጊዲ ኤኪያ ዒሎቴላባ ሙሴይ ፃፊሹ፣ «ሂጌ ናጊያ ኦኒካ ሄ ሂጊያ ናጊዲ ሜላ ዳዒሰ» ያገሰ።

6 ሺን አማኖን ኤኪያ ዒሎቴላባ ጌቴቲዳይ ሃይሳ። «ኔ ዋዛናን፣ ኦኒ ሳሎ ኪያኔ?» ያጎፓ፤ ሄሲ ኪሪሰቶሳ ዋዲሳናሳ።

7 ዋይኮ፣ ሩጌ ሳባ ጋርሲ ዋዳናይ ኦኔ?» ጎፓ፤ ሄሲ ኪሪሰቶሳ ዲፎፔ ኪሳናሳ።

8 ሺን ያገዲ ፃፊቲሰ። «የሳ ቃላይ ኔ ማታና፤ ኔ ደናኒኔ ኔ ዋዛናን ዳዒሰ» ኑኒ ሂንቴው ኦዲያ አማኖ ቃላይ ሃይሳ።

9 «ዩሱሲ ጎዳ» ጋዳ ኔ ደናን ማርካቲኮኔ ያሳይ ኢያ ሃይቆፔ ዳንሳዲይሳ ኔ ዋዛናን አማኒኮ፣ ኔ አታና።

10 አሲ ባ ዋዛናን አማኒዲ ዒላሰ፤ ባ ደናን ማርካቲዲ አቴሰ።

11 ጌሻ ማፃፋይ፣ «ኢያን አማኒያ ኦኒካ ዩላቴና» ያገሰ።

12 አሲ ያሳይ ኡባ ጎዳ ገዲያ ገሾ አይሁዳታ ገደኒኔ አይሁዳ ገደና አሳ ገደን ዲማቴላ ባሞ። ኢ ባና ያጊያ ኡባሰ ዳሮ ኬሃ።

13 ጌሻ ማፃፋይ፣ «ጎዳ ሱንላ ያጊያ ኦኒካ አታና» ያገሰ።

14 ያቲን፣ ኤንቲ አማኖና ዳዒሹ ዋኒዲ ኢያ ያጋናው ዳንዳያና? ኤንቲ ኢያባ ሲያና ዳዒሹ ዋቲዲ ኢያ አማኖናው ዳንዳያና? ቃሲ ኤንታው ቃላ ኦዲያ አሲ ባይና ዳዒሺን፣ ዋኒዲ ሲባናው ዳንዳያና?

15 ኪቴቲዳ አሲ ባይና ዳዒሺን፣ ቃላይ ዋኒዲ ኦዳታናው ዳንዳዒ? ጌሻ ማፃፋን፣ «ኡፋይሳ ዋንጌላ ኦዲያ አሳ ቶሆቴ ዋኒዲ ሎያና!» ያገዲ ፃፊቲሰ።

16 ሺን አሳያሲ፣ «ጎዳው፣ ኑ ማርካቴላ ኦኒ አማኒዴ?» ያገዲይሳዳ፣ ኡባይ ዋንጌላ አማኒቦኮና።

17 ሄሳ ገሾ፣ አማኖይ ሲሳፊ ዩሰ፤ ሲሲ ኪሪሰቶሳ ቃላፔ ዩሰ።

18 ገደሺን፣ ኢሰራዔሌ አሳይ ቃላ ሲዲቦኮና ጉሴዬ? አካይ ሲዲደሶና። ጌሻ ማፃፋን፣

«ኤንታ ቃላይ ቢታ ኡባን ሲዔቲሰ፣ ኤንታ ኦዲይ ሳባ ጋፃ ጋኪስ» ያገሰ።

19 ሺን ኢሰራዔሌ አሳይ ኤሪቦኮና ጉሴዬ? ሙሴይ ካሴ፣ «ታኒ ሂንቴና ሌቁቲዳ አሳን ቁርይሳና፤ ቃሲ ኤያ አሳን ሂንቴና ዪሎያና» ያገሰ።

20 ቃሲ አሳያሲ፣ «ታና ኮዪቦና አሳሰ ቤንታሰ፤ ታና ኦይቺቦና አሳሰ ቆንጫሰ» ያገዲ ያኖና ኦዲሰ።

9:29 አሳ 1:9 9:33 አሳ 28:16 10:5 ለቁ 18:5 10:6 ዛሬ 30:12-14 10:11 አሳ 28:16 10:13 አዩ 2:32 10:15 አሳ 52:7 10:16 አሳ 53:1 10:18 ማዘ 19:4 10:19 ዛሬ 32:21 10:20 አሳ 65:1

21 ሸን ኢሳያሲ ኢሰራዔሌታባ ኦዲሼ።
 «ኡባ ዎዴ ከቲቶና ኣሳሲኔ ታና ኢዲያ ኣሳሲ ታ ኩሺያ ሚጫስ» ያጌሰ።

11

ፆሳይ ኢሰራዔሌታ ኣገቡና

1 ኣኔ ታ ኦይቻይሰ፡ ያቲን፡ ፆሳይ ባ ኣሳ ኣገዴዬ? ኣገቡና! ታኒ ታ ሁዓን ኢሰራዔሌ፤ ኣብራሃሜ ሼሺ፤ ቢኒያሜ ዛሬ።

2 ፆሳይ ኮይሮ ደሪዳ ባ ኣሳታ ዩጌና፡ ጌሻ ማፃፃ፡ ኤሊያሲ ኢሰራዔሌታ ፆሳ ሲንሳን ዋቲ ሞቲዳኮ፡ ሂንቲ ኤሬኬቲ?

3 ኤሊያሲ፡ «ጎዳው፡ ኤንቲ ኔ ናቤታ ዎዲደሶና፡ ኔ ያርሾ ቤሳካ ላሊደሶና፡ ታ ታርካ ኣታሰ፤ ኤንቲ ታናካ ዎዳናው ኮዮሶና» ያገሰ።

4 ፆሳይ ኢያው ዎይጊ ዛሬዎ? «ባዓሊ ኤቃስ ጎይኒቦና ሳቸን ሙኩሉ ኣሳ ታው ኣሻሰ» ያገሰ።

5 ሂሳዳካ፡ ሃ ዎዲያን ፆሳይ ባ ኣዶ ከሃቲላን ደሪዳ ጉላ ኢሰራዔሌቲ ዴዖሶና።

6 ኢ ኤንታ ደሪዳይ ባ ኣዶ ከሃቲላና፤ ኣቲን ኤንታ ኦሶን ገዴና። ደሮይ ኦሶን ገዴኮ፡ ኢያ ኣዶ ከሃቲላይ ቱማ ኣዶ ከሃቲላ ገዴና።

7 ያቲን፡ ዋይዶ? ኢሰራዔሌቲ ባንታ ኮያባ ዴሚሶኮና፡ ሸን ፆሳይ ደሪዳ ጉላቲ ዴሚደሶና፡ ኣቲዳይሳቲ ባንታ ዎዛና ሙሚሲደሶና።

8 ሄሲካ፡ ጌሻ ማፃፃ፡ «ኤንቲ ባንታ ኣይፊያን ቤዖናዳ ባንታ ሃይሳን ሲዖናዳ፡ ሃኖ ጋካናው ኤንታው ፆሳይ ኣዛላ ኣያና ኢሚስ» ጌቲቲዲ ፃፊቲዳይሳዳ ሃኒሰ።

9 ቃሲ ዳዋቲይ፡ «ኤንቲ ሚያ ጋይታይ ኤንታ ዓሄዳ ኦይኮ፤ ኤንታ ጉፋንሊያ ኣፎ ገደ፤ ኤንታ ኢታቲላይ ኤንታ ቦላ ጋኮ።

10 ኤንቲ ዌሎናዳ ኤንታ ኣይፊይ ጎዜቶ፤ ኡባ ዎዴ ሚቶን ኤንቲ ኩኒዲ ዴዖ» ያገሰ።

11 ያቲን፡ ኣይሁዴቲ ዛሪ ዴንደና ሜላ ኩንዲደናዬ? ገዴና! ኤንታ ኩንዴላይ ኣይሁዴ ገዴና ኣሳይ ኣታና ሜላ ጋሶ ገዴሰ። ሄሲካ ኣይሁዴቲ ኤንታ ቦላ ቃናታናዳ ኣሊሰ።

12 ኣይሁዴታ ናጋራይ ኣላሚያሰ ዳር ኣንጆ ኤሂሰ፤ ቃሲ ኤንታ ኩንዴላይ ኣይሁዴ ገዴና ኣሳሰ ዳር ኣንጆ ገዴሰ። ያቲን፡ ደሬቲዳ ኣይሁዴቲ ኩሚላ ኣቲያ ዎዴ ኣንጆይ ኣይ ሜላ ዳራንዴሻ!

13 ታኒ፡ ሃዒ ሂንቲው ኣይሁዴ ገዴና ኣሳሰ ኦዳይሰ። ኣይሁዴ ገዴና ኣሳሰ ሃዋሬ ገዴዳ ኦሌይሳን ታኒ ዳር ጨቋታይሰ።

14 ታ ሄሳ ኦሊዳይ ታው ኣሾን ዛሪ ገዴዳ ኢሰራዔሌታ ቂርያዳ ኤንታፊ ጉላታ ኣሻናሳ።

15 ፆሳይ ኤንታ ዩጊዳ ዎዴ ሃ ኣላሚይ ፆሳራ ሲጌቲሰ። ፆሳይ ኤንታ ሺሺ ኤኪያ ዎዴ ሃይቂዳ ኣሲ ሃይቆፔ ዴንዲዳ ሜላ ገዴሰ።

16 ኮይሮ ሚንሊዳ ባሶ ኦይላይ ፆሳሰ ያርሾቲዳ ጌሺ ገዴኮ፡ ሙሚ ኦይላይካ ጌሺ። ሚላሰ ፃጶይ ጌሺ ገዴኮ፡ ታሼይካ ጌሺ።

17 ጋይን ቶኪዳ ሻማሆ ታሼ ገዴዳ ኣይሁዴቲ ካሬቲን፡ ሂንቲ ባዘን ደሊዳ ሻማሆ ታሼ ገዴዳ ኣይሁዴ ገዴናይሳቲ ኤንታ ቤሳን ቆንሌቲዲ ኤንታ ኣንጅዋኔ ዲሬቴላ ሻኬቲዳታ።

18 ሂዛ፡ ሂንቲ ታሼዳ ካሬቲ ዎዲዳ ኣይሁዴታ ቦላ ኦቶርቶፊቲ። ሂንቲ ኦቶርቲያባ ገዴኮ፡ ፃጶይ ሂንቲና ቶኬሲፔ ኣቲን ሂንቲ ፃጶዎ ቶኮናይሳ ኣከኪቲ።

19 ኔኒ፡ «ሄ ታሼቲ ካሬቲዳይ፡ ታ ኤንታ ቤሳን ቆንሌታና ሜላሳ» ጋናው ዳንዳዳ።

20 ሄሲ ቱማ፡ ኤንቲ ኣሚኒቦና ገሾ ካሬቲደሶና። ኔኒ ኣሚኒዳ ገሾ ሄ ቤሳን ኤቃዳሳ። ኔኒ ያዖናው ቤሴሰፔ ኣቲን ኦቶራናው ቤሴና።

21 ፆሳይ ሚቶን ታሼ ገዴዳ ኣይሁዴታሰ ቃዴቶና ኢደኮ ሂንቲዉካ ቃዴቲና።

22 ሂዛ፡ ፆሳይ ኣይ ሜላ ከሃኮኔ ኣይ ሜላ ያሺያኮ ቤዓ። ኢ ያሼይ ከቲቶናይሳታ፡ ቃሲ ኢ ከሄይ

10:21 ኢሳ 65:2 11:1 ፊል 3:5 11:3 1ካዎ 19:10፣ 14 11:4 1ካዎ 19:18 11:8
 ዛሬ 29:4፤ ኢሳ 29:10 11:9 ማዘ 69:22-23

ኢያ አማኒዲ ማኒዲ ኦቆዳይሳታሳ።
 ማኒዲ ኤቆና ኢዲኮ ሂንቴካ ካሬታና።
 23 እይሁዳቲ አማኒኮ፣ ካሴ ኤንቲ
 ዳዒያ ቤሳ ሲማና። ያሳይ ኤንታ
 ዛሬዲ፣ ዋላናው ዳንዳዒሳ።
 24 ሂንቴና ባዘን ዳዒያ ሻማሆ
 ጊዲዳ እይሁዳ ጊደናይሳታ ቃንዲዳ፣
 ጋዴን ተኩቲዳ ሻማሆ ቦላ ሂንቴና
 ቶኪኮ፣ ማጵን ጋዴ ሻማሆ ጊዲዳ
 እይሁዳታ ባንታ ኮይሮ ቤሳን ዛሬ
 ቶካናው ዋኒዲ ዳንዳዒሳ።

ያሳ ማሮቴላይ ኡባሳ

25 ታ አሻቶ፣ ሂንቴ ሂንቴና
 ኤራንቸ ጊዲ ጨቁቶፊቴ። ታ ሂንቴው
 ኦዲያ ኢሲ ፀሪ ዳዒሳ። ሄሲካ
 ዉርራዒላታጌ ባገይ ሲያና ኢዲዳይ
 ጠርሴላ ጋካናው ጊደናሽን አታናው
 ዳዒያ እይሁዳ ጊደና ኣሳይ ኩሜላ
 ያሳኮ ያና ጋካናሳ።

26 ሄሳዳካ፣ ኢሰራዒሌ ኣሳ ኡባይ
 አታና። ጌሻ ማፃፋን፣
 «ኑና እሼይሲ ዓየንቴ ያና፤
 ያይቆባ ዜሬላፊ ኢታ ኡባ
 ዲጋና።»

27 ታኒ ኤንታ ናጋራ አቶ ጊያ ዋዴ
 ኤንታራ ጫቃና ጫቆይ ሃይሳ»
 ጌቴቲዲ ዓፊቲሰ።

28 እይሁዳቲ ዋንጌላ ኤኮና
 ኢዲዳ፣ ሂንቴ ጊሾ ያሳራ ሞርኬ
 ጊዲዳሶና። ጊደሽን፣ ሃሲካ ኤንቲ
 ደሬቲዳይሳታ፣ ያሳይ ኤንታ አዋታ ጊሾ
 ኤንታ ደሴሰ።

29 ያሳይ ባ ኢሙዋኒኔ ባ ያሳን
 ቂሮቴና።

30 ሂንቴ እይሁዳ ጊደናይሳቲ
 ካሴ ያሳሰ ከቴቲቤኬታ። ሽን ሃሲ
 እይሁዳቲ ከቴቶና ኢዲን፣ ሂንቴ ያሳ
 ማሮቴላ ኤኪዳታ።

31 ሄሳዳካ፣ ሂንቴ ኤኪዳ ማሮቴላ
 እይሁዳቲ ኤካና ሜላ ሃሲ ያሳሰ
 ከቴቶና ኢዲዳሶና።

32 ያሳይ ኣሳ ኡባ ባ ማሮቴላ
 ቤሳናው ኮዪዲ፣ ኣሲ ኡባይ ከቴቶና
 ኢዳና ሜላ ኦሊሰ።

33 ያሳ ዲሬቴላ፣ ጨንጫቴላኔ
 ኤራቴላ ኣኬኪዲ ኦዳናይ ኦኔ?
 ኢያ ፐርዳይ ፐልጌቴና፣ ኢያ ኦጌይ
 ኤሬቴና።

34 ጌሻ ማፃፋን፣
 «ጎዳ ቆፋ ኤሬይ ኦኔ?
 ኢያ ዘራናው ዳንዳዒሳ ኦኔ?»

35 ያሳሰ ታልዒይኔ
 ታልዒያ ዛሬዲ ኤኬይ ኦኔ?»
 ያጌሰ።

36 ኡባ ኢ ሜጲሰ፤ ኡባይ ኢያን
 ዳዒሰ፤ ኡባይ ኢያ ቦንቸሳ። ያሳሰ
 ማሪናው ቦንቸይ ጊደ። አማንዲ።

12

ኪሪሰቶሳን ኦራላ ዴያ

1 ሂዛ፣ ታ አሻቶ፣ ሂንቴ፣ ሂንቴ
 ኣሳቴላ ያሳ ኡፋይሲያ፣ ዴያኔ ጌሻ
 ያርሾ ኦሊዲ፣ ኢማና ሜላ ታኒ ሂንቴና
 ያሳ ማሮቴላን ዋሳይሰ። ያሳ ሂንቴ
 ጎይናናው ቤሲያ ተማ ኦጌይ ሄሳ።

2 ሎያ፣ ኡፋይሲይሳኔ ፖሎ ጊዲዳ
 ያሳ ሼኒያ ሂንቴ ሻኪ ኤራናው ሂንቴ
 ቆፋን ላሜቴቴ ኣቲን ሃ ኣላሚያ
 ዳናፐቴ።

3 ያሳይ ሂንቴ ኢሱዋሰ ኢሱዋሰ
 አሚዳ አማኑዋ ሜላ ዋዛናማ ኣሳዳ
 ቆፐቴ። ቆፐናው ቤሴይሳፊ ኣሊዲ
 ሂንቴና ዲማዪዲ፣ ኦቶሮን ቆፖፊቴ ጋዴ
 ታው አሜቴዳ ኣጵ ኬሃቴላን ሂንቴው
 ኦዳይሰ።

4 ኑ ኢሲ ኣሳቴላ ጊደን ዲማ
 ዲማ ኪፊሌቲ ዴያሶና፤ ሄ ዲማ ዲማ
 ኪፊሌታሰ ዲማ ዲማ ኦሶይ ዳዒሰ።

5 ሄሳዳ፣ ኑ ዳሮ ኣሲ ጊዲኮካ
 ኪሪሰቶሳን ኢሲ ኣሳቴላ ጊዲዳ፣ ኑ
 ኢሲ ኣሳቴላ ጊዲዳ ዲማ ዲማ
 ኪፊሌቲ ኢሶይ ኢሱዋራ ኦይኬቴዳ።

6 ኑሰ አሜቴዳ ኣጵ ኬሃቴላን ዲማ
 ዲማ አሞታቲ ዴያሶና። ኑ አሞይ
 ቲንቢቶ ኦዶ ጊዲኮ፣ ኑሰ ዳዒያ
 አማኑዋ ሜላ ኦዳናው ቤሴሰ።

7 ኑ አሞይ ሃራታ ማዴ ጊዲኮ፣
 ሄ ኦሱዋን ማናናው ቤሴሰ፤ ታማርሶ
 ጊዲኮ፣ ሄ ታማርሱዋን ማናናው
 ቤሴሰ።

8 ኑ አሞይ ሃራታ ማንሌላ ጊዲኮ፣
 ማኒዲ ማንሌላናው ቤሴሰ። ኑ አሞይ
 ኑሰ ዳዒያባጌ ሃራታሰ አሞ ጊዲኮ፣
 ዋዛናፐ አማናው ቤሴሰ። ኑ አሞይ
 ኣይሶ ጊዲኮ፣ ማኒዲ ኣይሳናው
 ቤሴሰ። ኑ አሞይ ሃራታሰ ኬሆ
 ጊዲኮ፣ ኡፋይሳን ኬሃናው ቤሴሰ።

9 ሂንቴ ሲቆይ ቆጴፐ ቆሞን
 ጊደናው ቤሴሰ። ኢታባ ኢዲቴ፤ ሎያባ
 ማንሊዲ ኣይኪቴ።

10 ኢሶይ ኢሱዋራ አሻዳ ሲቁተቱ፤ ኢሶይ ኢሱዋ ቦንቸቱ።

11 አዛሎፊቱ፤ ሂንቲ እያናን ሚኒዲ ጎዳስ አሏቱ።

12 ያሳይ አሚዳ ኡፋይሳን ኡፋይቲቱ፤ ሜቱዋ ዳንዳዒቲ፤ ኡባ ዋዴ ያሳ ዋሲቲ።

13 አማኒያ ጌሻታ ኮሺያባን ማዲቲ፤ አማላታ ሞኪቲ።

14 ሂንቲና ጎዴይሳታ አንጂቲ፤ አንጂቲ፤ አትን ባደፊቲ።

15 ኡፋይቲሳታራ ኡፋይቲቲ፤ ዬኬይሳታራ ዬኬ።

16 ኢሶይ ኢሱዋራ ኢሲ ቆፋን ዳዒቲ። ኦቶሮ ቆፋ አገዲ፣ ሂንቲና ካወሽዲ፣ ካወሻ ኦሶ አሏቲ። ሂንቲ ሂንቲና ጨገጫ ገዲ ቆፖፊቲ።

17 ኦኒካ ሂንቲው ኢታባ አሏኮ፣ ሄ ኡራሰ ኢታ ዛርፒቲ። አሳ ኡባ ሲንላን ናሺሲያ ሎፖ ኦሶ አሏቲ።

18 አሳ ኡባራ ሳርን ዳናው ሂንቲው ዳንዳዒቲያ ኡባ አሏቲ።

19 ታ አሻቶ፣ ሂንቲ፣ ሂንቲ ሁዔን አሳሰ ሃሎ ኬዮፒቲ። ያሳይ ሃሎ ኬያና ማላ አያው አጋገቲ። ጌሻ ማፃፋን፣

«ታኒ ሃሎ ኬያና፤

ታኒ ኮሼ ዛራና» ያጌሰ ጎዳይ፣ ጌቲቲዲ ዓፊቲሰ።

20 ሺን ጌሻ ማፃፋን፣

«ኔ ሞርኬይ ኮሻቲኮ ሙዛ፤

ኢ ሳሞቲኮ ኡሻ።

ኔኒ ሄሳ አሏኮ ኢያ ሁዔን

ዬላ ታማ ቦንቆ ቆላሳ»

ጌቲቲዲ ዓፊቲሰ።

21 ኢታ ሎፖን ያናፔ አትን ኢታን ያኔቶፋ።

13

ዳሪያ አይሴይሳታሰ ከቲቲሌ

1 ያሳ ሸኔ ገደናሺን ማቲ አሜቶና ገሸኔ ሃዒ ዳዒያ ሹማቲካ ያሳ ሸኔን ሹማቲዳ ገሸ ኣሲ ኡባይ ዳሪያ አይሴይሳታሰ ከቲታናው ቤሴሰ።

2 ሄሳ ገሸ፣ ማታራ ዳዒይሳታሰ ከቲቶና አዲያ ኦኒካ ያሳ ከታ ኢዲሰ። ከቲቶና አዲያ ኦኒካ ባ ቦላ ፒርዳ ኤሄሰ።

3 አይሴይሳቲ ኢታ አሌይሳታፔ አትን ሎፖ አሌይሳታ ያሸኮና። አይሴይሳታሰ ያዮና አጋናው ኮያይ? ያኮ ሎፖ ኦሳ፤ ኤንቲ ኔና ጋላታና።

4 ኤንቲ ኔው ሎፖባ ኦሳናው ሹማቲዳ ያሳ አይሌ። ሺን ኔኒ ኢታባ አሏኮ፣ ኤንቲ ኢታባ አሏዳይሳ ሴሪያ ገሸ ኢያው ያያ። ኤንቲ ኢታ አሌይሳታ ሴሪዳ፣ ያሳ ሃንቁዋ ቆንጨሲያ ያሳ አይሌ።

5 ሄሳ ገሸ፣ ያሳ ሃንቁዋ ዓላላሰ ገደናሺን ሂንቲ ካሃይ ማርካቲያ ገሸ ዳሪያ አይሴይሳታሰ ከቲታናው ቤሴሰ።

6 ሂንቲ ገራ ገራይካ ሄሳሳ። ዳሪያ አይሴይሳቲ ሄ ኦሱዋ አሌይ፣ ኤንቲ ያሳ አይሌታ ገዲዳ ገሸሳ።

7 ኢሱዋሰ ኢሱዋሰ ቤሴይሳ አሚቲ። ገራ ገራናው ቤሴይሳሰ ገሪቲ፤ ቃራፃ ቃንፃናው ቤሴይሳሰ ቃራፃ ቃንፃቲ፤ ያያናው ቤሴይሳሰ ያዩቲ፤ ቦንቸይ ቤሴይሳ ቦንቸቲ።

ሲቁተቲ

8 ኢሶይ ኢሱዋራ ሲቁተቲ። ሲቆ አጮፔ አትን ሂንቲ ቦላ ሃራ አጮይ ደፖ። ኣሴ ሲቁያ ኦኒካ ሂጌይ ጌይሳ ፖሊሰ።

9 «ላሞፋ፤ ዋዶፓ፤ ካይሶቶፓ፤ አሞቶፋ» ገያ ከታይኔ ሃራ ከታ ኡባይ፣ «ኣሴ ኔ ሁዔዳ ደሳ» ገያ ከታን ቃሹቲሰ።

10 ኣሴ ሲቁያ ኦኒካ ኢያ ቦላ ኢታባ አሌና። ሄሳ ገሸ፣ ኣሴ ሲቁይሲ ሂጌ ከታ ፖሊሰ።

11 ዲሰኮፊ ሂንቲ ባርኪያ ዋዴይ ሃዒ ገዴይሳ አኬኪዲ ሄሳ አሏቲ። ኑ አታና ዋዴይ ኮይሮ ኑ አማኒዳ ዋዴያፔ ሃዒ ኑኮ ማቲሰ።

12 ቋማ ዋዴይ አፋናው ሃኔሰ፤ ዋንታይ ማቲሰ። ሂዛ፣ ኦኒ ቋማ ኦሶ አገዲ ፖፖ ኦላ ሚሽ ኦይኮሰ።

13 ኣኔ ጋላሰ ፖፖን ዳዒያ አሳዳ ማራን ዳዖሰ። ማሶኒኔ ላይማቲላራ ጋሂቲያ ዳማ ዳማ ቲና ኦሶታን፣ * ፓላማኒኔ ቃናቲን ገደፖ።

12:14 ማቶ 5:44፤ ሉቃ 6:28 12:16 ለሚ 3:7 12:19 ዛሬ 32:35 12:20 ለሚ 25:21
13:6 ማቶ 22:21፤ ማር 12:17፤ ሉቃ 20:25 13:9 ከሳ 20:13-17፤ ዛሬ 5:17-19፤ ለሜ 19:18
* 13:13 ላይማቲላራ ጋሂቲያ ዳማ ዳማ ቲና ኦሶታን፡ ዋይኮ ዬላን፣ ማሶን፣ ላይማቶን፣ ቃይያን ገደፖ ገዲ ቢላናው ዳንዳዒቲሰ። ላይማቲላራ ጋሂቲያ ዳማ ዳማ ቲና ኦሶቲ ኣሲ ያሳ ሃርፔ ካሬ ከዬዲ ዳዓ ካንዶ ኦኪዲ ፖሊያ ኦሶ ጉሱ።

14 ጎዳ ዩሱስ ኪሪስቶስ ካንዲዎ ማዒቲ፤ ሂንቲ ናጋራንቾ አሳቴላይ ባ አሙዋ ፖላና ማላ ኢያው ቆፖሬቲ።

14

አሳ ቦላ ፐርዶሬቲ

1 አማኖን ዳቡሪዳ ኦናካ ሺሺ ኤኪቴፔ አቲን ኢያ ቆፋ ቦላ ፐርዶሬቲ።

2 ለሚሶስ፣ አማኖን ሚኒዳ ኢሲ አሲ እይ ካሌካ ማናው ዳንዳዔስ። ሺን አማኖን ዳቡሪያ አሲ አታከልቴ ፃላላ ማስ።

3 ኡባባ ሚያ አሲ ሞና ኡራ ካዶፖ። ኡባባ ሞና አሲ ሚያ ኡራ ቦላ ፐርዶሬ። ያሳይ ኡባ ሚያ ኡራ ሺሺ ኤኪስ።

4 ሃራ አሳ አይሌ ቦላ ፐርዶይ ኔኒ ኦኔ? ኢ ዳቡሪን ወይኮ ሚኒን ባ ጎዳሳ። ጎዳይ ኢያ ኤሳናው ዳንዳዔያ ገሾ ኢ ሚኒዳ ኤቃና።

5 ቃሲ «ኢሲ ጋላሳይ ሃራ ጋላሳፔ አጭሰ» ያገዲ ቆፐያ አሲ ዴዔስ። ሃራይ ቃሲ፣ «ጋላሳቴ ኡባይ ኢሲ ማላ» ገዲ ቆፐሰ። ሺን ኢሶይ ኢሶይ ባ ቆፋ አኬኪዲ ቃቾ።

6 ኢሲ ጋላሳ ሃራ ጋላሳታፔ አሌዲ ቦንቼያ ኦኒካ ጎዳ ቦንቾሰ ገዲ ኦሌስ። ኡባ ካሌ ሚያ አሲ ጎዳ ቦንቾሰ ገዲ ሚስ። ኢ ሚያ ሄ ካላ ገሾ ያሳ ጋላቴስ። ኡባ ካሌ ሞና አሲ ጎዳ ቦንቾሰ ሞና አኔስ፤ ቃሲ ሞና አጎን ያሳ ጋላቴስ።

7 ኑፔ ኦኒካ ባው ዴና፤ ቃሲ ኑ ገዶሬ ኦኒካ ባው ሃይቄና።

8 ኑ ዴዎን ዴዒኮ ጎዳሰ ዴዎስ፤ ቃሲ ሃይቄኮካ ጎዳሰ ሃይቆስ። ሂዛ፣ ኑ ዴዎን ዴዒን ወይኮ ሃይቄን ጎዳሳ።

9 ኪሪስቶሲ ሃይቄዲ ሃይቆፔ ዴጎዲዳይ፣ ዴዎን ዴዒይሳታሲኔ ሃይቄዳይሳታሰ ጎዳ ገዳናሳ።

10 ያቲን፣ ኔኒ ኔ አሻ ቦላ አይሰ ፐርዳይ? ወይኮ ኔኒ ኔ አሻ አይሰ ካዳይ? ኔኒ ኡባይ ያሳ ፐርዳ አራታ ሲንላን ኤቃና።

11 ገሻ ማፃፋን ጎዳይ፣ «ታኒ ዴዎን ዴዒይስ፤ አሳ ኡባይ ታ ሲንላን ጉልባታና፤ ታኒ ያሴ ገዴይሳ ማርካታና» ያገሌስ።

12 ሂዛ፣ ኑ ኦሌዳባሰ ኑ ሁዔን ሁዔን ያሳ ሲንላን ሺቄዲ ዛር አማና።

ሃራ አሲ ቆቤሶፋ

13 ሃሳ ገሾ፣ ኔኒ ኢሶይ ኢሱዋ ቦላ ፐርዶይሳ አጎስ። ሺን ሂንቲ አሻ ቆብሲዲ ወይኮ ቃዒዲ ናጋራን ጌልሲያባ ኦሶዳና ናጌቲ።

14 ጎዳ ዩሱሳ አማኒያ አሳዳ፣ ባ ሁዔን ቱና ገዲዳ ካሌ ባይናይሳ ታኒ ገሻዳ ኤራይስ። ሺን ኢሲ አሲ ኢሲባ ቱና ገዲ ቆፐኮ ሄሲ ኢያው ቱና ገዴስ።

15 ኔ ሚያ ካላ ገሾ ኔ አሻ ቆቤያባ ገዲኮ፣ ኪሪስቶሳን ዴዒያ ኔ አሻ ሲቃካ። ኪሪስቶሲ ኢያ ገሾ ሃይቄዳ ኡራ ኔ ሚያ ካላን ኢያ አያና ዴዐዋ ዳይሶፋ።

16 ሂዛ፣ ሂንቲው ዴዒያ ላባቴላ ሃራቲ ቦራና ማላ ኦሶሬቲ።

17 ያሳ ካዎቴላይ ገሻ አያናን ቤንቲያ ዒሎቴሌ፣ ሳርቴሌኔ ቲማ ኡፋይሲሬ አቲን ሙሳባኔ ኡሻባ ገዴና።

18 ሃሳዳ ኪሪስቶሳሰ ኦሌያ አሲ ያሳ ኡፋይሲስ፤ አሳንካ አንጃቴስ።

19 ሃሳ ገሾ፣ ኦኔ ኔኒ ሳርቴሌ ቤንቲያ ኦጊያኔ ኢሱዋ ኢሱዋ አማኖን ሚንሌያ ኦጊያ ኮዮስ።

20 ካላ ገሾ ጋዳ ያሳ ኦሱዋ ዳይሰሶፋ። ኡባ ካሌ ማቴቴስ፣ ሺን ሃራ አሲ ናጋራን ቆብሲያ ካሌ ሙሲ ኢታ።

21 ኔ አሻይ ቆቤቶና ማላ አሾ ሞና ወይኮ ኡሾ ኡዮና ወይኮ ኔ አሻ ቆቤያ ሃራባ ኦሶና አጎይ ሎዎ።

22 ሂዛ፣ ሃ ኔ አማኑዋ ኔ ገዴኒኔ ኔ ያሳ ገዴን ናጋ። ሊኬ ገዲ ቆፐዳባ ኦሌያ ዋዴ ኢያ ካሃይ ሞቶና ኡራይ አንጃቲዳይሳ።

23 ሺን ሲጂሼ ሚያ ኡራሰ ኢያ ሙሳይ አማኖን ገዴና ገሾ ፐርዶቴስ። አማናይ ባይና ኦሴቲዳ ኦሶ ኡባይ ናጋራ።

15

ሃራታ ኡፋይሳናው ቤሴስ

1 ኔኒ አማኖን ሚኒዳይሳቲ ዳቡራንቾታ ቶሁዋ ቶካናው ቤሴስ። ኔኒ ኑና ኡፋይሳናው ቤሴና።

2 ኔኒ ኑ አሻ አማኖን ሚንላናው ኢያ ማዳናውኔ ኡፋይሳናው ቤሴስ።

3 ኪሪሰቶስ ባና ኡፋይሲቤና። ሺን ገሻ ማፃፋን፣ «አሳይ ኔና ጫጭዳ ጫሻይ ታና ጋኪስ» ጌቲቲ ፃፊቲዳይሳዳ ሃኒስ።

4 ገሻ ማፃፋይ አሚያ ጌንጫኒኔ ሚንጭሉዋን ኑ ኡፋይሳ ኤካና ሜላ ገሻ ማፃፋን ፃፊቲዳ ኡባይ ኑና ታማርሳናው ፃፊቲስ።

5 ጌንጫኔ ሚኖቴሌ አሚያ ጎዳይ ሂንቲ ኪሪሰቶስ ዩሱሳ ካሊያ ዋዴ ኢሲፊቴሌ ሂንቲው አሞ።

6 ሄሲካ፣ ኑ ጎዳ ዩሱስ ኪሪሰቶሳ አዋ፣ ያሳ፣ ኢሲ ዋዛናኒኔ ኢሲ ቃላን ሂንቲ ቦንቻና ሜላሳ።

ዋንጌላይ አሳ ኡባሳ

7 ኪሪሰቶስ ሂንቲና ኤኪዳይሳዳ ያሳ ቦንቻስ ኢሶይ ኢሱዋ ኤኪቲ።

8 ያሳይ ቤኒ አዋታስ አሚዳ ኡፋይሳይ ፖሌታና ሜላኔ ኢያ ቱማቴላይ ኤሬታና ሜላ ኪሪሰቶስ አይሁዴታ አይሌ ጊዲዲ ዩዳይሳ ታ ሂንቲው ኦዳይስ።

9 ኪሪሰቶስ አይሁዴታ አይሌ ጊዲዳ ሃራ ጋሶይ ቃስ አይሁዴ ጊደና አሳቲ ያሳ ኢያ ማርቴላ ጊሾ ጋላታና ሜላሳ። ገሻ ማፃፋን፣

«ታ ኔና አይሁዴ ጊደና አሳ ጊደን ጋላታና፤

ኔ ሱንሳ ሳባና»

ጌቲቲዲ ፃፊቲዳይሳዳ ሃኒስ።

10 ቃሲ፣

«አይሁዴ ጊደና አሳው፣

ያሳ ዴሪያራ ኡፋይቲቲ»

ያጌቲስ።

11 ቃሲ ዛሪዲ፣

«አይሁዴ ጊደና አሳው፣

ጎዳ ጋላቲቲ፤

ካዋቴላ ኡባይ ኢያ ሳቢቲ»

ያጌቲስ።

12 ሄሳዳ ኢሳያሲ፣

«ኢሴዬ ዛሬ፤ ጭቲያ ኢሶይ ያና፤

ኢ ካዋቴላ ኡባ ሃራና።

ኤንቲ ባንታ ኡፋይሳ ኢያ ቦላ

ዋላና»

ያጌሰ።

13 ገሻ አያና ዋልቃን ሂንቲ ዲጫና ሜላ ኡፋይሲ አሚያ ያሳይ፣ ሂንቲ አማኑዋ ጋሶን ሂንቲው ኡፋይሲኔ ሳርቴሌ ኩሜሌ አሞ።

ጳውሎስ ፃፊዳ ጋሱዋ

14 ታ አሻቶ፣ ሂንቲናን ሎዎቴሌኔ ኤራቴሌ ኩሚዳይሳ ቃሲ ኢሶይ ኢሱዋ ዘራናው ዳንዳዔይሳ ታ ገሻዳ ኤራይስ።

15 ታኒ ሂንቲና ኢሲ ኢሲባ ጉጃ አከኪሳናው ኮያዳ ያዮና ሃ ዳብዳቢያ ሂንቲው ፃፋሰ።

16 ታኒ ኪሪሰቶስ ዩሱሳ አይሌ ጊዳዳ፣ አይሁዴ ጊደና አሳስ ካሂኔዳ ኦሳዳ፣ ዋንጌላ ኦዳና ሜላ ያሳይ ታው አጾ ከሃቴላ አሚስ። አይሁዴ ጊደና አሳይ ገሻ አያናን ጌዩዲ፣ ያሳ ኡፋይሲያ ያርሾ ጊደና ሜላ ያሳይ ሄሳ ኦሌስ።

17 ታኒ ኪሪሰቶስ ዩሱሳን ጊዳዳ ያሳስ ኦሌያ ኦሱዋን ጨቁታይስ።

18 አይሁዴ ጊደና አሳይ ያሳስ ከቲታናዳ፣ ኪሪሰቶስ ታ ቃላኔ ታ ኦሱዋ ባጋራ ኦሌዳ ኦሱዋ፤ ኦቲን ሃሪ ታ ጨቁቴያባይ ማ።

19 ያሳይ ሄሳ ማላታኒኔ ገሻ አያና ዋልቃን ዋቴ ኦሌዳኩ ታ ሂንቲው ኦዳና። ታኒ ዩራሳላሜ፤ ደማዳ፣ ኢሊዋርቆኔ ጋካናው ኪሪሰቶሳ ዋንጌላ ሳባካስ።

20 ታኒ ሃራ አሲ ባሲዳ ቤሳን ኬፃናው ኮዩኬ። ኪሪሰቶሳ ሱንሳይ ጭጌቲቦና ቤሳን ዋንጌላ ኦዳናው አሞታይስ።

21 ገሻ ማፃፋን፣

«አያባይ ኦዴቲቦና አሳቲ ኢያ ቤሳና፤

ኢያባ ሲዲቦና አሳቲ አከካና»

ጌቲቲዲ ፃፊቲስ።

ጳውሎስ ሮሜ ባናው ቆፒስ

22 ሄሳ ጋሶን፣ ታኒ ሂንቲኮ ያናው ዳንዳዔቢኬ።

23 ሺን ታኒ ሃዒ ሃ ሄራን ታ ኦሱዋ ኦንጊዳ ጊሾኔ ዳር ላይላፊ ደማዳ ሂንቲና ቤሳናው ላሞቲዳ ጊሾ

24 ታኒ ኢስፔኔ ባሼ ሂንቲና ቤሳናው ቆፓስ። ቃሲ ጉላ ዋዴ ሂንቲራ ኡፋይቲዳ፤ ጉዬ ኢስፔኔ ቢያ ዋዴ ሂንቲ ታ ኦጊያስ ታና ማዳና ሜላ ኮያይስ።

25 ሺን ሃዒ ታኒ ያሳ አሳታ ማዳናው ዩራሳላሜ ባይስ።

26 ማቁደኒያኔ አካያን ዴዒያ ያሳ አሳቲ፣ ዩራሳላሜን ዴዒያ ማንቆታ ማሼን ማዳናው ኮዩዳ ጊሾሳ።

27 ኤንቲ ማንቆታ ማዳናይሲ ኤንታው አቶናባ ገዲዳ ገሾ ባንታ ሁዔን ሃሳ ኦፋናው ቆፋ ቃቸደሶና። አይሁዴቲ አይሁዴ ገደናይሳታራ አያና እንጂዋ ሻኩቲኮ። ኤንቲ ቃሲ ባንታው ዴዒያባን አይሁዴታ ማዳናው ቤሱሰ።

28 ሃሳ ገሾ፡ ታኒ ሄ ሸቂዳ ሚሺያ ኤንታው አሚዳፔ ጉዬ ኢሰቴኔ ባሼ ሂንቲ ማታራ አፋና።

29 ታኒ ሂንቲኮ ቢያ ዎዴ ከሪሰቶሳ እንጂዋን ኩማዳ ባናይሳ ኤራይሰ።

30 ታ ኢሻቶ፡ ታው ያሳ ዎሲሼ ታ ባዒያን ታራ ኤቃና ሜላ ጎዳ ዬሱሰ ከሪሰቶሳኒኔ ገሻ አያና ሲቁዋን ሂንቲና ዎሳይሰ።

31 ያሳይ ታና ዪሁዳን ዴዒያ አማናና አሳታፔ አሻናዳኔ ዬሩሳላሜን ታ ኦፋና ኦሶይ ያሳ አሳታ ማታን ኤኬታና ሜላ ታው ዎሲቲ።

32 ቃሲ ያሲ ገኮ፡ ታኒ ሂንቲኮ ባዳ ኡፋይሳን ሂንቲራ ሸምፓና ሜላ ታው ዎሲቲ።

33 ሳርቴላ ያሳይ ሂንቲ ኡባራ ገደ። አሚንዒ።

16

ሳርሉ

1 ከንኪሪያ ካታማን ዴዒያ ዎሳ ኬላን ኦሌያ ኑ ሚቺያ ፊባ ሎዎ ማጫሰ ገዴይሳ ሂንቲ ኤራና ሜላ ኮያይሰ።

2 ሂንቲ ኢዮ አማኒያ አሳቲ ጎዳ ሱንሳን ሞካናው ቤሲያ አማኒያ አሳታፔ ኢሱዎዳ ሞከቲ። ኢያ ሂንቲፊ ከያባ ኡባ ኢዮ ማዲቲ። ኢያ ባ ሁዔን ዳሮ አሳ ማዳሱ፤ ቃሲ ታና ታ ሁዔንካ ዳሮ ማዳሱ።

3 ከሪሰቶሰ ዬሱሳ ኦሱዎ ታራ ኢሲፌ ኦሌያ ጸሪሰቂላኔ አቂላ ሳር ገቲ።

4 ኤንቲ ታ ገሾ ባንታ ሸምፑዎ አሌ አሚደሶና። ታ ያላላ ገደናሺን አይሁዴ ገደና አሳ ዎሳ ኬላ ኡባይ ኤንታ ጋላቲሰ።

5 ኤንታ ሶን ሸቂያ አማኒያ አሳ ሳር ገቲ።

ኢሲያ ቢታን ከሪሰቶሳ ኮይሮ አማኒዳ፡ ታ ደሲያ ኤጳኔያሳሰ ታ ሳርሉዎ ኦዲቲ።

6 ሂንቲ ገሾ ኦሶን ዳሮ ዳቡሪዳ ማይራዎ ሳር ገቲ።

7 ታራ ቃሾ ኬላን አሌዳ ታ አይሁዴ ላጌታ እንዲሮኒቆሳኔ ዩኒያሳ ሳር ገቲ። ኤንቲ ዬሱሳ ሃዎሬታ ገደን ኤሬቲዳይሳታ። ቃሲ ኤንቲ ከሪሰቶሳ ታፔ ሲንሌ አማኒደሶና።

8 ጎዳን አማኒያ ታ ሲቆ ላገያ፡ አምጺሊያያሳ ሳር ገቲ።

9 ከሪሰቶሳ ኦሱዎ ኑራ ኢሲፌ ኦሌያ ኡርባናሴኔ ታ ደሲያ ኢሰታኩሳ ሳር ገቲ።

10 ከሪሰቶሳን አማንሌያ አይሊያ አጼሊሳሰ ታ ሳርሉዎ ኦዲቲ። አርሰዎሉሎሳ ሶ አሳሰ ታ ሳርሉዎ ኦዲቲ።

11 ታ አይሁዴ ላገያ ሄርዲዮና ሳር ገቲ።

ናርሲሳኔ ኢያ ሶ አሳፔ ከሪሰቶሳ አማኒዳይሳታ ሳር ገቲ።

12 ጎዳ ኦሱዎን ዳቡሪያ ቲሩፋይናኔ ቲሩፎሳ ሳር ገቲ። ቃሲ ጎዳሰ ዳሮ ዳቡራዳ ኦሌያ፡ ታ ደሲያ ጳርሲሶ ሳር ገቲ።

13 ጎዳ ኦሱዎን ዳሮ ኤሬቲዳ ሩፎሳሰኔ ታና ባ ናዳዳ ቤዒያ ኢያ አዬሰ ታ ሳርሉዎ ኦዲቲ።

14 አሲኒኪርቶሳሰ፡ ፊሊጎናሰ፡ ሄርሜሳሰ፡ ፓቲርባሳሰኔ ኤንታራ ዴዒያ አማኒያ ኢሻታ ኡባሰ ታ ሳርሉዎ ኦዲቲ።

15 ፊሎሎጉሳ፡ ዩሊያ፡ ኔይያ፡ ኢያ ሚቺው፡ ኦሎምፖሳኔ ኤንታራ ዴዒያ አማኒያ አሳ ኡባ ሳር ገቲ።

16 ገሻ ዬሬቴሌ ዬሬቲሼ፡ ኢሶይ ኢሱዎ ሳርሉቲ። ከሪሰቶሳ ዎሳ ኬላ ኡባይ ሂንቲና ሳር ያሳሶና።

ወርሴላ ዞሬ

17 ታ ኢሻቶ፡ ሂንቲ ታማሪዳ ቲሚርቲያ ኢዲዲ፡ ሂንቲ ገደን ሻኬቴሌኔ ሜቶ ሚዲያ አሳታፔ ናጌቲቲ። ኤንታፊ ሃከቲ።

18 ሃሳ ሜላ አሳቲ ባንታው ኦሎናፔ አቲን ኑ ጎዳ ከሪሰቶሳሰ ኦሎና። ባንታ ማላዒያ ደናኒኔ ሳጳሌያ ቃላን አይኮ ኤሮና አሳ ዎዛና ባሌሎሶና።

19 ዎንጌላሰ ሂንቲ ከቲቲዳይሳ አሳ ኡባይ ሲዒዳይሲ ታና ኡፋይሴሰ። ሸን ሂንቲ ሎዎባ ኤራና ሜላኔ ኢታባፔ ሃካና ሜላ ታ ኮያይሰ።

20 ሳርቴላ ያሳይ ያላሂያ ሂንቴ ቶሁዋፔ ጋርሳን ጋጪ ይገና።

ኑ ጎዳ ዬሱስ ኪሪስቶስ አጾ ከሃቴላይ ሂንቴራ ጊደ።

21 ታራ ኦሴያ ዲሞቲዮሲ ሂንቴና ሳር ያጌስ። ሄሳዳካ፣ ታ ዳቦቲ ሉቁዮሲ፣ ያሶኒኔ ሶስጳዊርሲ ሂንቴና ሳር ያጎሶና።

22 ሃ ዳብዳቢያ ጳውሎሳስ ዓፊዳ ታኒ፣ ዓርዲዮሲ፣ ሂንቴና ጎዳ ሱጎላን ሳር ያጋይስ።

23 ታና ሞኪዳይኔ ዋሳ ከላ ኡባይ ኢያ ሶን ሸቂያ ጋዮሲ፣ ሂንቴና ሳር ያጌስ። ካታማ ሚሺያ ኦይኪያ ኤራሰዎሲኔ ኑ ኢሻ ቃርዖሲ ሂንቴና ሳር ያጎሶና። [

24 ኑ ጎዳ ዬሱስ ኪሪስቶስ አጾ ከሃቴላይ ሂንቴ ኡባራ ጊደ። አሚንዒ።] *

25 ያሳስ ጋላቲ ጊደ። ታኒ፣ ዬሱስ ኪሪስቶስን እዲያ ዋንጌላ ቃላኒኔ ዳር ዋዴፔ ቆሱቲዲ ጋሞዒዳ ቱማቴላን፣ ያሳይ ሂንቴና አማኖን ሚንሉዲ ኤሳናው ዳንዳዔስ።

26 ሺን ሃዒ ሄ ቱማይ ቆንጨስ። ካዋቴላ ኡባይ አማኒዲ ኪቴታና ሜላ ሜሪና ያሳ ኪታን ናቤቲ ሄ ቱማባ ዓፊደሶና።

27 ዬሱስ ኪሪስቶስ ባጋራ ጨንጫቴሉ ኢያ ያላላስ ዳዒያ፣ ኢሲ ያሳስ ሜሪናው ቦንቾይ ጊደ። አሚንዒ።

16:21 ሃ.ኦ 16:1 16:23 ሃ.ኦ 19:29፤ 1ቆር 1:14፤ 2ዳሞ 4:20 * 16:24 ቤኒ ኮይር ማፃፋታን ገይዶ 24 ዴና።

ጳውሎስ ቆርንቶሳ አሳስ ፃፊዳ ኮይሮ ኪታ ጋሳ ቆፋ

ጳውሎስ ቆርንቶሳ አሳስ ፃፊዳ ኮይሮ ኪታይ ፃፊቲዳይ፤ ጳውሎስ ቆርንቶሳን ኤሲዳ ዋሳ ከላን አማኒያ አሳ ዳዎኒኔ አማኖ ቦላ ዳንዲዳ ማቱዋስ ዛሮ አማናሳ። ሄ ዋዴ ቆርንቶሳ ካታማይ ቢታን ዳዒያ ዲማ ዲማ አሳይ ዳዒያ ገሪኬ ካታማኔ አካያ ገያ ሮሜ አወራጀስ ዋና ካታማ። ሄ ካታማይ ዛልዔን ኤሬቲዳ፣ ዋጋን ማኒዳ፣ ዲማ ዲማ ኢታ ዳዎን ዳልጊዳይሳኔ ሃይማኖቲ ዳሮቲላን ኤሬቲዳይሳ።

ሃዋሬይ ማንሲዲ ኦዳናው ኮዩዳይ፣ ሄ ዋሳ ከላ ገደን ማዴቲዳ ሻሆቲላባ፣ ዲማ ዲማ ኢታ ዳዎባ፣ ላይማቲላባ፣ ኤኮ ጌሎባ፣ ዋሳ ከላ ዋጋባ፣ ጌሻ አያና አሞታታባኔ ሃይቆፔ ዳንደባ። ዋንጌላይ ሃ ኦይሻታ ዋቲ ዛሪያኮ ሃዋሬይ ናጊዲ ኦዳስ።

ሲቆይ ያሳይ ባ አሳስ አሚዳ አጼ አሞታ ገዳይሳ ሼምፖ ታማኔ ሃዳይ ቆንጨሴስ፤ ቃሲ ሼምፖ ታማኔ ሃዳይ ሃ ማፃፋን ዳሮ ኤሬቲዳ ከፊላ ጌቲቲዳ ኤሬቲሰ።

1 ቆርንቶሳ ኪታ ኦይፌ ቆፋታ
 ጌሎ ቆፋ 1:1-9
 አማኒያ አሳ ገደን ማዴቲዳ ሻሂቲላ 1:9-4:21
 ላይማቲላኔ ሶ አሳ ዳዎ ዋጋ 5:1-7:40
 አማኒያ አሳኔ አማኖና አሳ 8:1-11:1
 ዋሳ ከላኔ ጎይኖ ዋጋ 11:2-14:40
 ኪሪስቶሳ ዳንዲዳ አማኒያ አሳ ዳንዲዳ 15:1-58
 ዩሁዳን ዳዒያ ማቶቲቲዳ አማኒያ አሳስ ማዶ 16:1-4
 ኩሻ ቆፋ 16:5-24

1 ያሳ ሼኒያን ዩሱስ ኪሪስቶሳ ሃዋሬ ገዳናው ጌቲቲዳ ጳውሎስኔ፣ ኦ ኢሻ ሶስቲኒሲ፤
 2 ቆርንቶሳን ዳዒያ ያሳ ዋሳ ከላስ፣ ዩሱስ ኪሪስቶሳን ጌዩዳይሳታሲኔ

ጌሺ ገዳና ማላ ጌቲቲዳይሳታሲ፤ ቃሲ ኤንታሲኔ ኦስ ጎዳ ገዲያ ኦ ጎዳ ዩሱስ ኪሪስቶሳ ሱንላ ኡባ ቤሳን ጌጊያ ኡባስ፤
 3 ያሳይ፣ ኦ አዋይኔ ጎዳይ ዩሱስ ኪሪስቶሲ ሂንቴው አጼ ከሃቴላኔ ሳሮቲላ አሞ።

ጳውሎስ ያሳ ጋላቲስ
 4 ያሳይ ኪሪስቶስ ዩሱሳ ባጋራ ሂንቴው አሚዳ አጼ ከሃቴላ ገሾ ታኒ ኡባ ዋዴ ያሳ ጋላታይስ።
 5 ኢያን ኦዳኒኔ ኤሬቲላ ኡባን ሂንቴ ዲሬቲዳታ።
 6 ታኒ ኪሪስቶሳ ማርካቲዳይሲ ቱማ ገዳይሳ ሄሲ ቆንጨሴስ።
 7 ሄሳ ገሾ፣ ሂንቴ ኦ ጎዳ ዩሱስ ኪሪስቶሳ ዩሳ ናጊሼ ዳዒሺን፣ አይ አያና አሞይካ ሂንቴው ፓጩና።
 8 ኦ ጎዳ ዩሱስ ኪሪስቶሲ ሲሚያ ዋዴ ሂንቴ ቦሬቶናይሳታ ገዳና ማላ ኢ ወርሴላ ጋካናው ሂንቴና ማንላና።
 9 ባ ናባ፣ ኦ ጎዳ ዩሱስ ኪሪስቶሳ ኢሲፊቲላይ ዳና ማላ ሂንቴና ጌጊዳ ያሳይ አማኔቲዳይሳ።

ዋሳ ከላን ዳዒያ ሻሁዋ
 10 ታ አሻቶ፣ ሂንቴ ገደን ሻኬቲላ ደናዳ ሂንቴ ኢሲ ዋዛናኒኔ ኢሲ ቆፋን ኢሶ ገዲዲ፣ ደና ማላ ኦ ጎዳ ዩሱስ ኪሪስቶሳ ሱንላን ታ ሂንቴና ዋሳይስ።
 11 ታ አሻቶ፣ ቄሎዔ ሶ አሳይ ሂንቴ ገደን ኦሺ ዳዒይሳ ታው ኦዲደሶና።
 12 ሂንቴፊ ኢሶቲ ኢሶቲ፣ «ታኒ ጳውሎሳሳ፤ ታኒ አጲሎሳሳ፤ ታኒ ጳይሮሳሳ፤ ታኒ ኪሪስቶሳሳ» ያኒታ።

13 ኪሪስቶሲ ሻኬቲዳይ? ሂንቴ ገሾ ማስቃሊያ ቦላ ካቁቲዳይ ጳውሎስይ? ዋይኮ ሂንቴ ጳውሎሳ ሱንላን ፃማቁቲዳይ?

14 ታኒ ቃሪስጳሲኔ ጋዮሲ አቲን ሂንቴፊ ኦናካ ፃማቃቦና ገሾ ያሳ ጋላታይስ።

15 ሄሳ ገሾ፣ ኦኒካ ሂንቴና ታ ሱንላን ፃማቁቲዳይ ጋናው ዳንደዔና።

[16 ቃሲ ኢስፃፋኖሴ ሶ አሳካ ታ ፃማቁዳይሳ አኬካይስ፣ ሺን ሃራ ኦና ፃማቁዳኮ ሃሳዩኬ።]

17 ኪሪስቶሲ ታና ከቲዳይ ዋንጌላ ኦዳና ማላሳፊ አቲን ፃማቃና ማላ ገዳና። ኪሪስቶሲ ማስቃሊያ ቦላ

ሃይቂዳይሲ ሃዳ ጊደና ማላ ታኒ አሳ ጨንጫቴላ ቃላን ኦዲኬ።

ከሪሰቶሲ ያሳ ዋልቃኔ ጨንጫቴላ
18 ከሪሰቶሲ ማስቃሊያ ቦላ ሃይቂዳይሳ ኦዲያ ቃላይ ቆይላታሰ ኤያቴላ፣ ሺን ኩሰ አቴይሳታሰ ያሳ ዋልቃ።

19 ጌሻ ማፃፋን፣
«ታኒ ጨንጫታ ጨንጫቴላ ቆይሳና፤ አኬካንቸታ አኬካ ባሌላና» ያጌሰ።

20 ያቲን፣ ጨንጨ አውን ደዒ? ሃጌ አስታማሬይ አውን ደዒ? ዋይኮ ሃ ሳዓ ኤራንቸይ አውን ደዒ? ያሳይ ሃ ሳዓ ጨንጫቴላ ኤያቴላ ኦሲቤን?

21 ሃ ሳዓ አሳይ ባንታ ጨንጫቴላን ያሳ ኤርና ማላ ባ ጨንጫቴላን ዲጊደያ፣ ኤያቴላን ታይቤቲያ፣ ኩኒ ኦዲያ ቃላን አማኔይሳታ አሻናው ያሳ ሹኔ ጊዲሰ።

22 አይሁዳቲ ማላታ ቤዓናው ኮዮሶና፤ ቃሲ ገሪኬቲ ጨንጫቴላ ኮዮሶና።

23 ሺን ኩኒ ማስቃሊያ ቦላ ካቂቲዳ ከሪሰቶሳ ሳባኮሰ። ሄሲ አይሁዳታሰ ጹቤ፤ ቃሲ ገሪኬታሰ ኤያቴላ።

24 ሺን ያሳይ ያሳይ ያሳይ ሳታሰ፣ አይሁዳ ጊዲን፣ ገሪኬ ጊዲን ከሪሰቶሲ ያሳ ዋልቃኔ ኤያ ጨንጫቴላ።

25 ያሳ ኤያቴላይ አሳ ጨንጫቴላፌ አጴሰ፤ ቃሲ ያሳ ዳቡራይ አሳ ማኖቴላፌ ማኔሰ።

26 ሂዛ፣ ታ አሻቶ፣ ያሳይ ሃንቴና ያጊያ ዋይ ሃንቴ አይ ማላ አሴኮ ቆፒቴ። አሳ ቆፋን ሃንቴ ጊደን ጨንጫቴ፣ ዋልቃማቲኔ ጶቃ ዛሬቲ ደኮና።

27 ሺን ያሳይ ጨንጫታ ዩላያናው አላሜን ደዒያ ኤያታ ደሪሰ፤ ቃሲ ማናታ ዩላያናው አላሜን ደዒያ ዳቡራንቸታ ደሪሰ።

28 ያሳይ ሃ አላሜያን ጌታ ጌቲቲዳባ ቆይሳናው፣ ሃ ሳዓ ካዉሻባ፣ ካጴቲዳባኔ ፓላናባ ደሪሰ።

29 ኦኒካ ያሳ ሲንላን ጨቁቶና ማላ ሄሳ አላሰ።

30 ሺን ያሳይ ሃንቴው ከሪሰቶሰ ዩሱሳራ ኢሲፌቴላ ደና ማላ አላሰ። ኢ ኩሰ ያሳፌ ጨንጫቴላ፣ ያሎቴላ፣ ጌሻቴላኔ አቶቴላ ጊዲሰ።

31 ሄሳ ጊሸ፣ ጌሻ ማፃፋን፣ «ጨቁቲያ ኦኒካ ጎዳን ጨቆ» ያጌሰ።

2

ከሪሰቶሳ ካቂቲላ
1 ታ አሻቶ፣ ታኒ ኮይሮ ያሳ ቃላ ሃንቴው ኦዲሹ ዪዳ ዋይ ደና ቢላቴላኒኔ ጨንጫቴላን ያቢኬ።

2 ታኒ ሃንቴራ ደዒያ ዋይ ማስቃሊያ ቦላ ካቂቲዳ ዩሱሰ ከሪሰቶሳ፣ አቲን ሃራባ ኤራናው ኮዪኬ ጋዳ ታ ቆፋ ቃቻሰ።

3 ታ ሃንቴራ ደዒያ ዋይ ዳቡራን፣ ያሻኒኔ ዳር ኮኮርሳን ደዒሰ።

4 ታ ኪታይኔ ታ ቲሚርቲይ ደና ቢላቴላኒኔ ጨንጫቴላን ጊደናሺን ጌሻ አያና ዋልቃ ቆንጨሴላና።

5 ሃሲካ፣ ሃንቴ አማናይ ያሳ ዋልቃናቴ አቲን አሳ ጨንጫቴላን ዜምፖና ማላሳ።

ያሳ ጨንጫቴላ
6 አያና ደዖን ዲጨዳይሳታሰ ኩኒ ጨንጫቴላ ቃላን ኦዲሰ። ሺን ሄ ጨንጫቴላይ፣ ሃ ሳዓ ጨንጫቴላ ዋይኮ ቆያናው ደዒያ ሃ ሳዓ ሃራይሳታ ጨንጫቴላ ጊደና።

7 ሺን ኩኒ ኦዲያ ጨንጨቴላይ፣ ዳር ዋይፔ ሲንሌ ያሳይ ኩ ቦንቸዋሰ ገሊሲዳይሳኔ ጌሚዲ ደዒያ ፀራ ጨንጫቴላ።

8 ሃ ሳዓ ሃራይሳታፔ ኦኒካ ሃ ጨንጫቴላ ኤሪቤና። ኤንቴ ኤሪዳባ ጊዲያኮ፣ ቦንቸ ጎዳ ማስቃሊያ ቦላ ካቆኮና።

9 ሺን ጌሻ ማፃፋን፣
«አይፌይ ቤዒቦናባ፣ ሃይሌ ሲዒቦናባ፣ ዋዛኒ ቆፒቦናባ፣ ያሳይ ባና ሲቁይሳታሰ ገሊሲሰ» ያጌሰ።

10 ያሳይ ባ ፀራ ባ አያና ባጋራ ኩሰ ቆንጨሴሰ። ጌሻ አያናይ ሃሪ አቶሺን ጌሚዳ ያሳ ፀራ ኡባ ፒሊከሰ።

11 አሳን ደዒያ አሳ አያናፔ አቲን አሳባ ኦኒካ ኤራና። ሄሳዳካ፣ ያሳባ ያሳ አያናፔ አቲን ኦኒካ ኤራና።

12 ያሳይ ኩሰ ጮ አሚዳባ ኩ ኤራና ማላ ያሳ አያና ኤኪዳፔ አቲን ሃ ሳዓ አያና ኤኪቦኮ።

13 ኑኒ ኣያናባ፡ ኣያና ኣሳታሰ ኣሳ ጨንጫቴላን ጊደናሽን ያሳ ኣያናይ ኤሚያ ጨንጫቴላን ታማርሶስ።

14 ሺን ጌሻ ኣያናይ ባይና ኣሲ ያሳ ኣያና ኣሞታታ ኤኬና። ሄሲ ኢያው ኤያቴሌ፤ ኡባይ ጌሻ ኣያናን ፒልጌቴያ ጊሾ ኢ ኤራናው ዳንዳዔና።

15 ሺን ጌሻ ኣያን ዴዒያ ኣሲ ኡባባ ፒልጌሰ፡ ሺን ኢያ ኣኒካ ፒልጌና።

16 ጌሻ ማፃፋን፡

«ጎዳ ዋዘና ኤሬይ ኦኔ?
ኢያ ዘራናው ዳንዳዔይ ኦኔ?»
ጌቴቲዲ ፃፊቲዳይሳ ሜላ። ሺን ኦሰ ከሪሰቶሳ ዋዘኒ ዴዔሰ።

3

ያሳ ኦሳንቸታ

1 ታ ኢሻቶ፡ ሂንቴ ከሪሰቶሳን ቡር ዮጋኔ ኣማኖና ኣሳሶ ዴዒያ ጊሾ ታኒ ኣያናባ ሂንቴው ኦደናው ዳንዳዒቢኬ።

2 ሂንቴ ሚኖ ካላ ማናው ዳንዳዒቢና ጊሾ ታኒ ሂንቴና ማላ ፓሃሰ፤ ሃዒካ ዳንዳዒቢኬታ።

3 ሃዒካ ሂንቴ ኣማኖና ኣሳዳ ዴዔታ። ሂንቴ ጊደን ዴዒያ ቃናቴይኔ ፓላማይ ሂንቴ ኣማኖና ኣሳዳ ዴዔይሳ ኤሪሰኔ፤ ሂንቴ ኣማኖና ኣሳዳ ሃኔታ።

4 ሂንቴፊ ኢሲይ፡ «ታኒ ጳዉሎሳሳ» ሃራይ ቃሲ፡ «ታኒ ኣጲሎሳሳ» ጊኮ፡ ኣማኖና ኣሳ ሚላ ጊዴኬቴ?

5 ያቴን፡ ኣጲሎሲ ኦኔ? ጳዉሎሲ ኦኔ? ኑኒ ሂንቴና ኣማንሌዳ ያሳ ኦሳንቸታ። ያሳይ ኢሱዋሰ ኢሱዋሰ ኢሚዳ ኦሱዋ ሚላ ኦሊያ ኦሳንቸታ ጊደኮናዬ?

6 ታ ቶካሰ፤ ኣጲሎሲ ሃሌ ኡሺሰ፡ ሺን ዲቺይ ያሳ።

7 ሄሳ ጊሾ፡ ዲቺዳ ያሳፊ ኣቲን ቶኬይካ ሃሌ ኡሺይካ ኣይኮካ ጊደና።

8 ቶኬይኔ ሃሌ ኡሺይ ዋሊ ሚላ፡ ሺን ኢሲይ ኢሲይ ባ ኦሱዋ ሚላ ያሳይ ኢሚያ ዋይቲዋ ኤካና።

9 ኑኒ ኢሲፊ ያሳሰ ኦሊያ ኢያ ኦሳንቸታ ጊዲያ ጊሾ ሂንቴ ያሳ ሾቃ፤ ያሳ ከላ።

10 ያሳይ ታው ኢሚዳ ኣጼ ከሃቴላ ሚላ ሂሳንቸ ኣናፃዳ ባሱዋ ዬጋሰ። ሃራ ኡራይ ኢያ ቦላ ከፃሰ። ሺን ኢያ

ቦላ ከፃያ ኦኒካ ዋቲዲ ከፃያኮ፡ ባው ናጌቶ።

11 ኢሲ ቶሆ ዬጌቲዳ ባሱዋፒ ሃራ ባሶ ዬጋናው ኦኒካ ዳንዳዔና። ሄ ባሶይካ ዬሱሰ ከሪሰቶሳ።

12 ሺን ሃ ባሱዋ ቦላ ኦኒካ ዋርቃን ዋይኮ ቢራን ጊዲን፡ ኣልዎ ሹቻን ዋይኮ ሚላን ጊዲን፡ ማታን ዋይኮ ማቃን ከፃኮ።

13 ኢሲ ኢሲ ኣሲ ሄ ባሱዋ ቦላ ኣይቢን ከፃዳኮ ፐርዳ ጋላሰ ታማን ፓጩቲዲ ቆንጫና።

14 ኦኒካ ሄ ባሱዋ ቦላ ከፃዳ ከላይ ታማን ፀ-ጌቶና ኣቲኮ፡ ባ ዋይቲዋ ኤካና።

15 ሺን ኦዴ ኦሶይካ ታማን ፀ-ጌቲኮ፡ ሄ ኡራሰ ዋይቶይ ባዋ። ጊደሽን፡ ኢ ባ ሁዔን ታማፒ ከሲ ኤኪዳ ኣሳዳ ኣታና።

16 ሂንቴ ያሳ ከላ ጊዴይሳኔ ያሳ ኣያናይ ሂንቴናን ዴዔይሳ ኤሬኬቴ?

17 ኦኒካ ያሳ ከላ ላሊኮ፡ ያሳይካ ኢያ ላላና። ያሳ ከላይ ጌሺ፤ ሄ ከላይካ ሂንቴና።

18 ኦኒካ ባና ጨዋፎ። ሃ ሳዓ ጨንጫቴላን ባና ጨንጫ ኦሊዲ ኤኪያ ኦኒካ ያሳ ሲንላን ጨንጫ ጊደናው ኤያ ጊደ።

19 ሃ ሳዓ ጨንጫቴላይ ያሳ ሲንላን ኤያቴሌ። ጌሻ ማፃፋን፡

«ያሳይ ጨንጫታ ኤንታ ጌኔ ቆፋን ኦይኬሰ» ያጌሰ።

20 ቃሲ፡ «ጨንጫታ ቆፋይ ማደናባ ጊዴይሳ ጎዳይ ኤሬሰ» ያጌሰ።

21 ሄሳ ጊሾ፡ ኡባይ ሂንቴሳ ጊዲያ ጊሾ ኦኒካ ኣሳን ጨቁቱፎ።

22 ጳዉሎሲ፡ ኣጲሎሲኔ ጳዒርሲ፡ ሃ ኣላሚይ፡ ዴዎይ፡ ሃይቆይ፡ ሃዒ ዴዔይ፡ ሲንላፊ ያናይሲ፡ ኡባይ ሂንቴሳ።

23 ሂንቴ ከሪሰቶሳ፤ ከሪሰቶሲ ያሳሳ።

4

ከሪሰቶሳ ሃዋሬታ
1 ኣሳይ ኦና ከሪሰቶሳ ኣይሌዳኔ ያሳ ፀ-ሪ ቆንጫራናው ሃዳሪ ኢሚቲዳ ኣሳዳ ኦሊዲ ቆፖ።

2 ሄ ሃዳራ ኤኪዳ ኣሳቲ ባንታ ጎዳሰ ኣማኔቲዳይሳታ ጊደናው ቤሴሰ።

2:16 ኢሳ 40:13 3:2 ኢብ 5:12-13 3:4 1ቆር 1:12 3:6 ሃ.ኦ 18:4-11፣ 24-28
3:16 1ቆር 6:19፤ 2ቆር 6:16 3:19 ኢዮ 5:13 3:20 ማዝ 94:11

3 ሸን ሂንቲ ወይኮ ሃራይ ታና ፐርዲኮ፡ ታው አይኮካ ገዴና። ሃራይ አቶ፡ ታካ ታ ቦላ ፐርዲኮ።

4 ታ ካሃይ ጌሽ፡ ሸን ሄሲ ታ ፖሎ ያሎ ገዴይሳ ቤሴና። ታ ቦላ ፐርዲናይ ጎዳ ያላላ።

5 ሄሳ ገሾ፡ ወዴይ ጋኮና፡ ጎዳይ ዮና ኦይ ቦላካ ፐርደፊቲ። ኢ ጭማን ጌሚዳባ ፖ ዬሴና፤ አሳ ዋዛናን ቆሴቲዳ ቆፋ ቆንጨሳና። ሄ ወዳ ኢሶይ ኢሶይ ያሳፊ ጋላታ ኤካና።

6 ታ አሻቶ፡ ሂንቲ ገሾ አጸሎሳኔ ታና ለሚሶ ኦላዳ ሂንቲው ኦዳሰ። ሄሳ ታ ኦላዳይ፡ «ፃፊቲዳይሳፊ አጭፋ» ያገያ ዘሪያ ሂንቲ ኑፔ ታሚሪና ማላሳ። ሄሳ ገሾ፡ ኦኒካ ኢሱዋ ሳቢዲ ሃንኩዋ ካጃናው ቤሴና።

7 ኔ ሃራታፔ አይቢን አጃይ? ኔኒ ኤካቦናባይ አይቢ ዴዳ? ያቲን፡ ኔኒ ኤኪዳባ ሃራ አሳፔ ኤኪዳ ገዲኮ፡ ኤኪቦና አሳዳ አይሰ ጨቁታይ?

8 ሃላ ሂንቲ ካሊዳታ። ሃላ ሂንቲ ዲሬቲዳታ። ኔኒ ባይና ሂንቲ ያላላ ካዋቲዳታ። ሂንቲ ቱማ ካዋቲዳባ ገዲያኮ፡ ኑካ ሂንቲራ ካዋታናሺን።

9 ያሳይ ኑና ሃዋሪታ፡ ሃይቆ ፐርደቲዳ አሳዳ አሳ ኡባፊ ኑና ጉዬ አላዳ ታው ዳኔሰ። ኔኒ ሃ አላሚያሰ፡ ኪታንቸታሲኔ አሳሰ ካሳባ ገዲዳ።

10 ኔኒ ኪሪሰቶሳ ገሾ ኤያ ገዲዳ፡ ሸን ሂንቲ ኪሪሰቶሳን ጨንጫታ ገዲዳታ። ኔኒ ዳቡራንቸ፡ ሸን ሂንቲ ሚና ገዲዳታ። ሂንቲ ቦንቸቲዳታ፡ ሸን ኔኒ ቶሼቲዳ።

11 ሃላ ጋካናው ኑ ኮሻቶሰ፡ ሳሞቶሰ፡ ካሎቶሰ፡ ዋዴቶሰ፤ ዳና ሶ ጃዪዲ ቶይላቶሰ።

12 ኔኒ ኑ ኩሺን ኦላ አቆሰ። ኑና አሲ ባዲያ ወዳ አንጆሰ፤ ኑና ጎዲያ ወዳ ዳንዳዎሰ።

13 ኑ ቦላ ኢታባ ኦይቲያ ወዳ ሎዎ ቃላ ዘርሰ። ኑ ሃላ ጋካናው ሃ አላሚያ ፒቶኔ ዋራ ዩጌቲያ ቡሬ ገዲዳ።

14 ታኒ ሄሳ ያፊዳይ፡ ታ ሲቁያ ናይታዳ፡ ሂንቲና ዘራናው ያፋሲፔ አቲን ዩላኖናው ገዴና።

15 ኪሪሰቶሳን ሂንቲና ዲቸያ ታይቦፔ ቦላ ገዲዳ ካሌሌይሳቲ ዴዳኮካ፡ ሂንቲው ኢሲ አዉ ዴዴሰ። ታ ሂንቲና ኪሪሰቶሰ ዩሱሳ ዋንጌላን ዩላሰ።

16 ሂዛ፡ ሂንቲ ታና ለሚሶ ኦላዳ ካላና ማላ ሂንቲና ዋሳይሰ።

17 ሄሳ ገሾ፡ አማኔቲዳ፡ ታ ሲቁያ፡ ጎዳን ታ ናባ፡ ያሞቲዮሳ ሂንቲኮ ኪታሰ። ኢ ዲማ ዲማ ቤሳን ዴዴያ ዋሳ ኬላን ታ ታማርሲዳ፡ ኪሪሰቶሳ ዩሱሳን ዴዴያ ታ ኦጊያ ሂንቲና ሃሳዪሳና።

18 ታኒ ሂንቲኮ ዮናባ ዳኒን፡ ኦቶሪያ ኢሲ ኢሲ አሳቲ ዴዎሶና።

19 ሸን ጎዳይ ገኮ፡ ማታ ወዳ ታኒ ሂንቲኮ ባና። ሄ ወዳ ኦቶሪንቸታ ኦዳ ያላላ ገዴናሺን ኤንታ ዋልቃካ ኤራና።

20 ያሳ ካዋቲላይ ኦዳ ገዴናሺን ዋልቃ።

21 ታኒ ሂንቲኮ ያሞዳራ ቦይ ወይኮ ሲቆራኔ አሸኬ አያናራ ቦ? አዉሳ ደሬቲ?

5

አማኒያ አሳ ገዴን ዴዴያ ዩላያ ኦሶ

1 ሂንቲ ገዴን ላይማቴሌ ዴዴይሲ ዘገራቴሰ። ሄሳ ማላ ላይማቴሌ ሃሪ አቶሺን፡ አማናና አሳይካ ኦሎኮና። ሂንቲ ገዴን ባ አዋ ማቼራ ቲኒዳ አሲ ዴዴሰ።

2 ሄሳን ሂንቲ ቁርታናዉኔ ዩላታናው ቤሴኔ፡ ሸን ኦቶርቲዳታ። ሄሳ ማላ ቦርሰባ ኦላዳ ኡራ ሂንቲ ገዴፊ ኬሳናው ቤሴኔ?

3 ታኒ አሾን ሂንቲራ ደና ኢዳኮካ አያናን ታ ሂንቲራ ዴዴይሰ። ታኒ ሂንቲራ ዴዴያ አሳዳ ሃናዳ ሄሳ ማላ ኦሎቶ ኦላዳ ኡራ ቦላ ፐርዲሰ።

4 ኑ ጎዳ ዩሱሰ ኪሪሰቶሳ ሱንላን ሂንቲ ሸቁያ ወዳ ታኒ አያናን ሂንቲራ ዴና። ሄሳን ጎዳ ዩሱሰ ኪሪሰቶሳ ዋልቃይ ሂንቲራ ገዴና።

5 ሄ ኡራ ናጋራ አሾይ * ጃዪዲ፡ ኢያ አያናይ ጎዳ ዩሱሳ ፐርዳ ጋላሳን አታና ማላ ኢ ያላሄሰ አጂ አሚቶ።

6 ሂንቲ ጨቆይ ሎዎ ገዴና። ጉሳ ኢርሾይ ሙኑቃ ኡባ ዴንሌይሳ ኤሬኬቲዬ?

7 ሂንቲ ሃላ ኢርሾይ ባይና ሙኑቃ ገዴና ማላ፡ ናጋራ ኢርሾዋ ሂንቲፊ ኬሲቲ። ኑሰ ፓሲካ ዶርሳ ገዲዳ ኪሪሰቶሲ ያርሾቲሰ።

4:12 ሃ.ኦ 18:3 4:16 1ቆር 11:1፤ ፊል 3:17 5:1 ዛሬ 22:30 * 5:5 ናጋራ አሾይ፡ ናጋራ ሚዳይ ወይኮ ናጋራ አሳቲላይ። 5:6 ጋላ 5:9 5:7 ኬሳ 12:5

8 ሄሳ ገሹ፣ ጌኔይኔ ኢታቴሌ ዲዲያ ኢርሹዋራ ገደናሽን ቱማቴሌኔ ጌሻቴሌ ዲዲያ ኡይላራ ኑ ባሊያ ቦንቸሰ።

9 ታ ካሴ ፃፊዳ ዳብዳቢያን ሂንቲ ላይማቲያ እሳራ ጋሄቶና ማላ ሂንቲው ኦዲስ።

10 ሄሳ ጉሳይ ሃ አላሚያን ዲዲያ ላይማቴይሳታራ ዋይኮ ኡዜታራ ዋይኮ ካይሶታራ ዋይኮ ኤቃ ጎይኔይሳታራ ፖሎ ጋሄቶፊቴ ጉሱ ገደና። ሄሳ ገደኮ፣ ሃ አላሚያፕ ሂንቲ ከያናው ቤሴስ ሽን አተሰ።

11 ሽን አማናይሰ ያገሼ ላይማቴይሳታራ ዋይኮ ኡዜታራ ዋይኮ ኤቃ ጎይኔይሳታራ ዋይኮ ጫዬይሳታራ ዋይኮ ማላቴይሳታራ ዋይኮ ካይሶታራ ጋሄቶፊቴ ጋዳ ሂንቲው ኦዲይስ። ሄሳ ማላ እሳራ ሃሪ አቶሺን፣ ካሊካ ሞፕቴ።

12 ዋሳ ከላፊ ካሬራ ዲዲይሳታ ቦላ ፐርዳናው ታና አይቤ ጋሌይ? ዋሳ ከላን ዲዲይሳታ ቦላ ሂንቲ ፐርዳኬቴዬ?

13 ሽን ካሬራ ዲዲይሳታ ቦላ ያሳይ ፐርዳና። ሄ ኢታባ ኦሊያ ኡራ ሂንቲ ገደፊ ከሰቴ።

6

አማኒያ እሳ ገደን ዲዲያ ሞቶ

1 ሂንቲ ገደፊ ኢሶይ ኢሱዋራ ሞቶይ ዲዲያ፣ ሄሳ አማኒያ እሳ ሲጎላን ፐርዳታናይሳ አገዲ አማናና እሳ ሲጎላን ፐርዳታናው ዋኒዲ ቢ?

2 ጌሻቲ አላሚያ ቦላ ፐርዳናይሳ ሂንቲ ኤሬኬቴ? ያቲን፣ ሂንቲ አላሚያ ቦላ ፐርዲያባ ገደኮ፣ ሃይሳ ማላ ጉላባ ፐርዳናው ዋኒዲ ዳንዳዔኬቴ?

3 ኑኒ ኪታንቸታ ቦላ ፐርዳናይሳ ኤሬኬቴ? ያቲን፣ ሃ ሳባ ዲሳባ ቦላ ፐርዳናይሰ ሂንቲና ዋኒዲ ያኒ?

4 ያቲን፣ ሄሳ ማላ ማቶይ ሂንቲ ገደን ማዴቲኮ፣ ዋሳ ከላ አይፊን ካዴቲዳ እሳ ሲጎላን ፐርዳታናው ሞቲ ኤፊቴ?

5 ታኒ ሂንቲና ዬላያናው ሄሳ ጋይሰ። ሂንቲ ገደን ካጬቴዳ እሳታ ሲጌላናው ዳንዳዲያ አኬካ እሲ ባዌ?

6 ያቲን፣ ኢሲ አማኔይሲ ሃንኮ አማኔይሳ ፐርዳ ከላን አማናና እሳ ሲጎላን ሞታናው ቤሲ?

7 ሂዛ፣ ሂንቲ ኢሶይ ኢሱዋ ሞቲያባ ገደኮ ሄሲ ሂንቲ ኩንዴላ ቤሴስ። ሄሳፊ ሂንቲ ቆሄቲኮኔ ጨማቲኮ ከሄኔ?

8 ሽን ሂንቲ ዋሊ ገደን አማኔይሳቲ ኢሶይ ኢሱዋ ቆሄታኔ ጨማታ።

9 ጌላቲ ያሳ ካሞቴላ ላቶናይሳ ሂንቲ ኤሬኬቴ? ሂንቲና ጨሞፊቴ፤ ላይማቴይሳቲ ዋይኮ ኤቃ ጎይኔይሳቲ ዋይኮ ቃይዲይሳቲ ዋይኮ አዴራ አዴራ ጋሄቴይሳቲ።

10 ዋይኮ ካይሶቲ ዋይኮ ኡዜቲ ዋይኮ ማላቴይሳቲ ዋይኮ ጫዬይሳቲ ዋይኮ ቦንቄይሳቲ ያሳ ካሞቴላ ላቶኮና።

11 ሂንቲፊ ኢሲ ኢሲ አሳቲ ካሴ ሄሳ ማላ። ሽን ሂንቲ ሃዲ ጎዳ ዬሱስ ኪሪስቶሳ ሱጎላኒኔ ያሳ አያናን ማጨቴዴታ፤ ጌዪዴታ፤ ዪሊዴታ።

ሂንቲ አሳቴላን ያሳ ቦንቸቴ

12 ሂንቲ፣ «ኑ ኮዪዳባ አላናው ዳንዳዎስ» ያጌታ። ሽን ኡባይ ሂንቲና ማዴና። ታኒ ኮዪዳባ ኡባ አላናው ዳንዳዎይስ፣ ሽን አይቢካ ታና ሃሪና።

13 ሂንቲ፣ «ካሊ ኡሎሳ፤ ኡሎይካ ካላሳ» ያጌታ። ሽን ያሳይ ኡሎዋካ ካላካ ዳይሳናይሳ ታ ሂንቲው ኦዲይስ። ኑ አሳቴላይ ጎዳሳፊ አቲን ላይማቴላሳ ገደና። ጎዳይካ ኑ አሳቴላሳ።

14 ያሳይ ጎዳ ሃይቆፕ ደንሊዳይሳዳ፣ ኑናካ ሃይቆፕ ባ ዋልቃን ደንላና።

15 ሂንቲ አሳቴላይ ኪሪስቶሳ አሳቴላፊ ባጋ ገዴይሳ ኤሬኬቴ? ያቲን፣ ታኒ ኪሪስቶሳ አሳቴላፊ ባጋ ኤፋዳ ላይማቴላ አሳቴሌ ገደና ማላ ኦሎ? ሃኔና!

16 ላይማቴያ ኡራይ ኢ ጋሄቲያ አሴራ ኢሲ አሳቴሌ ገዴይሳ ኤሬኬቴ? ጌሻ ማፃፋን፣ «ኤንቲ ናሞዳይ ኢሲ አሳቴሌ ገደና» ጌቲቲዲ ፃፊቲሰ።

17 ሽን ጎዳራ ኢሲፊያ ኡራይ ኢያራ አያናን ኢሶ ገዴሰ።

18 ላይማቴላፊ ሃኪቴ። ኢሲ ኡራይ ኦሊያ ሃራ ናጋራይ ኢያ አሳቴላፊ ካሬራ ኦሴቲሰ። ሽን ላይማቴያ እሲ ባ አሳቴላ ቦላ ናጋራ ኦሴሰ።

19 ሂንቲ አሳቴላይ ያሳይ ሂንቲው አሚዳ ሂንቲናን ዲዲያ ጌሻ አያና ከሌ

ገዴይሳ ኤሬኮቲ? ሂንቴ ሂንቴባ ገዴኬታ።

20 ያሳይ ሂንቴና ጋቴን ሻሚሰ። ሄሳ ጊሹ፣ ሂንቴ አሳቴላን ያሳ ቦንቸቲ።

7

ኤኮ ጌሎባ

1 ሂንቴ ታው ፃፊዳ ዳብዳቢያሰ ዘርይ ሃይሳ። ኢሲ አሲ ማቸና ዴቢኮ ሎዎ።

2 ሺን ላይማቴላፌ አታናው ኢሲ ኢሲ አዴይ ማቸ ኤኮ፤ ቃሲ ኢሲ ኢሲ ማጫሳሰ አዚኒ ዴዎ።

3 አዚናይ ባ ማቸሰ፣ ቃሲ ማቸያ ባ አዚናሰ ቤሲያባ ኩንሉ።

4 ማቸሰ ባ አሳቴላ ቦላ አው ማቲ ባዎ፣ ሺን ማታይ ኢ አዚናሳ። ሄሳዳካ፣ አዚናሰ ኢያ አሳቴላ ቦላ ማቲ ባዎ፣ ሺን ማታይ ማቸሳ።

5 ሂንቴ ዋሳን ጉላ ዋዴ ጋምዓናው ዘሬቴላን ገዴና ኢዳኮ፣ ኢሳይ ኢሱዋ ዳጎሬቴ። ሄሳ ጋሶን ሂንቴናቴላ ሃራናው ያኔቴን፣ ፃላሄይ ሂንቴና ፓጮና ማላ ኢሲፌ ዴባቴ።

6 ሺን ታኒ ሂንቴና ዘራናው ሃይሳ ጋይሲፔ ኣቴን ከታ ገዴና።

7 አሲ ኡባይ ታዳ ማቸ ኤኮና ዴቢኮ ዳሳይሰ፣ ሺን ያሳይ ኢሱዋሰ ኢሱዋሰ አሚዳ ዴማ አሞቲ ዴዔሰ። ኢሱዋሰ ሃይሳ ማላ ሃንኩዋሰ ሄሳ ማላ አሞቲ ዴዔሰ።

8 ማቸ ኤኮቦናይሳታሰኔ አዚና ጌሊቦናይሳታሰ ቃሲ አምዔታሰ ታኒ ገዴ፣ ታዳ ኤኮና ዋይኮ ጌሎና ዴባቴ ጋዳ ዘራይሰ።

9 ሺን አምን ፀጌቴይሳፌ ኤኮይሰኔ ጌሊይሰ ሎዎ ገዴያ ጊሹ ኤንቴ ባንታና ሃራናው ዳንዳዎና ኢዳኮ፣ ኤኮኔ ጌሎ።

10 ታኒ ኤኮዳይሳታኔ ጌሊዳይሳታ ሃይሳዳ ጋዳ ዘራይሰ፤ ታና ገዴኬ ጎዳይ ከቴሰ፤ ማቸያ ባ አዚናፔ ሻኬቶፎ።

11 ሺን ሻኬቲኮ ሃራ አዚና ጌሎና ባርካ ዴዎ ዋይኮ ባ አዚናራ ጊን። አዚናይ ባ ማቸው ቢሎፎ።

12 ሺን ሃራታሰ ጎዳ ገዴናሺን ታኒ ሃይሳዳ ጋይሰ። አማናና ማቸ ዴቢያ አማኒያ አዚኒ ዴቢኮ፣ ኢያ ማቸያ ኢያራ ኢሲፌ ዳናው ኮይኮ ኢዮ ቢሎፎ።

13 ቃሲ አማናና አዚኒ ዴቢያ አማኒያ ማቸ ዴቢኮ፣ ኢ አዚናይ ኢራ ኢሲፌ ዳናው ኮይኮ ኢያፔ ቢሎቶፎ።

14 አማናና አዚናይ ባ አማኒያ ማቸ ባጋራ ጌዬሰ፤ ቃሲ አማናና ማቸያ ባ አማኒያ አዚና ባጋራ ጌያዉሱ። ሄሲ ባይኔኮ፣ ሂንቴ ናይቲ ቱና ገዴሶና፣ ሺን ሃሳ ኤንቴ ጌሺ።

15 ሺን አማናና አዚናይ ዋይኮ ማቸያ ቢላናው ኮይኮ ቢሎ። አማኒያ ማቸያ ዋይኮ አዚናይ ሄሳ ማላባን ቃሺቶኮና። ያሳይ ኑና ሳርቴላን ዳና ማላ ያገሰ።

16 አማኒያ ማቸቴ፣ ኔኒ አማናና ኔ አዚና አሻኔኮ አይ ኤራይ? ዋይኮ አማኒያ አዚናው፣ ኔኒ አማናና ኔ ማቸው አሻኔኮ አይ ኤራይ?

ያሳይ ሂንቴና ያገዳይሳዳ ዴባቴ

17 ኢሲ ኢሲ አሲ ጎዳይ ኢያው አሚዳ አምታዳኔ ያሳይ ኢያ ያገዳይሳዳ ዴዎ። ዋሳ ከላ ኡባን ታኒ ታማርሲዳ ዋጋይ ሃይሳ።

18 ኢኒካ ቃፃሬቴዲ አማኒዳባ ገዴኮ፣ ቃፃሬቶናዳ ሃናፖ። ቃፃሬቶና አማኒዳ ኢኒካ ዴቢኮ፣ ቃፃሬታናው ኮዮፖ።

19 ያሳ ከታ ፖላናው ቤሴሰፔ ኣቴን ቃፃሬቴን ቃፃሬቶና ኣገን ኣይኮካ ማዴና።

20 ኢሲ ኢሲ አሲ ያሳይ ባና ያገዴ ዋዴ ዴዔይሳዳ ዴዎ።

21 ያሳይ ኔና ያገዴ ዋዴ ኔኒ ኣይሎ? ኣይኮይ ባዋ ሃሳሰ ኡንዔቶፋ። ሺን ኔኒ ኣይሎቴላፌ ላዓ ከያናው ዳንዳዒኮ ዬዳ ከያ።

22 ኣይሎ ገዴ ዴቢሹ ጎዳን ያጌቴዳ አሲ ጎዳን ኣይሎቴላፌ ላዓ ከዩሰ። ሄሳዳካ፣ ኣይሎ ገዴና ዴቢሹ፣ ጎዳን ያጌቴዳ አሲ ከሪሰቶሳ ኣይሎ።

23 ያሳይ ሂንቴና ጋቴን ሻሚዳ ጊሹ ኣሳ ኣይሎ ገዴፔቴ።

24 ታ አሻቶ፣ ሂንቴ ኢሳይ ኢሳይ ያጌቴያ ዋዴ ዴቢያ ዴዐብን ያሳራ ኢሲፌ ዴባቴ።

ኤኮቦና፣ ጌሊቦና ኣሳባኔ አምዔታባ

25 ጌላዎታባ ጎዳይ ታና ከቲዳባይ ባዋ። ሺን ጎዳይ ታው አሚዳ ማርቴላ ማላ ታኒ ሂንቴና ዘራይሰ።

26 ሃዛ፣ ሃሲ ማቱዋ ጊሾ ኤኮና ዋይኮ ጌሎና ዲሲ ታው ሎፖ ዳኔሰ።

27 ኔ ማቾ ኤኪዳባ ጊዲኮ፣ ቢላናው ኮዮፓ። ኔ ማቾ ኤካቦናባ ጊዲኮ፣ ኤካናው ኮዮፓ።

28 ሺን ኔ ማቾ ኤኪኮ ናጋሪ ባዋ። ሃሳዳ ጌላዲያካ አዘና ጌሊኮ ናጋሪ ባዋ። ሺን ኤኪያ ጌሊያ አሳሰ ሃ ሳዓን ዳሮ ማቶይ ዴዲያ ጊሾ ሂንቴ ሃሳፌ አታና ማላ ታ ኮያይሰ።

29 ታ አሻቶ፣ ታ ጌይ ሃሳ፤ ዋዴይ ወሪሰ። ሃዛፔ ሲንሌ ማቻ ዴዴይሲ ማቾ ኤኮናይሳዳ ዴፖ።

30 ዩኬይሳተ ዩኮናዳ፣ ኡፋይቴይሳተ ኡፋይቶናዳ፣ ሻማይሳተ አይኮይካ ባይናዳ ባንታና ታይቦ።

31 ሃ ሳዓ ሻሎዋን ማዴቴይሳተ ማዴቲቦናዳ ሃና። ሃ አላሚያ ማላይ አፋና።

32 ሂንቴ ሂርጊ ባይና ዳና ማላ ታ ደሳይሰ። ማቾ ኤኪቦናይሲ ጎዳ ኡፋይሳናው ኮያ ጊሾ ጎዳባ ቆፔሰ።

33 ሺን ማቾ ኤኪዳይሲ ባ ማቸው ኡፋይሳናው ኮያ ጊሾ ሃ ሳዓባ ቆፔሰ።

34 ኢያ ቆፋይ ናሞዓን ሻኬቴሰ። አዘና ጌሊቦና ጌላዲያ ባ አሳቴላኒኔ ባ ሺምፑዋን ጌያዳ ጎዳ ኡፋይሳናው ኮያ ጊሾ ጎዳባ ቆፓውሱ። ሺን አዘና ጌሊዳራ ባ አዘና ኡፋይሳናው ኮያ ጊሾ ሳዓባ ቆፓውሱ።

35 ታኒ ሃሳ ሂንቴው ኦዴይ፣ ሂንቴ ማዴታና ማላሳፌ አቴን ሂንቴና ኡንዔላናው ጊዴና። ሺን ሂንቴ ቆፋይ ሻኬቶና ማራን ዴዲዲ ጎዳ ኡፋይሲያባ ሂንቴ ኦላና ማላ ታኒ ኦዳይሰ።

36 አኒካ ባ ኦይቸዳ ጌላዴሰ ጌሎ ዋዴይ አጲሰ ጊዲ አዮ አጋናው ቆፒኮ፣ ሄሰ ቃሲ አው ሎፖ ጊዳናይሲ ኢያው ሰዔቲኮ፣ ባ ኮዩዳይሳ አላ፤ ኤንቴ ኤኬቶ፣ ጌሎቶ፤ ሃሳን ናጋሪ ባዋ።

37 ሺን ኢሲ አሲ ኡንዔሊያባይ ጳዪን፣ ባ ዋዛናን ማኒዲ፣ ባና ሃሪዲ፣ ባ ኦይቸዳ ጌላዲው ኤኮና አጋናው ኮይኮ ሎይሊሰ።

38 ሃሳ ጊሾ፣ ጌላዲው ኤኪያ ኡራይ ሎይሊሰ፤ ቃሲ ኤኮና ኡራይ ዳሮ ሎይሊሰ።

39 ማቸያ ባ አዘናይ ፓፃ ዴዲያ ዋዴ ኡባን ኢያራ ቃሺታሱ። ሺን ኢ አዘናይ ሃይቀኮ፣ ባ ደሲዳ አዘና ጌላናው

ዳንዳዓውሱ። ጊደሺን፣ ኢያ ጌሊያ አዴይ አማኒያ አሲ ጊዳናው ቤሴሰ።

40 ታ ቆፋን ጊዲኮ፣ ኢያ ጌሎና ዴዲኮ ኡፋይሳን ዳና። ቃሲ ታው፣ ታ ቦላ ያሳ አያኒ ዴዲያ ዳኔሰ።

8

ኤቃሰ ያርሼቲዳ ካላባ

1 ኤቃሰ ያርሼቲያ ካላባ ጊዲኮ ኦ ኡባይ ኤርሰ። ኡራቴሌ ኦቶርሴሰ፣ ሺን ሲቆይ ዲቸሰ።

2 አኒካ ባና ኤራይሰ ጊዲ ቆፒኮ፣ ኢ ቡር ኤራናው ቤሴይሳ ኤሪቤና።

3 ሺን አኒካ ያሳ ሲቀኮ ኢ ያሳ ማታን ኤራቴዳይሳ።

4 ሃሳ ጊሾ፣ ኤቃሰ ያርሼቲዳ ካሌ ሙሳባ ጊዲኮ ሃ አላሚያን ጎዲ ኢሲ ያሳፌ አቴን ሃሪ ባይና ጊሾ ኤቁ ፓላናባ ጊዴይሳ ኮኒ ኤርሰ።

5 ያሴ ጊደናሺን ሳሎኒኔ ሳዓን ያሴ ጌቴቲ ያጌቴያ ዳሮ ያሳቴኔ ጎዳቲ ዴዲኮካ።

6 ኡባባ ማዴዳ፣ ኦ ኢያባ ጊዲዳ፣ ኢሲ ያሳይ፣ አዋይ፣ ኦሰ ዴዴሰ። ኡባይ ኢያ ባጋራ ማዴቲዳ፣ ኦካ ኢያ ባጋራ ዴፖ ዴሚዳ ኢሲ ጎዳይ፣ ዩሱሰ ከሪሰቶሲ ኦሰ ዴዴሰ።

7 ሺን ሃይሳ ኤሪይ ኡባ ጊዴና። ኢሲ ኢሲ አሳይ ኤቃ ጎይራራ ማዜቲዳ ጊሾ ካሌ ሚያ ዋዴ ኤቃሰ ያርሼቲዳባ ኦሌዲ ኤኮሶና። ሄ ዋዴ ኤንታ ካሃይ ዳቡራ ጊዲያ ጊሾ ቱኔሰ።

8 ሺን ካሌ ኦና ያሳራ ዳቦዬና። ኦ ሞና አጊዲ አይኮካ ቆሃቶኮ፤ ቃሲ ሚዲ ዲማ ጎዴቶኮ።

9 ሺን ሂንቴ ኮዩዳባ ማናው ላባቴሌ ሂንቴው ዴዲኮካ ሄሲ አማናን ሚናናይሳ ጳቦና ማላ ናጌቴቴ።

10 ነኒ ኔና ኤራንቾ ጋዳ ኤቃሰ ያርሼቲዳ ካሌ ማናው ኤቃ ኬላን ኡቲዳሺን፣ አማናን ሚናናይሲ ኔና ቢዒኮ ሄሲ ኢያ ኤቃሰ ያርሼቲዳ ካሌ ማና ማላ ዴንሌሌኔዎ?

11 ሃዛ፣ ኔ ኤራቴላ ጋሶን ከሪሰቶሲ ኢያ ጊሾ ሃይቁዳ፣ አማናን ሚናና ኔ አሻይ፣ ጳይሰ።

12 ሃሳዳ ኦሌዲ፣ አማናን ሚናና ሂንቴ አሻታ ቆሂሼኔ ኤንታ ካሃ ማዲንግሲሽ ከሪሰቶሳ ቆሃታ።

13 ሃሳ ጊሾ፣ ካሌ ታ አሻ ጳቢያባ ጊዲኮ፣ ኢ ጳቤቶና ማላ አሾ ኡባራካ ሚኬ።

9

ሃዋሬታ ማታ

1 ታኒ ዬዳ ዳዲያ እሲ ገዲኪና? ታ ሃዋሬ ገዲኪና? ታኒ ኑ ጎዳ ዬሱስ ከሪስቶሳ ቤዓቢኪና? ሂንቲ ጎዳን ታ ዳቡራ አይፊ ገዳኬቲ?

2 ሂንቲ ጎዳባ ገዲያ ገሾ ታ ሃራታስ ሃዋሬ ገዳና እዲኮካ፣ ሂንቲው ሃዋሬ ገዳይሳስ ሂንቲ ማርካ።

3 ታና ሃዋሬ ገዳና ገይሳታስ ታ አሚያ ዘርይ ሃይሳ።

4 ኑ ሂንቲፊ ማናውኔ ኡያናው ቱማ ኑስ ማቲ ባዌ?

5 ሃንኮ ሃዋሬታዳ፣ ጎዳ አሻታዳኔ ጸዓርሳዳ፣ አማኒያ ኑ ማቼታ ኤኪ ሃሙታናው ኑስ ማቲ ባዌ?

6 ዋይኮ ኦሊዲ ማናው ቤሴይ ታራኔ ባርናባሳ ሃላሌ?

7 ባ ሚሼን ዋታዳራታሊ ኦሊይ ኦኔ? ዋይኮ ዋይኔ ቶኪዲ፣ ኢያፔ አይፊ ሞናይ ኦኔ? ዋይኮ ወዳ ሃሚሹ፣ ሃ ወዲያፔ ማሊ ኡዮናይ ኦኔ?

8 ታኒ ሃሳ አሳ ቆፋሶ ጋይናዬ? ሂጌ ሃሳ ኒኔ?

9 ሙሴ ሂጌያን፣ «ወዲማን ካላ ዬዲያ ቦራ ዶና ቃቾፋ» ጌቲቲዲ ሃፊቲስ። ያቲን ያሳይ ሃሳ ቦራስ ቆፒዲ ገዴ?

10 ያሳይ ሃሳ ገዳይ ኑስ ቆፒዲ ገዴኔ? ኤ ኑ ገሾሳ። ጎዬይሲካ፣ ካላ ጌሼይሲካ ባና ጋኬይሳ ኤካና ገዲ ኡፋይሳን ኦላናው ቤሴስ ጌቲቲዲ ቱማ ኑ ገሾ ሃፊቲስ።

11 ኑኒ ሂንቲ ገዳን አያና ዜሬሊ ዜሪዳ ገዲኮ አሾስ ኮሺያባ ኑ ሂንቲፊ ኤኪኮ፣ ሃሲ ጌታባዬ?

12 ሃራቲ ሃሳ ሂንቲፊ ኤካናው ኤንታው ማቲ ዳዲኮ፣ ኑስ ኤንታይሳፊ አዲያ ማቲ ዳዲስ።

ሺን ኑኒ ከሪስቶሳ ዋንጌላስ ጱቤ ገዳና ማላ፣ ኡባ ንጌሙሲፔ አቲን ሃ ማታን ጎዳቲባኮ።

13 ያሳ ኬላን ኦሊያ አሳቲ ባንታ ካላ ያሳ ኬላፊ ኤኬይሳ ኤሪኬቲ? ቃሲ ያርሾ ቤሳን ኦሊይሳቲ ያርሹዋፊ ኤኬይሳ ኤሪኬቲ?

14 ሃሳዳካ፣ ዋንጌላ ማርካቲይሳቲ ዲሳስ ኮሺያባ ዋንጌላፔ ኤካና ማላ ጎዳይ ከቲስ።

15 ሺን ታኒ ሃ ማታ ኡባን አይኮካ ጎዳታቢኬ። ታኒ ሃይሳ ሃፊዳይ ታ ማታ

ባንቲሳናው ኮያዳ ገዳና። ኦኒካ ታ ጨቁዋ ሃዳ ኦላናፔ ሃይቆይ ታው ሎያ።

16 ታኒ ዋንጌላ ኦዳይ ከቲቲዳ ገሾሳፊ አቲን ታና ጨቁሲያባ ገዳና። ዋንጌላ ኦዳና እዲኮ፣ ታና አይ።

17 ታኒ ዋንጌላ ዳሳዳ ሳባኪኮ ታው ዋይቶይ ዳዲስ። ሺን ታኒ ዋንጌላ ደሶና ከቲታዳ ሳባኪያባ ገዲኮ ሃሳ ያሳይ ታው ሃዳራ አሚስ።

18 ያቲን፣ ታ ዋይቶይ አይቤ? ታኒ ዋንጌላ ሳባኪያ ዋዴ ታ ማታን ጎዳቶና ዋንጌላ ጮ ሳባኪይሲ ታው ዋይቶ።

19 ታኒ ኦዳሰካ አይሌ ገዲኬ፣ ሺን ዳርታ አሻናው ኡባስ አይሌ ገዳስ።

20 ታኒ አይሁዴታ አሻናው ኤንታራ ኤንታ ገዳስ። ታ ሁዳን ሂጌፊ ጋርሳን ዳዲኬ፣ ሺን ሂጌፊ ጋርሳን ዳዲይሳታ አሻናው ሂጌፊ ጋርሳን ዳዲያ አሲ ገዳስ።

21 ያሳ ሂጌያፊ ካሬ ኬዮና፣ ከሪስቶሳ ሂጌያስ ከቲታሹ፣ ሂጌይ ባይናይሳታ አሻናው ሂጌይ ባይና አሳዳ ገዳስ።

22 ታኒ ዳቡራንቾታ አሻናው ዳቡራንቾ ገዳስ። ታኒ ጉላታ አሻናው ኡባራ ኡባ ሃናስ።

23 ታኒ ዋንጌላ አንጂዋ ሻኬታናው፣ ሃ ኡባ ዋንጌላ ገሾ ሃናስ።

24 ዋላን ጋዴቲያ ኡባይ ዋዴስ፣ ሺን ኢሱዋ ሃላሊ ዋይቶ ኤኬይሳ ኤሪኬቲ? ሃሳዳ ሂንቲካ ዋይቱዋ ኤካናው ዋዴቲ።

25 ጋዴቲያ አሳ ኡባይ ኡባባን ባንታና ሃራስ። ኤንቲ ሃሳ ዳቡራይ ጳያ ካላቻ ዋይቶ ኤካናሳ። ሺን ኑኒ ዳቡራይ ሜሪና ካላቻ ዋይቱዋ ኤካናሳ።

26 ሃሳ ገሾ፣ ታኒ ቆፊ ባይና አሳዳ ዋዴኬ። ጫርኮ ዪምፒያ አሳዳ ጮ ኮሺ ዬዲኬ።

27 ሺን ታኒ ሃራታስ ዋንጌላ ሳባኪዲፔ ጉዬ ታ ሁዳን ዬጌቲዳ አሲ ገደና ማላ ታ አሳቲላ ዋልቃን ሃራዳ ታው ከቲታና ማላ ኦሳይስ።

10

ኤቃ ጎይናፊቲ

1 ታ አሻቶ፣ ታኒ ሂንቲ ሃይሳ አኬካና ማላ ኮያይስ። ኑ አዋቲ ኡባይ

ሻራፔ ጋርሳራ ሃሙቲዶሶና፤ ኡባይ አባ ፒኒዶሶና።

2 ኤንቲ ሙሴራ ኢሲፋናው ሻራኒኔ አባን ፃማቄቲዶሶና።

3 ኤንቲ ኡባይ ኢሲ አያና ካጣ ሚዶሶና።

4 ቃሲ ኡባይ ኢሲ አያና ኡሻ ኡዪዶሶና። ኤንቲ ባንታና ካሊያ አያና ዛላፌ ፑልቲዳ ኡሻ ኡዪዶሶና፤ ሄ ዛላይካ ኪሪሰቶሳ።

5 ሺን ያሳይ ኤንታፌ ዳርታን ኡፋይቲቦና ጊሾ ኤንታ አሃይ ባዞ ቢታን ዎዲዲ አቲሰ።

6 ኤንቲ አታባ አሞቲዳይሳዳ፣ ኑካ አታባ አሞቶና ማላ ሄሲ ኡባይ ኑሰ ለሚሶ ጊዲሰ።

7 ጌሻ ማፃፋን፣ «አሳይ ማናውኔ ኡያናው ኡቲዶሶና፤ ቃሲ ዪፃናው ዴንዲዶሶና» ጌቲቲዳይሳዳ ኤንታፌ ኢሶቲ ኢሶቲ ኤቃ ጎይኒዳይሳ ማላ ሂንቲ ኤቃ ጎይናፊቲ።

8 ኤንታፌ ኢሶቲ ኢሶቲ ላይማቲዳይሳዳ ኑ ላይማታናው ቤሴና። ሄሳ ጋሶን ኤንታፌ ኢሲ ጋላሰ ላታማኔ ሄቩ ሙኩሉ አሲ ሃይቁሰ።

9 ኤንታፌ ኢሶቲ ኢሶቲ ጎዳ ፓጩዲ ሾሻን ዱኩቲዲ ሃይቁዳይሳዳ ኑ ጎዳ ፓጩናው ቤሴና።

10 ኤንታፌ ኢሶቲ ኢሶቲ ዙዙሚዲ ሃይቆ ኤሂያ ኪታንቹዋን ጳዪዳይሳዳ ሂንቲካ ዙዙዎፊቲ።

11 ሃ ኤንታ ቦላ ጋኪዳ ኡባይ ኑ ናጌታና ማላ ኑሰ ለሚሶ ጊዲሰ። ቃሲ ዎዴ ዉርሴላ ቦላ ዴዒያ ኑሰ ቲሚርቲ ጊዳና ማላ ሃ ኡባይ ፃፊቲሰ።

12 ሄሳ ጊሾ፣ ታ ኤቃሰ ጊያ ኦኒካ ከንዶና ማላ ባና ናጎ።

13 አሴ ኡባ ጋኪያ ፓጩፔ አቲን ዲማ ፓጩይ ሂንቲና ጋኪቤና። ሂንቲ ዎልቃይ ዳንዳዴይሳፌ አዲያ ፓጩን ሂንቲ ፓጩቶና ማላ አሊ አሞና ያሳይ አማኔቲዳይሳ። ሂንቲና ፓጩይ ጋኪያ ዎዴ ሄ ፓጩያ ኢ ሂንቲና ዳንዳዴሳና። ቃሲ ሄ ፓጩያፔ ሂንቲ ኬያና ኦጊያ ኢ ጊሊሳና።

14 ሂዛ፣ ታ አልዎ ኢሻቶ፣ ኤቃ ጎይናፌ ሃኪቲ።

15 ሂንቲ ዎዛናማ አሲ ጊዲዳ ጊሾ ታ ሃይሳ ኦዳይሰ። ታኒ ጌይሲ ቲማ ጊዳይሳ ሂንቲ ሂንቲ ሁዒን ፒርዲቲ።

16 ኑኒ ያሳ ጋላቲዲ ሻኬቲያ አንጆ ፀዓይ ኪሪሰቶሳ ሱላራ ኢሲፌቲሊ ዴዒይሳ ጊዳይኔ? ቃሲ ኑኒ ባሊያ ኡይላይ ኪሪሰቶሳ አሹዎራ ኢሲፌቲሊ ዴዒይሳ ጊዳይኔ?

17 ኑኒ ዳሮ ጊዲኮካ ኡይላይ ኢሲኖ፣ ኑ ሄ ኢሲ ኡይላ ሻኬቲያ ጊሾ ኢሲ አሳቲሊ።

18 አኔ ኢሰራዔሌ አሳይ ኦሊዳይሳ አኬኪቲ። ያርሼቲዳ ያርሹዎ ማይሳታሰ ያርሾ ቤሳራ ኢሲፌቲሊ ባሞዬ?

19 ታኒ አይ ጋናው ኮያዳ ጋይና? ኤቃሰ ያርሼቲዳ ካላይ ዎይኮ ኤቃይ ፓሊያባ ጊዳና።

20 ኤንቲ ያርሼይ ያሳሰ ጊዳናሺን ቱና አያናታሳ። ሄሳ ጊሾ፣ ሂንቲው ቱና አያናታራ ኢሲፌቲሊ ዳና ማላ ኮዩኬ።

21 ሂንቲ ጎዳ ፀዓፔ ኡዪሼ፣ ቃሲ ቱና አያናታ ፀዓፔ ኡያናው ዳንዳዴኬታ። ጎዳ ጋይታፔ ሚሼ ቃሲ ቱና አያናታ ጋይታፔ ማናው ዳንዳዴኬታ።

22 ኑ ሄሳ ኦሊዲ ጎዳ ዩሎይኖ? ኑ ኢያፔ አዲያ ሚኖዬ?

23 ሂንቲ፣ «ኡባባ ኦላና ማላ ዲጊያባይ ባዎ» ጌታ፣ ሺን ኡባይ ማዴና። ሂንቲ፣ «ኡባባ ኦላና ማላ ዲጊያባይ ባዎ» ጌታ፣ ሺን ኡባባይ ዲቹና።

24 ኢሲ ኢሲ አሲ፣ ሃራ አሲ ማዲያባ ቆፓናው ቤሴሲፔ አቲን ባና ማዲያባ ፃላላ ቆፖፎ።

25 ሂንቲ ካሃ ሲዴን ጌልሲያ ኦይሻ ዴንሶና ጊያን ባይዜቲያ አሹዎ ጮ ሚቲ።

26 አይሰ ጊኮ፣ «ሳዒኔ ሳዓን ዴዒያ ኡባይ ጎዳሳ።»

27 ኢሲ አማናና አሲ ሂንቲና አማታናው ኮዩዲ ያጊኮ ባናው ኮይኮ ቢቲ። ሂንቲ ካሃን ማዴቲያ ኦይሻን ሲዴና ሂንቲ ሲንሌ አሊያባ ኡባ ሚቲ።

28 ሺን ኢሲ አሲ፣ «ሃይሲ ኤቃሰ ያርሼቲዳባ» ጊኮ፣ ሄ ሂንቲው ኦዲዳ

10:3 ከሳ 16:35 10:4 ከሳ 17:6፤ ታይ 20:11 10:5 ታይ 14:29-30 10:6 ታይ 11:4 10:7 ከሳ 32:6 10:8 ታይ 25:1-18 10:9 ታይ 21:5-6 10:10 ታይ 16:41-49 10:16 ማቶ 26:26-28፤ ማር 14:22-24፤ ሉቃ 22:19-20 10:18 ሉዌ 7:6 10:20 ዛሬ 32:17 10:22 ዛሬ 32:21 10:23 1ቆር 6:12 10:26 ማዝ 24:1

አዲያ ጊሾኔ ሂንቴ ካሃ ጊሾ ሄ ካፋ ሞጥቷ።

29 ታኒ፥ ካሃ ጊሾ ጌይ ሄ ሂንቴው ኦዲዳ ኡራ ካሃ ጉሱፌ ኣቲን ሂንቴ ካሃ ጊደና።

ሃራ እሳ ካሃ ጊሾ ጋዳ ታኒ ታ ለባቴፋ ቦላ አይሰ ፐርዶ?

30 ታኒ ሚያ ካፋ ያሳ ጋላታዳ ሚኮ ባሊዳዳ አይሰ ቦሪቲያና?

31 ሂዛ፥ ሂንቴ አይ ሚኮ አይ ኡዩኮ፥ ዋይኮ አይ አሊኮካ ኡባባ ያሳ ቦንቸሰ ኦሊቲ።

32 አይሁዳታ ጊዲን ጌሪኬታ ጊዲን ዋይኮ ያሳ ዋሳ ኬሊ ጊዲን ኦዴሰካ ጴቤ ጊዶጊቲ።

33 ታኒ ኡባ ዋዴ ዳሮታ አሻናው ኤንቲ ማዴቲያ ኦጌ ኮያይሲፔ ኣቲን ታና ማዲያ ኦጌ ኮዩኬ።

11

1 ታኒ ኪሪሰቶስ ለሚሱዋ ካሌይሳዳ፥ ሂንቴካ ታና ካሊቲ።

ጎይኖ ማራ

2 ሂንቴ ኡባባን ታና ቆጥያ ጊሾኔ ታ ታማርሲዳ ቲሚርቲያ ሚንላዲ ናጊዳ ጊሾ ታ ሂንቴና ጋላታይሰ።

3 ሺን ኪሪሰቶሱ አዳ ኡባሰ ሁዔ፥ አዳይ ማጫሳሰ ሁዔ፥ ቃሲ ያሳይ ኪሪሰቶሳሰ ሁዔ ጌዴይሳ ሂንቴ ኡራና ማላ ታ ኮያይሰ።

4 ባ ሁዔያ ጉሉንተዲ ያሳ ዋሲያ ዋይኮ ቲንቢቲ ኦዲያ አዳ ኡባይ ሁዔ ጊዲዳ ኪሪሰቶሳ ቶቸሰ።

5 ባ ሁዔያ ቃጮና ያሳ ዋሲያ ዋይኮ ቲንቢቲ ኦዲያ ማጫሲያ ሁዔ ጊዲዳ ባ አዚና ቶቻዉሱ። ባ ሁዔያ ቃጮና ማጫሲያ ባ ሁዔያ ሜዴቲዳ ማጫሳ ማላ።

6 ማጫሲ ባ ሁዔያ ቃጮና ኢዳኮ፥ ባ ሁዔያ ቃንጻቶ። ሺን አው ሁዔያ ቃንጻይ ዋይኮ ሜዴይ ቦርሶ ጊዲኮ ባ ሁዔያ ቃጮ።

7 አዳይ ያሳ ለሚሱኔ ያሳ ቦንቸ ጊዲያ ጊሾ ባ ሁዔያ ቃቻናው ቤሴና፥ ሺን ማጫሲ አዳሰ ቦንቸ።

8 ማጫሲ አዳፌ ሜዴታሱፐ ኣቲን አዳይ ማጫሳፔ ሜዴቲቤና።

9 ማጫሲ አዳሰ ሜዴቲሲፔ ኣቲን አዳይ ማጫሳሰ ሜዴቲቤና።

10 ሃይሳ ጊሾኔ ኪታንቸታ ጊሾ ማጫሲ ባው ማቲ ዴዔይሳ ቤሴያ ማላ ባ ሁዔን ቃጮናው ቤሴሰ።

11 ሺን ጎዳ ቆፋን ማጫሲ አዳይ ባይና ዴና፤ አዳይካ ማጫሲ ባይና ዴዔና።

12 ማጫሲ አዳፌ ሜዴቲዳይሳዳ አዳይካ ማጫሳፔ ዩሊቲሰ። ሺን ኡባባይካ ያሳፌ ሜዴቲሰ።

13 እኔ ሂንቴ ፐርዲቲ። ማጫሲ ባ ሁዔ ቃጮና ያሳ ዋሳናው ቤሴ?

14 አዳይ ባ ሁዔያ ዲቸኮ ኢያው ቦርሶ ጊዴይሳ ሃራ ኣቶሺን ሜዴቲላ ሂንቴና ታማርሲኔ?

15 ሺን ማጫሲ ባ ሁዔያ ዲቸኮ አው ቦንቸ ጊዴይ? ማጫሳሰ ሁዔይ ኢሜቲዳይ ኢያ ባና ካማና ማላሳ።

16 ሺን ሃይሳ ቦላ ፓላማናው ኮያ ኣሲ ዴሲኮ፥ ኩሰ ጊዲን ዋይኮ ያሳ ዋሳ ኬላታሰ ጊዲን ሃይሳፌ ሃራ ዋጊ ባዋ።

ጎዳ ካሁዋ ኤኪያ ማራ (ማቶ 26:26-29፤ ማር 14:22-25፤ ሉቃ 22:14-20)

17 ሂንቴ ኢሲፌ ሺቁይ ጎዳሰ ጊደናሺን ቆሆሰ ጊዲያ ጊሾ ሃዒ ታ ኢሚያ ኪታን ሂንቴና ናሺኬ።

18 ታ ኮይሮ ሰዒዳይ፥ ሂንቴ ዋሳ ኬላን ሺቁያ ዋዴ ሂንቴ ጊደን ሻሃቴላ ዴዔይሳ። ሄ ታ ሰዒዳይሳፌ ባጋይ ቱማ ጊዴይሳ አማናይሰ።

19 ሂንቴ ጊደፌ ቱማ ዴዔይሳቲ ኦናንቴኮ ኤሪታና ማላ ሂንቴ ጊደን ሻኮይ ዳናይሲ ኣቴና።

20 ሂንቴ ኢሲፌ ሺቁያ ዋዴ ሂንቴ ሺቁይ ጎዳ ካሁዋ ማናሳ ጊደና።

21 ሂንቴ ካሊ ሚያ ዋዴ ኢሶይ ኢሱዋ ናጎና ባይሳ ባይሳ ሚያ ጊሾ ኢሶይ ከሻቴሰ ሃንኮይ ቃሲ ማሉቲሰ።

22 ቱማ ሂንቴ ማናዉኔ ኤያናው ሂንቴው ኬሊ ባዌ? ዋይኮ ያሳ ዋሳ ኬላ ካዴቲ? ኣይኮይ ባይና ማንቆታ ዩላዬቲ? ታ ሂንቴና ዋይኮ? ሃይሳሰ ታ ሂንቴና ናሾ? ናሺኬ።

23 ታኒ ሂንቴው ኢሚዳ ቲሚርቲያ ጎዳፔ ኤካሰ። ጎዳ ዩሱሲ ኣዲዲ ኢሜቲያ ቃማን ኡይላ ኤኪዲ።

24 ያሳ ጋላቲሰ። ኡይላ ባሊዲ «ሃዒቲ፤ ሚቲ። ሃይሲ ሂንቴው ኢሜቲያ ታ ኣሹዋ። ሃይሳ ሚሹ ታና ሃሳዩቲ» ያገሰ።

25 ሄሳዳካ፡ ካሁዋ ሚዲ ሲሚን፡ ፀዓ ኤኪዲ፡ «ሃይሲ ፀዓይ ታ ሱፋን ኤቋያ ኦራፋ ጫቁዋ። ሃንቴ ኢያፔ ኡያ ዋዴ ኡባን ታና ሃሳዩቲ» ያጊሰ።

26 ሃንቴ ሃ ኡይፋ ሚያ ዋዴኔ ሃ ፀዓ ኡያ ዋዴ ኡባን ጎዳይ ያና ጋካናው ኢያ ሃይቁዋ ኦዴታ።

27 ሄሳ ጊሾ፡ ቤሶና ኦጊያን ጎዳ ኡይፋ ሚያ ዋይኮ ጎዳ ፀዓ ኡያ ኦኒካ ኢያ ኣሹዋኔ ሱፋ ቶቺዳ ጊሾ ባ ናጋራን ኦይሹቴሰ።

28 ሺን ኣሲ ባና ፓጮ። ያተዲ ኡይፋ ሞ፤ ፀዓፔካ ኡዮ።

29 ጎዳ ኣሹዋባ ሻኪ ኤርና፡ ኡይፋ ሚይኔ ፀዓፔ ኡይይ፡ ባ ቦላ ፐርዳ ሚሲኔ ኡይሰ።

30 ሄሳ ጊሾ፡ ሃንቴ ጊዶፊ ዳርቲ ዳቡሪዶሶና፤ ሃርጊዶሶና፤ ቃሲ ኡንዴና ኣሳቲ ሃይቁዶሶና።

31 ሺን ኑ ኑና ፓጪ ቤዒዳባ ጊዲያኮ፡ ኑ ቦላ ፐርዴታናሺን።

32 ኣላሚይ ፐርዴቲያ ዋዴ ኑ ኣላሚይራ ፐርዴቶና ሚላ ሃዒ ጎዳይ ኑና ሴሬሰ።

33 ሄሳ ጊሾ፡ ታ ኣሻቶ፡ ጎዳ ካሁዋ ማናው ሃንቴ ሺቋያ ዋዴ ኢሶይ ኢሱዋ ጋሊ ኤኪቴ።

34 ሃንቴ ሺቆይ ፐርዳሰ ጊደና ሚላ ኮሻቲዳ ኦኒካ ዴዒኮ፡ ባ ሶን ሞ።

ኣቲዳባ ታኒ ያ ባዳ ሃንቴው ኦዳና።

12

ጌሻ ኣያና ኣሞታታ

1 ታ ኣሻቶ፡ ጌሻ ኣያና ኣሞታታባ ሃንቴ ኤራና ሚላ ታ ኮያሰ።

2 ሃንቴ ያሳ ኣማኖና ዋዴ ዶኒ ባይና ኤቃታን ጎሹቲዲ፡ ሃንቴ ኤርና ሶ ቢዳይሳ ኤሬታ።

3 ያሳ ኣያናይ ካሌሊያ ኣሲ ኦኒካ፡ «ዬሱሲ ቃንጌቶ» ያጊና። ቃሲ ጌሻ ኣያናይ ካሌሶና ዴዒሺን፡ ኦኒካ፡ «ዬሱሲ ጎዳ» ጋናው ዳንዳያናይሳ ሃንቴ ኤራና ሚላ ኮያይሰ።

4 ዴማ ዴማ ኣያና ኣሞታቲ ዴዎሶና፡ ሺን ኣሞታታ ኣሚያ ኣያናይ ኢሱዋ።

5 ኑ ጎዳሰ ኦሊያ ዴማ ዴማ ኦሶቲ ዴዎሶና፡ ሺን ጎዳይ ኢሱዋ።

6 ኑ ጎዳሰ ኦሊያ ዴማ ዴማ ኦጌቲ ዴዎሶና፡ ሺን ሄ ኦኑታን ኣሳ ኡባን ኦሊያ ያሳይ ኢሱዋ።

7 ሺን ኢሱዋሰ ኢሱዋሰ ኣሚቲዳ ኣሞታታን ሃራታ ማዳና ሚላ ጌሻ ኣያናይ ቆንጩሰ።

8 ጌሻ ኣያናይ ኢሱዋሰ ጨንጫቴላ ኩሚዳ ቃላ ኣሚሰ፤ ቃሲ ኢሱዋሰ ኤራቴላ ኩሚዳ ቃላ ኣሚሰ።

9 ሄ ጌሻ ኣያናይ ኢሱዋሰ ኣማና፡ ሃንኩዋሰ ቃሲ ፓሊያ ዋልቃ ኣሚሰ።

10 ጌሻ ኣያናይ ኢሱዋሰ ማላታ ኦሊያ ዋልቃ፡ ኢሱዋሰ ቲንቤቲ ኦዲያ ዋልቃ ኣሚሰ። ኢሱዋሰ ኣያናፔ ኣያና ሻኪ ኤሪያ ዋልቃ፡ ኢሱዋሰ ዴማ ዴማ ዶናን ኦዲያ ዋልቃ፡ ቃሲ ኢሱዋሰ ዴማ ዴማ ዶናን ኦዴቲዳይሳ ቢርሺያ ዋልቃ ኣሚሰ።

11 ሺን ሃ ኡባ ኦሊይ ሄ ኢሲ ጌሻ ኣያና። ኢ ኮያ ሚላ ኢሲ ኢሲ ኣሳሰ ዴማ ዴማ ኣሞታ ኣሚሰ።

ኣሳቴፋኔ ዴማ ዴማ ቢሊቲታ

12 ኢሲ ኣሳቴፋን ዳር ቢሊቲቲ ዴዎሶና፡ ሺን ሄ ዴማ ዴማ ቢሊቲቲ ኢሲ ኣሳቴላ ጊዶሶና፡ ሄሳዳካ፡ ኪሪሰቶሲ ዴማ ዴማ ቢሊቲቲ ዴዒያ ኣሳቴፋ ሚላ።

13 ኦኒ ኣይሁዴ ጊዲን ጊሪኮ ጊዲን ኣይሌ ጊዲን ዋማኖ ጊዲን፡ ኡባይ ኢሲ ኣሳቴላ ጊደናው ጌሻ ኣያናን ያማቁቲዳ። ቃሲ ኑ ኡባይ ኢሲ ጌሻ ኣያና ኤኪዲ።

14 ኑ ኣሳቴፋን ዴማ ዴማ ቢሊቲቲ ዴዎሶናፔ ኣቲን ኢሲ ቢሊቲ ጊደና።

15 ቶሆይ፡ «ታኒ ኩሼ ጊደና ጊሾ ቢሊቲ ጊዲኬ» ጊኮ፡ ኢ ሄሳ ጊዳ ጊሾ ቢሊቲቴፋይ ኣቲዬ?

16 ሃይላ፡ «ታኒ ኣይፊ ጊደና ጊሾ ቢሊቲ ጊዲኬ» ጊኮ፡ ኢ ሄሳ ጊዳ ጊሾ ኣሳቴፋፊ ኢሲ ቢሊቲ ጊዴይሲ ኣቲዬ?

17 ኣሳቴፋ ኡባይ ኣይፊ ዓላላ ጊዲዳኮ፡ ኑ ኣይቢን ሰዓኔ? ቃሲ ኣሳቴላ ኡባይ ሃይላ ዓላላ ጊዲዳኮ ኑ ኣይቢን ሰንጋኔ?

18 ሺን ያሳይ ባ ኮዩዳይሳዳ፡ ኣሳቴፋ ጊደን ዴማ ዴማ ቢሊቲታ ዋላሰ።

19 ኡባይ ኢሲ ቢሊቲ ጊዲዳኮ ኣሳቴላ ዋኒዲ ዴኔ?

20 ሺን ቢሊቲቲ ዳር ጊዲኮካ፡ ኣሳቴፋይ ኢሶ።

21 ኣይፊይ ኩሹኮ፡ «ኔ ታው ኮሻካ» ጋናው ዳንዳዔና። ዋይኮ

ሆኔ ቶሆኑ፡ «ኔ ታው ኮሻካ» ጋናው ዳንዳዔና።

22 ሺን ዳቡራ ዳኒያ አሳቴላ ቢሊቴቲ ኑስ አዲዲ ኮሾሶና።

23 ቦንቾ ኮሾና ጊዲ ኑ ቆፒያ ኑ ቢሊቴታፔ ባጋታ ዳር ቦንቾስ። ቃሲ ኑ ቦርሴቲያ ኑ አሳቴላ ቢሊቴታ አላ ቦንቾዲ ናጎስ።

24 ኑ ቤዒን ቦርሶና አሳቴላ ቢሊቴታስ ቦንቾ ኮሾና። ሺን ያሳይ ኑ አሳቴላ ቢሊቴታ ዋሊራ ጋሴላዲ ቦርሲያ ቢሊቴታስ አዲያ ቦንቾ አሚስ።

25 አሳቴላ ቢሊቴቲ ኢሶይ ኢሱዋራ ሻኮ ሜዶና ዋሊስ ቆፓና ሜላ ኦላዲ ሜዲስ።

26 አሳቴላ ቢሊቴታፔ ኢሶይ ሳኬቲኮ ቢሊቴቲ ኡባይ ኢያራ ሳኬቶሶና። አሳቴላ ቢሊቴታፔ ኢሶይ ቦንቾቲኮ ቢሊቴቲ ኡባይ ኢያራ ኡፋይቶሶና።

27 ሂንቴ ኡባይ ኪሪስቶሳ አሳቴላ፤ ቃሲ ሂንቴ ኢሶይ ኢሶይ ኢያ ቢሊቴታ።

28 ዋሳ ኬላን ያሳይ፡ ኮይር ሃዋሬታ፡ ናምዓንሉ ናቤታ፡ ሄዻንሉ አስታማሬታ፡ ካሊዲ ማላታ ኦሌይሳታ፡ ፓሌይሳታ፡ ሃራታ ማዳይሳታ፡ ዋሳ ኬላ አይሴይሳታ፤ ዲማ ዲማ ደናን ሃሳይይሳታ ዋሊስ። 29 ኡባይ ሃዋሬ? ኡባይ ናቤ? ኡባይ አስታማሬ? ኡባይ ማላታ ኦላ? 30 ኡባይ ፓሌይ? ኡባይ ዲማ ዲማ ደናን ኦይቲ? ኡባይ ዲማ ዲማ ደናን ኦይቶይሳ ቢርሺ?

31 ሺን ኡባሬ አዲያ አዋታ ሚንሉዲ ኮዩቲ። ቃሲ ኡባሬ አዲያ ኦጊያ ታ ሂንቴና ቤሳና።

13

ቱማ ሲቆ

1 ታኒ አሳ ቃላኔ ኪታንቾ ቃላ ኦይታናው ዳንዳዒኮካ፡ ታው ሲቆይ ቆዩኮ፡ ጮ ገሪያ ዳላ ሜላ።

2 ቲንቢቴ ኦዲያ አዋይ ታው ዳዒኮካ፡ ፀራ ኡባ ኤሪኮካ፡ ኤራቴላ ኡባይ ዳዒኮካ፡ ቃሲ ዳሪያ ዳንሉዲ ሃራሶ ኤፊያ አማኖይ ታው ዳዒኮካ፡ ሲቆይ ቆዩኮ፡ ታ አይኮካ ጊዲኬ።

3 ታው ዳዒያባ ኡባ ማንቆታስ አሚኮካ፡ ሃሪ አቶሺን፡ ታና ታማስ አላ

አሚኮካ፡ ሲቆይ ቆዩኮ ታና አይኮካ ማዳና።

4 ሲቆይ ዳንዳዒንቾ፡ ሲቆይ ኬሃ። ሲቆይ ቃናቴና። ሲቆይ ጩቁቴና። ሲቆይ ኡቶሪና።

5 ሲቆይ ቤሶናባ ኦሌና። ሲቆይ ኡዜቴና። ሲቆይ ዩሎቴና። ሲቆይ ባቆሆ ፓይዳና።

6 ሲቆይ ቱማን ኡፋይቴሲፔ አቲን ዋርዶን ኡፋይቴና።

7 ሲቆይ ኡባ ዳንዳዒስ፤ ኡባ አማኔስ፤ ሎዖባይ ሃናና ጊዲ፡ ኡፋይሳን ናጌስ፤ ኡባ ጌንጩስ።

8 ሲቆይ ወርሴላ ጋካናው ቆዩና። ሺን ቲንቢቴይ አታና፤ ዲማ ዲማ ደናን ኦይቴይሲ አታና፤ ኤራቴላካ አቆና።

9 ኑ ኤራቴላፊ ጉላ ኤርስ፤ ቲንቢቴያፔ ባጋ ኦዶስ።

10 ሺን ፖሎ ጊዲዳይሲ ያ ዋዴ ፖሎ ጊደናይሲ አታና።

11 ታኒ ናባ ዳዒያ ዋዴ ናባዳ ሃሳይስ፤ ናባዳ ቆፓይስ፤ ናባዳ አኬካይስ። ታ ካሃሚዳ ዋዴ ናባቴላ ሃኑዋ አጎስ።

12 ሃዒ ፖዖይ ባይናሶን ማስቶቲን ቤዒይሳዳ ቤዖስ፡ ሺን ሄ ዋዴ ኑ ቆንጩን ቤዓና። ሃዒ ኑ ኤራቴላፊ ጉላ ኤርስ፡ ሺን ሄ ዋዴ ያሳይ ኑና ኤሪይሳዳ ፖሎ ኤራና።

13 ሂዛ፡ አማኖይ፡ ኡፋይሲኔ ሲቆይ፡ ሃ ሂቫቲ ኤቁዲ ዳና። ሺን ሃይሳታፔ አዲይ ሲቆ።

14

ቲንቢቴይ ዲማ ዲማ ደና

1 ሲቆ ካሊቲ። አያና አዋታታ ሚንሉዲ ኮዩቲ፤ ኡባሬ አላዲ፡ ቲንቢቴ አዋታ ሚንሉዲ ኮዩቲ።

2 ዲማ ዲማ ደናን ኦይቲያ አሲ ያሳስ ኦይሲፔ አቲን አሳስ ኦይና። ሺን አሳስ ቆንጩቦና ፀራ አያና ዋልቃን ኦይቲያ ገሾ ኦኒካ ኢ ኦይቴይሳ አኬኬና።

3 ሺን ቲንቢቴ ኦይይሳቲ አሴ ዲቻናው፡ ሚንሉላናዉኔ ሚንላናው አሳስ ኦይስ።

4 ዲማ ዲማ ደናን ኦዲያ አሲ ባና ዲቼስ። ሺን ቲንቢቴ ኦዲያ አሲ ዋሳ ኬላ ዲቼስ።

5 ሂንቴ ኡባይ ዲማ ዲማ ደናን ኦይቲያኮ ታ ደሳይስ፡ ሺን ቲንቢቴ

አዳናይሳ አላዳ ደሳይሰ። ዲማ ዲማ ደናን ኦዴቲያ ዋሳ ኬሌ ዲቻናው ቢርሼያ አሲ ቆዩኮ። ዲማ ዲማ ደና ኦዴቲያሳፊ ቲንቢቲ ኦዴይሲ አጼሰ።

6 ሸን ታ አሻቶ፣ ታኒ ሂንቲኮ ባዳ ቆንጩላን ዋይኮ ኤራቲላን ዋይኮ ቲንቢቲ ኦዴን ዋይኮ ቲሚርቲን ጊደናሺን ዲማ ዲማ ደናን ኦዴቲኮ ሂንቲና አይ ማዳኔ?

7 ዲማ ዲማ ዬላ ሚሼታሰ አሲ ቆሞ ገርሲ ዳዒኮ፣ ሱሱልዔ ገርሲኔ ዲላ ገርሲ ዋቲዲ ሻኪ ኤራኔ?

8 ቃሲ ዋይኮ ፑሮይ ጌዩዲ ኤራቶና አዲኮ ኦሳሰ ገቢቲይ ኦኔ?

9 ሂሳዳካ፣ ዲማ ዲማ ደናን ሂንቲ ኦዴቲይሲ ቆንጩ ጊደና አዲኮ ሂንቲ ኦዴይሳ ኦኔ ኤራኔ? ሄሲ ጫርኮሰ አዲያ ማላ።

10 ሃ አላሚያን ዳር ደናቲ ዳዎሶና፤ ሄ ኡባሰ ቢርሼሌ ዳዔሰ።

11 ሺን አሲ አሲ ኦዴቲያ ደና ታኒ ኤርና አዲኮ ኢ ታው አማሌ ጊዳሰ፤ ታካ አያው አማሌ ጊዳይሰ።

12 ሂሳዳካ፣ ጌሻ አያና አሞታ ሂንቲ ኤካናው ሚንሌዲ ኮይኮ፣ ዋሳ ኬሌ ዲቻናው ኡባፊ አጼያ አሞታ ኮዩቲ።

13 ዲማ ዲማ ደናን ኦዴቲያ አሲ ባ ኦዳ ቢርሻናው ቢርሼላ አሞታይ አሚታና ማላ ያሳ ዎሶ።

14 ታኒ ዲማ ዲማ ደናን ያሳ ዎሶኮ፣ ታ አያና ዎሶሰ፣ ሺን ታ ዎዛናይ አይኮካ ጎዔቲና።

15 ያቲን፣ ታ አይ ኦላናው ኮሺ? ታኒ ታ አያናን ዎሳይሰ፤ ታ ዎዛናንካ ዎሳይሰ። ታኒ ታ አያናን ዬፃይሰ፤ ታ ዎዛናንካ ዬፃይሰ።

16 ሂሳ ጊደና አዲኮ ኔኒ ኔ አያናን ያሳ ጋላቲያ ዎዴ ሄ ቤሳን ኔኒ ጌይሳ ኤርና አሲ ኔ ጋላቲይሳ ዎይጊዲ፣ «አሚንዒ» ጋኔ?

17 ኔኒ ያሳ ጋላቲይሲ ሎዎ፣ ሺን ሃራ አሲ ማዳና።

18 ታ ሂንቲ ኡባፊ አላዳ ዲማ ዲማ ደናን ኦዴቲያ ገሾ ያሳ ጋላታይሰ።

19 ሺን ታኒ ዎሳ ኬላን ሃራታ ታማርሳናው ዲማ ዲማ ደናን ታሙ ሙኩሉ ቃላ ኦዴታናፔ ኤሬቲያ ደናን ኢቻሹ ቃላ ኦዴታናው ደሳይሰ።

20 ታ አሻቶ፣ ሂንቲ ቆፋን ናይታዳ ሃናፒቲ። ሂንቲ ኢታባሰ ናይታዳ ሂንቲፔ አቲን ሂንቲ ቆፋን ካሃማታ ጊዲቲ።

21 ጎዳይ፣ ጌሻ ማፃፋን፣ «ታኒ ሃ አሳሰ፣ ዲማ ዲማ ደናን ኦዴቲያ አሳኒኔ አማላ አንፃርሳን ኦዴቲያ አሳን ኦዳና።

ሺን ሄሲ ሃኒኒካ ታና ሲዎኮና» ያጌሰ።

22 ሂዛ፣ ዲማ ዲማ ደናን ሃሳዮይ፣ አማናና አሳሰ ማላ ጊዳሲፔ አቲን አማኒያ አሳሳ ጊዳና። ቲንቢቲይ አማኒያ አሳሰ ማላ ጊዳሲፔ አቲን አማናና አሳሳ ጊዳና።

23 ዎሳ ኬላ አሳይ ኢሲፊ ሸቁያ ዎዴ ኡባይ ዲማ ዲማ ደናን ኦዴቲኮ ኤርና ዎይኮ አማናና አሳይ ሂንቲ ሸቁዎ ዩዲ፣ «ሃይሳቲ ጎዮሶና» ጎኮናዬ?

24 ሺን ኤርና ዎይኮ አማናና አሳይ ዎሳ ኬሌ ያ ዎዴ አሳይ ቲንቢቲ ኦዴሺን፣ ሲዒኮ ባናጋራ አኬካና፤ ቃሲ ኢ ሲዒዳ ቃላን ፐርዴታና።

25 ኤንቲ ኢያ ዎዛናን ጌሚዳ ቆፋ ቆንጩሳና። ሂሳዳካ፣ «ቲማ ያሳይ ሂንቲ ጊደን ዳዔሰ» ያጊዲ ማርካቲዲ፣ ጉፋኒዲ ያሳሰ ጎይናና።

ጎይና ማራ

26 ታ አሻቶ፣ ኑ ዎይጊና? ሂንቲ ኢሲፊ ሸቁያ ዎዴ ኢሱዋሰ ማዘሙሬይ ዳዔሰ፤ ኢሱዋሰ ታማርሶ አሞቲ ዳዔሰ፤ ኢሱዋሰ ቆንጩላ ዳዔሰ፤ ኢሱዋሰ ዲማ ዲማ ደናን ሃሳዮይ ዳዔሰ፤ ኢሱዋሰ ቢርሼላ አሞቲ ዳዔሰ። ሄ ኡባይ ዎሳ ኬሌ ዲቻያባ ጊደናው ቤሴሰ።

27 ዲማ ዲማ ደናን ኦዴቲያ አሳቲ ዳዔኮ፣ ናምዓ ዎይኮ ዳሪኮ ሄቫ ጊዲዲ ማራን ማራን ሃሳያናው ቤሴሰ። ኤንቲ ኦዴቲይሳ ሃራ አሲ ቢርሾ።

28 ሺን ቢርሼያ አሲ ቆዩኮ፣ ዲማ ዲማ ደናን ኦዴቲይሲ ዎሳ ኬላን ሲዒ ጎ። ባዔኔ ባ ያሳሰ ኦዳ።

29 ቲንቢቲ ኦዴይሳቲ ናምዓ ዎይኮ ሄቫ ጊዲዲ ኦዳ። ቃሲ ሃራቲ ኤንቲ ጊያባ ፐርደና።

30 ሄ ሸቁዋን ዳዔያ ሃራ አሳሰ ኢሲባይ ቆንጩኮ ካሴ ኦዴቲይሲ ሲዒ ጎ።

31 ኡባይ ታማራና ማላኔ ኡባይ ሚናና ማላ ማራን ማራን ቲንቢቲ ኦዳናው ዳንዳዔታ።

32 ናቤታ አያናይ ናቤታሰ ከቲቲሰ።

33 ጌሻታ ዋሳ ከላ ኡባይ ማዜተዳይሳዳ ያሳይ ሳርቴላ ያሳፊ አተን ጫቦ ያሲ ገደና።

34 ማጫሲ ዋሳ ከላን ሲዒ ጎ። ሙሴ ሂጌ ጌይሳዳ ኤንቲ ሃራቶፊ አተን ዋሳ ከላን አዳናው ኤንታው ማቲ ባዋ።

35 ማጫሲ ዋሳ ከላን ሃሳዮይ ቦርሶ ገዲያ ገሾ ኢሲባ ኤራናው ከይኮ ሶን ባንታ አዚናታ አይቸና።

36 ያሳ ቃላ ኮይር ሂንቲ ኤሂዳቲ? ዋይኮ ያሳ ቃላይ ሂንቲ ያላላኮ ዪዳ?

37 ኦኒካ ባና ናቤ ዋይኮ ባና ያሳ አሲ ገዲ ቆፒኮ። ታኒ ሂንቲው ፃፊይሲ ጎዳ ኪታ ገደይሳ አኩኮ።

38 ሺን ኦኒካ አኩኮና ኢዲኮ ኢካ አኩኮቶፎ።

39 ሄሳ ገሾ፣ ታ አሻቶ፣ ቲንቢቲ አዳናው ማንሊዲ አሞቲቲ፣ ቃሲ ዲማ ዲማ ደናን ኦዳቲይሳካ ዲጎፊቲ።

40 ሺን ኡባይካ ዋጋኒኔ ማራን ገደ።

15

ከሪስቶስ ሃይቆፔ ዳንዲዋ

1 ታ አሻቶ፣ ታ ሂንቲው ማርካቲዳ ዋንጌላ ሂንቲ ኤኩዳይሳኔ ሂንቲ አማናይ ኢያን ኤቁዳይሳ ሂንቲ አኩኮና ማላ ኮያይሲ።

2 ታ ታማርሲዳ ዋንጌላ ማንሊዲ አይከኮ ሂንቲ ኢያን አታና። ሄሲ ሃናና ኢዲኮ ሂንቲ አማናይ ሃዳ ገደና።

3 ታኒ ኤኩዳ ኡባፊ አዲያ ኪታ ካሴታዳ ሂንቲው አማሰ። ሄሲካ፣ ጌሻ ማፃፋይ ጌይሳዳ፣ ከሪስቶሲ ኑ ናጋራ ገሾ ሃይቁሰ።

4 ሞጌቲሰ፤ ጌሻ ማፃፋይ ጌይሳዳ፣ ሄጃንላ ጋላሳን ሃይቆፔ ዳንዲሰ።

5 ጳጊርሳስ ቆንጨሰ። ሄሳፊ ጉዬ፣ ታማኔ ናሞቡ ሃዋራታስ ቆንጨሰ።

6 ሄሳፊ ጉዬ፣ ኢቻሹ ያታፔ ዳሪያ አሳስ ኢሲ ቶሆ ቆንጨሰ። ኤንታፊ ዳሪያ ባጋይ ሃዒ ጋካናው ፓፃ ዳዎሶና፣ ሺን ጉላቲ ሃይቁዳሶና።

7 ሄሳፊ ጉዬ፣ ያይቆሳስ ቆንጨሰ፤ ጉዬፔ ባ ሃዋራታ ኡባስ ቆንጨሰ።

8 ቃሲ ወርሴላን አዉጫያ ማላ ገዲዳ ታው ቆንጨሰ።

9 ታኒ ዬሱሳ ሃዋራታ ኡባፊ ላፋ። ታኒ ያሳ ዋሳ ከላ ጎዲዳ ገሾ ዬሱሳ ሃዋራ ጌቲታዳ ያጌታናው ቤሶናይሳ።

10 ሺን ያሳ አዶ ከሃቴላን ታ ሃዒ ገዲዳይሳ ገደሰ፤ ኢታው አሚዳ አዶ ከሃቴላይ ማላ አቲቤና። ታኒ ሃንኮ ሃዋራታፔ አላዳ ዳቡራሰ። ሺን ታራ ዳዒያ ያሳ አዶ ከሃቴላይ አሊሰፔ አቲን ታና ገዲኬ።

11 ሂዛ፣ ታና ገደን ኤንቲ፣ ኑ ኡባይ ታማርሴይ ሄሳ፤ ሂንቲካ ሄ ኪታ አማኒዳታ።

ሃቆፔ ዳንደ

12 ከሪስቶሲ ሃይቆፔ ዳንዲዳይሳ ኑ ሳባኪያ ዋዴ ሂንቲፊ ኢሶቲ ኢሶቲ ያቲን፣ ዋይገዲ፣ «ሃይቆፔ ዳንደይ ባዋ» ያጎና?

13 ሃይቆፔ ዳንደይ ባይናባ ገዲኮ ከሪስቶሲ ሃይቆፔ ዳንዲቤና ጉሱ።

14 ከሪስቶሲ ሃይቆፔ ዳንዲቤናባ ገዲኮ ኑ ቲሚርቲይ ቃሲ ሂንቲ አማናይካ ሃዳ።

15 ሃይቆፔ ዳንደይ ባይናሺን፣ ኑኒ ያሳይ፣ «ከሪስቶስ ሃይቆፔ ዳንሊሰ» ያገዲ ሳባኪሽ ያሳ ዋርዳንቸ ማርካታ ገዲዳ ጉሱ።

16 ሃይቁዳ አሳይ ሃይቆፔ ዳንዲቤናባ ገዲኮ ሂዛ፣ ከሪስቶሲ ሃይቆፔ ዳንዲቤና።

17 ከሪስቶሲ ሃይቆፔ ዳንደናባ ገዲኮ፣ ሂንቲ አማናይ ሃዳ፤ ቃሲ ሂንቲ ሃዒ ጋካናው ሂንቲ ናጋራን ዳዒታ።

18 ሂዛ፣ ከሪስቶስ አማኒዲ ሃይቁዳይሳቲካ ዳዲዳሶና ጉሱ።

19 ኑኒ ሃ አላሚያ ዴቡዋ ያላላሰ ከሪስቶስን ኡፋይሲ አሊዳባ ገዲኮ፣ ሃ ሳባን ዳዒያ አሳ ኡባፊ ኑባይ አዲዳ ዪባታ።

20 ሺን ከሪስቶሲ ሃይቁዳይሳታስ ሃይቆፔ ዳንደን ባይራ ገዲዲ ቱማ ዳንዲሰ።

21 ሃይቆይ ኢሲ አሳ ባጋራ ሃ አላሚያ ዪዳይሳዳ ሃይቆፔ ዳንደይ ኢሲ አሳ ባጋራ ዪሰ።

22 አዳሜ ባጋራ አሳ ኡባይ ሃይቁዳይሳዳ ከሪስቶስ ባጋራ አሳ ኡባይ ዳዎን ዳና።

23 ሺን ኢሶይ ኢሶይ ባ ማራን ማራን ዳንደና። ከሪስቶሲ ኡባፊ ካሴቲዲ ዳንዲሰ፤ ሄሳፊ ጉዬ፣ ከሪስቶስይሳቲ ኢ ያ ዋዴ ዳንደና።

24 ሄሳፊ ጉዬ፣ ከሪስቶሲ ሃራይሳ፣ ማታኔ ዋልቃ ኡባ ዳይሲዲ፣ ካዋቲላ

ፆሳ አዋሰ አሚያ ዎዴ ዎዴያ ወርሴላይ ፆና።

25 ፆሳይ ኢያ ሞርኬታ ኡባ ኢያ ቶሁዋፔ ጋርሳን ዎላና ጋካናው ከሪሰቶሲ ሃራናው ቤሴስ።

26 ወርሴላን ኢ ቆይሳናው ዴዲያ ሞርኬይ ሃይቆ።

27 ጌሻ ማፃፃን፣ «ፆሳይ ኡባባ ኢያ ማታፔ ጋርሳን ሃሪሲስ» ጌቴቴዲ ፃፊቴስ። ሺን ኡባ ኢያ ማታፔ ጋርሳን ሃሪሲስ ጌይሲ፣ ኡባባ ኢያ ማታፔ ጋርሳን ሃሪሲዳ ፆሳ ትጃና።

28 ኡባባይ ከሪሰቶሳ ማታፔ ጋርሳን ሃሪቴዳፔ ጉዬ ከሪሰቶሲ ቃሲ ባ ሁዔን ኡባባ ባው ሃሪሲዳ ፆሳስ ሃሪታና። ሄ ዎዴ ፆሳይ ባ ፃላላ ኡባ ሃራና።

29 ሃይቁዳይሳቲ ዴንዶናባ ጊዲኮ ኡንታ ጊሾ አሳስ እይቢ ዎጄይ ዴዲ? ሃይቁዳይሳቲ ዴንዶናባ ጊዲኮ ፆቲን፣ እይስ፣ አሳይ ሃይቁዳይሳታ ጊሾ ፃማቁቶና?

30 ፆቲን፣ ኑኒ እይስ ኡባ ዎዴ ኑናቴላ ማቶሰ እላ ኢሞና?

31 ታ አሻቶ፣ ታ ጋላስ ጋላስ ሃይቆስ አቆዳ ኢሚታይስ። ሄሲካ፣ ጎዳ ከሪሰቶሰ ዬሱሳን ዴዲያ ዴዑዎ ኢሲፊቴላን ሂንቴናን ጨቁያ ጊሾሳ።

32 አሳ ቆፋላ ጊዲኮ፣ ታኒ ኤፌሶናን ደዓራ ቡቴቴዳይሲ ታና እይ ማዲ? ሃይቁዳይሳቲ ሃይቆፔ ዴንዶናባ ጊዲኮ፣ «ዎንቶ ኑ ሃይቁያ ጊሾ ሃቺ ማና ኡያና» ያጊያ አሳ ማላ ጊደስ።

33 ጨማቶፊቴ! ኢታ ላጌቴላ ሎዎ አማሊያ ኢሴስ።

34 ሂንቴ እክካኮ ሲሚቴ። ናጋራ ኦሶፊቴ። ሂንቴፊ ኢሲ ኢሲ አሳይ ፆሳ ኤርኮና። ታኒ ሂንቴና ዬላያናው ሄሳ ጋይስ።

ዴንዶ አሳቴላ

35 ኢሲ እሲ፣ «ሃይቁዳ አሳይ ዎኒዲ ዴንዳኔ? አንቴ እይ ማላ አሳቴላራ ያኔ?» ያጎና አጌና።

36 ኔና ኤያው፣ ኔኒ ቢታን ዜሪያ ዜሪላይ ሃይቆና ደሊና።

37 ኔኒ ዜሪይ ገሰቴ ጊዲን ዎይኮ ሃራ ካላ ቆሞ እይፊ ፃላላ ዜራሳፔ አቲን ደሊዳ ደላ ጊዴና።

38 ሺን ፆሳይ ዜሪላስ ባ ደሲዳ ማላ ማጄቴላ ኢሚስ። ዴማ ዴማ ዜሪላስ ዴማ ዴማ አሳቴላ ኢሚስ።

39 ማጄቴላ ኡባ አሾይ ኢሶ ጊዴና። ሺን አሳ አሾይ ኢሱዋ፤ ማሄ አሾይ ዴማ፤ ካፎታ አሾይ ዴማ፤ ቃሲ ሞሎ አሾይ ዴማ።

40 ሳሎ አሳቴላ ዴዴስ፤ ቃሲ ሳዓ አሳቴላ ዴዴስ። ሺን ሳሎ አሳቴላ ቦንቾይ ዴማ፤ ቃሲ ሳዓ አሳቴላ ቦንቾይ ዴማ።

41 አዎ ቦንቾይ ዴማ፤ አጌና ቦንቾይ ዴማ፤ ያሊንቶታ ቦንቾይ ዴማ፤ ኢሲ ያሊንቶይ ሃንኮ ያሊንቱዎፊ ቦንቾን ዴማቴስ።

42 ሃይቁዳይሳቲ ሃይቆፔ ዴንዲያ ዎዴ ሄሳዳ ሃናና። ሃይቁያ አሳቴላይ ዜሪቴስ፤ ሃይቆና አሳቴላ ጊዲዲ ዴንዳስ።

43 ቶሼን ዜሪቴዲ፣ ቦንቾን ዴንዳና፤ ደቡራን ዜሪቴዲ፣ ዎላቃን ዴንዳና።

44 ማጄቴላ አሳቴላይ ዜሪቴዲ፣ አያና አሳቴላ ጊዲዲ ዴንዳና። ማጄታ አሳቴላ ዴዲኮ፣ አያና አሳቴላ * ዴዴስ።

45 ሄሳዳካ፣ ጌሻ ማፃፃን፣ «ኮይር አዴይ፣ አዳሚይ፣ ገፃ ዴዲያ እሴ ጊዲዲ ማጄቴስ» ያጌስ። ሺን ወርሴላ አዳሚይ፣ ከሪሰቶሲ፣ ዴዎ ኢሚያ አያና ጊዲሲ።

46 ሺን ማጄታ አሲ ኮይር ዪን፣ ጉዬፔ አያና እሲ ዪሲፔ አቲን አያና እሲ ኮይር ዪሴና።

47 ኮይር አዳሚይ ቢታፊ ማጄቴዳ ቢታ አሲ፤ ናሞፃንሎ አዳሚይ ሳሎፔ ዪዳ ሳሎ አሲ።

48 ቢታፊ ማጄቴዳይሳቲ ቢታፊ ማጄቴዳይሳ ዴናሶና። ሳሎይሳቲ ሳሎፔ ዪዳይሳ ዴናሶና።

49 ኔኒ ቢታፊ ማጄቴዳ አዲያ ዳኔይሳ ማላ ሳሎፔ ዪዳ አዲያ ዴናና።

50 ታ አሻቶ፣ ታ ጌይሲ ሄሳ፤ ሃዒ ኑ ማዒዳ አሳቴላይ ፆሳ ካዎቴላ ላታናው ዴንዴዒና። ዎቁያ አሳቴላይ ዎቆና አሳቴላ ላቴና።

51 ታ ሂንቴው ኢሲ ፀራ ኦዳና። ኑ ኡባይ ሃይቆኮ፣ ሺን ወርሴላን ኡባይ ላሚታና።

52 ሞይዜይ ፑኔቴያ ዎዴ እይፊይ ቁጺ ፃላናው ሃሳዮና ላሚታና። ሃይቁዳ

15:25 ማዘ 110:1 15:27 ማዘ 8:6 15:32 ኢሳ 22:13 * 15:44 አያና አሳቴላ፡ ጌሻ አያናይ ሃራዳ ዎይኮ ጌሻ አያናይ ዴዎ ኢሚዳ አሳቴላ ጉሱ። 15:45 ሜጺ 2:7 15:52 1ቲሲ 4:15-17

አሳይ ዋቆና አሲ ገዲዲ ዳንዳና፤ ኑካ ለማታና።

53 ሃይሲ ዋቄይሲ ዋቆናይሳ፣ ሃይሲ ሃይቄይሲ ሃይቆናይሳ ማዓናው ቤሴሴ።

54 ሃይሲ ዋቄይሲ ዋቆናይሳ፣ ቃሲ ሃይሲ ሃይቄይሲ ሃይቆናይሳ ማዒያ ዋዴ ገሻ ማፃፃ፣ «ሃይቆይ ያኖን ማቲቲሰ» ገያ ቃላይ ፖሌታና።

55 ሄሳዳካ፣ «ሃይቆ፣ ኔ ያኖይ አዉን ዴዒ? ሃይቆ፣ ኔ ቆሂያ ዋልቃይ አዉን ዴዒ?»

ገዳ ቃላይ ፖሌታና።

56 ሃይቆይ ዲኪያ ዋልቃይ ናጋራ፤ ቃሲ ናጋራ ዋልቃይ ሂጌ።

57 ሺን ኑ ጎዳ ዩሱስ ኪሪሰቶሳ ሳጋራ ኑስ ያኖ አሚያ ያሳ ጋላቲ ጋኮ።

58 ሄሳ ገሾ፣ ታ ሲቆ አሻቶ፣ ቃያና ማኒዲ ኤቂቲ። ጎዳ ኦሱዋን ሂንቲ ዳቡሪይሲ ጮ ገዳናይሳ ኤሪዲ ኡባ ዋዴ ጎዳ ኦሱዋ አዛሎና ኦሊቴ።

16

አማኒያ አሳሰ ሸቂዳ ማዲዋ

1 አማኒያ አሳሰ ሚሼ ሺሸባ ጋላቲያ ዋሳ ኬላታሰ ታኒ ኪቲዳይሳዳ ሂንቲካ ኦሊቴ።

2 ሚሹያ ሺሸይ ታ ሂንቲኮ ቢያ ዋዴ ገዳና ማላ አሶይ አሶይ ሳማንታፊ ኮይሮ ጋላሰ፣ ዋጋ ዋዴ ዋጋ ዋዴ ባ ዴማይሳፊ ኬሲዲ ባ ሶን ዳጋዮ።

3 ታኒ ያ ቢዳ ዋዴ ሚሹያ ዩራሳላማ ጋላና ማላ ሂንቲ ዩሪያ አሳሰ ዳብዳቤ አማዳ ኤንታ ዩራሳላማ ከታና።

4 ኤንታራ ታ ቡሳይ ኮሺያባ ገዲኮ ኤንቲ ታራ ባናው ዳንዳዎሶና።

ጳውሎሳ ቆፋ

5 ታኒ ማቂደኒያራ አቆናው ቆፒዳ ገሾ ያ ባዳ ሂንቲኮ ያና።

6 ታ ቢያሶ እው ገዲኮካ፣ ታ ቡሳን ሂንቲ ታና ማዳና ማላ ሂንቲ ማታን ጉላ ዋዴ ጋዎያና አገኬ። ባልጎ አገናታ ሂንቲ ማታን አላና ዋያ አጋና።

7 ታኒ አጌራ አቆሽ ሂንቲና ቤዓናው ኮዩኬ። ጎዳይ ገኮ፣ ሂንቲ ማታን ጉላ ዋዴ ታካናው ቆፓይሰ።

8 ሺን ታኒ ጳንዩቆስዔ ባሌይ ጋካናው ኤፌሶናን ጋዎዓና።

9 ታው ኦሶይ ኩሚዳ ዳልጋ ፔንጌይ ደዩቲሰ፣ ሺን ዳሮ ኤቁቲያ ሞርኬቲ ዴዎሶና።

10 ኢ ታ ማላ ጎዳ ኦሶ ኦሊያ አሲ ገዲያ ገሾ ደሞቲዮሲ ሂንቲኮ ቢኮ፣ ሂንቲ ማታን ኢ ሂርጎና ዳና ማላ ኦሊቴ።

11 አኒካ ኢያ ካጾፖ። ኢ ታኮ ሳሮ ሲማና ማላ ኢያ ማዲዲ ሞይዚቲ። ታኒ ኢ ሃንኮ አማኔይሳታራ ሲማናይሳ ናጋይሰ።

12 ኑ አሻ አጲሎሲ ሃንኮ አማኔይሳታራ ሂንቲኮ ባና ማላ ታ ኢያ ማንላ ዋሳሰ። ሃዒ ሂንቲኮ ባናው ኮዩቤና፣ ሺን ኢያው አንጃቲያ ዋዴ ሂንቲኮ ባና።

ወርሴላ ዘሬኔ ሳሮላ

13 ባርኪቲ፤ አማኖን ኤቁቲ፤ ዓለቲ፤ ማኒቲ።

14 ኦሶ ኡባ ሲቆን ኦሊቴ።

15 ታ አሻቶ፣ ኢስዒፋኖሴይኔ ኢያ ሶ አሳይ አካያን ኤንቲ ኮይሮ አማኒዳይሳታ ገዴይሳኔ አማኔይሳታ ማዳናው ባንታና ኦሊ አሚዳይሳ ሂንቲ ኤሪታ።

16 ሂንቲካ ኤንታ ማላ አሳሰኔ፣ ኤንታራ ኦሶን ዳቡሪያ ኡባሰ ኪቲታና ማላ ታ ሂንቲና ዋሳይሰ።

17 ኢስዒፋኖሴይ፣ ፎርቹናሲኔ አካይቆሲ ታኮ ዩዳይሲ ታና ኡፋይሲሰ። ሂንቲ ባይና ቤሳን ኤንቲ ሂንቲና ገዲዲ ታ ፓጫ ኮንሊዳሶና።

18 ኤንቲ ሂንቲና ኡፋይሲዳይሳዳ ታናካ ኡፋይሲዳይሶና። ሄሳ ማላ አሳታ ደጎፒቲ።

19 ኢሲያ ዋሳ ኬላ አሳይ ሂንቲና ሳሮ ጎሶና። አቁሊኔ ጲሪሰቂላ ባንታ ሶን ሸቂያ ዋሳ ኬላ አሳራ ኢሲፊ ሂንቲና ጎዳ ሱንላን ዋዛናፔ ሳሮላሶና።

20 አማኒያ አሻቲ ኡባይ ሂንቲና ሳሮ ያጎሶና።

ገሻ ዩሬቴላ ዩሬቴሽ ኢሶይ ኢሱዋ ሳሮሊቴ።

21 ታኒ፣ ጳውሎሲ፣ ሃ ሳሮሉዋ ታ ኩሺን ዓፋሰ።

22 ጎዳ ደሶና አሲ ዴዒኮ፣ ቃንጌቲዳይሳ ገዴ። ኑ ጎዳው፣ ሃያ!

23 ጎዳ ዩሱስ ኪሪሰቶሳ አጾ ኬሃቴላይ ሂንቲራ ገዴ።

24 ታ ሲቆይ ኪሪሰቶሰ ዩሱሳን ዴዒያ ሂንቲ ኡባራ ገዴ። አሚንዒ።

15:54 ኢሳ 25:8 15:55 ሆሴ 13:14 16:1 ሮሜ 15:25-26 16:5 ሃ.አ 19:21
16:9 ሊዌ 23:15-21፤ ዛሬ 16:9-11፤ ሃ.አ 19:8-10 16:10 1ቆር 4:17 16:15 1ቆር 1:16 16:19 ሃ.አ 18:2

ጳውሎስ ቆርንቶሳ ኣሳሰ ፃፊዳ ናምዓንሉ ኪታ ጋሳ ቆፋ

ጳውሎስ ቆርንቶሳ ኣሳሰ ፃፊዳ ናምዓንሉ ኪታይ ፃፊቲዲይ፡ ኢያው ቆርንቶሳ ዋሳ ከሓራ ዴዲያ ጋሂቲላይ ዳር ሜቶ ጊዶ ጌሊዲ ዴዲያ ዋዴና። ኢሲ ኢሲ ዋሳ ከሓ ኣሳቲ ጳውሎስ ኪታ ቦሬ ቦሪኮካ ጳውሎስ ሲጋ ሜፋናው ኢያው ኣዋይ ዴዲያ ቤሲሰ። ሄሲ ሃሊያ ዋዴ ጊታ ኡፋይሳ ኡፋይታናው ዳንዴዴሳ ቆንጨሲሰ።

ጳውሎስ ባ ኪታን ኮይር ከፊሊያን፣ ቆርንቶሳ ዋሳ ከሓራ ኢያው ዴዲያ ጋሂቲላ ቆንጨሲዲ፣ ዋሳ ከሓን ሜፋቲዳ ቦሪያሲኔ ኢጱዋስ ኣይሰ ሚኖ ዛር ኢሚዳኮ ኦዴሰ። ሄሳራ ጋሓዲ ኢያ ሴራይ ኤንታ ናጋራፔ ዛሪዲ ሲጋን ጋሓዲ ጊሾ ኢ ኡፋይቲዳ ኡፋይሳ ኤንታው ቆንጨሲሰ። ካሊዲካ፣ ዪሁዳን ዴዲያ ኣማኒያ ኣሳ ማዳናው ባንታው ዴዲያባፔ ጮ ኢማና ሜላ ሃሳይሴሰ። ወርሴላ ሽምፖታን ጳውሎስ ባ ሃዋሬቲላ ቦላ ዴንዲዳ ሞቱዋስ ዛር ኢሚሰ። ጋሪይካ፣ ቆርንቶሳ ዋሳ ከሓን ዴዲያ ኢሲ ኢሲ ኣሳቲ ባንታና፣ «ቱማ ሃዋሬ» ኦሓዲ፣ «ጳውሎስ ዋርዳንቾ ሃዋሬ» ኦሓዲ ሞቶሶና።

2 ቆርንቶሳ ኪታ ኣይፌ ቆፋታ

ጌሎ ቆፋ 1:1-11
ጳውሎስን ቆርንቶሳ ዋሳ ከሓ 1:12-7:16
ዪሁዳን ዴዲያ ኣማኒያ ኣሳ ማዴ 8:1-9:15
ጳውሎስ ባ ሃዋሬቲላ ማታሰ ኢሚዳ ዛር 10:1-13:10
ኩሻ ቆፋ 13:11-14

1 ዋሳ ሽኔን ዩሱስ ኪሪሰቶሳ ሃዋሬ ጊዲዳ ጳውሎስኔ፣ ኦ ኢሻ ጂሞቲዮሲ፣ ቆርንቶሳን ዴዲያ ዋሳ ዋሳ ከሓሲኔ ኣካያ ቢታን ዴዲያ ዋሳ ኣሳ ኡባሰ ፃፊዳ ኪታ።

2 ዋሳ ኦ ኣዋፔኔ ጎዳ ዩሱስ ኪሪሰቶሳፔ፣ ኣጼ ከሃቴላይኔ ሳርቴላይ ሂንቴው ጊዶ።

ጳውሎስ ዋሳ ጋላቲሰ

3 ማርቴላ ኣዋሰ፣ ኡባ ዋዴ ኦና ሚንሌሊያ ዋሳሰ፣ ኦ ጎዳ ዩሱስ ኪሪሰቶሳ ኣዋሰ ጋላቲ ጊዶ።

4 ዋሳይ ኦስ ኢሚዳ ሚንሌላዋን፣ ሚቶን ዴዲያሳታ ኦ ሚንሌላና ሜላ ዋሳይ ኦና ኦ ሚቶ ኡባን ሚንሌላሰ።

5 ኦኒ ኪሪሰቶሳ ዳር ዋያ ሻኬቲዳይሳዳ ቃሲ ኦኒ ኢያ ዳር ሚንሌላዋን ሚናና።

6 ኦኒ ዋዬቲኮ ሄሲ ሂንቴና ሚንሌላናሳኒ ሂንቴና ኣሻናሳ። ቃሲ ኦኒ ሚኔቲኮ ኦኒ ጌንጨዳ ዋያ ሜላ ሂንቴካ ጌንጨዲ፣ ዋሳይ ሂንቴው ኢሚያ ሚንሌላዋን ሚናና።

7 ሂንቴ ኦ ኤኪዳ ሜቱዋ ሜላ ኤኪዲ፣ ኦ ሚንሌላዋን ሻኬታናይሳ ኦ ኤሪያ ጊሾ ኦ ኡፋይሳይ ሂንቴናን ሚና።

8 ኦ ኢሻቶ፣ ኢሲያ ቢታን ኦና ጋኪዳ ሜቱዋ ሂንቴ ኤሪና ሜላ ኮዮሰ። ሂ ኦና ጋኪዳ ሜቶይ ኦ ዋልቃፌ ዳሪን፣ ሃይቆና ኣቶኮ ጊዲ ኡፋይሲ ቃንጻዳሽን።

9 ኦኒ ኦ ቦላ ሃይቆ ፐርዲ ፐርዴቲዳ ሜላ ቆፐዳ። ሽን ኦኒ ኦ ሁዔን ጊዶናሽን፣ ሃይቂዳይሳታ ዴንሌያ ዋሳን ኣማኔታና ሜላ ሄሲ ሃሊሰ።

10 ዋሳይ ሄሳ ሜላ ኢታ ሃይቆፔ ኦና ኣሽሰ፤ ሃሃካ ኣሻና፤ ሲንሳፊካ ኢ ኦና ኣሻና ጊዲ ኢያን ኡፋይሲ ዋሳሰ።

11 ዋሳን ኦና ማዲቲ። ዳር ዋሳ ጋሶን ዋሳ ማዲዋ ኦ ዴሚያ ዋዴ ዳር ኣሳይ ኦ ጊሾ ዋሳ ጋላቶሶና።

ጳውሎስ ባናው ቆፐዳ ቆፋ ላሚሰ

12 ኦኒ ኦ ጊሻ ካሃን ጨቁቶሰ። ኦኒ ሃ ኣላሚያን ዴዲዳ ዴዑዋን ኡባራካ ኦ ዴዲዳ ዴዑዋን ቱማቴላኒኔ ሱሬቲላን ሂንቴራ ዴዲዳ። ሄሲካ፣ ሃ ኣላሚያ ጨንጫቴላን ጊዶናሽን ዋሳ ኣጼ ከሃቴላና።

13 ኦ ሂንቴው ፃፊዳ ዳብደቤይ ሂንቴ ናባባናውኔ ኣኪካናው ዳንዳዲያባፔ ኣቲን ሃራ ጊዶና። ሂንቴ ኢያ ኣኪካናው ዳንዳዴይሳ ታ ኣማናይሰ።

14 ሃላ ሂንቴ ኦና ሃሊዳ ከና ኤሬታ፣ ሽን ሲንሳፊ ኩሜላ ኤራናይሳ ታ ኣማኔታይሰ። ኦ ጎዳ ዩሱስ ሲሚያ ዋዴ ኦኒ ሂንቴናን ጨቁቲዳይሳዳ ሂንቴካ ኦናን ጨቁታና።

15 ሄሳ ታኒ ሎይላ ኤሪዳ ገሾ ሂንቴ ናምዓንሉ ጎራታና ማላ ካሴታዳ ሂንቴኮ ባናው ቆፋ ቃቻሰ።

16 ታኒ ማቄደኒያ ባሼኔ ያፔ ሲማሼ ሂንቴና ቤዓና። ታኒ ያፔ ዪሁዳ ቢያ ዋዴ ሂንቴ ታና ታ ኦጊያን ማዳና ጋዳ ቆፓሰ።

17 ታኒ ሄሳ ጋሼ አይ አላናው ቤሲያኮ ኤርና አሲ ዳናይና? ዋይኮ ታኒ ታ ቆፋ ቃቻያ ዋዴ አሳ ቆፋዳ፣ አሲ ቶሆ «ኤ» ቃሲ አሲ ቶሆ «አካይ» ጊያ አሳ ማሌዬ?

18 ሺን ያሳይ አማኔቴይሳ ጊዲያ ገሾ ኑ ሂንቴው አዲያ ቃላይ «ኤ» ዋይኮ «አካይ» ጌይሳ ጊዳና።

19 ታኒ፣ ሲላሴይኔ ያምቴዮሲ ሂንቴው ማርካቲዳ ያሳ ናዳይ፣ ዬሱሰ ከሪሰቶሲ ኡባ ዋዴ «ኤፔ» አቲን «ኤ» ኔ «አካይ» ጊዳና።

20 ያሳይ አማና ጊዳ ኡባይ ከሪሰቶሳ ባጋራ «ኤ» ጊዳሰ። ኑኒ ከሪሰቶሳ ባጋራ ያሳ ቦንቸሰ፣ «አማንዲ» ጌይ ሄሳ ገሾሳ።

21 ኑኒ ሂንቴ ከሪሰቶሳን ማኒዲ ኤቃና ማላ ኦሊዳይኔ ባ ኦሱዋሰ ደሪዳይ ያሳ።

22 ኑኒ ኢያባ ጊዳይሳ ኤሪሳናው ባ ማታሚያ ኑ ቦላ ዋሊሰ፤ ቃሲ ባ ጌሻ አያና ኦይሊ ኦሊዲ ኑ ዋዛናን ዋሊሰ።

23 ታኒ ቆርንቶሳ ቦና አጊዳይ ሂንቴ አዛናና አታና ማላሳ፤ ሄሲ ዋርዶ ጊዲኮ ያሳይ ታ ሹምፑዋ ታፔ ኤኮ።

24 ሂንቴ፣ ሂንቴ አማኑዋን ማኒዲ ዳዲያ ገሾ ኑ ሂንቴና ኡፋይሳናው ሂንቴራ አሲፊ ኦሊይሳታፔ አቲን ሂንቴና ዋልቃን አማኑሌይሳታ ጊደኮ።

2

1 ታኒ ናምዓንሉ ሂንቴኮ ቢኬ ጋዳ ቆፋ ቃቻዳይ ሂንቴና አዛንሉና አጋናሳ።

2 ታኒ ሂንቴና አዛንሉኮካ ታ አዛንሉዳ ሂንቴፊ ሃሪ ታና ኡፋይሳናው ዳዲይ ኦኔ?

3 ታኒ ሂንቴው ሄ ዳብዳቢያ ያፊዳይ፣ ታ ሂንቴና ቤዓናው ቢያ ዋዴ ታና ኡፋይሳናው ቤሲያ አሳን ታ አዛናናው ኮዮና ገሾሳ። ታ ኡፋይቲያ ዋዴ ሂንቴ ኡባይካ ኡፋይታናይሳ ታ አማናይሰ።

4 ታኒ ዳር ዋይኒኔ ኡንዓን ቃሲ ዳር አፋላን ያፊዳይ፣ ሂንቴና አዛንላናሳ

ጊዳናሺን ታኒ ሂንቴና ኡባ አይ ማላ ደሲያኮ ሂንቴና ኤሪሳና ማላሳ።

ቆሃዳይሳ ማርባ

5 አሴ አዛንሉዳ ኦኒካ ዳዲኮ ታ ኢያ ባላ ዳርሳናው ኮዩኬፊ አቲን ታና ጊዳናሺን ሂንቴፊ ዳርታ አዛንሉሰ።

6 ሂንቴፊ ዳሪያ አሳይ ሄ ኡራ ሴሪዳ ሴራይ ኢያው ጊዳና።

7 ሄሳ ገሾ፣ ሄ ኡራይ ዳር አዛኒዲ፣ ኡፋይሲ ቃንጾና ማላ ሂንቴ ኢያ ማራናውኔ ማንሌላናው ቤሴሰ።

8 ሂንቴ ኢያ ሲቄይሳ ዛሪ ኢያው ቆንጨሳና ማላ ታ ሂንቴና ዋሳይሰ።

9 ታ ሄ ዳብዳቢያ ሂንቴው ያፊዳይ፣ ሂንቴ ፓጩቴዲ፣ ኡባባን ታው ከቴቴይሳ ኤራናው ኮዩዳ ገሾሳ።

10 ሂንቴ ማሪያ ኡራ ታካ ማራና፣ ታኒ ማራናባይ አይሲ ዳዲኮካ፣ ከሪሰቶሳ ሲንላን ሂንቴ ገሾ ጋዳ ማራሰ።

11 ታኒ ሄሳ ኦሊዳይ ያላሂያ ጨዋ ኦሱዋ ኑ ኤሪያ ገሾ ያላሂን ጨሜቶና አታና ማላሳ።

ዲርዳዳን ጳውሎሳ ኡንዔቴላ

12 ታኒ ከሪሰቶሳ ዋንጌላ ሳባካናው ዲርዳዳ ቢዳ ዋዴ ጎዳይ ያን ታው ኦሶ ኦጌ ገገሲዲ ዋሊሰ።

13 ሺን ታኒ ታ አሻ ቲቶ ያን ዳማቦና ገሾ ታ ዋዛናይ ሺምፐቤና። ሄሳ ገሾ፣ ያን ዳዲያ አሳ ሳርላዳ ኢያ ኮያናው ማቄደኒያ ባሰ።

14 ሺን ከሪሰቶሳ ባጋራ ኡባ ዋዴ ኑና ያኖን ካሌሊያኔ ሺቶ ማላ ሳዊያ ከሪሰቶሳባ ኑ ኤሪያ ቲሚርቲያ ኡባ ቤሲ ጋላና ማላ ኦሊያ ያሳ ጋላቲ ጋኮ።

15 ኑኒ አቲያ አሳ ጊደኒኔ ጳያ አሳ ጊደን ከሪሰቶሳ ባጋራ ያሳሰ አሜቲዳ ሳዊያ ሺቶ ማላ።

16 ጳያ አሳሰ ሃይቆኮ ኤፊያ ሃይቆ ፔና፣ ቃሲ አቲያ አሳሰ ዳዎኮ ኤፊያ ዳዎ ሳዋ፤ ያፔን፣ ሄሳ ማላ ኦሱዋሰ ጊዳናይ ኦኔ?

17 ኑኒ ያሳ ቃላ ዋዴ ዳማናው ኮዩዲ ዋላኪዲ ዛልዲያ ዳር አሳ ማላ ጊደኮ። ሺን ያሳይ ከቲዳ ሱሬ አሳታ ማላ ከሪሰቶሳን ዳዲዲ ያሳ ሲንላን ቃላ ኦደሰ።

3

ኦራሳ ጫቁዋ ኦሳንቸታ

1 ኑኒ ዛሪዲ ኑና ሳቢኖዮ? ዋይኮ ሃራ እሳዳ፣ ሳባ ዲብዳቢያ ሂንቲው ዬዳናው ዋይኮ ሂንቲፊ ኤካናው ኑና ኮሺዬ?

2 እሲ ኡባይ ሂንቲና ኤራና ማላኔ ናባባና ማላ ሂንቲ ኑ ዋዛናን ፃፊቲዲ ዴዲያ ኑ ዲብዳቢ።

3 ሂንቲ ቃላሜን ገደናሺን ዴዮ ያሳ እያናን፣ ሹቻ ቦላ ገደናሺን እሳ ዋዛናን ፃፊቲዳይሳታኔ ኑናን ሃጋዘቲዳ ኪሪሰቶሳ ዲብዳቢ ገዴይሳ ቤሲዴታ።

4 ኑ ሄሳ ገዴይ፣ ኪሪሰቶሳ ባጋራ ያሳን አማኖይ ኑሰ ዴዲያ ገሾሳ።

5 ኑ ሄሳ አላናው ዳንዳዲያ ያሳ ዋልቃናፔ አቲን ኑኒ ኑ ዋልቃን እይኮካ አላናው ዳንዳዮ።

6 ኑ ኦራሳ ጫቁዋ አሳንቸታ ገደና ማላ ያሳይ ኑና ዳንዳዲሲሰ። ሄ ኦራሳ ጫቆይ ገሻ እያናን ቤንቲዳይሳፊ አቲን ፃፊቲዳ ሂገን ገዴና። ሂገይ ዋዴሰ፣ ሺን ገሻ እያናይ ዴዮ አሜሰ።

7 ሹቻ ቦላ ፃፊቲዳ ሂገይ አሜቲያ ዋዴ ያሳ ቦንቸይ ቆንጨሰ። ሙሴ ሰምዑዋን ዴዲያ ቦንቸይ ቆንጨ ቢያባ ገዴኮካ፣ ኢሰራዴሌ አሳይ ኢያ ሰምዑዋ ቲሺ አሉዲ ያላናው ዳንዳዲሰኮና። ሂዛ፣ ሃይቆ ኤሂያ ሂገይ ሄሳ ማላ ቦንቸን ቆንጨኮ።

8 ያቲን፣ ገሻ እያናን ኦሴቲያ ኦሱዋ ቦንቸይ ዋኒዲ አዴኔ?

9 አሳ ቦላ ፐርዳ ኤሂያ ሂገይ ቦንቸ ገዴኮ ያቲን፣ እሴ ያሊሲያ ኦራሳ ኦይ ዋኒዲ አዲዲ ቦንቸቲኔ?

10 ካሴ ቦንቸ ገዴዳይሳ ሃዲ አዲያ ቦንቸይ ዴዲያሳራ ጋላ ቤዲያ ዋዴ ቦንቸይ ባይናባ ገዴሲ።

11 ጉላ ዋዴሰ ቆንጨዲ ጉዬፔ ቆይዳይሲ ሃይሳዳ ቦንቸቲኮ፣ ማሪናው ዴዲይሲ ዋኒዲ አዲዲ ቦንቸቲኔ?

12 ኑሰ ሃይሳ ማላ ኡፋይሳይ ዴዲያ ገሾ ዬላቶና ኦዴቶሰ።

13 ኑኒ፣ ኢሰራዴሌ አሳይ ቆንጨ ቢያ ቦንቸዋ ዉርሴላ ቤዮና ማላ ባ ሰምዑዋ ካሚዳ ሙሴ ማላ ገደኮ።

14 ሺን ኤንታ ዋዛናይ ዴጨሰ። ሃቺ ጋካናው ኤንቲ ጋለሳ ጫቁዋ ናባቢያ ዋዴ ኤንታ ዋዛናይ ሄ ካማን ካሜቲ ዴዴሰ። ሄ ካማይ ኪሪሰቶሳ ፃላላን ቃሪቲሰ።

15 ሺን ሃቺ ጋካናውካ ኤንቲ ሙሴ ማፃፋ ናባቢያ ዋዴ ኡባን ሄ ካማይ ኤንታ ዋዛና ካሜሰ።

16 ሺን ኦኒካ ጎዳኮ ሲሚያ ዋዴ አዉዴካ ሄ ካማይ ቃሪቲሰ።

17 ጎዳይ እያና፣ ጎዳ እያናይ ዴዲያ ቤሳን ሳጎቴሌ ዴዴሰ።

18 ኑኒ ኡባይ ካሜቲቦና ሰምዮን ጎዳ ቦንቸዋ ቤዮና። * ኑኒ እያና ገዴዳ ጎዳ ማላ ዳናናው ቦንቸፊ ቦንቸን ላሜታና።

4

ቱማ ሃዋሪቲላ ኦሱዋ

1 ሂዛ፣ ያሳይ ባ ማርቲላን ሃ ኦሱዋ ኑሰ አሚዳ ገሾ ኑኒ ኡፋይሲ ቃንዮኮ።

2 ኑኒ ዬላያ ጌማ ኦሶ ኡባ እገዳ፤ ጌኔ ኦሶ ኦሶኮ፤ ያሳ ቃላ ዋርዶራ ዋላኮኮ። ቱማ ቆንጨጌን ሃሳዪሹ፣ አሳ ኡባ ካሃይ ኑና ኤካና ማላ ያሳ ሲንላን ኑና ሺሾሰ።

3 ኑ ኦዲያ ዋንጌላይ ጌሚዳባ ገዴኮካ፣ ጌሚዳይ ቆዮ ኦጌን ዴዲያ አሳሳ።

4 ሃ አላሚያ ሃሪያ ያሳይ አማናና አሳ ዋዛና ጎዚሰ። ኤንቲ ያሳ ማላን ቆንጨዳ ኪሪሰቶሳ ቦንቸ ዋንጌላ ፖዑዋ ቤዮና ማላ ዲገሰ።

5 ኑኒ፣ ዬሱሰ ኪሪሰቶሲ ጎዳ ገዴይሳኔ ኑ ኢያ ገሾ ሂንቲ ኦሳንቸ ገዴይሳ ኦዲሲፔ አቲን ኑባ ኦደኮ።

6 «ቆማን ፖይ ፖይ» ገዳ ያሳይ፣ ኪሪሰቶሳ ሰምዑዋን ፖዲያ ያሳ ቦንቸዋ ኤራ ፖዑዋ አማናው ባ ፖዑዋ ኑ ዋዛናን ፖዲሲሰ።

7 ሺን ኡባፊ አዲያ ዋልቃይ ኑባ ገደናሺን ያሳባ ገዴይሳ ቤሳናው ሃ ቦንቸ ሻሎይ ሜቃ ሚሼ * ገዴዳ ኑ አሳቲላን ዴዴሰ።

8 ኑ ኡባ ባጋራካ ዋዬቲዳ፣ ሺን ማቄሪቲቦኮ። ኑሰ ሃዲርሲ ገዴሲ፣ ሺን ኡፋይሲ ቃንዲቦኮ።

3:3 ከሳ 24:12፤ ኤር 31:33፤ ሂዘ 11:19፤ 36:26 3:6 ኤር 31:31 3:7 ከሳ 34:29
3:13 ከሳ 34:33 3:16 ከሳ 34:34 * 3:18 ቤዮና፣ ማስቶቲዳ ዛሪዳ ያለሳና ጌቲቲ ቢርሺታናው ዳንዳዲሰ። 4:6 ሚዲ 1:3 * 4:7 ሜቃ ሚሼ፣ ሃ ቤሳን ሜቃ ሚሼ ጌቲቲዳይ ቢታፊ ኦሴቲዳ ሚሼታ ቤሳሳና - ኦቶ፣ ሻቲ፣ ቤሼ...

9 ኑ፥ ሞርኬታን ጎዴቲዳ፥ ሺን ላጌ ቆዩቦኩ። ኑ ሞርኬታን ሾጩቲዳ ከንዲዳ፥ ሺን ቆዩቦኩ።

10 ዬሱሳ ዳይይ ኑ አሳቲላን ቆንጫና ማላ ኢያ ሃይቁዋ ኡባ ዎዴ ኑ አሳቲላን ቶኪዲ ዩዮሰ።

11 ዬሱሳ ዳይይ ሃይቁያ ኑ አሳቲላን ቆንጫና ማላ ገፃ ዳዒያ ኑ ኢያ ገሾ ኡባ ዎዴ ሃይቆሰ አጲዲ አሜቶሰ።

12 ሂዛ፥ ሃይቆይ ኑናን ኑሌያ ዎዴ ዳይይ ሂንቴናን ኑሌሰ።

13 ጌሻ ማፃፃ፡ «ታ አማናሰ፤ ሄሳ ገሾ ሃሳያሰ» ያጌቲሰ። ሄሳ ማላ አማናይ ኑሰ ዳዒያ ገሾ ሃሳዮሰ።

14 ጎዳ ዬሱሳ ሃይቆፔ ዴንሊዳ ያሳይ፥ ኑናካ ዬሱሳራ ሃይቆፔ ዴንሳናይሳኔ ሂንቴራ ኢሲፌ ባ ሲንሌ ሺሻናይሳ ኤርሰ።

15 ሄሲ ኡባይ ሃኒዳይ ሃንቴ ገሾሳ። ያሳ አጲ ከሃቴላይ ዳር አሳ ጋኪያ ዎዴ አሳይ ያሳ ቦንቹዋሰ ዳር ጋላታ አማና።

አማናን ዳዎ

16 ሄሳ ገሾ፥ ኑ ኡፋይሲ ቃንዮኩ። ኑ ቤንቲያ አሳቲላይ ዳቡሪሽ ቢያባ ገዲኮካ፥ ኑ አያና አሳቲላይ ጋላሰ ጋላሰ ኦራዴሰ።

17 ሃዒሰ ኑሲ ዋዬቲያ ሃ ካዉሻ ዋዬይ፥ ኡባፌ ከሂ ገታቲያ ሜሪና ቦንቹዋ ኑሰ አሚሳና።

18 ኑሲ ቤንቲያባ ገደናሺን ቤንቶናባ ያሎሰ። ቤንቲያባይ ሃዒሳ፥ ሺን ቤንቶናባይ ሜሪናሳ።

5

1 ሃዒ ኑ ዳዒያ ዴንካኔ ዳኒያ ሃ ሳዓ አሳቲላይ ላሌቲኮካ፥ አሲ ከደቦና፥ ያሳይ ከደዳ ሜሪና ከላይ ኑሰ ሳሎን ዳዒያሳ ኤርሰ።

2 ሳሎ አሳቲላ ማዓናው አሞቲሽ ሃዒ ሃ ሳዓን ዳዒሽ ኦሎሰ።

3 ኑሲ ሄሳ ማዒያ ዎዴ ካሎቶኩ።

4 ዴንካኔ ዳኒያ ሃ ሳዓ አሳቲላን ኑ ዳዒሽ ዳዳቲዲ ኦሎሰ። ሃይቁያ ኑ አሳቲላይ ዳዎን ሳሚታና ማላ ሳሎ አሳቲላ ማዓናው ኮዮሲፔ አቲን አሹዋፔ ሻኬታናው ኮዬዲ ገዴና።

5 ኑና ሃይሳሰ ገሊሲዳይ ያሳ። ቃሲ ሲንላፌ ያናባሰ ኦይሌ ኦሌዲ ባ አያና ኑሰ አሚሰ።

6 ሄሳ ገሾ፥ ኑሲ ሃ ሳዓ አሳቲላን ዳዒያ ዎዴ ኡባን ጎዳፔ ሃኪዲ

ዳዒያሳ ኤሪኮካ ኡባ ዎዴ አማኔቲዲ ዳዎሰ።

7 ኑሲ ዳዒይ አማናናፔ አቲን ቤዒያባን ገዴና።

8 ኑ ሃ ሳዓ አሳቲላፌ ሻኬቲዲ፥ ኑ ሶ ቢዲ ጎዳራ ኢሲፌ ዳናው አሞቲያ ገሾ አማኔቲዲ ዳዎሰ።

9 ሄሳ ገሾ፥ ኑ ሃ አሳቲላን ዳዒን ዎይኮ ሃ አሳቲላፌ ሻኬቲን፥ ኑ አሞይ ኢያ ኡፋይሳይሳ።

10 ኑሲ ኢሶይ ኢሶይ ሃ ሳዓን ዳዒሽ ሎዎ ገዲን ዎይኮ ኢታ ገዲን፥ ኦሌዳ ኦሎዋሰ ቤሲያ ፐርዳ ኤካናው ከሪሰቶሳ ፐርዳ አራታ ሲንላን ሺቃና።

አሴ ያሳራ ሲጌሶ

11 ሂዛ፥ ኑሲ ጎዳ ቦንቹይሲ አይ ጉሴኮ ኤሪያ ገሾ አሳይ ኑ ኦይይሳ ኤካና ማላ ዘርሰ። ያሳይ፥ ኑሲ ኦኔኮ ኑና ኤሪሰ፤ ቃሲ ሂንቴካ ሂንቴ ካሃን ኑ ኦኔኮ ኤሪታ ያጋዳ ቆገይሰ።

12 ዎዛናን ገደናሺን ማላን ጨቁቲያ አሳ ደና ኦይሳናው ሂንቴ ኑናን ጨቁታና ማላ ሂንቴው ጋሶ ገደናው ኮዮሲፔ አቲን ኑ ኑና ዘሪዲ ናሻናው ኮዮኩ።

13 ኑ ጎሺ ገዲኮ ያሳ ቦንቹሳ፤ ዎዛናማ ገዲኮ ሂንቴሳ።

14 ኢሶይ ኡባሰ ሃይቁዳይሳኔ ኡባይ ቃሲ ኢያራ ሃይቁዳይሳ ኑ ኤሪያ ገሾ ከሪሰቶሳ ሲቆይ ኑና ሃሪሰ።

15 ዳዎን ዳዒይሳቲ ሂዛፔ ጉዬ ባንታው ገደናሺን ኢንታው ሃይቁዳይሳሲኔ ሃይቆፔ ዴንዲዳይሳሰ ዳና ማላ ከሪሰቶሲ አሳ ኡባ ገሾ ሃይቁሰ።

16 ሂዛፔ ጉዬ፥ ኑሲ ኦናካ አሳ ቆፋን ፐርዶኩ። ሃይሳፌ ካሴ ኑሲ ከሪሰቶሳካ አሳ ቆፋን ፐርዲዳባ ገዲኮካ፥ ሂዛፔ ሄሳዳ ፐርዶኩ።

17 ሄሳ ገሾ፥ ኑሲ ከሪሰቶሳን ዳዒኮ ኦራሳ ማዴቲሌ፤ ጋልዓ ማዴቲላይ አጲሰ፤ ኡባይካ ኦራሌ ገዲሰ።

18 ሄሳ ኡባ ያሳይ ኦሌሰ። ኢ ከሪሰቶሳ ባጋራ ኑና ባራ ሲጌሌሰ። ቃሲ ሃራታ ባራ ሲጌላና ማላ ኑሰ ሲጌሶ ኦሶ አሚሰ።

19 ያሳይ ከሪሰቶሳ ባጋራ አሳ ኡባ ባራ ሲጌሌሰ። ኢንታ ናጋራ ታይቢቤና፤ ቃሲ አሳ ባራ ሲጌሌያ ቃሳ ኑሰ አሚሰ።

20 ያሳይ አሳ ኑ ባጋራ ጭገያ ገሾ ኑ ከሪሰቶሳን ከቲቲዲ አሳ ያሳራ ሲገቱቲ ገዲ ከሪሰቶሳ ገሾ ዋሶስ።
 21 ኑኒ ያሳ ደሎቴላ ከሪሰቶሳ ባጋራ ኤካና ማላ፣ ናጋራ ኤሮና ከሪሰቶሳ ኑ ገሾ ናጋራንቸ አሳዳ ኦሊስ።*

6

1 ኑኒ ያሳራ ኢሲፌ ኦሊያ አሲ ገደይሳዳ፣ ሂንቴ ኤኪዳ አጼ ከሃቴላ ሃዳ አላና ማላ ኑ ሂንቴና ዋሶስ።

2 ያሳይ፡
 «ታ ኔና ሲዓና ዋዴን ሲዓስ፤
 አቶቴላ ጋላሳን ኔና ማዳስ»
 ያገሰ። ሄኮ፡ ታ ሲዓያ ዋዴይ ሃዲ፤
 አቶቴላ ጋላሳይ ሃቸ።

3 ኦኒካ ኑ ኦሎቶ ቦራና ማላኔ ኑናን ጹቤታና ማላ ኮኮኮ።

4 ገደሺን፡ ኑ ቱማ ያሳ ኦሳንቸታ ገደይሳ ኑ ኦሊያ ኡባባን ቤሲዳ። ዳሮ ጌንጫን፡ ዋዴን፡ ማቶን፡ ኡንዓን፡

5 ጋራፊቴላን፡ ቃሾን፡ ኢያን ኩሚዳ ዋጫማን፡ ዳቡራን፡ ጲስኮ ጳዮን፡ ያማን፡

6 ጌሻቴላን፡ ኤራቴላን፡ ዳንዳዓን፡ ከሃቴላን፡ ጌሻ ኢያናን፡ ቱማ ሲቆን፡

7 ቱማ ሃሳያኒኔ ያሳ ዋልቃን ኑኒ ኢያ ኦሳንቸታ ገደይሳ ቤሲዳ። ቃሲ ደሎቴላይ ኑስ ቶራኔ ጎንዳሌ።

8 ኑኒ ቦንቸቲዳኔ ቶሼቲዳ፤ ጫዬቲዳኔ ጋላቴቲዳ። ቱማ ሃሳዮስ፡ ሺን አሳይ ኑና ዋርዳንቸ ገደሶና።

9 ኑ ኦሳን ኤሬቲዳ አሲ፡ ሺን ኤሬቶና አሳ ማላ ገዲዳ። ሃይቂዶሶና ያጌቲዳ፡ ሺን ፓፃ ዴዎስ፤ ሾጮቲዳ፡ ሺን ሃይቂቦኮ።

10 ኑኒ አዛኒኮካ ኡባ ዋዴ ኡፋይቶስ። ኑ ማንቆ ዳናስ፡ ሺን ዳሮ አሳ ዳሬዮስ። ቃሲ አይኮይካ ባይና አሲ ዳናስ፡ ሺን ኡባይ ኑባ።

11 ቆርንቶሳ አሳው፡ ኑ ሂንቴው ቆንጮን ኡዲዳ፤ ኑ ኡሉዋ ሂንቴና ቤሲዳ።

12 ሂንቴ ኑና ሂንቴ ሲቁዋ ቤሶና ዲጊዴታ፤ ኦቲን ኑ ኑ ሲቁዋ ሂንቴና ዲጊቦኮ።

13 አጫ ባ ናይታስ ኦዴይሳዳ ታ ሂንቴው ኦዴይስ፤ ኑ ሂንቴና ኑ ኡሉዋ

ቤሲዳይሳዳ፣ ሂንቴካ ሂንቴ ኡሉዋ ኑና ቤሲቴ።

አማናና አሳራ ዴዲያ ኢሲፊቴላ አጎ

14 አማናና አሳራ ቤሶና ኦኔን ዋዴቶፊቴ። ደሎቴላሲኔ ናጋራስ አይቢ ጋሃቴላ ዴዲ? ፖዎሲኔ ጹማስ አይቢ ኢሲፊቴላ ዴዲ?

15 ከሪሰቶሳኔ ፃላሄ ኢሲፊ ጋሊያባይ አይቤ? ቃሲ አማኔይሲኔ አማናናይሲ ኢሲፊ ኮዲያባይ አይቤ?

16 ያሳ ኬላስ ኤቃታራ አይቢ ኢሲፊቴላ ዴዲ? ያሳይ፡
 «ታኒ ኤንታ ገደን ዴዳና፡
 ኤንታ ገደን ሃሙታና።

ታኒ ኤንታ ያሳ ገደና፤
 ኤንቴካ ታ ኦሴ ገደና»
 ገደይሳዳ፣ ኑኒ ዴዎ ያሳ ኬላ።
 17 ሄሳዳካ፡ ጎዳይ፡

«ኤንታ ገደፊ ሻኬቲዲ ኬዬቴ፤
 ቱና ገዲዳባ ቦቸፊቴ፤
 ታ ሂንቴና ኤካና።

18 ታ ሂንቴው አዋ ገደና፤
 ሂንቴ ታው አዴ ናይታኔ ማጫ ናይታ ገደና፤
 ያገሰ ኡባፊ ዋልቃማ ጎዳይ» ያገሰ።

7

1 ሂዛ፡ ታ ሲቆቶ፡ ሃ ኡፋይሳይ ኑስ ዴዲያ ገሾ ኑ አሹዋኔ ኑ ሸምቸዋ ቱኒሲያባ ኡባፊ ኑና ጌሾስ። ያሳስ ያዬዲ ኑ ጌሻቴላ ፖሎ ኦሶስ።

ጳጊሎሳ ኡፋይሳ
 2 ሂንቴ ኡሉዋ ኑና ቤሲቴ። ኑኒ ኦናካ ናቂቦኮ፤ ኦናካ ቆሂቦኮ፤ ኦናካ ጨሚቦኮ።

3 ታኒ ሃሳ ሂንቴ ቦላ ፐርዳናው ገኬ። ሃይሳፊ ካሴ ታ ሂንቴው ኦዲዴይሳዳ፣ ሂንቴ ኑ ዋዛናን ዴዲታ፤ ኑ ፓፃ ዴዲካ ሃይቂካ ሂንቴፊ ሻኬቶኮ።

4 ታ ኦዲያባ ሂንቴፊ ቆቲኬ፤ ታ ሂንቴናን ጨቂታይስ፤ ኑ ዋዬ ኡባን ሚኔታይስ፤ ቃሲ ጌታ ኡፋይሲ ኡፋይታይስ።

5 ኑኒ ማቂደኒያ ቢዳ ዋዴ ኡባ ባጋራ ዋዬቲዳ፤ ኦቲን ሸምፐቦኮ።

* 5:21 ናጋራንቸ አሳዳ፡ ናጋራ ያሮሾ ኦሊስ። ለዌ 26:12፤ ሂዘ 37:27፤ 1ቆር 3:16፤ 6:19 17:13፤ ኢሳ 43:6፤ ኤር 31:9 7:5 2ታሪ 2:13

6:2 ኢሳ 49:8 6:5 ሃ.ኦ 16:23 6:16 6:17 ኢሳ 52:11 6:18 2ሳሙ 7:14፤ 1ታሪ

ካሬራ ሞርኬታን፣ ኑ ጋላን ያሻን ኡንዔቲዳ።

6 ሺን አዘኒዳይሳታ ሚንጮሊያ ያሳይ፣ ቲቶ ዩሳን ኑና ሚንጮሊስ።

7 ኑና ሚንጮሊዳይ ቲቶ ዩሳ ያላላ ገደናሺን ሂንቲካ ኢያ ሚንጮሊዳይሳና። ሂንቲ ታና ላሞቲይሳ፣ ታው አዘኒይሳኔ ታው ቆፔይሳ ታ ሲዒዳ ዋዴ ታና ዳር ኡፋይሲስ።

8 ታ ዳብዳቤይ ሂንቲና አዘንጢኮካ አይስ ዓፋዲናሻ ጋዳ ቁርቲኬ። ታ ቁርቲዳይ ታ ዓፊዳ ዳብዳቤይ ሂንቲና ጉላ ዋዴስ አዘንጢዳ ገሾሳ።

9 ሃዒ ታኒ ኡፋይቲዳይ፣ ታ ሂንቲና አዘንጢዳ ገሾ ገደናሺን ሂንቲ አዘናይ ሂንቲና ሂንቲ ናጋራፔ ዛሪዳ ገሾሳ። ያሳይ ባ ሺኒያዳ ሂንቲና አዘንጢሲፔ አቲን ኑ ሂንቲና አይበንካ ቆሂቦኮ።

10 ያሳይ ኮያ አዘናይ፣ አቶቴላኮ ጋሊያ ናጋራፔ ሲሞ ኤሄስ፤ ኢያን ቁርያባይ ባሞ። ሺን ሃ ሳዓ አዘናይ ሃይቆ ኤሄስ።

11 ሂንቲ አዘናይ ሂንቲናን አይፊሲዳ አይፊያ ቤዒቲ። ሄ አዘናይ ሂንቲና አይ ሜላ ዴንጮሊዳኮ፣ አይ ሚላ ዛር አማናዳ ገሺሲዳኮ፣ ሄ ኡራ ቦላ አይ ሜላ ሃንቀሲዳኮ፣ አይ ሜላ ታው ያያና ሜላ ኦሊዳኮ፣ አይ ሜላ አሞዴዳኮ፣ ሄ ኡራ ሴራናው አይ ሜላ ገሺዳኮ ቤዒቲ። ሃ ኡባባን ሂንቲ ጌሺ ገዴይሳ ማርካዩዴታ።

12 ሄሳ ገሾ፣ ታኒ ሃ ዳብዳቤያ ሂንቲው ዓፊዳይ፣ ናቂዳ ኡራ ዋይኮ ናቂቲዳ ኡራ ገሾ ገዴና። ሺን ሂንቲ ኑስ አይ ሜላ ቆፔያኮ ያሳ ሲንላን ሂንቲ፣ ሂንቲና ቤዓና ሜላ ዓፋስ።

13 ኑኒ ኡፋይቲዳይ ሄሳ ገሾሳ። ኑ ኡፋይሳፊ አዲዲ ኑና ዳር ኡፋይሲዳይ፣ ሂንቲ ቲቶ ኡፋይሲዳይሳኔ ኢያ ዋዛና ሸምፒሲዳይሳ።

14 ታኒ ሂንቲና ናሻዳ ኢያው ኦዲን ሂንቲ ታና ዩላዩቤኬታ። ሺን ኑኒ ኡባ ዋዴ ሂንቲው ቲማ ኦዲዳ፤ ሄሳዳካ ኑኒ ቲቶ ሲንላን ሂንቲና ናሺዳይሲ ቲማ ገዲስ።

15 ሂንቲ ኢያው ያሻን ኮኮሪዳ፣ ኢያ ሞኪዳይሳ ቃሲ ኢያው አይ ሜላ ከቲቲዳኮ ኢ ቆፔያ ዋዴ ሂንቲው ዴዒያ ሲቆይ ሚኒሼ ቢስ።

16 ታኒ ኡባባን ሂንቲናን አማኔቲያ ገሾ ኡፋይታይስ።

8

አሞባ

1 ኑ አሻቶ፣ ያሳይ ማቀደኒያን ዴዒያ ዋሳ ኬላታስ አሚዳ አጼ ኬሃቴላ ሂንቲ ኤራና ሜላ ኑ ኮኖስ።

2 ኤንቲ ገታ ሜቶን ፓጩቲዳሶና፣ ሺን ኤንታ ኡፋይሳይ ዋልቃማ። ኤንታ ማንቆቴላስ ዛዋ ባዋ፣ ሺን ባንታ ኢሙዋን ዳር ኬሂደሶና።

3 ኤንቲ ባንታ ዋልቃ ሜላኔ ባንታ ዋልቃፊ አዴይሳ ደሲዲ አሚዳይሳስ ታ ማርካ።

4 ኤንቲ ያሳ አሳ ማዲያ ሎዎ ኦሶ ኑራ አላናው ኮዩዲ ኑና ዳር ዋሲደሶና።

5 ኤንቲ ኑኒ ቆፒዳይሳፊ አሊዲ አሊደሶና፣ ኮይርቲዲ ባንታና ጎዳስ አሚደሶና፤ ካሊዲ፣ ያሳ ሺኒያዳ ባንታና ኑስ አሚደሶና።

6 ሃ ሎዎ ኦሶ-ዋ ደሚዳ ቲቶይ ጉጂ አላናዳኔ ሂንቲና ማዲዲ፣ ሄ ኦሶ-ዋ ፖሊሳዳ ኢያ ዋሲደ።

7 ሺን ሂንቲ ኡባባን፣ አማናን፣ ሃሳያን፣ ኤራቴላን፣ ገታ አሞን፣ ኑና ሲቆኒኔ ኡባባን ዴሬቲዳይሳዳ ሃ ሎዎ ኦሶ-ዋንካ ሂንቲ ኬሃ ገዳና ሜላ ኑ ኮኖስ።

8 ታኒ ሄሳ ከታናው ገኬ። ሺን ሃራታ ገታ አሙ-ዋ ሂንቲ ሲቆዋራ ጋላ ቤዓዳ ሂንቲ አይ ኬና ቲማኮ ኤራናው ገይስ።

9 ሂንቲ ኑ ጎዳ ዩሱስ ከሪሰቶሳ አጼ ኬሃቴላ ኤሬታ። ከሪሰቶሲ ዴሬ ገዲ ኡቲዲ፣ ሂንቲ ኢያ ማንቆቴላን ዴሬታናዳ ሂንቲ ገሾ ማንቀስ።

10 ታኒ ሃ ኦዲን ሂንቲና ማዲያ ዘሬ ዘራናው ኮያይስ። ሂንቲ ዚላይሊ አማናው ዓላላ ገደናሺን ሄሳ አላናው አሞቴላንካ ሂንቲ ኮይር።

11 ሂንቲ አላናው ደሚዳ ኦሶ-ዋ ሃዒ ፖለቲ። ሂንቲ ሂንቲው ዴዒይሳ ኬና አሚኮ፣ ሄሲ ሂንቲ አማናው ዳር አሞቴላሳ ቆንጩሲስ።

12 ኢሲ አሲ አማናው አሞቲኮ፣ ኢያ አሞይ ያሳ ሲንላን ኤኬቲይ፣ ኢ ባው ዴዒዳይሳ ኬና አሚናፔ አቲን ባይናባፔ አማናው አንዒቲን ገዴና።

13 ታኒ ሄሳ ገይ፣ ሂንቲ ኡባይ ኢሲ ገና ገደና ሜላሳፊ አቲን ሃራቲ ዋያፔ ሸምፒን ሂንቲ ዋዩታና ሜላሳ ገዴና።

14 ዎዴ ኤንታ ፓላሃይ ሂንቲ ፓጫ ኩንላና ማላ ሃዒ ሂንቲ ፓላሃይ ኤንታ ፓጫ ኩንላ። ሄሳን ሂንቲ ገና ገደና።

15 ገሻ ማፃፋን፣ «ዳር ሺሺዳይሳስ ፓላሃይና፤ ጉላ ሺሺዳይሳስ ፓጫና» ጌቲቲ ያፊቲዳይሳ ማላ።

ቲቶኔ ኢያ ላጌታ

16 ኑ ሂንቲው ቆፔይሳዳ ቲቶይካ ሂንቲው ቆፓና ማላ ኦሊዳ ያሳይ ፓላቲቶ።

17 ቲቶይ ሂንቲኮ ቢዳይ፣ ኑ ኢያ ዴንጼሊዳ ገሾ ዓላላ ገደናሺን ኢ ባ ሺኔን ባናው አሞቲዳ ገሾሳ።

18 ዎንጌላ ማርካቴሳን ዎሳ ኩላ ኡባን ዳር ኤሬቲዳ አሻ፣ ኑኒ ቲቶራ ኢሲፊ ከቶሰ።

19 ሄሳ ቦላ ኑኒ ሃ ከሃ አሞታ ኤፊያ ዎዴ ኑራ ባና ማላ ሃ ሎዎ ኦሱዎን ጎዳ ቦንቻናጫ ሃራታ ማደናው ዴዒያ አሙዎ ቤሳናው ኢ ዎሳ ኩላታን ደራቲሰ።

20 ሃ አሜቲዳ ከሃ አሙዎ፣ ኑ ኦሶ ቦላ ፔሺያ ዎዴ ቦራቶና ማላ ናጌቶሰ።

21 ኑኒ ጎዳ ሲንሳን ዓላላ ገደናሺን አሳ ሲንሳንካ ሎዎ ገዲዳባ አሶሰ።

22 ቃሲ ዳር ዎዴ ፓጩን ማኒዲ አዲዳ ኑ አሻ፣ ኤንታራ ሂንቲኮ ከቲዳ። ኢ ሂንቲናን ከሂ አማኔቲያ ገሾ ሃዒ ሂንቲና ማደናው ዳር አሞቲሰ።

23 ቲቶባ ኤራናው ኮይኮ፣ ኢ ሂንቲና ማደናው ታራ ኦሊያ ታ ኦሶ ላጌያ። ሃንኮ አሻታባ ገዲኮ ዎሳ ኩላቲ ከቲዳይሳታ፤ ቃሲ አሳይ ኤንታ ዳሳ ቤዒዲ ኪሪሰቶሳ ቦንቻሶና።

24 ሄሳ ገሾ፣ ዎሳ ኩላቲ ሂንቲ ሲቁዎኔ ኑ ሂንቲና ናሼይሲ ቱማ ገዴይሳ ቆንጨሳናው ሂንቲ ሲቁዎ ሃ አሳታ ቤሲቲ።

9

አማኒያ አሳስ ከሲዳ ማሺያ

1 አማኒያ አሳስ ከሲያ ማሺያባ ታ ሂንቲው ዓፋናው ኮሺና።

2 ሂንቲ ማደናው ከሂ አሞቲይሳ ታ ኤራይሰ። ሂንቲ አካያ አሳይ፣ ዘላይሳፊ ደሚዲ ማደናው ጌቲዳይሳ ታኒ ማቆዲያ አሳስ ደና ኩንላዳ ኦዳሰ። ሂንቲ ጌታ አሞይካ ኤንታፊ ዳርታ ዴንጼሊሰ።

3 ሃ ኦሱዎን ሂንቲናን ኑ ጩቁቲያ ጩቆይ ሃዳ ገደና ማላ ኮይር ሂንቲባ

ታ ኦዲዳይሳዳ ሂንቲ ጌቲዲ ናጋና ማላ ሃ አሻታ ሂንቲኮ ከታሰ።

4 ማቆዲያ አሳይ ታራ ቢዲ፣ ሂንቲ ጌቶና ዴዒሺን፣ ዴማኮ፣ ኑ ሂንቲናን ዬላታና፤ ቃሲ ሂንቲ ኑፔ አቆ ዬላታና።

5 ሄሳ ገሾ፣ ሃ አሻቲ ታፔ ሲንሳቲዲ ሂንቲኮ ቢዲ፣ ሂንቲ አማና ገዳ አሙዎ ካሴቲዲ ገገሳና ማላ ታ ኤንታና ከታሰ። ታኒ ጋኪያ ዎዴ ሄ አሞይ ገገ ኡቴሰ። ሄ ዎዴ ሄ ከሃቴላ አሞይ ዎልቃን ገደናሺን ደሳን ገዴይሳ ኤሪሴሰ።

6 ሃይሳ አኩከቲ፤ ጉላ ዜሪዳይ ጉላ ጫካና፤ ዳር ዜሪዳይ ዳር ጫካና።

7 ያሳይ ኡፋይሳን አሚያ ኡራ ደሲያ ገሾ ዎልቃን ዎይኮ ደሲ ባይና ገደናሺን ኢሲ ኢሲ አሲ ባ ዎዛናን ቆፒዳይሳዳ ደሳን አማናው ቤሴሰ።

8 ኡባ ዎዴ ኡባባን ኮሺያባ ኡባ ዴሚዲ ሎዎ ኦሶ ኡባ ኦላናው ዳንዳዳና ማላ ያሳይ ሂንቲው ባ አንጀዎ ዳርሳና።

9 ገሻ ማፃፋን፣ «ኢ ባ ሻሉዎ ማንቆታሰ ላሊሰ፤

ኢያ ዲሎቴሳይ ማሪናው ዴዳና» ያጌሰ።

10 ዜሪይሳስ ዜሪሊ፣ ማናው ካሊ አሚያ ጎዳይ፣ ሂንቲ ዜሪያ ዜሪሳ ዳርሲዲ አማና። ሂንቲ ዲሎቴሳ አይፊያካ ዳርሳና።

11 ዳር አሳይ ሂንቲ አሚያ አሙዎ ኑፔ ኤኪዲ፣ ያሳ ጋላታናዳ፣ ሂንቲ ኡባ ዎዴ ዳርሲዲ አሚይሳታ ገደና ማላ ያሳይ ሂንቲና ኡባ ባጋራ ዴሬያና።

12 ሃ ሂንቲ አሚያ አሞይ አማኒያ አሳ ፓጫ ኩንላ ዓላላ ገደናሺን አሳይ ያሳ ጋላታናው ጋሶ ገዴሰ።

13 ሃ ሂንቲ ኦሶይ ሂንቲ አማኑዎ ኤርሲዲ ኪሪሰቶሳ ዎንጌላ ሂንቲ አማኒዲኔ ኢያው ከቲቲዲ ሂንቲው ዴዒያባ ኤንታራኔ ሃራታራ ሻኬቲዳ ገሾ ኡባይ ያሳ ቦንቻና።

14 ያሳይ ሂንቲው አሚዳ አቆ ከሃቴላ ገሾ ኤንቲ ሂንቲው ያሳ ዎሲሼ ሂንቲና ቤዳናው ላሞቶሶና።

15 ዛዋ ባይና ያሳ አሙዎሰ ያሳይ ጋላቲቶ።

10

ጳጳሎሲ ሞቲይሳታሰ ዛሪዳ ዛሩዎ

1 ታ ሂንቴራ ደዒያ ወደ ሹሳ፣ ቃሲ ሂንቴሬ ሃኪያ ወደ ኑ ቦላ ሚኔሰ ያጌቴዳ፣ ጳውሎሲ፣ ኬሃኔ አሽኬ ጌዲዳ ከሪሰቶሳ ሱጎላን ሂንቴና ዋሳይሰ።

2 ታኒ ሂንቴኮ ቢያ ወደ ኑ አሾ ቆፋራ ሲሚራቴያ አሲ ኦሊዲ ቆፒያ አሳ ቦላ ሚኖ ቃላን ኦይታናው ቆፋ ቃቻሰ። ሂንቴ ቦላ ሄሳዳ ኦይታና ማላ ሂንቴ ታና ኦላናዳ ሂንቴና ዋሳይሰ።

3 ኑሂ ሃ ሳግን ደዒኮካ ሃ ሳግ አሳዳ ኦሌቶኮ።

4 ኑ ኦላ ሚሼይ ሃ ሳግይሳ ጌዴና። ሺን ሚፃ ላላናው ዋልቃራ ደዒያ ያሳ ቶራ። ተማራ ኤቁቴያ ፓላማኔ።

5 ያሳ ኤሮና ማላ ዲጊያ ኦቶሮ ቆፋ ኡባ ላሎሰ። አሳ ቆፋ ኡባ ዲዒዲ ከሪሰቶሳሰ ከቴታና ማላ ኦላሰ።

6 ሂንቴ ከቴቴላይ ፖሎ ጌዲያ ወደ ኑኒ ከቴቴላ ኢያ ኡባ ሴራናው ጌታና።

7 ሂንቴ አይሬይ ቤዒዳ ማላ ፒርዳታ። ኦኒካ ባና ከሪሰቶሳባ ጌዲ ቆፒያባ ጌዲኮ፣ ኑካ ከሪሰቶሳባ ጌዴሳ ኤሮ።

8 ጎዳይ ታው ኢሚዳ ማታን ጨቁቴኮካ ሄሳን ዩላቴኬ። ሄ ማታይ ታው ኢሚቴዳይ ሂንቴና ዲቻናሳሬ አቴን ቆሃናሳ ጌዴና።

9 ታኒ ታ ዳብዳቢያን ሂንቴና ያሸሳናው ኮያዳ ፃፊዳባ ዳናፖ።

10 ኢሲ ኢሲ አሳይ፣ «ጳውሎሳ ዳብዳቤይ ዳዎኔ ዋልቃማ፣ ሺን ኢያ ሶሞዎን ቤዒያ ወደ ኢ ዳቡራንቸ፤ ኢያ ኦዳይካ ፓሌና» ያሰሰና።

11 ሄ አሳቴ ኑ ሃሆን ደዒሼ ፃፊያ ዳብዳቢያኒኔ ማታን ሂንቴራ ደዒሼ ኦሊያ ኦሱዋ ጌዲን ዳማቴሌ ባይናይሳ አኪኮ።

12 ኑኒ ባንታና ናሺያ አሳታራ ኑና ጌናናናው ወይኮ ጋዴያናው ኮዮኮ። ሺን ኤንቴ ባንታና ባንታራ ጌናዪዲ ወይኮ ጋዴዪዲ ቤዒሼ ኤያ።

13 ሺን ኑኒ ያሳይ ኑሰ ኢሚዳ ቋሳን ጨቁቶሲፔ አቴን ዛቀ ፒኒዲ ጨቁቶኮ፤ ሄ ዛቀይ ሂንቴኮካ ጋኬሰ።

14 ኑኒ ቤሴይሳሬ አሊዲ ጨቁቶኮ፣ ሺን ከሪሰቶሳ ዋንጌላ ሂንቴኮ ጋሊዳይሳን ጨቁቶሰ።

15 ኑኒ ያሳይ ኤሲዳ ዛቀፔ ፒኒዲ፣ ሃራቴ ኦሊዳ ኦሶን ጨቁቶኮ። ጌዲሺን፣ ሂንቴ አማናይ ዲጫና ማላ

ያሳይ ኢሚዳ ዛቀን ሂንቴ ጌዲን ኑ ኦሊያ ኦሶይ ዳልጋና ጌዲ ቆፖሰ።

16 ኑኒ ሃራ አሲ ባ ዛቀን ኦሊዳ ኦሶን ጌሊዲ ጨቁቶኮ፣ ሺን ሂንቴሬ ፒኒዲ ሃራታሰ ዋንጌላ ማርካታናው ዳንዳዎሰ።

17 ሺን፣ ጌሻ ማፃፋን፣ «ጨቁያ ኡባይ ጎዳ ሎዎቴላን ጨቆ» ያጌዲ ፃፊቲሰ።

18 ጎዳይ ናሺያ ኡራፔ አቴን ባና ባው ናሺያ ኡራይ ናሹቴና።

11

ጳውሎሳኔ ዋርዳንቸ ሃዋሪታ

1 ታ ጉላ ኤያቴላ ሂንቴ ሃዒካ ዳንዳና ጋዳ ቆፓይሰ፤ ሃያና ዳንዳዒቴ።

2 ያሳይ ሂንቴው ቆፒዳይሰሳዳ፣ ታካ ሂንቴው ቆፓይሰ። ታኒ ሂንቴና ጌሻ ጌላዒዳ ኢሲ አዲያ፣ ከሪሰቶሳሰ አማናው ኦይቻ ዋሳሰ።

3 ሺን ሸሻይ ባ ጌኒያን ሃዋና ባሌሊዳይሳዳ ኦኒ ኤሪ ሂንቴ ዋዛናይ አቴዲ ከሪሰቶሳሰ ደዒያ ሂንቴ ሱራቴላኔ ጌሻቴላ አጋንዴቴ ጋዳ ሂርጋይሰ።

4 ኢሲ አሲ ዪዲ፣ ኑኒ ሂንቴው ማርካቴዳ ዩሱሳፔ ሃራ ዩሱሳ ሂንቴው ማርካቴኮ፣ ወይኮ ሂንቴ ኤኪዳ አያናቴኔ ዋንጌላፔ ሃራ አያናኔ ዋንጌላ ሂንቴው ኦዲኮ፣ ሲዒ ጌዲ ኤኬታ።

5 ሺን ታኒ ዩሱሰ ከቴዳ «ጌታ ሃዋሪታፔ» ጉፃይሰ ጋዳ ቆፒኬ።

6 ታኒ ኦዳ ኤሮና አሲ ጌዲኮካ፣ ኤራቴሌ ታው ደዒሰ። ሄሳ ታ ሂንቴው ዳር ኦጌን ቆንጨሳሰ።

7 ታኒ ሚሼ ኦይቸና ያሳ ዋንጌላ ሂንቴው ጮ ኦዲዳይሰኔ ሂንቴና ቶቁ ኦላዳ ታና ቶቸዳይሲ ታው ናጋራ ጌዲ?

8 ታኒ ሂንቴው ኦላናው ሃራ ዋሳ ኬላታፔ ሚሼ ቦንቃ ኤካሰ።

9 ታ ሂንቴራ ደዒያ ወደ ታና ሜቴንካ ሂንቴሬ ኢሲ አሲካ ዋይሳቢኬ። ማቁደኒያፔ ዪዳ አማኔይሳቴ ታና ኮሺያባ ኡባን ማዲደሶና። ሃቺ ጋካናው ታ ሂንቴው ቶሆ ጌዳቢኬ ሲንሳሰካ ቶሆ ጌዲኬ።

10 ከሪሰቶሳ ተማቴላይ ታናን ደዒሺን፣ ታ ጨቁቀ አካያ ቢታን ታና ኦኒካ ዲጌና።

11 ታ ሃይሳ አይሰ ጋይና? ሂንቴና ደሶና ገሾሴዬ? ታኒ ሂንቴና ደሴይሳ ያሳይ ኤሬሰ።

12 «ኩካ ሂንቴ ሜላ ኦሎስ» ያገዱ ጨቁያ ሃንኮ ሃዋሬታ ጨቁዋ ጋሱዋ ቆይሳናው ሃዲ ታ ኦሎይሳ ሲንሳሰካ አላና።

13 ሃይሳ ሜላ አሳቲ ኪሪሰቶሳ ሃዋሬ ዳናናው ባንታና ላሚያ ዋርዳንቸ ሃዋሬታኔ ጨሚያ አሳንቸታ።

14 ሄሲ ማላሊሲያባ ገዳና፤ አይሰ ገኩ፣ ዓላሄይ ፖዎ ኪታንቸ ዳናናው ባና ላሚስ።

15 ሄሳ ገሾ፣ ዓላሄ አሳንቸቲ ያሎቲላ አሳንቸታ ዳናናው ባንታና ላሚኮ ሄሲ ገታባ ገዳና። ኤንቲ ወርሴላን ባንታ ኦሎዋዳ ኤካና።

ጳውሎሳ ጋኪዳ ማቲዋ

16 እነካ ታና ኤያ ገዲ ቆፖና ሜላ ዛራዳካ ኦዳይሰ። ታ ሂንቴው ኤያ ዳኒኮካ ታ ጉሳራ ጨቁታና ሜላ ታና ኤያ ኦሎዲ ኤኪቲ።

17 ታኒ ሃይሳዳ ጨቁታዳ ኦዳይቲ፣ ጎዳይ ኮይይሳዳ ገደናሺን ኤያቲላን ኦዳይሰ።

18 ዳር አሳይ ሃ ሳዓባን ጨቁቲያ ገሾ ታካ ጨቁታና።

19 ሂንቴ ዋዛናማ ገዲያ ገሾ ኤያ አሳባ ኦፋይሳን ዳንዳዔታ።

20 እነካ ሂንቴና አይሌይኮ ዋይኮ ሂንቴና ቦንቁኮ ዋይኮ ባው ማዳታናው ሂንቴኮ ሸቁኮ ዋይኮ ሂንቴ ቦላ ኦቶርቲኮ ዋይኮ ሂንቴና ባቁኮ ሂንቴ ዳንዳዔታ።

21 ኩኒ ሄሳ ኦላናው ዳር ዳቡራንቸ ገዳይሳ ዬላታሼ ታ ኦዳይሰ።

ሺን እነካ ሚኒዲ ጨቁቲኮ፣ ታካ ጨቁታናው ሚናይሰ። ታኒ ሄሳ ኤያ አሳዳ ኦዳይሰ።

22 ኤንቲ ኢብራዌ? ታካ ኢብራዌ። ኤንቲ ኢሰራዔል? ታካ ኢሰራዔል። ኤንቲ ኢብራሃማ ሸሼ? ታካ ኢብራሃማ ሸሼ።

23 ኤንቲ ኪሪሰቶሳ አሳናቸ? ታኒ ጎሻ አሳዳ ኦዳይሰ። ኤንታፊ አዲያ ኪሪሰቶሳ አሳንቸ። ታኒ ኦሎን ዳር ዳቡራሰ፤ ዳር ዋዳ ቃሼታሰ፤ ጋራፊታሰ፤ ዳር ዋዳ ሃይቆፕ አታሰ።

24 አይሁዳቲ ታና ሃሰታማኔ ኡዱፋና ኢቻሹ ቶሆ ጋራፊደሶና።

25 ሄቹ ቶሆ ዓምዓን ሾጩታሰ፤ ኢሲ ቶሆ ሹቻን ጨዳታሰ፤ ማርካቤይ ሄቹ ቶሆ ሚዒሰ፤ አባ ገደን ኢሲ ቃማ ኩሚላ አቃዳ ፔዓሰ።

26 ታኒ ዳር ኦጊያ ዳቡራን ሃውታሰ። ኪፃ ሃላፊኔ ፓንጋፊ አታሰ። አይሁዳቲኔ አይሁዳ ገደና አሳይ ታ ቦላ ሜቶ ጋሊደሶና። ካታማይ፣ ባዘይ፣ አባይ፣ ታና ያሺሰ፤ አማኒያ ዳኒያ አሳቲ ታና ዋይሲደሶና።

27 ታኒ ኦሎን ዳቡራሲኔ ጨዋታሰ። ዳር ቶሆ ዲሰኮ ቆያሰ። ኮሻታሰ። ሳምታሰ። ዳር ቶሆ ያማሰ። ሜጌታሰ። ካሎታሰ።

28 ሃራባ ኡባ ታይቦና ኡባ ዋዳ ታና ቆፊሴይ ዋሳ ኬላታባ።

29 ኢሲ አሲ ዳቡሪያ ዋዳ ኢያራ ታ ዳቡራቢኪና? ኢሲ አሲ ናጋራን ቆቤቲያ ዋዳ ታ አዉዳ ቂርቶና አጋዲና?

30 ታ ጨቁታናው ኮሺያባ ገዲኮ ታኒ ዳቡራንቸ ገዳይሳ ኤሪሲያባን ጨቁታና።

31 ሚሪናው ቦንቼቲዳ ያሳይ፣ ኦ ጎዳ ዬሱሰ ኪሪሰቶሳ አዋይ፣ ታ ዋርዳቶናይሳ ኤሬሰ።

32 ዳማሰቆ ካታማን አሬታሳ ገያ ካዉዋፔ ጋርሳራ ሃሪይሲ ታና ኦይላናው ኮዪዲ ዳማሰቆ ካታማ ፔንገያ ናገሲሰ።

33 ሺን አሳይ ታና ዳቸን ዬገዲ፣ ካታማ ዲርሳ ማሰኮቲያራ ዋዲሰን ታኒ ኢያ ኩሺያፔ አታሰ።

12

ጳውሎሳ ቆንጨዳ

1 ጨቁቲላሰ ጎዲ ባይናይሳ ኤራይሰ። ሺን ጨቁታናው ኮሺኮ፣ ጎዳፔ ኤኪዳ ቆንጨዳን ጨቃና።

2 ታማኔ ኦይዲ ላይላፊ ካሴ፣ ኪሪሰቶሳ አማኒያ ኢሲ ኡራይ ሄቫንላ ሳሎዋ ቢዳይሳ ታ ኤራይሰ። ሄ ኡራይ አሾን ዋይኮ አሾፔ ካሬራ ቢዳኮ ታ ኤሪኬ፤ ያሳይ ኤሬሰ።

3 ሄ ኡራይ ሄቫንላ ሳሎዋ ኤኬቲዳይሳ ኤራይሰ። ሺን ኢ አሾን ዋይኮ አሾፔ ካሬራ ኤኬቲዳኮ ታ ኤሪኬ፤ ያሳይ ኤሬሰ።

4 ሄ ኡራይ ጋናቲ ኤኬቲዲ አሲ ቆንጠሳናውኔ አሲ ኦዳናው ዳንዳዎናባ ሲዲሰ።

5 ታኒ ሄ ኣዲያባን ጨቁታና፣ ሸን ታኒ ታ ዳቡራፔ ኣቲን ታናን ጨቁቲያባይ ባዎ።

6 ታኒ ቱማ ኦዴቲያ ጊሾ ጨቁታናው ኮይኮካ ኤያ ጊዲኬ። ሸን አሲ ታ ኦሌይሳ ቤዔይሳፊኔ ሲዔይሳፊ ኣሉዲ ቆፖና ማላ ጋዳ ጨቁቲሉ አገይሰ።

7 ታው ቆንጠዳ ገታ ቆንጠዳን ታ ኦቶርቶና ማላ ታና ዋይሳናው ታ ኣሹዋን ጫዲያ ፃላሂያ ኪታንቸይ ታው ኣሚቲሰ።

8 ሃ ዋይሲያባ ታፔ ዲጋና ማላ ታኒ ጎዳ ሂቸ ቶሆ ዋሳሰ።

9 ሸን ጎዳይ፣ «ታ ዋልቃይ ኔ ዳቡራን ቆንጠያ ጊሾ ታ ኣቋ ኬሃቲላይ ኔው ጊዳና» ያገሰ። ከገሰቶሳ ዋልቃይ ታናን ቆንጠና ማላ ታ ዳቡራን ኡፋይታሽ ጨቁታይሰ።

10 ታኒ ከገሰቶሳ ጊሾ ዳቡሪያ ዋዴ ጫዴቲያ ዋዴ ዋዴቲያ ዋዴ ጎዴቲያ ዋዴ ማቶቲያ ዋዴ ታ ዳቡራን ኡፋይታይሰ። ኣይሰ ገኮ፣ ታ ዳቡሪያ ዋዴ ሄ ዋዴ ሚናይሰ።

ጳውሎሲ ቆርንቶሳ ኣሳሰ ቆፔሰ

11 ታኒ ኤያ ኣሳዳ ጨቁታሰ። ሄሳዳ ታ ጨቁታና ማላ ኦሊዳይ ሂንቴና። ታ፣ ታ ሁዔን ኤሬቶና አሲ ጊዲኮካ፣ «ገታ ሃዋሬታ» ኒቴቲይሳታፔ ጉዒኬ። ሄሳ ታው ማርካታናው ቤሰይ ሂንቴናሸን።

12 ታ ሂንቴ ጊደን ዳዓሽ ዳንዳባን ኦሊዳ ማላታቲኔ ማላቲ ታ ቱማ ሃዋሬ ጊዳይሳ ቤሰሶና።

13 ታ ሂንቴው ቶሆ ጊደናይሳፊ ኣቲን ሃራ ዋሳ ኬላታፔ ሂንቴ ኣይበን ጉዒዳቲ? ሄሲ ባላ ጊዲኮ ታና ማሪቲ።

14 ታኒ ሂንቴኮ ባናው ገኒቴሸን ሃይሲ ታው ሄቫንሉ። ታ ሂንቴናፔ ኣቲን ሂንቴው ዳዒያባ ኮዮና ጊሾ ሂንቴና ዋይሳናው ኮዩኬ። ዩሊዳይሳቲ ባንታ ናይታሰ ሻሎ ሚንጀሶናፔ ኣቲን ናይቲ ባንታና ዩሊዳይሳታሰ ሻሎ ሚንጀኮና።

15 ታ ሂንቴ ጊሾ ታው ዳዒያባኔ ታና ኣላ ኣሚንካ ታና ኡፋይሴሰ። ያቴን፣ ታኒ ሂንቴና ሄሳዳ ኬሃ ሲቂያ ዋዴ ሂንቴ ታና ጉላራ ሲቂቲ?

16 ጊዲኮካ፣ ታ ሂንቴው ቶሆ ጊዲኬ፤ ዋይሳቢኬ፤ ሸን ሂንቴና ጨሞኒኔ ገኔን ኦይኪዳባ ሂንቴው ዳናና ኣጌና።

17 ሃሪ ኣቶሸን፣ ታ ሂንቴኮ ከቲዳ ኣሳታፔ ሂንቴና ጨሚዳ አሲ ዳዒ?

18 ቲቶይ ሂንቴኮ ባና ማላ ታኒ ዋሳሰ፤ ቃሲ ኣሚኒያ ኣሻካ ኢያራ ዩዳሰ። ያቴን፣ ቲቶይ ሂንቴና ጨሚዳ? ኮኒ ኦ ኦሱዋ ኢሲ ኣያናን ኦሊኮኮ? ቃሲ ኦ ሃናይካ ኢሲና ጊዳይ?

19 ኦ ኡባ ዋዴ ሂንቴ ሲንላን ኦና ዒሊሳናው ሞቲቲያባ ሂንቴው ዳኒ? ኦ ከገሰቶሳን ዳዒዲ ያሳ ሲንላን ሃዒ ጋካናው ኦዶሰ። ኦ ሲቆ ኣሻቶ፣ ኦ ሃ ኡባ ኦሊይ ሂንቴና ዲቻናሳ።

20 ታ ሂንቴኮ ቢያ ዋዴ ኦኒ ኤሪ ሂንቴ ታ ኮይይሳዳ ሃናና፣ ቃሲ ታካ ሂንቴ ኮይይሳዳ ሃናና ጋሂቶና ኣጎኮ ጋዳ ያያይሰ። ቃሲ ኦኒ ኤሪ ሂንቴ ጊደን ፓላሚ፣ ቃናቲይ፣ ሃንቆይ፣ ዩቄይ፣ ዘገርሲ፣ ኣሳ ሱንሉ ኢሶይ፣ ኦቶርይ ካቺ ዳና ኣጌና ጋዳ ያያይሰ።

21 ታኒ ናሞባንሉ ሂንቴኮ ቢያ ዋዴ ያሳይ ሂንቴ ሲንላን ታና ካዉሻና ጋዳ ያያይሰ። ካሴ ናጋሪ ኦሊዲ ሄ ባንታ ኦሊዳ ቲናቲላፊ፣ ሳይማቲላፊኔ ዩላያ ኦሱዋፔ ሲሚሶና ኣሳታ ቤዓዳ ኣዛናና ኣጌኬ ጋዳ ያያይሰ።

13

ወርሴላ ዘሬኔ ሳርላ

1 ታ ሂንቴኮ ቢሸን ሃይሲ ሄቫንሉ። ኣይ ሞቶይካ ናሞው ዋይኮ ሄቸ ማርካን ሚኔሰ።

2 ታኒ ናሞባንሉ ሂንቴራ ጋሂቲዳ ዋዴ ሂንቴ ጊደን ካሴ ናጋሪ ኦሊዳ ኡራኔ ሃራታ ኡባ ሴርና ኣጌኬ ጋዳ ኦዶ ዋሳሰ። ሃዒ ታ ሃካዳ ዳዒኮካ ሲማዳ ሂንቴኮ ቢያ ዋዴ ኦዴሰካ ቃቋቲኬ።

3 ታናን ዳዒዲ ኦዴይ ከገሰቶሳ ጊዳይሳ ሂንቴ ኤራናው ኮይታ። ኢ ሂንቴራ ሃሳያ ዋዴ ዋልቃማፔ ኣቲን ሂንቴ ጊደን ዳቡራንቸ ጊዳና።

4 ከገሰቶሲ ማሰቃሊያ ቦላ ዳቡራን ካቂቲሰ። ሸን ያሳ ዋልቃን ዳዖን ዳዒሰ። ኢ ዳቡራንቸ ጊዲዳይሳዳ፣ ኦካ ዳቡራንቸ። ሸን ሂንቴና ሃጋዛናው ያሳ ዋልቃን ኢያራ ዳዖን ዳና።

5 አማኖን መኒዲ ዳዒያኮ ሂንቴና ሂንቴው ፓጩ ቤዒቲ። ፓጩን ሂንቴ ኩንዶና አቲኮ። ኪሪሰቶሲ ሂንቴናን ዳዒይሳ ሂንቴ ኤሬታ። ሺን ኪሪሰቶሲ ሂንቴናን ዶና ኢዲኮ ሂንቴ ኩንዴታ።

6 ኑኒ ፓጩን ኩንዶናይሳ ሂንቴ ኤሬታ ጋዳ አማናይሰ።

7 ሂንቴ ኢታባ ኦፍና ማላ ኑኒ ያሳ ዋሶሰ። ኑኒ ሚኖ ጊዳይሳ አሳይ ቤዓና ማላ ጊዶናሺን ኑኒ ሚኖ ጊዶና ኢዲኮካ። ሂንቴ ሎዎ ኦፍና ማላ ኑኒ ዋሶሰ።

8 ኑኒ ቱማሰ ኦሎፒ አቲን ቱማራ ኤቄቲያባ አይባካ ኦሎኮ።

9 ኑ ዳቡሪያ ዋዴ ሂንቴ ቃሲ መኒያ ዋዴ ኑና ኡፋይሴሰ። ሂንቴ ቦሬይ ባይናይሳታ ጊዶና ማላ ኑ ሂንቴው ያሳ ዋሶሰ።

10 ታኒ ሂንቴፌ ሃካዳ ዳዒሾ ፻ፊዳይ ሄሳ ገሾሳ። ታኒ ሂንቴኮ ቢያ ዋዴ ጎዳይ ታው ኢሚዳ ማታን ዘምፓዳ ሂንቴ ቦላ ጎዳታናው ኮዪኬ። ጎዳይ ታው ማታ ኢሚዳይ፣ ሂንቴና ማዳናሳፌ አቲን ቆሃናሳ ጊዳና።

11 ዉርሴላን ታ አሻቶ፣ ሳር ዳዒቲ። ቦሬይ ባይና ዳዒቲ፤ ታ ዞሪያ ሲዒቲ። ኢሲ ዋዛናን ጊዲዲ ዳዒቲ፤ ሳርቲላን ዳዒቲ። ሲቆኔ ሳር ኢሚያ ያሳይ ሂንቴራ ጊዶ።

12 ጌሻ ዩሬቴላ ዩሬቲሾ፣ ኢሶይ ኢሱዋ ሳርላቲ።

13 ያሳ አሳ ኡባይ ሂንቴና ሳር ሳር ያሳሶና።

14 ጎዳ ዩሱሰ ኪሪሰቶሳ አቶ ኬሃቴላይ፣ ያሳ ሲቆይ፣ ጌሻ አያና ኢሲፌቴላይ ሂንቴ ኡባራ ጊዶ።

ጳውሎስ ገላጥያ አሳሰ ፃፊዳ ከታ ገላ ቆፋ

ዩሱሲ አሼይሳ ጊዴይሳ ኦዲያ ምንጌላ ቃላይ ዲማ ዲማ ቤሳን ሳባከቲን፣ አይሁዴ ጊደና አሳይ አማኒ አማኒ ቢያ ዋዴ «ከሪስታኔ ጊደናው ሙሴ ሂኔ ፖላናው ኮሺዬ ኮሺኔ?» ያጊያ ኦይሾይ ኢሲፌ ዳንዲሰ። ሄ ዋዴ ጳውሎስ፣ «ከሪስታኔ ጊደናው ሙሴ ሂኔ ፖላናው ኮሺና፤ ዩሱሳን ኦራሳ ዴዎ ዴማናው ኮሺያ ምናይ አማኖ። አሳይ ያሳ ስንሳን ሂላናው ዳንዳዔይ አማኖ ፃላላን» ያጊዲ ታማርሲሰ። ሺን ጉላ ኢሲያን፣ ገላጥያ አጠራጅን ዴዲያ ዋሳ ከላን ዴዲያ አሳ ጊደን፣ «አሲ ያሳ ስንሳን ሂላናው ዩሱሳን አማኖ ፃላላ ጊደናሺን ሙሴ ሂጊያካ ፖላናው ኮሺሰ» ያጊዲ ጳውሎሳ ቲሚርቲያ ጳልቂያ አሳቲ ዴዎሶና።

ጳውሎስ ገላጥያ ማፃፋ ፃፊዳይ፣ ሄ ባላ ቲሚርቲያን ጨሚቲዳ አሳ ቱማ አማኑዋኮኔ አማኖ ዴዐዋኮ ዛራናሳ። ጳውሎስ ዩሱሳን ሃዋሪ ጊዴይሳ ቲላይዲ ኦዶ ኦይኪሰ። ኢያ ሃዋሪ ኦሳዲ ያጊዲይ አሴ ጊደናሺን ያሳ ጊዴይሳኔ ኢ ከቲቲዳይ አይሁዴ ጊደና አሳሰ ጊዴይሳ ቆንጨሲዲ ኦዲሰ። ኢያራ ኦይሴሲዲ አሳይ ሂላናው ዳንዳዔይ አማኖ ፃላላና ጊዴይሳ ኦዴሰ። ወርሴላ ሺምፖታን አማኖ ዴዎይ ዩሱሳን አማኖን ቤንቲያ ሲቆፔ ፑልቲይሳ ጊዴይሳ ኦዴሰ።

ገላጥያ ከታ ኦይፌ ቆፋታ

ጌሎ ቆፋ 1:1-10
ጳውሎሳ ሃዋሪቲላ ማታ 1:11-2:21
ያሳ ኦዶ ከሃቴላ ምንጌላ 3:1-4:31
ላባቴሴኔ አማኖን ዲሱ 5:1-6:10
ኮሻ ቆፋ 6:11-18

1 አሳፔ ዋይኮ አሳ ባጋራ ጊደናሺን ዩሱሰ ከሪስቶሳፔኔ ኢያ ሃይቆፔ ዳንሲዳ ያሳ አዋፔ ሃዋሪ ጊደና ማላ ከቲቲዳ ታ ጳውሎስ፣

2 ታራ ዴዲያ አማኒያ አሻቲ ኡባይ፣ ገላጥያን ዴዲያ ዋሳ ከላታሰ ከቲዳ ከታ።

3 ያሳይ ኑ አዋይኔ ኑ ጎዳ ዩሱሰ ከሪስቶሲ ሂንቴው ኦዶ ከሃቴላኔ ሳርቲላ አም።

4 ሃ ኢታ ዋዲያፔ ኑና አሻናው፣ ኑ ያሳ፣ ኑ አዋ ሼኔን ከሪስቶሲ ኑ ናጋራ ጊሾ ባና አሲ አሚሰ።

5 ያሳሰ ሚሪናፔ ሚሪና ጋካናው ቦንቾይ ጊደ። አሚንዒ።

ቱማ ምንጌላይ ኢሲኖ
6 ከሪስቶሳ ኦዶ ከሃቴላን ሂንቴና ያጊዳ ያሳ አጊዲ፣ ሃራ ምንጌላኮ፣ ሂንቴ ኤሌሲዲ፣ ዋሪዲ ሲሚዳኮ ታና ማላሊሴሰ።

7 ሂንቴና ባሌላናወኔ ከሪስቶሳ ምንጌላ ምሲሳንው ኮያ ጉላ አሳቲ ዴዎሶናፔ አቲን ቱማ ምንጌላይ ኢሲኖ።

8 ሺን ኑና ጊዲን ዋይኮ ሳሎ ከታንቾ ጊዲን ኑኒ ሂንቴው ኮይር ኦዲዳ ምንጌላፔ ዲማቲያ ሃራ ምንጌላ ሂንቴው ኦዲያባ ጊዲኮ፣ ኢ ቃንጌቲዳባ ጊደ።

9 ሃይሳፌ ሲንሐ ኑኒ ጊዴይሳዳ ሃላካ ዛራዳ ገይሰ። ሂንቴ ኤኪዳ ምንጌላፔ ዲማቲያ ምንጌላ ኦኒካ ሂንቴው ኦዲኮ ሄ ኡራይ ቃንጌቲዳባ ጊደ።

10 ያቲን፣ ታና አሲ ናሻና ማላ ኮያይናዬ? ዋይኮ ያሲ ናሻና ማላ ኮያይና? ዋይኮ ታ አሴ ኡፋይሳናው ኮያባ ጊዲኮ፣ ከሪስቶሳ አይሌ ጊዲኬ።

ጳውሎሳ ያጌቴላ

11 ታ አሻቶ፣ ታ ሂንቴው ኦዲዳ ምንጌላይ አሳፔ ጊደናይሳ ሂንቴ ኤራና ማላ ታ ኮያይሰ።

12 ታው ሃ ምንጌላ ዩሱሲ ከሪስቶሲ ቆንጨሲሲፔ አቲን አሳፔ ኤካቢኬ ዋይኮ አሲ ታና ታማርሲሴና።

13 ታ ካሴ አይሁዴ አማኖን ዴዲያ ዋዴ ምና ዴዲዳኮ፣ ሂንቴ ሲዒዴታ። ታ ዋሳ ከላ ቃዴይ ባይና ጎዳናወኔ ዳይሳናው ባይታሰ።

14 አይሁዴ አማኖ ናሳን፣ ታ ዋዴን ዴዲያ አይሁዴ አሻታፔ አዳይሰ። ኑ አዋታ ምጋሰካ ኦዳዳ ሚሼታይሰ።

15 ሺን ታ ቡር ታ አዬ ኡሎን ደዒሺን ያሳይ ታና ደሪስ፤ ባ አቶ ከሃቴላን ታና ያጊሰ።

16 አይሁዳ ጊደና አሳሰ ዋንጌላ ኦዳና ሜላ ያሳይ ባ ናዓ ታው ቆንጨሲዳ ዋዴ ታ ኦዴራካ ዘሪታቢኬ።

17 ዋይኮ ታፔ ሲንጤ ሃዋሪ ጊዲዳይሳታራ ጋሄታናው ዬሩሳላሜ ባቢኬ። ሺን ታ ካሴታዳ አራቤ ቢታ ባሰ፤ ሄሳፌ ሲማዳ ዳማሰቆ ካታማ ያሰ።

18 ሄዡ ላይሳፌ ጉዬ፣ ጳዳርሳራ ጋሄታናው ዬሩሳላሜ ባዳ ኢያራ ታማኔ ኢቻሹ ጋላሰ ኡታሰ።

19 ሺን ጎዳ እሻ ያይቆባፔ ኣቲን ሃንኮ ሃዋሪታ ቤዓቢኬ።

20 ታ ሂንቴው ያፌይዳይሲ ዋርዶ ጊደናይሳ ያሳ ሲንላን ሂንቴው ቆንጨሳይሰ።

21 ሄሳፌ ጉዬ፣ ታኒ ሶሪያ ቢታኔ ከልቁያ ቢታ ባሰ።

22 ዪሁዳን ደዒያ ዋሳ ከላ አሳይ ታና ቤዒዲ ኤሪቦኮና።

23 ሺን ኤንቲ፣ «ካሴ ኦና ጎዲያ ኡራይ፣ ሃዒ ሄ ኢ ጳይሳናው ኮያ አማኑዋባ ሳባኬሰ» ያጌይሳ ሲዒደሶና።

24 ሲዒዳ ኡባይ ታ ጋሶን ያሳ ጋላጥደሶና።

2

ሃዋሪቲ ጳወሎሳ ኤኪደሶና

1 ታማኔ ኦይዲ ላይሳፌ ጉዬ፣ ባርናባሳራ ዛራዳ ዬሩሳላሜ ባሰ። ሄ ዋዴ ቲቶ ታራ ኤካዳ ባሰ።

2 ያሳይ ታው ቆንጨሲዳ ቆንጨፍላን ያ ባዳ አይሁዳ ጊደና አሳ ጊደን ታ ሳባኪያ ዋንጌላ ኤንታው ቆንጨሳሰ። ካሴ ታ ዋዲያ ዋሳይኔ ሃዒካ ታ ዋዲያ ዋሳይ ሃዳ ጊደና ሜላ ጋዶ ካሌጼይሳታ ዴማ ሺሻዳ ኤንታው ኦዳሰ።

3 ሃሪ አቶሺን፣ ታራ ደዒያ ቲቶይ ጊሪኬ አሲ ጊዲኮካ፣ ቃፃሪቶ ጊዲ ኤንዒሌቦኮና።

4 ጊደሺን፣ አማኒያ ኢሻታ ዳኒዲ ኦ ጊደ ጌሊዳ ኢሶቲ ኢሶቲ ኢ ቃፃሪታና ሜላ ኮዩደሶና። ሄ አሳቲ ከሪሰቶሰ ዬሱሳን ኮሰ ደዒያ ሳዓቴላ ዋቸዲ ቤዓናው ጌማን ኦ ጊደ ጌሊዲ ዛሪዲ ኦና አይሌ ኦላናው ኮዮሶና።

5 ሺን ቱማ ዋንጌላይ ሂንቴናን ሚኒዲ ዳና ሜላ ኦኒ ሃሪ አቶሺን፣ ጉሳ ዋዴሰካ ኤንታው ኩሼ አሚቦኮ።

6 ሺን ሃላቃ ዳኒያ አሳታ ኦናቴላይ ታው አይኮካ ጊደና። ያሳይ አሳ ሶምዖ ቤዒዲ ፐርዴና። ሃ አሳቲ ታ ማርካቲያ ዋንጌላ ቦላ ጉጂዳባይ ባዋ።

7 ሺን ጳዳርሲ፣ አይሁዳታሰ ዋንጌላ ኦዳና ሜላ ያሳይ ኢያው ሃዳራ አሚዳይሳዳ ታወካ አይሁዳ ጊደና አሳሰ ዋንጌላ ኦዲያ ሃዳራ አሚዳይሳ ኤንቲ ጉዬፔ ቤዒደሶና።

8 ሂዛ፣ ጳዳርሲ አይሁዳታ ሃዋሪ ጊደና ሜላ ኦሊዳ ያሳይ፣ ታካ አይሁዳ ጊደና አሳሰ ሃዋሪ ጊደና ሜላ ኦሊሰ።

9 ቃሲ ቱሱ ዳኒዲ ቤንቲያ ያይቆቢ፣ ጳዳርሲኔ ዮሃኒሲ፣ ታው አሚቲዳ አቶ ከሃቴላ ቤዒዳ ዋዴ ኦራ ኢሲፌዳይሳ ቆንጨሳናው ታ ኩሺያኔ ባርናባሳ ኩሺያ አይኪደሶና። ኦኒ አይሁዳ ጊደና አሳኮ፣ ቃሲ ኤንቲ አይሁዳ አሳኮ ባናው ጊጊደሶና።

10 ኤንቲ ኦና ሚንሌዲ ሃዳራ ጊዳይ፣ ኦኒ ማንቆታሰ ቆገናይሳ። ካሴካ ታ ሄሳ ኦላናው አሞቴይሰ።

ጳወሎሲ ጳዳርሳ ቲሚርቲያ ጳልቁሰ

11 ጳዳርሲ አንዮኪያ ካታማ ዪዳ ዋዴ ኢ ባሊዳ ጊሾ ታኒ ኢያ ሶምዖን «ኦኒ ባላዳሳ» ጋሰ።

12 ያይቆቢ ከቲዳ ጉሳ አሳይ ያናፔ ሲንጤ ኢ አይሁዳ ጊደና አሳራ ሜሰ፣ ሺን ኤንቲ ዪዳፔ ጉዬ፣ «አይሁዳ ጊደና አሳፔ አማኒዳይሳቲ ቃፃሪታናው ቤሴሰ» ጊያ አሳሰ ያዪዲ ኤንታፌ ሻኬቲሰ።

13 ቃሲ ሃንኮ አማኒዳ አይሁዳቲ ጳዳርሳ ሃኑዋ ካሊደሶና። ሃሪ አቶሺን፣ ባርናባሲካ ኢያ ቆፋን ጎሹቲሰ።

14 ሺን ኤንቲ ዋንጌላ ቱማቴላን ሱራ ሃውቶናይሳ ቤዒዳ፣ ጳዳርሳ አሳ ኡባ ሲንላን፣ «ኦኒ አይሁዳ ጊደሺ፣ አይሁዳ ዋጋላ ጊደናሺን አይሁዳ ጊደና አሳዳ ደዒሳ፤ ያቲን፣ ዋናዳ አይሁዳ ጊደናይሳታ፣ ሳይሁዳ ዋጋን ደዒቲ ጋዶ ዋልቃታይ?» » ያጋሰ።

15 ኦኒ ዬሌታን አይሁዳ፣ ሺን ናጋራንሻ ጊዲዳ አይሁዳ ጊደና አሳ ሜላ ጊደኮ።

16 ሺን አሲ ዬሱሰ ከሪሰቶሳ አማኒዲ ዌሌሲፔ ኣቲን ሃጌ ናጊዲ

ዲሎናይሳ ኤርሰ። ኦኒካ ሂጌ ናጊዲ ዲሎና ጊሾ ኮካ ሂጌ ናጊዲ ጊደናሽን ከሪሰቶሳን አማኒዲ ዲላና ማላ ከሪሰቶሰ ዩሱሳ አማኒዲ።

17 ኑ አይሁዳዊ ከሪሰቶሳ ሳጋራ ዲላናው ኮሾሰ። ሄሳ ጊዲኮ ኮካ ሃራ አሳዳ ናጋራንቸ ጊዳይሳ ቤያሰ። ያቲን፣ ኑ ናጋራ ኦላና ማላ ዳንጤይ ከሪሰቶሳ ጉሴዬ? ኡባካ ጊዳይ!

18 ሂዛ፣ ታ ላሊዳይሳ ዛራዳ ከጊያባ ጊዲኮ ታኒ ታ ሁዔን ሂጌ ማንጤይሳ ጊዳይሳ ቆንጨሳይሰ።

19 ታኒ ያሳሰ ዳና ማላ ሂጌ ሳጋራ ሂጌሰ ሃይቃሰ።

20 ታኒ ከሪሰቶሳራ ማስቃሊያ ቦላ ካቁታሰ። ታኒ ሂዛ፤ ታው ዳዒኬ፣ ሸን ከሪሰቶሰ ታናን ዳዒሰ። ታ ሃዒ ዳዒያ ዳዑዋ፣ ታና ደሲዲ ታ ጊሾ ባና አሊ አሚዳ ያሳ ናዓ አማናዳ ዳዒይሰ።

21 ታኒ ያሳ አጾ ከሃቴላ ሃዳ ኦሊኬ። ዲሎቴሊ አሳሰ ሂጌ ሳጋራ ቤንቴያባ ጊዲያኮ፣ ከሪሰቶሰ ጮ ሃይቁሰ ጉሱ።

3

ዲሎቴሊ አማናና

1 ሂንቴና፣ አኬኪ ባይና ገላጥያ አሳው፣ ሂንቴ አይፊያ ሲንላን ከሪሰቶሰ ማስቃሊ ቦላ ካቁቲዳ ማሲሎዳ ቆንጨዲ ቤንቴሰ። ያቲን፣ ቱማሰ ሂንቴ ከቴቶና ማላ ሂንቴና ቤቲዳይ ኦኒ?

2 ታ ኢሲባ ኤራናው ኮያይሰ፤ ሂንቴ ጌሻ አያና ኤኪዳይ ሂጌ ናጊዲዬ ዋይኮ ሂንቴ ሲዒዳ ዋንጌላ አማኒዲ ኤኪዳቲ?

3 ሂንቴ ሄሳ ማላ ኤዬ? ሂንቴ ያሳ አያናን ደሚዲ፣ ሃዒ ዋልቃን ፖላናው ኮዬቲ?

4 ሂንቴ ዋንጌላ ጋሶን ዳር ዋይቲዳይ ማሌ? ሄ ዋዬ ኡባይ ጮ ጊዲዴ?

5 ያሳይ ሂንቴው ጌሻ አያና አሜይኔ ሂንቴ ጊደን ማላታታ ኦሊይ፣ ሂንቴ ሂጌ ናጊዲ ጊሾዬ ዋይኮ ዋንጌላ ሲዒዲ አማኒዲ ጊሾ?

6 ኦኒ አብራሃሜ ቤዒቲ፣ «ኢ ያሳ አማኒሰ፤ ያሳይ ኢያው ሄሳ ዲሎቴሊ ኦሊዲ ኤኪሰ» ጌቲቲዲ ያፊቲሰ።

7 ሂዛ፣ አማኔይሳቲ አብራሃሜ ናይታ ጊዳይሳ ኤሪቲ።

8 ያሳይ አይሁዳ ጊደና አሳ አማናን ዲላሳናይሳ ጌሻ ማፃፋይ ቤዒዲ፣ «ካዋቲላ ኡባይ ኔናን አንጃታና» ያጊዲ፣ ዋንጌላ አብራሃሜሰ ካሴቲዲ ኦዲሰ።

9 ሄሳ ጊሾ፣ አማኒያ ኡባይ አማኒዳ አብራሃሜራ ኢሲፊ አንጃቲደሶና።

10 ሂጌ ናጊዲ ዲላና ጊያ ኦኒካ ቃንጌቲዳይሳ። አይሰ ጊኮ፣ ጌሻ ማፃፋን፣ «ሂጌ ማፃፋን ያፊቲዳ ኡባ ናንና ኦኒካ ቃንጌቲዳይሳ ጊደ» ጌቲቲዲ ያፊቲሰ።

11 «ዲሎይ አማናን ዳና» ጌቲቲዲ ያፊቲዳ ጊሾ ኦኒካ ያሳ ሲንላን ሂጌ ናጊዲ ዲሎናይሰ ኤሪቲዳባ።

12 ሂጌይ አማናን ዜምፔና። ሸን፣ «ሂጌ ናጊያ ኦኒካ ሂጊያን ዳያን ዳና» ያጌሰ።

13 «ሚላ ቦላ ካቁቲዲ ሃይቁያ ኦኒካ ቃንጌቲዳይሳ» ጌቲቲ ያፊቲዳ ጊሾ ከሪሰቶሰ ኑ ጊሾ ቃንጌቲዳይሳ ጊዲዲ፣ ኑና ሂጌ ቃንጌላፊ ዋዚሰ።

14 ያሳይ አብራሃሜሰ አሚዳ አንጃይ፣ ዩሱሰ ከሪሰቶሳ ሳጋራ አይሁዳ ጊደና አሳ ጋካና ማላኔ ያሳይ አማና ጊዳ ጌሻ አያና ኑኒ አማናን ኤካና ማላ ሄሳ ኦሊሰ።

ሂጌኔ ኡፋይሳ ቃላ

15 ታ አሻቶ፣ ታ ሂንቴው አሳ ዳያን ማዜ ጊዲዲ ዳዒያባ ለሚሶ ኦላዳ ኦዲይሰ። አሲ ጫቁዳ ጫቆይ ሚኒዳፔ ጉዬ፣ ኦኒካ ሄ ጫቁዋ ሻራናው ዋይኮ ኢያ ቦላ ሃራ ጉጃናው ዳንዳዒና።

16 ያሳይ ሄ ከኬ ቃላ አብራሃሜሰኔ ኢያ ዜሪላሰ አሚሰ። ጌሻ ማፃፋይ፣ ዳር አሳሰ ኦዲያዳ፣ «ኔ ዜሪላታሰ» ጌና። ሸን ኢሲ አሳሰ ኦዲያዳ፣ «ኔ ዜሪላሰ» ያጌሰ፤ ኢካ ከሪሰቶሳ።

17 ታኒ ጌይ ሃይሳ፤ ኦይዲ ጭታኔ ሃሰታው ላይላፊ ጉዬ አሚቲዳ ሂጌይ፣ ኮይር ያሳይ ማንጤዳ ጫቁዋ ሻራዲ ኡፋይሳ ቃላ ጳይሳናው ዳንዳዒና።

18 ያሳይ አሚያ ላታይ ሂጌን ኤኬቲያባ ጊዲያኮ ያሳይ አሚዳ ኡፋይሳ ሳጋራ ጊዳይሰ አቲሰ። ሸን ያሳይ ባ አጾ ከሃቴላን ላታ

2:16 ማዝ 143:2፤ ሮሜ 3:20፣ 22 3:6 ሜዴ 15:6፤ ሮሜ 4:3 3:7 ሮሜ 4:16 3:8 ሜዴ 12:3 3:10 ዛሬ 27:26 3:11 ኢብ 2:4 3:12 ለዌ 18:5 3:13 ዛሬ 21:23 3:16 ሜዴ 12:7 3:17 ከሳ 12:40 3:18 ሮሜ 4:14

አብራሃምን ኡፋይሳ ቃላ ባጋራ አሟሰ።

19 ያተን፣ ሂጌይ አይስ አሜቴዳ? ሂጌይ አሜቴዳይ፣ አብራሃምን ኡፋይሳ ቃሊ አሜቴዳ ዜሬላይ ያና ጋካናው ኢታ ኦሶይ አይቤኮ ኤሪሳና። ሂጌይ ከታንቸታ ባጋራ አሜቴዳ፣ ገደ ገዲዲ ሲጌሊያ ኢሲ አሳ ባጋራ ኦሶ ቦላ ፔሲስ።

20 ገደ ገዲዲ ሲጌሊያ ኡራይ ኢሲ አሳ ዓላላስ ገደና፣ ሺን ያሳይ ኢሲና።

21 ያተን፣ ሂጌይ ያሳ ኡፋይሳ ቃላራ ኤቁቴዬ? አካይ፣ ገደና! ሂጌይ አሜቴዳይ አሳስ ደዎ አማናው ገዲያኮ፣ ያሎቴሊ ሂጌ ባጋራ ቤንታናሺን።

22 ሺን ዬሱስ ከሪስቶሳ አማኒን ቤንቲያ ኡፋይሳ ቃላይ አማኒይሳታስ አሜታና ማላ ኩሜሳ አላሜይ ናጋራስ ሃራቴዲ ዴዔይሳ ጌሻ ማፃፃይ አዳስ።

23 ሺን አማኖይ ያናፕ ካሴ ሂጌይ ኦና ቃቸ ዋሊስ። ሄ አማኖይ ቆንጫና ጋካናው ሂጌይ ኦ ቦላ ጎርዲ ዋሊስ።

24 ሄሳ ጊሾ፣ ኩኒ አማኖን ያላና ማላ ከሪስቶስ ያና ጋካናው ሂጌይ ናዓ ናጊያ አሳ ማላ ኦና ናጌይሳ ገዲስ።

25 ሺን ሃዒ አማኖይ ዱዳ ጊሾ ሂጌይ ሃዘፕ ጉዬ ናዓ ናጊያ አሳ ማላ ኦና ናጌይሲ አትስ።

26 ሂንቴ ኡባይ ዬሱስ ከሪስቶሳ አማኒዲ ያሳ ናይታ ገዲዳታ።

27 ከሪስቶሳራ ኢሲኖ ገደናው ፃማቁቴዳ ኡባይ ከሪስቶሳ ማዖዳ ማዓዳታ።

28 ሂንቴ ኡባይ ከሪስቶሳን ኢሲኖ ገዲያ ጊሾ አይሁዳ አሳ ገደኒኔ ገሪኬ አሳ ገደን፣ አይሊ ገደኒኔ ዋማኖ ገደን፣ አዳ ገደኒኔ ማጫሳ ገደን ዲማቴሊ ባዎ።

29 ሂዛ፣ ሂንቴ ከሪስቶሳባ ገዲኮ ሂንቴ አብራሃም ዛሬ። ያሳ ኡፋይሳ ቃላዳ ሂንቴ ላቴይሳታ።

4

1 ታ ጌይሲ ሃይሳ፣ ላቴይ ናዓ ገዲ ዴዒሾ፣ ሻሎ ኡባይ ኢያባ ገዲኮካ፣ ኢ አይሌፊ አይኮካ ዲማቴና።

2 ሺን ኢያ አዋይ ገዳ ዋዴይ ጋካናው ኢ ሃዳራ ኤኪዳይሳታ ኩሼኒኔ ናጌይሳታ ኩሼን ዴዔስ።

3 ሄሳዳካ፣ ኩኒ ናጥቴሳን ዴዒያ ዋዴ አላሚያ ዋጋስ አይሌቴዲ ዴዒዳ።

4 ሺን ዋዴይ ጋኪዳ ዋዴ ያሳይ ሂጌፊ ጋርሳን፣ ማጫሳፕ ዬሌቴዳ ባ ናዓ ከትስ።

5 ኢ ሄሳ አሊዳይ፣ ሂጌስ ሃራቴዲ ዴዔይሳታ ዋዛናዉኔ ኦና ባ ናይታ አላና።

6 ኦ ያሳ ናይታ ገዲያ ጊሾ «አባ፣ አዋና» ገዲ ያጊያ ባ ናዓ አያና ኦ ዋዛና ገደ ከትስ።

7 ሄሳ ጊሾ፣ ሃዘፕ ኔኒ ያሳ ናዓፕ አትን አይሌ ገዳካ። ኔኒ ኢያ ናዓ ገዲኮ፣ ያሳ ላቴይሳ ገዲዳሳ።

ጳውሎሲ ገላጥያ አሳስ ቆፒስ

8 ሂንቴ ካሴ ያሳ ኤርና ዋዴ ያሴ ገደናይሳታስ አይሌ ገዲዲ ሃራቴዳታ።

9 ሺን ሃዒ ሂንቴ ያሳ ኤሪዳታ፤ ኡባራካ ያሳን ኤሬቴዳታ። ያተን ፓላና ንዖና አላሚ ዋጋታኮ ጉዬ ዋኒዲ ሲሜቲ? ዋዳ ኤቁዲ፣ ዋኒዲ ኤንታው አይሌ ገደናው ኮዬቴ?

10 ዲማ ገዲዳ ጋላሳታ፣ አጌናታ፣ ዋዴታኔ ላይሳታ ሂንቴ ሎይሊ ቦንቸታ።

11 ታና ሂንቴባይ ያሾስ፤ ታ ሂንቴው ጮ ደቡራዲናሻ?

12 ታ አሻቶ፣ ታ ሂንቴዳ ሃኒዳ ጊሾ ሂንቴካ ታዳ ሃኒቴ ጋዳ ሂንቴና ዋሳይስ። ሂንቴ ታና አይቢካ ቆሂቤኬታ።

13 ታኒ ኮይር ሃርጌታሽ ሂንቴው ዋንጌላ ኦዲዳይሳ ሂንቴ ኤሬታ።

14 ታ ሃርጌይ ሂንቴው ፓጩ ገዲኮካ፣ ታና ሳሌቴቤኬታ፤ አዳቤኬታ። ሺን ታና ያሳ ከታንቸ ዋይኮ ከሪስቶስ ዬሱሳ ዋኬይሳዳ ዋኪዳታ።

15 ያተን፣ ሄ ሂንቴው ዴዒያ ኡፋይሳይ ኡባይ አው ቢዴ? ሂንቴው ዳንዳዔቴዳኮ፣ ሂንቴ ታው፣ ሂንቴ አይፊያ ኬሲዲ አሚያኮ ኢያናይሳ ታ ማርካታይስ።

16 ያተን፣ ታ ሂንቴው ቱማ አዲዳ ጊሾ ሂንቴው ዋርቤ ገዲዳናዬ?

17 ሄ አሳቴ ሂንቴና ባንታኮ ዛራናው ኮዮሶና፣ ሺን ኤንታ ቆፋይ ሎዖሳ ገደና። ኤንታ ቆፋይ ሂንቴና ሻካናሳኔ ሂንቴ ኤንታው ቆፓና ማላ አላና።

18 ሎዎባ ኦላናው አሞቲኮ ሎዎ፣ ሺን ሄሲ ታ ሂንቴራ ዴዲያ ዎዴ ፃላላ ገደናሺን ኡባ ዎዴ ገደ።

19 ታ ሲቆ ናይቶ፣ ኪሪሰቶሲ ሂንቴናን ሚሲሌታና ገካናው ዬሎስ ማጫሲ ሚያቴይሳዳ ታ ሂንቴ ገሾ ሚያታይሰ።

20 ሂንቴባይ ታው ሃዲርሲ ገደን ታ ኡንዓታስ፤ ሃዲ ሂንቴ ገደን ታ ቤንታዳ ሸኔታዳ ኦዲያኮ አይ ማላ ደሳይናሺን።

አገርኔ ሳር

21 ሙሴ ሂገን ሃሪተዲ ዳናው ኮዬይሳቶ፣ አኔ ታው ኦዲቴ፤ ሂገይ አይ ጊያኮ ኤሬኬቴ?

22 ጌሻ ማፃፋይ፣ «አብራሃሜስ አይሌፊኔ ጎዳቴሬ ዬሌቲዳ ናምቡ ናይቲ ዴዎሶና» ያጌሰ።

23 አይሌ ናዓይ አሲ ናዓ ዬሊያ ማራን ዬሌቲሰ፣ ሺን ጎዳቴ ናዓይ ያሳ ኡፋይሳ ቃላን ዬሌቲሰ።

24 ሃ ማጫሳቲ ናምቡ ጫቆታስ ለሚሶ ገዲዲ ኤኬቶሶና። ኤንታፌ ኢሲኒያ፣ ሲና ዴሪያፕ ዬዳራ፣ ባ ናይታ አይሌቴላስ ዬላሱ፤ ኢያካ አገር።

25 አገራ አራቤ ቢታን ዴዲያ ሲና ዴሪያን ለሚሌታዳ ሃዲ ዴዲያ ዬራሳላሜ ዳናውሱ። አይሰ ገኮ፣ ኢያ ባ ናይታራ አይሌቴላን ዴዓውሱ።

26 ሺን ሳሎን ዴዲያ ዬራሳላሜይ አይሌቴላን ዴዐኩ፤ ኢያ ኦ ኡባስ አዮ።

27 ጌሻ ማፃፋይ፣

«ናቴ፣ ዬሎና ማይንሌቴ ኡፋይታ፤ ናቴ ሚያታ ኤርናሬ ኢሊላ።

አዚናራ ዴዲያ ማጫሴ፤

አዚኒ ባይና ማጫሴስ ናይቲ ዳር» ያጌሰ።

28 ታ አሻቶ፣ ሂንቴ ዩሳቃዳ ያሳ ኡፋይሳ ቃላን ዬሌቲዳ ናይታ።

29 ሺን ሄ ዎዴ አሳ ማራዳ ዬሌቲዳይሰ፣ አያና ዎልቃን ዬሌቲዳይሳ ጎዲሰ። ሃቺካ ሄሳ ማላ።

30 ሺን ጌሻ ማፃፋይ ዎይገ? «አይሌ ናዓይ ጎዳቴ ናዓራ ኢሲፌ ላቶና ገሾ አይሊው ኢ ናዓራ ዎላ ኬሳ ዬዳ» ያጌሰ።

31 ሄሳ ገሾ፣ ታ አሻቶ፣ ኦኒ ጎዳቴ ናይታ፤ አቴን አይሌ ናይታ ገደኮ።

5

ኪሪሰቶሳን ዴዲያ ላዓቴላ

1 ኦኒ ላዓቴላን ዳና ማላ ኪሪሰቶሲ ኦና አይሌቴላፌ ኬሲሰ። ሂዛ፣ ማኒዲ ኤቂቴ፤ ዛሪዲ አይሌቴላ ቃምባራን ጌሎፕቴ።

2 ታ፣ ጳውሎሲ፣ ጌይሳ ሰዓቴ። ሂንቴ ቃፃሪታናው ኮይኮ፣ ኪሪሰቶሲ ሂንቴና አይኮካ ማዳና።

3 ቃፃሬቲያ ኦኒካ ሂገይ ኪቲያ ኡባ ፖላናው ቤሴይሳ ጉጅዳ ታ ኦዲይሰ።

4 ሂገ ናገዲ ዲላናው ኮዬይሳቶ፣ ኪሪሰቶሳፕ ሻኬቲዳታ፤ ያሳ አቆ ኬሃቴላፌ ኩንዲዳታ።

5 ሺን ኦኒ ያሳ አያና ባገራ አማኖን ዲላናው ኡፋይሳን ናጎሰ።

6 ሂዛ፣ ኪሪሰቶሰ ዬሱሳን ዴዓኮ፣ ሲቆን ቆንጨያ አማኖፕ አቴን ቃፃሪቲን፣ ቃፃሬቶና አገን ኦና አይኮካ ማዳና።

7 ካሴ ሂንቴ ሎዎ ዎዳታ፣ ሺን ሃዲ ቲማስ ኪቴቶና ማላ ሂንቴና ዲጊዳይ ኦኔ?

8 ሃይሳ ማላ ኢታ ጨሞይ ሂንቴና ያገዲ ያሳፌ ዪቤና።

9 ሄሲካ፣ «ጉላ ኢርሾይ ሙኦቃ ኡባ ዴንሌሰ።» ጌቴቲዲ ፃፊቴዳይሳ ማላ።

10 ሂንቴው ሃራ ቆፊ ባይናይሳስ ታ ጎዳን አማኔታይሰ። ሺን ሂንቴና ቡቂያ ኦኒካ ያሳፌ ባ ፐርዳ ኤካና።

11 ታ አሻቶ፣ ታ ሃዲ ገካናው ቃፃር ሳባኪያባ ገዲኮ፣ ያቴን ታና አይሰ ጎደና? ሄሲ ቲማ ገዲያኮ ኪሪሰቶሳ ማስቃሊያባ ታማርሶይ አሳስ ጴቤ ገደናሺን።

12 ሂንቴና ቡቂይሳቲ ቃፃሬቴላ ፃላላ ገደናሺን ባንታና ቃራቲያኮካ ታ ደሳይሰ።

13 ታ አሻቶ፣ ሂንቴ ላዓ ዳናው ያጌቲዳታ። ገደሺን፣ ሂንቴ ላዓቴላይ አሾ አሞ ፖላናው ሂንቴው ጋሶ ገደፖ፤ ሄሳፌ አሲዲ ኢሶይ ኢሱዋ ሲቆን ማዲቴ።

14 ሂገ ኡባይ፣ «አሴ ኔዳ ደሳ» ያገያ ኢሲ ቃላን ቃሾቲሰ።

15 ሺን ሂንቴ ኢሶይ ኢሱዋራ ሳቂያባኔ ሜቲያባ ገዲኮ፣ ሂንቴ ዎሊ ዉርሶና ማላ ናጌቴቴ።

አያና ዴዎኔ አሾ ዴዎ

16 ሂዛ፡ ታ ሂንቴው ኦዲይሰ፤ አያናን ዳዒቲ፤ ሂንቴ አሾ አሙዋ ፖሎፒቴ።

17 አሾ አሞይ አያና አሙዋራ ሞርኬ፤ ቃሲ አያና አሞይካ አሾ አሙዋራ ሞርኬ። ኢንቴ ኢሶይ ኢሱዋራ ኢዳቴያ ገሾ ሂንቴ ደሲያባ ኦላናው ዳንዳዔኬታ።

18 ሺን አያናይ ሂንቴና ካሌሌያባ ገዲኮ ሂጌይ ሂንቴና ሃራና።

19 አሾ ኦሶቲ ኤሬቲዳይሳታ፤ ኤንቴካ፡ ላይማቴሌ፡ ቱናቴሌ፡ ቃይዳ፡

20 ኤቃ ጎይና፡ ቢታ፡ ሞርኬቴሌ፡ ካቹ፡ ቃናቴ፡ ሃንቆ፡ ባና ዶሶ፡ ሻኬቴሌ፡ ኢታ ቶቤ

21 ጌ፤ ማሉ፡ ዩሌ፤ ሄሳ ሄሳ ማላታ። ካሴ ታ ሂንቴው ኦዲይሰ፤ ሃይሳ ማላባታ ኦሌይሳቲ ያሳ ካዎቴላ ላቶኮና።

22 ሺን አያና አይሬይ፡ ሲቆ፡ ኡፋይሲ፡ ሳርቴሌ፡ ዳንዳዓ፡ ኬሃቴሌ፡ ሎጆቴሌ፡ አማና፡

23 አሽኬቴሌ፡ ባና ሃር። ሃይሳ ማላባታ ኢዳያ ሂጌይ ባዎ።

24 ኪሪሰቶስ ዩሱሳባ ገዲዳይሳቲ ባንታ አሾዋ ኢያ ኢታ ቆፋራ፤ ኢያ አሙዋራ ኢሲሬ ማሰቃሊያ ቦላ ካቂደሶና።

25 ኑ አያናን ዳዒያባ ገዲኮ፡ ኑና አያናይ ካሌሌ።

26 እኔ ኢሶይ ኢሱዋ ዩሎዩሼኔ ቃናቴሼ ጮ ጨቁቴይሳ አጎሰ።

6

ኢሶይ ኢሱዋ ማዲቲ

1 ታ አሻቶ፡ ኢሲ አሲ ናጋራን ከንዲኮ፡ አያናን ዳዒያ ሂንቴ ሄ ኡራ አሽኬቴላን ሱራሲቴ። ሺን ኔኒ ሄሳ ማላባን ፓጩቶና ማላ ኔና ናጋ።

2 ኢሶይ ኢሱዋ ዴጎ ቶሁዋ ቶኪቴ። ያቲኮ ኪሪሰቶሳ ሂጌያ ፖሎታ።

3 ኢሲ አሲ አይኮይካ ባዎሺን፡ ባና ሃራታፕ ሎጆ ገዲ ቆፒኮ፡ ኢ ባና ጨሚሰ።

4 ሺን ኢሲ ኢሲ አሲ ባ ኦሱዋ ፓጮ። ሄሳሬ ጉዬ፡ ሃራታራ ባና ጋዴይይሳ አገዲ ባው ጨቁቴያባ ዳሚሰ።

5 ኢሲ ኢሲ አሲ ባ ቶሁዋ ባው ቶካናው ቤሴሰ።

6 ያሳ ቃላ ታማሪያ ኦኒካ ሎጆባ ኡባ ባ አሰታማሪያራ ሻኬቴሰ።

7 ሂንቴ፡ ሂንቴና ጨሞሬቴ። አሲ ባ ዜሪዳባ ዛሪዲ ጫኪያ ገሾ ያሳ ቦላ ቁልቁሶፒቴ።

8 ባ አሾ አሙዋ ከንሳናው ዜሪያ ኦኒካ፡ ባ አሾ አሙዋፕ ሃይቆ ቡጫና። ሺን አያና ኡፋይሳናው ዜሪያ ኦኒካ አያናፕ ሜሪና ዴጎ ጫካና።

9 እኔ ሎጆ ኦሶ ኦላናው አዛሌይሳ አጎሰ። ኑኒ አዛሎና ኢዳኮ ዎዴይ ጋኪያ ዎዴ ኑ ዜሪዳይሳ ጫካና።

10 ኑ ኢንጅ ዎዴ ዳሚኮ፡ አሳ ኡባሰ፡ አሌዲካ አማኒያ አሳሰ ሎጆባ ኦሶሰ።

ጩርሴላ ዞሬኔ ሳርታ

11 ታኒ ታ ኩሼን፡ አይ ማላ ገታ ፒዳሊን ሂንቴው ፃፊዳኮ ቤዒቴ።

12 አሳ ሲንላን ሎጆ ገዲዲ ቤንታናው ኮያ አሳቲ ሂንቴ ቃፃራታና ማላ ኮዮሶና። ሺን ሄሳ ኤንቴ ኦሌይ፡ ኪሪሰቶሳ ማሰቃሊያ ገሾ ኤንታና ጎዲ ጋኮና ማላሳ።

13 ኤንቴ ሂንቴ ቃፃራቴላን ጨቁታናው ኮዩዲ ሂንቴና ቃፃራቶ ጎሶናፕ አቲን ቃፃራቴዳይሳቲካ ባንታ ሁዔን ሂጌያ ናጎኮና።

14 ሺን አላሚይ ታው ካቁቴዳይሳሬኔ ታኒካ አላሚያሰ ካቁቴዳ፡ ጎዳ ዩሱሰ ኪሪሰቶሳ ማሰቃሊያፕ አቲን ሃራ ጨቁቴሌ ታፕ ሃኮ።

15 ሂዛ፡ ቃፃራቲን ቃፃራቶና አገን አይኮካ ማዳና። ማዳይ ኦራሳ ማዴቴሌ ገደ።

16 ሃ ዎጋ ካሊያ ኡባሰኔ ያሳ ዳሪ ገዲዲ ኢሲራዔሌሰ ሳርቴላይኔ ማርቴላይ ገደ።

17 ታኒ ዩሱሳሰ ማዲንዲዳ ቤታ ታ አሳቴላን ቶኪዳ ገሾ ሂዛፕ ታና ኦኒካ ዎይሶፖ።

18 ታ አሻቶ፡ ኑ ጎዳ ዩሱሰ ኪሪሰቶሳ አቶ ኬሃቴላይ ሂንቴራ ገደ። አማንዒ።

ጳውሎስ ኤፌሶና አሳሰ ፃፊዳ ኪታ ጋላ ቆፋ

ጳውሎስ ኤፌሶናን ዳጋያ አሳሰ ፃፊዳ ኪታን ኡባሬ አሉዲ ጻሊዳባይ፡ «ዎዴ ጋኪያ ዎዴ ፆሳይ ፖላናው ቆፒዳ ቆፋይ፡ ሳሎኒኔ ሳሳን ዳጋያ ማጺቴላ ኡባይ ኪሪሰቶሳፔ ጋርሳን ጊዳና ማላሳ» ያጊያ ቆፋ (1:10)። ሄሳ ቦላ ጉጂዲ ዬሱስ ኪሪሰቶሳራ ዳጋያ ኢሲፊቴላን፡ አሳ ዜሬላ ኡባይ ኢሲኖ ጊዳና ማላ ሃ ጊታ ቆፋ ኦሶን ፔሻና ማላ ፆሳ አሳ ሃሳዬሴስ።

ኤፌሶና ኪታ ኮይሮ ከፊሊያን ፃፊዳ ካሪ ቆፋ ጊዲዳ ኢሲፊቴላባ ፃፋናው ደሚዳይሳ ዳልጊሲዲ፡ ፆሳ አዎይ ባ አሳ ዋቲ ደሪዳኮ፡ ኤንቲካ ኢያ ናሳ፡ ዬሱስ ኪሪሰቶሳን ባንታ ናጋራፔ ማርታ ደሚዲ ዋኒዲ ላሳ ኬዩዳኮኔ፡ ፆሳ ጊታ ኡፋይሳ ቃላይ ጌሻ አያና ባጋራ ቱማ ጊዳይሲ ኤሬቲዳኮ ኦዴስ። ናምዓንሎ ከፊሊያን ቃሲ ፃፊይ ሃ ኪታ ናባቢያ አሳይ ባንታ ኢሲፊቴላ ዴዑዋን ኪሪሰቶሳን ኤንታው ዳጋያ ኢሲፊቴላይ ቱማ ጊዳና ማላ ኤንቲ ዋኒዲ ዳናው ቤሲያኮ ቆፊሴስ።

አሳይ ኪሪሰቶሳን ዳጋያ ኢሲፊቴላ ዋኒዲ ዳናው ቤሲያኮ ደማ ደማ ለሚሰን ቆንጨስ። ዎሳ ኬላ አሳቲላ ለሚሶ ጊዲያ ዎዴ ኪሪሰቶሲ ሄ አሳቲላሰ ሁዔ። ዎሳ ኬላ ገምቤ ኬላን ለሚሴቲያ ዎዴ ኪሪሰቶሲ ሄ ኬላ ጎዳ ፃጸዎ ሚንሊያ ዋና ሹቻ። ዎሳ ኬላ ማቸን ለሚሴቲያ ዎዴ ኪሪሰቶሲ አዚናን ለሚሴቲስ። ፃፊይ ኪሪሰቶሳ ባጋራ ቆንጨዳ ፆሳ አጾ ኬሃቴላ ዳሮ ናሺዲ አዲሹ፡ ጊደይ ጨዋቲያ ሃሳያ ሃሳዬሴስ። ኢ ኡባባ፡ ኪሪሰቶሳ ሲቁዎ፡ ኢያ ያርሼቴላ፡ ኢ አሚዳ ናጋራ አቶቲላ፡ ኢያ አጾ ኬሃቴላኔ ኢያ ጌሻቲላ ባጋራ ጻሌስ።

ኤፌሶና ኪታ አይፊ ቆፋታ
ሳርሶ 1:1-2
ኪሪሰቶሳኔ ዎሳ ኬላ 1:3-3:21
ኪሪሰቶሳን ዳጋያ ኦራላ ዴዑዋ
4:1-6:20
ኩሻ ቆፋ 6:21-24

1 ፆሳ ሼኔን ኪሪሰቶሰ ዬሱሳ ሃዎሪ ጊዲዳ ጳውሎሳፔ፡ ኤፌሶናን ዳጋያ ጌሻታሲኔ ኪሪሰቶሰ ዬሱሳ አማኔይሳታሰ ፃፊቲዳ ኪታ።

2 ፆሳ ኑ አዋፔኔ ጎዳ ዬሱስ ኪሪሰቶሳፔ አጾ ኬሃቴላይ ሳርቲላይ ሂንቲው ጊደ።

ኪሪሰቶሳን ዳጋያ አያና አንጂዎ
3 ሳሎን ዳጋያ አያና አንጂ ኡባን ኪሪሰቶሳ ባጋራ ኑና አንጂዳ፡ ኑ ጎዳ ዬሱስ ኪሪሰቶሳ አዎይ፡ ፆሳይ ጋላቲታ።

4 ኑኒ ኢያ ሲንላን ጌሻታኔ ቦሪይ ባይናይሳታ ጊዳና ማላ ፆሳይ አላሚይ ማጺታናፔ ካሴ ኪሪሰቶሳ ባጋራ ባ ሲቁዋን ኑና ደሪሰ።

5 ፆሳይ ባ ሼኒያን ባ ደሲዳይሳዳ ዬሱስ ኪሪሰቶሳ ባጋራ ኑና ባ ናይታ አላናው ካሴቲዲ ቆፒ ዎላስ።

6 ፆሳይ ባ ሲቁያ ናሳ ባጋራ ኑስ ጮ አሚዳ አጾ ኬሃቴላይ ቦንቹታና ማላ ሄሳ አላስ።

7 ፆሳ አጾ ኬሃቴላ ዲሬቲላዳ ኪሪሰቶሳ ሱላን ዎዜቲዲ ናጋራ አቶቲላ ደሚዳ።

8 ባ አጾ ኬሃቴላ ጨንጫቲላኒ ኤራቲላን ኩንሊዲ ኑስ አሚሰ።

9 ፆሳይ ባ ደሲዳይሳዳ ኪሪሰቶሳ ባጋራ ኢያ ሼኒያ ፀራ ኑ ኤራና ማላ አላስ።

10 ዎዴይ ጋኪያ ዎዴ ፆሳይ ፖላናው ቆፒዳ ቆፋይ፡ ሳሎኒኔ ሳሳን ዳጋያ ማጺቴላ ኡባይ ኪሪሰቶሳፔ ጋርሳን ጊዳና ማላሳ።

11 ኡባባ ባ ሼኒያዳ አላያ ፆሳይ፡ ካሴቲዲ ባ ቆፒ ዎላዳይሳዳ ኪሪሰቶሳ ባጋራ ኑኒ ኢያባ ጊዳና ማላ ኑና ደሪሰ።

12 ሄሳ ኢ አላዳይ፡ ኪሪሰቶሳን ኡፋይሲ ዎላዲ ናጎን ኮይሮ ጊዲዳ ኑኒ ፆሳ ቦንቹዎ ጋላታን ቆንጨሳና ማላሳ።

13 ሂንቲካ ሂንቲ አቶቲላ ዎንጌላ፡ ሄሲካ ቱማ ቃላ ሲዲዳ ዎዴ ኪሪሰቶሳ አማኒዳታ። ፆሳይ ሂንቲው አማና ጊዳ ጌሻ አያናን ሂንቲ አታሜቲዳታ።

14 ፆሳ ቦንቹዎ ጋላቲታና ማላ ፆሳይ ባ አሳ ዎዛና ጋካናው ጌሻ አያና ኑስ ኦይሉ አላዲ አሚሰ።

ጳውሎሳ ዎሳ

15 ሃሳ ጊሾ፣ ጎዳ ዩሱሳ ሂንቴ አማኔይሳኔ ገሻታ ኡባ ሂንቴ ሲቄይሳ ታ ሲዲዳ ዋዴ

16 ታ ዋሳን ሂንቴና ቆፓሼ ሂንቴ ጊሾ ያሳ ጋላቴይሳ አጋቢኩ።

17 ጎዳ ዩሱሳ ከሪስቶሳ ያሳይ፣ ቦንቾ አዋይ፣ ያሳ ሂንቴ አሊ ኤራናዳ ጨንጫቴሳኔ ቆንጨጥ አያና ሂንቴው አማናዳ ታኒ ያሳ ዋሳይሰ።

18 ያሳይ ሂንቴና ጂጊዳ ኡፋይሳይኔ ገሻቲ ላቲያ ቦንቾ ላታይ አይ ማላ ዳርኮ ሂንቴ ኤራና ማላ ያሳይ ሂንቴ ዋዛና አይፊያ ደያና ማላ ታኒ ያሳ ዋሳይሰ።

19 ቃሲ ኢያ አማኒያ ኑናን ኦሊያ ኢያ ዋልቃይ አይ ማላ አዲዳ ጊቴኮ ሂንቴ ኤራና ማላ ዋሳይሰ። ሄ ዋልቃይ ያኔቶናኔ ዳቡርና ዋልቃ። ሃ ኑናን ዳዒዲ ኦሊያ ዋልቃይኔ።

20 ከሪስቶሳ ሃይቆፔ ዳንሊዲ፣ ሳሎን ያሳፊ ኡሻቻ ባጋራ ኡቲሲዳ ጊታ ዋልቃይ ኢሲና።

21 ኢያ ሱንሳይ፣ አይሴይሳታፔኔ ማታ አዋታፔ፣ ሃሪይሳታፔኔ ጎዳታፔ፣ ቦላ ጊዲዲ ሃ አላሚያ ፃላላን ጊዶናሽን ሲንሳፊ ያና አላሚያንካ ሃራ ሱንሳታ ኡባፊ ዶቃ።

22 ያሳይ ኡባ ከሪስቶሳ ቶሁዋፔ ጋርሳን ሃሪሲሰ፤ ቃሲ ዋሳ ኬላን ኡባባን ጎዳ ጊዳና ማላ ኢያ ሹሚሰ።

23 ዋሳ ኬላይ ከሪስቶሳ ኩሚሊ ኦሊያ ኢያ አሳቴላ። ማዴቴላይ ዳዒያ ቤሳ ኡባን ከሪስቶሲ ባ ሁጫን ኡባባ ኩንሌይሳ።

2

ከሪስቶሳን ሃይቆፔ ዳዎ ፒኔሊ

1 ሃይሳፊ ካሴ ሂንቴ፣ ሂንቴ ናጋራኔ ሂንቴ ቆሁዋ ጋሶን ሃይቆይይሳታ።

2 ሄ ዋዴ ሂንቴ ሃ አላሚያ ኢታ ኦጊያ ካሊዳታ። ጫርኩዋ ቦላ ዳዒያ አያና ዋልቃታ ሃላቃሲኔ ሃዒካ ያሳሰ ከቴቶና አሳ ሃሪያ አያናሰ ከቴቲዳታ።

3 ኑ ኡባይካ ካሴ ሄ አሳታ ጊደን ኑ አሾ አሙዋኔ ኑ ዋዛና ሼኒያ ካሊዲ ዳዒዲ። ኑካ ሃራታ ማላ ኑ ማዴቴላን ያሳ ሃንቁዋ ኤካናው ዳዒይሳታ።

4 ሺን ያሳ ጊታ ማርቴላፊኔ ኑሰ ዳዒያ ጊታ ሲቁዋፔ ዳንዲዳይሳን፣

5 ሃሪ አቶሺን ኑኒ ኑ ቆሁዋን ሃይቁዲ ዳዒሺን ከሪስቶሳ ባጋራ ኑሰ ዳዎ አሚሰ። ሂንቴካ አቲዳይ ያሳ አዶ ኬሃቴላና።

6 ያሳይ ኑና ከሪስቶሳራ ኢሲፊ ሃይቆፔ ዳንሊዲ ሳሎ ሶሁዋን ኢያራ ኢሲፊ ዋሊሰ።

7 ኢ ሃሳ ኦሊዳይ፣ ከሪስቶሰ ዩሱሳ ባጋራ ኑሰ ቆንጨሲዳ ባ ኬሃቴላኔ ዛዋ ባይና ባ አዶ ኬሃቴላ ዱራቴላ ያና ላይላን ኑና ቤሳናሳ።

8 ሂንቴ አዶ ኬሃቴላን አማናን አቲዳታ። ሄሲካ፣ ያሳ አሞታፔ አቲን ሂንቴ ኦሶን ቤንቴዳባ ጊዳና።

9 ኦኒካ ጨቆቶና ማላ አቶቴላይ ቤንቴዳይ ኦሶን ጊዳና።

10 ኑኒ ያሳ ማዴቴላ፤ ኢ ኑሰ ካሴቴዲ ጊጊሲ ዋሊዳ ሎዎ ኦሶታ ኦላና ማላ ከሪስቶሰ ዩሱሳ ባጋራ ኦራሊ ማዴቴዳ።

ከሪስቶሳራ ዳዒያ ኢሲፊቴላ

11 ሃሳ ጊሾ፣ ሂንቴና ዩሊታን አይሁዴ ጊዶናይሳቶ፣ አይሁዴቲ ባንታው አሳ ኩሼን ቃፃሬቴዲ፣ ሂንቴና ቃሲ ቃፃሬቴቦናይሳታ ጊዲ ዌይይሳ አኩከቴ።

12 ሄ ዋዴ ሂንቴ ከሪስቶሳፔ ሻኬቲ ዳዒዳይሳ፣ ኢሰራዒሌ አሳሰ አላጋ ጊዲዲ ዳዒዳይሳ፣ ያሳ ኡፋይሳ ቃላፔ ሃኪዲ ዳዒዳይሳኔ ሃ አላሚያን ኡፋይሰኔ ያሲ ባይና ዳዒዳይሳ አኩከቴ።

13 ሺን ሂንቴ ካሴ ሃኪዲ ዳዒዳይሳቲ፣ ሃዒ ከሪስቶሰ ዩሱሳን ዳዒዲ ከሪስቶሳ ሱላን ማታ ሸቁዳታ።

14 ከሪስቶሲ ኑ ሳርቴላ፤ ኢ አይሁዴኔ አይሁዴ ጊዶና አሳ ቲሚዲ፣ ናሞባ ሻኪ ዋሊዳ ሞርኬቴላ ጎዳ ላሊሰ።

15 ኢ ባናን ሃ ናሞቡ ዛሬታፔ ኢሲ ኦራላ አሴ ማዲዳ፣ ሂጊያ ኢያ ከታራኔ ዋጋታራ ኢሲፊ ባ አሳቴላን ዳይሲዲ ሳርቴላ አሚሰ።

16 ከሪስቶሲ ማሰቃሊያ ቦላ ሃይቁዲ ሞርኬቴላ ዳይሲሰ፤ ቃሲ ናሞቡ ዛሬታ ኢሲ አሳቴላ ኦሊዲ ያሳራ ሲኬሊሰ።

17 ከሪስቶሲ ዩዲ፣ ያሳፊ ሃኪዲ ዳዒያ ሂንቴው፣ ቃሲ ማቲዲ ዳዒያ ኤንታው ሳርቴላ ዋንኬላ ኦዲሰ።

1:20 ማዘ 110:1 1:22 ማዘ 8:6፤ ቆላ 1:22-23፤ 1:18 2:1 ቆላ 2:13 2:15 ቆላ 2:14 2:16 ቆላ 1:20 2:17 ኢሳ 57:19

18 ኑ ኡባይ ኢያ ባጋራ ኢሲ ኣያናን ኣዋ ሲንፊ ሺቃናው ዳንዳዖስ።

19 ሂዛፔ ሂንቲ ኣላጋ ዋይኮ ኢማፊ ጊዴኬታ፣ ሺን ሂንቲ ሃላ ጌሻታ ቢታ ኣሲኔ ያሳ ሶ ኣሲ።

20 ሂንቲ ሃዋሬቲኔ ናቤቲ ባሲዳ ባሱዋ ቦላ ከፃፎታ። ጎዳ ፃጹዋ ማንሊያ ሹቻይ ከሪስቶስ ዩሱሳ።

21 ኢያን ኬላ ኡባይ ኢሲፊ ኦይኬቲዲ ጎዳን ጌሻ ያሳ ኬላ ጊዳናው ዲጩስ።

22 ሂንቲ ቃሲ ያሳይ ባ ኣያናን ዴዲያ ኬላ ጊዳናው ከሪስቶሳን ኢሲፊ ከፃፎታ።

3

ኣይሁዴ ጊዳና ኣሳስ ሃዋሬ ጊዲዳ ጳውሎሳ

1 ሄሳ ጊሾ፣ ታኒ፣ ጳውሎሲ፣ ኣይሁዴ ጊዳና ሂንቲ ጊሾ ከሪስቶስ ዩሱሳን ቃሾ ኣሲ ጊዳስ።

2 ታ ሂንቲና ማዳና ማላ ያሳይ ባ ኣጵ ኬሃቲላን ታው ኢሚዳ ሃ ኦሱዋባ ሂንቲ ሎይላ ሰዒዴታ።

3 ታ ሂንቲው ካሴ ቃንላን ፃፊዳይሳዳ ያሳይ ባ ፁራ ቆንጩላን ታው ቆንጩሲስ።

4 ታ ፃፊዳይሳ ሂንቲ ናባቢያ ዋዴ ከሪስቶሳ ፁራ ታ ኣይ ማላ ኤሪዳኮ ሂንቲ ኣኬካናው ዳንዳዴታ።

5 ሃ ፁራይ ጌሻ ሃዋሬታሲኔ ናቤታስ ሃላ ኣያና ባጋራ ቆንጩዳይሳዳ ቤኒ ዋዴ ኣሳስ ሄሳዳ ቆንጩሲቤና።

6 ፁራይ ሃይሳ፣ ኣይሁዴ ጊዳና ኣሳይ ዋንጌላ ባጋራ ኢሲሪዴላታራ ኢሲፊ ያሳ ኣንጂዋ ላቶሶና። ኢሲሪዴላታራ ኢሲ ኬላ ኣሲ ጊዳሶና፤ ከሪስቶስ ዩሱሳ ባጋራ ያሳ ኡፋይሳ ቃላ ኤኮሶና።

7 ያሳይ ባ ኦሊያ ዋልቃ ባጋራ ታው ኢሚዳ ኣጵ ኬሃቲላን ሃ ዋንጌላስ ኦሳንቾ ጊዳስ።

8 ታኒ ጌሻታ ኡባፊ ላፋ ጊዲኮካ ኣይሁዴ ጊዳና ኣሳስ ዛዋ ባይና ከሪስቶሳ ዱሬቲላ ዋንጌላ ኦዳና ማላ ሃ ኣጵ ኬሃቲላይ ታው ኢሚቲስ።

9 ቃሲ ካሴ ዋዲያን ኡባ ማጺዳ ያሳን ቆሴቲዲ ዴዲያ ፁራስ፣ ያሳ ቆፋይ ኣይቤኮ ቆንጩሳናው ኣጵ ኬሃቲላይ ታው ኢሚቲስ።

10 ያሳይ ሄሳ ኣሊዳይ ሃላ ዋዲያን ዋሳ ኬላ ባጋራ ሳሎ ሶሁዋን ዴዲያ

ሃላቃታሲኔ ሃሬይሳታስ ባ ዴማ ዴማ ቆንጩላ ኤሪሳናሳ።

11 ያሳይ ባ ማሪና ቆፋ ኑ ጎዳ ከሪስቶስ ዩሱሳ ባጋራ ፖላናው ሄሳ ኦሊስ።

12 ኑ ኣማኖን ያሺ ባይና ያሳኮ ሺቃና ማላ ከሪስቶስ ኑስ ሚናቴሊኔ ላዒቲላ ኢሚስ።

13 ታኒ ሂንቲ ጊሾ ዋዴ ኤኪያ ጊሾ ሂንቲ ታ ዋያን ዩላቶናዳ ሂንቲና ዋሳይስ፤ ታኒ ሂንቲ ቦንቹዋስ ዋዩታይስ።

ኤፌሶና ኣሳስ ዋሴቲዳ ዋሳ

14 ታኒ ኣዋ ሲንላን ጉልባታዳ ዋሴይ ሄሳ ጊሾሳ።

15 ሳሎኒኔ ሳዓን ዴዲያ ኢሲ ኢሲ ሶ ኣሳይ ኢያን ሱንፊቲስ።

16 ያሳይ ባ ቦንቾ ዱሬቲላፊ ሂንቲ ጋርሳ ኣሳቲላ ማንሊያ ዋልቃ ባ ኣያና ባጋራ ኢማና ማላ ሂንቲው ዋሳይስ።

17 ቃሲ ኣማኖን ከሪስቶሲ ሂንቲ ዋዛናን ዳና ማላኔ ሂንቲ ሲቆን ፃጸ ዩዲዲ ማኒዲ ዳና ማላ ዋሳይስ።

18 ሄሳዳካ፣ ከሪስቶሳ ሲቆይ ኣይ ማላ ዳልጌኮ፣ ኣዲሴኮ፣ ጵቁኮኔ ጨዋኮ ጌሻታ ኡባራ ኤሪያ ዋልቃ ሂንቲ ኣኬካና ማላ ዋሳይስ።

19 ኤራቴላፊ ኣጺያ ከሪስቶሳ ሲቆዋ ሂንቲ ኤራና ማላ ቃሲ ዴዖ ኢሚያ ያሳ ዋልቃን ሂንቲ ኩማና ማላ ታ ዋሳይስ።

20 ሂዛ፣ ኑ ጊዳን ኦሊያ ባ ዋልቃ ባጋራ ኑኒ ዋሴይሳፊ ዋይኮ ቆፔይሳፊ ኣሊዳ ኦላናው ዳንዳዴያ ያሳስ።

21 ዋሳ ኬላኒኔ ከሪስቶስ ዩሱሳን ዋዴ ኡባን ማሪናፔ ማሪና ጋካናው ቦንቾይ ጊዳ። ኣሚንዒ።

4

ከሪስቶሳራ ዴዲያ ኢሲፊቲላ

1 ሂዛ፣ ጎዳ ጊሾ ቃሼቲዳ ታኒ፣ ሂንቲ ፃጌቲና ፃሳስ ቤሲያ ዴዖ ዳና ማላ ሂንቲና ዋሳይስ።

2 ሂንቲ ኡባ ዋዴ ኣዳኔ ሃዮ ጊዲቲ፤ ኢሶይ ኢሱዋ ዳንዳዴቲኔ ሲቆን ዴዲቲ።

3 ሳርቲላን ቃሼቲዲ ኣያናይ ኢሚያ ኢሲፊቲላ ናጋናው ማኒቲ።

4 ያሳይ ሂንቲና ፃጊዳ ዋዴ ኢሲ ኡፋይሳስ ፃጊዳይሳዳ ኢሲ ኣሳቲላኔ ኢሲ ኣያኒ ዴዴስ።

5 ኢሲ ጎዳይ፣ ኢሲ አማኖይኔ ኢሲ ዊንቃቲይ ዳዔሲ።

6 ኡባሬ ቦላ ጊዲዳ፣ ኡባ ባጋራ ኦሊያኔ ኡባ ጊደን ዳዔያ ኢሲ ያሳይ፣ ኡባ አቀይ ዳዔሲ።

7 ሺን ኪሪሰቶሲ አማናው ኮዪዳይሳዳ ኑ ኢሶይ ኢሶይ ዲማ ዲማ አሞታ ኤኪዳ።

8 ሂሳ ጊሾ፣ ያሳ ቃላይ፣ «ኢ ዩዳ ኬዪዳ ዎዴ ዲዔቲዳ ዳርታ ባራ ኤኪዲ ቢሰ፤ አሳሰካ አሞታ አሚሰ» ያጌሰ።

9 ያተን፣ «ዩዳ ኬዪሰ» ጉሳይ ዎይ ጉሴ? ኢ ኮይሮ ዲጌ፣ ሳዓ ዚቃ ቤሳ ዎዲሰ ጉሱ ጊደና ኢዊኮ ኣይ ጉሴ?

10 ሃ ዲጌ ዎዲይሰ፤ ኡባ ቤሳን ቤንታናው ኡባሬ ጶቃ ሳሉዎ ኬዪዳይሰ ኢያ።

11 ኢ ኢሶታ ኢሶታ ሃዎሬታ፣ ኢሶታ ኢሶታ ናቤታ፣ ኢሶታ ኢሶታ ዎንጌላ ሳባኬታ፣ ኢሶታ ኢሶታ ዎሳ ኬላ ሃሜይሳታ፣ ኢሶታ ኢሶታ ኣሰታማሬታ ኦሊዲ አሚሰ።

12 ኢ ሂሳ ኦሊዳይ ኪሪሰቶሳ አሳቴላ ጊዲዳ ዎሳ ኬላ ዲቻናወኔ አማኒያ አሳ ያሳ ኦሶሰ ገገሳናሳ።

13 ሂሳዳካ፣ ኑ ኡባይ ያሳ ናዓ ኡሪዲ አማናን ቤንቲያ ኢሲሬቴላኮ ጋኪዲ፣ ኪሪሰቶሳ አያና ዳዕዎ ኩሜላ ጋኪዲ ዲጫና ሜላሳ።

14 ሂዛፔ ጉዬ፣ አሳ ጌኔ ጨሞን ገገዳ ባሌሊያ ዎርዶ ቲሚርቲ ጫርኮኒኔ ሆቤን ጌዴኔ ሃ ኩሎ ካዔያ ናይታ ሜላ ጊዳናው ቤሴና።

15 ሺን ሁኒ ቱማ ሲቆን ኦዲሾ አሳቴላሰ ሁዔ ጊዲያ ኪሪሰቶሳራ ዳዔያ ኢሲሬቴላ ጉጂ ጉጂ ዲቻሰ።

16 ኩሜላ አሳቴላይ ኪሪሰቶሳ ቦላ ዘሞፔሰ ቃሲ ዲማ ዲማ አሳቴላ ቢሊቴቲ ኢሶይ ኢሱዋራ ኦይኬቲዲ ኡቲሰ። ኢሲ ኢሲ አሳቴላ ኪፊሊይ ባ ኦሱዎ ኦሊያ ዎዴ ኩሜላ አሳቴላይ ሲቆን ዲጩሰ።

ኪሪሰቶሳን ኦራሳ ዳዎ

17 ሂሳ ጊሾ፣ ታኒ ሃይሳ ሂንቲው ጎዳ ሱንላን ኦዳይሰኔ ማርካታይሰ። ጎዲ ባይና ቆፋ ቆፒያ ኣይሁዶ ጊደና አሳታዳ ዳዎፒቲ።

18 ኤንታ ቆፋይ ጳሚሰ፤ ባንታ ዎዛና ሙሚሲዶሶና። ኤንቲ ኤራቴላ ጳዮንኔ ኢፃሰ ጊዲ ያሳይ ኢሚያ ዳዕዎፕ ሃኪዶሶና።

19 ኤንቲ ዬላ ጊያባ ኤርኮና፤ ኤንቲ ላይማቴላሰ ባንታና ኣሊ ኢሚዶሶና፤ ቃሲ ቱናባ ኡባ ጉዬ ጎና ኦሶሶና።

20 ሺን ሂንቲ ኪሪሰቶሳ ኤሪዳይ ሂሳ ሜላ ኦጌን ጊደና።

21 ኢያባ ቱማ ሲዒዳታ። ቃሲ ዬሱሳን ዳዔያ ቱማ ሜላ ኢያፔ ታማሪዳታ።

22 ሂንቲ ካሴ ዳዔያ ዳዎ ኦጊያ ኣገቲ። ቃሲ ባ ጨሚያ አሞን ጳያ ሂንቲ ጩጋ አሳቴላ ዲጊቲ።

23 ሂንቲ ዎዛና ቆፋን ኦሪዊቲ።

24 ቱማ ዓሎቴላኒኔ ጌሻቴላን ያሳ ሊሚሶን ሜዴቲዳ ኦራሳ አሳቴላ ማዒቲ።

25 ሂዛ፣ ዎርዶ ኦዴቶሬቲ። ኑኒ ኡባይ ኪሪሰቶሳ አሳቴላ ቢሊቴታ ጊዲያ ጊሾ አሳ ኡባራ ቱማ ኦዴቲቲ።

26 ሃንቁቲቲ፣ ሺን ሂንቲ ሃንቁዎን ናጋራ ኦሶሬቲ። ሂንቲ ሃንቁቲ ዳዒሺን አዎ ወሎፎ።

27 ዓላሂሰ ቤሴ አሞሬቲ።

28 ካይሲያ ኡሪይ ሂዛፔ ጉዬ ካይሶቶፖ። ሺን ማንቆታ ማዲያባይ ኢያው ዳና ሜላ ባ ኩሼን ሎዎባ ኦሶ።

29 ሂንቲ ዳናፔ ኢታ ቃሊ ኬዮፖ። ሺን ሲዔይሳታ ጎዳና ሜላኔ ሃራታ ሚንሌሊያ ኮሺያ ሎዎ ቃሊ ሂንቲ ዳናፔ ኬዮ።

30 ያሳይ ሂንቲና ዎዚያ ጋላሳሰ ሂንቲና አታሚዲ ዎሊዳ ያሳ አያና ኣዛንሶሬቲ።

31 ጫሜቴላ፣ ዪሎ፣ ሃንቆ፣ ዎሶ፣ ጫሼኔ ኢታ ኡባ ሂንቲሬ ሃሲቲ።

32 ኣሊዲ ኢሶይ ኢሱዋሰ ኬሃኔ ቃዴቲይሳታ ጊዲቲ። ያሳይ ኪሪሰቶሳ ባጋራ ሂንቲው አቶ ጊዳይሳዳ ሂንቲካ ዎሊሰ አቶ ገቲ።

5

1 ሂዛ፣ ያሳይ ዶሲያ ናይታዳ ኢያ ዳኒቲ።

2 ኪሪሰቶሲ ኑና ዶሲዲ ባና ኑ ጊሾ ያሳሰ ሳዎያ አሞኔ ያርሾ ኦሊዲ ኢሚዳይሳዳ ሂንቲካ ሲቆን ዳዒቲ።

4:8 ማዘ 68:18 4:16 ቆላ 2:19 4:22 ቆላ 3:9 4:24 ሜዴ 1:26፤ ቆላ 3:10 4:25 ካካ 8:16 4:26 ማዘ 4:4 4:32 ቆላ 3:13 5:2 ኪሳ 29:18፤ ማዘ 40:6

3 ሺን ላይማቴሉ፣ ቱናቴሉኔ ኡዜቴሉ እማኒያ አሳሰ ቤሶና ጊሾ ሂንቴ ጊደን ኡባራካ ሲዔቶፎ።

4 ያሳ ጋላቴቴ ኣቲን ዩላያባይኔ ኤያ ኦዲ ዋይኮ ቂጆይ ሂንቴው ቤሶና ጊሾ ሂንቴ ጊደን ኡባራካ ዴፖ።

5 ሃይሳ ኤሪቴ፤ ኣኒካ ላይማቴይ ዋይኮ ቱናባ ኣላይ ዋይኮ ኡዜቴይ ከሪሰቶሳ ካዋቴሳኔ ያሳ ካዋቴሳ ላታናው ደንዳዔና። ኡዜቴሉ ኤቃ ሳይኖ ማላ።

6 ሃይሳታ ጋሶን ያሳ ሃንቆይ ከቴቶና አሳ ቦላ ያና ጊሾ ኣኒካ ሂንቴና ፓላና ኦዲን ጨዋፎ።

7 ሄሳ ማላ አሳራ ኢሲፊቴሉ አላፊቴ።

8 ካሴ ሂንቴ ቆማን ዴዒዴታ፣ ሺን ሃዒ ጎዳ ባጋራ ፖንን ዴዒታ። ሂዛ፣ ፖን አሳዳ ፖንን ሲማራቴቴ።

9 ፖይይ ሎዎቴሉ፣ ሂሎቴሉኔ ቱማቴሉ ኣይፊሰ።

10 ጎዳ ኡፋይሲያባ ኦላናው ኮዩቴ።

11 ጎዒ ባይና ቆማ ኦሶ ቆንጨሲቴቴ ኣቲን ኢያራ ኢሲፎፒቴ።

12 ኤንቴ ጌማን ኦላያ ኦሶዋ ሃሪ ኣቶሺን ኦዳናወካ ዩላዬሰ።

13 ሺን ኡባባይ ፖንን ኬያ ዋዴ ቆንጨን ቤንቴሰ።

14 ፖይይ ኡባባ ቆንጨን ቤሰሰ። ሄሳ ጊሾ፣

«ኔኖ ጲሰኬይሶ ባርካ፤ ሃይቆፕ ዴንዳ፤

ከሪሰቶሲ ኔ ቦላ ፖላና» ያጌቴሰ።

15 ሂዛ፣ ሂንቴ ዋኒዲ ዴዒያኮ ኣኬኪ ቤዒቴ። ጨንጫታ ጊዲቴፕ ኣቲን ኤያታ ጊደፒቴ።

16 ላይላይ ኢታ ጊዲያ ጊሾ ኢንጃቴያ ዋዴ ኡባ ጎዔቴቴ።

17 ሄሳ ጊሾ፣ ጎዳ ሺኔይ ኣይቤኮ ኣኬኪቴፕ ኣቲን ኤዮፒቴ።

18 ጌሻ ኣያናን ጋላሰ ጋላሰ ከሚቴፕ ኣቲን ቆዮኮ ሂንቴና ካሌሊያ ጊሾ ዋይኔ ኡሻን ማላቶቴ።

19 ማዝሙራን፣ ሳባኒኔ ኣያና ዬላን፣ ኢሶይ ኢሶዋራ ኦዴቴቴ። ቃሲ ሂንቴ ዋዛናን ዛማሪሼኔ ሳቢሼ ጎዳ ጋላቴቴ።

20 ኑ ጎዳ ዬሶሰ ከሪሰቶሳ ሱንላን ኡባ ዋዴ ያሳ ኣዋ ኡባባሰ ጋላቴቴ።

21 ከሪሰቶሳ ቦንቹዋሰ ጊዲ ኢሶይ ኢሶዋሰ ሃራቴቴ።

ኣዚናባኔ ማቹባ 22 ማቹቶ፣ ጎዳሰ ሃራቴይሳዳ ሂንቴ ኣዚናታሰ ሃራቴቴ።

23 ከሪሰቶሲ ዋሳ ኬላሰ ሁዔ ጊዴይሳዳ ኣዚኒካ ባ ማቹሰ ሁዔ። ቃሲ ከሪሰቶሲ ባ ኣሳቴሉ ጊዲዳ ዋሳ ኬላ ኣሼይሳ።

24 ሺን ዋሳ ኬላይ ከሪሰቶሳሰ ሃራቴይሳዳ ማቹቴ ባንታ ኣዚናታሰ ኡባባን ሃራጋናው ቤሰሰ።

25 ኣዚናቶ፣ ከሪሰቶሲ ዋሳ ኬላ ደሲዲ ባና ኢው ኢሚዳይሳዳ ሂንቴካ ሂንቴ ማቹታ ደሲቴ።

26 ኢ ዋሳ ኬላ ባ ቃላ ባጋራ ሃላን ማጨዲ ጌሺሰ።

27 ከሪሰቶሲ ዋሳ ኬላ ቂቴ ዋይኮ ሶምፖ ቱሲ ዋይኮ ሄሳ ማላባይ ባይና ኢ ኩማላ ቦንቹዋራ ጌሺኔ ቦራቶናሮ ኦላዲ ባኮ ሺሻናው ኮዩዲ ሄሳ ኦላሲ።

28 ሄሳዳካ፣ ኣዚናቴ ባንታና ደሴይሳዳ ባንታ ማቹታ ደሳናው ቤሰሰ። ባ ማቹው ደሴይሲ ባና ደሴሰ።

29 ባና ኢዲያ ኣሲ ኣኒካ ባዋ፣ ሺን ከሪሰቶሲ ዋሳ ኬላሰ ኦላይሳዳ ባ ኣሳቴላ ሙዜሲኔ ናጌሰ።

30 ኑኒ ከሪሰቶሳ ኣሳቴላ ቢሊቴታ።

31 ያሳ ቃላይ፣ «ሄሳ ጊሾ፣ ኣሲ ባ ኣዋኔ ባ ኣዩው ኣጊዲ፣ ባ ማቹራ ኢሲፊ ዳና፤ ኤንቴ ናምዒይካ ኢሲ ኣሾ ጊዳና» ያጌሰ።

32 ሃይሲ ጊታ ፀራ፣ ሺን ታኒ ሄሳ ከሪሰቶሳባኔ ዋሳ ኬላባ ለሚሶ ኦላዳ ኦዳይሰ።

33 ጊደሺን፣ ሂንቴ ኢሶይ ኢሶይ ሂንቴ ማቹታ ሂንቴ፣ ሂንቴና ደሴይሳዳ ደሲቴ። ኢሲ ኢሲ ማቻ ባ ኣዚና ቦንቻናው ቤሰሰ።

6

ናይታባኔ ዩሊዳይሳታባ

1 ናይቶ፣ ሂንቴ ጎዳባ ጊዲያ ጊሾ ሂንቴና ዩሊዳይሳታሰ ከቴቴቴ። ሄሲ ሂንቴው ቤሲያባ።

2 «ኔ ኣዩወኔ ኔ ኣዋ ቦንቻ።» ሄሲ ኡፋይሳ ቃሊ ዴዒያ ኮይሮ ከታ።

5:16 ቆላ 4:5 5:19 ቆላ 3:16-17 5:22 ቆላ 3:18፤ 1ጴጌ 3:1 5:25 ቆላ 3:19፤ 1ጴጌ 3:7 5:31 ሜዲ 2:24 6:1 ቆላ 3:20 6:2 ኬሳ 20:12፤ ዛሬ 5:16

3 «ኔ ሄሳ ፖሊያባ ገዲኮ ኡባይ ኔው ኢንጃታና፤ ኔ ላይላይ ሳባ ቦላ አዲቃና።»

4 አዋቶ፡ ሂንቲ ናይታ ጎዳ ቃላ ታማርሶኒኔ ኤንታ ካሌሶን ዲቺቲፕ ኦቲን ኤንታና ጫሚሶፒቲ።

ጎዳታባኔ አይሌታባ

5 አይሌቶ፡ ኪሪሰቶሳሰ ኪቲቲይሳዳ ሂንቲ ሳባ ጎዳታሰ ያሻን፡ ቦንቸኒኔ ሱሬ ዋዛናን ከቲቲቲ።

6 ኤንታ ሲንላን ሳባ ዳማናው ኤንቲ ቤዒያ ዋዴ ፃላላ አሳፊቲ። ሺን ኪሪሰቶሳ አይሌታዳ ያሳ ሸኒያ ዋዛናፕ ፖሊቲ።

7 አሳሰ ገደናሺን ጎዳሰ ገዲ ሂንቲ ኩሜላ ዋዛናፕ አሏቲ።

8 አይሌ ገዲን ዋይኮ ጎዳ ገዲን ኢሶይ ኢሶይ ባ አሏዳ ሎፖ ኦሱዋሰ ጎዳፕ ዋይቶ ኤካናይሳ ኤሬታ።

9 ጎዳቶ፡ አሳ ሶምፖ ቤዒዲ ማደና ጎዳይ፡ ሳሉዋን ዳዔይሳ ኤሬታ። ሄሳ ገሾ፡ ሂንቲ አይሌታ ማንዳይሳ አገዲ ኤንቲ ሂንቲው ቦንቸን ኪቲቲይሳ ሜላ ሂንቲ ኤንታው ሎፖባ አሏቲ።

ያሳ ኦላ ሚሼታ

10 ወርሴላን፡ ጎዳኒኔ ኢያ ገታ ዋልቃን ሚኒቲ።

11 ፃላሂ ጨሙዋ ኤቂታናው ዳንዳዓና ሜላ ያሳይ ሂንቲው አሚዳ ኦላ ሚሼያ ኡባ ማዒቲ።

12 ኦ አላይ አሳራ ገደናሺን ሳሎን ዳዒያ ቱና አያና ኦላንቸታራ፡ ማታ አዋታራ፡ ሃሬይሳታራኔ ሃ ቋማ አላሚያ ዋልቃታራ።

13 ሄሳ ገሾ፡ ኢታ ጋላሳ ቲቃናወኔ ኡባ ፖሊዲ፡ ሚኒዲ ኤቃናው ሂንቲ ዳንዳዓና ሜላ ያሳ ኦላ ሚሼታ ኡባ ማዒቲ።

14-15 ቱማ ፃሳን ዳንጮዳ ዳንጪዲ፡ ፃሎቲላ ፀሩሬዳ ቲራን ዋሏዲ፡ ሳርቲላ ዋንጌላ ሂንቲ ቶሁዋን ጫማዳ አሏዲ ሚኒዲ ኤቂቲ።

16 ሄ ኡባሬ አሏዲ፡ ፃላሂይ ዬዲያ ላዒያ ታማ ደንጌ ኡባ ቶይሳናው ዳንዳዒያ አማኑዋ ኡባ ዋዴ ጎንዳሌዳ ኦይኪቲ።

17 ያሳ አቶቲላ ቢራታ ባርኔፃዳ ሂንቲ ሁዒን ዋሏቲ፤ ቃሲ ጌሻ አያና ማሻ፡ ኢካ ያሳ ቃላ ኦይኪቲ።

18 ያሳ አጎፊቲ፤ ሃራታሰካ ጋናቲቲ፤ ኡባ ዋዴ አያናን ዋሲቲ። ሄሳን፡ ጌሻታሰ ሳሌቶና ሚኒዲ ኡባ ዋዴ ዋሲቲ።

19 ታኒ ዋንጌላ ፀራ ያሺ ባይና ቆንጪሳዳ ኦዳና ሜላ ያሳይ ታው ቃላ አማና ሜላ ዋሲቲ።

20 ታኒ ሄሳ አላናው ኪቲታሰ ሃዒካ ቃሻን ዳዔይ ሄ ዋንጌላ ገሾሳ። ያኒያ ገሾ፡ ታኒ ያሺ ባይና ቤሴይሳዳ ኦዳና ሜላ ታው ዋሲቲ።

ወርሴላ ሳርሶ

21 ታኒ ዋና ዳዒያኮኔ አይ ኦሊያኮ ሂንቲ ኤራና ሜላ ኦ ሲቆ አሻይ፡ ጎዳ ኦሱዋን አማኔቲዳ ኦሳንቸይ፡ ቲኪቆሲ፡ ታባ ኡባ ሂንቲው ኦዳና።

22 ኦኒ ኡባይ ዋኒዲ ዳዒያኮ ሂንቲው ኦዳና ሜላኔ ሂንቲና ሚንሌላና ሜላ ታኒ ኢያ ሂንቲኮ ኪታሰ።

23 ያሳ አዋፕ፡ ጎዳ ዬሱሰ ኪሪሰቶሳፕ ሳርቲላይኔ ሲቆይ አማናራ ኢሲፌ አማኒያ ኡባሰ ገደ።

24 ኢርዮና ሲቆን ኦ ጎዳ ዬሱሰ ኪሪሰቶሳ ሲቂያ ኡባራ ያሳ አቆ ኬሃቲላይ ገደ።

ጳውሎስ ፊልጲሲዩሳ አሳሰ ፃፊዳ ከታ ጋሳ ቆፋ

ጳውሎስ ፊልጲሲዩሳ አሳሰ ፃፊዳ ከታይ ፃፊቲዳይ፣ ሮሜ ቢታን ማቁደኒያ አውራጃ፣ ፊልጲሲዩሳ ቢታን ዳዒያ ዋሳ ኬላሳ። ሄ ዋሳ ከላይ ጳውሎስ አወርጋ ቢታን ኮይሮ ኤሲዳ ዋሳ ኬላ። ሃ ከታይ ፃፊቲዳይ፣ ጳውሎስ ቃሾ ኬላን ዳዒያ ዋዴ ሃራ አማኒያ ኦሳንቸቲ ኢያ ኢዲዳ ዋዴኔ ፊልጲሲዩሳ ዋሳ ኬላን ዳንዲዳ ዋርዶ ቲሚርቲያ ጋሶን ኢያ ዋዛናይ ዳሮ አዛኒዳ ዋዴ። ገደሽ፣ ጳውሎስ ዩሱስ ኪሪስቶሳ ሚንሊዲ አማኒያ ገሾ ሃ ከታን ቆንጨዲ ቤንቲይ፣ ኡፋይሲኔ ኩሜላ አማኔቲላ። ፊልጲሲዩሳን ዳዒያ ዳሮ አሳይ ሮሜ፣ ዲዌቲዲ ዩዳ አሰ። ኤንቲ ሮሜ ቢታሰ ሚሹቶሶናኔ ሎይሊ ናጎሶና። ኤንታፊ ኢሶቲ ኢሶቲ አማኒዲ ባንታ ቢታ አሳን ጎዳቲደሶና። ሄ ጎዳይ ኤንታ ቦላ ማቶኔ ማንቆቲላ ኤሂስ (ሃ.አ 16:20-21)።

ጳውሎስ ሃ ከታ ፃፊዳ ኮይሮ ጋሶይ ኢያ ሚቱዋ ዋዴ ኢያ ማዳናው ፊልጲሲዩሳ አማኒያ አሳይ አሞታ ኢያው ዩዲዳ ገሾ ኤንታ ጋላታናሳ። ኢያ ቦላኔ ኤንታ ቦላ ዲማ ዲማ ማቶኔ ጋኪዳባ ገዲኮካ ኤንቲ ሚኔታና ሚላኔ ኩሜላ አማኔቲዲ ዳና ሚላ ሃ ዳሚዳ ኢንጂያን ኤንታ ሚንላሌሰ። ጨቆኔ ኦቶሮ ኦጊዲ፣ ዩሱስ ኪሪስቶሳ አሸከቲላን ኤንቲ ኩማና ሚላ ሚንሊዲ ኤንታ ኦኬኪሲሰ። ዩሱስ ኪሪስቶሳራ ኢሲፊ ገደን ኤንቲ ዳሚዳ ዳይይ ያሳ አጼ ኬሃቴላፊ ፑልቲዳይሳኔ አማኒያ ኤንቲ ኤኪዳይሳፊ አቲን አይሁዳታ ዋጋ ፖሎን ቤንቲዳባ ገደናይሳ ኤንታ ኦኬኪሲሰ። ዩሱስ ኪሪስቶሳራ ኢሲፊ ዳዒያ ኡባሰ ያሳይ አሚያ ሳሩዋኔ ኡፋይሳ ኤንታው ፃፊሰ።

ሃ ከታይ ኤሬቲይ ኡፋይሲ፣ አማኔቲላ፣ ኢሲፊቲላኔ አማኒያ ሚኒዲ ዳይ ቆንጨሲዲ ቤሴይሳና። ሄሳ ቦላ ጉጂዲ፣ ጳውሎስ

ፊልጲሲዩሳ ዋሳ ኬላ ሲቁያ ገታ ሲቁዋ ቆንጨሲሰ።

ፊልጲሲዩሳ ከታ አይፊ ቆፋታ

ገሎ ቆፋ 1:1-11
ጳውሎስ ሃኒዲ ዳዒያ ዲሳ 1:12-26
አማኒያ ለሚሶ ዳይ 1:27-2:18
ዲሞቲዮሳሲኔ ኤጳፊራዲቲስ ዳዒያ ቆፋ 2:19-30
ሞርኬታፔኔ ኢታታፔ ናጌቲላ 3:1-4:9
ጳውሎሳኔ ፊልጲሲዩሳ አማኒያ አሳ 4:10-20
ሳርላኔ አንጅ 4:21-23

1 ኪሪስቶስ ዩሱሳራ ኢሲፊዳ ገሾ ያሳባ ገዲዲ፣ ፊልጲሲዩሳ ካታማን ዳዒያ ዋሳ ኬላ ጨማታሲኔ ዳቆኔታ ኡባሰ። ዩሱስ ኪሪስቶሳ አይሌ ገዲዲ፣ ጳውሎሳፔኔ ዲሞቲዮሳፔ ከቲቲዳ ከታ።

2 ኦ አዋ ያሳፊኔ ጎዳ ዩሱስ ኪሪስቶሳፔ ኢጼ ኬሃቴላይኔ ሳርቲላይ ሂንቲው ገደ።

ጳውሎሳ ጋላታ ዋሳ

3 ታኒ ሂንቲና ቆጊያ ዋዴ ኡባን፣ ታ ያሳ ጋላታይሰ።

4 ታኒ ሂንቲ ኡባሰ ያሳ ዋሲያ ዋዴ ኡፋይሳን ዋሳይሰ።

5 ሂንቲ ኮይሮ ጋላሳፔ ሃዒ ጋካናው፣ ዋንጌላ ማርካቲይሳን ታራ ኢሲፊ ገዲዲ፣ ታና ማዲዳ ገሾ ያሳ ጋላታይሰ።

6 ሂንቲ ገደን ሎፖ ኦሶ ደሚዳ ያሳይ፣ ኪሪስቶስ ዩሱሲ ሲሚያ ጋላሳይ ጋካናው፣ ፖላናይሳ ኤራይሰ።

7 ሂንቲ ኡባ ዋዴ ታ ዋዛናን ዳዒታ። ታኒ ኡባ ዋዴካ ሃሳዳ ቆጋናው ቤሴሰ። ሃዒ ታኒ ቃሾን ዳዒሼኔ ቃሼታናፔ ሲንሌ ዋንጌላ ናጎኒኔ ዋንጌላ ሚንላ ኤሶን ያሳይ ታው ቃዲዳ ቃዳ ሂንቲካ ታራ ሻኪቲዳታ።

8 ታኒ ሂንቲና ኡባ ኪሪስቶስ ዩሱሳ ሲቁዋን አይ ሚላ ላሞቲያኮ ያሳይ ታው ማርካ።

9 ሂንቲ ሲቆይ ቲማ ኤራቴላራኔ ኦኬካራ ኢሲፊ ጉጂ ጉጂ ዲጫና ሚላ ያሳ ዋሳይሰ።

10 ሃሳን ሂንቲ ሎፖባ ሻኪዲ፣ ደሬይሳታ፣ ኪሪስቶሲ ሲሚያ ጋላሳን ጌሻታኔ ቦራቶናይሳታ ገደና።

11 ሂንቲ ዴያይ ያሳ ቦንቹዋሲኔ ገላታሰ ዩሱስ ኪሪስቶስ ባጋራ ቤንቲያ ጂሎቴላ አይፊያን ኩሚዲ አይፋና።

ጳውሎሳ ቃሹቴላይ ዋንጌላይ ዳልጋና ማላ ማዲሰ

12 ታ አሻቶ፣ ታና ጋኪዳ ኡባይ ዋንጌላይ ዳልጋና ማላ ቱማ ማዲዳይሳ ሂንቲ ኤራና ማላ ኮያይሰ።

13 ታኒ ኪሪስቶስ ጊሾ ቃሹቴዳይሳ፣ ካዋ ከላ ናጌይሳቲኔ ሃይሳን ዴዲያ ሃራቲ ኡባይ ኡሮሶና።

14 ታ ቃሹዋ ጋሶን ኑ አሻታ፤ ዳርቲ ጎዳን ከሂ አማኔቲዶሶና፣ ሃሳ ጊሾ፣ ያሳ ቃላ ያሺ ባይና ካሴይሳፊ አጂ ሚኒዲ ኦዳና ማላ ሚኖቴላ ዴሚዶሶና።

15 ጊዶሺን፣ ኢሶቲ ኢሶቲ ቃናቴኒኔ ገላማን ኪሪስቶስን ኦዶሶና፣ ሺን ሃራቲ ሱሪ ዋዛና፤ ኦዶሶና።

16 ሱሪ ዋዛና፤ ኦዶሶና፣ ያሳይ ታው ዋንጌላ ናን ኦሶ አሚዳይሳ ኤሪያ ጊሾ ሲቆን ኦዶሶና።

17 ሺን ታና ቃናቴይሳቲ ታ ቃሹዋ ቦላ ሃራ ሜቶ ኤሃናባ ኤንታው ዳኒን ባንታና ዶሲዲ ኪሪስቶስን ኦዶሶና፤ አቲን ቱማ ዋዛና፤ ኦዶሶና።

18 ሄሲ አይኮካ ሜቴና። ቱማ ኦፔን ጊዲን ዋይኮ ዋርዶ ኦፔን ጊዲን ሄ ኡባን ኪሪስቶሲ ሳባኬቴሰ። ታና ሄሲ ኡፋይሴሰ። ቃሲ ሃራባይ ታና ኡፋይሴሲያባይ።

19 ታኒ ሂንቲ ዋሳኒኔ ዩሱስ ኪሪስቶስ አያና ማዲዋን አታናይሳ ኤሪያ ጊሾ ታና ኡፋይሴሰ።

20 ታ ጊታ አዋይኔ ኡፋይሳን ናጊያ ናጎይ ታ ዩላቶና አታናይሳ። ሺን ኡባ ዋዴ ኦፊይሳዳ፣ ሃሳካ ታኒ ገፃ ዴዲን ዋይኮ ሃይቁን ያኖና ታ ኩሜላ አሳቴላን ኪሪስቶሲ ቦንቹታና ጋዳ ሚኖቴላን ኦዳይሰ።

21 ታ ዴዲኮካ ኪሪስቶስ ፃላላሰ ዴዲይሰ፤ ቃሲ ታ ሃይቁኮካ ታው አጂዳ ዋዴ።

22 ሺን ታ ገፃ ዴዲኮ አይፊይ ዴዲያ ኦሶ ኦፋና። ሺን ገፃ ዴዲይሳፊኔ ሃይቆፔ አዉሳ ዶራኔኮ ታው ኤራቴና።

23 ታኒ ሃ ናዋዓታ፤ አዉሳ ዶራኔኮ ኡንዔታሰ። ሃ ዴዲዋፔ ሻኬታዳ ኪሪስቶሳራ ኢሲፊ ዳናው አዋታይሰ፤ ኪሪስቶሳራ ኢሲፊ ዴዲይሲ ኡባፊ አጂዳ ሎያ።

24 ሺን ታኒ ሂንቲ ጊሾ ገፃ ዴዲይሲ ሂንቲው ዳር ኮሺያባ።

25 ሃሳ ታኒ ጊሻዳ ኤራይሰ፤ ታኒ፣ ሂንቲ አማኖን ዲጫናዳኔ ኡፋይታናዳ ሂንቲራ ገፃ ዳና።

26 ሃሳ ጊሾ፣ ታኒ ሂንቲኮ ሲማዳ ያ ዋዴ ኪሪስቶስ ዩሱሳራ ሂንቲ ዴዲያ ዴዲዋን ታናን ዴዲያ ጨቁቴላይ ሂንቲው ዳራና።

27 ኡባፊ አላዲ፣ ሂንቲ ኪሪስቶስ ዋንጌላሰ ቦንቹ ኤሂያ ዴያ ዴዲቴ። ታ ሂንቲና ቤዲን ዋይኮ ቤያና ኢዳን ሂንቲ ኢሲ ቆፋን ሚኒዲ ኤቁዲ፣ ሃራቲ ዋንጌላን አማናና ማላ ኢሲ ዋዛናን ጊዲዲ ኢሲፊ ባዳቴይሳ ታ ሲዳና።

28 ሂንቲ ዋርኬታሰ ያኖፊቴ። ኤንቲ ሂንቲራ ኤቁቴያባ ጊዲኮ ሄሲ ሂንቲው አቶቴላሰ። ኤንታው ጳኖሰ ያሳፊ ጊዲዳ ማላ።

29 ኪሪስቶሳሰ አላያ ቃዳይ ሂንቲው አሜቴዳይ፣ ሂንቲ ኢያ አማናና ማላ ፃላላ ጊዶናሺን ሂንቲ ኢያ ጊሾ ሜቶ ኤካና ማላሳ።

30 ሃሳ ጊሾ፣ ሂንቲ ታ ዋያ ካሴ ቤዲዳታ፤ ሃሳካ ታ ዋይቴይሳ ሲዔታ። ሂንቲካ ታ ዋያ ማላ ዋይቴታ።

2

ቱማ አሽኬቴላ

1 ኪሪስቶስን ሂንቲ ዴዲያ ዴያይ ሂንቲና ሚንሌሰ፤ ቃሲ ኢያ ሲቆይካ ሂንቲና ሚንሌሌሰ። ጊሻ አያናራ ሂንቲው ኢሲፊቴላ ዴዲያ፤ ሂንቲ ሃራታሰ ከሂታኔ ቃዴቴታ።

2 ሂዛ፣ ሂንቲ ኢሲ ቆፋን፣ ሲቆን፣ ኢሲ ዋዛናኒኔ አያናን ኢሲኖ ጊዲዲ ታና ፖሎ ኡፋይሴሰ።

3 ሂንቲና ዶሶን ዋይኮ ጨቁቴያ ሃዳ አዋን ኢሲባካ ኦሶፊቴ። ሺን ሂንቲ ኢሶይ ኢሱዋፊ ጊታታይሰ ያጊዲ ቆፖና ሂንቲና ካዉሸቴ።

4 ሂንቲ ኢሶይ ኢሶይ፣ ሃራ ኢሲ ማዲያባ ኮዩቴ፤ አቲን ሂንቲና ማዲያባ ፃላላ ኮኖፒቴ።

5 ኪሪስቶስ ዩሱሳን ዴዲያ ቆፋይ ሂንቲናን ዳናው ቤሴሰ።

6 ኢያው ኡባ ዋዴ ያሳ ሃኖቴላ ዴዲያ። ያጊያ ጊሾ፣ ኢያ ያሳራ ኢሲኖ ኢላያ ሃኖታ።

7 ጊዶሺን፣ ኢ ባው ዴዲያ ቦንቹዋ ኡባ አጊዲ።

- አይሌ ሜዶታ ኤኪሰ፤
አሴ ዳኒዲ ቆንጨሰ።
- 8 ኢ ሳና ካዉሺሰ፤
ሃይቃና ጋካናው።
ሃሪ አቶሽን ማሰቃሊያ ቦላ
ሃይቃናው ከቲቲሰ።
- 9 ሃሳ ጊሾ፣ ያሳይ ኢያ ዳር ዶቁ ዶቁ
ኦሲሰ፤
ቃሲ ሱንሳ ኡባፊካ አዲያ ዶቃ
ሱንሳ አሚሰ።
- 10 ሳሎኒኔ ሳባን፣
ሳባፔ ጋርሳን ዳዒያ ኡባይ፣
ዩሱሳ ሱንሳ ቦንቹዋሰ
ጉልባታና።
- 11 አሳ ኡባይ ባንታ ኢንፃርሳን፣
ዩሱሰ ኪሪሰቶሳ ጎዳ ያጊዲ፣
ያሳ አዋ ቦንቹዋሰ ማርካታና።

ሃ አላሚያሰ ፖፖ ጊዶ

12 ታ አሻቶ፣ ታኒ ሂንቴራ ዳዒያ
ዋዴ ኡባን ሂንቴ ከቲቲዳይሳዳ፣ ሃዒ
ታኒ ሂንቴ ማታፔ ሃኪንካ፣ ካሴይሳፊ
አሊዲ፣ ከቲታናው ቤሴሰ። ያሳሰ
ያሻኒኔ ኮርሳን ሂንቴ አቶቲላ ፖላናው
ኦሊቲ።

13 ያሳይ፣ ሂንቴ ኢያው ኤር ጊዲ
ከቲታና ሜላ ኡባ ዋዴ ሂንቴ ጊዶን
ኦሊሰ።

14 አይ ኦሶ አሊሾካ ዙዙዋና
ዋይኮ ፓላዋና ኦሊቲ።

15 ጌላኔ ናጋራንቾ አሳ ጊዶን
ቦሬቶናይሳታ፣ ጌሻታኔ ፖኮይ ባይና ያሳ
ናይታ ጊዲቲ። ሂንቴ ኤንታ ጊዶን ሳሎ
ያላንቶዳ ፖሊሼ።

16 ዴያ አሚያ ከታ ኤንታው ኦዲቲ።
ሄ ዋዴ ታ ዳቡሪሳይኔ ታ ኦሶይ ሜላ
አቲቦና ጊሾ ኪሪሰቶሲ ያ ጋላሰ ታ
ሂንቴናን ጨቁታና።

17 ሂንቴ ያሳሰ አሚያ አማና አዋታ
ቦላ ታ ሱላይ ኡሻ ያርሾዳ *
ጉኪኮካ ታና ኡፋይሴሰ። ሂንቴካ ታራ
ኡፋይታና።

18 ሃሳዳ ሂንቴካ ኡፋይቲዲ ታናካ
ኡፋይሳናው ቤሴሰ።

ፃዋቲዮሳኔ ኤጳፊራዲቲሳ

19 ታኒ ሂንቴ ዴቦቀባ ሰባዳ
ኡፋይታናው ፃዋቲዮሳ ሂንቴኮ
ኤሌሳዳ ዩዳና ሜላ ጎዳ ዩሱሲ ታና
ማዳናይሳ አማኔታይሰ።

20 ሂንቴ ዴቦቀሰ ዋዛናፔ ቆፒያ
ኢያ ሜላ አሲ ሃሪ ኦኒካ ባዋ።

21 ሃራቲ ባንታና ጎዒያባ ኮዮሶናፔ
አቲን ዩሱሰ ኪሪሰቶሲ ኮያባ ኦሎኮና።

22 ኢ ታራ ኢሲፊ ጊዲዲ ናዒ
ባ አዋሰ ኦሌይሳዳ ዋንጌላ ኦሶ
ኦሊዳይሳኔ አማኔቲያ አሲ ጊዴይሳ
ሂንቴ ኤሬታ።

23 ሃሳ ጊሾ፣ ታባይ ሃኒያባ ቤዓዳ
ኤሌሳዳ ኢያ ሂንቴኮ ዩዳና ጋዳ
ቆፓይሰ።

24 ታኒ፣ ታ ሁዒን ማታ ዋዴን
ሂንቴኮ ባናይሳ ጎዳን አማኔታይሰ።

25 ሃሳዳካ፣ ታኒ፣ ታ አሻ
ኤጳፊራዲቲሳ፣ ታራ ኢሲፊ ታ ባጋ
ጊዲዲ ኦሊዳይሳ፣ ኦሊቲዳይሳኔ፣
ታና ማዳናው ሂንቴው ከቲቲዳይሳ፣
ሂንቴኮ ከታናው ቆፓሰ።

26 ኢ ሂንቴና ኡባ ቤዓናው ዳር
ላዋቲሰ። ቃሲ ኢ ሃርጌቲዳይሳ ሂንቴ
ሲዒዳ ጊሾ ባ ዋዛናን ዳር ኡንዒቲሰ።

27 ኢ ቱማ ሃርጌቲዲ ሃይቁ ከቺዲ
አቲሰ። ሺን ያሳይ ኢያው ቃዴቲሰ።
ኢያ ፃላላሰ ጊደናሺን አዛናዳ አዛና
ቦላ ጉፔቶናዳ፣ ታዉካ ቃዴቲሰ።

28 ሃዛ፣ ሂንቴ ኢያ ዛሪ ቤዒዲ
ኡፋይታናዳ ታዉካ ታ ዋዛና ሱላይ
ኢርፃናዳ ታኒ ኢያ ኤሌሳዳ ሂንቴኮ
ዩዳናው አዋታይሰ።

29 ጎዳሰ ሃጋዚያ አሳዳ ኢያ ኩሜላ
ኡፋይሳን ሞከቲ። ቃሲ ኢያ ሜላ አሳ
ኡባካ ቦንቹቲ።

30 ሂንቴ ታ ማታን ጊዲዲ አላናው
ዳንዳዮና ማዲያ ማዲዲ ኪሪሰቶሳ
ኦሶቀ ጊሾ ባ ሾምቹዋሰ ሚሼቶና
ኢዒዲ ሃይቁ ከቺዲ አቲሰ።

3

ቱማ ዒሎቲላ

1 ዉርሴላን፣ ታ አሻቶ፣ ሂንቴ
ጎዳባ ጊዲያ ጊሾ ኡፋይቲቲ። ታኒ
ካሴ ፃፊዳይሳ ዛራዳ ፃፋናይሲ ታና
ዋይሴና፣ ሺን ሂንቴና ባላፔ ናጋና።

2 ኢታባ ኦሊያ ካናታፔ፣ ቃሲ
ቃፃሪታናው ኮሺሰ ጊያ ኢታ አሳታፔ
ናጌቲቲ።

3 ኮኒ ያሳ ጌሻ አያናን ጎይኒያ
ጊሾኒ ኑ ዴቦቀን ኪሪሰቶሰ
ዩሱሳን ጨቁቲያ ጊሾ ቱማ ቃፃር
ቃፃሪቲዳይሳታ። ኮኒ ካሬ አሳቲላ ቦላ
ኦሴቲያባን ጨቁቶኮ።

2:10 አሳ 45:23 2:15 ዛሬ 32:5 * 2:17 ታ ሱላይ ኡሻ ያርሾዳ፡ አሲ ኢሲ ዋዴ ያርሾ ቤሳን
ያርሹቲያ ሜሄ ያርሹዋ ቦላ ሃሌ ዋይኮ ዋይኔ ኡሻይ ጉኤሰ።

4 ታ ካሬ አሳቴላን ጨቁታናው ኮሺኮ ታ ዳርባን ጨቁታናው ዳንዳዳይሰ። እይ አሲካ ባ ካሬ አሳቴላን ጨቁቲያባይ ባው ዳዔሰ ጊዲ ቆፒኮ፣ ታኒ ኢያፔ ዳር አዳዳ ጨቁቲያባይ ዳዔሰ።

5 ታኒ ዩሌተዳ ሳሚንታራ ቃፃሬታሰ። ታኒ ዩሌታን ኢሰራዔሌ፤ ታኒ ቢኒያሚ ዛሬ፤ ታኒ ዋላኪ ባይና አይሁዳ አሴ። አይሁዳ ሂጌ ናጎን ጊዲኮ ታኒ ፋሪሳዊ።

6 አይሁዳ አማኑዋሰ ሚሹቴላን ጊዲኮ ታኒ ዋሳ ኩላ ዩዳላሰ። ኢሲ አሲ ሂጌ ናጊዲ ያሊያባ ጊዲኮ፣ ታናን ቦሬይ ቤንቲቤና።

7 ሺን ካሴ ታና ማደሰ ጋዳ ቆፒዳባ ኡባ፣ ኪሪሰቶሳ ጊሾ ጋዳ ማዶናባ አላዳ ታይባሰ።

8 ሄሳ ፃላላ ጊደናሺን ታኒ ታ ጎዳ ኪሪሰቶሰ ዩሱሳ ኤሬይሲ ሃራባ ኡባሬ ዳር አዳዳ ጊሾ ሄ ኡባ ዋዴይ ባይናባዳ ታይባሰ። ታኒ ኢያ ጊሾ ኡባ ሳያሰ። ኪሪሰቶሳ ዳማናው ኡባባ ዋራ ሆሌተዳ ቡራዳ ታይባይሰ። ታኒ ዩሱሳራ ኢሲኖ ጊዳሰ።

9 ታኒ ሃጌሰ ኪቴታዳ ዳሚያ ታ ሁዔ ያሎቴሌ ታው ባዋ። ኪሪሰቶሳ አማኒን ቤንቲያ ያሎቴላይ፣ ያሳ ማታፔ ያ ሆሎቴላይ ሃራ ታው ዳዔሰ።

10 ታኒ ኪሪሰቶሳኔ ኢያ ዳንዶ ዋልቃ ኤራናው ኮያይሰ። ታኒ ኢያ ማቱዋ ኢያራ ሻኪታናውኔ ኢያ ሃይቁዋን ኢያ ዳናናው አሞታይሰ።

11 ሄሳዳካ፣ ሃይቆፔ ዳንዳዳ ማሪናው ዳዎን ዳናይሳ ኡፋይሲ አላይሰ።

ጋፃ ጋካናው ዋዲቴ

12 ታኒ ሃራ ጋፃ ጋካሰ ዋይኮ ታናን ባሊ ባዋ ጊኬ። ሺን ኪሪሰቶሰ ዩሱሲ ታና ኦይኪዳ ጊሾ ታኒ ታ ሲንላን ዳዔያ ዋይቱዋ ኦይካናው ዋፃይሲኔ ቡቴታይሰ።

13 ታ ኢሻቶ፣ ታኒ ሄሳ ዳማሰ ጋዳ ቆፒኬ፣ ሺን ታኒ ኢሲባ አላይሰ። ታፔ ፑዬራ ዳዔይሳ ደጋዳ ሲንላን ዳዔይሳ ኦይካናው ዛቱራይሰ።

14 ሄሳ ጊሾ፣ ታኒ ጋፃ ጋካናው ዋፃይሰ። ያሳይ ኪሪሰቶሰ ዩሱሳ ባጋራ ሳሎ ዳዐቀሰ ያጊዳ ዋይቱዋ ኤካናው ዳቡራይሰ።

15 ሄሳ፣ ኑኒ ኢያናን ጋሽቲዳ ኡባይ ሄሳ ቆፓናው ቤሴሰ። ሂንቴሬ ባጋታሰ ዳማቲያ ቆሬ ዳዔኮ፣ ሄሳካ ያሳይ ሂንቴው ቆንጨሳና።

16 ጊዲኮካ፣ ኑኒ ሃኖ ጋካናው ዳዔዳ ዳዐቀን፣ እኔ ሲንሌ ቦሰ።

17 ታ ኢሻቶ፣ ታና ዳኒቴ፤ ሄሳዳካ፣ ኑ ለሚሱዋ ካሊያ አሳታ አኬኪዲ ቤዒቴ።

18 ታኒ ሄሳ ሂንቴው ካሴ ዳር ቶሆ እደሰ፣ ሺን ሃራካ ዛራዳ አፋላን አዳይሰ። ኪሪሰቶሲ ማሰቃሊያ ቦላ ሃይቁዳይሳሰ ባንታና ሞርኬ አሌዳ ዳር አሳቲ ዳዎሶና።

19 ኤንታ ወርሴላይ ሳዮ፤ ኤንታ ኡሎይ ኤንታው ያሴ። ዩላታናው ቤሲያባን ኤንቲ ጨቁቶሶና፤ ቃሲ ሃ ሳባባ ፃላላ ቆፖሶና።

20 ኑ ቢታይ ሳሎዋና። ሳሎፔ ዪዲ ኑና አሻናው ዳዔያ ጎዳ ዩሱሰ ኪሪሰቶሳ ናጎሰ።

21 ኪሪሰቶሲ ኡባባ ባ ማታፔ ጋርሳን ኦላናው ዳንዳዔያ ባ ዋልቃን ኑ ዳቡራንሻ አሳቴላ ላሚዲ ባ ቦንሻ አሳቴላ ዳኒሳና።

4

ወርሴላ ዞሬ

1 ታ ኢሻቶ፣ ታ ደሴይሳቶ፣ ታ ላሞቴይሳቶ፣ ታና ኡፋይሴይሳቶ፣ ታና ጊታዬይሳቶ ሂሳ ጎዳን ሚኒዲ ኤቁቴ።

2 ኤዋዲኔ ሲንፃካ፣ ሂንቴ ናምዓይ፣ ኢሲ ቆፋን ሚቹዳ ጎዳን ዳናዳ ታኒ ሂንቴና ዞራይሰ።

3 ታራ ኦሊያ አማንሌይሶ፣ ኔኒ ሃ ማጫሳታ ማዳና ማራ ታ ኔና ዋሳይሰ። ሃ ማጫሳቲ ታራ፣ ቁሌሚንፃሳራኔ ኤንታ ሱንላይ ያሳ ዳዎ ማፃፋን ፃፊቲዳ ሃራታራ ኢሲሬ ዋንጌላ ኡባ ቤሳ ጋላናው ዳቡሪዶሶና።

4 ጎዳራ ሂንቴ ዳዔያ ዳዐቀን ኡባ ዋይ ኡፋይቲቴ። ታኒ ሄሳ ጉጃዳካ ኦዳይሰ፤ ኡፋይቲቴ።

5 አሳ ኡባይ ሂንቴ አሽኬቴላ ኤር፤ ጎዳይ ማታን ያና።

6 ያሳ ሂንቴ ዋሲያ ዋዴ ኡባን ኢያ ጋላቲሹ፣ ሂንቴና ኮሺያባ ኡባሰ ዋሲቴፔ ኦቲን አይቢባሰካ ሂርጎሬቴ።

7 አሳ ኤራቴላ ኡባሬ አዳዳ ያሳ ሳሮቴላይ፣ ሂንቴ ዋዛናኔ ሂንቴ ቆፋ ጎዳ ዩሱሰ ኪሪሰቶሳ ባጋራ ናጋና።

8 ወርሴላን፡ ታ አሻቶ፡ ሂንቴ ሞዛና ሎዎባኔ ጋላቲሲያባ ቆፒቴ። ቱማ ጊዲያባ ኡባ፡ ቦንቾባ ኡባ፡ ቆሆ ጊደናባ ኡባ፡ ጌሻባ ኡባ፡ ሲቆባ ኡባኔ ኡፋይሲያባ ኡባ ቆፒቴ።
 9 ሂንቴ ታፔ ታማሪዳባ፡ ኤኪዳባ፡ ሰዒዳባኔ ቤዒዳባ ኡባ አሊቴ። ሳርቴላ አሚያ ያሳይ ሂንቴራ ኢሲፊ ጊዳና።

21 ኪሪሰቶስ ዩሱሳ ባጋራ ያሳባ ጊዲዳ ኡባ ሳር ጌቴ። ታራ ዳዒያ አሻቲ ሂንቴና ሳር ጎሶና።
 22 ያሳባ ጊዲዳ አሳ ኡባይ፡ ኡባፊ አሊዲ ካወዋ ቄሳሬ ኬላን ዳዒይሳቲ ሂንቴና ሳር ጎሶና።
 23 ጎዳ ዩሱሲ ኪሪሰቶሳ አጾ ከሃቴላይ ሂንቴራ ጊዳ።

ጳውሎሲ አሜቲዳ አሞታስ ጋላቲስ

10 ዳር ሞዴፔ ጉዬ፡ ሂንቴ ታባ ዛሪዲ ቆፓናው ደሚዳ ጊሾ ታኒ ጎዳን ዳር ኡፋይታይስ። ሄሳ ጉሳይ፡ ታው ቆፓናው ሂንቴው አንጄቶና ኢዲዳይሳፊ አቲን ታው ቆፋ አጊቤኬታ።

11 ታኒ ሄሳ ታና ሜቲዳ ጊሾ ጊኬ፤ ታው ዳዒያባይ ጊዳና ጉሱ ታማሪስ።

12 ታኒ ሜቶቲቲዲ ዳዒያ ዱሲ ኤራይስ፤ ቃሲ ዱሬቲዲ ዳዒያ ዱሲካ ኤራይስ። አዉን ጊዲን ቃሲ አይ ሞዴካ ታኒ ካሎኔ ኮሻ፡ ፓጨኔ ፓላሃ ታማሪስ።

13 ኪሪሰቶሲ ታው አሚያ ሞልቃን ኡባባ ኦላናው ዳንዳዒይስ።

14 ጊዲኮካ፡ ሂንቴ ታ ሜቱዋ ታራ ኤኪዳይሳን ሎዎ አሊዳታ።

15 ፊልጲሲዩሳ አሳው፡ ሞንጌላ ኮይሮ ኦዳናው ታኒ ማቄዶኒያፔ ኬያ ሞዴ አሚያባንካ ኤኪያባንካ ሂንቴ ሞሳ ኬላፊ አቲን ሃሪ ታና ማዲቦናይሳ ሂንቴ ኤሬታ።

16 ቴሴሎንቄን ሜቶይ ጋኪዳ ሞዴካ ታና ዛሪ ዛሪዲ ማዲዳታ።

17 ታኒ፡ ሂንቴፊ አሞታ ኤካናው ኮያዳ ጊደናሺን አሞፔ ያ አንጂዋ ሂንቴ ኤካና ሜላሳ።

18 ታኒ፡ ሂንቴ አሚዳ ኡባኔ ጊዲዲ ፓላሄይሳ ኤካስ። ሂንቴ ዩዲዳ ኡባ ኤጳፊራዲቲሳፔ ኤካስ፤ ኮሺያባ ኡባይ ታው ዳዒስ። ሂንቴ ታው ዩዲዳ አሞይ ያሳስ ሳዎ ቶንጉ ጊያ፡ ኢ ደሲያ፡ ኢ ኡፋይቲያ ያርሾ ሜላ።

19 ታ ያሳይ ባ ቦንቾ ዱሬቴላፊ፡ ኪሪሰቶስ ዩሱሳ ባጋራ ሂንቴው ኮሺያባ ኡባ አማና።

20 ኑ አዋ ያሳስ ሜሪናፔ ሜሪና ጋካናው ቦንቾይ ጊዳ። አሚንዒ።

ወርሴላ ሳርታ

ጳውሎስ ቆላሲያ ላይ አሳሰ ፃፊዳ ከታ ጋላ ቆፋ

ጳውሎስ ቆላሲያ ላይ አሳሰ ፃፊዳ ከታይ ፃፊቱዳይ፣ ጉላ ኢሲያን፣ ኤፌሶና፣ ዶሎሃ ባጋራ ዳዲያ ቆላሲያ ላይ ካታማን ዳዲያ ዋሳ ከላሳ። ሄ ዋሳ ከላ ኤሲዳይ ጳውሎስ ገደና ኢዳኮካ፣ ሮሜ ቢታን ኢሲያ ዋና ካታማ ገዲዳ ኤፌሶና፣ ዋንጌላ አሳንቸታ ከቲይ ኢያ ገዲያ ጊሾ ቆላሲያ ላይ ካታማ ኢያው ዳዲያ። ቆላሲያ ላይ ዋሳ ከላን፣ «የሳ ኤራናው ከሜላ ኣቶቲላ ዳማናው ኣሲ ኡባይ ኣያና ዋልቃታሲኔ ማታታሰ ጎይናው ኮሼስ» ያገያ ዋርዶ ኣሰታማሬቲ ዳዲያ ጳውሎስ ሲዲሰ። ሄ ኣሰታማሬቲ ታማርሲያ ሃራባይ፣ ቃሲ፣ «ኣሲ ኡባይ ቃዋር ዳኒያ ዋጋታሰ ሃሬታናው ካላ ዋጋ ኡባ ናገናው ኮሼስ» ያገሳና።

ጳውሎስ ሃ ከታ ፃፊዳይ፣ ቲማ ኣማና ቲማርቲያ ታማርሲያ፣ ኤንታ ዋርዶ ቲማርቲያ ላላናሳ። ኢ ዛሪዳ ዛርታ፣ ዋናቲይ፣ «ዩሱስ ከሪስቶስ ከሜላ ኣቶቲላ ኢሜስ፤ ሃራ ሃይማኖቲቲ ኣሶቲ ኢያ፣ ሃሶሳና» ያገይሳ። ያሳይ ከሪስቶስ ባጋራ ኣላሚያ ሜጲስ። ቃሲ ኢያ ባጋራ ዛሪዳ ባኮ ኤሃና፣ ሃ ኣላሚያስ ኣቶቲላ ኡፋይሳይ ዳዲያ ከሪስቶስ ኣማናና። ሄሳ ጊሾ፣ ጳውሎስ ሃ ጊታ ቲማርቲይ ኣማኒያ ኣሳ ዳዲያ ዋኒዲ ኦሶን ፔሳናው ቤሲያኮ ኦዳስ። ሃ ከታይ ኤፌሶና ኣሳሰ ፃፊዳ ከታይ፣ ባ ኦይኪዳ ቆፋኒ ከታን ዋሊ ዳናሶና። ሃ ናምቡ ማዓፋታ ገደን ዳዲያ ዳማቲላይ፣ ኤፌሶናን ከሪስቶስ ዋሳ ከላሰ ሁዔ፣ ቆላሲያን ከሪስቶስ ማጲቲላሰ ሁዔ።

ሃ ከታ ጳውሎስ ኤኪዲ ቆላሲያ ጋላናው ቢዳ ቲኪቆሳራ ኢሲፌ ዳዲያ ኣናስዋሳ ገዲይሳ ቤሶይ ማዲያባ። ዋኒዲ ገኮ፣ ጳውሎስ ኣናስዋሳ ጌቲያ ባ ኦሳንቸዋባ ፊልዋናስ ሃራ ከታ ፃፊሰ።
ቆላሲያ ላይ ከታ ኣይፌ ቆፋ
ጌሎ ቆፋ 1:1-8

ከሪስቶስ ካንዲዋኔ ኦሱዋ 1:9-2:19
ከሪስቶስን ዳዲያ ኦራላ ዳዲያ 2:20-4:6
ወርሴላ ሳርሶኔ ኩሻ ቆፋ 4:7-18

1 ያሳ ሼኒን ከሪስቶስ ዩሱሳ ሃዋሪ ገዲዳ ጳውሎስኔ ኦ ኢሻ ዲሞቲዮሲ፣
2 ቆላሲያ ላይ ካታማን ዳዲያ ከሪስቶስን ጌሻታሲኔ ኣማኔቲዳ ኣሳሰ ፃፊዳ ከታ።
ያሳ ኦ ኣዋፔ ኣጼ ከሃቴላይኔ ሳርቲላይ ሃንቴው ገደ።

ጋላታ ዋሳ
3 ኦኒ ሃንቴው ዋሲያ ዋዳ ያሳ ኦ ጎዳ፣ ዩሱስ ከሪስቶስ ኣዋ ኡባ ዋዳ ጋላቶስ።

4 ኦኒ ከሪስቶስ ዩሱሳን ዳዲያ ሃንቴ ኣማኔቲያ ጌሻታ ኡባስ ዳዲያ ሃንቴ ስቁዋ ሲዲዳ።

5 ሄሳ ሃንቴ ኦሲዳይ ሃንቴ ኡፋይሳይ ሳሎን ሃንቴው ናጌቲዳ ጊሾሳ። ሃንቴ ቲማ ከታ ገዲዳ ዋንጌላ ኮይር ኣማኒዳ ዋዳ ሄ ኡፋይሳ ሲዲዳ።

6 ሃንቴ ሄ ዋንጌላ ሲዲዳ ዋዳይ ያሳ ኣጼ ከሃቴላ ቲማ ሻኪ ኤሪዳ ዋዳ፣ ደሚዲ ሃንቴ ገደን ሃኒዳይሳዳ ቢታ ኡባን ዲጨሼኔ ኣይፊሼ ዳዲያ።

7 ሃንቴ ሄሳ ኦራ ኢሲፌ ከሪስቶስ ኦሲያ ኣማኔቲዳ፣ ደሴቲዳ ኤጳፊራቲ ታማሪታ።

8 ኢ ሄሳ ቦላ ጉጂዲ ኣያናይ ሃንቴው ኢሚዳ ስቁዋባ ኦስ ኦዲሰ።

9 ሄሳ ጊሾ፣ ኦኒ ሃንቴባ ሲዲዳ ጋላሳ፣ ደሚዲ፣ ያሳይ ባ ሼኒያ ሃንቴና ቤሳና ማላኔ፣ ጌሻ ኣያናይ ኢሚያ ኤራቲላኒኔ ጨንጨታ ኡባን ሃንቴና ኩንላና ማላ ኡባ ዋዳ ሃንቴው ያሳ ዋሶስ።

10 ሄሳ ሳካ፣ ጎዳይ ኮይሳዳ ሃንቴ ዳና ማላ፣ ኡባ ዋዳ ኢያ ኡፋይሳና ማላ፣ ሎዎ ኦሶ ኡባን ሃንቴ ኣይፌ ኣይፋና ማላኔ ያሳ ኣላ ኤሪሼ ዲጨና ማላ ያሳ ዋሶስ።

11 ያሳ ቦንቸ ዋልቃይ ሃንቴ ኡባ ባ ጌንጨናዳኔ ዳንዳናዳ ባ ሚናቲላ ኢሚዳ ሃንቴና ኡፋይሰ።

12 ቃሲ ጌሻታ ፖዎ ካዋቲላ ላታና ማላ ሃንቴና ኦሲዳ ኣዋ ጋላቲ።

13 ኢ ኦና ቲማ ዋልቃፌ ኣሺዲ ባ ደሲያ ናሳ ካዋቲላኮ ኤሂስ።

14 ኢያን ዋዜተዲ ኢያ ሱላን ናጋራ አቶቴሉ ዳሚዳ።

ኪሪሰቶሳ ጾቃቴላ

15 ኪሪሰቶሲ በንቶና ያሳሰ ቱማ ለሚሶ። ኢ ሜዴቴላ ኡባፌ ባይራ።

16 ኡባባይ ኢያ ባጋራ ሜዴቴሰ። በንቲያባቴኔ በንቶናባቴ፣ ዋልቃቴኔ ጎዳቴ፣ ሃራይሳቴኔ ማታ አዋቴ፣ ሳሎኒኔ ሳባን ዳዊያ ኡባይ ኢያወኔ ኢያ ባጋራ ሜዴቴሰ።

17 ኢ ኡባባፕ ካሴ ዳዔሰ። ኡባባይ ኢያን ባ በሳን በሳን ኦይኬቴዲ ዳዔሰ።

18 ኢ ባ አሳቴሉ ጊዲዳ ዋሳ ኬላሰ ሁዔ። ኢ ኡባፌ ቦላ ጊዳናው ሃይቆፕ ዳንዶን ሰንሕኔ ባይራ።

19 ያሳይ ባ ኩሜላ ያሳቴላራ ኢያን ዳናው ኮዪሰ።

20 ቃሲ ማሰቃሊያ ቦላ ጉሲዳ ባ ናዓ ሱላን ሳርቴሉ ሜዲዲ ሳሎኒኔ ሳባን ዳዊያ ኡባ ኢያ ባጋራ ባራ ሲጌሉሰ።

21 ሃይሳፌ ካሴ ሂንቴ ቆፋ ኢታቴላይ ሂንቴና ያሳፌ ሻኪሲኔ ኢያራ ዋርኬ ኦሊሰ፤ ሂንቴ ኦሪይካ ኢታ።

22 ሺን ሃዒ ኪሪሰቶሲ አሾን ሃይቁዳ ሃይቁዋ ባጋራ ያሳይ ሂንቴና ባራ ሲጌሉዲ፣ ጌሻታ፣ ቦሬይ ባይናይሳታኔ ዪሎታ ኦሊሰ።

23 ሂንቴ፣ ሂንቴ አማኑዋን ቃያና ሚኒዲኔ ያጲዲ ዳናው በሴሰ። ሂንቴ ዋንጌላ ቃላ ሰዒዳ ዋዴ ኤኪዳ ኡፋይሳ ሚንሉ ኦይኪቴ። ሄ ዋንጌላይ ሂንቴ ሰዒዳይሳኔ ቢታ ኡባን ሳባኬቴዳይሳ። ታ፣ ጳወሎሲካ ሃ ዋንጌላሰ ኦሳንቾ ጊዳሰ።

ጳወሎሳ ሃዋሪቴላ ኦሱዋ

24 ታኒ ሂንቴ ጊሾ ሃዒ ኤኪያ ዋያን ኡፋይታይሰ። ኪሪሰቶሲ ኢያ አሳቴሉ ጊዲዳ ዋሳ ኬላሰ ኤኪዳ ዋያ ታኒ ታ አሹዋን ፖላይሰ።

25 ያሳ ቃላ ሂንቴው ፖላዳ ኦዳና ሚላ ታው አሜቴዳ ማታን ዋሳ ኬላሰ ኦሳንቾ ጊዳሰ።

26 ሃ ቃላይ ካሴ አዲዳ ዋዲያን ዩሌቴላ ኡባፌ ጌሚዲ ዳዒሰ። ሺን ሃዒ ያሳይ ሃ ፀራ አማኒያ ኡባሰ ቆንጨሲሰ።

27 ያሳይ ኣይሁዴ ጊዳና አሳ ጊደን ሃ ፀራ ቦንቾ ዳራቴላ ቆንጨሲሰ።

ኢካ ቦንቾ ኡፋይሲ ጊዲዳ ሂንቴ ጊደን ዳዊያ ኪሪሰቶሳ።

28 ሃሳ ጊሾ፣ ኢሲ ኢሲ አሲ ኪሪሰቶሳን ኩሜላ አሲ ኦሊዲ ሺሻናው ጨንጫቴላ ኡባን አሳ ታማርሶኒኔ ዘሬን ኪሪሰቶሳባ ሳባኮሰ።

29 ያሳይ ባ ጊታ ዋልቃን ታናን ኦሊያ ጊሾ ሃዒ ጋካናው ኢያ ዋልቃን ባዳታይሰኔ ዳቡራይሰ።

2

1 ታ ሂንቴወኔ ሎዶቁያ ካታማን ዳዊያ አሳሰ፣ ሃሳዳካ ታና ኣይፌን በዒቦና አሳ ኡባሰ ኣይ ሚላ ባዳቴያኮ ሂንቴ ኤራና ሚላ ኮያይሰ።

2 ታ ባዳቴያ ጋሪይካ ኤንቴ ባንታ ዋዛናን ሚኒዲ፣ ሲቆን ቃሼቴዲ፣ ፖሎ ጊዲዳ ኩሜላ ኣኬካ ዳራቴላ ዳሚዲ ያሳ ፀራ ኪሪሰቶሳ ኤራና ሚላሳ።

3 ኢያን ያሳይ ሚንጂዳ ኤራይኔ ጨንጫቴላ ኡባይ ዳዔሰ።

4 ታ ሃሳ ኦኒካ ሂንቴና ጨዋ ቃላን ባሌላና ሚላ ኮያዳ ጋይሰ።

5 ታ ሂንቴፌ ሃካዳ ዳዒኮካ ኣያናን ሂንቴራ ዳዓይሰ። ሂንቴ ዳሳ ማራኔ ኪሪሰቶሳ ሂንቴ ሚኒዲ ኣማኔይሳ በዓዳ ኡፋይታይሰ።

ኪሪሰቶሳን ዳዊያ ኩሜላ ዳዎ

6 ሂንቴ ጎዳ ኪሪሰቶሰ ዩሱሳ ኤኪዳይሳዳ ኢያን ዳዒቴ።

7 ኢያን ያጲ ዩዲቴ፤ ኢያን ኬዳቴ። ሂንቴ ታማራይሳዳ ኣማኖን ሚኒቴ፤ ያሳሰ ኩሚዲ ፓላሂዳ ጋላታ አሚቴ።

8 ኪሪሰቶሳፕ ጊዳናሺን አሳ ዋጋኒኔ ሃ አላሚያ ጮ ዋጋን ካቴዳ ቴሚርቴያኒኔ አሳፕ ዩዳ ኤራቴላን ኦኒካ ሂንቴና ጨሚ ባሌሉዲ ዲያና ሚላ ናጌቴ።

9 ያሳ ያሳቴላይ ኪሪሰቶሳ አሳቴላን ኩሜላ ዳዔሰ።

10 ሂንቴካ ማታሲኔ ዋልቃ ኡባሰ ሁዔ ጊዲያ ኪሪሰቶሳን ኩሚዳታ።

11 ሂንቴ ኪሪሰቶሳ አማኒዲ ቃዓራቴዳታ። ሄሲካ አሳ ኩሼን ጊዳናሺን ሂንቴና ኢታ ሃሮቴላፌ ዲጊያ ኪሪሰቶሳን ኦሴቴዳ ቃዓራቴሉ።

12 ሂንቴ ዓማቁቴዳ ዋዴ ኪሪሰቶሳራ ኢሲፌ ሞጌቴዲ፣ ኪሪሰቶሳ ሃይቆፕ ዳንሉዳ ያሳ

ዎልቃ አማኒዲ፣ ኪሪሰቶሳራ ኢሲፊ ዴንዲዴታ።

13 ሂንቲ፣ ሂንቲ ናጋራ ጊሾኔ ሂንቲ ጩጋ አሳቴላ ቃፃራቶና ጊሾ ሃይቁዲ ዴሲሽን፣ ያሳይ ሂንቲ ናጋራ አቶ ገሰ። ኪሪሰቶሳራ ሂንቲው ዴፆ አሚስ።

14 ኢ ኑና ሞቴያኔ ኑራ ኤቁቲያ፣ ኑ ሰላ ፃፊቲዳ እጩዋ ዳኪዲ ማሰቃሊያ ሰላ ዲሺዲ ኑጌፕ ዲገሰ።

15 ኪሪሰቶሲ ዎልቃታኔ ማታታ ማሰቃሊያን ያኒዲ፣ ኤንታ ኦላ ዳንጩዋ ቢሊሲዲ፣ ዲዔቲዳ አሳዳ ኦሊዲ ኤንታ ቆንጩን ዩሺዲ ቤሲስ።

16 ሄሳ ጊሾ፣ ሚያባን ዎይኮ ኡያባን፣ ባሌ ጋላሰ ዎይኮ እጌኒ ፂሪያ ቃማ ቦንቸን ኦኒካ ሂንቲ ሰላ ፒርዶፎ።

17 ሃይሳቲ ሲንሳፊ ያናው ዴዲያባታሰ ኤሾ፣ ሺን ቱማይ ኪሪሰቶሳ።

18 ቆጴፕ ቆዎ አሽኬቴላኒኔ ኪታንቸ ጎይናን ጩቁቲያ ኦኒካ ሂንቲና ሂንቲ ዎይቱዋፕ አሾፎ። ሄሳ ማላ አሲ ባ ቤዲዳ ቆንጩላን ናሹቲሺ ባ አሾ ቆፋን ጮ ኦቶርቲስ።

19 ሄሳ ማላ አሳሰ ሁዔ ጊዲዳ ኪሪሰቶሳራ ጋሂቴላ ባዋ። ኢ አሳቴላ ኡባ ሻያኒኔ ኬሶን ኬሶን ጋላ ኦይሊዲ ሙዚዲ ዲቺስ። ያሳይ ሄሳ ማላ ኦጌን አሳቴላ ኡባሰ ዲቺ አሚስ።

ኦራላ ዴፆ

20 ሂንቲ ኪሪሰቶሳራ ሃይቁዲ ሃ አላሚያ ሃሪያ አያናታ ዎልቃፊ ላዓ ኬዪዴታ። ያቲን፣ አይሰ ሻኬቶና አሳዳ ጊዲዲ ሃ ዎጋታሰ ሃሪቴቲ?

21 ሃ ዎጋቲ፣ «ኦይኮፋ፤ ላጮፋ፤ ቦቾፋ» ጌቴቴይሳታ።

22 ሃ ኡባይ አሳ ዎጋኔ ቲሚርቲ ጊዲያ ጊሾ ኦሶ ሰላ ፔዲዳፕ ጉዬ ጳያና።

23 ሃ ኪታቲ ቦንቸኔ ጩንጫቴላ ዳኒዲ ቤንታናው ዳንዳዎሶና። ሃ ዎጋቲ ያሴ ዳሮ ዳሲሲያባ፣ አሽኬኔ ሂንቲ አሳቴላ ሃሪሲያባ ዳኖሶና፣ ሺን ኑ ኢታ አሞቴላ ሰላ ዎልቁ ኤንታው ባዋ።

3

ኦራላ ዴፆ

1 ሂዛ፣ ሂንቲ ኪሪሰቶሳራ ሃይቆፕ ዴንዲዲይሳዳ፣ ያሳፊ ኡቻቻ ባጋን ኡቲዳ ኪሪሰቶሲ ዴዲያ ቤሳን፣ ሳሎን ዴዲያባታ ኮዩቲ።

2 ሳሎን ዴዲያሳታ ሰላ ሂንቲ ቆፋ ዎሊቴፕ አቲን ሳዓን ዴዲያባታ ሰላ ዎሊቴፕ።

3 ሂንቲ ሃይቆን ሻኬቲዳ ማላ ሃ አላሚያፕ ሻኬቲዴታ። ሂንቲ ዴፆይ ኪሪሰቶሳራ ኢሲፊ ያሳን ጌሚስ።

4 ሂንቲው ዴፆ ጊዲዳ ኪሪሰቶሲ ቆንጩያ ዎዴ ሄ ዎዴ ሂንቲካ ኢያራ ቦንቸን ቆንጩና።

5 ሄሳ ጊሾ፣ ሂንቲናን ዴዲያ አላሚ አሞታ ዎጲቴ። ሄሳቲካ ላይማቴላ፣ ቱናቴላ፣ ላይማታናው አሞቴላ፣ ኤቃ ጎይና ማላ ጊዲዳ ኡዜቴላ።

6 ሃይሳታ ጋሶን ያሳ ሃንቆይ ኪቴቶና አሳ ሰላ ያና።

7 ሂንቲካ ካሴ ሄ ኢታ ኦጊያን ቢያ አሳ ጊደን ዴዲሺ ሃይሳታ ኦሊዴታ።

8 ሃዲ ሂንቲ ሄሳታ ኦሊፊቴ። ቃሲ ሃንቆ፣ ኢያ፣ ካቺ፣ ዘገርሲኔ ቦርሶ ኦዳ ሂንቲፊ ዲጊት።

9 ጩጋ አሳቴላ ኢያ ኦሱዋራ ሂንቲፊ ቃሪዳ ጊሾ ኢሶይ ኢሱዋሰ ዎርዶቶፒቴ።

10 ያሳ ማጶ ዳኒያ፣ ኤራቴላን ላሚቲዳ ኦራላ አሳቴላ ማሚቴ።

11 ሃ ኦራላ ማጶቴላን፣ ገሪኬ አሲ ዎይኮ አይሁዳ አሲ፣ ቃፃራቲዳይ ዎይኮ ቃፃራቶናይ፣ ባርባራ አሲ * ዎይኮ ኢሰኩቴ አሲ † አይሌይ ዎይኮ ዎማናይ ባዋ። ኪሪሰቶሲ ኡባ፤ ኢ ኡባን ዴዲስ።

12 ሄሳ ጊሾ፣ ያሳን ደሬቲዳ አሳዳ ጌሻታኔ ደሴቲዳይሳታ ጊዲዲ፣ ማርቲላ፣ ኬሃቴላ፣ አሽኬቴላኔ ዳንዳዓ ማዲቴ።

13 ኢሶይ ኢሱዋ ዳንዳዲቴ። ኦኒካ ባ ላጊያን ቆሂቲዳባይ ዴዲኮ ኢያው አቶ ጎ። ጎይይ ሂንቲው አቶ ጊዲይሳዳ ሂንቲካ ዎሊሲ አቶ ጌቴ።

14 ሄ ኡባ ሰላ ኡባባ ኢሲፊ ሺሺዲ ቃቺያ ሲቆ ማዲቴ።

2:13 ኤፌ 2:1-5 2:14 ኤፌ 2:15 2:16 ሮሜ 14:1-6 2:19 ኤፌ 4:16 3:1 ማዘ 110:1 3:9 ኤፌ 4:22 3:10 ሜጵ 1:26፤ ኤፌ 4:24 * 3:11 ባርባራ አሲ፣ ጉሳይ ታማሪቦና ዎይኮ ኤርና ዎይኮ ዩሊቲዳ ማላ ሲዲ ጊዲ ዴዲያ አሲ ጉሱ። † 3:11 ኢሰኩቴ አሲ፣ ጉሳይ ዎዛና ሚና አሲ ዎይኮ ዎዛና ኢታ አሲ ጉሱ። 3:12 ኤፌ 4:2 3:13 ኤፌ 4:32

15 ያሳይ ሂንቴና ኢሲ ኣሲ ኣሲ ኣሉዲ ጃጊዲይ፡ ሳርቴላስ ጊዲያ ጊሾ ኪሪስቶሳ ሳርቴላይ ሂንቴ ዋዛና ሃር።
 16 ኪሪስቶሳ ቃላይ ሂንቴ ዋዛና ኩሚዲ ዴ። ጨንጫቴላ ኡባን ኢሶይ ኢሱዋ ታማርሲቴኔ ዘሪቴ። ማዝሙራን፡ ሳባኒኔ ኣያና ዬላን ያሳ ዋዛና፤ ጋላቴሼ ዬጂቴ።
 17 ያሳ ኣዋ ዬሱሳ ባጋራ ጋላቴሼ ሂንቴ ኦሚቴያባ ዋይኮ ኦሊያባ ኡባ ጎዳ ዬሱሳ ሰንላን ኦሊቴ።

ኣማኒያ ኣሳ ዲሳ
 18 ማቼቶ፡ ኣማኒያ ኣሳስ ቤሲያባ ጊዲያ ጊሾ ሂንቴ ኣዚናታስ ሃሪቴቴ።

19 ኣዚናቶ፡ ሂንቴ ማቼታ ሲቂቴ፤ ኤንታው ኢቶፒቴ።
 20 ናይቶ፡ ሂንቴና ዬሊዲይሳታስ ኡባባን ኪቴቴቴ፤ ሄሲ ጎዳ ኡፋይሲያባ።

21 ኣዋቶ፡ ሂንቴ ናይቴ ኡፋይሲ ቃንጾና ማላ ኤንታ ጫሚሶፊቴ።
 22 ኣይሌቶ፡ ሳባን ሂንቴው ጎዳ ጊዲዲይሳታስ ኡባባን ኪቴቴቴ። ጎዳ ቦንቼሼ ሱሬ ዋዛና፤ ኪቴቴዲ ኤንታ ኡፋይሲቴ፤ ኣቴን ኣሲ ቤፆ ጊዲ ኦሶፊቴ።

23 ሂንቴ ኦሊያ ኦሶ ኡባ ኣሳስ ጊዳሺን ጎዳስ ኦሊያ ማላ ዋዛና፤ ኦሊቴ።

24 ጎዳ፤ ላታ ዋይቶ ኦሊዲ ሂንቴ ኤኬይሳ ኤሪቴ፤ ሂንቴ ጎዳ ኪሪስቶሳ ሃጋዜታ።

25 ያሳይ ኣሳ ሶሞፆ ቤዒዲ ፒርዶና ጊሾ ኦኒካ ኢታ ኦሶ ኦሊኮ ባ ኢታ ኦሶዋ ጊሾ ዛር ኤካና።

4

1 ጎዳቶ፡ ሂንቴዉካ ቃሲ ሳሎን ጎዳይ ዴዔይሳ ኤሪዲ፡ ሂንቴ ኣይሌታስ ጂሎቴላኒ ኢሱዋ ኢሱዋፊ ሻኮና ኮሺያባ ኦሊቴ።

2 ያሳ ባርኪዲ ጋላቴሼ ቃንጾና ዋሲቴ።

3 ያሳይ ባ ቃላስ ፔንጌ ደያና ማላኔ ታኒ ሄሳ ጋሶን ቃሾን ዴዒያ ኪሪስቶሳ ፀራ ኣዋጅና ማላ ኦሶካ ዋሲቴ።

4 ቃሲ ታካ ቤሴይሳዳ ቃላ ቆንጫሳዳ ኦዳና ማላ ታው ያሳ ዋሲቴ።

5 ኣንጅቴያ ዋይ ኡባ ጎዳቴሼ ኣማናና ኣሳ ማታን ጨንጫቴላን ዴዒቴ።

6 ሂንቴ ኣሳ ኡባስ ኮሺያ ዛር ኣዋ ኤራና ማላ ሂንቴ ኦዳይ ኡባ ዋይ ኣጵ ኬሃቴላን ኩሚዲይሳኔ ማጂኔዳ ማልዒያባ ጊዳናው ቤሴስ።

ወርሴላ ሳርታ

7 ኦ ሲቆ ኣሻይ ቴኪቆሲ፡ ታራ ኢሲፊ ጎዳ ኦሶዋን ኣይሌ ጊዲዳ፡ ኣማኔቴያ ኣሳንቾይ፡ ታ ዴዐዋባ ሂንቴው ኦዳና።

8 ታኒ ኢያ ሂንቴኮ ኪቴዳይ፡ ኦ ዋኒዲ ዴዒያኮ ሂንቴው ኦዲዲ ሂንቴና ሚንሌላና ማላሳ።

9 ኣናስዋሲ፡ ኣማኔቴያ ሲቆ ኣሻይ፡ ሂንቴ ባጋይ፡ ኢያራ ሂንቴኮ ቤስ። ኤንቴ ሃይሳን ሃኒያባ ኡባ ሂንቴው ኦዳና።

10 ታራ ቃሼቴዳ ኣሪስዊርኮሲኔ ባርናባሳ ኣሻ ናዓይ ማርቆሲ፡ ሂንቴና ሳር ያጎሶና። ታ ሂንቴው ካሴ ኦዲዲይሳዳ ማርቆሲ ሂንቴኮ ቢኮ ኢያ ሞኪቴ።

11 ዬሱሳ ጊያ ያሰያሲ ሂንቴና ሳር ሳር ያጌስ። ያሳ ካዋቴላ ጊሾ ታራ ኦሊያ ኣሳታ ጊዳፊ ኣይሁዴ ጊዲዲይሳቴ ሃ ሄዛታ፤ ኤንቴ ታና ዳር ሚንሌሊደሶና።

12 ሂንቴ ባጋይ፡ ኪሪስቶስ ዬሱሳ ኣይሌይ፡ ኤጳፊሪ ሂንቴና ሳር ሳር ያጌስ። ኢ ሂንቴ ያሳ ሰንላን ሚኒዲ ኤቃናዳኔ ያሳ ሼኒያ ኤሪዲ ፖላና ማላ ኡባ ዋይ ያሳ ሂንቴ ጊሾ ዋሲስ።

13 ኢ ሂንቴ ጊሾኒ ሎዶቂያኒኔ ሂራፖሊሳ ካታማን ዴዒያ ኣሳ ጊሾ ዳር ዳቡሪዳይሳ ታ ማርካታይስ።

14 ኦ ሲቆ ኣሻይ ዶቶሬይ ሉቃሲኔ ዴማሲ፡ ሂንቴና ሳር ሳር ያጎሶና።

15 ሎዶቂያን ዴዒያ ኦ ኣሻታስ፡ ኒምፋሲኔ ኢ ኬላን ሺቂያ ኣሳስ ኦ ሳርሱዋ ኦዲቴ።

16 ሃ ዳብዳቢያ ሂንቴ ናባቢዳ፤ ጉዬ፡ ሎዶቂያ ዋሳ ኬላን ናባቢሲቴ።

3:16 ኤፌ 5:19-20 **3:18** ኤፌ 5:22፤ 1ጴፂ 3:1 **3:19** ኤፌ 5:25፤ 1ጴፂ 3:7 **3:20** ኤፌ 6:1 **3:21** ኤፌ 6:4 **3:22** ኤፌ 6:5-8 **3:25** ኤፌ 6:5-8 **4:1** ኤፌ 6:9 **4:5** ኤፌ 5:16 **4:7** ሃ.ኦ 20:4፤ 2ፂግ 4:12 **4:7** ኤፌ 6:21-22 **4:9** ፊልሞ 10-12 **4:10** ሃ.ኦ 19:29፤ 27:2፤ ፊልሞ 24፤ ሃ.ኦ 12:12፤ 25፤ 13:13፤ 15:37-39 **4:12** ቆላ 1:7፤ ፊልሞ 23 **4:14** 2ፂግ 4:10-11፤ ፊልሞ 24

ሂንቴካ ሎዶቂያ ዋሳ ኬላይ ሂንቴው
ዬዲያ ዲብዲቢያ ናባቢቴ።

17 ቃሲ እርኪዳሳ፣ «ጎዳይ ኔው
ኢሚዳ ኦሱዋ ፖላናይሳ ደጎፓ» ያጊዲ
ቆፊሲቴ።

18 ታኒ፣ ጳዉሎሲ፣ ሃ ሳርሉዋ ታ
ኩሼን ፃፋሰ። ታ ቃሹዋ ቆፒቴ።
ፆሳ አጵ ኬሃቴላይ ሂንቴራ ጊድ።

አጾ ከሃቴላይኔ ሳርይ ሂንቴው ገደ።

ጳውሎሲ ቲሴሎንቄ አሳሰ ጻፊዳ ኮይር ኪታ ጋላ ቆፋ

ቲሴሎንቄይ፡ ርሜ ቢታን ዳዒያ ማቄደኒያ አወራጃስ ዋና ካታማ። ጳውሎሲ ፊልጲሲዩሳ ዩዲዲ ቢዳፕ ጉዬ ቲሴሎንቄን ዋሳ ኬላ ኤሲስ። ገደሽን፡ አይሁዳታ አማኑዋ ኤካናው ገብቲዲ ኡቲዳ አይሁዳ ገደና አሳይ፡ ጳውሎሲ ታማርሲያ፡ ከሪስተና አማኖ ተሚርቲያን ያኔቲዳ ገሾ አይሁዳቲ ቃናቲዲ፡ ጳውሎሳ ተሚርቲያ ጳልቄዶሶና። ሄሳ ገሾ፡ ጳውሎሲ ጋምናሽን ቲሴሎንቄ ዩዲዲ፡ ቤሪያ ቢሰ (1፡9-10)። ጉዬፕ ኢ ቲሴሎንቄ ጋኪዳ ዋዴ ኢያ ማዲያ ፃሞተዮሲ ቲሴሎንቄ ዋሳ ኬላን ዳዒያ ሃናታ ኢያው ገሺዲ ኦዲስ።

ጳውሎሲ ኮይር ኪታ ቲሴሎንቄ አሳሰ ጻፊዳይ፡ አማኒያ አሳ ዘራናሳኔ ሚንሐፋናሳ። ኢ ኤንታ አማኑዋኔ ኤንታ ሲቁዋ ሎዎ ማርካቴላ ሲዒዳ ዋዴ ያሳ ጋላቲስ። ካሴ ኢ ኤንታ ገደን ዳዒዳ ዋዴ አይ ሜላ ዱሱ ዳዒዳኮ ኤንታ ሃሳይሴስ። ሄሳፊ ከሪስተሳ ናምዓንሉ ዩሳሳ ኦይሽቲዳ ኦይሻስ ዛር ኢሜስ። ሄ ኦይሻታፕ ጉላቲ፡ «ከሪስተሲ ናምዓንሉ ያናፕ ሲንሐ ሃይቄዳ አማኒያ አሲ ከሪስተሳ ዩሳይ ኢሚያ ሜሪና ዳዎ ኤካናው ዳንዳዒ? ከሪስተሲ ናምዓንሉ ያናይ አዉዴ?» ጌቲቲይሳታ። ጳውሎሲ ሄ ኢንጆ ዋዲያ ጎዔቲዳ፡ «ከሪስተሳ ናምዓንሉ ዩሳ ኡፋይሳን ናጊሼ ኢ ያና ጋካናው ዋፑ ገዲ ሂንቴ ኦሶ ኦላቲ» ያገዲ ዘሬስ።

1 ቲሴሎንቄ ኪታ አይፌ ቆፋታ

ጌሎ ቆፋ 1:1
ጳውሎሳ ኡፋይሳኔ ጋላታ 1:2-3:13
አማኒያ አሳ ዳዎ ካሌሱዋ 4:1-12
ከሪስተሳ ናምዓንሉ ዩሳሳ 4:13-5:11
ወርሴላ ዘሬ 5:12-22
ኩሻ ቆፋ 5:23-28

1 ጳውሎሲ ሲላሴይኔ ፃሞተዮሲ ቲሴሎንቄ ዋሳ ኬላን ዳዒያ፡ ያሳ አዋባኔ ጎዳ ዩሱስ ከሪስተሳሳ ገዲዳ አሳሰ ጻፊዳ ኪታ።

ቲሴሎንቄ አሳ ዳዐው አማኑዋ 2 ኑኒ ያሳ ዋሲያ ዋዴ ኡባን ሂንቴና ቆፕሼ ሂንቴ ገሾ ኡባ ዋዴ ያሳ ጋላቶስ።

3 ያሳ ኑ አዋ ሲንላን አማኖን ሂንቴ ኦላዲ ኦሱዋ፡ ሲቆን ሂንቴ ዳቡሪዳ ዳቡሪኔ ዩሱስ ከሪስተሳን ዳዒያ ኡፋይሳ ኤካናው ሂንቴ ሚኒዲ ኤቁዳ ኤቁዋ ኡባ ዋዴ ቆፖስ።

4 ኑ አሻቶ፡ ያሳይ ሂንቴና ደሴይሳኔ ባ አሴ ኦላዲ ሂንቴና ደሪዳይሳ ኤርስ።

5 አይሰ ገኮ፡ ኑኒ ዋንጌላ ደና ያላላን ገደናሽን ዋልቃን፡ ጌሻ አያናኒኔ ዋንጌላ ቱማ አማኖን ሂንቴው ኤሂዳ። ኑኒ ሂንቴሪ ጋምዒዳ ዋዴ ኡባን ሂንቴ ገሾ ዋኒዲ ዳዒዳኮ ሂንቴ ኤሬታ።

6 ሂንቴ ዳር ሜቶ ኤኪኮካ ጌሻ አያናይ ኢሚያ ኡፋይሳን ኪታ ኤኪዳታ፤ ኑናኔ ጎዳ ዳኒዳታ።

7 ሄሳ ገሾ፡ ማቄደኒያኔ አካያ ቢታን ዳዒያ አማኒያ ኡባሰ ለሚሰ ገዲዳታ።

8 ጎዳ ቃላይ ሂንቴፊ ከዩዲ፡ ማቄደኒያኒኔ አካያ ያላላን ገደናሽን ያሳ ሂንቴ አማኔይሲ ኡባሰን ሲዔቲስ። ሂዛ፡ ኑኒ ጋናባይ አይኮይካ ባዋ።

9 ኑኒ ሂንቴኮ ቢዳ ዋዴ ሂንቴ ኑና ሞኪዳ ሞኩዋኔ ሂንቴ፡ ሂንቴ ኤቃ አገዲ ቱማኔ ዳዎ ያሳ ሃጋዛናው ሂንቴ ሲሚዳይሳ ኤንቴ ባንታ ሁዔን ኦደሶና።

10 ቃሲ ያሳ ናዓይ፡ ዩሱስ፡ ያሳይ ሃይቆፕ ዳንሐዳይሲ፡ ሲንላፊ ያና ያሳ ሃንቁዋፊ ኑና አሻናይሲ፡ ሳሎፕ ያናይሳ ሂንቴ ናጌይሳ ኤንቴ ማርካቶሶና።

2

ጳውሎሲ ቲሴሎንቄን ኦላዲ ኦሱዋ

1 ታ አሻቶ፡ ኑኒ ሂንቴኮ ቢዳይ ሜላ ገደናይሳ ሂንቴ፡ ሂንቴ ሁዔን ኤሬታ።

2 ሽን ኑኒ ሂንቴኮ ቲሴሎንቄ ያናፕ ሲንሐ ፊልጲሲዩሳ ካታማን ዋዩቲዳይሳኔ ጫዩቲዳይሳ ሂንቴ ኤሬታ። ዳር ኢያይ ዳዒኮካ ሂንቴው

ኢያ ዋንጌላ ኦዳና ማላ ያሳይ ኮስ ማኖቴሌ አሚሰ።

3 ኑኒ ሂንቴና ዘሪዳይ ባሌሶን ዋይኮ ጪዋን ዋይኮ ጌኔን ገደና።

4 ሺን ያሳይ ኑናን አማኔቲዲ ባ ዋንጌላ ኦዳና ማላ ኮስ ሃዳሪ አሚዳ ጊሾ አደሰ። ኑ ሄሳ አላይ ኑ ዋዛና ቤዒያ ያሳ ኡፋይሳናሳሬ አቲን አሴ ኡፋይሳናሳ ገደና።

5 ኑ ሚሼ ያሪዲ ዋርዶ ሂንቴና ሳቢሼ ሂንቴኮ ዮናይሳ ሎይሊዲ ኤሬታ፤ ያሳይ ኮስ ማርካ።

6 ኑኒ ሂንቴሬ ገደን ዋይኮ ሃሪ አሳ ኦዳሬካ ቦንቾ ኮዩቦኮ።

7 ኑኒ ኪሪሰቶሳ ሃዋሬ ገደይሳዳ ኮስ ኮሺያባ አሚቲ ገዲ ኤካናው ደንዳዎስ። ሺን አያ ባ ናይታ ዲቼይሳ ማላ ሂንቴ ገደን አሽኬ ገዲዳ።

8 ኑ ሂንቴና ደሲዳ ጊሾ ያሳ ዋንጌላ ሂንቴው ሻኮ ያላላ ገደናሺን ኑ ዴዐዋካ ሂንቴው አማናው ገገዳ። ሂንቴ ኮስ ዳር አልዎ።

9 ኑ አሻቶ፣ ኑ ኦሱዋኔ ኑ ዳቡራ ኤሬታ። ሂንቴው ያሳ ዋንጌላ አዲሼ፣ ሂንቴና ዋይሶና ማላ ቃማኔ ጋላስ ኦሊዳ።

10 ኑ ዴዎይ ሂንቴ አማኔይሳታ ማታኒኔ ያሳ ሲጎላን ጌሺ፣ ዲሎኔ ቦሬቶናይሳ ገደይሳሰ ሂንቴ ማርካ።

11 ኑኒ ሂንቴው ሁዔን ሁዔን ዩሊዳይሳቲ ባንታ ናይታሰ ሃኔይሳዳ ሃኒዳይሳ ኤሬታ።

12 ኑ ሂንቴና ዘሪዳ፣ ማንሌሊዳ። ቃሲ ባ ካዋቴላኔ ባ ቦንቾዋ ሻካናው ሂንቴና ያገያ ያሳ ኡፋይሲያ ዴዎ ሂንቴ ዳና ማላ ሂንቴው ማንሌሊዳ አዲዳ።

13 ሂንቴው ኑኒ ያሳ ቃላ ኦዲዳ ዋዴ አሳ ቃላዳ ገደናሺን ያሳ ቃላዳ ሲዒዲ ኤኪዳ ጊሾ ኑኒ ኡባ ዋዴ ያሳ ጋላቶስ። ኢ ቱማ ያሳ ቃላ፤ ያሳ ቃላይ አማኒያ ሂንቴናን አሌሰ።

14 ታ አሻቶ፣ ሂንቴ ዩሁዳ ቢታን ዴዒያ ዋሳ ከላታኔ ያን ኪሪሰቶሰ ዩሱሳ ካሊያ አሳታዳ ሃኒዴታ። ኤንታ አይሁዴቲ ዋይሲዳይሳዳ ሂንቴናካ ሂንቴ ቢታ አሳይ ዋይሲደሶና።

15 ሄ አይሁዴቲ ጎዳ ዩሱሳኔ ናቤታ ዋዲደሶና፤ ቃሲ ኑና ጎዳደሶና። ኤንቴ ያሳ ኡፋይሶናይሳታኔ አሴ ኡባ አዳይሳታ።

16 ኤንቴ ሃሪ አቶሺን፣ አይሁዴ ገደና አሳይ አታና ማላ ኑኒ ኤንታው

ቃላ ኦዳይሳ ዲሳሶና። ሄሳዳ ሃኒዲ ኤንታ ናጋራ ፀሳይ ኩማና ጋካናው ኡባ ዋዴ ናጋራ አሶሶና። ዉርሴላን፣ ያሳ ሃንቆይ ኤንታ ቦላ ዋዴሰ።

ጳውሎሲ ቴሴሎንቄ አሳ ዛሪ ቤዓናው አሞቲሰ

17 ሺን ኑ አሻቶ፣ ኑኒ ኑ ቆፋን ገደናሺን አሾን ሂንቴሬ ሻኬቲዲ ጉሳ ዋዴ ጋምዒዳይሳን ሂንቴና ዳር ላሞቲዲ ቤዓናው ኮዩዳ።

18 ኑ ሲሚ ሂንቴኮ ባናው ኮዩዳ። ታኒ ታ ሁዔን ሂንቴኮ ባናው ኮያሰ። ሺን ያላሃይ ኑና ዲገሰ።

19 ሂዛ፣ ኑ ጎዳ ዩሱሰ ኪሪሰቶሲ ያ ዋዴ ኑ ኡፋይሳይ ዋይኮ ኑ ጩቁቲያ ኑ ካላቻይ ኦኔ? ሂንቴና ገዳኬቲዬ?

20 ቱማ ሂንቴ ኑ ቦንቾኔ ኑ ኡፋይሲ።

3

1 ሃሳ ጊሾ፣ ኮስ ጌንጫናው ደንዳዎቶና ኢዲን፣ አቴና ካታማን ኑርካ አታናው ቆፋ ቃቼዳ።

2 ሂንቴና ዘሪናዳኔ አማናን ሂንቴና ማንሌላናዳ ኑራ ኢሲሬ ያሳሰ አሌይሳኔ ኪሪሰቶሳ ዋንጌላ አዲያ ኑ አሻ ዲሞቲዮሳ ሂንቴኮ ከቲዳ።

3 ሂንቴና ጋኪዳ ጎዳን ሂንቴሬ ኦኒካ ጉዬ ሲሞፎ። ሄ ጎዳይ ኮስ ያሳ ሼኔ ገደይሳ ሂንቴ፣ ሂንቴ ሁዔን ኤሬታ።

4 ኑ ሂንቴራ ዴዒያ ዋዴ ጎዲ ጋካናይሳ ሂንቴው ኮይሮቲዲ አዲዳ። ሂንቴ ኤሬይሳ ማላ ሃሳዳ ሃኒሰ።

5 ሃሳ ጊሾ፣ ታው ጌንጫናው ደንዳዎቶና ኢዲን፣ «ኦኒ ኤሪ ያላሃይ ኤንታ ጋጪዲ ኑ ዳቡራ ማላ አሾና ኦኔና» ጋዳ ሂንቴ አማኑዋባ ኤራናው ዲሞቲዮሳ ሂንቴኮ ከታሰ።

6 ሃዒ ዲሞቲዮሲ ሂንቴ ማታፔ ዩዲ፣ ሂንቴ አማኑዋባኔ ሂንቴ ሲቁዋባ ሎዎ ዋሬ አዲሰ። ቃሲ ሂንቴ ኡባ ዋዴ ኮስ ሎዎ ቆፔይሳኔ ኑኒ ሂንቴና ቤዓናው ላሞቲይሳዳ ሂንቴካ ኑና ቤዓናው ላሞቲይሳ አ ኮስ አዲሰ።

7 ታ አሻቶ፣ ኑና ጋኪያ ዋያኒኔ ኑ ሜቶ ኡባን ሂንቴ አማኑዋ ጊሾ ሂንቴናን ማኔቲዳ።

8 ሂንቴ ጎዳን ማኒዲ ዴዒኮ ኑካ ዴዎን ዴዎስ።

9 ሂዛ፡ ኑኒ ሂንቴ ጋሶን ዳሚዳ ኡፋይሳስ ያሳ ዋቲ ጋላቲና?

10 ኑኒ ሂንቴና ቤዓናዉኒ ሂንቴ አማኑዋን ፓጨዳባ ኩንፋናው ቃማኔ ጋላስ ኑ ኩሜላ ዋዛናን ያሳ ዋሶስ።

11 ያሳይ ኑ አዋይ ባ ሁዔኒኔ ኑ ጎዳይ ዬሱስ ከሪስቶሲ ኑ ሂንቴኮ ባና ኦጊያ ገጊሶ።

12 ኑ ሂንቴና ዳሮ ደሴይሳዳ ጎዳይ ሂንቴ ኢሶይ ኢሱዋ ሲቁያ ሲቆኔ እሴ ኡባ ሲቁያ ሲቆ ሂንቴው ዳርሶኔ ጉጆ።

13 ኑ ጎዳይ ዬሱስ ከሪስቶሲ ባ ጌሻታራ ያ ዋዳ ያሳ፡ ኑ አዋ ሲንፋን ሂንቴ ዋዛናይ ጌሺኔ ቦሬይ ባይናይሳ ኦሊዲ ኢ ሂንቴና ሚንሌላና።

4

ያሳ ኡፋይሲያ ዳዎ

1 ወርሴላን፡ ታ አሻቶ፡ ያሳ ኡፋይሳናው ሂንቴ ዋኒዲ ዳናው ቤሲያኮ ኑፔ ታማሪዳታ። ሄሲ ሂንቴ ኮይሮፔ ዳዲዳ ዳዐዋ፡ ሺን ሃዒ ሂንቴ ካሴይሳፌ አሊዲ አላናዳ ጎዳ ዬሱሳ ስንፋን ሂንቴና ዋሶሲኔ ዘርሰ።

2 ኑኒ ጎዳ ዬሱሳ ማታን ሂንቴና ከቲዳ ከታይ አወሴኮ ኤሬታ።

3 ያሳይ፡ ሂንቴ ጌሺ ገዳና ሜላኔ ላይማቶና ሜላ ኮዬስ።

4 ሂንቴ ኢሶይ ኢሶይ፡ ሂንቴ ማቼታራ ጌሻቴላኒኔ ቦንቾን ዳናው ቤሴስ።

5 ያሳ ኤርናኔ አማናና አሳዳ ላይማቴላ አዋን ፀጌቶፊቴ።

6 ኑ ካሴ ሂንቴው ኦዲዳይሳዳኔ ሚንሌ ዘሪዳይሳዳ ጎዳይ ሄሳ ሜላባ ኦሊያ ኡባ ፐርዲያ ጊሾ ኦኒካ ሃይሳታን ባ አማኒያ አሻ ናቃናዉኔ ጨማናው ቤሴና።

7 ያሳይ ኑኒ ጌሽቴላን ዳና ሜላፔ አቲን ቴናቴላን ዳና ሜላ ያጊቤና።

8 ሄሳ ጊሾ፡ ሃ ቲሚርቲያ ኢያያ ኦኒካ ሂንቴው ጌሻ አያና አሚያ ያሳ ኢያሰፔ አቲን አሴ ገዳና።

9 ሂንቴ ኢሶይ ኢሱዋ ዋቲ ሲቃኒኮ ያሳይ ሂንቴና ታማርሲዳ ጊሾ ሃዒ ሲቆባ ኑ ሀንቴው ያፋናው ኮሼና።

10 ቃሲ ማቁደኒያ ቢታን ዳዒያ አማኒያ አሻታ ኡባ ቱማ ሂንቴ ደሴታ። ሺን ኑ አሻቶ፡ ሃዒካ ሂንቴ ኤንታ አሊ ደሳና ሜላ ሂንቴና ዋሶስ።

11 ኑኒ ካሴ ሂንቴው ኦዲዳይሳዳ ዋፑ ገዳ ዳዐዋ ዳዒቴ። ሂንቴ፡ ሂንቴ ኦሶ ኦሊዲ ሂንቴው ዳሳስ ኮሺያባ ዳሚቴ።

12 ሄሳዳ ሃኒኮ፡ አማናናይሳታ ማታን ሂንቴ ቦንቼታና፤ ቃሲ ሂንቴና ኮሺያባስ ኦናካ አዳሼኬታ።

ጎዳ ዩሳባ

13 ኑ አሻቶ፡ አማኒዲ ሃይቁዳ አሳቲ ሃናናባ ሂንቴ ኤራና ሜላ ኮዮስ። ሂንቴ ኤንታ ጊሾ ኡፋይሲ ባይና አሳዳ ካዮቶፊቴ።

14 ኑኒ፡ ዬሱሲ ሃይቁዳይሳኔ ቃሲ ሃይቆፔ ዳንዲዳይሳ አማናስ። ሄሳዳካ፡ ያሳይ ዬሱሳ አማኒዲ ሃይቁዳይሳታ ኢያራ ዋላ ኤሃናይሳ አማናስ።

15 ጎዳይ ኑስ ኦዲዳይሳዳ ጎዳይ ያ ጋላስ ኢያራ ጋሂታናው ኑኒ ፓፃ ዳዒይሳቲ፡ ሃይቁዳይሳታፔ ሲንፋቶኮ።

16 ጎዳይ ዋልቃማ ከታራ፡ ከታንቾታ ሃላቃ ገርሳራ፡ ያሳ ዋይዜ ፑናራ፡ ሳሎፔ ዋቆና። ከሪስቶሳ አማኒዲ ሃይቁዳይሳቲ ኮይሮፔዲ ሃይቆፔ ዳንዳና።

17 ሄሳፌ ጉዬ፡ ሄ ዋዳ ኑኒ ፓፃ ዳዒይሳቲ፡ ጎዳራ ሻራን ጋሂታናው ኤንታራ ኢሲፌ ሳሎ ኤኬታና። ሄሳፌ ጉዬ፡ ኑኒ ጎዳራ ኢሲፌ ሜሪናው ዳና።

18 ሄሳ ጊሾ፡ ሃ ቃላን ኢሶይ ኢሱዋ ሚንሌላቴ።

5

ጎዳ ዩሳ ገጊዲ ናገቲ

1 ታ አሻቶ፡ ሃ ሃናቴ ሃናና ዋዲያኔ አኔና ሂንቴው ያፋናው ኮሼና።

2 ጎዳ ጋላሳይ ካይሶይ ቃማ ዬይሳዳ ያናይሳ ሂንቴ ሎይሊ ኤሬታ።

3 አሳይ፡ «ሳዒ ሳር፡ አይኮይካ ሃኔና» ያጊሺን፡ ማጫሰ አቆሊ ኦይኬይሳዳ ቆዮይ ኤንቲ ቆፖና ኤንታ ቦላ ያና። ኤንቲ አይ ኦኒካ ከሲ ኤኮኮና።

4 ሺን ኑ አሻቶ፡ ሃ ጋላሳይ ሂንቴው ካይሶይ ዬይሳዳ ያናው ሂንቴ ቆማን ዳዒከታ።

5 ሂንቴ ኡባይ ፖዮ አሲኔ ጋላሳን ዳዒያ አሲ፤ ኑኒ ቃማ አሲ ዋይኮ ቆማ አሲ ገደኮ።

6 ሄሳ ጊሾ፣ ኑኒ ሃራቲ ጲስኬይሳዳ ጲስካናው ቤሴና፤ ኑኒ ባርካንዉኔ ጊጊዲ ዳናው ቤሴስ።

7 ጲስኬይሳቲ ቃማ ጲስኮሶና፤ ማላቲይሳቲ ቃማ ማላቶሶና።

8 ሺን ኑኒ ጋላሳ ኣሲ ጊዲያ ጊሾ ጊጊዲ ዳናው ቤሴስ። ኣማኖኔ ሲቆ ፀሩሬዳ ቲራን ማዒዲ፣ ኣቶቲላ ኡፋይሳ ሁዔን ዋሊያ ኦላ ቢራታ ባርኔፃዳ ዋሊዲ ዳናው ቤሴስ።

9 ያሳይ ኑና ኑ ጎዳ ዩሱስ ኪሪስቶሳ ባጋራ ኩሜላ ኣቶቲላ ኤካና ሜላ ደሪስፔ ኣቲን ሃንቆስ ደሪቤና።

10 ኑኒ ፓፃ ዳዒን ዋይኮ ሃይቁን፣ ኪሪስቶሲ ያ ዋዴ ኢያራ ኢሲፌ ዳና ሜላ ኪሪስቶሲ ኑ ጊሾ ሃይቁስ።

11 ሄሳ ጊሾ፣ ሂንቴ ካሴ ኦሌይሳዳ፣ ኢሶይ ኢሱዋ ሚንፊሌቴኔ ዲቺቴ።

ወርሴላ ዘሬኔ ሳርታ

12 ኑ ኢሻቶ፣ ሂንቴ ጊደን ኦሌይሳታ፣ ሂንቴና ካሌላና ሜላኔ ዘራና ሜላ ጎዳይ ደሪዳይሳታ ቦንቻና ሜላ ሂንቴና ዋሶስ።

13 ኤንቲ ኦሊያ ኦሱዋ ጊሾ ኤንታ ዳር ቦንቺቴኔ ሲቂቴ። ኢሶይ ኢሱዋራ ሳርቴላን ዳዒቴ።

14 ኑ ኢሻቶ፣ ኑኒ ሂንቴና ዘርስ። ቦዛታ ሃንቁቴ፤ ባቤይሳታ ሚንፊሌቴ፤ ዳቡራንቸታ ማዲቴ፤ ኣሴ ኡባ ዳንዳዒቴ።

15 ኦኒካ ኢታ ጊሾ ኢታ ዛርና ሜላ ናጌቴቴ። ሂንቴ ዋሊሲኔ ኣሳ ኡባስ ሎዖባ ኦላናው ሚኒቴ።

16 ኡባ ዋዴ ኡፋይቲቴ።

17 ኡባ ዋዴ ያሳ ዋሲቴ።

18 ኡባባን ጋላቲቴ። ኪሪስቶስ ዩሱሳ ባጋራ ያሳይ ሂንቴፌ ኮዩይ ሄሳ።

19 ጌሻ ኣያና ኦሱዋ ቶይሶፒቴ።

20 ቲንቢቴ ቃላ ካጶፒቴ።

21 ኡባባ ፓጩቴ፤ ሎዖባ ኤኪቴ።

22 ኢታ ኦሶ ኡባፌ ሃኪቴ።

23 ሳር ኢሚያ ያሳይ ባ ሁዔን ሂንቴና ፖሎ ጌሾ። ኑ ጎዳይ ዩሱስ ኪሪስቶሲ ያና ጋላሳስ፣ ያሳይ ሂንቴ ኣያና፣ ሂንቴ ሸምፑዋኔ ሂንቴ ኩሜላ ኣሳቲላ ቦሬይ ባይና ናጎ።

24 ሂንቴና ጻጌይሲ ኣማኔቲዳይሳ ጊዲያ ጊሾ ሄሳ ኢ ፖላና።

25 ኑ ኢሻቶ፣ ኑስ ያሳ ዋሲቴ።

26 ኣማኒያ ኣሳ ኡባ ጌሻ ዩሬቴላን ሳርሊቴ።

27 ሂንቴ ሃ ኪታ ኣማኒያ ኣሳ ኡባስ ናባባናዳ ጎዳ ሱንላን ሂንቴና ዋሳይስ።

28 ኑ ጎዳ ዩሱስ ኪሪስቶሳ ኣጶ ኬሃቴላይ ሂንቴራ ኢሲፌ ጊደ። ኣሚንዒ።

**ጳውሎስ ቴሴሎንቄ
አሳስ
ፃፊዳ ናምዓንሉ ኪታ
ጋሳ ቆፋ**

ኪሪስቶስ ናምዓንሉ ዩሳ ቦላ ደንዲዳ ኦይሾይ ፓላማ ሜዲሽ ቢዳ ጊሾ ቴሴሎንቄ ዋሳ ኬላን ሜቶይ ዳሪ ዳሪ ቢስ። ጳውሎስ ቴሴሎንቄ አሳስ ፃፊዳ ናምዓንሉ ኪታይ። «ጎዳ ዩሳ ጋላሳይ ማተስ» ያጊያ አማኖ ተሚርቲያ ቦላ ሚንሉዲ ኦዴስ። ጳውሎስ ኦዲሹ። ኪሪስቶስ ያናፕ ሲንሌ። «ጌላ ኡራ» ጌቲቲያ ኪሪስቶስ አይይሳ ካሌሱዋን ሃ አላሚያ ቦላ ኢታቲሌ ንላቲሌ ዳሪሽ ባና ያጊዲ ኤንታ አማኑዋ ሱራሲስ።

ሃዋሬይ። ሜቶይኔ ዋይይ ዳሪኮካ ኤንቲ ባንታ አማኑዋን ሚናናዳ ኢኔ ኢያራ ኢሲፌ ዴዔይሳቲ ኦሌይሳዳ። ኤንቲ ባንታ ዳሳስ ኮሺያባ ዴማናው ሚኒዲ ኦላና ሜላ ቃሲ ሎዎ ኦሶ ኦላናው ጉዬ ጎና ሜላ ኤንታ ሚንሉዲ ዘሪስ።

2 ቴሴሎንቄ ኪታ አይፌ ቆፋታ

ጌሌ ቆፋ 1:1-2
ጋላታኔ ዋሳ 1:3-12
ኪሪስቶስ ናምዓንሉ ዩሳባ አሜቲዳ ተሚርቲ 2:1-17
አማኖ ዲሳ ዋጋ ቦላ አሜቲዳ ዘሪ 3:1-15
ኩሻ ቆፋኔ ሳርሎ 3:16-18

1 ጳውሎስ። ሲላሴይኔ ፃዋቲዮሲ ቴሴሎንቄ ዋሳ ኬላን ዴዔያ። ያሳ አዋባኔ ጎዳ ዩሱስ ኪሪስቶስሳባ ጊዲዳ አሳስ ፃፊዳ ኪታ።

2 ያሳ ኑ አዋፔኔ ጎዳ ዩሱስ ኪሪስቶስሳቲ አዶ ኬሃቲላይኔ ሳርቲላይ ሂንቲው ጊዳ።

ኪሪስቶስ ያ ዋዴ ሃናና ፐርዳ

3 ኑ ኢሻቶ። ሂንቲ አማኖይኔ ሂንቲ ኢሶይ ኢሱዋኔ ሃራታ ሲቁያ ሲቆይ ዳር ዲጪያ ጊሾ ኑኒ ሃሳስ ያሳ ኡባ ዋዴ ጎላታናው ቤሲስ።

4 ሂንቲና ጋኪዳ ጎዳኒኔ ዋይ ኡባን ጌንጫኒኔ አማኖን ሚኒዲ ኤቁዳ ጊሾ ኑኒ ኑ ሁዔን ያሳ ዋሳ ኬላታን ሂንቲባ ማርካቲሽ ሂንቲናን ጩቁቶስ።

5 ሂንቲ ኢያ ጊሾ ጊዲ ሜቶ ኤኪያ ያሳ ካዋቲላስ ቤሴይሳታ ጊዲዲ ታይቤታና ሜላ ያሳ ዒሎ ፐርዳስ ሃይሲ ማላ።

6 ያሳይ ቱማ ፐርዳ ፐርዳና። ያሳይ ሂንቲና ዋይሴይሳታ ቦላ ዋይ ኤሃና።

7 ጎዳይ ዩሱሲ ባ ዋልቃማ ኪታንቸታራ። ታማ ላጮራ ሳሎፔ ያ ዋዴ ዋይቲያ ሂንቲናኔ ኑና ሹምፐሳና።

8 ቃሲ ያሳይ ባና ኤርናይሳታኔ ኑ ጎዳ ዩሱስ ኪሪስቶስ ዋንጌላስ ኪቲቶናይሳታ ፐርዳና።

9 ኤንቲ ጎዳ ሲንላፌኔ ኢያ ቦንቹዋ ዋልቃፌ ሻኬቲዲ ሜሪና ጳዩዋን ፐርዳታና።

10 ሂ ጋላስ። ኢ ባይሳታኒኔ ባና አሜይሳታ ኡባን ቦንቹታንጫኔ ሳቤታናው ያ ዋዴ ኑ ሂንቲው ኦዲዳ ኪታ ሂንቲ አማኒዳ ጊሾ ሂንቲ ኢያ ቦንቹይሳታ ጊዳኒኔ ሳቤይሳታ ጊዳን ዳና።

11 ኑኒ ሂንቲው ኡባ ዋዴ ያሳ ዋሴይ ሄሳሳ። ኑ ያሳይ ሂንቲና ዪጊዳ ዴዐዋስ ቤሴይሳታ ጊዲዲ ታይቤታና ሜላ ኑኒ ዋሶስ። ሂንቲ ሎዎባ ኦላናው አዋቲያ አሙዋኒ ሂንቲ አማኖ ኦሱዋ ኢ ባ ዋልቃን ፖሎ።

12 ሄሳን ኑ ያሳኔ ኑ ጎዳ ዩሱስ ኪሪስቶስ አዶ ኬሃቲላ፣ ጎዳ ዩሱስ ሱንሳ ሂንቲ ቦንቻና፣ ሂንቲናካ ኢ ቦንቻና።

2

ጌላ ኡራ

1 ኑ ኢሻቶ። ኑ ጎዳ ዩሱስ ኪሪስቶስ ዩሳባኔ ኑ ኢያራ ጋሂታናው ሺቃናባስ ኑ ሂንቲና ዋሶስ።

2 ቲንቢቲን ዋይኮ ሃራ አሳፔ ሲዒዳ ቃሳን ዋይኮ ኑፔ ኤኪዳ ኪታዳ ኦሌዲ። «ጎዳ ጋላሳይ ጋኪስ» ጊዲ ሂንቲ ዋዛናይ ዳጋዋፎኔ ዋባቆፖ።

3 ሂንቲና ኦኒካ አይ ኦጌንካ ባሌላፎ። ካሴቲዲ ወርሴላ ኡራ ጌላቲላይ ቆንጮናኔ ጳዮይ ቤሲያ ጌላ ኡራይ ዮና ዴዒሺን፣ ጎዳ ጋላሳይ ጋኪና።

4 አሲ ጎይኒያባኔ ያሳያባ ኡባ ኢ ኢያናኔ ባና ቶቁ ኦላና። ሃሪ አቶሺን፣ ያሳ ኬሌ ጌሊ ኡቲዲ፣ «ታኒ ያሴ» ጋና።

5 ታኒ ሂንቲራ ዴዒሽ ሂንቲው ኦዲዳይሳ አኬኬኬቲ?

6 ኢ ባ ገላሳን ያናፔ አቲን ሃዒ የናዳ አይቢ ኢያ ቲቂያኮ ኤሬታ።

7 አሳሰ ቆንጨቦና ጌላቴላ ፀራ ዋልቃይ ሃዒካ ኦሎስ። ሺን ሃዒ ኢያ ቲቂይሲ ዳዔስ። ኢያ ቲቂይሲ ኦጌፔ ኪቻና ገካናው ኢ ቆንጨኛ።

8 ሃሳፌ ጉዬ፣ ጌላ ኡራይ ቆንጫና፣ ሺን ጎዳ ዬሱሲ ባ ዶናፔ ኬያ ሺምፑዋን ባ ቦንቾ ዩሳን ኢያ ዋቆና።

9 ጌላ ኡራይ ዓላሂያ ዋልቃን ዩዲ ዋርዶ ማላታታኔ ማላሊሲያባታ ኦላና።

10 ሃሳዳካ፣ ማላሲ ዳዒያ አሳታ ዲማ ዲማ ጳሚያ ኢታ ኦሶን ባሌላና። ኤንቲ ቆዩዲይ አሺያ ቱማ ደሲዲ ኤኮና ኢዳዳ ጊሾሳ።

11 ሃሳ ጊሾ፣ ኤንቲ ዋርዶ ጊዲያባ አማናና ማላ ያሳይ ዋልቃማ ባሌሶ ኤንታ ቦላ ዬዳና።

12 ሄሲካ፣ ቱማ አማናና አሳቲ፣ ናጋራ ኦሶን ኡፋይቴሳቲ ኡባይ ፒርዴታና ማላሳ።

አቶቴላሰ ዶሬቲዳ አሳታ

13 ጎዳይ ደሲያ ኑ አሻቶ፣ ኑኒ ያሳ ሂንቴ ጊሾ ኡባ ዋዴ ገላታናው ቤሴስ። ሂንቴ አታና ማላ ያሳይ ጌሻ አያና ዋልቃን ሂንቴና ጌሺዳይሳኔ ሂንቴካ ቱማ አማኒዳይሳን ኢ ሂንቴና ባይራዳ ደሪስ።

14 ያሳይ፣ ኑ ሂንቴው ኦዲዳ ዋንጌላ ባጋራ ሂንቴና ያጊዳይ፣ ሂንቴ ኑ ጎዳ ዬሱሲ ከሪሰቶሳራ ኢሲፌ ቦንቼታናሳ።

15 ሂዛ፣ ኑ አሻቶ፣ ማኒዲ ኤቂቴ። ኑኒ ሂንቴና ኑ ዶናን ጊዲን ዋይኮ ዳብዳቢያን ጊዲን ታማርሲዳ ቲማርቲያ ኦይኪቴ።

16-17 ያሳይ ኑ አዋይ ኑና ደሴስ። ኢ ኑስ ኬሃ፣ ኢ ማሪና ማንጫላኔ ሎዎ ኡፋይሳ ኑስ ኢሚስ። ሂንቴ ኡባ ዋዴ ሎዎባ ኦላናዉኔ ኦዴታናው ኢ ማንጫላና ማላኔ ማዳና ማላ ኑ ጎዳ ዬሱሲ ከሪሰቶሳኔ ያሳ ኑ አዋ ዋሶሰ።

3

ኑስ ዋሲቴ

1 ወርሴላን ኑ አሻቶ፣ ጎዳ ቃላይ ሂንቴ ጊደን ኤሌሲዲ ዳልጋናዳኔ ቦንቼታናዳ ኑስ ዋሲቴ።

2 ሃሳዳካ፣ አሲ ኡባይ ቃላ ሲዒዲ አማናና ጊሾ ያሳይ ጌላታፔኔ ኢታ አሳታፔ ኑና አሻና ማላ ኑስ ዋሲቴ።

3 ሺን ጎዳይ አማኔቲዳይሳ፤ ኢ ሂንቴና ማንጫላና፤ ዓላሂፔ ናጋና።

4 ኑኒ ሂንቴና ከቴይሳ ሃዒካ ሲንሳፌካ ሂንቴ ኦላናይሳሰ ጎዳን ኑኒ አማኔቶስ።

5 ጎዳይ ሂንቴ ዋዛና ያሳ ሲቁዋኮኔ ከሪሰቶሳ ዳንዳባኮ ካሌላ።

ኦሶ ቢሎና ዳዒቴ

6 ኑ አሻቶ፣ ሂንቴ ኑፔ ኤኪዳ ኪታ ካሎናይሳታፔኔ ኦሶ ቢሊያ አዛላ አማኒያ አሳታፔ ሂንቴ ሻኬታናዳ ጎዳ ዬሱሲ ከሪሰቶሳ ሱንላን ሂንቴና ኪቶስ።

7 ኑዳ ሃኒዲ ዳናው ቤሴይሳ ሂንቴ፣ ሂንቴ ሁዔን ኤሬታ። ኑኒ ሂንቴራ ዳዒያ ዋዴ ኦሶ ቢሊቦኮ።

8 ኑኒ ኦዴፌካ ካሊ ማላ ማቦኮ። ኑስ ዳንዳዔቲዳ ማላ ቃማኔ ገላሰ ኦሊ ዳቡሪዲ ዳዒዳፔ አቲን ኦዴሰካ ቶሆ ጊዲቦኮ።

9 ኑኒ ሃሳ ኦሊዳይ፣ ሂንቴው ሊሚሶ ጊዳናሳፌ አቲን ሂንቴፌ ማዴ ኦይቻናው ኑስ ማቴ ቆዩና ጊዳና።

10 ኑ ሂንቴራ ዳዒያ ዋዴካ፣ «ኦላናው ኮዮና አሲ ኦኒካ ዋፖ» ያጊዲ ከቲዳ።

11 ኑኒ ሃሳ ጊዳይ፣ ሂንቴ ጊደን ኢሲ ኢሲ አዛላቲ ዳዔይሳ ሲዒዳ ጊሾሳ። ሄ አሳቲ ጌልሶናባን ጌሊዲ ሃራታ ኦሶ ቢሊሶሶናፔ አቲን አይኮካ ኦላኮና።

12 ኑኒ ሃሳ ማላ አሳቲ ማራ ዴዳዳኔ ባንታና ኮሺያባ ኦሊዲ ዳማናዳ ጎዳ ዬሱሲ ከሪሰቶሳ ሱንላን ኤንታ ኪቶሲኔ ዘርስ።

13 ሺን ኑ አሻቶ፣ ሎዎ ኦሶ ኦላናው አዛሎፊቴ።

14 ሃዒ ኑኒ ሃ ዳብዳቢያን ከቲዳ ኪታሰ ከቲቶና አሲ ኦኒካ ዳዒኮ ሄ ኡራ ኤሪቴ። ኢ ዬላታና ማላ ኢያፔ ሻኬቲቴ።

15 ሺን ኢያ አሻዳ ሴሪቴፔ አቲን ዋርኬዳ ያሎፊቴ።

ወርሴላ ሳርታ

16 ሳር አሚያ ጎዳይ፣ ባ ሁዔን ሂንቴው ኡባ ዋዴኔ ኡባ ባጋራ ሳር አዋ። ጎዳይ ሂንቴ ኡባራ ጊደ።

17 ታኒ ጳወሎሲ፣ ሃ ኪታ ታ ኩሺን ያፋስ። ታ ኪታ ኡባሰ ማላይ ሃይሳ፤ ታኒ ሃሳዳ ያፋይሰ።

18 ኑ ጎዳ ዬሱሲ ከሪሰቶሳ አቆ ኬሃቴላይ ሂንቴ ኡባራ ጊደ።

ጳውሎስ ዲሞቴዮስ ግፊዳ ኮይሮ ከታ ጋላ ቆፋ

ዲሞቴዮስ ጌቲያ፡ አማኒያ ናባቴላይ፡ ጉላ ኢሲያን ዩሌቲስ (ሃ.ኦ 16:1-3)። ኢያ ኢያ አይሁዳ፤ ኢያ አዋይ ቃሲ ገሪኬ ኣሲ። ኢ ጳውሎስ ኢሲፊ ኦሌይሳኔ ዋንጌላ ኦሶን ጳውሎስ ማታን ማዲያ ኣሲ። ጳውሎስ ዲሞቴዮስ ግፊዳ ኮይሮ ከታይ ሄቡ አይፊ ቆፋታ ሚንሉ ያሌስ።

ኡባፊ ኮይሮቲዲ ከታይ፡ ዋሳ ከላን ዳንዲዳ ዋርዶ ቲሚርቲያባ ሚንሉዲ ኦዴስ። ሃ ኢማላ ቲሚርቲይ አይሁዳ ቲሚርቲያፊ ባጋ፡ ቃሲ አይሁዳ ገደና አሳ ቲሚርቲያፊ ባጋ ኦይኪስ። ሄሲካ፡ «ሃ ቤንቲያ አላሜይ ናጋራን ኢቲዳ ጊሾ ኣሲ አቶቴላ ዴማናው ዲማ ገዲዳ ፀራ ኤራናው፡ ኢሲ ኢሲ ካላታ ሞና አጋናውኔ ማቾ ኤኮና ዋይኮ አዚና ጌሎና አጋናው ኮሼስ» ያጊያ ቆፋ ባሶ ኦሌዲ ዴንዲስ።

ናሞዓንሎ ቆፋይ፡ ዋሳ ከላ አይሶባኔ ጎይና ዋጋባ ታሚርሲያ ቲሚርቲያ፡ ሄሳዳካ ዋሳ ከላ ካሌሌይሳቲኔ ኢንታ ማዴይሳቲ አይ ሜላ ማራ ዲሱ ዳናው ቤሲያኮ ኦዴስ።

ወርሴላን፡ ዲሞቴዮስ ዩሱስ ከሪስቶሳስ ኦሌያ ሎ? ኢሲ ዋኒዲ ገደናው ቤሲያኮ፡ ቃሲ ዲማ ዲማ አማኒያ አሳ ማታን ኢያው ዴዲያ አዋቴላይ አይቤኮ፡ ጳውሎስ ኢያ ዘሪዳ ዘሪያ ዴሞስ።

1 ዲሞቴዮስ ከታ አይፊ ቆፋታ

ጌሎ ቆፋ 1:1-2
ዋሳ ከሌ አይሲያ አሳስ ኢሜቲዳ አይሶ ዋጋ 1:3-3:16
ዲሞቴዮስ ኢሜቲዳ ቲሚርቲያ 4:1-6:21

1 ኦና ኣሺያ ያሳኒኔ ኦ ኡፋይሳን ናጊያ ዩሱስ ከሪስቶሳን ከቲቲዳ፡ ዩሱስ ከሪስቶሳ ሃዋሬ ገዲዳ፡ ጳውሎስ፤

2 አማኖን ታው ቱማ ናባ ገዲዳ ዲሞቴዮስ።

ያሳ ኦ አዋ፡ ኦ ጎዳ ከሪስቶሳ አጾ ከሃቴላይ፡ ማርቴላይ ካርቴላይ ኔው ገደ።

ዋርዶ ቲሚርቲያፊ ናጌቲላ

3 ታኒ ማቄዲያ ባሽ ኔና ሃዳሪዲይሳዳ፡ ኢሲ ኢሲ አሳቲ ዋርዶ ቲሚርቲያ ታሚርሴይሳ ዲጋናው ኔ ኤፊሶናን ጋሞና ሜላ ኮያይስ።

4 ኤንቲ ጎሩ ባይና ሃይሴ ኦዳኔ ባንታ ኮቻ ታይቡዋ አጋናዳ ኦዳ። ሄሳ ሜላባይ ፓላማ ካሌሌሲፔ ኢቲን አማኖን ኦሴቲያ ያሳ ኦሱዋሲ ማዴና።

5 ሃ ከታ ሁዔ ቆፋይ ጌሻ ዋዛና፤ ሎ? ካሃፔኔ ቱማ አማኮዋፔ ቤንቲያ ሲቁዋ ዴንሌላናሳ።

6 ኢሲ ኢሲ አሳቲ ሃይሳ አገዲ፡ ፓሎና ኦዳኮ ሰሚዶሶና።

7 ኤንቲ ያሳ ሂጊያ አሰታማራ ገደናው ኮኮሶና። ሺን ኤንቲ አይ ኦዲያኮ ዋይኮ ቱማ ኦሌዲ ኦዴይሲ ኢ አይቤኮ ኤርኮና።

8 ኣሲ ቤሴይሳዳ ሃጊያን ጎዔቲኮ ሃጌይ ሎ? ገዴይሳ ኤርስ።

9 ኢሲባ ኣኬካናው ኮሼስ። ሃጌይ ሎ? አሳስ ሜዴቲቤና። ሺን ሃጌይ፡ ሃጌ ሜንሌይሳታ፡ ዋራንቸታ፡ ያሴ ያኮናይሳታ፡ ሺምፖ ዋዴይሳታ፡ ናጋራንቸታ፡ ጌሻቴላ ባይናይሳታ፡ ቱናታ፡ ሃሪ አቶሺን ባንታ አይው ዋይኮ አዋ ዋዴይሳታ።

10 ላሚይሳታ፡ አይይ አይራ ላይማቲይሳታ፡ ኣሴ ባይዜይሳታ፡ ዋርዳንቸታ፡ ዋርዶን ጫቄይሳታ፡ ዋይኮ ቱማ ቲሚርቲያራ ጋሄቶና አይ ኦሶ ኦሌይሳታ ሴራናው ከዩስ።

11 ሃ ቲሚርቲይ ቦንቸኔ ኣንጃቲዳ ያሳይ ታኒ አዋጃና ሜላ ታው ሃዳሪ ኢሚዳ ዋንጌላ ገደን ዴዴስ።

ያሳ ማርቴላስ ጳውሎስ ጋላቲዳ ጋላታ

12 ታኒ ኦሌያ ኦሱዋን ታው ዋልቃ ኢሚዳ ኦ ጎዳ ከሪስቶሳ ዩሱስ ጋላታይስ። ታና ባ ኦሱዋሲ ሹሚዲ ሄ ኦሱዋሲ ቤሳሳ ገዲ ታይቤዳ ጊሾ ኢያ ጋላታይስ።

13 ታኒ ሃይሳፊ ካሴ ኢያ ጫዬይሳ፡ ኢያ ዩዴሌይሳኔ ሜቶሌይሳ ገዲኮካ ታኒ ሄሳ ኤርናኔ አማኖና ኦሌዳ ጊሾ ያሳይ ታና ማሪስ።

14 ኑ ጎዳይ ባ አቶ ኬሃቴላ ታ ቦላ ጉሲዲ፣ ሄ አቶ ኬሃቴላሪ አማኖኔ ሲቆ ከሪስቶስ ዩሱሳ ባጋሪ ታው ኢሚስ።

15 «ከሪስቶስ ዩሱሳ ናጋራንቸታ አሻናው ሃ አላሚያ ዩስ» ጊያ ቃላይ አማንጭይሳኔ አሳ ኡባይ ኤካናው ቤሴይሳ። ኡባሬ አቋዳ ናጋራንቸይ ታና።

16 ሺን ሜሪና ዴቦቀ ኤካናው ኢያ አማኒያ አሳስ ታኒ ሌሚሶ ጊዳና ሜላ ዩሱሳ ከሪስቶሲ ደሮ ዳገዳዲስ። ታው ኡባሬ አቋዳ ናጋራንቸቀሰ ያሳይ ባ ማርታ ዳርሲስ።

17 አይፌን ቤንቶናይሳስ፣ ኢሲ ያሳስ፣ ሃይቆናይሳስ፣ ሜሪና ካዉቀስ፣ ሜሪናፔ ሜሪና ጋካናው ጋላታይኔ ቦንቸይ ጊዳ። አሚንዒ።

18 ዲሞትሮስ፣ ታ ናዓው፣ ካሴ ኔባ ናቤቲ ኦዲዳ ቃላ ቦላ ኤቃዳ ሃ ኪታ ሃዳሪ ኔው አማይስ። ኔ ሄ ቃላ ካሊኮ ሎዖ ኦላ ኦሊታና።

19 አማኖይኔ ሎዖ ካሂ ኔው ዴዖ። ኢሶቲ ኢሶቲ ካሃ ቆዩዲ ማርካቤይ ሆቤን ቆዩይሳዳ ባንታ አማኑቀ ቆይሲደሶና።

20 ሄሳ ሃኒዳይሳታ ጊደን ሄሜኔዮስኔ ኢሰከንዲሬይ ዴዖሶና። ኤንቲ ታማሪዲ ያሳ ጫዬይሳ አጋና ሜላ ታኒ ያላሄሰ ኤንታና አላ አሚስ።

2

ዋሳባኔ ጎይናባ

1 ኡባሬ ሲንሳታዳ፣ አሳ ኡባሰ ያሳ አይቻናው፣ ዋሳናው፣ ጋናታናዉኔ ጋላታናው ቤሴይሳ ታኒ ኔና አኬኪሳይስ።

2 ኮኒ ቱማ አያና ዴዖኒኔ ጌሻቴላን ያሳ ጎይኒሽ ሳርቴላኒኔ ዋፑ ጊዳ ዴዖን ዳና ሜላ ካዎታሲኔ ሹማታ ኡባሰ ዋሲቱ።

3 ሄሳ ሜላ ዋሳይ ኑና አሺያ ያሳ ሲንሳን ሎዖኔ ኡፋይሲያባ።

4 ያሳይ አሲ ኡባይ አታናዳኔ ቱማ ኤራናዳ ኮዬስ።

5 ኢሲ ያሲ ዴዖስ። ያሳፌኔ አሳፔ ጊደን ጊዲዲ ሲጌሊያ ኢሶይ ዴዖስ፤ ኢካ አሴ ጊዲዳ ከሪስቶስ ዩሱሳ።

6 ኢ አሳ ኡባ ዋዛናው ባና አሊ አሚስ። ያሳይ ባ ዋዲያን አሳ ኡባ

ዋዛናው ኮዬይሳ ቤሲያ ማርካይ ሃይሳ።

7 ያሳይ ታና ዋንጌላስ አሰታማሪኔ ሃዋሪ ኦሊዲ ደሪዳይ ሄሳሳ። ታኒ ቱማ ኦዳይስ፤ ዋርደቲኬ፤ አማኖኔ ቱማ አይሁዴ ጊደና አሳስ ማርካታና ሜላ ያሳይ ታና ሹሚስ።

8 ሄሳ ጊሾ፣ ኡባ ቤሳን ዴዲያ አዴቲ፣ ባንታና ያሳስ ዴማዪዲ፣ ሃንቆኔ ፓላማ ዲጊዲ፣ ባንታ ኩሺያ ፑዴ ዴንሊዲ ያሳ ዋሳና ሜላ ኮያይስ።

9 ሄሳዳ ማጫሳይ ባንታና ሃሪዳይሳ ቆንጪሲያ፣ ቦንቸይኔ ማሪ ዴዲያ ማዑቀ ማናው ቤሴስ። ኤንቲ ማሪ ባይና ሁዔ ዳላን፣ ዋርቃን ዋይኮ ኢንቆን፣ ዋይኮ አልዖ አፊላን ባንታና አሊቁሶ።

10 ሺን ያሳስ ጎይናይስ ጊያ ማጫሳይ ባንታው ቤሴይሳዳ ሎዖባ ኦሶና።

11 ማጫሲ ኪቴቴላን ሲዒ ጊዲ ታማር።

12 ታኒ ማጫሳይ ታማርሳና ሜላ ዋይኮ አዴ ቦላ አዎታና ሜላ ጊደናሺን ሲዒ ጊዲ ዳና ሜላ ኮያይስ።

13 አዳሚይ ኮይሮ ሜጴቲስ፤ ጉዬፔ ሄዋና ሜጴታሱ።

14 ቃሲ ጨሚታዳ ያሳ ሃጊያ ሜንሊዳይ ማጫሲፔ አቲን አዳሚ ጊዳና።

15 ሺን ማጫሲ አማኖን፣ ሲቆኒኔ ጌሻቴላን ባንታና ሃሪዲ ዴዲኮ * ናይታ ዩሎን አታና።

3

ዋሳ ኬላ ጨማታ

1 ኦኒካ፣ «ዋሳ ኬሊ ካሌሊያ አሲ ጊዳናው ኮይኮ ሎዖባ አሞቴስ» ጊያ ኦዳይ ቱማ።

2 ዋሳ ኬላ ካሌሊያ አሲ ቦሪቶናይሳ፣ ኢሲ ማቸ ያላሊ ዴዖይሳ፣ ማሪን ዴዖይሳ፣ ባና ሃሪይሳ፣ ቤሴይሳዳ ኦሌይሳ፣ አማሌ ሞኬይሳ፣ ታማርሳናው ዳንዳዖይሳ፣

3 ማሶቶናይሳ፣ ኦዬቶናይሳ፣ ፓላሞናይሳ፣ ሚሽ ሲቆናይሳ፣

4 ኢያ ናይቲ ኢያው ከቴቴይሳኔ ቦንቸይሳ፣ ባ ኬላ አይሳናው ዳንዳዖይሳ ጊዳናው ቤሴስ።

2:7 2ዲሞ 1:11 2:9 1ዳዲ 3:3 2:13 ሜጴ 2:7፣ 21-22 2:14 ሜጴ 3:1-6 * 2:15 ባንታና ሃሪዲ ዴዲኮ፣ ዋይኮ ኢያ ዩሊዳ ናይቲ አማኖን፣ ሲቆኒኔ ጌሻቴላን ባንታና ሃሪዲ ዴዲኮ። 3:2 ቲቶ 1:6-9

5 ኢሲ ኣሲ ባ ኬላ ኣይሳናው ዳገዳዮና ኢጊኮ፡፡ ያሳ ዋሳ ኬላ ዋቲ ኣይሳናው ዳገዳዮ?

6 ኦቶርን ሱጌቲዲ፡፡ ዓላሄይ ያሳ ፐርዳን ኩንዲዳይሳዳ ኩንዳና ሜላ፡፡ ኦራላ ኣማኒዳ ኣሲ ጊዳናው ቤሴና፡፡

7 ቦሬኒይ ዓላሄ ያጌን ጌሎና ሜላ ሄ ኦራይ ኣማኖና ኣሳ ማታን ናጅቴይሳ ጊዳናው ቤሴሰ፡፡

ዋሳ ኬላ ዳቆኔታ

8 ሄሳዳ ቃሲ ዋሳ ኬላ ዳቆኔቲ ቦንቼቲዳይሳታ፡፡ ናሞቡ ደና ኦዳቶናይሳታ፡፡ ዳር ዋይኔ ኦቫ ኦቶናይሳታ፡፡ ሚሼ ያሬቶናይሳታ፡፡

9 ኣማኑዋ ፀራ ጌሻ ካሃን ናጌይሳታ ጊዳናው ቤሴሰ፡፡

10 ኤንቲ ኮይርቲዲ ፓጩታናው ኮሼሰ፤ ኤንታ ቦላ ቦሬይ ባይና ኢጊኮ፡፡ ዋሳ ኬላ ዳቆኔ ጊዲዲ ኦላ፡፡

11 ሄሳዳካ፡፡ ኤንታ ማጫሳቲ ቦንቼቲዳይሳታ፡፡ ዘገርናይሳታ፡፡ ማራን ዳዔይሳታ፡፡ ኡባባን ኣማኔቲይሳታ ጊዳናው ቤሴሰ፡፡

12 ዋሳ ኬላ ዳቆኔቲ ኢሲ ማቺ ዓላላ ዳዔይሳ ጊዲ፡፡ ባናይታኔ ባ ኬላ ሎይላ ኣይሴይሳ ጊዳናው ቤሴሰ፡፡

13 ዋሳ ኬላ ዳቆኔ ጊዲዲ፡፡ ሎዎ ኦሶ ኦላይሳቲ፡፡ ኤንታው ጌታ ቦንቾ ቃሲ ኪሪሰቶስ ዩሱሳን ባንታው ዳዔያ ኣማኑዋባ ኦዳናው ዳር ሚኖቴላ ዳማና፡፡

ጌታ ፀራ

14 ታኒ ሃ ኪታ ኔው ዓፋሹ፡፡ ኤሌሳዳ ኔኮ ባና ጋዳ ኡፋይሲ ዋሳይሰ፡፡

15 ሺን ታኒ ቦና ጋሞዒኮ፡፡ ያሳ ኬላን ኣሳይ ዋኒዲ ዳናው ቤሲያኮ ኤራና ሜላ ሃይሳ ኔው ዓፋይሰ፡፡ ዳዎ ያሳ ኬላይ ቱማቴላስ ቱሲኔ ባሶ፡፡

16 ኦ ኣማኑዋ ፀራይ ሲዴይ ባይና ጌታ፡፡

ኪሪሰቶሲ ኣሾ ማዒዲ ቆንጨሰ፤

ኢያ ቱማቴላ ጌሻ ኣያናይ ማርካቲሰ፡፡

ኪታንቾታስ ቤንቲሰ፤

ኢ ካዋቴላ ኡባሰ ሳባኬቲሰ፡፡

ኣላሚን ዳዔያ ኣሳን ኣማኔቲሰ፤

ቦንቾን ሳሎ ኤኬቲሰ፡፡

4

ዋርዶ ኣስታማሪታ

1 ያና ዋዲያን ባሌላያ ኣያናታኔ ቱና ኣያናታ ቲሚርቲያ ካሊዲ፡፡ ኢሲ ኢሲ

ኣሳይ ኣማኑዋ ካዳናይሳ ጌሻ ኣያናይ ቆንጨሲዲ ኦዲሰ፡፡

2 ሄሳ ሜላ ቲሚርቲይ ኤንታ ካሃይ ዶጪን፡፡ ኣሳ ባሌላያ ዋርዳንቾ ኣስታማሪታፔ ዩሰ፡፡

3 ሄሳ ሜላ ኣሳቲ ኤኮኔ ጌሎ ቃሲ ኢሲ ኢሲ ካሳታ ሞና ሜላ ዲጎሶና፡፡ ሺን ኣማኔይሳቲኔ ቱማ ኤሬይሳቲ ያሳ ጋላቲ ዋሲዲ ማና ሜላ ያሳይ ካላ ሜዲሰ፡፡

4 ያሳይ ሜዲዳ ኡባባይ ሎዎ፡፡ ያሳ ጋላቲዲ ሚኮ ዋራ ዋዲያባይ ኣይቤካ ባዋ፡፡

5 ኡባባይ ያሳ ቃላኒኔ ዋሳን ጌሺ ጊዴሰ፡፡

ኪሪሰቶሳስ ኣማኔቲዳ ኣይሌ ጊዶ

6 ሄሳ ጊሾ፡፡ ኔኒ ሃ ቲሚርቲያ ኣማኔይሳታ ታማርሲኮ፡፡ ኦ ኣማኑዋኒኔ ሎዎ ቲሚርቲያ ኪቲታዳ ዲጨዳ ኪሪሰቶስ ዩሱሳ ሎዎ ኣይሌ ጊዳና፡፡

7 ሺን ጎዒ ባይና ቱማ ጊዳና ኦዳፔኔ ጨማ ማጫሳ ሃይሲያፔ ባቃታ፡፡ ቱማ ኣያና ዳዎን ዳናው ኔና ሎሂሳ፡፡

8 ኣሲ ባ ኣሳቴላ ሚንጎናው ኦላያ ኦሶይ ጉላ ማዴሰ፡፡ ሺን ቱማ ኣያና ዳዎን ባና ሎሂሶይ ሃዒካ ሜሪናዉካ ዳዎ ኢሚያ ኡፋይሲ ዳዒያ ጊሾ ኡባሰ ማዴሰ፡፡

9 ሃ ቃላይ ኣሳ ኡባይ ኤካናው ቤሲያ ቱማ ኦዳ፡፡

10 ኦኒ ኣሳ ኡባ፡፡ ኡባሬ ኣላዲ ኣማኔይሳታ ኣሺያ ዳዎ ያሳሬ ኤካና ጊዲ ኡፋይሳን ናጊያ ጊሾ፡፡ ሄሳሰ ኦኒ ኦሶን ዳቡርሲኔ ባጃቶሰ፡፡

11 ሃይሳ ኪታኔ ታማርሳ፡፡

12 ኔኒ ያላጋ ጊዲያ ጊሾ ኔና ኦኒካ ካቶ፡፡ ሺን ኣማኔይሳታስ ኔኒ ኦዳን፡፡ ኦሶን፡፡ ሲቆን፡፡ ኣማኖኒኔ ጌሻቴላን ሌሚሶ ጊዳ፡፡

13 ታኒ ያና ጋካናው ኣሳሰ ጌሻ ማዓፋ ናባቦን፡፡ ሳባኮኒኔ ታማርሶን ሚና፡፡

14 ቲንቢቲይ ኦዴቲን፡፡ ጨማቲ ባንታ ኩሺያ ኔ ቦላ ዋላዳ ዋዴ ኔኒ ኤኪዳ፡፡ ኔናን ዳዒያ ጌሻ ኣያና ኢሞታ ካቶ፡፡

15 ኔ ዲቻይ ኣሳ ኡባሰ ቆንጫና ሜላ ሄሳ ሚንጎ ቆፓ፤ ሃይሳ ኡባ ዋዴ ኦላ፡፡

16 ኔ ሁዒያሲኔ ኔ ቲሚርቲያሰ ናጌታ፡፡ ኔኒ ሄሳ ኡባ ዋዴ ኦላኮ ኔና ኔና ሲዔይሳታ ኣሻሳ፡፡

5

አምዔታባ

1 ጨማ አዴታ ኔ አዋዳ ቦንቻፌ አቲን ሃንቁቶፋ። ያላጋ አዴታ ኔ ኢሻዳ ኦላዳ ያላ።

2 ጨማ ማጨሳታ ኔ አደዳ፣ ያላጋ ማጨሳታ ኔ ሚቹዳ፣ ፖሎ ጌሻቴላን ኦይካ።

3 አዚኒ ሃይቁዳ ቱማ አምዔታ ቦንቻ።

4 ሺን አምዔሰ ናይቲ ዋይኮ ናይታ ናይቲ ዴሲኮ፣ ሄ ናይቲ ቱማ አያና ዴዎን ዴዔይሳ ቤሳናው ባንታና ዬሊዳይሳታኔ፣ ባንታ ዋጋ አደጣኔ ዋጋ አዋ ማዲዲ ኩሼ ዛር ታማር። ሄሲ ያሳ ኡፋይሲያባ።

5 ባርካ ዴዔያ ቱማ አምዔያ ያሳፌ ማዴ ዴማናው ኡፋይሳን ናጋሱ። ጋላሲኔ ቃማ ያሳይ ባና ማዳና ማላ ዋሳውሱኔ ኦይቻውሱ።

6 ሺን ሃ አላሚያን ሎዎ ዴሳ ዓላላ ኮያ አምዔያ ፓዖ ዴዓሼ ሃይቁዳር።

7 ኦኒካ ኤንታ ቦርና ማላ ሃ ኪታ ኤንታው አማ።

8 ሺን ባ ዳቦታሰ፣ ኡባፌ አሌዲ ባ ሶ አሳሰ ቆፖና ኦኒካ ባ አማኑዋ ካዲዳይሳ፤ አማናና አሳፔካ አዲዳ ኢታ።

9 ላይሌ ኡሱፑን ታው ኩሚቦና አምዔ ሱንሳ ማዘጋባን ዓይፓ። ቃሲ ሄሳ ቦላ ኢያ ባ አዚናሰ አማኔቲዳር ጊዳናው ኮሼሰ።

10 ናይታ ዲሾን፣ አማሌ ሞኮን፣ ጌሻታ ቶሁዋ ሜቻን፣ ሜቶቲያ አሳ ማዴን፣ ሎዎ ኦሶ ኡባሰ ባና አላ አሚዳርኔ ሎዎ ኦሶን ኤሬቲዳር ጊዳናው ቤሴሰ።

11 ሺን ያላጋ አምዔታ ሱንሳ ማዘጋባን ዓይፓ። ኤንታና አዚና ጌሎ ጌሎ ጊያ አሻ አዋይ ኦይኪያ ዋዴ ኪሪሰቶሳ አጋና።

12 ኤንቲ ኮይር ጌሊዳ ቃላ ማንሌዳ ጊሾ ፐርዳታና።

13 ሄሳ ቦላ ኤንቲ ኦሶ ዳዩዲ ኬላፌ ኬሌ ያያና። ዩሻ ዓላላ ጊዳናሺን ዘጊርሳኒኔ ባንታና ጋላናባን ጌሊዲ ቤሰርሳ ሎዎቶሶና።

14 ሄሳ ጊሾ፣ ኑ ሞርኬቲ ኑ ቦላ ኦዴቲያ ኢታባ ዴሞና ማላ ያላጋ አምዔቲ አዚና ጌሊዲ፣ ናዓ ዬሊዲ፣ ባንታ ኬላ አይሳና ማላ ዘራይሰ።

15 ሃይሳፌ ካሴ ጉላ አምዔቲ ዓላሄ ካላናው ጉዬ ሲሚደሶና።

16 ኢሲ አማኒያ ማጨሴሰ ሶ አሳ ጊደን አምዔቲ ዴዒኮ ኢያ ኤንታ ማዳናው ቤሴሰ። ሄሳዳ ኦሊኮ፣ ዋሳ ኬላሰ ቶሆይ ካወዬሰ። ሄ ዋዴ ዋሳ ኬላይ ማዴ ቤሲያ ቱማ አምዔታ ማዳናው ደንዳዔሰ።

17 ዋሳ ኬላ ሎይሌ ሃሚያ ጨማቲ፣ ኡባፌ አሌዲ፣ ቃላ ሳባኮኒኔ ታማርሶን ዳቡሬይሳቲ ዳኮ ቦንቻ ኤካናው ቤሴሰ።

18 ጌሻ ማዓፋይ፣ «ወዲማን ካሳ ዬዲያ ቦራ ደና ቃቾፋ» ሄሳዳካ፣ «ኦሳንቾይ ባ ዳሞዚያ ኤካናው ቤሴሰ» ያጌሰ።

19 ናምቡ ዋይኮ ሄቹ ማርኪ ባይና፣ ዋሳ ኬላ ጨማ ሞቲያባ ሲያፓ።

20 ሃራቲ ያያና ማላ ናጋራ ኦሊያ ኦናካ አሳ ኡባ ሲንሳን ሃንቁታ።

21 ኔኒ አሳ ሶምዎ ቤያና፣ ኢሱዋ ኢሱዋፌ ዲማናና ሃ ኪታ ናጋና ማላ ያሳ፣ ጎዳ ዬሱሰ ኪሪሰቶሳኔ ደሬቲዳ ኪታንቾታ ሲንሳን ታ ኔና ዘራይሰ።

22 ኦዴ ቦላካ ኔ ኩሼያ ዋላዳ ሹማናው ኤሌሶፓ። ሃራታ ናጋራን ጌሎፓ፤ ኔና ጌሻቴላን ናጋ።

23 ኔኒ ኡባ ዋዴ ሃርጌቲያ ጊሾኔ ኔ ኡሎ ሃርጌ ጊሾ ሃላ ዓላላ ኡዮፓ፤ ጉሳ ዋይኔ ኡያ።

24 ኢሲ ኢሲ አሳታ ናጋራይ ቆንጨ፣ ኤንታ ናጋራይ ኤንታ ፐርዳናው ኤንታፌ ሲንሌ አዴሰ፣ ሺን ሃራታ ናጋራይ ጉዬፔ ጋምዒዲ ቆንጨሰ።

25 ሄሳዳ፣ ሎዎ ኦሶይካ ቆንጨ፣ ቆንጨና ኢዲኮካ ጌማናው ደንዳዔና።

6

አይሌታሰ አሜቲዳ ዘሬ

1 ያሳ ሱንሳይኔ ኑ ቲሚርቲይ ጨዬቶና ማላ አይሌቲላን ዴዔይሳቲ ባንታና ሃሪያ ጎዳታ ቦንቾ።

2 አማኒያ ጎዳቲ ዴዒያ አይሌቲ፣ ኤንታ ጎዳቲ ኤንታው አሻ ጊዲያ ጊሾ ኤንታ ካዲፖ። ኤንታ ኦሱዋን ማዴቲያ ጎዳቲ፣ አማኔይሳታኔ ደሴቲዳይሳታ ጊዲያ ጊሾ ኤንቲ ካሴይሳፌ አሌዲ ኦላናው ቤሴሰ።

ዋርዶ ቲሚርቲያኔ ቱማ ዴሬቲላ ኔኒ ሃይሳ ታማርሳናው ኤንቲ ኦላና ማላ ዘራናው ቤሴሰ።

3 ኦኒካ ዲማ ተሚርቲያ ታማርሲያባ ገዲኮ፡ ኑ ጎዳ ዬሱስ ኪሪስቶስ ቱማ ቃላራኔ ኑ አማኑዋ ተሚርቲያራ ጋሃቲና።

4 ሄ ኡራይ ኦቶርን ሱጌቴሲፔ ኦቲን አይኮካ ኤሪና። ኤንታው ኢሲ ቆፋ ቦላ ፓላማናዉኔ ኦይታናው ኢታ አሞይ ዴዔስ። ሄሲ ቃናቱ፣ ኦቪ፣ ጫቪ፣ ኢታ ሲጴኔ።

5 ገሳና ፓላማ ካሌሌስ። ቃሲ ኤንታው ኢታ ዋዛኒ ዴዔስ፤ ቱማካ ባሊዶሶና፤ ኤንቲ ያሳ አማኖይ ዴሬቴላስ ኦጌ ገዲ ቆፖሶና።

6 ቪን ታው ዴዔያባይ ገዲና ገያ አሳስ ቱማ አያና ዴያይ ገታ ዋጴ።

7 ኦኒ ሃ አላሚያ አይኮካ ኤሂቦኮ፤ ቃሲ ኢያፔ አይኮካ ኤኪዲ ቦኮ።

8 ኮስ ካሌኔ ማያይ ዴዒኮ ሄሲ ገዲና።

9 ቪን ዴሬቴሌ ኮዬይሳቲ ፓጩኒኔ ያሂን ጌሎሶና። ቃሲ ኤንታና ዲጌ ዲሬያኔ ጳይሲያ ኤያቴሌኔ ቆሂያ አሞን ኩንዶሶና።

10 ሚሼ ሲቆይ ኢታቴላ ኡባስ ፑልቶ። ኢሶቲ ኢሶቲ ሚሼ አሞቲሼ አማኖፔ ባሌቲዲ ዳሮ ሜቶን ባንታና ዬገዶሶና።

ዲሞትሮስን አሜቲዳ ዘሬኔ ኪታ

11 ቪን ኔኖ፣ ያሳ ኦሶ፣ ሂሳፌ ባቃታ። ያሎቴላ፣ ያሳ ዳኖ፣ አማኖ፣ ሲቆ፣ ዳንዳዔኔ አቨኩቴሌ ካላ።

12 አማኖ ባዲያ ሎይላ ባዴታ። ዳሮ አሳ ሲንላን ኔ ማርካቲዳ ኔ አማኑዋባ፣ ያሳይ ኔና ኢያው ዪገዳ ሜሪና ዴዑዋ ኦይካ።

13 ኡባስ ዴያ አሚያ ያሳ ሲንላኒኔ፣ ጴንዪ ጴላያሳ ሲንላን ሎያ ማርካ ማርካቲዳ ኪሪስቶስ ዬሱሳ ሲንላን ታ ኔና ኪታይስ።

14 ኑ ጎዳ ዬሱስ ኪሪስቶሲ ቆንጫና ጋካናው ሃ ኪታ ባሊኔ ቦሬይ ባይና ናጋ።

15 ባ ዓላላ ኡባ ሃሪያ ቦንቾ ያሳይ፣ ካዎታ ካዎይ፣ ጎዳታ ጎዳይ፣ ባ ቆፒዳ ቃማን ዬሱስ ኪሪስቶሳ ዛሪ ኪታና።

16 ኢሲ ኢያ ዓላሊ ሃይቄና። ኦኒካ ቪቃናው ዳንዳያና ፖፖን ዴዔስ። ኦኒካ ኢያ ቤዒቤና፤ ቃሲ ቤዒናዉካ ዳንዳዔና። ቦንቾይኔ ሜሪና ዋልቃይ ኢያው ገደ። አሚንዒ።

17 ሃ አላሚያ ዴሬቲ ጮ ጳያ ቫሎን ኦቶርቶና ሜላኔ ጩቆና ሜላ ኦዳ። ኮስ ኮቪያባ ፓላሂሲዲ አሚያ ኮና

አንጂያ፣ ዲሬ ያሳን አማኔታና ሜላ ኤንታ ኪታ።

18 ኤንቲ ሎያ ኦሶ ኦላናዳ ሎያ ኦሶን ዴሬታናዳ፣ ኬሃታኔ ሃራታስ ቫኬይሳታ ገዲና ሜላ ኪታ።

19 ሄሲ ኤንታው ሲንላስ ሚኖ ባሶ ገዲያ ገሾ ሄ ዋይ ኤንቲ ቱማ ዴያይ አይ ዳኒያኮ ኡራና።

20 ዲሞትሮስ፣ ኢሲ ኢሲ አሳይ፣ «ኤራቴሌ» ገያ ኤያ ፓላማፔኔ ሃዳ ኦዳፔ ባቃታ፤ ኔው አሜቲዳ ሃዳራ ናጋ።

21 ኢሶቲ ኢሶቲ ኮስ ኤራቴሌ ዴዔስ ያገሼ አማኑዋ ኢገዶሶና።

ያሳ አጶ ኬሃቴላይ ሂንቴ ኡባራ ገደ።

ጳውሎሲ ሂሞተዮሳስ ፃፊዳ ናሞዓንሉ ከታ ጋላ ቆፋ

ጳውሎሲ ሂሞተዮሳስ ፃፊዳ ናሞዓንሉ ከታይ፣ ጳውሎሳራ ኢሲፊ ኦሌይሳኔ ጳውሎሳ ማታን ማዲያ ናዓቲፋ ሂሞተዮሳ ዘሪዳ ዘሪያ ኦይኪስ። ሄ ዘሪያ ኣይፊ ቆፋይ፣ «ጌንጫን ሚናናው ቤሴስ» ጌይሳ። ሂሞተዮሲ ዘሪኔ ሚንሌሉ ቃላ ኤኪዳይ፣ ዩሱስ ኪሪስቶሳባ ቱማ ማርካታና ማላ ምንጌላ ቃላኔ ጋልዓ ጫቆ ተሚርቲያ ሚንሌዲ ኦይካና ማላኔ ሜቶይኔ ኢያይ ዳሪኮካ ታማርሱኔ ምንጌላ ሳባኮን ሚናና ማላሳ።

ሂሞተዮሲ ሃዳ ኤያቲላ ፓላማፔ ሃካና ማላ ዱማ ሚና ዘሪይ ኢያው ኢሚቲስ። ሄሳ ማላ ኦዳይ ኣሳ ቆይሴሲ። ኣትን ኣይኮካ ማዳና።

ሄ ኡባን ሂሞተዮሲ ኣከካናው ቤሲያባይ፣ ጳውሎሳ ሃናታኔ ኢያ ዱሳ ቆፋ ሄሲካ፣ ኢያ ኣማኑዋ፣ ኢያ ጌንጫ፣ ኢያ ሲቁዋ፣ ኢያ ዳንዳዓኔ ኢያ ጋኪዳ ማቲዋ ለሚሶ ኦሊዲ ካላናይሳ። ጳውሎሲ ሃ ከታ ፃፊዳይ፣ ኢ ባ ዋላ ኮንጊዲ ሃይቆስ ጊኔቲዳ ዋዳና።

2 ሂሞተዮሳ ከታ ኣይፊ ቆፋታ

- ጌሎ ቆፋ 1:1-2
- ሂሞተዮሳስ ኢሜቲዳ ዘሪያ 1:3-2:13
- ወርሴላ ዋዲያባ 2:14-4:5
- ጳውሎሲ ሃኒዲ ዳዒያ ዱሳ 4:6-18
- ኩሻ ቆፋ 4:19-22

1 ያሳ ሸኔን፣ ዩሱስ ኪሪስቶሳን ቤንቲዳ ዳዖ ኡፋይሳ ማርካታናው ዩሱስ ኪሪስቶሳ ሃዋሪ ጊዲዳ ጳውሎሳፔ፣

2 ታ ደሲያ ናዓ ሂሞተዮሳስ ከቲቲዳ ከታ።

ያሳ ኣዋፔኔ ኑ ጎዳ ኪሪስቶስ ዩሱሳፔ ኣቶ ኬሃቴላይ፣ ማርቲላይኔ ሳርቲላይ ኔው ጊደ።

ሂሞተዮሳስ ኢሜቲዳ ዘሪያ

3 ታኒ፣ ታ ዋሳን ቃማኔ ጋላስ ኔና ቆፓይስ። ታኒ ዋሲያ ዋዳ ታ ማይዛታ

ያሳኔ ታኒ ሎዖ ካሃን ሃጋዚያ ያሳ ኔ ጊሾ ጋላታይስ።

4 ታኒ ኔ ኣፋፋ ቆፓይስ፤ ኔና ቤዓዳ ኡፋይታናው ዳር ላሞታይስ።

5 ቃሲ ኔው ዳዒያ ቱማ ኣማኑዋ ኤራይስ። ሄ ኣማኖይ ቤኒ ኔ ዋጋ ኣዬ ሎይዲኒኔ ኔ ኣዬ ኤወኒቲን ዳዒያ ኣማኑዋ ማላ።

6 ሄሳ ጊሾ፣ ታኒ ታ ኩሺያ ኔ ቦላ ዋሊዳ ዋዳ ያሳይ ኔው ኢሚዳ ኢሞታ ኔኒ ዛሪ ኤላና ማላ ኣኬኪሳይስ።

7 ኣይስ ጊኮ፣ ያሳይ ኑስ ዋልቃ፣ ሲቆኔ ኑ ሁዔ ሃሪያ ኣያና ኢሚስፔ ኣትን ያሻ ኣያና ኢሚቤና።

8 ሂዛ፣ ኑ ጎዳስ ማርካታናው ዩላቶፓ፤ ቃሲ ኢያ ጊሾ ቃሽቲዳ ታናንካ ዩላቶፓ። ሸን ያሳይ ኔው ኢሚያ ዋልቃን ምንጌላ ጊሾ ታራ ሜቶ ኤካ።

9 ያሳይ ባ ሸኔኒኔ ባ ኣቶ ኬሃቴላን ኑና ኣሺዲ፣ ባ ጌሻ ዳሪ ኣላናው ኑና ደሪስፔ ኣትን ኔኒ ኦሊዳ ኦሱዋ ጊሾ ጊዳና። ሃ ኣቶ ኬሃቴላ ኪሪስቶስ ዩሱሳ ባጋራ ኣላሚይ ሜዴታናፔ ሲንሌ ኑስ ኢሚስ።

10 ሃዒ ሃ ኣቶ ኬሃቴላይ ኑና ኣሺያ ኪሪስቶስ ዩሱሳ ዩሳን ቆንጩስ። ኢ ሃይቆ ዋልቃ ቆይሲዲ፣ ምንጌላ ባጋራ ቆዮና ዳዖ ኑስ ቆንጩሲስ።

11 ታኒ ምንጌላ ሳባኬ፣ ሃዋሪኔ ኣስታማሪ ጊዳና ማላ ያሳይ ታና ደሪስ።

12 ታኒ ሄሳ ጊሾ ሃ ማቲዋ ኤካይስ፤ ሸን ታ ኣማኔይ ኦኔኮ ኤሪያ ጊሾ ዩላቲኬ። ታው ኢሜቲዳ ሃዳሪ ሄ ጋላሳይ ጋካናው ኢ ናጋናው ዳንዳዒሳ ኤራይስ።

13 ታኒ ኔና ታማርሲዳ ቱማ ቃላ ለሚሶ ኦላ ኦይካዳ ኪሪስቶስ ዩሱሳ ባጋራ ኑባ ጊዲዳ ኣማኑዋኒኔ ሲቁዋን ዳዒ።

14 ኑ ጊደን ዳዒያ ጌሻ ኣያና ዋልቃን ኔው ኢሜቲዳ ሎዖ ሃዳራ ናጋ።

15 ኢሲያ ቢታን ዳዒያ ኡባይ ታፔ ሃኪዳይሳ ኤራሳ፤ ኤንታ ጊደን ፊጌሎሲኔ ሄርሞጌኔሲ ዳዖሶና።

16 ኣኔስፎሪ ታና ዳር ዋዳ ሚንሌሉዳ ጊሾ ጎዳይ ኢያ ሶ ኣሳስ ቃዴቶ። ታኒ ቃሾ ከላን ዳዒያ ዋዳ ኢ ታናን ዩላቲቤና።

17 ሄሳ ቦላ ኢ ሮሜ ካታማ ዩዳ ዋዳ ታና ሚንሌ ኮዩዲ ዳሚስ።

18 ወርሴላ ጋላሳን ጎዳይ ኢያው ቃዴታና ማላ ታኒ ጎዳ ዋሳይሰ። ኤፌሶና ካታማን ኢ ታና ኣይ ማላ ማዲዳኮ ኔ ሎይላ ኤራሳ።

2

ዩሱስ ኪሪስቶሳን ሚና

1 ሃዛ፣ ታ ናዓው፣ ኪሪስቶስ ዩሱሳን ዴዒያ ማርቴላን ሚና።

2 ዳር ማርካታ ሲንሳን ታኒ ኔና ታማርሲዳ ቲማርቲያ፣ ሃራታ ታማርሳናው ዳንዳዒያ አማኔቲዳ አሳሰ ሃዳራ አማ።

3 ዩሱስ ኪሪስቶሳስ አማንሴያ ዋታዳሪ ገዳዳ ታራ ማቶ ኤካ።

4 ኦላ ዋታዳሪይ ባ ሃላቃ ኡፋይሳናው ገኔቴሲፔ ኣቲን ሃራ ኦሶን ባና ፔሼና።

5 ሃሳዳካ፣ ጋዴ ዋዲያ ኦኒካ ቤሲያ ኦጌራ ጋዴቶና ኢዲኮ ዋይቶ ኤከና።

6 ጎሻን ዳቡሪያ ጎሻንቾይ ባ ዳቡራ ኣይፊያፔ ሚያ ኮይር ኣሲ ገዳናው ቤሲስ።

7 ኔ ኣኬካና ማላ ጎዳይ ኔና ማዳና ገሾ ታ ኔው ኦዲዳባ ኔ ዋዛናን ናጋ።

8 ታኒ ማርካታያ ዋንጌላ ማላ ሃይቆፔ ዴንዲዳ፣ ዳዋቲ ዜሬላ ገዲዳ ዩሱስ ኪሪስቶሳ ቆጋ።

9 ታኒ ዋንጌላ ኦዲያ ገሾ ኢታባ ኦሊዳ አሳዳ፣ ቃሼታዳ ማቶ ኤካስ። ሺን ያሳ ቃላይ ቃሼቲና።

10 ሃሳ ገሾ፣ ያሳይ ዶሪዳ አሳቲ ኪሪስቶስ ዩሱሳን ዴዒያ አቶቲላ ማሪና ቦንቹዋራ ኤካና ማላ ኤንታ ገሾ ኡባባን ዋይታይሰ።

11 ሃይሳዳ ያገያ ቱማ ቃሊ ዴዒስ፤ «ኦኒ ኢያራ ሃይቁዳባ ገዲኮ፣ ኢያራ ኢሲፊ ዴዳና።

12 ኦኒ ገንጪኮ፣ ኢያራ ኢሲፊ ካዎታና። ኦኒ ኢያ ካዲኮ፣ ኢ ኦና ካዳና።

13 ኦኒ አማኔቶና ኢዲኮ፣ ኢ አማኔቲዳይሳ ገዲዲ ዳና። ኣይሰ ገኮ፣ ኢ ባና ካዳናው ዳንዳዒያ» ያገሰ።

ሚኖ ኦሳንቾ

14 ኔኒ ኤንታ ሃይሳ ኣኬኪሳ፤ ኤንቲ ቃላታ ጋሶን ፓላሞና ማላ፣ ጎዳ ሲንሳን ኤንታ ዞራ። ሃሲ ሰዔይሳታ ቆይሴሲፔ ኣቲን ኣይኮካ ማዳና።

15 ኔኒ ቱማ ቃላ ሱሬቴላን ታማርሴይሳኔ ዩላዮና ኦሳንቾ ገዳዳ፣ ያሳይ ናሺያ አሳዳ፣ ኔናቴላ ኢያው ኢማናው ሚና።

16 ሺን ሃ ኣላሚያስ ኢንጄቲያ ጎና ኦዳፔ ባቃታ። ሃሳ ማላ ኦዳይ ኣሴ ያሳፊ ሃሴሰ።

17 ሃሳ ማላ ኦዳይ አሳቴላ ሚዲጊያ ፓያና ዋይዛዚሬ ማዲንሳ ማላ። ሃሳ ማላ ኦዳ ኦዳቴይሳታ ገዳፊ ሃማኔዮሲኔ ፊሊዮሲ ዴዮሶና።

18 ሃ አሳቲ ቱማ ኦጊያ ኣገዲዳ፣ «ሃይቁዳ አሳይ ሃይቆፔ ቤኒ ዴንዲዳሶና» ያገዲ ጉላ አሳታ አማኑዋ ቆይሴዳሶና።

19 ገዳሺን፣ ያሳይ ሚኖ ዛላ ሃዲዳ ገሾ ቃዳናው ዳንዳዒያና። ኢያ ቦላ፣ «ጎዳይ ባይሳታ ኤሬሰ። ጎዳ ሱንሳ ዪጊያ ኦኒካ ኢታ ኦሶፔ ሃኮ» ያገያ ቃላይ ያፊቲስ።

20 ኢሲ ገታ ኬላን ዋርቃፊ ዋይኮ ቢራፔ ኦሴቲዳ ሚሼታ ያላላ ገዳናሺን ማላፊ ዋይኮ ኡርቃፊ ኦሴቲዳ ሚሼቲካ ዴዮሶና። ሃሳታፔ ባጋቲ ቦንቾ ኦሶስ፣ ቃሲ ባጋቲ ቶሼቲያ ኦሶስ ፔዮሶና።

21 ሃሳ ገሾ፣ ኦኒካ ኢታ ኡባ ኣገኮኔ ባና ገሼኮ፣ ቦንቾ ኦሶ ኦሊያ ሚሼ ገዳና። ኤንታ ዴዮይ ገሼኔ ጎዳ ኡፋይሲያባ፣ ቃሲ ኤንቲ ሎዮ ኦሶ ኡባ ኦሳናው ዳንዳዒያሳታ ገዳና።

22 ናናቴላ ኢታ ኣሙዋፔ ባቃታ። ገሻ ዋዛናን ጎዳ ዪጊያ አሳታራ ኢሲፊ፣ ያሎቴላ፣ አማኑዋ፣ ሲቆኔ ሳርቴላ ካላ።

23 ሺን ኦሺ ማዴይሳ ኤራዳ ኤያቴላኔ ሃዳ ገዲዳ ፓላማፔ ሃካ።

24 ጎዳ ኦሳንቾይ ኣሳ ኡባስ ኬሃ፣ ሎዮ ታማርሴይሳኔ ዳንዳዒያንቾ ገዳናው ቤሴሲፔ ኣቲን ኦይታናው ቤሴና።

25 ኢ ባራ ኤቁቴይሳታ ኣሽኬቲላን ሴሬይሳ ገዳናው ቤሴሰ። ኤንቲ ባንታ ናጋራፔ ሰሚዲ ቱማ ኤራናዳ ያሳይ ኦሳኔኮ ኦኒ ኤሪ።

26 ኤንቲ ባንታ ዋዛናኮ ሰሚዲ ባ ሺኒያ ኦሳና ማላ ኤንታ ኦይኪዳ ያላሃ ያሃያፔ ኬሲ ኤካና።

3

ወርሴላ ጋላሳ ማላታታ

1 ወርሱላ ጋላሳን ኡንዔሌያ ዋዴይ ያናይሳ ኤራ።

2 አሳይ ባንታና ዶሴይሳታ፡ ሚሼ ሰቁይሳታ፡ ጨቁቲይሳታ፡ ኦቶሬይሳታ፡ ጫዬይሳታ፡ ባንታና ዬሊዳይሳታስ ከቲቶናይሰታ፡ ጋላቶናይሰታ፡ ጌሻቴሌ ባይናይሳታ፡

3 ሰቆይ ባይናይሳታ፡ ማሮቴሌ ኤሮናይሳታ፡ ዘጊሬይሳታ፡ ባንታና ሃሮናይሳታ፡ ቃዴይ ባይናይሳታ፡ ሎዎ ዶሶናይሳታ፡

4 ሞርኬስ አሌ አሚይሳታ፡ ቆፊ ባይናይሳታ፡ ኦቶሮን ሱጌቴይሳታ፡ ያሳፊ አሌዲ አሾ ኡፋይሳናው ዶሴይሳታ ጊዳና።

5 ኤንቲ አማኒያ ዳሮሶናቴ አቲን አማኖ ዋልቃ ካዶሶና፤ ኔኒ ሄሳ ሜላ አሳታጌ ባቃታ።

6 ኤንታፊ ኢሶቲ ኢሶቲ አሳ ኬሌ ጌሊዲ ናጋራን ኦይኬቲዳይሳታኔ ዲማ ዲማ አሞን ሱጌቲያ ዳቡራንቾ ማጫሳታ ቦላ ጎዳቶሶና።

7 ሄ ማጫሳቲ ኡባ ዋዴ ታማሮሶና፡ ሺን ቱማ ኤራናው ዳንዳዎኩና።

8 ያኔሲኔ ያምባሬሲ ሙሴራ ኤቁቲዳይሳዳ ሃ አሳቲ ጉጌይ አሶናይሳታኔ አማኖን ኩንዲዳ አሳታ ጊዲያ ጊሾ ቱማሮ ኤቁቶሶና።

9 ሺን ያኔሳኔ ያምባሬሳ ኤያቴላይ ቆንጨዳይሳዳ ኤንታ ኤያቴላይካ አሳ ኡባ ሲንላን ቆንጫና ጊሾ ኤንታው ሃኔና።

ወርሱላ ዘሬ

10 ሺን ኔኒ ታ ቲሚርቲያ፡ ታ ዲሳ፡ ታ ቆፋ፡ ታ አማኑዋ፡ ታ ዳንዳዳ፡ ታ ሲቁቆ፡ ታ ጌንጫ።

11 ታ ዬዴቴላኔ ታ ሜቱዋ ኤራሳ። አንዎኪያን፡ ኢቆኒዮኔን፡ ሊሰዓራ ካታማታን ታና ጋኪዳባኔ ታኒ ዳንዳዲ ሜቱዋ ኤራሳ፤ ጎዳይ ታና ሄ ኡባፊ አሺሰ።

12 ከሪሰቶስ ዬሱሳን ያሳ ኡፋይሲያ ዴዎ ዳናው ኮያ ኡባይ ጎዳታና።

13 ኢታ አሳቲኔ ባሌሌይሳቲ ባንታው ባሌቲሼኔ ሃራታ ባሌሊሼ ካሴቴ ኢቲ ኢቲ ባና።

14 ሺን ኔ ታማሪዳ ቱማኒኔ ኔ አማኒዳ አማኑዋን ኤቃ። ኔ ኦዴፊ ታማሪዳኮ ኤራሳ።

15 ኔኒ ኔ ናሳቴላፊ ደማዳ ከሪሰቶስ ዬሱሳ አማናዳ አቶቴሌ ዳሚያ ጨንጫቴሌ አማናው ዳንዳዲያ ጌሻ ማፃፋታ ኤራዳሳ።

16 ጌሻ ማፃፋ ኡባይ ያሳፊ አሚቲዳ ቃላ። ሄ ማፃፋይ ቱማ ታማርሳናው፡ ባሊዳይሳታ ሴራናው፡ ሱሪሳናዉኔ ያሎቴላ ዲሳስ ኮሺያ ዘሬ አማናው ማዴሰ።

17 ያሳ አሲ ፖሎኔ ሎዎ አሶ ኡባ አሳናው ጊጊዳይሳ ጊዳና ሜላ ማዴሰ።

4

1 ታኒ ኔና ያሳ ሲንላኒኔ፡ ካዎ ጊዲዲ ሃራናው ቆንጨያ ዋዴ ፓፃታኔ ሃይቁዳይሳታ ፐርዳናው ዳዲያ ከሪሰቶስ ዬሱሳ ሲንላን ዘራይሰ።

2 ቃላ ኦዳ፤ ዋዴይ አንጃቲን አንጃቶና ኢዊን ሚናዳ ኦዳ። ዳሮ ዳንዳዲኔ ታማርሶን አሳ ዘራ፡ ሴራኔ ዳንሌላ።

3 አሳይ ቱማ ቲሚርቲያ ሲዎና ኢዲያ ዋዴይ ያና። ኤንቲ ባንታ አሙዋ ካሊዲ፡ ባንታው ሲዳናው ኡፋይሲያ ቡዲያ አሰታማራታ ሺሾሶና።

4 ኤንቲ ቱማ ቲሚርቲያ አጊዲ፡ ቱማ ጊዳና ኦዳ ሲዳናው ባንታ ሃይላ ዛሮሶና።

5 ሺን ኔኒ ኡባባን ኔና ሃራ። ሜቱዋ ዳንዳዳ። ዋንጌላ ማርካቴላ አሱዋ አላ። ኔው አሚቲዳ ያሳ አሶ ኡባ ፖላ።

6 ታኒ ያርሼቲያ ዋዴይ ጋኪሰ፤ ሃ አላሚያ አጋዳ ቢያ ዋዴይ ማቲሰ።

7 ታኒ ሎዎ አላ አሌታሰ፤ ታ ጋዲያ ዋፃዳ ወርሳሰ፤ አማኑዋ ናጋሰ።

8 ሲንላፊ ያሎቴላ ካላቻይ * ታና ናጌሰ። ሄሳ ያሎ ፐርዳ ፐርዲያ ጎዳይ ሄ ጋላሰ ታው አማና። ሄሳ ታ ያላላሰ ጊዳናሺን ኢያ ቆንጫኦላ አሞቲያ ኡባሰ አሚና።

ጳውሎሳ ቡዞ ቆፋታ

9 ኤሊሳ ያዳ ታና ቤ።

10 ዴማሲ ሃ አላሚያን ዴዲያባታ ደሲዲ፡ ታና አጊዲ፡ ቴሴሎንቄ ካታማ ቢሰ። ቁርቁሲ ጋላቲያ ቢታ፡ ቃሲ ቲቶይ ዲልማዲያ ቢታ ቢሰ።

3:8 ከሳ 7:11 3:11 ሃ.ኦ 13:14-52፤ 14:1-20 * 4:8 ያሎቴላ ካላቻይ፡ ያሎቴላ ዴዎ ጊሾ ታ ኢካና ካላቻ። ያሎቴላ ታው ካላቻ አሌዲ አሚሰ ጉሰ። 4:10 ቆላ 4:14፤ ፊልሞ 24፤ 2ቆር 8:23፤ ጋላ 2:3፤ ቲቶ 1:4 4:11 ቆላ 4:14፤ ፊልሞ 24፤ ሃ.ኦ 12:12፤ 25፤ 13:13፤ 15:37-39፤ ቆላ 4:10

11 ሉቃሳ ፃላሊ ታራ ዴዔስ። ማርቆስ ያሳ አሱን ታና ማዳናው ዳንዳዊያ ጊሾ ኔራ ኤካዳ ያ።

12 ታኒ ቲኪቆሳ ኤፌሶና ካታማ ኪታስ።

13 ኔኒ ያሼ፣ ሂሮዳዳ ካታማን ካርፖሳ ማታን አጋዳ ዪዳ ታ ኮተያኔ ማፃፋታ ታው ኤካዳ ያ። ኡባካ ጋልባን ፃፊቲዳ ማፃፋታ ኤኮና ዮፓ።

14 ቢራታ ቆሂያ ኢስኪንዲሬይ ታና ዳሮ ቆሂስ፤ ጎዳይ ኢያ አሱዋዳ ኢያው ዛራና።

15 ኢ ኑ ቲሚርቲያ ዳሮ ኢዲያ ጊሾ ኢያፔ ኔና ናፓ።

16 ኮይሮ ታ ሞቲቲያ ዎዴ ኡባይ አጊዲ ቢዶሶናፔ አቲን ኦኒካ ታና ማዲቤና። ያሳይ ሄ ባላ ኤንታው ታይቦፖ።

17 ሺን ታኒ ኩሜላ ኪታ አይሁዴ ጊዶና አሳ ኡባስ ማርካቲን፣ ኤንቲ ሲዓና ሜላ ጎዳይ ታ ማታን ኤቁዲ ታው ዎልቃ ኢሚስ። ቃሲ ኮሻቲዳ ጋሞዳ ዶና ዶዪዳ ሃይቁዎፔ ታና አሺስ።

18 ጎዳይ ታና ኢታ ኡባፌ አሺዲ ባ ሳሎ ካዎቲላ ሳሮን ኤፋና። ኢያው ሜሪናፔ ሜሪና ጋካናው ቦንቾይ ጊዶ። አሚንዲ።

ወርሴላ ሳሮሶ

19 ጸረሰቁላስ፣ አቁላሰኔ አኔሰፎራ ሶ አሳስ ታ ሳሮሱዋ ኦዳ።

20 ኤራስፆሲ ቆሮንቶሳ ካታማን አቲስ። ሂሮፊሞሲ ሃርጌቲዳ ጊሾ ሚሊፆ ካታማን አጋስ።

21 ባልጎይ ጌላናፔ ሲንሌ ኤሌሳዳ ያ።

ኤዉቡሉሲ፣ ጰዴሲ፣ ሊኑሲ፣ ቁላዴይኔ ሃራ አማኒያ አሳቲ ኡባይ ኔና ሳሮ ሳሮ ጎሶና።

22 ጎዳይ ዬሱስ ኪሪስቶሲ ኔ አያናራ ጊዶ።

ያሳ ማርቲላይ ሃንቲ ኡባራ ጊዶ።

ጳውሎስ ተቶስ ፃፊዳ ኪታ ጋላ ቆፋ

ተቶይ አይሁዳ ጊደና አሲ፣ ሺን ጉዬፔ አማኒዲ፣ ጳውሎስ ዋንጌላ ኪታ ኦሱዋ ኦሊያ ዋዴ ማታን ኢያ ማዲዳ አሲ። ሄ ዋዴ ተቶይ፣ ዋሳ ኬላ ፃላናውኔ ናጋናው ቃርፃሳ ቢታን አተሰ። ሃ ኪታይ ሄቸ አይፌ ቆፋታ ኦይኬሰ።

1) ዋሳ ኬላ አይሲያ አሳይ፣ ኢታ ዲሱ ዴዲያ ቃርፃሳ አሳ ማታን አይ ማላ ሎዖ ዲሱ ዳናው ኮሺያኮ ተቶ አኬኪሲሰ።

2) ዋሳ ኬላ ጊደን ዴዲያ ዴማ ዴማ ጨጌታ፣ ሂሲካ፣ ጨማ አሳታ፣ ያላጋ አዴታኔ አይሌታ ዋቲ ታማርሳናው ቤሲያኮ ተቶ ዞሬሰ።

3) አማኒያ አሳ አማኖ ዲሳባ፣ ሂሲካ፣ ሳርቴላኔ ሲቆን ዳናባ፣ ዋሳ ኬላ ጊደፌ ኦሺ፣ ፓላማኔ ሻሆቴላ ዲጋናባ ተቶስ ዞሬ አማሰ።

ተቶ ኪታ አይፌ ቆፋታ

- ጌሎ ቆፋ 1:1-4
- ዋሳ ኬላ ካሌሊያ አሳ 1:5-16
- ዋሳ ኬላን ዴዲያ ዴማ ዴማ ጨጌታ ኦሶ 2:1-15
- ዞሬኔ ናጊሶ 3:1-11
- ኮሻ ቆፋ 3:12-15

1 ዬሱስ ኪሪስቶሳ ሃዋሬይኔ ያሳ አይሌይ፣ ጳውሎስ፣ ፃፊዳ ዲብዳቢያ። ያሳይ ደሪዳ አሳ አማኑዋ ዲቻናዳኔ ቱማ አያና ዴዑዋ ዋኒዲ ዳኔኮ ቤሲያ ቱማ ኤራኮ ኤንታ ካሌላናው ታኒ ከቴታሰ።

2 ሄ አማኖይኔ ኤራቴላይ ማሪና ዴዑዋ ኡፋይሳ ቦላ ዜምፕሰ። ሄሳ ዳሮ ዋዴፔ ስንሌ ዋርዶቶና ያሳይ ኦስ አማና ጊዲ ቃላ ጌሊሰ።

3 ኦና አሺያ ያሳይ ባ ዋዴን ሃ ኪታ ኦዳና ማላ ታው ሃዳራ አሚሰ።

4 ኦ ኮሌ አማኑዋን ታ ቱማ ናባ ጊዲዳ ተቶ፣

ያሳ አዋፔኔ ኦና አሺያ ዬሱስ ኪሪስቶሳፔ አጼ ኬሃቴላይ፣ ማርቴላይኔ ሳርቴላይ ኔው ጊደ።

ተቶይ ቃርፃሳን ኦሊያ ኦሱዋ

5 ታኒ ኔና ቃርፃሳን አጋዳ ዪዳይ፣ ኔኒ አቲዳባ ጊጊሳናዳኔ ታኒ ከቲዳይሳዳ ካታማ ኡባን ዋሳ ኬላ ጨማታ ደራና ማላሳ።

6 ጨማ ቦሬቶናይሳ፣ ኢሲ ማቼ አዚና፣ ማራ ጳዮን ዋይኮ ከቴቴላ ኢያን አሲ ቦርና አማኒያ ናይቲ ዴዲያ አሲ ጊዳናው ቤሲሰ።

7 ዋሳ ኬላ ጨማ ያሳ ኦሱዋ ሃዳራ ኤኪዳ ጊሾ ቦሬቶናይሳ፣ ኦቶርቶናይሳ፣ ኤሌ ዪሎቶናይሳ፣ ማሶቶናይሳ፣ ኦዳ ማጽናይሳኔ ቤሶና ጎሳሰ ዳፌቶናይሳ ጊዳናው ቤሲሰ።

8 ሺን አማሌ ሞኬይሳ፣ ሎዖባ ኡባ ደሴይሳ፣ አኬካንቾ፣ ግሎ፣ ጌሺኔ ባና ሃሬይሳ ጊዳናው ቤሲሰ።

9 ሃራታ ሱሬ ተሚርቲያን ማንሌላናውኔ ሄ ተሚርቲያ አፃይሳታ ዛራናው ባ ታማሪዳ ቱማ ቃላን ማኒዲ ኤቃናው ቤሲሰ።

10 ከቴቶናይሳቲ፣ ፓሶና ኦዳ ኦዴቴይሳቲ፣ ጨማይሳቲ ኡባካ ቃፃሬቴላ ዋጋ ናጊያ ዳሮ አሳቲ ዴዖሶና።

11 ኤንቲ ቤሶና ኦጌን ሚሾ ዴማናው ኮዪዲ፣ ታማርሳናው ቤሶናባ ታማርሲሾ ኬላ አሳ ኡባ ኢሲያ ጊሾ ኤንታ ተሚርቲያ ቴቃናው ቤሲሰ።

12 ኤንታ ናቤታፔ ኢሶይ፣ «ቃርፃሳ አሳይ ኡባ ዋዴ ዋርዶ ኦዴቶሶና፤ ኢታ ደዓታኔ አዛላ ያራምባታ»* ያጊሰ።

13 ሃ ማርካቴላይ ቱማ ማርካቴላ። ሄሳ ጊሾ፣ ኤንታው ቱማ አማኖይ ዳና ማላ ኤንታ ሃንቁታ።

14 ቱማ ኢጊያ አሳ ተሚርቲያኔ አይሁዳቲ ፓሶና ቶሲያ ሲዖና ማላ ኤንታ ሴራ።

15 ባንታው ጌሺ ጊዲዳይሳታሰ ኡባይ ጌሺ፣ ሺን ቱናታሲኔ አማኖናይሰታሰ ኤንታ ቆፋይኔ ካሃይ ቱኒዳ ጊሾ ኤንታው አይቢካ ጌሺ ጊዳና።

16 ኤንቲ ኦ ያሳ ኤርሰ ጎሶና፣ ሺን ባንታ ኦሱዋን ኢያ ካደሶና። ኤንቲ ያሳን ኢፃቲዳይሳታ፣ ከቴቶናይሳታኔ ሎዖ ኦሶ ኡባሰ ጊደናይሳታ።

2

1 ሺን ኔኒ ሱሬ ተሚርቲያ ጳሌቆና ተሚርቲያ ታማርሳናው ቤሲሰ።

1:4 2ቆር 8:23፤ ጋላ 2:3፤ 2ጊዋ 4:10 1:6 1ጊዋ 3:2-7 * 1:12 ቃርፃሳ አሳይ ኡባ ዋዴ ዋርዶ ኦዴቶሶና፤ ኢታ ደዓታኔ አዛላ ያራምባታ። ሄሳ ያጊዲ ኦዲዳ ናቤይ ኤጲማንዴሳ ጌቴኮስ።

2 ጨማ አዳቲ ባንታና ሃሪይሳታ፡
ዋፑ ገዳይሳታ፡ ቦንቹቲዳይሳታ፡
አማና፡ ሰቆኒኔ ዳንዳባን፡ ሚና ገዳና
ሚላ ዘራ።

3 ሄሳዳካ፡ ጨማ ማጫሳይ
ባንታ ዱሳን ገሻታ፡ ዘገሮናይሳታ፡
ዋይኔ ኡሻን ሃሪቶናይሳታኔ ሎዎባ
ታማርሴይሳታ ገዳና ሚላ ታማርሳ።

4 ኤንቲ ሄሳዳ ሃኒኮ ያላጋ ማጫሳይ
ባንታ አዘናታኔ ባንታ ናይታ ሲቃና
ሚላ ታማርሳናው ዳንዳባሰና።

5 ያሳ ቃላይ ቦሪቶና ሚላ
ባንታና ሃሪይሳታ፡ ገሻታ፡ ባንታ ሶን
ኦሌይሳታ፡ ኬሃታኔ ባንታ አዘናታሰ
ከቲቲይሳታ ገዳና ሚላ ያላጋ ማጫሳ
ታማርሳና።

6 ሄሳዳካ፡ ያላጋ አዳቲ ባንታና
ሃሪና ሚላ ዘራ።

7 ኔኒ ኔ ሁዓን ሎዎ ኦሶ ኡባን
ኤንታው ለሚሶ ገዳ። ኔኒ ኔ
ቲሚርቲያን ኤቁዳይሳኔ አማኔቲዳይሳ
ገዳ።

8 ኑ ሞርኬቲ ኑና ዘገራናው
ጋሶያባይ ኤንታው ቆዩን ኤንቲ ዬሳታና
ሚላ ኔኒ ቦሪቶና ሎዎ ኦዳ ኦዳታ።

9 አይሌቲ ኡባባን ባንታ ጎዳታሰ
ከቲታና ሚላ፡ ኤንታ ኡፋይሳና ሚላኔ
ኤንታራ ፓላሞና ሚላ ዘራ።

10 ኤንቲ ባንታ ጎዳታፔ ካይሶቶ።
ሄሲካ፡ ኑና አሺያ ያሳ ቲሚርቲይ፡ ኡባ
ኦጌን ደሴቲዳይሳ ገዳና ሚላ ባንታ
ኦሌያ ኦሱዋን አማኔቲይሳታ ገዳይሳ
ቤሳና ሚላ ኤንታ ዘራ።

11 አሴ አሺያ ያሳ አቶ ኬሃቴላይ
አሳ ኡባሰ ቆንጨሰ።

12 ሄ አቶ ኬሃቴላይ፡ ኑ ናጋራኔ ሃ
አላሚያ አሙዋ አገዲ፡ ሃ ዎዲያን ኑና
ሃሪዲ፡ ቱማ አያና ዴቦብኔኔ ያሎቴላን
ዳና ሚላ ኑና ታማርሴሰ።

13 ኑኒ አንጃቲዳ ኡፋይሳ ገዲዳ
ገታ ያሳኔ ኑና አሺያ ዬሱሰ ከሪሰቶሳ
ቦንቾ ቆንጨቴላ ናሰ።

14 ኢታ ኦሶ ኡባፌ ኑና ዎዛናውኔ
ሎዎባ ኦላናው አሞቲያ ባ ገሻ አሴ
ኬሳናው ኑ ገሾ ባና አላ ኢሚሰ።

15 ኔኒ ሃይሳ ታማርሳ፤ ኩሚላ
ማታን ዘራ፡ ሴራ፤ ኦኒካ ኔና ካቶ።

3

አማኒያ አሳ ኦሶ

1 አሳይ ዴሪያ ሃሪይሳታሰ፡ አዋቴላይ
ዴዔይሳታሰ ሃሪታናው፡ ከቲታናውኔ
ሎዎ ኦሶ ኡባ ኦላናው ገኬቲዳይሳታ
ገዳና ሚላ አኬኪሳ።

2 ቃሲ ኤንቲ ኦዴ ቦላካ ኢታ
ኦዴቶና ሚላ፡ ሳር አሴ ገዳና ሚላ፡
አሽኬታኔ አሳ ኡባሰ ካቆቴይሳታ
ገዳና ሚላ ዘራ።

3 ኑኒ ካሴ ኤያታ፡ ከቲቶናይሳታ፡
ባሌቲዳይሳታ፡ ዴማ ዴማ አሾ
ኡፋይሳሲኔ አሞሰ አይሌቲዳይሳታ።
ኑኒ ኢታቴላኒኔ ቃናቲን ኩሚዳይሳታ፤
ኑ አሴ ኢጄይሳታ፡ አሴካ ኑና
ኢጄይሳታ።

4 ሺን አሺያ ያሳ ኬሃቴላይኔ ሲቆይ
ቆንጨዳ ዎዴ

5 ኑ ኦሌዳ ያሎ ኦሱዋ ገሾ
ገደናሺን ባ ማርቴላ ገሾ ኑና አሺሰ።
ኑና ኢ አሺዳይ፡ ናሞባንሎ ዬሌቴላ
ሚቻኒኔ ገሻ አያና ባጋራ ኢሚዳ ኦራላ
ዴቦብኒ።

6 ሄ አያና፡ ያሳይ ኑና አሺያ ዬሱሰ
ከሪሰቶሳ ባጋራ ኑ ቦላ ዳርሲዲ
ጉሲሰ።

7 ባ አቶ ኬሃቴላ ባጋራ ኑና
ዲሊሲዲ ሚሪና ዴቦብ ላታ ኡፋይሳ
ኦይካና ሚላ ሄሳ ኦሌሰ።

8 ሃ ቃላይ አማኔቲዳ ቃላ።
ያሳ አማኔይሳቲ ሎዎ ኦሶ ኦላናው
ገገዳይሳታ ገዳና ሚላ ኔ ሃ ቃላ
ሚንላዳ ኦዳና ሚላ ታ ኮያይሰ።
ሃይሳቲ አሴ ኡባሰ ሎዎኔ ጎዔይሳታ።

9 ሺን ኤያቴላ ፓላማፔ፡ ኮቻ
ታይቦፔ፡ ካቻፌኔ ሃጌ ጋሶን ዴንዲያ
ኦሻፌ ናጌታ። ሄሲ ጎዲኔ ዎዴይ
ባይናባ።

10 ሻሆቴላ ሚጲያ ኡራ ኮይር ዘራ፤
ናሞባንሎ ሃንቁታ ሃሳፌ ጉዬ ኢያፔ
ሃካ።

11 ሄሳ ሚላ አሴ ጌላኔ ናጋራንቾ፤
ኢ ባ ቦላ ፐርዴይሳ ኤራ።

ወርሴላ ዘሪ

12 ታኒ ባልጎ ያን ሻጫናው ቆፒዳ
ገሾ አርፄማሳ ዎይኮ ቲኪቆሳ ኔኮ
ከቲያ ዎዴ ኔ ታኮ ኒቆጲሊዮና ያናው
ሚና።

13 ሃጌ ኤሪያ ዜናሲኔ አጲሎሲ ኦጌ
ቢያ ዎዴ ኤንታው ኮሺያባይ ፓጮና
ሚላ ኤንታ ማዳ።

14 ኑ አሳይካ ፓሶና አሲ ጊዲዲ
አቶና ሜላ ባንታው ኮሺያባ ደማና
ሜላ ሎዖ ኦሶ ኦላናው ሚኒዲ ታማሮ።

15 ታራ ዳዲያ ኡባይ ኔና ሳሮ ጎሶና፤
አማኖን ኑና ሲቁያ አሳ ሳሮ ጋ።

ዖሳ አጼ ከሃቴላይ ሂንቴ ኡባራ
ጊደ። አሚንዲ።

ጳውሎስ ፊልሞናስ ፃፊዳ ዳብዳቤያ ጋሳ ቆፋ

ፊልሞኒ ኤሬቲዳ አማኒያ አሲ። ኢ ቆላስያሳ ዋሳ ኩላ አሲ ጊዳና አቴና። ፊልሞናስ አናስሞሳ ጊያ አይሌይ ዴዴስ። ሄ አይሌይ ባ ጎዳፔ ቤቲዲ ቢዳ ዋዴ ቃሾ ኩላን ዴዴያ ጳውሎሳራ ጋሄቲስ። አናስሞሲ ዩሱሳ አማናና ማላ ኦሊዳይ ጳውሎሳ። ጳውሎስ ፊልሞናስ ፃፊዳ ዳብዳቤይ፣ ፊልሞኒ ጉዩ ሲሚዲ ኢያኮ ቢያ ባ አይሊያራ ሲጌታና ማላ አኬኪሴስ። ጉጂዲካ ሃዲ አናስሞሲ አማኒያ አሲ ጊዲዳ ጊሾ ሂዛፔ ጉዩ አማኒያ አሻዳ ኢያ ሞኪ ኤካና ማላፔ አቴን አይሌዳ ኢያ ታይቦናዳ ኢያው ኦዴስ።

ፊልሞና ኪታ ኣይፌ ቆፋታ

ሳርሶ 1-3

ጋላታኔ ዋሳ 4-7

ጳውሎስ አናስሞሳ ጊሾ ፊልሞና
ዋሲስ 8-21

ኩሻ ቆፋ 22-25

1 ታኒ ጳውሎስ፣ ዩሱስ ኪሪስቶሳ ጊሾ ቃሾን ዴዴይሲኔ ኑ አሻ ሂሞቲዮሲ፣ ኑራ ኦሊያ ኑኒ ደሲያ ፊልሞናስ።

2 ኔ ሶን ሺቁያ ዋሳ ኩላስ፣ ኑ ሚቹ አፊቢያሲኔ ኑራ ኢሲፌ ዴዴያ ዋታዳሬ አርኪጳሳስ ፃፊዳ ኪታ።

3 ያሳ ኑ አዋፔኔ ኑ ጎዳ ዩሱስ ኪሪስቶሳፔ አጾ ከሃቴላይኔ ሳርቴላይ ሂንቴው ጊዶ።

ፊልሞና ሲቁዋኔ አማኑዋ

45 ኔኒ ጌሻታ ደሴይሳኔ ጎዳ ዩሱሳ አማኔይሳ ታኒ ሲዲያ ጊሾ ያሳ ዋሳሼ ኔና ቆፒያ ዋዴ ኡባን ታ ያሳ ጋላታይስ።

6 ኔኒ ኔ አማኑዋ ሃራታስ ሻኬይሲ ኑስ ኪሪስቶስ ዩሱሳ ባጋራ ያ ሎያባ ኡባ ኤሪሳና ማላ ታኒ ያሳ ዋሳይስ።

7 ጌሻታ ዋዛናይ ኔ ኦሱዋን ሚኒዳ ጊሾ ታ አሻው፣ ታኒ ኔ ሲቁዋን ዳር ኡፋይሲኔ ሚንሌሶ ዴማስ።

ጳውሎስ አናስሞሳባ ፊልሞናስ ኦዲስ

8 ሃሳ ጊሾ፣ ኔኒ ኦላናው ቤሲያባ ኦላና ማላ ኔና ኪታናው ኪሪስቶሳ ባጋራ ታው ሚኖቴሌ ዴዴስ።

9 ታኒ፣ ጨማይ ጳውሎስ፣ ኪሪስቶስ ዩሱሳስ ሃዲካ ቃሾን ዴዴይሲ፣ ሲቆን ኔና ዋሳይስ።

10 ታኒ ቃሾን ዴዴይሲ ኢያው ዞሪያ አዋ ጊዳዳ ታ ናዳ አናስሞሳ ጊሾ ኔና ዋሳይስ።

11 ኢ ካሴ ኔና ማዳና፣ ሺን ሃዲ ኔናካ ታናካ ቱማ ሚዲያ አሲ።

12-13 ታኒ ዋዛናፔ ደሲያ አናስሞሳ ኔኮ ዩዳይስ። ታኒ ዋንጌላ ጊሾ ቃሾቲዳሺን፣ ኔ ጊሾ ታው ኦሊዲ ታና ማዳና ማላ ታ ማታን ኢያ አሻናው ኮያስ።

14 ሺን ኔ ሺኔዳ ኦላናው ኮያሲፔ አቴን ኔራ ዞሪቶና ዋልቃን አይኮካ ኦላናው ኮዪኬ።

15 አናስሞሲ ጉላ ዋዴ ኔፔ ሻኬቲዳይስ፣ ኦኒ ኤሪ ሲሚዲ ኡባ ዋዴ ኔራ ዴያና አጌና።

16 ሂዛ፣ ሃይሳፌ ጉዩ አናስሞሲ አይሌ ጊዳናሺን አይሌፌ ኢ ዳር አጴስ። ኢ ታው አይ ማላ ሲቆ ኢሼ! ቃሲ ኢ ኔው አሳ ባጋራካ ጎዳ ባጋራካ አጲዳ አሻ።

17 ሂዛ፣ ኔኒ ታና ኔ ላጌ ጊያባ ጊዳኮ ታና ሞኬይሳዳ ኢያ ሞካ።

18 ኢ ኔና ቆሂዳባይ ደይኮ ኢ አጮቲዳባይ ዴዴኮ ታፔ ኤካ።

19 ሃ አጩዋ ታኒ ቃንፃና ጋዳ ታኒ፣ ጳውሎስ፣ ታ ኩሺን ፃፋይስ። ኔኒ ታው ኔ ሺሞፑዋ አጮታ ኡቲዳይሳ ታኒ ኔና አኬኪሳናው ኮሼና።

20 ታ አሻው፣ ጎዳ ባጋራ ኔፔ ማዴ ዴማናው ኮያይስ። ኪሪስቶሳ ባጋራ ታና ሚንሌሳ።

21 ታኒ ጊዳይሳፌ ዳር ኔኒ ኦላናይሳ ኤራዳ ቃሲ ኔ ታው ኪቴታናይሳ አማናዳ ሃይሳ ፃፋይስ።

22 ያሳይ ሂንቴ ዋሳ ሲዲዲ ታና ሂንቴኮ ጉዩ ዛራና ጋዳ ቆፒያ ጊሾ ታው ኢማሌ ሺሞፒያ ኬሌ ጊሲሳ።

ወርሴላ ሳርታ

23 ኪሪስቶስ ዩሱሳ ጊሾ ታራ ቃሾን ዴዴያ ኤጳፊሪ ኔና ሳር ሳር ጌስ።

24 ቃሲ ታራ ኢሲፌ ኦሊያ ማርቆሲ፣ አርስፃርኮሲ፣ ዴማሲኔ ሉቃሲ ኔና ሳር ሳር ጎሶና።

25 ጎዳ ዩሱስ ኪሪስቶስ አድ
ኬሃቴላይ ሂንቴ አያናራ ጊድ።

ኢብራዊ አሳሰ ፃፊቱዳ ኪታ ጋሳ ቆፋ

ሃ ኪታይ ፃፊቱዳይ፡ ዋልቃማ ማቶይ ጋኪን፡ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፊይ፡ ዩሱስ ኪሪስቶስ ወርሴላኔ ቱማ ያሳ ቆንጩላ ጊዳይሳ ኢብራዊ አሳሰ ቤሴስ። ሄ አማኒያ አሳይ ባንታ አማኑዋን ሚናና ሜላ ኤንታ ሚንሌሌስ። ኢ ሄሳን ሄዡ አይፊ ቆፋታ ዋናዩዲ ቤሴስ።

1. ዩሱሲ ባ ኤኪዳ ሜቱዋን አዋሰ ቱማ ኪቲቲዳ ሚሪና ያሳ ናዓ። ኢ ያሳ ናዓ ጊዲዳ ገሾ ጋልዓ ጫቁዋ ዋዴ ደዒያ ናቤታፕ፡ ኪታንቸታፕ፤ ሙሴፕ ቦላ።
2. ዩሱሲ ጋልዓ ጫቁዋ ካሂንታፕ ዳር አጲያ ሚሪና ካሂኔ ጊዳይሳ ያሳይ ባ ሁዔን ማርካቲስ።
3. ዩሱሳ ባጋራ አማኒያ አሲ ናጋራፕ፡ ያሻፊኔ ሃይቆፕ አቲስ። ዩሱሲ ካሂኔ ሃላቃ ጊዳይሳዳ፡ ካሴ ኢብራዊታ አማኖ ዋጋኒኔ ሜሃ ያርሾን ኩያዳ ቤንቲያ አቶቴላ ሃዒ ቱማ ኦሊስ።

ፃፊይ ኢስራዔል አሳ ታሪከን ዳር ኤሪቲዳ አሳ አማኖ ለሚሶ ኦሊ ኤኪዳ (ሺም 11) ሃ ማፃፋ ናባቢያ አሳቲ ባንታ አማኑዋን ሚናና ሜላ አኬኪሴስ። ሄሳዳካ፡ ሺምፖ 12 ናባቤይሳቲ ባንታ አይፊያ ዩሱሳ ቦላ ዋሊዲ፡ ባንታ አማኑዋን ሚናና ሜላኔ አይ ሜቶይኔ ዋዩይ ጋኪኮካ፡ ኤንቲ ኒንጫና ሜላ ዘሪስ። ወርሴላን ዘሪኒኔ አኩኪሶ ቃላን ባ ኪታ ኩዩስ።

ኢብራዊ ኪታ አይፊ ቆፋታ
ጌሎ ቆፋ፡ ያሳይ ኪሪስቶሳን ቆንጪዳይሳ 1:1-3
ኪሪስቶሲ ኪታንቸታፕ ቦላ 1:4-2:18
ኪሪስቶሲ ሙሴፕ፤ ኢያሱፕ ቦላ 3:1-4:13
ኪሪስቶሳ ካሂኔቴላይ ቦላ 4:14-7:28
ኪሪስቶሳ ጫቆይ ቦላ 8:1-9:22

ኪሪስቶሳ ያርሾይ ቦላ 9:23-10-39
አማኖ ባይራቴላ 11:1-12:29
ያሳ ኡፋይሶ 13:1-19
አንጅኔ ኩሻ ቆፋ 13:20-25

ናዓይ ኪታንቸታፕ ቦላ
1 ካሴ ያሳይ፡ ኑ አዋታሰ ናቤታ ባጋራ ዲማ ዲማ ኦኒን ዳር ዋዴ ኦዲስ።
2 ሺን ሃ ወርሴላ ዋዲያን ኡባ ኢያ ላቲሲዳ ቃሲ አላሚያ ኢያ ባጋራ ሜጲዳ ባ ናዓ ባጋራ ኑስ ኦዲስ።
3 ናዓይ ያሳ ቦንቸዋ ጰሌላኔ ኩሜላ ያሳ ያሳቴላ ኤኪዲ፡ ባ ዋልቃማ ቃላን ሃ አላሚያ ካቲሲዲ ኦይኪስ። አሳ ኤንታ ናጋራፕ ጌሺዳፕ ጉዩ ኡባፊ ቦላ ያሳ ኡሻቻ ባጋን ሳሉዋን ኡቲስ።
4 ኢያው አሚቲዳ ሱንላይ ኪታንቸታ ሱንላፊ ቦላ ጊዳይሳዳ ኢ ኤንታፊ ቦላ።
5 ሃዛ፡ ያሳይ ኪታንቸታፕ ኦዴኮ፡ «ኔኒ ታ ናዓ፤ ታ ሃቺ ኔው አዋ ጊዳሰ» ጊዴ? ዋይኮ ቃሲ ኦዴኮ፡ «ታኒ ኢያው አዋ ጊዳና፤ አካ ታው ናዓ ጊዳና» ጊዴ?
6 ቃሲ ያሳይ ባ ባይራ ናዓ ሃ አላሚያ ኪቲሹ፡ «ያሳ ኪታንቸቲ ኡባይ ኢያው ጎይና» ያጌስ።
7 ያሳይ ኪታንቸታባ ኦዲሹ፡ «ያሳይ ባ ኪታንቸታ ጫርኮ፡ ባ አይሌታ ታማ ላጮ ኦሌስ» ያጌስ።
8 ሺን ባ ናዓባ ኦዲሹ፡ «ያሳው፡ ኔ ካዋቴላይ ሚሪናው ደዒስ። ኔ ካዋቴላ ኔ ዒሎቴላን አይሳሳ።
9 ኔኒ ዒሎቴላ ደሳዳሳ፤ ኢታ ኢፃዳሳ። ያሳይ፡ ኔ ጎዳይ፡ ኔና ኔ ላጌታፕ ኦሊዲ ደሪስ፡ ኡፋይሳ ዛይቴ * ኔና ቲዩስ» ያጌስ።
10 ያሳይ ዛሪዲ፡ «ጎዳው፡ ኮይሮ ኔኒ ሳዓ ሜጲዳሳ፤ ሳሎቲ ኔ ኩሼ ኦስ።
11 ሄሳቲ ኡባይ ጳያና፤ ሺን ኔኒ ዳና።

1:5 ማዝ 2:7፤ 2ሳሙ 7:14፤ 1ታሪ 17:13 1:6 ዛሪ 32:43 1:7 ማዝ 104:4 1:8 ማዝ 45:6-7 * 1:9 ኡፋይሳ ዛይቴ፡ ኢ ካዋቴያ ዋዴ አሳይ ኡፋይሳን ኢሊሊዲ ኢያ ካዋሌይሳ ቤሴስ።
1:10 ማዝ 102:25-27

እነሆ ስብዓ ዓመታት ወራና።
 12 ኔ፤ እነሆ ሳሌናዳ ዓፃና፤
 ቃሲ እነሆ አፊላዳ ላሚታና።
 ሺን ኔ፤ ኡባ ዋዴ ኔና፤
 ኔ ላይላይካ ወራና።
 ያጌሰ።
 13 ሺን ያሳይ ከታንቸታፔ ኦዴኮ።
 «ታኒ ኔ ሞርኬታ ኔ ቶሆይ
 ዩዲያሶ ኦላና ጋካናው።
 ሃይሳን ታፔ ኡሻቻ ባጋን ኡታ» ገዴ?
 14 ከታንቸታፔ ኡባይ አቶቴላ ዴማናው
 ዴሚያ አሳታ ማዳናው ያሳይ ከቲዳ
 አያናታ ገደኮናዩ?

2

ገታ አንጅዋ
 1 ሃሳ ገሹ፣ ኮኒ ሲዲዳ ቱማፔ ሃራሶ
 ኤኬቶና ማላ ሄ ሲዲዳይሳ ሚንሉዲ
 ናጋናው ቤሴሰ።
 2 ሃዛ፣ ከታንቸታ ባጋራ ኦዴቲዳ
 ቃላይ ቱማ ገዴኮ፣ ኢያ ናቆይኔ
 ከቲቶና ኢያይ ፐርዳ ኤሃያባ ገዴኮ።
 3 ያፔ፣ ኮኒ ሃይሳ ማላ ገታ
 አቶቴላ ኢዳሰ ገኮ፣ ዋኒዲ አታኔ?
 ኮይሮ ጎዳይ ባ ሁዒን ሄ አቶቴላ
 ኦዲሰ፤ ቃሲ ኢያፔ ሲዲዳይሳቲ ኮሰ
 ጌሺዲ ማርካቲዶሶና።
 4 ቃሲ ያሳይ ማላታታን፣
 ኦራላባታን፣ ዲማ ዲማ ማላታኒኔ ባ
 ሺኒያዳ አሚዳ ጌሻ አያና አሞታታን
 ማርካቲላ ሚንሉሰ።

ዩሱሲ አሴ ገዴሰ
 5 ያሳይ ሃ ኮኒ ኦዲያ ሲንሳፊ ያና
 አላሚያ፣ ከታንቸታሰ ሃሪሲቤና።
 6 ጌሻ ማፃፋይ ኢሲ ቤሳን ሃይሳዳ
 ያጌሰ።
 «ኔ፤ አሳሰ ቆጋናው አሲ አይቤ?
 ዋይኮ ኔ፤ ኢያ ናጋናው ኢ
 አይቤ?»

7 ኔ ኢያ ከታንቸታፔ ጉላ ዋዴሰ
 ጉላዳሳ፤
 ኢያ ሁዒን ቦንቸኔ ሳባ ካላቻ
 ዋላዳሳ።
 8 ቃሲ ኡባባ ኢያ ቶሁዋፔ ጋርሳን
 ዋላዳሳ።
 ያጌሰ። ያሳይ ኡባባ ኢያው ሃሪሲያ
 ዋዴ ኢያው ሃሪቲቦናባይ አይቤካ
 ባዋ። ሺን ሃዲ ኡባባይ ኢያው
 ሃሪቲሺን ኮኒ ቤዲቦኮ።

9 ሺን ኮኒ ከታንቸታፔ ጉላራ ጉዲዳ
 ዩሱሳ ቤዶሰ። ያሳ አቶ ከሃቴላ ጋሶን
 ዩሱሲ አሳ ኡባሰ ሃይቁሰ። ኢ ዋዴ
 ሃይቆ ሃይቁዳ ገሾ ቦንቸኔ ሳባ ካላቻ
 ኢያ ሁዒን ዋላሰ።
 10 ኡባባይ ኢያውኔ ኢያ ጋሶን
 ማዴቲዳ ያሳይ፣ ዳሮ ናይታ ባራ
 ቦንቸሳናው እነሆ አቶቴላ ሁዒያ፣
 ዩሱሳ ዋዴን ፖሎ ኦላናው ኢያው
 ቤሴሰ።
 11 ዩሱሲኔ ሄ ኢ ጌሺዳ አሳ ኡባይ
 ኢሲ አዋ ናይታ። ዩሱሲ እነሆ፣ «ታ
 አሻታ» ገዴ ያጋናው ዩላቶናይ ሄሳሳ።
 12 ዩሱሲ፣

«ታኒ ኔ ሱንሳ ታ አሻታሰ አዋጃና፤
 ዴሪያ ሺቁዋን ኔና ጋላታና»
 ያጌሰ።
 13 ቃሲ ኢ፣ «ታኒ ታ አማኑዋ ኢያ ቦላ
 ዋላና» ቃሲካ፣ «ያሳይ ታው አሚዳ
 ናይታራ ታ ሃይሳን ዴሳይሰ» ያጌሰ።

14 ናይቲ አሾይኔ ሱሉ ዴዔይሳታ
 ገዴያ ገሾ ዩሱሲካ እነሆ አሴ
 ገዴሰ። ኢ ሃሳ ኦሉዳይ፣ ሃይቆ ቦላ
 ዋላቁ ዴሚያ ዓላሃያ ባ ሃይቁዋን
 ዳይሳናሳ።
 15 ቃሲ ባንታ ዴዶ ላይላ ኡባን
 ሃይቆ ያሻን አይሌቲዲ ዴዔይሳታ
 አይሌቲላፊ ዋዛናሳ።

16 ቱማ ዩሱሲ ዩዳይ አብራሃሚ
 ዜሬሉ ማዳናሳፊ አቲን ከታንቸታ
 ማዳናሳ ገዴና።
 17 አሳ ናጋራይ አቶ ጌቲታና ማላ
 ያሳ ሲንሳን ማሪያኔ አማኔቲዳ ካሂኔ
 ሃላቃ ገዴሰ። ሃሳ ገሹ፣ ኢ ኡባባን
 ባ አሻታ ዳናናው ቤሴሰ።

18 ኢ ባ ሁዒን ፓጩን
 ዋዴቲዳ ገሾ ፓጩቲይሳታ ማዳናው
 ዳንዳዔሰ።

3

ዩሱሲ ሙሴፔ ቦላ
 1 ሃሳ ገሹ፣ ያሳይ ያገዳ ጌሻ አሻቶ፣
 ኦ አማናን ጎዳ ገዴ ያገዳ ሃዋሪያኔ
 ካሂኔ ሃላቃ ዩሱሳ ቤዒቲ።
 2 ሙሴይ ያሳ ከላ ኡባን
 አማኔቲይሳዳ ዩሱሲካ ባና ዶሪዳ
 ያሳሰ አማኔቲዳይሳ።
 3 ከሌ ከዳይሲ ከላፊ አዲዲ
 ቦንቸቲይሳዳ ዩሱሲ ሙሴፔ አዲያ
 ቦንቸ ኤካናው ቤሴሰ።

4 ኢሲ ኢሲ ከላ ከዲዳ ኣሲ ዳዔስ፡
 ሺን ኡባ ገረሲዳይ ያሳ።
 5 ሙሴይ ያሳ ከላ ኡባን ኣማኔቲዳ
 ኣይሌ ገዲዲ፡ ያሳይ ሲንጻፊ ጋናባሰ
 ማርካ ገዲሲ።
 6 ሺን ኪሪሰቶሲ ያሳ ከላን ናዓዳ
 ኣማኔቲዳይሳ። ኑኒ ኤካና ገዲ ናገያ
 ኡፋይሳ ማንሱዲ ናገኮ ያሳ ከሌ
 ገዲሰ።

ያሳ ኣሳሰ ዳዒያ ሹምፑዋ
 7 ሃሳ ገሹ፡ ገሻ ኣናይ ጌይሳዳ፡
 «ሃቺ ሂንቲ ያሳይ ጌይሳ ሰዒያ ዋዴ
 8 ባዞ ቢታን ፓጩያ ጋላሰ፡
 ሂንቲ ኣዋቲ ማካሊዳይሳዳ፡
 ሂንቲ ዋዛና ማንሱፊ።
 9 ሂንቲ ኣዋቲ ታና ፓጩደሶና፤
 ኦይታሙ ላይሌ ታ ኦሱዋ
 ቤዒደሶና።
 10 ሃሳ ገሹ፡ ታ ሄ ዩሌቴላ ሃንቁታዳ፡
 ሔንቲ ኡባ ዋዴ ባንታ ዋዛናን
 ባሎሶና፤
 ታ ኦጊያ ኤሪቦኮና) ያጋሰ።
 11 ሃሳ ገሹ፡ ታኒ ታ ሃንቁዋን ጫቃዳ፡
 «ታ ሹምፑ ቤሳ ኡባካ ጌሎኮና)
 ያጋሰ»

ያገሰ።
 12 ታ ኣሻቶ፡ ሂንቲፊ ኦዴንካ፡ ዴዎ
 ያሳፊ ሂንቲና ሻኪያ ኢታኔ ኣማናና
 ዋዛኒ ዶና ማላ ናጌቲ።
 13 ሂንቲፊ ኦናካ ናጋሪ ባሌሱን፡ ባ
 ዋዛና ማንሱና ማላ «ሃቺ» ያጌቲዲ
 ዪጌቲሺን ጋላሰ ጋላሰ ኢሶይ ኢሱዋራ
 ዘራቲ።
 14 ኑ ኮይሮ ኣማኑዋ ኑኒ ዉርሴሌ
 ጋካናው ማንሱዲ ናገኮ፡ ኪሪሰቶሳራ
 ኢሲፊ ላታና።

15 ገሻ ማፃፋን፡
 «ሃቺ ያሳይ ጌይሳ ሂንቲ ሰዒያ ዋዴ
 ሄ ዋዴ ኤንቲ ማካላቴላን
 ሃኒዳይሳዳ፡
 ሂንቲ ዋዛና ማንሱፊ።»
 ያገሰ።

16 ያሳይ ገያባ ሰዒዲ ማካሊዳይ
 ኦኔ? ሙሴይ ገብጻፊ ካሌሌ ከሲዳ
 ኡባ ገደኮናዩ?
 17 ያሳይ ኦይታሙ ላይሌ ኦና
 ሃንቁቲዳ? ናጋራ ኦሊዳይሳታኔ ኤንታ
 ኣሃይ ባዞ ቢታን ዋዴ ኣቲዳ ኣሳታ
 ገደኮናዩ?

18 ቃሲ ያሳይ፡ «ታ ሹምፑ ቤሳ
 ጌሌከታ» ያገዲ ጫቃዳይ፡ ኢያው
 ከቲቶና ኣዲዳ ኣሳፔ ኣቲን ኦዴሴ?
 19 ሂዛ፡ ኤንቲ ሄ ሹምፑ ቤሳ ጌሎና
 ኣቲዳይ ኣማኒቦና ገሹ ገዴይሳ ኑ
 ቤዎስ።

4

1 ሂዛ፡ ያሳይ ኦና ባ ሹምፑ ቤሳ
 ጌልሳና ገዳ ቃላይ ቡሮ ሲንጻፊ ዳዒያ
 ገሹ ሂንቲፊ ኦኒካ ሄ ሹምፑ ቤሳ
 ጌሎና ኣቶና ማላ ናጌቶሰ።

2 ኤንታው ዋንጌላይ ሳባኬቲዳይሳዳ፡
 ኦሰካ ሳባኬቲሰ። ሺን ኤንቲ ሰዒዳባ
 ኣማኒዲ ኤኪቦና ገሹ ኤንታ ጎዒቤና።

3 ገደሺን፡ ኣላማይ ማዴቶሳፔ
 ደሚዲ ያሳ ኦሶይ ፖሌቲዳይሳ
 ገዲኮካ፡ ያሳይ፡
 «ታኒ ታ ሃንቁዋን ጫቃዳ፡

ታ ሹምፑ ቤሳ ኡባካ ጌሎኮና»
 ገዳይሳዳ፡ ኑኒ ኣማኒዳይሳቲ ኢያ
 ሹምፑ ቤሳ ጌላና።

4 ላፑንሳ ጋላሳባ ኢሲ ቤሳን፡
 «ያሳይ ላፑንሳ ጋላሳን ባ ኦሶ ኡባፊ
 ሹምፐሰ» ያገሰ።

5 ቃሲካ ሄ ቤሳን፡ «ኤንቲ ታ ሹምፑ
 ቤሳ ኡባራካ ጌሎኮና» ያገሰ።

6 ኮይሮ ዋንጌላ ሰዒዳይሳቲ ከቲቶና
 ኢዲዲ ሹምፑ ቤሳ ጌሊቦኮና። ያኒያ
 ገሹ፡ ሃዒካ ሄ ሹምፑ ቤሳ ጌላና ኢሲ
 ኢሲ ኣሳቲ ዴዎሶና።

7 ሃሳ ገሹ፡ ያሳይ፡ «ሃቺ» ገዲ ዪገሼ
 ኢሲ ጋላሰ ኦሰ ቃንዲሰ። ዳሮ ዋዴፔ
 ጉዬ ያሳይ ዳዊቲ ባጋራ፡

«ያሳይ ገያባ ሃቺ ሂንቲ ሰዒያ ዋዴ
 ሂንቲ ዋዛና ማንሱፊ።»

ያገዲ ኦዲሰ።

8 ኢያሱይ ኤንታው ሹምፑዋ ኣሚዳባ
 ገዲያኮ፡ ያሳይ ሃራ ጋላሳባ ጉዬፔ
 ኦዴናሺን።

9 ሂዛ፡ ያሳ ኣሳሰ ሳምባታ ሹምፑይ
 ናጌቲዲ ዳዒሰ።

10 ያሳ ሹምፑ ቤሳ ጌሊያ ኦኒካ፡
 ያሳይ ባ ኦሱዋፔ ሹምፐዳይሳዳ ኢካ
 ባ ኦሱዋፔ ሹምፓና።

11 ሃሳ ገሹ፡ ኦኒካ ሄ ኣሳ ከቲቴላ
 ኢፁዋ ካሊዲ፡ ኩንደናዳ ያሳ ሹምፑ
 ቤሳ ጌላናው ማናሰ።

12 ያሳ ቃላይ ዴዎኔ ኦሴይሳ። ናሞዑ ባጋራ ቃራተዳ ማሻፌ አዲዲ ኦሎ። ኢ ሹምፖ፣ ኣያና፣ ያጸኔ ኮሊዜ ጋካናው ካንሉዲ ጫዴሰ። ቃሲ አሳ ዎዛናን ዴዒያ ጌሚዳ ቆፋኔ አሙዎ ሻኪዲ ፐርዴሰ።

13 ያሳ ሲንፋፌ ቆሴተያባይ ኣይባ ማዴቲሉካ ባሞ። ኢያ ኣይፌ ሲንፋን ኡባባይ ቆንጩኔ ካሎ ዴዔሰ። ኑኒ ዛር ኢማናው ቤሴይ ኢያ ሲንፋና።

ጌታ ካሂኔ ሃላቃ ዩሱሳ

14 ሂዛ፣ ሳሎ ከዪዳ ጌታ ካሂኔ ሃላቃይ፣ ያሳ ናዓይ ዩሱሲ፣ ኑስ ዴዒያ ጌሾ ኑ ኣማኑዎ ማንሉዲ ናሳሰ።

15 ኑ ካሂኔ ሃላቃይ ኑ ዳቡሪያ ዎዴ ኑስ ቃዴታናው ዳንዳዔይሳ። ኢ ናጋራ ኦሊቤና፣ ሺን ኑዳ ኡባባን ፓጩቲሰ።

16 ሂዛ፣ ማርቲፋ ኤካናው ማዴ ኮሺያ ዎዴ ኣዶ ኬሃቴፋ ዴማናው ኣዶ ኬሃቴፋይ ዴዒያሱዎ ያሳ አራታኮ ያዮና ሸቆሰ።

5

1 ኢሲ ኢሲ ካሂኔ ሃላቁ አሳ ጌዶፌ ደሬተዲ፣ ያሳራ ጋሊያባን አሳ ጌሾ ኢሞታኔ ናጋራ ያርሾ ያርሻናው ሹሜቲሰ።

2 ኢ ባ ሁዔን ዳቡራንቸ ጌዲያ ጌሾ ኤርናይሳታሲኔ ባሌይሳታሰ ቃዴታናው ዳንዳዔሰ።

3 ኢ ባ ናጋራ ጌሾኔ አሳ ኡባ ናጋራ ጌሾ ያርሾ ያርሻናው ቤሴይ ሄሳሳ።

4 ኦኒካ ሃ ቦንቹዎ ባው ኤካናው ዳንዳዔና፣ ሺን ኦርኒ ካሂኔ ሃላቃ ጌዳናው ዌጌቲዳይሳዳ ያሳን ዌጌታናው ቤሴሰ።

5 ሄሳዳካ፣ ኪሪሰቶሲ ካሂኔ ሃላቃ ጌዲያ ቦንቹዎ ባው ኤኪቤና። ሺን ያሳይ ኢያ፣ «ኔኒ ታ ናዓ።

ሃቺ ታ ኔው ኣዎ ጌዳሰ»

ያጌሰ።

6 ቃሲ ሃራሶን፣

«ማልኬፀዳቄይ ካሂኔ ጌዲዳይሳዳ፣ ኔኒ ሜሪናው ካሂኔ ጌዳና»

ያጌሰ።

7 ዩሱሲ ኣሴ ጌዲዲ ሃ ኣላሚያን ዴዒያ ዎዴ ባና ሃይቆፔ አሻናው

ዳንዳዒያ ያሳ ዳር ዩሆኒኔ ኣፋፋን ዎሲሰ። ኢ፣ ኢያ ቦንቹዲ ኪቴቲዳ ጌሾ ያሳይ ኢያ ዎሳ ሲዒሰ።

8 ዩሱሲ ያሳ ናዓ ጌዲኮካ ባ ዎዩቲዳ ዎያን ኪቴቲሉ ታማሪሰ።

9 ሄሳንካ፣ ዩሱሲ ባ ኦሱዎ ፖሊዳፔ ጉዬ ባው ኪቴቲያ ኡባይ ሜሪና ኣቶቴፋ ዴማና ሜላ ጋሶ ጌዲሰ።

10 ያሳይ ማልኬፀዳቄ ሹሚዳይሳዳ ካሂኔ ሃላቃ ኦሊዲ ኢያ ሹሚሰ።

ኣማኑዎን ዳቡርና ሜላ ኢሜቲዳ ናጌሶ

11 ሃ ኑ ኦዳ ቦላ ጉጂ ሃሳያናባይ ዳርባይ ዴዔሰ፣ ሺን ሂንቴ ኣኬካይ ጉሳ ጌዲያ ጌሾ ሂንቴው ኦዲ ጌልሳናው ዎይሴሰ።

12 ሂንቴ ሃናዴ ኣሰታማሪ ጌዳናው ቤሴሰ፣ ሺን ያሳ ቃላ ኮይር ቲሚርቲያ ሂንቴና ዛሪ ታማርሲያ ሃራ ኣሲ ኮሺሰ። ሂንቴ ሚኖ ካሊ ማናው ዳንዳዮና ጌሾ ማሊ ኮሺሰ።

13 ማሊ ፓሂቲያ ኦኒካ ዮጋ ናዓ ጌዲያ ጌሾ ሎዎኔ ኢታ ሻኪ ኤሬና።

14 ሺን ሚኖ ካሊ ሎዎኔ ኢታ ሻኪዲ ኤሪያ ካሃማ ኣሳሳ።

6

1 ሂዛ፣ ኪሪሰቶሳባ ታማርሲያ ኮይር ቲሚርቲያ ኣጌዲ ኪሪሰቶሳን ካሃማቴሳኮ ቦሰ። ሃይቆ ኦሶፔ ሲሞባኔ ያሳ ኣማናባ ኮይር ቲሚርቲያኮ ጉዬ ሲሞኮ።

2 ሄሳዳካ፣ ዌንቃቲታባ፣ * ኩሺ ዎሶባ፣ ሃይቆፔ ዴንዳባኔ ሜሪና ፐርዳባ ዛሪ ታማርኮ።

3 ያሳይ ጌኮ ኑ ሄሳ ኦላና።

4 ኢሲ ቶሆ ፖጎይ ፖዒዳይሳታ፣ ሳሎ ኢሞታ ኤኪዳይሳታ፣ ጌሻ ኣያናን ሻኪቲዳይሳታ፣

5 ሎዎ ያሳ ቃላኔ ሲንፋፌ ያና ኣላሚያ ዎልቃ ቤዒዳይሳታ፣

6 ጉዬፔ ካዲዳይሳታ ናጋራፔ ናሞዓንሎ ዛራናው ዳንዳዔቴና። ኣይሰ ጌኮ፣ ኤንቴ ባንታ ጳዩዎሰ ያሳ ናዓ ዛሪ ካቂያ ሜላ ማሰቃሊያ ቦላ ኢያ ካቆሶናኔ ኣሳ ሲንፋን ካሞሾሶና።

5:3 ሉዌ 9:7 5:4 ኪሳ 28:1 5:5 ማዝ 2:7 5:6 ማዝ 110:4 5:7 ማቶ 26:36-46፤ ማር 14:32-42፤ ሉቃ 22:39-46 5:12 1ቆሮ 3:2 * 6:2 ዌንቃቲታባ፣ ሃ ቤሳን ዌንቃቲታባ ኪቴቲዳይ ዴማ ዴማ ጌሾ ዎጋታባ ኦዳሳ።

7

7 ኡባ ዎዴ ኢ ቦላ ቡኪያ ኢራ ኡዳዳ፣ ጎዩዳ ኡራ ማዲያ ካሌ ኢሚያ ቢቲያ ያሳን ኣንጃቲዳር።

8 ሸን ኣጉንሱኔ ከንቸቲ ዶሊያ ቢቲያ ኣይቢባካ ማዲኩ፤ ኢው ቃንጌላይ ማታቲስ፤ ወርሴላን ፀጌታና።

9 ኑ ሲቆ ኣሻቶ፣ ኑኒ ሃይሳዳ ኡዲያባ ገዲኮካ፣ ሃንቴና ኣቶቴላኮ ካሌሌያ ሎዖባይ ሃንቴው ዴዔይሳ ኤርሰ።

10 ያሳይ ሱሬ ፒርዴይሳ። ያሳይ፣ ሃንቴ ኦሊዳ ኦሎቆን ካሴ ገዲን ሃዒካ ኣማኔይሳታ ማዲዲ፣ ኢያው ዴዒያ ሰቁዎ ቤሲዳይሳ ዶጌና።

11 ሃንቴ ኡባይ ኡፋይሳን ናጌይሳ ዴማና ጋካናው ሃ ሚኖቴላ ወርሴሌ ጋካናው ቤሳና ማላ ኑ ኣሞቶስ።

12 ሃንቴ ኣማናኒኔ ዳንዳባን ናጌያ ኡፋይሳ ላቲያ ኣሳ ዳና ማላፔ ኣቲን ኣዛላ ገዳና ማላ ኮዮኮ።

ያሳይ ኢሚዳ ኡፋይሳይ ሲጲሴና

13 ያሳይ ኣብራሃሚስ ኢማና ገዲ ጫቂዳ ዎዴ ባፔ ኣጲያ ሃሪ ገቲ ባይና ገሾ ባ ሁዒን ጫቂስ።

14 ኢያኮ፣ «ታኒ ኔና ኣንጃና፤ ኔ ዜሬላካ ዳርሳና» ያገሰ።

15 ኣብራሃሚይ ዳንዳባን ናጌዲ ያሳይ ኢማና ገዳ ኡፋይሳ ኤኪስ።

16 ኣሲ ጫቂሼ ባፔ ጌታቲያ ኡራን ጫቂስ፤ ሄ ጫቆይ ጌቲቲዳባ ሚንሊዲ፣ ፓላማ ኡባ ቴቁስ።

17 ሄሳ ገሾ፣ ያሳይ ባ ላሚቶና ቆፋ ኡፋይሳ ቃላ ላቲይሳታስ ቆንጨሳናው ኮዩዳ ገሾ ጫቆን ሚንሊስ።

18 ያሳይ ዎርዶቴና፣ ኢያ ኡፋይሳ ቃላይኔ ጫቆይ፣ ናሞዒይካ ላሚቶኮና። ሃ ናሞቡባታን ኑ ሲንላን ዴዒያ ኡፋይሳ ኦይካናው ዳናዳባና ማላ ጌሼ ዴማናው ኢያኮ ባቃቲዳ ኑኒ፣ ዎልቃማ ሚንሊሶ ዴማና።

19 ሃ ኡፋይሳይ ኑ ሸምፑዎስ፣ ማርካቤይ ቃዖናዳ ሚንሊዲ ኦይኪያ ቢራታ ማላ። ሄ ኡፋይሳይ ማጋራጃዎሬ ጉዬ ባጋን ዴዒያ ጌሻ ቤሳ ጌሊስ።

20 ዬሱሲ ማልኬ፣ ሹማቴላዳ ሚሪናው ካሂኔ ሃላቃ ገዲዲ፣ ኑ ገሾ ኑፔ ሲንላቲዲ ሄ ቤሳ ጌሊስ።

ካሂኒያ ማልኬ፣ ሳሌሜ ካዎይ፣

1 ማልኬ፣ ሳሌሜ ካዎይ፣ ኢባሬ ቦላ ያሳ ካሂኔ። ሄ ማልኬ፣ ሳሌሜ ካዎይ ኣብራሃሚይ ካዎታ ኦሊ ያኒዲ ሲሚሸን ኢያራ ጋሄቲዲ ኢያ ኣንጃሰ።

2 ኣብራሃሚይ ባ ዲዒዳባ ኡባሬ ኢያው ኣስራታ ኬሲዲ ኢሚስ። ማልኬ፣ ሳሌሜ ካዎይ ኮይር «ዒሎቴላ ካዎ»፣ ናሞባንሶ፣ «ሳሌሜ ካዎ» ቢርሼላይ፣ «ሳርቴላ ካዎ» ጉሱ።

3 ማልኬ፣ ሳሌሜ ካዎ ዎይኮ ኣዉ ዎይኮ ዛሬ ፓይዶይ ባዎ። ኢያ ዬሎቴላሰ ዶሚሊ ዎይኮ ኢያ ዴዐቀሰ ወርሴሌ ባዎ፣ ሸን ያሳ ናባ ዳኒዲ ሚሪናው ካሂኔ ገዲሰ።

4 ማልኬ፣ ሳሌሜ ካዎ ማላ ጌቲኮ ቤዒቴ። ኑ ኣዎታ ማይዛይ፣ ኣብራሃሚይ፣ ባ ዴዒዳባፔ ኢያው ኣስራታ ኢሚስ።

5 ካሂኒ ገዲያ ሌዌ ዛሬይ ኢሰራዔሌ ኣሳፔ፣ ሄሲካ ኣብራሃሚይ ዜሬሌ ገዲዳ ባንታ ኣሻታፔ ኣስራታ ኤካና ማላ ሃጌይ ኪቲስ።

6 ማልኬ፣ ሳሌሜ ካዎ ሌዌ ገዳና ኢዒኮካ ኣብራሃሚይ ኣስራታ ኤኪስ፤ ኡፋይሳ ቃሊ ዴዒያ ኣብራሃሚይ ኣንጃሰ።

7 ጉላይ ጌታን ኣንጃቴይሲ ፓላንሌና።

8 ኢሲ ባጋራ፣ ኣስራታ ኤኬይሳቲ ሃይቂያ ኣሳታ፣ ሸን ሃራ ባጋራ ኣስራታ ኤኬይሲ ዴዖን ዴዔስ ያጌዲ ኦዴቲዳይሳ።

9 ሃዛ፣ ኣስራታ ኤኪያ ሌዌይ፣ ኣብራሃሚይ ባጋራ ኣስራታ ኢሚስ ጋናው ዳንዳባፔ።

10 ኣይሰ ገኮ፣ ማልኬ፣ ሳሌሜ ካዎይ ኣብራሃሚይ ጋሄቲያ ዎዴ ሌዌይ ዬሎቴሪናባ ገዲኮካ፣ ባ ማይዛ ኣብራሃሚይ ጉልባታን ዴዔስ።

11 ኢሰራዔሌ ኣሳሰ ሃጌይ ሌዌ ካሂኔቴላ ባጋራ ኢሚቲስ። ሃ ሌዌ ካሂኔቴላይ ፖሎ ገዲዳባ ገዲያኮ ኣርናይሳ ማላ ገዳናሺን፣ ማልኬ፣ ሳሌሜ ካዎይ ማላ ሃራ ካሂኔ ሹማናው ኣይሰ ኮሺዴ?

12 ሃዛ፣ ካሂኔቲ ላሚቲያ ዎዴ ሃጌይካ ቃሲ ላሚታናው ቤሴስ።

13 ሃ ኑ ኢያባ ኦዲያ ኡራይ ሃራ ዛሬ፤ ኢያ ሹሻፕ ኦኒካ ያርሾ ቤሳን ካሂኔቲላን ኩሊቤና።

14 ኑ ጎዳይ ዪሁዳ ሹሻፕ ዪዳይሲ ኤሬተዳይሳ። ገደሺን፣ ሙሴይ ካሂንቲባ ኦዲሹ ዪሁዳ ዛሪያባ አይባካ ኦዲቤና።

15 ማልኬፀዳቄ ማላ ሃራ ካሂኔይ ዪዳባ ገዲያኮ ሃ ኑ ኦዲያባይ አጁ ቆንጫና።

16 ኢ ካሂኔ ገዲዳይ ጳዮና ዴዑዋ ዋልቃናፕ አቲን ኢያ ማይዛ ሂኔኔኔ ዋጋን ገዴና።

17 ጌሻ ማፃፋይ፣ «ማልኬፀዳቄ ካሂኔቲላ ማላ፣ ኔኒ ሜሪናው ካሂኔ» ያገዲ ማርካቲስ።

18 ኮይሮ ሂጌይ ዳቡራንቸኔ ማዶናባ ገዲያ ገሾ ሻሬተስ።

19 ሙሴ ሂጌይ አይቢንካ ፖሎ ኦላናው ዳንዳቤና። ሺን ኑኒ ኢያ ባጋራ ያሳኮ ሸቂያ ኡባሬ አጁያ ኡፋይሳ ቃላይ ኑስ አሜቲስ።

20 ከሪስቶሲ ካሂኔ ገዲያ ዋዴ ያሳይ ጫቂስ፣ ሺን ሃራቲ ካሂኔ ገዲዳ ዋዴ ሃሳ ማላ ጫቆይ ባዋ።

21 ሺን ዩሱሲ ጫቆን ካሂኔ ገዲስ። ያሳይ ያገዲ ጫቂስ፤ «ጎዳይ ጫቂስ፤ ኢ ባ ቆፋ ለማና፤ «ኔኒ ሜሪና ካሂኔ» » ያገሰ።

22 ሃ ጫቁዋ ጋሶን ዩሱሲ ኑስ ኡባሬ አጁያ ቃላ ጫቁዋስ ዋሴ ገዲስ።

23 ካሂኔቲላን አላና ማላ ሃይቆይ ኡንታ ዲጊዳ ገሾ ኮይሮ ካሂኔታ ታይቦይ ዳር።

24 ሺን ዩሱሲ ሜሪናው ዴዲያ ገሾ ኢያ ካሂኔቲላ ሃሪ ላቲና።

25 ሃሳ ገሾ፣ ኢ ኡባ ዋዴ ኡንታ ገሾ ጋናታናው ሜሪናው ዴዲያ ገሾ ያሳኮ ኢያ ባጋራ ዩይሳታ ፖሎ አሻናው ዳንዳቤና።

26 ሂዛ፣ ኑስ ኮሺያባ አሚያ፣ ጌሻይ፣ ቦሬይኔ ቱኒ ባይናይሲ፣ ናጋራንቸታፕ ሻኬቲዳይሲኔ ሳሎዋፕ አጁዲ ዶቂዳ ካሂኔ ሃላቃይ ኑስ ኮሺስ።

27 ኢ ሃንኮ ካሂኔ ሃላቃታ ማላ ኮይሮ ባ ናጋራ ገሾ ካሊዲ አሳ ናጋራ ገሾ ጋላስ ጋላስ ያርሾ ያርሻናው ኮሺና። ኢ ባና ያርሺዳ ዋዴ ዛሬላና ኦጌን ኢሲ ቶሆ ባና ያርሺስ።

28 ሙሴ ሂጌይ ዳቡራንቸኔ አሳ ካሂኔ ሃላቃ አሊዲ ሹሜስ። ሺን ሂጌያሬ ጉዬ ዪዳ ጫቆ ቃላይ ሜሪናው ፖሎ ገዲዳ ያሳ ናሳ ሹሚስ።

8

ዩሱሲ ኑ ካሂኔ ሃላቃ
1 ኑኒ ሃሳያ ገታባይ ሃሳ። ሳሎዋን ኡባሬ ቦላ ያሳ አራታፕ ኡሻቻ ባጋን ኡቲዳ ሃይሳ ማላ ካሂኔ ሃላቃይ ኑስ ዴዴስ።

2 ኢ አሳን ገደናሺን ጎዳን ኤቂዳ ቱማ ዲንካኒያን ያሳ ኬላን አሌስ።

3 ካሂኔ ሃላቃ ኡባይ አሞኔ ያርሾ ያርሻናው ሹሜቲስ። ሃሳ ገሾ፣ ሃ ካሂኔይ ያርሻናው ኢሲባይ ዳናው ኮሺስ።

4 ሂጌይ ከቲይሳዳ ያርሺያ ካሂኔቲ ዴዲያ ገሾ ከሪስቶሲ ሳዓን ዴዲያባ ገዲያኮ ካሂኔ ገዴና።

5 ኡንቲ ካሂኔቲላን አሊያ ዲንካኔይ ሳሎን ዴዴይሳስ ሌሚሶኔ ኩያ። ሙሴይ ዲንካኒያ ኤሲያ ዋዴ ያሳይ ኢያኮ፣ «ታኒ ኔና ዴሪያ ቦላ ቤሲዳ ሌሚሱዋ ካላዳ አላ» ያገሰ።

6 ሺን ዩሱሲ ገዴ ገዲዲ ሲኔሊያ ጫቆይ፣ ኮይሮ ጫቁዋፕ አጁይሳዳ ኢ ኤኪዳ ኦሶይ ኡንታይሳሬ አጁስ። ሄሲ ኤቂዳይ አጁያ ጫቆ ቃላና።

7 ኮይሮ ጫቁዋን ባሊ ባይናባ ገዲያኮ ናምዓንላ ጫቆ ኮሺና።

8 ሺን ጎዳይ ኢያ ቦሪዲ፣ ሃይሳዳ ያገሰ።

«ታኒ ኢሰራዔሌ አሳራኔ ዪሁዳ አሳራ ኡራሳ ጫቆ ጫቂያ ዋዴይ ያና።

9 ሄ ጫቆይ ታ ኡንታ አዋታ ገብጻ ቢታሬ ኮሺያ ኦይካዳ፣

ጎቻ ኬሲዳ ዋዴ ኡንታራ ጫቂዳ ጫቁዋ ማላ ገዴና።

ኡንቲ ታ ጫቁዋን አማኔቲቦና ገሾ ታኒ ኡንታ ዬጋ አጋስ ያገሰ ጎዳይ።

10 ሺን ሃዘፕ ጉዬ ኢሰራዔሌ አሳራ ታ ጫቃና ጫቆይ ሃይሳ ያገሰ ጎዳይ።

ታኒ ታ ሃገያ ኡንታ ጉጊያን ዋላና፤ ኡንታ ዋዘናን ያፋና።

ታኒ ኡንታ ያሳ ገዴና፤ ኡንቲካ ታ አሴ ገዴና።

11 ኡንታሬ ኦኒካ ባ ሾሩዋ ዋይኮ ባ አሻ፣

ሳዳ ኤራ ያጊዲ ታማርሴና።
ኤንቲ ጉላፌ ጌታ ጋካናው
ኡባይ ታና ኤራና።

12 ታኒ ኤንታ ናቁዋ አቶ ጋና፤
ኤንታ ናጋራ ዛራ ቆፒከ» ያጌሰ።
13 ያሳይ ሃ ጫቁዋ «ኦራሉ» ጊዲ
ጃጊሼ ኮይሮይሳ ጋልዒሲሰ። ሃዛ፤
ጋልዒይን ጩጋይ ጳያ ዋዴይ ጋከሰ።

9

ሳሎ ጎይኖን ሳዓ ጎይኖ

1 ኮይሮ ጫቁዋሰ ያሳ ጎይኒያ
ዋጋይን ሳዓ ያሳ ከላይ ዳዒሰ።

2 ዲንካኔይ ኤቁሰ። ኢያን ያምፔ
ዋሊያ ኮጫይ፣ ዓርጳዛይን ጎዳ ሲንላን
ዋሊያ ኡይላይ ዳዒሰ፤ ሃ ቤሳይ ጌሻ
ቤሳ ጌቱቲሰ።

3 ናምዓንሉ ማጋራጃዋፌ ጉዬ
ባጋራ ዳዒያ ቤሳይ ኡባፌ ጌሻ ቤሳ
ጌቱቲሰ።

4 ኢያ ጊደን ኢፃኔ ጩዩሲያ
ዋርቃ ሳፃኔይን ዋርቃን ማሽቲዳ ጫቆ
ታቦቲይ ዳዒሰ። ሃ ጫቆ ታቦቲያን
ማናይ ዳዒያ ዋርቃ ዓርይ፣ አጩዳ
አርና ፃምዒይን ሙሴ ሃጌይ ፃፊቲዳ
ናምዑ ሎቹ ሹቻቲ ዳዖሶና።

5 ሃ ታቦቲያፔ ቦላ ባጋራ አቶቲላ
ካማ ባንታ ቁፊያን ጌንሊያ ቦንቸ
ከፋቤቲ ዳዖሶና። ሺን ሃዒ ሃ ኡባ
ቆንጨሲዲ ኦዳናው ዳንዳዖኮ።

6 ሃ ኡባይ ሃይሳዳ ገጊዳፔ ጉዬ፣
ካሂኔቲ ኡባ ዋዴ ባንታ ኦሱዋ አላናው
ዲንካኒያሰ ኮይሮ ከፊሊያ ጌሎሶና።

7 ሺን ካሂኔ ሃላቃ ፃላሊ ዲንካኒያሰ
ናምዓንሉ ከፊሊያ ላይላፌ ኢሲ ቶሆ
ጌሌሰ። ኢ ያ ጌሊሼ ባ ናጋራ ጊሾኔ
አሳይ ኤርና ኦሊዳ ናጋራ ጊሾ ሱላ
ያርሾ ኤኮና ጌሌና።

8 ኮይሮ ዲንካኔይ ኤቁዲ ዳዒሺን፣
ኡባፌ ጌሻ ቤሳ ኤፊያ ኦጌይ
ቡር ዶዩቲቦናይሳ ጌሻ አያናይ ሃሳን
ኤሪሴሰ።

9 ሄሲ ሃ ዋዲያሰ ለሚሶ፤ ያሳሰ
አሜቲያ አሞይን ያርሾይ ጎይኒያ ኡራ
ካሃ ጌሻናው ዳንዳዖናይሳ ሃይሲ
ቤሴሰ።

10 ሃሳቲ ሙሳባ፣ ኡሻባኔ ዳማ
ዳማ ሚቻ ዋጋታ አዳይሳታ። ኤንቲ
ኦራላ ዋጋይ ያና ጋካናው ኦሴቲያ ካሬ
ባጋ ዋጋታ።

11 ሺን ከሪሰቶሲ ሃዒ ኦ ዳሚዳ
ሎዖባታሰ ካሂኔ ሃላቃ ጊዲዲ ዩሰ።
ኢ ጌሊዳ ዲንካኔይ ጌታኔ ፖሎ
ጊዲዳይሳ። ሃ ዲንካኔይ አሳ ኩሼን
ኦሴቲቤና ቃሲ ሃ አላሚያባ ጊዴና።

12 ከሪሰቶሲ ኡባፌ ጌሻ ቤሳ
ጌሊያ ዋዴ ዳሻ ሱሊኔ ማራ ሱሊ
ኤኪዲ ጌሊቤና። ሺን ማሪና አቶቲላ
አማናው ባ ሱላ ኤኪዲ ዛሬሶና ኦጌን
ኢሲ ቶሆ ጌሊሰ።

13 ዳሻ ሱላይን ኮርማ ሱላይ፣
ፀጌቲዳ ኡሳ ቢዶይ፣ ቱኒዳ አሳ ቦላ
ጳርጬቲዲ ኤንታና ጌሺያባ ጊዲኮ።

14 ማሪና ጌሻ አያና ባጋራ ቦሬይ
ባይና ያርሾ አሊዲ፣ ያሳሰ ባና አሚዳ
ከሪሰቶሳ ሱላይ፣ ዳዖ ያሳ ጎይናና ሚላ
ሃይቆ ካሊሊያ ኦሱዋፔ ኦ ካሃ ዋቲ
አሊ ጌሼኔ?

15 ሃሳ ጊሾ፣ ጃጌቲዳይሳቲ ያሳይ
አሚዳ ማሪና ላታ ኤካና ሚላ
ከሪሰቶሲ ኦራላ ጫቁዋሰ ጊዶ
ጊዲዲ ሲጌሌይሳ ጊዲሰ። ሄሲ
ሃኒዳይ አሳይ ኮይሮ ጫቁፔ ጋርሳን
ዳዒያ ዋዴ አሊዳ ናጋራፔ ኤንታና
ዋዛናው ኢ ሃይቁዳይሳና።

16 ሃዛ፣ ከኬይ ዳዒኮ፣ ሃ ከኪዳ
ኡራ ሃይቆይ ኤሬታናው ኮሼሰ።

17 ከኪዳ ኡራይ ሃይቁኮ ኢያ
ከኬይ ማኒሰ። ከኪዳ ኡራይ ሃይቆና
ኦቲኮ ኢያ ከኬይ ኦሌና።

18 ሃሪ አቶሺን፣ ኮይሮ ጫቆይካ
ሱሊ ባይና ማኒቤና።

19 ሙሴይ ሃጌ ከታ ኡባ አሳሰ
ኦዲዳፔ ጉዬ ማራ ሱሊኔ ዳሻ ሱሊ
ሃላራ ዋላኪዲ፣ ዘዖ ዶርሳ አኪሴኔ
ሂሶጶ ቦንጮ ኤኪዲ፣ ማፃፋ ቦላኔ
አሳ ቦላ ወርዒሰ።

20 ሙሴይ አሳኮ፣ «ሃንቲ ናጋና
ሚላ ያሳይ ከቲዳ ሱላ ጫቆይ ሃይሳ»
ያጊሰ።

21 ሃሳዳካ፣ ዲንካኒያ ቦላኔ ኦሊያ
ሚሽ ኡባ ቦላ ሱላ ወርዒሰ።

22 ቱማካ ሃጌይ ጌይሳዳ ጉላባታፔ
ኦቲን ኡባባይ ሱላን ጌዬሰ። ሱሊ
ጉኮናሺን አቶቲሊ ባዋ።

9:2 ከሳ 26:1-30፤ 25:31-40 9:3 ከሳ 26:31-33 9:4 ከሳ 30:1-6፤ 25:10-16፤ 16:33፤
ታይ 17:8-10፤ ከሳ 25:16፤ ዛሬ 10:3-5 9:5 ከሳ 25:18-22 9:6 ታይ 18:2-6 9:7
ሊዌ 16:2-34 9:13 ሊዌ 16:15-16፤ ታይ 19:9፣ 17-19 9:19 ከሳ 24:6-8 9:21 ሊዌ
8:15 9:22 ሊዌ 17:11

ዩሱሳ ፖሎ ያርሼቴላ

23 ሳሉዋባሰ ለሚሶ ገዲዳይሳቲ ኡባይ ማሄ ያርሾን ጌያናው ኮሼሰ። ሺን ሳሎባቲ ባንታ ሁዔን ሄሳፌ አዲያ ያርሾዋን ጌያናው ኮሼሰ።

24 ከሪስቶሲ ተማ ያሳ ኬላሰ ለሚሶ ገዲዳ፣ አሳ ኩሼን ኦሲቲዳ ኡባፌ ጌሻ ቤሳ ጌሊቤና። ሺን ኢ ሃዒ ኑ ጊሾ ያሳ ሲንላን ቤንታናው ሳሉዋ ጌሊሰ።

25 ካሄኔ ሃላቃይ ላይላን ላይላን ባ ሱላ ገደናይሳ ኤኪዳ፣ ኡባፌ ጌሻ ቤሳ ጌሊሰ። ሺን ከሪስቶሲ ዳር ቶሆ ባና ያርሻናው ሳሎ ጌሊቤና።

26 ሄሳዳ ሃኒዳባ ገዲያኮ፣ ከሪስቶሲ አላሚይ ማዴቶሳፕ ደሚዲ ዳር ቶሆ ዋይታናው ኮሼሰ። ሺን ሃዒ ዋዲያ ወርሴላን ናጋራ ዲጋናው ባና ያርሼዲ ዛሬሶና ኦጌን ኢሲ ቶሆ ቤንቲሰ።

27 አሲ ኡባይ ኢሲ ቶሆ ሃይቃናው ሄሳፌ ጉዬ ፐርዳታናው ቤሴሰ።

28 ሄሳዳካ፣ ከሪስቶሲ ዳር አሳ ናጋራ ዲጋናው ኢሲ ቶሆ ያርሼቴሰ። ሺን ኢ ናጋራ ቶካናው ገደናሺን ባና ናጌይሳታ አሻናው ናምዓንሉ ቆንጫና።

10

1 ሙሴ ሂጌይ ያናው ዳዒያ ሎዎባታሰ ኩያፕ ኣቲን ባ ሁዔን ዋና ገዳና። ሄሳ ጊሾ፣ ላይላን ላይላን ፓጩይ ባይና ያርሼቴያ ያርሾይ ጎይናናው ሸቂያ አሳ ፖሎ አላናው ዳንዳዔና።

2 ሂጌይ ኤንታ ፖሎ አላናው ዳንዳዒዳባ ገዲያኮ ኤንቲ ያርሾ ያርሼይሳ አጋናሺን። ቃሲ ጎይናናው ሸቂያ አሳይ ባንታ ናጋራፕ ጌያና፤ ኤንታ ካሃይካ ኤንታና ባላ ገዲ ሞቴና።

3 ሺን ሄ ያርሾቲ ላይላን ላይላን ናጋራ ቆፊሶሶና።

4 አይሰ ጊኮ፣ ኮርማ ሱላኔ ዳሻ ሱላ ናጋራ ዲጋናው ዳንዳዔና።

5 ሄሳ ጊሾ፣ ከሪስቶሲ ሃ አላሚያ ዪዳ ዋዴ ሃይሳዳ ያጊሰ።

«ኔኒ ያርሾኔ አሞ ኮያባካ፤ ሺን ታው አሾ ጊሊሳዳሳ።

6 ኔኒ ፀጌቲያ ያርሾኔኔ

ናጋራ ያርሾዋን ኡፋይታባካ።

7 ሄ ዋዴ ታ ጊሾ ማፃፋን ፃፊቲዳይሳዳ፣ ጎዳው፣ ታኒ ኔ ሺኒያ አላናው ያሰን ያጋሰ»

ያጊሰ።
8 ያርሾይ ያርሼታና ማላ ሂጌይ ከቲያባ ገዲኮካ፣ ከሪስቶሲ ኮይር፣ «ኔኒ ያርሾኔ አሞ፣ ፀጌቲያ ያርሾኔ ናጋራ ያርሾ ኮያባካ፤ ኤንታን ኡፋይታባካ» ያጊሰ።

9 ካሊዲካ ኢ፣ «ጎዳው፣ ሄኮ ታኒ ኔ ሺኒያ አላናው ያሰን» ያጊሰ። ሄሳ ጊሾ፣ ከሪስቶሲ ናምዓንሉዋ ኤሳናው ኮይርይሳ ሻሪሰ።

10 ዩሱሰ ከሪስቶሲ ያሳ ሺኒያ ኦሊዲ፣ ዛሬሶና ኦጌን ኢሲ ቶሆ ባ አሹዋ ያርሼዳ ጊሾ ኦኒ ጌዪዳ።

11 ካሄኔ ኡባይ፣ ናጋራ ዲጋናው ዳንዳዎና ሄ ያርሾታ ጋላሰ ጋላሰ ያርሼሼ ኤቂዲ ባ ኦሱዋ ኦላሰ።

12 ሺን ከሪስቶሲ ኡባ ዋዴሰ ገዲያ ኢሲ ናጋራ ያርሾዋ ያርሼዲ፣ ያሳፌ ኡሻቻ ባጋን ኡቲሰ።

13 ሄ ዋዲያፕ ደሚዲ ኢያ ሞርኬቲ ኢያ ቶሆይ ዩዲያባ አላና ጋካናው ናጌሰ።

14 ኢ ዛሬሶና ኦጌን ኢሲ ቶሆ ባና ያርሼዳ ያርሾዋን ጌሻታ ማሪናው ፖሎ ኦላሰ።

15 ቃሲ ጌሻ አያናይ ኑሰ ሃይሳ ማርካቴሰ። ኮይር ሃይሳዳ ያጊሰ።

16 «ሄ ጋላሳታፕ ጉዬ፣ ታኒ ኤንታራ ጫቂያ ጫቆይ ሃይሳ።

ታኒ ታ ሂጌያ ኤንታ ቆፋን ዋላና፤ ኤንታ ዋዛናን ፃፋና»

ያጊሰ።
17 ካሊዲካ፣

«ታኒ ኤንታ ናጋራኔ ኤንታ ኢታ ኦሱዋ ዛራ ቆፐኬ»

ያጊሰ።

18 ሂዛ፣ ናጋራ አቶ ጌቲቲዳፕ ጉዬ ናጋራሰ ያርሼቴያ ያርሾ ኮሼና።

እኔ ያሳኮ ሸቆሰ

19 ሂዛ፣ ታ ኢሻቶ፣ ኦኒ ዩሱሳ ሱላ ባጋራ ኡባፌ ጌሻ ቤሳ ጌላናው ኑሰ ሚናቴላ ዳዔሰ።

20 ኑ ጌላናይ ከሪስቶሲ ባ ማጋራጃዋ፣ ሄሲካ ባ አሹዋ ባጋራ ኑሰ ደዪዳ ኦራሴኔ ዴዎ ገዲዳ ኦጊያና።

21 ኮሰ ያሳ ከላ ቦላ ሹሜቲዳ ጊታ ካሂኔ ሃለቃይ ዳዔሰ።

22 ኑኒ ኢታ ካሃፔ ጌያናው ኑ ዋዛና ወርፃቲዲ፣ ኑ አሳቲላ ሂሎ ሃላን ማጨቲዲ፣ ሱሬ ዋዛናኒኔ ፖሎ አማኖን ያሳኮ ሺቆሰ።

23 ኮሰ ኡፋይሳ ቃላ አሚዳ ያሳይ አማንቲዳይሳ ጊዲያ ጊሾ ኑ ማርካቲያ ኡፋይሳ ኡሻቺ ሃዲርሲ ጎና ሚንሊዲ ኦይኮሰ።

24 ኢሶይ ኢሱዋ ሲቆሲኔ ሎዎ ኦሶሰ ዋቲ ዳጌላላኔኮ ኣኔ ቆፖሰ።

25 ኢሶቲ ኢሶቲ ሜዜ ኦሊዲ ሸቄይሳ አጊዳይሳዳ ኑኒ ኢሲፌ ሸቄይሳ አጎኩ። ሸን ጎዳ ጋላሳይ ማታቲዳይሳ ሂንቲ ቤዒያ ጊሾ ሄሳ ካሲይሳፌ አሊዲ ኦሊቲ።

26 ኑኒ ቱማ ኤራቴላ ኤኪዳፔ ጉዬ ኤሪሼ ናጋራ ኦሊኮ፣ ሂዛፔ ኑ ናጋራ ጊሾ ያርሼታና ያርሼይ ባዋ።

27 ሸን ሂዛ አቲዳይ ያሺያ ፐርዳኔ ያሳ ሞርኬታ ፀጋናው ጊጊዳ ዋልቃማ ታማ።

28 ሙሴ ሂጊያ ከቴቶና ኢዲዳ ኦኒካ ናምዑ ዋይኮ ሄቹ አሲ ኢያ ቦላ ማርካቲኮ ቃዴይ ባይናሺን ሃይቁሰ።

29 ያቲን፣ ያሳ ናዓ ካዲዳ ኡራይ፣ ባና ጊሺዳ ያሳ ጫቆ ሱላ ቱናባዳ ቆፐዳ ኡራይ፣ ቃሲ አቶ ኬሃቴላ አያና ጫዪዳ ኡራይ፣ አይ ማላ ኢታ ፐርዳ ኤካናው ቤሲያኮ ኣኔ ቆፐቲ።

30 ሂዛ፣ «ሃሎ ከሶይ ታባ፣ ታ ኩሽ ዛራና» ጊዳይሳ ኑ ኤርሰ። ቃሲካ፣ «ጎዳይ ባ አሳ ፐርዳና» ያገሰ።

31 ዳዎ ያሳ ኩሽን ኩንዳላ ዳር ያሸሰ።

32 ሂንቲው ያሳ ፖይይ ፖዒዳፔ ጉዬ ሂንቲ ዳር ዋዬን፣ ጊታ ባፄን ጌንጪዳ ቤኒ ዋዲያ ቆፐቲ።

33 ኢሲ ኢሲ ቶሆ ሂንቲ አሳ ሲንላን ጫዬቲዳታ፤ ጎዳቲዳታ፤ ኢሲ ኢሲ ቶሆ ሄሳ ማላ ዋዬይ ጋኪዳ አሳራ ኢሲፌ ዋዪዳታ።

34 ቃሾን ዳዒያ አሳሰካ ቃዴቲዳታ። ሂንቲው ሎዎኔ ቆየና ሻሎይ ሳሎን ዳዒይሳ ሂንቲ ኤሪዳ ጊሾ ሂንቲ ሻሎይ ቦንቁቲያ ዋዪ ኡፋይሳን ዳንዳዒዳታ።

35 ሄሳ ጊሾ፣ ጊታ ዋይቶይ ዳዒያ ሂንቲ ማናቴላ ዩጎፊቴ።

36 ያሳ ሸኒያ ፖሊዲ፣ ኢ ሂንቲው አማና ጊዳ ኡፋይሳ ኤካና ጋካናው ጌንጫናው ኮሺሰ።

37 ሂዛ፣ ጌሻ ማፃፋን፣ «ኢ፣ ያና ጊዳይሲ ያና፤ ጋምዔና።

38 ሸን ታ ሂሎይ፣ ታናን አማኔቲዲ ዳና፤

ኦኒካ ጉዬ ሲሚኮ ታና ኡፋይሴና» ያጌሰ።

39 ኑኒ አማኔቲዲ አቲያ አሳ ባጋፌ ኣቲን ጉዬ ሲሚዲ ቆያ አሳ ባጋ ጊዳኮ።

11

አማኖ

1 አማኖይ ጉሳይ፣ ዳማና ጊዲ ኡፋይሳን አማኔቲዲ ናጊያባኔ ኑ ቤዎናባ ቤዒያዳ ኦሊዲ ኤኪያባ።

2 ቤኒ አዋቲ አማኖን ያሳፌ ማርካቴላ ኤኪደሶና።

3 አላሚይ ያሳ ቃላን ማዴቲዳይሳ ኑ አማኖን ኤርሰ። ቃሲ ቤንቲያባይ ቤንቶናባፔ ማዴቲሰ።

4 አቤሊ ቃዒላይሳፌ አዲያ ያርሾ ያሳሰ ያርሺዳይ አማኖና። ያሳይ አቤላ ኢሙዋ ኡፋይቲዲ ኤኪዳ ዋዪ ኢ ሂሎ ጊዲዳይሳ ማርካቲሰ። አቤሊ ሃሪ አቶሺን፣ ሃይቁዲካ ባ አማኑዋን ሃዒ ጋካናው ኦዴሰ።

5 ሄናኬይ ሃይቆና ሳሎ ቢዳይ አማኖና። ያሳይ ኢያ ኤኪዳ ጊሾ ኦኒካ ኢያ ቤናናው ዳንዳዒቤና። ሄናኬይ ሳሎ ኤኬታናፔ ሲንፊ ኢ ያሳ ኡፋይሲዳ አሲ ጊዳይሲ ኦዴቲሰ።

6 አማኖይ ባይና ኦኒካ ያሳ ኡፋይሳናው ዳንዳዒና። ያሳኮ ያ ኦኒካ ያሳይ ዳዒይሳኔ ባና ኮዬይሳታሰ ዋይቶ አሚይሳ አማናናው ኮሺሰ።

7 ኖሄይ ቡር ቤንቶናባሰ ያሳይ ኢያው ኦዲዳ ዋዪ ያሳሰ ያዪዲ፣ ባናኔ ባ ሶ አሳ አሻናው አማኖን ማርካቤ ኬዲሰ። ያቲዲ ባ አማኑዋን አላሚያ ፐርዲዲ፣ አማኖን ቤንቲያ ሂሎቴላ ያሳፌ ኤኪሰ።

8 አብራሃሜይ ላታ ኦሊዲ ኤካና ቢታ ባና ማላ ያሳይ ኢያ ፄጊዳ ዋዪ

10:22 ሊዌ 8:30፤ ሂዘ 36:25 10:27 ኢሳ 26:11 10:28 ዛሬ 17:6፤ 19:15 10:29 ከሳ 24:8 10:30 ዛሬ 32:35፤ 36 10:37 ኢብ 2:3-4 11:3 ሜዴ 1:1፤ ማዘ 33:6፤ 9፤ ዮሃ 1:3 11:4 ሜዴ 4:3-10 11:5 ሜዴ 5:21-24 11:7 ሜዴ 6:13-22 11:8 ሜዴ 12:1-5

ሃሪ አቶሺን፣ ኢ አው ቢያኮ ኤርና ኢዲኮካ ከቲቲዳይ አማኖና።

9 አብራሃም ያሳይ አያው አማና ጊዳ ቢታን ቤቱ አሳዳ ዳዲዳይ አማኖና። ያሳይ ሄ አማና ጊዳይሳ አያራ ኢሲፌ ላታናው ዳዲያ ዩሳቃራኔ ያይቆባራ ዋላ ዱንካኔን ዳሲስ።

10 ኢ፣ ያሳይ ቆፒዲ ኬዲዳ ያላ ባሶይ ዳዲያ ካታማ ናጌስ።

11 ሳራ ባ ሁዔን ጨሚዳባ ጊዲኮካ ኡፋይሲ አሚዳ ያሳይ አማኔቲዳይሳ ጊዳይሳ ኤሪዳ ገሾ ቃንላታናው ዋልቃ ዳሚዳይ አማኖና።

12 ሄሳ ገሾ፣ ሃይቀዳ አሲ ዳኒያ አሲ አዲያፌ ሳሎ ያለንቶ ማላኔ አባ ጋዮን ዳዲያ ታይቦይ ባይና ሻፌ ማላ ዜሪላይ ዩሌቲዶሶና።

13 ሄ አሳ ኡባይ ባንታው ጌቲቲዳ ኡፋይሳ ቃላ ኤኮና አማኖን ሃይቀዶሶና። ሺን ሃሆራ ሄሳ ቤዲዲ፣ ዳሚዳዳ ኦሊዲ፣ ኡፋይሳን ኤኪዶሶና። ቃሲ ኤንቲ ሳዮን ኢማሌኔ ቤቱ አሲ ጊዳይሳ ኤሪዶሶና።

14 ሄሳዳ ጊያ አሳይ ባንታ ቢታ ናጌይሳ ቆንጨኔን ቤሴስ።

15 ኤንቲ ሄ አጊዲ ኬዱዳ ቢታ ጉዬ ቆፒዳባ ጊዲያኮ ጉዬ ሲማናው ዳንዳዮሶና።

16 ሺን ሃዲ አጂ ሎዲያ ሳሎ ቢታ ላሞቶሶና። ሄሳ ገሾ፣ ያሳይ ኤንታው ካታማ ገጊሲዳ ገሾ «ኤንታ ያሳ» ጌቲቲዳ ጃጌታናው ዩላቴና።

17 አብራሃምይ ፓጩቲዳ ዋዴ ዩሳቃ ያርሺዳይ አማኖና። ሄ ኡፋይሳ ቃላ ኤኪዳ አብራሃምይ ባ ኢሲ ናዳ ያርሻናው ገጊስ።

18 ያሳይ አብራሃምኮ፣ «ኔ ዜሪላይ ዩሳቃ ባጋራ ጃጌታና» ያጊዲ ኦዲስ።

19 ያሳይ ሃይቆፒ ዳንላናው ዳንዳዲይሳ አብራሃምይ አማኒዳ ገሾ ዩሳቃ ሃይቆፒ ፓዲ ዳንዲዳዳ ኦሊዲ ዛሪ ኤኪስ።

20 ዩሳቂ ዋዴፒ ሃናናባ ኤሪዲ ያይቆባኔ ኤሳዌ አንጂዳይ አማኖና።

21 ያይቆቢ ሃይቃና ሃኒሹ፣ ኢሲ ኢሲ ዮሴፋ ናይታ አንጂዳይኔ ጉፌ ቦላ ካቲዲ ጎይኒዳይ አማኖና።

22 ዮሴፌ ሃይቃናው ማቲዳ ዋዴ ኢሰራዔሌ አሳይ ጊብጻፌ ኬያናይሳ ኦዲዳይኔ ባ ማቄላ ኦላናባ ኤንታ ከቲዳይ አማኖና።

23 ሙሴይ ዩሌቲዳፔ ጉዬ ኢያ አያኔ ኢያ አዋይ ማላ ሎዮ ናዳ ጊዲዳይሳ ቤዲዲ ሄዡ አጌና ቆቲዳይ አማኖና፤ ኤንቲ ካዉዋ አዋጁዋ ያዩቦሶና።

24 ሙሴይ ዲጨዳፔ ጉዬ ጊብጻ ካዉዋ ናዔ ናዳ ጌቲታናይሳ ኢዲዳይ አማኖና።

25 ሙሴይ ናጋራን ጉላ ዋዴስ ኡፋይታናፔ፣ ያሳ አሳራ ዋዬ ኤካናይሳ ዶሪስ።

26 ኢ ዋዴፔ ዳማና ዋይቲዋ ቲሺ ኦሊዲ ጃሊዳ ገሾ ጊብጻ ሻሎዋፔ ኦሊዲ ከሪሰቶሳ ገሾ ቦሬታናይሲ ዳር አጂያ ዱሪቴላ ጊዲዳይሳ ኤሪስ።

27 ሙሴይ ካዉዋ ሃንቁዋ ያዮና፣ ጊብጻፌ ኬዱዳይ አማኖና። ቤንቶና ያሳ ቤዲዳ አሳዳ ሃኒዲ ባ ቆፋን ጌንጨስ።

28 ሃይቆ ኤሃያ ከታንቾይ ኢሰራዔሌ አሳ ባይራ ናይታ ዋዴና ማላ ሙሴይ ፋሲካኔ ሱላ ዉርጃላ ዋጋ ኦሊዳይ አማኖና።

29 ኢሰራዔሌ አሳይ ማላ ቢታራ ሃሙቲያዳ ሃሙቲዲ፣ ዘዮ አባ ፒኒዳይ አማኖና። ሺን ጊብጻ አሳይ ጌላናው ፓጩ ቤዲሺን ሃላይ ኤንታ ሚቲስ።

30 ኢሰራዔሌ አሳይ ኢያርኮ ካታማ ሹቻ ዲርሳ ላፑን ጋላስ ዩዩዲ፣ ኩንዲሲዳይ አማኖና።

31 ላይሚያ ራዓባ ቢታ ዋቹይሳታ ሞኪዳ ገሾ ከቲቶና አሳራ ሃይቆና አቲዳይ አማኖና።

32 ሄዛ፣ ሃራ ታ አይ ጎ? ጌዲዮናባ፣ ባራቃባ፣ ሳሞሶናባ፣ ዮፍታሃባ፣ ዳዋቲባ፣ ሳሙዒላባ፣ ቃሲ ናቤታባ ኦዳናው ታው ዋዴይ ጊዴና።

33 ኤንቲ አማኖን ካዋቲላታ ያጊዶሶና፤ ጃሎቴላን አይሲዶሶና፤

11:9 ሜ. 35:27 11:11 ሜ. 18:11-14፤ 21:2 11:12 ሜ. 15:5፤ 22:17፤ 32:12 11:13 ሜ. 23:4፤ 1ታሪ 29:15፤ ማዘ 39:12 11:17 ሜ. 22:1-14 11:18 ሜ. 21:12 11:20 ሜ. 27:27-29፤ 39-40 11:21 ሜ. 47:3፤ 48:1-20 11:22 ሜ. 50:24-25፤ ከሳ 13:19 11:23 ከሳ 1:22፤ 2:2 11:24 ከሳ 2:10-12 11:28 ከሳ 12:21-30 11:29 ከሳ 14:21-31 11:30 ኢያ 6:12-21 11:31 ኢያ 2:1-21፤ 6:22-25 11:32 ሃሪ 6:11-8:32፤ 4:6-5:31፤ 13:2-16፤ 11:1-12፤ 1ሳሙ 16:1፤ 1ካዋ 2:11፤ 1ሳሙ 1:1-25 11:33 ዳኔ 6:1-27

ያሳይ አማና ጊዳ ኡፋይሳ ኤኪደሶና፤ ገሞታ ደና ጎርዲደሶና፤

34 ታማ ዋልቃ ቶይሲደሶና፤ ሞርካታ ማሻፌ አቲደሶና፤ ባንታ ደቡራን ሚኒደሶና፤ ኦላን ዋልቃማ ጊዲደሶና፤ አላጋ ቶራ ጎዲደሶና።

35 ማጫሳቲ ባንታ ሃይቂዳይሳቲ ሃይቆፔ ፓዲን ኤኪደሶና።

ቃሲ ሃራቲ አዲያ ሃይቆፔ ዳንዲዋ ኤካናው ኮዪዲ ቃሹዋፔ ቢሌታናይሳ አዲደሶና።

36 ሃራቲ አሳን ቦሬቲዲ ሊሶን ጋራፊቲደሶና፤ ሃራቲ ሳንሳላታን ቃሹቲዲ ቃሹ ከላን ዩጌቲደሶና።

37 ኤንቲ ሱቻን ጫዳቲደሶና፤ ማጋዘን ናሞዓ ከዪዲ ጳልቄቲደሶና፤ ፓጩቲደሶና፤ ማሻን ሃይቂደሶና፤ ኤንታው ኡባባይ ቆዩን ሜቶቲደሶና። ደርሳ አቴኔ ዳሻ አቴ ማዒዲ ዩዪደሶና።

38 ኤንታው ሃ አላሜይ ጊሳና ኢዲን ባዘ ቢታን፣ ዳሬ ቦላ፣ ጎንጎሎኒኔ ኦላ ጊደን ዩዪደሶና።

39 ያሳይ ኤንታ አማኑዋባ ማርካቲኮካ፣ ሄ ኡባይ ጌቲቲዳ ኡፋይሳ ቃላ ኤኪቦኮና።

40 ያሳይ ኦስ ሎዖባ ቆፒ ዋሊዳ ጊሾ ኤንቲ ኦኒ ባይና ፖሎ ጊደኮና።

12

ያሳይ ኦስ አዋ

1 ሂዛ፣ ሻራዳ ኑ ዩሹዋን ዳሪዳ ሃይሳ ሜላ ማርካቲ ኑ ማታን ዳዒያ ጊሾ ኑና ቆቢያ ኡባኔ ኦይኪዲ ሃሪያ ናጋራ ዲጊዲ፣ ኑ ሲንሳን ዳዒያ ጋዴ ዋላ ጌንጫን ዋያሰ።

2 ኑ አማኑዋስ ኦጌ ደዪዳይሳኔ ኑ ወርሴላ ፖሎዋኮ ኑና ጋሊያ ዩሱሳ ቦላ ኑ አይፊያ ዋላሰ። ዩሱሲ ዋዴፔ ዳዒያ ኡፋይሳ ጊሾ ማስቃሊያ ዋያ ዳንዳዒዲ፣ ዩላ ሃይቆዋ ካዲዲ፣ ያሳፌ ኡሻቻ ባጋን ኡቲሰ።

3 ሂዛ፣ ሂንቲ ዶጪዲ ኡፋይሲ ቃንዖና ሜላ ናጋራንቻታ ኢፀዋ ዳንዳዒዳ ዩሱሳ ቆፒቲ።

4 ናጋራራ ዳዒያ ባዲያን ቡር ሱሉ ጉሳና ጋካናው ኤቁቲቤኬታ።

5 ያሳይ ባ ቃላን፣ ባ ናይታዳ ሂንቲና ዘሪዳይሳ ደጊዴታ።

«ታ ናዓው፣ ያሳ ሴራ ሌቆፋ፤ ኢ ኔና ሴሪያ ዋዴ ኡፋይሲ ቃንዖ።»

6 ጎዳይ ባ ደሲያ ኡራ ሴሬሰ፤ ቃሲ ባ ናዓዳ ኤኪያ ኡባ ጋራፊሰ»

ያጌሰ።

7 ያሳይ ሂንቲና ባ ናይታዳ ሴሪያ ዋዴ ጌንጪቲ፤ አዋይ ሴርና ናዒ ኦኒ?

8 ያሳይ ባ ናይታ ኡባ ሴሬሰ፤ ሂንቲ ሴሪቶና ኢዲኮ ቲማ ኢያ ናይታ ጊደናሽን ባላኮ ናይታ።

9 ቃሲ ኑና ዩሊዳ ኑ አዋቲ ኑና ሴርሶና፤ ኑካ ኤንታና ቦንቸሰ። ያቲን፣ ኦኒ ኑ አያና አዋስ ዋኒዲ አሊ ሃራቶኮ?

10 ሂዛ፣ ኑ አዋቲ ባንታው ሎዖ ዳኒዳ ሜላ ጉላ ዋዴስ ኑና ሴሪደሶና። ሽን ያሳይ ኑ ጎዓሰ፣ ኑ ኢያ ጌሻቲላን ሻኬታና ሜላ ሴሬሰ።

11 ኦኒ ሴሬቲያ ዋዴ ዩሎዩሲፔ አቲን ኡፋይሴና። ሽን ጉዬፔ ሴሬቴላ ሜዜቲዳ አሳሰ ሴራይ፣ ሳርይ ኩሚዳ ዲሎቴላ አይፌ አይፊሴሰ።

ዛሬኔ ናገሶ

12 ሂዛ፣ ሂንቲ አርጋጪዳ ቁሲያኔ ሂንቲ ዳቡሪዳ ጉልባታ ሚንሊቲ።

13 ዋቤይ ፓዖና ሜላፔ አቲን አሊ ሚቆና ሜላ ሂንቲ ቶሁዋስ ሱሬ ኦጌ ጊሲሲቲ።

14 አሳ ኡባራ ሳር ዳናዉኔ ጌሻቲላን ዳናው ሚኒቲ፤ ጌሻቲሊ ባይና ኦኒካ ጎዳ ቤዓናው ዳንዳዒና።

15 ሂንቲፌ ኦዳሰካ ያሳ አቶ ኬሃቲላይ ፓጩዳዳ፣ ቃሲ ጫዋ አይፌ አይፊዲ ዳር አሳ ቱኒሲያኔ ቆይሲያ ዜሪላዳ ጊደና ሜላ ናጌቲቲ።

16 ሂንቲ ጊደን ላይማቲያ አሲ ዋይኮ ኢሲ ቶሆ ሚያ ካላሰ ባ ባይራቴላ ቶቺዲ ባይዚዳ ኡሳዌ ሜላ አሲ ደና ሜላ ናጌቲቲ።

17 ጉዬፔ ኤሳዌይ ሄ አንጂዋ ኤካናው ኮዪዳ ዋዴ ዲጌቲዳይሳ ኤሪታ። ኢ ሄ አንጂዋ አፋላን ሚኒዲ ኮይኮካ፣ ዳማናው ዳንዳዒቤና፤ ኢ ናጋራፔ ሲማናው ቃዳ ዳሚቤና።

11:34 ዳኔ 3:1-30 11:35 1ካዋ 17:17-24፤ 2ካዋ 4:25-37 11:36 1ካዋ 22:26-27፤ 2ታሪ 18:25-26፤ ኤር 20:2፤ 37:15፤ 38:6 11:37 2ታሪ 24:21 12:5 ኢዮ 5:17፤ ለሚ 3:11-12 12:12 ኢሳ 35:3 12:13 ለሚ 4:26 12:15 ዛሬ 29:18 12:16 ሜዴ 25:29-34 12:17 ሜዴ 27:30-40 12:18 ዛሬ 4:11-12፤ 5:22-27፤ ኪሳ 19:16-22፤ 20:18-21

18 ሂንቴ ኩሼን ቦሼቴያ ሲና ዴሪያኮ፣ ኤጂያ ታማኮ፣ ቋማኮ፣ ጫጋናኮ፣ ጎቴያኮ፣

19 ሞይዚያ ሞሱዋኮ ዎይኮ ቃላይ ሲዔቲያ ቤሳኮ ዩቤኬታ። ሄ ቃላ ሲዔዳ አሳይ ሃራ ጉዣ ቃላ ሲያና ማላ ዎሲደሶና።

20 አይሰ ገኮ፣ «ሃሪ አቶሺን፣ ደዒ ሄ ዴሪያ ቦቹኮ፣ ሹቻን ጫዴቲዲ ሃይቆ» ያገዳ ኪታ ኤንቴ ቶካናው ዳንዳዒቦኮና።

21 ሄ ሃኒያባይ ዳር ዳጋንሌያባ ገዲዳ ገሾ ሙሴይ፣ «ታኒ ያሻን ኮኮራስ» ያገሰ።

22 ሺን ሂንቴ ጻዮኔ ዴሪያኮ፣ ዴዎ ያሳይ ዴዒያ ዩሩሳላሜ ካታማኮ፣ ኢሲፌ ሸቂዲ ኡፋይቲያ ዳር ሙኩሉ ኪታንቸታኮ ሳሉዋ ዩዳታ።

23 ኤንታ ሱንሳይ ሳሎን ፃፊቲዳ ዎሳ ኬላ ባይራ ናይታኮ፣ አሳ ኡባ ፐርዲያ ያሳኮ፣ ፖሎ ገዲዳ ጂሎ አሳ አያናታኮ ዩዳታ።

24 ኦራላ ጫቁዋሰ ገደ ገዲዲ ሲጌሌያ ዩሱሳኮ፣ አቤላ ሱሳፌ አቋያባ ኦዲያ ወርፄቲዳ ሱሳኮ ዩዳታ።

25 ሂንቴው ኦዲያ ኡራ ቃላ ኢፃሰ ጎና ማላ ናጌቲቴ። ካሴይሳቲ ሳዓን ገዲዲ ኦዲዳ ኪታ ሲያና ኢጂዲ አቲቦናባ ገዲኮ ያቲን፣ ሳሎን ገዲዲ ኦዲያ ቃላ ኑኒ ኢፃሰ ገኮ ዋኒዲ አታኔ?

26 ሄ ዎዴ ኢያ ቃላይ ሳዓ ቃሉስ። ሺን ሃዒ ታኒ፣ «ሳዓ ፃላላ ገደናሺን ኢሲ ቶሆ ዛራዳ ሳሉዋካ ቃላና» ያገሰ።

27 «ኢሲ ቶሆ ዛራዳ» ገያ ቃላይ ቃዎኖባይ ማኒዲ ዳና ማላ ቃጂያ ማጴቲዳባቲ ቆያናይሳ ቤሴስ።

28 ኑኒ ቃፃናው ዳንዳዮና ካዎቴላ ኤኪያ ገሾ ያሳ ጋላቶሰ፤ ያሳ ኡፋይሲያ ኦጌን ቦንቸኒኔ ያሻቴላን ኢያ ጎይኖሰ።

29 ሂዛ፣ ኑ ያሳይ ቱማ ፀጊያ ታማ።

2 አማሌ ሞኬይሳ ደጎፐቴ። ኢሲ ኢሲ አሳቲ ሃሳዳ ኦሌሽ ኤርና ኪታንቸታ ሞኪደሶና።

3 ቃሽን ዴዔይሳታ ሂንቴካ ኤንታራ ኢሲፌ ቃሽን ዴዒያዳ ኦሌዲ ኤንታና ቆፐቴ። ዎዩ ኤኪያ አሳራ ኢሲፌ ሂንቴካ ዎዩ ኤኪያዳ ኦሌዲ ኤንታና ቆፐቴ።

4 ኤኮይኔ ጌሎይ አሳ ኡባ ማታን ቦንቸቲዳባ ገደ። ቃሲ ያሳይ ላይማቴይሳታኔ ላማይሳታ ፐርዳናው ዴዒያ ገሾ አዚናይኔ ማቸያ አሶይ ኢሱዋሰ አማኔታናው ቤሴስ።

5 ሚሽ ሲቆፔ ሂንቴና ናጌቴ፤ ሂንቴው ዴዒያባን አላቴ። ያሳይ፣ «ታኒ ኔና ኡባራካ ዩጊኬ ዎይኮ አጊኬ» ያገሰ።

6 ሃሳ ገሾ፣ ኑኒ አማኔቲዲ፣ «ጎዳይ ታና ማዴይሳ፤ ታ ያዩኬ፤ አሲ ታና አይ ኦላኔ?» ያገሰ።

7 ያሳ ቃላ ኮይሮ ሂንቴው ኦዲዳ ሂንቴና ካሌሌይሳታ ቆፐቴ። ኤንቲ ዋኒዲ ዴዒዳኮ ኤንታ ዲሳ ቤዒዲ ኤንታ አማኑዋ ካላቴ።

8 ዩሱሰ ኪሪሰቶሲ ዚኔካ ሃቸካ ማሪናውካ ላማቴና።

9 ዴማ ዴማ ኦራላ ቲማርቲን ሃራሶ ቢዲ ቆዮፐቴ፤ ቦፐቴ። ኑ ዎዛናይ ያሳ አቋ ኬሃቴላን ማናናው ቤሴሰፔ አቲን ማን ጎያና ካላን ዎጋ ፖሎን ገደፖ።

10 ሺን ዲንካኒያ ገደን ኦሌያ ካሂኔቲ ሄ ያርሾ ካላፌ ማናው ኤንታው ማቲ ባይና ያርሾ ቤሳይ ኑስ ዴዔሰ።

11 ካሂኔ ሃላቃይ ናጋራ ያርሾስ ሜሄ ሱሌ ኤኪዲ ያርሻናው ኡባፌ ጌሻ ቤሳ ጌሌሰ። ሺን ሄ ማሄያ አሹዋ ዲርሳፌ ካሪን ፀጌስ።

12 ሃሳዳካ፣ ዩሱሲ ዴሪያ ናጋራፔ ባ ሱላን ጌሻናው ካታማ ፔንጊያፌ ካሪን ዎዩቲስ።

13 ሂዛ፣ ኑኒ ቦሪያ ቶኪዲ ዲርሳፌ ካሪ ኢያኮ ኬዮሰ።

14 ሂዛ፣ ኑሰ ሃይሳን ማሪናው ዴዒያ ካታማ ባዋ፣ ሺን ኑኒ ያና ካታማ ናጎሰ።

15 ሂዛ፣ ዩሱሳ ባጋራ ኡባ ዎዴ ኢያ ሱንሳሰ ማርካቲያ ማቴርሻ ጋላታ ያርሾ ያሳሰ አሞሰ።

13

ወርሴላ ዘሪ

1 አማኒያ አሳዳ አሶይ ኢሱዋራ ፖሎ ሲቄቲቴ።

16 ሎዎባ ኦሶኔ ሂንቴው ደዒያባፔ ማቶቲዳ አሳሰ አሞ ደጎፐቴ። ሂዛ፣ ሄሳ ማላ ያርሾይ ያሳ ኡፋይሴሰ።

17 ሂንቴና ካሌሌይሳታሰ ከቴቴቴ፤ ኤንቴ ጊያባ ኦሊቴ። ኤንቴ ባንታ ኦሊያባሰ ያሳ ሲንፋን ኦይሼታናው ደዒያ ጊሾ ሂንቴና ሄሞሶና። ሂንቴ ኤንታው ከቴቴ፤ ባንታ ኦሱዋ ኡፋይቲዳ ኦላና፤ ሄሲ ሃናና ኢደኮ፣ ኤንቴ አዛኒሼ ኦላና፤ ሄሲ ሂንቴና አይቢባካ ማዳና።

18 ኦሰ ያሳ ዋሲቴ። ኑ ካሃይ ጌሺ፤ ኑ ኡባ ዋዴ ሎዎባ ኦላናው ኮዮሰ።

19 ታኒ ሂንቴኮ ኤሌሳዳ ያና ማላ ሂንቴ ታው ሚንሊዳ ያሳ ዋሳና ማላ ታ ሂንቴና ሃዳራ ጋይሰ።

20 ሳሮቴላ ያሳይ፣ ዶርሳ ሄሚያ ኑ ጎዳ ዬሱሳ፣ ባ ሜሪና ጫቆ ሱፋን ሃይቆፔ ዴንሊዳይሲ፣

21 ኢያ ሺኒያ ኦላና ማላ ሎዎባ ኡባን ኢ ሂንቴና ዳንጨሶ። ኢያ ኡፋይሴሰባ ዬሱሰ ከሪሰቶሳ ባጋራ ኑናን ያሳይ ኦሶ። ዬሱሰ ከሪሰቶሳ ባጋራ ያሳሰ ሜሪናፔ ሜሪና ጋካናው ቦንቾይ ጊዶ። አሚንዒ።

22 ታ አሻቶ፣ ታ ሃ ዳብዳቢያ ሂንቴው ቃንፋን ያፊዳ ጊሾ ሂንቴ ታ ዘሪያ ሳሌቶና ኤካና ማላ ታ ሂንቴና ዋሳይሰ።

23 ኑ አሻይ፣ ደሞቲዮሲ ቃሾፔ ቢሌቲዳይሳ ኤሪቴ። ኢ ኤሌሲዳ ታኮ ዪኮ ታ ኢያራ ሂንቴና ባዳ ቤባና።

24 ሂንቴና ካሌሌይሳታኔ አማኒያ ኡባ ሳሮ ጊቴ። ያሌፔ ዪዳ አማኒያ አሳይ ሂንቴና ሳሮ ያጎሶና።

25 ያሳ አጼ ኬሃቴላይ ሂንቴ ኡባራ ጊዶ። አሚንዒ።

ያይቆቢ ዓፊዳ ኪታ ጋላ ቆፋ

ያይቆባ ኪታይ፡ አማኒያ አሲ ጋላስ ጋላስ ባ ዴቦታ ካሌሌያ ቆፋታ ኦይኪስ። ሃ ኪታይ ዓፊተዳይ፡ ቢታ ኡባን ላሌተዳ ታማኔ ናምቡ አይሁዳ ዜሬላሳ። ሃ ማፃፋ ዓፊይ፡ ጨንጫቴሌ ኮኒ ኦሶን ፔሺያ ሃላ፡ አማኒያ አሳ ሞኮባኔ ሎፃ ካንዶስ ኦጌ ቤሲያ ኦዳታ ሚሲሌዳ ቆንጫሲስ።

ያይቆባ ኪታይ፡ ማንቆቴላባ፡ ዱሬቴላባ፡ ፓጩባ፡ ሎፃ ካንዶባ፡ ቃናቴባ፡ አማኖባ፡ ሎፃ ኦሶባ፡ ኢንፃርሳ ሃርባ፡ ጨንጫቴላባ፡ ኢሶይ ኢሱዋራ ኦሻባ፡ ኦቶርባ፡ አሽኩቴላባ፡ ሃራ አሳ ቦላ ፐርዳባ፡ ጨቆቴላባ፡ ፔንጫባ፡ ዋሳባኔ አማኒያ አሲ ኦላናው ቤሲያባ ኡባ ቆሪዲ ዓፊስ።

ያይቆባ ኪታይ፡ አማኖ ዴፃን አማኖይ ኦሶን ፔዲያ ሃናታታ ቆንጫሲዲ ቤሲስ።

ያይቆባ ኪታ ኦይፊ ቆፋታ

- ሳርላ 1:1
- አማኖኔ ጨንጫቴሌ 1:2-8
- ማንቆቴሌኔ ዱሬቴሌ 1:9-11
- ፓጩ 1:12-18
- ዳሳ ቃላ ሲሲኔ ኦሶን ፔሾ 1:19-27
- አሴ አሳፔ ዲማዮ ኮሾናይሳ 2:1-13
- አማኖኔ ኦሶ 2:14-26
- ኢንፃርሲ ሃርባ 3:1-18
- አማኒያ አሲኔ ሃ አላሚያ 4:1-5:6
- ዲማ ዲማ ዞሬታ 5:7-20

1 ዳሳኔ ጎዳ ዩሱስ ኪሪሰቶሳ አይሌይ፡ ያይቆቢ፡ ቢታ ኡባን ላሌተዳ ታማኔ ናምቡ ሾሻታስ ከተዳ ኪታ።

ሳር፡ አይ ሜላ ዴዔቴ?

አማኖኔ ጨንጫቴሌ

2 ታ አሻቶ፡ ሂንቴና ዲማ ዲማ ፓጩይ ጋኪያ ዋዴ ሂንቴ ሎፃባ ዴሚዳዳ ኩሜላ ኡፋይሳን ኤኪቴ።

3 ሂንቴ አማኑዋ ፓጩቴላይ ዳንዳሳ ሂንቴው አሚይሳ ኤሬታ።

4 ሂንቴ ወርሴሌ ጋካናው ዳንዳሳኮ አይቢ ፓጩይ ባይና ፖሎኔ ኩሜሌ ጊዴታ።

5 ሂንቴፊ ኦዴሰካ ጨንጫቴሌ ዳይኮ ዳሳ ዋሶ። ኢያው ኢሚታና። ዳሳይ ኦናካ ቦርና ኡባስ ኬሃቴላን ኢሚያ ያሴ።

6 ሺን ኢ ዋሲያ ዋዴ ሲዶና አማኖን ዳሳ ዋሶ። ሲዲያ ኦኒካ ጫርኮይ ሱሊን ቃዲያ አባ ዙሌ ሚላ።

7-8 ናምቡ ቆፊ ዴዔይኔ ባ ኦጊያን ኤቆና ኦኒካ ጎዳፔ አይኮካ ዴማና ጊዲ ቆፖፎ።

ማንቆ አሳኔ ዱሬ አሳ
9 አማኒያ ማንቆ አሳቴ፡ ዳሳይ ኤንታና ጶቁ ኦሌያ ዋዴ ኡፋይቶ።

10 ቃሲ አማኒያ ዱሬ አሳቴ ዳሳይ ኤንታና ዘቁ ኦሌያ ዋዴ ኡፋይቶ። ዱሬ አሳቴ ጨሻዳ ዳያና።

11 አዋይ ባ ሚሻራ ኬዱዲ ማታ ሚሊሲን፡ ጨሻይ ቆሌቴስ፤ ኢያ ሎፃቴላይካ ዳይስ። ሄሳዳካ፡ ዱሬ አሳቴ ባንታ ኦሱዋን ዲቡሪሾ ዳያና።

አሴ ጋኪያ ፓጩያ

12 ሚቴዋ ያኒዲ አዲዳፔ ጉዬ፡ ዳሳይ ባና ሲቁይሳታስ ኢማና ጊዲ ቃላ ጌሊዳ ዴፃ ካላቻ ኤካና ጊሾ ሜቶን ጌንጩያ አሲ አንጃቴዳይሳ።

13 ኦኒካ ፓጩቴያ ዋዴ «ታና ዳሳይ ፓጩስ» ጎፖ። ዳሳይ ኢታን ፓጩቴና፤ ቃሲ ኢ ኦናካ ፓጩና።

14 ሺን ኢሲ ኢሲ አሲ ባ ኢታ አሙዋን ጎሼቴያ ዋዴኔ ጨሜቴያ ዋዴ ፓጩቴስ።

15 ሄሳፊ ጉዬ፡ አዋቴሌ ቃንላቴዲ ናጋራ ዩሌስ፤ ቃሲ ናጋሪ ዲጩዲ ሃይቆ ዩሌስ።

16 ታ ሲቆ አሻቶ፡ ጨሜቶፊቴ።

17 ሎፃ ኢሞይኔ ኩሜላ አንጃ ኡባይ ሳሎፔኔ ሳሎዋ ፖቡዋ ሜዲዳ ዳሳ አዋፔ ዩሶ። ዳሳይ ኩያዳ ኡባ ዋዴ ላሚቴና።

18 ኮኒ፡ ኢያ ሜዴቴላስ ኮይር ጊዳና ሚላ ኦና ቴማ ቃላን ባ ሾኔን ዩሊስ።

ሲሲኔ ኦሶ

19 ታ ሲቆ አሻቶ፡ ሃይሳ አኬኪቴ። አሲ ኡባይ ሲዳናው ኤሌሶ፡ ሺን ኦዴታናወኔ ሃንቁታናው ኤሌሶፖ።

20 አሳ ሃንቆይ ዳሳይ ኮያ ያሎቴላ ኤሄና።

21 ሄሳ ጊሾ፡ ቴና ሃናታኔ ኢታቴላ ኡባ ዲጊዲ፡ ዳሳይ ሂንቴ ዋዛናን

ቶኪዳ ሂንቲ ሹምጥጥ አሻናው ዳንዳዊያ ቃላ አድቴላን ኤኪቴ።

22 ሺን ያሳ ቃላ ኦሶን ፔሺቴፔ አቲን ሲሳ ያላላን ሂንቲና ጨጠፊቴ።

23 ቃላ ሲዲዲ ኦሶና አሲ፣ ኢ ባ ሶምዑጥ ማሰቶቴን ቤዲያ አሳ ማላ።

24 ኢ ባ ሶምዑጥ ቤዲዲ ቤሰ፣ ሺን ኢ አይ ዳኒያኮ ኤሌሲ ዶጌሰ።

25 ሺን ኦኒካ አይሌቴላፊ ኬሲያ ፖሎ ሂጊያ አኬካን ቤዲዲ፣ ካሊዲ ናጌይ፣ ሲዲዳይሳ ዶጎና ኦሶን ፔሺያ ኡሬይ፣ ባ ኦሶ ኡባን አንጃታና።

26 ባ አንፃርሳ ናናና አማናይሰ ጊያ ኡሬይ ባና ጨሜሰ፤ ኢያ አማናይ ሃዳ።

27 ያሳ አዋ ሲንላን ቦሬይ ባይና ጌሻ አማናይ ሃይሳ፣ አያ አፀ ባይና ናይታኔ አምዔታ ማዶኔ አላሚያ ቱናፔ ባና ናጎ።

2

አሴ ሻኮፋ

1 ታ አሻቶ፣ ሂንቲ ኑ ቦንቾ ጎዳ ዬሱሰ ኪሪሰቶሳ አማኒያባ ጊዲኮ፣ አሳ ሶምዖ ያሊዲ አሴ ቦንቾፊቴ።

2 ለሚሶሰ፣ ዋርቃ ሚጊደ አሊዲ፣ ሎዖ ማዖ ማዲዳ ዶሬ አሲ ሂንቲ ሸቆዋ ዩሰ። ቃሲ ጨርቃ ማዖ ማዲዳ ማንቆ አሲካ ዩሰ።

3 ሎዖ ማዖ ማዲዳ አዲያ ሂንቲ አሊ ቦንቾዲ፣ «ኔ ሃይሳን ሎዲያ ኦይዲያን ኡታ» ጊዲ፣ ቃሲ ማንቆ አዲያ፣ «ኔ ያን ኤቃ ዋይኮ ሃይሳን ታ ቶሁጥ ማታን ሳዓን ኡታ» ጌታ።

4 ያቴን፣ ሂንቲ፣ ሂንቲ ጊዶን ሻኬቴሊ ሜዴይሳታኔ ኢታ ቆፋራ ዴዲያ ዳይናታ ማላ ጊዴኬቴዬ?

5 ታ ሲቆ አሻቶ፣ ሲዲቴ። አማናን ዲሬ ጊዳና ማላኔ ባና ሲቆይሳታሰ አማና ጊዳ ሳሎ ካዎቴላ ላታና ማላ ሃ ሳዓን ዴዲያ ማንቆታ ያሳይ ዶሪቤኔዬ?

6 ሺን ሂንቲ ማንቆታ ቶቼታ። ሂንቲና ኡንዔሌይሳቲ ዶሬታ ጊዶኮናዬ? ሂንቲና ዳይና ሲንሊ ጎቼይሳቲ ኤንታ ጊዶኮናዬ?

7 ሂንቲ ያጌቴዳ ሎዖ ጎዳ ሱንላ ጫዬይሳቲ ኤንታ ጊዶኮናዬ?

8 ሺን ጌሻ ማፃፋን፣ «አሴ ኡባ ኔና ኔ ዶሴይሳዳ ዶሳ» ጌቴቴዲ ያፌቴዳ ያሳ ካዎቴላ ሂጊያ ሂንቲ ፖሊኮ ሎዖ ኦሊታ።

9 ሺን ሂንቲ አሳ ሶምዖ ያሊዲ ቦንቾኮ፣ ናጎራ ኦሊታ ቃሲ ሂጌይ ሂንቲና ሂጌ ማንሊዳ አሳዳ ፒርዳና።

10 ኦኒካ ሂጌ ኡባፊ ኢሱጥ ማንሊዲ፣ አቲዳ ኡባ ናጊኮ ኡባ ማንሊዳዳ ታይቤቴሰ።

11 «ላሞፋ» ጊዳ ጎዳይ፣ ቃሲ «ዎጾፓ» ጊሰ። ሺን ኔኒ ላሞና አጋዳ ዎጳዳባ ጊዲኮ፣ ሂጊያ ማንላዳሳ።

12 አይሌቴላፊ ኬሲያ ሂጊያ ሲንላን ፒርዳ ኤካናው ዴዲያ አሳዳ ኦዴቴቴኔ ኦሊቴ።

13 አሴ ማርና ኦናካ ያሳይ ማርና ፒርዳና። ሺን ማርቴላይ ፒርዳ ያኔሰ።

አማናኔ ኦሶ

14 ታ አሻቶ፣ ሂንቲፊ ኢሲ አሲ ታው አማናይ ዴዲሰ ጊዲ፣ ባ አማኑጥ ኦሶን ቤሶና ኢዳኮ ኢያ አይ ማዳኔ? ኢያ አማናይ ኢያ አሻናው ዳንዳዲ?

15 ለሚሶሰ ኢሲ አሻይ ዋይኮ ኢሲ ሚቺያ ካሎቴኮኔ ኤንታው ሚያባይ ጳዩኮ።

16 ሂንቲፊ ኢሲ አሲ ኤንታኮ፣ «ሳር ቢቴ! ታማ ካዩቴ! ካሊዲ ሚቴ!» ጊዲ፣ ኮሺያባ ኤንታው አሞና ኢዳኮ ኤንታ አይ ማዳ?

17 ሄሳ ጊሾ፣ ኦሶይ ባይና አማናይ ባርካ ሃይቁዳይሳ።

18 ሺን ኢሲ አሲ፣ «ኔው አማናይ ዴዲሰ፤ ቃሲ ታው ኦሶይ ዴዲሰ። ኔኒ ኔ አማኑጥ ኔ ኦሶጥፔ ሻካዳ ታና ቤሳ፤ ታካ ታ አማኑጥ ታ ኦሶጥን ኔና ቤሳና» ጋና።

19 ኔኒ፣ ኢሲ ያሳይ ዴዲይሳ አማናሳ፤ ሄሲ ሎዖ። ቱና አያናቴካ አማናሶና፤ ያሻን ኮኮርሶና።

20 ኔኖ ኤያው! አማናይ ኦሶፔ ሻኬቴዲ ማዶናይሳ ኤራናው ኮያይ?

21 ኑ አዋ አብራሃሜይ፣ ባ ናዓ ዩሳቃ ያርሾ ቤሳ ቦላ ዎሊዳ ዎዴ ባ ኦሶጥን ያሊቤኔ?

22 ኢያ አማናይኔ ኢያ ኦሶይ ኢሲፊ ኦሊዳይሳ ቤዲኪ? ኢያ አማናይ ኢያ ኦሶጥን ፖሊቴሰ።

23 ጌሻ ማፃፋይ፣ «አብራሃሜይ ያሳ አማኒሰ። ያሳይ ሄሳ ኢያው ደሎቴሊ ኦሊዳይ ታይቤሰ» ጊዳይሰ ፖሊቴሰ። ቃሲ ኢ ያሳ ዳቦ ጌቴቴዲ ያጌቴሰ።

24 አሲ አማና ያላላን ጊዶናሺን ኦሶን ያሊይሳ ቤዓሳ።

25 ሃሳዳካ፡ ላይሚያ ራዓባ ኢስጋዴላ፤ ከቴተዳይሳታ ሞካዳ ሃራ ኦጌራ ኤጎታ ሞይዚዳ ዎዴ ባ ኦሱዋን ግላቤኬ?

26 ሹምፖይ ሻኬቴዳ አሳቴላይ ሃይቆ ገዳይሳዳ፡ ኦሶይ ሻኬቴዳ አማኖይካ ሃይቁዳይሳ።

3

እንግርሲ ናጎ

1 ታ አሻቶ፡ ሃንቴፌ ዳርቲ አስታማሬ ገደፖ። ኑ፡ አስታማሬቲ ሃራታፔ አዲያ ፐርዳ ኤካናይሳ ሃንቴ ኤሬታ።

2 ኑ ኡባይ ዳርባን ባሌቶስ። ባ ኦዳን ባሌቶና ኦኒካ ባናቴላ ናገናው ዳንዳዲያ ፖሎ አሲ።

3 ፓራቲ ኑስ ከቴታና ማላ ቢፃላ ባርሲዲ ኑኒ ኮያ ቤሲ ኡባ ኤሬስ።

4 ማርካቤይ ሃሳ ማላ ገታ ገዲሹ ሞልቃማ ጫርኩዋን ሱጌቲኮካ፡ ኢያ ላጌይሲ ባ ኮያ ቤሲ ዛሪዲ ላጊያ ጉላ ማላን ላጌቲዲ ቤስ።

5 ሃሳዳ እንግርሲ አሳቴላ ገደን ጉላ ገዲኮካ ዳር ገታባን ጨቁቴስ።

ጉላ ታሚ ዳር ገታ ዎራ ፀጌስ።

6 እንግርሲ ታማ ማላ፡ እንግርሲ ኑ አሳቴላ ገደን ኢታን ኩሚዳ አላማ፤ አሳቴላ ኡባ ቴኒሴስ። ገናማፔ ኬያ ታማዳ ኑ ዴቦዋ ዋላ ኡባ ፀጌስ።

7 ደዓታኔ ካፎታ፡ ኡሎራ ጎሹቴይሳታኔ አባን ዳዲያ ማዴቴላታ ኡባ አሲ ሃሪስ፤ ኤንቴካ ሃራቲደሶና።

8 ሺን ኦኒካ እንግርሲ ሃራናው ዳንዳዲቤና። እንግርሲ ሞዲያ ማርኬይ ኩሚዳ ሃራቶና ኢታ ማዴቴላ።

9 ኑ እንግርሳን፡ ኑ፡ ጎዳኔ ያሳ ገላቶስ። ቃሲ ኢያራ ያሳ ለሚሶን ማዴቴዳ አሳ ቃንጎስ።

10 ኢሲ ደናፔ ገላቲኔ ቃንጌላ ኬይስ። ታ አሻቶ፡ ሃሳዳ ሃናናው ቤሴና።

11 ፑልቶይ ኢሲ ኦላፌ ማልዲያ ሃላኔ ጫሚያ ሃላ ፑልታናው ዳንዳዲ?

12 ታ አሻቶ፡ ባላሴ ሚሊ ሻማሆ አይፋናው ዳንዳዲ? ዎይኮ ዎይኔ ሚሊ ባላሴ ሚላ አይፌ አይፋናው ዳንዳዲ? ጫሞ ሃላፌ ማልያ ሃላ ኬያናው ዳንዳዲና።

ሳሎ ጨንጫቴላኔ ሳዓ ጨንጫቴላ

13 ሃንቴ ገደን ጨንጨኔ አኬካንቾይ ኦኔ? ባ ሎፖ ዴቦዋ፡ አሽኬቴላኒኔ ጨንጫቴላን ኦሴቴዳ ኦሶን ቤሶ።

14 ሺን ሃንቴ ዎዛናን ጫሚያ ቃናቴይኔ ባና ደሶይ ዳዲኮ ጨቁቶፊቴ፤ ቱማ ቦላ ሞርዶቶፒቴ።

15 ሃሳ ማላ ጨንጫቴላይ ሳሎፔ ዪዳባ ገደናሺን ሄሲ አሳባ፡ አላሚባ፡ ፃላሂባ።

16 ቃናቴይኔ ባና ደሶይ ዳዲያ ሶን ኦሺኔ ኢታ ኦሶ ኡባይ ዳፖሶና።

17 ሺን ቦላፌ ያ ጨንጫቴላይ ኡባፌ ሲንሌ ጌሺ። ቃሲ ሳርቴላ፡ አዳቴላ፡ ሰዒዲ ኤኬይሳ፡ ቃዴቴይሳ፡ ሎፖ አይፌይ ኩሚዳይሳ፡ አሴ ሻኮናይሳኔ ጨቦቴላ ባይናይሳ።

18 ሳርቴላ ደሴይሳቲ ሳርቴላ ዜሪዲ ግሎቴላ ቡጮሶና።

4

ሃ አላሚያራ ዳቦቶፒቴ

1 ኦሺኔ ኦሊ ሃንቴ ገደ አዉፔ ዪ? ኤንቴ ዬይ ሃንቴ አሳቴላ ሃራናው ኦሌቲያ ሃንቴ አሾ አሙዋፔ ገዴኔዬ?

2 ሃንቴ አሞቴታ፡ ሺን ዳሜኬታ፤ ሃሳ ገሾ፡ ዎዴታ። ሚንሌ ኮዬታ፡ ሺን ዳማናው ዳንዳዲኬታ፤ ሃሳ ገሾ፡ ኦዬቴታኔ ኦሌቴታ። ሃንቴ ያሳ ዎሶና ገሾ ኮያባ ዳሜኬታ።

3 ሃንቴ ዎሴታ፡ ሺን ዳሜኬታ። ሃንቴ አሾ አሙዋ ፖላናው ዎቤ ኦኒን ዎሲያ ገሾ ዳሜኬታ።

4 ሃንቴና፡ ላይማቴይሳቶ! ሃ አላሚያ ደሴይ ያሳራ ሞርኬ ገዴይሳ ኤሬኬቲ? ሃ አላሚያራ ዳቦታናው ኮዬይ ኦኒካ ያሳራ ሞርኬ።

5 ጌሻ ማፃፋይ፡ «ያሳይ ኑናን ዳና ማላ ኦሊዳ አያናይ፡ ኑኒ ኢያው ቡዞ ገደና ማላ አሞቴስ» ገዴይሳ ጮ ገደባ ዳኒ?

6 ሺን ጌሻ ማፃፋይ፡ «ያሳይ ኦቶራንቾታ ኢዴስ፡ ሺን ባንታና ካዉሺይሳታስ ማርቴላ አሜስ» ያጊያ ገሾ ያሳይ ማርቴላ ዳርሲዲ አሜስ።

7 ሃሳ ገሾ፡ ያሳሰ ሃራቲቴ፤ ፃላሂያራ ኤቁቴቴ፤ ኢ ሃንቴፌ ሃካና።

8 ያሳኮ ሺቁቴ፤ ኢ ሃንቴኮ ሺቃና። ሃንቴና፡ ናጋራንቾቶ፡ ሃንቴ ኩሺያ

ሜጩቲቲ፤ ናምዑ ቆፊ ዳዔይሳቶ፤
ሃንቲ ዋዛና ገሺቲ።

9 ካዮቲቲ፤ ዩኪቴኔ አፋፂቲ። ሃንቲ
ሚቻይ ዩሆን፤ ሃንቲ ኡፋይሳይ
አዛናን ላሚቶ።

10 ጎዳ ስንላን ሃንቲናቴላ ካዉሺቲ፤
ኢ ሃንቲና ጶቁ ጶቁ አፋና።

አሳ ቦላ ፐርደፊቴ

11 ታ አሻቶ፤ ኢሶይ ኢሱዋ
ዘገርፐቲ። ባ አሻ ዘገራይኔ ኢያ
ቦላ ፐርደይ ሃን ገራሲኔ ሃን ቦላ
ፐርደሰ። ኔኒ ሃን ቦላ ፐርደኩ ሃን
ቦላ ፐርደይሳ ገዳሳፕ አቲን ሃን
ፖሌይሳ ገዳካ።

12 ሃን ኢሜይኔ ፐርደይ ያሳ ያላላ።
አሻናዉኔ ጳይሳናው ዳንዳዔይ ኢያ።
ያቲን፤ አሳ ቦላ ፐርደያ ኔኒ ኦኔ?

ጩቁቶፊቴ

13 ሃንቲ፤ «ኦኒ ሃቺ ዋይኮ ዋንቶ
ያ ካታማ ዋይኮ ሃ ካታማ ባና፤
ያን ላይሌ ኡታና፤ ዛልዒዒ ዋጲሳና»
ያገይሳቶ፤ ሰዒቲ።

14 ዋንቶ እይቢ ሃናኔኮ ሃንቲ
ኤሬኬታ። ሃንቲ ዴይይ ዋናኔኮ ኤሬይ
ኦኔ? ሃንቲ ጉላ ዋዴ ቤንቲዒ ጳያ
አካ ሜላ።

15 ሄሳ አገዲ፤ «ጎዳይ ገኮ ኦኒ
ዳና፤ ሃይሳ ዋይኮ ሄሳ ኦላና» ያጋናው
ቤሴሰ።

16 ሺን ሃንቲ ሃዒ ኦቶርቲታኔ
ጩቁቲታ። ሄሳ ሜላ ጩቆ ኡባይ
ኢታ።

17 ሄሳ ገሾ፤ ሎያባ ኦላናው ኤሪሾ
ኦላና ኡራሰ ሄሲ ናጋራ።

5

ዱሬታሰ አሜቲዳ ዞሬ

1 ሃንቲኖ፤ ዱሬቶ፤ ሃንቲ ቦላ ኢታ
ሚቶይ ያ ገሾ ዩኪቴኔ ዜሌሊቲ።

2 ሃንቲ ሻሎይ ቡቁስ፤ ሃንቲ
አፊላይካ ቢላን ሚቲቲሰ።

3 ሃንቲ ዋርቃይኔ ሃንቲ ቢራይ
ሺዒሰ። ሄ ሺዒይ ሃንቲ ቦላ ማርካ
ገዳና። ኢ ሃንቲ አሳቴላ ታማዳ ማና።
ሃንቲ ሃ ዉሪዳ ቃማታን ሃንቲው ሻሎ
ዳጋይታ።

4 ሃንቲ ጋዴን ኦሊ ፔዒዳ አሳ ኬራ
ሚሺያ ቃንፂቤኬታ። ሄሲ ሃንቲ ቦላ

ዋሴሰ። ሄ አሳታ ዋሶይ ዋልቃማ ጎዳ
ሃይሳን ሰዒቲሰ።

5 ሃ ሳዒን ሃንቲ ኡሎ ያላላሰ
ቆፐዲ፤ አንጃን ዳዒዴታ። ሹካሰ
ገገቲዳ ሜሄዳ ሃንቲና ጲኪዴታ።

6 ሃንቲራ ኤቁታናው ዳንደያና ዒሎ
አሳ ቦላ ፐርደዴታ፤ ኢያ ዋጲዴታ።

ገንጫኔ ዋሳ

7 ታ አሻቶ፤ ጎዳይ ያና ጋካናው
ገንጫቲ። ጎሻንቻይ ቶርቺ ኢራይኔ
ሲላ ኢራይ ያና ጋካናው ገንጫዲ
አልያ ካላ ናገዲ ዋቲ ጋሌ ኤኪያኮ
ቆፐቲ።

8 ሄ ጎሻንቹዋዳ ሃንቲካ ገንጫቲ።
ጎዳ ዩሳይ ማታቲዳ ገሾ ኡፋይሳን
ናገቲ።

9 ታ አሻቶ፤ ያሳይ ሃንቲ ቦላ ፐርደና
ሜላ ኢሶይ ኢሱዋ ቦላ ዙዙሞፊቴ።
ፐርደይሲ ፔንገን ኤቁሰ።

10 ታ አሻቶ፤ ዋያን ገንጫዳ፤ ጎዳ
ሱንላን ኦዲዳ ናቤታ ሎሚሶ ኦሊዲ
ኤኪቲ።

11 ዳንዳዒን ገንጫዳይሳታ ኦኒ
አንጃቲዳይሳታ ጎሰ። ኢዮቤይ ዋኒዲ
ገንጫዳኮ ሃንቲ ሰዒዴታ። ጎዳይ
ዉርሴላን ኢያ ዋቲ ማዲዳኮ
ቤዒዴታ። ኢ ማርቲኔ ቃጼይ ኩሚዳ
ጎዳ ገዲያ ገሾ ሄሳ ኦሊሰ።

12 ሺን ኡባፊ ሰንሌ፤ ታ አሻቶ፤
ሳሉዋን ገዲን ዋይኮ ሳዒን ገዲን
ዋይኮ ሃራ አይቢንካ ጫቆፊቴ። ያሳ
ፐርደን ሃንቲ ጌሎናዳ ሃንቲ ኦዳይ
ኤ ገዲኮ፤ «ኦ» ገቲ፤ አካይ ገዲኮ፤
«አካይ» ገቲ።

13 ሃንቲ ገዲን ሜቶ ኤኪያ ኦኒካ
ዴዒኮ ያሳ ዋሶ። ኡፋይቲያ ኦኒካ
ዴዒኮ ጋላታን ዩያ።

14 ሃንቲፊ ሃርጌቲያ ኦኒካ ዴዒኮ
ዋሳ ኬላ ጪማታ ያ፤ ኤንቲ ጎዳ
ሱንላን ሻማሆ ዛይቲ ቲዩዲ ኢያው
ያሳ ዋሶ።

15 አማኖን ዋሲዳ ዋሳይ ሃርጋንቹዋ
ፓላና። ጎዳይ ኢያ፤ ሃርገያፊ ዴንላና፤
ኢ ናጋራ ኦሊዳባ ገዲኮካ ጎዳይ ኢያ
ማራና።

16 ሄሳ ገሾ፤ ሃንቲ ፓፃና ሜላ ሃንቲ
ናጋራ ኢሶይ ኢሱዋሰ ፓፂቲኔ ኢሶይ
ኢሱዋሰ ዋሰቲ። ዒሎ አሳ ዋሳይ
ዋልቃማ ኦሶ ኦሊሰ።

17 ኤሊያሲ ኦ ሜላ አሴ። ኢሪ
ሳዒን ቡኮና ሜላ ሚንሊዲ ያሳ ዋሰን

ሄዡ ላይሴኔ ኡሱፑን ኣጌና ሳዓን ኢሪ ቡኪቤና።

18 ዛሪዲ ኢ ያሳ ዎሲን ሳሎፔ ኢሪ ቡኪሰ፤ ሳዓይካ ካሊ ሞኪሰ።

19 ታ ኢሻቶ፣ ሂንቴፊ ኦኒካ ቱማ ኦጊያፔ ቡቲኮ፣ ሃራይ ኢያ ቱማኮ ዛሪኮ፣

20 ናጋራንቹዋ ኢያ ባላ ኦጊያፔ ዛሪያ ኦኒካ፣ ኢያ ሹምፑዋ ሃይቆፔ ኣሹይሳኔ ኢያ ዳሮ ናጋራሰ ማሮታ ኢሜይሳ ኤሮ።

ጳጳርሲ ዓፊዳ ኮይር ከታ ጋላ ቆፋ

ሃዋሪያ ጳጳርሲ ዓፊዳ ኮይር ከታይ ዓፊዳይ፡ «ደሬተዳ ያሳ አሳታ» ጌቲቲ ያጌቲዳይሳታሲኔ ጉላ ኢሲያን ፑዳሃ ባጋን ላሌቲዳ አማኒያ አሳሳ። ሃ ከታ አይፌ ቆፋይ፡ አማኖ ጋሶን ሜቶይኔ ዋዬይ ጋኪዳ አሳ ሚንሐፋናሳ። ሃ ማፃፋ ዓፊይ፡ ኢያ ሃይቁዋ፡ ኢያ ዴንዲዋ፡ ኢያ ናምሳንሶ ዩሳ ኦዲያ ዬሱስ ኪሪስቶሳ ምንጌላ ቃላ ኤንታ ሃሳይሴስ። ዬሱስ ኪሪስቶሳ ዴቦዋ ሌሚሶ ኦሊ ያሊዲ፡ ሜቱዋ ዳንዳባን ካንፋናዳ ኤንታ ቆፊሴስ። ሄሳራ ጋሊዲ፡ ሜቶይ ኤንታ አማኑዋ ጌሻቴላ ፓጩይሳኔ፡ «ዬሱስ ኪሪስቶሲ ቆንጩያ ጋላስ» ቤሲያ ዋይቶ ኤንቲ ኤካናው ዴዔይሳ ሃሳይሴስ።

ዓፊይ፡ ኤንቲ ሜቶ ዳንዳባና ሜላ ሚንሐፊይሳ ቦላ ኪሪስቶሳ ካሊያ አሳቲ ዴዔይሳዳ ዳና ሜላ ቆፊሴስ።

1 ጳጳርሳ ከታ አይፌ ቆፋታ

ሳርሶ 1:1-2

ያሳይ ኦስ አሚዳ አቶቴላ 1:3-12

ጌሻቴላ ዱሱ 1:13-2:10

ሜቶ ዋዴ አማኒያ አሳይ ሃናናው

ቤሲያባ 2:11-4:19

ጩማታሲኔ ናባቴላታሰ አሜቲዳ ዞሬ

5:1-11

ኩሻ ቆፋ 5:12-14

1 ታኒ፡ ዬሱስ ኪሪስቶሳ ሃዋሪይ ጳጳርሲ፤ ጳንያሳን፡ ጋላቲያን፡ ቃጳደቂያን፡ ኢሲያኒኔ ቢቲኒያን ቢታንቾዳ ላሌቲዲ ዴዔያ ያሳይ ደሪዳ፡ አሳስ ሃ ዳብዳቢያ ዓፋስ።

2 ዬሱስ ኪሪስቶሳሰ ሃንቲ ከቲታና ሜላኔ ኢያ ሱሳን ጌያና ሜላ፡ ያሳ አዋይ ባ ካሴ ኤራን ደሪዳይሳታሲኔ ጌሻ አያናን ጌዬዳ፡ ሃንቲው አጼ ከሃቴላይኔ ሳርቴላይ ጌዶ።

ጳዮና ኡፋይሳ

3 ዬሱስ ኪሪስቶሳ ሃይቆፕ ዴንሐዲ ባ ጌታ ማርቴላን ናምሳንሶ ዬሌቴላኔ ጳዮና ኡፋይሳ አሚዳ ኦ ገዳ ዬሱስ ኪሪስቶሳ አዋይ፡ ያሳይ ጋላቴቶ።

4 ቃሲ ያሳይ ሃንቲው ጳዮና፡ ኢቶናኔ ቡቆና ላታ ሳሎን ጊሲሲስ።

5 ሄ ላታይ ዋዴ ዉርሴላን ቆንጩናው ዴዔያ አቶቴላስ ያሳ ዋልቃን አማኖን ሃንቲው ናጌቲዲ ዴዔስ።

6 ሃዲ ጉላ ዋዴስ ሃንቲ ዲማ ዲማ ፓጩን ኤንዔቲኮካ ሄሳን ኡፋይቲቲ።

7 ሄ ፓጩይ ሃንቲና ጋኪዳይ ታማን ዩጊን ጳያ ዋርቃፌ ሃንቲ አማኖይ አጼኔ ቲማ ጊዴይሳ ቤሳናሳ። ሄ ፓጩቲዳ አማኑዋን ዬሱስ ኪሪስቶሲ ቆንጩያ ዋዴ ጋላታ፡ ቦንቾኔ ሳባ ሃንቲ ኤካና።

8 ሃንቲ ዬሱሳ ቤዒቤኬታ፡ ሺን ኢያ ሲቋታ። ሃንቲ ሃዲ ኢያ ቤዒቦናባ ጊዲኮካ፡ ኢያ አማኔታ። ቃሲ ኦዳን ቆንጩሳናው ዳንዳዔቶና ኡፋይሳኒኔ ቦንቾን ኩሚዴታ።

9 ሃንቲ አማኖን ናጊያ ሃንቲ ሺምፑዋ አቶቴላ ኤካና።

10 አጼ ከሃቴላ ባጋራ ሃንቲው ጊጊዳ ሃ አቶቴላባ ናቤቲ ኤራናው ጌታ ኮሻኒኔ ናጎን ኮዬደሶና።

11 ኤንታን ዴዔያ ኪሪስቶሳ አያናይ ኢያ ዋያባኔ ሃሳፌ ጉዬ ያና ቦንቾዋባ ካሴቲዲ ማርካቲሺ፡ አዉዴ ዋይኮ ዋኒዲ ሃናኔኮ አኬካን ፒልጊደሶና።

12 ናቤቲ ኦዲዳ ቲንቢቲይ ባንታው ጊደናሺን ሃንቲው ጊዴይሳ ያሳይ ሃንቲው ቆንጩሲስ። ሃዲ አሳይ ሃንቲው ኦዲዳ ዋንጌላ ሳሎፔ ከቲቲዳ ጌሻ አያና ዋልቃን ሃንቲው ኦዲደሶና። ከታንቾቲካ ሄሳ ቤዒናው አሞቲደሶና።

ጌሻቴላን ዴዒቲ

13 ሄሳ ጊሾ፡ ኦሶስ ሃንቲና ጊሲሲቴ፤ ሃንቲና ሃሪቲ። ዬሱስ ኪሪስቶሲ ቆንጩያ ዋዴ ሃንቲ ኤካና አጼ ከሃቴላ ኡፋይሳን ናጊቲ።

14 ያሳ ናይታዳ ኢያው ከቲቲቲ፤ ሃንቲ ካሴ ኤርና ኦሊዳ ኢታ አሙዋ ካሎፊቲ።

15 ሺን ሃንቲና ያጊዳ ያሳይ ጌሺ ጊዲዳይሳዳ ሃንቲካ ሃንቲ ዲሳ ኡባን ጌሺ ጊዲቲ።

16 ጌሻ ማፃፋን፡ «ታኒ ጌሺ ጊዲዳ ጊሾ ሃንቲካ ጌሺ ጊዲቲ» ጌቲቲ ዓፊቲሰ።

17 አሳ ሶምዖ ቤዖና ኢያ ኦሱዋዳ ፒርዲያ ያሳ፡ «ኦ አዋው» ጊዲ

ጭገታ ገደብ፡ ሃ ሳባ አማላቴላ ዲሳ ያሻገ ደባቱ።

18 ሂንቱ፡ ሂንቱ አዋታ፤ ላቲዳ ፓሉና ደቡባዊ ዋዜቲዳይሲ፡ ጳያ ቢራን ዋይኮ ዋርቃን ገደናይሳ ኤሬታ።

19 ቦሬይ ዋይኮ ቦርሶይ ባይና ደርሳ ሱላዳ አልዎ ገዲዳ ከሪሰቶሳ ሱላን ዋዜቲዳታ።

20 ያሳይ አላሜይ ሜዴታና፤ ካሴ ከሪሰቶሳ ደሪሰ፡ ሺን ሃ ወርሴላ ዋዲያን ከሪሰቶሲ ሂንቱ ገሾ ቆንጨሰ።

21 ሂንቱ አማናይኔ ሂንቱ ኡፋይሳይ ያሳን ገዳና ሜላ ኢያ ሃይቆ፤ ዳንሊዲ፡ ቦንቹዳ ከሪሰቶሳ ባጋራ ያሳን አማኔታ።

22 ሂንቱ ቱማቴላሰ ከቲቲዲ ሂንቲናቴላ ገሼዳታ። ሂንቱ አሶይ አሱዋ ዋዛና፤ ሰቁታ፡ ሺን ሃዲካ ቱማ ዋዛና፤ ሚንሊዲ ሰቁቲ።

23 ሂንቱ ናምባንላ ዩሌቲዳይ ጳያ ዜሬላሬ ገደናሺን ሜሪናው ዳዲያ ያሳ ቃላን ጳያና ዜሬላሬ ዩሌቲዳታ።

24 ያሳ ቃላይ፡ «አሲ ኡባይ ማታ ማላ፤ ኢያ ቦንቹ ኡባይ ጨሻ ማላ። ማታይ ማሊሰ፡ ጨሻይካ ቆሌቲሰ።

25 ሺን ጎዳ ቃላይ ሜሪናው ዳዲሰ» ያገሰ። ሂንቱው ኦዴቲዳ ዋንጌላ ቃላይ ሃይሳ።

2

ዳዎ ሹቹኔ ገሻ ዳሬ

1 ሂዛ፡ አታቴላ ኡባ፡ ጨዋ ኡባ፡ ጨቦቴላ ቃናቴኔ ዘገርሲ ኡባ ሂንቱሬ ዲጊቲ።

2-3 ጎዳይ ከሃ ገዳይሳ ሂንቱ ኤሪዲ ሜዜቲዳይሳዳ ሃዲ ዩሌቲዳ ጉላ ናይታዳ ሂንቱ አቶቴላን ዲጨሽ ባናው ያሳ ገሻ ቃላ ማላ ኡባ ዋዳ አዋቲቲ።

4 አሳን ቦሬቲዲ ያሳን ደሬቲዳ አልዎ ገዲዳ ዳዎ ሹቹ፡ ጎዳ ዩሱሳኮ ሸቁቲ።

5 ሂንቱ እያና ከሌ ከፃቲያ ዳዎ ሹቹታ። ሂንቱ ዩሱሰ ከሪሰቶሳ ባጋራ ያሳ ኡፋይሲያ እያና ያርሾ ያርሺያ ገሻ ካሂኔታ።

6 ገሻ ማፃፋን፡

«ሂኮ፡ ታጊ ዲዮኔ ካታማን ጎዳ ዓጹዋ ሚንሊያ፡

ደሬቲዳ፡ አልዎ ሹቹ ዋሳሰ፤ ኢያን አማኒያ ኦኒካ ዩላቴና» ያገሰ።

7 ሃ ሹቹይ ሂንቱው አማኔይሳታሰ አልዎ፡ ሺን አማናይሳታሰ፡

«ገምቤይሳቲ ካዲዲ አዲዳ ሹቹይ ጎዳ ዓጹዋ ሚንሊያ፡ ኡባሬ አዲያ ሹቹ ገዲሰ።»

8 ቃሲካ፡ «ሃ ሹቹይ አሴ ጱቢያ ሹቹኔ አሴ ኩንዲሲያ ዛላ»

ያገሰ። አንቲ ሂሳሰ ቃዴቲዳ ገሾ ያሳ ቃላ ከቲቶና አዲዲ ጱቤቲደሶና።

9 ሺን ያሳይ ጱማ፤ ማላሊሲያ ባ ፖቡዋኮ ሂንቲና ጭገዳይ፡ ሂንቱ ኢያ ሎዎቴላ ሃራታሰ ኦዳናው ደሬቲዳ ዛሬ፡ ካዋ ካሂኔ፡ ገሻ ዳሬኔ ያሳ ዲማ ዳሬ።

10 ሂንቱ ካሴ ያሳ ዳሬ ገዳኬታ፡ ሺን ሃዲ ሂንቱ ኢያ ዳሬ። ሂንቱ ካሴ ማርቴላ ዳሚቤኬታ፡ ሺን ሃዲ ማርቴላ ዳሚዳታ።

ያሳ አይሌዳ ዳዎ 11 ታ አሻቶ፡ ሂንቱ ሃ ሳባን አማሌኔ ቤታንቾ ገዲዳይሳዳ ሂንቱ ሺምፑዋ ኦሊያ አሾ አዋ፤ ሃካና ማላ ታኒ ሂንቲና ዋሳይሰ።

12 አማናና አሳይ ሂንቲና አታ ኦሊያ አሳዳ ዘገርያ ዋዳ ያሳይ ኑና ቤባናው ያ ጋላሰ፡ አንቲ ሂንቱ ሎዎ ኦሱዋ ቤዲዲ ያሳ ጋላታና ማላ ሂንቱው ሎዎ ዳዎይ ዳዎ።

13 ጎዳ ገሾ ገዲ ማታራ ዳዲያ አሳታሰ ሃራቲቲ፤ ኡባሬ ቦላ ገዲያ ገሾ ካወዋሰካ ሃራቲቲ።

14 አንቲ አታ ኦሊይሳታ ሴራናወኔ ሎዎ ኦሊይሳታ ሳሳናው ካወዋ፤ ከቲቲዳ ገሾ ዳሪያ አይሴይሳታሰ ሃራቲቲ።

15 ሂንቱ፡ ሂንቱ ሎዎ ኦሱዋን ኤርና ኤያ አሳ ዶና ኦይሳናይሲ ያሳ ሸኔ።

16 ያሳ አይሌ ገዲዲ ሳባቴላን ዳዲቴ፤ አቲን ሂንቱ ሳባቴላ አታ ኦሶሰ ካማ ኦሳሬቲ።

17 አሳ ኡባ ቦንቹቲ፤ አማኒያ አሳ ሰቁቲ፤ ያሳ ያዩቲ፤ ካዋ ቦንቹቲ።

ከሪሰቶሳ ዋያ ለሚሱዋ

1:24 እሳ 40:6-8 2:2-3 ማዝ 34:8 2:6 እሳ 28:16 2:7 ማዝ 118:22 2:8 እሳ 8:14-15 2:9 ከሳ 19:5-6፤ እሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ እሳ 9:2 2:10 ሆሴ 2:23

18 አይሌቶ፡ ሎዎ ጎዳታሲኔ ከሃ ጎዳታ ፃላላሰ ገደናሺን ኢታታሰካ ቦንቸን ሃራቲቲ።

19 አሲ ያሳ ገሾ ገዲ ቤሶና ዋዬ ዋዬቲኮ ያሳይ ኢያ አንጃና።

20 ሺን ሃንቲ ናጋራ ኦሊን ሃንቲና ዳቺያ ዋዬ ሃንቲ ዳንዳሲኮ ሃንቲው አይ ጋሳቲ ዳሲ? ሺን ሎዎግ ኦሊዲ ዋዬ ዳንዳሲኮ ያሳይ ሃንቲና ሃሳሰ አንጃና።

21 ያሳይ ሃንቲና ፃገዳይ ሃሳ ገሾሳ፤ ከሪሰቶሲ ሃንቲው ዋዬቲሰ፤ ሃንቲ ኢያ ካላና ማላ፡ ሃንቲው ለሚሶ ገዲሰ።

22 ኢ ናጋራ ኦሊቤና፤ ኢያ ደናንካ ዋርዶይ ቤንቲቤና።

23 ኤንቲ ኢያ ጫያ ዋዬ ዛሪዲ ጫዬቤና። ሺን ዋዬ ኤኪሼ ዓሎ ፐርዲያ ያሳሰ ባ ፐርዳ አጋገሰቲ ኦቲን ማንዲቤና።

24 ኦኒ ናጋራሰ ሃይቂዲ ዓሎቲላሰ ዳና ማላ ከሪሰቶሲ ባ አሹዋን ኑ ናጋራ ማሰቃሊያ ቦላ ቶኪሰ፤ ሃንቲ ኢያ ማዲንሳን ፓዲዳታ።

25 ካሴ ሃንቲ ኦኒ ባሊዲ ጳዩዳ ደርሳ ማላ፡ ሺን ሃሲ ሃንቲ ሺምፑዋ ሃሜይሳኮኔ ናጌይሳኮ ሲሚዳታ።

3

አዘናባኔ ማቸባ

1-2 ሃሳዳካ፡ ማቸቶ፡ ሃንቲ አዘናታፔ ያሳ ቃላሰ ከቲቶናይሳቲ ዳሲኮካ አይኮካ ኦዴቶናሺን፡ ሃንቲ ያሻቲላኔ ሃንቲ ጌሻ ዳዑዋ ቤዲዲ አማናና ማላ ኤንታው ሃራቲቲ።

3 ሃንቲ፡ ሃንቲ ሁዔ ፒዶኒኔ ዋርቃ አሶን ዋይኮ ሎዎ ማዎን ሃንቲ ቦላ አሳቲላ ሎይሶን ገደፖ።

4 ሺን ሃንቲ ዋዘና ገደን ዳሲያ ዬጌልሳቲላይ ያሳ ሲንሳን ሃንቲው ዳር አልዎ ገዲዲ ጳዮና፡ አሽኬኔ ዋፑ ገዳ አያና ገደ።

5 ያሳይ አማና ገዳይሳ አማኒዳ ጌሻ ማጫሳቲ ቢኒ ዋዬ ባንታ አዘናታሰ ሃራቲዲ፡ ባንታና ሃሳዳ ዳር ሎይሊደሶና።

6 ሃሳዳ ሳራ አብራሃማ፡ «ታ ጎዳው» ያጋዳ ፃጋሼ፡ ኢያው

ከቲታሱ፤ ሃንቲካ አይኮካ ያዮና ሎዎባ ኦሊኮ ኢ ናይታ።

7 አዘናቶ፡ ሃንቲ ማቸቲ ሃንቲፊ ዳቡራንቸ ሜዴታ ገዳይሳ ኤዕዲ፡ ኤንታና ቦንቸቲ፤ ሃንቲ ዋሳ ጳቦና ማላ ያሳይ አሚዳ ዳዑዋ ኤንቲ ሃንቲራ ኢሲፊ ላቲያ ገሾ ኤንታ ቦንቸቲ።

ሎዎ ኦሊዲ ማቶ ኤኮ

8 ዉርሴሳን፡ ኡባይ ኢሲ ቆላን ዳሲቲ። ኢሶይ ኢሱዋሰ ቃዴቲሼ፡ አሻዳ ሰቂቲቲ፤ ቃሲ ኢሶይ ኢሱዋሰ ከሃታኔ አሽኬታ ገዲቲ።

9 ኢታ ገሾሰ ኢታ ዋይኮ ጫሻ ገሾ ጫዬዲ ዛርፐቲ፤ ሃሳ አገዲ፡ ያሳይ ሃንቲው አንጃዋ አማናው ሃንቲና ፃገዳ ገሾ አንጃቲ።

10 አይሰ ገኮ፡ ጌሻ ማፃፋይ፡ «ዳዎ ደሴይኔ ሎዎ ዋዬ ቤዳናው ኮዬይ ኦና ገዲኮካ ባ አንፃርሳን ኢታባኔ ዋርዶ ኦዴቲይሳ አጎ።

11 ኢታባ ኦሊይሳ አገዲ ሎዎባ ኦላ፤ ሳርቲላካ ከሃ ኮዮኔ ካሎ።

12 ጎዳ አይፊይ ዓሎታኮ ዓሌሰ፤ ቃሲ ኢ ኡባ ዋዬ ኤንታ ዋሳ ሃይዘሰ።

ሺን ጎዳይ ኢታባ ኦሊይሳታ ባ ሃንቆ ሶምዑዋን ዓሌሰ»

ያጌሰ።

13 ሃንቲ ሎዎባ ኦላናው አዋቲኮ ሃንቲና ቆሃናይ ኦኔ?

14 ሃሪ አቶሺን፡ ዓሎቲላ ገሾ ሃንቲ ዋዬቲኮ አንጃቲዳይሳታ። አሳሰ ያዮፊቲኔ ሃርጎፊቲ።

15 ከሪሰቶሳ ሃንቲ ዋዘናን ቦንቸቲኔ ጎዳዬቲ። ያሳይ ሃንቲው አሚዳ ኡፋይሳሰ ጋሶ ኦይቺያ ኦዴሰካ ዛር አማናው ኡባ ዋዬ ገጊ ኡቲቲ፡ ሺን ሃሳ አሽኬቲላኒኔ ያሻን ኦሊቲ።

16 ቃሲ ከሪሰቶሳን ሃንቲ ዳሲያ ሎዎ ዳዑዋ ኢታባ ኦሊዳባዳ፡ ሃንቲና ጫያ አሳይ ዘገርያባን ዬላታና ማላ ሃንቲ ካሃይ ጌሺ ገደ።

17 ያሳይ ገዳባ ገዲኮ ኢታባ ኦሊዳ ገሾ ዋዬ ኤኬይሳፊ ሎዎባ ኦሊዳ ገሾ ዋዬ ኤኬይሲ ሎዎ።

18 ከሪሰቶሲ ኦና ያሳኮ ሺሻናው ባው ዓሎ ገዲዲ ዳሲሼ፡ ናጋራንቸታ

2:22 አሳ 53:9 2:23 አሳ 53:7 2:24 አሳ 53:5 2:25 አሳ 53:6 3:1-2 ኤፌ 5:22፤ ቆላ 3:18 3:3 1ፃዋ 2:9 3:6 ሜዴ 18:12 3:7 ኤፌ 5:25፤ ቆላ 3:19 3:10 ማዝ 34:12-16 3:14 ማቶ 5:10፤ አሳ 8:12-13

ገሾ ኢሲ ቶሆ ናጋራ ኡባስ ሃይቁስ፤ ኢ ባ አሳቴላን ሃይቁስ፡ ሺን አያናን ፓጂስ።

19 ቃሲ ሄ አያናን ኢ ቢዲ ቃሾን ዴዲያ ሸምፖጋስ ቃላ ኦዲስ።

20 ኖሂይ ማርካቢያ ኬጂያ ዋዴ ሄ ሸምፖጥ ያሳስ ኪቴቶና ኢጂዶሶና፡ ሸን ያሳይ ኤንጋና ዳንዳዲስ። ሆሰፑን አሳ ያላሊ ማርካቢያን ጌሊዲ፡ ጳዮ ሃላፊ አጥዶሶና።

21 ሄ ጳዮ ሃላይ ሃዲ ሂንቴና አሺያ ጂንቃቴ ለሚሶ ገዲስ። ሃ ጂንቃቴይ ቦላ ቁጥ ሜጮ ገደናሺን ሎፖ ካሃ ያሳፊ ኤካናው ኢያ ዋሲያ ኦጌ ገዲዲ፡ ኪሪስቶሳ ዴንዲዋ ባጋራ ሂንቴና አሺስ።

22 ኢ ሳሎ ቢዲ ያሳ ኡሻቻን ኡቴዲ፡ ኪጋንቾታ፡ ማጋ አዋታኔ ዋልቃማጋ ሃራስ።

4

ያሳስ ዴፖ

1 ሄሳ ገሾ፡ ኪሪስቶሲ ባ አሹዋን ኑስ ዋዴቲዳ ገሾ ሂንቴካ ሄ ቆፋን ሂንቴና ዳንጨሲዲ ሚኒዲ ኤቁቴ። ኪሪስቶሳ ገሾ ገዲ ባ አሹዋን ዋዴ ኤኪዳ ኡራይ ናጋራ ኦሊኬ ገዲ ቃንጂዳ አሲ።

2 ሄ ኡራይ ባ አቴዳ ላይላን ያሳ ሸኔ አላናው ኮዬሲፔ አቴን ኢጋ አሾ አሞን ዴና።

3 ካሴ ሂንቴ አማናና አሳይ ዴዲዳይሳዳ ዴዲዴታ። ሂንቴ ኢጋ አሞን፡ ላይማቴላን፡ ማሉን፡ ቴናቴላ ዴንሌሊያ ዬላን፡ ፖኪያ ኤቃ ጎይኖን ካሴ ዴዲዳ ዴሳይ ገደና።

4 አማናና አሳራ ሂንቴ ሾሪ ባይና ኡሱዋ ኦሶና ገሾ ማላሊቴዲ ሂንቴና ጫዮሶና።

5 ሸን ኤንቴ ፓፃጋ ቦላኔ ሃይቁዳ አሳ ቦላ ፐርዳናው ዴዲያ ያሳስ ዛር አማና።

6 ሃይቁዳ አሳስ ዋንጌላይ ሳባኬቴዳይ ሃይሳ ገሾሳ። ኤንቴ አሳሉ ባንጋ አሹዋን ፐርዴታና ቃሲ ባንጋ አያናን ያሳሉ ዴፖን ዳና።

7 ሂሃ፡ ኡባባስ ወርሴላይ ማጋቴስ። ሃሳ ገሾ፡ ዋሳናው ዳንዳዴታና ሜላ ዋፑ ገዲ ዋዛኒ ዴፖ፤ ማራራ ዴዲቴ።

8 ሲቆይ ዳር ናጋራ ካሚያ ገሾ ኡባፊ ኦሊዲ ኢሶይ ኢሱዋራ ዋዛናፔ ሲቁቴቴ።

9 ዙዙሞና ኢሶይ ኢሱዋ አማላቴላን ሞኪቴ።

10 ሂንቴ ያሳፊ ዴማ ዴማ አቆ ኬሃቴላ አሞጋ ኤኪዳይሳዳ ሂንቴ ኢሶይ ኢሶይ ሄ ኢሙዋ ቤሲያዳ ኦይኪዲ ኢሶይ ኢሱዋ ሃጋዚቴ።

11 ዬሱስ ኪሪስቶሳ ባጋራ ኡባባን ያሳይ ጋላቴታና ሜላ ኦኒካ ኦዲያባ ገዲኮ ያሳፊ ቃላ ኤኪዳዳ ኦዴ። ቃሲ ኦኒካ ማዲያባ ገዲኮ ያሳይ ኢያው አሚያ ዋልቃዳ ማዴ። ቦንቾይኔ ዋልቃይ ሜሪናፔ ሜሪና ጋካናው ኢያው ገዴ። አሚንዲ።

አማና ጋሶን ጋኪያ ዋያ

12 ጋ ባጋቶ፡ ሂንቴ ታማዳ ፀጊያ ዋዴ ፓጨያ ገደራ አቋያ ዋዴ ኦራላባይ ሃኒዳዳ ማላሊቶፊቴ።

13 ሸን ኢያ ቦንቾይ ቆንጨያ ዋዴ ሂንቴ ኡፋይሳይ ገጋ ገደና ሜላ ኪሪስቶሳ ዋያ ሂንቴ ኤኬይሳን ኡፋይቴቴ።

14 ኪሪስቶሳ ሱንላ ገሾ አሲ ሂንቴና ጫያ ዋዴ ያሳ ቦንቾ አያናይ ሂንቴ ቦላ ሸምፐያ ገሾ ሂንቴ ኦንጃቴዳይሳጋ።

15 ሂንቴፊ ዋዴ ኤኪያ ኦኒካ ሸምፖ ዋዲዳዳ ዋይኮ ካይሶቴዳዳ ዋይኮ ኢጋ ኦሊዳዳ ዋይኮ ጌላሶናባን ጌሊዳዳ ሃኒዲ ዋዴቶሬ።

16 ገደሺን፡ አማና ገሾ ዋዴቴኮ ኪሪስቶሳ ሱንላ ገሾ ያሳ ጋላቶቴ አቴን ዬላቶፖ።

17 ፐርዲ ያሳ አሳ ቦላ ደሚያ ዋዴይ ጋኪስ። ሂሃ፡ ሄ ፐርዳይ ኮይር ኑ ቦላ ደሚያባ ገዲኮ፡ ያሳ ዋንጌላስ ኪቴቶና አሳ ወርሴላይ አይ ገዳኔ?

18 ጂሎይ ኡንዳን አቴያባ ገዲኮ፡ ማካላንቾይኔ ናጋራንቾይ ያቴን ዋናኔ?

19 ሃሳ ገሾ፡ ያሳ ሸኔዳ ዋዴ ኤኬይሳቴ ባንጋ ሸምፑዋ ሃዳራ ባንጋና ሜዲዳ፡ አማንሌያ ያሳስ አሚሼ ሎፖባ ኦሶ።

5

ጨማጋሲኔ ያላጋጋስ አሜቴዳ ዞሪ

1 ሂሃ፡ ዋሳ ኬላ ጨማጋራ ጨማ ገዲዳይሲ፡ ኪሪስቶሳ ዋያ ማርካቴይሲኔ ቆንጨናው ዴዲያ

ቦንቹዋ ሻኬታናው ዳዲያ ታኒ፥ ሂንቴ ጊደን ዳዲያ ጨማታ ዘራይሰ።

ከሪሰቶሳን ዳዲያ ሂንቴ ኡባሰ ሳርይ ጊደ። አሚንዒ።

2 ሂንቴ አዋቴላፌ ጋርሳን ዳዲያ ያሳ ዉዲያ ሃሚቴ። ያሳይ ኮዬይሳዳ ደሳና፤ ኣቲን ኡንዔቲዲ ሃሞፊቴ። ቃሲ ሚሼ ኮሻን ጊደናሺን ሃጋዛናው ዳዲያ ሎዖ ቆፋን ሃሚቴ።

3 ሂንቴ አዋቴላፌ ጋርሳን ዳዲያ ዉዲያሰ ለሚሶ ጊዲቴ፤ ኣቲን ጎዳቶፕቴ።

4 ሃሚይሳታ ሃላቃይ ቆንጨያ ዎዴ ቆሌቶና ቦንቹ ካላቻ ሂንቴ ኤካና።

5 ሃሳዳካ፥ ያላጋቶ፥ ጨማታሰ ሃሬቴቴ። ሂንቴ ኢሶይ ኢሱዋሰ አሸኪ ጊዲቴ። ጌሻ ማዓፋን፥ «ያሳይ ኦቶራንቸታ ኢዳሰ፥ ሺን አሸኪታሰ አጶ ኬሃቴላ አሜሰ» ያጌሰ።

6 ያሳይ ባ ዎዴ ሂንቴና ቦንቻና ሜላ ዎልቃማ ያሳ ኩሺያ፤ ጋርሳን ሂንቴና ካወሽቴ።

7 ኢ ሂንቴው ቆፒያ ጊሾ ሂንቴና ሂርጊሲያ ኡባ ኢያ ቦላ ዩጊቴ።

8 ሂንቴ ሞርኬይ ዓላሃይ፥ ሚቲያባ ኮዩዲ፥ ጋሞዳ ጉዲሼ ሂንቴ ማታራ ዩያ ጊሾ ሂንቴና ሃሪቴኔ ባርኪቴ።

9 አላሚን ዳዲያ ሂንቴ አሻቲ ሃሳዳ ዎዩ ኤኬይሳ ኤሪዲ፥ አማኖን ሚኒዲ፥ ዓላሃያራ ኤቁቴቴ።

10 ባ ሚሪና ቦንቹዋሰ ከሪሰቶሰ ዩሱሳ ባጋራ ሂንቴና ያጊዳ አጶ ኬሃቴላ ኡባ ያሳይ፥ ጉላ ዎዴሰ ሂንቴ ዎዩቲዳ፤ ጉዩ፥ ኢ ባ ሁዒን ሂንቴና ሺሻና፥ ካቲሳና፥ ሚንሉዲ ኤሳና፥ ያሊሳና።

11 ሚሪና፤ ሚሪና ጋካናው ያሳይ ካዎቶ። አሚንዒ።

ወርሴላ ሳርላ

12 አማኔቲዳ አሻ ጋዳ ታ ኤኪያ ሲላሴ ባጋራ ሃ ዳብዳቢያ ሂንቴው ቃንላን ዓፋሰ። ታ ሃሳ ሂንቴው ዓፊዳይ፥ ሂንቴና ዘራናዉኔ ያሳ አጶ ኬሃቴላይ ቱማ ጊዳይሳ ማርካታናሳ። ሄ አጶ ኬሃቴላን ሚኒዲ ኤቁቴቴ።

13 ሂንቴራ ኢሲፌ ደሬቲዳ ባቢሎኔን * ዳዲያ ዎሳ ኬላ አሳይኔ ታ ናባ ማርቆሲ ሂንቴና፥ «ሳር ሳር» ያጌሰ።

14 ሲቆ ዩሬቴላ ዩሬቴሼ፥ ኢሶይ ኢሱዋ ሳርላቴ።

5:2 ዮሃ 21:15-17 5:5 ለሚ 3:34 5:6 ማቶ 23:12፤ ሉቃ 14:11፤ 18:14 5:12 ሃ.ኦ 15:22፤ 40 * 5:13 ባቢሎኔን፥ ሃ ቤሳን ባቢሎኔ ጌቲቲዳይ ሮሜ ካታማ ጊደና ኣጌና። 5:13 ሃ.ኦ 12:12፤ 25፤ 13:13፤ 15:37-39፤ ቆላ 4:10፤ ፊልሞ 24

ጳጳርሲ ዓፊዳ ናምዓንሉ ኪታ ጋሳ ቆፋ

ሃዋሪያ ጳጳርሲ ዓፊዳ ናምዓንሉ ኪታይ ዓፊቲዳይ፣ ዲማ ዲማ ቤሳን ዲዒያ ቢኒ አማኒያ አሳሳ። ሃ ኪታ አይፌ ቆፋይ፣ ዋርዶ አስታማሪታ ኢታ ኦሱዋኔ ኤንታ ቲማርቲያ ጋሶን ማጺቲዳ ዩላያ ደዑዋ አፃና ማላሳ። ሄ ማጺቲዳ ማቶታ ዲጋናው ኦጌ ጊዳናይ፣ ዩሱባ ባንታ አይፊያን ቤዒዳ አሳቲኔ ኢ ታማርሲያ ዋዴ ባንታ ሃይላን ሲዒዳ አሳቲ ታማርሲዳ ቲማርቲያ ባጋራ ያሳባኔ ጎዳ ዩሱሰ ኪሪሰቶሳባ አማንሉያ ኤራ ኦይካናይሳ። ዓፊይ ማንሉዲ ኦዲዳይ፣ «ኪሪሰቶሲ ናምዓንሉ ዩና» ያገያ ዋርዶ ቲማርቲያባ። ሄ ቆፋ ማንሉዲ ኦዲሹ፣ «ኪሪሰቶሲ ስሚዲ ዮና ጋምዒዳይ፣ አሳ ኡባይ ባ ናጋራፔ ሲማና ማላፔ ኣቲን ኦኒካ ጳያና ማላ ኮዮና ጊሾሳ» ያጌሱ።

2 ጳጳርሳ ኪታ አይፌ ቆፋታ
 ሳርሳ 1:1-2
 አማኒያ አሳ ጃሳ 1:3-21
 ዋርዶ አስታማሪታ 2:1-22
 ኪሪሰቶሳ ናምዓንሉ ዩሳ 3:1-18

1 ዩሱሰ ኪሪሰቶሳ ሃዋሪይኔ ኢያ አይሌይ፣ ታኒ፣ ሲሞን ጳጳርሲ፣ ኦ ያሳኔ ኦና አሺያ ዩሱሰ ኪሪሰቶሳ ጸሎቱላ ባጋራ ኑይሳ ማላ አልፎ አማኖ ኤኪዳይሳታሰ ሃ ዲብዲቢያ ዓፋሰ።
 2 ያሳኔ ኦ ጎዳ ዩሱሳ ኤርን ኦጌ ኬሃቲላይኔ ሳርይ ሂንቲው ኩሞ።

ያሳ ጃሳኔ ዶሩዋ
 3 ባ ቦንቸኒኔ ሎዎቱላን ኦና ጃጊዳ ኢያ ኤርን ደዎሲኔ ያሳ ዲኒዲ ዳናው ኮሺያባ ኡባ ያሳይ ባ ዋልቃን ኦሰ አሚሰ።
 4 ሂንቲ ኢታ አሞ ጋሶን ማጺቲያ ሃ አላሚያን ዲዒያ ባሻፌ ኬሲ ኤካናዲኔ ያሳ ያሳቲላን ሻኬታናዳ፣ ሃ ኢሞታታ ባጋራ ዳር አልዎኔ ጊታ ኡፋይሳ ኦሰ አሚሰ።

5 ሂሳ ጊሾ፣ ሚኒዲ፣ ሂንቲ አማኑዋ ቦላ ሎዎቲሉ፣ ሎዎቲላ ቦላ ኤራቲሉ፣
 6 ኤራቲላ ቦላ ባና ሃር፣ ባና ሃር ቦላ ጌንጫ፣ ጌንጫ ቦላ ያሳ ዳና፣

7 ያሳ ዳና ቦላ አሻቲላ ኬሃቲሉ፣ አሻቲላ ኬሃቲላ ቦላ ሲቆ ጉጂቲ።

8 ሃይሳቲ ሂንቲው ዲሪዲ ዲዒያባ ጊዲኮ፣ ጎዳ ዩሱሰ ኪሪሰቶሳ ኤርን ማዲያ አሲኔ አይፌራ ዲዒያ አሲ ኦላና።

9 ሺን ሃሳቲ ባይና ኦኒካ ማታን ዲዒያባ ዓላላ ቤዒያ ቆቆ። ኢ ባ ካሴ ናጋራፔ ጌዩዳይሳ ደገሰ።

10 ሄሳ ጊሾ፣ ታ ኢሻቶ፣ ሂንቲ ጃሳኔ ሂንቲ ዶሩዋ ማንላናው ካሴይሳፌ አሉዲ ሚኒቲ። ሂንቲ ሃሳታ ኦሉያባ ጊዲኮ፣ ጳቤቲኬታ።

11 ሄሳን ኦ ጎዳኔ ኦና አሺያ ዩሱሰ ኪሪሰቶሳ ማሪና ካዎቲላ ጌሊያ ኩሚላ ማታይ ሂንቲው አሚታና።

12 ሄሳ ጊሾ፣ ሂንቲ ሃይሳታ ኤሪያባኔ ሄ ኦይኪዳ ቲማን ሚኒዲ ዲዒያባ ጊዲኮካ፣ ታኒ ሃይሳታ ኡባ ዋዴ ሂንቲና ሃሳዪሰ አገኬ።

13 ታኒ ሺሞፖራ ዲዒዳ ዋዴ ኡባን ሂንቲና ሃሳዪሳይሲ ኮሺያባ ጋዳ ቆጋይሰ።

14 ኦ ጎዳ ዩሱሰ ኪሪሰቶሲ ታው ቆንጨሳዳይሳዳ ታኒ ሃ ሃይቂያ አሳቲላ ጋሞዮና ቃራ ዩጋዳ ባናይሳ ኤራይሰ።

15 ታኒ ሂንቲፌ ሻኬቲኮካ ሂንቲ ሃይሳታ ኡባ ዋዴ አኬካና ማላ ታው ዳንዳዴቲያባ ኡባ ኦላና።

16 ኦኒ ጎዳ ኪሪሰቶሳ ዋልቃኔ ኢያ ዩሳባ ሂንቲው ኦዴይ፣ ኢያ ጊታ ቦንቸዋ ቤዒዲፔ ኣቲን ማጺ ኬሲዳ ሃይሴ ጊዳና።

17 ዳር ዋልቃማ ቦንቸዋፌ፣ «ታኒ ኡፋይቲያ፣ ታ ደሲያ ናዓይ ሃይሳ» ያገያ ቃላይ ዩዳ ዋዴ ያሳ አዋፔ ቦንቸኔ ጋሳታ ኤኪሰ።

18 ኦኒ ጌሻ ዳሪያ ቦላ ኢያራ ዲዒያ ዋዴ ሄ ቃላይ ሳሎፔ ዩሺን ሲዒዳ።

19 ኮሰ ሃሳፌ አጲያ አማኔቲዳ ቲንቢቲ ቃሊ ዳዒሰ። ሳሊ ሞንታና ጋካናጫኔ ባካሊ ሂንቲ ዋዛናን ደላና ጋካናው፣ ጳማን ፖዒያ ፖዎ አሲ ናጌይሳዳ፣ ሂንቲ ሄ ቃላ ናጌኮ ሎዎ ኦሉታ።

20 ኡባፌ ካሴቲዲ ሃይሳ ኤሪቲ። ጌሻ ማፃፋን ዓፊቲዳ ቲንቢቲ ቃላ ኦኒካ ባ ደሲዳዳ ቢርሻናው ዳንዳዴና።

21 ቲንቢቲ ኡባ፣ ያሳይ ከቲዳ አሳቲ ጌሻ አያናይ ካሌሊን፣ ኦዲደሶናፔ ኣቲን አሳ ሺኔን ኦዲቦኮና።

2

ዋርዶ አስታማሬታ

1 ሺን ዋርዶ ናቤቲ ካሴ አሳ ገደን ዳዔይሳ ማለ ሃዒካ ዋርዶ አስታማሬቲ ሂንቲ ገደን ዳንዳና። ኤንቲ ባንታና ዋዚዳ፣ ጎዳ ካዲዲ፣ ጳይሲያ ዋርዶ ተሚርቲያ ኤሃና። ሄሳን ኤንቲ ባንታ ቦላ ኤሌሲዲ ጳዮ ኤሆሶና።

2 ዳር አሳይ ዬላያ ኤንታ ኢታ ኦጊያ ካላና፤ ኤንታ ጋሶን ቱማ ኦጊይ ጫዬታና።

3 ዋርዶ አስታማሬቲ ሚሽ ያሪዲ ባንታው ሜጲ ኬሲዳ ሃይሴን ሂንቲና ቦንቃና። ቤኒፔ ዶሚዲ ኤንታ ፐርዳይ ጊሊ ኡቲሰ፤ ኤንታ ጳዮይካ ኤንታና ናጊ ኡቲሰ።

4 ናጋራ ኦሌዳ ኪታንቸታሰ ያሳይ ቃዴቶና፣ ፐርዳ ጋላሰ ጋካናው ጋናሜ ጳማ ኦላን ኤንታ ቃቺ ዬጊሰ።

5 ሄሳዳካ፣ ያሳይ ያሎቴላባ ኦዲያ ኖሄኔ ሃራ ላፑን አሳታ አሺዲ፣ ያሳ ጎይኖና አሳይ ዳዒያ ቤኒ አላሚያ ቃዴቶና ጳዮ ሃላን ጳይሲሰ።

6 ጌላታሰ ለሚሶ ገዳና ማለ ያሳይ ሶዶሜኔ ጋሞራ ካታማታ ቢዶ ኦሌዲ ፀጊዲ ጳይሲሰ።

7 ሂጌሰ ኪቲቶና ላይማቲያ አሳታ ገደን ዋዬቲሽ ዳዒዳ ያሎ ሎፀ ያሳይ አሺሰ።

8 ሄ ያሎ አዳይ ኤንታ ገደን ዳዒሽ፣ ኤንቲ ኦሊያ ኢታ ኦሱዋ ጋላሰ ጋላሰ ቤዒዳ ዋዴኔ ሲዒዳ ዋዴ ኢያ ሎዎ ዋዛናይ ኤንጌቲሰ።

9 ሄሳ ገዲኮ፣ ጎዳይ፣ ባና ጎይኒያ አሳታ ፓጩፔ ዋቲ አሻኔኮ፣ ቃሲ ናጋራንቸታ ፐርዳ ጋላሰ ጋካናው ዋቲዲ ሴሪሽ ናጊሳኔኮ ኤሪሰ።

10 ኡባሬ አሌዲ ቱና አሞን አሾ ቆፋ ካሌይሳታኔ ማታ አዋታ ካዴይሳታ፣ ፐርዳ ጋላሰ ጋካናው ጎዳይ ናጊሲሰ።

ሄ አሳቲ ጋንጄ ሚኖኔ ኦቶራንቸ ገዲያ ገሾ ሳሎ ማዴቴላታ ጫዬሽ ያዮኮና።

11 ሺን ኪታንቸቲ ዋርዶ አስታማሬታፔ ዋልቃኒኔ ሚኖቴላን ዳር አዶሶናሺን ጎዳ ሲንላን ሳሎ ማዴቴላታ ጫዮኮና።

12 ሺን ሄ አሳቲ ባንታ ኤርናባን ጌሊዲ ጫዮሶና። ኤንቲ ኦይኪታናውኔ ሃይቃናው ዬሊቲዳ፣ ዋዛኒ ባይና ዶዓ ማለ ሃኖሶና፤ ኤንቲካ ዋራ ዶዓዳ ጮ ጳያና።

13 ኤንቲ ጋሌዳ ማቲዋዳ ዛሪ ማቶታና። ሴታ ጋላሰ ዩፃሺ ጉፔይሳ ኡፋይሲያባ ገዲ ቆፖሶና። ኤንቲ ካወሻታኔ ቱናታ ገዲ ዳዒሽ ሂንቲራ ሻኬቲያ ሲቆ አማቲዋን ኡፋይቶሶና።

14 ላይማቲያ ማጫሲ ያሊዲ አጎና አይፌይ ኤንታው ዳዒሰ፤ ቃሲ ናጋራ ኦሌይሳ አጎኮና። አማኖን ሚኒሶና አሳ ጨሞሶና። ኤንታው ኡባ ዋዴ አሞቲያ ዋዛኒ ዳዒሰ፤ ኤንቲ ቃንጌቲዳይሳታ።

15 ኤንቲ ሱራ ኦጌ ኦጊዲ፣ ማካላ ሚሽ ሲቁዲ ባሊዳ፣ ቢዎራ ናባ ባላማ ኦጊያ ካሊዶሶና።

16 ኢ ባ ናጋራ ጋሶን ሃንቁቲሰ፤ ዶኒ ባይና ሃሪይ አሳዳ ሃሳዬዲ ናቢያ ጎሻቴላ ቱቁሰ።

17 ሄ አሳቲ ማሊዳ ፑልቶታ ማላኔ ጫርኮይ ቶኪዲ ኤፊያ ሻራ ማላ፤ ኤንታ ናጌይ ሳካና ጳማ።

18 ኤንቲ ሃዳኔ ኦቶር ኦዳ ኦደቲሽ ባላን ዳዒያ አሳ ገዶሬ ኬሲ ኤኪዲ ቡር ሚኒሶና አሳታ ላይማቲላ አሾ አሞን ጨሚዲ ባሊሶሶና።

19 ኤንቲ ባንታው ጳዮ አይሌቴላን ዳዒሽ ሃራታኮ፣ «ሂንቲ አይሌቴላሬ ኬያና» ያጎሶና። አይሰ ጊኮ፣ አሲ ባ ያኔቲዳባ ኡባሰ አይሌ።

20 ኤንቲ አሺያ ኦ ጎዳ ዬሱሰ ኪሪሰቶሳ ኤሪዲ ሃ አላሚያ ቱናቴላሬ ኬሲ ኤኪዳፔ ጉዬ፣ ዛሪ ቃፀቲዲ ያኔቲኮ ካሴ ዳዒያ ደዑዋፔ ጉዬይሲ ኤንታው ኢታ ገዳና።

21 ኤንቲ ያሎቴላ ኦጊያ ኤሪ ሲሚዲ አጌይሳሬ ኮይርቲዲ ጌሻ ኪታ ኤርናኮ ኤንታው ሎዎሺን።

22 «ካኒ ባ ጮሻኮ ጉዬ ሲሚሰ» ቃሲ፣ «ሜጩቲዳ ጉዳንላይ ጉዬ ሲሚዲ ኡርቃን ጎንዶሬቲሰ» ጊያ ለሚሶይ ቱማ ገዴይሲ ኤንታ ቦላ ኦሌሰ።

3

ጎዳይ ያና
1 ታ ሲቆ አሻቶ፣ ሃይሲ ታ ሂንቲው ያፊዳ ዳብዳቤይ ናሞባንሱ። ታኒ ሃ ናሞዑ ዳብዳቤታካ ሂንቲው ያፊዳይ፣

ሂንቴ ሱሬ ቆፋ ቆጋናዳ ሂንቴና ዴንሎሳ።

2 ቃሲ ገሻ ናቤቴ ቤኒ ኦዲዳ ቃላኔ ኑና አሺያ ጎዳይ፣ ሃዋሬታ ባጋራ ከተዳ ከታ ሂንቴ ሃሳናና ማላ ኮያይሰ።

3 ኡባሬ ካሴተዲ፣ ዋዴ ወርሴላን ባንታ አሙዋ ካሊዲ አሴ ቶቼይሳተ፣ ቶቼሽ ያናይሳ ኤሪቴ።

4 ኤንቴ፣ «ታ ያና ገዳይሲ አወን ዴዒ? ኑ አዋቴ ሃይቁደሶና፣ ሺን ኡባባይ ሳዓይ ማጴቶሳፕ ደሚዲ ዴባይሳዳ ዴዒሰ» ያጎሶና።

5 ዳር ዋዴ፣ ካሴ ሳሎይ ያሳ ቃላን ማጴተዳይሳ፣ ቃሲ ሳዓይ ሃላፊኔ ሃላን ማጴተዳይሳ ኤሪሽ ካደሶና።

6 ሄ ዋዴ ዴዒያ ሳዓይ ሃላን ማቴተዲ ጳይሰ።

7 ሺን ሃዒ ዴዒያ ሳሎይን ሳዓይ፣ ጌላቴ ፐርዴቲያ ጋላሳይኔ ጳያ ጋላሳይ ጋካናው ሄ ቃላን ታማሰ ናጌተዲ ዴዶሶና።

8 ሺን ታ ሲቆ አሻቶ፣ ሃ አሲባ ደሳፕቴ። ጎዳ ማታን አሲ ጋላሲ ሙኩሉ ላይሳ ማላ ገዴይሳኔ ሙኩሉ ላይሴ አሲ ጋላሳ ማላ ገዴይሳ ደሳፕቴ።

9 አሶተ አሶተ ጋምዒሰ ገዲ ቆፔይሳዳ፣ ጎዳይ ባ ኡፋይሳ ቃላ ገሾ ጋምዒና። ሺን ኦኒካ ጳዮና ማላ ኮዬዲ፣ ኡባይ ባንታ ናጋራፔ ሲማና ማላ ሂንቴ ገሾ ገዲ ጌንጩሶ።

10 ሺን ጎዳ ጋላሳይ ካይሶዳ ያና። ሄ ጋላሳን ሳሎተ ዋልቃማ ጉንላን ጳያና፣ ሳሎ ማጴቴላተ ታማን ፀ-ጌታና፣ ሳዓይኔ አያ ቦላ ዴዒያ ኡባይ ጳያና።

11 ሂዛ፣ ኡባባይ ሄሳዳ ሃኒዳ ጳያባ ገዲኮ ሂንቴ አይ ማላ አሲ ገዳናው ቤሲ? ሂንቴ ጌሺኔ ያሳ ዳኒያ ዴዶ ዳናው ቤሴሰ።

12 ሂንቴ ሲንላራ ያ ያሳ ጋላሳ ናገሼ ሂንቴው ዳንዳዔቲያባ ኡባ ኦሴዲ ሄ ጋላሳ ኤሶዩቴ። ሄ ጋላሰ ሳሎተኔ አያን ዴዒያባይ ታማን ፀ-ጌታና፣ ዋልቃማ ሱላን ቲልዳና።

13 ሺን ኦኒ ዲሎቴላ ሃሪያ ኦራላ ሳሎኔ ኦራላ ሳዓ ያሳ ኡፋይሳ ቃላዳ ናጎሰ።

14 ሄሳ ገሾ፣ ታ ሲቆ አሻቶ፣ ኑ ሄ ጋላሳ ናገያ ገሾ ፖኮይኔ ቦሬይ ባይናይሳታ ገዲዲ፣ ጎዳራ ሳሮን ዳናው ማኒቴ።

15 አሲ ኡባይ አታና ማላ ኮዬዲ ጎዳይ ዳንዳዔይሳ ደሳፕቴ። ቃሲ ኑ ሲቆ አሻይ፣ ጳውሎሲ፣ ያሳይ አያው አሚዳ ጨንጫቴላን ሄሳዳ ሂንቴው ያፊሰ።

16 ኢ ባ ዳብዳቤታ ኡባን ሄሳታባ ያፊሰ። አያ ዳብዳቤታ ገደን አኩካናው ዋይሲያ ቆፋተ ዴዶሶና። ታማሪቦናኔ ማኒቦና አሳተ ሃራ ያሳ ቃላ ማርቆይሳዳ ሃ ከታታካ ጳያናው ማቼዲ ማርቆሶና።

17 ሄሳ ገሾ፣ ታ ሲቆ አሻቶ፣ ሂንቴ ሄሳ ኤሪያ ገሾ ማካላታ ባላን ጨማተዲ፣ ጳዮና ማላኔ ማኒዲ ዴዒያ ቤሳፊ ከንዶና ማላ ናጌተቴ።

18 ሺን ሂንቴ ኑና አሺያ ኑ ጎዳ፣ ዬሱሰ ከሪሰቶሳ አጼ ኬሃቴላኒኔ ኤራቴላን ዲጨቴ። አያው ሃዒካ ማሪናወካ ቦንቸይ ገደ። አሚንዒ።

የሃኒሳ ፃፊዳ ኮይር ከታ ጋላ ቆፋ

ሃዋሪያ የሃኒሳ ፃፊዳ ኮይር ከታይ፣ ናሞው አይፌ ቆፋታ ኦይኬስ። ሄሲካ ናባቤይሳቲ፣ ያሳራኔ ኢያ ናዓ ዬሱስ ከሪስቶሳራ ኢሲፌቴሌ ዳና ማላ ማገልገላናሳኔ ሄ ኢሲፌቴሌ ጳይሲያ ዋርዶ ተሚርቲያፌ ሃካና ማላ ኤንታ ኣኬከሳናሳ። ሄ ዋይ ዳንዲዳ ዋርዶ ተሚርቲይ። «ያሳይ ቤንቶና አያና አላሜ ሜጲስ። ሃ ቤንቲያ አላሚያኔ ኑ አሳቴላ ያሳይ ሜጲቦና ገሾ ኢታ። ቃሲ ሃ ቤንቲያ አላሜይኔ ኑ አሳቴላይ ኑ አያና ቆሃናዉኔ ቱኒሳናው ዳንዳዔና» ያገዲ ታማርሶሶና። ሄሳ ጉሳይ፣ ኮይር፣ ዬሱሲ አሴ ገዲዲ ዪቤና። ናሞግጉ፣ ኢሲ አሲ ባ አያና ቱኒሶና ዳዒሼ ባ አሾን ናጋራ ኦላናው ዳንዳዔሰ ያጉሱ።

ሄሳ ገሾ፣ የሃኒሳ ባ ከታን፣ ዬሱሲ አሴ ገዲዲ ዪዳይሳ ካዲያ ኦኒካ ያሳ ናዓ ገዴና (4:2-3)። ቃሲ ያሳፌ ዬሌተዳ ኦኒካ ኡባ ዋይ ናጋራን ዳዔና (3:6) ያገዲ ፃፊሰ።

ሄ ዋርዶ አሰታማሬቲ፣ «አቶቴሌ ጉሳይ፣ ሃ ሳዓ ዲሳሰ ኡንዔቴላፌ ከዪዲ ዬዳ ገዲዲ ዳይ» ያገሶና። ሄሳ ቦላ ጉጂዲ፣ «ኢታኔ ሎዖ ሻኪዲ ኦይኬሌ ገዲን፣ ቃሲ ሃራ አሲ ሲቆ ገዲን አቶቴላራ አይቢ ጋሄቴሌካ ባዋ» ያገሶና።

ፃፊይ ሄ ተሚርቲያ ኢዲዲ፣ «ዬሱስ ከሪስቶሲ ፖሎ አሴ። ዬሱሳ አማኔይሳቲኔ ያሳ ሲቁይሳቲ ኡባይ ባንታ ገደን ኢሶይ ኢሱዋራ ሲቁታናው ቤሱሰ» ያገዲ ኦዲሰ።

1 የሃኒሳ ከታ አይፌ ቆፋታ

- ገሎ ቆፋ 1:1-4
- ፖንጌ ጳማ 1:5-2:29
- ያሳ ናይታኔ ፃላሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- የኒያ አማኖ 5:1-21

ዳይ አሚያ ቃላ
 1 ኑኒ ኮይርፔ ደሚዲ ዳዒያ፣ ኑ ሃይላን ሲዒዳ፣ ኑ ያሊዳ፣ አይፊያን ቤዒዳ፣ ኑ ኩሺያን ቦቺዳ ዳይ ቃላባ ሂንቴው ፃፎሰ።

2 ሄ ዳይይ ቆንጨን፣ ኑኒ ኢያ ቤዒዲ፣ ኢያባ ማርካቶሰ። አዋ ማታን ዳዒያ ኑሰ ቆንጨዳ፣ ማሪና ዳዑዋባ ሂንቴው አዋጅሰ።

3 ኑራ ሂንቴው ኢሲፌቴሌ ዳና ማላ ኑኒ ቤዒዳይሳኔ ሲዒዳይሳ ሂንቴው አደሰ። ሂንቴው ኑራ ኢሲፌቴሌ ዳዒያ ገሾ አዋራኔ ኢያ ናዓ ዬሱስ ከሪስቶሳራ ኢሲፌቴሌ ዳዒሰ።

4 ኑ ኡፋይሳይ ፖሎ ገደና ማላ ሄሳ ሂንቴው ፃፎሰ።

ያሳይ ፖዎ

5 ኑኒ ዳይ ገዲዳ ኢያፔ ሲዒዲ፣ ሂንቴው ኦዲያ ከታይ ሃይሳ፣ «ያሳይ ፖዎ፣ ኢያን ጳማ ባዋ» ያገይሳ።

6 ኑሰ ኢያራ ኢሲፌቴሌ ዳዒሰ ያገሼ ጳማን ዳዒኮ፣ ኑ ኦዳኒኔ ኑ ኦሱዋን ዋርዶቶሰ።

7 ሺን ፖዎን ኢ ዳዒይሳዳ፣ ኑካ ፖዎን ዳዒኮ፣ ኑሰ ዋሊ ገደን ኢሲፌቴሌ ዳዒሰ። ኢያ ናዓ፣ ዬሱሳ ሱሳይ ናጋራ ኡባፌ ኑና ገሼሰ።

8 ኑኒ፣ ኑናን ናጋሪ ባዋ ገኮ ኑ ኑና ጨሞሰ፤ ኑናን ቱሚ ባዋ።

9 ሺን ያሳሰ ኑ ናጋራ ፓዌኮ፣ ኢ ኑ ናጋራ አቶ ጋናዉኔ ኑ ቆሆ ኦሶ ኡባፌ ኑና ገሻናው፣ አማኔይሳይሳኔ ቱማ።

10 ኑኒ ናጋራ ኦሌቦኮ ገኮ ያሳ ዋርዳንቾ ኬሶሰ፤ ኢያ ቃላይካ ኑናን ዳና።

2

ከሪስቶሲ ኑሰ ጋናቴይሳ

1 ታ ናይቶ፣ ናጋራ ሂንቴ ኦላና ማላ ታኒ ሃይሳ ሂንቴው ፃፋይሰ። ሺን ኦኒካ ናጋራ ኦሌኮ አዋ ማታን ኑሰ ጋናቴያ ዪሎይ፣ ዬሱስ ከሪስቶሲ፣ ዳዒሰ።

2 ኑ ናጋራይ ከሪስቶሳ ባጋራ አቶ ገቴቴሰ። ኢ ኑ ናጋራ ፃላላሰ ገደናሺን አሳ ኡባ ናጋራ ሰርሼቲሰ።

3 ኑኒ ያሳ ከታ ናገኮ፣ ሲዴይ ባይናሺን፣ ቱማ ኑ ኢያ ኤርሰ።

4 ኦኒካ፣ «ታኒ ኢያ ኤራይሰ» ያገሼ፣ ኢያ ከታ ናገና ኢዌኮ ሄ ኡራይ ዋርዳንቾ፤ ቱማቴሌ ኢያን ባዋ።

5 ሺን ኢያ ቃላሰ ኑ ከቴቲያባ ገዲኮ ሄ ኡራይ ያሳ ሲቁያ ሲቆይ ፖሎ ገዴሰ። ኑኒ ያሳን ዳዒይሳሰ ሄሲ ባው ቱማ ማርካ።

6 ታኒ፣ «ያሳን ዳዒይሰ» ገያ ኦኒካ ከሪስቶሲ ዳዒይሳይ ዳናው ቤሱሰ።

ኦራላ ከታ

7 ታ ሲቆ አሻቶ፣ ታኒ ሂንቲው ከይርፔ ዳዒያ ጋልዓ ከታ ያፋይሲፔ አትን ኦራላ ከታ ያፋይሲፔ። ኢካ ሂንቲ ሲዒዳ ሄ ጋልዓ ከታ።

8 ጊዲኮካ፣ ከሪስቶሳኒኔ ሂንቲናን ቱማ ጊዲዲ ዳዒያ፣ ኦራላ ከታ ያፋይሲፔ። ቆማይ ከቲን፣ ሃዒ ቱማ ፖዖይ ፖዒሲ።

9 «ፖፖን ዳዒይሲ» ጊሼ ባ አሻ አዲያ ኦኒካ፣ ሃዒካ ቆማን ዳዒሲ።

10 ባ አሻ ደሲያ ኦኒካ ፖፖን ዳዒሲ። ሄ ኦራን ሃራ አሲ ቆቢያባይ ባዋ።

11 ሺን ባ አሻ አዲያ ኦኒካ ቆማን ዳዒሲ፤ ቆማን ሃሙቲሲ። ቆማይ ኢያ አይፊያ ቆቂሲዳ ጊሾ አው ቢያኮ ኤሪና።

12 ታ ናይቶ፣ ከሪስቶሳ ሱንጎላ ባጋራ ሂንቲ ናጋሪይ አቶ ጌቲቲዳ ጊሾ ታኒ ሂንቲው ያፋይሲ።

13 አዋቶ፣ ኮይርፔ ዳዒያ፣ ኢያ ሂንቲ ኤሪዳ ጊሾ ሂንቲው ያፋይሲ። ያላጋቶ፣ ያላሂያ ሂንቲ ያኒዳ ጊሾ ሂንቲው ያፋይሲ።

14 ጉላ ናይቶ፣ ያሳ ሂንቲ ኤሪዳ ጊሾ ሂንቲው ያፋይሲ። አዋቶ፣ ኮይርፔ ዳዒያ ኢያ ሂንቲ ኤሪዳ ጊሾ ሂንቲው ያፋይሲ። ያላጋቶ፣ ሂንቲ ሚኖ ጊዲያ ጊሾ ያሳ ቃላይ ሂንቲናን ዳዒያ ጊሾኔ ያላሂያ ሂንቲ ያኒዳ ጊሾ ሂንቲው ያፋይሲ።

15 አላሚ ወይኮ አላሚን ዳዒያባ ደሶፒቲ። አላሚያ ደሲያ ኦኒካ ያሳ ደሶና።

16 አላሚን ዳዒያ ኡባባይ፣ አሾ አሞቴሌ፣ አይፊን ቤዒዲ አሞቲያባይኔ ሚሼን ጩቁቴሌ አላሚባፔ አትን ያሳፊ ጊዳና።

17 አላሚይኔ አላሚን አሲ አሞቲያ ኡባይ አቆና፣ ሺን ያሳ ሼኒያ ፖሊያ ኦኒካ ሜሪናው ዳና።

ከሪስቶሳራ ኤቁቲያ ሞርኪያ

18 ታ ናይቶ፣ ወዲያ ወርሴላይ ማታቲሲ። ከሪስቶሳ ሞርኪይ ሲንጎፊ ያናይሳ ሂንቲ ሲዒዳይሳዳ ሃሪ አቶሺን፣ ሃዒካ ኢያ ሞርኪቲ ዳርቲ ዳንዲደሶና። ሄሳ ጊሾ፣ ወዲያ ወርሴላይ ማታቲዳይሳ ኦኒ ሄሳን ኤርሲ።

19 ሄ ሞርኪቲ ኦ ባጋ ጊዳና ጊሾ ኦ ጊዳፊ ከዪደሶና። ኤንቲ ኦ ባጋ ጊዲያኮ ኦ ጊዳን ዳዒና፣ ሺን ኤንታፊ ኦኒካ ኦ ባጋ ጊዳናይሲ ኤሬታና ሜላ ኦ ጊዳፊ ከዪደሶና።

20 ሺን ከሪስቶሲ ሂንቲ ቦላ ጌሻ አያና ጉሲሲ፤ ቃሲ ሂንቲ ኡባይ ቱማ ኤሬታ።

21 ቱማ ሂንቲ ኤሪያ ጊሾኔ ቱማን አይቢ ዋርዶይ ባይናይሳ ሂንቲ ኤሪያ ጊሾ ታኒ ሂንቲው ያፋይሲፔ አትን ቱማ ሂንቲ ኤርና ጊሾ ጊዳና።

22 ዬሱሲ፣ ያሳይ ደሪዳይሳ ጊዳና ጊዲ ካዲያ አሳፔ ሃሪ ዋርዳንቸይ ኦኒ? ሄሳ ሜላ አሲ ከሪስቶሳ ሞርኪ። ኢ ናዓ ካዲኮ አዋካ ካዳሲ።

23 ናዓ ካዲያ ኦዳሲካ አዋይ ባዋ፤ ቃሲ ናዓሲ ማርካቲያ ኦዳሲካ አዋይ ዳዒሲ።

24 ሄሳ ጊሾ፣ ኮይር ሂንቲ ሲዒዳ ቃላ ሂንቲ ዋዛናን ሚንሌዲ ናጌቲ። ኮይር ሲዒዳይሳ ሂንቲ ናጌኮ ሂንቲው ናዓሪኔ አዋራ አሲፊቴሌ ዳና።

25 ናዓይ ኦሲ ሜሪና ዳዑዋ አማና ጊዲ ቃላ ጌሊሲ።

26 ሂንቲና ባሌሌያ አሳ ጊሾ ታኒ ሃይሳ ሂንቲው ያፋሲ።

27 ሺን ከሪስቶሲ ሂንቲ ቦላ ባ ጌሻ አያና ጉሲሲ። ጌሻ አያናይ ሂንቲናን ዳዒያ ጊሾ ኦኒካ ሂንቲና ታማርሶ ኮሼና። ኢያ ጌሻ አያናይ ሂንቲና ቱማ ታማርሴሲፔ አትን ዋርዶ ጊዳና። ጌሻ አያናይ ሂንቲና ታማርሲዳይሳዳ ከሪስቶሳን ዳዒቲ።

28 ሂዛ፣ ታ ናይቶ፣ ኢ ቆንጨያ ወዳ ኦኒ ያሺ ባይናኔ ኢያ ዩሳ ጋላሲ ኢያ ሲንጎን ኦ ዬላን ቆሴቶና ሜላ ኢያን ዳዒቲ።

29 ከሪስቶሲ ያሎ ጊዳይሳ ሂንቲ ኤርኮ ያሎ ኦሌያ ኡባይ ያሳ ናዓ ጊዳይሳ ኤሪቲ።

3

ያሳ ናይታ
1 ኦኒ ያሳ ናይታ ጌቲቲዲ ያጌታና ሜላ ያሳይ ኦና አይ ሜላ ደሲዳኮ ቤዒቲ። ኦኒ ቱማካ ያሳ ናይታ። ሃ አላሚይ ያሳ ኤርና ጊሾ ኦናካ ኤሪና።

2 ታ ሲቆ አሻቶ፣ ሃዒ ኦኒ ያሳ ናይታ፤ ኦኒ አይ ሃናኒኮ ቡር ኤሬቲቤና።

ሽን ከሪሰቶሲ ቆንጨያ ዋዴ ኮኒ ኢያ ዳናናይሳ ኤርሰ። ኢ ቱማ ዴዔይሳ ኮኒ ቤዓና።

3 ከሪሰቶሳ ቤዓና ገዲ ኡፋይሳን ናገያ ኦኒካ። ከሪሰቶሲ ጌሺ ገዲዳይሳዳ ባና ጌሼሰ።

4 ናጋሪ ሃጌ ማንሉ ገዲያ ገሾ ናጋሪ ኦሊያ ኡባይ ያሳ ሃጌ ማንሉሰ።

5 ከሪሰቶሲ ኦሳ ናጋሪ ቆይሳናው ቆንጨዳይሳ ሃንቴ ኤሬታ፤ ኢያን ናጋሪ ባዋ።

6 ከሪሰቶሳን ዴዔያ ኦኒካ ናጋሪን ዴና። ቃሲ ናጋሪን ዴዔያ ኦኒካ ኢያ ቤዒቤና ዋይኮ ኤሪቤና።

7 ታ ናይቶ፣ ሃንቴና ኦኒካ ባሌላ። ከሪሰቶሲ ዓሎ ገዲዳይሳዳ ዓሎ ኦሊያ ኦኒካ ዓሎ።

8 ዓላሃይ ኮይርፔ ናጋሪ ኦሊዳ ገሾ ናጋሪ ኡባ ዋዴ ኦሊያ ኦኒካ ዓላሃ ዳሪ። ሃሳ ገሾ፣ ያሳ ናዓይ ዓላሃ ኦሶ ቆይሳናው ቆንጨሰ።

9 ያሳ ናዓ ገዲያ ኦኒካ ያሳ ኦናናይ ኢያን ዴዔያ ገሾ ኢ ኡባ ዋዴ ናጋሪን ዴና። ያሳይ ኢያ ኦቀ ገዲያ ገሾ ናጋሪን ዴና።

10 ያሳ ናይታ ገዲኒኔ ዓላሃ ናይታ ገዲን ዴዔያ ዳማቴሳይ ሃሳን ኤሬቴሰ፤ ዓሎ ኦላና ኦሲ ዋይኮ ባ ኢሻ ዶሶና ኦሲ ያሳ ናዓ ገዴና።

ኢሶይ ኢሱዋ ዶሲቴ

11 ኮይርፔ ሃንቴ ሲዒዳ ከታይ፣ «ኢሶይ ኢሱዋ ዶሳናው ቤሴሰ» ያገያ ከታ።

12 ኮኒ ቃዔላ ማላ ገዳናው ቤሴና። ቃዔላ ዓላሃ ዳቦ ገዲዲ ባ ኢሻ ዋዲሰ። ኢ ባ ኢሻ ኦይሰ ዋዲዴ? ኢያ ኦሶይ ኢታ ገዲዳ ገሾኔ ኢያ ኢሻ ኦሶይ ሎዎ ገዲዳ ገሾ ዋዲሰ።

13 ታ ኢሻቶ፣ ሃ ኦላሚያ ኦሳይ ሃንቴና ኢዳኮ ማላጎፊቴ።

14 ኮኒ ኮ ኢሻታ ሲቁያ ገሾ ሃይቆፔ ዴዎ ፒኒዳይሳ ኤርሰ። ባ ኢሻ ዶሶና ኦኒካ ሃይቆ ኩያን ዴዔሰ።

15 ባ ኢሻ ኢዳያ ኦኒካ ሹምፖ ዋዲሰ። ቃሲ ሹምፖ ዋዲያ ኦይሰካ ማሪና ዴይይ ባይናይሳ ሃንቴ ኤሬታ።

16 ከሪሰቶሲ ባ ሹምፑዋ ኮ ገሾ ኦሊ ኢሚዳይሳን ሲቆይ ኦይቤኮ ኮኒ ኤሪዳ። ኮካ ኮ ኢሻታ ገሾ ኮ ሹምፑዋ ኦሊዲ ኢማናው ቤሴሰ።

17 ሽን ዴሬ ገዲዳ ኦኒካ ማቶታንቸዋ ቤዒሼ፣ ኢያው ቃዴቶና ኢዳኮ ባ ዋዛናን ያሳ ሲቆይ ዴዔሰ ጋናው ዋኒዲ ዳንዳዒ?

18 ታ ናይቶ፣ ኮኒ ኦሶኒኔ ቱማቴላን ኮ ሲቆዋ ቆንጨሳናው ቤሴሰ፤ ኢቴን ጭ ኦዳ ዓላሳን ዋይኮ ዴና ዓላሳን ሲቁታናው ቤሴና።

ያሳን ዴዔያ ኦማኔቴላ

19 ኮኒ ኢሶይ ኢሱዋ ሲቁኮ፣ ኮ ቱማ ባጋ ገዴይሳ ኤርሰ፤ ሃሳሰ ያሳ ሲንላን ዬላቶኮ።

20 ኮ ዋዛናይ ኮ ቦላ ፐርዲያባ ገዲኮ፣ ያሳይ ኮ ዋዛና፤ ገታ ገዴይሳ ኤርሰ፤ ኢ ኡባባ ኤሬሰ።

21 ታ ሲቆ ኢሻቶ፣ ኮ ዋዛናይ ኮ ቦላ ፐርዲያባ ገዲኮ ኮኒ ያሳ ሲንላን ያዮኮ።

22 ኮኒ ኢያ ከታ ናገያ ገሾኔ ኢያ ኡፋይሲያባ ኦሊያ ገሾ ዋሲያ ኡባ ኢያ፤ ኤኮሰ።

23 ከሪሰቶሲ ኮና ከቲዳይሳዳ ያሳ ናዓ ዬሱሰ ከሪሰቶሳ ሱንላን ኦማናናዳኔ ኢሶይ ኢሱዋ ሲቃናዳ ያሳይ ኮና ከቲሰ።

24 ያሳ ከታ ናገያ ኦኒካ ያሳን ዴዔሰ፤ ያሳይካ ኢያን ዴዔሰ። ያሳይ ኮሰ ኢሚዳ ጌሻ ኦናና ባጋሪ ኢ ኮናን ዴዔይሳ ኤርሰ።

4

ኦናናታ ሻኪ ኤሪቴ

1 ታ ሲቆ ኢሻቶ፣ ኦናናታ ኡባ ኦማና፤ ሽን ኤንቴ ያሳፌ ዩዳኮ ፓጨ ቤዒቴ። ኦይሰ ገኮ፣ ዳር ዋርዶ ናቤቴ ኦላሚን ዴንዲዶሶና።

2 ያሳ ኦናና ገዴይሳ ሃንቴ ሃይሳን ኤሪና፤ «ዬሱሰ ከሪሰቶሲ ኦሴ ገዲዲ ዩዳይሳ ማርካታይሰ» ገያ ኦናና ኡባይ ያሳፌ ዬሰ።

3 ከሪሰቶሲ ኦሴ ገዲዲ ዩዳይሳ ኦማናይሰ ጎና ኦናና ኡባይ ያሳፌ ገዴና። ሃሲ ከሪሰቶሳ ኢዳያ ኦናና። ሃንቴ ሄ ኦናናይ ያናይሳ ካሴ ሲዒዴታ፤ ኢ ሃሪ ኦቶሺን ሃሪካ ኦላሚን ዴዔሰ።

4 ታ ናይቶ፣ ሃንቴ ያሳሳ። ሃንቴ ገዲን ዴዔያ ጌሻ ኦናናይ ኦላሚን ዴዔያ ኦናና፤ ዳር ዋልቃማ ገዲያ ገሾ ዋርዳንቸ ናቤታ ሃንቴ ያኒዴታ።

5 ኤንቲ ሃ አላሚያ አሴ ጊዲያ ገሾ ሃ አላሚያባ ኦዶሶና፤ ሃ አላሚያ አሳይ ኤንታ ኦዶ ሲያሶና።

6 ኑኒ ያሳፌ ዬሌቲዳ፤ ያሳ ኤሪያ ኦኒካ ኑና ሲዔሰ። ያሳ ኤሮና ኦኒካ ኑና ሲዔሰ። ኑኒ ቱማ አያናኔ ዋርዶ አያና ሄሳን ሻኮሰ።

ያሳይ ሲቆ

7 ታ ሲቆ አሻቶ፣ ሲቆይ ያሳፌ ያ ገሾ አኔ ኢሶይ ኢሱዋራ ሲቆቶሰ። ሲቆያ ኦኒካ ያሳ ናባ፤ ኢ ያሳ ኤሬሰ።

8 ያሳይ ሲቆ ጊዲያ ገሾ ሲቆና ኦኒካ ያሳ ኤሬሰ።

9 ኑኒ ከሪሰቶሳ ባጋራ ዴፐዋ ዴማና ማላ ያሳይ ባ ኢሲ ናባ ሃ አላሚያ ከተሰ። ያሳይ ኑና ባ ሲቆዋ ሄሳን ቤሰሰ።

10 ቱማ ሲቆ ጉሳይ ሃይሳ፣ ኑኒ ያሳ ሲቆዳ ገሾ ገደናሽን ያሳይ ኑና ሲቆዳ ገሾኔ ኑ ናጋራፔ ኑና ማራናው ባ ናባ ከተዳ ገሾሳ።

11 ታ ሲቆ አሻቶ፣ ያሳይ ኑና ሃይሳዳ ሲቆኮ፣ ኑካ ኢሶይ ኢሱዋ ሲቆናው ቤሰሰ።

12 ያሳ ቤዒዳይ ኦኒካ ባዋ። ኑኒ ኢሶይ ኢሱዋ ሲቆኮ ያሳይ ኑናን ዴዔሰ፤ ኢያ ሲቆይካ ኑናን ፖሎ ገዴሰ።

13 ያሳይ ባ ጌሻ አያና ኑሰ አሚዳ ገሾ ኑኒ ያሳን ዴዔይሳኔ ኢካ ኑናን ዴዔይሳ ኤሮሰ።

14 አዋይ ባ ናባ፣ ሃ አላሚያ አሼይሳ ገዳና ማላ ከተዳይሳ ኑኒ ቤዒዳ ማርካቶሰ።

15 ዬሱሲ ያሳ ናባ ገዴይሳ ማርካቲያ ኦዴንካ ያሳይ ዴዔሰ፤ ኢካ ያሳን ዴዔሰ።

16 ያሳይ ኑና ሲቆይሳ ኑኒ ኤሮሰኔ አማኖሰ።

ያሳይ ሲቆ፣ ሲቆን ዴዒያ ኦኒካ ያሳን ዴዔሰ፤ ያሳይካ ኢያን ዴዔሰ።

17 ኑ ዴዎይ ሃ አላሚያን ከሪሰቶሲ ዴዒዳይሳ ማላ ገዴያ ገሾ ፐርዳ ጋላሰ ያዮና ኢያ ሲንጼ ሺቃናው ኢያ ሲቆይ ኑናን ፖሎ ገዴሰ።

18 ሲቆን ያሽ ባዋ፣ ቱማ ሲቆይ ያሽ ኬሲ ሆሌሰ። ያሽኔ ፐርዳ ኢሲፌ ቢያ ገሾ ያያ ኡራ ሲቆይ ፖሎ ገዴና።

19 ያሳይ ኮይሮ ኑና ሲቆዳ ገሾ ኑ ሲቆሰ።

20 ኦኒካ፣ «ያሳ ሲቆይሰ» ገሾ ባ አሻ ኢዌኮ፣ ኢ ዋርዳንቸ። አይሰ ገኮ፣ ቤዒያ ባ አሻ ሲቆና ኦኒካ ቤዒሶና ያሳ ሲቆናው ዋኒዲ ዳንዳዒ?።

21 ከሪሰቶሲ ኑሰ አሚዳ ከታይ ሃይሳ፤ «ያሳ ሲቆያ ኦኒካ ባ አሻ ሲቆናው ቤሰሰ» ያጌይሳ።

5

አላሚያ ያኖ

1 ዬሱሳ፣ ኢ ከሪሰቶሳ ያገዲ፣ አማኒያ ኦኒካ ያሳ ናባ። አዋ ሲቆያ ኦኒካ ኢያ ናባካ ሲቆሰ።

2 ኑኒ ያሳ ሲቆያ ገሾኔ ኢያ ከታ ናገያ ገሾ ያሳ ናይታ ሲቆይሳ ኤሮሰ።

3 ኑኒ ያሳ ሲቆኮ፣ ኢያ ከታታ ናገሰ። ኢያ ከታቲ ዴዎ ገደኮና።

4 አይሰ ገኮ፣ ያሳ ናባ ገዴያ ኦኒካ ሃ አላሚያ ያናናው ዳንዳዒሰ። ኑኒ ሃ አላሚያ ያናናይ ኑ አማኒዋና።

5 አላሚያ ያናናይ ኑ አማኒዋና፣ ዬሱሲ ያሳ ናባ ገዴይሳ አማኒያ አሳ ያላሊ ያናና።

ከሪሰቶሳባ ማርካቲይሳ

6 ዬሱሰ ከሪሰቶሲ ሃሳ ደንቃቲያራኔ ባ ሃይቁአዋ ሱላራ ዩሰ። ኢ፣ ሃላራኔ ሱላራ ዩሰፔ ኦኒካ ሃሳ ያላላራ ዩቤና። ጌሻ አያናይ ቱማ ገዴያ ገሾ ሄሲ ቱማ ገዴይሳ ማርካቲሰ።

7 ሄዥ ማርካቲ ዴዎሶና።

8 ሄሳቲ፣ ጌሻ አያና፣ ሃላኔ ሱላ። ሃ ሄዥታ ማርካቲላይ ኢሲና።

9 ኑ አሲ ማርካቲይሳ አማኖሰ። ሺን ያሳ ማርካቲላይ አሳይሳፌ ዴሮ አዴሰ። ያሳይ ባ ናባሰ ማርካቲዳ ማርካቲላይ ሃይሳ።

10 ያሳ ናባ አማኒያ ኡራ ዋዛናን ሃ ማርካቲላይ ዴዔሰ። ያሳ አማኖና ኦኒካ ያሳይ ባ ናባሰ ማርካቲዳ ማርካቲላይ አማኒሶና ገሾ ያሳ ዋርዳንቸ ኦጼሰ።

11 ሂዛ፣ ማርካቲላይ ሃይሳ፤ ያሳይ ኑሰ ማሪና ዴዎ አሚሰ፤ ሄ ዴዎይካ ኢያ ናባን ዴዔሰ ያጌይሳ።

12 ያሳ ናባይ ዴዒያ ኦዴሰካ ዴዎይ ዴዔሰ። ያሳ ናባይ ባይና ኦዴሰካ ዴዎይ ባዋ።

ሚሪና ዴዎ

13 ያሳ ናባን አማኒያ ሂንቲው ሚሪና ዴዎይ ዴዔይሳ ሂንቲ ኡራና ማላ ሃይሳ ሂንቲው ያፋሰ።

14 ያሳ ሼኒያዳ ኣይቢባካ ኢያ
ዋሲኮ፡ ኢ ሲዔይሳ ኑኒ ኤሪያ ጊሾ
ኢያን ኣማኔቶስ።

15 ኑኒ ዋሲያ ኡባ ኢ ሲዔይሳ
ኤሪኮ፡ ኑኒ ዋሲያባ ኢ ኣማናይሳ
ኤሮስ።

16 ኣኒካ ባ ኣሻይ ሃይቆ ቤሶና
ናጋራ ኦሊሽን ቤዒኮ፡ ያሳ ኢያው
ዋሳናው ቤሴስ። ሃይቆ ቤሶና ናጋራ
ኦሊዳይሳታስ ያሳይ ዴዖ ኣማና። ሃይቆ
ቤሴያ ናጋሪ ዴዔስ። ታኒ ሂንቴና ሄሳስ
ያሳ ዋሲቲ ጊኬ።

17 ኢታ ኦሶ ኡባይ ናጋራ፡ ሺን ሃይቆ
ቤሶና ናጋሪ ዴዔስ።

18 ያሳ ናዓይ ኢያ ናጊያ ጊሾ ያሳ
ናዓ ጊዲዳ ኦኒካ ናጋራን ኡባ ዋዴ
ዴዖናይሳ ኑኒ ኤሮስ። ፃላሄይ ኢያ
ቆሃናው ዳንዳዔና።

19 ኑኒ ያሳሳ ጊዳይሳኔ ሃ ኩሜላ
ኣላሜይ ፃላሄን ሃሬቲይሳ ኤሮስ።

20 ኑኒ ቱማ ያሳ ኤራናዳ ያሳ ናዓይ
ዩዳይሳኔ ኑስ ኣኬካ ኣሚዳይሳ ኤሮስ።
ኑኒ ኢያ ናዓ፡ ዩሱስ ኪሪስቶሳ ባጋራ
ቱማ ያሳን ዴዖስ። ዩሱሲ ቱማ ያሳኔ
ሜሪና ዴዐቁ።

21 ታ ናይቶ፡ ኤቃታፔ ሂንቴ ሃኪቴ።

ዮሃንሲ ፃፊዳ ናምዓንሉ ኪታ ጋላ ቆፋ

ዮሃንሲ ፃፊዳ ናምዓንሉ ኪታ፡
ዬሱሳ ሃዋሬ ጊዲዳ ጨማይ፡ ዮሃንሲ
ፃፊሰ። ፃፊቲዳይካ ዶሬቲዳ ጎዳቲሳኔ
ኢ ናይታሳ። ኦኒ ኤሪ፡ ሄሲካ ኢሲ ዋሳ
ኬላሲኔ ኢያን ጎይኒያ አሳሰ ጊዶና
ኣኔና። ሃ ቃንሳ ኪታይ ፃፊቲዳይ፡
ኤንቲ ኢሶይ ኢሱዋራ ሲቁታና ሜላ
ኣኬከሳሳሳኔ ዋርዶ አሰታማሬታፔኔ
ኤንታ ቲሚርቲያፊ ናኔታና ሜላ
ቆፊሳናሳ።

2 ዮሃንሳ ኪታ ኣይፌ ቆፋታ

ሳርሶ 1-3

ሲቆይ ኡባፌ ቦላ 4-6

ዋርዶ ቲሚርቲያፊ ናኔቲሉ 7-11

ኩሻ ቆፋ 12-13

1 ታ ጨማይ ዶሬቲዳ ጎዳቲሰኔ
ኢ ናይታሰ ከቲዳ ኪታ። ታ ፃላላ
ጊዶናሽን ቱማ ኤሪያ ኡባይ ሂንቴና
ዶሶሶና።

2 ሃ ቱማይ ኦናን ዳዒያ ጊሾኔ
ሜሪናው ኦራ ዳና ጊሾ ታኒ ሂንቴና
ቱማ ዶሳይሰ።

3 ያሳ ኦ አዋኔ ኢያ ናዓ ዬሱሰ
ኪሪሰቶሳ ኣጶ ኬሃቴሳይ፡ ማርቲሳይኔ
ሳርቲሳይ ቱማኒኔ ሲቆን ኢሲፊ ኦራ
ጊዶ።

ቱማባኔ ሲቆባ

4 አዋይ ኦና ኪቲዳይሳዳ፡ ኔ ናይታፔ
ባገቲ፡ ቱማሰ ኪቲቲይሳ ቤዓዳ ታኒ
ዳር ኡፋይታሰ።

5 ጎዳቲ፡ ሃዒካ ኦኒ ኡባይ ኢሶይ
ኢሱዋ ሲቃና ሜላ ታኒ ኔና ዋሳይሰ።
ሃ ኪታይ ኮይርፔ ኦራ ዳዒያ ኪታፔ
ኣቲን ታኒ ኔው ኦራሳ ኪታ ፃፊኩ።

6 ቱማ ሲቆይ ኦኒ ያሳ ኪታ
ናጊዲ ዳናይሳ። ቃሲ ኮይርፔ ሂንቴ
ሲዒዳይሳዳ ኢያ ኪታይ፡ ሂንቴ ኡባይ
ሲቆን ዳና ሜላሳ።

7 ዬሱሰ ኪሪሰቶሲ ኣሴ ጊዲዲ
ዪዳይሳ አማኖና፡ ዳር ባሌሌያ አሳቲ፡
አላሜን ዳንዲዶሶና። ሄሳ ሜላ አሲ
ኦኒካ ባሌሌይሳኔ ኪሪሰቶሳ ሞርኩ።

8 ሂንቴ ኦሉዳ ኩሜሳ ዋይቲዋ
ኤካናው ማኒቲ። ሂንቴ ኦሉዳይሲ
ቆሶና ሜላ ናኔቲቲ።

9 ኪሪሰቶሳ ቲሚርቲያን ዳናይሳሲኔ
ኢያፔ ሃኪያ ኡራሰ ያሳይ ባዋ።
ኪሪሰቶሳ ቲሚርቲያን ዳዒያ ኡራሰ
አዋይኔ ናዓይ ዳዖሶና።

10 ኦኒካ ሂንቴኮ ዪሼ ሃ ቲሚርቲያ
ኤሆና ኢዪኮ፡ ሂንቴ ሶ ጌልሶፊቴ፤
ሳርካ ጎፒቲ።

11 ኢያ ሳር ጊያ ኦኒካ ኢያ ኢታ
ኦሱዋን ኢያራ ሻኬቲሰ።

ጩርሴላ ሳርታ

12 ታኒ ሂንቴው ፃፋናው ኮዪዳ
ዳርባይ ዳዒሰ፡ ሸን ዋርቃቲኒኔ
ቃላሜን ፃፋናው ኮዪኩ። ኦ ኡፋይሳይ
ፖሌታና ሜላ ሂንቴራ ሶምዖን ጋሃታዳ
ኦይታናው ሂንቴኮ ባና ጋዳ ቆፓይሰ።

13 ያሳይ ዶራዳ ኔ ሚቹ ናይቲ ኔና
ሳር ያጎሶና።

የሃኒሳ ፃፊዳ ሄቫገላ ኪታ ጋላ ቆፋ

የሃኒሳ ፃፊዳ ሄቫገላ ኪታ፡ ዩሱሳ ሃዋሪ ገዲዳ ጨማይ፡ የሃኒሳ ፃፊሰ። ኢ ፃፊዳይካ ጋዮሳ ገያ ኢሲ ዋሳ ኬላ ሄማይሳሳ። ፃፊይ ኢሲ ባጋራ ጋዮሲ ሃራ አማኔይሳታ ማዲዳ ገሾ ኢያ ጋላቲሰ፤ ቃሲ ሃራ ባጋራ ዲዮተራፊሳ ጌቲቲያ ዋሳ ኬላ ሃላቃ ገዳናው ኮያ ጌላ ኡራፔ ናጌታና ማላ አከኪሴሰ።

3 የሃኒሳ ኪታ አይፌ ቆፋታ
ጌሎ ቆፋ 1-4
ጋዮሲ ጋላቲቲሰ 5-8
ዲዮተራፊሲ ቦሬቲሰ 9-10
ዲሚዳርሲ ጋላቲቲሰ 11-12
ኩሻ ቆፋ 13-15

1 ታኒ ጨማይ፡ ቱማ ደሲያ ጋዮሳሰ ከቲዳ ኪታ።

2 ታ ሲቁዋው፡ ኔኒ ኔ ሸምፑዋን ሎዖ ዳዔይሳ ታ ኤሬይሳዳ ኔው ፓያቲላ ዳና ማላኔ ኔ ኦሊያባይ ሱራና ማላ ኔው ያሳ ዋሳይሰ።

3 ጉላ አማኒያ አሳቲ ዩዲ፣ ኡባ ዋዴ ኔኒ ቱማን ዳዔይሳኔ ኔ ቱማቲላባ ማርካቲዳ ዋዴ ታኒ ዳር ኡፋይታሰ።

4 ታ ናይቲ ቱማቲላን ዳዔይሳ ሲዔይሳፊ አጁዲ፣ ታና ኡፋይሲያባይ ባዋ።

ጋዮሲ ጋላቲቲሰ

5 ታ ሲቁዋው፡ ኤንቲ ኔው አማሌ ገዲኮካ፣ ኔኒ አማኒያ አሳታሰ አማንሳያ አሰ አላሳ።

6 ኤንቲ ኔ ሲቁዋባ ዋሳ ኬላን ማርካቲሶና። ሃራካ ኤንቲ ቢያ ኦጊያን ያሳይ ደሴይሳዳ አላዳ ኤንታ ማዲኮ ሎዖ አላሳ።

7 ኤንቲ ኪሪሰቶሳ ሱንላ ገሾ ከዩሼ፣ አማኖና አሳታፔ አይኮካ ኤኪቦኮና።

8 ኮኒ ቱማ ኦሱዋ ኤንታራ ኢሲፌ አላናው ሃይሳ ማላ አሳታ ማዳናው ቤሴሰ።

ዲዮተራፊሳኔ ዲሚዳርሳ

9 ታኒ ዋሳ ኬላታሰ ዳብዳቤ ፃፋሰ፣ ሸን ኤንታ ሃላቃ ገዳናው ኮያ ዲዮተራፊሲ ኮኒ ጌይሳ ኤኬና።

10 ሃሳ ገሾ፣ ታኒ ያ ቢያ ዋዴ ኢ ኦ ቦላ ኦዴቲያ ኢታ ኦዳኔ ኢ ኦሊዳ ኦሱዋ ኦዳና። ኢ ሃሲ ጉዳሰ ገዲ፣ ኦ አሻቲ ያ ዋዴ ሞኬና። ሃሪ አቶሺን፣ ኤንታ ሞካናው ኮዩይሳታካ ዲጊዲ ዋሳ ኬላፊ ኬሴሰ።

11 ታ ሲቁዋው፡ ሎዖባ ዳናፔ አቲን ኢታባ ዳናፓ። ሎዖባ ኦሊያ ኦኒካ ያሳ አሲ፣ ሸን ኢታባ ኦሊያ ኦኒካ ያሳ ቤዒቤና።

12 ዲሚዳርሲ ሎዖ አሲ ገዴይሳ አሳ ኡባይ ማርካቲሰ። ቱማይ ባ ሁዔን ኢያባ ማርካቲሰ፤ ኮካ ኢያባ ማርካቲሰ፤ ኦ ማርካቲላይ ቱማ ገዴይሳ ሂንቲ ኤሬታ።

ጩርሴላ ሳርታ
13 ታኒ ኔው ፃፋናው ኮዩዳ ዳርባይ ዳዔሰ፣ ሸን ቃላሜኒኔ ዋርቃቲን ፃፋናው ኮዩኬ።

14 ሸን ታኒ ማታራ ኔራ ጋሄታናው ቆፓይሰ፤ ሄ ዋዴ ኮኒ ኦዴታና።

15 ሳርይ ኔው ገዴ።
ኔ ዳቦቲ ኔና ሳር ያሳሰና። ኦ ዳቦታ ኡባ ኤንታ ሱንላ ሱንላ ያጋዳ ታና «ሳር ገሰ» ያፓ።

ጴሁዳ 9ፊዳ ኪታ ጋሳ ቆፋ

ጴሁዳ ኪታይ 9ፊዳ፡ አማናና ደዒሼ አማኒያ አሲ ዳኒዲ ዋርዶ ቲሚርቲ ላሊያ አሳታፔ አማኒያ አሳይ ናጌታና ሜላ እኩኪሳና። ሃ ቃንፋ ኪታይ ባ ጊደን እይኪዳ ቆፋታን ናምዓንፋ ጳዳርሳ ኪታ ዳኔስ። 9ፊይ፡ «አማኒያ አሳስ ኢሲ ቶሆኔ ወርሱላ ጋካናው አማኒያ አማኒያ ተላቲቲ» ያገደ ናባቤይሳታ ማንላዲ ቆፊሱስ።

ጴሁዳ ኪታ ኣይፌ ቆፋታ
ሳርሳ 1-2
ዋርዶ አስታማሬታ ቲሚርቲያኔ ኢንታ ኩንዳላ 3-16
አማና ናጋና ሜላ አማኒያ ዞሬ 17-23
ጋላታ ዋሳ 24-25

1 ታኒ ጴሁዳ፡ ዩሱስ ኪሪስቶሳ ኣይሌይ፡ ያይቆባ እሻይ፤ ያሳይ ያገደዳይሳታስ፡ ያሳ አዋይ ደሴይሳታሲኔ ዩሱስ ኪሪስቶሳን ናጌቲዳይሳታስ ሃ ዳብዳቢያ 9ፋይስ።

2 ማርቲላ፡ ሳርቲላኔ ሲቆይ ሃንቴው ኩሞ።

ዋርዶ አስታማሬታ

3 ታ ሲቆ እሻቶ፡ ኑኒ ኢሲፊ ሻኩቲያ አቶቲላባ ሃንቴው 9ፋናው ታኒ ዳር አሞታስ። ሺን አማኒያ አሳስ ኢሲ ቶሆኔ ወርሱላ ጋካናው አማኒያ አማኒያ ተላቲቲና ሜላ ሃንቴና ዞሬሼ 9ፋናይሲ ታው ኮሺያባ ጊዲስ።

4 ኤንታ ፕርዳይ ቤኒፔ 9ፊዳዲ ኡቲዳ፡ ኢሲ ኢሲ አሳቲ ኦኒካ ኤርና ሃንቴ ጊዶ ጌሊደሶና። ኤንቲ ያሳ ኤርናይሳታ፡ ኤንቲ ኑ ያሳ አቶ ኬሃቴላ ላይማታናው ጎዔቲያ ኦጌ ኦላዲ ኤኮሶና። ባ 9ላላ ካዋ ጊዲዳ፡ ኑ ጎዳ ዩሱስ ኪሪስቶሳ ካደሶና።

5 ሺን ሃንቴ ሃ ኡባ ኤሪያባ ጊዲኮካ፡ ጎዳይ ኢሲሪዔሌ አሳ ገብጿ ቢታፊ ዋቲ ኬሲዳኮ፡ ቃሲ ጉዬፔ አማናናይሳታ ጳይሲዳይሳ ታ ሃንቴና እኩኪሳናው ኮያይስ።

6 ባንታ ደዒያሱዋ ኣጊዲ፡ ባንታው ኢሜቲዳ ማታ ናጊቦና ኪታንቸታ፡ ጊታ ፕርዳ ጋላሳይ ጋካናው ያሳይ ኤንታ ቋማፔ ጋርሳን ሜሪና ሳንፋላታን ቃቺ ዋላስ።

7 ሄሳዳ፡ ሶድሜኔ ጋሞራ አሳይኔ ኤንታ ማታን ደዒያ ካታማታን ደዒያ አሳይ ላይማቲደሶና፤ ላይማቲላራ ጋሄቲያ ቱናቲላ ኦሊደሶና። ኤንቲ ሜሪና ታማን ዋይታናይሳታስ ሌሚሶ ጊዲደሶና።

8 ሄሳዳካ፡ ሃ አሙሃንቸቲ ባንታ አሳቲላ ቲሊሶሶና፤ ማታ አዋታ ካቶሶና፤ ሳሎ ሜቶቲላታ ጫዮሶና።

9 ሺን ኪታንቸታ ሃላቃይ ሚካዔሌይ ሙሴ አሃስ 9ላሄራ ፓላሚዳ ዋዴ «ጎዳይ ኔና ሴር» ያገሰፔ ኦቲን ኢያ ቦላ ጫሻ ቃላ ኦዲዲ ሞታናው ኮዩቤና።

10 ሺን ሃ አሳቲ ባንታው ኤርናባ ኡባ ጫዮሶና፤ ቃሲ ኤንቲ ዋዛኒ ባይና ሜሃዳ ሜቶን ኤሪያ ኤሪይ፡ ኢ ኤንታና ጳይሳና።

11 ኤንታና አዬ! ኤንቲ ቃዔላ ኦጊያን ቢደሶና። ሚሼ ኮዩዲ ባላማ ባላን ኩንዲደሶና። ቆሬይ ያሳ ቦላ ዴንዲዳይሳዳ ኤንቲ ያሳ ቦላ ዴንዲዲ ጳዩደሶና።

12 ሃ አሳቲ፡ ሃንቴ ሲቆ ጊቢራ ሚያ ቤሳን ሃንቴራ ኡቲያ ዋዴ ዩሊ ባይና ካወሻታ። ኤንቲ ባንታና 9ላላ ሃሜይሳታ። ኤንቲ ጫርኮይ ኤፊያ ኤሪ ባይና ሻራ ሜላ። ቃሲ ኣይፊ ዋዴን ኣይፊ ኣይፎና፡ 9ጶራ ሾዴቲድ፡ ናምዑ ቶሆ ሚሊዳ ሚላ ሚላ።

13 ኤንቲ ሃንቁቲዳ አባ ዙሊያ ሚላ ባንታ ፖኩዋ ጎፖንቴይሳታ። ኤንቲ ሜሪናው ሳካና ቋማይ ናጊያ ቶይላቲያ ያለንቶታ።

14 አዳማፔ ደሚዲ፡ ላፑንፋ ዩሌታ ጊዲዳ ሄሮኬይ፡ ሃ አሳታባ ቲንቢቲ ኦዲሼ፡ «ሄኮ፡ ጎዳይ፡ ባ ዳር ሙኩሉ ጌሻታራ ያና።

15 አሳ ኡባ ፕርዳና፤ ጌላታ ኡባ ኤንቲ ኦሊዳ ኢታ ኦሶ ኡባ ጊሾኔ ማካላቲላን ኤንቲ ያሳ ቦላ ኦዴቲዳ ኢታ ኦዳ ኡባ ጊሾ ፕርዳና» ያገሰ።

16 ሄ አሳቲ ኡባ ዋዴ ዙዙሚይሳታኔ ኦዳ ኮዩይሳታ። ቃሲ ባንታ ኢታ አሙዋ ካሎሶና፤ ባንታናን ጩቆሶናኔ

1:1 ማቶ 13:55፤ ማር 6:3 1:5 ኬሳ 12:51፤ ታይ 14:29-30 1:7 ሜቶ 19:1-24 1:9 ዳኔ 10:13፤ 21፤ 12:1፤ ዮቆ 12:7፤ ዛሬ 34:6፤ ዛካ 3:2 1:11 ሜቶ 4:3-8፤ ታይ 22:1-35፤ 16:1-35 1:14 ሜቶ 5:18፤ 21-24

ባንታና ጎረቤታዎቼን ይመኛሉ ሃራታ ሳቦሱና።

ጠርቤጣ ዞሬ

17 ሺን ታ ኢሻቶ፣ ኑ ጎዳ ዩሱስ ኪሪስቶስ ሃዋሪቲ ካሴ ሂንቴው ኦዲዳ ቃላ እኩኪቴ።

18 ኤንቴ፣ «ጠርቤጣ ዋዲያን፣ ባንታ ኣሙዋ ካሊዲ ቶቴይሳቲ ያና» ያገደሶና።

19 ሄ አሳቲ አሳ ጊደን ሻሆቴላ ማዴይሳታ፣ ባንታ አሾ ኣሙዋስ ሃራቴይሳታኔ ጌሻ ኣያናይ ባይናይሳታ።

20 ሺን ታ ኢሻቶ፣ ጌሺ ጊዲዳ ሂንቴ ኣማኑዋን ሂንቴና ዲቻናው ማኒቴ፤ ቃሲ ጌሻ ኣያና ዋልቃን ዋሲቴ።

21 ሂንቴና ማሪና ዴቡዋኮ ጋሊያ ኑ ጎዳ ዩሱስ ኪሪስቶስ ማሮቴላ ናጊሼ ሂንቴና ያሳ ሲቁዋን ናጊቴ።

22 ሲዴይ ዴዲያ አሳስ ቃዴቴቴ።

23 ኢሲ ኢሲ አሳታ ታማፔ ኬሲ ኤኪቴ። ቃሲ ኢታ ኣሞን ቱኒዳ ኤንታ ማዑዋ ኢጻሼ ሃራታስ ያሻን ቃዴቴቴ።

ጋላታ ዋሳ

24 ሂንቴ ኩንደና ሜላ ናጋናው ቦሬይ ባይናይሳታኔ ጊታ ኡፋይሳን ኩሚዳይሳታ ኦሊዲ ባ ቦንቹዋ ሲንፋን ሂንቴና ሺሻናው ዳንዳዲያ፣

25 ኑና ኣሺያ ኢሲ ያሳስ፣ ኑ ጎዳ ዩሱስ ኪሪስቶስ ባጋራ ቦንቹይ፣ ጊታቴላ፣ ዋልቁኔ ማቲ፣ ካሴካ፣ ሃዲካ፣ ማሪናዉካ ኢያው ጊደ። ኣሚንዲ።

ኦራላ ሳሎ፡ ኦራላ ሳዓኔ ኦራላ
ዩሩሳላሜ 21:1-22:5
ኩሻ ቆፋ 22:6-21

የሃኒሳ ቆንጮላ ጋላ ቆፋ

የሃኒሳ ቆንጮላይ ዓፊቲዳይ፡
አማኒያ አሳይ ዩሱስ ከሪስቶሳ
ባንታው ጎዳ ኦሊዲ፡ ጌሻቴላን
ዳዒዳ ጊሾ ኤንታ ማቶይኔ ዋዬይ
ጋኪዳ ዋዶና፡ ዓፊይ ዉዲዲ ያሊዳ
አይፌ ቆፋይ፡ አማኒያ አሳ ኡፋይሳይ
ኩሚሊ ጊዳና ማላ ኤንታ ማንሱሊድ፡
ኤንታ ጋኪዳ ጎዳኔ ማቱዋ ጊደን
ባንታ አማኑዋን ማኒዲ ኤቃና ማላ
ዳንሱላናሳ፡፡

ማፃፋን ዳሪያ ከፊሊይ ዳርኔ
ካሊ ካሊዲ ቆንጠዳ ቆንጮላ
ኦይኬስ፡፡ ሃ ቆንጮላቲ ሄ ዋዶ ዳዒያ
አሳስ ጌሊስ፡ ሺን ሃራታስ ፀራ
ጊዲዲ ጋምዒስ፡፡ ኤንቲ ኦዳቲዳይካ
ሊሚሶ ኦዳና፡፡ ሃ ማፃፋን ዳዒያ
ታይቦቲ፡ ማካ ሚሹቲኔ ደዓቲ ዳሬታኔ
አያና ማዴቴላታ ሊሚሶ፡፡ ማዘሙራ
አዘማቹይ ሲሚ ሲሚዲ ዩፀቴይሳዳ፡
ሄ ማፃፋን ዳዒያ ሁዔ ቆፋቲ ዲማ
ዲማ ቆንጮላታ ባጋራ ዲማ ዲማ
ኦጌን ሲሚ ሲሚ ሸቂዶሶና፡፡ ሃ ማፃፋ
ቢርሽላስ ዲማ ዲማ ቆፋይ ዳዒኮካ፡
ኢያው ሁዔ ቆፋይ ቆንጮ፡፡ ሄሲካ፡
«የሳይ ጎዳ ከሪስቶሳ ባጋራ ዛሬና
ኦጌን ባ ሞርኬታ፡ ዓላሄራ ጉጂዲ፡
ኢሲ ቶሆኔ ዉርሴላ ጋካናው ያናና፡፡ ሄ
ዶኑዋፔ ጉዬ፡ ኢያው አማኔቲዲ ዳዒዳ
ባ ባጋታ ኦራላ ሳሎኔ ኦራላ ሳዓ አንጅ
ሳቲሳና» ያጌይሳ፡፡

የሃኒሳ ቆንጮላ አይፌ ቆፋታ

ጌሎ ቆፋ 1:1-8
ዩሱሲ ላፑን ዋሳ ኬላታ ጊደን
1:9-20
ላፑን ዋሳ ኬላታስ ዓፊቲዳ ኪታ
2:1-3:22
አራታ፡ ዓላ ማፃፋኔ ደርሳ 4:1-5:14
ላፑን ማታሜታ 6:1-8:1
ላፑን ሞይዜታ 8:2-11:19
ዳዊያኔ ናምዑ ደዓታ 12:1-13:18
ዲማ ዲማ ቆንጮላታ 14:1-15:8
ላፑን ሃንቆ ፀላታ 16:1-21
ባቢሎኔ ኩንዳላ፡ ደዓኔ ዋርዶ
ናቢያ 17:1-20:10
ዉርሴላ ፒርዳ 20:11-15

1 ኤሶን ሃናናው ዳዒያባ ባ አይሌታ
ቤሳና ማላ ያሳይ ኢያው አሚዳ ዩሱስ
ከሪስቶሳ ቆንጮላይ ሃይሳ፡፡ ዩሱሲ
ባ ኪታንቹዋ ከቲዲ፡ ባ አይሊያ
የሃኒሳስ ቆንጮሲስ፡፡

2 የሃኒሲ ያሳ ኪታ፡ ዩሱስ
ከሪስቶሲ ኦሊዳባኔ ኦዲዳባ ኡባ
ማርካቲስ፡፡

3 ሃ ኡባይ ሃናናው ዋዶይ ማቲዳ
ጊሾ ሃ ቲንቢቲ ቃላ ናባቢያ
ኦኒካ አንጅቲዳይሳ፤ ቃሲ ሃ ቃላ
ሲዔይሳቲኔ ዓፊቲዳ ኪታ ናጊያ ኡባይ
አንጅቲዳይሳታ፡፡

ላፑን ኢሲያ ዋሳ ኬላታስ ኪቲቲዳ
ሳርሶ

4-5 ሃ ዳብዳቤይ፡ የሃኒሳፕ፡ ኢሲያ
ቢታን ዳዒያ ላፑን ዋሳ ኬላታስ
ዓፊቲስ፡፡ ካሴካ፡ ሃዒካ ዳዒያ፡
ሲንላፊካ ያናው ዳዒያ ያሳፊ፡ ቃሲ
ኢያ አራታ ሲንላን ዳዒያ ላፑን
አያናታፕ፡ ሃሳዳካ፡ ሃይቆፕ ዳንዶን
ኮይሮ ጊዲዳይሳፊ፡ ሳዓ ካዋታ
ሃሪያ አማኔቲያ ማርካ ጊዲዳ ዩሱስ
ከሪስቶሳፕ፡ አዶ ኬሃቴላይኔ ሳርቴላይ
ሂንቲው ጊደ፡፡

ዩሱሲ ሲቁስ፡ ቃሲ ባ ሱላን
ናጋራ አይሌቴላፊ ኦና ሳዓ ኬሲስ፡፡

6 ኑሲ ያሳ ኢያ አዋስ ኦላና ማላ
ኦና ካዋቴላ ካሂኔ ኦሊስ፡፡ ኢያው
ሜሪናፕ ሜሪና ጋካናው ቦንቾይኔ
ዋልቃይ ጊደ፡፡ አሚንዒ፡፡

7 ሄኮ፡ ዩሱሲ ሻራራ ዩስ፡፡ አሳ
ኡባይ ሃሪ አቶሺን፡ ኢያ ጫዲዳ
አሳይካ ኢያ ቤዓና፡፡ ሳዓን ዳዒያ አሳ
ኡባይ ኢያ ጊሾ ዩካና፡፡ ሄሲ ቱማ
ሃናና! አሚንዒ፡፡

8 «ካሴካ፡ ሃዒካ ዳዒያይሲ፡
ሲንላፊካ ያና ጎዳይ፡ ኡባፊ ዋልቃማ
ያሳይ፡ አልፋኔ ኦሚጊ ታና» * ያጌስ
ጎዳ ያሳይ፡፡

ጎዳ ቆንጮላ

9 ታኒ፡ የሃኒሲ፡ ሂንቲ ኢሻይ፡
ሂንቲራ ኢሲፊ ዩሱሳን ዋያ፡ ኢያ
ካዋቴላኔ ኢያ ዳንዳዓ ቤዓስ፡፡ ታኒ

1:4-5 ኬሳ 3:14፤ ዮ.ቆ 4:5 1:4-5 ኢሳ 55:4፤ ማዘ 89:27 1:6 ኬሳ 19:6፤ ዮ.ቆ 5:10
1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ተሴ 4:17፤ ዛካ 12:10፤ የሃ 19:34
* 1:8 አልፋኔ ኦሚጋ፡ ጊሪኬ ደናን አልፋኔ ኦሚጊ ኮይሮኔ ዉርሴላ ፒዳላታ፤ ቢርሽላይካ ኮይሮኔ
ዉርሴላ ጉሱ፡፡ 1:8 ዮ.ቆ 22:13፤ ኬሳ 3:14

የሳ ቃላ ገሽኔ ዩሱሳባ ማርካቲዳ ገሽ ፓዊሞ ጊያ ሃላን ቴቄቲዳ ቢታን ዴዳይስ።

10 ጎዳ ጋላሳን ታ ገሻ አያናን ሃራታዳ ዴዳይስ፤ ታፔ ጉዬራ ሞይዜ ፑኖ ማላ ጊታ ገርሲ ሲዓሰ።

11 ሄ ገርሳይ ታና፡ «ኔ በዔይሳ ማፃፋን ፃፋዳ፡ አሲያን ዴዲያ ላፑን ዋሳ ኬላታስ፡ ኤፌሶና፡ ሳሚርኔሳ፡ ጰርጋሞና፡ ቲያቲርና፡ ሳርዴሳ፡ ፊላዴልፊያኔ ሎዶቄያ ዬዳ» ያገሰ።

12 ታኒ ታው ኦዲያ ገርሳ በዓናው ጉዬ ሲማዳ ያምፔ ዋሊያ ላፑን ዋርቃ ኮጫታ በዓሰ።

13 ሄ ኮጫታ ጊደን አሳ ናዓ ዳኔይሳ በዓሰ። ኢ አዳሳ አፊላ ባ ቶሁዋ ጋሊ ማሳሰ፡ ዋርቃ ዳንጮን ባ ቲራ ዳንጪሰ።

14 ኢያ ሁዔይኔ ኢያ በናናይ ቦላ ደርሳ ኢኪሴ ማላ ዋይኮ ሻቻ ማላ ቦሊ፤ ኢያ አይፊይ ታማ ላጮ ዳኔስ።

15 ኢያ ቶሆይ ታማን ሴሪዲ ዞዒዳ ናሴ ቢራታ ዳኔስ፤ ኢያ ገርሳይካ ጊታ ሻፋ ኮሺንቻ ማላ።

16 ኢ ባ ኡሻቻ ኩሺን ላፑን ያለንቶታ ኦይኪስ። ኢያ ደናፔ ናምቡ ባጋሪ ቃራቲዳ ማሺ ኬዬስ። ኢያ ሰምዖይ ሴታ ጋላሳ አዋ አይፊ ዳኔስ።

17 ታኒ ኢያ በዒዳ ዋዴ ሃይቄዳ አሳዳ ሃናዳ ኢያ ቶሁዋ ማታን ኩንዳስ። ኢ ባ ኡሻቻ ኩሺያ ታ ቦላ ዋሊዲ፡ «ያዮፋ፤ ኮይርይ ዉርሴላይ ታና።

18 ታኒ ዴዖን ዴዳይስ፤ ታኒ ሃይቃስ፡ ሺን ሄኮ ማሪ ማሪናዉካ ዴዖን ዴዳይስ። ሃይቆኔ ሲዖሌ ቁልፔይ ታ ኩሺና።

19 ሃዛ፡ ሃዒ ሃኒያባኔ ሲንላፊ ሃናናባ ኔ በዒዳባ ፃፋ።

20 ኔኒ ታ ኡሻቻ ኩሺን በዒዳ ላፑን ያለንቶታኔ ላፑን ዋርቃ ኮጫታ ቢርሽላይ ሃይሳ፡ ላፑን ያለንቶቲ ላፑን ዋሳ ኬላታ ኪታንቸታ፤ ላፑን ዋርቃ ኮጫቲ ላፑን ዋሳ ኬላታ።»

2

ኤፌሶና ዋሳ ኬላስ ኪቲቲዳ ኪታ

1 «ኤፌሶና ዋሳ ኬላ ኪታንቸዋስ ሃይሳዳ ያጋዳ ፃፋ።

ባ ኡሻቻ ኩሺን ላፑን ያለንቶታ ኦይኪዴይስኔ ላፑን ዋርቃ ኮጫታ ጊደራ ሃሙቴይሲ ሃይሳዳ ያገሰ።

2 ታኒ ኔ ኦሱዋ፡ ኔ ዳቡራኔ ኔ ፔንጫ ኤራይስ። ኔኒ ኢታ አሳታባ ፔንጫናው ዳንዳባርይሳ ኤራይስ። ቃሲ ሃዋሪ ጊደናሺን ባንታና፡ ሃዋሪ ጌይሳታ ፒልጋ ኤራዳ ኤንቲ ዋርዳንቸ ጊዴይሳ ዴማዳይሳ ታ ኤራይስ።

3 ኔኒ ገንጫዳሳ፤ ታ ሱንላ ገሽ ማቶ ዳንዳባርይሳ፤ ያኔታባካ።

4 ጊደሺን፡ ሃዒ ታ ኔና ቦሪያባይ ዴዔስ፤ ሄሲካ ኔኒ ካሴ ኔ ሲቁዋ አጋዳሳ።

5 ሃዛ፡ ኔ አይ ማላ ቶቃ በሳፊ ኩንዲዳኮ አክካ! ኔ ናጋራፔ ሲማ፤ ኔኒ ካሴ ኦሊያ ኦሱዋ ኦላ። ኔኒ ኔ ናጋራፔ ሲሞና ኢዊኮ፡ ኔ ያምፔ ዋሊያ ኮጫ ኢያ በሳፊ ኤካና።

6 ሃዒ ታ ኔና ናሺያ ኢሲባይ ዴዔስ፤ ታ ኢዊያ ኒቆላዊታ ኦሱዋ ኔካ ኢፃዳሳ።

7 ጌሻ አያናይ ዋሳ ኬላታስ ጊያባ ሲዓናው ሃይሊ ዴዲያ ኦኒካ ሲዖ። ያኒያ ኦኒካ ያሳ ጋናቲያን ዴዲያ ዴዖ ማሌ አይፊፔ ማና ማላ ማታ ኢማና።

ሳሚርኔሳ ዋሳ ኬላስ ኪቲቲዳ ኪታ

8 «ሳሚርኔሳ ዋሳ ኬላ ኪታንቸዋስ ሃይሳዳ ያጋዳ ፃፋ።

ኮይርይ ዉርሴላይ፡ ሃይቄዳይስኔ ሃይቆፔ ዴንዲዳይሲ ሃይሳዳ ያገሰ።

9 ታኒ ኔ ዋያኔ ኔ ማንቆቱላ ኤራይስ፤ ጊደሺን ኔኒ ዲሬ። አይሁዴ ጊደናሺን ባንታና አይሁዴ ጌይሳቲ ጫያ ጫሻ ታ ኤራይስ፤ ሺን ኤንቲ ፃላሄ ማባራን ዴዖሶና።

10 ኔኒ ኤካናው ዴዲያ ዋያ ባቦፋ። ፃላሄይ ሂንቴፊ ኢሶታ ኢሶታ ፓጫናው ቃሽ ኬላን ዬጋና፤ ታሙ ጋላስ ጋካናው ሂንቲ ዋዬታና። ሃይቃና ጋካናው አማኔቲዳይሳ ጊዳ፤ ታ ኔው ዴዖ ካላቻ ኢማና።

11 ጌሻ አያናይ ዋሳ ኬላታስ ጊያባ ሲዓናው ሃይሊ ዴዲያ

1:13 ዳኔ 7:13፤ ዳኔ 10:5 1:14 ዳኔ 7:9 1:14 ዳኔ 10:6 1:15 ሃዝ 1:24፤ 43:2
1:17 ኢሳ 44:6፤ 48:12፤ ዮቆ 2:8፤ 22:13 2:7 ሜዴ 2:9፤ ዮቆ 22:2፤ ሃዝ 28:13፤ 31:8
2:8 ኢሳ 44:6፤ 48:12፤ ዮቆ 1:17፤ 22:13 2:11 ዮቆ 20:14፤ 21:8

ኦሪካ ሲያ። ያረያ ኦሪካ ናምዓንሎ
ሃይቁዋን ቆሃቴና።

ጳርጋሞና ዋሳ ከላሰ ከቴተዳ ከታ

12 «ጳርጋሞና ዋሳ ከላ ከታንቸዋሰ ሃይሳዳ ያጋዳ ዓፋ።

ናምዑ ባጋራ ቃራተዳ ማሺ ዴዔይሲ ሃይሳዳ ያጌሰ።

13 ታኒ ኔ ዴዔያ ቤሳ ኤራይሰ፤ ኔኒ ዓላሄ አራታይ ዴዔያ ቤሳን ዴዓሳ፤ ታ ሰንላ ማንላ ናጋዳሳ። ሃሪ አቶሽን፣ ዓላሄይ ዴዔያ ሃንቴ ካታማን ሃይቁዳ ታው አማኔተዳ ማርካይ፣ አንተጸሲ፣ ዴዔያ ዋዳካ አማኑዋ አጋባካ።

14 ጊደሽን፣ ታ ኔና ቦሪያ ጉላባቲ ዴዖሶና። ሄሲካ ኢሰራዔሌ አሳይ ኤቃሰ ያርሼተዳ ካላ ሚዲ ቱናና ሚላኔ ላይማቴላ ናጋራ ኦላና ሚላ ባላቃ ታማርሲዳ ባላማ ተሚርቲያ ኤኩዳ ኢሲ ኢሲ አሳቲ ኔራ ዴዖሶና።

15 ሄሳዳካ፣ ኒቆላዌታ ተሚርቲያ ታማሪያ አሳቲ ኔራ ዴዖሶና።

16 ሄሳ ጊሾ፣ ኔኒ ኔ ናጋራፔ ሲማ። ሄሲ ሃናና ኢዲኮ፣ ታ ኔኮ ኤሌሳ ያዳ ሄ አሳታ ታ ዶናፔ ኬያ ማሻን ኦላና።

17 ጌሻ አያናይ ዋሳ ከላታሰ ጊያባ ሲዓናው ሃይሌ ዴዔያ ኦሪካ ሲያ። ያረያ ኦዴሰካ ቆሰቴዲ ዴዔያ ማናፌ * አማና። ቃሲ ኤኪያ ኡራፔ አቲን ሃራ ኦሲ ኤሮና ኦራሳ ሰንሳይ ዓፌተዳ ቦላ ሹቻ ታ ኢያው አማና።

ሚዲ ቱናናዳኔ ላይማታናዳ ኦላዳ ታ አይሌታ ባሌላሰ።

21 ኢያ ባ ናጋራፔ ሲማና ሚላ ታ ኢው ዋዳ አማሰ፣ ሺን ኢያ ሲማናው ከያቡኩ።

22 ኤንቴ ኢ ባላ ኦጊያፔ ሲሞና ኢዲኮ፣ ታ ኢዮ ኢታ ሃርጌን ዩጋና፤ ኢራ ላይማቴይሳቲካ ኢታ ዋዬ ዋዬታና።

23 ታኒ ኢ ናይታ ዋጳና፤ ቃሲ ዋሳ ከላ ኡባይ ታ አሳ ቆፋኔ አሳ ዋዛና ኤራይሳ ጊዴይሳ ኤራና። ታ ኢሱዋሰ ኢሱዋሰ ሃንቴ ኦሱዋዳ ኦሱዋዳ አማና።

24 ሺን ቲያተሮናን ዴዔያ ሃራታ፣ ሄ ኢታ ተሚርቲያ ኤኪቦናይሳታኔ፣ «ዓላሄ ጌታ ፀራ» ጌቴቲያ ሃ ተሚርቲያ ታማሪቦና ሃንቴና ሃራ ዴዖ ቶሆ ቶሲኬ።

25 ጊደሽን፣ ታ ያና ጋካናው ሃንቴው ዴዔያባ ሚንሌ ናጌቴ።

26 ያኔይሳሲኔ ወርሴሌ ጋካናው ታው ከቴቲያ ኦዴሰካ ካዋቴላታ ሃራና ሚላ ማታ አማና።

27 «ኢ ኤንታ ቢራታ ዓምዓን ሃራና፤ ሚቃ ሚሼዳካ ሚንሌሬላና።»

ሄ ማታይ ታኒ ታ አዋፔ ኤኪዳ ማታ ሚላ።

28 ቃሲ ታ ኢያው ባካላ ያለንቶ አማና።

29 ጌሻ አያናይ ዋሳ ከላታሰ ጊያባ ሲዓያ ሃይሌ ዴዔያ ኦሪካ ሲያ።

3

ሳርዴሳ ዋሳ ከላሰ ከቴተዳ ከታ

1 «ሳርዴሳ ዋሳ ከላ ከታንቸዋሰ ሃይሳዳ ያጋዳ ዓፋ።

ላፑን ያሳ አያናኔ ላፑን ያለንቶታ ኦይኪዳይሲ ሃይሳዳ ያጌሰ። ታኒ ኔ ኦሱዋ ኤራይሰ፤ አሲ ኔና ፓዓ ዴዔሰ ጊኮካ፣ ኔ ሃይቃዳሳ።

2 ባርካ! ጉላ አቲዳባኔ ሃይቃናው ማቲዳባ ሚንላ። ኔ ኦሶይ ያሳ ሰንላን ፖሎ ጊደናይሳ ዴማሰ።

3 ሃዛ፣ ኔ ኤኪዳባኔ ሲዒዳባ አከካ፤ ናጋ፤ ኔ ናጋራፔ ሲማ። ኔኒ ባርኮና ኢዲኮ ታ ካይሶዳ ያና፤ ታ አይ ዋዳ ያኔኮ ኔ ኤራካ።

4 ሺን ባንታ ማዑዋ ቂታዮና ጉላ አሳቲ ሳርዴሳን ዴዖሶና። ኤንታው

ቲያተሮና ዋሳ ከላሰ ከቴተዳ ከታ

18 «ቲያተሮና ዋሳ ከላ ከታንቸዋሰ ሃይሳዳ ያጋዳ ዓፋ።

ታማ ላጮ ዳኒያ አይፌይ ዴዔይሲ፣ ቃሲ ታማን ሴሪዳ ናሴ ቢራታ ዳኒያ ቶሆይ ዴዔይሲ፣ ያሳ ናዓይ፣ ሃይሳዳ ያጌሰ።

19 ታኒ ኔ ኦሱዋ፣ ኔ ሲቁዋ፣ ኔ አማኑዋ፣ ኔ ኦሱዋኔ ኔ ጌንጫ ኤራይሰ። ኔኒ ኮይር ኦሌይሳፌ ሃዒ አላዳ ኦሌይሳካ ኤራይሰ።

20 ጊደሽን፣ ታ ኔና ቦሪያ ኢሲባይ ዴዔሰ፤ ባና ናሴ ጊያ ማጫሲው፣ ኤልዛቤሎ፣ አይኮካ ጋባካ። ሄ ማጫሲያ ኤቃሰ ያርሼተዳ ካላ

2:14 ታይ 22:5 * 2:17 ማና፣ ኢሰራዔሌ አሳይ ባዘ ቢታን ሃሙቲያ ዋዳ ሳሎፔ ያሳይ ኤንታው አሚዳ ዲማ ካሌ ዋይኮ ከታንቸ ካሌ። 2:17 ከሳ 16:14 2:20 1ካዋ 16:31፤ 2ካዋ 9:22 2:23 ማዝ 7:9፤ ኤር 17:10፤ ማዝ 62:12 2:26 ማዝ 2:8-9 3:3 ማቶ 24:43

ቤሲያባ ገዲያ ገሾ ቦላ ማየ ማዲዲ ታራ ሃሙታና።

5 ያሊያ ኦኒካ ኤንታይሳዳ ቦላ ማየ ማዳና። ታኒ ኢያ ሱንላ ዴየ ማዳፋፔ ቁቸኩ። ታኒ ታ ኣዋ ሲንላኒኔ ኢያ ኪታንቸታ ሲንላን ኢ ታባ ገዴይሳ ማርካታና።

6 ገሻ ኣያናይ ዋሳ ኬላታሰ ገያባ ሲዲያ ሃይሌ ዴዲያ ኦኒካ ሲዮ።

ፊላዴልፊያ ዋሳ ኬላሰ ኪቲቲዳ ኪታ

7 «ፊላዴልፊያ ዋሳ ኬላ ኪታንቸዋሰ ሃይሳዳ ያጋዳ ዓፋ።

ገሻይኔ ቱማንቸይ፣ ዳዋቲ ቁልፒያ ባ ኩሺን ኦይኪዳይሲ፣ ሃይሳዳ ያጌሰ። ኢ ጎርዲን ኦኒካ ደያናው ዳንዳዴና፤ ቃሲ ኢ ደዪን ኦኒካ ጎርዳናው ዳንዳዴና።

8 ታኒ ኔ ኦሱዋ ኤራሰ፤ ሄኮ ታ ኔ ሲንላን ኦኒካ ጎርዳናው ዳንዳዮና ደያ ፔንጌ ዋሳሰ። ኔ ዋልቃይ ጉላ ገዲኮካ፣ ታ ቃላ ናጋዳሳ፤ ታና ካዳባካ።

9 ኣይሁዴ ገደናሺን ባንታና ኣይሁዴ ገያ ዋርዶታኔ ዓላሄ ባጋታ ኔኮ ኤሃናኔ ኔ ሲንላን ጉልባቲሳና። ታ ኔና ደሴይሳ ኤንታና ኤሪሳና።

10 ኔኒ፣ ሪንጫ) ጋዳ ታ ኪቲዳ ኪታ ናገዳ ገሾ ኩሜላ ኣላሚያ ፓጫናው ያ ዋዬ ዋዲያፔ ታኒ ኔና ናጋና።

11 ታኒ ኤሌሳዳ ያና፤ ኦኒካ ኔ ካላቻ ኤኮና ሜላ ኔው ዴዲያባ ሚንላዳ ኦይካ።

12 ያኒዳይሳ ታ ያሳ ኬላን ቱሱ ኦላና፤ ኢ ያን ሚሪናው ዳና። ታኒ ታ ያሳ ሱንላኔ ታ ያሳ ካታማ ሱንላ ኢያ ቦላ ዓፋና፤ ኢያካ ታ ያሳ ማታፔ ዋጂያ ኦራላ ዬሩሳላሜ። ቃሲ ታ ታ ኦራላ ሱንላካ ኢ ቦላ ዓፋና።

13 ገሻ ኣያናይ ዋሳ ኬላታሰ ገያባ ሲዲያ ሃይሌ ዴዲያ ኦኒካ ሲዮ።

ሎዶቂያ ዋሳ ኬላሰ ኪቲቲዳ ኪታ

14 «ሎዶቂያ ዋሳ ኬላ ኪታንቸዋሰ ሃይሳዳ ያጋዳ ዓፋ።

(ኣሚንዲ) ገዲዳ ኣማኔቲዳ ቱማ ማርካይ፣ ያሳ ሜጴቴላ ሃራይሲ ሃይሳዳ ያጌሰ።

15 ታኒ ኔ ኦሱዋ ኤሳ ኤራይሰ፤ ኔኒ ኢርፃ ዋይኮ ሚሻ ገዳካ፤ ኔኒ ናምዳፌ ኢሱዋ ገዲኮ ሎዮ!

16 ኔኒ ኢርፃ ዋይኮ ሚሻ ገደናሺን ቦልዮ ገዲያ ገሾ ታ ኔና ታ ደናፔ ጩታና ሃናይሰ።

17 ሂዛ፣ ኔኒ፣ ሓኒ ዱሬ፣ ሻሎራ ዴዳይሰ፣ ታው ኣይቢባይካ ፓጩቤና) ያጋሳ። ሺን ኔኒ ሜቶታንቸ፣ ማንቆ፣ ቆቄኔ ካሎቲዳ ኣሲ ገዴይሳ ኤራካ።

18 ሄሳ ገሾ፣ ኔ ዱሬታናው ታማን ጌዪዳ ዋርቃ፣ ኔ ዬላ ካሉዋ ካማናው ቦላ ማዮኔ ሎይላ ያላናው ማዲያ ኣይፌ ጳሌ ታፔ ሻማና ሜላ ኔና ከራይሰ።

19 ታ ደሴይሳ ሴራይሲኔ ሃንቃይሰ፤ ሂዛ ሚና፤ ኔ ናጋራፔ ሲማ።

20 ሄኮ፣ ታ ካሪን ኤቃዳ ዪጋይሰ። ኦኒካ ታ ያሳ ሲዲዲ፣ ጩላ ደዪኮ፣ ኢያኮ ጌላና፤ ኢያራ ኢሲፌ ካሌ ማና፤ ኢካ ታራ ኢሲፌ ማና።

21 ታ ያናዳ ታ ኣዋራ ኢያ ኣራታን ኡቲዳይሳዳ ያኒዳይ ታራ ታ ኣራታን ኡታና ሜላ ማታ ኢማና።

22 ገሻ ኣያናይ ዋሳ ኬላታሰ ገያባ ሲዲያ ሃይሌ ዴዲያ ኦኒካ ሲዮ።

4

ሳሎን ዴዲያ ጎይኖ ዋጋ

1 ሄሳፌ ጉዬ፣ ታኒ ሳሎ ያሊያ ዋዴ ደዬቲዳ ፔንጌ ቤዓሰ። ቃሲ ታ ካሴ ሲዲዳ ሞይዜ ገርሳ ሜላይ ታኮ፣ «ሃ ኬያ፤ ሃይሳፌ ጉዬ፣ ሃናናው ዴዲያባ ታ ኔና ቤሳና» ያጌሰ።

2 ሄ ዋዴ ታ ኣያናን ሃራታዳ ዴዳይሰ። ሄኮ፣ ሳሎዋን ኣራታ ቦላ ኢሶይ ኡቲዳይሳ ቤዓሰ።

3 ሄ ኡቲዳይሳ ማላይ ኢያሰጳዴኔ ሳርዲዮና ገያ ኣልዮ ሹቻ ሜላ። ኢያ ኣራታ ዩሹዋን ኣልዮ ሹቹ ዳኒያ ዙላይ ዴዳይሰ።

4 ሄ ኣራታ ዩሹዋን ላታማኔ ኦይዲ ኣራታቲ ዴዮሶና፤ ኤንታ ቦላ ቦላ ማየ ማዲዲ፣ ሁዴን ዋርቃ ካላቻ ዋሊዳ ላታማኔ ኦይዲ ጩማቲ ኡቲዳይሰ።

5 ኣራታፔ ዋልዓንላ፣ ጉንሊኔ ዴሾይ ኬዬሰ። ኣራታ ሲንላን ላፑን ፖዲያ

3:5 ኪሳ 32:32 3:7 ኢሳ 22:22፤ ኢዮ 12:14 3:9 ኢሳ 49:23፤ 60:14፤ ኢሳ 43:4 3:12 ዮ.ቆ 21:2፤ ኢሳ 62:2፤ 65:15 3:14 ለሚ 8:22 3:19 ለሚ 3:12፤ ኢሳ 12:6 4:2 ሂዛ 1:26-28፤ 10:1 4:5 ኪሳ 19:16፤ ዮ.ቆ 1:4፤ ዮ.ቆ 8:5፤ 11:19፤ 16:18፤ ሂዛ 1:13፤ ዛካ 4:2

ያምጥቲ ዳዎሶና፤ ኤንቲ ላፑን ያሳ አያናታ።

6 አራታ ሲንላን ቢሪሌ ዳኒያ ጳሊያ ቡርጩኮ አባይ ዳዔስ።

ሲንላራኔ ጉዬራ አይፌይ ዳዔያ ኦይዲ ዳዎራ ዳዔያ ሜዴቴላቲ አራታ የሹዋኒኔ አራታ ገደን ዳዎሶና።

7 ኮይሮ ሜዴቴላ ሜዶይ ጋሞ ዳኔስ፤ ናሞዓንሎ ቦሪ ዳኔስ፤ ሄዳንዶይ አሴ ዳኔስ፤ ቃሲ ኦይዳንሎ ፒራዶይ አርጋንሌ ዳኔስ።

8 ኦይዲ ሜዴቴላቲ አባሰ ኡሱፑን ቄፌይ ዳዔስ፤ ኤንታ አሳቴላ ኡባይ አይፌን ኩሚስ። ኤንቲ ቃማኔ ጋላስ ቃንያና።

«ጌሻው፣ ጌሻው፣ ጌሻው፣ ጎደው፣ ኡባፌ ዋልቃማ ያሳው፣ ካሴካ፣ ሃዒካ ዳዔይሶ፣ ሲንላፌ ያናይሶ»

ያጎሶና።

9 ሄ ሜዴቴላቲ አራታን ኡቲዳይሳሲኔ ሜሪናው ዳዔይሳሰ ሳባ፣ ቦንቾኔ ጋላታ አሚዳ ዋዴ

10 ላታማኔ ኦይዲ ጨማቲ አራታን ኡቲዳይሳኔ ሜሪናው ዳዔይሳ ሲንላን ጉፋኒዲ ጎይኒዶሶና፤ ባንታ ካላቻ አራታ ሲንላን ዋሊዲ።

11 «ኑ ጎደው፣ ኑ ያሳው፣

ኔኒ ቦንቾ፣ ሳባኔ ዋልቃ ኤካናው ቤሳሳ።

ኔኒ ኡባ ሜዳዳሳ፤ ኡባባይ ኔ ሹኒያዳ ሃኒስ፣ ሜዴቴስ»

ያገደሶና።

5

ደርሳይ 9ላ ማ9ፋ ደዪሰ

1 ሄሳፌ ጉዬ፣ አራታ ቦላ ኡቲዳይሳ ኡሻቻ ኩሼን ገደራኔ ካሬራ ያፌቲዳ ላፑን ማታሚን ጎርዴቲዳ 9ላ ማ9ፋ ቤዓስ።

2 ኢሲ ሚኖ ኪታንቾይ ባ ቃላ ቶቁ ኦሊዲ፣ «ማታሚያ ቢላናውኔ ማ9ፋ ደያናው ቤሴይ ኦኔ?» ያገደዲ አዋጂሽን ቤዓስ።

3 ሺን ሳሎን ገደን ሳዓን ዋይኮ ሳጣፔ ጋርሳን ገደን ሄ 9ላ ማ9ፋ ቢላናውኔ ገደዋ ቤዓናው ዳንዳዔይ ኦኒካ ቤንቲቤና።

4 9ላ ማ9ፋ ቢላናውኔ ኢያ ገደዋ ቤዓናው ቤሴያ ኦሲ ቶዪዳ ገሾ ታ ዳር ዬካስ።

5 ያቲን፣ ጨማታፔ ኢሶይ ታኮ፣ «ዬኮፋ! ሄኮ፣ ዪሁዳ ዜሬላ ገደያ ጋሞይ፣ ዳዊቲ ሹሻይ፣ ላፑን ማታሚታ ቢላናውኔ ማ9ፋ ደያናው ዳንዳዔስ» ያገሰ።

6 ሄሳፌ ጉዬ፣ ሹኬቲዳ ደርሳይ አራታስ፣ ኦይዲ ዳዎን ዳዔያ ሜዴቴላታሲኔ ጨማታሰ ገደን፣ ኤቁዳይሳ ቤዓስ። ኢያው ላፑን ካጩቲኔ ላፑን አይፌቲ ዳዎሶና። ሄሳቲ ሳዓ ኡባ ኪቲቲዳ ያሳ ላፑን አያናታ።

7 ሄ ደርሳይ ቢዲ፣ አራታ ቦላ ኡቲዳይሳ ኡሻቻ ኩሼፔ 9ላ ማ9ፋ ኤኪስ።

8 ኢ ሄ 9ላ ማ9ፋ ኤኪዳ ዋዴ ዳዎን ዳዔያ ኦይዲ ሜዴቴላቲኔ ላታማኔ ኦይዲ ጨማቲ ደርሳ ሲንላን ኩንዲዶሶና። ኤንቲ ኢሶይ ኢሶይ ዲሊኔ ጌሻታ ዋሳ ገደዳ ኢፃይይ ኩሚዳ ዋርቃ ሻቲ ኦይኪዶሶና።

9 ኤንቲ፣

«9ላ ማ9ፋ ኤካናው፣ ማታሚያ ቢላናው ኔው ቤሴስ።

አይሰ ገኮ፣ ኔኒ ሹኬታዳሳ፤ ዜሬላ ኡባፌ፣ ዲማ ዲማ ደናፔ።

ያራታፔኔ ካዎቴላታ ኡባፌ ኔ ሱላን ያሳሰ ዋዛዳሳ።

10 ኤንቲ ኢያ ያሳ አዋሰ ኦላና ሜላ ኤንታና ካሂኔ ካዎቴላ ኦላዳሳ።

ኤንቲካ ቢታ ኡባ ሃራና» ያገደዲ ኦራላ ማዘሙራ ዬዲዶሶና።

11 ታ ቤዓያ ዋዴ ሙኩሉ ቶሆ ሙኩሉኔ ታሙ ሙኩሉ ቶሆ ታሙ ሙኩሉ ገደያ ኪታንቾታ ገርሳ ሲዓስ። ኤንቲካ አራታ፣ ኦይዲ ዳዎን ዳዔያ ሜዴቴላታኔ፣ ጨማታ የሹዋን ኤቁዶሶና።

12 ሄ ኪታንቾቲ ቶቁ ገዳ ቃላን፣ «ሹኬቲዳ ደርሳይ ዋልቃ፣ ዲሬቴሊ፣ ጨንጫቴሊኔ ሚናቴሊ፣

ቦንቾ፣ ሳባኔ ጋላታ ኤካናው ቤሴስ» ያገደሶና።

13 ሄሳፌ ጉዬ፥ ሳዓን፥ ሳሎን፥ ሳዓፕ ጋርሳኒኔ አባ ጊደን ዳዒያ ሜዴቴሉ ኡባይ፥

«አራታ ቦላ ኡቴዳይሳሲኔ ደርሳሰ፥
ጋላታይ፥ ቦንቸይ፥ ሳባይኔ
ፆልቃይ

ሜሪ ሜሪናው ጊደ»
ያጊዲ ዩዊሺን ሲዓሰ።

14 እይዱ ዳዖን ዳዒያ ሜዴቴላተ፥
«አሚንዒ» ያጊደሶና፤ ቃሲ ጨማቴ
ጉፋኒዲ ጎይኒደሶና።

6

ማታሚያ ደዬቴላ

1 ደርሳይ ላፑን ማታሚያፕ ኢሱፎ ደዩሺን ቤዓሰ። ቃሲ ኦይዱ ዳዖን ዳዒያ ሜዴቴላታፕ ኢሶይ፥ ዳዳ ዳሾ ገርሳን፥ «ሃያ!» ያጊሺን ሲዓሰ።

2 ሄኮ ቦላ ፓራ ቤዓሰ። ሄ ፓራ ቶጊዳሲ ደንጌ ኦይኪሰ፤ ኢያ ሁዒን ካላቺ ዳዒሰ። ኢካ ያኒሼ ያናናው ኬዩሰ።

3 ቃሲ ደርሳይ ናምዓንሳ ማታሚያ ደዩዳ ዎዴ ዳዖን ዳዒያ ናምዓንሳ ሜዴቴላይ፥ «ሃያ!» ያጊሺን ሲዓሰ።

4 ቃሲ ሃራ ሲሃ ዘዖ ፓሪ ኬዩሰ። ሄ ፓራ ቶጊዳይሳሰ ሳዓፕ ሳሮ ቆይሳና ሚላኔ አሳይ ዎሊ ዉርሳና ሚላ ማቴኔ ገታ ማሺ አሚቴሰ።

5 ደርሳይ ሄሻንሳ ማታሚያ ደዩዳ ዎዴ ዳዖን ዳዒያ ሄሻንሳ ሜዴቴላይ፥ «ሃያ!» ያጊሺን ሲዓሰ። ሄኮ ካሬላ ፓራ ቤዓሰ፤ ኢካ ባ ኩሼን ሚዛኔ ኦይኪሰ።

6 ኦይዱ ዳዖን ዳዒያ ሜዴቴላታ ጊደፊ፥ «ኢሲ ጋላሳ ኦሶሰ ዳሞዜ፥ ባጋ ኪሎ ገሰቴ፤ ቃሲ ኢሲ ጋላሳ ኦሶሰ ዳሞዜ፥ ኢሲ ኪሎኔ ባጋ ባንጋ ጊደ። ሺን ዛይቴያኔ ዎይኒያ ቆሆፓ» ያጊሺን ሲዓሰ።

7 ደርሳይ ኦይዳንሳ ማታሚያ ደዩዳ ዎዴ ኦይዳንሳ ዳዖን ዳዒያ ሜዴቴላይ፥ «ሃያ!» ያጊሺን ሲዓሰ።

8 ሄኮ ዋንጮ ፓራ ቤዓሰ። ሄ ፓራ ቶጊዳይሳ ሱንሳይ ሃይቆ፤ ኢያ ጌደ ሲዖሌይ ካሌሰ። ኤንታው ኣላሚፕ ኦይዳንሳ ኩሺያ ኦላን፥ ኮሻን፥ ጋደኒኔ ደዓን ዎዲሳና ሚላ ማቴ አሚቴሰ።

9 ደርሳይ ኢቻሻንሳ ማታሚያ ደዩዳ ዎዴ ኤንቲ ያሳ ቃላ ኦይዳ ጊሾኔ ባንታ ማርካቴላን አሚኔቲዳ ጊሾ ሹኬቲዳ አሳ ሹምፖታ ያርሾ ቤሳፌ ጋርሳን ቤዓሰ።

10 ኤንቲ ባንታ ቃላ ዶቁ ኦሊዲ፥ «ኡባ ሃሪያ ጎደው፥ ጊሻው፥ ቱማንቸዎው፥ ሳዓን ዳዒያ አሳ ቦላ ኔ ፐርዳናይኔ ኦሱላ ጊሾ ሃሎ ኬያናይ አዉዴ?» ያጊደሶና።

11 ኤንታ ኢሱፎሰ ኢሱፎሰ ቦላ ማዖይ አሚቴሰ። ኤንታይሳዳ ሃኒዲ ሃይቃናው ቤሲያ ኤንታ ላጌታ ታይቦይ ኩማና ጋካናው ጉላ ዎዴ ሹምፓና ሚላ ኤንታው ኦዴቴሰ።

12 ደርሳይ ኡሱፑንሳ ማታሚያ ደዩዳ ዎዴ ታ ቤዓሰ፤ ፆልቃማ ቢታ ቃይይ ሃኒሰ። አዎ አይፊይ ካሬዲዲ ካሌ ዳኒሰ። አጌናይካ ዘዒዲ ሱሉ ዳኒሰ።

13 ፆልቃማ ጨርኮይ ጨርኪዲ ባላሴ ሚላ ቃዉዔ አይፊያ ቆቆፊይሳዳ ሳሉዎ ያሊንቶቲ ሳዓን ቆቆፊቴደሶና።

14 ሳሎይ ዓላ ማዓፋዳ ዓፃቲዲ አዲሰ፤ ዙማይኔ አባን ቴቄቲዳ ቢታቴ ባንታ ቤሳፌ ቆይደሶና።

15 ቢታ ካዎቲ፥ ዳሪያ ሃሪይሳቲ፥ ኦላ ካሌሌይሳቲ፥ ዱሬቴ፥ ፆልቃማቴ፥ አይሌቴኔ፥ ዎማኖቴ ጎንጎሎኒኔ ዳሪያ ቦላ ዳዒያ ዘላ ሆምዖን ቆሴቴደሶና።

16 ኤንቲካ ዙማኮኔ ዘላኮ፥ «ኦ ቦላ ዎዲቴ፤ ኦና ቆሴቴ፤ አራታን ኡቴዳይሳ አይፊያፕፔኔ ደርሳ ሃንቁዎፊ ኦና ጌንላቴ።

17 ሃዛ፥ ገታ ሃንቆ ጋላሳይ ጋኪሰ፤ ኦኔ ዳንዳዒዲ ኤቃናይ?» ያጊደሶና።

7

144፥000 አሳታ ቦላ ማታሚያ ዎሴቴሰ

1 ሄሳፌ ጉዬ፥ ኦይዱ ኪታንቸቲ ኦይዱ ሳዓ ጋዖን ኤቁዳይሳታ ቤዓሰ። ሄ ኪታንቸቲ ሳዓ ቦላ ዎይኮ አባ ቦላ ዎይኮ አይ ሚላ ቦላ ጨርኮይ ኦይዱ ሳዓ ጋዖፕ ጨርኮና ሚላ ቴቄደሶና።

2 ቃሲ ዳዖ ያሳ ማታሚያ ኦይኪዳ ሃራ ኪታንቸይ ዶሎሃ ባጋፊ ኬይይሳ

6:2 ዛካ 1:7 6:4 ዛካ 1:7 6:5 ዛካ 6:2 6:8 ሃዘ 14:21 6:12 ዮ.ቆ 11:13፤
16:18፤ ኢሳ 13:10፤ ኤር 2:10 6:13 ኢሳ 34:4 6:14 ዮ.ቆ 16:20 6:15 ኢሳ 2:19
6:16 ሆሴ 10:8፤ ሉቃ 23:30 6:17 ኤር 2:11፤ ሚላ 3:2 7:1 ኤር 49:36፤ ዳኔ 7:2፤ ዛካ 6:5

ቤዓስ። ሄ ከታንቸይ ባ ቃላ ዶቁ ኦሊዲ፣ ሳዓኔ እባ ቆሃናው ዋልቁ አሜቲዳ ኦይዲ ከታንቸታ።

3 ያገዲ፣ «ኮኒ ያሳ ኦይሌታ ስምዖን ማታሚያ ዋላና ጋካናው ቢታ ዋይኮ እባ ዋይኮ ሚላ ቆሆፒቲ» ያገሰ።

4 ያቸገ፣ ታኒ ያሳ ማታሚይ ስምዖን ዋሴቲዳይሳታ ፓይዲዋ ሲሳስ። ኢስራዔሌ ማይዛታ ኡባፌ ያታኔ ኦይታማኔ ኦይዲ ሙኩሉ ኦሳስ ስምዖን ማታሚ ዋሊስ።

5 ዪሁዳ ዜራሳፌ ታማኔ ናምዑ ሙኩሉ።

ሮቤላ ዜራሳፌ ታማኔ ናምዑ ሙኩሉ። ጋዴ ዜራሳፌ ታማኔ ናምዑ ሙኩሉ።

6 ኦሴራ ዜራሳፌ ታማኔ ናምዑ ሙኩሉ።

ኒፍታሌሜ ዜራሳፌ ታማኔ ናምዑ ሙኩሉ።

ሚናሴ ዜራሳፌ ታማኔ ናምዑ ሙኩሉ።

7 ሲሞና ዜራሳፌ ታማኔ ናምዑ ሙኩሉ።

ሌዌ ዜራሳፌ ታማኔ ናምዑ ሙኩሉ። ዪሳኮሬ ዜራሳፌ ታማኔ ናምዑ ሙኩሉ።

8 ዛቢሎኔ ዜራሳፌ ታማኔ ናምዑ ሙኩሉ።

የሴፋ ዜራሳፌ ታማኔ ናምዑ ሙኩሉ። ቢኒያሜ ዜራሳፌ ታማኔ ናምዑ ሙኩሉ።

አሳ ስምዖን ማታሚ ዋሊስ።

ቦላ ማዖ ማዒዳ ዳሮ ኦሳታ

9 ሄሳፌ ጉዬ፣ ዜራሌ ኡባፌ፣ ካዋቲላ ኡባፌ፣ ያራ ኡባፌኔ ዲማ ዲማ ደናፔ ዛዌ ባይና ዳሮ ኦሳ ቤዓስ። ሄ ኦሳይ ቦላ ማዖ ማዒዲ፣ ዛምባ ሃይሊ ባገታ ኩሼን ኦይኪዲ፣ አራታ ሲንላኒኔ ደርሳ ሲንላን ኤቁደሶና።

10 ኤንቲ ባገታ ቃላ ዶቁ ኦሊዲ፣ «አቶቲላይ አራታን ኡቲዳ ኮ ያሳፌኔ ደርሳፌ ዬስ» ያገደሶና።

11 ከታንቸቲ ኡባይ፣ አራታ፣ ጨማታኔ ኦይዲ ሜዴቲላታ የሹዋን ኤቁደሶና። ኤንቲ አራታ ሲንላን ጉፋኒዲ ያሳ ጎይኒደሶና።

12 «አሚንዒ!

አንጆይ፣ ቦንቸይ፣ ጨንጫቲላይ፣ ጋላታይ፣ ሳባይ

ዋልቃይ፣ ሚኖቲላይ ሜሪ ሜሪናው

ኮ ያሳስ ገደ።

አሚንዒ!» ያገደሶና።

13 ጨማታፔ ኢሶይ ታኮ፣ «ሃ ቦላ ማዑዋ ማዒዳ ኦሳቲ ኦናንቲ? ኤንቲ ኦጤፔ ዪደና?» ያገዲ ኦይቸስ።

14 ታኒ ዛራዳ፣ «ሳዳው፣ ኔ ኤራሳ» ያገሰ።

አካ ታኮ፣ «ሃይሳቲ ዳሮ ዋዬ ዋዪዲ አቋዳይሳታ። ኤንቲ ባገታ ማዑዋ ደርሳ ሱላን ሜጪዲ

ጌሺደሶና።

15 ሄሳ ገሾ፣

ኤንቲ ያሳ አራታ ሲንላን ገዲዲ ቃማኔ ጋላስ ኢያ ኬላን አሶሶና።

ቃሲ አራታ ቦላ ኡቲዳይሲ ኤንታው ኩያ ገዳና።

16 ሂዛፔ ጉዬ፣ ኤንቲ ኮሻቶኮና፣ ሳሞቶኮና።

አዌ ዋይኮ ሚሺ ኤንታ ሜና።

17 አራታ ገደን ኡቲዳ ደርሳይ ኤንታ ሄማና።

ዴዖ ፑልቶ ሃላኮ ኤንታ ካሌላና። ያሳይ ኤንታ አይፊያፔ አፋላ ኡባ ቁቻና»

ያገሰ።

8

ላፑንላ ማታሚይ ደዬቲስ

1 ደርሳይ ላፑንላ ማታሚያ ደዪዳ ዋዴ ባጋ ሳቲ ገዴይሳ ሜላ ሳሎይ ሲዒ ገሰ።

2 ሄሳፌ ጉዬ፣ ታኒ ላፑን ሞይዜቲ አሜቲዳ ላፑን ከታንቸታ ያሳ ሲንላን ኤቁዳይሳታ ቤዓስ።

3 ኢፃኔ ጨዩሲያ ዋርቃ ሻቲ ኦይኪዳ ሃራ ከታንቸይ ዪዲ፣ ያርሾ ቤሳ ማታን ኤቁስ። ኢ አራታ ሲንላን ዴዒያ ዋርቃ ያርሾ ቤሳ ቦላ ጌሻታ ኡባ ዋሳራ ጉጂዲ ያርሻና ሜላ ኢያው ዳሮ ኢፃኔይ አሜቲስ።

4 ኢፃኒያ ጨያይ ጌሻታ ዋሳራ ኢሲፌ ከታንቸዋ ኩሼፔ ፑዴ ያሳኮ ኬዪስ።

5 ሄሳፌ ጉዬ፣ ከታንቸይ ኢፃኔ ጨዩሲያ ሻቲያ ኤኪዲ፣ ኢያን ያርሾ ቤሳፌ ቦንቆ ታማ ኩንሳዲ ሳዓ ዲጌ ሆሊስ። ያቲን ዴሾይ፣ ዋልዓንሊ፣ ገርሲኔ ቢታ ቃይሃ ሃኒስ።

7:3 ሃዘ 9:4 7:14 ዳኔ 12:1፤ ማቶ 24:21፤ ማር 13:19 7:16 ኢሳ 49:10 7:17 ማዘ 23:1፤ ሃዘ 34:23፤ ማዘ 23:2፤ ኢሳ 49:10፤ ኢሳ 25:8 8:5 ለዌ 16:12፤ ሃዘ 10:2፤ ኬሳ 19:16፤ ዮ.ቆ 11:19፤ 16:18

ላፑን ሞይዜታ

6 ሃሳፌ ጉዬ፣ ላፑን ኪታንቸቲ ባንታ ሞይዚያ ፑናናው ገብቲደሶና።

7 ኮይሮ ኪታንቸይ ባ ሞይዚያ ፑኒያ ዋዴ ሻቸኔ ሱላሮ ዋላከቲዳ ታሚ ሳሎፕ ቡኪስ። ሳዓፕ ሲኮይ ፀጌቲስ፤ ሚላፌ ሲኮይ ፀጌቲስ፤ ጨልዎ ማታ ኡባይ ፀጌቲስ።

8 ናሞግንሱ ኪታንቸይ ባ ሞይዚያ ፑኒዳ ዋዴ ዋልቃማ ዴሬ ዳኒያባይ ታማን ኤጊሼ አባን ዩጌቲስ። ያቲን፣ አባሬ ሲኮይ ሱሉ ገዲስ።

9 አባን ዴዎን ዴዒያ ሜጴቴላፌ ሲኮይ ሃይቁስ፤ ማርካቤታፕ ሲኮይ ጳይስ።

10 ሂቭንሱ ኪታንቸይ ባ ሞይዚያ ፑኒዳ ዋዴ ያሞፔዳ ኤጊያ ዋልቃማ ያለንቶይ ሻፋፕ ሲኮፑ ቦላኔ ፑልቶታ ቦላ ሳሎፕ ዋጲስ።

11 ሄ ያለንቱዋ ሱንላይ ጫሞ ጌቲቲስ። ሃሳፌ ሲኮፑ ጫሚሲስ፤ ሃላይ ጫሚዳ ገሾ ዳሮ አሳይ ሄ ሃላ ኡዪዲ ሃይቁደሶና።

12 ኦይዳንሱ ኪታንቸይ ባ ሞይዚያ ፑኒስ። አዋፕ፣ አጌናፕኔ ያለንቶታፕ ሲኮፑ ዴቸስ፤ ኤንታ ፖዑዋፕ ሲኮይ ጳሚስ። ጋላሳፕ ሲኮይ፣ ቃማፌካ ሲኮይ ጳሚስ።

13 ኢሲ አርጋንሱ ሳሎ ጶቁ ገዲ፣ ፒራጲሺን ቤዓስ። ሄ አርጋንሳይ ባ ቃላ ጶቁ ኦሊዲ፣ «አቲዳ ሄቭ ኪታንቸቲ ባንታ ሞይዚያ ፑናናው ዴዒያ ገሾ ሳዓን ዴዒያ አሳ አዬ! አዬ! አዬ!» ያገሺን ሲዓስ።

9

1 ሃሳፌ ጉዬ፣ ኢቻሻንሱ ኪታንቸይ ባ ሞይዚያ ፑኒን ሳሎፕ ዴጌ ሳዓ ኩንዲዳ ያለንቶ ቤዓስ። ሄ ያለንቱዋስ ዋልቃማ ኦላ ቁልፕይ ኢሜቲስ።

2 ያለንቶይ ኦላ ደዪዳ ዋዴ ዳልጋ ጮጮፕ ከያ ጩያ ሚላ ጩያይ ሄ ኦላፌ ከዪስ። ሄ ኦላፌ ከዪዳ ጩያን አዋይኔ ሳሎፕ ጳሚደሶና።

3 ሄ ጩያፕ ቦሌይ ከዪዲ ሳዓን ዋጲስ። ሳዓን ዴዒያ ኮርኔታስ ዴዒያ ዋልቃ ሚላ ዋልቁ ቦሌታስ ኢሜቲስ።

4 ያሳ ማታሚይ ሶሞዎን ባይና አሳ ያላላፕ አቲን ሳዓን ዴዒያ ማታ ዋይኮ ሚላ ዋይኮ አይ ጨልዎባ ገዲን ቆሆና ሚላ ቦሌታስ ኦዴቲስ።

5 ቦሌፕ አሳ ኢቻሹ አጌና ጋካናው ፓዓ ካዓና ሚላ ማቲ ኢሜቲስፕ አቲን አሳ ዋጲና ሚላ ገዴና። ኮርኔይ አሴ ዲኪን ዛሚይሳ ሚላ ቦሌይ ዲኪዲ ዛሚሴስ።

6 ሄ ጋላሳታን አሳይ ሃይቆ ኮያና፣ ሺን ዴሚና። ኤንቲ ሃይቃናው አሞታና፣ ሺን ሃይቆይ ኤንታፌ ሃካና።

7 ቦሌይ ኦላስ ገጌ ኡቲዳ ፓራ ዳኔስ። ቦሊያ ሁዒን ዋርቃ ካላቸ ዴዒስ፤ ኤንታ ሶሞዎይካ አሳ ሶሞዎ ዳኔስ።

8 ኢያ ቢናናይ ማጫሳ ቢናና ሚላ አዲሴ። ኤንታ አቻይካ ጋሞ አቸ ዳኔስ።

9 ኤንታው ቲራ ቦላ ዋሊያ ቢራታ ፀሩሬይ ዴዒስ፤ ኤንታ ቁሬያ ገርሳይ ኦሌታናው ጋላቢያ ፓራኔ ፓራ ጋሬ ገርሳ ሚላ።

10 ኤንታው ኮርኔ ጎይና ዳኒያ ጎይኒኔ ዲኪያ ዪሺ ዴዒስ። ሄ ጎይናን ኢቻሹ አጌና አሳ ቆሃና ሚላ ማቲ ኢሜቲስ።

11 ኤንታና ሃሪያ ካዋይ ዴዒስ፤ ሄ ካዋይ ኦላ ኪታንቸዋ። ኢያ ሱንላይ ኢብራይስ፤ ደናን አብደና፤ ቃሲ ጌሪኮ ደናን አጸሊዮና ጌቲቲስ። ኢያ ሱንላ ቢርሼላይ «ጳይሴይሳ» ጉሱ።

12 ኮይሮ አይይ አጲስ፤ ሄኮ፣ ቡር ሃራ ናሞዑ አይቲ ኤሶን ሃናና።

13 ኡሱፑንሳ ኪታንቸይ ባ ሞይዚያ ፑኒስ። ያሳ ሲንላን ኤቁዳ፣ ዋርቃ ያርሾ ቤሳን ዴዒያ ኦይዲ ካጩታፕ ኢሲ ገርሲ ሲዓስ።

14 ሄ ገርሳይ ሞይዜ ኦይኪዳ ኡሱፑንሳ ኪታንቸዋኮ፣ «ኤሬሬዒሴ ገያ ገታ ሻፋን ቃሹቲዳ ኦይዲ ኪታንቸታ ቢርሻ» ያገሲ።

15 ቢታ ቦላ ዴዒያ አሳፕ ሲኮፑ ዋጲና ሚላ ሄ ሳቲያስ፤ ሄ ጋላሳስ፣ ሄ አጌናሴኔ ሄ ላይሳስ ገገዲ ኡቲዳ ኦይዲ ኪታንቸቲ ቢርሼቲደሶና።

16 ኦላ ፓራ ቶገያ ኦላንቸታ ፓይደይ ዳር ጭቱ ሚሎኔ ገዴይሳ ሲዓስ።

8:7 ኪሳ 9:23-25፤ ሂዝ 38:22 8:10 ኢሳ 14:12 8:11 ኤር 9:15 8:12 ኢሳ 13:10፤ ሂዝ 32:7፤ ኢዩ 2:10 9:2 ሜጴ 19:28 9:3 ኪሳ 10:12 9:4 ሂዝ 9:4 9:6 ኢዩ 3:21፤ ኤር 8:3 9:7 ኢዩ 2:4 9:8 ኢዩ 1:6 9:9 ኢዩ 2:5 9:13 ኪሳ 30:1

17 ቃሲ ታ ቆንጮፋን ፓራታኔ ሄ ፓራታ ቶጊዳ እሳ ቤዓስ። ሄ እሳይ ቲራን ዋሊያ ቢራታ ፀሩሪይ ታማ ቦንቆ ሜላ ዘዎ፣ ያኪንቲ ሜላ፣ ካራፋ ካሎሴ ሜላኔ ዲኔ ሜላ ጨሊሎ። ፓራታ ሁዔይ ጋሞ ሁዔ ሜላ፤ ኤንታ ደናፕ ታሚ፣ ጨዩኔ ዲኔይ ኬዩስ።

18 ፓራታ ደናፕ ኬዩዳ ታማን፣ ጨያኒኔ ዲኒያን ሄ ሄዡ ጋደታን ሳዓን ዴዒያ እሳፕ ሲኮይ ሃይቁስ።

19 ሄ ፓራታ ዋልቃይ ኤንታ ደና ጊዳኒኔ ጎይናን ዴዒስ። ኤንታ ጎይናይካ ሸሻ ሁዔ ሜላ፤ ኤንቲ ኢያራ እሳ ቆሆሶና።

20 ሃ ጋደታፕ ኣቲዳይሳቲ ባንታ ኩሼ ኦሱዋፕ ሰሚቦኮና። ኤንቲ ቱና ኣያናን ዋርቃፌ፣ ቢራፕ፣ ናሴ ቢራታፕኔ ሹቻፌ ኦሱቲዳ ኤቃስ ጎይናሶና። ያላናው፣ ሰዓናው፣ ሃሙታናው ዳንዳያና ኤቃታስ ጎይኔይሳ ኣገቦኮና።

21 እሳይ ዋዴይሳ፣ ቢቲይሳ፣ ላይማቲይሳኔ ካይሴይሳ ኣገዲ ማርታ ኦይቸቦኮና።

ሜዲዳ፣ ሜሪናው ዴዒያ ያሳ ሱንሳን ጨቂዳ፣ «ሃዘፕ ጉዬ፣ ያሳይ ጋሞዔና።

7 ሺን ላፑንሳ ኪታንቸይ ባ ሞይዚያ ፑኒያ ዋዴ ያሳይ ባ ኣይሌ ጊዲዳ ናቤታ ባጋራ ቆንጮሲዳ ፀራ ቆፋይ ፖሌታና» ያገሰ።

8 ሄሳፌ ጉዬ፣ ኣባ ቦላኔ ቢታ ቦላ ኤቂዳ፣ «ኢያ ኩሼን ደዬቲዲ ዴዒያ ያሳ ማፃፋ ኪታንቸዋ ኩሼፕ ኤካ» ያገዲ ናሞዓንሶ ታው ኦዲሺን ሲዓስ።

9 ታኒ ሄ ኪታንቸዋኮ ባዳ፣ ጉሳ ያሳ ማፃፋ ኢማ ጋዳ ኦይቻስ። ኢ ታኮ፣ «ኤካዳ ማ፤ ኢ ኔ ኡሎን ጨማና፣ ሺን ኔ ደናን ኤሳዳ ማልዓና» ያገሰ።

10 ታኒ ኪታንቸዋ ኩሼፕ ሄ ጉሳ ያሳ ማፃፋ ኤካዳ ማስ፤ ታ ደናን ኤሳዳ ማልዒስ፣ ሺን ታ ኡሎን ጨሚስ።

11 ሄሳፌ ጉዬ፣ ታኮ፣ «ኔኒ ያራ ኡባስ፣ ዴሪ ኡባስ፣ ዴማ ዴማ ደናን ኦዴቲይሳታሲኔ ካዋታስ ቲንቢቲ ዛራ ኦዳናው ቤሴስ» ያገሰ።

10

ኪታንቸዋኔ ጉሳ ማፃፋ

1 ሄሳፌ ጉዬ፣ ታ ሃራ ዋልቃማ ኪታንቸይ ሳሎፕ ሳዓ ዋዴሺን ቤዓስ። ኢ ሻራ ማዒስ፤ ኢያ ሁዔያ ቦላ ዙላይ ዴዒስ። ኢያ ሰሞያይ ኣዋ ሜላ፤ ኢያ ቶሆይ ታማ ቱሳ ሜላ።

2 ሄ ኪታንቸይ ደያ ዴዒያ ኢሲ ጉሳ ያሳ ማፃፋ ባ ኩሼን ኦይኪዲ፣ ባ ኡሻቻ ቶሁዋ ኣባ ቦላ፣ ባ ሃዲርሳ ቶሁዋ ቢታ ቦላ ኤሲስ።

3 ጉዲያ ጋሞዳ ባ ቃላ ቶቁ ኦሌዲ ዋሲስ። ኢ ዋሲዳ ዋዴ ላፑን ዳዳቲ ባንታ ጉንሳ ሲሲደሶና።

4 ላፑን ዳዳቲ ኦዴቲዳ ዋዴ ታ ያፋናው ገቤታስ። ሺን ሳሎፕ፣ «ላፑን ዳዳቲ ኦዲዳይሳ ማታሚን ጎርዳፌ ኣቲን ፃፎፓ» ያገያ ገርሳ ሲዓስ።

5 ያቲዲ፣ ኣባ ቦላኔ ቢታ ቦላ ኤቂዳ፣ ታ ቤዒዳ ኪታንቸይ፣ ባ ኡሻቻ ኩሼያ ሳሎ ፑዴ ሚጨሰ።

6 ኢ ሚጨዲ ሳሎኒኔ ኢያ ገደን ዴዒያ ኡባ፣ ሳዓኒኔ ኢያ ገደን ዴዒያ ኡባ፣ ኣባኔ ኢያ ገደን ዴዒያ ኡባ

11

ናሞዐ ማርካታ

1 ሄሳፌ ጉዬ፣ ታው ዋዳ ፃሞዓ ኢሚዲ፣ «ባዳ ያሳ ኬላኔ ያርሾ ቤሳ ዋዳ፤ ያን ጎይኒያ ኣሳታካ ፓይዳ።

2 ሺን ያሳ ኬላ ካሪ ዳባባይ ኣይሁዴ ገደና ኣሳስ ኢሚቲዳ ገሾ ዋዶና ኣጋጋ። ኣይሁዴ ገደና ኣሳይ ገሻ ካታማ ኦይታማኔ ናሞዐ ኣኔና ሃራና።

3 ታኒ ካሌ ማዒዳ ታ ናሞዐ ማርካታ ኪታና፤ ኤንቲ 1260 ጋላስ ቲንቢቲ ኦዳና» ያገሰ።

4 ሄ ናሞዐ ማርካቲ ኣላሚያ ጎዳ ሲንሳን ኤቂያ ናሞዐ ሻማሆ ሚላታኔ ናሞዐ ያሞፕ ዋሊያ ኮጫታ።

5 ኦኒካ ኤንታ ቆሃናው ኮይኮ ኤንታ ደናፕ ታሚ ኬዩዳ፣ ኤንታ ሞርኬታ ቆይሴስ። ኤንታ ቆሃናው ኮያ ኦኒካ ሄሳዳ ሃይቃና።

6 ኤንቲ ቲንቢቲ ኦዲያ ዋዴ ኢሪ ቡኮና ሜላ ሳሎዋ ጎርዳናው ኤንታው ማቲ ዴዒስ። ኤንታው ሃሌ ሱሊ ኬሳናው፣ ቃሲ ኤንቲ ኮዩዳ ሜላ ቢታ ዴማ ዴማ ጋደን ቆይሳናው ኤንታው ማቲ ዴዒስ።

9:20 ማዘ 115:4 10:5 ከሳ 20:11፤ ዛሬ 32:40፤ ዳኔ 12:7፤ ኣሞ 3:7 10:8 ሃዘ 2:8-3:3
11:1 ሃዘ 40:3፤ ዛካ 2:1 11:2 ሉቃ 21:24 11:4 ዛካ 4:3 11:6 1ካዋ 17:1፤ ከሳ 7:17 11:7 ዳኔ 7:7፤ ዮ.ቆ 13:5

7 ኤንቲ ባንታ ማርካቴላ ኦንጊዳ፤ ጉዬ፡ ኦላፌ ኬያ ደባይ ኤንታና ኦላና። ሄ ደባይ ኤንታ ያናና፤ ዋቆና።

8 ኤንታ ጎዳይ ማስቃሊያ ቦላ ካቁቲዳ ጊታ ካታማ ኦጊያ ቦላ ኤንታ ኦሃይ ዩጌታና። ሄ ካታማይ ለሚሶን ሶዶሜ ዋይኮ ጊብዳ ጌቴቲ ዪጌቴሰ።

9 ቃሲ ዘሬሌ ኡባፌ፡ ያራ ኡባፌ፡ ዲማ ዲማ ደናፕኔ ካዎቴሌ ኡባፌ ዩዳ ኦሳይ ኤንታ ኦሃ ሄቸ ጋላሲኔ ባጋ ጋካናው ቤዓና። ኤንታ ኦሃይ ሞጌቶና ማላ ኦሳይ ዲጋና።

10 ሃ ናምቡ ናቤቲ ሳባን ዴባያ ኦሳ ዋይሲዳ ጊሾ ኦሳይ ኤንታ ሃይቁዋን ኡፋይታና። ባንታ ኡፋይሳ ቤሳናው ኢሶይ ኢሱዋስ ኢሞታ ኢማና።

11 ሄቸ ጋላሲኔ ባጋፌ ጉዬ፡ ዴፖ ኦያናይ ያሳ ማታፔ ዩዲ ኤንታን ጌሊን፡ ኤንቲ ዴንዲ ኤቁደሶና። ኤንታ ቤዒዳ ኡባይ ጊታ ያሺ ያዩደሶና።

12 ሄሳፌ ጉዬ፡ ሄ ናምቡ ናቤቲ፡ «ሃ ፑዴ ኬዩቲ» ጊያ ቃላ ሳሎፔ ሲዒደሶና። ኤንታ ሞርኬቲ ኤንታና ቤዒሺን፡ ኤንቲ ሻራን ጌሊዲ ፑዴ ሳሎ ቢደሶና።

13 ሄ ሳቲያን ቢታይ ዋልቃማ ቃዖ ቃዒን፡ ካታማፔ ታማንላ ኩሼይ ቆይሰ። ቃሲ ቢታ ቃዖን ላፑን ሙኩሉ ኦሳይ ሃይቁሰ። ኦቲዳ ኦሳይ ዳር ኮኮሪዲ ባቢዲ፤ ሳሎ ያሳሰ ቦንቾ ኢሚደሶና።

14 ናምባንላ ኦይይ ኦቆሰ፡ ሺን ሄኮ ሄቸንላ ኦይይ ኤሶን ያና።

ላፑንላ ሞይዚያ

15 ላፑንላ ኪታንቾይ ባ ሞይዚያ ፑረሰ። ሳሎፔ፡ «ሳባ ካዎቴላይ ኑ ጎዳሲኔ ከሪሰቶሳሰ ጊዲሰ፤ ኢ ማሪናፔ ማሪና ጋካናው ሃራና» ያጊያ ዋልቃማ ቃላይ ሲዒቲሰ።

16 ያፑን፡ ያሳ ሲንሳን፡ ባንታ ኦራታን ኡቲዳ ላታማኔ ኦይዲ ጨማቲ ጉፋኒዲ፡ ያሳሰ ጎይኒዲ፡

17 «ሃባካ ካሰካ ዴዔይሶ፡ ጎዳው፡ ኡባፌ ዋልቃማ ያሳው፡

ኔኒ ጊታ ዋልቃ ኦይካዳሳ።

ኔኒ ሃራናው ደሚዳ ጊሾ

ኔኒ ኔና ጋላቶሰ።

18 ኦይሁዳ ጊደና ኦሳይ ሃንቁቲደሶና፡ ሺን ኔ ሃንቆይ ዩሰ።

ሃይቁደሳታ ቦላ ኔ ፐርዲያ ዋዴይ ዩሰ።

ኔኒ ኔ ኦይሌታ፡ ናቤታሰ

ጌሻታሰኔ ኔ ሱንሳሰ ያዩይሳታሰ፡

ጉሳታሰኔ ጊታታሰ፡ ኤንታ

ኦሱዋዳ ኢሚያ ዋዴይ ጋኪሰ።

ኦላሚያ ቆይሴይሳታ ቆይሲያ ዋዴይ ዩሰ»

ያጊደሶና።

19 ሳሎን ዴባያ ያሳ ኬላይ ደዬቲሰ፤ ኢያ ጊደን ያሳ ጫቆ ታሶቲይ ቤንቲሰ።

ቃሲ ዋልባንላ ዋልባሚሰ፡ ዴሾይ ዴቸሰ፤ ዳዲ ቆቁሰ፤ ቢቲ ቃዒሰ፤ ሻቸ ቡኪሰ።

12

ማጫሲውኔ ዳዊያ

1 ሄሳፌ ጉዬ፡ ሳሎን ዋልቃማ ማላቲ ቤንቲሰ። ኦዎ ማዓዳ፡ ኦጌና ቦላ ኤቃዳ፡ ታማኔ ናምቡ ያለንቶ ካላቻ ባ ሁዔን ዋሊዳ ዴባያ፡ ኢሲ ማጫሲያ ቤንታሱ።

2 ሃ ማጫሲያ ቃንሌሺን፡ ኢዮ ኢቄሌ ኦይኪን ኤንዔታዳ ዋሳሱ።

3 ቃሲ ሃራ ማላቲ ሳሎን ቤንቲሰ። ላፑን ሁዔቲኔ ታሙ ካጩቲ ዴባያ ጊታ ዘፖ ዳዊይ ቤንቲሰ። ኢ ባ ሁዔታ ቦላ ላፑን ካላቻ ዋሊሰ።

4 ሄ ዳዊይ ባ ጎይናን ያለንቶታፔ ሲኩዋ ሳሎፔ ዳፊዲ ሳባን ዩጊሰ። ሄ ዳዊይ ናዓይ ዩሌቲ ዋቆዳ ማላ ሚታናው ኮዩዲ፡ ዩላናው ኤቁቲያ ማጫሲ ሲንሳን ኤቁሰ።

5 ሃ ማጫሲያ ካዎቴላ ኡባ ቢራታ ፃምባን ሃራናው ዴባያ ኦይ ናዓ ዩላሱ። ናዓይ ያሳኮኔ ኢያ ኦራታኮ ፑዴ ኤኬቲሰ።

6 ማጫሲያ 1260 ጋላሰ ጋካናው ኢዮ ናጋና ማላ ያሳይ ኢው ጊሊሲ ዋሊዳ ቤሳ ባዘ ቢታ ባቃታሱ።

7 ሳሎን ኦሊ ማቆቲሰ። ሚካዔሌይ ባ ኪታንቾታራ ዳዊያራ ኦሌቲሰ፤ ዳዊይ ባ ኪታንቾታራ ጊዲዲ ዛሪ ኦሌቲሰ።

8 ሺን ዳዊይ ያኔቲዲ ሳሎን ኤንታው ዴባያ ቤሲ ቆይደሶና።

9 ጊታ ዳዊይ፡ ቤኒ ሾሻይ፡ ሳባን ዩጌቲሰ። ኢካ ዳቡሎሳ ዋይኮ ያላሄ ጌቴቲያ ኦላሚያ ባሌሌይሳ፡ ኢ ባ

11:8 ኦሳ 1:9 11:11 ሂዘ 37:10 11:12 2ካዎ 2:11 11:13 ዮ.ቆ 6:12፤ 16:18 11:15 ኪሳ 15:18፤ ዳኔ 2:44፤ 7:14 11:17 ኪሳ 3:14 11:18 ማዘ 2:5፤ 110:5፤ 115:13 11:19 ዮ.ቆ 8:5፤ 16:18፤ 21 12:3 ዳኔ 7:7 12:4 ዳኔ 8:10 12:5 ኦሳ 66:7፤ ማዘ 2:9 12:7 ዳኔ 10:13 12:9 ሜዲ 3:1፤ ሉቃ 10:18

ከታገኝታራ ኢሲፌ ዱጌ አላሚያ ዩጌቲስ።

10 ሄሳፌ ጉዬ፡ ሳሎን ሃይሳዳ ያጊያ ቃላ ሲባስ።

«ሃዲ አቶቴላይ፡ ዋልቃይኔ ካዋቴላይ፡ ኑ ያሳሳ፤

ማታይ ከሪስቶሳስ ጊዲስ።

ሂዛ፡ ቃማኔ ጋላስ ያሳ ሲገላገ፡

ኑ አሻታ ሞቴይሲ ሳሎፔ ዱጌ ሆሌቲስ።

11 ኤገቲ ደርሳ ሱላኒኔ ባገታ ማርካቴላ ቃላጎ፡

ኢያ ኦሊዲ ያጊደሶና።

ኤገቲ ባገታ ሾምጥዋስ ሚሾቶና

ባገታና ሃይቆስ አሌ አሚደሶና።

12 ሄሳ ጊሾ፡ ሳሎኒኔ ኢያ ጊደጎ ዴዔይሳቶ ኡፋይቲቲ።

ሺን ቢታኔ አባ አዬ!

ሂዛ፡ ፃላሄይ ባው ጉላ ዋዴይ አቲዳይሳ ኤሪዳ ጊሾ

ዋልቃማ ሃንቆን ሂንቴኮ ዋዲስ»

ያጊስ።

13 ቃሲ ዳዌይ ባና ሳባ ዩጊደይሳ ቤዒዳ ዋዴ አዴ ናባ ዩሊዳ ማጫሲው ጎዲስ።

14 ማጫሲው ሾሻይ ቆሆና ሜላ ሄዡ ላይሌኔ ባጋ ማሼኔ ኡያሼ ኢያ ናጌቲያ ቤሲ ባዘ ቢታ ፒራዳዳ ባና ሜላ ናምቡ ዋልቃማ አርጋገላ ቄፌይ ኢው አሚቲስ።

15 ያቲዲ፡ ማጫሲው ዲዖይ ዲዒዲ ኤፋና ሜላ ዳዌይ ሻፋ ሃላ ሜላ ባ ደናፔ ማጫሴ ጉዬሪ ጩዩስ።

16 ሺን ቢታይ ማጫሲው ማዲሲ፤ ቢታይ ባ ደና ደዩዲ ዳዌያ ደናፔ ከዩዳ ሃላ ሚቲስ።

17 ሃ ዳዌይ ማጫሴ ቦላ ዳር ሃንቁቲዲ፡ ኢ ዜራላታ፡ ያሳ ከታ ናጌይሳታኔ ዩሱሲ ቆንጩሲዳ ቱማስ አማኔቲዳይሳታ ኦላናው ቢዲ።

18 አባ ጋፃን ዴዒያ ሻፊያን ኤቁስ።

13

ናምቡ ደባታ

1 ሄሳፌ ጉዬ፡ ኢሲ ደባይ አባፌ ከዩሺን ቤባስ። ኢያው ታሙ ካጩይኔ ላቸን ሁዔይ ዴዒስ። ሄ ታሙ ካጩታ ቦላ ታሙ ካላቻቲ ዴዖሶና። ሄ ሁዔታ ቦላ ያሳ ጫሻ ስንገላቲ ፃፌቲዲ ኡቲስ።

2 ታ ቤዒዳ ደባይ ማሄ ዳኔስ፤ ኢያ ቶሆይ ባባገላ ቶሆ ሜላ፤ ኢያ ደናይካ ጋሞ ደና ዳኔስ። ዳዌይ ባ ዋልቃ፡ ባ ኦራታኔ ባ ጊታ ማታ ሄ ደባስ አሚስ።

3 ሄ ደባ ሁዒያፔ ኢሱዋ ቦላ ሃይቆስ ጋላያ ማዲጎሌ ቤባስ፡ ሺን ሄ ማዲጎላይ ፓዲስ። አላሚያ አሳ ኡባይ ማላሌቲዲ ሄ ደባ ካሊስ።

4 ዳዌይ ባ ማታ ደባስ አሚዳ ጊሾ አሳ ኡባይ ዳዌያ ጎይጊደሶና። ቃሲ አሳይ፡ «ደባ ሜሊ ኦኔ? ኢያራ ኦሌታናው ዳጎዳዔይ ኦኔ?» ያጊዲ ደባስ ጎይጊደሶና።

5 ሄ ደባስ ኦቶርታና ሜላኔ ጫያና ሜላ ደኒ አሚቲስ፤ ኦይታማኔ ናምቡ አጌና ሃራና ሜላ ማቲ ኢያው አሚቲስ።

6 ሄ ደባይ ያሳ፡ ኢያ ሱጎላ፡ ኢ ዴዒያ ቤሳኔ ሳሎን ዴዒያ ኡባ ቃንጌሌ ኦይኪስ።

7 ሄ ደባይ ጌሻታራ ኦሌቲዲ፡ ኤገታና ያናና ሜላ ዋልቁ ኢያው አሚቲስ። ያራ ኡባ፡ ዴሬ ኡባ፡ ዲማ ዲማ ደና ኡባ ቦላኔ ዜሬሌ ኡባ ቦላ ማቲ ኢያው አሚቲስ።

8 አላሚይ ሜዴቶሳፔ ደሚዲ፡ ሹኩቲዳ ደርሳ ዴዖ ማፃፋን ኤገታ ሱጎላይ ፃፌቶና ሃ ሳባን ዴዒያ አሳ ኡባይ ሄ ደባስ ጎይና።

9 ሲዒያ ሃይሌ ዴዒያ አሲ ሲዖ።

10 ኦኒካ ዲዔታናው ዴዒይ ዲዔቲስ። ማሻን ሃይቃናው ዴዒይ ማሻን ሹኩታና። ሄሳጎካ ጌሻታ ዳጎዳዒይኔ አማናይ ኤሬታና።

11 ቃሲካ፡ ሃራ ደባ ሳናፔ ከዩሺን ቤባስ። ኢያው ደርሳ ካጩ ዳኒያ ናምቡ ካጩይ ዴዒስ፤ ኢያ ሃሳያይ ዳዌይሳ ሜላ።

12 ሄ ደባይ ኮይሮ ደባ ቤሳጎ፡ ኢያ ማታጎ ኦሌስ። ኢካ ሃይቆስ ጋላያ ማዲጎላፌ ፓዲዳ ኮይሮ ደባስ፤ ቢታን ዴዒያ አሳ ኡባይ ጎዩናና ሜላ ኦሌስ።

13 ሄ ናምባጎላ ደባይ ሃሪ አቶሺን፡ ታማ ሳሎፔ አሳ ኡባ ስንገላጎ ዋዲሳና ጋካናው ጊታ ማላታታ ኦሌስ።

14 ኮይሮ ደባ ቤሳጎ ኦላና ሜላ፡ ኢያው አሚቲዳ ማላታታጎ ሳባን ዴዒያ አሳ ኡባ ኢ ባሌሊስ። ማሻን ማዲጎዲዳ ፓዲዳ ደባ ቦንቸስ ሚሲሌ ጊሊሳና ሜላ ኤገታና ከቲስ።

15 ናምዓን ደዓይ ከይር ደዓ
ሚሲሊያስ ሽምግ አሚዲ አይታና
ሚላኔ እያው ጎይናይሳቲ ሃይቃና
ሚላ አሊያ ማቲ አሜታስ።

16 ሄ ናምዓን ደዓይ ገቲኔ ጉሉ፣
ማንቆይኔ ዱሬይ፣ ዋማናይኔ እይሌይ
ባ ኡሻቻ ኩሼን ዋይኮ ባ ሶምግን ማላ
ዋላና ሚላ አሊስ።

17 ሄ ደዓ ሱንላይ ዋይኮ እያ
ሱንላ ገይዲዋ ማላይ ባይና አሲ ኦኒካ
ባይዛናው ሻማናው ዳንዳዔና።

18 ጨንጫቴላ ከሼይ ሃሳና።
ኤራቴላ ዳዒያ ኦኒካ ሄ ደዓ ገይዲዋ
ቢርሽላ ኦር፣ ሄ ገይዲይ አሳ ሱንላ።
ሄ ገይዲይ ኡሱቸን ጃታኔ ኡሱቸን
ታማኔ ኡሱቸና።

14

ደርሳኔ 144፣000 አሳ

1 ሃሳፌ ጉዬ፣ ደርሳይ ዓዮኔ ዳሪያ
ቦላ ኤቁዳይሳ ቤዓስ። እያራ እያ
ሱንላይኔ እያ አዋ ሱንላይ ኤንታ
ሶምግን ፃፌቲዳ፣ 144፣000 አሳይ
ዳዒስ።

2 ሳሎፔ ገታ ሃላ ጉንሱኔ ዳዳ
ጉንሱ ዳኒያ ዋልቃማ ገርሲ ሲዓስ።
ቃሲ ታ ሲዒዳ ገርሳይ ዲላ ዲዒሺን
ሲዒቲያ ገርሳ ሚላ።

3 144፣000 አሳይ አራታ ሲንላን፣
አይዲ ዳዖን ዳዒያ ሜዴቴላታ
ሲንላኔ ጨማታ ሲንላን ኤቁዲ
ኤንታፌ ሃራ ኦኒካ ታማራናው ዳንዳዮና
አራሳ ማዝሙራ ዩዲዳሶና።

4 ሃይሳቲ ማጫሳራ ባንታና ቲኒሶና
ናገዳ ገሻታ። ኤንቲ ደርሳይ ቢያሶ
ኡባ ካሎሶና። ኤንቲ ደርሳኔ ደርሳስ
ባይራ ገዲዲ፣ ሺቃናው ሳዓ አሳ
ገደፌ ዋዜቲዳሶና።

5 ኤንቲ ዋርዶይኔ ቦሬይ ባይና
አሳታ።

ሄቸ ከታንቸታ

6 ሃሳፌ ጉዬ፣ ሜሪና ዋንጌላ ሳዓ
ቦላ ዳዒያ ካዋቴላ ኡባስ፣ ዜሬላ
ኡባስ፣ ያራ ኡባሲኔ ዲማ ዲማ ዶና
ኡባስ ማርካታናው ሳሎራ ፒራዲያ ሃራ
ከታንቸ ቤዓስ።

7 ሄ ከታንቸይ ባ ቃላ ቶቁ አሊዲ፣
«ደሳይ አላሚያ ፐርዲያ ሳቲይ ጋኪዳ
ገሾ ደሳሰ ያዩቲ፣ እያ ቦንቸቲ። ሳሎ፣

ሳዓ፣ አባኔ ፑልቶ ሃላ ሜዲዳ ደሳ
ጎይነቲ» ያገሰ።

8 ኮይርይሳ ካሊዲ ሃራ ናምዓንላ
ኪታንቸይ፣ «ዳሬ ኡባ ቱናኔ ማላያ
ዋይኔ ኡሺዳ፣ ገታ ባቢሎኔይ
ኩንዳሱ! ኩንዳሱ!» ያገዲ ዋሲስ።

9 ሄቸንላ ከታንቸይ ኤንታ ካሊዲ፣
ባ ቃላ ቶቁ አሊዲ፣ «ደዓኔ እያ
ሚሲሊያ ጎይኒያ ቃሲ እያ ማላ ባ
ሶምግን ዋይኮ ባ ኩሼን ዋሊያ ኦኒካ
ዳዒስ።

10 ኢ ሃንቆ ፀዓን ኩሚዳ ደሳ ሃንቆ
ዋይኒያ ኡያና። ኤንቲ ገሻ ከታንቸታ
ሲንላኔ ደርሳ ሲንላን ኤዲያ ዲኔ
ታማን ዋይታና።

11 ኤንታ ዋያ ጨያይ ሜሪ ሜሪናው
ጨዩሼ ዳና። ደዓኔ እያ ሚሲሊያ
ጎይኔይ ቃሲ ሄ ደዓ ሱንላ ማላይ
ዳዒያ ኦኒካ ቃማኔ ጋላስ ሽምግይ
ባይና ካዕታና» ያገሰ።

12 ደሳ ከታ ናጌይሳቲኔ ዬሱሳ
አማኔቲይሳቲ ገንጨያ ሚናቴላይ
ቆንጨያ ዋይይ ሃሳ።

13 ሃሳፌ ጉዬ፣ «ሂዛፔ ጎዳን
ሃይቁይሳቲ አንጃቴዳይሳታ» ያገደ
ቃላ ሳሎፔ ሲዓስ።

አያናይ፣ «ኤ ቱማ፣ ኤንታ ኦሶይ
ኤንታ ካሊያ ገሾ ኤንቲ ባንታ ዳቡራፔ
ሽምግና» ያገሰ።

ካላ ሺሾ ዋይ

14 ሃሳፌ ጉዬ፣ ቦላ ሻራ ቦላ ኡቲዳ
አሳ ናዓ ዳኔይሳ ቤዓስ። ኢ ባ ሁዒን
ዋርቃ ካላቻ ዋሊስ፣ ቃሲ ባ ኩሼን
ባጫ ኦይኪስ።

15 ሃራ ከታንቸይ ደሳ ኬላፌ
ኬዩዲ፣ ሻራ ቦላ ኡቲዳይሳኮ ባ ቃላ
ቶቁ አሊዲ፣ «ካላ ሺሾ ዋይይ ጋኪዳ
ገሾ ኔ ባጫ ዬዳዳ ካላ ጫካ፣ ሳዓን
ዳዒያ ካላይ ጋኪስ» ያገሰ።

16 ያቲን ሻራ ቦላ ኡቲዳይሲ ባ
ባጫ ሳዓ ዬዲዲ፣ ሳዓን ዳዒያ ካላ
ጫኪስ።

17 ቃሲካ ሳሎን ዳዒያ ደሳ ኬላፌ
ሃራ ከታንቸይ ኬዩስ፣ እያውካ ኦጮ
ባጨ ዳዒስ።

18 ታማ ቦላ ማቲ ዳዒያ ሃራ
ከታንቸይ ያርሾ ቤሳፌ ኬዩስ። ኢ ባ
ቃላ ቶቁ አሊዲ ኦጮ ባጫ ኦይኪዳ

ከታንቸዋኩ፡ «ዋይኔ አይፌይ ቲሪዳ ጊሾ ኔ ኦጮ ባጫ ዬዳዳ፣ ሳዓን ዳዒያ ዋይኒያፕ ቃንፃ» ያገሰ።

19 ህ ከታንቸይ ባ ባጫ ዬዳዳ፣ ሳዓን ዳዒያ ዋይኒያፕ ቃንፃዲ፣ ያሳ ገታ ሃንቁዋ ጉምዒያ ቤሳን ዩገሰ።

20 ኤንቲ ካታማፔ ጋፃን ዳዒያ ዋይኔ አይፌ ጉምዒያ ቤሳን ዬጄቲዶሶና። ሱሉ ዋይኒያ ጉምዒያ ቤሳፌ ከዩዲ ኢሲ ሙኩሉኔ ኡሰቸን ፄቱ ከሎ ሚቲሬ ማላ ሃኪዲ፣ ፓራ ፑሎ ጋኪያ ማላ ኤሊዲ ጶቁ ገሰ።

15

ወርሴላ ባሻታ

1 ታኒ ሳሎን ሃራ ገታኔ ማላሊሲያ ማላታ ቤዓሰ። ያሳ ወርሴላ ሃንቁዋ ቆንጨሲያ ላቸን ባሻታ ኦይኪዳ ላቸን ከታንቸቲ ዳዖሶና።

2 ቃሲ ታማራ ዋላኬቲዳ ቡርጩኮ አባ ዲኒይሳ ቤዓሰ። ህ አባ ጋፃን ዶዓ፣ ኢያ ሚሲሊያኔ ኢያ ሱንሳ ታይቡዋ ያኒዳይሳታ ቤዓሰ። ያሳይ ኤንታው ኢሚዳ ዲላ ኦይኪዲ ኤቁዶሶና።

3 ኤንቲ ያሳ አይሊያ ሙሴ ማዘሙሪያኔ ደርሳ ማዘሙሪያ ሃይሳዳ ያገድ ዬዖሶና።

«ጎዳው፣ ኡባፌ ዋልቃማ ያሳው፣

ኔ ኦሶይ ገታኔ ማላሊሲያባ።

ዳሬ ኡባ ካዋው፣

ኔ ኦጌይ ፃሎኔ ቱማ።

4 ገሺ ኔ ፃላላ ገዲያ ገሾ

ጎዳው፣ ኔው ያዮናይኔ

ኔ ሱንሳ ቦንቸናይ ኦኔ?

ኔ ፃሎ ኦሶይ አሳ ኡባሰ ቆንጮ ገዲያ

ገሾ ካዋቲሉ ኡባይ ኔ ሲንሌ ዩዲ

ጎይናና»

ያገዲ ዬዖሶና።

5 ህሳፌ ጉዬ፣ ሳሎን ደዬቲዲ ዳዒያ ያሳ ኬላ፣ ኢካ ማርካቲላ ዲንካኒያ ቤዓሰ።

6 ላቸን ባሻታ ኦይኪዳ ላቸን ከታንቸቲ ያሳ ከላፌ ከዩዶሶና። ኤንቲ ገሺኔ ጳሊያ ሊኖ ማዖ ማዒዶሶና፤ ባንታ ቲራን ዋርቃ ዳንጮ ዳንጨዶሶና።

7 አይዲ ማጄቲላታፔ ኢሶይ፣ ማሪናው ዳዒያ ያሳ ሃንቆይ ኩሚዳ

ላቸን ዋርቃ ፀዓታ ላቸን ከታንቸታሰ ኢሚሰ።

8 ያሳ ቦንቸዋፌኔ ኢያ ዋልቃፌ ዳንዶይሳን ያሳ ከላይ ጩያን ኩሚሰ። ላቸን ከታንቸቲ ኦይኪዳ ላቸን ባሻቲ ፖሌታና ጋካናው ያሳ ከላ ኦኒካ ጌላናው ዳንዳቢና።

16

ያሳ ሃንቆይ ኩሚዳ ፀዓታ

1 ህሳፌ ጉዬ፣ ያሳ ከላፌ ላቸን ከታንቸታኩ፣ «ቢዲ ያሳ ሃንቁዋ ላቸን ፀዓታፔ ሳዓን ጉሲቲ» ያገዲ፣ ኦዲያ ዋልቃማ ቃላ ሲዓሰ።

2 ኮይር ከታንቸይ ቢዲ፣ ባ ፀዓን ዳዒይሳ ሳዓን ጉሲን፣ ዶዓ ማላይ ዳዒይሳታ ቦላኔ ኢያ ሚሲሊያ ጎይኒዳይሳታ ቦላ ኢታኔ ዛሚያ ማዲንሉ ከዩሰ።

3 ናምዓንሎ ከታንቸይ ባ ፀዓን ዳዒይሳ አባን ጉሲን፣ አባይ ሃይቁዳ አሳ ሱሉ ዳኒሰ። ቃሲ አባን ዳዒያ ማጄቲላ ኡባይ ሃይቁሰ።

4 ህጃንሎ ከታንቸይ ባ ፀዓን ዳዒይሳ ሻፋታኒኔ ፑልቶ ሃላታን ጉሲን፣ ሃላቲ ሱሉ ገዲዶሶና።

5 ህሳፌ ጉዬ፣ ሃላ ቦላ ማቲ ዳዒያ ከታንቸይ ሃይሳዳ ያገሺን ሲዓሰ።

«ሃዒካ ቤኒካ ዳዒያ ገሻው፣ ሃይሳዳ ኔ ፐርዲዳ ገሾ ኔኒ ፃሎ።

6 ኤንቲ ገሻታ ሱላኔ ናቤታ ሱላ ጉሲዳ ገሾ

ኤንቲ ሱሉ ኡያና ማላ ኦላዳሳ። ኤንቲ ባንታው ቤሲያባ ኤኪዶሶና»

ያገሰ።

7 ያርሾ ቤሳፌ፣

«ጎዳው፣ ኡባፌ ዋልቃማ ያሳው፣

ኔ ፐርዳይ ቱማኔ ፃሎ»

ያገያ ቃላ ሲዓሰ።

8 ኦይዳንሎ ከታንቸይ ባ ፀዓን ዳዒይሳ አዋ ቦላ ጉሲን፣ አዋይ ባ ሴላን አሳ ፀጋና ማላ አዋሰ ዋልቁ ኢሚቲሰ።

9 አሳይ ዋልቃማ ሴላን ፀጌቲዲ፣ ህ ባሻታ ቦላ ማቲ ዳዒያ ያሳ ሱንሳ ባዲዶሶና፤ ባንታ ናጋራፔ ሲሚዲ ያሳ ቦንቸቦኮና።

14:20 አሳ 63:3፤ ኤር.ዜ 1:15፤ ዮ.ቆ 19:15 15:3 ከሳ 15:1 15:4 ኤር 10:7፤ ማዘ 86:9 15:5 ከሳ 38:21 15:8 ከሳ 40:34፤ 1ካዎ 8:10 16:2 ከሳ 9:10 16:4 ከሳ 7:17 16:5 ከሳ 3:14 16:10 ከሳ 10:21

17

10 ኢቻሻንሉ ኪታንቸይ ባ ፀዓን ዴዔይሳ ደዓ ኣራታ ቦላ ጉሲን፣ ሄ ደዓ ካዎቴላይ ቆሚሰ። ኣሳይ ኡንዓ ጊሾ ባንታ ኢንፃርሳ ሳይሶና።

11 ቃሲ ኣሳይ ኡንዓ ጊሾኔ ማዴንላ ጊሾ ሳሎ ያሳ ባዲዶሶና፣ ባንታ ኦሊዳ ናጋራቴ ሲሚቦኮና።

12 ኡሱፑንላ ኪታንቸይ ባ ፀዓን ዴዔይሳ ጊታ ኤፊራዒሴ ሻፋን ጉሲን፣ ዴሎሃ ባጋፊ ያና ካዎታሰ ኦጌይ ጊጋና ሜላ ሃላይ ሜሊሲ።

13 ሄሳፊ ጉዬ፣ ሾጄ ዳኒያ ሄሹ ቱና ኣያናቲ ዳዊያ ደና፣ ደዓ ደናቴኔ ዋርዶ ናቢያ ደናቴ ኬዩሺን ቤዓሰ።

14 ኤንቲ ማላታታ ኦሊያ ቱና ኣያናታ። ሄ ሄሹ ቱና ኣያናቲ ኡባፊ ዋልቃማ ያሳ ጊታ ጋላሳን ሃናናው ዴዔያ ኦሊሰ ሺሻናው ኣላሜ ካዎታ ኡባኮ ባና።

15 «ሄኮ፣ ታ ካይሶዳ ያና! ኣሳ ሲንላን ካሎቶናደኔ ዩላቶናዳ ባርኪዲ፣ ባ ማዑዋ ናጊያ ኡራይ ኣንጄቲዳይሳ!» ያጊሰ።

16 ሄ ቱና ኣያናቲ ካዎታ ኡብራይሰፄ ደናን ኣርማጌዶኔ ጊያ ቤሳን ሺሺዶሶና።

17 ላፑንላ ኪታንቸይ ባ ፀዓን ዴዔይሳ ጫርኮ ቦላ ጉሲን፣ ያሳ ኬላን ዴዔያ ኣራታ፣ «ፖሌቲሰ» ያጊያ ዋልቃማ ቃላይ ዩሰ።

18 ሄሳፊ ዋልዓንሳ ዋልዓሚሰ፤ ዳዳይ ቆቁሰ፣ ቢታይ ቃዒሰ። ኣሲ ሳዓን ሜጄቶሳ፣ ቢቲ ሄሳ ሜላ ቃዖ ቃዒቤና። ሄሲ ኡባፊ ኣጲዳ ቃዖ።

19 ጊታ ካታማይ ሄሹ ኬዩዲ ሻኬቲሰ፤ ቢታ ኡባን ዴዔያ ካታማቲ ቆዩዶሶና፣ ያሳይ ጊታ ካታማ ባቢሎኔ ቆፒዲ፣ ባ ኢታ ሃንቆ ዋይኔ ኡሻይ ኩሚዳ ፀዓ ኢው ኣሚሰ።

20 ሃላን ቴቁቲዳ ቢታቲ ቆዩዶሶና፣ ዴሬቲካ ቤንቲቦኮና።

21 ኣሳ ቦላ ኦይታማኔ ኢቻሹ ኪሎ ጊራሜ ሜላ ዴዔያ ዋልቃማ ሻቺ ሳሎ፣ ቡኪሰ። ቦሻይ ዳር ኢታ ጊዲያ ጊሾ ኣሳይ ሻቻ ቦሻ ጊሾ ያሳ ባዲዶሶና።

ጊታ ላይማቲያ ማጨሲው

1 ላፑን ፀዓታ ኦይኪዳ ላፑን ኪታንቸታ፣ ኢሶይ ታኮ ዩዲ፣ «ሃያ፤ ዳር ሃሳታ ቦላ ኡቲዳ ጊታ ላይማቲያ ማጨሴ ቦላ ያናው ዴዔያ ፒርዳ ታ ኔና ቤሳና።

2 ኣላሚያ ካዎቲ ኢራ ላይማቲዶሶና፤ ኣላሚን ዴዔያ ኣሳይካ ኢ ላይማቴላ ዋይኒያ ኡዩዲ ማላቲዶሶና» ያጊሰ።

3 ሄ ኪታንቸይ ታና ጊሻ ኣያናን ባዘ ቢታ ኤፊሰ። ያን ኢሲ ማጨሲያ ጫሻ ሱንላይ ኢ ቦላ ኡባን ፃፊቲዲ ኡቲዳ፣ ዘዖ ደዓ ቶጊዳር ቤዓሰ፤ ሄ ደዓሰ ላፑን ሁዔይኔ ታው ካጨይ ዴዔሰ።

4 ሄ ማጨሲያ ካሎሴ ማዖኔ ዘዖ ማዖ ማዓሱ፤ ኢያ ዋርቃን፣ ቦንቸ ሹቻኒኔ ኢንቆ ጊያ ኣልዖ ሹቻን ኣሌቁታሱ። ኢያ ባ ኩሼን ቦርሲያባኔ ላይማቴላ ቱናቴላን ኩሚዳ ዋርቃ ፀዓ ኦይካሱ።

5 ኢ ሶሞዖን ፀራ ኦሶ ቢርሼላይ ዴዔያ ሱንላይ፣ «ጊታ ባቢሎኔይ፣ ላይማቴላሲኔ ሳዓን ዴዔያ ቱና ባ ኡባሰ ኣዮ» ያጊያ ፀራይ ፃፊቲዲ ኡቲሰ።

6 ቃሲ ሄ ማጨሲያ ጊሻታ ሱላኔ ዩሱሳሰ ማርካቲሼ ሃይቁዳይሳታ ሱላ ኡያዳ ማላቲዳር ታ ቤዓዳ ማላሌታሰ።

7 ኪታንቸይ ታኮ፣ «ኔኒ ኣይሰ ማላሌታይ? ታኒ ኔው ማጨሴ ፀራኔ ኢያ ቶኪዳ ላፑን ሁዔይኔ ታው ካጨይ ዴዔያ ደዓ ፀራ ኦዳና።

8 ኔኒ ቤዒዳ ደዓይ ኮይር ዴዔሰ፣ ሺን ሃዒ ባዎ። ሄ ደዓይ ጨዋ ኦላፊ ኪዩዲ ቆዮሰ ባና። ሳዓይ ሜጄቶሳ፣ ደሚዲ፣ ዴዖ ማዖፋን ኤንታ ሱንላይ ፃፊቲቦና ሳዓን ዴዔያ ኣሳይ ደዓ ቤዒዳ ማላሌታና። ሄዛ፣ ኢ ካሴ ዴዔሰ፤ ሃዒ ባዎ፣ ሺን ሲንላፊ ያና።

9 «ሃይሲ ጨንጫቴላኔ ኣኪካ ኮዩሰ። ላፑን ሁዔቲ ማጨሲያ ኡቲያ ላፑን ዴሬታ፤ ሄሳቲ ቃሲ ላፑን ካዎታ።

10 ኤንታፊ ኢቻሹ ካዎቲ ኩንዲዶሶና። ኢሶይ ሃዒ ጋካናው ሃራሰ፤ ሃንኮ ካዎይ ዩቤና። ኢ ዩዲ ጉላ ዋዴ ታካናው ቤሴሰ።

16:12 ኢሳ 11:15 16:15 ማቶ 24:43 16:16 2ካዎ 23:29፤ ዛካ 12:11 16:18 ዮ.ቆ 8:5፤ 11:13 16:19 ኢሳ 51:17 16:20 ዮ.ቆ 6:14 16:21 ኪሳ 9:23 17:1 ኤር 51:13 17:2 ኢሳ 23:17፤ ኤር 51:7 17:3 ዮ.ቆ 13:1 17:4 ኤር 51:7 17:8 ዳኔ 7:7፤ ዮ.ቆ 11:7፤ ማዘ 69:28

11 ሲንጤ ዳዒዳ ደዓይ፣ ሃዒ ባይናይሲ፣ ኢ ባ ሁዒን ሆሰፑንሳ ደዓ። ኢ ላፑን ደዓታፔ ኢሱዋ፤ ኢ ጳያናው ቤስ።

12 ኔኒ ቤዒዳ ታሙ ካጩቲ ሃር ደሚቦና ታሙ ካዎታ። ሺን ኤንቲ ደዓራ ኢሲፌ ኢሲ ሳቲ ካዎቲዲ ሃራናው ኤንታው ማቲ አሜታና።

13 ኤንታ ኡባሰ ኢሲ ቆፋይ ዳዒሰ፤ ኤንቲ ባንታ ዎልቃኔ ባንታ ማታ ደዓሰ አማና።

14 ኤንቲ ደርሳራ ኦሌታና፣ ሺን ደርሳይ ጎዳታ ጎዳኔ ካዎታ ካዎ ጊዲያ ጊሾ ኢ ያጊዳይሳቲ፣ ደራዳይሳቲኔ አማኔቲዳይሳቲ ሄ ካዎታ ያናና» ያጊሰ።

15 ከታንቸይ ቃሲካ ታኮ፣ «ላይማቲያራ ኡቲዳ ሄ ኔኒ ቤዒዳ ሃላቲ ያራታ፣ ካዎቲላታ፣ ዜሬላታኔ ዲማ ዲማ ደናን ኦዳቲይሳታ።

16 ቃሲ ኔኒ ቤዒዳ ታሙ ካጩይኔ ደዓይ ላይማቲያር ኢፃና። ኤንቲ አው ዳዒያ ኡባባ ኤካና። ቃሲ ኢዮ ካሎ አሻናኔ ኢ አሹዋ ሚዲጋና፤ ያቲዲ ኤንቲ ኢዮ ታማን ፀጋና።

17 ሄዛ፣ ያሳ ቃላይ ፖሌታና ጋካናው ኤንታ ቆፋይ ኢሲና ጊዳና ማላ ኤንቲ ባንታ አይሲያ ዎልቃ ደዓሰ አማናዳኔ ያሳይ ቆፒዳይሳ ኤንቲ ኦላናዳ ኤንታ ዎዛናን ያሳይ አዎ ዎሊሰ።

18 ሄ ኔኒ ቤዒዳ ማጫሲያ ሳዓ ካዎታ ሃሪያ ጌታ ካታሚው» ያጊሰ።

18

ባቢሎኔ ኩንዳላ

1 ያቲዲ፣ ጌታ ማቲ ዳዒያ ሃራ ከታንቸይ ሳሎፔ ዎጲሺን ታ ቤዓሰ። ሄ ከታንቸዋ ቦንቸይ ሳዓ ፖዒሲሰ።

2 ሄ ከታንቸይ ባ ቃላ ጶቁ ኦሊዲ፣ «ኢያ ኩንዳሱ! ጌታ ባቢሎኔይ ኩንዳሱ!

ባቢሎኔይ ቱና አያናቲ አቁያ ቤሲ ጊዳሱ።

ዲማ ዲማ ኢታባታሰ ኬሌ ጊዳሱ፤ ቱና ካፎቲኔ ደዓቲ ሹምፒያ ቤሲ ጊዳሱ።

3 አሳ ዜሬሊ ኡባ ባ ላይማቲላ ዎይኒያ ኡሻሱ።

ሳዓ ካዎቲ ኢራ ላይማቲዶሶና።

ኢ ሚኮቴላፌ ዳንደይሳን ቢታን ዳዒያ ዛልዓንቸቲ ዲሬቲዶሶና»

ያጊሰ።

4 ሄሳፌ ጉዬ፣ ታ ሳሎፔ ሃይሳዳ ያጊያ ሃራ ቃላ ሲዓሰ።

«ኢ ናጋራ ኢራ ኮያና ማላኔ፣ ኢያ ኤካናው ዳዒያ ሴራ ሃንቲ ኤኮና ማላ፣

5 ሃዛ፣ ኢ ናጋራይ ሳሎ ጋካናው ደሬቲሰ።

6 ኢያ አሚዳይሳ ማላ ዛሪዲ አው አሚቲ።

ኢያ ኦሊዳ ኦሱዎሰ ናምዑ ኩሼ አው ዛሪቲ።

ኢያ ጊጊሲዳ ኡሻ ቦላ ሃንቲ ናምዑ ኩሼ ማላያ ኡሻ ኢ ፀዓን ኩንጸቲ።

7 ኢያ ቦንቸቲዳይሳዳኔ አው አንጃቲዳይሳ ማላ፣ ኢዮ ሚቶሊቲኔ ካዮዪቲ።

ኢያ ባ ዎዛናን፣ ሓኒ ካዌዳ ኡታሰ፤ ታ ኦዚኒ ባይና ማጫሰ ጊዲኬ፤ ታኒ ኡባካ ካዮቲኬ» ያጋሰ።

8 ሄሳ ጊሾ፣ ቦሻ ኡባይ፣ ሃርጌይ፣ ካዮይኔ ኮሺ ኢዮ ኢሲ ጋላሰ አይካና።

ቃሲ ኢያ ታማን ፀጌታና፤ አይሰ ገኮ፣ ኢ ቦላ ፒርዲያ ያሳይ ዎልቃማ»

ያጊሰ።

9 «ኢራ ላይማቲዳይሳቲኔ ኢ ሚኮቴላን ዳዒዳ፣ አላሚያ ካዎቲ ሄ ካታሚያ ፀጌቲን ኬያ ጩያ ቤዒዳ ዎዳ አው ዋሲዲ ዬካና።

10 ኤንቲ ሄ ካታሚ ዎያ ቤዒዳ ያዪዳ ጊሾ ሃኪ ኤቁዲ፣ ሓሃ ጌታ ካታሚ! ዎልቃማ ካታሚ!

ባቢሎኔ፣ ኔና አዬ! ኔኒ ኢሲ ሳቲ ጊዳን ኔ ፒርዳ ኤካዳሳ» ያጋና።

11 «ኤንታ ማርካቢያ ጫና ሃዘፔ ሻሚያ አሲ ባይና ጊሾ ሳዓን ዳዒያ ዛልዓንቸቲ ሄ ካታሚሰ ዋሳናኔ ካዮታና።

12 ኤንታ ዎርቃ፣ ቢራ፣ ቦንቸ ሹቻ፣ ኢንቆ ጊያ አልያ ሹቻ፣ ካሎሴ ማያ፣

17:12 ዳኔ 7:24 18:2 እሳ 21:9፤ ኤር 51:8፤ ዮ.ቆ 14:8፤ እሳ 13:21፤ ኤር 50:39 18:3 እሳ 23:17፤ ኤር 51:7 18:5 ሜሴ 18:20 18:6 ማዘ 137:8፤ ኤር 50:29 18:8 እሳ 47:7-9 18:9 ሃዘ 26:16-17 18:11 ሃዘ 27:31 18:12 ሃዘ 27:12፣ 13፣ 22

ለኖ ማዖ፣ ሃሪ ማዖ፣ ዘዖ ማዖ፣ ዲማ ዲማ ሳዎ ማዖ፣ ዘሌ፣ አልዖ ማዖ፣ ናሴ ቢራታ፣ ጎሌ ሹቹ፣

13 ቃራፋ፣ ቁማሚ፣ ኢፃ፣ ካርቤ፣ ሹቶ፣ ዋይ፣ ዛይ፣ ሊቆ ጳሌ፣ ገሰ፣ ሜሄ፣ ደርሴ፣ ፓራ፣ ፓራ ጋራ፣ አይሌታን ሃራ አሳታ ሻሚያ ኦኒካ ባዎ።

14 «ዘልዓንቸ፣ ማጫሴኮ፣ ሳኒ ኦሞቲዳ ሎዖ ስባይ ኔ፣ ጳይሰ። ኔ አቆይ፣ አለቁቲዳባ ስባይ ኔ፣ ሃኪሰ። ኔ፣ ዘራዳ ኤንታ ኡባ ዳማካን ያገደሰ።»

15 ሃ ካታማን ዘልዒዲ ዱሬቲዳ ዘልዓንቸ፣ ኢ ሜቱዋ ባቢዲ ኢ፣ ሃኪዲ ኤቃ። ኤንቲ ዩካና፣ ካዮታና።

16 ቃሲ፣

«ለኖ ማዖ፣ ካሎሴ ማዖን ዘዖ ማዖ ማዖዳ፣

ዋርቃን፣ ቦንቸ ሹቻኒ ኢንቆ ገያ አልዖ ሹቻን አለቁቲዳ፣

ሃ ገታ ካታሚስ አዩ!

17 ሃይሳ ሚላ ገታ ሻሎ ስባይ ኢሲ ሳቴ ገደን ጳይሰን ያገደሰ።»

«ማርካቢያ ሳገያ ስባይ፣ ማርካቢያን ቢያ ስባይ፣ ማርካቢያ ቦላ አሊያ ስባይ፣ አባን ዘልዒያ ስባይ ሃኪ አቁደሰ።»

18 ሃ ካታሚያ ጸገቲን ኬያ ጩያ ቤዒዳ ዋዴ ሳ ገታ ካታሚው ዳኒያ ሃራ ካታሚ ዳዒሻ? ያገደሰ።»

19 ኤንቲ ባንታ ሁዒን ባና ቆሊዲ፣ ዋሲደሰና፣ ካዮቲደሰና።

ሳባ ቦላ ማርካቤቲ ዳዒያ ስባይ፣

ኢ ሻሎዋን ዱሬቲዳ ስባይ፣ ሃ ካታሚያ ኢሲ ሳቴን ጳዩዳ ገሾ አዩ! አዩ!

20 ሳሎዋው፣ ኢ ጳዩዋን ኡፋይታ!

ገሻቶ፣ ሃዋራቶ፣ ናቤቶ፣ ያሳይ ሃንቲ ገሾ ኢ ቦላ ፐርዲዳ ገሾ ኡፋይቲቲ።» ያገደሰ።»

21 ያቲን፣ ሚና ኪታንቸይ ዋዓ ዳኒያ ገታ ሹቹ ዳንሊዲ አባን ሆሊሹ፣

«ገታ ካታሚያ ባቢሎኔይ ዋልቃን ሆሊታዳ ሃይሳዳ ኩንዳና፣ ኢያ ሃቺፊ ገዬ ኡባካ ቤንቱኩ።»

22 ዲሊ ዲጃይሳቲ፣ ዩጃይሳቲ፣ ሱሱልዒ፣ ዋይዜ ዩኔይሳቲ፣ ሃዛ፣

ገዬ ኔ ገደን ኡባካ ሲዔቶኮና። አይ ኮቻ ዘልዒ ዘልዒያ አሲካ ኔ ገደን ቤንቲና። ዋዓ ገርሲ ሃዛ፣ ገዬ ኔ ገደን ሲዔቲና።

23 ያዎ፣ ፖዖይ ዘሪዲ ኔ ገደን ፖዒና። ማቸ ኤኬይሳኔ አዚና ጌሊያሪ ቃሊ ሃዛ፣ ገዬ ኔ ገደን ሲዔቲና። ኔ ዘልዓንቸቲ ቢታ ኡባን ኤሬቲዳ ዋልቃማታ። ኔ ቢታን ካዎቴሳታ ኡባ ጨማዳሳ» ያገሰ።

24 ናቤታ ሱሳይ፣ ጌሻታ ሱሳይ ቢታ ቦላ ሃይቁዳ አሳ ኡባ ሱሳይ ኢ ገደን ቤንቲዳ ገሾ ባቢሎኔይ ፐርዳታሱ።

19

1 ያቲን፣ ሳሎን ዳር አሳይ፣ «የሳይ ጋላቲቶ!

አቶቴሳይ፣ ቦንቸይ፣ ዋልቃይ ኑ ያሳሰ ገደ።»

2 ኢያ ፐርዲይ ተማኔ ዓሎ። ሳሳ ቱኒሲዳ ኢታ ላይሚው ያሳይ ፐርዲሲ።

የሳይ ባ አይሌታ ሱሳ ኢ፣ አቸሰ» ያገሰ።»

3 ሃ አሳይ ዘሪዲ ባንታ ቃላ ቶቁ አሊዲ፣

«የሳ ጋላቲ ጋኮ። ሃ ካታሚያ ሜሪናው ጩያሾ ዳና»

ያገደሰ።»

4 ላታማኔ አይዲ ጨማቲ፣ ዳዖን ዳዒያ አይዲ ሚጴቴሳቲ አራታን ኡቲዳ ያሳሰ ጉፋኒዲ፣

«አሚንዒ! ያሳ ጋላቲ ጋኮ» ያገዲ ጎይኒደሰና።

5 ያቲን፣ «የሳ አይሌቲ፣

የሴ ያያ ጉሊኔ ገቲ ስባይ፣ ኑ ያሳ ጋላቲቲ»

ያገያ ቃላይ አራታ፣ ኬዩሰ።»

6 ያቲን፣ ዳር አሳዳ ዋጫሚያ፣ ዋልቃማ ሻፋዳ ጉሚያ፣ ዳዳዳ ዳቺያ ገርሳይ፣

«የሳ ጋላቲ ጋኮ፣ ኑ ጎዳይ፣ ኡባፊ ዋልቃማ ያሳይ ካዎቲሰ።»

18:15 ሃዘ 27:31 18:17 አሳ 23:14፣ ሃዘ 27:26 18:18 ሃዘ 27:32 18:20 ሃዘ 27:30፣ ዛሬ 32:43፣ ኤር 51:48 18:21 ኤር 51:63 18:22 አሳ 24:8፣ ሃዘ 26:13 18:22 ኤር 7:34፣ 25:10 18:24 ኤር 51:49 19:2 ዛሬ 32:43፣ 2ካዎ 9:7 19:3 አሳ 34:10 19:5 ማዘ 115:13 19:6 ሃዘ 1:24፣ ማዘ 93:1፣ 97:1፣ 99:1

7 ደርሳ ያጋኖይ ጋኪዳ ገሸኔ ኢያ
ጌሊያሪ ገረዳ ገሸ
ኑ ኡፋይቶስ፣ ጋላቶሴኔ ደርሳ
ቦንቸስ።

8 ጌሎስ ገረዳሪ ጳሊያኔ ጌሺ ገዲዳ
ሊኖ ማዖ ማዖና ሜላ ኢው
አሜቲስ»
ያገረሽን ታ ሰዓሰ። (ሊኖ ማዖይ ጌሻታ
ጂሎ ኦሶ ለሚሶ።)

9 ሄሳፌ ጉዬ፣ ከታንቸይ ታኮ፣
«ደርሳ ያጋኑዋ ጌጌቲዳይሳቲ
አንጃቲዳይሳቲ» ጋዳ 94። ሄ
ከታንቸይ ጉጂዲ፣ «ሃይሲ ያሳ ቱማ
ቃላ» ያገሰ።

10 ሄ ዋዴ ታ ኢያ ጎይናው
ኢያ ቶሁዋ ቦላ ኩንዳሰ። ሺን
ኢ፣ «ሄሳ ኦሶፋ! ታጌ ዬሱሳባ
ማርካቲያ ኔ ሜላኔ ኔ አሻታ
ሜላ። ኔ ያሳ ጎይና» ያገሰ። ሂዛ፣
ዬሱሳባ ማርካቲዳይሳታስ ናቤቴላ
አያሲ ዴዔስ።

ቦላ ፓራ ቶጊዳይሳ

11 ያቲን፣ ሳሎይ ደዬቲን፣ ያን ቦላ
ፓሪ ዴዔይሳ ቤዓሰ። ሄ ፓራ ቶጊዳይሲ
አማኔቲዳይሳኔ ቱማንቸ ጌቴቲስ። ኢ
ጂሎቴላን ፐርዴሲኔ ኦሎቴስ።

12 ኢያ አይፊይ ታማ ላጮ ዳኔስ፤
ኢያ ሁዔን ዳር ካላቸ ዴዔስ። ኢያ
ቦላ ኢ አቲን ሃሪ ኦኒካ ኤርና ዓፌቲዳ
ሱንሏ ዴዔስ።

13 ኢ ሱላን ሙኬቲዳ ማዖ ማዔሰ፤
ኢያ ሱንላይካ ያሳ ቃላ።

14 ጳሊያኔ ጌሺ ገዲዳ ሊኖ ማዖ
ማዔዳ ሳሎ ኦላንቸቲ ቦላ ፓራታ
ቶጊዳ ኢያ ጌዶ ካሎሶና።

15 ካዎቴላታ ቃንጂያ ማሺ ኢያ
ደናፕ ኬዬስ። ኢ ቢራታ ዓምዓን አሳ
ሃራና። ኡባፌ ዋልቃማ ያሳ ሃንቆ ዋይኔ
ኡሻ ጉምዔያ ቤሳ ኢ ዬፋና።

16 ኢያ ማዐዋ ቦላኔ ኢያ ዋዲሪያ
ቦላ፣ «ካዎታ ካዎታ ጎዳታ ጎዳ»
ያገረ ሱንላይ ዓፌቲስ።

17 ሄሳፌ ጉዬ፣ ኢሲ ከታንቸይ አዋ
ቦላ ኤቁዳይሳ ቤዓሰ። ሄ ከታንቸይ
ሳሎራ ፐራጂያ ካፎ ኡባስ ባ ቃላ ዶቁ
ኦሊዲ፣ «ሃ ዪቴ! ያሳ ገቢራ ማናው
ኢሲ ቤሲ ሺቁቴ።

18 ዪዲ ካዎታ አሹዋ፣ ሻላቃታ
አሹዋ፣ ዎታዳሪታ አሹዋ፣ ፓራታ

አሹዋ፣ ፓራታ ቶጊዳይሳታ አሹዋ፣ አሳ
ኡባ አሹዋ፣ አይሌታ አሹዋ፣ ዋማኖታ
አሹዋ፣ ጌታታኔ ጉላታ አሹዋ ሚቴ»
ያገሰ።

19 ደዓይ፣ ፓራ ቶጊዳይሳራኔ ኢያ
ኦላንቸታራ ኦሌታናው ሳዓ ካዎቲኔ
ኤንታ ኦላንቸቲ ኢሲ ቤሲ ሺቁዳሺን
ቤዓሰ።

20 ሺን ሄ ደዓይኔ ኢያ ሱንላን
ማላታታ ኦሊዳ ዋርዶ ናቤይ ኢያራ
ኢሲፌ ኦይኬቲስ። ሄ ማላታታን ደዓ
ማላይ ዴዔይሳታኔ ኢያ ሚሲሊያ
ጎይኔይሳታ ኢ ባሌሲስ። ደዓይኔ
ዋርዶ ናቤይ ናምዓይካ ዲኔን ኤጂያ
ታማ አባን ፓዓ ዬጌቲደሶና።

21 አቲዳይሳቲ ፓራ ቶጊዳይሳ ደናፕ
ኬያ ማሻን ሃይቁደሶና። ካፎቲ ኡባይ
ኤንታ አሹዋ ሚዲ ካሊደሶና።

20

ሙኩሉ ላይሏ

1 ዛዊ ባይና ኦላ ቁልፒያኔ ጌታ
ሳንላላታ ባ ኩሺን ኦይኪዳ ኢሲ
ከታንቸይ ሳሎፕ ዋጂሺን ቤዓሰ።

2 ኢ ዳዊያ ኦይኪዲ ሙኩሉ
ላይላስ ቃቸስ። ሄ ዳዊይ ኮይር ሾሻ፣
ደቡሎሳ ዋይኮ ዓላሄ።

3 ከታንቸይ ዛዊ ባይና ኦላን ኢያ
ዬጊዲ፣ ሙኩሉ ላይሏ ዉራና ጋካናው
ካዎቴላታ ዛሪ ባሌሶና ሜላ ቁልፕን
ጎርዲዲ አታሚስ። ሄሳፌ ጉዬ፣ ዳዊይ
ጉሳ ዋዴስ ቢሌታናው ቤሴስ።

4 ሄሳፌ ጉዬ፣ አራታታኔ አራታታ
ቦላ ኡቲዲ ፐርዳና ሜላ ማቲ
አሜቲዳይሳታ ቤዓሰ። ዬሱሳሰ
ማርካቲዳ ገሸኔ ያሳ ቃላ ኦዲዳ
ገሸ ባንታ ቆጂያ ጎይራቲዳ አሳ
ሺምፑዋ ቤዓሰ። ኤንቲ ደዓ ዋይኮ
ደዓ ሚሲሊያ ጎይሲቦኮና። ኤንቲ ደዓ
ማላ ባንታ ሰምዖን ዋይኮ ባንታ ኩሺን
ዋሊቦኮና። ኤንቲ ሃይቆፕ ዴንዲዲ
ኪሪስቶሳራ ኢሲፌ ሙኩሉ ላይሏ
ሃሪደሶና።

5 ሃይሲ ኮይር ዴንዲዳ፣ አቲዳ
ሃንኮ ሃይቁዳይሳቲ ሙኩሉ ላይላይ
ዉራና ጋካናው ሃይቆፕ ዴንዲቦኮና።

6 ኮይር ዴንዲዳስ ቃዲ ዴዔይሳቲ
አንጃቲዳይሳታኔ ጌሻታ። ኤንታ ቦላ
ናምዓንሶ ሃይቁዋስ ዋልቁ ባዋ። ኤንቲ

የሳሲኔ ኪሪሰቶሳስ ካሂኔ ገዳና፤ አያራ ኢሲፌ ሙኩሉ ላይሌ ሃራና።

9ላሂያ ጾኔታ

7 ሙኩሉ ላይላይ ወሪዳፔ ጉዬ 9ላሂይ ቃሾፔ ቢሌታና።

8 ኢ ሳባ ጋፃፔ ጋፃ ጋካናው ዳዒያ ካዋቱላታ፡ ኤንቲካ፡ ጎኔ ማጎኔ ጌቲቲይሳታ ባሌሊዲ አላስ ሺሻናው ኬያና። ኤንታ ፓይዶይ አባ ጋፃን ዳዒያ ሻፌ ሚላ።

9 ኤንቲ ቢታ ኡባን ላሌቲዲ፡ ጌሻታ ሄራኔ የሳይ ደሲያ ካታማ ቱቁደሶና። ሺን ታሚ ሳሎፔ ዋዲዲ ኤንታና ሚሰ።

10 ኤንታ ባሌሊዲ 9ላሂይ፡ ደዓይኔ ዋርዶ ናቤይ ዩጌቲዳ ኤጂያ ዲኔ ታማ አባን ዩጌቲሰ። ኤንቲ ቃማኔ ጋላስ ሚሪናው ፓፃ ካዔታና።

ወርሴላ ፐርዳ

11 ሄሳፌ ጉዬ፡ ጌታ ቦላ አራታ ቦላ ኡቲዳይሳ ቤዓስ። ሳሊኔ ሳሎይ ኢያ ሲንሳፌ ባቃቲደሶና፤ ኤንቲ ዛሪ ቤንቲቦኮና።

12 ሃይቁዳይሳቲ፡ ጌታቲኔ ጉላቲ አራታ ሲንሳን ኤቁዳይሳታ ቤዓስ፤ ማፃፋቲ ደዩቲደሶና፤ ቃሲ ዴፖ ማፃፋ ገዲዳ ሃራ ማፃፊ ደዩቲሰ። ሃይቁዳይሳቲ ማፃፋን ፃፌቲዳ ባንታ ኦሱዋዳ ፐርዳ ኤኪደሶና።

13 አባይ ባ ገደን ዳዒያ ሃይቁዳይሳታ አሚስ፤ ሃይቆይኔ ሲፖሌይ ባንታ ገደን ዳዒያ ሃይቁዳይሳታ አሚደሶና። ኢሲ ኢሲ አሲ ባ ኦሱዋዳ ፐርዳ ኤኪሰ።

14 ፆቲን፡ ሃይቆይኔ ሲፖሌይ ታማ አባን ዩጌቲደሶና። ሄ ታማ አባይ ናምዓንሉ ሃይቆ።

15 ዴፖ ማፃፋን ኢያ ሱንሳይ ፃፌቲቦና ኦኒካ ታማ አባን ዩጌቲሰ።

21

ኦራላ ሳሎኔ ኦራላ ሳባ

1 ታኒ ኦራላ ሳሎኔ ኦራላ ሳባ ቤዓስ። ኮይሮ ሳሎይኔ ኮይሮ ሳባይ ቆይስ፤ አባይካ ቆይስ።

2 ጌሻ ካታሚያ፡ ኦራላ ዩሩሳላሚይ፡ አዘና ጌላናው አሌቁታዳ ጊጋዳ ዳዒያ ማጫሳዳ ሳሎፔ የሳ ማታፔ ዲጌ ዋዲሺን ቤዓስ።

3 አራታፔ ሃይሳዳ ያገዲ፡ ኦዲያ ጌታ ቃላ ሲዓስ፤ «የሳ ኬላይ አሳራ ዳዒስ፤ የሳይ ባ ቦንቹዋራ አሳራ ኢሲፌ ዳና። ኤንቲ ኢያ ዳሬ ገዳና፤ የሳይ ባ ሁዔን ኤንታራ ዳና፤ ኢ ኤንታ የሳ ገዳና።

4 የሳይ ኤንታ አይፌፔ አፋላ ኡባ ቁቻና። ሂዛፔ ሃይቆይ ዋይኮ ካዮይ ዋይኮ ዋሶይ ዋይኮ ዋዬይ ዳና። ጋልዓ ኡባይ አዲስ» ያገሰ።

5 አራታ ቦላ ኡቲዳይሰ፡ «ታኒ ኡባ ኦራሊ ኦላና» ያገሰ። ቃሲ ዛሪዲ ታኮ፡ «ታኒ ኦዳይሲ አማንሌይሳኔ ቱማ ገዲያ ገሾ ፃፋ» ያገሰ።

6 ቃሲ ታኮ፡ «ፖሌቲስ! ታኒ አልፋኔ አሚጋ፤ ደሚሊኔ ፖሎ። ሳሞቲዳ ኦናካ ዴፖ ሃላ ፑልቱዋፌ ጨጌ ባይና ጮ ኡሻና።

7 ጾኒያ ኦኒካ ሄሳ ኡባ ላታና፤ ታኒ ኢያው የሳ ገዳና፤ ኢካ ታ ናባ ገዳና።

8 ሺን ያሻንቸታ፡ አማኔቶናይሳታ፡ ቱናታ፡ ሺምፖ ዋዲይሳታ፡ ላይማቲይሳታ፡ ቢቲይሳታ፡ ኤቃ ጎይኔይሳታ፡ ዋርዳንቸታ ቃዳይ ዲኔይ ኤጂያ ታማ አባን ገዳና። ሄሲ ናምዓንሉ ሃይቆ» ያገሰ።

9 ላፑን ወርሴላ ቦሻቲ ኩሚዳ ላፑን ፀዓታ ኦይኪዳ ላፑን ኪታንቸታፔ ኢሶይ ታኮ ዩዲ፡ «ሃያ፡ ታኒ ኔና ጌሎስ ገጌዳ ዶርሳ ማቸው ቤሳና» ያገሰ።

10 ኪታንቸይ ታና ዳር ዶቃ ዳሪያ ሁዔ ጌሻ አያናን ኬሲዲ፡ ጌሻ ካታማይ፡ ዩሩሳላሚይ፡ ሳሎፔ የሳ ማታፔ ዲጌ ዋዲሺን ቤሲሰ።

11 ሄ ካታማይ የሳ ቦንቸን ፖዔስ። ሄ ካታማ ፖይይ ያሰጺዳ ጌያ አልፖ ሹቻ ሚላ፤ ጌሻ ቢሪሌዳ ጸሌስ።

12 ሄ ካታማ ዲርሳይ ዋልቃማኔ አዲሴ። ኢያው ታማኔ ናምዑ ፔንጌቲኔ ሄ ፔንጌታ ናጌያ ታማኔ ናምዑ ኪታንቸቲ ዴፖሶና። ፔንጌታ ቦላ ታማኔ ናምዑ ኢሰራዔሌ ዜሬላታ ሱንሳይ ፃፌቲሰ።

13 ደሎሃ ባጋራ ሄሹ ፔንጌቲ፡ ፑዴሃ ባጋራ ሄሹ ፔንጌቲ፡ ዲጌሃ ባጋራ ሄሹ

ፔንጌቴ ወሎሃ ባጋራ ሄዙ ፔንጌቴ ደደሱና።

14 ካታማ ገምቤ ዲርሳይ ታማኔ ናምዑ ሹቻ ባሶታ ቦላ ኢቁሰ። ኤንታ ቦላ ታማኔ ናምዑ ደርሳ ሃዋሬታ ሱንሳይ ፃፊተሰ።

15 ታው ኦዲያ ኪታንቹዋሰ፣ ካታማ፣ ኢያ ፔንጌታኔ ኢያ ዲርሳ ዋዲያ ዋርቃ ፃምዓይ ዳዒሰ።

16 ካታማሰ ኦይዲ ማዛኔተ ደደሱና፤ ካታማ ጌሳይኔ ጎምፓይ ኢሲ ገና። ኪታንቹይ ካታማ ባ ፃምዓን ዋዲን፣ ካታማይ ታማኔ ናምዑ ሙኩሉ ኪሎ ሚተሬ ገዲሰ፤ ካታማ ጌሳይ፣ ጎምፓይኔ ዶቃቴሳይ ኢሲ ገና።

17 ኪታንቹይ ቃሲ ዲርሳ ዋዲን፣ ኪታንቹይ ጎዔቲያ ኣሳ ኩሹን ኢሲ ፃታኔ ኦይታማኔ ኦይዲ ዋዲ ገዲሰ።

18 ካታማ ዲርሳይ ያሰጸዴ ገያ ሹቻን ዲሬተሰ። ካታማይ ማሰቶቴዳ ጸሊያ ጌሻ ዋርቃን ኦሴተሰ።

19 ካታማ ዲርሳ ባሶይ ኡባ ቆሞ ቦንቹተዳ ሹቻን ኣለቄተሰ። ኮይር ሃፃተዳ ሹቻይ ያሰጸዴ፣ ናምዓንሳይ ሳምፔሬ፣ ሄቫንሳይ ኬልቄዶኔ፣ ኦይዲንሳይ ባሉሬ፣

20 ኢቻሻንሳይ ሳርደንኪሴ፣ ኡሱፑንሳይ ሳርዲዮኔ፣ ላፑንሳይ ኪሶተሎቤ፣ ሆሰፑንሳይ ቢሪሌ፣ ኡዲፋንሳይ ቶጸዚዮኔ፣ ታማንሳይ ኪሶጸራሲሴ፣ ታማኔ ኢሲንሳይ ያከንቴ፣ ታማኔ ናምዓንሳይ ኣሜቴሰዲናሴ።

21 ታማኔ ናምዑ ፔንጌታሰ ታማኔ ናምዑ ኣንቆ ገያ ኣልዎ ሹቹ ዳዒሰ። ኢሲ ኢሲ ፔንጌይ ኢሲ ኣንቆን ኦሴተሰ። ካታማ ዋጋ ኦይ ማሰቶቴዳ ጸሊያ ጌሻ ዋርቃፊ ኦሴተሰ።

22 ጎዳይ፣ ኡባፊ ዋልቃማ ያሳይኔ ደርሳይ ካታማሰ ኬሌ ገዲያ ገሾ ታ ሄ ካታማን ያሳ ኬሌ ቤዓቢኬ።

23 ያሳ ቦንቹይ ሄ ካታማሰ ፖዒያ ገሾኔ ደርሳይ ኢያው ያምፔ ገዲያ ገሾ ካታማሰ ኣዋ ዋይኮ ኣጌና ፖዎ ኮሹና።

24 ካዋቴላቲ ሄ ካታማ ፖዎን ሃሙታና፤ ካዋቲካ ባንታ ቦንቹዋ ያ ኤሃና።

25 ቃሚ ያን ባይና ገሾ ካታማ ፔንጌቴ ኡባ ዋዴ ደያ ገዲና፤ ጎርዴቶኮና።

26 ካዋቴላታ ጌታቴላይኔ ቦንቹይ ሄ ካታማ ያና።

27 ደርሳ ዳዎ ማፃፋን ሱንሳይ ፃፊተዳይሳታ ፃላሊ ኣቲን ቱናባ ዋይኮ ዬላያባ ኦሌይ ዋይኮ ዋርዶቴይ ኦኒካ ሄ ካታማ ጌሌና።

22

1 ያቲዲ፣ ኪታንቹይ ታና ያሳ ካዋቴላ ኣራታፔኔ ደርሳ ካዋቴላ ኣራታፔ ጎጊያ ማሰቶቴዳ ጸሊያ ዳዎ ሃላ ሻፋ ቤሲሰ።

2 ሄ ሻፋይ ካታማ ኦጊያ ገደራ ዲጌ ጎጌሰ። ሻፋፔ ሄፊንላ ባጋራኔ ሃፊንላ ባጋራ ኣጌናን ኢሲ ቶሆ፤ ላይላን ታማኔ ናምዑ ቶሆ ሳይፊያ ዳዎ ሚሊ ዳዒሰ። ሄ ሚላ ቦንጮይ ካዋቴላታ ኡባ ሃርጌፊ ፓሌሰ።

3 ሄ ካታማን ኣይቢ ቃንጌሌካ ዳና። ያሳ ካዋቴላ ኣራታይኔ ደርሳ ካዋቴላ ኣራታይ ሄ ካታማን ዳና። ያሳ ኣይሌተ ያሳሰ ኦላና።

4 ኤንቲ ኢያ ሶምዑዋ ቤዓና፤ ኢያ ሱንሳይ ኤንታ ሶምዎን ፃፊታና።

5 ሂዛፔ ቃሚ ዳና፤ ጎዳ ያሳይ ኤንታው ያምፔ ገዲያ ገሾ ኤንታው ያምፔ ዋይኮ ኣዋ ፖዎ ኮሹና። ኤንቲ ሜሪ ሜሪናው ካዋታና።

ዬሱሳ ዩሳ
6 ኪታንቹይ ታኮ፣ «ሃ ታ ኦዲያ ቃላይ ቱማኔ ኣማንሌይሳ። ጎዳይ፣ ናቤታ ባ ጌሻ ኣያናን ኪቲያ ያሳይ፣ ማታን ሃናናባ ባ ኣይሌታ ቤሳናው ባ ኪታንቹዋ ኪቲሰ» ያገሰ።

7 ዬሱሴ፣ «ሄኮ ታ ኤሌሳዳ ያና፤ ሃ ማፃፋን ዳዒያ ቲንቢቲ ቃላ ናጊያ ኦኒካ ኣንጄቲዳይሳ» ያገሰ።

8 ታኒ፣ ጥሃሊሴ፣ ሄ ኡባባ ሲዓሰ፤ ቤዓሰ። ታኒ ሄሳ ሲዒዳ ዋዴኔ ቤዒዳ ዋዴ ሄሳ ታና ቤሲዳ ኪታንቹዋ ጎይናናው ኢያ ቶሁዋ ቦላ ኩንዳሰ።

9 ሺን ኪታንቹይ ታኮ፣ «ሄሳ ኦላፋ! ታኒ ኔዳ፣ ናቤታዳ ኔ ኢሻታዳኔ ሃ ማፃፋን ዳዒያ ኡባ ኪቲቲያ ኣይሌታ ሜላ፤ ያሳ ጎይና» ያገሰ።

21:15 ሂዛ 40:3 21:21 ኢሳ 54:11-12 21:23 ኢሳ 60:19 21:24 ኢሳ 60:3 21:25 ኢሳ 60:11 21:27 ኢሳ 52:1፤ ሂዛ 44:9 22:1 ሂዛ 47:1፤ ዛካ 14:8 22:2 ሜዲ 2:9 22:3 ዛካ 14:10 22:5 ኢሳ 60:19፤ ዳኔ 7:18

10 ኪታንቸይ ዛሪዲ፥ «ሃ ኡባይ ፖሌቲያ ዋዴይ ማታቲዳ ጊሾ ሃ ማፃፋን ፃፊቲዳ ቲንቢቲ ቃላ ማታሚን ጎርደፋ።

11 ኢታ ኦሴይ ጉጂዲ ኢታ ኦሶ፤ ቱኔይ ጉጂዲ ቱኖ። ሎዖ ኦሴይ ጉጂዲ ሎዖ ኦሶ፤ ጌዬይ ጉጂዲ ጌዮ» ያገሰ።

12 ዬሱሲ፥ «ሄኮ፥ ታኒ ኤሌሳዳ ያና፥ ኢሱዋስ ኢሱዋስ ኢያ ኦሱዋዳ ኢማናው ታ ዋይቶይ ታራ ዴዔስ።

13 ታኒ አልፋኔ እሚጋ፤ ኮይርኔ ወርሴሊ፤ ደሚሴኔ ፖሎ።

14 «ባንታ ማዑዋ ሜጪዲ ጌሼይሳቲ እንጃቲዳይሳታ። ዴዖ ሚሴ አይፊያ ማናዉኔ ካታማ ፔንጊያራ ጌላናው ኤንታው ማቲ አሚቲስ።

15 ሺን ካናቲ፥ ቢቲይሳቲ፥ ላይማቲይሳቲ፥ ሸምፖ ዋዴይሳቲ፥ ኤቃ ጎይኔይሳቲ፥ ዋርዶ ዶሴይሳቲኔ ኦሴይሳቲ ካራን ዴዖሶና።

16 «ታኒ፥ ዬሱሲ፥ ሃ ማርካቴላ ሂንቲው፥ ዋሳ ኬላታስ ኦዳና ማላ

ታ ኪታንቸዋ ኪታስ። ታኒ ዳዊቲ ሼሼኔ ዜሬሊ። ታኒ ፖሊያ ጉራ ባካላ» ያገሰ።

17 ጌሻ አያናይኔ ጌላናው ጊጊዳ ማጫሲያ፥ «ሃያ» ያጎሶና። ቃሲ ሃይሳ ሲዒያ ኦኒካ፥ «ሃያ» ያጎ። ሳሞቲዳ ኦኒካ ሃዮ፤ ዴዖ ሃላ ኮያ ኦኒካ ጮ ኤኮ።

18 ታኒ ሃ ማፃፋን ፃፊቲዳ ቲንቢቲ ቃላ ሲዒያ ኦናካ ዘራይስ። ኦኒካ ሃ ቃላ ቦላ ኢሲባ ጉጂኮ፥ ያሳይ ሃ ማፃፋን ፃፊቲዳ ቦሻ ኢያ ቦላ ጉጃና።

19 ኦኒካ ማፃፋን ዴዒያ ቲንቢቲ ቃላፔ ኢሲባ ፓጪሲኮ፥ ያሳይ ሃ ማፃፋን ፃፊቲዳ ዴዖ ሚላ አይፊያፔኔ ጌሻ ካታማፔ ኢያ ቃዳ ፓጪሳና።

20 ሃ ኡባ ማርካቴይሲ፥ «ቲማ፥ ታኒ ኤሌሳዳ ያና» ያገሰ።

አሚንዒ፤ ጎዳ ዬሱሳ፥ ሃያ።

21 ጎዳ ዬሱሳ ኪሪሰቶሳ አዶ ኬሃቴላይ ሂንቲ ኡባራ ጊዶ። አሚንዒ።

22:11 ዳኔ 12:10 22:12 ኢሳ 40:10፤ 62:11፤ ማዝ 28:4፤ ኤር 17:10 22:13 ዮ.ቆ 1:8፣ 17፤ 2:8፤ ኢሳ 44:6፤ 48:12 22:14 ሜዶ. 2:9፤ 3:22 22:16 ኢሳ 11:1 22:17 ኢሳ 55:1 22:18 ዛሬ 4:2፤ 12:32